


Lataiqui' loya'apa
ite al c'a
lixpic'epa LanDios



New Testament in Chontal, Highland Oaxaca (MX:chd:Chontal,
Highland Oaxaca)

Lataiqui' loya'apa ile al c'a lixpic'epa LanDios

New Testament in Chontal, Highland Oaxaca

(MX:chd:Chontal, Highland Oaxaca)

copyright © 1991 Wycliffe Bible Translators, Inc.

Language: Chontal, Highland Oaxaca

Translation by: Wycliffe Bible Translators, Inc.

Chontal, Sierra de Oaxaca [chd], Mexico

Copyright Information

© 1991, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chontal, Highland Oaxaca

© 1991, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 30 Dec 2021

6400fb6e-80e3-5cbe-8b37-1a879c9db6c6

Contents

San Mateo	1
San Marcos	76
San Lucas	120
San Juan	197
Los Hechos	256
Romanos	331
1 Corintios	367
2 Corintios	400
Gálatas	422
Efesios	435
Filipenses	448
Colosenses	456
1 Tesalonicenses	465
2 Tesalonicenses	472
1 Timoteo	476
2 Timoteo	486
Tito	493
Filemón	497
Hebreos	499
Santiago	525
1 Pedro	534
2 Pedro	544
1 Juan	550
2 Juan	558
3 Juan	560
Judas	562
Apocalipsis	565

LATAIQUI' LINIŁPA SAN MATEO LOYA'APA İLE AL C'A LIXPIC'EPA LANDIOS

¹ Jifa'a ihniya iłpuftine litatahueló Jesucristo İecui'impá İi'hua cal rey David: Abraham itatahuelo David.

² Abraham i'ailli' Isaac.

Isaac i'ailli' Jacob.

Jacob i'ailli' Judá jouc'a lipimaye.

³ Judá i'ailli' Fares y Zara, qui'máma' ihniya cuftine Tamar.

Fares i'ailli' Esrom.

Esrom i'ailli' Aram.

⁴ Aram i'ailli' Aminadab.

Aminadab i'ailli' Naasón.

Naasón i'ailli' Salmón.

⁵ Salmón i'ailli' Booz. Qui'máma' Booz cuftine Rahab.

Booz i'ailli' Obed. Qui'máma' Obed cuftine Rut.

Obed i'ailli' Isái.

⁶ Isái i'ailli' cal rey David.

David i'ailli' Salomón. Qui'máma' Salomón iłque İaca'no' ate'a ilecopa cal xans Urías.

⁷ Salomón i'ailli' Roboam.

Roboam i'ailli' Abías.

Abías i'ailli' Asa.

⁸ Asa i'ailli' Josafat.

Josafat i'ailli' Joram.

Joram i'ailli' Uzías.

⁹ Uzías i'ailli' Jotam.

Jotam i'ailli' Acaz.

Acaz i'ailli' Ezequías.

¹⁰ Ezequías i'ailli' Manasés.

Manasés i'ailli' Amón.

Amón i'ailli' Josías.

¹¹ Josías i'ailli' Jeconías jouc'a lipimaye.

Lan xanuc' ihniya quiyouyomma İamats' Babilonia ilecom'mola' cal rey Jeconías jouc'a lixanuc', icuai'entsola' İamats' Babilonia.

¹² Jeconías i'ailli' Salatiel, iłque nıpaınyota İamats' Babilonia.

Salatiel i'ailli' Zorobabel.

¹³ Zorobabel i'ailli' Abiud.

Abiud i'ailli' Eliaquim.

Eliaquim i'ailli' Azor.

¹⁴ Azor i'ailli' Sadoc.

Sadoc i'ailli' Aquim.

Aquim i'ailli' Eliud.

¹⁵ Eliud i'ailli' Eleazar.

Eleazar i'ailli' Matán.

Matán i'ailli' Jacob.

¹⁶ Jacob i'ailli' José. Itque José ipe'ailli' María. Matque María hipo'nopa Jesús, itque cuftine cal Cristo.

¹⁷ Toxhuej'metsola' lihputine litatahueló cal Cristo, ihne liniliya jifa'a, toxhuej'me'mola' oquej nuxans oquexi'.

Topangocoła' Abraham, cocuaiya cal rey David, joupa oxhuej'mepola' imbamaj malujxi litatahueló cal Cristo.

Ti'hua toxhuej'metsola', topangococonla' David, cocuaiya petsi loya'apa: "... ilecom'mola' cal rey Jeconías jouc'a lixanuc', icuai'entsola' lamats' Babilonia". Jiłpe joupa oxhuej'mepola' ocuenaye imbamaj malujxi litatahueló cal Cristo.

Tijoula' topangococonla' petsi liniliya: "... ilecom'mola'... icuai'entsola' lamats' Babilonia", ti'hua toxhuej'metsola', cocuaiya liniliya loya'apa: "... María hipo'nopa Jesús, itque cuftine cal Cristo", jiłpiya joupa oxhuej'mepola' ocuenaye imbamaj malujxi litatahueló cal Cristo.

¹⁸ Itsiya cu'i'molhuo' li'ipa licuai'ma Jesucristo fa'a li'a lamats'.

María ti'i'ma qui'máma' Jesús. Itquiya joupa epi'ipa cataiqui' José. Iniya aiquejonhiyołtsi. María ma' ahuats', iximpoxi innay. Tołta'a li'e'epa cal Espíritu Santo. ¹⁹ José liximpa innay María, ¿te co'eya? Itque José tihuequi lataiqui' locuxepa LanDios. He lataiqui' ticua: "Iniya lan xujc'a cacal'no' tocufstola". José ixim'ma cuanuc' María, aimicua micufya. Ticua: "A'i cacufya. Aicuya'aya. Ma le'a aicalecoya."

²⁰ Micua tołta'a lipicuejma' José ipaiyo'ma. Imaxcaitsi anuli łepaluc LanDios. Itque łepaluc timi:

—José, ima' otatahuelo cal rey David. Itsiya camihuo': Aimoxhuełmot'le'ma. Tapenufla' María copeno. Ai xans łitai'ipa María. Ma cal Espíritu Santo itai'ipa. ²¹ Tipo'no'ma li'hua amijcano. Ima' tacui'i'ma Jesús. Itque tunłu'e'mola' lixanuc'. LanDios aimecani'eyacola'. He lipuftine lofmecui'ya tuhualquemma: Lonłu'eyale.

²² He li'ipa María enanłpa lataiqui' linespa cal profeta luya'apa linespa LanDios, tuya'e':

²³ ¡Tołcuejle! Łahuats' ti'i'ma quinnay, tipo'no'ma qui'hua.

Itque li'hua tecui'im'me Emanuel.

Lipuftine lacui'inyacu tuhualquemma: Fa'a tipa'a LanDios, almana' anuli.

²⁴ José imaf'i'ma, itsahuemma, i'e'ma ma to limipa łepaluc LanDios. Epenuf'ma María. Ileo'ma lejut'ł. ²⁵ Mi'huaijma tipajntsi cal te'a qui'hua María, tama imajm'me anuli lajut'ł, aiqui'eyołtsi anuli. Lipajntsi łamijcano, José ecui'i'ma lipuftine Jesús.

2

¹ Ihniya litiné, micuxe cal rey Herodes, Jesús ipajnyotsi liŷya' cuftine Belén, lopa'a al distrito Judea.

Maŷniya litiné lan xanuc' linxingufale icuaitsa al distrito Judea, al cuecaj quiŷya' Jerusalén. (Ihniya tecui'innila' lam Mago.) Quiyoyomma hilemats' pe liyuf'maj 'ora.

² Icuitsuf'me. Timinnila' lan xanuc' nomana' Jerusalén:

—Imanc' unc'ijudío, ¿pe copa'a lamijcano iŷque toŷrey? Aŷsimpá liyuf'ma hixamna toya'apa joupa ipajnta iŷque cal rey. Aŷcuai'me laxc'onŷingoŷai'me.

³ Licuej'ma iŷe lataiqui' cal rey ixhuelconni. Jouc'a ixhuelconca jahuay lan xanuc' nomana' jiŷpe liŷya' Jerusalén.

⁴ Cal rey ijoc'i'mola' lixanuc' cal cuecaj ca'ailli' jouc'a lomxiye nomuc'iyalepá locuxepa LanDios. Icuis'e'mola', timila':

—Al Paxi Liniŷingiya, ¿te quicuapa? ¿Pe copajnyoya cal Cristo?

⁵ Ihniya timiyi:

—Cal Cristo tipajnyota liŷya' Belén, lopa'a al distrito Judea. Toŷta'a licuapa cal profeta liniŷpa linespa LanDios, tuya'e': ⁶ Ima' Belén, miŷya' loŷpa'a al distrito Judea,

aimetets'i'mo' iŷne nocuxempola' lan xanuc' nomana' lamats' Judá.

Ima' ti'i'mo' quipiŷya' anuli cal cuecaj nocuxeya.

Iŷque ac'a ticuxe'mola' laixanuc', ihniya lixanuc' Israel.

⁷ Herodes i'e'moxi ch'ix. Ijoc'i'mola' iŷne linxingufale, iŷne lam Mago, timila':

—¿Te quitine limaxcaita cal xamna? Lu'iŷa'.

⁸ Ihniya u'i'me. Cal rey Herodes umme'mola' tiyete liŷya' Belén. Timila':

—Tonŷete, jiŷpe liŷya' tolahuetsa lamijcano. Litine toŷsintsa, alu'i'ma. Iya' jouc'a ca'hua'ma. Caxc'onŷingaita.

⁹ Lam Mago iquimf'e'me cal rey limipola', iye'me.

Miŷmana' hilemats' iŷne iximpá limaxcaita cal xamna. Itsiya maŷque cal xamna i'huaj'me'mola'. Licuaitsi lajut'ŷ pe lopa'a lamijcano, imaxcaiconno, ecaxemma al toncay.

¹⁰ Ixoconni quileta lam Mago lixim'me cal xamna.

¹¹ Itsulfoŷai'me lajut'ŷ, ixim'me lamijcano jouc'a María, iŷque i'máma'. Exc'onŷingoŷai'me lamijcano. Exi'e'me liŷcaxax, icuf'i'me lamijcano liŷtaic'. Tipa'a al 'oro, tipa'a al 'incienso, tipa'a laceite ipitali juaiconapa, tujuej c'a, lipuftine mirra.

¹² Lam Mago ipaiyo'me. LanDios timila':

—Aimoluyalaiconata pe lopa'a cal rey Herodes.

Licuej'me toŷta'a, ocuena cane iyena'me, icuainatsa liŷpiŷya'.

¹³ Liyena'me lam Mago, José ipaiyocona'ma. Ixim'ma anuli lepaluc LanDios. Lopaluc timi:

—Totsahuenni. Tolecotsola' łamijcano jouc'a qui'máma'. Itque cal rey Herodes tumme'mola' lixanuc' tehue'me łamijcano tima'anle. Aimicol'molhuo' tonlele łamats' Egipto. Tołmajntsa jilpiya. Iya' cu'ito' te quitine tołpailinacu.

¹⁴ José itsahuenni ile lipuqui', ileco'mola' łacamijcano jouc'a qui'máma'. Iye'me, icuaitsa łamats' Egipto. ¹⁵ Jilpe imajnhuo'me. Timanła' cal rey Herodes ilne tipailinacu, ticuainata hilemats'. He lo'iya tenant'ma luya'apa cal profeta, itque uya'apa locuapa ŁanDios, ticua: “Aijoc'ipa łai'hua, tipanni jilpe łamats' Egipto”.

¹⁶ Lixim'ma cal rey Herodes lam Mago lifel'mipa, ixtunni juaiconapa. I'nujuaitsi lu'i'me lam Mago. Ilne ines'me: “Itsiya joupa uyaipa to oquej camats' lałsimpa limaxcaita cal xamna”.

Cal rey umme'mola' lixanuc' tima'antsola' lan tsocay camijcanó limajnyota liya' Belén jouc'a hilelołya' lomana' huejnca. Tima'antsola' jahuay laicamijcanó, ja'ni lixhuaitola' oquej camats', o ja'ni aiquixhuaiyila', ma' anuli tima'antsola'. ¹⁷ Tołta'a enant'ma linespa cal profeta Jeremías, tuya'e':

¹⁸ Jilpe łamats' Ramá ticuequinni anuli łaca'no' tijoqui, tija'e'. Itquiya Raquel, tijoqui, tixhuełma li'ipola' linaxque'.

Aimicua miłonc'e'enyacu lipixhuejma', linaxque' joupa ima'ampola'.

¹⁹ José mipa'a łamats' Egipto imana'ma Herodes. Ipaiyocona'ma, ixim'ma anuli łepaluc ŁanDios. ²⁰ Łepaluc timi:

—Totsahuenni. Tolecotsola' łamijcano jouc'a qui'máma'. Tołpailinanca, tonlele łolamats' Israel. Joupa imanapola' ilne nehuepá tima'anle łamijcano.

²¹ José itsahuenni, ileco'mola' łamijcano jouc'a qui'máma'. Ipailinanca, ticuainata hilemats' Israel. ²² Licuaitsa jilpe José icuej'ma: “Arquelao, li'hua Herodes, ticuxe al distrito Judea”. Ixpaiconni. Ticua: “Jilpe al distrito Judea, aimi'iya małeyacu”.

Ipaiyocona'ma. ŁanDios u'i'ma lo'eya. Iye'me, ticuainata al distrito Galilea. ²³ Icuaitsa, iye'me liya' Nazaret, jilpe imanenca. Tołta'a enant'co'ma linespa lam profeta, ilne uya'apá loyaicoya Jesús. Icuapá: “Itque tecui'im'me łas Nazaret”.

3

¹ Iłniya łitiné Juan Bautista icuaitsi al distrito Judea, ipajm'ma pe ailopa'a quilya'. Jilpe tuya'e', ² tu'ila' lan xanuc':

—Imanc' tołsuej'menanca, ŁanDios cal Rey icuaico'ma, timajm'me anuli lixanuc'.

³ Cal profeta Isaías inesco'ma Juan Bautista łocuicoya, tuya'e':

Petsi ailopa'a quilya' tuya'e' anuli cal xans, tu'ila' lan xanuc': “Tołłanc'e'le lipene łalPoujna. Toł'e'ele alijca lane pe loyaicoya.”

⁴ Lipijahua' Juan ipuficoya ipimij camello. Lifi'ecoyoxi ixmi. Litejua' axa'mut'ł, acujua c'ec. ⁵ Axpela' lan xanuc' itsehuc' me pe lopa'a Juan. İhniya lan xanuc' quiyoyomma li'ya' Jerusalén, jouc'a quiyoyomma locuenaye quitelo'ya' al distrito Judea, jouc'a quiyoyomma jilpe lihuojma' al cuecaj pana' Jordán. Icuaitsa pe lopa'a Juan. ⁶ Luya'a'me li'junac', Juan epo'i'mola' al pana' Jordán. ⁷ Axpela' lan xanuc' fariseo jouc'a lan saduceo icuaitsa pe lapo'iyaleyopa Juan. Lixim'mola' Juan timila':

—Imanc ti'onłcospolhuo' to lacałpo', a'ijc'a loł'ejma'. ¿Te ja'ni u'impolhuo': “Tolapolite. Tołta'a aimoltełcoyacu al cueca' catełcoya locuaicoya”? ⁸ Iya' camilhuo': A'i tołta'a mol-unłyacu. Ticuicomma tonł'ete al c'a, ma to mi'eyi İhniya nixhuej'menamma.

⁹ 'Imanc' tołcuayi: “Abraham altatahuelo. İllanc' ixanuc' LanDios. İhquiya aimalacani'eyaconga'.” Iya' camilhuo': LanDios aimehue'eyacola' quixanuc'. İhna'a lopic' nipajnya ti'e'e'mola' quinaxque' Abraham. ¹⁰ LanDios ti'onłicolhuo' to al 'ec. Joupa ipo'nompacal hacha huejnca ĩme al 'ec. Ja'ni ti'atsi a'ijc'a ĩ'as, tetequinam'me, tixanc'onnata ĩunga.

¹¹ 'Ja'ni joupa ołsuej'menamma lixcay lonł'epa, iya' capo'ico'molhuo', capaxneco'molhuo' aja'. Ticuaihuo ocuenaj cal xans, ilque xonca acueca'. Iya' aimal'onłspa ilque, ni aimi'iya catac'ueya lic'eji'. İlque tepo'iyaleco'ma cal Espiritu Santo jouc'a ĩunga. ¹² İlque ticuaiyunni ti'onłcospa to cal xans tifus'ma ĩtrigo. Ti'noł'ma lofuscoya, tequeyof'ma ĩtrigo, tiłojm'ma ĩpifuc cal trigo. Cal c'a trigo ti'huejnata lihua. Lipifuc tipi'enghua petsi ĩunga aimipica.

¹³ Jesús lipanni al distrito Galilea icuaitsi al pana' Jordán, jilpe copa'a Juan Bautista. Timi:

—Lapo'ıla'.

Juan aimicua. Ticua aimi'iya. ¹⁴ Timi Jesús:

—Ticuicomma ima' lapo'ıla' iya'. ¿Te co'iya caifnepo'icoyaco' ima'?

¹⁵ Jesús italai'e'e'ma, timi:

—Itsiya' to'ela' laifxahue'epo'. Jahuay al c'a lałcuxe'eponga' LanDios lał'eyacu ticuicomma lanant'lıte.

Juan i'e'ma lixahue'e'ma Jesús. Epo'i'ma.

¹⁶ Lijoupa lepopa Jesús aikuicoł'ma, ipanni laja'. Małpe 'hora itsałquenni lema'a. İxim'ma cal Espiritu Santo ti'onłcospa to anuli cal ja'mu', icuaico'ma timumma tihuoxaf'caita. ¹⁷ Tipalay jipu'hua lema'a, łamats' icuequim'me, ticua:

—İca'a ai'Hua, ca'ay capic'a juaiconapa. Latenłma lipicuejma' jouc'a li'ejma'.

4

¹ Cal Espíritu Santo i'hua'a'ma Jesús, icuai'etsi pe ailopa'a quiya', ailopa'a xanuc'. Jiłpiya łonta'a Satanás ehuaitsi. ² Micoli oquej nuxans quitine, oquej nuxans quipuqui', aimitesma, ixnet'ı'ma. Lixhuaitsi iłne łitiné, unle'enni juaiconapa. ³ Licuaitsi łonta'a, iłque łinahuaiyalepa, timi:

—Ima' ja'ni i'Hua ŁanDios tocuxe'etsola' iłna'a lopic'. Tomit-sola': “Ti'itsolhuo' ca'i”.

⁴ Jesús italai'e'e'ma, timi:

—Al Paxi Linilingiya ticua: “Łoteja cal xans aimites'miya lipitine. Ticuicomma jouc'a Litaiqui' ŁanDios, jahuay lonespa iłque.”

⁵ Łonta'a ileco'ma al Paxi Quiya' Jerusalén. Icuai'etsi pe lopa'a al cuecaj xoute', xonca al toncay. Jiłpe ecaxu'ma. ⁶ Timi:

—Ima' ja'ni i'Hua ŁanDios, taiyuła' al 'ocay. Al Paxi Linilingiya ticua:

ŁanDios tumme'mola' lepaluc' titoc'i'mo'.

Tipulnuf'mo' liłmane, tołta'a lopic' cane ailopa'a co'eyaco'.

Aimixcai'eyaco'.

⁷ Jesús timi:

—Al Paxi Linilingiya jouc'a ticua: “Aimahuai'ma ŁanDios iłque omenDios”.

⁸ Łonta'a ehuaicona'ma. I'hua'a'ma al toncay anuli łijuala xonca i'nof'quiya. Imuc'i'ma jahuay lan nación jouc'a lił'huexi.

⁹ Timi Jesús:

—Łaxc'onłingaiłta'. Iya' capi'ina'mo' comane. Tocuxena'ma jahuay iłiya.

¹⁰ Jesús timi:

—Ima' monta'a to'huanłta'. Alpo'nołta' caituca'. Al Paxi Linilingiya ticua: “Łaxc'onłingaiłta' ŁanDios iłque omenDios. Ma le'a iłque tomi'ma: Ima' unCueca'.”

¹¹ Łonta'a i'huana'ma. Ipanenni quituca' Jesús. Icuaiyunca lapaluc' quema'a. Itoc'i'me, ites'mi'me.

¹² Licuej'ma Jesús: “Juan Bautista itats'ıya”, itsecona'ma Galilea. ¹³ Ux'maspa lipiıya' Nazaret, i'hua'ma ipajntsi jiłpe liłya' cuftine Capernaum. Ihe liłya' copa'a łema al cuecaj quin'nuhua', jiłpe łilemats' Zabulón y Neftalí. ¹⁴ Tołta'a enanłpa linespa cal profeta Isaías. ¹⁵ Iłque inescopa lo'ıya jiłpiya “... łilemats' Zabulón y Neftalí, lane lotsepa łema caja, łamats' locuena quiju' al pana' Jordán, Galilea pe lomana' lan xanuc', iłne pe aimimetsaicoyi ŁanDios”. ¹⁶ Jouc'a ticua:

Lan xanuc' nomana' jiłpiya tocomma tiyelocoyi al muf, iłne ixim'me al cueca' quepalc'o'.

Jiłpe łamats' ti'hua lamaya, tunxamu'ela', tixpaic'ela'.

İtsiya iłic'enapa, epalc'onapola'.

17 Licuaitsi jilpiya al distrito Galilea, Jesús ipango'ma uya'a'ma Lataiqui' loya'apa ite al c'a lixpicepa LanDios. Timila' lan xanuc':

—¡Tolsuej'menanca! Itsiya icuai'ma cal Cuecaj Rey Nopa'a lema'a. Ticuxela' lixanuc'.

18 Anuli litine Jesús ti'hua lema al cuecaj quin'nuhua' Galilea. Ixim'mola' loquexi' lapimaye, Simón y Andrés. Itque Simón tecui'impá Pedro. Ine in'noipá catuye. Tecajm'miyi hixami lin'nuhua'. 19 Jesús timila':

—¡Lihuejla! Itsiya to'noiyi catuye. Iya' capi'i'molhuo' ocuena colpenic'. Tolahuetola' lan xanuc', ihniya lihuejla'.

20 Pedro y Andrés aikuico' mola'. Ipo'no'me hixami, ihuej'me Jesús.

21 Jesús uyai'ma nihuata, ixim'mola' ocuene oquexi' lapimaye, ihniya inaxque' Zebedeo. Lihpuftine Jacobo y Juan. Ihniya quif'ailli' Zebedeo tiscu'olanna al barco. Tenaj'mot'hiyi hixami ti'noicota latuye. Jesús ijoc'i'mola', timila':

—¡Lihuejla!

22 Aikuico' mola'. Ipo'no'me al barco jouc'a quif'ailli'. Ihuej'me Jesús.

23 Jesús ti'huaf'cay jahuay al distrito Galilea. Ti'hua timuc'iyale jilpiya lajut'hi pe lafoiyomma. Tuya'e' te ts'i'ic' lixpicepa LanDios, ite lataiqui' loya'apa al c'a. Tixa'l'mela' lan xanuc' jahuay hixpumla, jahuay hixcuana. Ite litaiqui' loya'apa ticua: "Icuai'ma LanDios cal Rey. Timajm'me anuli lixanuc'." 24 Jahuay lamats' Siria lan xanuc' icuej'me lo'epa Jesús. Icuai'enca jahuay lilefcualtay, jouc'a noxingufcopá hixpumla, jouc'a litsufilai'la' contahue, jouc'a lan mac'ojay, jouc'a luhualqueya. Jesús ixal'mena'mola'.

25 Ihuej'me axpela' lan xanuc' lun Galilea, jouc'a lan xanuc' hixpitoloya' cuftine lan Decápolis, jouc'a lun Jerusalén, jouc'a lan xanuc' nomana' ni petsi al distrito Judea, jouc'a nomana' locuena quiju' el cuecaj pana' Jordán.

5

1 Jesús ixim'mola' axpela' lan xanuc' tihuejyi, if'aj'ma lijuala. Jilpiya icutshuai'ma. Hoc'olai'me ts'ilihuequi. 2 Ipango'ma imuc'i'mola', timila':

3 —Lan xanuc' ts'ihisina' tehue'ela' juaiconapa, ite linca tuyalaicoyi al c'a. Mañiya timajm'me anuli LanDios hixRey.

4 'Lan xanuc' nohuotsopá, ite linca tuyalaicoyi al c'a. Mañiya tihonc'e'em'mola' hixpilhuejma'.

5 'Lan xanuc' pe aimi'e'eyoltsi tsila', ite linca tuyalaicoyi al c'a. Mañiya ixanuc' LanDios, itque tepi'i'mola' quif'mane ticuxe'me fa'a li'a lamats'.

6 'Lan xanuc' nojanajpá latentcocolpa LanDios, nocuapá: "LanDios al'e'etsonga' hijca lałpicuejma'", iñe linca tuyalaicoyi al c'a. Mañiya ti'e'em'mola' hijca liłpicuejma'.

7 'Lan xanuc' noximpá cuanuc' liłpimaye, iñe linca tuyalaicoyi al c'a. Mañiya tixinim'mola' acuanuc'la.

8 'Lan xanuc' ts'anuli liłpicuejma', iñe linca tuyalaicoyi al c'a. Mañiya tixim'me LanDios.

9 'Lan xanuc' nocuapá: "Catoc'i'ma laipima. Tuyaila' al c'a ilque", iñe linca tuyalaicoyi al c'a. Mañiya timetsaicom'mola' inaxque' LanDios.

10 'Lan xanuc' notecopá mihuejyi al hijca cane, iñe linca tuyalaicoyi al c'a. Mañiya timajm'me anuli LanDios hiłRey.

11 'Imanc' ts'alihuequi, ja'ni lan xanuc' titaletsolhuo', ja'ni timilojtsolhuo' cataiqui', ja'ni titeł'mitsolhuo', ja'ni tinesc'etsolhuo' ma mifel'miyaleyi, imanc' linca tuluyalaicoyi al c'a. 12 Tołta'a imanc' ti'onłcocolhuo' to lam profeta. Luyaipa quitine ma tołiya litełcocolpa iñiya. ¡Toliyuc'tsełe tixojla' cunlata! Jipu'hua lema'a tipa'a al cueca' lapi'inyacolhuo'.

13 'Imanc' ma mołmana' li'a łamats' ti'onłcospolhuo' to ł'hue. ¡Tołe tipajnlá! Aimi'i'molhuo' to ł'hue luyaipa lic'a. Ique ł'hue aimi'iya milajn-naya. Lan xanuc' tejuajaispá łuna, ti'huailequinna.

14 'Mołmana' fa'a li'a łamats' imanc' ti'onłcospolhuo' to lepalc'o', ti'onłcospolhuo' to liłya' lilajmpa al toncay lijuala, aiquemiya. 15 Munai'im'me lepalc'o' aimic'omnumiquinni anuli c'ec. Tipo'nonni pe lopyyopa. Tołta'a tepalc'o'ila' jahuay nomana' lajutł. 16 Ma tołta'a ti'ila' loł'ejma' imanc'. Tolapalc'o'itsola' loł'as xanuc'. Ton'e'etsola' al c'a. Tołta'a ticua'me: "Acueca' conł'Ailli' Nopa'a lema'a. Ac'a ilque."

17 '¿Te aga tołnesyi: "Jesús icuaicoco'ma fa'a li'a łamats' tetełla' locuxepa LanDios, iñe lataiqui' linilijmpa Moisés, jouc'a linilijmpa lam profeta"? Ai. Aicuaicoco'ma canant'łila' locuxepa LanDios, aicatełya. 18 Iya' camilhuo' al linca: Ma mipa'a lema'a li'a łamats', aimehue'eya ni anuli łainila' xonca łaca'hua, ni tołta'a anuli łacumi. Iñe litaiqui' LanDios jahuay tipanehuo. Ma' mi'hua menantł lixpicepa LanDios, jouc'a ti'hua tipanehuo litaiqui'. 19 Anuli cal xans ja'ni aimihuejma' iłiya litaiqui' LanDios locuxepa, tama lataiqui' xonca aca'hua, ja'ni timuc'itsola' tołta'a lif'as xanuc', ilque cal xans tixinim'me xonca aca'hua pe lomana' lan xanuc' naihuejcopá cal Rey Nopa'a lema'a. Locuena cal xans naihuejcopa LanDios, timuc'itsola' lan xanuc' tihuejcołe, ilque tixinim'me acuecaj xans pe lomana' lan xanuc' naihuejcopá LanDios cal Rey Nopa'a lema'a.

20 'Iya' camilhuo': Aimot'onhico'moitsi to lam fariseo ni lomxiye nomuc'iyalepá locuxepa ÆanDios. Tont'ete xonca al c'a. Ti'ila' xonca al hijca lof'ejma'. Ja'ni a'i, aimoitsufliayacu pe lomana' naihuejcopá ÆanDios, iñque cal Rey Nopa'a lema'a.

21 'Imanc' ołsina' lataiqui' lu'impola' lan xanuc' ihniya nima-jmpá luyaipa quitine. U'impola': "Aimołma'ahuale'me. Naitsi noma'ahualepa titai'ma lijunac'. Tecani'em'me." 22 Iya' camilhuo': Cal xans ja'ni ti'hua tixtuc'o hipima, titai'ma lijunac'. Cal xans ja'ni timilojla' cataiqui' hipima, tilecom'me pe lafołyomma lan xanuc' noxpijpá lataiqui'. Cal xans ja'ni tetets'ila' hipima, timila': "Ima' uncue camac'ta", iñque titełcota lunga pe lopa'a al muf.

23 'Tocuaisi pe lotsufcoyompa ÆanDios, ma mopa'a jilpiya pe loftsufcoyoya, ja'ni to'nujuaisi łopima tixtuc'ohuo', 24 topo'noła' jilpiya loftsufcoya, to'huala' toxintsi łopima. Topac'etsi lipoyac' łopima, tołmajnle al c'a, tołpac'enatsołtsi. Tijouła' topainanni, tocuinata pe loftsufcoyoya, totsufcoła' ÆanDios.

25 'Iñque naixtuc'opo' ja'ni ti'hua'atso' cal juez, aimicoł'mo', topac'ela'. Topalaic'ola' ma monłeyi lane. Ja'ni a'i, iñque ticufto' cal juez, cal juez ticuto', lapaluc' titats'e'mo'. 26 Iya' camihuo' al linca: Ma mi'hua cotaiyinge, tama tutani le'a, jilpiya topajnta, aimaipaya.

27 'Imanc' ołsina' lu'impola' lan xanuc' nimajmpá luyaipa quitine. U'impola': "Aimoxhuico'ma hipeno łof'as xans". 28 Iya' camilhuo': Cal xans mehuelonge anuli łaca'no', ja'ni ticua lipicuejma': "Caxhuicoła'", iñque cal xans joupa itaipa lajunac'. Tocomma to joupa ixhuicopa.

29 'Camihuo': Ja'ni iñe lofmehuelojmpa timenac'ihuo', topulcufla' lo'u, taca'niła' aculi', tama ihya lo'u al c'a camane. Tołta'a ma le'a anuli lo'u tejac'ma aimimef'minyaco' lunga. 30 Ja'ni lomane timenac'ihuo', tama ihya al c'a comane, tatejla', taca'niła' aculi'. Tołta'a ma le'a anuli lomane tejac'ma, aimimef'minyaco' lunga.

31 'Luyaipa quitine uya'ampá: "Cal xans nixpic'epa tux'masla' hipeno, tepi'ila' lije'e, tijouła' tux'masnała'". 32 Iya' camilhuo': Ai. Cal xans aimi'iya mux'masya hipeno. Ja'ni łaca'no' joupa ihuejpa ocuenaj xans, hipe'ailli' nipajnya tux'masla'. Ja'ni a'i aimi'iya. Iñque łaca'no' joupa lux'masquimpa ja'ni tihuejla' ocuenaj xans, titai'ma lajunac'. Naitsi nolecoya łaca'no' jouc'a titai'ma lajunac'.

33 'Jouc'a ołsina' lu'impola' lan xanuc' nimajmpá fa'a luyaipa quitine, ticuayi: "Ja'ni o'epa jurar, aimopał'i'ma jilhiya lotaiqui'. Lotaiqui' joupa o'epa jurar ÆanDios, tanant'hi'ma. Ja'ni aimanant'hi, totai'ma lajunac'." 34 Iya' camilhuo':

Aimo'e'ma jurar. Aimocua'ma: “Por lema'a”. Jitpiya ticutsu LanDios cal Cuecaj Juez. ³⁵ Aimocua'ma: “Por li'a lamats'”. Li'a lamats' tocommma to hipitas LanDios lacaxaf'i'ipa li'mitsi'. Aimocua'ma: “Por al cuecaj quitya' Jerusalén”. Jitpiya ipitya' LanDios cal Rey. ³⁶ Jouc'a aimocua'ma: “Por lajuac”. Ima' cotuca' aimi'ya mocuxe'eya lojuac. Anuli lajuac lumi aimi'ya mo'eya fujca. Jouc'a lajuac al fujca aimi'ya mo'eya umi. ³⁷ Aimo'e'ma jurar. Ma le'a tocua'ma: “Tohta'a ca'e'ma”, o “Ai, aica'eya”. Aimo'lofi'ma cataiqui'. Ja'ni tolofi' cataiqui' a'i LanDios micuxe'ehuo' ihiya lofnepa. Ma le'a lonta'a ticuxe'ehuo'.

³⁸ 'Olsina' luya'ampá luyaipa quitine, ticuayi: “Anuli cal xans ja'ni joupa ipa'empá anuli li'u, itque mipai'iconghua, tipa'econa'ma ma le'a anuli li'u. Ja'ni anuli cal xans tipa'em'me anuli li'ay, itque mipai'iconghua, tipa'econa'ma ma le'a anuli li'ay.” ³⁹ Iya' camilhuo': Ja'ni a'ijc'a lo'epo', aimocuanaj'moxi. Ja'ni tuntafhuo' lopeque al c'a camane, tocufla' lopeque loxa camane tuntafcontso'. ⁴⁰ Ja'ni ticuxecotso', texic'e'mo' lotsamalo, tommitla' lotsamalo jouc'a tommitla' lopuquiya. ⁴¹ Ja'ni ts'ipenic' ticuxe'etso' timitso': “Lacanumf'eta cane oquej kilometro. Altoc'ila' lainitay”, ima' tacanumf'eta amalpu kilometro. ⁴² Naitsi noxahue'epo', tapi'ila'. Ja'ni tixahue'etso', timitso': “Lapi'ila', tijoula' cacuai'enaco'”, aimocuanaj'ma.

⁴³ 'Imanc' olsina' luya'ampá luyaipa quitine, ticuayi: “To'e'ma capic'a lopima. Aimo'e'ma capic'a naixtuc'opo'. Itque to'e'ma laic'.” ⁴⁴ Iya' camilhuo': Tonf'e'mola' capic'a naixtuc'opolhuo'. Tolsahue'ete LanDios titoc'itsola' ihniya notel'mipolhuo'. ⁴⁵ Ja'ni tole lo'ejma' alinca ti'i'molhuo' inaxque' LanDios, itque col'Ailli' Nopa'a lema'a. Itque ticuxe'e li'ora tepalc'o'itsola' jahuay lan xanuc'. Ja'ni lan c'a xanuc', ja'ni lixcay xanuc' tepalc'o'ila'. Jouc'a ticuxe'e ticuila' ni petsi lomana' lan xanuc', petsi no'epá al c'a, jouc'a petsi no'epá lixcay, ma' anuli ticui'e. ⁴⁶ Ja'ni to'etsola' capic'a ma le'a itne no'epolhuo' capic'a, ¿te cululijpa? Ma tohta'a mi'eyi lin'najts'i'iyale. ⁴⁷ Ja'ni ma le'a to'nonnila' lo'pimaye, ¿te ma tonf'eyi xonca al c'a? Ai. Lan xanuc' pe aimimetsaicoyi LanDios tole mi'eyi. ⁴⁸ Col'Ailli' Nopa'a lema'a ti'ay pangay al c'a. Imanc' jouc'a tonf'ete pangay al c'a.

6

¹ 'Ja'ni imanc' tolapi'i'mola' lan xanuc' quitomí, aimocua'me: “Alsintsonga' lan xanuc'. Limetsaico'monga' ninc'ic'a xanuc'.” Ja'ni tole tolcuayi ailopa'a capi'iyacolhuo' col'Ailli' Nopa'a lema'a. ² Monlapi'ila' quitomí lan xanuc' pe

aiquil'hueca, aimo'e'me to mi'eyi lan xanuc' iñe no'e'epołtsi to joupā ixanghuaitola' liłpicuejma'. Iñe micu'me al tomı́ tifus'miyi liłtrompteta, ticuayi: “¡Ałsinta! Iya' capi'i'ma quitomı́ itca'a cal xans, itque aiqui'hueca.” Tołta'a mi'eyi mimana' ļajut'hi pe lafołyomma lan xanuc' o miyeyi lexpats'qui cane, tołta'a mi'eyi. Iñiya ticuayi: “Alimetsaicontsonga' xonca ac'a lałpicuejma', lał'ejma'”. Iya' camilhuo': Ne', itole timetsaicontsola' Ailopa'a capi'iyacola' LanDios. ³ Ima' tołta'a aimo'e'ma. Ja'ni tapi'itsola' quı́tomı́ lan xanuc' pe aiquil'hueca, to'ela' ch'ixca. Aimoya'a'ma lof'eya. Ni ima' cotuca' aimo'nujuais'ma locupa. Ni loxa camane mixim'ma lo'epa al c'a camane. ⁴ Tołta'a aimixininyaco' motoc'ila' iñe lan cuanuc'la. Co'Ailli' Nopa'a lema'a itque linca tehuelojnhuo' iñe lof'epa jilpe petsi aimehuelojnhuo' lan xanuc'. Itque tepi'i'mo' lofmulijya.

⁵ 'Ma' mołpalaic'oyi LanDios, aimo'e'e'mołtsi to iñiya lan xanuc' no'e'epołtsi to joupā ixanghuaitola' liłpicuejma'. Iñiya mipalaic'oyi LanDios tecaxołanna jilpiya ļajut'hi pe lafołyomma lan xanuc'. Jouc'a tipalaic'oyi LanDios mecaxingołaiyi pe ļatenuficopa ļaneya. Ma tołta'a ilpic'a. Ticuayi: “¡Ałsintsonga' lan xanuc' małpalaic'oyi LanDios!” Iya' camilhuo': Ne'. Joupā ixinimpola'. Joupā tipa'a lolijyacu. Ailopa'a xonca. ⁶ Ima' aimo'e'ma to iñiya. Ja'ni topalaic'o'ma LanDios totsufai'ma lomejut'ł, tati'i'ma lopuerta. Jilpiya cotuca' topalaic'o'ma co'Ailli', itque Nopa'a petsi lan xanuc' aimi'iya mixinyacu. Itque co'Ailli' linca tehuelojnhuo' lof'epa, iñe to'ay petsi aimehuelojnhuo' lan xanuc'. Ma' itque tepi'i'mo' lofmulijya.

⁷ 'Imanc' mołpalaic'oyi LanDios aimo'e'me to mi'eyi lan xanuc' pe aimimetsaicoyi LanDios. Iñe mixahue'eyi lilendiosla' timiyi axpe' cataiqui'. Aiquil'sina' te locupa. Ticuayi: “Ałmitsola' axpe' cataiqui', tołta'a lalandiosla' ałquimf'e'monga'”. ⁸ Imanc' aimo'lonhico'mołtsi to lił'ejma' iñnu'hua. Coł'Ailli' ixina' iñe lahue'epolhuo' ai'a tołsahue'e'me. ⁹ Mołpalaic'oyi LanDios tołmife:

Ima' ał'Ailli' cofpa'a lema'a,
timetsaicontso' apaxi lopuftine.

¹⁰ Ticuaitsi litine petsi jahuay lan xanuc' timetsaicotso' ima'
iñRey.

Pu'hua lema'a jahuay tihuejcohuo', tołta'a tihuejcołso' fa'a li'a
ļamats'.

¹¹ Lałtepa itine itine, lapi'itsonga' itsiya.

¹² Illanc' joupā limenc'e'ecopola' iñe ts'altaiyinc'enga'.

Ima' jouc'a limenc'e'ecotsonga' iñe lałtaiyinc'ehuo'.

¹³ Aimalłeco'monga' petsi lalahuaiyonyacongā.

Ja'ni tiloc'huai'ma pe lałmana' lixcay xans, jima' lunhu'etsonga'!

14 'Imanc', ja'ni tolimenc'e'ecotsola' lof'as xanuc' iŕe lo'epolhuo', jouc'a coŕ'Ailli' Nopa'a lema'a timenc'e'eco'molhuo' iŕe lixcay lonŕ'epa. 15 Ja'ni imanc' aimolimenc'e'ecola' lof'as xanuc' lo'epolhuo', coŕ'Ailli' Nopa'a lema'a jouc'a aimimenc'e'ecoyacolhuo' lixcay lonŕ'epa.

16 'Imanc' moŕsnet'ŕyi aimoŕtetsoyi, aimonŕ'e'me to lan xanuc' iŕne no'e'epoŕtsi to joupa ixanghuaitola' liŕpicuejma'. Iŕne mixnet'ŕyi aimitetsoyi, ti'e'eyoŕtsi to nohuotsopá. Tupaxc'eyoŕtsi liŕ'a, tixinintsola' lan xanuc' tixnet'ŕyi iŕniya. Iya' camilhuo': Ne'. Joupa ixinimpola' toŕiya. Joupa tipa'a lolijyacu. Ailopa'a xonca. 17 Ima' moxnet'ŕqui, to'huaŕcufŕa' al c'a ŕojuac, to'ot'ŕiŕa' laceite, tapajla' lo'a. 18 Toŕta'a tixinim'mo' to aimoxnet'ŕqui, tocomma ma totesma. Ma le'a co'Ailli' tixina, iŕque Nopa'a pe lan xanuc' aimi'iya mixinyacu. Iŕque linca tehuelojnhuo' lof'epa jŕpe petŕi aimixinghuo' lan xanuc'. Ma' iŕque' tepi'i'mo' lofmulijya.

19 'Imanc' aimolafot'ŕe'me coŕ'huexi fa'a li'a ŕamats'. Jifa'a iŕe loŕ'huexi tijouna'ma. Lan huoxmi tite'me o tunxilai'ma, o lan namats' titsuflai'me lomejut'ŕ, tinantsej'mo'. 20 Ma moŕmana' fa'a li'a ŕamats' xonca tonŕ'ŕe ti'ŕa' loŕ'huexi jipu'hua lema'a. Jŕpe aimateji lan huoxmi, ailopa'a. Aimunxilaiya. Ni lan namats' aimitsuflaiyacu lomejut'ŕ minantsejyaco'. Jŕpiya ailopa'a. 21 Pe lopa'a loŕ'huexi maŕpiya copa'a loŕpixoŕma cata.

22 'Lo'u tepalc'o'ihuo'. Ja'ni ac'a lo'u toxim'ma pe lof'huaya, toxim'ma iŕe lof'epa. 23 Ja'ni a'ijc'a lo'u topanehuo al muŕ. Ma' anuli ja'ni to'ehuale laic', joupa i'ipa a'ijc'a loŕpicuejma', aimepalc'o'ihuo'. Ja'ni joupa imuŕc'opa loŕpicuejma', jacueca' juaiconapa iŕe al muŕ!

24 'Cal xans tucuicomma ma le'a anuli ŕipoujna. Ja'ni oquexi' tixtuc'o'ma anuli, locuena ti'e'ma capic'a. O tixinc'ne'ma anuli, tetets'i'ma locuena. Imanc' jouc'a tucuicomma ma le'a anuli loŕPoujna, iŕque LanDios. Aimi'iya molihuejcoyacu al tomŕ jouc'a.

25 'Iya' camilhuo': Aimoŕsueŕmot'ŕe'me lonluyalaicoyacu lapajnya fa'a li'a ŕamats', ja'ni ti'i'ma o aimi'iya. Aimoŕcua'me: "¿Te caŕtejacu? ¿Te caŕsnayacu? ¿Te caŕju'ecoyacoŕtsi?" Loŕcuerpo linca xonca acueca' lipitali, loŕju'ecoyacoŕtsi aijtine. Jouc'a loŕ'alma xonca acueca' lipitali, loŕtejacu aijtine. 26 Toŕsinŕe lacal'hui naiyulpá lema'a. Iŕniya aimi'fayi, aimefot'ŕeyi, ailopa'a quiŕ'huecoŕma mi'huejyacu loŕtejacu. Coŕ'Ailli' Nopa'a lema'a tites'mila'. Iŕque, ¿ja'ni aimi'nujuaitsilhuo' imanc'? Linca, xonca ti'nujuaitsilhuo', tixinnilhuo' xonca acueca' loŕpitali. 27 Imanc' tama toŕsueŕ'mecoyi juaiconapa, ¿te aga ti'i'ma tonŕ'e'e'moŕtsi xonca unc'itoŕqui? A'i. Aimi'iya ni huata.

28 '¿Te cołsuełcocolpa? Tołcuayi: "¿Te quijahua' calpo'noyacu?" Tołsinle łaiquitamqui łotojpa cal 'ec'. Tipa'a łaiquitpipa'. Ine łaiquitamqui aimucuiyi, aimi'eyi canic'. 29 Ma ŁanDios tiju'ecojma łaiquipipa'. Iya' camilhuo': Cal cuecaj rey Salomón, lipo'nopa al c'a lipijahua', tama i'huáqui juaiconapa acueca' quincuxepa, łiquiya aiqui'onli to łaiquipipa' łaiquitamqui. 30 ŁanDios tiju'e'ela' juaiconapa ac'a łaiquitamqui cal 'ec'. Ine łaiquitamqui aimicolila'. Anuli litine titoquila' ac'a, locuena quitine tiyaxquemma, tipi'enni lapa. Imanc', ¿te ŁanDios aimiju'eyacolhuo'? Ah imanc', huata toł'huaiyijnyi ŁanDios.

31 'Aimołsuełco'me. Aimołnes'me: "¿Petsi calsi'neyacu całtejacu, calsnayacu? ¿Petsi calsi'neyacu calpijahua'?" 32 Lan xanuc' pe aimimetsaicoyi ŁanDios tuyalaicoyi lapajnya tehueyi ilna'a. Coł'Ailli' Nopa'a lema'a ixina' te ts'i'ic' lahue'epolhuo'. Ique tepi'i'molhuo'. 33 Tołpo'note lołpicuejma' tolihuejcole ŁanDios cal Cuecaj Rey, ton'e'le al c'a ma to locuxe'epolhuo'. Tijouła' tepi'i'molhuo' jahuay. Aimehue'eyacolhuo', ni tołta'a.

34 'Aimołsuełmot'le'me. Aimołcua'me: "¿Te calyualaicoyacu mouqui?" Mouqui tołsim'me lo'iyacolhuo'. Ma' itsiya tipa'a lołtełcocolpa. Ja'ni tołsuełcoyi lo'iya mouqui xonca ipime tołsim'me itsiya.

7

1 'Imanc' aimołnesc'e'mola' loł'as xanuc', tołta'a aiminesc'econayacolhuo'. 2 Ma to imanc' tołpalaicola' loł'as xanuc' ma tołta'a tipalaicom'molhuo'. Ma to mołspif'caleyi, ma tołta'a tixpif'quim'molhuo'. 3 Ima', ¿te cofmehuelojncocolpa łopima mipa'a anuli łaquifuc li'u? Ima' aicoxina' to jipu'hua anuli laxma tipa'a lo'u. 4 Mipa'a laxma jilpe lo'u, ¿te cofmicocolpa łopima: "Lapi'ila' lane quipa'e'e'mo' łaquifuc łopa'a lo'u"? 5 Ma le'a to'e'eyoxi xonca unc'a. Ate'a taipa'ala' laxma łopa'a lo'u. Tijouła' ja'ni joupa mipa'apa, ti'i'ma toxim'ma łaquipifuc łopa'a li'u łopima, taipa'e'ena'ma.

6 'Aimolapi'i'mola' lan tsilqui li'huexi ŁanDios. Lajune' lilanc'ecompa aperla, ihniya acueca' lipitali, aimolacani'i'mola' lijná. Ihniya ti'huailej'me lam perla, tijouła' tits'aletsuftolhuo' imanc'.

7 'Ti'hua tołsa'huele, tijouła' tepi'im'molhuo'. Ti'hua tolahuele, tijouła' tołsim'me. Ti'hua tołumf'asle al puerta, tijouła' texi'em'molhuo'. 8 Lan xanuc' noxa'huepá, tepi'im'me. Jouc'a nahuepá, tixim'me. Jouc'a nomf'axpá, texi'em'me.

9 'Imanc' unc'ixanuc', ja'ni tixahue'etsolhuo' la'i lołnaxque', ¿te tołapi'i'mola' łapic? 10 Ja'ni tixahue'etsolhuo' łatu, ¿te tołapi'i'mola' łainofal? Linca ailopa'a no'eya tołta'a. 11 Imanc', tama tipa'a lołjunac', tipa'a lołpicuejma', tonłapi'i'mola' al c'a

lohnaxque'. Conl'Ailli' Nopa'a lema'a, xonca acueca' itque lipicuejma'. Tohta'a tepi'i'molhuo' al c'a ja'ni tohsahue'ete.

12 'Ja'ni aimetentcocolhuo' lo'e'epolhuo' lohf'as xanuc', aimof'e'me jouc'a imanc' tohiya. Ma tohta'a loya'apa locuxepa LanDios, jouc'a lomuc'iyalepa lam profeta.

13 'Tohtsulfoaitsa ite al tansca al puerta. Tipa'a ocuena al puerta, jiliya expats'qui, jilpiya copa'a lotsufaicopa lexpats'qui cane. Jite lane lotsepa pe lajac'eyacola'. Ite al puerta lexpats'qui axpela' noximpá. 14 Ma le'a oquexi' afantsi noximpá locuenaj al puerta, ihiya atansca, lotsufaicopa al tansca cane. Jite lane lotsepa pe lolijyacu al ts'e lipitine aimijouya.

15 'iTof'e'etsotsti cuenna! Ticuaicu pe lohmana' lam profeta nofelaiquepá. Ihiya ti'onlcospola' to lam mot'l. Tocomma ailopa'a co'epa ihniya. A'ij linca. Ituca' li'ejma'. Ihiya oyac'la to lan lobo, itne linneja notepá lam mot'l. 16 Ihe li'ejma' timuci'molhuo' te ts'i'ic' lipicuejma'. Al 'ec hi'as timuci'molhuo' jale c'ec ita'a. ¿Te litac cantsinni ti'as'ma a'uva? ¿Te litac al xumi ti'as'ma a'higo? A'i, aimi'iyá. 17 Jahuay al c'a c'ec mi'atsi, ac'a hi'as. Lixcay c'ec mi'atsi, ixcay hi'as. 18 Al c'a c'ec aimi'iyá mi'asya lixcay qui'as. Lixcay c'ec aimi'iyá mi'asya cal c'a qui'as. 19 Al 'ec, ja'ni a'ijc'a hi'as, tetequim'me, tixanc'onna lunga, tipi'enna. 20 Iya' camilhuo': Tolahuelojntsola' itne lam profeta te ts'i'ic' li'ejma'. Tohta'a tolimetsaicona'mola' infel'miyale.

21 'Lan xanuc' tama almi'a: "¡MaiPoujna, maiPoujna!", a'i jahuay ihniya mitsuflaiyacu pe locuxeyopa LanDios, itque Nopa'a lema'a. Pe naihuejcopá lixpice'epa cai'Ailli' Nopa'a lema'a, itne linca titsuflaita. Locuenaye aimitsuflaiyacu. 22 Ticuaitsi ite al Cuecaj Quitine axpela' almi'ma: "¡MaPoujna, maPoujna! Illanc' oxanuc', tohta'a aluya'apá lonespa LanDios, jouc'a lipa'apola' lontahue, jouc'a al'epá axpe' acueca'." 23 Iya' catalai'e'e'mola', camimola': "Iya' aicainimetsaicolhuo'. ¡Tonlele! ¡Tonloijnle! Imanc' aimonf'eyi locuxepa LanDios."

24 'Cal xans laiquimf'epa laitaiqui' jouc'a lihuejma, itque ipicuejma' cal xans. Ca'onhico'ma to cal xans nolanc'epa lejut'l. Ipucufpa qui'huajcopa lapic, jilpiya itsahue'emma lejut'l. 25 Lijoupa lilanc'epa lejut'l icui'ma juaiconapa. Ixpe'ma laja' cal panay, ipac'o'ma. I'hua'ma lahua'. I'hua'ma ujfxi, unajm'ma lajut'l. Ite lajut'l aits'ifentsi, aiquecangenni. Joupa ilajmpa pe litsahueyomma apic. Ailopa'a qui'ipa.

26 'Cal xans laiquimf'epa laitaiqui', ja'ni aimalihuejma, itque a'i quipicuejma' cal xans. Ca'onhico'ma to cal xans nilanc'epa lejut'l litsahueyomma acuixa. 27 Icu'i'ma juaiconapa. Ixpe'ma

laja' cal panay, ipac'o'ma. I'hua'ma ujfxi łahua', unajm'ma lajut'ł. Etełquemma. Ecanipa nulemma.

²⁸ Lijou'ne'ma Jesús ihna'a łitaiquí lan xanuc' ticuayi:

—Łınca acueca' iłe łitaiqui' lałmuc'iponga'. ²⁹ Lomxiye nomuc'iyalepá locuxepa ŁanDios a'í mimuc'iyaleyi to lomuc'iyalepa Jesús. Iłque łınca joupa epi'impa limane timuc'iyaleysi, ihniya a'í.

8

¹ Limunanni łijuala Jesús ihuej'me axpela' lan xanuc'.

² Icuaiyunni anuli cal xans iteca cahui. Iłe al cuana cuftine lepra. Exc'onłingai'ma Jesús, timi:

—Maipoujna, ima' nipajnya latufc'enta', caxinxoxi ał'inta' limpio. ¿Ja'ni to'e'ma?

³ Jesús i'nij'ma limane, iłaf'ma łafcuana, timi:

—Ca'e'ma. Ti'intso' limpio.

Aiquicol'ma, iłojn-na'ma lehui. I'ina'ma limpio. ⁴ Jesús timi:

—Aimoya'a'ma iłe lai'e'epo'. ¿To'huanła'! Jıłpe al cuecaj xoute' tomujtoxi ła'ailli'. Totsufcota ma to licuxepa Moisés. Tołta'a ałsim'monga' illanc' lihuejcoyi iłe łitaiqui'.

⁵ Jesús itsufai'ma łiłya' Capernaum, icuaiyunni anuli nocuxepola' amaxnu lisoldado. Tixa'hue Jesús titoc'ıla'. ⁶ Timi:

—Maipoujna, łaimozo textafque, tunouya lainejut'ł. Joupa uhuaquemma. Tixina acueca' cumla.

⁷ Jesús timi:

—Ai'huapa, caxał'menna.

⁸ Iłque nocuxepola' lisoldado timi:

—Maipoujna, aimo'e'ma tołta'a. A'í caxa'huehuo' mo'huaya motsufaiya lainejut'ł. Iya' caxinyoxi juaiconapa na'hua xans. Ma le'a tocuala': “Tixałconala' łomozo”, tijouła' ma tixałcona'ma. Tołta'a aixina'. ⁹ Iya' jouc'a quihuejma lałcuxepa, cacuxela' laisoldado. Cami'ma anuli: “To'huala'”, iłque ti'hua'ma. Łocuena cami'ma: “To'huanni”, iłque ti'huamma. Cami'ma łaimozo: “To'ela'”, iłque ti'e'ma.

¹⁰ Licuejpa Jesús tołta'a linespa łincuxepa, etenłcoco'ma juaiconapa. Timila' ihne ts'iłenc'e:

—Imanc' ixanuc' Israel olimetsajma ŁanDios. Iłca'a cal xans lixanuc' aimimetsaicoyi ŁanDios. Camilhuo' al łınca: Ni anuli imanc' caixina to iłca'a cal xans. Iłca'a łınca xonca ti'huaiyinge ŁanDios. ¹¹ Camilhuo': Ticuaita locuenaye lan xanuc', ihniya nomana' pe liyuf'ma cal 'ora, jouc'a lan xanuc' nomana' pe lof'acaiyopa cal 'ora. Jouc'a lołtatahueló Abraham, Isaac, y Jacob, ticuatołaita anuli pe locuxeyopa ŁanDios, iłque cal Cuecaj Rey. ¹² Ituca' lo'iyacola' ihniya nocuapá: “Ma' illanc' inaxque'

lanDios cal Rey”. Ine tihuescufinnola' luna, jilpiya al muf. Maŕpe tijolijta, ti'ilc'ta liŕ'ay.

¹³ Timi nocuxepola' lisoldado:

—Ima' al'huaiyijmpa, tonesqui: “Tixaŕcona'ma ŕaimozo”. To'huaŕa'. Ma to lonespa, toŕta'a ti'ila'.

Maŕe 'hora ixaŕcona'ma limozo ilque nocuxepola' lisoldado.

¹⁴ Jesús icuaitsi lejut'ŕ Pedro, jilpe ixim'ma li'maco Pedro tunouya textafque, tepi'i quinu'. ¹⁵ Jesús i'noŕ'e'e'ma limane. Hojn-na'ma lipinu'. Ilque ŕaca'no' itsahuenanni, ites'mi'mola'.

¹⁶ Lummuhuaitsi i'hua'am'mola' pe lopa'a Jesús axpela' lan xanuc' litsufŕai'ila' contahue. Jesús ma le'a icuxe'e'mola' lontahue tipalunca, ilniya ipalumma. Jouc'a ixa'mena'mola' jahuay lafcuallay. ¹⁷ Toŕta'a enanŕcopa linespa cal profeta Isaías luya'apa: “Ma ilque aŕsaŕ'meponga' laŕtafc'eponga', liŕonc'e'enaponga' laŕcuana”.

¹⁸ Lixim'mola' axpela' lan xanuc' ts'ilenc'e, Jesús timila' ts'ilihuequi:

—Œpá, aŕquiepá al cueca' quin'nuhua'.

¹⁹ Ai'a tiye'me icuaitsi anuli lomxi nomuc'iyalepa locuxepa lanDios, timi Jesús:

—Momxi, ni petsi loŕtseya, iya' jouc'a quihuej'mo'.

²⁰ Jesús timi:

—Lan t'leya tipa'a liŕpunts'ejay. Lacaŕ'hui naiyulpá lema'a tipa'a liŕpuxil'na. Iya' ilque cal Xans Liximpa cal profeta pu'hua lema'a, iya' ailopa'a caifxmai'eya.

²¹ Ocuena cal xans mihuequi Jesús timi:

—Momxi, lapi'ila' lane ca'hua'ma. Quimaf'i cai'ailli' capajnta jilpe lainejut'ŕ. Tijouŕa timanŕa', caminna, quihuej-cona'mo'.

²² Jesús timi:

—Lihuejla' itsiya. Lomapola' ti'i'ma temitsa liŕ'as lomapola'.

²³ Itsufai'ma al barco. Ts'ilihuequi itsufŕai'me jouc'a.

²⁴ Muyalaicoyi ipanni ujfxi ŕahua'. Œaja titsahuemma, tuyanc'ne al barco. Tixc'uaf'caispa caja'. Jesús tixmay.

²⁵ Ts'ilihuequi Jesús icuaiyunca, ummef'me, timiyi:

—Maŕpoujna, jŕlunŕu'etsonga'! jAŕma'monga'!

²⁶ Jesús timila':

—Ah imanc', ¿te coxpailijcopolhuo'? Ma' ahuata al'huaiyinge.

Itsahuenni, itale'mola' ŕahua', ŕaja. Jahuay i-ch'ixco'mola'.

²⁷ Ts'ilihuequi ixim'me acueca' ille li'epa Jesús. Timiyoltsi:

—¿Naitsi ilca'a cal xans? Ticuxe'ela' ŕahua', ŕaja, tihuejcoyi.

²⁸ Icuaitsa locuena quiju' al cueca' quin'nuhua'. Jilpiya ilemats' ilne lan xanuc' gadareno. Oquexi' ipalunca pe

lamu'empola' lomapola', icuai'me pe lopa'a Jesús. Lontahue joupá itsuflaipá iñe loquexi'. I'ipola oyac'la. Lan xanuc' aimi'iya muyalaicoyacu jiñe lane. ²⁹ Iñiya loquexi' tija'ayi, timiyi Jesús:

—Ima' i'Hua ñanDios, ¿te cocuaiyoco'ma fa'a lañmana'? ¿Te ts'opic'a? Itsiya aimat'el'miyacongá ñanDios. Aiquicuaiya litine, tehue'e. ¿Te itsiya ima' at'el'mi'monga'?

³⁰ A'ij culi' jilpiya timana' axpela' lijná titeji quipitamqui.

³¹ Lontahue ixa'hue'me Jesús, timiyi:

—Ja'ni lipa'a'monga' iñiya lan xanuc', lapi'itsonga' lane altsuflaita iñe lijná.

³² Jesús timila':

—Ne', tonñete.

Lontahue ipalunca lan xanuc', itsuflai'me lijná. Jahuay iñiya lijná inul'me liculhuo, i'niñmoñatsa laja', unxañac'mola'.

³³ Nohuic'ipola' lijná inul'me. Iyena'me, icuaitsa liña', uya'atsa jahuay li'ipa, iñe li'ipola' loquexi' lan xanuc' lit-suflai'ila' contahue. ³⁴ Licuej'me jilpiya, ipalunca jahuay lan xanuc' nomana' liña', italefcuñtsa Jesús. Lixim'me, ixa'hue'me ti'huañña', tipananni ñilemats'.

9

¹ Jesús if'aj'ma al barco, uya'icóna'ma al cueca' quin'nuhua'. Icuaitsi lipiña'. ² Jilpiya icuai'entsa anuli cal xans textafque, uhuaquemma licuerpo. Tunafya cal huujm-ma'. Jesús ixim'mola' iñe lan xanuc' ti'huañijnyñi, timi ñuhuaqueya:

—Mai'hua, aimoxhuelmot'ñe'ma. Joupá iñojn-napa lojunac'.

³ Licuej'me toña'a lonespa Jesús oquexi' afantsi lomxiye nomuc'iyalepá locuxepa ñanDios timiyotñi: “Iñque cal xans Jesús ti'e'eyoxi to ñanDios”.

⁴ Jesús ixina' locuapa jilpe liñpicuejma' iñe lan xanuc', timila':

—Imanc', ¿te coñcuacopa quixcay jilpe loñpicuejma'? ⁵ ¿Ja'ni toñsinyi ipime iñiya laimipa cal xans: “Lojunac' joupá iñojn-napa”? Ja'ni camila': “Totsahuenni, to'huañña’”, ¿te toñsim'me a'i quipime iñe lataiqui'? ⁶ Itsiya camuc'i'molhuo' icueya laimane. Iya' iñque cal Xans Liximpa cal profeta pu'hua lema'a. Ma capa'a fa'a li'a ñamats' nipajnya quionc'e'e'mola' lan xanuc' liñjunac'.

Timi ñuhuaqueya:

—Totsahuenni, tonif'la' lohuujm-ma'. To'huañña' lomejut'ñ.

⁷ Cal xans itsahuenni. I'hua'ma lejut'ñ. ⁸ Lan xanuc' ixim'me acueca' iñe li'epa Jesús. Tix'najtsi'iyi ñanDios, ticuayi:

—Linca, ñanDios epi'ipa toña'a limane iñque cal xans.

⁹ Jesús tuyaipa jilpiya. Mi'hua lane ixim'ma anuli cal xans lipuftine Mateo. Ticutsu pe lo'najtsi'iyaleyompa. Jesús timi:

—¡Lihuejla'!

Mateo itsahuenni, ihuej'ma Jesús.

¹⁰ Jesús jouc'a ts'ilihuequi icuai'me lejut'f Mateo. Jiłpiya titetsoyi anuli axpela' lan xanuc', ihniya in'najtsi'iyale jouc'a ocuenaye xanuc' pe aimihuejcoyi locuxepa ŁanDios. ¹¹ Lan xanuc' fariseo ixim'me Jesús ticutsu jiłpe. Icuis'e'me, timinila' ts'ilihuequi Jesús:

—Imanc' lołpomxi, ¿te cotetsocopa anuli ihniya lan xanuc'? Ihe in'najtsi'iyale jouc'a ocuenaye xanuc' pe aimihuejcoyi locuxepa ŁanDios.

¹² Jesús icuej'mola' ihe laicuitsufpa, timila':

—Lan xanuc' pe ailopa'a quılcuana aimicuicomma no'eyacola' cafxi. Laxtafpola' linca ticuicomma no'eyacola' cafxi. ¹³ Imanc' tonente, tolihuic'itsa lohualquemma ihe lataiqui' liniliya loya'apa lonespa ŁanDios, ticua:

Imanc' ti'hua altsufma lołpinneja lołma'apola'.

Iya' xonca latentcoco'ma tołtsintsola' cuanuc'la ihe loł'as xanuc'.

Iya' aicuaicoco'ma fa'a li'a łamats' cajoc'itsola' pe ts'ıltaic' quıljunac', tixhuej'menanca. Aicajoc'ila' pe ailopa'a quıljunac'.

¹⁴ Ts'ilihuequi Juan Bautista icuaitsa pe lopa'a Jesús, timiyi:

—Illanc' alsnetyi, aimatetsoyi. Ma' anuli lił'ejma' lan xanuc' fariseo. Ihniya lihuejhuo', ¿te cotetsocopa, aimixnet'lyi?

¹⁵ Jesús italai'e'e'mola', timila':

—Mipa'a łamijcano lijuic lipemaná, ihniya lijoc'impola', ¿te tihuotso'me? Ticuaitsi litine texic'e'entsola' łamijcano namanya, ihe litine linca tihuotso'me, aimitetsoyacu, tixnet'f'me.

¹⁶ 'Ja'ni tanajmot'hıa' anuli lafane quijahua', aimi'iya moxhuicoya al ts'e quijahua'. Lafane quijahua' aimi'ommaiya. Tits'alquemma xonca. ¹⁷ Al ts'ej vino aimoc'ej'miya lafane pontalay quixmi. Ja'ni tołta'a loł'epa tits'al'mola' lam pontalay quixmi, tic'ejaiquehuo al vino, timinsco'mola' hıxmi. Al ts'ej vino toc'ej'mi'ma al ts'e ponta quixmi. Tołta'a aimecaniyacola' al vino ni al ponta quixmi.

¹⁸ Jesús mipalay tołta'a icuaitsi anuli cal xans, iłque nocuxepa lajut'f pe lafołyomma lan xanuc'. Exc'onłingai'ma pe lopa'a Jesús, timi:

—Łai'hua caca'no' ji'hua imanapa. Lepá. Toxpayaf'ta lo mane, timaf'inna.

¹⁹ Jesús itsahuenni, iyejmale'me cal xans jouc'a ts'ilihuequi.

²⁰ Miyeyi lane icuaiyunni anuli łaca'no' textafque. I'ipa imbama' coque' camats' ti'hua cajuats' licu'u. Hoc'huai'ma lixpula' Jesús. Iłafc'e'e'ma laquiju' lipijahua'. ²¹ Ticua: "Ja'ni calafc'e'eła' Jesús, ma le'a laquiju' lipijahua', alsałcona'ma".

²² Jesús ipai'e'moxi, ehuelojm'ma łaca'no', timi:

—Mai'hua, aimoxhuelmot'le'ma. Al'huaiyinge, tołta'a ixałconapo'.

Ma le 'hora łaca'no' ixałconapa.

²³ Jesús icuaitsi lejut'ł hincuxepa. Ixim'mola' lo'epa lan xanuc' nomana' jilpiya lajut'ł. Tunayi, tijolijyi, tixingufcoyi al cueca' quixhuejma', tija'ayi. ²⁴ Timila':

—Tolipalunca imanc', łahuats' aiquimac'. Ma le'a tixmay.

Lan xanuc' ixoco'me. ²⁵ Jesús ipa'a'mola' lan xanuc'. Itsu-fai'ma pe lopa'a łahuats'. I'noł'e'e'ma limane. Łahuats' itsahue-nanni, imaf'ina'ma. ²⁶ Ni petsi jilpe łamats' lan xanuc' icuej'me li'epa Jesús.

²⁷ Jesús jilpiya ipayomma, ti'hua lane. Ihuej'me oquexi' lan fohue. Tija'ayi, timiyi:

—Ima', łacui'imp'o' i'Hua David, ałsintsonga' ninc'icuanuc'la.

²⁸ Jesús itsufai'ma lajut'ł. Lan fohue ihuej'me, itsuflai'me jouc'a. Jesús icuis'e'mola', timila':

—¿Te imanc' al'huaiyinge? ¿Ja'ni tołcuayi: “Łınca Jesús ałtoc'i'monga', ałsał'me'monga' lał'u”?

Ihniya italai'e'e'me, timiyi:

—Małpoujna, al'huaiyijnhuo'. Ti'i'ma to'e'ma.

²⁹ Jesús iłafc'e'e'mola' lił'u', timila':

—Imanc' al'huaiyinge. Ma to lołcuapa tołta'a ti'itsolhuo'.

³⁰ Ixał'me'mola' lił'u'. Jesús ixc'ai'i'mola' juaiconapa, timila':

—Aimoluyout'le'me iłe lai'e'epolhuo'. Aimicuej'me lan xanuc'.

³¹ Ihniya ipalunca, ni petsi jilpe łamats' tuya'ayi li'e'epola' Jesús.

³² Mipalumma ihniya, icuai'entsa pe lopa'a Jesús anuli cal xans łitsufaipa anuli hiponta'a Satanás. Iłque cal xans aimi'i mipalay. ³³ Lijoupa lipa'apa Jesús hiponta'a Satanás cal xans tipalay. Lan xanuc' etenłcoco'mola', ticuayi:

—ıXinła! Acueca' lo'epa Jesús. Fa'a łalamats' illanc' ixanuc' Israel, a'i całsina' tołta'a, ni anulemma.

³⁴ Lan xanuc' fariseo a'i metenłcocola' lo'epa Jesús, timiyoltsi:

—Iłque Jesús tipa'ala' lontahue. Ma hincuxepa contahue lepi'ipa limane ti'eł'a' tołta'a.

³⁵ Jesús ti'huaf'cay jahuay łitelołya' al distrito Galilea, lan tsila' quitelołya' jouc'a lan tsocay quitelołya'. Timuc'iyale jilpe lajut'li pe lafołyomma lan xanuc'. Tuya'e' lixpice'epa ŁanDios. Iłe latai'iqui' loya'apa al c'a, tuya'e' te ts'i'ic' micuxe ŁanDios cal Rey. Ixał'me'mola' lan xanuc', jahuay liłcuana, jahuay liłpumla. ³⁶ Ixim'mola' juaiconapa axpela' lan xanuc' ihuej'me. Tixinnila' acuanuc'la. Ixim'mola' tihuotsoyi, titafquem-mola'. Ti'onłcospola' to lam mot'ł, iłne lam mot'ł lahue'epola'

quilt'poujna, ailopa'a. Ailopa'a no'eyacola' cuenna. ³⁷ Timila' ts'ilihuequi:

—Linca acueca' lafolya. Tehue'ela' nafot'leyacu. ³⁸ Camilhuo': Toſa'huefe hiPoujna caifa. Toſmile: “Ima' tommetsola' no'eyacu canic' jilpe lomemats”.

10

¹ Jesús ijoc'i'mola' limbamaj coquexi' ts'ilihuequi ticuaiyunca pe lopa'a. Epi'i'mola' liſmane tipa'antsola' lontahue, jouc'a tixa'mentsola' lafcuallay, jahuay liſcuana, jahuay liſpumla. ² Iſniya limbamaj coquexi' lecui'impola' lan Apóstole. Jifa'a iniliya liſpuftine:

Cal te'a Simón, iſque lecui'impa Pedro, jouc'a Andrés iſque ipima Simón.

Jacobo i'hua Zebedeo, jouc'a Juan, iſque ipima Jacobo.

³ Felipe, jouc'a Bartolomé,

Tomás, jouc'a Mateo iſque in'najtsi'iyalepa.

Jacobo i'hua Alfeo, jouc'a Tadeo.

⁴ Locuena Simón, ai'a tihuej'ma Jesús iſque anuli liſpicuejma' lan xanuc' nocuapá: “Lunhu'e'me laſamats”,

jouc'a Judas Iscariote, iſque nocuya Jesús.

⁵ Jesús umme'mola' iſniya limbama' coquexi'. U'i'mola' lo'eyacu. Timila':

—Aimonſe'me petſi aimimetsaicoyi LanDios. Aimoſtuflai'me liſpiſelolya' lun Samaria. ⁶ Tonſeſe pe lomana' lixanuc' Iſrael, iſniya laſpimaye ti'onſcospola' to lam mot'ſ lejac'pola'.

⁷ Tulu'itola': “LanDios cal Cuecaj Rey Nopa'a lema'a itsiya ti'hua tijoc'ila' lixanuc'. Tolapenufle.”

⁸ Imanc' toſſaſ'metola' lafcuallay, toſmaf'i'itola' limanapola'. Toſſaſ'metola' litejpola' cahui lepra, timanenca limpio. Tolipa'atola' lontahue iſne litsufſlaipá lan xanuc'. Iya' nepi'ipolhuo' loſmane. Ai' cai'najtsi'ilhuo'. Imanc' jouc'a aimoſ'najtsi'i'mola' lan xanuc', ma le'a toſſaſ'metola'.

⁹ Jilpe loſfi'ejma' loſxinidoſ, aimoſtai'me tomí, ni axpe', ni huata. ¹⁰ Aimoſtai'me punta lane. Aimoſtai'me oque' loſtsamalo. Aimoſtai'me coſc'ejí'. Aimoſtai'me colummejcofcoyacu. Ticuanni: “No'epa canic' tepi'im'me loſteja”. Jouc'a imanc' aimehue'eyacolhuo'.

¹¹ Ni petſi quilya' loſtuſflaiyacu, ja'ni al cueca' quilya' o ja'ni a'hua quilya', tolahueta lejut'ſ anuli cal c'a xans. Moſmana' jilpe liſya' ma le'a jilpe lajut'ſ toſmajnta. ¹² Moſtuſflai'me lajut'ſ toſnontsola' lan xanuc' nomana' jilpiya. Toſmitsola': “LanDios tipaxnetsolhuo’”. ¹³ Ja'ni jilpe timana' lan c'a xanuc' LanDios tipaxne'mola'. Ja'ni ai', LanDios tipaxne'molhuo' ma le'a

imanc'. ¹⁴ Ni petsi liya' o ni petsi lajut'l ja'ni aimepen-
ufinnilhuo', aimiquimf'ennilhuo', tolipalunca jilpiya. Tolu-
nafle lo'l'mitsi', aimitalijm'molhuo' lo'l'mitsi' ni to'ta'a lepi ca-
mats'. ¹⁵ Iya' camilhuo' al linca: Ticuaihuo al Cuecaj Quitine
tite'l'mim'mola' lan xanuc' nimajmpá Sodoma y Gomorra, i'niya
lixcay quilelo'ya'. I'e Litine xonca tite'l'mim'mola' lan xanuc'
nomana' hite'lo'ya' petsi aimepenufinnilhuo' imanc'.

¹⁶ 'Imanc' laixanuc' ti'on'cospolhuo' to lam mot'l, i'ne
aimi'ya mipa'neyaco'tsi. Iya' cummelhuo' ton'e'me pe
lomana' lan xanuc' lo'on'cospola' to lan lobo, i'ne oyac'la
quinneja. To'ta'a ticuicomma ti'ila' acueca' lo'picuejma' to
lainofa'. Linca aimi'on'coto'luhuo' lo'ejma' to lainofat'l li'ejma'.
Imanc' xonca ti'on'cotsolhuo' to lam paloma, i'niya aimi'eyi
quixcay.

¹⁷ 'Ton'e'ets'o'tsi cuenna. Aimol'huaiyijm'mola' lo'l'as xanuc'.
I'ne ticu'molhuo' ticuaita quilmene lan xanuc' noxpijpa
lataiqui'. Tileco'molhuo' lajut'hi petsi lafo'lyomma. Jilpe
tite'l'mitolhuo', titajncoto'luhuo' ixmi. ¹⁸ Imanc' ts'alihuequi,
tileconnolhuo', ticuai'ennolhuo' pe lomana' nocuxepá, jouc'a
pe lomana' lan tsila' quincuxepá. Imanc' tolu'itola' naitsi
iya'. To'ta'a tolu'itola' locuenaye xanuc' pe aimimetsaicoyi
EanDios. ¹⁹ Ja'ni ticutsolhuo' aimo'sue'hmot'le'me, aimo'cua'me:
“¿Te ca'lmiyacola' i'niya? ¿Te ca'talai'ecoyacu?” Ticuaiti al
'hora lo'palaiyacu, ma'pe 'hora, tolapenuf'me co'taiqui'. ²⁰ I'e
lataiqui' lo'palaiyacu a'i co'taiqui' imanc', to'palai'me lataiqui'
lomiyacolhuo' hi'Espíritu Santo co'l'Ailli'.

²¹ 'Lapima ticu'ma lipima tima'an'e. Cal xans ticu'ma hi'hua.
Lanaxque' titsolicu ti'e'me laic' qu'il'ailli' qu'il'máma', ticu'me,
lan xanuc' tima'antsola'. ²² Ni petsi lo'manc'eyacu ti'e'molhuo'
laic', imanc' ts'alihuequi. To'ommo'aitsa lo'iyacolhuo', ti'hua
to'ommo'aitsa, tijou'la' to'lun'ul'me. ²³ Ja'ni jilpe anuli liya' ti-
huetsoquinnilhuo', ti'ennilhuo' lixcay, aimico'l'molhuo' tun'ete
locuena quilya'. Iya' i'que cal Xans Eiximpa cal profeta pu'hua
lema'a. Camilhuo' al linca: Aimol'ommai'ayacu mo'cuaiyacu
jahuay hipitelo'ya' lamats' Israel, ma mehue'e cacuaiconanni.

²⁴ 'Cal xans mihuequi lipomxi, ja'ni i'que lomxi tite'cola',
cal xans jouc'a tite'co'ma. Jouc'a lapoujna y limozo ma' anuli
tuyalaico'me. ²⁵ Ja'ni tuyaico'la' ma to muyaicojma lipomxi,
tixoj'ma queta i'que cal xans. Jouc'a cal mozo, tixoj'ma
queta ja'ni tuyaico'la' ma to muyaicojma lipoujna. Ja'ni timin'e
lapoujna cajut'l: “Ima' monta'a Beelzebú”, linca xonca lixcay
tinesc'e'em'mola' lixanuc'.

²⁶ 'Aimo'sue'hmot'le'me. Aimo'cua'me: “Lan xanuc', ¿te
ca'eyaconga'?” Ticuaita litine texiquim'me letamuyiya,
tixim'me jahuay lemiya. ²⁷ I'e laifmipolhuo' lipuqui' imanc'

toluya'ate litine. He lołquimf'epa mixolai'innilhuo', imanc' toluya'ate ujfxi al toncay łajut'li. ²⁸ Aimolsuetmot'le'me. Aimolcua'me: “¿Te cał'eyaconga' lan xanuc', ilne noma'ahualepá?” Iłniya ma le'a tima'ayi al cuerpo. Loł'alma aimi'iya mima'ayacu. Tołspaic'ete ilque łacani'eyacola' lan xanuc' jipu'hua łunga. Jilpe timajnta, liłcuerpo jouc'a lił'alma.

²⁹ 'Oquexi' lan gorrión ticuquinnila' ma le'a to oquej centavo. Tama ahuata liłpitali ilne lacał'hui coł'Ailli' aime-tets'ila'. Ja'ni anuli tecangemma łamats' coł'Ailli' ixina' ille li'ipa. ³⁰ Xonca ti'nujuaitsilhuo' imanc'. Joupa ixhuej'meya tojua mipa'a łajuac quitefque lołjuac, ixina' ja'ni tecangemma anuli. ³¹ Aimolsuetmot'le'me, aimixpailij'molhuo' lo'iyacolhuo'. ŁanDios tixinnilhuo' acueca' lołpitali. Tama axpela' lacał'hui aimi'iya mulijyacolhuo'.

³² 'Ja'ni anuli cal xans timitsola' lif'as xanuc': “Iya' nimetsaijma Jesús”, iya' ninJesús jouc'a quimetsaico'ma ilque cal xans. Camita cai'Ailli', ilque Nopa'a lema'a: “Ilque lihuequi iya”. ³³ Ja'ni anuli cal xans timitsola' lif'as xanuc': “Iya' aicainimetsaijma Jesús”, iya' jouc'a aiquimetsaicoya ilque cal xans. Camita cai'Ailli', ilque Nopa'a lema'a: “Ilque aicalihuequi iya”.

³⁴ 'Aimolcua'me: “Ilque Jesús icuaicoco'ma fa'a li'a łamats' ti'e'e'mola' anuli lan xanuc’”. A'i. Aicuaicoco'ma tifuli'i'mołtsi. ³⁵ Aicuaicoco'ma tenajtsoltsi. Cal xans tixtuc'o'ma qui'ailli'. Łahuats' tixtuc'o'ma qui'máma'. Łahuahua tixtuc'o'ma lihuahua. ³⁶ Cal xans, ma lipimaye tixtuc'o'me, ti'e'me laic'.

³⁷ 'Cal xans xonca no'epola' capic'a qui'ailli', qui'máma', ilque aimi'iya malihuejya. Jouc'a ja'ni xonca no'epola' capic'a li'hua camijcano o li'hua cahuats' aimi'iya malihuejya. ³⁸ Iya' linca catelco'ma. Cal xans noxpicepa aimitelco'ma, ilque nocuapa: “Aicapenufya lainencruz”, ilque aimi'iya malihuejya. ³⁹ Cal xans ts'ipic'a tixinł'a' al c'a capajnya ilque tejac'ma lipitine. Cal xans łalihuequi tama tima'ante, ilque tulij'ma lipitine.

⁴⁰ 'Cal xans łapenufpolhuo' łapenufinga' iya'. Ilque łapenufpa łapenufinga' ilque Łalummepa. ⁴¹ Lapi'inyacu anuli cal profeta, ma' anuli tepi'im'me cal xans łepenufpa cal profeta, ticua: “Ilque tuya'e' lonespa ŁanDios”. Lapi'inyacu cal xans naihuejpa lataiqui' locuxepa ŁanDios ma' anuli tepi'im'me ilque łepenufpa. ⁴² Cal xans nopalaicopola' ina'a lan tsoy, nocuapa: “Ina'a ilihuequi Jesús”, tijouł'a' tuhui'i al c'a caja' tixnala' anuli ilniya, ilque nocupa caja' linca ti'najtsem'me. Al linca ilta'a laifmipolhuo'.

11

¹ Jesús ixc'ai'i'mola' limbamaj coquexi' ts'ilihuequi ipanni jilpiya. Ti'huaf'caita locuenaye quitelol'ya' Galilea. Timuc'itola' lan xanuc', tuya'ata te ts'i'ic' lixic'epa ËanDios, ìle lataiqui' ac'a loya'apa.

² Ìne ìtiné Juan Bautista itats'iyá. Icuej'ma lo'epa cal Cristo. Umme'mola' oquexi' ts'ilihuequi, timila':

—Tonlefe. ³ Tolicuis'etsa Jesús, tohmitsa: “Itsiya a'l'huaicoyi locuaiya anuli Ìommeya ËanDios. ¿Te ma' ima'? o ¿te ti'hua a'l'huaico'me locuaiya?”

⁴ To'ta'a icuis'e'me Jesús. Ìtque italai'e'e'mola', timila':

—Ne'. Tonlefe, tolcuaitsa pe lopa'a Juan tolu'itsa lo'cuejpa, lo'simpa. Tohmitsa:

⁵ Tehuetsaleyi lan fohue, tiyenayi lan coxo, tixa'connala' ts'ilehui lepra, ti'inala' limpio, ticuejnayi lan ta'pe, timaf'inayi limanapola', lan xanuc' pe aiqui'l'hueca tu'innila' Lataiqui', ìle loya'apa al c'a lixic'epa ËanDios.

⁶ Jouc'a tohmitsa Juan: “Cal xans natent'cocopa lai'ejma', ìtque ìnca ac'a loyaicoya”.

⁷ Iyena'me loquexi' ts'ilihuequi Juan. Jesús ipango'ma ipalaico'ma ìtquiya. Timila':

—¿Te coltsecohuo'me jipu'hua pe ailopa'a quilya'? ¿Te colsinhuo'me jilpiya? ¿Te o'nespá o'sinhuo'me anuli al jaxa tife'ne lahua'? ⁸ Ja'ni a'ì, ¿te coltsecohuo'me? ¿Naitsi colsinhuo'me jilpiya? ¿Te o'sinhuo'me anuli cal xans nopo'nopa al c'a lipijahua', acueca' lipitali? A'ì. Lan xanuc' nopo'nopá ìlipijahua' acueca' al c'a timajnyi ìlejut'ki lan rey.

⁹ ¿Te coltsecohuo'me? ¿Naitsi colsinhuo'me? ¿Te o'sinhuo'me anuli cal profeta? A'ìnca o'sinhuo'me anuli cal profeta, ìtque Juan. Ìtque tuliquila' lam profeta, xonca acuecaj xans. ¹⁰ Al Paxi Linil'ingiya joupa ipalaico'pa Juan ticuaihuo. Ticua:

¡A'quimf'ela'! Cumme'ma ìainepaluc.

Ìtque ti'huaj'me'mo', tuya'a'ma ima' tocuaihuo.

Tilanc'e'e'mo' lopene, pe lofmuyaicoya.

¹¹ Camilhuo' al ìnca: Ìtque Juan acueca' xans. Ailopa'a caca'no' quipo'nopa ìi'hua to ìtquiya. Tama aimi'iyá mi'on'lyacola' to Juan, ja'ni joupa itsufaipa petsi locuxeyopa ËanDios Nopa'a lema'a, tama xonca aca'hua xans, ìtque cal xans joupa ulij-napa Juan.

¹² 'Lan xanuc' niquimf'epá loya'apa Juan Bautista ehue'me te co'iyá mepenufyacola' ËanDios cal Rey Nopa'a lema'a. Itsiya ma' anuli tehueyi, ìpic'a tepenuftola'. ¹³ Li'huamma Juan enant'copa lataiqui' loya'apa lo'iyá, ìle linilijmpa Moisés jouc'a linilijmpa lam profeta. ¹⁴ Inilijmpá: “Ticuaicohuo cal profeta

Elías". Joupá enanlpa iŕe lataiqui'. Juan Bautista ma' iŕque Elías. Ja'ni tolapenuf'me laifmipolhuo' toŕsim'me toŕta'a. ¹⁵ Naitsi nocuejpa alquimf'ela' iya' laitaiqui'.

¹⁶ ¿Te caif'onŕicoyacolhuo' imanc' moŕmana' itsiya'? ¿Te ts'i'ic' loŕ'ejma'? Ca'onŕico'molhuo' to jipu'hua laica'uhuay nocutshuoŕanna pe locucaleyompa. Tijoc'iyi, timinnila' liŕ'as ca'uhuay: ¹⁷ "Illanc' aŕfus'mipá lajjaxa, aŕpic'a toŕsouŕe. Aicoŕsahua'. Lunac'lipá ihuotsoqueya, aicoŕjoliŕui'."

¹⁸ 'Ma toŕta'a imanc' loŕ'ejma'. Ailopa'a catenŕocoyacolhuo'. Juan Bautista aimitesma to moŕtetsoyi, aimixnay vino. Toŕcuayi: "Iŕque itsufaipa liponta'a Satanás". ¹⁹ Iya' iŕque cal Xans Liximpa cal profeta pu'hua lema'a. Iya' aicuai'ma fa'a li'a ŕamats' catesma to moŕtetsoyi imanc', caxnay al vino. Imanc' aŕnesc'e'e, toŕcuayi: "¿Toŕsinŕe! Iŕca'a cal xans intetsopa, in-xnatsaipa. Liŕejmale in'najtsi'iyale jouc'a locuenaye lan xanuc' pe aimihuejcoyi locuxepa ŕanDios."

'Linca ŕanDios acueca' ac'a lipicuejma', toŕta'a timujiyi iŕne pe naihuejcopá, jouc'a acueca' ac'a liŕpicuejma'.

²⁰ Jesús ipango'ma inesco'mola' iŕne liŕeloŕya' petsi li'ehuo'ma axpe' acueca'. Ipalaico'mola' iŕne lan xanuc' pe aiquiŕsuej'meya. Ines'ma te ts'i'ic' loyalaicoyacu. Ticua:

²¹—Ima' miŕya' Corazín, jacueca' loŕteŕcoya! Jouc'a ima' miŕya' Betsaida, jacueca loŕteŕcoya! Jiŕpiya loŕxanuc' ixim'me al cueca' lo'epa ŕanDios, aiquiŕsuej'meya. Luyaipa quitine lan xanuc' nomana' liŕeloŕya' Tiro y Sidón ja'ni coŕa' ixim'me toŕta'a iŕniya coŕa' tixhuej'menacu, tipo'no'me liŕpijagua' ayolca, timet'hi'me capi' liŕ'a, timujco'moŕtsi ixhuej'menamma liŕjunac'. ²² Al Cuecaj Quitine Locuaicoya ŕanDios titeŕ'mi'mola' iŕne liŕeloŕya' Tiro y Sidón jouc'a liŕxanuc', xonca titeŕ'mi'molhuo' imanc' miŕeloŕya' Corazín y Betsaida.

²³ 'Ima' miŕya' Capernaum, ¿te to'nof'e'moxi xonca al toncay? ¿Te ti'onŕcoto' to ŕanDios? A'i. Ti'oc'em'mo'. Toxinnoxí jiŕpe al muŕ. Jiŕpe liŕya' loŕxanuc' ixim'me al cueca' lo'epa ŕanDios, aiquiŕsuej'meya. Luyaipa quitine lan xanuc' nimajm'me liŕya' Sodoma, ja'ni coŕa' ixim'me toŕta'a iŕniya tixhuej'menacu, coŕa' a'i mecaniya liŕpiŕya'. ²⁴ Iya' camilhuo': Al Cuecaj Quitine Locuaicoya, ŕanDios titeŕ'mi'mola' liŕya' Sodoma jouc'a lixanuc', jouc'a titeŕ'mi'molhuo' ima' miŕya' Capernaum jouc'a loxanuc', xonca titeŕ'mi'molhuo'.

²⁵ Iŕniya litiné Jesús ipalaic'opa qui'Ailli', timi:

—Mai'Ailli', ima' iŕPoujna lema'a y li'a ŕamats'. Cax'najtsi'ihuo' loŕ'epa. Tomuc'ila' laixanuc', iŕne lo'onŕcospola' to la'uhuay. Mepi'ipola' liŕpicuejma', ticuec'ete laitaiqui'. Lan xanuc' ts'iŕsina', xonca nixhuepá, aicomepi'ila' toŕta'a liŕpicuejma'. Iŕniya iximpá ipime laitaiqui', to emiya.

Aimi'i muhuałcufyi. ²⁶ Ałınca mai'Ailli', tołta'a loxpıc'epa, tołiya latenłcoco'po'.

²⁷ 'Cai'Ailli' jahuay lapi'ipa cacuxe'etsola'. Iya' i'Hua ŁanDios lan xanuc' aimi'iya małsingufya iya' laipicuejma'. Ma le'a cai'Ailli' ałsingufi. Lan xanuc' jouc'a aimi'iya mixingufyacu cai'Ailli' te ts'i'ic' lipicuejma'. Ma le'a iya' li'Hua aixingufi. Iya' caxpic'e naiłne laifmuc'iyacola', ilne camuc'ila' te ts'i'ic' lipicuejma' cai'Ailli'. Ilne łınca timetsaicoyi cai'Ailli'.

²⁸ 'Imanc', ja'ni joupa ixojtolhuo', ja'ni tołsinyi ipime lapajnya, tonłouyunca, capenuf'molhuo'. Iya' cunxac'i'molhuo'. Tuyai'ma łołpıxoqui. Cunxoc'i'molhuo' cunlata. ²⁹ Lihuejcoła', iya' camuc'i'molhuo'. Iya' a'i noyac'. Iya' nin manxu. Catinu'ena'molhuo' łolunxajma'. Aimołsinconayacu ipime ni acumta lapajnya. ³⁰ Ille laitaiqui' laifcuxe'eyacolhuo' a'ij cumta, jouc'a laifmuc'iyacolhuo' a'i quipime lananłcoya.

12

¹ Ilniya łitine, anuli litine conxajya, Jesús jouc'a ts'ilihuequi tuyalaicoyi jilpe lifayiya cal trigo. Ts'ilihuequi tunle'eyi. Ipango'me ipa'a'me łıxpaj trigo, titeji. ² Lan xanuc' fariseo ixim'me, timiyi Jesús:

—ıToxinla' lo'epa ts'ihuejhuo'! ¿Nai lepi'ipola' lane ti'e'me tołta'a? Itsiya litine conxajya.

³ Jesús timila':

—Imanc', ¿te a'i cołsuec' li'epa cal rey David, munle'eyi juaiconapa ilque jouc'a liyejmalepá? ⁴ David itsufai'ma lejut'ł ŁanDios, itepa lam paxi ca'ı łopa'a jilpe, epi'i'mola' la'i lilejmale, itepá jouc'a. Ilque la'i ma' i'huexi ŁanDios. Aimi'iya mitejnyacu. Ma le'a la'aillı notepá.

⁵ 'Al Paxi Łinilingiya tuya'e' lo'eyacu la'aillı litine conxajya. Imanc', ¿te aicołsuec' ille lataiqui'? Itine conxajya ilniya ti'eyi canic'. Tama itine conxajya ailopa'a quıljunac', malpe al cuecaj xoute' ti'eyi canic'. ⁶ Iya' camilhuo': Fa'a tipa'a anuli xonca acueca'. Ilque tuli qui al cuecaj xoute'.

⁷ 'Imanc' aicołcueca litaiqui' ŁanDios lonespa:

Imanc' tama tołma'ala' linneja, ałsufco'ma, aimalatentłcocojma ille lonł'epa.

Xonca aipic'a tołsıntola' cuanuc'la lołf'as xanuc'.

Coła' ołcuej'me jiliya lataiqui' aimołcufyacola' lalihuequi, ilniya ailopa'a tołta'a quıljunac'. ⁸ Iya' ilque cal Xans Łiximpa cal profeta pu'hua lema'a. Ma iya' cacuxe litine conxajya. Ti'hua laimane cu'itsola' laixanuc' lo'eyacu ille litine.

⁹ Jesús uyaico'ma jilpiya. Icuaitsi lajut'ł pe lafołyomma lan xanuc', itsufai'ma. ¹⁰ Jilpe tipa'a anuli cal xans ijułpa limane.

Jouc'a timana' lan xanuc' tehueyi te co'iya micufyacu Jesús. Ihe icuis'e'me, timiyi:

—Litine conxajya, ¿te LanDios tucu lane tixal'mentsola' lan xanuc'?

¹¹ Jesús timila':

—Anuli imanc', ja'ni himoł timefmaitsi al pu'hua litine conxajya, ¿te a'i mipa'aya? Linca tipa'a'ma. Tama itine conxajya ailopa'a nonesya, aimiminyacu: “Aimi'iya”. ¹² Cal xans aimi'onłspa to cal moł, xonca ipitali iłque. Litine conxajya linca tipa'a lane al'ete al c'a.

¹³ Lijoupa linespa tołta'a, timi cal xans:

—To'nijla' lomane.

Cal xans i'nij'ma limane. Ixałcona'ma. Ilajn-na'ma limane, ma to locuena limane.

¹⁴ Lan xanuc' fariseo ipalunca jilpe lajutł. Efoł'le'mołtsi, tixpic'eyi lo'eyacu tima'anłe Jesús.

¹⁵ Jesús ixina' lonespa ihe lam fariseo, i'huaana'ma. Axpela' lan xanuc' ihuej'me. Ixał'mena'mola' jahuyay lafcuallay.

¹⁶ Ixc'ai'i'mola', timila':

—Aimoluyout'le'me lai'e'epolhuo'.

¹⁷ Ihe li'ejma' Jesús tenanł lataiqui' loya'apa cal profeta Isaías, ihe lataiqui' tuya'e' lonespa LanDios, ticua: ¹⁸ Jifa'a lai'huij'epa, iłca'a lo'epa laipenic'.

Ma iłca'a ca'ay capic'a, latentłcocojma lipicuejma'.

Capi'i'ma lai'Espíritu Santo.

Tuya'a'ma pe lomana' locuenaye lan xanuc', ihe aicalimetsaijma,

tu'i'mola' pe lopa'a al hijca cane. ¹⁹ Aimifulecoya cataiqui' ni aimipalaiya ujfxi.

Aimicaxhuaiya lane mija'aya ujfxi. ²⁰ Iłque juaiconapa amanxu, aimunłajyacola' nulemma iłniya lo'onłcospola' to lix'meya jaxa.

Jouc'a aimipic'eyacola' liłpepalc'o' tama timufqui.

Ma muliquila' no'epá laic', timuj'ma nulemma te ts'i'ic' al c'a cane.

²¹ Itsiya timana' lan xanuc' a'i calimetsaijma,

iłniya ti'huaiyijm'me iłca'a lai'huij'epa, tines'me: “Iłca'a linca lunłu'e'monga”.

Tołta'a luya'apa cal profeta Isaías.

²² Ilec'mentsa Jesús anuli cal xans litsufaipa anuli liponta'a Satanás. Lonta'a i'e'epa cal xans afo', jouc'a aimipalay. Jesús ixał'mena'ma cal xans. Ipalaina'ma, ehuetzalena'ma. ²³ Lan xanuc' ixoconni quileta. Ticuayi:

—¡Xinła'! Iłque Jesús ti'ay al cueca'. ¿Te aga iłque łacui'impa li'Hua David?

²⁴ Lan fariseo icuej'me ihe lonespa lan xanuc', ticuayi:

—Itque cal xans, epi'ipa limane nocuxepola' lontahue cuf-tine Beelzebú, tołta'a tipa'ala' lontahue.

²⁵ Jesús ixina' locuapa liłpicuejma', timila':

—Anuli al cuecaj nación, ja'ni tenajtsołtsi lixanuc', iłiya al nación tejac'ma. Jouc'a anuli liłya', o anuli lajutł, ja'ni tenajtsołtsi liłsanuc', iłiya liłya' o jiłniya lan xanuc' aimipajnya quipujfxi, tijou'mola'.

²⁶ 'Ma' anuli Satanás ja'ni itque tipa'ala' lipontahue joupa enajpołtsi iłniya. Coła' aimipajnya quipujfxi. Ja'ni tołta'a li'ipa, ¿tej co'huacopa limane itsiya?

²⁷ 'Iya' ja'ni itque Beelzebú nalapi'ipa laimane, ja'ni tołta'a quipa'ala' lontahue, ¿naitsi nepi'ipola' liłmane iłne lołxanuc' naipa'apá lontahue? Ma iłniya lołxanuc' timuc'i'molhuo' imanc' imenajpolhuo'. ²⁸ O ¿te ja'ni ŁanDios nalapi'ipa li'Espíritu quipa'atsola' lontahue? Ja'ni tołta'a laimane, ti'ıta' colšina' jifa'a tipa'a ŁanDios cal Cuecaj Rey. Itque ticuxe.

²⁹ 'Nij naitsi mi'ıya mitsufaiya lejutł cal xans ts'ipujfxi, miłonc'e'eya li'hueca. Ate'a tifi'e'mola' limane', li'mitsi' itque cal xans ts'ipujfxi. Tijoułta', linca nipajnya titsufai'ma lejutł, tiłonc'e'e'ma li'hueca.

³⁰ 'Naitsi aicalihuequi, itque ał'ay laic'. Naitsi aimefot'łela' lan xanuc' to laif'epa, itque tica'nennala'.

³¹ 'Iya' camilhuo': Jahuay lixcay li'epa, jahuay linesc'epołtsi lan xanuc', ti'i'ma timenc'e'ecom'mola'. Le'a nonesc'epá cataiqui' cal Espíritu Santo aimi'ıya mimenc'e'econyacola'.

³² Cal xans nałnesc'e'epa cataiqui', ti'i'ma timenc'e'ecom'me. Cal xans nonesc'epa cataiqui' cal Espíritu Santo, itque aimi-menc'e'econyacu. Mipa'a fa'a li'a łamats' o jipu'hua locuenaj quitine, iłquiya titai'ma lijunac'.

³³ 'Ja'ni tolimetsaicoyi ac'a li'as, jouc'a tolimetsaicole ac'a al 'ec. O ja'ni tolimetsaicoyi a'ıjc'a li'as, jouc'a tolimetsaicole a'ıjc'a al 'ec. Al 'ec li'as timuj'ma te ts'i'ic' iłe al 'ec, ja'ni ac'a c'ec o a'ıjc'a. ³⁴ Imanc' lołpicuejma' ti'onłcospa to lipicuejma' łacałpo'. Imanc' unc'ıxcay xanuc'. ¿Te co'ıya mołpalaiyacu al c'a cataiqui'? Ma to lipicuejma' cal xans, ja'ni al c'a o ıxcay, ma tołta'a lopalaıcoya. ³⁵ Cal c'a xans tipalaijma al c'a litaiqui', ma to mipa'a lipicuejma'. Cal xans ts'ıxcay quipicuejma' tipalaijma ıxcay litaiqui' ma to mipa'a lipicuejma'.

³⁶ 'Iya' camilhuo': ¡Tołpo'nołe cuenna te ts'i'ic' lołnesyacu! Ticuaitsi al Cuecaj Quitine ŁanDios cal Juez ticuis'etolhuo' anuli anuli, timitolhuo': “¿Te colnescopa tołta'a?” ³⁷ Ja'ni ołnes'me al c'a, ŁanDios tepenuftolhuo', tixinnolhuo' unc'ic'a xanuc'. Ja'ni ołnes'me lixcay, ŁanDios aimepenufyacolhuo', tixinnolhuo' a'ıjc'a.

38 Oquexi' afantsi lan xanuc' fariseo, oquexi' afantsi lomxiye nomuc'iyalepá locuxepa ËanDios, italai'e'e'me Jesús, timiyi:

—Momxi, ałpic'a ałsinte ja'ni ałınca lepi'ipo' lomane ËanDios. Ałmihuo': To'eta' al cueca'.

39 Jesús italai'e'e'mola', timila':

—Lixcay xanuc' pe necanujpá ËanDios, pe aimihuejyi, ma le'a iłpic'a ałsinta' ca'eta' al cueca'. Ma tołta'a imanc' loł'ejma'. Ailopa'a caifmuc'iyacolhuo'. To li'ipa cal profeta Jonás luyaipa quitine, ma tołta'a ał'i'ma iya'. Iłe lınca tołsim'me. 40 Jonás icoł'ma afane quitine afane quipuqui' jilpe licu'u cal cueca' catu linuc'ma. Iya' iłque cal Xans Liximpa cal profeta pu'hua lema'a. Ałcołta afane quitine afane quipuqui' licu'u łamats'.

41 'Ticuaitsi al Cuecaj Quitine imanc' tołacaxingołaita ËanDios cal Cuecaj Juez. Jouc'a tecaxingołaita lan xanuc' nimajmpá liłya' Níneve, jilpiya Jonás luya'ahuo'ma litaiqui' ËanDios. Iłniya lun Níneve ticuftolhuo'. Iłne iquimf'e'me lu'i'mola' Jonás, ixhuej'menanca. Itsiya imanc' tołquimf'eyi anuli xonca cal cueca', aimołsuej'memma.

42 'Jilpe al Cuecaj Quitine lan xanuc' tecaxingołaita ËanDios cal Cuecaj Juez. Imanc' tołacaxingołaita. Jouc'a tecaxhuaita łaca'no' nicuxepa anuli łamats' juaiconapa aculi' al 'ocay. Iłque łaca'no' ticuftolhuo'. Xonca al c'a li'ejma' iłque. I'hua'ma juaiconapa itoqui lane. Icuaitsi icuej'ma locuapa cal rey Salomón. Iłque acueca' lipicuejma'. Itsiya, imanc' tama tołquimf'eyi anuli cal cueca' xonca, tolatets'iyi.

43 'Anuli lixcay conta'a, lipanni licuerpo cal xans, ti'hualeco'ma pe ailopa'a caja'. Tehue petsi conxac'eya, aimixina. 44 Ticua: "Aipainamma. Ai'huanapa lainejut'ł pe lainipayomma." Licuaitsi jilpiya tixim'ma ixcuajma', itaf'uyiya, i'huáqui al c'a. 45 Tixinla' tołta'a ti'hua'ma, tilecotola' ocuenaye acaitsi lontahue xonca ixcay. Titsuflai'me jilpiya licuerpo cal xans, timajm'me. Tołta'a xonca acueca' loyaicoya iłque cal xans. Al te'a le'a anuli lonta'a i'hueca, tijouł' ti'i'mola' apaico lontahue. Tołta'a loluyalaicoyacu imanc' mołmana' itsiya. A'ij lijca lołpicuejma'.

46 Jesús mipalaic'ola' lan xanuc', icuaiyunca qui'máma' jouc'a lipimaye. Eaxoł'me łuna. Iłpic'a tipalaic'ole.

47 U'im'me Jesús, imim'me:

—Icuai'me co'máma' jouc'a lopimaye. Tecaxołanna łuna. Iłpic'a tipalaic'otso'.

48 Jesús italai'e'e'ma, timi:

—Fa'a, łja'ni ailopa'a cai'máma', ailomana' laipimaye?

49 Tenats'ila' ts'ilihuequi, ticua:

—Jifa'a comana' cai'máma' jouc'a laipimaye. ⁵⁰ Hque nai-huejcopa Cai'Ailli' Nopa'a lema'a, ma jilque aipima o ai'máma'.

13

¹ Małpiya litine Jesús ipanni jilpe lajut'í, icutshuai'ma lema al cueca' quin'nuhua'. ² Axpela' lan xanuc' icuaitsa pe lopa'a Jesús. Hque if'aj'ma anuli al barco, icutsmáima jilpiya. He al barco tecaxc'o jilpe laja', jahuay lan xanuc' tecaxołanna lema al cueca' quin'nuhua'. ³ Jesús axpe' i'onfico'ma lo'epa LanDios fa'a li'a łamats'. Timila':

—Cal xans ipanni ica'nehuo'ma lam fanuj trigo. ⁴ Mica'ne lam fanu' hualca ecangoláitsa lane. Lacał'hui naiyulpá lema'a icuaitsa, itejn-na'me.

⁵ 'Hualca lam fanu' i'nif'coláitsa jilpiya lixmi capic, tejuaf'ya huata łacamats'. Ma axolof łacamats' aiquicoł'ma, lam fanu' ila'ma. ⁶ Lif'aj'ma cal 'ora, epatsi linu', lam fanu' lilapa ipi'e'mola'. Huata ilanc'epoxi łaiquime, ijułna'ma.

⁷ 'Hualca lam fanu' itsuc'huaita pe lopa'a litac'. Hque litac' itoj'ma, ejec'ona'ma lilapa cal trigo.

⁸ 'Hualca lam fanu' etojmołáitsa cal c'a camats'. Ine linca ila'ma, itoj'mola', ipanni liłpa. Anuli ipammaitsi amaxnu, ocuena ipammaitsi afanej nuxans, łocuena ipammaitsi anuxans quimbama'.

⁹ 'Naitsi nocuejpa, ałquimf'ela' iya' laitaiqui'.

¹⁰ Ts'ilihuequi Jesús iloc'olái'me. Icuís'e'me, timiyi:

—Ima', łte cofmuc'icopola' tołiya? Aimo'ila' acujmaica cataiqui'.

¹¹ Jesús italai'e'e'mola', timila':

—Imanc' LanDios epalc'o'ipolhuo' lołpicuejma'. Ołcueca lipime cataiqui'. Ołcueca lo'iya jilpiya petsi lan xanuc' tihuejcoyi LanDios, ilque cal Cuecaj Rey Nopa'a lema'a. Locuenaye lan xanuc' aiquilcueca. ¹² Cal xans ja'ni ticueca, xonca ticuej'ma, tuyaf'ma lipicuejma'. Cal xans ja'ni aiquicueca, tejac'e'ma ilé lixina'. ¹³ Ine: “Tama tehuelojnyi, aimixinyi; tama tiquimf'eyi, aimicuejyi.” Tołiya laifpalaic'opola' ilniya a'ij cuajmaica cataiqui'. ¹⁴ Jilne lo'ipola' enanłcopa luya'apa cal profeta Isaías, ticua:

Tołquimf'e'me, ti'hua tołquimf'eyi, aimołcuc'eyacu.

Tolahuelojm'me, ti'hua tolahuelojnyi, aimołsinyacu.

¹⁵ Al linca liłpicuejma' ilne lan xanuc' i'ipa ta.

Tama tipa'a liłs'mats'i', afule micuec'eyi.

Ixpoł'mipá lił'u'.

Ja'ni colá' aimi'e'me tołta'a tixingo'me lił'u', tiquimf'eco'me

liłs'mats'i',

laitaiqui' titsufai'ma liłpicuejma', ałcuc'e'ma,

tipailinacu, titsuflaina'me al c'a cane,

tołta'a caxal'mena'mola', quılınc'e'ena'mola' lıjıunac'.

16 'Imanc' lınca tuluyalaicoyi al c'a. Tołsinyi, tołquımf'eyi. 17 Iya' camılhuo' al lınca: Luyaıpa quitine axpela' lan xanuc' tıjanajyi coła' tixınıe ıle lołsımpa itsiya imanc'. İniya lam profeta jouc'a locuenaye lan xanuc' naihuejpá locuxepa LanDios, aıquixım'me. Tıjanajyi coła' tıquımf'ete ıle lołquımf'epa itsiya imanc'. Aıcu'ınnıla' ıhiya lataıqui'.

18 'Alquımf'eta'. Cuhuałc'e'e'molhuo' lataıqui' loya'apa te ts'i'ic' li'ıpa jıłpiya leca'nımpa cal trıgo. 19 Itsiya LanDios cal Rey Nopa'a lema'a tıjoc'ıla' lan xanuc' tıhuejcołe. Cal xans noquımf'epa ıle lataıqui' ja'ni aımicueca ti'i'ma to li'ıpa jıłpiya łecangemma lane lam fanu'. Tıcuaihuo łonta'a, tıpa'ena'ma lataıqui', ıhiya lifapa lipıcuejma' cal xans.

20 'İe huata łacamats' lifaf'ımpa jıłpe lıxmi capıc ti'onłcospa to cal xans micuej'ma lataıqui' loya'apa ıle al c'a lıxpıc'epa LanDios, tepenuf'ma, tıxojco'ma queta. 21 İhque tıhuequi le'a oque' fane' quitine, lataıqui' aımıf'acay łime jıłpe lipıcuejma'. Tıcuaitsi lıxhuejma', o lan xanuc' tıxtuc'oyi mıhuequi ıle lataıqui', ıłque aımıhuejcoya, tenaj'moxi.

22 'Łamats' lifampa jıłpiya lıtojpá łıtaç' ti'onłcospa to łocuena cal xans. İłque tıquımf'e lataıqui' loya'apa al c'a lıxpıc'epa LanDios. Tıjoułta' tıxhuełma juaıconapa, tıcuá: “¿Te caıfnuyacıoya laıpitine?” O tıfel'mı'moxi quıtıca', tıjanaca tulıjla' axpe' quı'huexi. İe lataıqui' lopa'a lipıcuejma' eıec'opa, aıquıpaımaıc'.

23 'Cal c'a camats' lifampa ti'onłcospa to łocuena cal xans, ıłque tıquımf'e lataıqui' loya'apa ıle al c'a lıxpıc'epa LanDios, tıcúeca. İe lataıqui' ipammaita. İłque cal xans lo'ıya ti'onłcospa to li'ıpa cal fanuj trıgo łıpammaita amaxnu, o łıpammaita afanej nuxans, o łıpammaita anuxans quımbama'.

24 Jesús i'onłıconapa lo'epa LanDios fa'a li'a łamats', tımıla':

—Anulı cal xans eca'ni'ma lan c'a fanuj trıgo łemats', li'ıpa jıłpe ti'onłcospa to lo'ıya petıı LanDios tıjoc'ıla' lan xanuc' tıhuejcołe. İłque cal Cúecaj Rey Nopa'a lema'a. 25 Joupa eca'nıpa lan c'a fanuj trıgo, mıxmaıyi lan xanuc', ıcuaitsi no'epa laıç' ıłque cal xans, eca'ni'ma ocúenaj fanu'. İłque lıxcay fanu' eca'ni'ma małpe pe leca'nımpa lan c'a fanuj trıgo. İ'huana'ma.

26 'İtoj'mola' cal trıgo jouc'a lıxcay quıtamqui. Lıpanni lıxpá ımetsacıom'me uhuantsı lıxcay quıtamqui. 27 İcuaitsa limozó łıpoujna camats'. İcuıs'e'me łıłpoujna, tımıyi: “Małpoujna, ¿te aıcomeca'ni cal c'a fanuj trıgo łomemats'? ¿Pe quı'huayomma ıłquıya lıxcay quıtamqui?” 28 Łapoujna ıtalai'enni, tımıla': “Tołta'a li'epa nał'epa laıç'”. Limozó ıcuıs'e'me, tımıyi: “¿Te cal'eyacu? ¿Te alyaxta ıłque lıxcay quıtamqui?” 29 Lıłpoujna tımıla': “A'ı, aımı'ıya. Ja'ni tolyaxtsa, jouc'a tıyaxc'ehuo cal

trigo. ³⁰ Ma tole tipanenni. Tитоjtsola' ma' anuli cal trigo jouc'a lixcay quitamqui. Ticuaitsi litine tefot'lenle, iya' camimola' no'eyacu canic': Tonlele, ate'a tolyaxtsa jile lixcay quitamqui, tof'i'ot'letsatsa atotsa atotsa tipi'em'me. Tijoula', tolafot'letsatsa cal trigo, to'hua'anca fa'a lainejut'.

³¹ Jesús ti'hua ti'onliconghua lo'epa LanDios fa'a li'a lamats'. Timila':

—Anuli cal xans itai'ma anuli lajfanu' juaiconapa aca'hua cuftine sinapi, ifatsi lamats'. Li'i'ma ilque cal fanu' ti'onlcospa to lo'iya petsi LanDios cal Cuecaj Rey tijoc'ila' lan xanuc' tihuejcole. ³² Ilque cal fanu' xonca aca'hua, titoj'ma tulij'ma jahuay lofampa jilpe laqueya. Ilque xonca titoqui. Ti'i'ma to al 'ec. Laca'hui naiyulpá lema'a jilpe al 'ec tilanc'e'me lipuxi'na, timajm'me.

³³ Jesús ti'hua ti'onliconghua lo'epa LanDios fa'a li'a lamats'. Timila':

—Anuli laca'no' ilai'i'ma hilevadura axpe' hi'harina. Li'i'ma cal harina hilai'ipa cal levadura ti'onlcospa to lo'iya petsi LanDios cal Cuecaj Rey Nopa'a lema'a tijoc'ila' lan xanuc' tihuejcole. Ie cal levadura ti'hua tilai'i cal harina. Lijou'ma umfunni jahuay lax'e.

³⁴ Tohta'a limuc'iyalepa Jesús. Ma le'a i'onlicopa lo'epa LanDios. Aimimuc'ila' acuajmaica cataiqui'. ³⁵ Tohta'a enancopa linespa cal profeta. Ilque uya'a'ma linespa cal'Ailli', ticua:

Capalaic'o'mola' lan xanuc', ca'onlico'ma lo'epa LanDios.

Lilajnyopa li'a lamats', emiya ihiya lataiqui'.

Itsiya cu'i'mola' lan xanuc'.

³⁶ Jesús ipo'no'mola' lan xanuc' nomana' jilpiya. Ts'ilihuequi iloc'olai'me, timiyi:

—Lu'itsonga', luhualc'etsonga' lataiqui', ile loya'apa te ts'i'ic' li'ipa jilpe lamats' cal xans pe litojyopa lixcay quitamqui.

³⁷ Jesús timila':

—Iya' ilque cal Xans Liximpa cal profeta pu'hua lema'a. Iya' al'onlcospa to ilque cal xans neca'nipa lan c'a fanu'. ³⁸ To lamats' lifapa cal xans tole ti'onlcospa ilca'a li'a lamats'. Naihuejcopá LanDios, ilque cal Cuecaj Rey, ilne ti'onlcospola' to lan c'a fanu'. Naihuejcopá lonta'a, ilne ti'onlcospola' to lixcay quitamqui, ile litamqui lifapa ilque lin'ehuale laic' cal xans. ³⁹ Lonta'a Satanás, ilque lin'ehuale laic'. Li'i'ma litine lafot'leya ti'onlcospa to lo'iya Lijoujma Quitine. Nefot'lepá trigo, ilne ti'onlcospola' to lapaluc' quema'a, mañiya tefot'lem'mola' lan xanuc'.

⁴⁰ 'Ma to miyaxquim'me lixcay quitamqui, tipi'em'me, ma tohta'a lo'iya Lijoujma Quitine. ⁴¹ Iya' ilque cal Xans Liximpa cal profeta pu'hua lema'a. Iya' cumme'mola' lainepaluc' quema'a. Ma to miyaxquim'me lixcay quitamqui, tohta'a

tepa'am'mola' lomints'eyalepá liṭpicuejma' lan xanuc'. Jouc'a tipa'am'mola' pe aimihuejcoyi locuxepa ŁanDios. Iṭniya aimimajnyacu anuli naihuejcopá ŁanDios, iṭque cal Cuecaj Rey. ⁴² Iṭne lixcay xanuc' ti'nij'mim'mola' al cuecaj capa lonajpa lunga. Jiṭpiya lan xanuc' tijolijta, ti'ilc'ta liṭ'ay, tixinna acuecaj cumla. ⁴³ Lan xanuc' naihuejcopá locuxepa ŁanDios, ma iṭniya timanecu pe locuxeyopa ŁanDios iṭque quiṭ'Ailli'. Jiṭpiya ti'huájtola' to mi'huájta cal 'ora tuyaiṭa' hummahuay.

'Naiṭsi nocuejpa, aṭquimf'eṭa' iya' laitaiqui'.

⁴⁴ 'To li'epa anuli cal xans liximpa axpe' al tomí lemuyiya łamats', toṭta'a ti'onłcospa to lo'eyacu lan xanuc' noquimf'epá, naihuejcopá ŁanDios lojoc'ipola', iṭque cal Cuecaj Rey. Cal xans liximpa iṭe al tomí emucona'ma. Tixoqui queta i'hua'ma icujtsi jahuay li'huexi. Iṭe lulij'ma i'naco'ma łamats' jiṭpe lamuya al tomí.

⁴⁵ 'To li'epa anuli cal xans lincuale mehuay lam perla, iṭniya acueca' liṭpitali, toṭta'a ti'onłcospa to lo'eyacu lan xanuc' noquimf'epá, naihuejcopá ŁanDios lojoc'ipola', iṭque cal Cuecaj Rey. ⁴⁶ Cal xans iximpa anuli cal perla acueca' lipitali, i'hua'ma icujtsi jahuay li'huexi. Iṭe lulij'ma i'naco'ma iṭque cal perla.

⁴⁷ 'To li'ipa petsi lin'noṭpá catuye lecajm'mi'me liṭxami al cuecaj quin'nuhua', toṭta'a ti'onłcospa to lo'iyacola' lan xanuc' noquimf'epá, naihuejcopá ŁanDios lojoc'ipola', iṭque cal Cuecaj Rey. Iṭque cal xami i'noṭpola' jahuay latuye, iṭne lotempola' jouc'a pe aimitejn-nila'. ⁴⁸ Namma i'i'ma cal xami, lin'noṭpá catuye ipa'a'me laja'. Icuscolenca, i'huijf'e'me lan c'a catuye, ti'nij'miyi liṭtsiquihuit'ṭ. Locuenaye latuye, iṭne pe aimitejn-nila', eca'ni'me. ⁴⁹ Toṭta'a ti'i'ma Lijoujma Quintine. Ticuaicu lapaluc' quema'a, tenaj'mola' lan xanuc'. Ti'huijf'e'mola' lan xanuc' naihuejcopá locuxepa ŁanDios. Lixcay xanuc' tipa'am'mola'. ⁵⁰ Tecajm-mim'mola' lapa petsi lonajpa lunga. Jiṭpe lan xanuc' tijolijta, ti'ilc'ta liṭ'ay.

⁵¹ Jesús icuis'e'mola', timila':

—¿Te oluhuaṭpá lainu'ipolhuo'?

Iṭne italai'e'e'me, timiyi:

—Ma luhuaṭpá.

⁵² Timila':

—Imanc'unc'omxiye, joupa olihuic'ipá te ts'i'ic' lo'iya petsi ŁanDios timujyoxi, iṭque cal Cuecaj Rey Nopa'a lema'a. Totiṭya ti'onłcospolhuo' to lapoujnalá cajut'ṭi. Iṭque lapoujna cajut'ṭ tipa'e, timuqui li'huexi. Tipa'e łafane li'huexi, jouc'a tipa'e cal ts'e, timuc'ila' lan xanuc'.

⁵³ Lijoupa limuc'iyalepa iṭne łataiquí, ipanni jiṭpiya.

⁵⁴ Icuaiṭsi lipiṭya' pe litojyopa. Ipango'ma imuc'i'mola' lan xanuc' jiṭpe lajut'ṭ pe lafoṭyomma. Iṭne lan xanuc' ticuayi:

—¡Xinla! Acueca' juaiconapa lonespa jouc'a lo'epa. Ique cal xans, ¿naitsi nimuc'ipa? Juaiconapa ixina'. ¿Naitsi nepi'ipa limane ti'ela' tofta'a? Ique ti'ay acueca' to lo'epa LanDios. ⁵⁵ Ique i'hua cal xans hinc'alhuaŋpa, María i'máma'. Jacobo, José, Simón y Judas ipimaye. ⁵⁶ Lipimaye cacal'no' jouc'a timana' fa'a. ¿Naitsi nimuc'ipa lonespa? ¿Naitsi nepi'ipa limane?

⁵⁷ Ihe ixim'me Jesús to jipu'hua ni naitsi xans. Ixtulencia. Aimicuayi mepenufyacu. Jesús timila':

—Cal profeta mipa'a lipiŋya' o lejut'ŋ, jiŋpiya aimepenufyacu. Ja'ni ti'hua'ma ocuena quiŋya', jiŋpe linca tepenufta.

⁵⁸ Ma' ahuata al cueca' li'e'ma Jesús jiŋpe lipiŋya'. Lan xanuc' aiqil'huaiyinge.

14

¹ Ihiya hitiné Herodes icuejpa lo'epa Jesús. Jiŋque Herodes ticuxe jiŋpe lamats' Galilea. ² Timila' lixanuc':

—Ique aJuan Bautista. Imaf'inapa, ipanamma pe lomana' lamizhua. Tohiya tipa'a limane, ti'ay al cueca'.

³⁻⁴ Tofta'a licuapa Herodes i'nujuaitsi li'e'epa Juan.

Ique Herodes ilecopa hi'maxi cuftine Herodías, exic'e'epa lipima Felipe. Juan Bautista italepa Herodes. Timi: “Ima' o'epa lixcay. Aimolmajncona'me anuli ima' la'ca'no'.” Herodes aits'etenlcoco'ma ihiya lines'ma Juan Bautista. Ixtuc'opa, i'noŋpa, ifi'ecopa acadena, i'nicopa lacarza. ⁵ Ticua: “Cama'a'ma”. Aiquima'e. Tixpaic'ela' lan xanuc' aga tixtulecu. Jahuay ticuayi: “Juan aprofeta. LanDios ummepa.”

⁶ Ixhuaitsi lemats' Herodes i'e'ma juic. Jiŋpe efoŋyomma Herodes lijoc'ipola'. Ixou'ma hi'hua caca'no' Herodías. Juaiconapa icuaiti quipic'a Herodes. ⁷ Icuaj'mipa LanDios, epi'ipa cataiqui', timi lahuats': “Itsiya, ¿te caifnepi'iyaco'? Aŋsahue'ela'.” ⁸ Lahuats' ihuejco'ma qui'máma' lixc'ai'i'ma, timi: “Altai'etsi lijuac Juan Bautista. Tipo'nof'intsa laxpef' pime.”

⁹ Herodes ixhueŋconni. ¿Te co'eya? Joupa icuaj'mipa LanDios, icupa cataiqui'. Lijoc'ipola' jouc'a icuejco'me licuaj'mipa. Aimi'iya micuanac'eya lahuats'. Icuxe'ma ti'ente to lixahue'epa lahuats'. ¹⁰ Umme'ma anuli cal soldado pu'hua lacarza tetec'entsa lejoc' Juan. ¹¹ Ipo'nof'intsa lijuac laxpef' pime, i'hua'anni, uhui'itsi lahuats'. Ique itai'ma, uhui'itsi qui'máma'. ¹² Icuaiyunca ts'ilihuequi Juan. Itaina'me licuerpo emunatsa. Iye'me u'itsa Jesús.

¹³ Jesús, licuej'ma li'ipa Juan, if'aj'ma al barco, i'hua'ma petsi ailopa'a quiŋya' ni cajut'ŋ. Aicu'ila' lan xanuc'.

Li'i'ma quiŋsina' lan xanuc', ihe ipalunca hiŋpitolŋya', iye'me liŋ'mis. Ticuaitsa pe licuaita Jesús. ¹⁴ Jesús iquie'ma al

cueca' quin'nuhua', icuaitsi locuena liju'. Lipanni al barco ixim'mola' axpela' lan xanuc' joupa icuaita jilpiya. Ixim'mola' acuanuc'la. Ixał'mena'mola' lilefcuallay.

¹⁵ Joupa ummuhuita, ts'ilihuequi Jesús itoc'olai'me. Timiyi:

—Jifa'a ailopa'a quilya', ailopa'a cajut'ł. Joupa ummuhuita. Toxc'ai'itsola' lan xanuc'. Tomitsola' tiyenle łaiquitelolya', ti'natsa łotejacu.

¹⁶ Jesús timila':

—¿Te coyecoyacu? Imanc' tołtes'mitsola'.

¹⁷ Iłniya timiyi:

—Jifa'a tipa'a ma le'a amaque' la'ı y oquexi' latuye.

¹⁸ Timila':

—Toł'hua'anca fa'a.

I'hua'a'me.

¹⁹ Jesús icuxe'e'mola' lan xanuc' ticutsołaitle łaiquitamqui. Epef'mola' lam maque' la'ı, loquexi' latuye. Ehuelojm'ma al toncay lema'a, ix'najtsi'i'ma ŁanDios. Ixquenuf'mola' la'ı, epi'i'mola' ts'ilihuequi. Ts'ilihuequi eca'nem'mola' lan xanuc'.

²⁰ Jahuay itetso'me ixhuaitsole'. Ts'ilihuequi Jesús efot'le'me łaijhualcay lipanecomma. Ima'ni'me imbama' coque' lan tsiquihuit'ł. ²¹ Iłniya litetso'me tixhuaispola' oquej nuxans quimbama' maxnu lan xanuc'. Jouc'a itetso'me lacał'no' jouc'a la'uhuy.

²² Aiquicoł'ma. Jesús icuxe'e'mola' ts'ilihuequi, timila':

—Toł'ajlıle al barco. Tołquiele al cuecaj lin'nuhua'.

Iłque tipanenni tixc'ai'ıla' lan xanuc' tiyenle łilejut'łi.

²³ Lijoupa lixc'ai'ipola' lan xanuc' Jesús if'aj'ma quituca' hijualay, tipalaic'otsi ŁanDios. I'ipa quipuqui', tipa'a quituca' jilpiya. ²⁴ Ts'ilihuequi noyecopá al barco joupa icuaita aculi'. Łamats' canujnca ailopa'a. Afule mi'hua al barco. Łahua' ti'hua titalecufi. Itsahuemma laja', ujfxi tipange al barco.

²⁵ Liłic'ejma icuainatsi jilpiya Jesús, ti'huailsaf'que laja'.

²⁶ Ts'ilihuequi ixim'me mi'huayaf'que laja'. Juaiconapa ixpailij'mola'. Tija'ayi, ticuayi:

—Icuaiico'ma cal cueca' quinxpaic'ale.

Tija'ayi caxpaiqui'.

²⁷ Aiquicoł'ma. Jesús ipalaic'o'mola', timila':

—Aimixpailij'molhuo'. Ma' iya'. Aimołsuełmot'le'me.

Ailopa'a tintsi.

²⁸ Pedro timi:

—Maipoujna, ja'ni alinca ima', almiła': "To'huanni". Iya' ca'hua'ma, ca'huailsaf'la' laja', cacuaitsi pe lofpa'a.

²⁹ Jesús timi:

—To'huanni.

Pedro emunni al barco, i'huailsaf'tsi laja' ticuaitsi pe lopa'a Jesús. ³⁰ Lixim'ma lahua' ti'hua juaiconapa ipujfxi, ixpaiconni. Ipango'ma if'acaina'ma laja'. Ija'a'ma, timi Jesús:

—Maipoujna, j!un!u'eta'!

³¹ Aiquico!ma. Jesús i'nij'ma limane, i'no!ma Pedro, timi:

—Ima' le'a ahuata a!huaiyinge. ¿Te qui'ico'po' a'ij nuli lop-icuejma'?

³² Jesús jouc'a Pedro if'ajli'me al barco. Ipanenanni lahua'.

³³ Ihne nomana' al barco exc'on!ngotai'me Jesús, timiyi:

—Ima' ma' i'Hua LanDios.

³⁴ Ti'hua tiquieyi al cueca' lin'nuhua'. Icuaitsa lamats' Genesaret. ³⁵ Ihne lun Genesaret imetsaico'me Jesús, ummem'mola' lilepaluc' tiyete ni petsi j!piya lamats', tuya'atsa joupa icuai'ma Jesús. Licuej'me to!ta'a lan xanuc' icuai'enca jahuay lilefcual!ay. ³⁶ Ixa'hue'me ma le'a tilafc'ete tema lipi-jahua' lafcual!ay. Jahuay nilafc'e'me ixat'cona'mola'.

15

¹ Lan xanuc' fariseo jouc'a lomxiye nomuc'iyalepá locuxepa LanDios, quiyouyomma Jerusalén, icuaitsa pe lopa'a Jesús. Icuais'e'me, timiyi:

² —Ihniya la!tatahueló tipa'a li!ejma' tulouyi li!mane ai'ta titetso'me. Ts'ihuejhuo', ¿te aimulouyi li!mane? ¿Te co'ecopa to!ta'a? ¿Te aimihuejcoyi li!ejma' la!tatahueló?

³ Jesús italai'e'e'mola', timila':

—Imanc' xonca tolihuejyi li!ejma' lo!tatahueló, o!pic'a. To!ta'a tolatets'iyi locuxepa LanDios. ¿Te con!ecopa to!ta'a?

⁴ LanDios ticuxe, ticua: “Taihuejco'mola' co'ailli', co'máma'. Totoc'i'mola'.” Jouc'a ticua: “Cal xans nomipola' cataiqui' qui'ailli' qui'máma' tipa'a lijunac'. Tima'an!e.”

⁵⁻⁶ 'Ituca' lo!cuapa imanc'. To!cuayi: “Cal xans a'i mitoc'i'mola' qui'ailli' qui'máma'. Ma le'a timitsola': Aimi'iya catoc'iyacolhuo'. He !ai'hueca co!a' catoc'icotsolhuo' joupa nenajpa, catsufcota LanDios.” Linca tolihuejyi li!ejma' lo!tatahueló. Litaiqui' LanDios locuxepa aimolanant'iyi. To!e'eyi to ni naitsi cataiqui'.

⁷ 'Imanc' aijc'a lo!ejma'. Ma le'a to!e'eyo!tsi, imanc' a'i cunc'ic'a xanuc'. Cal profeta Isaías inescopolhuo'. He litaiqui' tuya'e' lonespa LanDios, ticua:

⁸ Ihniya lan xanuc' a!mi: “Ima' alanDios, ima' unCueca”.

J!pe hilunxajma' latets'i, aimalihuequi.

⁹ Lataiqui' lomuc'iyalepa ihniya, a'i laitaiqui'.

Timuc'iyaleyi ihniya locuxepa lan xanuc'.

Tama alaxc'on!ngaita', aimalaten!ma ile li!ejma'.

¹⁰ Jesús ijoc'i'mola' lan xanuc' ticuaiyunca, timila':

—¡Atquimf'eta! ¡Atcuc'eta' iŕe laifmipolhuo! ¹¹ Cal xans lo'nicoya lico, iŕe aimi'ya mixis'meya. Laipayomma lico, iŕe litaiqui' locuapa, ja'ni ixcay cataiqui', iŕe ŕinca tixis'me'ma cal xans.

¹² Ts'ilihuequi icuaiyunca pe lopa'a Jesús, timiyi:

—¿Te conescopa toŕta'a? Lan xanuc' fariseo juaiconapa ixtuc'opo'.

¹³ Jesús italai'e'e'mola', timila':

—Al 'ec pe aiqufac' cai'Ailli', iŕque Nopa'a lema'a, iŕe al 'ec tiyaxquim'me. ¹⁴ Timajne. Aimoŕquimf'e'mola'. Iŕne afohue, ti'huaj'me'eyi liŕf'as fohue. Ja'ni cal fo' ti'huaj'me'eta' liŕf'as fo', loquexi' timefmoŕaita lina.

¹⁵ Pedro timi:

—Luhuaŕc'e'etsonga' iŕe lataiqui'.

¹⁶ Jesús timila':

—Imanc' jouc'a, ¿te ailopa'a coŕpicuejma'? ¹⁷ Cal xans lo'nicopa lico, iŕe aimitsufaiya lipicuejma', titsufay licu'u, tijouŕa' tipanamma. ¿Te aicoŕsina' toŕta'a? ¹⁸ Laipayomma lico cal xans, iŕe lataiqui' qui'huayomma lipicuejma', iŕe ŕinca tixis'me'ma iŕque cal xans.

¹⁹ 'Jahuay lonespa, lo'epa cal xans tipayomma lipicuejma'. Maŕpiya qui'huayomma jahuay lixcay. Jiŕpe liŕpicuejma' lan xanuc' tixpic'eyi ti'eŕe lixcay. Tixpic'eyi tima'ahuale'me. Tixpic'eyi tiŕ'iltsaicole lipeno liŕf'as xans. Tixpic'eyi tixhuico'mola' locuenaye cacal'no' a'i liŕpeno. Tixpic'eyi tinantse'me. Tixpic'eyi tifellaique'me. Tixpic'eyi tixahuale'me.

²⁰ 'Jahuay iŕna'a ti'e'e'mola' xujc'a, toŕta'a tixis'me'mola'. Cal xans ja'ni aimulouhuo limane to liŕ'ejma' litatahueló, ma le'a titetso'ma, a'i toŕta'a mixis'meya.

²¹ Jesús ipanni jiŕpiya. I'hua'ma hilemats' iŕne hileloŕya' Tiro y Sidón. ²² Icuaiyunni pe lopa'a Jesús anuli ŕaca'no' qui'huayomma jiŕpe ŕamats'. Iŕque a'ij judía. Litatahueló cuftine lan cananeo. Lan xanuc' judío tetets'innila' iŕne lan cananeo. Ticuayi: "Atsilqui iŕniya".

ŕaca'no' tija'e', timi Jesús:

—Maipoujna, ima' tecui'inghuo' i'Hua David, jaŕsinta' nin-cuanuc'! ŕai'hua caca'no' titeŕma juaiconapa. Itsufaipa anuli liponta'a Satanás.

²³ Jesús aiqitalai'e'. Ts'ilihuequi iŕoc'olai'me, timiyi:

—Iŕca'a ŕaca'no' ti'hua tija'e' lihuequinga'. Tocuxe'eta' ti'huanŕa'.

²⁴ Jesús italai'e'ma, timi ŕaca'no':

—LanDios lummepa catoc'itsola' lixanuc' Israel, iŕne lo'onŕcospola' to lam mot'ŕ lejac'pola'. Aimi'ya catoc'iyacola' locuenaye lan xanuc'.

²⁵ ŕaca'no' iŕoc'huai'ma exc'onŕingai'ma, timi:

—Maipoujna, jałtoc'ita'!

²⁶ Jesús italai'e'e'ma, timi:

—Aimi'iya miłonc'e'enyacola' ĩle'i la'uhuay, meca'ni'enyacola' lan tsilqui.

²⁷ Łaca'no' timi:

—Maipoujna, al ĩnca lotaiqui'. Iya' cacua: ĩniya lan tsilqui, tama atsilqui, ĩne titeji laijhualcay ca'i lacangemma limesa ĩlpoujna.

²⁸ Licuej'ma ĩliya lataiqui' Jesús timi:

—Maca'no', acueca' ał'huaiyijmpa. Ma to lałsahue'epa, tofe ti'ita'.

Małe 'hora ixalcona'ma ĩ'hua łaca'no'.

²⁹ Jesús ipanni ĩłpiya. Ti'hua łema al cuecaj quin'nuhua' Galilea. If'aj'ma ĩjualay, licuaitsi icutshuai'ma ĩłpiya.

³⁰ Icuaiyunca axpela' lan xanuc'. Icuai'etsa axpela' ĩlilefcualłay, ĩne lan coxo, latumane, lan fohue, jouc'a ocuenaye lan xanuc' ĩne aimi'i mipalaiyi, jouc'a ocuenaye lafcualłay. Ipo'nom'mola' huejnca ĩ'mitsi' Jesús. ĩque ixal'mena'mola'. ³¹ Lan xanuc' ixim'me ĩe ĩ'ipola' lafcualłay. ĩne pe aimipalaiyi ipalaina'me. ĩne latumane joupa ixalconapola'. Lan coxo tiyenayi. Lan fohue tixinalenayi. Lixim'me tołta'a lan xanuc' timiyoltsi:

—ıXinła' ja'a! ĩque Jesús ti'ay al cueca'.

ıX'najtsi'i'me ŁanDios, ĩlenDios ĩne lan xanuc' Israel.

³² Jesús ijoc'i'mola' ts'ilihuequi, ticuainanca. Timila':

—Iya' caxinnila' cuanuc'la ĩna'a lan xanuc'. Ixhuaita afane' quitine małmana' anuli fa'a. Ailopa'a cotejacu. Aimi'iya cummeyacola' tołta'a. Aimi'iya miyeyacu ĩłpıhelolıya'. Titafquecola' lane.

³³ Ts'ilihuequi timiyi Jesús:

—Jifa'a ailopa'a quııya'. ¿Petsi całsi'neyacu ła'i łotejacu ĩna'a axpela' lan xanuc'?

³⁴ Jesús icuis'e'mola' ts'ilihuequi, timila':

—¿Tojua mipa'a łola'i?

Timiyi:

—Acaitsi la'ı, oquexi' afantsi latuye.

³⁵ Jesús timila' lan xanuc':

—Tołcutsolaiıe łamats'.

³⁶ Epef'mola' lan całtsi la'ı jouc'a latuye. ıX'najtsi'i'ma ŁanDios. ıXquenuf'mola', epi'i'mola' ts'ilihuequi. Ts'ilihuequi eca'neyale'me. ³⁷ Jahuay itetso'me, ixhuaitsoła'. Ts'ilihuequi efoł'le'me lan hualcay lipanecomma. Imantsi acaitsi cal tuc'pay. ³⁸ Lan xanuc' nitetsopá tixhuaispola' oquej nuxans maxnu. Lacał'no', la'uhuay itetsopá jouc'a, aıquixhuej'mem'mola' ĩniya. ³⁹ Jesús ıxc'ai'ina'mola' lan xanuc'

tiyente hípíleloya'. If'aj'ma al barco, i'hua'ma lamats' pe lopa'a liya' cuftine Magdala.

16

1 Lam fariseo jouc'a lan saduceo icuaitsa pe lopa'a Jesús. Ehuai'me. Timiyi:

—To'eła' al cueca' to lo'eya LanDios, itque Nopa'a lema'a. Tołta'a al'huaiyijm'mo'.

2 Jesús italai'e'e'mola', timila':

—Mif'acai'ma cal 'ora, ja'ni tunxał'o lema'a, tołcuayi: “Mouqui ti'i'ma ac'a quitine”. 3 Mi'i'ma quitine tołcuayi: “Xinła', tunxał'o lema'a, unxamuhua, ti'hua'ma lahua', ticui'ma”. Imanc' a'i cunc'ic'a xanuc', ma le'a tonl'e'eyołtsi. Tołsuef'yi lema'a, tijouła', aimi'iya cołsina' te ts'i'ic' lomuc'ipolhuo' LanDios itsiya litine.

4 'Lan xanuc' nomana' itsiya ux'maspá lipene LanDios. Mi'eyi al xujc'a timiyi: “Ałmuc'itsonga' al cueca'”. A'i mimuc'inyacola'. Linca ti'i'ma to li'ipa cal profeta Jonás mipa'a luyaipa quitine. Iiya lo'iya tixim'me.

Ipo'no'mola' i'huana'ma.

5 Iquiecona'me al cueca' quin'nuhua' Jesús jouc'a ts'ilihuequi. Jiñiya ts'ilihuequi aiquiltaic' quile'i, imenc'ecopá.

6 Jesús timila':

—Tołpo'nołe cuenna. Aimolapenuf'me liñevadura lam fariseo, ni aimolapenuf'me liñevadura lan saduceo.

7 Iñiya timiyołtsi:

—¿Te całmicoponga' tołta'a? O ¿itque inescopa aicaltaic' cala'i?

8 Jesús ixina' locupa iñiya, timila':

—¿Te cołmicopołtsi: “Illanc' aicaltaic' cala'i. ¿Te cał'eyacu?”? Imanc' huata al'huaiyinge. 9 ¿Te olimenc'ecopá lam maque' la'í litempa loquej nuxans quimbama' maxnu lan xanuc'? ¿Te olimenc'ecopá tojua lan tsiquihuit'ł lołma'ne'mola' cal hualcay ca'i lipanecomma? 10 ¿Te jouc'a olimenc'ecopá lacaitsi la'í litempa lam malpuj mil lan xanuc'? ¿Te olimenc'ecopá tojua lan tuc'pay lołma'ne'mola' cal hualcay ca'i lipanecomma? 11 ¿Te aimołcuejcoyi laitaiqui' laimipolhuo'? He laitaiqui' laimipolhuo': “Tołpo'nołe cuenna. Aimolapenuf'me liñevadura lam fariseo. Ni aimolapenuf'me liñevadura lan saduceo”, iya' aicapalajma la'i.

12 Itsiya ts'ilihuequi Jesús itcueca itque limipola'. Jesús tipalaicola' lam fariseo jouc'a lan saduceo lomuc'iyalepa. Aimipalajma cal levadura ile łolai'impa cal harina milanc'em'me la'i.

13 Jesús jouc'a ts'ilihuequi icuaitsa lemats' ile liya' cuftine Cesarea de Filipino. Jiłpe Jesús icuis'e'mola' ts'ilihuequi, timila':

—Iya' itque cal Xans Liximpa cal profeta pu'hua lema'a, ¿te limetsaijma lan xanuc'? ¿Te cocuapa ihniya? ¿Naitsi iya'?

¹⁴ Ihniya timiyi:

—Timana' itne nocuapá ima' unJuan Bautista. Ocuenaye ticuayi ima' umprofeta Elías. Locuenaye ticuayi ima' umprofeta Jeremías o mocuenaj profeta.

¹⁵ Jesús timila':

—Imanc', ¿te colcuapa? ¿Naitsi iya'?

¹⁶ Pedro italai'e'e'ma, timi:

—Ima' unCristo, hummepo' LanDios. Ima' i'Hua LanDios Limaf'i'.

¹⁷ Jesús timi:

—CunSimón, i'hua Jonás, ima' ipaxnepo' LanDios. A'ij xans limuc'ipo' tohta'a. Ma le'a cai'Ailli' Nopa'a lema'a, itque linca imuc'ipo'. ¹⁸ Iya' camihuo': Ima' umPedro. Ite lopuftine ja'ni tuhualcufinle, tecui'im'me Apic. Itsiya omujpoxi to lapic petsi laifpo'nof'iya lainejutl, ite lolanc'ecoya axanuc' pe laifnefot'leyacola'. Ihniya ni lamaya aimulijyacola' nulemma. ¹⁹ Capi'i'mo' lomane tomuc'itsola' lan xanuc' ti'ila' quilsina' pe lohtsuflaiyacu, tiyente lipene LanDios, ticuaitsa pe locuxeyopa LanDios, itque Nopa'a lema'a. Pu'hua lema'a ja'ni ticuanni: “Ailopa'a lane, aimi'e'me”, tohta'a ima' jouc'a tomi'mola' lof'as xanuc': “Aimo'e'ma. Ailopa'a lane. Aimi'iya mo'eya tohta'a.” Pu'hua lema'a ja'ni ticuanni: “Ne', ti'i'ma ti'e'me”, ima' jouc'a tomi'mola' lof'as xanuc': “Ti'i'ma to'e'ma, tipa'a lane. Ne', to'ela'.”

²⁰ Ixc'ai'i'mola' ts'ilihuequi, timila':

—Aimonluya'a'me naitsi iya', iya' ninCristo.

²¹ Ipangocopa ite litine Jesús tu'ila' ts'ilihuequi te ts'i'ic' lo'iya. Tu'ila' tikuicomma titeico'ma, ti'huana'ma Jerusalén. Jilpiya ihniya lan xanuc' noxpijpá lataiqui', lixanuc' cal cuecaj ca'ailli' jouc'a lomxiye nomuc'iyalepá locuxepa LanDios, tite'lmita juaiconapa. Tima'ata. Afane' quitine timaf'ina'ma.

²² Pedro aiquetenlcoco'ma ite lines'ma Jesús. Ileo'ma lijuqueya, itale'ma, timi:

—Maipoujna, aimocua'ma tohta'a. Aimi'iya mi'iyaco' tohiya.

²³ Jesús ipai'e'moxi, timi Pedro:

—¡To'huanla! ¡Tanajxoxi fa'a! Ima' monta'a. Ima' opic'a alsnic'e'eta laipene. Ima' toxpice to mixpic'eyi lan xanuc'. Ituca' tixpic'e LanDios.

²⁴ Jesús tipalaic'ola' ts'ilihuequi, timila':

—Cal xans, ja'ni lihuejla', aimicuxeyacoxi quituca'. Iya' lapalts'inginna lancruz. Naitsi nalihuejya titaila' lencruz jouc'a. Tixpic'ela' tixnet'ha' latecoya. Tohta'a lihuejla'. ²⁵ Naitsi no'epoxi cuenna juaiconapa, ja'ni aimicua mitecoya, itque

cal xans tecani'e'moxi. Naitsi nocuyacoxi latełcoya, nalihuejya, tama tima'anle, itque tulij'ma lipitine, ile al ts'e lipitine aimijouya. ²⁶ Cal xans nulijpa jahuay lopa'a fa'a li'a lamats', ja'ni tecani'exoxi ¿te tixhuico'ma ile lulijpa? Ai, aimi'iya. ¿Te ti'i'ma ti'najtse'ma, ti'e'econa'moxi ac'a lipicuejma? Ai. Aimi'iya.

²⁷ 'Iya' itque cal Xans Liximpa cal profeta pu'hua lema'a. Cacuaiconanni jifa'a li'a lamats', alejmalecu lainepaluc' quema'a. Tołta'a alsim'ma iya' nincueca', al'onłcota to LanDios cai'Ailli'. He litine iya' ca'najtse'mola' lan xanuc'. Anuli anuli tepenuf'me lolijpa, ja'ni al c'a o lixcay. To li'epa jifa'a li'a lamats' ma tołta'a ca'najtse'mola'. ²⁸ Iya' camilhuo' al linca: Iya' itque cal Xans Liximpa cal profeta pu'hua lema'a, cacuxe'mola' lan xanuc'. Hualca imanc' nolacaxhuołanna fa'a itsiya, ai'a timana'molhuo' tołsim'me tołta'a laif'epa.

17

¹ Uyai'ma acamts'us quitine Jesús ileco'mola' Pedro jouc'a loquexi' capimaye Jacobo jouc'a Juan. If'ajli'me quiltuca' li'nof'quiya hįjuala. ² Licuaitsa jįpe ipaico'ma lixans Jesús. Hne ts'ilihuequi ixim'me li'a tunts'ifi to cal 'ora. Lipijahua' i'i'ma afujca, ti'onłcospa to lipepalc'o' litine. ³ Ixim'me imaxcait-sola' Moisés y Elías. Ts'ilihuequi ixim'me mipalaic'oyi Jesús. ⁴ Pedro timi Jesús:

—Maipoujna, ma jifa'a ałmanecu. Tołta'a luyalaico'me al c'a. Ja'ni opic'a calanc'e'ma afane' lihuoxqui, anuli ima', anuli Moisés, anuli Elías.

⁵ Mipalay Pedro, imunni ħummahuay, ummaf'cai'mola'. ħummahuay tunts'ifi. Ts'ilihuequi Jesús icuej'me tipalay nolojmay cummahuay, timila':

—Itca'a ai'Hua, ca'ay capic'a juaiconapa, latentłma lipicuejma'. ¡Tołquim'ete!

⁶ Licuej'me ħiħya lataiqui', ts'ilihuequi Jesús ixpailij'mola' juaiconapa. Ixpats'huołai'me lamats'. ⁷ Jesús icuaitsi pe loxpats'huołanna, ħaf'mola', timila':

—Tołsolinanca. Aimixpailij'molhuo'.

⁸ ħniya ehuelojm'me. Ixim'me ma le'a quituca' Jesús. Moisés y Elías ailomana'.

⁹ Mimulnamma hįjuala, Jesús ixc'ai'i'mola', timila':

—Itsiya aimoluyout'le'me lołsimpa. Nij naitsi nocuejya. Iya' itque cal Xans Liximpa cal profeta pu'hua lema'a. Ticuaitsi litine camaf'inłta', quipayonahuo pe lomana' lamizhua, ile litine tolu'i'mola' lan xanuc' lołsimpa.

¹⁰ Ts'ilihuequi icuis'e'me, timiyi:

—Lomxiye nomuc'iyalepá locuxepa ŁanDios tinesyi: “Elías ticuaiconahuo ate'a, tijoula' ticuaihuo cal Cristo”. ¿Te conescopa tołta'a?

¹¹ Jesús italai'e'e'mola', timila':

—Al linca lonespa ihniya: “Elías ticuaiconahuo ate'a”. Iłque tixanu'ma jahuay. ¹² Iya' camilhuo': Elías joupa icuai'ma. Ihniya aiqulimetsaijma. Iteł'mipá, i'e'epá ma to ts'ihpic'a. Ma tołta'a to ts'ihpic'a, alteł'mi'ma iya' jouc'a. Iya iłque cal Xans Łiximpa cal profeta pu'hua lema'a.

¹³ Ts'ilihuequi Jesús icuec'e'me tipalaijma Juan Bautista, iłque ti'onłcospa to Elías.

¹⁴ Icuainatsa pe lomana' axpela' lan xanuc' lafołyomma. Anuli cal xans icuaitsi pe lopa'a Jesús, exc'onłngai'ma, timi:

¹⁵ —Maipoujna, toxinła' cuanuc' łai'hua. I'huajcopa mac'ojay. Titełma juaiconapa. Camna tecajm-maispa łunga, o camna tecajm-maispa laja'. ¹⁶ Aicuai'e'ma pe lomana' ts'ihuejhuo'. Iłne aimi'i mixał'meyi.

¹⁷ Jesús italai'e'ma, ticua:

—¡Ah imanc'! Aimoł'huaiyijnyi ŁanDios, a'ij łijca lołpicuejma'. ¡Coła' aicapajncona'ma pe lołmana'! ¿Te iya' ti'hua caxnet'ł'ma xonca?

Timi cal xans:

—Ałhec'metsi lo'hua.

¹⁸ Jesús itale'ma łiponta'a Satanás, iłque łitsufaipa łamijcano. Ipanni. Aiquicoł'ma, ixałcona'ma łi'hua cal xans.

¹⁹ Ts'ilihuequi icuaitsa quiktuca' pe lopa'a Jesús, timiyi:

—Iłlanc', ¿te aiqui'ic' calipa'e łonta'a?

²⁰ Jesús timila':

—Imanc' aicoł'huaiyinge ŁanDios. Tołta'a aiqui'ic' colipa'e łonta'a. Iya' camilhuo' al linca: Tama ajhuata iłe loł'huaiyijncopa ŁanDios, tama ti'onłcospa to anuli cal fanu' xonca aca'hua, ja'ni toł'huaiyijnyi ti'i'ma toł'e'me al cueca'. Tołcuxe'e'me iłque łijuala, tołmi'me: “Aimopajm'ma xonca fa'a. To'huanła' pu'huanni.” Ma tołta'a ti'i'ma. ²¹ Jouc'a camilhuo': Lontahue to iłcu'hua afule mipalumma. Ticuicomma tołsnet'łe, tołsa'huełe ŁanDios, tołta'a tołipa'e'mola'.

²² Miyelocoyi al distrito Galilea, Jesús jouc'a ts'ilihuequi, iłque timila':

—Iya' iłque cal Xans Łiximpa cal profeta pu'hua lema'a, ałcunna. Lan xanuc' al'e'eta to mixpic'eyi liłpicuejma'. ²³ Ałma'ata. Afane' quitine camaf'ina'ma, quipayohuo pe lomana' lamizhua.

Licuej'me jılıya lataiqui' ts'ilihuequi Jesús ixhuelłconca juaiconapa.

²⁴ Icuaitsa liłya' Capernaum. Jılıpe iyoyunca lin'najtsi'iyalepá al cuecaj xoute'. Icuis'e'me Pedro, timiyi:

—Łopomxi, ¿te ti'najtse'e loxa'huempa al cuecaj xoute' o a'i?

²⁵ Pedro italai'e'e'mola', timila':

—Ti'najtse'e.

Icuaitsi lajut'ł. Jesús ixina' licuis'epa ilne lin'najtsi'iyale. Ipalaiç'o'ma Pedro, timi:

—Simón, ¿naitsi ilne no'najtsepá impuesto? Ite al tomí lapenufyacu lincuxepá nomana' fa'a li'a łamats', ¿te liłnaxque' lincuxepá ti'najtseyi? o ¿locuenaye lan xanuc'?

²⁶ Pedro timi:

—Locuenaye lan xanuc' no'najtsepá, liłnaxque' a'i.

Jesús timi:

—Al linca lofcuapa. Liłnaxque' aimi'najtseyi. ²⁷ Iya' i'Hua ŁanDios, ilne aimi'iya małmiya: “To'najtseł'a' lejut'ł ŁanDios”, ilne ejut'ł cai'Ailli'. Tama al linca ilne laifcuapa, itsiya camihuo': Ał'najtse'me. Ja'ni a'i ticua'me latets'ila'. To'huał'a' al cuecaj quin'nuhua', tacajm'mitsi łomecuxa. Cal te'a catú tinuc'la' łacuxa, to'nołła'. Tacuaf'etsi lico, taipa'atsi al tomí lopa'a jilpe lico łatu. Totaitsi, to'najtse'etsola' ilne lałsahue'emponga'.

18

¹ Ilne litiné ts'ilihuequi Jesús icuaitsa, icuis'e'me Jesús, timiyi:

—Jilpiya pe lomana' ihniya naihuejcopá cal Rey Nopa'a lema'a, ¿naitsi xonca cal cueca'?

² Jesús ijoc'i'ma anuli łahuac'hua. Ecaxu'e'mola' ts'ilihuequi, ³ timila':

—Iya' camihuo' al linca: Ticuicomma tołsuej'menca, toł'etsoltsi to jilca'a łacahuac'hua. Ja'ni a'i, aimołsufłaiyacu pe lomana' naihuejcopá ŁanDios, cal Rey Nopa'a lema'a. ⁴ Ja'ni cal xans ti'oc'exoxi, ti'onlıcoxoxi to ilca'a łacahuac'hua, ilque cal xans ti'i'ma xonca cal cueca' pe lomana' naihuejcopá cal Rey Nopa'a lema'a. ⁵ Cal xans nocuapa: “Jesús ti'ela' capic'a la'uhuay”, tijouł'a' tepenufi anuli ilna'a, ilque cal xans lapenufinga' iya'.

⁶ 'Cal xans naimenac'iya anuli ilna'a laica'uhuay nał'huaiyijmpa, acueca' titeł'mim'me. Ilque coł'a' ifi'em'me łejoc', coł'a' ifinc'im'me cal cuecaj capic, ecajm'mintsa lin'nuhua' coł'a' unxałac'ma, ima'ma. Tołta'a ticuicomma lo'iya ilque cal xans. ⁷ Micołi li'a łamats' ti'hua timajm'me lan xanuc' naimenac'iyacu lił'as xanuc', tołta'a aimunłuya li'a łamats', titeł'mim'me. Ma' anuli cal xans naimenac'iya lił'as xans a'ijc'a loyaicoya, jouc'a aimunłuya.

⁸ 'Ja'ni lomane o lo'mis timenac'ihuo' najmay tatejla', taca'nił'a'. Ja'ni tecajm'minno' petsi aimipica łunga, ¿te

cof'ecoyacola' oque' lomane, oque' lo'mitsi'? Najmay totsufaitsi jilpiya pe lotsuflaiyacu ilne nepenufpá al ts'e lilpitine aimijouya, tama le'a anuli lomane o anuli lo'mis. ⁹ Ja'ni anuli lo'u timenac'ihuo', taipa'ala', taca'niña' aculi'. Ja'ni tecajm'minno' al muf pe lonajpa lunga, ¿te cof'ecoyacola' oque' lo'u'? Najmay totsufaitsi jilpiya pe lotsuflaiyacu ilne nepenufpá al ts'e lilpitine aimijouya, tama le'a anuli lo'u.

¹⁰ 'Imanc' tołpo'note cuenna. Aimonlatets'i'mola' ilna'a laica'uhuay. Iya' camilhuo', jilpe lema'a timana' lilepaluc' ilna'a laica'uhuay. Ilne lapaluc' quema'a itine itine timana' anujnca cai'Ailli', ilque Nopa'a lema'a. ¹¹ Iya' ilque cal Xans Liximpa cal profeta pu'hua lema'a. Aicuaicoco'ma fa'a li'a lamats' cunhu'e'mola' lan xanuc' lejac'pola'. Ille ma' aipenic'.

¹² ¿Te cołcuapa? Anuli cal xans timana' amaxnu limot'ł, ja'ni anuli tejac'la', ¿te co'eya? Ilque tipo'no'mola' lam malpuj nuxans quimbamaj pella jilpiya limuc'o, ti'hua'ma tehueta lejac'pa. ¹³ Linca lam malpuj nuxans quimbamaj pella limot'ł, ilne pe aiquejac'ila', ilniya tixoc'iyi queta cal xans. Tixinnatsi limot' lejac'pa, xonca tixoc'i'ma queta. ¹⁴ Tołta'a lipicuejma' coł'Ailli', ilque Nopa'a lema'a. Ilque ticua: Aimejac'mola' laitsocay ca'uhuay, ni anuli.

¹⁵ Ja'ni a'ijc'a li'epo' łopima, to'huała' ima' cotuca' pe lopa'a ilque. Tomitsi: "¿Te cał'ecopa tołta'a?" Ja'ni ticueca joupa ox-anu'epa. Tołpalaic'ona'mołtsi, ailopa'a tintsí. ¹⁶ Ja'ni aimicueca, topo'noła', to'huała', tahuetsola' anuli o oquexi' lapimaye. Tolecotsola' pe lopa'a łopima. Tołta'a to'e'ma ma to loya'apa al Paxi Linilingiya, ticua: "Ticuicomma oquexi' afantsi lan xanuc' ticuejcota lotalai'ecoya anuli cal xans". ¹⁷ Ja'ni ilque łopima aimicueca, ja'ni aimiquimf'ela' ilniya, to'hua'ma, to'itola' lapimaye jilpiya pe lafot'leyopołtsi. Ja'ni ti'hua aimicueca, aimiquimf'ela', ima' aimaimetsaico'ma xonca, jilque cal xans a'i copima. Ima' aimonłejmaleyacu lan xanuc' pe aimimetsaicoyi LanDios, jouc'a pe aimihuejcoci locuxepa LanDios aimonłejmaleyacu. Ma tołta'a aimonłejmalecona'me ilque cal xans.

¹⁸ 'Iya' camilhuo' al linca: Pu'hua lema'a ja'ni ticuanni: "Ailopa'a lane, aimi'e'me", tołta'a imanc' jouc'a tołmi'mola' loł'as xanuc': "Aimo'e'ma. Ailopa'a lane. Aimi'iyá mo'eya tołta'a." Pu'hua lema'a ja'ni ticuanni: "Ne', ti'i'ma ti'e'me", imanc' jouc'a tołmi'mola' loł'as xanuc': "Ti'i'ma to'e'ma, tipa'a lane. Ne', to'eła'."

¹⁹ 'Jouc'a camilhuo': Mołmana' fa'a li'a lamats', ja'ni oquexi' imanc' ti'ila' anuli lołpicuejma', ja'ni tołsahue'ete cai'Ailli' Nopa'a lema'a tepi'itsolhuo', ilque tepi'i'molhuo'

ihē loḥsahue'epa. ²⁰ Petsi lafoḥyomma oquexi' afantsi lan xanuc' naḥ'huaiyijmpa, iya' jouc'a capa'a.

²¹ Pedro i'hua'ma pe lopa'a Jesús, icuis'e'ma, timi:

—Maipoujna, ¿tojua quimenc'e'eco'ma lijunac' ḥaipima, ḥḥque a'ijca' ḥaḥ'e'epa? Iya' cacua tixhuaitsi acaitsi.

²² Jesús timi Pedro:

—Iya' camihuo': A'i nica acaitsi taimenc'e'eco'ma li'e'epo' lixcay ḥopima. Cojouya lan caitsi ti'hua taimenc'e'eco'ma afanej nuxans quimbama', tijouḥa' ti'hua taimenc'e'eco'ma, aimi'iya moxhuej'meya.

²³ 'Micuxe ḤanDios cal Cuecaj Rey Nopa'a lema'a, ḥḥque li'ejma' ti'onḥcospa to li'ejma' anuli cal cuecaj quincuxepa. Ḥḥque ixpic'epa ti'najtsi'itsola' limozó. ²⁴ Lipangopa li'najtsi'ipola' limozó, ate'a icuai'entsa anuli cal mozo xonca itaiyinge acueca'. ²⁵ Ḥḥque cal mozo aimi'iya mi'najtseya. Lipoujna, ḥḥque cal cuecaj quincuxepa, icuxe'ma tucuquintsā limozo. Jouc'a tucuquintsola' ḥipeno, linaxque', jahuay ḥi'huexi. Toḥḥa'a ti'najtseco'ma litaiyinc'e. ²⁶ Cal mozo exc'onḥingai'ma, ixa'hue'ma ḥipoujna, timi: “Ti'ḥḥa' c'a ḥomunxajma'. Aḥ'huaiḥoḥa'. Ca'najtse'ena'mo' jahuay laitaiyinc'ehuo'.” ²⁷ Ḥapoujna ixim'ma acuanuc' limozo. Imenc'e'ecopa litaiyinc'enni. Ux'mas'ma.

²⁸ 'Ipanni cal mozo ḥimenc'e'ecompa litaiyinge. Italecuf'ma anuli ḥif'as mozo. Ḥḥque itaiyinc'e huata. Cal mozo ḥimenc'e'ecompa litaiyinge i'noḥ'ma ḥif'as mozo. Ipango'ma ummit'ḥe'e'ma ḥejoc', tija'e', timi: “¡Aḥ'najts'e'ela' laḥḥaiyinc'e!” ²⁹ Ḥif'as mozo exc'onḥingai'ma, tixahue'e, timi: “Ti'ḥḥa' c'a ḥomunxajma'. Aḥ'huaiḥoḥa'. Ca'najtse'ena'mo' jahuay laitaiyinc'ehuo'.” ³⁰ Ḥḥque cal mozo aiḥuicuac'. I'hua'ma icuxe'ma titats'entsa, tipajntsi lacarza. Ticua: “Ma caḥḥaiyinc'e tipajnla' jḥḥpiya”.

³¹ 'Locuenaye lam mozó ixim'me li'i'ma. Ixhueḥco'me. Iye'me u'itsa ḥḥipoujna jahuay li'i'ma. ³² Ḥapoujna, ḥḥque cal cuecaj quincuxepa, ijoc'i'ma cal mozo, ḥḥque ḥimenc'e'ecompa litaiyinge, itale'ma, timi: “Ima' mixcay mozo. Ima' aḥsa'huepa, iya' nimenc'e'ecopo' lotaiyinge jahuay. ³³ Iya' aiximpo' uncuanuc'. Ima', ¿te aiḥoxina' cuanuc' ḥof'as mozo?” ³⁴ Ḥapoujna ixtuc'o'ma juaiconapa ḥḥque limozo. Icuxe'mola' ti'hua'anḥe pe lomana' lin'noḥale ti'noḥḥa, titeḥ'minna. Ma mi'hua mitaiyinge, ti'hua titeḥ'minna. ¡Ti'najtse'ela' jahuay litaiyinc'e!

³⁵ 'Imanc' jouc'a ja'ni aimolimenc'e'ecoyacola' nulemma loḥpimaye li'e'epoḥhuo', toḥiya titeḥ'mi'moḥhuo' cai'Ailli' Nopa'a lema'a.

19

¹ Lijoupa lu'ipola' ihya lataiqui', Jesús ipanni jilpe al distrito Galilea, i'hua'ma lamats' lopa'a locuenaj liju' al pana' Jordán.

² Axpela' lan xanuc' tihuejyi, jilpe ixal'me'mola'.

³ Icuaitsa lan xanuc' fariseo tehuaife. Icuis'e'me, timiyi:

—Cal xans, ja'ni lipeno tipa'a li'epa, ¿te tipa'a lane tecanai'ma ilque laca'no'? O ¿aimi'ya?

⁴ Jesús italai'e'e'mola', timila':

—¿Te aicoñsuc' ile li'epa LanDios lilanc'epa li'a lamats'? Ilanc'epola' oquexi', anuli cal xans anuli laca'no'. ⁵ Lijoupa lilanc'epola' ihne loquexi', LanDios uya'a'ma: “Cal xans tipo'no'mola' quilituca' qui'ailli' qui'máma', tileco'ma lipeno. Ti'e'e'moñtsi anuli.” ⁶ Ai'a tileco'moñtsi timana' oquexi'. Lijou'ma i'i'mola' anuli. LanDios toñta'a ejonlipola'. Imanc' unc'ixanuc', aimonlanaj'mola'.

⁷ Lan xanuc' fariseo icuis'e'me, timiyi:

—Moisés inesco'ma: “Cal xans tiniñ'ma al je'e lacanaicoya lipeno, tijouñta' ti'i'ma tecanai'ma”. Ja'ni cal xans aimi'ya mecanaiya lipeno, ¿te quinescopa toñta'a Moisés?

⁸ Jesús italai'e'e'mola', timila':

—Moisés iximpolhuo' imanc' loñpicuejma'. Imanc' unc'incuejlocale. Toñta'a epi'ipa lane cal xans tecanaiñta' lipeno. Al te'a a'i toñta'a licuxepola' LanDios.

⁹ Iya' camilhuo', cal xans aimi'ya mecanaiya lipeno. Tipa'a lane tecanaiñta' ma le'a ja'ni laca'no' ihuejpa ocuena' cal xans. Ja'ni a'i, aimi'ya mecanaiya. Cal xans necanaipa lipeno, ja'ni ilecopa ocuenaj caca'no', ilque cal xans i'epa lixcay, titai'ma lijunac'.

¹⁰ Ts'ilihuequi Jesús timiyi:

—Ja'ni toñta'a cal xans aimi'ya mecanaiya lipeno, xonca ac'a loyaicoya cal xans ja'ni aimilecoya caca'no'.

¹¹ Jesús timila':

—Ai' jahuay lan xanuc' mi'ya mepenufyacu ile lataiqui' loñnescopa. Tepenuf'me ihne lan xanuc' joupa lepi'ipola' toñta'a liñpicuejma' LanDios.

¹² Timana' ihne aimilecoyi caca'no', toñta'a liñsans. Ocuenaye, liñf'as xanuc' i'e'empola', toñta'a aimi'ya milecoyacu caca'no'. Jouc'a timana' ihniya quilituca' ixpic'epá aimileco'me caca'no', inespá: “Capajm'ma caituca'. Toñta'a xonca ca'e'ma lipenic' LanDios cal Cuecaj Rey Nopa'a lema'a.”

¹³ Naitsi ti'i'ma tepenuf'ma ilta'a lataiqui', ne', tepenufla'.

¹³ Icuai'entsola' la'uhuay pe lopa'a Jesús. Ticuayi tixpayaf'tsola' Jesús limane liñjuac la'uhuay, tixa'hueñta' LanDios titoc'itsola'. Ts'ilihuequi ixtulencia, italem'mola' ihniya nocuai'espá liñmaxque'. ¹⁴ Jesús timila':

—Tolapi'itsola' lane tiyouyunca la'uhuay pe laifpa'a. Aimolcuanac'e'mola'. Pe lo'onlcospola' to ilna'a la'uhuay, ilne linca titsufilai'me pe locuxeyopa cal Cuecaj Rey Nopa'a lema'a.

¹⁵ Ixpayaf'mola' limane. Lijou'ma ti'hua tuyaipa.

¹⁶ Anuli cal xans icuaitsi pe lopa'a Jesús, icuis'e'ma, timi:

—Momxi, aipic'a culijla' al ts'e laipitine pe aimijouya. ¿Tej c'a caif'eya?

¹⁷ Jesús italai'e'e'ma, timi:

—Ima', ¿te calicuis'ecopa te ts'i'ic' al c'a? Anuli ma le'a cal C'a, ilque LanDios. Ja'ni totsufai'ma pe lofmepenufya al ts'e lopitine aimijouya, taihuejcoła' locuxepa LanDios.

¹⁸ Cal xans icuis'e'ma, timi:

—Ihne lataiquí loya'apa locuxepa LanDios, ¿jale ilne caifnihuej-coya?

Jesús timi:

—“Aimoma'ahuale'ma. Aimoxhuico'ma lipeno lof'as xans, ma le'a quituca' lopeno toxhuico'ma. Aimonantse'ma. Ja'ni topalaicotsola' lof'as xanuc' tonesla' al linca, aimofel'miyale'ma. ¹⁹ Taihuejco'mola' co'ailli', co'máma', totoc'i'mola'. Ima' to'eyoxi capic'a, ma tołta'a to'eła' capic'a lof'as xans, naitsi loftalecufya.”

²⁰ Lamijcano timi:

—Lałtojoyomma ilne lataiqui' canant'li, ti'hua canant'li. ¿Te calahue'epa?

²¹ Jesús timi:

—Ja'ni ma tanant'hi'ma locuxepa LanDios, to'huanta', tocu-jtsi lo'huexi, iliya al tomí lofmulijya tapi'itsola' lan xanuc' pe ailopa'a quıl'hueca. Tołta'a ti'i'ma acueca' lo'huexi jipu'hua lema'a. To'eła' ma to laifmipo', tijoułta' topaiconanni, lihuejla'.

²² Licuej'ma jiliya lataiqui', lamijcano ihuotsonni, i'hueca juaiconapa hi'huexi. I'huana'ma.

²³ Jesús timila' ts'ilihuequi:

—Iya' camilhuo' al linca: Cal xans ts'i'hueca acueca' tixim'ma ipime mitsufaiya pe locuxeyopa LanDios cal Cuecaj Rey Nopa'a lema'a.

²⁴ Ticuanni: “Cal camello, ilque inneja juaiconapa acueca', jilquiya aimi'iya muyaicoya laquipihuo łacuxa”. Iya' camilhuo' ocuenaj cataiqui': Xonca ipime cal xans ts'i'hueca acueca' mitsufaiya pe locuxeyopa LanDios.

²⁵ Licuej'me iliya lataiqui' ts'ilihuequi Jesús juaiconapa ix-pailij'mola'. Timiyoltsi, icuis'e'moltsi:

—¿Te calmicoponga' tołta'a? Aicalcucueca. ¿Te ailopa'a conłuya?

²⁶ Jesús ehuelojm'mola', timila':

—Lan xanuc' quıltauca' aimi'iya munłueyacoltsi. LanDios linca nipajnya tunłue'mola'. Nipajnya ti'e'ma jahuary.

27 Pedro italai'e'e'ma, timi Jesús:

—¡Toxinla! Illanc' atpo'nopá jahuay łah'huexi, lihuejnahuo'.
¿Te calapi'inyaconga'?

28 Jesús timila':

—Iya' camilhuo' al ĩnca. Ticuaihuo litine jahuay tipaico'ma, ti'i'ma al ts'e. Iya' iħque cal Xans Ľiximpa cal profeta pu'hua lema'a. Cacutsai'ma laicuecaj asiento, cacuxena'ma to ĽanDios. Jilpe ti'i'mola' locuenaye limbamaj coque' lan cuecaj asiento. Jilpe tołcutsołaita imanc' ts'alihuequi. Tołspijta cataiqui', tołcuxe'mola' lołpimaye iħne jouc'a liłxanuc' limbamaj coquexi' linaxque' Israel.

29 'Cal xans ninespa: "Iya' quihuej'ma Jesús", ja'ni ux'maspola' lejutł o lipimaye, o qui'ailli' o qui'máma', o linaxque' o lemats', iħque cal xans tulij'ma xonca axpela' iħna'a, jouc'a tulij'ma al ts'e lipitine aimijouya.

30 'Itsiya timana' lan xanuc' tocomma xonca lan tet'ła. Locuaicoya quitine axpela' iħniya ti'i'mola' lijoucola'. Jouc'a itsiya timana' iħne tocomma lijoucola'. Locuaicoya quitine axpela' iħniya ti'i'mola' lan tet'ła.

20

1 'Tołta'a micuxe ĽanDios, iħque cal Cuecaj Rey Nopa'a lema'a. Iħque li'ejma' ti'onłcospa to li'ejma' anuli cal xans ehue'mola' no'eyacu canic'. Iħque cal xans apoujna, tipa'a lemats', ifapa cal 'uva. Li'i'ma quitine ipanni, ixim'mola' lan xanuc' tehueyi quiłpenic'. 2 Imi'mola': "Ca'najtse'molhuo' to muliqui anuli litine cal xans no'epa canic'". Umme'mola' ti'etsa canic' jilpiya pe lifayiya ĩ'uva.

3 'Joupa uyaipa ma to afanej 'hora ipaiconanni. Ixim'mola' ocuenaye tecaxołanna locucaleyompa. Tecaxołanna le'a, ailopa'a quiłpenic'. 4 Timila': "Imanc' jouc'a tonłełe, tonł'etsa canic' jilpiya pe łafapa łai'uva. Iya' ca'najtse'molhuo' to mi'najtsenni." Iye'me.

5 'Al menac'o ipaiconanni łapoujna, jouc'a ipaiconanni mex-aĩma cal 'ora. Ixim'mola' no'eyacu canic', imipola' jouc'a: "Ca'najtse'molhuo' to mi'najtsenni".

6 'Tehue'e anulij hora tif'acai'ma cal 'ora. Ipaiconanni. Ixim'mola' ocuenaye tecaxołanna. Icuis'e'mola', timila': "Imanc' tunlacaxołanna fa'a jahuay litine. ¿Ailopa'a cołpenic'?" 7 Italai'e'e'me, timiyi: "Nij naitsi nałmiponga': Toł'eta canic'." Ľapoujna timila': "Jouc'a imanc' tonłełe, tonł'etsa canic' jilpiya ĩfafiya łai'uva. Ca'najtse'molhuo' to mi'najtsenni."

8 'Joupa if'acolaipa. Ľapoujna camats' petsi ĩfayiya ĩ'uva, ijoc'i'ma nocuxepola' lam mozó, timi: "Tojoc'itsola' no'epá

canic'. Ał'najtse'mola', lapi'i'mola' quíltomí. Lijoucola' ał'najtse'mola' ate'a, lan tet'ła ał'najtse'mola' tijouco'ma."

⁹ 'Icuaiyunca iħne nitsuflaipá lanic' ma mehue'e anulij hora tif'acai'ma cal'ora, i'epá canic' le'a anulij hora. I'najtse'mola', epi'i'mola' to lo'najtsempa no'epá canic' anuli litine.

¹⁰ 'Lijou'ma icuaiyunca lan tet'ła. Īniya ticuayi: "Xonca ał'najtse'monga'". I'najtse'mola' to lepi'ipola' lijoucola'.

¹¹ Lepenuf'me liłtomí aiquetentłcoco'mola'. Timiyi łapoujna:

¹² "Illanc' xonca lulijle. Ał'epá canic' jahuay litine. Ałsnet'łpá ĩinu'. Īniya lijoucola' i'epá canic' ma le'a anulij hora, o'najtsepolá ma to lalulijpa illanc'."

¹³ Łapoujna italai'e'e'ma anuli ĩiħne lan tet'ła, timi: "Maipima, aicafel'mihuo'. Aimipo': To'huała, to'etsi canic'. Ca'najtse'mo' to muliqui anuli litine cal xans no'epa canic'.

Ima' aħmipa: Ne', ai'ħuapa. Ca'eta canic'.

¹⁴ Tapenufla' lotomí, to'huanła' lomejut'ł. Jounpa ai'epa iħe laixpic'epa. Ai'najtsepa ĩijoujma ma to lai'najtsepo' ima'.

¹⁵ ¿Te iya' aimi'iya caxpic'eya te ts'i'ic' caxhuicoya laitomí? O, iħe laif'epa al c'a, ¿te ima' ał'e'e laic'?"

¹⁶ 'Tołta'a lo'iya. Lijoucola' ti'i'mola' lan tet'ła, lan tet'ła ti'i'mola' lijoucola'.

¹⁷ Jesús tiyeyi lane jouc'a ts'ilihuequi, ticuaita al cuecaj quíłya' Jerusalén. Miyeyi lane Jesús ileco'mola' limbamaj coquexi' ts'ilihuequi, ipalaic'o'mola' quíłtuca', timila':

¹⁸—Itsiya ał'ajlijyi ĩiłya' Jerusalén. Iya' iłque cal Xans Łiximpa cal profeta pu'hua lema'a. ĩiłpiya ĩiłya' Jerusalén ałcunna.

Īħe lixanuc' cal cuecaj ca'ailli', jouc'a lomxiye nomuc'iyalepá locuxepa ŁanDios, ał'eta to mixpic'e ĩiłpicuejma', ałcuxecota ałma'anła'.

¹⁹ Ałcunna, ałtaluntseta, luntafquinna quixmi laixpula' iħne lan xanuc' pe aimimetsaicoyi ŁanDios. Tijouła' łapałts'ijnta łancruz, ałma'ata. Afane' quitine camaf'ina'ma,

quipayonahuo pe lomana' lamizhua.

²⁰ Icuaitsi quíł'máma' Jacobo y Juan, iħne inaxque' Zebedeo. Quíł'máma' ilecola' loquexi', exc'onłingai'ma Jesús,

tixa'hue'ma. ²¹ Jesús timi łaca'no':

—¿Te ts'opic'a?

Łaca'no' timi:

—Aipic'a tapi'itsola' lainaxque' quíłpenic'. Ima' tocuxe'ma to cal Cuecaj Rey. Ticuxefe jouc'a iħna'a. Anuli ticutsai'ma al c'a camane, łocuena ticutsai'ma loxa camane.

²² Jesús ipalaic'o'mola' loquexi' łapimaye, timila':

—Imanc' aimołcuejyi te ts'i'ic' iħe łalsahue'epa. ¿Te nipajnya tołtelco'me ma to iya' catelco'ma? ¿Te nipajnya tołsnet'łme latełcoya?

Timiyi:

—Nipajnya.

²³ Jesús timila':

—Ma to iya' laifteŕcoya, ma toŕta'a imanc' toŕteŕco'me. Iya' aimi'iya camiyacolhuo': “Aŕcutsingaila', ima' al c'a camane, loŕpima loxa camane”. Aimi'iya caxpic'eya toŕta'a. Cai'Ailli' joupa ixpic'epa naitsi iŕne nocutsoŕaiyacu jilpe. Toŕta'a tepi'i'mola' iŕniya.

²⁴ Locuenaye limbamaj ts'ilihuequi Jesús iŕsina' iŕe lox-ahue'epa Jacobo y Juan. Ixtuc'om'mola' iŕne loquexi' lapimaye. ²⁵ Jesús ijoc'i'mola' jahuy iŕniya ts'ilihuequi, timila':

—Imanc' oŕsina' lo'ipa jilpiya petŕi lan xanuc' aimimetsaicoyi LanDios. Liŕpincuxepá ti'e'eyoŕtsi to jipu'hua quilpoujnalá, lan tsila' quilpenic' ticuxenai'ennila' juaiconapa.

²⁶ Imanc', aimon'e'me toŕta'a. Ja'ni anuli imanc' tixpic'e ti'e'exoxi cal cueca', iŕque titoc'itsola' lipimaye. ²⁷ Ja'ni anuli imanc' tixpic'e ti'e'exoxi cal te'a, iŕque ti'e'exoxi to cal mozo. ²⁸ Iya' iŕque cal Xans Liximpa cal profeta pu'hua lema'a. Imanc' tonŕeŕe to laif'epa. Iya' aicuaicoco'ma jifa'a li'a ŕamats' catoc'itsola' lan xanuc'. Aicainesqui: Aŕtoc'ila' iya'.

Aicuaicoco'ma cacula' laipitine, ca'najtŕela' liŕjunac' axpela' lan xanuc', cunŕu'etsola'.

²⁹ Jesús jouc'a ts'ilihuequi ipalunca jilpe liŕya' Jericó. Ihuej'me axpela' lan xanuc'. ³⁰ Jilpe liju' cane ticutsoŕanna oquexi' lam fohue. Icuej'me tuyaipa Jesús. Ija'a'me, timiyi:

—¡Maŕ'ailli', ima' ŕacui'impo' i'Hua cal rey David, aŕsintsonga' ninc'icuanuc'la!

³¹ Lan xanuc' ixtulencia. Timinnila' lam fohue:

—¡Ti-ch'ixcotsolhuo'!

Iŕniya ti'hua tija'ayi, timiyi:

—¡Maŕ'ailli', ima' ŕacui'impo' i'Hua cal rey David, aŕsintsonga' ninc'icuanuc'la!

³² Jesús ecaxhuenni, ijoc'i'mola' lam fohue, timila':

—¿Te ts'oŕpic'a? ¿Te caif'e'eyacolhuo'?

³³ Timiyi:

—Maŕ'ailli', ¡alaxi'enatsonga' laŕ'u'! ¡Alahuetsaleŕe!

³⁴ Jesús ixim'mola' acuanuc'la juaiconapa. Iŕafc'e'mola' liŕ'u'. Aiquicol'ma, ehuetŕalena'me. Ihuej'me Jesús.

21

¹ Icuaitŕa liŕya' Betfage jilpiya liŕjuala cuftine Lijuala Olivo. Jerusalén ahuejnca. Jesús umme'mola' oquexi' ts'ilihuequi.

² Timila':

—Tonŕete liŕya' lehuoc'ocojma. Toŕtsuflaitsa, toŕsinna tifi-jnya anuli ŕacaca'no' burro, jouc'a li'hua tecaxijnya liju'. Toluhuaŕla ŕaca'no' burro, aŕŕec'me'etsi jouc'a li'hua. ³ Ja'ni tinanc'ontsolhuo', toŕtalai'eta, toŕmita: “Liŕpoujna ipicuicoya. Tijouŕa' tixhuicotsi ticuai'enacola', aimicoŕya.”

⁴ Ti'ila' to'ta'a tenant'ma locuapa cal profeta, ilque luya'apa linespa LanDios, ticua:

⁵ Tomitsola' lan xanuc' nomana' li'ya' Sión:

“¡Totsinte! Icuai'ma fa'a lo'Rey.

Ilque amanxu, enaf'caic' cal burro, i'hua linneja hintaipa caitay.”

⁶ Iye'me ts'ilihuequi. I'e'me to lixc'ai'i'mola' Jesús. ⁷ Ilecotsa laca'no' burro jouc'a hi'hua. Ixpef'i'me li'puquiya laca'hua burro. Jesús enaf'cai'ma. ⁸ Axpela' lan xanuc' ixpou'me lane li'puquiya. Ocuenaye etej'me limane' cal 'ec' ixpou'me lane jilpe pe loyaicoya Jesús. ⁹ Lanxpela' ts'ilejme, jouc'a lanxpela' ts'ilenc'e tija'ayi ma' anuli timiyi:

—¡Hosana! ¡LanDios tunhu'eatso'! Ima' lacui'impo' i'Hua cal rey David. Joupa lu'iponga' tocuaihuo ima', alminga' ma LanDios la'Poujna tummeto'. Itsiya ocuai'ma. ¡Ats'najtsi'ihuo' juaiconapa! Ilne nomana' lema'a xonca al toncay tinesle: ¡Hosana! ¡LanDios tunhu'eatso'!

¹⁰ Jesús itsufai'ma Jerusalén. Jilpiya jahuay lan xanuc' tipailoyi, ticuitsufyi:

—¿Naitsi ilca'a?

¹¹ Lilejmale Jesús italai'enca, timinnila':

—Ilca'a cal profeta Jesús, qui'huayomma li'ya' Nazaret, jilpe al distrito Galilea.

¹² Jesús itsufai'ma pe lopa'a al cuecaj xoute'. Ihuescuf'mola' jahuay ihniya no'najualepá jouc'a nocucalepá nomana' jilpe. Ejualaif'e'e'mola' li'mesa pe nopai'ipaj tomí, jouc'a li'banco nocujpá paloma. ¹³ Timila':

—Al Paxi Linilingiya tuya'e': “Lainejut'l tecui'im'me: Lajut'l petsi lan xanuc' tipalaic'oyo'me LanDios”, itsiya imanc' to'l'onlicoyi ilta'a lajut'l to jipu'hua lafolyomma lan namats'.

¹⁴ Mipa'a Jesús jilpe pe lopa'a al cuecaj xoute' icuaitsa lam fo-hue, jouc'a lan coxo, ixal'mena'mola'. ¹⁵ Jilpe timana' la'uhuay tija'ayi, timiyi Jesús: “¡Hosana! ¡LanDios tunhu'eatso'! Ima' lacui'impo' i'Hua cal rey David.”

Lixanuc' cal cuecaj ca'ailli' jouc'a lomxiye nomuc'iyalepá locuxepa LanDios ixim'me acueca' lo'epa Jesús, iquimf'e'me la'uhuay noja'apá, ixtulencia. ¹⁶ Itale'me Jesús, timiyi:

—¿Te ima' aimocueca locuapa jilnu'hua la'uhuay?

Jesús italai'e'e'mola', timila':

—Cacueca. Imanc', ¿te aico'suec' al Paxi Linilingiya loya'apa? Ticua:

Ihniya la'uhuay jouc'a lan tsocay notupá, ima' ManDios ocuxe'epola' tunac'cotso'.

¹⁷ Jesús ipo'no'mola' quilituca'. Ipanni jilpe li'ya'. I'hua'ma li'ya' Betania. Jilpe ipanenni lipuqui'.

¹⁸ Lilit'e'jma ipaiconanni, i'huacona'ma Jerusalén. Mi'hua lane tunle'e. ¹⁹ Ixim'ma anuli al 'ec icux jilpe liju' cane. Hoc'huai'ma. Ixim'ma alilopa'a qui'as, pangay quipela. Timi al 'ec icux:

—Aimi'ascona'mo'.

Aiquicol'ma, al 'ec icux iju'na'ma. ²⁰ Ts'ilihuequi Jesús lixim'me jile al 'ec icux, timiyi:

—¡Xinla'! Jiliya al 'ec icux aiquicoli, joupa iju'napa. ¿Te qui'ipa?

²¹ Jesús timila':

—Iya' camilhuo' al linca: Imanc' ja'ni aimo'nesyi: “¿Te ti'i'ma o aimi'ya?” ja'ni to'huaiyijnle LanDios, jouc'a nipajnya ton'e'me to lai'e'epa al 'ec icux. Xonca al cueca' ton'e'me. Ja'ni to'imi'me ilca'a hijuala: “To'huanla', to'nij'mixoxi laja”, ma to'ta'a ti'i'ma. ²² Mo'joc'iyi LanDios ja'ni to'huaiyijnle, jahuay lo'xahue'epa tepi'im'molhuo'.

²³ Jesús itsufaicona'ma pe lopa'a al cuecaj xoute'. Mimuc'ila' lan xanuc' icuaitsa lixanuc' cal cuecaj ca'ailli' jouc'a lan tsilaj xanuc' noxpipá lataiqui'. Icuise'e'me, timiyi:

—¿Naitsi nepi'ipo' lomane to'ta'a to'e'ma? ¿Naitsi nummepo'?

²⁴ Jesús italai'e'e'mola', timila':

—Iya' jouc'a tipa'a laifnicuis'e'eyacolhuo'. A'ltalai'e'la', ti-joula' cu'i'molhuo' naitsi nalapi'ipa laimane ca'e'la' to'ta'a laif'epa. ²⁵ ¿Naitsi nummepa Juan tepo'itsola' lan xanuc'? ¿Te LanDios o cal xans nummepa?

Ihe ipalaic'o'mo'ltsi quiltuca', timiyot'si:

—¿Te calmiyacu? Ja'ni al'mile: “LanDios ummepa”, il'que alicuis'e'monga', al'mi'monga': “Imanc' ¿te aicolapenufi?”

²⁶ Ja'ni al'mile: “Cal xans nummepa”, tixtulecu lan xanuc'. Jahuay ticuayi Juan aprofeta, LanDios ummepa.

²⁷ Timiyi Jesús:

—Illanc' aica'sina'.

Jesús timila':

—Iya' jouc'a aicu'iyacolhuo' naitsi nalapi'ipa laimane ca'e'la' to'ta'a.

²⁸ 'Imanc' al'quimf'ela' laifnu'iyacolhuo'. Tijoula' alu'ila' te co'cuayacu.

'Anuli cal xans timana' oquexi' linaxque'. I'hua'ma pe lopa'a cal te'a qui'hua, timi: “Mai'hua, itsiya to'huala' to'etsi canic' jilpe lainemats' pe laifapa lai'uva”. ²⁹ “A'i, aica'huaya”, timi. Lijou'ma lixhuej'menni, i'hua'ma i'etsi canic'.

³⁰ 'Qui'ailli' i'hua'ma pe lopa'a locuena qui'hua, ma' anuli lataiqui' imitsi. Il'que italai'e'ma: “Ne', mai'ailli', ai'huapa”. Aiqui'huac'.

31 'Itsiya lu'ila', iñe loquexi' linaxque' cal xans, ¿naitsi ni'e'ma licuxe'epola' qui'ailli'?

Italai'e'e'me, timiyi:

—Cal te'a.

Jesús timila':

—Iya' camilhuo' al linca. Itsiya timana' lan xanuc' jouc'a lacañ'no' tuliquilhuo' imanc'. Iñiya lan xanuc' lin'najtsi'iyale jouc'a lacañ'no' notepá liñcuerpo, mañiya tihuejconayi LanDios, titsuflaiyi petsi locuxeyopa cal Cuecaj Rey Nopa'a lema'a.

32 'Icuai'ma Juan Bautista imuc'i'molhuo' al c'a lane, aicolapenufi imanc'. Lin'najtsi'iyale jouc'a lacañ'no' notepá liñcuerpo, iñiya linca epenufpá. Imanc' oñsimpola' iñnu'hua iñsuej'menammas, aimoñsuej'memmas, aicolapenufi Juan.

33 'Añquimf'eta'. Ca'onñicocona'ma lo'epa LanDios fa'a li'a lamats'.

'Anuli cal xans lipoujna camats', ifapa cal 'uva. Eti'icopa apic. Ipupa pe lotsuj'miyacu, loxoc'eyonyacu lan 'uva, tipa'a'me laquiya'. Lijou'ma ilanc'e'ma anuli litoqui cajut'ñ, jiñpe tipajm'ma no'epa cuenna lamats'. Lijou'ma icu'ma lemats', epi'i'mola' lan xanuc' ti'eñe canic'. Laipammaiya tepi'im'me onñca. Lijou'ma i'hua'ma aculi' camats'.

34 'Joupa tixpinaf'quiya litine timaj'ma lan 'uva. Lapoujna umme'mola' limozó pe lomana' no'epá canic', titaita lo'iya onñca. 35 Iñiya no'epá canic' i'noñ'e'e'me lummepola'. Untaf'me anuli, ocuena ima'a'me, locuena ipa'me capic, ima'a'me.

36 'Lijou'ma lapoujna ummecona'mola' ocuenaye xonca axpela'. Iye'me pe lomana' no'epá canic', i'econa'me ma' anuli.

37 'Lijouco'ma umme'ma hi'hua. Ticua: "ñca'a ai'hua. Linca tixpaic'eta."

38 'No'epá canic' lixim'me icuaico'ma hi'hua lapoujna camats' timiyotñsi: "ñca'a tulij'ma jahuay lemats' qui'ailli', iñque lapoujna camats'. ¡Lepá! ¡Añma'ata! Iñque lamats' tipanenko, alulijna'me illanc'." 39 I'noñ'me, eca'ni'me lixpula' leti'icoya lamats' pe lifaiya 'uva, ima'a'me.

40 'Ticuaiyunnii lipoujna camats' petsi lifaiya 'uva, ¿te co'e'eyacola' iñe no'epá canic'?

41 Timiyi:

—Tima'atola', tijou'netola' nulemma iñiya lixcay xanuc'. Lemats' joupa ifaiya cal 'uva, tepi'i'mola' ocuenaye xanuc', tixhuico'me lamats', tepi'i'me lo'iya onñca laipammaiya.

42 Jesús timila':

—Imanc', ¿te aicoñsuec' te loya'apa al Paxi Linñingiya? He tuya'e':

Lapic letets'ipa nolanc'epá lajut'ñ joupa i'ipa xonca laicuicoya. Iñque lapic xonca tilanc'eñaita, aimecangeya lajut'ñ.

ŁanDios łafPoujna łta'a łecuej'micopa.

Illanc' alsinyi acueca' łe li'ipa.

43 Camilhuo': Linca ŁanDios joupa epi'ipolhuo' łłpenic', icuxe'epolhuo' toluya'ałe: "Małque ŁanDios cal Cuecaj Rey ticuxela' lan xanuc'". Itsiya texic'e'molhuo' łe łłpenic'. Aimoltsuflaiyacu pe locuxeyopa ŁanDios, łłque Nopa'a lema'a. He łłpenic' tepi'i'mola' locuenaye. Hniya linca tenant'hi'me łe łataiqui' locuxe'eyacola'.

44 'Cal xans ja'ni tixc'ualaf'caitsi, tecanaf'caitsi cal Cuecaj Capic, łłque cal xans tixquelequehuo. Ja'ni Łapic tecangenni tetof'caitsi cal xans, łłque cal xans tuxpats'i'ma nulemma.

45 Tołta'a i'onłico'ma Jesús lo'epa ŁanDios. Licuej'me łhiya łitaiqui' lixanuc' cal cuecaj ca'ailli' jouc'a lan xanuc' fariseo i'i'ma quilsina' Jesús ma tinescola'. 46 Ehuepá te co'iyá mi'nołyacu. Aiquil'nołi. Tixpaic'ennila' lan xanuc', łłne ticuayi: "Jesús aprofeta. ŁanDios ummepa".

22

1 Jesús ti'hua ti'onłijma. Timila':

2 —ŁanDios cal Cuecaj Rey Nopa'a lema'a, licuxejma ti'onłcospa to li'ejma' anuli cal cuecaj quincuxepa nopa'a fa'a li'a łamats'.

'Litine lemane'ma hi'hua, łincuxepa icuxe'ma imac'ot'łem'me łotejacu al juic. 3 Umme'mola' limozó iye'me tilecontsola' lijoc'ipola'. Hniya lijoc'ipola' aiquilcuac', aiquicuaiyunca al juic.

4 'Ummecona'mola' locuenaye limozó. Timila': "Tonłełe, tołłecotsola' laiјoc'ipola'. Tolu'itsola': Joupa ima'ampola' lai-huacax jouc'a locuenaye linneja lifujmpola'. Aimag'epa łaltejacu. Ailopa'a cahue'epa. Tonłouyunca al juic temane'ma łai'hua."

5 'Hniya liјoc'ipola' aiquilcuca. Iyena'me ocuena cane. Anuli i'hua'ma ixintsi łemats'. Locuena i'hua'ma petsi locucaleyopa. 6 Locuenaye i'noł'e'e'me limozó łincuxepa, ixcai'em'mola', ima'am'mola'.

7 'Łincuxepa ixtuc'o'mola'. Umme'mola' lisoldado tima'antsola' łłne linma'ahuale, tipi'entsa łłcuecaj quilya'.

8 Timila' limozó: "Joupa imacolpa łaltejacu lijuic łamaneya łai'hua. Laiјoc'ipola' joupa imujpołtsi a'ijc'a xanuc'. Etets'ipá łatejua'. Aiquilcuaiya. 9 Itsiya tonłełe łotalejmaleyopa łaneya. Jahuay lan xanuc' łłsinyacola' tołјoc'itsola', tołmitsola': Łepá lejut'ł łincuxepa, ti'i juic, temane'ma hi'hua."

10 'Lam mozó ipalunca ipa'netsa łaneya. Efoť'łem'mola' łłne lixinim'mola', ja'ni lan c'a xanuc', ja'ni lixcay xanuc', ma' anuli efoť'łem'mola'. Łajut'ł imantsi xanuc'.

11 'Itsufai'ma hincuxepa tixingufitsola' ihne notetsopá jilpiya. Ixim'ma anuli cal xans a'i quetejyoxi, aiquipo'nohuo al ts'e lipijahua' to lip'o'nohuo ihne nomana' jilpe al juic łamanepa. 12 Icuis'e'ma, timi: "Maipima, aicopo'nohuo al ts'e lopijahua' to lip'o'nohuo ihne nomana' fa'a al juic. ¿Te qui'ipa lotsu-faiyumma fa'a?" Cal xans aiquitalai'e. Ailopa'a quitaiqui'. 13 Lincuxepa ijoc'i'mola' limozó no'huapá pime małpe al juic. Timila': "Iłque cal xans tołfi'ełe limane li'mitsi'. Tolaca'nitsa jipu'hua al muf. Jilpe lan xanuc' tijolijta, ti'ıl'ca lił'ay."

14 'Linca, axpela' lijoc'impola', ahuata li'huijf'empola'.

15 Iye'me lam fariseo. Ixpice'me te co'iya mi'nołyacu Jesús. Timiyoltsi:

—Licuis'e'me, ałtalai'e'monga', tołta'a ałcufta.

16 Ummem'mola' liyejmalepá. Jouc'a iye'me lixanuc' cal rey Herodes. Icuaitsa pe lopa'a Jesús, timiyi:

—Momxi, ałsina' ima' tocua al linca, a'i ma le'a metenłcoyacola' lan xanuc'. Tomuc'iyale lipene ŁanDios. Ma' anuli topalaic'ola' jahuay. Aimahuelongila' ja'ni ts'il'hueca o aiquil'hueca. 17 Itsiya lu'itsonga'. ¿Te cofcuapa? ¿Te ał'najtse'me cal cuecaj quincuxepa César? ¿Ałcu'me al tomí lałsahue'eponga'? o ¿aimałcuyacu? ¿Nipajnya o aimi'iya?

18 Jesús imetsaico'mola' ixcay lipicuejma', timila':

—ıImanc' cunc'infel'miyale! ¿Te całmicuapa tołta'a? Aixina' le'a lahuaijma. 19 Ałmuc'ıla' anuli al tomí lołcuyacu.

Imuc'i'me al tomí. 20 Icuis'e'mola', timila':

—¿Naitsi ilca'a ts'i'a? ¿Naitsi ilta'a ts'ipuftine?

21 İhniya italai'e'e'me, timiyi:

—Li'a César, lipuftine César.

Timila':

—Ja'ni i'huexi César, tonlapi'ıłe César; ja'ni i'huexi ŁanDios, tonlapi'ıłe ŁanDios.

22 Licuej'me tołta'a ilniya icuapá:

—ıXinła'! İłque Jesús acueca' lipicuejma'.

Ipo'no'me quituca', iyena'me.

23 Małe litine lan xanuc' saduceo icuaitsa pe lopa'a Jesús. İhniya lan xanuc' saduceo ticuayi: "Łan xanuc' timala' anulemma, aimimaf'iconayacu". İhniya tehuaiyi Jesús, ticuis'eyi, 24 timiyi:

—Momxi, Moisés uya'apa: "Timala' cal xans ja'ni ailopa'a qui'hua, himanapa lipima tileco'ma hi'maxi. Tipajntsi cal te'a quił'hua, ilque tecui'i'me to lipuftyne himapa. Ti'i'ma ma to qui'hua himapa, hi'huexi himapa tulij'ma."

25 'İllanc' alimetsaicola' acaitsi lapimaye. Cal te'a emanepa, imapa, aiquixina' qui'hua. Łimapa lipima ileco'ma hi'maxi.

26 Ma to li'ipa cal te'a, ma tołta'a li'ipa lipima, jouc'a tołta'a li'ipa

locuena. Ma' anuli li'i'mola' lan caitsi. ²⁷ Lijou'ma imana'ma laca'no'.

²⁸ Lan caitsi capimaye ilecopá anuli laca'no'. Ticuaiti litine timaf'iconle limanapola', ¿naiti co'iyá kipe'ailli' laca'no'?

²⁹ Jesús italai'e'e'mola', timila':

—Imanc' timenaquilhuo'. Aicołsina' loya'apa al Paxi Linilingiya, aicolimetsaijma al cueca' lo'epa LanDios.

³⁰ Jiłpe litine timaf'inle limanapola', aimemaliyacu, ni lan xanuc' ni lacal'no'. Ti'onłcotola' to lapaluc' quema'a. ³¹ Imanc' tołcuayi aimimaf'iyacu limanapola'. ¿Te aicołsuec' lomipolhuo' LanDios jiłpe Lipaxi Linilingiya? Jiłpe tuya'e': ³² “Iya' NanDios, ilenDios Abraham, Isaac, Jacob”. Ja'ni anulemma imanapola' Abraham, Isaac, Jacob, LanDios aiminesya: “Iya' ilenDios ihniya”. LanDios ilenDios ts'ihmaf'i', a'i limanapola' nulemma.

³³ Licuej'me jiłiya licua'ma Jesús, lan xanuc' ticuayi:

—¡Xinla'! Acueca' litaiqui' lomuc'iyalepa itque Jesús.

³⁴ Lan xanuc' fariseo icuej'me Jesús i-ch'ixc'epola' lan xanuc' saduceo. Lijou'ma, lam fariseo efot'le'mołtsi, iye'me pe lopa'a Jesús. ³⁵ Anuli ihniya, itque łomxi nomuc'iyalepa locuxepa LanDios, ehui'ma Jesús, icuis'e'ma, timi:

³⁶ —Momxi, jiłpe litaiqui' locuxepa LanDios, ¿te t'le cataiqui' xonca al cueca'?

³⁷ Jesús italai'e'e'ma, timi:

—“To'nujuaisla' LanDios łoPoujna, itque omenDios. Taihuejla' jahuay łomunxajma', jahuay ło'alma, jahuay lopicuejma'.”

³⁸ Tołta'a loya'apa al te'a litaiqui', ihniya xonca al cueca' cataiqui' locuxepa LanDios. ³⁹ Locuena lataiqui' lihuequi ma' anuli ti'onłspa, ticua: “Ima' to'eyoxi capic'a. Ma tołta'a to'ela' capic'a łof'as xans, naiti łoftalecufya.” ⁴⁰ Ja'ni tolihuejcoyi jiłta'a loque' lataiqui', linca tolanant'hiyi jahuay locuxepa LanDios, jahuay linespa lam profeta.

⁴¹ Mefot'leyołtsi jiłpe lan xanuc' fariseo, ⁴² Jesús icuis'e'mola', timila':

—Imanc', ¿te cołcuapa? Cal Cristo, ¿naiti hitatahuelo?

Ihniya italai'e'e'me, timiyi:

—David itatahuelo cal Cristo.

⁴³ Jesús timila':

—Małque David inescopa cal Cristo, ticua “... łaiPoujna”. Ja'ni David itatahuelo cal Cristo, ¿te quinescopa tołta'a? Cal Espiritu Santo icuxe'epa tołta'a licuapa, luya'apa, ticua:

⁴⁴ LanDios tipalaic'o łaiPoujna, timi:

“Tocutsaila' jifa'a al c'a camane.

Topanehuo jifa'a, iya' mi'hua culiquila' lo'epo' laic'.

Tijoula', ima' tocuxena'mola'.”

45 Ja'ni David itatahuelo cal Cristo, ¿te quinescopa, ticua "...
 ʔaiPoujna"?

46 Ailopa'a cotalai'ecoyacu, ni anuli lataiqui'. Lipangopa jile
 litine aimicuis'mot'leconayacu. Hsina' tulijna'mola' Jesús.

23

1 Jesús ipalaic'o'mola' lan xanuc' jouc'a ts'ilihuequi.
 2 Timila':

—Lomxiye nomuc'iyalepá locuxepa ʔanDios, jouc'a lan
 xanuc' fariseo, tipa'a liʔmane timuc'iyale'me licuxepa Moisés.

3 Imanc' tolihuejcole jahuay locuxe'epolhuo'. Li'ejma' ʔniya
 aimolihuej'me. ʔniya ma le'a tinesyi, aimi'eyi.

4 'Tetonc'iyi lataiqui' locuxepa ʔanDios. Ticuxennila'
 lan xanuc' tenant'ʔile jahuay ʔta'a liʔtaiqui'. Lan xanuc'
 tixinyi ipime jiliya liʔtaiqui'. Ti'onʔcospa to cal cumta caitay
 lipo'no'impola' liʔspula'. Afule mixnet'ʔyi. Maʔniya lomxiye
 jouc'a lan xanuc' fariseo aimentant'ʔiyi lataiqui' locuxepa
 tenant'ʔile liʔas xanuc'. Tixinyoʔtsi to ailopa'a nocuxeyacola'.
 Ticuxeyoʔtsi quʔtuca'.

5 'Jahuay lo'epa ʔniya ti'eyi ma le'a tehuelojnle lan xanuc',
 tixinintsola' lan c'a xanuc'. ʔpic'a tixinintsola' menant'ʔiyi
 locuxepa ʔanDios. ʔniya lomxiye jouc'a lam fariseo tilanc'eyi
 xonca lexpats'qui ʔle laca'hua caxax lofi'ecopa liʔmane o ʔilepali.
 Jiʔpe lacaxax ti'nico hualca al Paxi Linihingiya. Ti'e'eyi ito-
 qui ʔocuits' lema liʔpijahua'. Ticuayi liʔpicuejma': "Lan xanuc'
 ʔsintsonga' ninc'itsila' comxiye".

6 'Mixmucota ticutsoʔaita jiʔpe petsi locutsoʔaiyacu lan tsilaj
 xanuc'. Toʔta'a ʔpic'a. ʔajut'ʔi pe lafoʔyomma lan xanuc', ʔne
 ticutsoʔaita lan tet'ʔa asiento. 7 Miyelocoyi locucaleyompa
 ʔpic'a lan xanuc' tinonintsola', timintsola': "¡Rabí, Rabí!" (ʔe
 lataiqui' lohuaʔcuf'ipa ticua: Nomuc'iyalepa.)

8 'Imanc' aimecui'im'molhuo' "Rabí." Tipa'a ma le'a anuli
 Nomuc'ipolhuo', imanc' unc'apimaye. 9 Fa'a li'a ʔamats', ja'ni
 anuli cal xans a'i coʔailli', aimoʔmi'me "Mai'ailli". Tipa'a ma
 le'a anuli coʔailli', ʔque Nopa'a lema'a. 10 Aimecui'im'molhuo'
 imanc' "Momxi". Imanc' a'i cunc'omxiye. Ma le'a iya ʔoʔpomxi,
 iya' ninCristo. 11 Imanc', naitsi xonca cal cueca' ti'ʔta' to cal
 mozo, titoc'itsola' lipimaye. 12 Cal xans no'e'epoxi acueca',
 ʔquiya ti'oc'em'me. Naitsi no'e'epoxi aca'hua, ti'e'em'me
 xonca acueca'.

13 'A'ijc'a lo'iyacolhuo' cunc'omxiye, imanc' noʔmuc'iyalepá
 locuxepa ʔanDios, jouc'a imanc' cunc'ixanuc' fariseo. Le'a
 toʔe'eyoʔtsi, imanc' a'i cunc'ic'a xanuc'. Miquimf'ennilhuo'
 loʔmuc'iyalepa, lan xanuc' tixinyi to joup'a eti'ya al puerta.
 Tixinyi aimi'ya mitsufliayacu jiʔpe pe locuxeyopa ʔanDios cal
 Cuecaj Rey Nopa'a lema'a. Linca imanc' aimoʔsufliayi, jouc'a

aimolapi'ila' lane lan xanuc'. Ihe ts'itpic'a titsuf্লাই, imanc' to'pa'nela'.

¹⁴ 'A'ijc'a lo'iyacolhuo' imanc' cunc'omxiye no'muc'iyalepá locuxepa LanDios, jouc'a imanc' unc'ixanuc' fariseo. Le'a to'le'eyo'tsi, imanc' a'i cunc'ic'a xanuc'. Imanc' tolaxic'ela' li'huexi lam potsateya caca'no'. Mo'eyi to'ta'a ticolilhuo' mo'palaic'oyi LanDios. To'cuayi: "A'sinintsonga' illanc' lihuejcoyi LanDios". Imanc' xonca acueca' lotel'minyacolhuo'.

¹⁵ 'A'ijc'a lo'iyacolhuo' imanc' cunc'omxiye no'muc'iyalepá locuxepa LanDios, jouc'a imanc' cunc'ixanuc' fariseo. Le'a to'le'eyo'tsi, imanc' a'i cunc'ic'a xanuc'. Imanc' tolahuela' lan xanuc' tihuequintsolhuo'. Ton'eyi ni petsi li'a lamats', to'queyi laja. To'sintsa ma le'a anuli cal xans naihuejyacolhuo' tolixoc'i'mo'tsi conlata. Tijoula' it'que tulij'molhuo'. Imanc' lo'picuicoya ton'te'me pu'hua al cuecaj capa. It'que xonca lipicuicoya ti'huala' pu'hua.

¹⁶ 'A'ijc'a lo'iyacolhuo' imanc' unc'ifohue. Imanc' aimi'iya no'muc'iyacola' lan xanuc' al c'a cane. Imanc' to'cuayi: "Cal xans nocuaj'mipa al cuecaj xoute' ja'ni aimentant'hi litaiqui' ailopa'a tintsi. Locuena cal xans nocuaj'mipa al oro lopa'a jil'pe al cuecaj xoute', linca tenant'hi'la' litaiqui', ja'ni a'i titai'ma lijunac'."

¹⁷ ¡Imanc' unc'ifohue! Tocomma ailopa'a co'picuejma'. ¿Te jale xonca al cueca', ja'ni al oro o al cuecaj xoute'? A'inca xonca acueca' al xoute'. Ihe al oro ja'ni ailopa'a jil'pe al cuecaj xoute' aimi'iya qui'huexi LanDios. ¹⁸ Jouc'a to'cuayi: "Cal xans nocuaj'mipa cal altar, ja'ni aimentant'hi litaiqui' ailopa'a tintsi. Locuena cal xans nocuaj'mipa lotsufcompa jil'pe cal altar, linca tenant'hi'la' litaiqui', ja'ni a'i titai'ma lijunac'." ¹⁹ ¡Imanc' unc'ifohue! ¿Te jale xonca al cueca', lotsufcompa o cal altar? Linca xonca acueca' cal altar. Ja'ni lotsufcompa ailopa'a jil'pe cal altar aimi'iya qui'huexi LanDios. ²⁰ Cal xans nocuaj'mipa cal altar jouc'a tipalajma jahuay lopa'a jil'piya cal altar. ²¹ Ja'ni icuaj'mipa al cuecaj xoute', jouc'a tipalajma LanDios it'que Nopa'a jil'piya. ²² Ja'ni nocuaj'mipa lema'a tipalajma lema'a pe locutsaf'ya LanDios jouc'a tipalajma LanDios it'que Nocutsaf'ya jil'piya.

²³ 'A'ijc'a lo'iyacolhuo' imanc' cunc'omxiye no'muc'iyalepá locuxepa LanDios jouc'a imanc' cunc'ixanuc' fariseo. Ma le'a ton'te'eyo'tsi, imanc' a'i cunc'ic'a xanuc'. Imanc' jahuay ts'ol'hueca tipa'a lo'tsufcoyacu LanDios. Ja'ni ti'ila' amaxnu, to'tsufcoyi imbama', ja'ni ti'ila' imbama' to'tsufcoyi anuli. To'ta'a mon'teyi, tama laiquitamqui xonca atsocay, ja'ni al xaimu, ja'ni al anís, ja'ni al comino, to'tsufcoyi anuli LanDios. Lataiqui' locuxepa LanDios ticuxe'elhuo' ton'te'ete al c'a xonca

al cueca'. Ticuxe'elhuo' tonl'ete al hijca, tolsintsola' cuanuc'la lołpimaye, tonlanant'ite lołnesyacu. İe lataiqui' aimonlihuejyi. Linca ac'a lonl'epa mołtsufcoyi łaiquitamqui. Ticuicomma tolanant'ite jahuary locuxe'epolhuo' ŁanDios, tonl'ete al c'a xonca. ²⁴ Imanc' aimi'ıya mołmuc'ıyacola' lan xanuc' al c'a cane. ¡Unc'ifohue! Tıpa'a lataiqui' loya'apa: “Tołtsaic'oyi al vino aimołnuc'me calxc'huił. Tijoułta' aimołsinyi cal cuecaj quin-neja, itque cal camello, tołnuc'yi.” Tołta'a ma ti'onłcospolhuo' to loł'ejma' imanc'.

²⁵ 'Aıjc'a lo'ıyacolhuo' imanc' cunc'omxiye nołmuc'ıyalepá locuxepa ŁanDios, jouc'a imanc' cunc'ıxanuc' fariseo. Ma le'a toł'e'eyołtsi, imanc' a'ı cunc'ic'a xanuc'. Aıjc'a lołpicuejma'. Ti'hua tołjanajyi tepi'intsołhuo' xonca. Tonlaxic'ela' liłtomı loł'as xanuc', tołta'a tołma'neyi lołtaza, lołpime. Tijoułta', ma to moł'eyi, tołapajyi liłspula' lołtaza, lołpime. ²⁶ İma' umfo' fariseo, ate'a taıpa'ala' al xujc'a lopa'a jıłpe licu'u lotaza, lopime. Tijoułta' liłspula' ti'i'ma limpio jouc'a.

²⁷ 'Aıjc'a lo'ıyacolhuo' imanc' cunc'omxiye nołmuc'ıyalepá locuxepa ŁanDios, jouc'a imanc' cunc'ıxanuc' fariseo. Le'a toł'e'eyołtsi, imanc' a'ı cunc'ic'a xanuc'. Ti'onłcospolhuo' to cal puł'hua li'e'empa afujca juaiconapa. Licu'u al puł'hua imanna quecala camızhua, imanna axisca. ²⁸ Ma' anuli imanc'. Tocomma to tolıhuejcoyi locuxepa ŁanDios. Aıj linca. Ma le'a ixcay lołpicuejma'. Jıłpe tołspic'eyi toł'e'eyołtsi, imanc' a'ı cunc'ic'a xanuc', aimolihuejcoyi locuxepa ŁanDios.

²⁹ 'Aıjc'a lo'ıyacolhuo' imanc' cunc'omxiye nołmuc'ıyalepá locuxepa ŁanDios jouc'a imanc' cunc'ıxanuc' fariseo. Le'a toł'e'eyołtsi, imanc' a'ı cunc'ic'a xanuc'. İmanc' tołıanc'e'ela' liıpu'hua limanapola' iıne lam profeta jouc'a lan xanuc' naihuejcopá locuxepa ŁanDios. ³⁰ İmanc' tołcuayi: “Lałtatahueló ima'a'me lam profeta. Ja'ni coła' illanc' ałmana' jıłpe litine, aimal'eyacu tołta'a.” ³¹ Mołnesyi “Lałtatahueló...”, le'a tołcufyołtsi, tonlimetsaicoyołtsi imanc' iłnaxque' iłniya nima'a'me iıne lam profeta. ³² Ne'. ¡Ti'hua monl'eyi jıııya lixcay to li'epá lołtatahueló! ¡Tołjou'neıe nulemma!

³³ 'İmanc' ti'onłcospolhuo' to lacałpo'. İmanc' lołpicuejma' ti'onłcospa to lipicuejma' łainofał. Linca tejac'ennolhuo', tecajm'minnolhuo' łunga łopa'a al muf. O ğte ti'i'ma tołunłulta? A'ı. Aimi'ıya. ³⁴ Cumme'elhuo' lam profeta, iıne noya'apá loxpıc'epa ŁanDios. Cumme'elhuo' lan xanuc' acueca' liłpicuejma'. Cumme'elhuo' lomxiye. İmanc' tołma'a'mola' hualca iłniya lan xanuc', tołapałts'ıjm'mola' lancruz. Locuenaye tołıeco'mola' łajut'lı pe lafołyomma lan xanuc', jıłpe tołunf'e'e'mola'. Toli-huejtso'mola' iıya' iıya'. ³⁵ Tołta'a imanc' tołtai'me liłjunac' iıne lołxanuc' nima'a'me naihuejcopá locuxepa ŁanDios. Cal

te'a hima'ampa itque cal c'a xans Abel, hijoujma Zacarías hi'hua Berequías, hima'ayompa jilpe al cuecaj xoute' lixpula' cal altar, jilpe lotsuflaiyacu al Paxi Lugar. ³⁶ Iya' camilhuo' al linca: Jahuay ite lajunac' toltai'me imanc' nołmana' fa'a itsiya litine.

³⁷ '¡Milya' Jerusalén! ¡Milya' Jerusalén! Loxanuc' inma'ahuale, ima'a'me lam profeta, tipannila' capic', tima'ayi lixanuc' LanDios, ihniya lummebola' jilpiya. Iya' axpe' canesqui: Cafot'ite'mola' jahuay loxanuc' ma to mi'ay cal tsana mefot'ite'mola' laiquipuyu, mipuxc'i'mola' lixał. Ima' aicocuac'. ³⁸ Milya', itahuelojnla' locuecaj xoute'! LanDios ipo'nopa quituca'. Tocomma joupa etetquemma. ³⁹ Iya' camilhuo' lo'iya. Ticuaiti litine ałmila': "Ima' unC'a. LanDios lałPoujna linca ummepo'", ite litine ałsingona'ma. Ai'a ticuaita ite litine aimalsingonaya.

24

¹ Jesús ipayonni jilpe al cuecaj xoute', icuaita ts'ilihuequi. Ihniya ts'ilihuequi ipalaico'me lajut'li al cuecaj xoute'. Timiyi: —Toxintola' ilangila' juaiconapa ihna'a lajut'li.

² Jesús italai'e'mola', timila': —Itsiya tolahuelojnyi lajut'li ihniya ilangila'. Iya' camilhuo' al linca: Ticuaihuo litine jahuay tetetquehuo. Ni anuli łapic mi'nif'queya lipima capic'.

³ Micutsuya Jesús hijuala Olivo, icuaita quiltuca' ts'ilihuequi, icuis'e'me, timiyi:

—Lu'itsonga', łtej hora mi'iya tołta'a? łTe co'iya małsinyacu ja'ni ima' tocuaiiconahuo? łTe co'iya małsinyacu ja'ni tijou'ma li'a łamats'?

⁴ Jesús italai'e'mola', timila': —Tołpo'nole cuenna. Ja'ni aimołpo'noyi cuenna tifel'mim'molhuo'. ⁵ Ticuaicu axpela' linfel'miyale. Anuli anuli tines'ma: "Iya' linca cunlu'e'molhuo'. Iya' ninCristo. LanDios alummepa." Ihniya tifel'miyale'me axpela'. ⁶ Litine tołcujle: "Pu'hua tifulenni", o "Lu'hua tifulem'me", aimixpailij'molhuo'. Tołta'a lo'iya. Ticoł'ma locuaicoya Lijoujma Quitine. ⁷ Lan xanuc' anulij naciłn tixtuc'om'mołtsi locuenaj naciłn, tifule'me. Lan tsilaj quincuxepá tixtuc'om'mołtsi, tifule'me. Ni petsi tixim'me cumemma, tinu'ma łunanto. ⁸ Ite latełcoya ti'onłcota to łaca'no' linnay lipumla. Tumlej'ma ate'a, tijouła' tipajnta cal ts'e qui'hua. Fa'a li'a łamats' ate'a tipango'ma latełcoya, tijouła' ti'i'ma al ts'e lema'a, ti'i'ma al ts'e li'a łamats'.

⁹ 'Imanc', ticum'molhuo', ticuaita quilmene lan xanuc', ihne titełmi'molhuo', tima'a'molhuo'. Imanc' ts'alihuequi, tołiya ni petsi lołmanc'eyacu fa'a li'a łamats' lan xanuc' tixtuc'o'molhuo'. ¹⁰ Axpela' ts'alihuequi tipai'i'me lipicuejma', ti'e'mołtsi laic'

liłpimaye ts'alihuequi. Ticuf'me. ¹¹ Ticuaicu axpela' lam profeta nofelłaiqueyacu, tifel'miyale'me axpela' lan xanuc'. ¹² Lan xanuc' xonca tenaj'mołtsi, aimihuej'me lataiqui' locux-epa LanDios. Ti'e'me ma le'a lixcay. Aimipalaic'oyacołtsi to li'ipa, aimi'eyołtsi capic'a. ¹³ Cal xans ja'ni tixnet'ła' latełcoya, ja'ni ti'hua tihuejla', ilque linca tunłu'ma. ¹⁴ Jahuay li'a łamats' tuya'ata lataiqui' loya'apa ilē al c'a lixplic'epa LanDios. Ni petsi lomana' lan xanuc' tuya'ata te co'iya mitsufłaiyacu pe lopa'a LanDios, ilque cal Cuecaj Rey Nopa'a lema'a. Tijouła' ticuaihuo Lijoujma Quitine.

¹⁵ 'Ma to luya'apa cal profeta Daniel luyaipa quitine tołta'a tołsim'me lo'iya. Ilē pe LanDios tilaiqui topo'nom'me al cuecaj xoute'. Tijouła' LanDios tipo'no'ma quituca' ilē al cuecaj xoute'. Naitsi noxhuf'iyacola' lipimaye jilłta'a lataiqui' ticuec'ela'.

¹⁶ 'Hniya litiné ja'ni tołmana' al distrito Judea tolinul—le, toł'ajlıle lıjualay. ¹⁷ Ja'ni cof'nif'ya al toncay lomejut'ł, aimicoł'mo'. Aimaipa'a'ma ilē lopa'a lomejut'ł, le'a taimunni, tainuła'. ¹⁸ Ja'ni to'ay canic' jilłpe limuc'o', aimopaiconahuo mommaiya lopusuiya, ma tainuła'.

¹⁹ 'Hniya litiné juaiconapa titełco'me linnaila cacal'no', jouc'a lacal'no' notu'ipá lihaxque'. Hniya afule minulyacu. ²⁰ Tołsahue'ele LanDios ticuaitsi latełcoya aimi'i'ma litiné caxita, ni litine conxajya. Jilłpiya aimi'iya molinulyacu. ²¹ Lan xanuc' nomana' fa'a li'a łamats' aiqıısingufma latełcoya to loxinyacu jilłpiya litine. Tijouła' jilłta'a latełcoya aimixinconayacu latełcoya to jilłta'a. ²² LanDios tixinnila' cuanuc'la lixanuc', jilłne li'huijł'epola', toliya ixpic'epa aimicołya jilē latełcoya, tetec'oyehuo. Ja'ni cola' ticoł'ma ilē latełcoya, ailopa'a conłuya, cola' jahuay tima'mola'. Aimicołya latełcoya.

²³ 'Hniya litiné ja'ni timintsolhuo': "ıTołsinle! Jifa'a icuai'ma cal Cristo", o "Jilłpe icuaita", aimolapenuf'me ihıya lataiqui'. ²⁴ Ticuaicu linfel'miyale. Tecui'i'mołtsi: "Iya' ninCristo", o "Iya' ninprofeta, cuya'e' lixplic'epa LanDios". Hniya ti'e'me al cueca', axpe' timuj'me. Tines'me: "Lan xanuc' limet-saicotsonga' LanDios lummeponga'". Ma le'a tifel'miyaleyi. Cola' tifel'mintsola' jouc'a li'huijł'epola' LanDios. Aimi'iya mifel'minyacola'.

²⁵ 'Joupa aimipolhuo' ilē lo'iya. Aimolimenc'eco'me ilē laimipolhuo'. Ma to lo'iya, tołta'a nu'ipolhuo'. ²⁶ Ja'ni timintsolhuo': "Icuaita cal Cristo pu'hua. Tipa'a petsi ailopa'a quıłya'", aimołte'me pu'hua. O ja'ni ticuanni: "Icuai'ma fa'a, itsufaipa lajut'ł", imanc' aimolihuejco'mola'.

²⁷ 'Iya' ilque cal Xans Liximpa cal profeta pu'hua lema'a. Cacuaiyoconanni jahuay ałsim'ma ma to mołsinyi lixcuaflay mixcuał'ma jilłpiya liyuf'maj 'ora. Lixcuaflay tepalc'o'i a'i ma

le'a jilpe liyuf'maj 'ora. Lepalc'o' ticuaita pe lof'acaiyopa cal 'ora. ²⁸ Pe lopa'a limac' jilpiya tefot'le'moltsi lapote. ²⁹ 'Tuyaila' ihniya litiné latełcoya:

Timufco'ma cal 'ora, cal mut'ła aimepalc'o'iya, lan xamna nomana' lema'a tecangołecu łamats', jahuay lopa'a jilpe lema'a tife'nem'mola'.

³⁰ Iya' ilque Cal Xans Łiximpa cal profeta pu'hua lema'a. He litine jipu'hua lema'a lan xanuc' tixim'me ile lomuc'iyacola' joupa aicuaicocona'ma. Ni petsi li'a łamats' lan xanuc' tijolij'me, ałsim'ma cacuaiconno cacutsafya łummahuay quimumma. Ałsim'ma iya' ninCuecaj Rey, al'onłcospa to ŁanDios. Iya' ilque cal Xans Łiximpa cal profeta pu'hua lema'a.

³¹ He litine tifus'mi'me al cuecaj trompeta, iya' cumme'mola' lainepaluc' tiyełe tefot'łentsola' laixanuc' lai'huij'epola'. Ni petsi lomana' tileconnola': Ihniya nomana' layuf'maj 'ora, ihniya nomana' lof'acaiyopa cal 'ora, ihniya nomana' pe lo'huayomma łahua', ihniya nomana' pe lotsepa łahua', ni petsi canumicay li'a łamats' tileconnola' laixanuc'.

³²⁻³³ 'Ja'ni tołpo'nołe cuenna ile lo'ipa al 'icux ti'i'ma cołsina' icuaico'ma linu'. Tołta'a timuc'i'molhuo' al 'icux tuxcuaf'eła' limane', tilala' laxhuaica lipela. Ma' anuli ja'ni tołpo'nołe cuenna ile lo'iya fa'a li'a łamats' ti'i'ma cołsina' joupa cacuaiconno. Ti'ila' ma to laimipolhuo', joupa aicuai'ma al puerta. ³⁴ Iya' camilhuo' al linca: Litine ti'ila' to laimipolhuo', lan xanuc' nomajnyacu fa'a li'a łamats' ti'i'ma lił'ejma' to lił'ejma' lan xanuc' nomana' fa'a itsiya litine. ³⁵ Lema'a y li'a łamats' tipaico'mola'. Laitaiqui' aimipaiya, tipanehuo.

³⁶ 'Nij naitsi ts'ixina' litine ni al 'hora cacuaicoconanni li'a łamats'. Jouc'a lapaluc' quema'a aiquilšina'. Jouc'a iya' i'Hua ŁanDios, aicaixina'. Ma le'a cai'Ailli', ilque linca ixina'.

³⁷ 'Ma to li'ipa luyaipa quitine mipa'a Noé fa'a li'a łamats', tołta'a lo'iya litine cacuaicoconanni li'a łamats'. ³⁸ Milanc'e Noé al arca, lan xanuc' tuyalaicoyi liłpepajnya ma to mi'eyi. Titetsoyi, tixnayi, temalliyi, ticuyi liłnaxque' temallife. Litine Noé litsufai'ma al barco tołta'a ti'eyi. ³⁹ Ihe aiquilšina' lo'iyacola', ticui'ma. Ma' icui'ma łaxpaiqui' cacui. Łacui ileco'mola', ima'a'mola'.

'He li'ipa ti'onłcospa to lo'iya cacuaiconanni iya'. Lan xanuc' aimi'iya quilšina' lo'iyacola'. ⁴⁰ Oquexi' lan xanuc' timajm'me łimuc'o'. Anuli tilecom'me, łocuena tipanehuo. ⁴¹ Oquexi' lacał'no' tutsi'me anuli. Anuli tilecom'me, łocuena tipanehuo.

⁴² 'Imanc' toł'huaicołe, tołpo'nołe cuenna. Aicołsina' te quitine ticuaihuo łolPoujna. ⁴³ Łipoujna cajut'ł ja'ni ixina' tej hora ticuaihuo cal namas, ilque łapoujna aimixmaiya, tipo'no'ma cuenna, ticuanajco'ma lejut'ł, cal namas aimi'iya mitsufaiya.

44 Imanc' tołpo'nołe cuenna. Ticuaitsi al 'hora aimoł'huaicoyi, tołnesyi: "Aimicuaiya", małpe al 'hora cacuaihuo. Iya' iłque cal Xans Łiximpa cal profeta pu'hua lema'a.

45 'Łapoujna ti'huał'a aculi', tepi'i'ma quipenic' ĩmozo. ¿Te co'eya iłque cal mozo? Ja'ni cal c'a mozo, ja'ni tipa'a lipicuejma', tenant'h'i'ma lipenic', ĩle lipo'no'ipa ĩpoujna. Ti'e'mola' cuenna locuenaye lam mozó nomana' ĩłpe lajut'ł. Ti'huajcoł'a al 'hora, tites'mi'mola'. 46 Ticuainatsi ĩpoujna, tixim'ma ĩmozo ti'ay to licuxe'epa. Iłque cal mozo loyaicoya al c'a. 47 Camilhuo' al ĩnca: ĩpoujna tepi'i'ma xonca al cueca' lanic'. Tepi'i'ma quimane ticuxela' jahuay ĩ'huxei. 48 Ja'ni ixcay xans, cal mozo timi'moxi: "Łaipoujna ticołi, aimicuaiya". 49 Tipango'ma tifule'ma, tuntaf'mola' lif'as mozó. Titetsoyi, tixnayi anuli lif'as quisnaye. ¿Te co'iya iłque cal mozo? 50 Anuli litine, ĩłpe litine aimi'huaijma ĩpoujna, ĩle al 'hora aimixhuełma, ticuainahuo ĩpoujna. 51 Tetetsuf'ma, tecajm'mita pe lomana' ĩnfel'miyale, ĩłpe tijolijta, ti'ĩc'ta lif'ay.

25

1 'Licuaitsi litine ticuaihuo cal Cuecaj Rey Nopa'a lema'a, tepenuftola' lixanuc', ĩne naihuejcopá, ti'i'ma to li'ipa litine lipalunca imbama' lahuats'la. ĩe litine titalecufta, tecanna łamaneya, ticuai'ecu ĩłpiya lo'iyoya lijuic łamaneyoya. Anuli anuli ĩłtaic' ĩłpepalc'o'. 2 Amajxi lahuats'la ts'ĩłpicuejma', locuenaye amajxi lahuats'la ailopa'a quĩłpicuejma'. 3 Lamac'ta lahuats'la, litai'me ĩłpepalc'o' aiquĩłtaic' quileceite timanumf'eta ĩłpepalc'o'. 4 Lahuats'la ts'ĩłpicuejma' itai'me ĩłpepalc'o' jouc'a ĩłtaic' lileceite. 5 Ticołi łamaneya, aiquicuaiyunni. Jahuay lahuats'la icuinni quilehui, ixmai'me.

6 'Nolojmay quipuqui' icuej'me tija'anni, ticuayi: "Icuai'co'ma fa'a łamaneya. Tuntouyunca, ałtalecufta." 7 Jahuay lahuats'la imaf'i'me. Etuf'me ĩłpepalc'o', inai'i'me. 8 Lamac'ta lahuats'la ipalaic'om'mola' ts'ĩłpicuejma', timinnila': "¿Tolĩnte! ĩna'a łalpepalc'o' joupa tipica. Ałc'i'itsonga' tutani calaceite." 9 Lahuats'la ts'ĩłpicuejma' italai'e'me, timinnila': "A'ĩ. Aimi'iyaya. Ja'ni ałc'i'itsolhuo' ĩllanc' lahue'e'monga'. Tonłełe petsi locuquimpá, toł'natsa colaceite." 10 Miyeyi ti'nata quileceite, icuaiyunni łamaneya. Lahuats'la ts'ĩłpicuejma' iyejmale'me łamaneya. Itsuflai'me jouc'a łamaneyoya. Ix'nifcom'me al puerta. 11 Icuaitsa locuenaye lahuats'la. Ija'a'me, timiyi: "Małpoujna, małpoujna, laxi'e'etsonga' lopuerta". 12 Łamaneya timila': "Iya' camilhuo' al ĩnca: Aicainimetsaicolhuo'."

13 Jesús timila' ts'ĩlihuequi:

—Imanc' ti'hua tołpo'nołe cuenna. Aicołsina' ni litine ni al 'hora cacuaiconanni.

14 'Lo'iya ti'onłcospa to li'ipa ti'hualecotsi aculi' anuli cal xans. Ai'a ti'hua'ma ijoc'i'mola' limozó ticuaiyunca. Epi'i'mola' quih'huexi, ihe tixinle lo'e'eyacu. 15 Anuli epi'i'ma amaquej tomí, łocuena epi'i'ma oquej tomí, łocuena epi'i'ma ma le'a anuli, ma to mipa'a łipicuejma'. Lijou'ma ipanni, i'hua'ma aculi'.

16 'Cal mozo łepenufpa amaquej tomí ixhuico'ma al tomí, ulij'ma i'nif'caitsi amaquej tomí. 17 Cal mozo łepenufpa oquej tomí jouc'a i'nif'caitsi oquej tomí. 18 Cal mozo łepenufpa anuli al tomí itai'ma, i'hua'ma, ipu'ma łamats', emu'ma ihe al tomí lepi'ipa łipoujna.

19 'Axpe' quitine icolhuo'ma łipoujna lam mozó. Lijou'ma icuainanni. Icuis'e'mola', timila': "¿Te conł'ecopa al tomí lainepi'ipolhuo'?" 20 Cal mozo łepenufpa amaquej tomí itaic'imbamaj tomí. Timi łipoujna: "Maipoujna, alapi'ipa amaque' al tomí. ¡Toxinła'! Nulijpa amaque', i'ipa imbama'." 21 Łipoujna timi: "Ac'a lo'epa. Ima' unc'a mozo. Latenłcocopa ima' lo'ejma'. Tama ahuata lainepi'ipo', ac'a oxhuicopa. Itsiya capi'i'mo' comane tocuxela' xonca axpe'. Iya' tixoqui neta juaiconapa. To'huanni. Jifa'a ałmajm'me anuli. Tixoj'ma calata."

22 'Icuaitsi cal mozo łepenufpa oquej tomí. Timi łipoujna: "Maipoujna, alapi'ipa oquej tomí. ¡Toxinła'! Nulijpa oque', i'ipa amalpu'." 23 Łipoujna timi: "Ac'a lo'epa. Ima' unc'a mozo. Latenłcocopa ima' lo'ejma'. Tama ahuata lainepi'ipo', ac'a oxhuicopa. Itsiya capi'i'mo' comane tocuxela' xonca axpe'. Iya' tixoqui neta juaiconapa. To'huanni. Jifa'a ałmajm'me anuli. Tixoj'ma calata."

24 'Lijoujna icuaitsi cal xans łepenufpa anuli al tomí. Timi łipoujna: "Maipoujna, ima' aiximhuo' te ts'i'ic' łopicuejma'. Aiximhuo' ima' untá xans. Aimoxina' cuanuc'. Ima' aimofaya, tijouła' tapenuf'ma jahuay łai'pa'ampa. Aimaca'neya cal trigo, tijouła' jahuay lafotłeya tapenuf'ma. 25 Lai'nujuaitsi tołta'a lo'ejma', iya' ałspaicunni, ai'hua'ma nemutsi łamats' al tomí, ihe lalapi'ipa. ¡Toxinła'! İta'a ja'a lotomí. Tapenufnała'."

26 Łapoujna timi limozo: "İma' mixcay mozo. Mahui. ¿Te alinca oxina' aicafaya, tijouła' capenuf'ma jahuay łai'pa'ampa? ¿Te oxina' aicaca'neya cal trigo, tijouła' jahuay lafotłeya capenuf'ma? 27 Ne', ne'. ¿Te comemucopa laitomí? Najmay mecantsi al banco. Tołta'a capainanni, capenufna'ma jouc'a lulijpa laitomí. 28 ¡Texic'enale al tomí! Tepi'inale ilque ts'i'hueca imbama' al tomí. 29 Pe ts'i'hueca ihe lulijpa, xonca tepi'im'me. İque ti'huej'ma xonca. Pe aici'ihueca, aici'iqui, texic'em'me ihe lepi'impa. 30 İca'a cal mozo pe aici'aic' canic', tolacan-guf'me pe lopa'a al muf. İłpe tijolijta, ti'ıl'c'ta lił'ay."

³¹ 'Iya' itque cal Xans Liximpa cal profeta, cacuaiconanni alsim'ma al'oncota to LanDios. Jahuay lainepaluc' atejmalecu. Cacutshuai'ma laicuecaj asiento, iya' ninCuecaj Juez. ³² Jitpiya tefot'lena'moltsi lan xanuc' quiyoyomma ni petsi li'a lamats', jahuay lan nación. Ma to lapoujna mot'ł tenaquila' lipinneja, itne ihuantseyoltsi lam mot'ł jouc'a lan chivo, ma tołta'a iya' canaj'mola' lan xanuc'. ³³ Al c'a camane capo'no'mola' lam mot'ł. Loxa camane capo'no'mola' lan chivo.

³⁴ Tijoula' iya' ninRey capalaic'o'mola' itniya nomana' al c'a camane, cami'mola': "Imanc', cai'Ailli' joupa ipaxnepolhuo'. Tunłouyunca. Tolapenufle lapi'iyacolhuo' LanDios. Tepi'i'molhuo' lołmane tołcuxete. Lilanc'epa li'a lamats' tołta'a joupa ixpic'epa LanDios. Itsiya tepi'i'molhuo'. ³⁵ Luyaipa quitine altoc'ipa, itsiya lo'iyacolhuo' al c'a. Iya' ma cunle'e, imanc' altes'mipa. Iya' micui caija', imanc' aluhui'ipa caija', aixnapa. Iya' nipayomma aculi', laicuita lołpiłya' imanc' lapi'ipa cainejut'ł. ³⁶ Iya' ma lahue'e' cai pijahua', imanc' alummi'ipa cai pijahua', aipo'nopa. Iya' lalaxtafpa, imanc' al'epa cuenna. Iya' ma capa'a lacarza, imanc' alahuejnhuo'ma."

³⁷ 'Itne lan xanuc' naihuejcopá locuxepa LanDios almi'ma: "Małpoujna, ¿te quitine lałsimpoltsi ima' tonle'e, altes'mipo'? ¿Te quitine lałsimpoltsi ima' ticui coja', luhui'ipo', oxnapa coja'? ³⁸ ¿Te quitine lałsimpoltsi ima' mipayomma aculi', locuaita lołpiłya' lapi'ipo' comejut'ł? ¿Te quitine lałsimpoltsi ima' ailopa'a copijahua', lummi'ipo' copijahua' opo'nopa? ³⁹ ¿Te quitine lałsimpoltsi ima' textafhuo' o topa'a lacarza lahuejnhuo'mo'?" ⁴⁰ Iya' ninRey catalai'e'e'mola', cami'mola': "Iya' camilhuo' al linca: Imanc' lołtoc'ipola' itna'a laipimaye, tama anuli xonca aca'hua itque tołtoc'ipa, linca altoc'iponga' iya'."

⁴¹ 'Tijoula' iya' capalaic'o'mola' itne nomana' loxa camane, cami'mola': "Imanc' joupa ecanipolhuo'. Tonłolijle pe laifpa'a. Tonłete petsi łunga aimipica. Ti'hua tunaqui. Itque łunga LanDios ipo'nopa titeł'mitsola' łonta'a Satanás jouc'a lepaluc'. ⁴² Imanc' aicaltoc'i, itsiya ixcay lo'iyacolhuo'. Iya' ma cunle'e, imanc' aicaltes'mi. Iya' micui caija', imanc' aicaluhui'i. ⁴³ Iya' nipayomma aculi', laicuita lołpiłya' aicalapi'i cainejut'ł. Lahue'e' cai pijahua', imanc' aicalummi'i. Iya' ma laxtafpa, ma capa'a lacarza, imanc' aicalahuenge."

⁴⁴ 'Itne lan xanuc' titalai'e'me, almi'ma: "Małpoujna, ¿te quitine lałsimpoltsi ima' tonle'e, o ticui coja'? ¿Te quitine lałsimpoltsi ima' o'huayomma aculi', ocuaita lołpiłya', o ailopa'a copijahua', o textafhuo', o topa'a lacarza, y aicaltoc'ihuo'?" ⁴⁵ Iya' catalai'e'e'mola', cami'mola': "Iya' camilhuo' al linca: Imanc' olatets'ipola' itna'a laipimaye,

aicołtoc'ila', tołta'a latets'iponga' iya'. Tama xonca aca'hua iłque łolatets'ipa, ma latets'iponga' iya'." ⁴⁶ İhniya tiyena'me petsi latełcoya aimijouya. Lan xanuc' naihuejcopá locuxepa LanDios, ituca' loyalaicoyacu ihniya. Jiłne titsuflai'me petsi liłpitine aimijouya.

26

¹ Jesús lijoupa limipola' ts'ilihuequi ihniya łataiquí, ipalaic'ocona'mola', timila':

²—Joupa ołsina' tehue'e' oquej quitine ti'i'ma al juic Pascua. Iya' iłque cal Xans Liximpa cal profeta pu'hua lema'a. Ałcu'ma, lapalts'inginna lancruz.

³Lixanuc' cal cuecaj ca'ailli' jouc'a lan tsilaj xanuc' noxpıjpa łataiqui' efot'le'mołtsi lejut'ł cal cuecaj ca'ailli' cuftine Caifás.

⁴Jiłpe ixpic'e'me łataiqui' tifel'mi'me Jesús, ti'nołte, tima'anłe.

⁵Ticuayi:

—Mi'i juic aimał'nołyacu, tıxtulecu lan xanuc', titsolhuicu.

⁶Jesús tipa'a liłya' Betania, lejut'ł Simón, iłque lixałconapa lehui lepra. ⁷Jiłpe anuli łaca'no' icuaitsi pe lopa'a Jesús. İtaic' lipulu ilajncopa apic cuftine alabastro. İe lipulu tinango laceite tujuej c'a, acueca' lipitali. Micutsuya Jesús titesma łaca'no' iłoc'huai'ma, ic'ef'i'i'ma lijuac iłe laceite.

⁸Lixim'me tołta'a lo'epa łaca'no', ts'ilihuequi Jesús ixtulencia. Ticuayi:

—¿Te quecani'ecopa laceite? Acueca' lipitali. ⁹Coła' icule'ma. Jiłe al tomı loliyya tepi'im'mola' lan xanuc' pe aiquil'hueca.

¹⁰Jesús ixina' lonespa. Timila':

—¿Te cołsueł'micopa łaca'no'? Ac'a iłta'a li'epa. Latenłma.

¹¹Jahuay łitiné ma fa'a timana' lan xanuc' pe aiquil'hueca. Iya' aicapajnconaya. Aimałmajnconayacu anuli. ¹²Lałc'if'ipa iłta'a laceite lojuepa ac'a, joupa enanłpa iłe lał'e'eny aı'a laminna.

¹³Iya' camilhuo' al linca: Aimimenc'ecoyacu li'epa iłca'a łaca'no'. Ni petsi li'a łamats' loya'anyacu Łataiqui' loya'apa iłe al c'a lixpıc'epa LanDios, tuya'am'me jouc'a iłe li'epa iłca'a łaca'no'. Lan xanuc' ti'nujuaisnata.

¹⁴Anuli ihniya limbamaj coquexi' ts'ilihuequi Jesús, iłque cuftine Judas Iscariote, i'hua'ma, icuaitsi pe lomana' lixanuc' cal cuecaj ca'ailli'. ¹⁵Timila':

—¿Tojua lapi'i'ma ja'ni cacu'ma Jesús? İmanc' toł'nołta.

İhniya inefo'me ti'najtse'e'me anuxans quimbamaj tomı aplata. ¹⁶Małpe 'hora Judas ipango'ma ehue'me te co'eya micuya Jesús.

17 Joupa icuai'ma litine titem'me la'i aiqulajncojma levadura. (Toŧta'a mi'i al juic Pascua.) Ts'ilihuequi icuaitsa pe lopa'a Jesús, icuis'e'me, timiyi:

—¿Petsi caŧanc'eyoyacu caŧsmocoyoyacu al juic Pascua? ¿Te cofcuapa?

18 Timila':

—Tonŧete liŧya' Jerusalén, lejut'ŧ anuli cal xans, toŧmitsa: “Łaŧpomxi timihuo': Joupa icuaico'ma laifteŧcoya. Lomejut'ŧ aŧsmocoyo'me al juic Pascua, iya' jouc'a ts'alihuequi.”

19 Ts'ilihuequi i'ehuo'me to licuxe'e'mola' Jesús. Ilanc'ehuo'me calxmocojma al juic Pascua. 20 Joupa ummuhuita, Jesús tixmocoyi jouc'a limbamaj coquexi' ts'ilihuequi. 21 Mitetsoyi, Jesús timila':

—Iya' camilhuo' al linca: Anuli imanc' aŧcu'ma.

22 Iŧniya ixhueŧconca juaiconapa, ihuotsonca. Anuli anuli timiyi:

—Maipoujna, ¿te iya'? Iya' a'i.

23 Jesús italai'e'e'mola', timila':

—Ma maŧtetsoyi nalacajm'miyacu laŧmane al pime anuli, iŧque laŧcuya. 24 Iya' iŧque cal Xans Łiximpa cal profeta pu'hua lema'a. Tama ca'hua'ma laipene ma to loya'apa al Paxi Linilingiya, iŧque cal xans laŧcuya, a'ijc'a loyaicoya. Juaiconapa acueca' titelco'ma iŧque, ticuaj'moxi, ticua'ma: “Coŧa' aicaipa-jntsi iya'”.

25 Judas, iŧque lo'cuya Jesús timi:

—Momxi, ¿te iya'?

Jesús italai'e'e'ma, timi:

—Al linca lo'cuapa.

26 Mitetsoyi Jesús epef'ma la'i, ix'najtsi'i'ma ŁanDios, ixquet-suf'ma, epi'i'mola' ts'ilihuequi, timila':

—Tolapenufle. Toŧteŧe. Iŧta'a aicuero.

27 Uhuaf'ma al vaso, ix'najtsi'icona'ma, uhui'i'mola' ts'ilihuequi, timila':

—Toŧsnaŧe jahuay imanc'. 28 Iŧta'a aijuats' tiŧinc'i'ma al ts'e cataiqui' ŁanDios lopo'no'ipola' lixanuc'. Caxcuajai'ma laijuats' toŧta'a cunŧu'e'mola' axpela' lan xanuc', tiŧonc'e'em'mola' liŧjunac'. 29 Iya' camilhuo', jifa'a li'a la'mats' aicaxnaconaya al vino. Litine tixinŧe cai'Ailli' ŁanDios ticuxe, iŧe litine caxnaconna. Iŧiya al ts'e vino aŧsnata anuli.

30 Unac'li'me anuli al salmo, ipalunca. Iye'me iŧjuala Olivo.

31 Jesús timila' ts'ilihuequi:

—Iŧta'a lipuqui' imanc' tonlanaj'moŧtsi. Aŧpo'no'ma caituca'. Ti'i'ma to muya'e' al Paxi Linilingiya, ticua: “Caxcai'e'ma liŧpoujna lam mot'ŧ, iŧque tima'ma. Lam mot'ŧ tica'ne'moŧtsi.”

³² Camaf'ina'ma. Tijoula' ti'ila' tołta'a ca'hua'ma al distrito Galilea. Jiłpe ca'huaicotolhuo'.

³³ Pedro timi Jesús:

—Tama tixtuc'otso' jahuay laipimaye, tenajtsołtsi, iya' a'i. Iya' ma quihuej'mo'.

³⁴ Jesús italai'e'e'ma, timi:

—Iya' camihuo' al linca: İta'a lipuqui', ai'a tija'a'ma łangiti, ima' tones'ma afanemma: “Aicainimetsaijma Jesús”.

³⁵ Pedro timi:

—Tama ałma'atsonga' anuli, aicanesya: “Aicainimetsaijma Jesús”.

Ma' anuli licua'me jahuay locuenaye ts'ilihuequi Jesús.

³⁶ Jesús jouc'a ts'ilihuequi icuaitsa jiłpe cuftine Getsemaní. Jesús timila':

—İmanc' tołcutsolaite jifa'a. Iya' ai'huapa lu'hua, capalaic'ota cai'Ailli'.

³⁷ İleco'mola' Pedro jouc'a loquexi' linaxque' Zebedeo. İpango'ma ihuotso'ma. Tixina ipime jiłe lo'iya. ³⁸ Timila':

—Juaiconapa cahuosma, tocomma ałma'a'ma lixhuejma'. Tołmanenca fa'a. Jiłpe capalaic'ota ŁanDios. İmanc' ałtoc'i'ma. Ma fa'a tołpalaic'o'me ŁanDios jouc'a. Aimołsmi'me.

³⁹ Uyai'ma nihuata, ixpats'huai'ma łamats', tixa'hue ŁanDios, timi:

—Mai'Ailli', ja'ni nipajnya ti'i'ma liłonc'e'ela' İta'a laiftełcopa. Ja'ni aimi'iya, ne', ti'ila' lołxpice'pa, a'i to iya' lalatenłcocopa.

⁴⁰ İpainanni, icuai'ma pe lomana' ts'ilihuequi. İxim'mola' tixmai'yi. Timi Pedro:

—¿Te ailopa'a colpujfxi? ¿Ni' anulij hora aimi'iya mołmaf'iyacu? ¿Te aimi'iya małtoc'iya? ⁴¹ Tołmaf'ite. Aimołsmi'me. Tołsahue'ele ŁanDios titoc'itsolhuo', aimehuaiyim'molhuo'. İmanc' tołcuayi: “Ałsnet'İ'me”. Ai, lołcuerpo aimitoc'ilhuo'. Aimi'iya mijucoya.

⁴² İhuacona'ma, İxa'huecona'ma ŁanDios, timi:

—Mai'Ailli', ja'ni aimi'iya malılonc'e'eya laiftełcopa, ja'ni joup'a oxpic'epa catełco'ma, ma tołta'a ti'ila'. Ne', tixhuaitsi laiftełcopa.

⁴³ İpaiconamma pe lomana' ts'ilihuequi. İxingona'mola' tixmaiconayi. Tixinyi timufquemma lił'u'. Ticui quilehui.

⁴⁴ İpo'nocona'mola' quıtuca'. Joup'a i'İpa afanemma mipalaic'o ŁanDios. Ma' anuli tixa'hue. ⁴⁵ İcuaiconanni pe lomana' ts'ilihuequi. Timila':

—¿Te ti'hua tołsmayi? ¿Te ti'hua tulunxajyi? ¿Tołsinle! Joup'a icuai'ma lai'hora. Iya' İłque cal Xans İximpa cal profeta pu'hua lema'a, joup'a ałcupa. İcuaita quıłmane lan xanuc' pe aimihuejcoyi ŁanDios. ⁴⁶ ¿Tołsolinca! ¿Łenapá! Tołsinle jiłcu'hua icuaico'ma łacuya.

⁴⁷ Mipalay Jesús icuaitsi Judas, itque anuli itniya limbamaj coquexi' ts'ilihuequi Jesús. Ilecola' axpela' lan xanuc', itaic' li'espada, li'ec. Ummempola' lixanuc' cal cuecaj ca'ailli' jouc'a lan tsilaj xanuc' noxpijpá lataiqui'. ⁴⁸ Itque nocuya Jesús joupá imipola' itne lan xanuc': "Iya' camuc'itolhuo' naitsi Jesús. Itque itaftuc'oya matque Jesús. ¡To!noñe!" ⁴⁹ Aiquico!ma. Judas icuaitsi pe lopa'a Jesús, inom'ma, timi:

—¡Momxi!

Ituc'o'ma.

⁵⁰ Jesús timi:

—Maipima, ite lof'eya, ito'ela'!

Lan xanuc' icuaitsa, i'no!me Jesús. ⁵¹ Anuli itejmale Jesús ipa'a'ma li'espada, ixcai'e'ma limozo cal cuecaj ca'ailli', etec'e'e'ma lix'mas. ⁵² Jesús timi:

—Tamuf'min!a' lo'espada licubierta. Jahuay noma'ahualecopá a'espada, itne tima'acom'mola' jouc'a a'espada. ⁵³ Iya' nipajnya cajoc'i'ma cai'Ailli', itque aimico!ya, tumme'mola' lepaluc' quema'a, ticuaicu pe laifpa'a. Juaiconapa axpela' tumme'mola', tixhuaispola' to imbamaj coquexi' lincuxepa jouc'a lanxpela' lilepaluc', o xonca. Lun!u'ena'ma. ¿Te aico!sina' to!ta'a? ⁵⁴ Iya' aicajoc'iya cai'Ailli'. Ja'ni cajoc'ila', ¿te co'iya menan!ya al Paxi Linin!ngiya loya'apa? Ite lataiqui' tuya'e' to!ta'a la'iya.

⁵⁵ Jesús ipalaic'o'mola' lanxpela' xanuc' licuaiyunca ti'noñe. Timila':

—¿Te co!cuaiyoco'me fa'a o!taic' lo!espada, lo!ec a!noñe? ¿Te to!cuayi iya' ninma'ahuale, nin-namas? Itine itine cacutsay pe lopa'a al cuecaj xoute', camuc'ila' lan xanuc', a'i ca!noli. ⁵⁶ Ne'. Tenan!a' li!taiqui' luya'apa lam profeta. Itniya joupá uya'apá la!iya to!ta'a.

Lixanuc' Jesús inulai'me, ipo'no'me Jesús quituca'.

⁵⁷ Lan xanuc' li'no!me Jesús ileco'me pe lopa'a cal cuecaj ca'ailli' cuftine Caifás. Itpe joupá efot!eyo!tsi lomxiye no-muc'iyalepá locuxepa LanDios, jouc'a lan tsilaj xanuc' noxpijpá lataiqui'. ⁵⁸ Pedro ihuej'ma aculi'. Licuaitsi lejut! cal cuecaj ca'ailli' itsufai'ma lipuna quejut!, icutsingai'mola' lepaluc' al cuecaj xoute'. Ti'huaico'ma lo'iya.

⁵⁹ Lixanuc' cal cuecaj ca'ailli' jouc'a lan tsilaj xanuc' noxpijpá lataiqui' itpic'a tixpic'ente tima'an!e Jesús. Tehuennila' nofel!aiquepá ticufle, tinesle: "To!ta'a, to!ta'a lo'epa".

⁶⁰ Axpela' linfel'miyale icuf'me Jesús. Itniya aiqui'ic' quilecani'e. Icuaitsa oquexi' linfel'miyale. ⁶¹ Itniya icuf'me Jesús, ines'me:

—Itca'a cal xans icuapa: "Iya' catel'ma lejut! LanDios. Ti!ta' afane' quitine, iya' joupá ailanc'enapa."

⁶² Ecax'ma cal cuecaj ca'ailli', timi Jesús:

—Hne lan xanuc' ticufhuo'. ¿Te aimotalai'eyacola'?

⁶³ Jesús i-ch'ixco'ma. Cal cuecaj ca'ailli' timi:

—EanDios Eimafi'i' joupa lapi'ipa laimane cacuxe'e'mo', lu'itsonga'. Ałmıla' ¿te ima' unCristo i'Hua EanDios'?

⁶⁴ Jesús timi:

—Al linca lofcuapa. Iya' camilhuo' jahuay imanc', ticuaihuo litine imanc' ałsim'ma ma cacutsu al c'a camane cal Cuecaj CanDios. Iya' itque cal Xans Eiximpa cal profeta pu'hua lema'a. Imanc' ałsim'ma quimuhuo lema'a, cacuaiyoconno lamats' nolojmay cummahuay lema'a.

⁶⁵ Licuej'ma jiliya licuapa Jesús, cal cuecaj ca'ailli' its'ał'ma lipijahua'. Tołta'a imuja lipoyac'. Aiquetenłcoco'ma licuapa Jesús. Ipalaic'o'mola' lixanuc', hne nomana' jilpe, timila':

—Itque cal xans tetets'i EanDios. Ixcay linespa. ¿Te calahuecoyacola' ocuenaye xanuc' ticufle? Joupa ołcuejpá imanc' linespa, etets'ipa EanDios. ⁶⁶ Imanc', ¿te colcuapá?

Hne italai'e'e'me timiyi:

—Tipa'a lijunac'. ¡Tima'anle!

⁶⁷ Ipango'me itsułco'me li'a, untaf'me, ete'me. ⁶⁸ Timiyi:

—Ima' unCristo, tocua'ala' naitsi luntafpo'. Ima' lu'itsonga'.

⁶⁹ Pedro ticutsu łuna. Hoc'huai'ma anuli łahuats', timi:

—Ima' jouc'a unłejmale Jesús łas Galilea.

⁷⁰ Pedro icuanaj'ma, timi:

—Aicaicueca lofnespa.

Lan xanuc' nomana' jilpiya icuej'me locuapa.

⁷¹ Pedro enaj'moxi, i'hua'ma jilpiya lotsufaicompa lane. Jilpe ocuena łahuats' ixim'ma. Itque ipalaic'o'mola' lan xanuc' nacaxołanna, timila':

—Itque cal xans iyejmalepa Jesús łas Nazaret.

⁷² Pedro inescona'ma, icuanajcona'ma. I'e'ma jurar, timi:

—Aicainimetsaijma itque cal xans.

⁷³ Uyai'ma nihuata. Hne nacaxołanna ihoc'huai'me małpe lacaxu Pedro. Timiyi:

—Ma' ałnca ima' onłejmale Jesús. Ma to mipalaiyi lun Galilea, jouc'a ima' topalay. Ima' mas Galilea.

⁷⁴ Pedro i'econa'ma jurar, timila':

—Iya' camilhuo' al linca. Ja'ni a'i, ałma'ala' EanDios. Aicainimetsaijma itque cal xans.

Aiquicoł'ma. Ija'a'ma łangiti. ⁷⁵ Pedro i'nujuaitsi ile lu'i'ma Jesús, limi'ma: “Ai'a tija'a'ma łangiti, ima' tones'ma afanemma: Aicainimetsaijma Jesús.” Ipanni, ijojpa talay łunxajma'.

27

1 Li'ipa quitine, lixanuc' cal cuecaj ca'ailli' jouc'a lan tsi-laj xanuc' noxpıjpá lataiqui' efot'lecona'mołtsi. Ixpıc'e'me

tima'anle Jesús. ² Ifi'e'me Jesús, ileco'me jilpiya pe lopa'a cal gobernador romano cuftine Pilato.

³ Licupa Jesús, cuftine Judas, lixim'me tima'anna Jesús, ix-huej'menni li'epa. Itai'ma al nuxans quimbama' tomij plata, icuaitsi pe lomana' lixanuc' cal cuecaj ca'ailli' jouc'a lan tsilaj xanuc'. Icuftintsola' lihtomí. ⁴ Timila':

—Aiximpa ixcay lai'epa. Aicupa ilque cal xans tima'anle. Ailopa'a quijunac'.

Ihne italai'e'e'me, timiyi:

—Illanc', ¿te cal'eyacu? Ima' cotuca' o'epa. ¡Toxinla' ima'!

⁵ Judas eca'nipa al tomí al cuecaj xoute'. Ipanni, i'hua'ma ijujnyoxi. ⁶ Lixanuc' cal cuecaj ca'ailli' epef'napá lihtomí. Timiyotshi:

—¿Te cal'e'eyacu ilta'a al tomí? Ihta'a al'najtse'ecopá Judas ticula' Jesús tima'anle. Aimi'iyá ma'huantsiyacu al tomí h'huexi al cuecaj xoute'.

⁷ I'e'motshi anuli lihpicejma'. Timiyotshi:

—Ihta'a al tomí al'naco'me lemats' hinalhuałpa capixu. Jilpe lamutola' lan xanuc' noyoyomma ocuenaye nación.

⁸ Jilpe lemats' ecui'impá ocuena quipuftine, ecui'ipá: Amats' cajuats'. Itsiya litine tołta'a tecui'inni. ⁹ Tołta'a enanłpa licuapa cal profeta Jeremías luya'apa: “Epef'na'me al nuxans quimbama' tomij plata. Jilpiya pe lomana' lan xanuc' Israel iłiya al tomí ti'ommaita lo'nacompa anuli cal xans. ¹⁰ Lijou'ma małe al tomí i'nacopá lemats' hinalhuałpa capixu. Tołe lałcuxe'epa lałPoujna LanDios.”

¹¹ Jesús tecaxu pe lopa'a Pilato, cal gobernador romano. Iłque icuis'e'ma, timi:

—¿Te ima' unrey? ¿Te ima' tocuxe'mola' lan xanuc' judío?

Jesús italai'enni, timi:

—Al linca lołcuapa.

¹² Lixanuc' cal cuecaj ca'ailli' jouc'a lan tsilaj xanuc' nox-pijpá lataiqui' icuf'me Jesús. Iłquiya aiquipalaic', aiquitalai'e.

¹³ Pilato icuis'e'ma, timi:

—¿Te aimocueca locuapa iłniya? Juaiconapa ticufhuo'.

¹⁴ Jesús aiquitalai'e. Ailopa'a quitaiqui'. Pilato ixhuełco'ma. Icuapa lipicejma': “Iłca'a Jesús, ¿te qui'icopa aimalalai'e?”

¹⁵ Ajuic ajuc Pascua cal gobernador romano tux'masqui anuli hitats'iyá, to mixahue'eyi lan xanuc'. ¹⁶ Ihe litine tipa'a anuli cal xans hitats'iyá cuftine Barrabás. Iłque jahuay imet-saiconni.

¹⁷ Lijoupa lefołunni, Pilato icuis'e'mola', timila':

—¿Naitsi caifnux'masya? ¿Naitsi ts'ołpic'a? ¿Ołpic'a Barrabás? O ¿ołpic'a Jesús, ilque lałcui'impá cal Cristo? ¿Te cołcuapa?

18 Toŋta'a licuapa Pilato, timetsaicola' ihniya lan xanuc' lihpicuejma', ihne nicuai'eta Jesús. Ixina' ma ti'eyi laic'.

19 Micutsu Pilato ti'ay lipenic' to cal juez, lipeno umme'ma cataiqui', ticua: “Ima' topo'noxoxi cuenna. Iŋque cal xans ailopa'a quijunac', aimo'e'e'ma ni tintsi. Lipuqui' aipaiyocopa ihquiya. Aŋspaijpa juaiconapa.”

20 Lixanuc' cal cuecaj ca'ailli' jouc'a lan tsilaj xanuc', joupá ixc'ai'impola' lan xanuc', imimpola':

—Toŋsahue'eŋa' Pilato, toŋmife: “Tox'masla' Barrabás, tocuxela' tima'anŋe Jesús”.

21 Pilato icuis'e'mola', timila':

—Ihna'a loquexi' litats'ila', ¿naitsi caifnux'masya? ¿Nai ts'olpic'a?

Italai'enca, timiyi:

—¡Barrabás!

22 Pilato icuis'econa'mola', timila':

—¿Te caif'e'eya Jesús, ihque ŋacui'impá cal Cristo?

Jahuay italai'enca, timiyi:

—¡Tapaŋts'ijnla' lancruz!

23 Pilato icuis'econa'mola', timila':

—¿Te qui'epa? ¿Te caifnepaŋts'ijncoya lancruz?

Lan xanuc' xonca ujfxi ija'a'me, timiyi:

—¡Tapaŋts'ijnla' lancruz!

24 Pilato ixina' aimulijya. Ixim'mola' ixtulencia, epat'ŋ-tola' lihpicuejma'. Icuxe'ma ti'hua'anca quija' tulouco'ma, tixinŋe lan xanuc' ih lo'eya. Timila':

—Ja'ni imanc' toŋpic'eyi tima'anŋe ihca'a cal hijca xans, iya' aicataiyinge lajunac'. Imanc' hınca toŋtaiyijm'me loŋjunac'.

25 Jahuay italai'enca, timiyi:

—Ne'. Aŋtaife laŋjunac' illanc' jouc'a laŋmaxque'. ¡Tima'anŋe!

26 Pilato ux'masna'ma Barrabás, ma to lixahue'e'me lan xanuc'. Icuxe'ma tipaŋe Jesús. Lijou'ma icu'ma Jesús tileco'me lan soldado, tepaŋts'ijnta lancruz.

27 Ihniya lisoldado cal gobernador ileco'me Jesús, itsu-fai'e'me lejut'ŋ Pilato. Jiŋpiya efot'ŋe'moŋtsi jahuay liŋ'as soldado.

28 Ipa'e'me lipijahua', ipo'no'i'me anuli litoqui lijahua' unxali, to lopo'nopa lan rey. 29 Ipuŋf'me anuli al corona quitac, ic'ommof'i'i'me hijuac. Al c'a camane i'noŋ'i'i'me anuli al jaxa. Exc'onŋingai'me, ixoco'me, timiyi:

—Aŋnonghuo', ima' unrey. Ima' tocuxe'mola' lan xanuc' judío.

30 Itsuŋco'me. Exic'e'ena'me al jaxa, ipango'me untaf'e'eco'me al jaxa hijuac. 31 Lijoupa lixocopa, ipa'ana'me lijahua', ipo'no'icona'me ma lipijahua'. Ileo'me petsi lapaŋts'ijnjyoyacu lancruz.

³² Lipalunca, licuaitsa lane, italecuf'me anuli cal xans cuf-tine aSimón. Hque cal xans a'i quipiya' jilpe Jerusalén. Lipiya' lipuftine Cirene. Hque icuxe'e'me titaila' lenacruz Jesús.

³³ Icuaitsa petsi cuftine Gólgota, ita'a lataiqui' lohualquemma: Pe lopa'a lecoye. ³⁴ Jilpiya icufim'me Jesús al vino uhuantsi acuaj c'ec. Tixna'a' ile al vino aijtine mixingufcoya humla. Jesús ixnac'opa, lijoupa aikuixnaic'. ³⁵ Epaits'ingim'me lenacruz.

Ihniya lan soldado no'epaj cuenna Jesús if'ilco'me, ixim'me naitsi nolijya lipijahua'. ³⁶ Icutso'ai'me, i'e'me cuenna.

³⁷ Al toncay lijuac Jesús epaits'ingimpa lacaxma, jiliya iniliya licufcopa. Tuya'e': "Hca'a Jesús, hrey lan xanuc' judío".

³⁸ Jouc'a Jesús epaits'ingila' oquexi' lan namats'. Anuli tipa'a al c'a camane, locuena loxa camane. ³⁹ Lan xanuc' luyalaico'me jilpiya imiloj'me cataiqui', ife'ne'me hijuac, ⁴⁰ timiyi:

—Ima' nofmeteya al cuecaj xoute', tuyaila' afane' quitine joupa olanc'enapa, jitsiya tonhu'exoxi! Ja'ni ima' i'Hua LanDios, j'taimunni lancruz!

⁴¹ Toiya ixoco'me jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, jouc'a lan tsilaj xanuc' noxpipjá lataiqui', tinesyi:

⁴² —Hquiya unhu'e'mola' locuenaye. Itsiya aimi'i munhu'eyoxi. Illanc' ixanuc' Israel, ja'ni ilque arey, j'timunni lancruz! Tole linca lapenuf'me. ⁴³ Hquiya ti'huaiyinge LanDios. Ticua: "Iya' i'Hua LanDios". Ne'. Ja'ni LanDios timetsaicojma, tunhu'eta'.

⁴⁴ Loquexi' lan namats' lepaits'ingila' jouc'a, ihniya ixoco'me.

⁴⁵ Al menac'o imufc'o'ma lema'a. Ni petsi jilpiya lamats' tocomma ipuqui'. Afanej hora icolpa al muf. ⁴⁶ Ixhuaitsi to al fanej hora, Jesús ija'a'ma ujfxi, ticua:

—Elí, Elí, ¿lama sabactani?

Ihiya lataiqui' luhualquemma: Ima' mainenDios, ¿te calacanu-j-copa?

⁴⁷ Lan xanuc' nacaxhuolanna jilpiya, oquexi' afantsi ihniya icuej'me lines'ma Jesús, ines'me:

—Tijoc'i' cal profeta Elías.

⁴⁸ Anuli ihniya aikuico'l'ma, inu'ma, itaitsi anuli al esponja, ijac'eco'ma al cuxac vino, icants'i'ma lupa al jaxa, i'nof'e'ma, icuai'etsi lico Jesús, titsif'la'. ⁴⁹ Ocuenaye ticuayi:

—¡Tole! Ahsim'me ja'ni ticuaihuo Elías tunhu'e'ma.

⁵⁰ Jesús ija'acona'ma ujfxi. Ummena'ma ti'huanla' hi'espíritu, imana'ma. ⁵¹ Jilpe al cuecaj xoute' al paxi lajut'hlotsufaicompa etemf'icoya anuli lijahua'. Limana'ma Jesús, ile lijahua' its'ahnuf'i'ma, ijof'ico'ma al toncay, xejmay i'i'ma. Inu'ma hunanto, ixquetsuf'i'ma lapic'. ⁵² Iha'a lihu'hua limanapola'

exinni. Axpela' limapola' imaf'ina'me, iñe ma li'huijf'epola' ÑanDios. ⁵³ Iñe ipalunca liñpu'hua. Limaf'ina'ma Jesús iñniya itsuflaipá Jerusalén, iñe al paxi quiñya'. Axpela' lan xanuc' ixinim'mola' iñniya nimaf'inapá.

⁵⁴ Liñpincuxepa lan soldado, jouc'a lan soldado iñe no'epá cuenna Jesús, lixingufco'me ñunanto, jouc'a jahuay li'i'ma, tixpailiquila' juaiconapa, timiyotñsi:

—Ma alinca iñca'a cal xans i'Hua ÑanDios.

⁵⁵ Jiñpe timana' axpela' lacañ'no'. Huata caj culi' tecaxotñanna, tehuelojnyi lo'ipa. Iñe lacañ'no' itoc'ipá Jesús. Ipalunca al distrito Galilea, ihuej'me Jesús, icuaitsa Jerusalén. ⁵⁶ Anuli iñniya lipuftine María ñas Magdala, locuena cuftine María, iñque iñ'máma' Jacobo y José. Jouc'a tipa'a quiñ'máma' Jacobo y Juan, iñniya loquexi' quiñ'ailli' Zebedeo.

⁵⁷ Iñ'acotñipa. Icuaitñi anuli cal xans ñas Arimatea, cuftine aJosé. Iñque cal xans acueca' quiñ'huexi. Ihuequi Jesús. ⁵⁸ Iñhua'ma pe lopa'a Pilato. Ixahue'etsi tepi'ine licuerpo Jesús. Pilato icuxe'ma tepi'inañe. ⁵⁹ José epenuf'ma licuerpo Jesús, iju'e'ma anuli al ts'e lijahua' ipuñicoya alino. ⁶⁰ Iñhua'a'me lamu'enyacu Jesús, iñe unts'eja', ats'e. Mañque José ipuc'opa ñapic, ilanc'epa ñunts'eja'. Jiñpiya iñ'nicotñi Jesús. Imelfai'etsi anuli cal cuecañ capic teti'ico'ma lico cunts'eja'. Iñhuana'ma. ⁶¹ Jiñpe ticutñotñanna María ñas Magdala y locuena María, tehuelojnyi al pu'hua cunts'eja'.

⁶² Jiñpe litine avispera. Lihuequi litine ti'i'ma itine conxajya. Iñe litine conxajya lixanuc' cal cuecañ ca'ailli' jouc'a lam fariseo iyehuo'me, ixintñsa Pilato. ⁶³ Timiyi:

—Mañpoujna, añ'nujuaisyi linespa iñque ñinfeñ'miyale. Mipa'a iñque ines'ma: “Tuyaññ'a' afane' quitine camañ'ina'ma, quiñpayonno pe lomana' lamizhua”. ⁶⁴ Itsiya aññahue'ehuo' tocuxetñ'a' tiyete ñunts'eja', ti'entñsa cuenna afane' quitine. Jañni añi, aga tiye'me lipuqui' ts'ilihuequi tinantsenna, tipa'anna. Tijouñ'a' tu'innola' lan xanuc': “Iñque imañ'inañpa, ipanamma pe lomana' lamizhua”.

⁶⁵ Pilato timila':

—Ñe'. Tonñente. Tonñinna loñ'eyacu. Tonñecote colñsoldado. Ti'etsa cuenna jiñpiya.

⁶⁶ Iye'me. Jiñpe ñapic lopa'a lico cunts'eja' ipa'ninc'itsa liñello cal gobernador romano. Imanenca lan soldado i'e'me cuenna. Ticuayi:

—Aimexi'em'me.

28

¹ Jounpa uyaipa litine conxajya. Iñpa quitine al te'a quitine al xamano. María ñas Magdala jouc'a locuenañ María iye'me

ixintsa hunts'ēja'. ² Licuaitsa nungay hunts'ēja' iximpá joupa inupa acuecaj cunanto.

Li'ipa hía imunni lema'a anuli tepaluc laPoujna LanDios. Itque tepaluc quema'a joupa icuaita pe lopa'a hunts'ēja', itonc'epa lapic leti'icompá lico cunts'ēja', icutsafcaic'. ³ Li'a tunts'ifi to lixcuafay. Lipijahua' ma afujca to cal nieve. ⁴ Lixim'me lan soldado ixpailij'mola', iyu'mola', imanenca to limac'la.

⁵ Licuaitsa jilpe laca'no', tepaluc quema'a ipalaic'o'mola', timila':

—Aimixpailij'molhuo'. Aixina' naitsi conlahuepa. To-lahueyi Jesús, itque tepalts'ingimpa lancruz. ⁶ Fa'a ailopa'a. Ma to luya'apa joupa imaf'inapa. Tonlouyunca. Tołsinna pe lipo'no'empa. ⁷ Tijoula' aimicol'molhuo' tonlete pe lomana' ts'ilihuequi. Tołmitsola': "Jesús imaf'inapa. Ipayonamma pe lomana' lamizhua. I'huanapa Galilea. Imanc' tonlete jilpiya. Tołsinnata." Tołta'a laitaiqui', joupa nu'ipolhuo'.

⁸ Laca'no' aits'icol'mola' jilpiya hunts'ēja', ipailinanca. Iye'me tinulyi tu'innola' ts'ilihuequi Jesús. Tama tixpailiquila' tixoqui quileta. ⁹ Miyeyi lane italecuf'mola' Jesús. Itque inom'mola' ma to mi'ay. Laca'no' itoc'olai'me, exc'onlingolai'me, i'noł'e'e'me li'mitsi'. ¹⁰ Jesús timila':

—Aimixpailij'molhuo'. Tonlete. Tołmitsola' laipimaye tiyete Galilea. Jilpiya atsinnołtsi.

¹¹ Lan soldado, itne ni'epá cuenna hunts'ēja', joupa iye-napá. Miyeyi laca'no' hualca itniya lan soldado icuainatsa ate'a Jerusalén. Jilniya ipalaic'om'mola' lixanuc' cal cuecaj ca'ailli', uya'a'me jahuay liximpa. ¹² Lixanuc' cal cuecaj ca'ailli' jouc'a lan tsilaj xanuc' noxpijpá lataiqui' efot'tepołtsi. Ixpice'me lo'eyacu. Epi'im'mola' lan soldado acuecaj tomí. ¹³ Icuexe'm'mola', timinnila':

—Toluya'a'me: "Li'ipa lipuqui' icuaita ts'ilihuequi Jesús, ipa'ahuona'me. Illanc' atšmaipá." ¹⁴ Cal gobernador romano, ja'ni ticuejla' imanc' ołšmaipá, illanc' atšpalaic'ota. Imanc' ailopa'a co'e'eyacolhuo'.

¹⁵ Lan soldado epenuf'me al tomí, uya'a'me ma licuxe'empola'. Itsiya litine ma' anuli tinesyi lan xanuc' judío.

¹⁶ Limbamaj nuli ts'ilihuequi Jesús iye'me Galilea, icuaita hijuala petsi itque limipola' tiyete. ¹⁷ Jilpiya ixim'me Jesús. Jahuay exc'onlingolai'me. Hualca ixhuełco'me, ticuayi: "¿Te małque Jesús o ocuena?"

¹⁸ Jesús itoc'ai'mola', timila':

—Joupa lapi'impá laimane, cacuxe jahuay lopa'a lema'a, jahuay lopa'a li'a lamats'. ¹⁹ Itsiya camilhuo': Tonlete jahuay li'a lamats'. Ni petsi lomanc'eyacu lan xanuc' tolu'itsola'

laitaiqui', lihuejla'. Tolapo'itsola' ti'itsola' ixanuc' cai'Ailli'
ŁanDios, jouc'a aixanuc', iya' i'Hua ŁanDios, jouc'a ixanuc'
cal Espíritu Santo. Toliya tołcuaj'mi'me lam fane' łaftine.
²⁰ Tołmuc'itsola' tihuejcole jahuay łataiquí laicuxe'epolhuo'.
Aicapo'noyacolhuo' cołtuca'. Itine itine ałmajm'me anuli. Tic-
uaitsi Lijoujma Quitine ma tołta'a ałmajm'me.

LATAIQUI' LINIŁPA SAN MARCOS LOYA'APA İLE AL C'A LIXPIC'EPA ŁANDIOS

¹ Fa'a tipa'a liniłiya lixpıc'epa ŁanDios. İle lataiqui' ac'a loya'apa, tipalaijma Jesucristo, iłque hi'Hua ŁanDios. Cu'i'molhuo' te ts'i'ic' lipangopa luya'ampá ile lataiqui'. ² Jiłpe lije'e cal profeta Isaías iniliįmpa lo'iyaya. İle liniłpa tuya'e' te ts'i'ic' linespa ŁanDios, ticua:

ıAłquimf'eła'! İya' cumme'ma łainepaluc,
iłque ticuaita ate'a, tilanc'e'eto' lopene.

³ Pe ailopa'a quıłya' iłque tuya'ata, tu'itola' lan xanuc'
lafot'leyacołtsi,

tu'itola': "Tołłanc'e'ełe lipene łalPoujna.

Toł'e'ełe ałıjca lane pe loyaicoya."

⁴ Licuaiyunnı Juan Bautista enanłpa ile lataiqui'. Małque Juan epaluc ŁanDios lipalaicopa Isaías.

Icuaitsi Juan al pana' Jordán pe ailopa'a quıłya'. Jiłpe tepo'iyale. Tu'ıla' tixhuj'menanca lo'epa lixcay. Tepoliłe. ŁanDios tiłonc'e'e'mola' liłjunac'. ⁵ Lan xanuc' ni petsi lomana' al distrito Judea, jouc'a jahuay lan xanuc' nomana' liłya' Jerusalén, ipalunca hiłpılelołya', iye'me, icuaitsa pe lopa'a Juan. Uya'a'me li'epa lixcay. Ticuayi: "Ałsuej'menamıa". Juan epo'i'mola' al pana' Jordán.

⁶ İłque Juan lipijahua' ipufcompa ipimij camello. Lifi'ejma ixmi. Litejua' łotepa axa'muł y acujua c'ec. ⁷ Tuya'e', tu'ıla':

—İya' aicuai'ma ate'a. Tijouła' ticuaihuo ocuena xonca acueca'. İya' aimał'onspa to iłque, caxina alaıc'ata, aimi'iyaya cuhuałc'eya lic'eji'. ⁸ İya' capo'icolhuo' aja', iłque ticuaiyunnı tepo'ico'molhuo' cal Espıritu Santo.

⁹ İne łitiné Jesús ipanni al distrito Galilea, jiłpe liłya' Nazaret. Icuaitsi al pana' Jordán jiłpe Juan epo'i'ma. ¹⁰ Lipanni Jesús laja', ixim'ma eximma lema'a, ixim'ma cal Espıritu Santo ti'onłcospa to cal fujca ja'mu', imunni, icuaitsi pe lacaxu, ihuoxaf'caitsi. ¹¹ Jesús icuej'ma jiłpe lema'a tipalay, timi:

—İma' mai'Hua, ca'ehuo' capic'a juaiconapa. Latenłma lopicuejma' jouc'a lo'ejma'.

¹² Lijou'ma aikuicoł'ma, cal Espıritu Santo i'hua'a'ma Jesús, icuaitsi pe ailopa'a quıłya'. ¹³ Jiłpiya ipajntsi oquej nuxans quitine pe lomana' lan ximalo quinnejaya. Łonta'a Satanás ehuaı'ma. Icuaitsa lapaluc' quema'a, itoc'i'me.

¹⁴ Lijoupa litats'empa Juan Bautista, Jesús ipanni al distrito Judea. I'hua'ma al distrito Galilea. Jiŋpe tuya'e' lixp'ic'epa LanDios, iŋe lataiqui' ac'a loya'apa. ¹⁵ Tu'ila' lan xanuc':

—Fa'a li'a lamats' LanDios cal Cuecaj Rey ticuxela' lixanuc'. Toŋsuej'menca. Tolapenufle Lataiqui' loya'apa iŋe al c'a lixp'ic'epa LanDios.

¹⁶ Anuli litine Jesús ti'hua lēma al cuecaj quin'nuhua' cuftine Galilea. Ixim'mola' Simón jouc'a Andrés, iŋque ipima Simón. Iŋe lapimaye in'noŋpá catuye, tecajm'miyi liŋxami laja. ¹⁷ Jesús timila':

—¡Lihuejla'! Capi'i'molhuo' ocuena coŋpenic'. Aimolahue-conayacola' latuye. Tolahuetola' lan xanuc' lihuejla'.

¹⁸ Aits'icoŋ'mola'. Simón jouc'a Andrés ipo'no'me liŋxami. Ihuej'me Jesús.

¹⁹ Iye'me nihuata, Jesús ixim'mola' Jacobo i'hua Zebedeo, jouc'a Juan, iŋque ipima Jacobo. Iŋe ticuscoŋanna al barco, tipufmot'leyi liŋxami. ²⁰ Aiquicoŋ'ma, Jesús ijoc'i'mola'. Iŋniya ipo'nom'mola' Zebedeo quiŋ'ailli' jouc'a no'epá canic' imanenca al barco. Ihuej'me Jesús.

²¹ Iye'me liŋya' Capernaum. Litine conxajya i'hua'ma Jesús lajut'ŋ pe lafoŋyomma. Jiŋpiya imuc'i'mola' lan xanuc'. ²² Iŋe lan xanuc' ixim'me ac'a lomuc'iyalepa Jesús, ixim'me icueya limane. Ticuayi:

—Acueca' iŋque litaiqui'. Laŋpomxiye nomuc'iyalepá locuxepa LanDios, iŋe aimi'onŋspola' to Jesús.

²³ Jiŋpiya pe lafoŋyomma tipa'a anuli cal xans liŋsufaipa conta'a. Cal xans ija'a'ma ujfxi. ²⁴ Timi:

—Ima' conJesús mas Nazaret, ¿te cof'epa? ¿Te cotsu-faicomma ima' fa'a pe laŋmana'? ¿Te aga ocuai'ma fa'a ma le'a aŋjou'ne'monga'? Iya' nimetsaicohuo'. Ima' umPaxi, o'huayomma LanDios.

²⁵ Jesús itale'ma, timi:

—¡Ti-ch'ixcotso'! ¡Taipanni iŋca'a cal xans!

²⁶ Lonta'a iŋe'ne'ma ujfxi cal xans, ija'a'ma ujfxi, ipananni. ²⁷ Lan xanuc' nomana' jiŋpe lajut'ŋ ixim'me acueca' li'ipa. Icuis'e'moltsi, timiyoltsi:

—¿Te jale iŋta'a lataiqui'? Iŋca'a Jesús ituca' lomuc'iyalepa. Icueya limane, jouc'a lontahue ticuxela', iŋe ticuec'eyi.

²⁸ Aiquicoŋ'ma. Ixpehuaitsi lataiqui' loya'apa li'epa Jesús. Ni petsi al distrito Galilea icuej'me li'ipa.

²⁹ Jesús jouc'a ts'ilihuequi, iŋniya Simón, Andrés, Jacobo y Juan, ipalunca lajut'ŋ pe lafoŋyomma, iye'me lilejut'ŋ Simón y Andrés. ³⁰ Li'maco Simón tunouya textafque. Tepi'i quipinu'. Aiquicoŋ'ma, u'i'me Jesús textafque laca'no'. ³¹ Jesús iŋoc'huai'ma

pe lopa'a laxtafpa. I'noñ'e'ma limane. Icutsu'ma lafcuana. Ihojn-na'ma lipinu'. Ixañcona'ma. Itsahuenanni, ites'mi'mola'.

³² He litine joupa if'acolaipa i'ipa ipuqui', lan xanuc' itaica' lilefcuallay, jouc'a litsufilaiyila' contahue. ³³ Jahuay lan xanuc' nomana' liya' icuaiyunca, efoñni lico lajut'í. ³⁴ Jesús ixa'mena'mola' axpela' lan xanuc', axpej cuana. Jouc'a icuxe'mola' lontahue tipalnanca lan xanuc'. Lontahue imet-saico'me Jesús. Iñque ticua: "Lontahue aimuya'acona'me". Toñiya i-ch'ixc'e'mola'.

³⁵ Icuaitsi lilic'ejma ma' aquipuqui', Jesús itsahuenni, ipanni liya', i'hua'ma petsi ailopa'a quiya'. Jiñpe ipalaic'o'ma ñanDios.

³⁶ Simón jouc'a liñejmale ehue'me Jesús. ³⁷ Ixim'me, timiyi:

—Lan xanuc' tehuehuo'.

³⁸ Jesús timila':

—Lepá. Lepá laiquiteloña' lan huejnca lomana'. Ticuicomma cu'itsola' jouc'a iñiya Lataiqui' loya'apa ñe al c'a lixpica'epa ñanDios.

³⁹ Ti'huaf'cay jahuay al distrito Galilea, lajut'í pe lafoñomma lan xanuc', jiñpe tu'iyale ñe Lataiqui'. Tipa'e'ela' lan xanuc' liñpontanahue.

⁴⁰ Anuli litine icuaitsi pe lopa'a Jesús anuli cal xans iteca cahuí, ñe al cuana cuñtine al lepra. Iñque exc'onñingai'ma. Tixahue'e, timi:

—Ja'ni ima' opic'a, nipajnya aña'mena'ma laicuana. Añ'ina' limpio.

⁴¹ Jesús ixim'ma acuanuc' lafcuana. I'ñij'ma limane. Ix-payaf'ma, timi:

—Ne', aipic'a. Iya' caxa'me'mo'. ¡Tixañcontso'! ¡Ti'intso' limpio!

⁴² Aiquicoñ'ma, ihojn-na'ma lehui, ixañcona'ma. ⁴³ Aiquicoñ'ma, Jesús ixc'ai'i'ma, ⁴⁴ timi:

—Aimo'itola' lan xanuc' ñe lai'e'epo'. Aimoyout'le'ma. Nij naitsi nocuejya. To'huanña', tomujxoxi pu'hua ña'ailli'. Tot-sufcota ñanDios to Moisés licuxe'epola' ts'iñhepra, ñne joupa i'inañola' limpio. Toña'a aña'monga' lihuejcoyi ñe litaiqui' Moisés.

⁴⁵ Iñque lixañconapa i'hua'ma, ipango'ma uya'a'ma li'e'epa Jesús. Toña'a Jesús aima'iya mitsufaiya liñeloña'. Tipanemma petsi ailopa'a quiya'. Lan xanuc' quiyouyomma ni petsi liñeloña', tiñcuaiyumma pe lopa'a Jesús.

2

1 Lijoupa luyaipa oquej fanej quitine, Jesús ipainanni, itsufaiconam' liya' Capernaum. Lan xanuc' icuej'me Jesús tipa'a lajut'í. 2 Aiquicoñ'ma icuaiyunca axpela' lan xanuc', efoñ'le'moñtsi. Imantsi lajut'í jouc'a lico cajut'í.

Jesús tu'ila' Lataiqui' loya'apa iŕe al c'a lixpíc'epa ÑanDios.
³ Ocuenaye lan xanuc' icuaiyunca jilpe ñuna. Amalujxi ihniya
 iŕtaic' anuli luhuaqueya xans. ⁴ Ipa'ne'mola' lefoŕya, aimi'iya
 muyalaicoyacu, micuaiyacu pe lopa'a Jesús. If'ajli'me lajut'ŕ,
 enai'e'me luhua'e lajut'ŕ jilpe al toncay pe lacaxu Jesús.
 Maŕpiya ecajm'mi'me cal xans ñonafya luhuijm-ma', ipo'ningaitsi
 li'mitsi' Jesús. ⁵ Jesús ixim'mola' ihniya ti'huaiyijnyi, ticuayi:
 "Tixaŕ'mena'ma". Timi luhuaqueya:

—Mai'hua, joupa iŕojn-napa lojunac'.

⁶ Ticutshuoŕanna jilpiya hualca lomxiye nomuc'iyalepá
 locuxepa ÑanDios. Ihniya ticuayi liŕpicuejma': ⁷ "Iŕque cal xans,
 ¿te conescopa toŕta'a? Ma le'a quituca' ÑanDios nipajnya
 tiŕonc'e'e'mola' liŕjunac' lan xanuc'. Iŕque ti'onŕicoyoxi to ÑanDios."

⁸ Jesús aiquicoŕ'ma i'i'ma quixina' te lonespa lan xanuc'.
 Timila':

—Imanc', ¿te conescopa toŕta'a loŕpicuejma'? ⁹ ¿Pe copa'a
 xonca lipime? ¿Te cataiqui' caifmiya lafcuana? ¿Camila':
 "Lojunac' joupa iŕojn-napa", o camila': "Totsahuenanni,
 tonif'naŕa' lohuijm-ma', to'huanŕa'"? ¹⁰ Itsiya camuc'i'molhuo'
 icueya laimane. Iya' iŕque cal Xans Ñiximpa cal profeta pu'hua
 lema'a. Ma capa'a fa'a li'a ŕamats' ti'i'ma quimenc'e'eco'mola'
 liŕjunac' lan xanuc'.

Ipalaic'o'ma luhuaqueya, timi:

¹¹ —Iya' camihuo', totsahuenanni, tonif'naŕa' lohuijm-ma',
 to'huanŕa' lomejut'ŕ.

¹² Luhuaqueya aiquicoŕ'ma itsahuenanni, inif'ma luhuijm-ma'.
 Mehuelojnyi lan xanuc', ixim'me ipanni, i'huana'ma. Ix-
 pailij'mola', tinesyi:

—Acueca' juaiconapa li'epa ÑanDios. Toŕta'a li'ipa aicaŕsina',
 ni anulemma.

¹³ I'huacona'ma Jesús ŕema al cuecaj quin'nuhua'. Jahuay
 lan xanuc' iye'me pe lopa'a. Timuc'ila'. ¹⁴ Lijoupa
 limuc'iyalepa, ti'hua tuyaipa, ixim'ma anuli cal xans cuftine
 Leví, i'hua Alfeo. Iŕque Leví ticutsu petsi lo'najts'i'iyaleyompa.
 Jesús timi:

—Lihuejla'.

Leví itsahuenni, ihuej'ma Jesús.

¹⁵ Jesús jouc'a ts'ilihuequi icuaitsa lejut'ŕ Leví,
 ticutshuoŕanna, titetsoyi. Titetsoyi jouc'a axpela'
 lin'najtsi'iyale jouc'a ocuenaye lan xanuc'. Jahuay ihniya
 a'i mihuejyi locuxepa ÑanDios. Axpela' ihniya tihuejyi Jesús.
¹⁶ Lomxiye nomuc'iyalepá locuxepa ÑanDios jouc'a lan xanuc'
 fariseo ehuelojm'me Jesús titetsoyi anuli lin'najts'i'iyale
 y locuenaye lan xanuc'. Imetsaiconnila' ihne aimihuejyi
 locuxepa ÑanDios. Timinnila' ts'ilihuequi Jesús:

—Tołsinle, lołpomxi titetsoyi anuli lin'najts'i'iyale y locue-naye lan xanuc'. Jahuay ihniya aimihuejyi locuxepa LanDios.

¹⁷ Jesús icuej'ma lonespa ihniya. Timila':

—Lan xanuc' ja'ni a'i mextafquila' aimicuicomma mi'e'enyacola' cafxi. Lafcuallay linca ticuicomma no'eyacola' cafxi. Iya' aicuaicoco'ma cajoc'i'mola' ts'ihjunac'. Aicajoc'iyacola' petsi ailopa'a quiljunac'.

¹⁸ Anuli litine tixnet'lyi aimitetsoyi ts'ilihuequi Juan Bautista jouc'a lan xanuc' fariseo. Icuaitsa lan xanuc' pe lopa'a Jesús, timiyi:

—Ts'ilihuequi Juan jouc'a lan fariseo tixnet'lyi, aimitetsoyi. Ihe lihuejhuo', ¿te aimixnet'lyi?

¹⁹ Jesús italai'e'e'mola', timila':

—Ma mipa'a lamijcano lamaneya, ¿te tixnet'l'me, aimitetsoyacu ts'ihjmale? A'i. Anuli miłmana' lamaneya, aimi'iya mixnet'lyacu. ²⁰ Ticuaihuo litine aimimajnconayacu anuli, ihe litine linca tixnet'l'me.

²¹ 'Al ts'e quijahua' aimi'iya manajmot'licoya lafane quijahua'. Ja'ni tołta'a to'ela', al ts'e quijahua' tetehuo, tijoula' lafane quijahua' tits'ałquehuo xonca. ²² Aimoc'ej'miya al ts'e vino petsi lafanej punta quixmi. Ja'ni to'etsi tołta'a, al punta quixmi tits'ałquehuo, timinsco'ma al vino, timinsco'ma jouc'a al punta quixmi. Al ts'e vino tic'ej'minni al ts'e punta quixmi.

²³ Anuli litine conxajya, Jesús jouc'a ts'ilihuequi tuyalaicoyi nolojmay cal trigo. Muyalaicoyi, ts'ilihuequi ipango'me ipa'a'me lixpaj trigo.

²⁴ Lam fariseo timiyi Jesús:

—¡Toxintsola' lihuejhuo'! Itsiya itine conxajya. Ailopa'a lane mi'eyacu tołta'a.

²⁵ Jesús timila':

—Imanc', ¿te a'i cołsuec' liniliya loya'apa li'epa cal rey David? Icuaitsi litine unle'enca iłque jouc'a liłejmale, ailopa'a cotejacu. ²⁶ David itsufai'ma lejut'l LanDios. Jiłpe tipa'a lam paxi ca'í. Ihe la'í tipa'a lane tite'me ma le'a la'ailli, a'i lan xanuc'. David ite'ma jouc'a epi'i'mola' liłejmale, ite'me. Tołta'a i'ipa mipa'a Abiatar cal cuecaj ca'ailli'.

²⁷ Jesús ti'hua tipalaic'ola' lan xanuc', timila':

—LanDios ate'a ilanc'epa cal xans, lijou'ma enaj'ma litine tunxajla' cal xans. A'i quenaqui litine ate'a. ²⁸ Iya' iłque cal Xans liximpa cal profeta pu'hua lema'a. Iya' cacuxe'ela' laixanuc' te lo'eyacu ihe litine conxajya.

3

¹ Ocuena quitine conxajya, Jesús itsufaicona'ma lajut'l petsi lafołyomma lan xanuc'. Jiłpe tipa'a anuli cal xans ijułpa limane.

² Lam fariseo tehuelojnyi Jesús. Ti'huilaic'oyi ja'ni tixa' me'ma cal xans ite litine conxajya. Tehueyi te co'iya micuxecoyacu.

³ Jesús ipalaic'o'ma cal xans, itque ts'ijul quimane. Timi:

—To'huanni fa'a. Tacaxla', tahuoc'ocotsola' lan xanuc'.

⁴ Icuis'e'mola' lam fariseo, timila':

—Lu'ila', litine conxajya, ¿te lapi'inga' lane al'ete al c'a? O ¿atcuxe'enga' al'ete lixcay? ¿Nipajnya lunlu'e'me lipitine cal xans o alma'a'me?

Ihniya aiquitalai'e. Ch'ix le'a. ⁵ Jesús ehuelojm'mola' itne lam fariseo. Tixtuc'ola'. Tixhuehma, ixina' ihniya joupa ipo'nopá lihpicuejma', aiquitcueca.

Jesús timi cal xans:

—To'nijla' lomane.

Cal xans i'nij'ma limane. Ixa'cona'ma. ⁶ Lam fariseo aiquico' mola', ipalunca, iye'me ipalaic'otsa lixanuc' cal rey Herodes. Tehueyi te co'iya mima'ayacu Jesús.

⁷ Jesús i'huana'ma. Itque jouc'a ts'ilihuequi iye'me al cuecaj quin'nuhua'. Iyenc'e'me axpela' lan xanuc' quiyouyomma al distrito Galilea. ⁸ Lan xanuc' ni petsi lomana' icuej'me al cueca' lo'epa Jesús. Icuej'me itne nomana' al distrito Judea jouc'a nomana' al cuecaj quiya' Jerusalén, jouc'a nomana' lamats' Idumea, jouc'a nomana' hu'hua quiyay al pana' Jordán, jouc'a nomana' hilemats' hilelo'ya' Tiro y Sidón. Axpela' ihniya icuaiyunca pe lopa'a Jesús. ⁹ Lixim'mola' axpela' quefo'ya Jesús icuxe'e'mola' ts'ilihuequi ti'hua'anca anuli al barco, tipo'no'le lema al cuecaj quin'nuhua'. Ja'ni lan xanuc' tipango'me titantsi'me Jesús, itque titsufai'ma al barco. ¹⁰ Joupa axpela' ixa'mepola', to'liya itsiya jahuay lafcual'ay, axpej cuana, tummetsaiyo'ltsi, tiye'le ahuejnca Jesús, tilafle. ¹¹ Lan xanuc' pe litsufaiyila' contahue, lixim'me Jesús, ecanghuo'laitsa li'mitsi'. Lontahue tija'ayi, timiyi:

—Ima' i'Hua LanDios.

¹² Jesús itale'mola' ujfxi. Timila':

—Aimunlu'itola' lan xanuc' to'la'a.

¹³ Lijou'ma if'aj'ma hujala. Joupa ixpic'epa nai'ihniya ts'ilihuequi tiyouyunca. Ijoc'i'mola'. Icuaitsa pe lopa'a.

¹⁴ I'huijf'e'mola' imbamaj coquexi' timajnle anuli. Tumme'mola' tuya'ata Lataiqui' loya'apa ite al c'a lixp'ic'epa LanDios. ¹⁵ Epi'i'mola' li'mane tipa'ata lontahue litsufaiyila' lan xanuc'.

¹⁶ Jifa'a tipa'a li'puftine ihniya limbamaj coquexi':

Simón, lecu'i'impá Pedro,

¹⁷ Jacobo y Juan, inaxque' Zebedeo. Itne loquexi' Jesús lecu'i'ipola' Boanerges.

Itne laftine locuajmaispa: Itne noquimf'epá, nocuec'epá lonespa LanDios.

18 Andrés y Felipe,
 Bartolomé y Mateo,
 Tomás y locuena Jacobo, itque i'hua Alfeo,
 Tadeo y locuena Simón, itque tecui'impá cal cananeo,
 19 jouc'a Judas Iscariote, itque nocuya Jesús.

20 Jesús itsufaipa anuli lajut'í. Efof'lecona'moitsi axpela' lan xanuc'. Jesús jouc'a ts'ilihuequi aici'i'ma quitetso'me.
 21 Licuejpá lipimaye Jesús tohta'a li'ipa, ines'me: Jesús imin-scopa lipicuejma'. Ipalunca, iye'me, tileconna Jesús.

22 Jitpe pe lopa'a Jesús timana' hualca lomxiye nomuc'iyalepá locuxepa LanDios, quiyouyomma liya' Jerusalén. Iñiya ticuayi:

—Jesús itsufaipa lonta'a cuftine Beelzebú. Itque nocuxepola' contahue epi'ipa limane Jesús tipa'atsola' lontanue.

23 Jesús ijoc'i'mola' iñiya lomxiye, timila':

—¿Te cañtalai'e'eya imanc'? ¿Te aga lonta'a Satanás tihues-cuf'ma lipima conta'a?

Ti'hua tipalaic'ola'. I'onñicopa to lo'ipa. Timila':

24 —Ja'ni tenajtsoitsi lan xanuc' anuli al nación, ja'ni ti'etsot'si oque', ite al nación tijou'ma lipujfxi. 25 Ja'ni lan xanuc' nomana' anuli lajut'í tenajtsoitsi, ja'ni ti'etsot'si oque', aimimajnconayacu anuli, jitpe teca'nena'moitsi, ailopa'a co'eyacu. 26 Lonta'a Satanás ja'ni joupá ehuoc'huaipola' lif'as contahue, itsiya coña' aimi'hua limane.

27 'Ja'ni anuli cal xans ixpic'epa titsufaila' lejut'í ocuena cal xans juaiconapa ipujfxi, ja'ni ixpic'epa tiñonc'e'eta' li'huexi, itque notsufaiya, ate'a tifi'eta' itque cal xans ts'ipujfxi, tijoula' nipajnya titsufai'ma, tiñonc'e'eta' li'huexi. Ja'ni aimifi'e, aimi'iya mitsufaiya lajut'í, miñonc'e'eya li'huexi.

28 'Iya' camilhuo' al linca: Jahuay lo'epa o lonespa cal xans, ti'i'ma timenc'e'ecom'me. 29 Ma le'a ja'ni aimimetsaicoyi lo'epa cal Espíritu Santo, iñiya aimiñonc'e'enyacola' liñjunac'. Titai'me nulemma.

30 Tohta'a Jesús limipola' iñiya nonespá: “Jesús itsufaipa conta'a”.

31 Icuaiyunca qui'máma' jouc'a lipimaye Jesús. Ecaxoñ'me ñuna. Hojfi'me anuli cal xans tijoc'itsi Jesús. 32 Jesús ticusc'o nolojmay cajut'í, timuc'iyale. Jitpiya timana' axpela' lan xanuc' ticutshuoñanna tiquimf'eyi lomuc'ipola' Jesús. Timiyi:

—Co'máma' jouc'a lopimaye timana' ñuna tehuehuo'.

33 Jesús timila':

—¿Nait'si cai'máma'? ¿Nait'ne caipimaye?

34 Ehuelojm'mola' lan xanuc' nocutshuoñanna, ticua:

—¡Tołcuejle! Jifa'a ticutshuołanna cai'máma' jouc'a laipi-maye. ³⁵ Pe naihuejcopa ŁanDios, ilquiya aipima xans, o aipima caca'no', o ai'máma'.

4

¹ Mipa'a Jesús łema al cuecaj quin'nuhua', ipango'ma imuc'icona'mola' lan xanuc'. Efołunni juaiconapa axpela'. Jesús if'aj'ma anuli al barco. Icutshuai'ma jilpiya. Al barco texpef'que. Lan xanuc' efołumma łema caja. ² Juaiconapa imuc'i'mola' lan xanuc'. Ipalaico'ma lo'epa ŁanDios fa'a li'a łamats'. I'onłico'ma. Timila':

³—Ałquimf'ela' imanc':

'Icuai'ma litine cafaya, i'hua'ma cal xans tifata. Eca'nitsi lam fanuj trigo. ⁴ Meca'ni lam fanuj trigo, oquej afane' lam fanu' ecangenni lane. Icuaiyunca lacał'hui naiyulpa, itejn-na'me.

⁵'Oquej afane' lam fanu' i'nif'cołaitsa łixmi capic, tipa'a ahu-ata łacamats'. Lam fanu' aikuicoł'mola' ila'mola'. ⁶ Lijou'ma ipammaiyunni cal 'ora, linu' ipi'epola' lilapola' lam fanu'. Ijułnapola'. Aiquif'acaic' łime.

⁷'Hualca lam fanu' itsuc'huaita jilpe łitac'. Litoj'ma łitac', ejec'opola' laifa'. Aiquixpaj'ma.

⁸'Ocuenaye lam fanu' etojmołaitsa cal c'a camats'. Ila'mola', itoj'mola', i'ipola' quixpa. Anuli łajfanu' ipammaitsi anuxans quimbama', ocuena cal fanu' ipammaitsi afanej nuxans, ocuena'ya ipammaitsi amaxnu.

⁹ Lijoupa luya'apa ile łitaiqui', Jesús timila':

—Naitsi nocuejpa, ałquimf'ela' iya' łitaiqui'.

¹⁰ Lijoupa liyeyołnapá lan xanuc', imanenca Jesús jouc'a limbamaj coquexi' y locuenaye ts'ilihuequi. Iłniya ixa'hue'me Jesús, timiyi:

—Lu'itsonga', luhuałc'e'etsonga' ile lotaiqui'.

¹¹ Jesús timila':

—ŁanDios epalc'o'ipolhuo' imanc' lołpicuejma', tołta'a tołcuec'eyi lipime cataiqui'. He łataiqui' tuya'e' lo'ipa petsi lan xanuc' tihuejcoyi ŁanDios, ilque cal Cuecaj Rey. Ocuenaye lan xanuc' petsi aimihuejcoyi ŁanDios, ilne ma le'a tiquimf'eyi. He łataiqui' lo'onłicopa lo'epa ŁanDios ilne lan xanuc' aimi'iya mihuałc'eyacu. ¹² Tołta'a ti'ila' to loya'apa al Paxi Linilngiya, ticua:

Ti'hua tehuelojnle, tijoułta' aimixinyacu.

Ti'hua tiquimf'ele, tijoułta' aimicuejyacu.

Ja'ni a'i tołta'a lił'ejma' tixhuej'menacu, ŁanDios timenc'e'eco'mola' lixcay li'epá.

¹³ Jesús ti'hua tipalaic'ola', timila':

—Ja'ni aicołcueca iłe laitaiqui' lai'onłicopa lo'epa ŁanDios fa'a li'a łamats', ¿te co'iya mołcuec'eyacu ja'ni ca'onłico'ma xonca lo'epa ŁanDios?

14 'Cal xans nofapa ti'onłcospa to iłquiya noya'apa litaiqui' ŁanDios. 15 Łamats' lane pe lecangeyonni lam fanu' ti'onłcospa to lan xanuc' iłniya ma le'a tiquimf'eyi litaiqui' ŁanDios. Aimicołya łonta'a Satanás. Ticuaihuo, tiłonc'e'e'mola' lataiqui' li-fayipa liłpicuejma'.

16 'Łaj huata łacamats' łopa'a lixmi capic ti'onłcospa to locuenaye lan xanuc' miquimf'eyi litaiqui' ŁanDios tixoquei quileta tepenufyi. 17 Iłe Lataiqui' aimifayiya liłpicuejma', oquej fanej quitine tihuejcoyi. Ticuaisi lixhuejma', o lił'as xanuc' tixtuc'ontsola' iłniya naihuejpá litaiqui' ŁanDios, iłne aimicołyacola', tenajna'mołtsi, aimihuejconayacu.

18 'Łamats' pe łopa'a hitac' litsuc'huaita lam fanu' ti'onłcospa to locuenaye lan xanuc' noquimf'epá litaiqui' ŁanDios. 19 Iłne xonca tixhuej'mecoyi te co'iya muyalayıacu lapajnya. Tifel'miyołtsi, ticuayi: “Lulijle acuecaj calłomi. Tołta'a luyalaico'me al c'a.” O tixhuej'mecoyi te co'iya mulijyacu xonca quıl'huexi. Ma to hitac' ejec'opola' laifa', a'i quixpaj'ma, ma tołe iłne lan xanuc' li'ipola'. Tama joupa ifapa liłpicuejma' litaiqui' ŁanDios, tiłmanemma tołta'a, tocomma a'i quilepenufi iłe lataiqui'.

20 'Cal c'a camats' pe lifampa ti'onłcospa to locuenaye lan xanuc' noquimf'epá litaiqui' ŁanDios. Iłne tepenufyi iłe lataiqui', tipammołaispa liłpepajnya. Hualca ti'onłcospa to łamats' petsi cal fanu' liłpammaita anuxans quimbama', locuenaye petsi liłpammaita afanej nuxans, locuenaye petsi liłpammaita amaxnu.

21 Jouc'a timila':

—Imanc' molunai'i'me lołpepalc'o', aimołc'ommumijyacu alx-picołma c'ec, ni aimoł'nicoyacu licu'u hualfa. Toł'nof'e'me pe lołxu'epa. 22 Ticuaihuo litine ti'huájta lemiya, jouc'a ti'huájnta letemiquiya, tixinim'me.

23 'Naitsi nocuejpa, ałquimf'ela' iya' laitaiqui'.

24 Ti'hua timuc'iyale, tu'ila':

—Tołpo'nołe cuenna laifmipolhuo': Imanc' iłe lołspic'ecopola' locuenaye, tołta'a iłniya tepi'icona'molhuo'. Xonca axpe' tepi'im'molhuo'. 25 Cal xans ts'i'hueca, xonca tepi'im'me. Łocuena, ja'ni aiqui'hueca, texic'ena'me.

26 Jouc'a tu'ila':

—Iłe li'ipa anuli cal xans leca'nipa lam fanuj trigo łemats', ti'onłcospa to lo'ipa petsi ŁanDios cal Cuecaj Rey tijoc'ila' lan xanuc' tihuejle. 27 Lijoupa leca'nipa liłtrigo, cal xans ti'hua tuyaijma lapajnya. Lipuqui' tixmay, litine titsahuemma,

lam fanu' tilá, titoqui laifa'. Cal xans aikuixina' te co'ipa mitoj'ma laifa'. ²⁸ Lamats' quituca' timaf'i'i' laifa'. Ate'a titoqui, tijoula' tixpaqui, tijoula' tumfumma lixpa, titoqui lifanu'. ²⁹ Lunta'amma lixpa cal xans ixina' joupa icuai'ma litine tefot'leta cal trigo. Aimicoŷa, tetejta.

³⁰ Jouc'a tu'ila':

—¿Te cal'onlicoyacu lo'ipa petsi LanDios tijoc'ila' lan xanuc' timetsaicoŷe, tihuejle ilque cal Cuecaj Rey? ¿Te ts'i'ic' ma'onlicoyacu?

³¹ 'Lo'ipa jilpe ti'onŷospa to lo'ipa cal fanu' sinapí. Mifam'me, i'huáqui tuquini lajfanu'. Petsi jahuay cal fanu' lofampa lamats', ailopa'a xonca caca'hua. ³² Lijoupa lifampa tila'ma, titoj'ma acueca' laifa'. Ailopa'a quitamqui mitoqui to ilta'a lifampa. Limané itoqui, atsila'. Laca'hui naiyulpá tunxajyoyi jilpe lipunxahua.

³³ Ma to ina'a lataiquí toŷta'a juaiconapa i'onŷico'ma lo'epa fa'a li'a lamats' LanDios cal Cuecaj Rey. Lo'huajcocoyacola' liŷpicuejma' toŷta'a timuc'ila' Jesús. ³⁴ Ti'hua ti'onŷijma ile lo'epa LanDios. Aimipalay acuajmaica. Jesús y ts'ilihuequi limanenca quituca', ilque tuhualc'e'ela' lataiqui'.

³⁵ Maŷe litine joupa if'acoŷaipa timila' ts'ilihuequi:

—Aŷqueŷe al cuecaj quin'nuhua'.

³⁶ Jesús joupa icutshuaipa al barco. Ts'ilihuequi Jesús ipo'nom'mola' lan xanuc' lefoŷya jilpiya, if'ajli'me jouc'a al barco. Ipango'me iquie'me al cuecaj quin'nuhua'. Ocuenaye lam barco jouc'a tiquieyi. ³⁷ Aiquicoŷ'ma, i'hua'ma ujfxi lahua'. Itsahuenni laja', ic'ejmaitsi caja', imantsi al barco. ³⁸ Jesús tunouya lipo al barco. Tixmay, unaf'caipa al punta quijahua'. Ts'ilihuequi ummef'me, timiyi:

—Momxi, aŷma'a'monga' laja'. ¿Te aimatsueŷcoconga'?

³⁹ Jesús itsahuenni, itale'ma lahua', timi laja':

—Ch'ixca. Aimofe'necona'ma.

I-ch'ixco'ma lahua'. Ipanenni. ⁴⁰ Jesús timila' ts'ilihuequi:

—¿Te coxpailijcopolhuo'? ¿Te qui'ipolhuo'? ¿Te aimah'huaiyinge?

⁴¹ Ixpailijpola' juaiconapa iniya ts'ilihuequi. Timiyoltsi:

—¿Naitsi xans ilca'a? ¡Jouc'a lahua', laja ticuec'eyi ilque locuxe'epola'!

5

¹ Icuaitsa locuena lema caja jilpe hilemats' lan xanuc' gadareno. ² Ipanni Jesús al barco. Aiquicoŷ'ma, icuaico'ma anuli cal xans qui'huayomma jilpiya lamuhuoŷanna lomanapola'. Ilque cal xans hitsufaipa conta'a. ³ Lipanga jilpe lamu'empola' lomanapola'. Aimi'iya mifi'enyacu ni cadena

catejma'. ⁴ Tifi'econni acadena, inic'e'econni atejma' limane li'mitsi'. Itque tits'atquinghua lan cadena, tixquetsufinghua latejma'. Ailopa'a cal xans ts'ipujfxi xonca. Ailopa'a nolijya. ⁵ Ipuqui' itine tipa'a pe lamu'empola' lomanapola', jouc'a pe hijualay, tija'e', tits'alyoxi capic, tixcai'eyoxi. ⁶ Cal xans ixim'ma icuaico'ma Jesús aculi'. Aiquico'ma, i'hua'ma italecuftsi, exc'onlingai'ma li'mitsi' Jesús. ⁷ Ija'a'ma ujfxi, timi:

—Jesús, ima' i'Hua cal Cuecaj LanDios Nopa'a lema'a, ¿te cocuaiyoco'ma? ¿Te ts'opic'a fa'a? Iya' cacuj'mi'ma lipuiftine LanDios, caxa'huehuo' aimatet'mi'ma.

⁸ Toŧta'a linespa lonta'a. Jesús joupa imipa:

—¡Ima' monta'a, taipanni itca'a cal xans!

⁹ Jesús icuis'e'ma, timi:

—¿Te muftine?

Italai'e'e'ma, timi:

—Laipuiftine Legión. Illanc' ninc'xpela'.

(Lataiqui' "legión" tuya'e', ticua: Axpela'.)

¹⁰ Juaiconapa tixa'hue Jesús, timi:

—Aimalipa'a'monga' jifa'a.

¹¹ Jiŧpe laquemala timana' juaiconapa axpela' lijná tehueyi quítejua'. ¹² Lontahue ixahue'me Jesús, timiyi:

—Lummetsonga' pe lomana' iŧne lijná. Jiŧpe altsuflaita lijná.

¹³ Jesús epi'i'mola' lane. Lontahue ipalunca itque cal xans, itsuflai'me lijná. Iŧniya lijná timana' to oquej mil. Inul'me, imul'me al'ocay. If'alcolai'me laja'. Unxatac'mola'.

¹⁴ Lan xanuc' linhuic'ipola' quijná inul'me. Jiŧpe liŧpiya' jouc'a calx'huiyaŧma' uya'atsa iŧe' li'ipa. Lan xanuc' ipalunca tehuelojnta. ¹⁵ Icuaitsa pe lopa'a Jesús, ixim'me cal xans, itque colta hitsufaipa axpela' contahue, ticutsu, ipo'nohuo lipijahua', i'ina' lipicuejma'. Lan xanuc' ixpailij'mola'. ¹⁶ Iŧne niximpá li'ipa uya'a'me te qui'ipa lixaŧconapa cal xans, itque hitsufaipa contahue. Uya'a'me te qui'ipola' lijná.

¹⁷ Lan xanuc' ipango'me ixa'hue'me Jesús tipanni hilemats', ti'huanŧa'. ¹⁸ Jesús if'ajna'ma al barco, ti'hua'na'ma. Cal xans li'ipa hitsufaipa contahue tixa'hue, timi:

—Aŧhecolá' jouc'a.

¹⁹ Jesús aiquepi'i' lane. Timi:

—To'huanŧa' lomejutŧ, jiŧpe lomana' lopimaye. To'itsola' al cueca' li'e'epo' LanDios. Tomitsola' te ts'i'ic' liximpo' cuanuc'.

²⁰ Cal xans i'hua'na'ma, itsehuc'ma petsi lecu'i'impá: Limbamaj Quiŧelolŧya'. Jiŧpiya u'i'mola' lan xanuc' li'e'epa Jesús. Lan xanuc' ixim'me acueca' li'e'epa Jesús, ixpailij'mola'.

²¹ Jesús iquiecona'ma al cuecaj quin'nuhua'. Licuaiyocontsi al barco locuena lema, icuaitsa axpela' lan xanuc', efot'ŧe'moltsi anuli Jesús lema caja. ²² Jiŧpiya icuaitsi anuli cal xans ipenic'

lajut'í pe lafoŷomma lan xanuc'. Cuftine Jairo. Lixim'ma Jesús, exc'onŷingai'ma li'mitsi',²³ tixa'hue juaiconapa, timi:

—Łai'hua cahuats' juaiconapa textafque. Timana'ma. Łepá. Ma le'a toxpayaf'ta lomane, toxa'menna, ti'hua tipajnlá.²⁴ Iye'me Jesús jouc'a Jairo. Axpela' lan xanuc' ihuej'me. I'i'mola' atansca, titantsinni Jesús.²⁵ Jíŷpe tipa'a anuli łaca'no' textafque. Imbamaj coque' camats' ti'hua cajuats' licu'u.²⁶ Itełcopa juaiconapa. Axpela' lin'e'ehuale cafxi iteł'mipá. I'najtsepola' ihniya, joupa ijou'nenapa li'hueca. Aiquixałma. Ti'hua titsípa licuana. Iłque łaca'no' icuejpa lo'epa Jesús.²⁷ Nolojmay xanuc' iłoc'huaipa lixpula' Jesús. Iłafc'e'e'ma lipijahua'.²⁸ Iłque tinesqui lipicuejma': "Ma le'a lipijahua' całafła', tole ałsałcona'ma". Tot'hiya iłafc'e'epa lipijahua' Jesús.²⁹ Aiquicoł'ma, ipanenni licu'u. Ixim'moxi ixałconapa. Aimitelcoconaya.³⁰ Aiquicoł'ma, Jesús ixingufco'ma lipaxi ixał'meyalepa. Ipai'e'moxi nolojmay xanuc', icuis'e'mola', timila':

—¿Naitsi łal—łafpa?

³¹ Ts'ilihuequi italai'e'e'me, timiyi:

—Ima' oxina' jifa'a axpela' lan xanuc' titantsihuo', ¿te cofmicuitsufcopa: "¿Naitsi łal—łafpa?"?

³² Jesús ti'hua tehuetsale hijuihuay. Tehuay naitsi iłque iłafpa.³³ Łaca'no' tixpaiqui juaiconapa, tiyu, iximpoxi ailopa'a quicuana. Iłoc'huai'ma, exc'onŷingai'ma li'mitsi' Jesús. Imi'ma Jesús al linca. Tuya'e' te ts'i'ic' lixałconapa, timi:

—Aıłafpo' lopijahua'.

³⁴ Jesús timi:

—Mai'hua, ał'huaiyjmpa, toliya ixałconapo'. Aimox-huelmot'he'ma. Ihe al cuana aimitel'miconayaco'.

³⁵ Ma mipalaic'o łaca'no', icuaiyunca lan xanuc' quiyouyomma lejut'í Jairo, iłque ts'ipenic' lajut'í pe lafoŷomma lan xanuc'. Timiyi Jairo:

—Joupa imanapa ło'hua. ¿Te ti'hua cofxoc'icoya łomxi?

³⁶ Jesús icuej'ma lu'impá Jairo. Timi:

—Aimixpaij'mo'. Ma le'a ał'huaiyjnlá'.

³⁷ Jesús ileco'mola' Pedro, Jacobo, jouc'a Juan, iłque ipima Jacobo. Timila' locuenaye xanuc' aimiyocu.³⁸ Icuaitsa lejut'í cal xans, iłque ts'ipenic' lajut'í pe lafoŷomma lan xanuc', Jesús ehuelojm'mola' lo'epa lan xanuc', tijolijyi, tija'ayi.³⁹ Itsufai'ma lajut'í, timila':

—¿Te colja'acopa? ¿Te coljolijcopa? Łahuats' aiquimac', ma le'a tixmay.

⁴⁰ Aiquil'aic' linca. Ma le'a ixoco'me. Jesús timila':

—Jahuay imanc' tolipalunca.

Ileco'mola' qui'ailli', qui'máma' ľahuats', jouc'a lam fantsi ts'ilihuequi. Itsufłai'me pe lonouya ľahuats'. ⁴¹ Jesús i'noł'e'e'ma limane ľahuats', timi:

—Talitá kumi.

(Iľe łataiqui' lohualquemma ticua: Macahuats', camihuo', totsahuenni.)

⁴² Aiquicol'ma, ľahuats' itsahuenanni, ipango'ma i'hua'ma. Ixhuaita imbamaj coquej ľemats'. Iľne lan xanuc' lixim'me li'ipa ixpailij'mola' juaiconapa. ⁴³ Jesús juaiconapa ixc'ai'i'mola', timila':

—Aimoluya'ata lai'e'epa ľahuats'. Nij naitsi nocuejya.

Lijoupa limipola' tołta'a, icuxe'e'mola', timila':

—Tołtes'mile ľahuats'.

6

¹ Jesús ipanni jilpiya, icuaitsi lipiľya'. Jouc'a ts'ilihuequi iye'me. ² Licuaitsi litine conxajya itsufai'ma lajut'ł pe lafołyomma lan xanuc'. Jilpe ipango'ma imuc'iyale'ma. Licuej'me iľe litaiqui', axpela' lan xanuc' etenłcoco'mola', timiyołtsi:

—Iłque cal xans, ¿naitsi lepi'ipa lipicuejma'? ³ ¿Te małque łinc'alhualpa? O ¿a'i iłque? ¿Te iłque i'hua María? ¿Te a'i iłquiya iłpima Jacobo, José, Judas y Simón? Fa'a jouc'a timana' lipimaye cacal'no'.

Iľniya lan xanuc' aiquicuaitsi quilpic'a lo'epa Jesús, etets'i'me.

⁴ Jesús timila':

—Anuli cal xans łummepa ŁanDios, mipa'a ocuena quilpa' pe lomana' locuenaye lan xanuc', iľniya ticuaispa quilpic'a lo'epa iłque. Tipainanni, ticuaitsi lipiľya' pe lomana' lixanuc', lopa'a lejut'ł, jilpe linca tetets'ita.

⁵ Mipa'a Jesús lipiľya' aiqui'aic' cueca' jilpe. Ma le'a ixpayaf'mola' oquexi' afantsi lafcualłay, ixal'me'mola'. ⁶ Ixim'mola' iľne lipiľya' xanuc' aiquil'huaiyinge. Ixhuelco'ma juaiconapa.

I'hua'ma ehuentsole' łaiquitelolpa' anujnca. Jilpe imuc'itsola' lan xanuc'.

⁷ Iľne łitiné ijoc'i'mola' limbamaj coquexi' ts'ilihuequi. Iľne icuaiyunca, ipango'ma umme'mola' tiyełe oquexi' oquexi'. Epi'i'mola' liľmane tipa'atsa lontahue. ⁸ Tixc'ai'ila', timila':

—Tonłełe, tołtai'me ma le'a lołpaluc. Aimołtai'me cumla'i. Aimoł'nij'mi'me tomí jilpe lołfi'ejma lołcu'u. ⁹ Tołc'uaicole łołc'ejí. Aimołpo'no'me oque' lołtsamalo, ma le'a anuli. ¹⁰ Lajut'ł petsi tepenuftsolhuo', mołmana' jilpiya liľya', małpe tołmajntsa. ¹¹ Ja'ni tołcuaitsa petsi aimepenufinnilhuo', ni aimiquimf'ennilhuo', imanc' tulunafle loł'mitsi', tipanni iłque

lamats' hitaijmpa lołc'ejí'. Tołta'a ti'ila' quilsina' ma ilne quiltuca' ti'najtse'me liłjunac'.

¹² Ts'ilihuequi ipalunca, uya'a'me Lataiqui' loya'apa ilne al c'a lixpíc'epa LanDios. U'iyale'me tixhuej'menanca lixcay lo'epa. ¹³ Ipa'a'me axpela' lontahue. I'ot'hi'me laceite axpela' lafcualłay. İhiya ixałcona'mola'.

¹⁴ Ni petsi lomana' lan xanuc' tipalaicoyi lo'epa Jesús. Cal rey Herodes jouc'a icuej'ma lo'epa. Timana' lan xanuc' nocuapá:

—Jesús ilquiya aJuan Bautista, joupa imaf'inapa ipanamma pe lomana' limanapola'. Tołta'a juaiconapa apaxi ilque, ti'ay acueca'.

¹⁵ Ocuenaye ticuayi:

—İque aElías, icuaiyocona'ma fa'a li'a lamats'.

Ocuenaye ticuayi:

—İque aprofeta łummepa LanDios, ti'onłcospa to lam profeta limajmpá fa'a luyaipa quitine.

¹⁶ Li'i'ma quixina' Herodes ilne lonespa lan xanuc', ilque ines'ma:

—İque ma Juan Bautista. Linca aicuxe'ma etec'em'me łejoc', joupa imaf'inapa.

¹⁷⁻¹⁸ Herodes joupa exic'e'epa lipeno lipima Felipe. İquiya łaca'no' cuftine Herodías. İlecopa. Juan timi Herodes: “O'epa quixcay. ¿Te comexic'e'ecopa lipeno łopima? ¿Te coleco-copa? İque a'i copeno. İpeno łopima.” Juan limi'ma tołta'a ixtunni Herodes. İcuxepa i'nołıntsa, ifi'entsa, itats'entsa. ¹⁹ Łaca'no' Herodías ti'ay quipilaic' Juan. İjanaj'ma tima'anłe. Aiqui'ic'. ²⁰ Cal rey Herodes tixpaic'e Juan. İmetsaico'ma ac'a xans. I'epa cuenna. Ti'hua tiquimf'e lonespa Juan. Tama aiquicueca, ticuaispa quipic'a litaiqui' Juan.

²¹ Herodías joupa iximpa lo'eya tima'anłe Juan.

Herodes lixhuaita łemats' i'e'ma juic. İhiya lipuqui' titet-soyi anuli liıoc'ipola', ilne lan tsila' quılpenic', jouc'a lin-cuxepá soldado, jouc'a lan tsila' xanuc' nomana' al distrito Galilea. ²² Jılıpiya lefołya itsufai'ma hi'hua caca'no' Herodías. İxau'ma. İcuaitsi quılpic'a Herodes jouc'a liıoc'ipola', ilne nocutshuołanna jılıpiya. Cal rey timi łahuats': “Ałsahue'ełta' jale ts'opic'a, capi'i'mo””. ²³ I'e'ma jurar, icuaj'moxi: “İe łalsahue'eya, tama ti'ila' onłca laıfcuxepa, capi'i'mo””.

²⁴ İpanni łahuats'. I'hua'ma, icuaitsi pe lopa'a qui'máma', timi: “¿Te caıfxahue'eya?” Qui'máma' timi: “Toxahue'etsi tepi'intso' liıuac Juan, tetoj'minłe al cuecaj pime”.

²⁵ Aıquicol'ma, łahuats' ipanni, i'huacona'ma ixıntsi cal rey. İxahue'e'ma, timi: “Lapi'ila' liıuac Juan Bautista, to'nij'mıłta' anuli al pime”. ²⁶ Cal rey ixhuełconni juaiconapa. ¿Te

co'eya? Aimi'iya micuanac'eya loxahue'epa ľahuats'. Lan xanuc' nocutshuoľanna jilpiya joupa icuejpa ľicuajpoxi. ²⁷ Aiquicoľ'ma, umme'ma anuli ľisoldado, icuxe'ma, timi: "Totaitsi ľijuac Juan". Cal soldado i'hua'ma, icuaitsi la carza, etec'etsi ľejoc' Juan, ²⁸ i'nij'mitsi al pime ľijuac, uhui'i'ma ľahuats'. ľahuats' i'hua'ma pe lopa'a qui'máma', uhui'itsi.

²⁹ Ts'ilihuequi Juan icuej'me toľta'a ľi'ipa. Icuaitsa pe lima'ayompa Juan, itaina'me ľicuerpo, emunatsa.

³⁰ Ts'ilihuequi Jesús icuainanca pe lopa'a Jesús, efot'ľecona'moľtsi. Joupa iyehuo'me uya'a'huo'me Lataiqui' loya'apa iľe al c'a ľixpic'epa ľanDios. U'i'me jahuay ľi'ehuo'me, jahuay ľimuc'iyalehuo'me. ³¹ Jesús timila':

—Ľepá illanc' caltuca'. Ľepá pu'huanni pe ailopa'a quiľya'. Lunxajta.

Jilpe pe lomana' Jesús jouc'a ts'ilihuequi, lan xanuc' tiľcuaispa, tiyenayi. Aimi'iya mitetsoyacu, ni Jesús ni ts'ilihuequi. ³² If'ajli'me anuli al barco, iye'me quiľtuca' ticuaitsa pe ailopa'a quiľya'.

³³ Axpela' lan xanuc' quiyouyomma jahuay ľiľeloľya' ix-inim'mola' ľif'ajli'me al barco. Imetsaico'mola'. Iľne lan xanuc' iye'me, inul'me, icuaitsa ate'a pe lotseyacu Jesús jouc'a ts'ilihuequi.

³⁴ Jesús jouc'a ts'ilihuequi icuaitsa ľocuena quema caja, ipalunca al barco. Jesús ľixim'mola' iľne axpela' lan xanuc' efot'ľeyoľtsi jilpiya, ixim'mola' acuanuc'la. Ixim'mola' to lam mot'ľ, iľne lam mot'ľ ľahue'epola' quiľpoujna. Ailopa'a nohuic'iyacola'. Ipango'ma imuc'i'mola'. Axpe' ľataiqui imuc'i'mola'.

³⁵ Joupa if'acoľaipa, ts'ilihuequi Jesús iľoc'oľai'me, timiyi:

—Jif'a'a ailopa'a quiľya'. Joupa if'acoľaipa. ³⁶ Tommetsola' lan xanuc' tiyete. Pu'huanni calx'uiyaľma' o ľiľeloľya' ti'nata ľotejacu.

³⁷ Jesús timila':

—Imanc' toľtes'mitsola'.

Italai'e'e'me, timiyi:

—Ticuicomma axpe' ľa'i, ľipitali to ľolijya cal xans no'eya canic' apaicoj mut'ľa. ¿Te tipa'a caltomí aľnacota toľta'a ľa'i? Aimi'iya maľtes'miyacola'.

³⁸ Jesús icuis'e'mola', timila':

—¿Tojua tipa'a ľa'i? Tonľete, toľsintsa.

Iye'me, ixintsa. U'icona'me, timiyi:

—Tipa'a amaque' ľa'í, jouc'a oquexi' latuye.

³⁹ Jesús icuxe'e'mola' ts'ilihuequi ticuxe'entsola' lan xanuc' ticutsoľaite jahuay jilpe calxhuaica pajac. ⁴⁰ Enaj'moľtsi lan

xanuc' amaxnu amaxnu, jouc'a oquej oquej nuxans quimbama', icutshuot'ai'me.

41 Jesús epef'ma lan maquej la'í jouc'a loquexi' latuye, ehuenaf'ma lema'a, ix'najtsi'i'ma LanDios. Ixquenuf'ma la'i, epi'i'mola' ts'ilihuequi, ihne eca'nem'mola' lan xanuc'. Jouc'a loquexi' latuye ixquenuf'mola', epi'i'mola' lan xanuc'.
42 Jahuay itetso'me, ixhuaitsola'.

43 Ts'ilihuequi efot'lena'me lipanecomma la'i jouc'a latuye. Imantsi imbamaj coque' lan tsiquihuit'. 44 Lan xanuc' litetso'me tixhuaispola' oquej nuxans quimbamaj maxnu. Jouc'a timana' lacat'no', la'uhuy.

45 Aiquico'l'ma, Jesús icuxe'e'mola' ts'ilihuequi tif'ajlite al barco, tiquiele al cuecaj quin'nuhua', ticuaitsa pe lopa'a liya' Betsaida. 46 Itque ixc'ai'ina'mola' lan xanuc', if'aj'ma lijuala, tipalaic'ota LanDios.

47 Muyalaicoyi ts'ilihuequi icuaitsa nolojmay quin'nuhua' imufc'o'ma. Jesús tipa'a lamats' quituca'. 48 Jilpe ehuelojm'mola' ts'ilihuequi nomana' al barco. Ixim'mola' juaiconapa tipa'ayi cafxi tiquiele, aimi'i miquieyi. Italecuf'me hujfxi cahua'. Al fanej hora lipuqui' joupa uyaipa, tehue'e' micuaiya al camts'us 'hora. Icuai'co'ma Jesús ti'huayaf'que laja'. Icuaitsi pe lopa'a al barco, ti'hua mi'hua, tocomma tuyaicota. 49 Ts'ilihuequi ixim'me, ticuayi: "Acuecaj quinxpaic'ale". Ija'a'me. 50 Jahuay ixim'me. Ixpailij'mola' juaiconapa. Jesús aiquico'l'ma, ipalaic'o'mola', timila':

—Aimixpailij'molhuo'. Tot'etsot'si acueca' lolunxajma'. Ma iya'.

51 If'aj'ma al barco pe lomana' ts'ilihuequi. I-ch'ixcona'ma lahua'. Ixim'me acueca' ite li'epa Jesús. Aiquicueca. 52 Tama joupa iximpá al cuecaj li'epa Jesús ite litine lites'mi'mola' lan xanuc', ite'me la'i, ihne ts'ilihuequi aimicuec'eyi. Amuf lipicuejma'.

53 Lijou'ma liquie'me al cuecaj quin'nuhua', icuaitsa lamats' Genesaret. Jilpiya ifijm'me al barco. 54 Ipalnanca. Aiquico'l'ma, lan xanuc' imetsaico'me Jesús. 55 Ni petsi jilpe lamats' icuej'me lan xanuc': "Icuai'ma Jesús, pu'hua o lu'hua tipa'a". Iyec'otaitsa tehueyi Jesús, itaic' lilefcualtay tunaf'colanna lipuxcuif'que. 56 Jilpiya lan tsocay quitelolya', o lan tsila' quitelolya', o calx'huiya'ima', ni petsi licuaitsi Jesús, lan xanuc' itaic' lilefcualtay jilpe pe lafolyoya. Tixahue'eyi Jesús tepi'itsola' lane lilefcualtay tilafle, tama ma le'a lipijahua'. Jahuay nitafpá, tixa'conala'.

7

1 Lam fariseo icuaitsa pe lopa'a Jesús, jouc'a icuaitsa lomxiye nomuc'iyalepá locuxepa ËanDios. Ìne quiyoyomma al cuecaj quiŷya' Jerusalén.

2 Ti'huilaic'oyi lo'epa ts'ilihuequi Jesús. Ticuayi: "Ìne titetsoyi aiquilulahua al c'a liŷmane'. Aimepenufyacola' ËanDios."

3 Lan xanuc' fariseo tihuejyi liŷtatahueló liŷ'ejma'. Tepajyi liŷmane' ticuaispa liŷluxluc.

4 Miye'me laplaza, miyelocota, micuainacu lilejut'ì ate'a tepo'me, tijouŷa' titetso'me. Tihuejyi axpe' quiŷ'ejma'. Tipa'a liŷ'ejma' mepaj'me liŷpime, liŷcatsitu, hilepixú, lolanc'ecompa atejma' cuftine acobre, jouc'a liŷhualfa. Ticuayi: "Toŷta'a ipic'a ËanDios".

5 Ìne icuis'e'me Jesús, timiyi:

—Ìne lihuejhuo', ¿te co'ecopa aimihuejyi laŷ'ejma' ìe laŷmuc'iponga' laŷtatahueló? Mane titetsoyi, aimepajyi al c'a liŷmane'.

6 Jesús italai'e'e'mola', timila':

—Imanc' ma le'a tonŷ'e'eyoŷtsi to unc'ic'a xanuc'. Luyaipa quitine cal profeta Isaías uya'a'ma linespa ËanDios te ts'ì'ic' loŷpicuejma'. Ticua:

Ìne lan xanuc' aŷmi: "Ima' malanDios", ma le'a tipaloŷaiyi.

Ìniya aimacuec'e, ma ti'eyi quiŷtuca' ts'ì'pic'a.

7 Tama laxc'onlingaiŷa' aicapenufla',

ìne timuc'iyaleyi ma le'a locuxepa lan xanuc', a'ì laifcuxepa.

8 'Toŷe loŷpicuejma' imanc', tolatets'iyi ËanDios, tolihuequila' lan xanuc' liŷ'ejma'.

9 Jouc'a timila':

—Imanc' xonca tolihuequila' loŷtatahueló liŷ'ejma', toŷta'a tolatets'iyi litaiqui' ËanDios.

10 'Moises icuxepa: "Taihuejco'mola' co'ailli', co'máma', to-toc'ì'mola'". Jouc'a icuxepa: "Cal xans nomipola' cataiqui' qui'ailli' qui'máma', tipa'a lijunac'. ¡Tima'anŷe!"

11 'Imanc' ituca' loŷmuc'iyalepa. Ja'ni anuli cal xans timit-sola' qui'ailli', qui'máma': "Aimi'iya catoc'iyacolhuo'. Jahuay ŷai'huexi joupa nenajpa, ìe catsufco'ma ËanDios." 12 Imanc' toŷcuayi: "Ne', ìŷque aimitoc'ì'mola' qui'ailli' qui'máma'".

13 'Ìe lataiqui' lolihuejpa ma le'a liŷtaiqui' loŷtatahueló limuc'ipolhuo', ìhiya coŷmuc'ipola' lan xanuc'. Ma' anuli toŷta'a axpe' tonŷ'eyi. Litaiqui' locuxepa ËanDios toŷsinyi to nij naitsi cataiqui'.

14 U'ìcona'mola' lan xanuc' lefot'lepoytsi jìŷpiya, timila':

—¡Aŷquim'ŷeŷa' anuli anuli imanc'! ¡Aŷcuc'eŷa'! 15 Fa'a li'a ŷamats' tipa'a ìe pe imanc' lolacui'ipa axujc'a. Iya' cacua a'ì. Ja'ni anuli cal xans titŷeŷa', ti'nicola' lico, tinuc'la', ailopa'a co'iya, aimixis'meyacoxi. Al xujc'a laipa'aya lipicuejma' cal

xans, ìe linca tixis'me'ma. ¹⁶ Naitsi nocuejpa, ałquimf'ela' iya' laitaiqui'.

¹⁷ Jesús ipo'no'mola' quilituca' lan xanuc', itsufai'ma lajut'ł. Ts'ilihuequi ixa'hue'me tuhuałc'e'etsola' ìe lataiqui'.

¹⁸ Timila':

—¿Te imanc' jouc'a ailopa'a colpicuejma'? Cal xans no'nicopa lico al xujc'a, tinuc'a, aimixis'meyacoxi tołta'a. ¿Te aicolcucua? ¹⁹ Ìe loyaicopa lico, aimitsufaiya lipicuejma'. Ticuaispa licu'u, tijouła' tipanamma.

Minesqui tołta'a Jesús ipalaicopa lotempa fa'a li'a łamats'. Ticua jahuary ìe ac'a. Aimi'iya minesyacu: “Ìe axujc'a, aimi'iya catec'oya”. ²⁰ Ti'hua timila':

—Al xujc'a laipa'apa lipicuejma', ìe linca tixis'me'ma cal xans. ²¹ Jilpe liłpicuejma', lan xanuc' tixpic'eyi ti'ele al xujc'a. Ti-huennaiquila' cacal'no', tinantseyi, tima'ahualeyi, tixhuicoyi liłpenoye liłf'as xanuc', ²² tijanajyi ti'huejle xonca, ti'eyi al xujc'a liłf'as xanuc', tifel'miyaleyi, tipalaiyi o ti'eyi petsi aimetenłcocojma, ti'e'ehualeyı laic', tinescoyi liłf'as xanuc', tetets'iyaleyi, tixinyołtsi xonca lan tsila' xanuc', ti'eyi pangay camac'ta. ²³ Jahuary ìhna'a tipa'a liłpicuejma'. Ja'ni tipa'ale, ti'ele tołta'a, tixis'me'mołtsi, ti'e'e'mołtsi xujc'a.

²⁴ Jesús ipanni jilpiya. I'hua'ma icuaitsi łamats' huejnca liłya' cuftine Tiro. Itsufai'ma anuli lajut'ł. Ticua: Nij naitsi nocuejya. ²⁵ Anuli łaca'no' icuej'ma jilpe tipa'a Jesús. Icuaitsi, exc'onłingai'ma li'mitsi' Jesús. Ìque łaca'no' tipa'a li'hua cahuats' liłsufaipa conta'a. ²⁶ Łaca'no' a'i judía, qui'huayomma małpiya łamats' cuftine Sirofenicia. (Lan xanuc' judío tetets'innila' ìhniya lun Sirofenicia. Tecui'innila' atsilqui.)

Łaca'no' tixahue'e tipa'ala' łonta'a, tixał'mela' hi'hua. ²⁷ Jesús timi:

—Ate'a altes'mi'mola' lałnaxque'. Ałtoc'itsola' lałxanuc'. ¿Te ja'ni ac'a lałeyacu laxic'e'mola' ìle'i la'uhuary, tijouła' laca'ni'i'mola' lan tsilqui?

²⁸ Łaca'no' titalai'e'e, timi:

—Mapoujna, tama al linca lofnespa, iya' cacua lan tsilqui titeji łaiquepi' ca'i łopa'a licu'uj mesa, loc'ałpa la'uhuary.

²⁹ Jesús timi łaca'no':

—Ìhta'a lałmipa icuaicota caipic'a. Ma to'huanła'. Łonta'a joupa ipanamma ło'hua.

³⁰ Łaca'no' i'huana'ma, icuainatsi lejut'ł ixim'ma hi'hua tu-nouya. Łonta'a joupa ipanamma.

³¹ Jesús ipanni pe łopa'a liłya' Tiro, uyaicotsi liłya' Sidón, jouc'a pe łopa'a Limbama' Quilelołya'. Icuaicontsi al cue-caj quin'nuhua' Galilea. ³² Jilpiya i'hua'a'me anuli cal xans atape, afule mipalay, ata'ay. Ixa'hue'me Jesús tixpayaf'la'

ihque cal xans. ³³ Jesús ileco'ma lijuqueya jilpe pe ailopa'a xans. Ecajm'mi'ma lidedó anuli anuli lix'mats'i' cal xans. Itsuof'i'ma lipaʔ cal xans. ³⁴ Ehuenaf'ma lema'a, ixnalif'ma acueca' timi:

—¡Efata!

Ihe lataiqui' locuajmaispa ticua: ¡Texinanni!

³⁵ Aiquicol'ma. Cal xans iximpoxi exinamma lix'mats'i', ux'masquenanni lipaʔ. Ipango'ma ipalai'ma ac'a. ³⁶ Jesús icuxe'e'mola' lan xanuc' aimuyout'le'me. Nij naitsi nocuejya. Ihniya aimicuec'eyi. Tama Jesús timila': "Aimuluyout'le'me, nij naitsi locuejya", ihne lan xanuc' xonca tuya'ayi lo'epa. ³⁷ Imetsaico'me acueca' juaiconapa lo'epa Jesús. Ticuayi:

—¡Totsinte! Tixaʔ'menala' lan taʔpe ihne ticuejnayi. Tixaʔ'menala' jouc'a lan ta'ay, ihne tipalainayi ac'a. Jahuay lo'epa juaiconapa ac'a.

8

¹ Jihne litiné lan xanuc' efoʔconanni pe lopa'a Jesús. Ailopa'a cotejaco. Jesús ijoc'i'mola' ts'ilihuequi, timila':

²—Iya' caxinnila' cuanuc'la ihne lan xanuc'. Joupa ixhuaita afane' quitine maʔmana' fa'a, iya' jouc'a ihniya. ³ Timana' quiy-ouyomma aculi'. Aiquiltesma. Aimi'iya miyeyacu. Ai cummeyacola'. Ticuaitsa nolojmay cane timatola' cumemma.

⁴ Ts'ilihuequi italai'e'e'me, timiyi:

—Jifa'a ailopa'a quilya'. ¿Petsi caʔtac'ueyacu ʔa'i tinajntsola' ihniya lan xanuc'?

⁵ Jesús icuis'e'mola', timila':

—Imanc', ¿tojua mimana' lola'í?

Ihne italai'enca, timiyi:

—Tipa'a acaitsi lala'í.

⁶ Jesús icuxe'e'mola' lan xanuc' ticutshuola'ite ʔamats'. Epenuf'ma lan caitsi la'í, ix'najtsi'i'ma ʔanDios, ixquenuf'ma ʔa'i, epi'i'mola' ts'ilihuequi. Ihniya eca'nem'mola' lan xanuc'. ⁷ Timana' jouc'a oquexi' afantsi laicatuye. Jesús ix'najtsi'icona'ma ʔanDios, timila' ts'ilihuequi:

—Tolaca'netsola' lan xanuc'.

⁸ Jahuay itetso'me. Inajntsola' al c'a. Lefot'le'me li-panecomma, imantsi acaitsi lan tsangay. ⁹ Ihne lan xanuc' litetso'me tixhuaispola' to oquej nuxans maxnu.

Jesús ixc'ai'ina'mola'.

¹⁰ Aiquicol'ma, if'ajli'me al barco jouc'a ts'ilihuequi. Iye'me icuaitsa ʔemats' liʔya' cuftine Dalmanuta.

¹¹ Icuaiiconanca lan xanuc' fariseo. Ipango'me icuis'mot'lecona'me Jesús. Ixa'hue'me ti'eʔa' al cueca', ihe to lo'eya ʔanDios. Tehuaiyi. ¹² Jesús ixnalif'ma acueca', ticua:

—Lan xanuc' nomana' itsiya, ¿te calsa'huecopa ca'ela' al cueca? Iya' cacua: Linca aicamuc'iyacola', ni tohta'a.

¹³ Ipo'no'mola' quilituca', if'ajcona'ma al barco. Iye'me, iquie'me al cuecaj quin'nuhua'.

¹⁴ Ts'ilihuequi aiquilitaic' ca'i. Imenc'ecopá. ¹⁵ Jesús ixc'ai'i'mola' ihniya, timila':

—Tołpo'nole cuenna. Aimolapenuf'me hilevadura lan xanuc' fariseo, ni hilevadura cal rey Herodes.

¹⁶ Ihne aiquilitcueca ite limipola' Jesús. Timiyoltsi:

—¿Te calmicoponga' tohta'a? O ¿alminga': "Imanc' olimenc'ecopá, aicoltaic' ca'i"?

¹⁷ Jesús ixina' lonespa, timila':

—Imanc', ¿te colnescopa: "Ailopa'a cala'i"? ¿Teaicolcueca laimipolhuo'? ¿Te aicolapaic' cuenna lai'epa? O ¿i'ipolhuo' muf lołpicuejma'? ¹⁸ ¿Te unc'ifohue? ¿Te aimołsinyi loł'u'? ¿Te unc'italpe? ¿Te aimołcuejyi loł'smats'i'? ¿Te olimenc'ecopá lai'epa? ¹⁹ Lu'ila': Jiłpe litine laixquenuf'ma lam maque' la'í lolaca'nepola' ihne lam maquej mil lan xanuc', ¿tojua lan tsiquihuit'ł lołma'ne'me lipaneconni?

Italai'e'e'me, timiyi:

—Imbamaj coque'.

²⁰ —Laixquenuf'ma lan caitsi la'í lolaca'nepola' lam malpuj mil lan xanuc', ¿tojua lan tsangay lołma'ne'me lipaneconni?

Italai'e'e'me:

—Acaitsi.

²¹ Timila':

—Itsiya, ¿te aimi'iya mołcuc'eyacu?

²² Icuaitsa liłya' Betsaida. Icuai'e'entsa Jesús anuli cal fo'. Ixa'hue'me tixpayaf'la' li'u' cal fo'. ²³ Jesús exał'ma cal fo', iye'me lema quilya'. I'otki'ma hitsulu li'u', ixpayaf'ma limane, icuis'e'ma, timi:

—Itsiya, ¿te nipajnya tahuetsale? ¿Toxina?

²⁴ Cal xans ipango'ma ehuetale'ma, timi:

—Caxinnila' lan xanuc', tiyelocoyi. Ti'onłcospola' to lan 'ec'.

²⁵ Jesús ixpayaf'cona'ma li'u' cal xans. Iłque ixim'moxi exilinamma li'u'. Ehuetsale'ma. Tehuelonge jahuay. ²⁶ Jesús umme'ma ti'huanla' lejut'ł, timi:

—Aimotsufai'ma liłya'. Aimo'itola' lan xanuc'. Nij naitsi nocuejya li'ipo'.

²⁷ Jesús jouc'a ts'ilihuequi iye'me, ticuaitsa laiquitelolıya' lo-mana' jiłpe al distrito cuftine Cesarea de Filipino. Miyeyi lane Jesús ticuis'ela', timila':

—¿Te conespa lan xanuc'? ¿Naitsi iya'?

²⁸ Italai'e'e'me:

—Timana' nocuapá ima' umJuan Bautista. Ocuenaye ticuayi ima' umprofeta Elías. Ocuenaye tinesyi ima' mocuenaj profeta.

²⁹ Icuís'econa'mola':

—Imanc', ¿te coñespa? ¿Te coñcuapa? ¿Naitsi iya'?

Pedro italai'e'e'ma, timi:

—Ima' unCristo. LanDios ummepo'.

³⁰ Jesús u'i'mola':

—Aimolu'i'mola' lan xanuc'. Nij naitsi nocuejya.

³¹ Ipango'ma imuc'i'mola' loyaicoya. Timila':

—Iya' ilque cal Xans Liximpa cal profeta pu'hua lema'a. Cateco'ma juaiconapa. Lan tsila' xanuc' noxpijpa lataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, ihniya latets'i'ma, aicu'ma alma'anla'. Afanej quitine camaf'ina'ma, catsahueno.

³² Acuajmaica u'ipola': "Alma'a'ma". Pedro aiquicuaitsi quipic'a ile lines'ma Jesús. Ixoulai'ipa, itale'ma, timi:

—¿Te cofnescopa tohta'a?

³³ Jesús ipai'e'moxi, ehuelojm'mola' ts'ilihuequi, itale'ma Pedro, timi:

—To'huanla'. Tanajxoxi fa'a. Ima' topalay ma to minesqui lonta'a Satanás. Ima' toxpice to mixpic'eyi lan xanuc'. Ituca' tixpic'e LanDios.

³⁴ Ijoc'i'mola' lan xanuc' jouc'a ts'ilihuequi tiquimf'ete, timila':

—Cal xans ja'ni ipic'a lihuejla', aimicuxe'moxi quituca'. Iya' lapahts'inginna lancruz. Naitsi nalihuejya titaila' lencruz jouc'a. Tixpic'ela' ticuxoxi titeco'a. Tohta'a lihuejla'. ³⁵ Cal xans ja'ni ti'exoxi cuenna juaiconapa, ja'ni aimicua mitecoya, ilque cal xans tecani'e'moxi. Cal xans ts'ipic'a tihuejla' Lataiqui' loya'apa ile al c'a lixpicepa LanDios, tohta'a lihuej'ma iya', ilque linca ticu'moxi latecoya. Tama tima'anle, ilque tulij'ma lipitine aimijouya. ³⁶ Cal xans nolijpa jahuay lopa'a fa'a li'a lamats', tijoula' tecani'exoxi, ¿te tixhuico'ma ile lulijpa?

³⁷ ¿Nipajnya ti'najtse'ma tunlu'ela' hi'alma? A'i, aimi'iya.

³⁸ Itsiya litine lan xanuc' enajpohtsi LanDios, ti'eyi al xujc'a. Cal xans noximpa calaic'ata, ja'ni tinesla': "Ihne laif'as xanuc' lahuelonge, aiquihuejya Jesús, aicapenufya litaiqui', aimi'iya"; litine cacuaiconanni fa'a li'a lamats', iya' jouc'a aicapenufya ilque cal xans. Iya' ilque cal Xans Liximpa cal profeta pu'hua lema'a'. Cacuaiyoconno. Alcuaiconacu iya' jouc'a lam paxi capaluc' quema'a. Jilpe litine alsim'ma ninCueca' ma to LanDios cai'Ailli'.

9

¹ Ti'hua timila':

—Iya' camilhuo' al linca: Jifa'a timana' lan xanuc' tixim'me, timetsaico'me lo'eya LanDios micuxe fa'a li'a lamats'. Tołta'a tixim'me ai'a tima'mola'.

² Luyaipa acamts'us quitine Jesús ileco'mola' Pedro, Jacobo jouc'a Juan. Tiyeyi ma quıtuca'. If'ajli'me hi'nof'quiya hijuala. Mehuelojnyi Jesús itque ipaicomma lixans. ³ Lipijahua' i'i'ma afujca juaiconapa, tunts'ıflay. Fa'a li'a lamats' tama tepajle lijahua' aimi'ıya mi'onlıyacu tołta'a. ⁴ Ts'ilihuequi Jesús ixim'me imaxcaitsola' lam profeta Moisés jouc'a Elías. Tipalaic'oyi Jesús. ⁵ Pedro timi Jesús:

—Momxi, jac'a fa'a małmana! Ahanc'e'me afanej lihuoxqui, anuli ima', anuli Moisés, locuena Elías.

⁶ Pedro aikuixina' te ts'i'ic' ite licuapa, ma le'a tipalay. Ihe lam fantsi ts'ilihuequi Jesús ixpailij'mola' juaiconapa. ⁷ Ixim'me ipoxc'i'mola' cummahuay. Icuej'me tipalay małpe lumahuay, timila':

—Itca'a ai'Hua, ca'ay capic'a juaiconapa. Tołquimf'ete itque lonespa.

⁸ Ehuelojncona'me Jesús, itque tecaxu quituca'. Moisés y Elías ailomana'. Ma ejac'na'mola'.

⁹ Mimulnamma hijuala Jesús ipalaic'ocona'mola', timila':

—Iya' itque cal Xans Liximpa cal profeta pu'hua lema'a, ma capa'a fa'a li'a lamats' aimoluya'ata lołsimpa jilpe hijuala. Nij naitsi nocuejya. Alma'a'ama, catsahuenahuo quipayonahuo pe lomana' limapola', tijoula' ti'ila' tołta'a tolu'i'mola' lan xanuc'.

¹⁰ Ihe ts'ilihuequi Jesús ma quıtuca' tipalaic'oyołtsi, i'nujuaista ite lixinghuo'me hijuala. Ticuis'eyołtsi:

—¿Te cataiqui' lonespa Jesús? Ticua: “Catsahuenahuo, quipano pe lomana' limapola”.

¹¹ Icuıs'e'me Jesús, timiyi:

—Lomxiye nomuc'iyalepá locuxepa LanDios ticuayi: “Ate'a Elías ticuaiyoconno fa'a li'a lamats'. Tijoula' ticuaihuo cal Cristo.” ¿Te conescopa tołta'a?

¹² Jesús timila':

—Al linca lonespa ihniya lomxiye ite nocuapá: “Ate'a ticuaihuo Elías. Itque tixanu'ma jahuay.” Jouc'a tipa'a liniliya loya'apa te ts'i'ic' laifnuyaicoya iya'. Iya' itque cal Xans Liximpa cal profeta pu'hua lema'a. Tuya'e' iya' catełco'ma juaiconapa, lan xanuc' latets'i'ma.

¹³ Iya' camilhuo', joupa i'huamma Elías. Lan xanuc' ma to lixpıc'epa tołta'a i'e'epá itque. I'e'epá ma to muya'e' jilpe al Paxi Cataiqui' Linilingiya.

¹⁴ Icuaitsa pe lomana' locuenaıye ts'ilihuequi Jesús, jilpe ixim'me juaiconapa axpela' lan xanuc' efot'leyołtsi canumicay. Jouc'a timana' lomxiye nomuc'iyalepá locuxepa

ŁanDios. Iłne lomxiye tifuli'iyi cataiqui' ts'ilihuequi Jesús.
 15 Lixim'me Jesús lan xanuc' ixoconni quileta. Aiquicoł'mola',
 iyoyunca, inontsa.

16 Jesús icuis'e'mola' lomxiye nomuc'iyalepá locuxepa
 ŁanDios, timila':

—Imanc', ¿te colicuis'epola' iłne lalihuequi?

17 Jiłpiya lefołya anuli cal xans ipalai'ma, timi Jesús:

—Momxi, ailec'mehuo' łai'hua. Itsufaipa conta'a. Iłque
 łonta'a i'e'epa ata'ay. 18 Łonta'a mulij'ma łai'hua tecanghuaispa.
 Tijouł'a łai'hua ti'i quipehuoxco lico, ti'ıl'ca li'ay, tuhuaque-
 mma. Aixa'hue'mola' lihuejhuo' tipa'ate łonta'a. Aiqui'ic'
 quilipa'e.

19 Jesús italai'e'ma, ticua:

—Itsiya litine imanc' nołmana' fa'a li'a łamats'
 aimoł'huaiyijnyi ŁanDios, olanajpołtsi. Iya' cacua, coł'a
 aicapajncona'ma pe lołmana'. ¿Te iya' ti'hua caxnet'ł'ma?
 Ałec'metsi ło'hua.

20 Iłecontsa łamijcano. Aiquicoł'ma, lixim'ma łonta'a Jesús,
 ife'ne'ma ujfxi łamijcano. Iłque ecanghuaitsi, ti'huałtsay,
 ipa'a'ma ipehuoxco lico. 21 Jesús icuis'e'ma qui'ailli' łamijcano,
 timi:

—¿Tojua camats' tołta'a mi'i ło'hua?

Italai'e'e'ma timi:

—Caca'hua. 22 Łonta'a tummetsay, tecajm-maispa laja'
 jouc'a titanc'aispa łunga. Tehuay te co'iya mima'aya. Itsiya
 ja'ni nipajnya, ¡ałtoc'itsonga! ¡Ałsintsonga' ninc'icuanuc'la!

23 Jesús timi cal xans:

—¿Te całmicopa: “Ja'ni nipajnya”? Ja'ni ima' ał'huaiyijnla',
 ti'i'ma. Naiłne lał'huaiyijmpa ałsim'ma iya' nipajnya, ałsim'ma
 jahuay ti'i'ma ca'e'ma.

24 Aiquicoł'ma, qui'ailli' łamijcano ija'a'ma ujfxi, timi Jesús:

—Ca'huaiyijnhuo', ¡ałtoc'ıta' ca'huaiyijntso' xonca!

25 Ixim'mola' Jesús tiłoc'olaiyumma xonca lan xanuc',
 itale'ma łonta'a, timi:

—Ima' monta'a, ima' o'e'epa atape y ata'ay iłca'a
 łamijcano. Iya' cacuxe'ehuo', ¡taipanni iłca'a łamijcano!
 Aimotsufaiconama.

26 Łonta'a ija'a'ma. Ife'ne'ma ujfxi łamijcano. Ipananni.
 Łamijcano i'i'ma to łomapa. Axpela' lan xanuc' ticuayi: “Joupa
 imanapa”. 27 Jesús i'noł'e'ma limane icutsu'ma łamijcano, iłque
 ecaxna'ma.

28 Lijou'ma litsufłai'me lajut'ł Jesús jouc'a ts'ilihuequi, mi-
 mana' quıłtuca' iłne icuis'e'me, timiyi:

—İllanc', ¿te cał'icoponga' aicalipa'e łonta'a?

29 İtalai'e'e'mola', timila':

—Ticuicomma tolsa'huele LanDios, aimoŋtetso'me, toŋsnet'He. Ja'ni a'i, aimi'iya molipa'ayacola' iŋniya lontahue.

³⁰ Ipalunca jilpiya. Tuyalaicoyi al distrito Galilea. Jesús ticua: “Aimicuej'me lan xanuc' pe laifpa'a”. Ipic'a timajne quiluca' itque y ts'ilihuequi. ³¹ Mimuc'ila' timila':

—Iya' itque cal Xans Liximpa cal profeta pu'hua lema'a. Aŋcu'ma, aŋnoŋ'ma lan xanuc', aŋma'a'ma. Afane' quitine, camaf'ina'ma.

³² Iŋe aiqulicueca ite lonespa Jesús. Aiquilicuis'e. Tix-pailiquila'.

³³ Icuaiyocontsa liŋya' Capernaum. Mimana' lajutŋ, Jesús icuis'e'mola' ts'ilihuequi, timila':

—¿Te cataiqui' cofuli'icopoŋtsi maŋeyi lane?

³⁴ Iŋniya aiqulitalai'e. Miyeyi lane tifuli'iyopoŋtsi cataiqui' naitsi itque xonca cal te'a. ³⁵ Jesús icutshuai'ma, ijoc'i'mola' limbamaj coquexi', timila':

—Cal xans ts'ipic'a ti'ila' cal te'a, ti'e'exoxi laquijoujma, ti'e'exoxi to laquintahuaicopa lif'as xanuc'.

³⁶ Exaŋ'u'ma anuli lahuac'hua. Ecaxu'e'mola' ts'ilihuequi. Ipulc'o'ma, timila' ts'ilihuequi:

³⁷ —Naitsi napenufya anuli lahuac'hua to itca'a, ja'ni tinesla': “Jesús ti'ay capic'a itca'a lahuac'hua, iya' jouc'a capenuf'ma”, itque linca lapenufi iya'. Naitsi nalapenufpa iya' a'i ma le'a iya' lapenufi, lapenufinga' jouc'a Lalumpepa.

³⁸ Juan timi Jesús:

—Momxi, aŋsimpá anuli cal xans tipa'ala' lontahue. Itque ticuaj'mi lopuftine. Illanc' aŋcuanac'epá. Itque a'i catejmale.

³⁹ Jesús timila':

—Aimoŋcuanac'e'me. Anuli cal xans no'epa acueca' micuaj'mi laipuftine, itque cal xans aimañesc'eya cataiqui'. ⁴⁰ Iŋe lan xanuc' ja'ni aimañ'enga' laic' tama a'i maŋejmaleyi, iŋe linca aŋtoc'inga'.

⁴¹ 'Iya' camilhuo' al linca: Cal xans naimetsaicopolhuo' imanc' alihuequi iya', ja'ni tinesla': “Iŋe ilihuequi cal Cristo. Cuhui'i'mola' quijja'”, itque cal xans tipa'a lolijya, LanDios tipaxne'ma.

⁴² 'A'ijc'a loyaicoya cal xans naimenac'iya anuli iŋna'a la'uhuay, iŋe aŋ'huaiyinge iya'. Coŋa' ifinc'im'me lejoc' anuli cal cuecaj capic molino, coŋa' ecajm'mim'me laja. Coŋa' ima'ma ate'a ai'a ti'e'ma iŋiya lixcay.

⁴³ 'Ja'ni lomane ti'e'ma lixcay, itatejla' nulemma! Ja'ni tocuaitsi al muf petsi lunga aimipica, ¿te cof'ecoya oque' lomane'? Tama le'a anuli lomane, ja'ni ti'i'ma totsufaita petsi lopitine aimijouya, xonca al c'a toyaicota.

44-46 'Ja'ni lo'mis ti'hua'a'mo' petsi to'e'ma lixcay, ¡tatejla' nulemma! Ja'ni tecajm-mitso' al muf, ¿te cof'ecoya oque' lo'mitsi'? Tama le'a anuli lo'mis, ja'ni ti'i'ma totsufaita petsi lopitine aimijouya, xonca al c'a toyaicota.

47-48 'Ja'ni lo'u timenac'ihuo', ¡taipa'ala! Ja'ni tecajm'mitso' al muf petsi lapimí aimimala', ti'hua titeji, petsi aimijaf'que latełcoya, aimipica lunga, ¿te cof'ecoya oque' lo'u'? Tama ma le'a anuli lo'u, ja'ni ti'i'ma totsufaita petsi tihuejcoyi ŁanDios, iłque cal Cuecaj Rey, xonca al c'a toyaicota.

49 'Jahuay łotsufconyacu ŁanDios tucuicomma tetenłinte, tołiya ti'em'me co'hue, tołe ŁanDios tepenuf'ma. Jouc'a lan xanuc' liłpicuejma' tucuicomma tetenłintsola', tucuicomma titełco'me, tołe ŁanDios tepenufna'mola'.⁵⁰ Lo'hue ipenic'. Ja'ni tejac'la' lic'a, ¿te conf'ecoyacu lo'hue? Imanc' aimi'i'molhuo' to iłque lo'hue łejac'pa lic'a. Aimolfuli'i'molłtsi cataiqui'. Tołnanc'otsolłtsi.

10

¹ Jesús ipanni al distrito Galilea, icuaitsi al distrito Judea. He łamats' locuena liju' al cuecaj panaj Jordán. Icuaiyocona'me axpela' lan xanuc' jilpe pe lopa'a Jesús. Iłque ma to mi'ay timuc'iyale. ² Icuaiyunca jouc'a lam fariseo. Ehuaicona'me, icuis'e'me:

—¿Te cal xans nipajnya tecanai'ma lipeno, o aimi'iya?

³ Jesús italai'e'e'mola', timila':

—¿Te quiniłpa Moisés? ¿Te coya'apa lonł'eyacu?

⁴ Italai'e'e'me, timiyi:

—Moisés iniłpa: “Cal xans tiniłła' anuli lije'e lacanaicoya lipeno. Tijouł'a tecanai'ma.”

⁵ Jesús timila':

—Moisés ixina' ata lołpicuejma' imanc', tołta'a quiniłcopa.

⁶ Al te'a a'i tołta'a licuxeyalepa ŁanDios. Lilanc'epa li'a łamats' ŁanDios ilanc'e'mola' “... cal xans y łaca'no'”. ⁷ Icu'a'ma: “Cal xans tipo'no'mola' qui'ailli' qui'máma', tileco'ma lipeno. Tejonłi'molłtsi. ⁸ Loquexi' ti'e'e'molłtsi to anuli le'a.” Tołta'a i'ipola' anuli, a'i oquexi'. ⁹ ŁanDios ixpic'epa tołta'a tejonłi'mola', tołta'a ti'e'e'mola' anuli. Lan xanuc' aimi'iya menajyacola'.

¹⁰ Licuaitsa lajut'ł ts'ilihuequi Jesús icuis'e'me to joup'a licuis'epa lan xanuc' fariseo. ¹¹ Jesús timila':

—Tama cal xans tecanaıł'a lipeno, ma' ipeno. Ja'ni tilecoł'a' ocuena caca'no', ixcay iłe lo'eya. Ma' anuli lo'eya to iłne nahuepá quileca'no'. ¹² Jouc'a łaca'no'. Tama tecanaıł'a' lip'e'ailli', ma' ipe'ailli'. Ja'ni tihuejla' ocuenaj xans ixcay iłe lo'eya. Ma' anuli lo'eya to lacał'no' nahuepá quiłxanuc'.

¹³ Jiłpiya pe lopa'a Jesús ticuai'enspola' la'uhuy. Tixa'hueyi tixpayaf'tsola', tipaxnetsola'. Ts'ilihuequi Jesús italem'mola' ihniya ts'ilejma quihaxque'. ¹⁴ Jesús lixim'mola' ts'ilihuequi tołta'a lo'epa aiqutenłcocojma, ixtuc'o'mola'. Timila':

—Aimołpa'ne'mola' la'uhuy. Tiyounca pe laifpa'a. Lan xanuc' notsuflaiyacu pe locuxeyopa ŁanDios ti'onłcospola' to ihna'a la'uhuy. ¹⁵ Iya' camilhuo' al linca: Cal xans ja'ni jahuay łunxajma' tihuequi litaiqui' ŁanDios locuxepa, ma to laihuejpa la'uhuy, itque cal xans titsufai'ma pe lopa'a ŁanDios. Ja'ni a'i, aimitsufaiya.

¹⁶ Jesús ipulc'o'mola' la'uhuy, ixpayaf'mola', ipaxne'mola'.

¹⁷ Ipango'ma ti'hua'ma Jesús, icuaico'ma anuli cal xans tinu. Exc'onłngai'ma Jesús, icuis'e'ma:

—Cunc'a comxi, ¿te caif'eya culijla' laipitine aimijouya?

¹⁸ Jesús timi cal xans:

—¿Te całmicopa iya' ninc'a? Le'a ŁanDios copa'a cal C'a. Ailopa'a cocuena. ¹⁹ Ima' oxina' locuxepa ŁanDios. He lataiqui' tuya'e': “Aimoxhuico'ma ocuena caca'no', ma le'a łopeno. Aimoma'ahuale'ma. Aimonantse'ma. Ja'ni topalaicotsola' lof'as xanuc' tonesla' al linca, aimofel'miyale'ma. Taihuejco'mola', totoc'i'mola', co'ailli', co'máma'.”

²⁰ Cal xans timi Jesús:

—Momxi, całjoyomma ca'ay tołta'a, jahuay ihya.

²¹ Jesús ehuelojm'ma cal xans, etenłcoco'ma lipicuejma', timi:

—Linca, tipa'a lahue'epo'. To'huanła', tocujtsi jahuay ło'hueca. Al tomí lofmulijya tapi'itsola' pe lahue'epola'. Tołta'a ti'i'ma co'huexi jipu'hua lema'a. Tijouła' tocuaiococono pe laifpa'a, lihuej'ma.

²² Licuej'ma jiłe lataiqui' ic'ommai'ma. Acueca' juaiconapa hi'huexi. I'huana'ma tixhuełma.

²³ Jesús ehuelojm'mola' ts'ilihuequi, timila':

—Lan xanuc' ts'ih'huca juaiconapa afule mitsuflaiyacu pe locuxeyopa ŁanDios.

²⁴ Ts'ilihuequi aiquiłcueca jiłe lines'ma Jesús. Ticuayi: “¿Te conescopa tołta'a?” Jesús timiconala':

—Cunc'ainaxque', lan xanuc' no'huaiyijmpá hi'huexi afule mitsuflaiyacu pe locuxeyopa ŁanDios. ²⁵ ¿Te aga cal camello tuyaico'ma laquipihuo łacuxa? Iya' camilhuo': Cal xans ts'ih'huca juaiconapa tixim'ma xonca lipime mitsufaiya pe locuxeyopa ŁanDios.

²⁶ Licuej'me tołta'a ts'ilihuequi Jesús ixim'me ipime juaiconapa iłe lataiqui'. Imiconamłtsi:

—Aicałcueca iłe lataiqui'. ¿Te ailopa'a conłuya?

²⁷ Jesús ehuelojm'mola', timila':

—Lan xanuc' quiŧtuca' aimi'iya monŧu'eyacoŧsi. LanDios linca nipajnya tuntu'e'mola'. Iŧquiya jahuay nipajnya ti'e'ma, aimixina quipime.

²⁸ Pedro timi Jesús:

—Illanc' aŧpo'nonapá jahuay, lihuejhuo'.

²⁹ Jesús italai'e'e'mola' ts'ilihuequi, timila':

—Iya' camilhuo' al linca: Cal xans nocuapa: “Quihuequi Jesús, jouc'a quihuequi Lataiqui' loya'apa lixic'epa LanDios”, ja'ni joupa ipo'nopa lejut'ŧ, ipo'nopola' lipimaye o qui'máma' qui'ailli' o linaxque' o ŧemats', ³⁰ iŧque cal xans mipa'a fa'a li'a ŧamats' tulij'ma amaxnu xonca. Tama tihuetsoquinŧe tulij'mola' axpela' qui'máma', quipimaye, quinoxque', quejut'ŧi, quemats'. Ticuaitsi locuaicoya quitine tulij'ma lipitine aimijouya. ³¹ Axpela' lan tet'ŧa xanuc' ti'i'mola' lijoucola'. Jouc'a lijoucola', axpela' iŧniya, ti'i'mola' lan tet'ŧa.

³² Miyeyi lane tif'ajliyi Jerusalén Jesús i'huaj'me'mola' ts'ilihuequi, iyenc'e'me iŧniya. Tixhueŧmot'ŧeyi, ticuayi liŧpicuejma': “¿Te co'iya Jesús?” Lan xanuc' locuenaye tihuejyi tixpailiquila'. Jesús iŧojf'i'mola' limbamaj coquexi', u'i'mola' loyaicoya maŧque quituca'. ³³ Timila':

—Imanc' oŧsina' aŧf'ajliyi al cueca' quiŧya' Jerusalén. Iya' iŧque cal Xans Liximpa cal profeta pu'hua lema'a. Jiŧpiya aŧcunna. Lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, alacani'eta aŧma'anŧa' locuenaye xanuc', iŧniya a'i judío. ³⁴ Iŧniya aŧtaluntseta, aŧsuŧc'ota lai'a, luntafquinna, aŧma'ata. Afanej quitine camaf'ina'ma.

³⁵ Jacobo jouc'a Juan, iŧne linaxque' Zebedeo, iŧoc'otai'me pe lopa'a Jesús, timiyi:

—Momxi, aŧpic'a ima' lapi'itsonga' ma to laŧsahue'eyaco'.

³⁶ Jesús timila':

—¿Te ts'oŧpic'a? ¿Te caifnepi'iyacolhuo'?

³⁷ Iŧniya timiyi:

—Lapi'itsonga' lane aŧcuxeta anuli ima'. Aŧcutsingaito', anuli illanc' al c'a camane, locuena loxa camane.

³⁸ Jesus timila':

—Imanc' aicoŧsina', aicoŧcueca iŧe laŧsahue'epa. Aŧmiŧa': ¿Te imanc' nipajnya toluyalaico'me to iya' laifnuyaicoya? ¿Te nipajnya toŧteŧco'me to laifteŧcoya?

³⁹ Iŧniya timiyi:

—Nipajnya.

Jesús timila':

—Ma' alinca imanc' toluyalaico'me to iya' laifnuyaicoya. Toŧteŧco'me to iya' laifteŧcoya. ⁴⁰ Iya' aimi'iya camiyacolhuo': “Aŧcutsingaita anuli al c'a camane, locuena loxa camane”.

Ailopa'a toŋta'a laimane. LanDios joupa ixpic'epa naiŋne nocut-soŋaiyacu jilpiya. Ma' ihniya ticutsoŋaita.

⁴¹ Locuenaye limbama' ts'ilihuequi Jesús icuej'me lox-ahue'epa Jacobo y Juan. Ipango'me ixtulencia. ⁴² Jesús ijoc'i'mola', timila':

—Imanc' oŋsina' liŋ'ejma' lan xanuc' pe aimimetsaicoyi LanDios. Ine liŋpincuxepá ti'e'eyoŋtsi to lapoujnalá. Ts'ilpenic' ticuxenaiyi juaiconapa. ⁴³ Imanc' aimoŋ'e'me toŋta'a. Ja'ni anuli imanc' ipic'a ti'e'exoxi xonca acueca', iŋque titoc'itsola' lipimaye. ⁴⁴ Ja'ni anuli imanc' ipic'a ti'e'exoxi cal te'a, tix-pic'eŋa' titoc'itsola' jahuary lif'as xanuc'. ⁴⁵ Iya' iŋque cal Xans Liximpa cal profeta pu'hua lema'a. Laicuai'ma fa'a li'a ŋamats' aicanesqui: “Lan xanuc' aŋtoc'iŋa' iya”. Aicuaicoco'ma catoc'itsola', cacuŋa' laipitine. Ca'najcuf'mola' liŋjunac' axpela' lan xanuc', cunŋu'e'mola'.

⁴⁶ Icuaitsa liŋya' Jericó. Uyalaico'me liŋya', ipalunca. Axpela' lan xanuc' tihuejyi Jesús. Jilpe lema cane ticutsu anuli cal fo'. Tixa'hue quitomí. Iŋque cuŋtine Bartimeo, i'hua Timeo. ⁴⁷ Icuej'ma tinesyi lan xanuc': “Icuai'co'ma Jesús ŋas Nazaret”. Cal fo' ipango'ma ija'a'ma, timi:

—¡Jesús, ima' otatahuelo cal rey David! ¡Aŋsinŋa' nincuanuc'!

⁴⁸ Axpela' lan xanuc' itale'me, timiyi:

—¡Ti-ch'ixcotso'!

Tija'e' xonca ujfxi, ticua:

—¡Ima', otatahuelo cal rey David! ¡Aŋsinŋa' nincuanuc'!

⁴⁹ Jesús ecax'ma, icuxe'e'mola' lan xanuc', timila':

—Toŋjoc'ite cal fo'.

Ijoc'i'me, timiyi:

—Aimixpaij'mo', aimoxhueŋmot'ŋe'ma. Totsahuenni. Ti-joc'ihuo'.

⁵⁰ Cal fo' eca'ni'ma lipuquiya, iyuf'conni, ecax'ma. I'hua'ma icuaitsi pe lopa'a Jesús. ⁵¹ Jesús icuis'e'ma cal fo', timi:

—¿Te caif'e'eyaco'? ¿Te ts'opic'a?

Cal fo' timi:

—Momxi, aipic'a cahuetsaleŋa'.

⁵² Jesús timi:

—To'huanŋa'. Joupa aŋ'huaijijmpa, ixaŋconapo'.

Aiquicoŋ'ma, exilinanni li'u'. Ipango'ma ihuej'ma Jesús pe lotsepa.

11

¹ Tiyeyi lane ticuaita Jerusalén. A'ij culi' iŋe liŋya'. Icuaitsa lijuala Olivo pe lopa'a liŋelolŋya' Betfagé jouc'a Betania. Jesús umme'mola' oquexi' ts'ilihuequi, ² timila':

—Tonŋeŋe liŋya' lehuoc'ocojma. Jilpe loŋtsuflaiyacu liŋya' toŋsinna tifijnya anujnca anuli ŋa'hua burro. Iŋque cal

burro aiquenafcaiyinni. Toluhuałtsa. Toł'hua'anca. ³ Ja'ni ticuis'entsolhuo', timintsolhuo': “¿Te culuhuałcopa cal burro?”, imanc' tołtalai'e'e'me, tołmi'me: “ŁałPoujna ipicuiya tixhuicota. Tijouł'a' ticuai'enacu.”

⁴ Iye'me ts'ilihuequi. Ixintsa ła'hua burro tifijnya lane pe lopa'a al puerta. Uhuał'ma. ⁵ Oquexi' afantsi tecaxołanna jilpiya icuis'e'me, timinnila':

—Imanc', ¿te culuhuałcopa cal burro?

⁶ Ts'ilihuequi Jesús italai'enca ma to limipola'. Lan xanuc' icu'me lane, ileco'me.

⁷ Icuai'etsa ła'hua burro pe lopa'a Jesús. Ixpefi'me liłpijahua' lixpula' cal burro. Jesús icutsafcai'ma. ⁸ Axpela' lan xanuc' ixpou'me lane liłpijahua', ocuenaye ixpou'me imane' c'ec joupa ixquejpá. ⁹ Lan xanuc' ilej'me jouc'a ts'ilenc'e tija'ayi, ticuayi:

—¡Hosana! ¡ŁanDios tunłu'enatso', tipaxnetso'! ŁanDios um-mepo'. ¹⁰ ¡Ima' ałcuxe'monga' al c'a! ¡Ałcuxe'monga' to cal rey David licuxepola' lałtatahueló! ¡Tołta'a ałpaxne'monga' ŁanDios! İhne nomana' lema'a jouc'a tinesle: “¡ŁanDios tunłu'enatso'!”

¹¹ Jesús itsufai'ma liłya' Jerusalén. I'hua'ma al cuecaj xoute'. Joupa if'acolaipa. Ehuelojm'mola' lan xanuc', te ts'i'ic' lo'epa jilpiya. Ipanni. Jouc'a limbamaj coquexi' ts'ilihuequi iye'me lane liłya' Betania.

¹² Lihuequi litine ipalunca jilpe liłya Betania ipailiconamma Jerusalén. Miyeyi lane Jesús tunle'e. ¹³ Tehuelonge aculi' ixim'ma anuli la'icux. Ixim'ma tipa'a lipela. I'hua'ma ixinti al 'ec. Licuaitsi pe lopa'a al 'ec ixim'ma le'a ipela. Aiquicuaiya litine mimaqui li'as icux. ¹⁴ Jesús timi la'icux:

—Nij naitsi noteja lo'as icux. Aimi'ascona'mo'.

Ts'ilihuequi Jesús icuej'me lines'ma Jesús.

¹⁵ Licuaiconsa Jerusalén Jesús itsufaicona'ma pe lopa'a al cuecaj xoute'. Jilpiya ipango'ma ipa'a'mola' nocucalépá jouc'a no'najualépá. Ejualaif'e'e'mola' liłmesa ilhne nopai'ipaj tomí. Jouc'a nocujpá lan cucú ejualaif'e'e'mola' liletayats'. ¹⁶ İhne liłtaic' locujyacu aiquepi'ila' lane muyalaiyacu łuna xoute'. ¹⁷ Timuc'ila' lan xanuc' nomana' jilpiya, timila':

—Lataiqui' loya'apa locuxepa ŁanDios ticua: “Jilpe laine-jutł ticuaicu lan xanuc', ilhne tiyoyunca ni petsi li'a łamats', jilpe ałpalaic'o'ma”. ŁanDios ecuej'micopa ilta'a lejutł. It-siya tocomma a'i quejutł ŁanDios. Ti'onłcospa to łunts'ejá' pe lafołyomma lan namats'. Tołta'a lonł'epa imanc'.

¹⁸ Lixanuc' cal cuecaj ca'ailli' jouc'a lomxiye nomuc'iyalépá locuxepa ŁanDios icuej'me locuapa Jesús. Tixpaic'eyi Jesús, ticuayi:

—Jahuay lan xanuc' ilpic'a lomuc'iyalepa ilque.

Ehue'me te co'iya mima'ayacu. ¹⁹ Lif'acolaajma Jesús jouc'a ts'ilihuequi ipalconanca liya'.

²⁰ Lihuequi litine uyalaicocona'me male lane. Ixim'me la'icux joupa ijuhnapa jouc'a lime. ²¹ Pedro i'nujuaitsi lines'ma Jesús, timi:

—Momxi, itoxinta' la'icux! Ima' omi'ma cataiqui', joupa ijuhnapa.

²² Jesús italai'enni, timila' ts'ilihuequi:

—Imanc', ti'hua to'huaiyijnle LanDios. ²³ Iya' camilhuo': Cal xans no'huaiyijmpa LanDios nipajnya ticuxe'ma ilca'a lijuala, timila': “To'huala', to'nij'mixoxi laja”. Ja'ni ma ti'huaiyinge, ja'ni ailopa'a conesya, ilque tixim'ma ti'i'ma ma to licuxe'epa. ²⁴ Iya' camilhuo': Ja'ni to'huaiyijnny LanDios, ja'ni to'cuayi: “Joupa lapi'iponga' lalsahue'epa”, iliya linca tepi'i'molhuo'.

²⁵ 'Molpalaic'oyi LanDios, ja'ni tolixuc'oyi anuli lo'pima aimi'hua molixuc'ocona'me. Ilque lo'pima tolimenc'e'ecote lixcay li'e'epolhuo'. To'ta'a co'Ailli' Nopa'a lema'a timenc'e'eco'molhuo' jouc'a lixcay lo'epa. ²⁶ Ja'ni aimolimenc'e'ecoyi, co'Ailli' Nopa'a lema'a jouc'a aimimenc'e'eyacolhuo'.

²⁷ Icuaiyocontsa liya' Jerusalén Jesús ti'hua jilpe luna al cuecaj xoute'. Lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, jouc'a lan xanuc' noxpipjá lataiqui', iloc'olai'me pe lopa'a Jesús, ²⁸ timiyi:

—¿Naitsi nummepo' to'ela' to'ta'a? ¿Naitsi nepi'ipo' lane?

²⁹ Jesús timila':

—Iya' quicuis'e'molhuo' jouc'a. Ahtalai'ela'. Tijoula' cami'molhuo' naitsi nalapi'ipa laimane ca'ela' to'ta'a. ³⁰ Lu'ila': ¿Naitsi nepi'ipa limane Juan tepo'itsola' lan xanuc'? ¿Ja'ni LanDios nepi'ipa o ma le'a lan xanuc' epi'i'me?

³¹ Iniya ticuis'eyo'tsi, timiyot'si:

—Ja'ni a'hmite: “LanDios epi'ipa limane”, Jesús a'hmimonga': “¿Te aicolapenufi ilque?” ³² O ¿a'hmite: “Lan xanuc' epi'ipá limane”? A'i, aimi'iya ma'hmiyacu to'ta'a. Lixuc'o'monga' lan xanuc'.

Ihe lixanuc' cal cuecaj ca'ailli' jouc'a lomxiye nomuc'iyalepá locuxepa LanDios tixpailiquila'. Lan xanuc' ticuayi: “Juan Bautista aprofeta, LanDios ummepa”.

³³ Italai'e'e'me Jesús, timiyi:

—Aicatsina'.

Jesús timila':

—Iya' jouc'a aicamiyacolhuo' naitsi nalapi'ipa laimane.

12

¹ Jesús ipango'ma i'onfico'ma lo'epa LanDios fa'a li'a lamats'. Timila':

—Anuli cal xans ifapa lemats' laifa' uva. Eti'ico'ma aitał. Ipupa pe lotsuj'miyacu loxoc'eyonyacu lan 'uva, tipa'a'me laquija'. Ilanc'e'ma anuli li'nof'quiya lajut'ł, jilpiya tipajm'ma no'eya cuenna lan 'uva. Icu'ma lemats' lan xanuc' ti'etsa canic', tulij'me onłca laipammaiya. Aculi' i'hua'ma. ² Licuaitsi litine lipammaitsi lan 'uva umme'ma anuli limozo. Timitola' lin'epá canic': "Lapi'ila' li'huexi laipoujna". ³ Lin'epá canic' i'nof'me cal mozo. Ummena'me. Aiquilepi'i. ⁴ Lapoujna ummecona'ma ocuena quimozo. Licuaitsi jilpiya lin'epá canic' ixcai'e'me lijuac, imiloj'me cataiqui'. ⁵ Ummecona'ma ocuenaj mozo. Iłque cal mozo ima'a'me. Ummecona'mola' axpela' ocuenaye. Untafem'mola' jouc'a ima'am'mola'.

⁶ 'Ipanenni ma le'a anuli naitsi łommeya. Iłque i'hua, ti'ay capic'a juaiconapa. Umme'ma. Icu'a'ma: "Tixpaic'eta łai'hua". ⁷ Lin'epá canic' timiyoltsi: "Iłque i'hua lipoujna camats'. Alma'ate. Tijoula' alma'ate illanc' ticuainata calmane cal 'huexi." ⁸ Iłne i'nof'me łamijcano, lima'a'me, ipa'a'me iłe łamats' pe lifapa laifa'.

⁹ 'Lipoujna camats', łte co'e'eyacola' iłne lin'epá canic'? Iya' camilhuo': Lapoujna ti'hua'ma pe lomana' iłniya lan xanuc', tima'atola'. Lemats' lifapa laifa' uva tepi'i'mola' ocuenaye lan xanuc'.

¹⁰ 'Łte a'i colsuc' al Paxi Linilngiya loya'apa te ts'i'ic' lo'iya? Ticua:

Łapic łetets'ipa nolanc'epá lajut'ł, i'ipa xonca laicuicoya. Iłque łapic xonca tilanc'e łaitał aimecangeya lajut'ł.

¹¹ ŁanDios łalPoujna tołta'a łecuej'micopa.

Illanc' alsinyi acueca' iłe li'ipa.

¹² Lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios ixtuc'o'me Jesús, ticuayi: "Iłque Jesús al'onlıcongá' to iłne lixcay lin'epá canic' jilpe łamats' lifampa cal 'uva". Ehue'me te co'iya mi'nołyacu Jesús. Ailopa'a qui'e'epa. Tixpaic'ennila' lan xanuc'. Ipo'no'me jilpe. Iyena'me.

¹³ Ummem'mola' lan xanuc' fariseo jouc'a lixanuc' cal rey Herodes. Ticuis'mot'leta Jesús. Tehuaita. Ehue'me te co'iya micufyacu. ¹⁴ Icuaitsa, timiyi Jesús:

—Momxi, alsina' ima' tonesqui al linca. Aimahuay latentłcocopola' lan xanuc'. Ma' anuli topalaic'ola' jahuay. Aimahuelongila' ja'ni i'huca o aiqui'huca. Tomuc'iyale lipene ŁanDios. Itsiya licuis'ehuo', łte al'najtse'eta al tomí łalsahue'eyacongá' cal cuecaj quincuxepa, iłque César? O łaima'łnajtse'eyacu? Alu'itsonga', łnipajnya o aimi'iya?

¹⁵ Jesús ixina' te ts'i'ic' liłpicuejma' iłniya. Iłpic'a tifel'miłe. Ma le'a ti'e'eyoltsi to lan c'a xanuc'. Timila':

—Łte calahuaicopa? Alta'etsi anuli al tomí, caxinla'.

16 Itai'etsa. Jesús icuis'e'mola', timila':

—Ita'a al tomí, ¿naitsi ilca'a ts'i'a? ¿Naitsi ita'a ts'ipuftine?

17 Italai'e'e'me, timiyi:

—Li'a César, lipuftine César.

Jesús timila':

—Ja'ni i'huexi César, tolapi'ile César. Ja'ni i'huexi LanDios, tolapi'ile LanDios.

Licuej'me Jesús litalai'epola' icuapá:

—¡Xinla'! Acueca' lipicuejma' Jesús.

18 Lijou'ma icuaitsa pe lopa'a Jesús lan xanuc' saduceo. Ihe naihuejpá lataiqui' loya'apa: “Lan xanuc' tima'mola' nulemma, aimimaf'iyacu”. Jouc'a tehuaiyi Jesús, icuis'e'me, timiyi:

19 —Momxi, pe linitpa Moisés alcuxenga', tuya'e': “Cal xans tima'la', ma' imaf'i' hipeno ailopa'a qui'hua, hipima tileco'ma hi'maxi. Tipajntsi qui'hua tecui'i'me lipuftine limanapa. Timet-saicom'me to qui'hua limanapa. Tepi'im'me hi'huexi limanapa.”

20 Itsiya lu'i'mo' li'ipa.

'Timana' acaitsi lapimaye. Cal te'a ileco'ma hipeno. Ailopa'a qui'hua. Imanapa. 21 Lipima limanapa ileco'ma hi'maxi. Ailopa'a qui'hua, jouc'a imana'ma. 22 Jouc'a locuena hipima ileco'ma hi'maxi. Ma' anuli uyaico'ma. Locuenaye amalujxi lipimaye ma to'la'a luyalaico'me. Jouc'a ileco'me hi'maxi, anuli anuli imana'mola'. Aiquilsina' qui'hua. Lijou'ma imana'ma laca'no' jouc'a. 23 Lan caitsi joupa ilecopá laca'no'. Itsiya lu'itsonga': Ticuaitsi litine timaf'ináte limanapola', ¿naitsi co'iya hipe'ailli'?

24 Jesús timila':

—Imanc' timenaquilhuo'. Aico'sina' loya'apa al Paxi Liniñingiya, aicolimetsaijma al cuecaj lo'epa LanDios. 25 Timaf'ináte lan xanuc' tipalnacu pe lomana' limanapola', ihniya aimemalliyacu, ni lacu'hue ni laca'no'. Ti'on'cotola' to lapaluc' quema'a.

26 'Imanc' to'cuayi: “Aimimaf'iyacu limanapola'”. ¿Te aico'suec' linitpa Moisés? Ji'pe tuya'e' li'ipa litine lonajpa lac'ec. Ihe litine LanDios timi: “Iya' NanDios, ilenDios Abraham, Isaac y Jacob”. 27 LanDios a'i quilenDios limanapola'. I'que ilenDios ts'ihmaf'i'. Imanc' juaiconapa timenaquilhuo'.

28 Ji'pe tipa'a anuli lomxi nomuc'iyalepa locuxepa LanDios. Tiquimf'e ihnu'hua laicuis'mot'lepa Jesús, ticueca Jesús titalai'e'ela' al c'a. Ipalaic'o'ma Jesús icuis'e'ma, timi:

—¿Te copa'a xonca al cueca' lataiqui' locuxepa LanDios?

29 Jesús italai'e'ma, timi:

—Ihe lataiqui' xonca al cueca' tuya'e': “A'quimf'ela', imanc' ixanuc' Israel. LanDios, lalanDios, ma' i'que anDios. Ailopa'a cocuena. 30 Ima' to'nujuaitsi LanDios lo'Poujna. I'que omenDios.

Taihuejla' jahuay łomunxajma', jahuay ło'alma, jahuay łopicuejma', jahuay łopujfxi.” ³¹ Locuena łataiqui' locuxepa ŁanDios tuya'e': “Ima' to'eyoxi capic'a. Ma łolta'a to'ela' capic'a łof'as xans, naitsi łoftalecufya.” İhna'a atsila' cataiqui'. Xonca atsila' ailopa'a.

³² Łomxi timi:

—Momxi, ac'a łotaiqui' łonespa. Ma' al łınca łofcuapa. Tipa'a anuli ŁanDios, ailopa'a cocuena. ³³ Ał'nujuaisle ŁanDios, alihuejle jahuay łalunxajma', jahuay łalpicuejma', jahuay łalpujfxi. Ał'etsola' capic'a łal'as xanuc' ma to mał'eyołtsi capic'a. Ja'ni łolta'a ał'eyi, ticuaispa quipic'a ŁanDios. Ja'ni aimal'eyacola' capic'a łal'as xanuc', tama ałtsufcole łopi'epa jilpe al altar, ille łal'ejma' aimicuaispa quipic'a ŁanDios.

³⁴ Jesús ixim'ma łomxi ac'a łipicuejma'. İtalai'e'e'ma, timi:

—Ahuata łahue'epo' motsufaiya pe locuxeyopa ŁanDios, ilque cal Cuecaj Rey.

İljou'ma ailopa'a quicuis'epa, ni anuli. İhsina' tulijna'mola' Jesús.

³⁵ Mipa'a Jesús pe łopa'a al cuecaj xoute' ti'hua łimuc'ila' lan xanuc'. Timila':

—Łomxiye nomuc'iyalepá locuxepa ŁanDios ticuayi: “Cal rey David itatahuelo cal Cristo”. ¿Te conescopa łolta'a?

³⁶ İtuca' łonespa ilque cal rey David. Muya'e' łataiqui' lu'ipa cal Espıritu Santo tuya'e':

ŁanDios ipalaic'o'ma łaiPoujna, timi:

“Tocutsaila' jifa'a al c'a camane.

Topanehuo fa'a, iya' mi'hua culiquila' lo'epo' laic'.

Tijouł'a, ima' tocuxena'mola'.”

³⁷ Małque David inesco'ma cal Cristo, ticua “... łaiPoujna”. Ja'ni David itatahuelo cal Cristo, ¿te conescopa łolta'a?

Axpela' lan xanuc' noquimf'epá łomuc'iyalepa Jesús icuaitsi quılpic'a juaiconapa łitaiqui'.

³⁸ Mimuc'iyale Jesús tu'ila':

—Tołpo'nołe cuenna, aimifel'mi'molhuo' łomxiye nomuc'iyalepá locuxepa ŁanDios. İhniya ilpic'a tipo'nołe ilłijahua' axehuay, tiyelocota to lan tsilaj xanuc'. Miyelocota jipu'hua pe łomana' axpela' lan xanuc', ilpic'a tinonintsola'.

³⁹ Łajut'hi pe łafolyomma lan xanuc' ilpic'a ticutsołaiıe xonca jipu'hua li'huáqui. Ja'ni tijoc'innila' tixmocota ilpic'a ticutsołaiıe petsi locutsołaiıyacu lan tsilaj xanuc'.

⁴⁰ Tijoutsaf'ennila' il'huexi łacał'no' lam potsateya. Mi'eyi łolta'a ti'e'eyołtsi to lan c'a xanuc'. Ticołi łipalaic'oyi ŁanDios. Tijouł'a, xonca titeł'mi'mola' ŁanDios.

⁴¹ Jesús ticutsu al cuecaj xoute' tehuelongila' lan xanuc' mi'nij'mi'me ilłomı jilpe al caxax. Axpela' lan xanuc'

ts'ih'hueca xonca ti'nij'miyi acueca'. ⁴² Icuaitsi jilpiya anuli łaca'no' apotsate. Ailopa'a caquitomí. I'nij'mi'ma oque' al tomí acobre. Ailopa'a quipitali. ⁴³ Jesús ijoc'i'mola' ts'ilihuequi, timila':

—Iya' camilhuo' al linca: Iłque cal potsate, aici'hueca, uli-jpola' locuenaye. Etoj'mipa xonca. ⁴⁴ Locuenaye ni'nij'mipá liłtomí jilpe, ihniya aimehue'ela'. Tipanemma acueca' liłtomí. Iłquiya łaca'no' ailopa'a quipaneya, etoj'mipa jahuay, ailopa'a co'nacoya łoteja.

13

¹ Mipalumma al cuecaj xoute' Jesús jouc'a ts'ilihuequi, anuli ts'ihuequi timi Jesús:

—Momxi, ¡toxina! ¡Atsila' iłne lopic' lilanc'ecompa al xoute'! ¡Atsila' łajut'li! ² Jesús timi:

—Itsiya toxina ihnu'hua atsila' łajut'li. Ticuaihuo litine jahuay tetełquehuo. Ni anuli łopic mipo'nof'queya łocuena capic.

³ Micutsu Jesús lijuala Olivo, al huenajmay al cuecaj xoute', Pedro, Jacobo, Juan jouc'a Andrés iłoc'olai'me pe lopa'a. Icuis'e'me, timiyi:

⁴—Lu'itsonga', ¿te quitine mi'ya lofnespa? ¿Te co'ya mi'ya całsina' aimicołya lo'ya ihya? ¿Te jale małsinyacu?

⁵ Jesús ipango'ma u'i'mola' timila':

—Tołpo'nołe cuenna. Ja'ni a'i tifel'mi'molhuo'. ⁶ Ticuaicu axpela' linfel'miyale, tines'me anuli anuli: “Iya' ninCristo, ŁanDios alummepa”. Iłniya tifel'miyale'me. Axpela' lan xanuc' tepenuf'me liłtaiqui'.

⁷ 'Imanc' tołcuej'me tifulenni jouc'a tifulem'me. Aimix-pailij'molhuo'. Ma tołta'a ti'i'ma. Ticoł'ma locuaicoya Lijoujma Quitine. ⁸ Lan xanuc' nomana' anuli al nación tix-tuc'o'me, tifule'me lan xanuc' locuenaj nación. Lixanuc' anuli cal cuecaj quincuxepa tifule'me lixanuc' łocuena cal cuecaj quincuxepa. Ni petsi tinu'ma łunanto, ti'i'ma cumemma. Ma ti'onłcota to łipumla łaca'no', tołta'a tipango'ma al cueca' latełcoya.

⁹ 'Tołpo'nołe cuenna. Ticum'molhuo', ticuaita liłmane lan tsilaj xanuc' noxpijpá lataiqui'. Tilecom'molhuo' łajut'li pe lafołyomma lan xanuc'. Jilpe tipam'molhuo'. Imanc' ts'alihuequi, tołta'a lan xanuc' tixtuc'o'molhuo'. Tilecom'molhuo' pe lomana' lincuxepá jouc'a pe lomana' lan rey. Tołta'a iłne lan xanuc' ti'ila' quilsina' naitsi iya'. Imanc' tulu'i'mola'.

¹⁰ 'Ai'a ticuaihuo Lijoujma Quitine ni petsi li'a łamats' tuya'am'me te ts'i'ic' lixpicepa ŁanDios, iłe lataiqui' ac'a loya'apa. ¹¹ Litine ti'nołintsolhuo', tilecotsolhuo' pe lomana'

lincuxepá, aimoꝥsueꝥmot'le'me. Aimoꝥcua'me loꝥpicuejma': "¿Te caꝥtalai'e'ecoyacu?" Maꝥpe al 'hora ꝥanDios tepi'i'molhuo' loꝥpicuejma' toꝥtalai'eco'me al c'a. He loꝥnesyacu a'i coꝥtaiqui' imanc', ma' itaiqui' cal Espíritu Santo. Iꝥque tipo'no'i'molhuo' loꝥpicuejma'.

12 'ꝥapima tiku'ma lipima tima'anꝥ. Cal xans tiku'ma li'hua. La'uhuyay titsolicu, tixtuc'o'me quii'ailli' quii'máma'. Tiku'moꝥtsi, tima'antsola'. 13 Imanc' ts'alihuequi ni petsi loꝥmanc'eyacu lan xanuc' ti'ejco'molhuo' laic'. Ja'ni toꝥsnet'i'me, ticuaitsi Lijoujma Quitine tolunꝥul'me.

14 'Ma to luya'apa cal profeta Daniel toꝥta'a lo'iya. He pe ꝥanDios tilaiqui tipo'nom'me petsi ailopa'a lane mipo'nonyacu.

(Naitsi noxhuef'iyacola' iꝥta'a lataiqui' ticuec'eꝥa'.)

'Ti'iꝥa' toꝥta'a lo'iya, ja'ni toꝥmana' al distrito Judea, tolinul—le, toꝥ'ajle hijualay. 15 Ja'ni topa'a al toncay lomejut'ꝥ aimaimuhuo motsufai'ma lomejut'ꝥ. Aimocua'ma: "Tipa'a laifpa'aya". Aimicoꝥ'mo'. Ma tainuꝥa'. 16 Ja'ni topa'a pu'huanni cal 'ec, aimopaiconahuo mommaf'huo lopuquiya. Ma tainuꝥa'.

17 'Acuanuc'la lacaꝥ'no' linnaila' jouc'a notoc'alepá. He litine juaiconapa titeꝥco'me. 18 Toꝥsa'hueꝥe ꝥanDios aimicuaihuo lateꝥcoya litiné caxita.

19 'Li'a ꝥamats' tama joupa ixhuaita axpe' camats' mipa'a, lan xanuc' nomana' aiquiteꝥma to loteꝥcoyacu iꝥe locuaicoya quitine. Tijouꝥa' aimiteꝥcoconayacu toꝥta'a. 20 Ja'ni ꝥanDios tixpic'eꝥa' ticoꝥtsola' iꝥne litiné ailopa'a conꝥuya. Joupa ixpic'epa aimicoꝥyacola' iꝥne litiné. Tixinnila' cuanuc'la lixanuc' jꝥiꝥne li'huij'epola', ipic'a tunꝥul—le.

21 'Jꝥiꝥne litiné ja'ni timintsolhuo': "¡Toꝥsinꝥe! Jifa'a icuai'ma cal Cristo", o "Jipu'hua icuaita", aimoꝥ'e'me linca liꝥtaiqui'. 22 Ticuaicu lan xanuc' nonespá: "Iya' ninCristo", o "Iya' ninprofeta. Iya' canesqui lalupa ꝥanDios." Iꝥniya infel'miyale. Ti'e'me al cueca'. Iꝥpic'a tinesle lan xanuc': "Iꝥque linca ummepa ꝥanDios". Ma le'a tifeꝥ'miyaleyi. Coꝥta' tifeꝥ'mintsola' jouc'a li'huij'epola' ꝥanDios. Aimi'iya mifeꝥ'minyacola'. 23 Toꝥpo'noꝥe cuenna. Joupa nu'ipolhuo' jahuay iꝥe lo'iya.

24 'Tijoutsola' iꝥne litiné cateꝥcoya ticuaihuo litine: "Timufc'o'ma cal 'ora, cal mut'ꝥa aimepalc'o'iya. 25 Lan xamna timeꝥcoꝥecu lema'a, jahuay lopa'a jꝥiꝥpe lema'a tife'nem'mola'." 26 Tijouꝥa' aꝥsim'ma iya'. Iya' iꝥque cal Xans ꝥiximpa cal profeta pu'hua lema'a. Caculaiconanni lummahuay quimuyohuo. Aꝥsim'ma ninCuecaj Rey. Aꝥsim'ma aꝥ'onꝥspa ma to ꝥanDios. 27 Jꝥiꝥe litine cumme'mola' lainepaluc' quema'a tiyeꝥe tefoꝥ'tentsola' laixanuc' lai'huij'epola'. Tileconnola' ni

petsi lomana', ihne nomana' lo'huayomma lahua', nomana' lotsepa lahua', nomana' pe liyuf'ma cal 'ora, nomana' pe lof'acaiyopa cal 'ora. Jahuay lipitoqui lipexpats'qui li'a lamats' tileconnola'.

²⁸ Lo'ipa al 'ec 'icux ti'onkospa to lo'iya. ¡Tołcuejle! Tołsinle tuxcuaf'ela' limane' al 'ec 'icux ti'i'ma cołsina' icuaico'ma linu'. ²⁹ Jouc'a litine tołsinle lo'ipa ma to lainu'ipolhuo' ti'ila' cołsina' joup'a aicuaico'ma. ³⁰ Iya' camilhuo' al linca: Litiné ti'ila' to laifmipolhuo', lan xanuc' nomajnyacu fa'a li'a lamats' ti'onkola' to lan xanuc' nomana' fa'a itsiya litine. Anuli ti'i'ma liłpicuejma'. ³¹ Lema'a jouc'a li'a lamats' tijou'mola'. Laitaqui' aimijouya.

³² 'Nij naitsi ts'ixina' litine ni al 'hora cacuaiconaya. Aiquilina' lapaluc' quema'a, ni iya' i'Hua LanDios aicaixina' jouc'a. Ma le'a cai'Ailli' linca ixina'.

³³ 'Imanc' tołpo'note cuenna. Ti'hua tołmaf'ile. Aimi'i'molhuo' to noxmaipá. Tipantsi cumlata. Ti'hua tołsa'huele LanDios. Aicołsina' te quitine cacuaiyoconno.

³⁴ Itsiya lo'ipolhuo' imanc' ti'onkospa to li'ipola' lam mozó mi'huana'ma liłpoujna. Iłque łapoujna epi'ipola' liłmane ti'ele cuenna lajut'ł. Epi'ipola' liłpenic', anuli anuli. Anuli ixc'ai'ipa ti'ela' cuenna al puerta, timi: "Aimoxmai'ma". ³⁵⁻³⁶ Jouc'a imanc' aimołsmi'me. Tołpo'note cuenna. Ja'ni a'i cacuaiyunn'i ca'huajcoco'molhuo' tołsmi'yi. Aicołsina' te quitine cacuaiyoconno iya' ołpoujna. Aicołsina' te 'hora, ja'ni if'acolaipa, ja'ni nolojmay quipuqui', ja'ni mija'a'ma łangiti, ja'ni liłic'ejma'.

³⁷ 'Ma to laifmipolhuo' imanc' jouc'a laifnu'ipola' jahuay, camila': "Tipantsi cumlata, aimołsmi'me".

14

¹ Tehue'e ma le'a oquej quitine ti'i'ma al juic Pascua. Ihne litiné titem'me ł'a'i petsi aiquilai'inni levadura. Lix-anuc' cal cuecaj ca'ailli' jouc'a lomxiye nomuc'iyalepá locux-epa LanDios ixpic'e'me tifel'miyale'me. Tehueyi te co'iya mi'nołyacu Jesús, tima'ale. ² Ticuayi:

—Tijouł'a' al juic. Itsiya efołumma axpela' lan xanuc', tix-tulecu.

³ Jesús tipa'a liłya' Betania lejut'ł Simón, iłque liłalconapa licuana cuftine lahui lepra. Ticutsu Jesús titesma. Icuaiti anuli łaca'no' itaic' al pulu capic alabastro. Al pulu tinango laceite tujuej c'a ilanc'ecompa anardo, acueca' lipitali. Łaca'no' ixquej'ma łejoc' al pulu. Ixcua'fi'ma laceite lijuac Jesús.

⁴ Oquexi' afantsi mimana' jilpe ixtulencia, timiyoltsi:

—Joupa ejac'pa laceite. ¿Te qui'ecopa tołta'a łaca'no'? ⁵ Acueca' lipitali, to mulij'ma cal xans no'epa canic' afane'

maxnu quitine. Ja'ni cola' icuj'ma, cola' epi'i'mola' lan xanuc',
 ilne petsi aiqiuil'hueca.

Tipalaicoyi quixcay la'ca'no'.

⁶ Jesús timila':

—Tole ti'ila'. ¿Te colpo'nocopa quixhuejma' la'ca'no'? Itque
 i'epa al c'a. Latentocopa li'epa. ⁷ Imanc' tilmana' lohpitya'
 xanuc' petsi aiqiuil'hueca. Aimijouyacola' ihniya. Jahuay litiné
 ti'i'ma tołpic'e'me te co'iya mołtoc'iyacola'. Iya' a'i. Iya'
 aimalcołya capajnonaya fa'a li'a lamats'. ⁸ Itca'a la'ca'no' i'epa
 ma to li'ommaita. Ai'a alma'ma al'huaf'impalaceite laicuerpo.
 Joupalanc'epa ai'a laminna. ⁹ Iya' camilhuo' al linca: Ni petsi
 loya'anyacu Lataiqui' loya'apa ite al c'a lixpice'pa LanDios,
 jouc'a tuya'acom'me li'epa itca'a la'ca'no'.

¹⁰ Judas Iscariote, itque anuli limbamaj coquexi' ts'ilihuequi
 Jesús, i'hua'ma pe lomana' lixanuc' cal cuecaj ca'ailli', ticuta
 Jesús. ¹¹ Ihniya la'ailli' licuej'me locuapa Judas ixoconni quileta
 juaiconapa. Epi'i'me cataiqui' ti'najtse'me. Judas ipango'ma
 ehue'ma te co'iya micuya Jesús, ticuaita quilmene la'ailli'.

¹² Icuaitsi al te'a litine al juic. Ihiya al juic titem'me
 la'i aiqilai'inni levadura. Jite litine tite'me lam mot'
 loma'anyacola' jilpe al juic. Ts'ilihuequi Jesús timiyi:

—¿Pe ts'opic'a calsmocoyoyacu al juic Pascua? Alanc'eta
 jahuay.

¹³ Jesús umme'mola' oquexi' ts'ilihuequi, timila':

—Tonlele al cueca' quilya' Jerusalén. Jilpiya tołtalecufta anuli
 cal xans itaic' lijuti caja'. Tolihuejtsa. ¹⁴ Itque titsufaitsi
 anuli lajut'l, imanc' jouc'a tołsufłaitsa. Tołmita lipoujna cajut'l:
 “LałPomxi ticuis'ehuo': ¿Pe copa'a lajcuarto pe lałsmocoyoyacu
 al juic Pascua, iya' jouc'a ts'alihuequi?” ¹⁵ Timuc'itolhuo'
 anuli al cuarto lopa'a al toncay, joupalixhueya. Imanc' tołtaita
 lałtejacu, jilpiya alsmocota.

¹⁶ Iye'me ts'ilihuequi, itsuflai'me al cuecaj quilya', ixim'me
 jahuay to limipola' Jesús. Ilanc'e'me tołtejacu alxmocojma al
 juic.

¹⁷ Lif'acolaipa icuaiyunca Jesús jouc'a limbamaj coquexi'
 ts'ilihuequi. ¹⁸ Micutsołanna, mixmocoyi, Jesús timila':

—Camilhuo' al linca: Anuli imanc' alcuna'ma, anuli jifa'a
 loxmocopa.

¹⁹ Ts'ilihuequi ixhuełmot'le'me. Anuli anuli icuitsuf'ma,
 timiyi:

—¿Te aga iya'? Iya' a'i.

²⁰ Jesús timila':

—Unc'imbamaj coquexi' anuli imanc' alcuna'ma. Itque aljac'eyi
 lala'i anuli al pime. ²¹ Iya' itque cal Xans Liximpa cal profeta
 pu'hua lema'a. Cuyaico'ma ma to micua al Paxi Linihingiya.

Tama toŋta'a laifnuyaicoya, cal xans łalcuya a'ijc'a loyaicoya ilque. Juaiconapa acueca' titełco'ma, ticua'ma: “Coła' aicaipa-ntsi iya”.

²² Mitetsoyi Jesús epef'ma anuli ła'i, ix'najtsi'i'ma ŁanDios, ixquenuf'ma. Epi'i'mola' ts'ilihuequi, timila':

—Tołtele. İta'a aicuerpo.

²³ Ihuof'ma al vaso. Lix'najtsi'i'ma ŁanDios, uhui'i'mola' ts'ilihuequi. Jahuay ixna'me. ²⁴ Timila':

—İta'a aijuats', tiłinc'i'ma al ts'e quitaiki' ŁanDios lopo'no'ipola' lixanuc'. Iya' caxcuajai'ma laijuats' tuntul—le axpela'. ²⁵ Iya' camilhuo' al łınca: Jifa'a li'a łamats' aicaxnaconaya vino. Ticuaitsi litine lan xanuc' tixinle ŁanDios micuxe, jile litine caxnacona'ma al ts'e vino.

²⁶ Lijoupa lunac'copa ŁanDios ipalunca. Iye'me łijuala Olivo. ²⁷ Jesús timi ts'ilihuequi:

—İta'a lipuqui' imanc' tolanaj'mołtsi, ałpo'no'ma caituca'. Ti'i'ma to muya'e' al Paxi Linilngiya, ticua: “Caxcai'e'ma łıłpoujna lam mot'ł, ilque tima'ma. Lam mot'ł teca'ne'mołtsi.”

²⁸ Tijoula' camaf'inala' ca'hua'ma al distrito Galilea. Ca'huaicotolhuo' jıłpiya.

²⁹ Pedro timi Jesús:

—Tixtuc'otso' jahuay laipimaye, tama tenajtsołtsi, iya' a'i.

³⁰ Jesús timi Pedro:

—Cami'mo' al łınca: Itsiya lipuqui' ai'a tija'a'ma łangiti oquemma, ima' tones'ma afanemma: “Aicainimetsaijma Jesús”.

³¹ Pedro ti'hua tipalaic'o Jesús, ihui'ipa, timi:

—Tama ałma'atsonga' iya' ima', aicanesya: Aicainimetsaijma Jesús. Ni anulemma canesya tołta'a.

Ma' anuli ines'me jahuay locuenaye.

³² İcuaitsa al lugar cuftine Getsemanı. Jesús timila' ts'ilihuequi:

—İmanc' tołcutsolaile fa'a. Iya' capalaic'ota ŁanDios.

³³ İleco'mola' Pedro, Jacobo jouc'a Juan. İpango'ma tixina acueca' juaiconapa ile lo'iya, tixhuełma juaiconapa. ³⁴ Timila' lam fantsi:

—Juaiconapa cahuosma, ma tocomma ałma'ma quixhuejma'. Tołmanenca jifa'a. Aimołsmai'me.

³⁵ Uyai'ma huata, ixpats'huai'ma łamats'. Tixa'hue ŁanDios ja'ni ti'i'ma tuyaicotsi jile al 'hora. ³⁶ Timi:

—Abba, mai'Ailli', ima' jahuay nipajnya to'e'ma. Liłonc'e'ela' itta'a laiftelcopa. Ma caxa'huehuo' tołta'a jouc'a camihuo': Ti'ıla' lołxpicepa ima', a'i latentłcocopa iya'.

³⁷ İpaiconanni, icuaitsi pe lomana' lam fantsi ts'ilihuequi. İxim'mola' tixmaiya. Timi Pedro:

—Simón, ¿ima toxmay? ¿Te aimi'iya momaf'iya ni anulij hora? ³⁸ Tołmaf'ite jahuay imanc'. Tołsa'huele ŁanDios titoc'itsolhuo' aimehuaiyim'mołhuo'. Imanc' tołcuayi: “Ałsnet'ł'me”. A'i, aimi'iya. Lołcuerpo ailopa'a quipujfxi.

³⁹ I'huacona'ma, tixa'hueconata ŁanDios. Ma' anuli ixahue'econa'ma. ⁴⁰ Ipaiconanni icuaiyocontsi pe lomana' lam fantsi, ixingona'mola' tixmaiconayi. Tixinyi timufquemma lił'u'. Ticui quilehui. Aiquiłsina' te cotalai'e'eyacu Jesús.

⁴¹ I'huacona'ma. Ipaiconanni. Joupa i'ipa afanemma. Icuaiyocontsi pe lomana' lam fantsi. Timila':

—Imanc', ¿ti'hua tołsmaiyi? ¿Tolunxajyi? Ne', ti'ıta'. Ixhuaita lai'hora. Iya' itque cal Xans Łiximpa cal profeta pu'hua lema'a. ¡Tołsinłe! Ałcu'ma. Ał'noł'ma lan xanuc', ilne aimimetsaicoyi ŁanDios. ⁴² ¡Tołsolinca! ¡Łepá! Joupa icuaico'ma itquiya łalcuya.

⁴³ Mipalay Jesús icuaitsi Judas, itque anuli limbamaj coquexi' ts'ilihuequi Jesús. İlecola' axpela' lan xanuc' ittaic' lił'espada jouc'a lił'ec. İlne lan xanuc' ummempola' lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios, jouc'a lan tsilaj xanuc' noxpıjpá lataiqui'. ⁴⁴ İtque łocuya Jesús joupa u'ipola' te ts'i'ic' mimetsaicoyacu Jesús. Joupa imipola': “Cal xans łaftuc'oya jılque toł'nołte. Tołłecote. Aiminuc'e'molhuo'.”

⁴⁵ Licuaitsi jılpiya Judas aiquicoł'ma iloc'huai'ma pe lopa'a Jesús, timi:

—¡Momxi!

Ituc'o'ma. ⁴⁶ Lan xanuc' i'noł'me Jesús. Aicux'mas'me.

⁴⁷ Tipa'a anuli ts'ihuequi Jesús tecaxu jılpe. İtque ipa'a'ma li'espada, ixcai'e'ma łimozo cal cuecaj ca'ailli', etec'e'e'ma lix'mas.

⁴⁸ Jesús ipalaic'o'mola' ihniya licuai'me ti'nołte, timila':

—¿Te colcuaiyoco'me fa'a ołtaic' loł'espada jouc'a lonł'ec? ¿Ja'ni tołna'a ał'nołla'? ¿Aga tołcuayi: “İtque inma'ahuale”? ⁴⁹ İtine itine ałmajmpá anuli jılpe al cuecaj xoute', aical'nołi. Ne', ti'ıta' ma to loya'apa al Paxi Linıłingiya. Ticuicomma tenanłla' jahuay ilte lataiqui'.

⁵⁰ Lixanuc' Jesús inulai'me, ipo'no'me Jesús quituca'.

⁵¹ Jılpe tipa'a anuli łamijcano ihuequi Jesús. İtque łamijcano iju'eyoxi ma le'a lisábana. Jouc'a i'nołim'me. ⁵² Łamijcano ipanenni lisábana, inu'ma amila.

⁵³ İleco'me Jesús pe lopa'a cal cuecaj ca'ailli'. Jılpiya efot'le'mołtsi lixanuc' cal cuecaj ca'ailli' jouc'a lan tsilaj xanuc' noxpıjpá lataiqui', jouc'a lomxiye nomuc'iyalepá locuxepa ŁanDios. ⁵⁴ Pedro i'huanc'e'ma aculi'. Itsufai'ma łipuna quejut'ł cal cuecaj ca'ailli'. Jılpe icutsingai'mola' lepaluc' cal cuecaj ca'ailli'. Jılpe łunga tifununc'eyołtsi anuli.

55 Lixanuc' cal cuecaj ca'ailli' jouc'a jahuay noxpijpá lataiqui' tehueyi naitsi nocufya Jesús. Tohta'a ti'i'ma tima'anle. Aiqui'ic'. 56 Axpela' lan xanuc' tuyout'lecoyi Jesús, ma le'a tifellaiqueyi. Anuli anuli, ituca' ituca' tinesqui. Aiqui'ic' anuli lihtaiqui' lonespa. 57 Oquexi' afantsi itsolinca uya'a'me ocuena lafellaiqueya, timiyi:

58 —Illanc' alcuejpa itque linespa, ticua: “Iya' nulemma cate!ma ita'a al cuecaj xoute' lilanc'epa lan xanuc'. Tuyaita' afane' quitine iya' joupá ailanc'econapa ocuena. Ite a'i quillanc'e'e lan xanuc'.”

59 Ni itne nonespá aiqui'ic' anuli lihtaiqui'.

60 Itsahuenni cal cuecaj ca'ailli', icuis'e'ma Jesús, timi:

—¿Te ima' aimotalai'ecoyacoxi? ¿Te onespa ite lataiqui', o aiconesqui?

61 Aiquitalai'e. Ailopa'a quitaiqui'. Cal cuecaj ca'ailli' icuis'econa'ma, timi:

—¿Te ima' unCristo? ¿Te ima' i'Hua cal Paxi CanDios?

62 Jesús timi:

—Ma' iya'. Iya' itque cal Xans Liximpa cal profeta pu'hua lema'a. Imanc' alsim'ma cacutsuya al c'a camane cal Cuecaj Rey. Alsim'ma quimuyohuo lema'a, cacuaiyoconno lamats' nolojmay cummahuay lema'a.

63 Cal cuecaj ca'ailli' its'al'ma lipijahua', imujpa lipoyac'. Aiquetenlocojma locuapa Jesús. Timila' lixanuc':

—Itsiya, ¿te calahuecoyacola' ocuena ye lan xanuc' ticufle?

64 Imanc' alcuejpa lonespa. Etets'ipa LanDios. ¿Te colcuapa imanc'?

Jahuay icuxeco'me Jesús, ticuayi:

—Tipa'a lijunac'. ¡Tima'anle!

65 Oquexi' afantsi ipango'me itsulco'me, ifi'e'eco'me ijahua' li'u', untaf'me li'a, ipa'me, timiyi:

—Tocua'ata', ¿naitsi lipa'mo'?

Lepaluc' cal cuecaj ca'ailli' ipets'me camane jouc'a.

66 Pedro ipanenni al 'ocay, ticutsu luna. Uyai'ma anuli licriada cal cuecaj ca'ailli'. 67 Ixim'ma Pedro tifununc'eyoxi jilpe lunga. Ehuelojm'ma, timi:

—Ima' jouc'a omihuequi cal xans las Nazaret, itque Jesús.

68 Pedro icuanajpa, timi:

—Aicaixina'. Aicaicueca lofnespa.

Ipanni, ecax'ma pe lopa'a al puerta. Ija'a'ma langiti.

69 Lajcriada nopa'a jilpe ixim'ma Pedro. Ipalaic'o'mola' nacaxhuolanna, timiconala':

—Itca'a anuli itniya ts'ilihuequi Jesús.

70 Pedro icuanajcona'ma. Uyai'ma ni huata, itne nacaxhuolanna jilpiya timiyi Pedro:

—Ima' jouc'a mihuequi Jesús. Ima' mas Galilea.

⁷¹ Pedro ipango'ma i'e'ma jurar, timila':

—Iya' camilhuo' al linca. Ja'ni a'i, jałma'ala' LanDios! Iya' aicainimetsaijma iłque cal xans łopalaicopa.

⁷² Aiquicoł'ma, ija'acona'ma łangiti. Pedro i'nujuaitsi lim-
ipa Jesús: “Ai'a tija'a'ma oquemma łangiti, ima' tones'ma
afanemma: Aicainimetsaijma Jesús.” Li'nujuaitsi iłe lataiqui'
Pedro ijoj'ma.

15

¹ Liłic'ejma lixanuc' cal cuecaj ca'ailli', lan tsilaj xanuc',
lomxiye nomuc'iyalepá locuxepa LanDios jouc'a jahuary nox-
pijpá lataiqui' ixpic'e'me lo'e'eyacu Jesús. Aiquicoł'ma,
ifi'e'me, ileco'me pe lopa'a Pilato, iłque incuxepa romano. Jiłpe
icu'me. ² Pilato icuis'e'ma Jesús, timi:

—¿Ima' iłrey lan xanuc' judío?

Jesús italai'e'e'ma, timi:

—Al linca lofcuapa.

³ Lixanuc' cal cuecaj ca'ailli' icuf'me juaiconapa. ⁴ Pilato
icuis'econa'ma, timi:

—¿Te ima' aimotalai'ecoyacoxi? Joupa ocuejpa. Ticufhuo'
acueca' lo'epa.

⁵ Jesus aiquitalai'e. Pilato aiquixina' te cocuaya. Icuapa
lipicuejma': “Iłca'a Jesús, ¿te aimitalai'e?”

⁶ Ajuic ajuic Pascua, Pilato ticu lane lan xanuc' tixahue'ele
anuli łitats'iya, tux'mas'ma. ⁷ Iłta'a al juic tipa'a anuli łitats'iya
cuftine Barrabás. Iłquiya i'nołinc'innila' jouc'a liyejmalepá.
Iłniya itsolimma ehuoc'huaipá cal gobierno romano. Ima'apá
lan xanuc'. ⁸ Icuaitsa lan xanuc' pe lopa'a Pilato. Ixa'hue'me
ti'ela' ma to mi'ay. ⁹ Pilato icuis'e'mola', timila':

—¿Nai ts'olpic'a? Imanc' unc'ijudío, ¿te cux'mas'ma łłrey?

¹⁰ Tołta'a licua'ma Pilato, imetsaicola' iłne lixanuc' cal cuecaj
ca'ailli'. Ixina' te ts'i'ic' liłpicuejma'. Ixina' ti'eyi laic' Jesús, tołiya
joupa icupá.

¹¹ Lixanuc' cal cuecaj ca'ailli' icuxe'me, imi'me lan
xanuc' timiłe Pilato tux'masnałá' Barrabás. ¹² Pilato
icuis'econa'mola', timila':

—Iłque łolacui'ipa ołrey, ¿te caif'e'eya iłquiya?

¹³ Ija'acona'me, italai'e'me, timiyi:

—¡Tapałts'ijnla' lancruz!

¹⁴ Pilato icuis'e'mola', timila':

—¿Te caifnepałts'ijncoya lancruz? ¿Te quixcay qui'epa?

Ija'a'me ułfxi, timiyi:

—¡Tapałts'ijnla' lancruz!

15 Pilato ipic'a tetenłcocotsola' lan xanuc'. I'e'ma to lixa'hue'me. Ux'masna'ma Barrabás, icuxe'ma tipalojle Jesús. Epi'ipola' lan soldado tepałts'ijnta lancruz.

16 Lan soldado ileco'me Jesús łuna lejut'ł cal gobernador. Jłłpiya łuna cuftine al Pretorio. Jłłpiya efot'łe'mołtsi jahuay liłf'as soldado. 17 Itats'mi'me Jesús lunxali cumi quijahua', ma to liłpijahua' lan rey. Ipuř'me anuli al corona quitac, ic'ommoř'i'i'me lijuac Jesús. 18 Ipango'me inom'me, ija'a'me:

—¡Ałnonghuo', ima' iłrey lan xanuc' judío!

19 Tuntaf'e'eyi lijuac ajaxa, titsuł'oyi. Exc'onłingai'me. 20 Lijoupa lixocopa, ipa'e'e'me lunxali cumi quijahua', itats'micon'a'me ma lipijahua'. Ileo'me ipa'anca lema quıłya', tepałts'ijnta lancruz.

21 Miyeyi lane italecuř'me anuli cal xans cuftine Simón, łas Cirene. Iłque ił'ailli' Alejandro jouc'a Rufo. Icuaiico'ma qui'huayonamma cal 'ec. Icuxe'e'me titaiła' lencruz Jesús.

22 Icuai'etsa Jesús petsi cuftine Gólgota, luhuałquemma: Łamats' Quecoye. 23 Jłłpiya icuř'i'me al vino ihuantsi al mirra. Ja'ni tixnała' aiłtine mixinguřcoya łumla. Jesús aiquixnaic'. 24 Epałts'ingim'me lancruz. Lan soldado iř'ıłco'me lipijahua', naiłsi nolijya. Anuli anuli tulij'ma locuaiya quimane.

25 Ixhuaita al pełła 'hora lepałts'ijm'me Jesús lencruz. 26 Ipo'nompá lacaxma loya'apa licuxecompa Jesús, ticua: "Iłca'a iłrey lan xanuc' judío".

27 Jesús epałts'ingimpola' oquexi' linma'ahuale. Anuli tipa'a al c'a camane, łocuena loxa camane. 28 Ma tołta'a enanłcopa al Paxi Linıłingiya loya'apa: "I'e'empá ma to lo'e'enyacola' lan xanuc' ni'epá lixcay".

29 Lan xanuc' noyalaicopá jłłpiya imiloj'me cataiqui', iře'ne'me liłjuac, timiyi:

—Ima' lořmetełya al cuecaj xoute', tijouła' afane' quitine joupa olanc'econapa, 30 ne', taimunni lomencruz. ¡Tonłu'exoxi!

31 Lixanuc' cal cuecaj ca'ailli', jouc'a lomxiye nomuc'iyalepá locuxepa ŁanDios ixoco'me, timiyoołtsi:

—Iłque unłu'epola' locuenaye. Itsiya aimi'iya munłu'eyacoxi. 32 Illanc' ixanuc' Israel, ja'ni iłque ałrey, ja'ni aCristo, jtimunni lencruz! Ałsınłe illanc', tijouła' lapenuř'me.

Iłniya lepałts'ingimpola' Jesús imiloj'me cataiqui'.

33 Li'i'ma menac'o imuřc'o'ma jahuay lema'a. Ni petsi li'a łamats' tocomma ipuqui'. 34 Al fanej hora lummuhuijma' Jesús ija'a'ma ujřxi, ticua:

—Eloí, Eloí, ¿łama sabactani?

Iłiya lohuałquemma ticua: "Ima' mainenDios, ¿te calacanuřcopa?"

³⁵ Timana' lan xanuc' nacaxolanna jilpiya icuej'me lines'ma Jesús, ihniya lines'me:

—¡Xinla'! Tijoc'i cal profeta Elías.

³⁶ Anuli cal xans icuaiconni tinu, ijac'eco'ma al esponja acuxac vino. Icants'i'ma al jaxa, i'nof'e'ma lico Jesús, titsif'la'. Iique cal xans ticua:

—¡Tole! Ahsim'me ja'ni ticuaihuo Elías, tipulna'ma lencruz.

³⁷ Jesús ija'a'ma ujfxi. Exnalif'ma, imana'ma. ³⁸ Lijahua' lojuyña al cuecaj xoute' its'alquenni quituca', al toncay itejmay lamats'. He lijahua' lipa'ne jilpe Lajut'l Xonca al Paxi.

³⁹ Nocuxepola' lan soldado tecaxu anujnca lencruz Jesús, tehuelonge. Ixim'ma Jesús lima'ma ma mija'e' tohta'a. Ticua:

—Ma' ahsinca ilca'a cal xans i'Hua LanDios.

⁴⁰ Timana' laca'no' tecaxolanna aculi', tehuelojnyi. Tipa'a María las Magdala, tipa'a María qui'l'máma' Jacobo y José. Iique Jacobo łecui'impá: Eijoujma. Jouc'a tipa'a łaca'no' cuftine Salomé. ⁴¹ Mipa'a Jesús al distrito Galilea ihniya laca'no' ihuejpá Jesús, itoc'ipá, ites'mipá. Małpiya tehuelojnyi Jesús mipa'a lencruz timana' locuenaye laca'no' jouc'a. Ihe y Jesús anuli icuaiyunca Jerusalén.

⁴² He litine avispera. Lihuequi litine itine conxajya. Joupa if'acolaipa. ⁴³ Anuli cal xans cuftine José, las Arimatea, i'hua'ma ixintsi cal gobernador Pilato. Iique José acuecaj xans, anuli pe ihniya nafot'łepoltsi noxpijpá lataiqui'. Iique i'huaijma ticuaitsi litine jahuay lan xanuc' tihuejcole LanDios łilCuecaj Rey. José i'e'e'moxi acueca' łunxajma'. Itsufai'ma pe lopa'a Pilato, ixahue'etsi tepi'inałe licuerpo Jesús. ⁴⁴ Pilato ticua: “Ma' imaf'i' Jesús, aikuimac”. Ijoc'i'ma nocuxepola' lan soldado. Icuís'e'ma ja'ni joupa imapa Jesús. ⁴⁵ Nocuxepola' lan soldado timi: “Łinca, joupa imapa Jesús”. Pilato epi'i'ma lane José łilecotsi licuerpo Jesús.

⁴⁶ José ipulna'ma licuerpo Jesús jilpe lencruz. Iju'eco'ma afujca quijahua' lilanc'ecompa alino, i'na'apa ats'e. I'nicohuo'ma anuli łunts'ėja', ipuc'o'iya łapic. Imef'ma anuli cal cueca' capic, ipa'neco'ma lico łunts'ėja'. ⁴⁷ María las Magdala, jouc'a María qui'máma' locuenaj José, ehuelojm'me pe lipo'no'enghuo'me licuerpo Jesús.

16

¹ Luyai'ma litine conxajya María las Magdala, María qui'máma' Jacobo, jouc'a łaca'no' Salomé, iye'me i'natsa laceite tujuej c'a ti'huof'ita licuerpo Jesús. ² I'i'ma quitine al te'a quitine al xamano. (Ihiya adomingo.) Tipammaiyumma cal 'ora, icuaitsa łunts'ėja'. ³ Timiyoltsi:

—¿Naitsi lalıłonc'e'eyaconga' łapic łeti'icoya lico cunts'ėja'?

⁴ Lixim'me lico cunts'aja' ixim'me joupa ilonc'empa lapic, ipo'nompa jilpe anuli liju'. Ilque lapic juaiconapa acueca'.

⁵ Itsufilai'me hunts'aja', ixim'me al c'a camane ticutsu anuli lamijcano. Afujca lipijahua', axehuay. Ixpailij'mola'.

⁶ Lamijcano timila':

—Aimixpailij'molhuo'. Tolahueyi Jesús las Nazaret, małque łepalts'ingimpa. Ilque ailopa'a fa'a. Joupa imaf'inapa. ¡Tolahuelongunca! Jifa'a lipo'no'empa licuerpo. ⁷ Imanc' tonłente, tolu'itsola' ts'ilihuequi Jesús, jouc'a Pedro, tołmitsola': "Jesús ti'hua'ma Galilea. Tołcuaitsa jilpiya tołtalecufta ma to limipolhuo'."

⁸ Lacał'no' ipalunca hunts'aja'. Inul'me. Juaiconapa tixpailiquila', tiyula'. Nij naitsi lu'ipa.

⁹ Jesús imaf'ina'ma lilic'ejma' al te'a quitine al xamano, ihya adomingo. Imuj'moxi ate'a María las Magdala, ilque laca'no' lipa'empa acaitsi lontahue. ¹⁰ Ilque i'hua'ma u'itsola' liyejmalepá Jesús. Ihniya tihuotsoyi, tijolijyi. ¹¹ María timila':

—Jesús imaf'i'. Iya' aiximpa.

Ihniya aiquil'aic' linca locuapa.

¹² Jesús imuj'cona'moxi pe lomana' oquexi' ts'ilihuequi. Jihniya tiyeyi lane ticuaita cal'ec. Imuj'moxi tocomma ipaicomma. ¹³ Ihne loquexi' ipailiconanca, licuaitsa pe lomana' liłpimaye, uya'a'me liximpa Jesús. Liłpimaye in-escona'me: "A'ij linca".

¹⁴ Lijou'ma Jesús imuj'moxi pe lomana' limbamaj nuli ts'ilihuequi. Ihniya titetsoyi. Itale'mola' ihniya nonespá: "A'ij linca ilē loya'apa lałpimaye. Aiquimaf'i' Jesús." Ixim'mola' ata liłpicuejma'. ¹⁵ Jesús timila':

—Tonłete ni petsi li'a lamats'. Toluya'atsa Lataiqui' loya'apa ilē al c'a lixplic'epa LanDios. Tolu'itsola' jahuay lan xanuc'.

¹⁶ Ihne napenufyacu Lataiqui', tepoliłe, ihniya tunłul'me. Naitsi aimepenufi Lataiqui', ilque tecani'ma.

¹⁷ 'Tixinim'me al cueca' lo'eyacu ihne napenufyacu Lataiqui'. Tipa'a'me lontahue litsufłaipá lan xanuc', tipalai'me ituca' liłtaiqui'. ¹⁸ Ja'ni ti'nołte lainofat'ł o tixnałe całxi cummaiya ailopa'a co'e'eyacola'. Tixpayaf'me liłmane lałcuallay, ihne tixałcona'mola'.

¹⁹ Lijoupa limipola' tołta'a cał'Ailli' Jesús if'ajna'ma lema'a. Jilpe icutsingaitsi al c'a camane LanDios.

²⁰ Ts'ilihuequi Jesús ipalunca. Ni petsi uya'atsa Lataiqui', ilē loya'apa al c'a lixplic'epa LanDios. LanDios liyejmalepa, i'e'ma acueca'. Tołta'a imuc'i'mola' lan xanuc' alinca Lataiqui' loya'apa ts'ilihuequi Jesús.

LATAIQUI' LINIĒPA SAN LUCAS LOYA'APA IĒ AL C'A LIXPIC'ĒPA ĒANDIOS

1-4 Ima' cum Teófilo, iya' nin Lucas cumme'ehuo' coje'e. Ita'a al je'e tuya'e' li'ipa fa'a lamats'. Lałpimaye nepenufpá liłpenic' tuya'ayi Lataiqui', iĒ loya'apa al c'a lixpíc'Ēpa ĒanDios. Īniya joupa lu'iponga' li'ipa, iximpá.

Axpela' lapimaye joupa inilpá liłje'e loya'apa tołta'a li'ipa. Iya' jouc'a aixpic'Ēpa quinił'ma laiĒe'e. Cacua: Īque Teófilo joupa imuc'impá litaiqui' Jesucristo. Jouc'a ipic'a quije'e loya'apa te ts'i'ic' li'ipa.

Iya' joupa aixhuepa jile li'ipa, aipalaic'opola' lapimaye ts'isina' te ts'i'ic' li'ipa Īniya litiné. Aixpot'Ēenapa lataiqui'. Cuya'e' te ts'i'ic' lipangopa, jouc'a cuya'e' te ts'i'ic' lijoucopa. Ima' toxhueła', tołta'a ti'i'ma coxina' te ts'i'ic' Lataiqui' limuc'impó, iĒ tuya'e' al linca.

⁵ Micuxe Herodes al distrito Judea tipa'a anuli ĩa'ailli' cuf-tine Zacarías. Īque jouc'a lif'as ca'ailli' ti'e'me canic' al cuecaj xoute'. Mi'huajco'mola' munaitola' ti'e'me canic'. Īniya ix-anuc' Abías.

Zacarías lipeno cuftine Elisabet. Īque Elisabet litatahuelo cuf-tine Aarón. ⁶ Loquexi' ac'a xanuc', tihuejcoyi jahuay locuxepa ĒanDios, jahuay loya'apa litaiqui' ĒanDios. Aiquimenaquila'. ⁷ Tama etenłcocopa ĒanDios Īniya lił'ejma' ailopa'a quil'hua. Elisabet ijuiqui caca'no'. Loquexi' joupa itsilójnapola'.

⁸ Icuaitsi litine ti'eta canic' lixanuc' Abías, Zacarías i'hua'ma al cuecaj xoute', ti'eta canic' ma to locuxepa ĒanDios, iłque a'ailli'. ⁹ Zacarías ec'aill'maita lipenic' titsufai'ma al paxi cajut'ł, tipí'eta lipac'ec. Tołta'a mi'eyi la'ailli' jilpe al cuecaj xoute'. ¹⁰ Locuenaye lan xanuc' aimitsuflaiyi al paxi cajut'ł. Ailopa'a lane. Īniya tiłmanemma ĩuna. Jile litine mipi'e lipac'ec Zacarías, axpela' lan xanuc' comana' ĩuna jilpe al paxi cajut'ł.

¹¹ Małpiya lajut'ł imaxcaitsi anuli ĩapaluc quema'a ĩummepa ca'Ailli' ĒanDios. ĩapaluc quema'a ecax'ma al c'a camane al altar petsi lopi'eyompá lipac'ec. ¹² Lixim'ma ĩapaluc quema'a Zacarías ixhuełconni. Ticua: “¿Te iłca'a?” Ixim'ma axpaiqui' juaiconapa. ¹³ ĩapaluc quema'a timi:

—CunZacarías, aimixpaij'mo'. ĒanDios joupa icuejpa lox-ahue'Ēpa. Elisabet łopeno tipo'no'e'mo' co'hua amijcano. Ima' tacui'i'ma Juan. ¹⁴ Īque ĩa'hua tetenłcoco'mo' juaiconapa, tixoc'i'mo' meta. Tipajntsi iłque tixoj'ma quileta axpela' lan xanuc'.

15 'Titojla' itque LanDios timetsaico'ma acueca' xans. Aimixnaya al vino, jout'a aimixnaya mimeyojya. Itque Juan, ma litine tipajntsi, jouta ticuxe lipicuejma' cal Espíritu Santo. 16 Tilanc'e'e'mola' lipicuejma' axpela' lan xanuc', iniya ixanuc' Israel. Tofta'a tihuejcona'me hilenDios. 17 Ti'huaj'me'ma cal'Ailli' LanDios. Lipicuejma' ti'onlcota to lipicuejma' cal profeta Elías. LanDios tepi'i'ma quimane ma to lepi'ipa limane Elías. Tilanc'e'e'mola' lipicuejma' lan xanuc' jout'a linaunque', ti'itsola' anuli. Tilanc'e'e'mola' lipicuejma' lincuejlocale, ti'i'ma ahjca lipicuejma', tihuejcole LanDios. Tofta'a cal'Ailli' LanDios tixim'mola' ixanuc' jouta ixanghuaitola' lipicuejma', timetsaico'mola'.

18 Zacarías icuis'e'ma, timi lapaluc quema'a:

—¿Te ts'i'ic' mi'iya caixina' ja'ni lo'iya to lahmipa? Iya' jouta altojpa, jout'a laipeno jouta itojpa caca'no'.

19 Lapaluc quema'a italai'e'ma timi:

—Iya' ninGabriel. Itine itine cacaxu pe lopa'a LanDios. Itque nalummepa capalaic'otso', cu'itso' ita'a lataiqui', ite loya'apa al c'a lixpicepa LanDios. 20 Itsiya cami'mo' lo'iyaco'. Aimopalaiconaya. Tijoula' tipajntsi co'hua topalaina'ma. Tama ima' aimalcuec'e laitaqui', toxim'ma al linca ite laimipo'. Tixhuaitsi litine tenant'ma laitaqui'.

21 Lan xanuc' nacaxhuolanna luna it'huajjma tipanni Zacarías ticuayi: “¿Te qui'ipa? ¿Te cocolcopa?” 22 Lipanni Zacarías aimipalay, aimi'i. Ipanenni ch'ix. Tofta'a i'ipa quilsina' te ts'i'ic' li'ipa jilpe al paxi cajut'. Jilpe iximpa limucaipa LanDios. Itsiya Zacarías le'a timuc'icola' limane. Aimipalay.

23 Mi'ay lanic' Zacarías ipanenni jilpe al cuecaj xoute'. Lijou'netsi lipenic' i'huana'ma lejut'. 24 Lijou'ma ixim'me innay lipeno Elisabet. Amaquej mut'la emi'moxi, ipajm'ma lejut'. 25 Ticua: “Itte la'ipa at'e'epa cal'Ailli' LanDios. Itque alsimpa nincuanuc', lilonc'e'epa laipelaic'ata. Lan xanuc' aimalatets'iconaya.”

26 Lixhuaitsi acamts'us mut'la LanDios icuxe'epa ti'huala' lapaluc quema'a cuftine Gabriel. Umme'ma liya' Nazaret lopa'a al distrito Galilea. 27 Jilpe Nazaret tipalaic'otsi anuli lahuats'. Jouta inanc'opołtsi temalli'me anuli cal xans cuftine José. Cal rey David itatahuelo itque José. Lahuats' cuftine María. 28 Icuaitsi lapaluc quema'a, itsufai'ma pe lopa'a María, timi:

—CumMaría, canonhuo'. Cu'ihuo' linespa LanDios. Itque titoc'i'mo' acueca', etenlcocopa lopicuejma', aimecanujyaco'. Ima' xonca acueca' lipaxnepo'. Toftiya aiquipaxnela' lof'as cacal'no'.

29 Licuej'ma ite lataiqui' Maria ixhuełco'ma juaiconapa. Timiyoxi: “¿Te calnonacopa tofta'a?”

³⁰ Łapaluc quema'a timi:

—María aimixpaij'mo'. Linca titoc'i'mo' ŁanDios. ³¹ Ima' toxim'moxi minnay. Tipajntsi co'hua tacui'i'ma Jesús. ³² Iłque ti'i'ma acueca' xans. Tecui'im'me: Li'Hua ŁanDios, iłque cal Cuecaj Xonca. ŁanDios tepi'i'ma quimane ticuxe'ma to licuxepa cal rey David, iłque itatahuelo. ³³ Ło'hua ticuxe'mola' lixanuc', iłne ixanuc' Jacob. Nij naitsi naipa'eya limane. Locuxeya aimijouya.

³⁴ María icuis'e'ma łapaluc quema'a, timi:

—¿Tele co'iya? Iya' nahuats'. Ailopa'a caipe'ailli'.

³⁵ Łapaluc quema'a italai'e'ma timi:

—Cal Espiritu Santo timuhuo pe lofpa'a. Toxinguf'moxi lipepaxi ŁanDios, iłque cal Cuecaj Xonca. Ło'hua łopajnya ma' i'huexi ŁanDios. Tecui'im'me: Li'Hua ŁanDios. ³⁶ Łopima Elisabet, tama itojpa caca'no', itsiya innay. Luyaipa quitine tinescoyi, timiyi: “Ima' mijuiqui”. Itsiya ixhuaita acamts'us mut'ła' innay. ³⁷ ŁanDios aimixina quipime. Jahuay nipajnya ti'e'ma.

³⁸ María timi:

—Ne'. ŁanDios aiPoujna. Ma to lałmipa, tołta'a ti'ila'. Tołta'a cuyaicola'.

Łapaluc quema'a ipanni pe lopa'a María, i'huanapa.

³⁹ Iniya łitiné ipanni María lipiłya'. Aiquicoł'ma, i'hua'ma łijualay, ticuaita anuli liłya' lopa'a al distrito Judea. ⁴⁰ Icuaitsi liłya' itsufai'ma lejut'ł Zacarías, inom'ma Elisabet. ⁴¹ Jilpe al 'hora licuej'ma Elisabet tinoninni, li'hua ło'nico licu'u iyuf'conni. Cal Espiritu Santo ticuxe lipicuejma' Elisabet.

⁴² Ipalai'ma ujfxi, timi María:

—Ima', xonca acueca' lipaxnepo' ŁanDios. Tołta'a aiquipaxnela' lof'as cacał'no'. Joupa apaxi ło'hua ło'nico locu'u. ⁴³ Itsiya aixina' acueca' lał'ipa. Iya' ni naitsi caca'no'. Ima' łotaic' łaiPoujna, ti'i'mo' i'máma' iłque. Itsiya ocuai'ma pe laifpa'a, lahuenge. ⁴⁴ ¡Xinła! Laicuejpa lałnompa, jilpe 'hora, łai'hua ło'nico laicu'u iyuf'comma. Juaiconapa ixocomma queta. ⁴⁵ Al linca, ima' toyaijma al c'a. Mepenufpa linespa ŁanDios, iłe limipo'. Onespa: “Iłe lataiqui' tenanł'ma”.

⁴⁶ María ines'ma:

Iya' cax'najtsi'i cał'Ailli' ŁanDios.

⁴⁷ Tixoqui neta ca'nujuaitsi ŁanDios, iłque Łalunlu'eya.

⁴⁸ Iya' tama ni naitsi cahuats' iłque aicalatets'i, ałpaxnepa.

Lan xanuc' ticua'me: “Iłque María al c'a tuyaijma”.

Tołta'a tines'me lan xanuc' nomana' itsiya, jouc'a nomajnyacu locuaicoya quitine.

⁴⁹ Cal Cuecaj CanDios ałtoc'ipa juaiconapa ałpaxnepa.

Ma' iłque cal Paxi CanDios.

⁵⁰ Itque tixinnila' acuanuc'la jahuay lixanuc', itne noxpaic'epá. Itne nomana' itsiya litine, jouc'a nomajnyacu locuaicoya qui-tine.

⁵¹ Itne lan xanuc' nonescopołtsi: "İllanc' ninc'tsilaj xanuc'", LanDios joupa eca'nepola' ni petsi li'a łamats'.

Tołta'a imuc'ipola' acueca' lipujfxi, acueca' lo'epa.

⁵² İhonc'e'epola' liłmane lan tsilaj quincuxepá.

Lijoupa epi'ipola' liłmane lan xanuc' xonca a'ojca.

⁵³ Pe nonle'epá ites'minapola' xonca ixhuaitola'.

İtne pe ts'it'hueca acueca' quił'huexi,

ummenapola' ixcuajma liłmane, ailopa'a quepi'ipola'.

⁵⁴⁻⁵⁵ LanDios łatPoujna atoc'iponga',

illanc' ixanuc' łatatahuelo İsrail, itque inieto Abraham.

LanDios joupa inespa: "Caxim'mola' acuanuc'la, catoc'i'mola' itniya Abraham, li'hua jouc'a linaxque' li'hua.

Catoc'i'mola' jahuay lixanuc' Abraham, itque itatahuelo itniya."

LanDios aikuimenc'ejma itiya litaiqui' limipola' łatatahueló.

Ma to limipola', tołta'a li'epa.

⁵⁶ María ipajnhuo'ma to afanej mut'ła lejut'ł Elisabet. Lijou'ma i'huana'ma ipainanni lejut'ł.

⁵⁷ Lixhuaitsi al pella mut'ła Elisabet ipo'no'ma li'hua. İpajntsı amijcano. ⁵⁸ Lan huejnca lan xanuc' jouc'a lipimaye Elisabet icuej'me li'epa łatPoujna LanDios, itque iximpa cuanuc' Elisabet, acueca' litoc'ipa. ⁵⁹ Lixhuaita al paico quitine efot'łunni ti'e'me ma to lił'ejma'. Cołta' tecui'i'me Zacarías ma to lipuftine qui'ailli'. ⁶⁰ Qui'máma' italai'e'e'mola' timila':

—A'i. Lacui'i'me Juan.

⁶¹ İtalai'e'me, timiyi:

—¿Te colacui'icoyacu Juan? Łatpimaye, ailopa'a quecui'impa tołta'a.

⁶² İpalaic'oco'me le'a liłmane qui'ailli' łahuac'hua. İcuis'e'me:

—¿Te cofcuapa? ¿Te caftine calacui'iyacu łamijcano?

⁶³ Zacarías ixahue'e'ma tini'inte anuli la'hua caxma tinił'ma. İni'im'me. İtque inił'ma: "Lipuftine aJuan". Lan xanuc' aiquiłcuc'e li'ipa. Ticuayi:

—İTołsinte! İniłpa: "Juan"!

⁶⁴ Aiquicoł'ma, ixatna'ma lejoj' Zacarías, uhualquenamma lipal, tipalay. İx'najtsi'i'ma LanDios. ⁶⁵ Lan huejnca lan xanuc' ixpailij'mola'. İxim'me acueca' li'ipa. Lan xanuc' ni petsi lijualay al distrito Judea tuya'ayi li'ipola' Elisabet y Zacarías.

⁶⁶ Licuej'me ticuis'eyołtsi, timiyołtsi:

—İtque łamijcano: ¿Te co'eya? y ¿te co'iya?

LanDios itoc'i'ma łamijcano, ipaxne'ma.

67 Cal Espiritu Santo icuxe'ma lipicuejma' Zacarías. Ma to Łandios mimi, ma toŁta'a Zacarías tuya'e'. Tuya'e':

68 ¡AŁs'najtsi'i'me ŁanDios, iŁque łalanDios illanc' ixanuc' Israel!
AŁtoc'iponga', tocomma aluhuaŁponga' petsi iŁne laŁ'e'eponga'
laic'.

İniya aimalulijyaconga' illanc' ixanuc' ŁanDios.

69 ŁalanDios, iŁque iPoujna cal rey David, lapi'iponga'
ŁalunŁu'eyaconga'.

MaŁque cal rey David itatahuelo iŁque.

70 Luyaipa quitine ŁanDios u'ipola' lipaxij profeta toŁta'a lo'eya.
İniya u'iyale'me, u'im'mola' laŁtatahueló.

71 İhe litaiqui' ŁanDios tuya'e' te ts'i'ic' laŁtoc'iyaconga'.

Ticua: “CunŁu'e'molhuo'; iŁne naixtuc'opolhuo' aimulijyacol-
huo'.

Jouc'a no'epolhuo' laic' ailopa'a co'eyacolhuo'.”

72 Ticua: “İya' aikuimenc'ecoyacola' laixanuc'”.

İne lixanuc' ŁanDios maŁniya aŁtatahueló illanc'.

ŁanDios i'nujuaitsi lipaxi cataiqui', iŁe lipo'no'ipola' lixanuc'.
q ⁷³⁻⁷⁵ Joupa inespa lunŁu'e'monga', aimalulijyaconga'
iŁniya nalixtuc'oponga'.

ŁanDios toŁta'a limipa laŁtatahuelo Abraham.

Joupa icuapa aŁpo'no'monga' pe ailopa'a caxpaiqui', jilpiya
laxc'onŁingolai'me łalanDios.

Jahuay łalunxajma' lihuej'me ŁanDios, aimal'econayacu lixcay.

MaŁmana' fa'a li'a łamats', jahuay laŁpitine, luyalaico'me to
luyalaicopa lixanuc' ŁanDios, iŁque cal Paxi.

76 İma' mai'hua Juan, tecui'im'mo' umprofeta.

Toya'a'ma litaiqui' ŁanDios, iŁque cal Cuecaj Xonca.

İma' to'huaj'me'ma laŁPoujna, tolanc'e'ma lipene.

77 Tomuc'i'mola' lixanuc' ŁanDios.

ToŁta'a ti'i'ma quiŁsina' ŁanDios tunŁu'e'mola', timenc'e'eco'mola'
li'epa.

78 ŁanDios aŁsimponga' ninc'icuanuc'la.

Tiyuf'tsi cal 'ora lapalc'o'i'monga'; ma toŁta'a lapalc'o'iponga'
ŁanDios, iŁque Nopa'a lema'a.

79 ToŁta'a tulif'ena'mola' lan xanuc', maŁniya itsiya
aiquepalc'o'ila'.

İniya tocomma amuf liŁpicuejma', ti'huaicoyi ma le'a lamaya.

AŁhecona'monga' al c'a cane, jilpe aimalŁsuelmot'leconayacu.

80 Łamijcano ti'hua titoqui. I'i'ma acueca' lipicuejma'. Ai'a
ti'e'ma lipenic' ŁanDios, iŁque Juan aikuimujyoxi. Tipa'a
pe ailopa'a quiŁya'. ŁanDios tu'i'ma te litine timuj'moxi.
Tuya'a'ma litaiqui' ŁanDios, tiquimf'eŁe lipimaye, iŁne lixanuc'
Israel.

2

¹ Iñiya hitiné cal cuecaj quincuxepa cuftine César Augusto. Ni petsi lomana' lan xanuc' ticuxe'ela' tiyente hitipitelolya' pe limajnllyota hitatahueló. Jilpiya tinilinginnola' hitpuftine. ² Tohta'a lipangopa lan censo fa'a li'a lamats'. Li'ipa aimi'eyi tohta'a. Iñiya hitiné hincuxepa cuftine Cirenio ticuxe lamats' Siria.

³ Jahuay lan xanuc' itsehuc' me hitipitelolya' hitatahueló, inilinginhuc' mola' hitpuftine. ⁴⁻⁵ José y María ipalunca hitpiya' Nazaret lopa'a al distrito Galilea. Iye' me al distrito Judea, hitya' Belén, tinilinginnola' jilpiya hitpuftine. Ihe hitya' Belén hitpiya' hitatahuelo José, itque cal rey David. Iñiya José y María inonc' opo'tsi temalli' me. Aiquejonliyot'si. María in-nay. ⁶ Mimana' hitya' Belén, ixhualtsi litine tipajnta hit' hua María. ⁷ Jilpiya ipo' no' ma cal te' a hit' hua, itque amijcano. Iju' e' ma quijahua', unaj' mi' ma pe lotetsoyopa linneja. José y María epi' impola' lajut' hit' pe loxmaipa linneja. Locuena lajut' hit' imanna xanuc', ailopa' a comanc' eyacu.

⁸ Ma' hitpiya hitya' Belén, ma' ahuejnca, timana' nohuic' ipá mot' hit'. Ihe lipuqui' comana' hitmuc' o', ti' eyi cuenna hitmot' hit'. ⁹ Pe lomana' hitniya nohuic' ipá mot' hit' icuai' ma anuli hitpaluc cal' Ailli' Lan Dios. Epalc' o' i' mola' al cueca' al paxi lipepalc' o' Lan Dios. Lixim' me, ixpailij' mola' juaiconapa. ¹⁰ Lapaluc quema' a ipalaic' o' mola', timila':

— Aimixpailij' molhuo'. Cu' i' molhuo' al c' a li' ipa. Ni petsi lomana' lan xanuc' tixoj' ma quileta. ¹¹ Itsiya jilpe hitya' pe lipajnyota cal rey David, ma' hitpiya ipajnta Lonhu' eyacolhuo'. Ique a Cristo hit' Poujna. ¹² Jilpe hitya' to' sinna hita' hua camijcano, iju' eya quijahua', tunouya pe lotetsoyopa linneja. To' sintsa tohta' a ti' i' ma co' sina' lainu' ipolhuo' al hitca.

¹³ Aiquico' hit' ma ixim' me axpela' lapaluc' quema' a icuai' me hitpiya pe lopa' a lapaluc hitmepa Lan Dios. Iñiya tix' najtsi' i' yi Lan Dios ticuayi:

¹⁴ Jahuay nomana' xonca al toncay lema' a tix' najtsi' hit' ite Lan Dios, timite:

Ima' man Dios, hitca um Cueca'.

Lan xanuc' nomana' li' a lamats', hitniya pe laten' cocopa Lan Dios, aimixhue' hit' mot' hit' econa' me.

¹⁵ Lapaluc' quema' a ipailinamma lema' a. Nohuic' ipá mot' hit' ipalaic' o' mo' tsi, timiyot'si:

— ¡Cuej! ¡Lepá hitya' Belén! Hit' Poujna Lan Dios joupa hit' miponga' te ts' i' ic' li' ipa. ¡Lepá, hit' sinna!

¹⁶ Aiquico' hit' mola' iye' me. Licuaitsa Belén ixintsa María jouc' a José jouc' a hitapími', itque tunouya petsi lotetsoyopa linneja. ¹⁷ Liximpá hit' pimi' nohuic' ipá mot' hit' uya' a' me hitipola' lapaluc quema' a, itque ipalaicopa hitapími'. ¹⁸ Lan xanuc'

licuej'me loya'apa nohuic'ipá mot'ł ticuayi: “¡Xinla! Acueca' li'ipa.”

¹⁹ María ailopa'a quicuapa. Jahuay ti'nujuaitsi. Itine itine ti'nujuaitsi, timiyoxi: “Tołta'a tołta'a li'ipa”. Aiquimenc'ejma.

²⁰ Nohuic'ipá mot'ł ipailinamma, ticuaita pe lomana' liłmot'ł. Miyeyi lane tix'najtsi'iyi ŁanDios. Tix'najtsi'iyi liximpa, tix'najtsi'iyi lataiqui' licuejpa. Ticuayi: “ManDios, acueca' ima', acueca' lof'epa”.

²¹ Lixhuaitsi al paico quitine i'e'me circuncidar łamijcano, ipo'no'i'me quiseña licuerpo. Ecuim'me Jesús. Tołta'a laftine łapaluc quema'a lu'ipa ma quinnay María. ²² María ihuejco'ma litaiqui' Moisés, i'huej'moxi. Lixhuaita iłniya łitiné María y José ileco'me ła'hua Jesús, i'hua'a'me al cuecaj xoute' lopa'a Jerusalén. Timuc'ita ŁanDios łalPoujna, tipaxnela'. ²³ Ti'e'eta ma to licuxepa łalPoujna ŁanDios. Iłe litaiqui' linilijmpa Moisés, tuya'e': “Cal te'a ło'hua łopajnya, iłque i'huexi ŁanDios”. ²⁴ Jouc'a titsufcota ma to loya'apa litaiqui' petsi linilijmpa locuxepa ŁanDios. Jiłpe ticua: “Totsufco'ma oquexi' laijcucú, o oquexi' lan jalmu”.

²⁵ Jiłpe al cuecaj quilya' Jerusalén tipa'a anuli cal xans cuftine Simeón. Iłque alijca xans, ihuequi jahuay locuxepa ŁanDios. I'huajma ticuaitsi litine ŁanDios acueca' titoc'iconatsola' lixanuc', iłniya ixanuc' Israel. Cal Espíritu Santo ticuxe lipicuejma'. ²⁶ Iłque cal Espíritu Santo joupá lu'ipa: “Toxim'ma cal Cristo. Toxim'ma ai'a tima'mo'.”

²⁷ Cal Espíritu Santo umme'ma Simeón ti'huala' al cuecaj xoute'. Małpiya al 'hora icuaitsa José y María, iłejma ła'hua Jesús. Ti'e'me ma to micua locuxepa ŁanDios. ²⁸ Simeón lixim'ma ła'hua Jesús ipulai'ma, ix'najtsi'i'ma ŁanDios, timi:

²⁹ ManDios maiPoujna: Itsiya lapi'ila' lane, iya' aicax-huelcoconaya, almanla'.

Joupa enanłpa lotaiqui' ima' lalul'ipa.

³⁰ Cahuelonge iłca'a łomummepa, iłca'a Łalunłu'eyacongá'.

³¹ Mummepa, icuai'ma fa'a li'a łamats'.

Ni petsi lomana' lan xanuc' ti'ila' quilsina' tołta'a li'ipa.

³² Iłque Epalc'o', tepalc'o'i'mola' liłpicuejma' lan xanuc', iłne aimimetsaicohuo' ima' manDios.

Illanc' oxanuc', ima' malanDios, iłque lixoc'i'monga' acueca' calata.

Ałnes'me: “Illanc' ixanuc' Israel, iłque alpiya' xans”.

³³ José jouc'a qui'máma' Jesús ticuayi: “¿Te copalaicocopa tołta'a ła'hua? Aicalcueca.”

³⁴⁻³⁵ Simeón ipaxne'mola', timi María qui'máma':

—ŁanDios joupá ixpic'epa lo'iya iłca'a ło'hua. Ummepa fa'a li'a łamats' ŁanDios tipa'a lomuc'iyacola' lan xanuc'. Iłne

aimepenufyacu, tinesc'e'me. Ima' jouc'a totelco'ma acueca' cumla, toxim'ma to lix'ay al cutsilo titsufai'ma lomunxajma', tixcai'e'mo'.

⁷Hualca aimetenlcocoyacola' lo'hua, ilne tejac'mola'. Hualca tetenlcoco'mola', ilne tuyalaico'me al c'a. Jilpe tixinim'me te ts'i'ic' lipicuejma' axpela' lan xanuc', ilne ixanuc' Israel. Timuj'moltsi ja'ni ac'a o ja'ni ixcay lipicuejma'.

³⁶ Ilniya litiné tipa'a jilpiya al cuecaj xoute' anuli laca'no' lipuftine Ana. Qui'ailli' cuftine Fanuel, joupa imanapa. Litatahuelo cuftine Aser. Laca'no' Ana aprofeta, tuya'e' lix-pic'epa LanDios. Joupa itojnapa caca'no'. Ilque Ana apotsate, ilecopoltsi lipe'ailli' acaitsi camats', joupa imanapa. ³⁷ Itsiya ixhuaita amalpuj nuxans malpuj camats' apotsate. Aimi-pamma al cuecaj xoute'. Itine ipuqui' jilpiya texc'onlu. Aimitesma, tipalaic'o LanDios. ³⁸ Mipalay tolt'a'a Simeón icuaitsi jilpiya Ana. Ixintsi lahuac'hua Jesús, ix'najtsi'i'ma LanDios.

Jilpe al cuecaj xoute' timana' lan xanuc' ts'il'huaijma LanDios tunhu'ela' lipi'ya' Jerusalén. Ticuayi: "Aimalcuxecona'monga' la'l'eponga' laic'". Ana ipalaic'o'mola' jahuay ilniya, ipalaico'ma Jesús.

³⁹ Jilpe al cuecaj xoute' José y María i'e'me locuxepa LanDios, enant'lipá jahuay. Lijou'ma ipailinamma, icuaitsa Nazaret lipi'ya' lopa'a al distrito Galilea. ⁴⁰ Lamijcano ti'hua titoqui, jouc'a lipicuejma'. LanDios ti'hua tipaxne.

⁴¹ Amats' amats' micuaita al juic Pascua José jouc'a qui'máma' Jesús tiyeyi li'ya' Jerusalén. ⁴² Ixhuaitsi Jesús imbamaj coque' lemats' itse'me al juic ma to li'ejma'. Ileo'me Jesús. ⁴³ Lijou'ma al juic Jesús ipanenni Jerusalén. José y qui'máma' Jesús aiqiu'sina'. Tiyeyi lane ticuainata lipi'ya'. ⁴⁴ Ticuayi: "La'lpimaye il'ejmale Jesús". Anuli litine tiyeyi lane. Lijou'ma ehue'me Jesús. Ehue'me pe loyepa lipimaye, jouc'a limetsaicoyo'tsi. ⁴⁵ Aiquixim'me. Ipailiconamma. Icuaicontsa Jerusalén ehuet'sa jilpe. ⁴⁶ Ehuehuo'me afane' quitine.

Ixinghuona'me jilpe al cuecaj xoute' pe lomana' lan tsilaj comxiye. Tiquimf'ela', ticuis'ela'. ⁴⁷ Jahuay noquimf'epá timiyoltsi: "¡Xinla'! Acueca' lipicuejma'. Ac'a juaiconapa titalai'e." ⁴⁸ Lixim'me qui'máma' y José ticuayi: "¿Te qui'ipa? ¿Te co'ecopa tolt'a'a?" Quimáma' timi:

—Mai'hua, ¿te ca'l'ecoponga' tolt'a'a? Co'ailli' jouc'a iya' juaiconapa lahuehuo'. A'suetcoyi juaiconapa.

⁴⁹ Jesús timila':

—Imanc', ¿te calahuecopa? Ticuicomma iya' capajm'ma lejut'i cai'Ailli'. ¿Te aga aico'sina' ilta'a?

⁵⁰ Ihniya aikuilcuc'e lomipola'.

⁵¹ Lijou'ma, iyena'me jouc'a Jesús. Icuainatsa liłpiłya' Nazaret. Jesús ihuejco'mola'. Qui'máma' aiqumenc'ecojma li'ipa. Jahuay i'huejpa lipicuejma'.

⁵² Jesús ti'hua titoqui. Ti'hua ti'i xonca acueca' lipicuejma'. Etenłcoco'ma ŁanDios, lan xanuc' jouc'a etenłcoco'mola'.

3

¹⁻² Juan, i'hua Zacarías, mipa'a pe ailopa'a quiłya' ŁanDios ipalaic'o'ma, u'i'ma te ts'i'ic' lo'eya. Ihniya litiné ixhuaitsi imbamaj maque' camats' micuxe cal cuecaj quincuxepa cuftine Tiberias César. Poncio Pilato ticuxe al distrito Judea; Herodes ticuxe al distrito Galilea; Felipe ipima Herodes, ticuxela' lan distrito Iturea jouc'a Traconite. Lisancias ticuxe al distrito Abilinia.

Mimana' lan tsila' la'aillí Anás y Caifás ŁanDios ipalaic'opa Juan. ³ Juan ihuejcopa limipa ŁanDios, ipanamma pe lopa'a, ti'hua jahuay łamats' łemaj panaj Jordán. Tuya'e', tu'ila' lan xanuc':

—Tołsuej'menanca loł'epa lixcay. Tijouła' capo'i'molhuo'. ŁanDios tiłonc'e'ena'molhuo' lołjunac'.

⁴ Luyaipa quitine cal profeta Isaías inescopa Juan, uya'a'ma te ts'i'ic' lo'eya iłque. Tołta'a tuya'e' litaiqui' linilngiya lije'e, ticua:

Petsi ailopa'a quiłya' tuya'e' anuli cal xans, tu'ila' lan xanuc':
“Tołłanc'ele lipene łalPoujna, toł'e'ele alijca lane pe loyaicoya.

⁵ Jahuay liculhuay tima'nim'me, jahuay hįjualay ti'oquehuo, lan juentsolay łaneya ti'ina'mola' hįjca, łaneya petsi juaiconapa capic, tilajn-na'mola'.

⁶ Jahuay lan xanuc' tixim'me ŁanDios munł'ela' lixanuc'.”

⁷ Icuaiyunca axpela' lan xanuc' iłpic'a tepo'itsola' Juan. Juan timila':

—Imanc' ti'onłcospolhuo' to lacałpo'. A'ijc'a lonł'ejma'. ħNaitsi limipolhuo' tołcuaiyunca tolapołe? Imanc' tołcuayi: “Lapo'itsonga'. Tołta'a aimatłco'me al cueca' catełcoya locuaicoya.”

⁸ 'Iya' camilhuo': Ja'ni ołpic'a tolunłul—le, tonł'ele al c'a ma to mi'eyi petsi al linca lixhuej'menammas. Aimolnescona'me: “Abraham alatahuelo. Iłque aimalacani'eyaconga'.” Camilhuo': ŁanDios aimehue'e' lixanuc'. Ihna'a lopic' nipajnya ti'e'e'mola' inaxquej Abraham. ⁹ ŁanDios ti'onłicolhuo' to al 'ec. Jounpa ipo'nompa łatef'conyacu huejnca łime al 'ec. Ja'ni ixcay hi'as, tixanc'onata łunga.

¹⁰ Lan xanuc' icuis'e'me, timiyi:

—ħTe cał'eyacu illanc'?

¹¹ Juan italai'e'e'mola', timila':

—Ja'ni tipa'a oque' lotsamalo, anuli tommi'ila' petsi aiqui'hueca. Ja'ni tipa'a lofteja, tapi'i'ma pe ailopa'a coteja.

¹² Jouc'a icuaiyunca lin'najts'i'iyale, ilpic'a tepo'itsola' Juan. Icuis'e'me, timiyi:

—Momxi, illanc', ¿te ca'eyacu?

¹³ Juan timila':

—To'najtsi'iyalete al hijca. Aimofel'miyale'me.

¹⁴ Jouc'a lan soldado icuaiyunca, icuis'e'me, timiyi:

—Illanc', ¿te ca'eyacu?

Timila':

—Aimofnantsej'mola' lan xanuc'. Aimofcuf'mola' lan xanuc' petsi ailopa'a co'epa. Tetenlocotsolhuo' lo'najtsempolhuo'.

¹⁵ Lan xanuc' timiyoltsi:

—¿Te co'ia itsiya? ¿Naitsi xans ilca'a Juan? ¿Te ilca'a aCristo, ilque Lommeya LanDios?

¹⁶ Juan timila':

—Iya capo'icolhuo' aja'. Ticuaihuo ocuena ilque xonca acueca'. Iya' aimaf'onspa to ilque. Aimi'ia cuhual'e'eya lic'iji'. Ilque tepo'ico'molhuo' cal Espíritu Santo jouc'a lipaf' cunga. ¹⁷ Ilque ticuaiyunni ti'oncospa to cal xans nofusya litrigo. Ti'nof'ma lofuscoya, tequeyaf'ma litrigo, tilojm'ma lipifuc cal trigo. Cal c'a trigo ti'huejnata lihua. Lipifuc tipi'enghua petsi lunga aimipica.

¹⁸ Tofta'a Juan ixc'ai'i'mola' lan xanuc'. Ti'hua tixc'ai'ila'. Jouc'a tu'ila' Lataiqui' loya'apa ile al c'a lixpicepa LanDios.

¹⁹ Juan jouc'a ixc'ai'i'ma Herodes. Ilque Herodes exic'e'epa lipeno lipima. Laca'no' cuftine Herodías. Juan itale'ma Herodes tofta'a li'epa. Jouc'a titale jahuay nixpiya lo'epa. ²⁰ Herodes i'e'ma xonca acueca', itats'etsi Juan, i'nicotsi lacarza.

²¹ Ai'a titats'em'me Juan ilque tepo'ila' lan xanuc'. Mepo'iyale icuaiti Jesús. Jouc'a epo'i'ma. Jesús mijoc'i LanDios eximma lema'a. ²² Cal Espíritu Santo imunni ihuoxaf'caitsi Jesús. Ilque cal Espíritu lixans to anuli cal ja'mu'. Lema'a tipalay, timinni Jesús:

—Ima' ai'Hua ca'ehuo' capic'a juaiconapa. Latenma lop-icuejma' jouc'a lo'ejma'.

²³ Lipango'ma Jesús lipenic' ixhuaita to anuxans quimbama' lemats'. Lan xanuc' ticuayi i'hua José. Li'ahuelo José cuftine Elí.

²⁴ Elí i'hua Matat,

Matat i'hua Leví,

Leví i'hua Melqui,

Melqui i'hua Jana,

Jana i'hua José,

²⁵ José i'hua Matatías,

Matatías i'hua Amós,

Amós i'hua Nahum,
Nahum i'hua Esli,
Esli i'hua Nagai,
²⁶ Nagai i'hua Maat,
Maat i'hua Matatías,
Matatías i'hua Semei,
Semei i'hua Josec,
Josec i'hua Judá,
²⁷ Judá i'hua Joanán,
Joanán i'hua Resa,
Resa i'hua Zorobabel,
Zorobabel i'hua Salatiel,
Salatiel i'hua Neri,
²⁸ Neri i'hua Melqui,
Melqui i'hua Adi,
Adi i'hua Cosam,
Cosam i'hua Elmodam,
Elmodam i'hua Er,
²⁹ Er i'hua Josué,
Josué i'hua Eliezer,
Eliezer i'hua Jorim,
Jorim i'hua Matat,
³⁰ Matat i'hua Leví,
Leví i'hua Simeón,
Simeón i'hua Judá,
Judá i'hua José,
José i'hua Jonam,
Jonam i'hua Eliaquim,
³¹ Eliaquim i'hua Melea,
Melea i'hua Mena,
Mena i'hua Matata,
Matata i'hua Natán,
³² Natán i'hua David,
David i'hua Isaí,
Isaí i'hua Obed,
Obed i'hua Booz,
Booz i'hua Sala,
Sala i'hua Naasón,
³³ Naasón i'hua Aminadab,
Aminadab i'hua Admin,
Admin i'hua Arni,
Arni i'hua Esrom,
Esrom i'hua Fares,
Fares i'hua Judá,
³⁴ Judá i'hua Jacob,
Jacob i'hua Isaac,
Isaac i'hua Abraham,

Abraham i'hua Taré,
 Taré i'hua Nacor,
³⁵ Nacor i'hua Serug,
 Serug i'hua Ragau,
 Ragau i'hua Peleg,
 Peleg i'hua Heber,
 Heber i'hua Sala,
³⁶ Sala i'hua Cainán,
 Cainán i'hua Arfaxad,
 Arfaxad i'hua Sem,
 Sem i'hua Noé,
 Noé i'hua Lamec,
³⁷ Lamec i'hua Matusalén,
 Matusalén i'hua Enoc,
 Enoc i'hua Jared,
 Jared i'hua Mahalaleel,
 Mahalaleel i'hua Cainán,
³⁸ Cainán i'hua Enós,
 Enós i'hua Set,
 Set i'hua Adán,
 Adán i'hua ŁanDios.
 Joupa icula'apa.

4

¹ Jesús ipainamma pe lopa'a al panaj Jordán, cal Espíritu Santo ticuxe lipicuejma'. Małque cal Espíritu i'hua'a'ma pe ailopa'a quíya', ailopa'a xanuc'. ² Mipa'a jilpe łonta'a Satanás ehua'i'ma. Oquej nuxans quitine oquej nuxans quipuqui' icoł'ma lehuaipa. Jahuay ihniya łitiné aiquitesma. Lixhuaitsi ihne łitiné unle'enni juaiconapa. ³ Łonta'a timi:

—Ima' ja'ni i'Hua ŁanDios tocuxe'etsi ilca'a łapic. Tomiła': "To'exoxi ca'i".

⁴ Jesús italai'e'e'ma, timi:

—Al Paxi Linilingiya ticua: "Łoteja cal xans aimites'miya lipitine. Ticuicomma jouc'a jahuay łitaiqui' lonespa ŁanDios."

⁵ Lijou'ma łonta'a ileco'ma anuli h'nof'quiya quijuala. Jilpe imuc'i'ma nulemma jahuay lan tsilaj nación lomana' li'a łamats'. ⁶ Timi:

—Capi'i'mo' comane, tocuxena'ma jahuay ihna'a. Timet-saicom'mo' umcuecaj xonca. Itsiya iya' cacuxela', joupa lapi'impa laimane. Ja'ni caxpic'ela' ticuxela' ocuena iya' capi'i'ma quimane, ilque ticuxena'ma. ⁷ Ima' ma le'a laxc'onłingaiła', tijouła' tocuxena'ma jahuay.

⁸ Jesús italai'e'e'ma, timi:

—Ima' monta'a to'huanta'. Al Paxi Linilingiya ticua: "Taxc'onłingaiła' ŁanDios, ilque omenDios. Ma le'a ilque tomi'ma: Ima' umCueca'."

⁹ Lijou'ma łonta'a i'hua'a'ma liya' Jerusalén. Icuai'etsi pe lopa'a al cuecaj xoute', xonca al toncay. Jiłpe ecaxu'ma, timi:

—Ima', ja'ni i'Hua ŁanDios taiyuła' al 'ocay. ¹⁰ Al Paxi Linilingiya ticua:

ŁanDios tumme'mola' lepaluc' quema'a, titoc'i'mo', ti'e'mo' cuenna.

¹¹ Tipulnuf'mo' liłmane, tołta'a lopic' cane ailopa'a co'eyaco'.

Aimixcai'eyaco'.

¹² Jesús italai'e'e'ma, timi:

—Jouc'a ticua: “Aimahuai'ma ŁanDios; iłque omenDios.”

¹³ Łonta'a lijou'nepa lehuaipa Jesús ipo'nona'ma quituca'. Aimehuaiconaya.

¹⁴ Jesús ipainamma, icuaita al distrito Galilea. Jiłpe ixinguf'moxi acueca' lipaxnepa cal Espíritu Santo. Jiłpe łamats' ni petsi lomana' lan xanuc' iłniya icuej'me lo'epa, lonespa Jesús.

¹⁵ Łajut'li pe lafołyomma lan xanuc' judío, jiłpiya timuc'iyale. Jahuay ticuayi ac'a lipicuejma'.

¹⁶ Icuaitsi liya' Nazaret pe litojyopa. Jiłpe i'e'ma ma to mi'ay. Litine conxajya itsufai'ma lajut'ł pe lafołyomma lan xanuc'. Ecax'ma tixhue'ma al Paxi Linilingiya. ¹⁷ Ini'im'me lijuisquiya je'e linilingiya litaiqui' cal profeta Isaías. Ux'malaif'ma al je'e, tixhuf'i'mola' linilingiya, ticua:

¹⁸ ŁanDios alapi'ipa li'Espíritu Santo.

Ał'huij'epa, ałfajpa cu'itsola' Lataiqui' loya'apa iłe al c'a lixp'ic'epa ŁanDios.

Tiquimf'ele lan xanuc' pe aiquil'hueca.

Lummepa camitsola' litats'ila': “Cuhuałna'molhuo”.

Jouc'a cu'itsola' lan fohue: “Caxal'mena'molhuo', tolahuet-salena'me”.

Pe noximpá ipime lapajnya quılonc'e'e'mola' cal cunta.

¹⁹ Alummepa camitsola' lan xanuc': “Itsiya linca ŁanDios titoc'i'molhuo', tepenuf'molhuo”.

²⁰ Lijoupa lu'ipola' iłiya, ijuitsaf'ina'ma al je'e, ini'ina'ma notoc'iyalepa jiłpe lajut'ł. Icutshuaina'ma. Jahuay nomana' jiłpe lajut'ł tehuelojnyi Jesús. ²¹ Iłque timila':

—Imanc' joupa ołcuejpá iłe laixhuepa. Itsiya enantcopa jiłe lataiqui' liniliya.

²² Jahuay etenłcoco'mola' lonespa Jesús. Icuaitsi quılpic'a. Ticuis'eyołtsi, timiyołtsi:

—Iłque, ¿te ma ałınca i'hua José? o ¿a'i?

²³ Jesús timila':

—Imanc' ałmi'ma: “Ima' oxina' łafxı, įtoxał'mexoxi cotuca!” Ałmi'ma: “Ałcuejpá lo'epa liya' Capernaum. Jouc'a to'ela' tołta'a jifa'a lopiya'.”

²⁴ Jouc'a timila':

—Iya' camilhuo' al linca: Ja'ni anuli cal profeta ticuaitsi ma lipiŷya', aimepenuffyacu.

²⁵ 'Litiné lipajmpa cal profeta Elías fa'a li'a łamats' uyaipa afane' camats' y onłca aikuic'. Jahuay łamats' i'ipa cumemma. Jiłpe łamats' Israel pe lopa'a Elías timana' axpela' lacał'no' lam potsateya. ²⁶ ŁanDios aicummaic' Elías pe lomana' ihniya lacał'no'. Umme'ma ti'huała' locuenaj nación, liŷya' Sarepta, pu'hua titoc'ita anuli łaca'no' apotsate. Ite liŷya' Sarepta ahuejnca al cuecaj quiŷya' cuftine Sidón.

²⁷ 'Litiné lipajmpa cal profeta Eliseo fa'a łamats' Israel, timana fa'a axpela' lan xanuc' titelcoyi al cuana lepra. Ite lafcualłay ailopa'a quixałcopa. Anuli łafcuaana cuftine Naamán qui'huayomma ocuena camats' cuftine Siria, linca ixałcona'ma iłque.

²⁸ Liquimf'epa tołta'a locupa Jesús lan xanuc' nomana' jiłpiya lajut'ł, jahuay ixtulencia juaiconapa. ²⁹ Itsolinanca, i'noł'me Jesús, ipa'a'me lema quiŷya'. Liŷya' copa'a letefcaic' quijuala. I'hua'a'me li'huesca hijuala, teca'nita liculhuo. ³⁰ Jesús uyaico'ma nolojmay xanuc', i'huana'ma.

³¹ Icuaitsi liŷya' Capernaum, lopa'a al distrito Galilea. Litine conxajya imuc'i'mola' lan xanuc'. ³² Imetsaico'me acueca' comxi. Ixim'me tipa'a limane, al c'a timuc'iyale.

³³ Lajut'ł pe lafołyomma lan xanuc' jiłpe tipa'a anuli cal xans itsufaipa conta'a. Cal xans ija'a'ma ujfxi, timi Jesús:

³⁴ —Ima' cunJesús, mas Nazaret, ¿te cotsufaicomma pe lałmana' illanc'? ¿Ja'ni ocuaiyoco'ma ałjou'netsonga'? Ałpo'notsonga' caltuca'. Iya' nimetsaicohuo' naitsi ima'. Ima' umPaxi, co'huayomma ŁanDios.

³⁵ Jesús itale'ma łonta'a, timi:

—¡Ti-ch'ixcotso'! ¡Taipanni iłca'a cal xans!

Mehuelojnyi jahuay lan xanuc' łonta'a eca'ni'ma cal xans łamats', ipananni. Aiquixcai'e cal xans. ³⁶ Lan xanuc' ixpailij'mola', timiyoltsi:

—¿Te cataiqui' jiłta'a? Iłque cal xans ti'hua limane ticuxe'ela' lontahue, ihniya tilipalnamma.

³⁷ Jahuay ite łamats' ni petsi lomana' lan xanuc' icuej'me lo'epa jouc'a lonespa Jesús.

³⁸ Jesús ipanni jiłpe lajut'ł pe lafołyomma lan xanuc'. I'hua'ma itsufai'ma lejut'ł Simón. Jiłpe li'maco Simón tunouya textafque, tepi'i linu' juaiconapa. Ixa'hue'me Jesús titoc'ila' jiłque łaca'no'. ³⁹ Jesús icuaitsi pe lopa'a łaca'no' łaxtafpa, ic'ommai'ma itale'ma lipinu'. Lipinu' iłojn-na'ma. Aiquicoł'ma, łaca'no' itsahuenanni, ites'mi'mola' lan xanuc'.

40 Jounpa if'acolaipa cal 'ora, lan xanuc' ilejma jahuay lile-cualtay pe lopa'a Jesús, ituca' ituca' lihcuaana. Jesús ix-payaf'mola' anuli anuli, ixal'mena'mola'. 41 Axpela' lontahue ipalumma lafcualtay. Ihe lontahue tija'ayi timiyi:

—Ima' i'Hua LanDios.

Jesús itale'mola'. Timila':

—Aimoluya'acona'me tołta'a.

Ihniya ihcina' naitsi Jesús, ihque cal Cristo.

42 Lihuequi litine lihic'ejma Jesús ipanni i'hua'ma petsi ailopa'a quihya'. Lan xanuc' tehueyi. Ixim'me, timiyi:

—Aimo'huaana'ma, topajnlá' fa'a lałpiya'.

43 Jesús timila':

—Iya' ai'huanapa cuyaicota ocuenaye quilelohya'. Jouc'a cu'itola' ihniya lan xanuc': “LanDios cal Rey tijoc'ila' lixanuc' tihuejcole”. LanDios alummepa tołta'a ca'ela'.

44 Lijou'ma i'huaana'ma. Jiłpiya hilemats' lan xanuc' judío ni petsi lomana' lajut'li pe lafołyomma lan xanuc' ti'hua tuya'e' Lataiqui' loya'apa ile al c'a lixpicepa LanDios.

5

1 Anuli litine Jesús tecaxu łema al cuecaj quin'nuhua' Gene-saret, jouc'a lacui'impá lin'nuhua' Galilea. Axpela' lan xanuc' efołya jiłpiya tiquimf'eyi mu'ila' litaiqui' LanDios. Titants'iyi Jesús. 2 Jesús ixim'ma tipa'a oque' lam barco jiłpe łema caja. Liłpoujnalá ailomana', imulumma tipajyi liłxami. 3 Jesús if'aj'ma anuli al barco, ile libarco Simón. Ixahue'epa Simón tiłoc'ai'ela' nihuata libarco. Tołta'a i'e'ma. Jesús micutsu jiłpe al barco timuc'ila' lan xanuc' nomana' łema caja.

4 Lijoupa limuc'iyalepa, timi Simón:

—Ima' jouc'a lof'as lin'nołpá catuye toł'hua'ale al barco. Tołcuaitsa nolojmay caja tołacajm'mita łołxami, ti'nijmołaita latuye.

5 Simón italai'e'e'ma, timi:

—Momxi, ał'epá canic' jahuay lipuqui'. Aical'nołi. Itsiya ima' ałminga': “Tołacajm'mita łołxami”. Ne', ima' ałcuxe'enga', lihuejco'mo'. Cacuxe'etola' laipin'nołpá catuye tecajm'mita liłxami.

6 Ecajm'mihuo'me liłxami, imantsi catuye, cołá' tits'ałquehuo.

7 Liłf'as quin'nołpá catuye timana' locuenaj barco. Simón jouc'a liłejmale ijoc'i'me ihniya ticuaiyunca titoc'im'mola'. Icuaitsa imantsola' catuye loquej lam barco. Juaiconapa icuntaj'mola' lam barco, cołá' ti'nijmołecu laja'. 8 Lixim'ma tołta'a Simón Pedro exc'onłingai'ma li'mitsi' Jesús, timi:

—Maipoujna, ałpo'nołá' caituca'. Iya' ninxans juaiconapa acueca' laijunac', catay calaic'ata małejmaleyacu.

⁹ Simón jouc'a liŕejmale nomana' jilpe libarco ixpailij'mola' juaiconapa liximpá i'noł' me axpela' latuye. ¹⁰ Liŕejmale Simón nomana' locuenaj barco, iŕne Jacobo y Juan inaxque' Zebedeo, jouc'a ixpailij'mola'. Jesús timi Simón:

—Aimixpaij'mo'. Capi'i'mo' locuena copenic'. Aimahueconayacola' latuye. Tahuetola' lan xanuc' lihuejla' iya'.

¹¹ I'hua'a' me liŕbarco łema caja. Ipo'no' me jahuay, ihuej' me Jesús.

¹² Mipa'a Jesús anuli liŕya' icuaiyunni anuli cal xans tipa'a licuana cuftine lepra. Jahuay licuerpo imanna cahuí. Ixim'ma Jesús ic'ommof'cai'ma łamats', tixahue'e titoc'ila', timi:

—Maipoujna, ima' nipajnya latufc'enta', caxinxoxi ał'inta' limpio. ¿Ja'ni to'e'ma?

¹³ Jesús i'nij'ma limane, iłaf'ma łafcuana, timi:

—Ca'e'ma, ti'intso' limpio.

Aiquicol'ma iłojn-na'ma lehui. ¹⁴ Jesús ixc'ai'i'ma, timi:

—Aimo'itola' lan xanuc' te ts'i'ic' li'ipo'. Nij naitsi mi'iya quixina'. To'huał', tomujxoxi ł'a'ailli'. Moisés joupa icuxepa te ts'i'ic' mitsufcoyacu iłniya pe lixałconapola' liłcuana iŕe alepra, ima' totsufcotsi jouc'a. Tołta'a ałsim'monga' lihuejcoyi iŕe łataiqui'.

¹⁵ Tama Jesús timi: “Nij naitsi mi'iya quixina’”, lan xanuc' xonca icuej' me lo'epa. Icuaiyunca axpela' lan xanuc'. Iłpic'a tiquimf'eŕe Jesús lomuc'iyalepa, iłpic'a tixał'menatsola' liłcuana.

¹⁶ Camna, camna Jesús tijuc'iyoxi. Itsehuc'ma pe ailopa'a quiŕya', pe ailopa'a xanuc', jilpe tipalaic'o qui'Ailli'.

¹⁷ Anuli litine timuc'ila' lan xanuc'. Jilpe timana' lan xanuc' fariseo, jouc'a lomxiye nomuc'iyalepá locuxepa ŁanDios. Iłniya quiyouyomma jahuay liłeloŕya' al distrito Galilea, jouc'a al distrito Judea, jouc'a al cuecaj quiŕya' Jerusalén. Jilpiya ŁanDios timuqui lipepaxi, Jesús tixał'menala' lafcualłay.

¹⁸ Icuaiyunca hualca lan xanuc' iłtaic' anuli łuhuaqueya xans, tunaf'ya lihuijm-ma'. Ehue' me te co'iya muyai'eyacu liłpefcuana ticuai'etsa pe lopa'a Jesús. ¹⁹ Jilpe efot'leyołtsi axpela' lan xanuc' aimi'iya mitsufai'eyacu. I'ajli' me al toncay lajut'ł, enai'e' me łuhua'e cajut'ł, jilpiya ecajnco' me łuhuaqueya xans. Ecajmpá to qui'ic' lihuijm-ma' nolojmay xanuc', małpe pe lopa'a Jesús. ²⁰ Jesús ixim'mola' ti'huaiyijnyi tixał'mena'ma cal xans, timi:

—Maipima, lojunac' joupa iłojn-napa.

²¹ Lan xanuc' fariseo jouc'a lomxiye nomuc'iyalepá locuxepa ŁanDios ticuayi liłpicuejma': “¿Naitsi iłca'a cal xans? Ti'e'eyoxi to ŁanDios. Ma le'a ŁanDios tiłonc'e lajunac', iłca'a a'i.”

²² Jesús ixina' tołta'a ticuayi liłpicuejma'. Icuis'e'mola':

—Imanc', ¿te comescopa toŧta'a loŧpicuejma'? ²³ ¿Ja'ni toŧsinyi ipime iŧiya laimipa cal xans: “Lojunac' joupá iŧojn-napa”? Ja'ni camila': “Totsahuenni, to'huaŧa'”, ¿te toŧsim'me a'i quipime iŧe lataiqui'? ²⁴ Itsiya camuc'i'molhuo' icueya laimane. Iya' iŧque cal Xans Liximpa cal profeta pu'hua lema'a. Ma capa'a fa'a li'a lamats' ti'i'ma quilonc'e'e'mola' liŧjunac' lan xanuc'.

Timi huhuaqueya xans:

—Totsahuenni. Tonif'la' lohuijm-ma'. To'huanŧa' lomejut'ŧ.

²⁵ Mehuelojnyi jahuay lan xanuc' aiquicoŧ'ma, cal xans itsahuenanni, ecaxna'ma. Inif'ma lihuijm-ma', i'hua'na'ma lejut'ŧ, tix'najtsi'i LanDios. ²⁶ Jahuay nomana' jiŧpe lajut'ŧ tocomma tipailo liŧpicuejma'. Ixim'me juaiconapa acueca' li'e'ma Jesús. Ix'najtsi'i'me LanDios. Ixpailij'mola', timiyotŧsi:

—Itsiya aŧsimpá acueca' li'ipa.

²⁷ Jesús ipanni jiŧpe i'hua'ma, ixim'ma anuli lin'najtsi'iyale cuftine Leví, ticutsu pe lo'najtsi'iyaleyompa. Jesús timi:

—Lihuejla'.

²⁸ Leví itsahuenni, ipo'no'ma jahuay, ihuej'ma Jesús.

²⁹ Jiŧpe lejut'ŧ Leví i'eyo'ma lijuic Jesús. Jiŧpe Jesús titetsoyi ts'ilihuequi jouc'a axpela' lin'najtsi'iyale jouc'a ocuenaye xanuc'. ³⁰ Jiŧpiya timana' lan xanuc' fariseo jouc'a lomxiye nomuc'iyalepá locuxepa LanDios, iŧniya tihuejcoyi li'ejma' lam fariseo. Tixtuc'oyi Jesús. Timinnila' ts'ilihuequi:

—Imanc', ¿te coltetsocopa, te colŧnacopa anuli lin'najtsi'iyale y locuenaye lan xanuc', iŧne aimihuejcoyi locuxepa LanDios?

³¹ Jesús italai'e'e'mola', timila':

—Lan xanuc' pe ailopa'a quilitcuana aimicuicomma no'eyacola' cafxi. Laxtafpola' linca ticuicomma no'eyacola' cafxi. ³² Iya' aicuaicoco'ma cajoc'itsola' ts'iltaic' quilitjunac', tixhuej'menanca. Aicajoc'ila' pe ailopa'a quilitjunac'.

³³ Lijou'ma, timiyi Jesús:

—Ts'ilihuequi Juan itine itine tixnet'lyi, aimitetsoyi, tijoc'iyi LanDios. Ma' anuli lo'epa ts'ilihuequi lam fariseo. Ima' ts'ihuejhoo' aimixnet'lyi, titetsoyi, tixnayi, ma to lo'epa jahuay lan xanuc'.

³⁴ Jesús italai'e'e'mola', timila':

—Mipa'a namaneya, ¿te ticuxe'e'mola' liŧejmale aimitetso'me? ³⁵ A'i. Ticuaitŧi litine tiŧonc'e'enatŧola' namaneya, iŧne liŧejmale timanecu quilitcuca', iŧniya litiné linca tixnet'ŧ'me, aimitetsoyacu.

³⁶ Jesús ti'hua timuc'ila'. Ipango'ma i'onŧico'ma lomuc'iyalepa. Timila':

—¿Te tolipa'a'me tutani anuli al ts'e loŧpijagua', tolanajmot'lico'me lafane loŧpijagua'? A'i. Ailopa'a no'eya toŧta'a.

Ja'ni tołta'a tont'ele aimetenłcocoaya lafane lijahua'. Aimi'eya quipenic' ni lafane ni al ts'e.

³⁷ Jouc'a aimołc'ej'miyacu al ts'ej vino lafane' pontalay quixmi. Ja'ni tołta'a tont'ele al ts'e vino tits'al'mola' lafane' pontalay quixmi, tic'ejaiquehuo al ts'ej vino, timinsco'mola' lixmi. ³⁸ Al ts'ej vino tołc'ej'mi'me al ts'ej ponta quixmi. ³⁹ Jouc'a camilhuo': Pe noxnapa litojpa vino aiquipic'a al ts'ej vino. Ticua: "Xonca ac'a litojpa vino".

6

¹ Anuli litine conxajya Jesús jouc'a ts'ilihuequi tuyalaicoyi nolojmay cal trigo. Ts'ilihuequi ipa'apá lixpaj cal trigo, untajco'me liłmane, ite'me. ² Hualca lan xanuc' fariseo icuis'em'mola' ts'ilihuequi Jesús, timinnila':

—Imanc', ¿te coł'ecopa tołta'a? Ailopa'a lane mi'enyacu tołta'a. Itsiya itine conxajya.

³ Jesús italai'e'e'mola', timila':

—¿Te aga aicołsuec' li'epa David anuli litine tunle'eyi jouc'a liłejmale? ⁴ Itsufai'ma lejut'ł LanDios. Epenuf'ma lam paxi ca'i lopa'a jiłpe, iłque ł'a'i i'huexi LanDios. Lan xanuc' aimi'iya mitejacu, ma le'a la'aillí tite'me. Linca David ite'ma, epi'i'mola' liłejmale, jouc'a ite'me. ⁵ Iya' iłque cal Xans Liximpa cal profeta pu'hua lema'a. Iya' naPoujna. Iya' caxpic'e te ts'i'ic' lo'eyacu laixanuc' litine conxajya.

⁶ Ocuena quitine conxajya Jesús timuc'iyale lajut'ł pe lafołyomma lan xanuc'. Jiłpe tipa'a anuli cal xans ijułpa al c'a quimane. ⁷ Jiłpe timana' lan xanuc' fariseo, jouc'a lomxiye nomuc'iyalepá locuxepa LanDios. Tehuelaifyi Jesús. Ticuayi: "Itsiya itine conxajya. Aga tixał'meyale'ma. Ja'ni tołta'a ti'ela', ałcufta." ⁸ Jesús ixina' locuapa iłne liłpicuejma'. Timi cal xans lijułpa quimane:

—Totsahuenni. To'huanni. Tacaxla' jifa'a.

Cal xans itsahuenni, i'hua'ma, ecax'ma jiłpe limipa Jesús.

⁹ Jesús timila':

—Ałtalai'e'ela' imanc'. Litine conxajya, ¿te ts'i'ic' cał'eyacu? ¿Te ts'ipic'a LanDios? ¿Ał'e'me al c'a o ał'e'me lixcay? ¿Lunlu'e'me anuli cal xans? O ¿alacani'e'me?

¹⁰ Jesús ehuelojm'mola' lan xanuc' micutshuołanna jiłpiya. Timi cal xans:

—To'nijla' lomane.

Cal xans i'nij'ma limane, ixałcona'ma nulemma. ¹¹ Lan xanuc' fariseo jouc'a lomxiye nomuc'iyalepá locuxepa LanDios ixtulenca juaiconapa. Ipalaic'o'mołtsi, timiyołtsi: "¿Te cał'e'eyacu iłque cal xans Jesús?"

¹² Iłniya litiné Jesús if'aj'ma lijualay tipalaic'ota LanDios. Iłpe ipanenni jahuay lipuqui', tipalaic'o LanDios. ¹³ Joupa

epalc'opa ijoc'i'mola' ts'ilihuequi ticuaiyunca pe lopa'a. I'huijf'e'mola' imbamaj coquexi'. Iñiya ecui'i'mola' lan apóstole. Liḷpuftine iñiya:

¹⁴ Simón, Jesús ecui'i'ma locuena quipuftine, iḷe aPedro. Andrés, iḷque ipima Simón.

Jacobo jouc'a Juan, Felípe jouc'a Bartolomé,

¹⁵ Mateo jouc'a Tomás, Jacobo iḷque i'hua Alfeo, jouc'a locuena Simón. Ate'a iḷquiya Simón anuli liḷpicuejma' lan xanuc' nocuapá: "Lunḷu'e'me ḷalamats'".

¹⁶ Judas, iḷque i'hua anuli cal xans cuftine Jacobo, jouc'a Judas Iscariote, iḷque nocuya Jesús.

¹⁷ Jesús jouc'a ts'ilihuequi imulnanca ḷijuala. Icuaiyunca ḷihuoḷjma, eacaxma ḷiḷpiya Jesús. Jiḷpe timana' axpela' ts'ilihuequi Jesús jouc'a axpela' lan xanuc', iñiya quiyoyomma ni petsi al distrito Judea, jouc'a quiyoyomma al cuecaj quilya' Jerusalén, jouc'a ḷamats' lema caja pe lopa'a ḷileloḷya' Tiro y Sidón. Icuaicoco'me tiquimf'ele litaiqui' Jesús, tixaḷ'menatsola' liḷcuana. ¹⁸ Loteḷ'mipola' lonta'a, ixaḷcona'mola'. ¹⁹ Lafcuallḷay noxpayaf'pá Jesús tixingufyi lipepaxi. Jahuay lafcuallḷay ixaḷcona'mola'. Toḷiya jahuay lan xanuc' tehueyi tixpayaf'le Jesús.

²⁰ Mehuelongila' ts'ilihuequi Jesús timila':

—Imanc', ja'ni ailopa'a coḷ'hueca, ḷinca tuluyalaicoyi al c'a. Pe loḷmana' tipa'a LanDios cal Rey, toḷmana' anuli.

²¹ 'Ja'ni itsiya tulunle'eyi, ḷinca tuluyalaicoyi al c'a. Ticuaihuo litine tinajntolhuo'.

'Ja'ni itsiya toḷjolijyi, ḷinca tuluyalaicoyi al c'a. Ticuaihuo litine tixojna'ma cunlata.

²² 'Iya' iḷque cal Xans Liximpa cal profeta pu'hua lema'a. Ticuaitsi litine ti'entsolhuo' laic' imanc' ts'alihuequi, ja'ni tenajtsolhuo', aimepenufilhuo', ja'ni timintsolhuo' quixcay cataiqui', ja'ni tilaiquintsolhuo' jouc'a loḷpuftine, ti'ḷa' coḷsina' tuluyalaicoyi al c'a. ²³ ¡Toliyuc'tseḷe tixojla' cunlata! Jipu'hua lema'a tipa'a al cueca' lapi'inyacolhuo'. Imanc' ti'onḷcospolhuo' to lam profeta. Loḷsanuc' ti'elhuo' laic'. Loḷtatahueló ma' anuli li'epá, iteḷ'mim'mola' lam profeta.

²⁴ 'Imanc' ja'ni ts'acueca' coḷ'huexi, a'ijc'a muluyalaicoyi. Joupa olapenufpá.

²⁵ 'Imanc' ja'ni itsiya ixhuaiyilhuo', ḷinca a'ijc'a muluyalaicoyi. Ticuaihuo litine tulunle'e'me.

'Imanc', ja'ni itsiya tixoqui cunlata, tunlixoyi, ḷinca a'ijc'a muluyalaicoyi. Ticuaihuo litine toḷhuotso'me, toḷjolij'me.

²⁶ 'Ja'ni jahuay lan xanuc' tinescolhuo' ma le'a al c'a, ḷinca a'ijc'a muluyalaicoyi. Ja'ni toḷta'a lo'ipolhuo' imanc' ti'onḷcospolhuo' to lam profeta nofelḷaiquepá. Lan xanuc'

nonescopolhuo' al c'a itsiya, liŧatahueló ihniya toŧta'a linescopa. Aiquilimetsaijma ja'ni nofelŧaiquepá profeta.

27 'Imanc' naŧcuc'e'pa camilhuo': Toŧ'etsola' capic'a laixtuc'opolhuo'. Toŧ'etsola' al c'a ihne no'epolhuo' laic'.

28 Toŧpaxnetsola' pe nomipolhuo' quixcay cataiqui'. Toŧsahue'ete ŐanDios titoc'itsola' ihne no'epolhuo' lixcay.

29 Ja'ni tuntaftso' lopeque, tomuc'ila' locuena lopeque. Ja'ni texic'e'etso' lopusuiya, aimocuanaj'ma lotsamalo, tommi'ila' jouc'a. 30 Ja'ni tixahue'etso', tapi'itsola' jahuay ihniya. Ja'ni texic'e'etso' lo'huexi, aimomi'ma: "Aŧpai'inŧa'". 31 Ma to imanc' oŧpic'a ti'entsolhuo' al c'a, toŧta'a toŧ'etsola' loŧ'as xanuc'.

32 'Ja'ni toŧ'etsola' capic'a ma le'a ihniya no'epolhuo' capic'a, ŧte ŐanDios tetenŧcoco'ma loŧ'ejma'? A'i. Ma toŧta'a mi'eyi locuenaye lan xanuc', ihne pe aimihuejyi locuxepa ŐanDios.

33 Ja'ni toŧtoc'itsola' ma le'a ihniya notoc'ipolhuo', ŧte ŐanDios tetenŧcoco'ma loŧ'ejma'? A'i. Ma toŧta'a mi'eyi locuenaye lan xanuc', ihne pe aimihuejyi locuxepa ŐanDios. 34 Ja'ni tolapi'itsola' ma le'a ihniya nopai'iconayacolhuo', ŧte ŐanDios tetenŧcoco'ma loŧ'ejma'? A'i. Toŧta'a mi'eyi locuenaye lan xanuc', ihne pe aimihuejyi locuxepa ŐanDios. Ihniya tepi'innila' quiltomí petsi lopai'iconayacola'.

35 'Imanc' tonŧ'e'mola' capic'a pe no'epolhuo' laic'. Toŧtoc'itsola' jahuay loŧ'as xanuc'. Ja'ni tixahue'etsolhuo' tonlapi'i'mola'. Aimolnes'me: "Ne', lapi'iconaŧa'". Imanc' ja'ni lihuejcoŧa' iŧta'a laitaiqui' tunlulij'me acueca'. Ti'onŧcotolhuo' loŧ'ejma' to li'ejma' coŧ'Ailli', ihque Nopa'a lema'a xonca al toncay. Ihque tama aimix'najtsi'iyi, tama ixcay xanuc', ma ti'hua titoc'ila'.

36 'Coŧ'Ailli' Nopa'a lema'a tixinnila' acuanuc'la jahuay lan xanuc'. Imanc' jouc'a toŧsintsola' acuanuc'la loŧ'as xanuc'.

37 'Imanc' aimolnesco'mola' loŧ'as xanuc', toŧta'a aiminescoyacolhuo'. Aimolacani'e'mola' locuenaye, toŧta'a aimecani'enyacolhuo' imanc'. 38 Tolimenc'e'ecotsola' liŧjunac' loŧ'as xanuc', toŧta'a timenc'e'ecom'molhuo' loŧjunac' imanc'.

Tolapi'itsola' locuenaye, toŧta'a tepi'icona'molhuo'. Tepi'icom'molhuo' al c'a alxpijma', lixhueya tentenca ipijuala, ti'e'em'mo' titsujoŧaiquemma.

39 Jesús ti'hua tipalaic'ola', i'onŧico'mola' lo'iyacola' lan xanuc' petsi amuf liŧpicuejma', ticua:

—Anuli cal fo', ŧte ti'i'ma texaŧ'ma hiŧ'as fo', timuc'i'ma lane? A'i. Loquexi' tecajm'molaita lina.

40 'Cal xans naihuejpa lipomxi ma le'a tihuequi, a'i xonca acueca' xans. Aimicuxeya lipomxi. Tijouŧa' joupa ihuic'ipa ti'onŧcota to lipomxi.

41 'Ima', ¿te cofmehuelojncopa łopima łipifuc li'u? ¿Te aimahuelojnyoxi lo'nico laxma lo'u? 42 Mipa'a laxma jilpe lo'u, ¿te cofmicoya łopima: "Maipima, łapi'ila' lane quilonc'e'e'mo' łipifuc lo'u"? Ma le'a to'e'eyoxi xonca. Ate'a taipa'ala' al cuecaj laxma lo'nico lo'u. Tijoula', tahuelojm'ma al c'a, nipajnya taipa'a'ma łipifuc łopa'a li'u łopima.

43 'Ja'ni ac'a al 'ec aimi'iya mi'asya łixcay qui'as. Ja'ni łixcay al 'ec aimi'iya mi'asya cal c'a qui'as. 44 Toxinla' łi'as, tołta'a taimetsaico'ma jale c'ec ilca'a. Petsi litac cantsinni aimoxinya lan higo. Petsi al xummi aimoxinya lan 'uva. 45 Cal c'a xans tipa'e al c'a li'hueca jilpe łipicuejma'. Łixcay xans tipa'e łixcay li'hueca jilpe łipicuejma'. Ma to quimanna łipicuejma', ja'ni al c'a ja'ni łixcay, tołta'a łitaiqui' tipamma lico.

46 'Imanc', ¿te całmicopa: "MałPoujna, małPoujna", tijoula' aimonł'eyi ma to laifmipolhuo"? 47 Camuc'i'molhuo' ło'onłcoya cal xans nocuaiya pe laifpa'a, ałquimf'e łitaiqui', lihuejma. 48 Ca'onłico'ma to cal xans nilanc'epa lejutł. Ipu'ma a'ojca, i'huajco'ma łixmi capic. Małpiya titsahue'ehuo quejutł. Litine łipanni axpe' al pana', łixpe'ma laja', unts'af'i'ma lajutł, ille lajutł aiquifenna. Ailopa'a qui'ipa, joupa ilange juaiconapa.

49 'Cal xans ja'ni ma le'a ałquimf'epa łitaiqui', ilque ca'onłico'ma to cal xans ituca' li'ejma'. Ilque lilanc'epa lejutł aiquipucufi. Litsahue'eyomma pe łixałi camats'. Łipanni al pana', acueca' unts'af'i'ma laja', lajutł aiquicoł'ma, etelquemma. Ecanipa nulemma.

7

1 Lijoupa łipalaic'opola' tołta'a lan xanuc' nomana' jilpiya, Jesús i'hua'ma, itsufai'ma łiłya' Capernaum. 2 Jilpe tipa'a anuli cal mozo juaiconapa textafque, tima'ma. Łipoujna ticuxela' amaxnu lisoldado. Ilque nocuxepola' lan soldado ti'ay capic'a juaiconapa łimozo. 3 Licuej'ma tixał'menala' Jesús lałcualłay umme'mola' hualca lan łsilaj xanuc' judío, ilne noxpilpá lataiqui', tiyełe pe łopa'a Jesús. Tilecotsa, ticuaiyunni lejutł, tixał'me'ma łimozo. 4 Ilne lan łsilaj xanuc' judío icuaitsa pe łopa'a Jesús. Inonc'o'me, timiyi:

—To'huanni, tołoc'ita jilque nocuxepola' lan soldado. Ilque ac'a xans. 5 Ał'enga' capic'a illanc' ixanuc' Israel. Ałłanc'e'eponga' anuli lajutł pe lalafotłeyopołtsi. 6 Jesús iyejmale'me. Ai'a ticuaita lejutł nocuxepola' soldado italecuf'me locuenaye lummeconapola'. Timiyi Jesús:

—Nocuxepola' soldado timihuo': "Maipoujna, aimocuaicohuo. Aimoxoc'i'moxi. Iya' caxinyoxi juaiconapa na'hua xans. Aimi'iya motsufaiya łainejutł. 7 Iya' aimi'iya catalecufyaco'.

Caxina calaic'ata. Ma le'a tonesla': Tixałconła' łomozo, ti-joula' tixałcona'ma. ⁸ Iya' quihuejma nałcuxepa, jouc'a cacuxela' laisoldado. Cami'ma anuli: To'huała', iłque ti'hua'ma. Cami'ma łocuena: To'huanni, iłque ti'huamma. Cami'ma łaimozo: To'ela', ma ti'e'ma.”

⁹ Licuej'ma Jesús tołta'a linespa łincuxepa, etenłcoco'ma juaiconapa. Ipai'e'moxi ipalaic'o'mola' lan xanuc' liłenc'e, timila':

—Iłque cal xans lixanuc' aimimetsaicoyi ŁanDios. Imanc' ixanuc' Israel tolimetsaicoyi ŁanDios. Camilhuo': Ailopa'a caiximpa nij naitsi imanc' to iłque cal xans. Iłque łınca xonca ti'huaiyinge ŁanDios.

¹⁰ Ipailinamma lummeconapola', licuainata lejut'łincuxepa iximpá łafcuana joupa ixałconapa.

¹¹ Lijou'ma Jesús i'hua'ma anuli liłya' cuftine Naín. Iłejmale ts'ilihuequi jouc'a axpela' lan xanuc'. ¹² Jesús micuaispa huejnca pe lotsufaicompa liłya' jilpiya tilipalumma lan xanuc' iłtaic' anuli limanapa. Iłque limanapa, łaca'no' anuli qui'hua. Qui'máma' apotsate. Axpela' lan xanuc' iłpe liłya' liłejmale łaca'no'. ¹³ Jesús ehuelojm'ma łaca'no', ixim'ma cuanuc', timi:

—Aimojoj'ma.

¹⁴ Iłoc'huai'ma pe lopa'a limanapa. Ixpayaf'ma lonaf'ya limanapa. Iłne ts'iłtaic' ecaxol'me. Jesús timi:

—Mamijcano, camihuo': Totsahuenni.

¹⁵ Limanapa icutsaina'ma, ipango'ma ipalai'ma. Jesús exat'hina'ma qui'máma'. ¹⁶ Jahuay lan xanuc' ixpailij'mola'. Ixim'me acueca' li'ipa. Ix'najtsi'i'me ŁanDios, ticuayi:

—Anuli cal cuecaj profeta icuai'ma pe lałmana'. ŁanDios icuai'ma, ałtoc'inga' illanc' ixanuc'.

¹⁷ Ni petsi al distrito Judea, jouc'a łamats' ahuejnca jilpiya, lan xanuc' icuej'me li'epa Jesús.

¹⁸ Jouc'a Juan Bautista icuej'ma jahuay iłma'a. Ts'ilihuequi u'ipá. Juan ijoc'i'mola' oquexi' ts'ilihuequi, ¹⁹ umme'mola' pe lopa'a Jesús, ticuis'etsa, timitsa: “Itsiya ał'huaicoyi łocuaicoya łommeya ŁanDios. ¿Te ima'? o ¿te ti'hua ał'huaico'me łocuaicoya?”

²⁰ Iłne icuaitsa pe lopa'a Jesús, timiyi:

—Juan Bautista alummeponga' licuis'e'mo', timi'mo': “Ał'huaicoyi łocuaicoya Łommeya ŁanDios, ¿te ima'? o ¿te ti'hua ał'huaico'me łocuaicoya?”

²¹ Małe litine Jesús tixał'mela' axpela' lafcuallay, ituca' ituca' liłcuana. Jouc'a ipa'apola' lontahue litsufłaipá lan xanuc'. Jouc'a axpela' lam fohue tehuetsalenayi, joupa ixał'menapola' Jesús. ²² Iłque timila' lummeapolaj Juan:

—Ne', tonłenłe. Tołcuaitsa pe lopa'a Juan tolu'itsa te ts'i'ic' lołsimpa, lołcujpa. Tołmita:

Tehuetsalenayi lam fohue, tiyenayi lam coxo,
 tixałconnala' ts'ilehui lepra, ti'inala' limpio,
 ticuejnayi lan tałpe, timaf'inayi limanapola'.
 Lan xanuc' pe aiquił'hueca tu'innila' Lataiqui' loya'apa iłe al
 c'a lixpıc'epa ŁanDios.

23 'Jouc'a tołmitsa Juan: "Cal xans natentłcocopa lai'ejma' iłque
 linca al c'a loyaicoya".

24 Iyena'me lummepolaj Juan. Jesús ipango'ma
 ipalaic'o'mola' lan xanuc' lefołya jıłpiya. Tipalaijma Juan,
 timila':

—Imanc', ¿te cołtsecohuo'me jipu'hua pe ailopa'a quiłya'? ¿Te
 cołsinhuo'me jıłpiya? ¿Te ołsinhuo'me anuli al jaxa tife'ne łahua'?
 25 Ja'ni a'i, ¿te cołtsecohuo'me? ¿Naitsi cołsinhuo'me jıłpiya? ¿Te
 ołsinhuo'me anuli cal xans nopo'nopa al c'a lipijahua', acueca'
 lipitali? A'i. Lan xanuc' nopo'nopá liłpijahua' acueca' al c'a,
 notetsopá al c'a, iłniya timajnyi iłejut'łi lan rey.

26 '¿Te cołtsecohuo'me? ¿Naitsi cołsinhuo'me jıłpiya? ¿Te
 ołsinhuo'me anuli cal profeta? Ałinca ołsinhuo'me anuli cal
 profeta, iłque Juan. Iłque aimi'onłspola' to lam profeta, xonca
 acuecaj xans. 27 Al Paxi Linilıngiya joupa ipalaicopa Juan
 ticuaihuo, ticua:

¡Ałquimf'eta'! Cumme'ma łainepaluc.

Iłque ti'huajme'mo', tuya'a'ma ima' tocuaihuo.

Tilanc'e'e'mo' lopene pe lof'huaya.

28 Iya' camilhuo': Iłque Juan acuecaj xans. Ailopa'a caca'no'
 quipo'nohuo li'hua to iłquiya. Tama aimi'ıya mi'onłyacola' to
 Juan, ja'ni joupa itsufaipa petsi locuxeyopa ŁanDios Nopa'a
 lema'a, tama xonca aca'hua xans, iłque joupa ulijnapa Juan.

29 Lan xanuc' jouc'a no'najtsi'iyalepá iquimf'epá linespa
 Juan, iłne imetsaico'me ŁanDios ałıjca lo'epa, epo'i'mola' Juan.

30 Lan xanuc' fariseo jouc'a lomxiye nomuc'iyalepá locuxepa
 ŁanDios etets'i'me loxpıc'epa ŁanDios, aiquilepoc', aimicuayı.

31 Jesús ti'hua tipalaic'ola' lan xanuc', timila':

—¿Te caif'onłıcoyacolhuo' imanc' nołmana' fa'a itsiya?
 ¿Te ts'i'ic' loł'ejma'? 32 Ca'onłıco'molhuo' to la'uhuay
 nocutshuołanna pe locucaleyompa, tijaic'oyołtsi. Anuli iłne
 timila' lif'as ca'uhuay: "İllanc' ałfus'mipá lałjaxa, tołsoułe.
 Aicołsahuo. Lunac'lipá ihuotsoqueya, aicołjoqui."

33 'Tołta'a loł'ejma' imanc'. Ailopa'a catentłcocoyacolhuo'.
 Juan Bautista aimitesma to mołtetsoyi imanc', aimixnay vino.
 Imanc' tołcuayi: "Iłque itsufaipa conta'a". 34 Iya' iłque cal
 Xans Liximpa cal profeta pu'hua lema'a. Iya' aicuai'ma fa'a
 li'a łamats' catesma to mołtetsoyi imanc', caxnay al vino.
 Imanc' ałnesc'e, tołcuayi: "Tołsinłe, iłca'a cal xans intetsopa,

in-xnatsaipa. Hejmale ihne lin'najtsi'iyalepá jouc'a locuenaye lan xanuc' pe aimihuejcoyi locuxepa LanDios."

³⁵ 'Iya' cacua: Linca LanDios acueca' ac'a lipicuejma', tołta'a timujiyi ihne naihuejcopá, jouc'a acueca' ac'a liłpicuejma'.

³⁶ Anuli cal xans fariseo ijoc'i'ma Jesús titetsota. Jesús i'hua'ma, icuaitsi lejut'ł cal xans fariseo, icutshuai'ma titetso'ma. ³⁷ Jiłpe liłya' tipa'a anuli łaca'no' ixçay lo'epa. Iłque icuej'ma ijoc'impá Jesús lejut'ł cal xans fariseo. Łaca'no' i'hua'ma lejut'ł cal xans. Itai'ma anuli al cuecaj pulu ilajncopa apic cuftine alabastro. Al pulu imanna caceite tujuej c'a. ³⁸ Łaca'no' iłoc'huai'ma li'mitsi' Jesús. Ipango'ma tijoqui. Łujuay ijac'eco'ma li'mitsi' Jesús, etufc'eco'ma łijuac. Ituc'o'ma li'mitsi' Jesús, ic'ef'i'i'ma laceite lojuepa c'a.

³⁹ Cal xans fariseo, iłque nijoc'ipa Jesús, ixim'ma lo'epa łaca'no'. Iłque timiyoxi: "Ja'ni ałınca aprofeta iłque cal xans Jesús, ti'i'ma quixina' te ts'i'ic' lipicuejma' iłca'a łaca'no', ti'i'ma quixina' tipa'a acueca' lijunac'. Ticuanaj'moxi, ticua'ma: Aimał—lał'ma."

⁴⁰ Jesús ipalaic'o'ma cal xans fariseo, timi:

—CumSimón, tipa'a laifmiyaco'.

Timi:

—Ne', Momxi, ałmił'a.

Jesús timi:

⁴¹ —Timana' oquexi' lan xanuc' iłtaiyinc'e anuli cal xans. Anuli itaiyinc'e to lolijya anuli camats' y onłca. Locuena itaiyinc'e to lolijya anulij mut'ła y onłca. ⁴² Ihne loquexi' lan xanuc' ailopa'a co'najtsecoyacu. Iłque lepi'ipola' quiltomí imenc'e'eco'mola' loquexi' iłtaiyinc'e. Itsiya ałmił'a: ¿Ihne loquexi' naitsi xonca co'eya capic'a iłque nimenc'e'ecopola' ts'iłtaiyinc'e?

⁴³ Simón timi:

—Iya' cacua: Iłque nitaiyinc'e xonca, xonca ti'e'ma capic'a.

Jesús timi:

—Otalai'epa ma' al linca.

⁴⁴ Ipai'e'moxi, ehuelojm'ma łaca'no', timi Simón:

—Toxina lo'epa iłca'a łaca'no'. Iya' aicuai'ma lomejut'ł. Aicaluhui'i caija' capajcoya lai'mitsi'. Iłca'a łaca'no' lapac'e'ecopa łujuay lai'mitsi', etufcopa łijuac. ⁴⁵ Ima' aicałtuc'o'. Iłca'a łaca'no' laicuai'ma fa'a ipangopa ałtuc'opa lai'mitsi', ti'hua ałtuc'o'. ⁴⁶ Ima' aicałc'ef'i'i' caceite łajuac. Iłca'a łaca'no' ałc'ef'i'ipa caceite lojuepa c'a lai'mitsi'.

⁴⁷ 'Iya' camihuo': Iłca'a łaca'no' joupa imenc'e'ecompa al cueca' li'epa, tołiya ał'epa capic'a juaiconapa. Cal xans aijtine li'epa, ja'ni timenc'e'ecom'me, aijtine ti'e'ma capic'a.

⁴⁸ Jesús ipalaic'opa łaca'no', timi:

—Joupa imenc'e'ecompo' lo'epa.

49 Locuenaye lijoc'impola' ipango'me imi'mołtsi:

—¿Naitsi itca'a cal xans? Timi: “Joupa imenc'e'ecompo' lo'epa”. Tołta'a aimi'iya.

50 Jesús timi łaca'no':

—Ima' al'huaiyijmpa, tołiya joupa unłupo'. To'huanta' tixojla' meta. Aimoxhuełmot'łecona'ma.

8

1 Lijou'ma Jesús itya' itya' ti'huaf'cay, lan tsilaj quitelołya' jouc'a lan tsocay quitelołya'. Tuya'e' Lataiqui' loya'apa ite al c'a lixpica'epa ŁanDios. Tijoc'ila' lan xanuc' tihuejcole ŁanDios cal Rey. Limbamaj coquexi' ts'ilihuequi itejmale. 2 Jouc'a tiyeyi lacał'no'. Itne lacał'no' Jesús joupa itał'menapola'. Hualca itniya ipa'epola' lontahue litsufłaipá, locuenaye ituca' quılcuana. Anuli itniya aMaría łas Magdala łpa'empa acaitsi lontahue. 3 Jouc'a tiyeyi axpela' lacał'no' ts'il'hueca. Itniya ixhuico'me łit'huexi, itoc'im'mola' Jesús jouc'a ts'ilihuequi. Anuli itniya cuftine aJuana, ipeno anuli cal xans cuftine aChuzá, itque ticuxe łit'huexi cal rey Herodes. Ocuena cuftine aSusana.

4 Axpela' lan xanuc' quipalyomma łitelołya' iyoyunca pe lopa'a Jesús. Lijoupa lefot'łepołtsi itniya lan xanuc' Jesús i'onłico'ma lo'epa ŁanDios fa'a li'a łamats'. Timila':

5 —Cal xans ipanni itca'nehuo'ma lam fanuj trigo. Mica'ne lam fanu' hualca ecangolaitsa lane. Lan xanuc' i'huailtsuf'me. Lacał'hui naiyulpá lema'a icuaitsa, itejn-na'me.

6 'Hualca lam fanu' i'nifcolaitsa łixmi capic. Lila'mola' lam fanu' aiquicoł'ma itujna'mola'. Aiquix'minuhua łamats'.

7 'Hualca lam fanu' itsuc'aita pe lopa'a łitac'. İla'mola' łai'fa' trigo jouc'a łitac'. Łitac' ejec'o'ena'ma łai'fa' trigo.

8 'Ocuenaye lam fanu' etojmołaitsa cal c'a camats'. İtoj'ma, ipaj'ma, ipammaita. Anuli cal fanu' ipammaita amaxnu.

Lijou'ma luya'a'ma itla'a lataiqui' Jesús ipalał'ma ułfxi, timila' lan xanuc':

—Naitsi nocuejpa, atquimf'etá' itya' laitaiqui'.

9 Ts'ilihuequi Jesús icuis'e'me te cohualquemma jite lataiqui' łi'onłicopa lo'epa ŁanDios fa'a li'a łamats'. 10 Jesús timila':

—Imanc' epalc'o'ipolhuo' lołpicuejma'. Tołcuc'eyi łipime lataiqui' loya'apa lo'ipa petsi lan xanuc' tihuejcoyi ŁanDios łit'Rey. Ocuenaye a'i, aimicuec'eyi. İtne ma le'a atquimf'eca'onłicojma lo'epa ŁanDios, aimi'iya muhualyacú. Tí'ila' to loya'apa al Paxi Linilngiya ticua: “Mehuelojnyi aimixim'me, miquimf'eyi aimicuej'me”.

11 'İtsiya cu'ilhuo' lohualquemma ite lataiqui'.

'Lam fanu', itne itaiquı' ŁanDios. 12 İtne li'ipola' lam fanu' lecangolaita jilpe lane, łi'onłicospa to lo'ipola' lan xanuc' petsi

ma le'a tiquimf'eyi litaiqui' LanDios. Ticuaiyunni hixcay xans tihonc'e'e'mola' lataiqui' lihpicejma'. Ique hixcay xans ticua: "Aimihuej'me ihe litaiqui' LanDios. Aimuntul'me."

13 'He li'ipola' lam fanu' li'nif'cołaita hixmi capic petsi ahuata lamats', ti'onłcospa to lo'ipola' lan xanuc' noquimf'epá lataiqui', tepenufyi tixoqui quileta. Lataiqui' aimif'acay lihpicejma'. Oquej fanej quitine ihniya tihuejyi lataiqui'. Ticuaitsi latełcoya tenajnayotłsi.

14 'He li'ipola' lam fanu' litsuc'aita nolojmay quitac', ti'onłcospa to lo'ipola' locuenaye xanuc' noquimf'epá lataiqui'. Ihe muyalaicoyi lihpitine tixhuełmot'heyi juaiconapa, o tehueyi te co'ya mulijyacu acuecaj quiltomí, o tehueyi te co'ya mixojya quileta. Tołta'a lataiqui' licuaita lihpicejma' ejec'opa, aimipammaiya.

15 'He li'ipola' lam fanu' łetojmołaita cal c'a camats' ti'onłcospa to lo'ipola' lan xanuc' ac'a lihpicejma', aimifellaiqueyi. Ihniya ticuejyi litaiqui' LanDios, aimimenc'ecoyi. Itine itine tihuejyi. Tipammolaispa al c'a.

16 'Munai'i'me anuli lepalc'o' aimic'omumijcoyi al cutse ni aimi'nicoyi licu'u hualfa. Tipo'nof'iyi al toncay. Titsuflaiyinle lajut'ł tixim'me jile lepalc'o'. 17 Jahuay lic'ommuf'inya ti'huájnata, jahuay lemiya timetsaicom'me. Jahuay tepalc'o'im'me.

18 'Mołquimf'eyi jouc'a tołpo'note cuenna. Cal xans ja'ni i'hueca, xonca tepi'im'me. Ja'ni aiqui'hueca, texic'ena'me jahuay. Tołta'a timuc'im'me li'ipa ailopa'a qui'hueca. Ma le'a ines'ma: "Joupa ai'hueca". A'ij linca ihe lonespa.

19 Icuaita qui'máma' jouc'a lipimaye Jesús. Ipic'a tipalaic'o'me. Jilpiya timana' axpela' lan xanuc'. Aimi'iyá miłoc'olaiyacu. 20 Lan xanuc' timiyi Jesús:

—Tecaxolanna łuna co'máma' jouc'a lopimaye. Ipic'a tipalaic'otso'.

21 Jesús italai'e'e'mola', timila':

—Cai'máma', laipimaye, comana' noquimf'epá naihuejcopá litaiqui' LanDios.

22 Anuli litine Jesús jouc'a ts'ilihuequi if'ajli'me al barco. Jesús timila':

—Ałque'me locuenaj liju lin'nuhua'.

I'hua'a'me al barco, tuyalaico'me łaja. 23 Miquieyi Jesús ixmai'ma. Ipiya lin'nuhua' aiquicoł'ma i'hua'ma ujfxi łahua', ixtunni łaja. El barco imantsi caja'. Ts'ilihuequi Jesús ixim'me acuecaj caxpaiqui'. 24 Ihe iłoc'olai'me pe loxmai'epa Jesús. Umme'f'me, timiyi:

—¡Momxi! ¡Momxi! ¡Ałma'monga'!

Jesús itsahuenni. Itale'ma lahua' jouc'a ļaja. Aiquicoł'ma i-ch'ixco'mola'. Jahuay ipanenanni ach'ixca. ²⁵ Timila' ts'ilihuequi:

—Imanc', ¿te aimal'huaiyinge?

Ihne ixpailij'mola' juaiconapa, timiyot̄si:

—¿Te qui'ipa li-ch'ixc'epa? ¿Naitsi ilca'a cal xans? Ticuxela' lahua' ļaja, tihuejcoyi.

²⁶ Lijoupa luyalaipá al cuecaj quin'nuhua' icuaitsa hilemats' lan xanuc' cuftine lan gadareno. Jilpiya lamats' lopa'a al huoc'ojmaica lemats' al distrito Galilea. ²⁷ Lipanni Jesús jilpe al barco ixim'ma icuaico'ma anuli cal xans malpe ilya' xans, itsuflaipá contahue. Ixpepa quitine aimipo'nohua lipijahua', aimipanga lejut'ł. Tipanga pe lemumpola' limanapola'.

²⁸ Cal xans lixim'ma Jesús ija'a'ma eca'ni'moxi, ixpats'huai'ma huejnca li'mitsi' Jesús. Ipalai'ma ujfxi, timi Jesús:

—Ima' cumJesús, i'Hua cal Cuecaj CanDios Nopa'a lema'a xonca al toncay, ¿te cocuaiyoco'ma pe laifpa'a? ¿Te ts'opic'a fa'a? Iya' caxa'huehuo' aimal'el'mi'ma.

²⁹ Tołta'a locuapa cal xans. Jesús joupa icuxepa łonta'a, imipa: “Taipanni ilque cal xans”. Ilque łonta'a juaiconapa ti'noli cal xans. Lan xanuc' tifi'ecoyi cadena limane' li'mitsi', ticuayi: “Itsiya ailopa'a co'eya”. Łonta'a tepi'i quipujfxi, cal xans tits'alqui al cadena. Lijou'ma łonta'a tihuetsoqui cal xans, ti'hua'e pe ailopa'a quilya'.

³⁰ Jesús icuis'e'ma, timi:

—¿Tej muftine?

Italai'e'e'ma, timi:

—Iya' laipuftine Legión.

Ihe laftine ticua: Axpela'. Axpela' lontahue itsuflaipá ilque cal xans. ³¹ Ihne lontahue tixahue'eyi Jesús aimipa'a'mola'. Aimiye'me al muf, jilpe al pu'hua liculhuo.

³² Jilpe lemala timana' axpela' lijná titeji quilpitamqui. Lontahue ixahue'e'me Jesús tepi'itsola' lane titsuflaihe ihne lijná. Jesús epi'i'mola' lane. ³³ Lontahue ipalunca ilque cal xans, itsuflai'me lijná. Jahuay ihne lijná inul'me, if'alcolai'me al 'ocay, i'nijmołaitsa al cuecaj quin'nuhua', unxalac'mola', ima'mola'.

³⁴ Lixim'me li'ipa lan xanuc' nohuic'ipá lijna aiquicoł'mola', inul'me, iyena'me liya'. Jilpe uya'atsa li'ipa. Jouc'a calx'huiyałma' uya'atsa. ³⁵ Lan xanuc' ipalunca iye'me ixintsa li'ipa. Icuaitsa pe lopa'a Jesús. Ixim'me cal xans ticutsijnya li'mitsi' Jesús. Joupa lontahue ipalnamma. I'napa lipicuejma'. I'po'nopa lipijahua'. Lixim'me li'ipa lan xanuc' ixpailij'mola' juaiconapa.

³⁶ Jiłpiya timana' lan xanuc' joupá iximpá jahuay li'ipa. İhniya uya'a'me li'ipa lixałconapa itque cal xans pe hitsufaic' contahue. ³⁷ Jiłpe al distrito Gerasa lan xanuc' xpailij'mola' juaiconapa. Jahuay ihniya ixahue'e'me Jesús ti'huanła', tipo'notsola' quiltuca'. Jesús if'aj'ma al barco, tipainahuo, ticuainata łocuena quema lin'nuhua'.

³⁸ Cal xans pe ĩpa'empa lontahue tixahue'e Jesús tilecoła' jouc'a. Jesús aikuicuac'. Ixc'ai'ina'ma, timi:

³⁹ —Topainanni lomejutł. To'itsola' loxanuc' al cueca' li'e'epo' LanDios.

Cal xans i'huana'ma, icuaitsi lipiıya'. Ni petsi jiłpiya u'itsola' lan xanuc' al cueca' li'e'epa Jesús.

⁴⁰ Icuaitsi Jesús łocuena quema lin'nuhua', ĩpe ih'huaijma axpela' lan xanuc'. Lixim'me ixoconni quileta. ⁴¹ Icuai'ma anuli cal xans lipuftine ajairo. İtque ipenic' ĩpe lajutł pe lafoıyomma lan xanuc'. İhoc'huai'ma exc'onłingai'ma li'mitsi' Jesús. Tixahue'e, timi:

—Łepá lainejutł.

⁴² İpic'a tixinne'etsi hi'hua caca'no'. İtque textafque, tima'ma. Łahuats' ixhuaita imbamaj coque' łemats', anuli qui'hua.

Jesús iyejmale'me Jairo. Miyeyi lane lanxpela' xanuc' titantsiyi Jesús. ⁴³ Nolojmay xanuc' ti'hua anuli łaca'no' textafque. İxhuaita imbamaj coquej camats' mextafque. Ti'hua cajuats' licu'u. Jahuay li'hueca i'najtse'ecopola' lin'ehuale cafxi. Aiquixałma. ⁴⁴ Łaca'no' ihoc'huaipa pe lopa'a Jesús. Icuaitsi lixpula', ĩłafc'e'e'ma łema lipijahua'. Aiquicoł'ma, ipanenni licuana, aimi'huaconghua cajuats'. ⁴⁵ Jesús icuis'e'mola', timila' lan xanuc':

—¿Naitsi nał—lafpa?

Jahuay italai'e'e'me, timiyi:

—İllanc' aical—lafhuo'.

Pedro timi:

—Momxi, to'hua nolojmay xanuc', titantsihuo'.

⁴⁶ Jesús ihui'i'ma, timi:

—İya' aixingufcopa joupá ał—lafquimpa. İquiya epenufpa laipaxi, ixałconapa.

⁴⁷ Łaca'no' ixim'ma aimi'ıya memiyacoxi. İhoc'huai'ma pe lopa'a Jesús, tixpaiqui tiyu licuerpo. Exc'onłingai'ma li'mitsi' Jesús. Jiłpe miquimf'eyi lan xanuc', uya'a'ma te quılafcopa, timi: “Aiquicoł'ma, ałsałconapa laicuana”. ⁴⁸ Jesús timi łaca'no':

—Mai'hua, ima' ał'huaijımpa caxał'mentso'. Joupá ixałconapo'. To'huanła'. Aimoxhuełmot'łecona'ma.

⁴⁹ Mipalaic'o Jesús łaca'no' icuaiconni anuli cal xans titalecuf'ma Jairo. İtque Jairo ipenic' lajutł pe lafoıyumma lan xanuc'. Timi:

—Ło'hua joupá imanapa. ¿Te cofxoc'icoya Łomxi?

⁵⁰ Jesús icuej'ma locuapa cal xans, italai'e'e'ma, timi Jairo:

—Aimoxhuełmot'le'ma. Ma le'a ał'huaiyijnla'. Ło'hua tixałcona'ma.

⁵¹ Licuaitsa lejut'ł Jairo, Jesús i'huij'epola' Pedro, Jacobo y Juan, jouc'a qui'ailli' qui'máma' ľahuats'. Itsuflai'me pe lopa'a ľahuats'. Aiquepi'ila' lane ocuenaye xanuc' mitsuflaiyacu.

⁵² Jahuay lan xanuc' nomana' jłpe lajut'ł tihuotsoyi, tijolijyi, tija'ayi, joupa imanapa ľahuats'. Jesús timila':

—Aimoljoliłjona'me. Łahuats' aikuimac'. Ma le'a tixmay.

⁵³ İne ixoco'me, ĩsina' joupa imanapa ľahuats'. ⁵⁴ Jesús i'noł'e'e'ma limane ľahuats', ijoc'i'ma, timi:

—Mahuats', totsahuenni.

⁵⁵ İmaf'ina'ma, aikuicoł'ma itsahuenni, ecax'ma. Jesús timila':

—Tołtes'mile.

⁵⁶ Qui'ailli' qui'máma' tipailo liłpicuejma', ticuayi: “¿Te ałnca ĩmaf'inapa ľał'hua?” Jesús ĩxc'ai'i'mola':

—Aimoluyout'le'me. Nij naitsi mi'ıya quixina'.

9

¹ Jesús ijoc'i'mola' limbamaj coquexi' ts'ilihuequi. Epi'i'mola' liłmane tipa'atsa lontahue, jouc'a tixał'metsa lafcualłay. ² Umme'mola' ĩlelołya' tuya'atsa te ts'i'ic' micuxe ŁanDios ĩłque cal Rey. Jouc'a tixał'mentsola' lafcualłay. ³ Timila':

—Tonłete. Nij tintsi mołtai'me lane. Jouc'a lołpaluc, lołponta, łonla'i, lołtomı, ocuena' cołsamalo aimołtai'me. ⁴ Tołcuaitsa anuli liłya' ja'ni tepi'ıntsolhuo' lajut'ł pe lołmanc'eyacu, mołmana' liłya' jıłpiya lajut'ł tołmajnle. ⁵ Anuli liłya' ja'ni lan xanuc' aımeıenufilhuo' tolıpalunca, tołunafle loł'mitsi', aimołtai'me loł'mitsi' ni łepi camats' jłpe liłya'. Ti'ıla' quıłsina' ma' ĩne quıłtuca' ti'najtse'me liłjunac'.

⁶ Limbamaj coquexi' ts'ilihuequi ipalunca. I'huaf'cołai'me ĩıya' ĩıya', tuya'ayi Lataiqui', ĩle loya'apa al c'a liıpic'epa ŁanDios. Jahuay ĩlelołya' ĩxał'mentsola' lafcualłay.

⁷ Cal rey Herodes icuej'ma jahuay lo'epa Jesús ĩpe łamats'. İxhuełco'ma. Ticua: “¿Naitsi lo'epa tołta'a?” Timana lan xanuc' nocuapá: “Juan Bautista ĩmaf'inapa, ipanamma pe lomana' limanapola'”. ⁸ Ocuenaye ticuayi: “İmaxcainata cal profeta Elías”. Locuenaye ticuayi: “Anuli ĩne lam profeta li'ıpa lomana' fa'a li'a łamats', ĩsiya ĩmaf'inapa, icuaina'ma’”.

⁹ Herodes timiyoxi: “İya' joupa aıcuxepa etec'empá łejoc' Juan. İsiya cacueca tinesconnı anuli cal xans acueca' lo'epa. ¿Naitsi ĩłque xans? ¿Te co'ıya caxinya?” Ehue'ma te co'ıya mixinya Jesús.

¹⁰ Limbamaj coquexi' lummepola' Jesús ipailinamma, icuainatsa pe lopa'a Jesús. U'i'me jahuay li'epa. Jesús

ileco'mola' iye'me quítuca', ticuaita anuli líya' cuftine Betsaida. ¹¹ Lan xanuc' icuej'me pe lotseyacu, iyenc'ot'le'me, ihuej'me Jesús. Icuaita pe lopa'a Jesús. Itque epenuf'mola'. U'i'mola' te ts'i'ic' micuxe LanDios. Laxtafpola' nahuepá tixałcontsola', ixat'mena'mola'.

¹² If'acolaipa ihoc'olai'me limbamaj coquexi', timiyi:

—Tommetsola' lan xanuc'. Tiyente hileloya', jouc'a calx'huiyałma' lomana' huejnca, tehueta łotejacu. Ma fa'a ailopa'a cotejacu.

¹³ Italai'e'e'mola', timila':

—Imanc' tołtes'mitsola':

Ihniya italai'e'e'me, timiyi:

—Aical'hueca. Tipa'a le'a amaque' la'í y oquexi' latuye. ¿Te aga łepá illanc' ał'nata łotejacu jahuay ihne lan xanuc'?

¹⁴ Jilpe timana' to amaquej mil lan xanuc'. (Jouc'a timana' lacał'no' la'uhuay.)

Jesús timila' ts'ilihuequi:

—Tołmitsola' ticutsołaitte oque' oque' nuxans quimbama'.

¹⁵ Tołta'a li'epa to licuxe'empola'. Jahuay icutsołai'me.

¹⁶ Jesús epef'mola' lam maque' la'í, loquexi' latuye, ehuenaf'ma lema'a, ix'najtsi'i'ma LanDios, ixquenuf'mola'. Epi'i'mola' ts'ilihuequi tica'nentsola' lan xanuc'. ¹⁷ Jahuay itetso'me, ixhuaitsoła'. Ts'ilihuequi efot'łepá lan hualcay ca'i lipanecomma. Imantsola' imbamaj coque' lan tsiquihuitł.

¹⁸ Anuli litine Jesús tipalaic'o LanDios. Jilpiya timana' ts'ilihuequi quítuca'. Timila':

—¿Te cocuapa lan xanuc'? ¿Naitsi iya'?

¹⁹ Italai'e'e'me, timiyi:

—Timana' nocuapá ima' umJuan Bautista. Ocuenaye ticuayi ima' unElías. Locuenaye ticuayi ima' umprofeta. Ticuayi li'ipa opajmpa, imanapo', itsiya omaf'inapa, ocuaina'ma.

²⁰ Timila':

—Imanc', ¿te cołcuapa? ¿Naitsi iya'?

Pedro italai'e'e'ma, timi:

—Ima' unCristo, ma Li'huijł'epo' LanDios, ummepo'.

²¹ Jesús ixc'ai'i'mola', timila':

—Aimoluyout'le'me. Nij naitsi mi'iya quixina'.

²² Timila':

—Iya' itque cal Xans Łiximpa cal profeta pu'hua lema'a. Catełco'ma juaiconapa. Lan tsilaj xanuc' noxpijpá lataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, alatets'i'ma nulemma. Ałma'a'ma. Afane' quitine camaf'ina'ma.

²³ Ipalaic'o'mola' jahuay lan xanuc', timila':

—Ja'ni anuli cal xans lihuej'ma, itque aimi'iya micuxeyacoxi quituca'. Iya' lapałts'inginna lancruz. Itque łalihuejya itine

itine titaila' lencruz jouc'a. Tixpic'ela' titeico'ma. Tofta'a linca lihuej'ma. ²⁴ Naitsi aimicua mitelcoya, itque no'epoxi cuenna juaiconapa, tecani'e'moxi. Naitsi nocuyacoxi latecoya, itque lalihuequi tama tima'anle, tunhu'e'moxi. ²⁵ Cal xans nolijya jahuay lopa'a fa'a li'a lamats', ja'ni tecani'e'moxi, ¿te quipenic' ite lulijpa?

²⁶ 'Iya' itque cal Xans Liximpa cal profeta pu'hua lema'a, cacuaicoconno. Ite litine atsim'ma ninCueca', atsim'ma al'oncota to LanDios cai'Ailli', lapalc'o'i'ma lam paxi lapaluc' quema'a. Anuli cal xans ja'ni titaila' calaic'ata, tofta'a aicalihuequi, ite litine cacuaicohuananni fa'a li'a lamats' iya' jouc'a aicapenufya itque cal xans. ²⁷ Iya' camilhuo' al linca: Fa'a timana' lan xanuc' tixim'me, timetsaico'me lo'eya LanDios micuxe li'a lamats'. Tofta'a tixim'me ai'a tima'mola'.

²⁸ Lijoupa luyaipa to apaico quitiné Jesús tipalaic'ota LanDios jilpe hijuala. Iteco'mola' Pedro, Juan, Jacobo, if'ajli'me. ²⁹ Mipalaic'o LanDios ipaico'ma li'a. Lipijahua' i'i'ma afujca afujca, tunts'iflay. ³⁰ Icuaitsa oquexi' lan xanuc' ipalaic'o'me Jesús. Anuli itne Moisés, locuena Elías. ³¹ Ihniya tulif'ela' al cuecaj quipepalc'o' LanDios. Itne jouc'a Jesús tipalaicoyi lo'iya ticuaitsi Jesús Jerusalén. Jilpe tipo'no'ma li'a lamats'.

³² Pedro jouc'a lilejmale tama itafquengcola' cahuí, aiqulismaic'. Ehuelojm'me Jesús, ixim'me ipaicopa li'a, lipijahua' tunts'iflay. Ixim'me oquexi' lan xanuc' tecaxolanna pe lopa'a Jesús. ³³ Mitolijnayi loquexi' lan xanuc' Pedro ipalaic'o'ma Jesús, timi:

—Momxi, ma jifa'a almanecu. Tofta'a luyalaico'me al c'a. Illanc' añanc'e'me afane' lihuoxqui, anuli ima', ocuena Moisés, locuena Elías.

Pedro ma le'a tipalay, aiqixina' lonespa. ³⁴ Mipalay Pedro imunni hummahuay. Ipoxc'i'mola'. Ixpailij'mola' juaiconapa. ³⁵ Jilpe hummahuay icuej'me tipalay, timila':

—Itca'a lai'Hua, lai'Huij'epa. ¡Toquimf'ete!

³⁶ Lijoupa limipola' tofta'a, ts'ilihuequi Jesús ixim'me itque quituca'. Moisés y Elías ailomana'.

Ihniya litiné lam fantsi ts'ilihuequi Jesús i'ipola' ch'ix. Aiquluya'e' ite liximpa jilpe hijuala.

³⁷ Lihuequi litine imulnanca hijuala. Axpela' lan xanuc' icuai'me tehueyi Jesús. ³⁸ Anuli ihniya ija'a'ma, ipalaic'o'ma Jesús, timi:

—Momxi, caxahue'ehuo' toxinta' lai'hua. Itque cal nuli cai'hua. ³⁹ Anuli lonta'a ti'noli. Lai'hua tija'e'. Lonta'a tife'ne ujfxi. Tipamma litsulu lico. Lonta'a tixcai'e lai'hua, afule mux'masya. ⁴⁰ Aixahue'epola' lihuejhuo' tipa'ate lonta'a, aiqulic' quilipa'e.

41 Jesús italai'e'e'ma, ticua:

—¡Ay imanc'! Aimo'huaiyijnyi ËanDios, a'ij lijca lo'picuejma'. Cola' aicapajncona'ma pe lo'mana'. ¿Te iya' ti'hua caxnet'f'ma?

Timi cal xans:

—Añec'metsi lo'hua.

42 Ai'a ticuaita ñamijcano ñonta'a eca'ni'ma ñamats', ife'ne'ma ujfxi. Jesús itale'ma ñonta'a, ixat'mena'ma ñamijcano, exat'hina'ma qui'ailli'. 43 Nahuelojmpá to'ta'a li'ipa jahuay tipailo li'picuejma'. Iximpá acueca' lo'epa ËanDios. Ixpailij'mola'.

Mi'nujuaisyi lan xanuc' jahuay lo'epa Jesús ti'hua tipailo li'picuejma'. Jesús ipalaic'o'mola' ts'ilihuequi, timila':

44 —Imanc' to'po'no'le cuenna laifmipolhuo'. Iya' itque cal Xans Liximpa cal profeta pu'hua lema'a. Alcum'ma ticuaita quilmene lan xanuc'.

45 Ts'ilihuequi aiqul'cueca limipola' Jesús. Aiquepalc'o'ila' li'picuejma'. Aimi'ya mepenufyacu ite lataiqui'. Aiquilicuis'e Jesús. Ixpailij'mola'.

46 Ipalaic'o'mo'ltsi, icuis'e'mo'ltsi: “¿Illanc', naitsi no'iya xonca cal cueca?”

47 Jesús imetsaicola' li'picuejma', exat'hu'ma anuli ñacamijcano, ecaxijm'moxi. 48 Timila' ts'ilihuequi:

—Cal xans nocuapa: “Jesús ti'ela' capic'a la'uhuy”, ti-joula' tepenufi ñacamijcano, jouc'a iya' lapenufi. Cal xans pe ñalapenufpa ma anuli lapenufinga' Ëalummepa. Iya' camilhuo': Ja'ni anuli imanc' ti'exoxi xonca aca'hua, itque xonca acueca'.

49 Juan ipalaic'o'ma Jesús, timi:

—Momxi, a'ñimpá anuli cal xans ticuaj'mi lopuftine, tipa'ala' lontahue. Illanc' a'ñipá: “Ailopa'a lane. Aimo'e'ma to'ta'a. Ima' a'i ca'ejmale.”

50 Jesús timila':

—Aimo'ñcuanac'e'me. Ja'ni aimixtuc'olhuo' tocomma to on'ejmale.

51 Licuaico'ma litine tepenufinnata Jesús pu'hua lema'a, ixpic'epa nulemma ti'huanta' Jerusalén. 52 Umme'mola' ts'ilihuequi tuya'atsa ñelol'ya', tu'yaletsa Jesús ticuaihuo'.

Itne lummepola' icuaita li'pilya' lun samaritano. Tehueyi lajut'f' pe lopanc'eya Jesús. 53 Lan xanuc' jilpe li'ya' ticuayi: “Itque Jesús ti'hua'ma Jerusalén. Aimalapenufyacu.” (Itniya itpilaic' al cuecaj xoute' lopa'a Jerusalén.)

54 Lixim'me li'ejma' itne lan xanuc' Jacobo y Juan icuis'e'me Jesús, timiyi:

—Ma'poujna, ¿te ts'opic'a? ¿Te aga a'joc'ite ËanDios, tumme'la' ñunga, tipitsola' nulemma itne lan xanuc'? To'ta'a li'epa cal profeta Elías.

55 Jesús ipai'e'moxi, itale'mola', timila':

—Imanc' aicołsina' te ts'i'ic' lołcuapa. Tocomma tunlihuejyi ocuena, a'i iya'. Imanc' ituca' lołpicuejma'. ⁵⁶ Iya' itque cal Xans Liximpa cal profeta pu'hua lema'a. Aicuaicoco'ma fa'a li'a lamats' cuntu'etsola' lan xanuc', a'i cjac'eyacola'.

Lijou'ma iye'me ocuena quilya'.

⁵⁷ Miyeyi lane icuaitsi anuli cal xans ipalaic'o'ma Jesús, timi:

—Ima' ni petsi loftseya iya' jouc'a quihuej'mo'.

⁵⁸ Jesús italai'e'e'ma, timi:

—Lant'leyá tipa'a lihpunts'ejay, laca'l'hui naiyulpá lema'a tipa'a lihpuxil'na'. Iya' itque cal Xans Liximpa cal profeta pu'hua lema'a. Iya' ailopa'a caifxmai'eya.

⁵⁹ Jesús ipalaic'o'ma ocuena xans, timi:

—Ima' lihuejla'.

Cal xans timi:

—Maipoujna, lapi'ila' lane, ca'huala' lainejutł. Mipa'a cai'ailli' capajnta jilpe. Tijoula timanla', caminna, quihuejna'mo'.

⁶⁰ Jesús timi:

—A'i. Lomapola' ti'i'ma temite lił'as lomapola'. Ima' to'huala', toya'atsi te ts'i'ic' micuxe LanDios cal Rey.

⁶¹ Ocuena xans ipalaic'o'ma Jesús, timi:

—Maipoujna, quihuej'mo'. Ate'a lapi'ila' lane ai'huanapa caxc'ai'itola' ilne nomana' lainejutł, tijoula' capaiconahuo, quihuej'mo'.

⁶² Jesús timi:

—Cal xans lipangopa tepa'ma lemats' ja'ni tipaico'f'ila' tehuelojnla' lixpula', aimi'ya mi'eya lipenic' LanDios, itque cal Cuecaj Rey.

10

¹ Lijou'ma lałPoujna Jesús i'huijf'e'mola' ocuenaye ts'ilihuequi. Ilniya lam fanej nuxans quimbama'. Umme'mola' tiyete oquexi' oquexi' hilelołya'. Tiyef'colaitsa ate'a, tijoula' tuyaicota Jesús. ² Timila':

—Itsiya lixhuaita litine cafot'leya. Tipa'a acueca' lanic', ahuata lan xanuc' nafot'leyacu. Tołsahue'ete laPoujna camats' tummetsola' no'eyacu canic' petsi lipammaita lemats'.

³ Imanc' laixanuc' ti'onłcospolhuo' to lam motł, ilne aimi'ya mipa'neyacołtsi. Iya' cummelhuo' tonłete pe lomana' lan xanuc' lo'onłcospola' to lam lobo, ilne oyac'la quinneja.

⁴ Aimolłtai'me lołponta. Jouc'a aimolłtai'me lołmorrall, ni lołc'ejí. Aimolłpalaic'otola' lan xanuc' lołtalecufyacola' lane. ⁵ Lajutł pe lołtsuflaiyacu tołmitsola': “LanDios tipaxnetsolhuo' imanc' nołmana' fa'a lajutł”. ⁶ Ja'ni tipa'a anuli cal c'a xans jilpe lajutł, LanDios tipaxne'ma. Ja'ni ailopa'a, LanDios tipaxne'molhuo'

ma le'a imanc'. ⁷ Petsi lapenufynyacolhuo' małpiya tol-unxac'eta. Łapi'inyacolhuo' tołteta, tołsnata. Aimołcua'me: "Aimi'iya małtejacu. Ailopa'a całtomí." Cal xans no'epa lanic' tipa'a lapi'inyacu. Imanc' toł'eyi lipenic' ŁanDios, jouc'a tipa'a lapi'inyacolhuo'.

⁸ 'Łitelołya' pe lołtsuflaiyacu, ja'ni lan xanuc' tepenuftsolhuo' tołtetsa lapi'inyacolhuo'. ⁹ Tołxał'metsola' lafcualłay. Tołmitola' lan xanuc': "Ma fa'a pe lołmana' icuai'ma ŁanDios cal Rey".

¹⁰ 'Łitelołya' pe lołtsuflaiyacu ja'ni aimepenufinnilhuo', toluyalaicotsa łaneya ilpe liłya', monłeyi toluya'ata: ¹¹ "Illanc' ni łepi camats' lotałijmpa lał'mitsi' fa'a lołpiłya' aimalłaiyacu. Tołsinłe, lunafnayi, tipanenni fa'a. Tama aluyalai'me illanc', ti'ila' cołsina' imanc': ŁanDios cal Rey icuai'ma fa'a pe lołmana'." ¹² Iya' camilhuo': Al Cuecaj Quitine locuaicoya tama ŁanDios titeł'mi'mola' lun Sodoma, xonca acueca' titeł'mi'mola' lan xanuc' ilpe liłya' petsi aimepenufinnilhuo'.

¹³ 'Ima' miłya' Corazín, acueca' loftelcoya. Ima' miłya' Betsaida acueca' loftelcoya jouc'a. Jiłne lołxanuc' joupá iximpá al cueca' lo'epa ŁanDios. Aiquilłsuej'meya. Luyaipa quitine Tiro y Sidón coła' ixim'me tołta'a, lan xanuc' limajmpá coła' tixhuej'menacu, coła' ticutshuołai'me tixhuełco'me, tipo'no'me liłpijahua' ayolca, timets'li'me capi' lił'a, timujco'mołtsi ix-huej'menammas liłjunac'. ¹⁴ Al Cuecaj Quitine locuaicoya tama ŁanDios titeł'mi'mola' lun Tiro y lun Sidón, xonca acueca' titeł'mi'molhuo' imanc' unc' ilelołya' Corazín y Betsaida jouc'a lołxanuc'. ¹⁵ Ima' miłya' Capernaum, ¿te to'nof'e'moxi xonca al toncay? ¿Te ti'onłto' to ŁanDios? Ai. Ti'oc'em'mo'. Toxinnoxi jiłpe al muf.

¹⁶ 'Imanc' ts'alihuequi, iya' camilhuo': Ja'ni anuli cal xans tiquimf'elhuo', ilque cal xans alquimf'enga' iya', imanc'. Ja'ni anuli cal xans tetets'ilhuo', ilque cal xans latets'inga' iya', imanc'. Ja'ni anuli cal xans latets'i iya', ilque cal xans latets'inga' iya' y ŁanDios Łalummepa.

¹⁷ Ipalunca lam fanej nuxans quimbamaj ts'ilihuequi Jesús, uya'ahuo'me. Lijou'ma ipailinamma. Licuainatsa pe lopa'a Jesús tixoqui quileta, timiyi:

—Mał'ailli', alcuaj'mihuo'me lopuftine tołta'a lontahue lihuejcoponga', ipalumma.

¹⁸ Jesús timila':

—Łonta'a Satanás itsiya ailopa'a pu'hua lema'a. Joupá ecangimpa. Iya' aiximpa lecangemma to lixcuaflay. ¹⁹ Alcuac'ela' imanc'. Iya' nepi'ipolhuo' lołmane, ti'i'ma toł'huailets'uf'mola' lainofat'ł jouc'a linnaispó. Tama icueya quimane Satanás aimi'iya mulijyacolhuo' imanc'. Ailopa'a co'eyacolhuo'. ²⁰ Imanc' tixoqui cunlata lipalunca lontahue

lołcuxe'e'mola'. Itsiya camilhuo': Xonca tixojla' cunlata, ŁanDios timetsaicolhuo'. Łołpuftine inilingiya jilpe linilingiya liłpuftine lixanuc' ŁanDios.

²¹ Małpe al 'hora cal Espíritu Santo juaiconapa ixoc'i'ma queta Jesús. Ique ipalaic'o'ma ŁanDios, timi:

—Mai'Ailli', ima' maPoujna lema'a y li'a łamats'. Cax'najtsi'ihuo' lof'epa. Tomuc'ila' laixanuc', iłne lo'onłcospola' to la'uhuyay. Mepi'ipola' liłpicuejma' ticuec'ele laitaiqui'. Lan xanuc' ts'ihšina', xonca nixhuepá, aicomepi'ila' tołta'a liłpicuejma'. Iłne iximpá ipime laitaiqui', to emiya. Aimi'i muhualcufyi. Ałınca mai'Ailli', tołta'a loxpice'epa, tołiya latenłcocop' ima'.

²² Jesús ti'hua tipalay, ticua:

—Cai'Ailli' jahuay lapi'ipa cacuxe'etsola'. Iya' i'Hua ŁanDios, lan xanuc' aimi'iya mašingufya iya' laipicuejma'. Ma le'a cai'Ailli' ašingufi. Lan xanuc' jouc'a aimi'iya mixingufyacu cai'Ailli' lipicuejma'. Ma le'a iya' li'Hua, łınca aixingufi.

'Iya' caxpic'e naiłne laifmuc'iyacola', iłne camuc'ila' te ts'i'ic' lipicuejma' cai'Ailli'. Iłne łınca timetsaicoyi cai'Ailli'.

²³ Lijou'ma, Jesús ipalaic'o'mola' ts'ilihuequi quiltuca', tim-ila':

—Imanc' ałınca tuluyalaicoyi al c'a, tolahuelojnyi lo'epa ŁanDios. ²⁴ Iya' camilhuo': Luyaipa quitine axpela' lan xanuc' tijanajyi coła' tixinłe lołsimpa itsiya imanc'. Iłniya lam profeta jouc'a lan rey aiqixim'me. Ijanaj'me coła' tiqumf'ele lołquimf'epa itsiya imanc'. Aicu'innila' jiliya lataiqui'.

²⁵ Lijou'ma itsahuenni anuli łomxi nomuc'iyalepa locuxepa ŁanDios, tehuai'ma Jesús. Icuis'e'ma, timi:

—Momxi, aipic'a culijla' al ts'e laipitine aimijouya. ¿Te caif'eya?

²⁶ Jesús timi:

—Lataiqui' Linilingiya loya'apa locuxepa ŁanDios, ¿te cocuapa?

²⁷ Łomxi italai'e'e'ma, timi:

—“To'nujuaisla' ŁanDios łoPoujna, iłque omenDios. Taihuejla' jahuay łomunxajma', jahuay ło'alma, jahuay lopujfxi, jahuay lopicuejma'. Ima' to'eyoxi capic'a, ma tołta'a to'eła' capic'a łof'as xans, naitsi łoftalecufya.”

²⁸ Jesús timi:

—Al c'a ałtalai'e'epa. Tołta'a to'e'ma, tapenuf'ma lopitine.

²⁹ Łomxi timiyoxi: “Tixinła' Jesús iya' aipicuejma'”. Icuis'e'cona'ma Jesús, timi:

—¿Naitsi xans caif'eya capic'a?

³⁰ Jesús italai'e'e'ma, timi:

—Anuli cal xans ipanni liŷya' Jerusalén, imunni lane Jericó. Mi'hua lane lan namats' linma'ahuale i'noŷ'me, umets'ai'me, untaf'me, exic'e'e'me lipijahua', ipo'no'me tocomma joupa tima'ma. Inulna'me. ³¹ Jiŷpe al 'hora anuli ła'ailli' ti'hua maŷpe lane. Lixim'ma ھیcaiyotpa cal xans aiqicoŷ'ma, uyai'ma locuena liju' lane. ³² Ma' anuli i'e'ma locuena cal xans no-toc'ipa ca'ailli'. Icuaitsi huejnca ھیcaiyotpa cal xans. Lixim'ma aiqicoŷ'ma, uyai'ma locuena liju' lane.

³³ 'Anuli cal xans łaš Samaria jouc'a ti'hua maŷpe lane. Icuaitsi huejnca ھیcaiyotpa cal xans. Lixim'ma, ixim'ma cuanuc'. ³⁴ Hoc'hua'i'ma pe lopa'a cal xans, ic'ef'i'ma laceite jouc'a al vino iŷe lehui. Ifi'e'ma lehui. Lijou'ma ipulaŷ'ma enaf'i'ma ھیburro, ileco'ma anuli lajut'ŷ pe lonxac'eyoyacu. Jiŷpe i'e'ma cuenna. ³⁵ Lihuequi litine ai'a tuyai'ma, cal xans ipa'a'ma liponta oque' al tomí plata, (lolijpa cal xans oquej quitine), epi'i'ma ھیpoujna cajut'ŷ, timi: “Ica'a cal xans to'e'ma cuenna. Ja'ni aimixhuaicospa iŷta'a al tomí laifnepi'ipo', ima' taipa'a'ma lotomí, to'naco'ma lahue'eya. Aimoxhueŷmot'he'ma. Cacuaiyoconno, ca'najtse'ena'mo'.”

³⁶ 'Afantsi lan xanuc' niximpá iŷque ھیcaiyotpa cal xans. ¿Naitsi nihuejcopa iŷe lataiqui' loya'apa: “To'eŷta' capic'a loŷ'as xans, naitsi loŷtalecufya”?

³⁷ Łomxi italai'e'e'ma, timi:

—Iŷque ھیximpa cuanuc'.

Jesús timi:

—Ne'. Ima' to'huaŷa', to'etsi ma to li'epa iŷque cal xans.

³⁸ Miyeyi lane Jerusalén Jesús jouc'a ts'ilihuequi icuaitsa anuli laca'hua quiiŷya'. Jiŷpe tipa'a anuli łaca'no' cuftine aMarta. Marta epenuf'ma lejut'ŷ. ³⁹ Tipa'a ھیpima caca'no' cuftine aMaría. María icutsingai'ma li'mitsi' Jesús. Tiquimf'e litaiqui'. ⁴⁰ Marta tipa'a acueca' lipenic'. Tihuejnyoxi. Tixhueŷmot'he juaiconapa. Hoc'hua'i'ma pe lopa'a Jesús. Ipalaiç'o'ma, timi:

—Maipoujna, ¿te aicoxina' lo'ipa fa'a? Łaipepo aŷpo'nohua. Iya' ca'ay jahuay lanic'. Tomiŷa': “Totoc'itsi ھیpima”.

⁴¹ ŁaŷPoujna Jesús italai'e'e'ma, timi:

—Ima' cumMarta, acueca' loŷ'epa. Toxhueŷma juaiconapa, taihuejnyoxi. ⁴² Ticuicomma ma le'a anuli loŷ'eya. María i'huif'epa xonca al c'a. Aimi'iya mixic'enyacu.

11

¹ Anuli litine Jesús mipalaic'o ŁanDios jiŷpe timana' ts'ilihuequi. Jesús liju'ma lipalaic'o'ma ŁanDios anuli iŷe ts'ilihuequi ipalaic'o'ma, timi:

—Mai'ailli', Juan imuc'i'mola' ts'ilihuequi te ts'i'ic' mipalaic'oyacu ŁanDios. Ima' aŷmuc'itsonga' jouc'a.

² Jesús timila':

—Mołpalaic'oyi LanDios tołmi'me:

Ima' mał'Ailli' cofpa'a lema'a.

Timetsaicontso' apaxi loPuftine.

Ticuaitsi litine petsi jahuay lan xanuc' timetsaicotso' ima'
iłRey.

Pu'hua lema'a jahuay tihuejcohuo', tołta'a tihuejcotso' fa'a li'a
łamats'.

³ Łałtepa itine itine, lapi'itsonga' itsiya.

⁴ Illanc' joupá limenc'e'ecopola' iłne lał'e'eponga' lixcay. Ima'
jouc'a alimenc'e'ecotsonga' petsi lalimenajponga'.

Aimałłeco'monga' lalahuaiyoyaconga'.

Ja'ni tiłoc'huai'ma lałmana' lixcay xans, ima' lunłu'etsonga'.

⁵ Jouc'a timila':

—Anuli imanc' ja'ni nolojmay quipuqui' iłejmale ticuaitsi
lejut'ł, timitsi: “Maipima, lapi'ila' afane' caine'í. ⁶ Anuli
łalimetsaicoyołtsi icuai'ma lainejut'ł. Iłque in'huaya xans. Iya'
ailopa'a caifnepi'iya.” ⁷ Iłque łonanc'ompa nopa'a lejut'ł, łte
timi'ma: “Amalapi'i'ma coyac'. Aimałtsa'huot'łe'ma. Joupá
aix'nifconapoxi. Lainaxque' joupá lunahuołainapá. Aimi'iya
catsahueya. Aimi'iya capi'iyaco'”? ⁸ Iya' camilhuo': Tama in-
espa: “¿Te caif'eya? Łınca ałejmale. Aicatsahueya, aicapi'iya”,
ja'ni ti'hua tixahue'e, łınca titsahuehuo, tepi'i'ma jahuay lox-
ahue'epa.

⁹ Iya' camilhuo': Ti'hua tołsa'huełe, tijoułta' tepi'im'molhuo'.
Ti'hua tolahuełe, tijoułta' tołsim'me. Ti'hua tołumf'asle al
puerta, tijoułta' texi'em'molhuo'. ¹⁰ Lan xanuc' noxa'huepá
tepi'inni, jouc'a nahuepá tixim'me, jouc'a nomf'axpá
texi'em'me.

¹¹ 'Imanc' unc'a'aillí, ja'ni lołnaxque' tixahue'etsolhuo'
quile'í, łte tołapi'i'mola' łapic? A'í. O ja'ni tixahue'etsolhuo'
łatu, łte tołapi'i'mola' łainofał? A'í. ¹² O ja'ni tixahue'etsolhuo'
łapi'e, łte tołapi'i'mola' łinnaispo? A'í. Aimi'iya monł'eyacu
tołta'a.

¹³ 'Imanc' tama ołtaic' lołjunac', tipa'a lołpicuejma' tołapi'ila'
al c'a lołnaxque'. Conł'Ailli' Nopa'a lema'a, xonca acueca'
lipicuejma'. Iłquiya łınca tepi'i'molhuo' cal Espíritu Santo ja'ni
tołsahue'ėłe.

¹⁴ Jesús tipa'e łonta'a łitsufaipa cal xans. Łonta'a mi'nico, cal
xans aimipalay. Lipanni łonta'a cal xans ipalaina'ma. Lan
xanuc' lefot'łepołtsi jilłpiya ticuayi:

—¡Xinłta'! Acueca' lo'epa Jesús.

¹⁵ Timana' nocuapá:

—A'í. Beelzebú, łincuxepa contahue, iłque łepi'ipa limane,
tołta'a tipa'ala' lontahue.

16 Ocuenaye ehuai'me Jesús, ixa'hue'me timuc'itsola' al cueca', to lo'epa ÑanDios Nopa'a lema'a. 17 Jesús ixina' te ts'i'ic' minesyi jilpe li'picuejma', timila':

—Ja'ni tenajtsołtsi lan xanuc' anuli al cuecaj nación, jiliya al nación tejac'ma. Jouc'a ja'ni tenajtsołtsi lan xanuc' nomana' anuli lajut'ł, ihniya lan xanuc' aimipajnya li'pujfxi, tijou'mola'. 18 Imanc' tołcuayi Beelzebú, ilque Satanás, lapi'ipa laimane, tołta'a quipa'ala' lontahue. Iya' cacua: Ja'ni łonta'a Satanás tipa'ala' lipontahue jounpa enajpoxi Satanás. Ilque y ts'ilihuequi a'ij nuli li'picuejma'. Ja'ni tołta'a li'ipa, łte ti'hua ticuxe Satanás? A'i. Aimi'iya. 19 Iya', ja'ni Beelzebú lalapi'ipa laimane, ja'ni tołta'a quipa'ala' lontahue, lołxanuc' naipa'apá contahue, łnaitsi nepi'ipola' liłmane ihniya? Małniya timuj'me imanc' timenaquilhuo'. 20 O łte tołcuayacu ja'ni ÑanDios lalapi'ipa laimane quipa'atsola' lontahue? Ja'ni tołta'a lo'ipa, linca jifa'a tipa'a ÑanDios cal Rey. Ilque ticuxe.

21 'Anuli cal xans ts'ipujfxi, mipa'a lofulecopa ticuana-jco'ma lejut'ł jouc'a li'hueca. Ailopa'a tintsi. 22 Ticua: “Tipa'a laifulecopa. Aimi'iya malulijya.” Ticuaitsi łocuena xonca ts'ipujfxi, tiłonc'eta lofulecopa, tulijnata. Tica'neta li'huexi cal xans.

23 'Naitsi aicalihuequi a'ay laic'. Naitsi aimefot'łela' lan xanuc' to laif'epa, ilque tica'nennala'.

24 'Łonta'a lipanni licuerpo cal xans ti'hualeco'ma lijuł camats' pe ailopa'a caja'. Tehue petsi conxac'eya. Aimixina. Ticua: “Aipainamma. Ai'huanapa lainejut'ł pe lainipayomma.” 25 Licuaitsi jilpiya tixim'ma itaf'uyiya, i'huáqui al c'a. 26 Lixim'ma tołta'a ti'huacona'ma, tilecotola' acaitsi lontahue xonca ixcay. Titsuflai'me jilpiya licuerpo cal xans, timajm'me. Tołta'a ilque cal xans xonca acueca' a'ijc'a loyaicoya. Al te'a le'a anuli łonta'a i'hueca, tijoułta' ti'i'mola' apaico lontahue.

27 Mu'ila' tołta'a Jesús lan xanuc' lafołyomma jilpiya, anuli łaca'no' ipalai'ma ujfxi, timi:

—Jounpa ipaxnempa co'máma', ilque ipo'nopo', itoc'epo'.

28 Jesús italai'e'e'ma:

—Ja'ni tiquimf'eyi litaiqui' ÑanDios jouc'a tihuejcoyi, xonca ipaxnempá ihniya.

29 Lan xanuc' efot'łepołtsi pe lopa'a Jesús. Ipango'ma u'i'mola', timila':

—Lan xanuc' nomana' itsiya litine ixcay li'picuejma'. Ilpic'a ÑanDios timuc'itsola' al cueca'. Iya' cacua: Aimimuc'iyacola'. To li'ipa cal profeta Jonás luyaipa quitine ma tołta'a ał'i'ma iya'. He linca tołsim'me, timuc'i'molhuo'. 30 He li'ipa Jonás imuj'ma al cueca' lo'epa ÑanDios. Tołta'a ixim'me lan xanuc' nimajmpá liłya' Nínive. He lał'iya iya' ma' anuli timuc'i'mola' lan xanuc'

nomana' itsiya al cueca' lo'epa LanDios. Iya' itque cal Xans Liximpa cal profeta pu'hua lema'a.

31 'Ticuaisi al Cuecaj Quitine imanc' tolacaxingołaita LanDios cal Cuecaj Juez. Łaca'no' nicuxepola' lan xanuc' nomana' anuli łamats' juaiconapa aculi' al 'ocay jouc'a tecaxhuaita. Itque łaca'no' xonca al c'a li'ejma', tohiya ticuftolhuo'. I'hua'ma juaiconapa itoqui lane. Icuaisi pe lotseya. Jiłpe icuej'ma locuapa cal rey Salomón, itque acueca' lipicuejma'. Itsiya imanc' tama tołquimf'eyi anuli xonca acueca', tolatets'iyi.

32 'Al Cuecaj Quitine tolacaxingołaita LanDios cal Cuecaj Juez. Jouc'a tecaxingołaita lun Nínive, jiłpiya Jonás uya'ahuo'ma litaiqui' LanDios. Ihiya lun Nínive ticuftolhuo'. Ihe iquimf'e'me lu'i'mola' Jonás, ixhuej'menanca. Itsiya tama imanc' tołquimf'eyi anuli xonca acueca', aimołsuej'memma.

33 'Munai'im'me lepalc'o' aimeminyacu, aimic'ommumiquinyacu. Tipo'nonni pe lopyopa. Tołta'a titsuflaiłe lan xanuc' jiłpe lajut'ł tixim'me lepalc'o'. 34 Lo'u' tepalc'o'ihuo'. Ja'ni ac'a lo'u' toxinna pe lof'huapa, te lof'epa. Ja'ni a'ijc'a lo'u' topanehuo al muf. 35 Ma' anuli lo'e'eyaco' ja'ni to'ehuale laic', topanehuo al muf. Ti'i'mo' a'ijc'a lopicuejma', aimepalc'o'ihuo'. Topo'nołaj cuenna. Ja'ni timufc'otsi lopicuejma', acueca' juaiconapa ti'i'ma ite al muf. 36 Ja'ni ac'a lopicuejma' aimopajnya al muf. Ti'i'mo' to lo'e'eyaco' lepalc'o'. Ja'ni tołoc'a'it'a lepalc'o' tepalc'o'i'mo' juaiconapa.

37 Jesús lijoupa lipalaipa ite lataiqui' anuli cal xans fariseo ijoc'ihuo'ma tiyełe lejut'ł titetsota. Jesús itsufai'ma ite lajut'ł icutsai'ma, titetso'ma. 38 Cal xans fariseo ehuelojm'ma Jesús, ixim'ma aimi'ay to lif'as xanuc' fariseo. Aiculou'ma al c'a limane ai'a titetso'ma. Cal fariseo timiyoxi: "Itca'a cal xans Jesús, ¿te qui'ecopa tołta'a? Aiculouhuo al c'a limane to ma'eyi illanc'."

39 ŁałPoujna Jesús timi:

—Imanc' unc'ifariseo tolapajyi pe li'huáqui. Tolapajyi liłspula' lołvaso, lołpime. Pe aici'huáqui, jiłpe aimoł'eyi cuenna. Imanc' lołpicuejma' tipanemma a'ijc'a, imanna pangay quixcay. Jiłpe lołpicuejma' tołjanajyi tepi'intsolhuo' xonca, tołspic'eyi toł'ete quixcay. 40 Imanc', unc'itonno. Itque Łolanc'epa li'huáqui, ¿ja'ni aiquilanc'e jouc'a ite pe aici'huáqui? 41 Imanc' ts'oł'hueca tołapi'itsola' pe ailopa'a quił'hueca. Tijouł'a LanDios tetent'coco'ma loł'ejma', tixim'molhuo' unc'ilimpio, jouc'a lołpime, lołvaso.

42 'A'ijc'a lo'iyacolhuo' imanc' unc'ifariseo. Lołxaimu, lołruda jahuay lołpitamqui, ja'ni oł'hueca imbama' tołtsufco'me anuli, tijouł'a aimoł'nujuais'mola' loł'as xanuc'. Aimoł'ela' capic'a.

Aimol'ela' al c'a, aimol'ela' al hijca to locuxepa ÆanDios. ¡Ne'! Aimonlimenc'eco'me tołsufco'me ÆanDios lołpitamqui, jouc'a tonl'ele jahuay locuxepa ÆanDios.

43 'A'ijc'a lo'iyacolhuo' imanc' unc'ifariseo. Jiłpiya łajut'li pe lafołyomma lan xanuc', imanc' olpic'a tołcutsolaite pe locutsolaipa lan tsilaj xanuc'. Monte'me la plazá locucaley-ompa olpic'a lan xanuc' tinontsolhuo'. 44 A'ijc'a lo'iyacolhuo'. Ti'onłcospolhuo' to jiłpe lamu'empola' lamizhua. Lan xanuc' muyalaico'me jiłpiya aimixinyi te ts'i'ic' jiłpe. Tołe qui'ic' lołpicuejma'.

45 Anuli iłne lomxiye nomuc'iyalepa locuxepa ÆanDios italai'e'e'ma, timi:

—Momxi, lołcuapa tołta'a jouc'a illanc' ałmiloquinga' cataiqui'.

46 Jesús italai'e'e'ma, timi:

—Imanc' unc'omxiye nołmuc'iyalepá locuxepa ÆanDios, a'ijc'a lo'iyacolhuo'. Imanc' tolatonc'iyi lataiqui' locuxepa ÆanDios. Tołcuxe'ela' lan xanuc' tenant'ile jahuay ile lołtaiqui'. İniya tixinyi ipime lołcuxe'epola', afule mixnet'yi. Jouc'a imanc' aimolanant'iyi. Tołsinyołtsi uhuałquelhuo'. Tołcuxeyołtsi cołtuca'. 47 Imanc' a'ijc'a lo'iyacolhuo'. Lołtatahueló inma'ahuale, ima'a'me lam profeta. Imanc' tołłanc'e'ela' hilejut'hi iłne lam profeta. 48 Tołta'a tołmujyołtsi tetentłcocolhuo' li'epa lołtatahueló. İne linma'ahuale ima'a'me lam profeta, imanc' tołłanc'e'ela' quilejut'hi pe lemu'empola' iłniya.

49 'ÆanDios acueca' lipicuejma'. Joupa iximpa te ts'i'ic' loł'ejma'. Joupa ipalaicopolhuo', icuapa: “Cumme'e'mola' lam profeta, jouc'a lan apóstole, ticuaitsa pe lomana' iłniya lan xanuc'. İne tima'ata hualca, locuenaye ti'e'ennola' acueca.”

50 'Imanc' ma tołta'a loł'ejma'. Tołta'a jouc'a tołtai'me liłjunac' lołxanuc', iłne inma'ahuale, ima'a'me lam profeta. Ma lipan-gopa li'a lamats' małpe ipangopa jouc'a li'epa lixcay. ÆanDios jahuay ti'najtsi'i'molhuo' imanc'. 51 Ti'najtsi'im'molhuo' li-macopa Abel, ti'hua ti'najtsi'im'molhuo' lima'ampola' lam profeta, cocuaiya lima'ampa Zacarías. İque ima'ayom'me jiłpe al cuecaj xoute' lixpula' al altar, jiłpe lotsuflaiyacu al paxi lugar.

52 'Imanc' unc'omxiye nołmuc'iyalepa locuxepa ÆanDios a'ijc'a lo'iyacolhuo'. Joupa olcuapá: “Ma le'a illanc' ałsina'. Ma le'a illanc' ałmuc'iyale'me.” Joupa olł'nifcopá al puerta, olamipá cal llave. Imanc' aicołtsuflaic' pe locuxeyopa ÆanDios, jouc'a aicolapi'ila' lane lan xanuc'. Pe nocuapá: “Ałtsufołait'e", imanc' olpa'nela'.

⁵³ Lomxiye nomuc'iyalepá locuxepa ÆanDios jouc'a lam fariseo juaiconapa ixtulencia. Lipanni Jesús jilpe lajut'ł ipango'me icuis'mot'le'me juaiconapa. ⁵⁴ Tehueyi te co'iya mic'aikqueya Jesús. Tinesla' cataiqui', tijouła' ticuxecota, ticuaita quilmene ts'itpenic'.

12

¹ Mipa'a Jesús lajut'ł jilpiya efołunni axpela' lan xanuc', ti'huatšijnyołtsi. Ate'a ipalaic'o'mola' ts'ilihuequi. Lipangopa lipalaic'opola' timila':

—Imanc', tołpo'note cuenna. Aimolapenuf'me jile titevadura lan xanuc' fariseo. Capalaicola' li'e'jma' iłniya. Ine ma le'a ti'e'eyołtsi ac'a xanuc'. ² Camilhuo': Letamuyiya tiłonc'e'em'me, ti'huájta. Tixim'me iłe lemiya. ³ Iłe lołpalaipa joupa imufc'opa, ticuaihuo litine tepalc'o'ina'me, ticuec'ena'me. Jile lołsoulai'ipołtsi mołmana' letemiquiya lajut'ł, maliya lataiqui' tuya'am'me al toncay lajut'ł.

⁴ 'Imanc' lałejmalepa, iya' camilhuo': Aimołšpaic'e'mola' noma'ahualepá. Iłniya ma le'a tejac'eyi al cuerpo. Tijouła' aimi'iya mi'eyacu xonca. ⁵ Iya' cu'ilhuo' naitši tołšpaic'eyacu. Iłque icueya limane. Ti'i'ma tima'a'mola' lan xanuc', tijouła' ti'nij'mi'mola' al muf, pe lopa'a łunga. Iłque łınca axpaiqui'. Tolihuejcołe iłque.

⁶ 'Joupa ołsina' tojua liłpitali lan gorrión. Ticujconnila' amajxi ma le'a oque' centavo. Tama ahuata liłpitali iłne lacał'hui, ÆanDios aimimenc'ejma ni anuli. ⁷ Xonca ti'nujuaitšilhuo' imanc'. Joupa ixhuej'miya tojua mipa'a łajuac quitefque tołjuac. Ixina' ja'ni tecangemma anuli. Aimołšuełmot'le'me. Aimixpailij'molhuo' lo'iyacolhuo'. ÆanDios tixinnilhuo' acueca' lołpitali. Tama axpela' lan gorrión aimi'iya mulijyacolhuo'.

⁸ 'Iya' camilhuo': Anuli cal xans mipa'a fa'a li'a łamats', ja'ni alimetsaicoła', ja'ni timitsola' lif'as xanuc': "Iya' nihuequi Jesús", iya' jouc'a quimetsaico'ma. Iya' iłque cal Xans Łiximpa cal profeta pu'hua lema'a. Pe lomana' lepaluc' ÆanDios cuya'ata: "Iłque cal xans lihuequi". ⁹ Anuli cal xans ja'ni tinesla': "Iya' aicainihuequi Jesús", iya' jouc'a aicainimetsaicoya iłque cal xans. Pe lomana' lepaluc' ÆanDios cuya'ata: "Iłque aicalihuequi".

¹⁰ 'Iya' iłque cal Xans Łiximpa cal profeta pu'hua lema'a. Cua naitši ałnesc'e'eła' cataiqui', iłque cal xans ti'i'ma tiłojm'ma lijunac'. Cal xans nonesc'e'eya cataiqui' cal Espíritu Santo, iłque aimiłonc'e'enyacu lijunac', aimi'iya. Iłta'a lapajnya jouc'a locuenaj quitine titai'ma lijunac'.

11 'Ticuaihuo litine ticufquinnolhuo', ti'hua'am'molhuo' ļajut'hi pe lafoļyomma lan xanuc', tileconnolhuo' pe lomana' lan tsilaj quincuxepá, maļe anuli tileconnolhuo' pe lomana' ts'itpenic'. Ti'itsolhuo' toļta'a aimoļsueļmot'ļe'me, aimoļcua'me: “¿Te co'ia catalai'ecoyacoxi? ¿Te caifmiyacola?” 12 Maļe al 'hora cal Espíritu Santo tu'i'molhuo' loļtalai'ecoyacu.

13 Jiļpe lefoļya anuli cal xans ipalaic'o'ma Jesús, timi:

—Momxi, ļaipima joupa efot'ļumijnapa hi'huexi caļ'ailli'. Tomita lapi'ila' onļca ļocuaiya caimane.

14 Jesús italai'e'e'ma, timi:

—Cunxans, ¿te aga aļfaquimpa cacuxetsolhuo' toļta'a? Ai. Aimi'ia capit'ļiyacolhuo'.

15 Jesús ipalaic'o'mola' lan xanuc', timila':

—Imanc' toļ'etsoļtsi cuenna. Aimonlahue'me acueca' coļ'huexi. Cal xans tama acueca' hi'huexi, iļque hi'huexi aimi'ia mepi'ia lipitine.

16 Jesús ti'hua tipalaic'ola'. I'onļico'ma to li'ipa anuli cal xans nulijpa acueca' qui'huexi. Timila':

—Anuli cal xans i'hueca acueca' ļemats', ipammaita juaiconapa. 17 Iļque ipalaic'o'moxi, timiyoxi: “¿Te caif'eya? Ailopa'a caif'huēc'e'eya iļpammaita acueca' ļainemats'.”

18 Lijou'ma timiyoxi: “Ne', joupa aixina' laif'eya. Cateļ'ma ļainejut'hi pe laif'huēc'eyopa ļai'huexi. Tijouļa' calanc'econa'ma xonca atsila' ļainejut'hi. Jiļpe ca'huej'ma ļaitrigo jouc'a jahuay ļocuena ļai'huexi iļpammaita ļainemats'. 19 Tijouļa' cami'moxi: Cunxans, joupa' o'hueca acueca'. Tijuco'ma axpe' camats'. Itsiya linca tonxaj'ma, totetso'ma, toxna'ma, topajm'ma tixoj'ma meta.” 20 ĻanDios ipalaic'o'ma timi: “Ima' cunxans umtonno. Iļta'a lipuqui' tiļonc'e'enam'mo' lopitine. Tijouļa' jahuay ļomefot'ļepa, ¿naitsi ļapenufya iļna'a?”

21 'Iya' camilhuo': Toļta'a cal xans ja'ni tixhuej'mecoyoxi iļque quituca', lo'epa aimetenļcocojma ĻanDios. Iļque tama acueca' efot'ļepa, ĻanDios tixina to aiqui'hueca, aimepenufi iļque cal xans.

22 Jesús iļpangoconapa iļpalaic'oconapola' ts'ilihuequi, timila':

—Aimoļsueļmot'ļe'me te co'ia muluyalaicoyacu lapajnya fa'a li'a ļamats'. Aimoļcua'me: ¿Te caļtejacu? ¿Te caļju'ecoyacoļtsi?

23 Loļpitine acueca' iļpitali, loļtepa aijtine. Loļcuerpo linca xonca acueca' iļpitali, loļju'ecoyacoļtsi aijtine.

24 'Toļsinļe lan coļpe'. Iļniya aimifayi, ni mefot'ļeyi. Ailopa'a quilejut'ļ ni quiļ'huēcoļma pe lo'huejyoyacu ļotejacu. Ma ĻanDios tites'mila'. Imanc' aimi'onļyacolhuo' to iļniya lacaļ'hui. Xonca acueca' loļpitali. 25-26 Imanc', ¿te aga ti'i'ma toļ'e'e'moļtsi xonca unc'itoļqui? Ai. Aimi'ia, ni huata. Tama toļsueļcocoyi

aimi'iya mon'teyacu ihe a'ij cueca'. Tijoula' ¿te cohsuełcocopa te co'iya muluyalaicoyacu lapajnya?

27 'Tołsinle te ts'i'ic' mitoqui iħna'a ĩaic'uá c'ec. Tama aimucui ni mipufi ĩpipa' tetejcoyoxi to quipijahua'. Cal cuecaj rey Salomón lipo'nopa ac'a ĩpipahua', tama i'huáqui juaiconapa acueca' quincuxepa, aiqui'onłcotsi to ĩłpe ĩpipa' c'ec. 28 ĽanDios tiju'e'ela' juaiconapa ac'a ĩaic'uá c'ec. ĩque ĩaic'uá c'ec aimijujma. Anuli quitine titoqui ac'a, lihuequi litine tiyaxquinni, tipi'enni pe lopa'a lapa. Imanc', ¿te ĽanDios aimiju'eyacolhuo'? Ah imanc', huata toł'huaiyijnyi ĽanDios.

29 'Muluyalaicoyi lapajnya aimolahue'me ma le'a cołtejacu o cołsnayacu. Aimocua'me: "ĽanDios, ¿te lapi'i'monga', o aimalapi'iyaconga'?" 30 Tołta'a ĩł'ejma' lan xanuc' pe aimimet-saicoyi ĽanDios. Coł'Ailli' ixina' te laicuicom'molhuo'. 31 Imanc' tołpo'nołe tołpicuejma', tolihuejcołe ĽanDios cal Cuecaj Rey, ton'ele al c'a ma to locuxepolhuo'. Tołta'a tepi'i'molhuo' jahuay, aimehue'eyacolhuo'.

32 'Imanc' aixanuc' aimixpailij'molhuo', aimołsuełmot'le'me. Tama imanc' unc'ihuata tołcuxeta pe lopa'a ĽanDios cal Cuecaj Rey. Tołta'a lixpicepa ĽanDios, ĩque oł'Ailli'. 33 Tołcujle toł'hueca. Al tomí lolulijyacu tołapi'itsola' lan xanuc' petsi aiqui'hueca. Ja'ni tołta'a ton'ele ti'i'ma acueca' toł'huejyacu jipu'hua lema'a. Jifa'a li'a łamats' ti'hua tijaf'quila' tołpontalay tomí, tijou'ma tołtomí. Pu'huanni a'i. Aimijouya. Jipu'hua nonantsepá aimiłoc'huaiyacu. Lan huoxmi aimitejacu, ailopa'a. 34 Imanc' pe lopa'a toł'huexi małpiya copa'a tołpinoxjma cata.

35-36 'Imanc' ti'onłcospolhuo' to lam mozó ts'ih'huaijma ticuaitsi ĩłpoujna, ĩque joupa ĩpainamma lijuic ĩpemaná, ticuainata lejut'ł. ĩne lam mozó joupa ĩ'huaijma ĩłpoujna ti'e'me lipenic'. Joupa unai'ipa ĩłpepalc'o'. Ticuainatsi ĩłpoujna małpe lejut'ł tijoc'i'mola' limozó, ĩne aimicołyacola' texi'e'me. 37 Ac'a juaiconapa loyalaicoyacu ĩne lam mozó ts'ih'huaijma ĩłpoujna ticuaihuananni. Camilhuo' al ĩnca: Ticuaitsi ĩłpoujna ĩque tifi'e'moxi to cal mozo, timi'mola' ĩħniya limozó: "Imanc' tołcutsolaite, tołtetso'me. Iya' cates'mi'molhuo'." 38 Ticuaitsi ĩłpoujna nolojmay quipuqui' o ticuaitsi ai'a tihic'e'ma, ja'ni tixintsola' limozó ts'ih'huaijma, ĩnca ac'a loyalaicoyacu ĩħniya.

39 'Tołcuc'ele iħta'a laifmipolhuo' jouc'a: ĩpoujna cajut'ł coła' ti'ħa' quixina' te 'hora ticuaihuo ĩnnantsepa, coła' aimixmai'ma. Ti'huaico'ma lipuqui', ticuanajco'ma lejut'ł. Tołta'a ĩnnantsepa aimi'iya mitsufaiya. 40 Imanc' tołpo'nołe cuenna. ĩTołmaf'ih'e! Litine tołnesle: "Łałpoujna aimicuaiya, ticoh'", małpiya al 'hora cacuaiyoconno iya'. Iya' ĩque cal Xans ĩximpa cal profeta pu'hua lema'a.

41 Pedro icuis'e'ma timi Jesús:

—Maipoujna, ihe lotaiqui' lof'onlicopa tocuaiconanni, ¿te lu'inga' ma le'a illanc' o jouc'a to'ila' jahuay lan xanuc'?

⁴² ŁaŁpoujna Jesús italai'e'e'ma, timi:

—Ima', ¿te cofcuapa? Ja'ni łapoujna tipahuo lejut'ł, ¿naitsi co'huijf'eya ti'eł'a' cuenna? Ti'huijf'e'ma cal xans ts'ipicuejma'. Iłque tenant'li'ma, ticuxe'e'mola' lif'as mozó, tites'mi'mola' lacuej'micoya al 'hora. ⁴³ Cal xans ĩpo'no'ĩmpa lajut'ł, ja'ni tołta'a lo'eya, ac'a juaiconapa loyaicoya. Ticuaitsi ĩpoujna tixim'ma ac'a lo'epa, tetent'coco'ma. ⁴⁴ Iya' camilhuo' al ĩnca: Tepi'i'ma xonca al cueca' lipenic'. Jahuay ĩ'hueca ĩpoujna ticuxe'ma.

⁴⁵ Iłque cal xans ĩpo'no'ĩmpa lajut'ł ja'ni timixoxi: “Łaipoujna ticołi”, tijouł'a' tipango'ma tuntafej'mola' lif'as mozó, lan xanuc' jouc'a lacał'no', tuyaico'ma litine ma le'a titesma, tix-nay, timeyoqui. ⁴⁶ Litine aimi'huaijma, al 'hora aimixhuj-cocojma, małiya litine ticuaita ĩpoujna. Tetetsuf'ma, tihues-cufinna tipajntsi pe aiquilhuejma.

⁴⁷ Cal mozo ts'ixina' lipic'a ĩpoujna, iłque ja'ni aimihuejny-oxi, ja'ni aimi'ay loxpicepa ĩpoujna, titeł'minna juaiconapa. ⁴⁸ Cal mozo pe aiquixina' lipic'a ĩpoujna, tama ti'eł'a' ixçay, iłque titeł'minna huata. Cal xans ja'ni joupa epi'ĩmpa axpe', jouc'a tipai'ntsi axpe'. Cal xans ja'ni joupa ixç'ai'ĩmpa acueca', ticuxe axpe', ticuicomma xonca tenant'ł'a'.

⁴⁹ 'Iya' aicuaicoco'ma cunai'ł'a' ĩnga jifa'a li'a łamats'. Cacua: Coł'a' joupa unnaita. ⁵⁰ Tehue'e'. Catelco'ma xonca. Ma cai'huaijma ti'ł'a' ihe laiftełcoya caxhuełma juaiconapa. Cacua: Aimicoł'ma. Ma ti'ł'a'.

⁵¹ ¿Te aga imanc' tołcuayi: “Iłque Jesús icuaicoco'ma lan xanuc' aimenaj'mołtsi”? A'i. Iya' aicuaicoco'ma tixtulełe lan xanuc'. ⁵² Joupa i'ĩpa tołta'a, ti'hua ti'i'ma. Anuli lajut'ł ja'ni timana' amajxi, ĩłniya tenaj'mołtsi. Afantsi tixtuc'o'mola' oquexi', loquexi' tixtuc'o'mola' lam fantsi. ⁵³ Ła'ailli' tixtuc'o'ma ĩ'hua camijcano. Łi'hua tixtuc'o'ma qui'ailli'. Ła'máma' tixtuc'o'ma ĩ'hua cahuats'. Łahuats' tix-tuc'o'ma qui'máma'. Cal fi'no tixtuc'o'ma ĩhuahua. Łahuahua tixtuc'o'ma cal fi'no cahuahua.

⁵⁴ Timila' lan xanuc':

—Ja'ni tołsinłe ĩummahuay qui'huayomma pe lof'acaiyopa cal 'ora tołnes'me: “Ticui'ma”. ĩnca tołta'a ti'i'ma. ⁵⁵ Jouc'a ja'ni ti'hua ĩnu' cahua' tołnes'me: “Ti'i'ma ĩnu”. ĩnca tołta'a ti'i'ma. ⁵⁶ Imanc' a'i cunc'ic'a xanuc'. Ma le'a tonł'e'eyołtsi. Tołsuef'yi lema'a. Ihe ołsina'. ¿Te aimolimetsaicoyi lo'epa ŁanDios ĩtsiya litine?

⁵⁷ 'Jouc'a camilhuo': ¿Te aimolahuelojnyołtsi cołtuca' lonł'epa, ja'ni tonł'eyi al ĩjca o a'i? ⁵⁸ Monłeyi lane ima'

jouc'a laixtuc'o'po', ilque no'hua'apo' cal juez, ima' tahue'ma te co'iya mopac'eya lipoyac', tux'masnatso'. Ja'ni a'i, tileco'mo' pe lopa'a cal juez. Ilque ticuto', tepi'inna quimane lapaluc, ti'nicoto' lacarza. ⁵⁹ Iya' camilhuo': Ma cotaiyinge, tama ma le'a anuli al centavo, ti'nicoconno' jilpiya lacarza, aimaipaya.

13

¹ Ilniya litiné lan xanuc' u'ipá Jesús te ts'i'ic' li'ipola' lan xanuc' quiyoyomma al distrito Galilea. Ilniya icuaita Jerusalén titsufcota liłpinneja. Ma mitsufcoyi Pilato icuxe'ma tima'antsola' ihne lan xanuc'. Letequim'mola' lipanni liłjuats' ihne lun Galilea jouc'a ipanni liłjuats' liłpinneja, inu'ma anuli. ² Jesús timila':

—Jilniya lun Galilea li'empola' tołta'a, ¿te imanc' tołcuayi xonca acueca' liłjunac', lił'as xanuc' Galilea a'ij cueca' liłjunac'? ³ Iya' camilhuo': A'i xonca acueca' liłjunac'. Imanc' ja'ni aimołsuej'memma jouc'a tejac'molhuo', jahuay imanc'.

⁴ Lecangenni ilē li'nof'quiya lajut'ł lopa'a Siloé, ima'a'mola' imbamaj paico lan xanuc', uxpats'i'mola'. ¿Te cołcuapa? ¿Te xonca acueca' liłjunac' ilniya lima'mola'? Locuenaye xanuc' ni-majmpá Jerusalén, ¿te ailopa'a acueca' quiłjunac'? ⁵ Iya' camilhuo' a'i xonca acueca' liłjunac' ihne lima'a'mola' li'nof'quiya lajut'ł. Imanc' ja'ni aimołsuej'memma jouc'a tejac'molhuo', jahuay imanc'.

⁶ Imuc'icona'mola', i'onłicopola' anuli al 'ec icux, timila':

—Anuli cal xans petsi lifapa li'uva jouc'a ifapa li'icux. Litine lehuehuo'ma hi'as li'icux ailopa'a qui'as. ⁷ Cal xans ipalaic'o'ma limozo no'epa cuenna hi'uva, timi: “Joupa ixhuaita afane' camats' ca'huanetsomma, cahuy hi'as icux. Ailopa'a qui'as. ¡Tatejla' nulemma! Ma le'a tixhuijma łamats', aimi'atsi.” ⁸ Ilque no'epa cuenna cal 'uva italai'e'e'ma, timi: “Maipoujna, jtipajnlá! Tipanenni ocuena camats'. Capu'ma łamats' luxi al icux, cajuj'mi'ma łumi'na. ⁹ Locuena camats' tocuaiiconamma toxim'ma ja'ni tipa'a hi'as. Ja'ni aimi'atsi, ne' tetequim'me.”

¹⁰ Anuli litine conxajya tipa'a Jesús anuli lajut'ł pe lafołyomma lan xanuc'. Timuc'iyale. ¹¹ Jilpe tipa'a anuli łaca'no' litsufaipa conta'a. Ilque łonta'a ixmec'e'epa lixpula'. Aimi'iya mecaxhuaya. Joupa ixhuaita imbamaj paico camats' tołta'a łonta'a titeł'mi łaca'no'. ¹² Lixim'ma łaca'no' Jesús ijoc'i'ma, timi:

—Maca'no', joupa uhualquenam'mo', ixalconapo'.

¹³ Jesús ixpayaf'ma limane. Aiquicoł'ma, łaca'no' ecaxna'ma lic'. Ix'najtsi'i'ma łanDios.

¹⁴ Jesús lixał'mena'ma łaca'no' itine conxajya, łincuxepa jilpe lajut'ł ixtunni. Timila' lan xanuc':

—Cal xans ti'e'ma canic' acamts'us quitine, ixahuiya. Itsiya itine conxajya. Ja'ni ot̄pic'a tixał'mentsolhuo' tołcuaiyunca ocuena quitine.

¹⁵ ŁałPoujna Jesús italai'e'e'ma, timi:

—Imanc' a'i cunc'ic'a xanuc'. Ma le'a tonl'e'eyołtsi. Ti'ıla' litine conxajya, ¿te aimoluhuałquila' lołhuacax, lołburro? Linca toluhuałyi, toł'hua'ala' tixnatsa quılja'. ¹⁶ İca'a łaca'no' a'i quin-neja, inieto lołtatahuelo Abraham. İxhuaita imbamaj paico camats' łonta'a Satanás ifi'e'. Itsiya itine conxajya, ¿te aimi'ıya cuhuałya?

¹⁷ Linespa tołta'a Jesús i-ch'ixco'mola' ilne no'epá laic'. İniya aikuıtalai'e. Ailopa'a cotalai'ecoyacu. Locuenaye lan xanuc' tixoqui quileta, ixim'me acueca' ac'a juaiconapa lo'epa Jesús.

¹⁸ Timıla':

—İtsiya ŁanDios cal Cuecaj Rey tijoc'ıla' lan xanuc' tihuejcołe. ¿Te co'onłcospa ilte lo'ıpa? ¿Te caif'onłicoya? ¹⁹ Ti'i to li'ıpa anuli łaca'hua fanu'. İhque cal fanu' cuftine sinapı. Anuli cal xans itai'ma łaca'hua fanu', ifatsi łequeya. İla'ma, i'i'ma acueca' al 'ec. Łacał'hui naiyulpá lema'a tiłcuaispa tunxajyi jılpe, ti'huoxof'cołaiyi łimané jıte al 'ec.

²⁰ Timiconala':

—¿Te caif'onłicoya lo'ıpa pe ŁanDios cal Cuecaj Rey tijoc'ıla' lan xanuc' tihuejcołe? ²¹ Jılpe ti'i'ma to li'ıpa lilai'ıpa hilevadura łaca'no' acueca' li'harina. İe cal levadura ti'hua tihuantsi cal 'harina. Lijou'ma umfunni jahuay łax'e.

²² Lijou'ma Jesús ti'hua lane, ticuaita liłya' Jerusalén. Tehuengila' hiłelołya', lan tsila' jouc'a lan tsocay. Timuc'iyale jılpiya hiłelołya'. ²³ Anuli cal xans ipalaic'o'ma, icuis'e'ma, timi:

—Maıpoujna, ¿te aga ahuata lan xanuc' tunłul'me?

Jesús ipalaic'o'mola' lan xanuc' noquimf'epá timıla':

²⁴ —Tolahuełe te co'ıya mołtsufłaiıyacu al tansca al puerta. İya' camilhuo': Axpela' lan xanuc' tehue'me te co'ıya mitsufłaiıyacu, tijouła' aimi'ıya. ²⁵ Titsahuenni hiPoujna cajutł tix'nifco'ma lejutł. Ja'ni imanc' tołmanemma łuna tołjoc'i'me, tołsa'hue'me, tołmi'me: “MałPoujna, taxi'eła' lopuserta. Ałpic'a ałtsufłaiłe.” İhque timi'molhuo': “Aicaixina' pe conłouyomma. Aicainimetsaicolhuo'.” ²⁶ Imanc' tołtalai'e'me, tołmi'me: “İllanc' ałejmalepá, ałtetsopá, ałsnapá anuli ima'. İma' o'hua'ma łapeneya, tomuc'iyale jılpiya lałpiłya'.”

²⁷ ŁaPoujna timi'molhuo': “İya' aicaixina' pe conłouyomma. Aicainimetsaicolhuo'. İmanc' aimont'eyi al hijca. Tonlipalunca pe laıfpa'a. Tonłenłe.”

²⁸ İniya łitiné imanc' tołsinnola' lołtatahueló, ilniya Abraham, Isaac y Jacob, jouc'a jahuay lam profeta. İne itsulfaıpá petsi locuxeyopa ŁanDios cal Cuecaj Rey. İmanc' a'i. Tołmanecu łuna. İmanc' tołjolij'me, tołtetola' lonł'ay. Acueca' cunla lołtełcoyacu.

29 Lan xanuc' naihuejcopá ÆanDios tipalcu ni petsi li'a lamats', tipalcu pe laipammaiyomma cal 'ora, jouc'a pe lof'acaicopa cal 'ora, jouc'a pe linu' camats', jouc'a pe lo'huayomma hujfxi cahua'. Iñiya ticuaita al juic. Titsuflaita, ticutsołaita, titetsota pe locuxeyopa ÆanDios, iłque hłCuecaj Rey.

30 'Tołcuc'ełe, locuaicoya quitine tixin-nim'mola' lijoucola' joupa i'ipola' lan tet'ła. Tixin-nim'mola' lan tet'ła joupa i'ipola' lijoucola'.

31 Małe 'hora icuaiyunca hualca lam fariseo. Iñiya timiyi Jesús:

—To'huanła'. Taipanni fa'a. Cal rey Herodes tehuehuo' tima'atso'.

32 Jesús italai'e'e'ma, timila':

—Iłque cal Herodes ti'onłcospa to cal t'le, ma le'a in-fel'miyale. Tonłentł. Tulu'itsa: “Jesús timihuo': Itsiya y mouqui quipa'ala' lontahue, caxał'menala' lan xanuc'. Pitsu cajou'ne'ma laipenic'.” 33 Itsiya, mouqui y pitsu ca'hua'na'ma laipene. Cacuaita Jerusalén. Jiłpe liłya' quima'ayompola' lam profeta. Iya' ninprofeta, małpiya Jerusalén ałma'ayonna, a'i ocuena quiliya'.

34 'iMiłya' Jerusalén! iMiłya' Jerusalén! Loxanuc' inma'ahuale tima'annila' lam profeta, tipangila' capic' tima'antsola' lixanuc' ÆanDios, iłne lummepola' jiłpiya.

'Iya' axpe' canesqui: Cafot'le'mola' jahuay loxanuc' ma to mi'ay cal tsana mefot'le'mola' laiquipuyu, mipuxc'i'mola' lixala'. Ima' aicocuac'. 35 iMiłya! iTahuelojnla' locuecaj xoute'! ÆanDios ipo'nopa quituca'. Tocomma to joupa etelquemma. Iya' camilhuo' al linca. Ticuaitsi litine ałmiła': “Ima' unC'a. ÆanDios hłPoujna linca ummepo’”, iłe litine ałsingona'ma. Ai'a ticuaita iłe litine aimalsingonaya.

14

1 Anuli litine conxajya Jesús i'hua'ma titetsota lejut'ł anuli cal xans fariseo, iłque nocuxepola' lif'as fariseo. Jiłpe lajut'ł tehuelaifyi Jesús, łte co'eya? 2-3 Jouc'a ticutsołaita anuli hłfcuana, ifunapa jahuay licuerpo. Jesús tehuelonge, ipalaic'o'mola' lam fariseo jouc'a lomxiye nomuc'iyalepá locuxepa ÆanDios, iñiya nomana' jiłpiya, icuis'e'mola', timila':

—Litine conxajya, łnipajnya tixał'meyale'ma anuli? o łaimi'iya? łTe tipa'a lane? o łailopa'a?

4 Iłne i-ch'ixco'mola'. Jesús i'noł'ma hłfcuana, ixał'mena'ma, ummena'ma ti'huanła' lejut'ł. 5 Ipalaic'o'mola' iłne lam fariseo jouc'a lomxiye nomuc'iyalepá locuxepa ÆanDios, timila':

—Imanc', ja'ni tecajm-maitsi al pu'hua łłburro o łłhuacax, tama itine conxajya, łte aimonlipa'ayacu? Ałinca tonlipa'a'me.

⁶ Ine aiquiltalai'e ile limipola' Jesús, ailopa'a quiltaiqui'.

⁷ Jilpiya timana' lijoc'impola' tehueyi te co'iya micutsołaiyacu pe locutsołaiyacu lan tsilaj xanuc'. Lixim'mola' Jesús i'onhico'mola' li'ejma', timila':

⁸ —Ja'ni tijoc'intso' anuli al juic lamaná, tocuaitsi lajut'ł aimocutshuai'ma pe li'huáqui xonca al c'a. Aga ticuaita anuli xonca cal cuecaj xans. ⁹ Timi'mo' nijoc'ipolhuo': “Tot-sahuenni. Iłca'a ticutshuai'ma jilpe lofcutsuya ima'. Tot-sahuenni.” Tijoułá' toxim'ma calaic'ata. To'hua'ma, tocutshuai'ma pe li'huáqui a'ijc'a.

¹⁰ Ja'ni tijoc'intso' anuli al juic tocutshuai'ma pe li'huáqui xonca a'ijc'a. Ticuaiyunni nijoc'ipo', ilque timi'mo': “Maip-ima, to'huanni fa'a. Jifa'a tocutshuai'ma xonca al c'a.” Tijoułá' locuenaye lijoc'impola' tixim'mo' ima' uncuecaj xans.

¹¹ Iya' camilhuo': Naitsi cal xans no'e'epoxi acueca', ilque ti'oc'em'me. Naitsi cal xans no'e'epoxi a'ojca, ilque tif'ac'em'me.

¹² Jesús ipalaic'o'ma nijoc'ipa, timi:

—Litine lof'eya al juic aimojoc'i'mola' lonfejmalepá ni lop-imate. Ni aimojoc'i'mola' nomana' huejnca lomejut'ł ilne pe ts'il'hueca xonca li'huexi. Ine linca ti'e'econa'mo', tijoc'icona'mo'.

¹³ Ja'ni to'e'ma juic tojoc'itsola' lan xanuc' pe aiquil'hueca. Tojoc'itsola' latumane, lan coxo, lan fohue. ¹⁴ Tołta'a, tama ihniya aimi'iya mi'najtse'eyaco', toyaiconama al c'a. Ticuaihuo litine timaf'ina'me lan hijca xanuc', LanDios ti'najtse'mo' jouc'a.

¹⁵ Licuej'ma lonespa Jesús anuli jilpe titesma timi:

—LanDios cal Cuecaj Rey ti'eta juic jilpe pe locuxeyopa. Linca al c'a loyaicoya cal xans notsufaiya jilpe, titetsota.

¹⁶ Jesús italai'e'e'ma, timi:

—Anuli cal xans ti'e'ma al cuecaj juic. Ijoc'ipola' axpela' lan xanuc'. ¹⁷ Icuai'ma jile litine al cuecaj juic, umme'ma limozo, timitsola' lijoc'impola': “Tonłouyunca. Joupa imacołpá. Tołtetsota.”

¹⁸ Jahuay ihniya lijoc'impola' ipango'me ines'me: “Aimi'iya ca'huaya”. Cal te'a timi: “Joupa ai'napa łainemats'. Ai'huapa caxinna. Tomitsi łopoujna: Aimi'iya micuaicoya.” ¹⁹ Locuena timi: “Iya' ai'napola' imbamaj laihuacax. Ai'huapa caxinnola', ja'ni ti'e'me canic' o a'i. Tomitsi łopoujna: Aimi'iya micuaicoya.” ²⁰ Locuena timi: “Joupa nemanepa. Aimi'iya ca'huaya.”

²¹ Ipainanni cal mozo. U'i'ma łipoujna linespa lijoc'impola'. Łipoujna cajut'ł ixtunni. Ummecona'ma limozo, timi: “Aimicoł'mo'. To'huałá' łaneya liłya', lan tsila', lan tsocay caneya.

Tolecotsola', tocuai'ecola' fa'a lan xanuc' pe aiquil'hueca jouc'a latumane, lan coxo, lan fohue.”²² I'huacona'ma cal mozo. Ipaiconamma, ipalaic'ocona'ma hipoujna, timi: “Joupa ai'epa laɬcuxe'epa. Tehue'ela' lan xanuc', ticuaiyunca xonca axpela'.”²³ Lapoujna timi limozo: “To'huala' liɬya'. To'huala' lan tsila' caneya, jouc'a lema cati'i. Tojoc'itsola' lejmaica, tiyouyunca fa'a. Aipic'a timantsi nulemma lainejut'ɬ. ²⁴ Iya' camilhuo': Ihe lan xanuc' laijoc'ipola' al te'a, nij naitsi iɬniya notec'oya laitejua'.”

²⁵ Axpela' lan xanuc' ilihuequi Jesús lane. Lipai'e'moxi ipalaic'o'mola', timila':

²⁶ —Cal xans nocuaiyumma pe laifpa'a, nocuapa: “Qui-huej'ma Jesús”, iɬque xonca al'e'ma capic'a iya'; qui'ailli', qui'máma', hipeno, linaxque', lipimaye, lipitine, aijtine. Ja'ni a'i toɬta'a li'ejma' aimi'iya malihuejya. ²⁷ Iya' linca cateɬco'ma. Cal xans noxpicepa aimeteɬcoya, nocuapa: “Iya' aicataiya lainencruz”, iɬque aimi'iya malihuejya.

²⁸ 'Ja'ni anuli imanc' tixpic'eɬa' tilanc'eɬa' li'nof'quiya lajut'ɬ, ate'a ticutshuai'ma, tixim'ma tojua lipitali lolajncoya. Tixim'ma ja'ni ti'ommaicota litomí o a'i. ²⁹ Ja'ni aimi'ay toɬta'a aga aimi'ommaicoya litomí. Tipu'ma tifa'mola' lopic', tijouɬa' aimi'iya mijou'neya lejut'ɬ, ailopa'a quitomí. Lan xanuc' tixim'me li'ipa, jahuay iɬniya tixoco'me, ³⁰ ticua'me: “Iɬque cal xans ipangopa tilanc'e'ma lejut'ɬ. Aiquijou'ne. Aiqui'ic'.”

³¹ 'O lan rey, cal nuli ja'ni timana' anuxans mil lisoldado, locuenaj timana' le'a imbamaj mil, tifule'me. Iɬque ts'ahuata quisoldado ticutshuai'ma, tixpic'e'ma lo'eya, ja'ni nipajnya ti'i'ma tulij'ma liɬ'as rey o aimi'iya. ³² Ti'ila' quixina' aimi'iya mulijya, mipa'a aculi' liɬ'as rey, tumme'mola' lix-anuc', ticuis'eta, timita: “ɬLapoujna ticua: Lu'ila', ¿te ts'opic'a? ¿Te capi'iyaco'? ¿Te caif'eya?” Toɬta'a aimifuleyacu. ³³ Iya' camilhuo': Imanc' ticuicomma tolatets'iɬe jahuay loɬ'hueca, toɬta'a lihuej'ma. Ja'ni anuli aimicua, iɬque aimi'iya malihuejya.

³⁴ 'Lo'hue ipenic'. Ja'ni lo'hue joupa iminscopa, ¿te co'iya? Aimi'iya milajn-naya to al te'a. ³⁵ Iɬque lo'hue himinscopa aimi'iya mi'eya canic', ni jilpe lamats' ni pe lafot'leyompa lumi'na. Aimi'iya mixhuiconyacu. Le'a teca'nim'me.

'Naitsi nocuejpa, aɬquimf'eɬa' iya' laitaiqui'.

15

¹ Jahuay lin'najtsi'iyale jouc'a locuenaye lan xanuc' pe aimihuejcoyi locuxepa LanDios tiɬoc'olaiyi pe lopa'a Jesús, tiquimf'e'me. ² Lan xanuc' fariseo jouc'a lomxiye nomuc'iyalepá locuxepa LanDios ixtulencia. Ticuayi:

—Itque cal xans tepenufila' lan xanuc' pe aimihuejcoyi locuxepa LanDios. Titetsoyi anuli.

³Jesús italai'e'e'mola', i'onhico'moxi li'ejma' to lo'epa cal xans lejac'pa limot'. Icuis'e'mola', timila':

⁴—Anuli imanc' amaxnu limot'í, ja'ni tejac'la' anuli, ¿te co'eya? Tipo'no'mola' locuenaye lam malpuj nuxans quimbamaj pella, timanecu limuc'o', tehueta lejac'pa, aga tixinnata.

⁵Tixinnatsi limot' tipulaf'nata, tipo'nof'inna lixaya, tixoj'ma queta tipaino. ⁶Ticuaisi lejut'í tijoc'i'mola' lipimaye jouc'a nomana' huejnca, timi'mola': “Tixoquinghua neta juaiconapa. Aixinhuona'ma laimot' lejac'pa. Tonloyunca. Ma' anuli tixoj'ma calata.”

⁷'Iya' camilhuo': Linca, ja'ni axpela' lan xanuc' aimicuicomma mixhuej'meyacu, nomana' lema'a tixoj'ma quileta. Ti'ila' ma le'a anuli cal xans pe aimihuejma, ja'ni tixhuej'menanni itque, xonca acueca' tixoj'ma quileta iniya nomana' lema'a.

⁸Jouc'a anuli laca'no' i'hueca imbamaj litomí aplata, ja'ni anuli ejac'pa, ¿te aimehueya? Linca tehue'ma. Tunai'i'ma lipepalc'o', titaf'u'ma lejut'í, aga tixinna'ma litomí lejac'pa.

⁹Tixinna'la' litomí tijoc'i'mola' liyejmalepa laca'no' jouc'a nomana' huejnca lejut'í, timi'mola': “Juaiconapa tixoquinghua neta, aixinnapa laitomí lejac'pa. Tunloyunca. Ma' anuli tixoj'ma calata.”

¹⁰'Iya' camilhuo': Anuli cal xans pe aimihuejma ja'ni tixhuej'menanni, nomana' pu'hua pe lomana' lapaluc' quema'a tixoj'ma quileta.

¹¹Ti'hua timuc'iyale, timila':

—Anuli cal xans timana' oquexi' linaxque'. ¹²Li'hua lapepo timi qui'ailli': “Mai'ailli', litine timantso' capenuf'ma lai'huexi. Cacia: Lapi'ila' itsiya.” Qui'ailli' epi'it'hi'mola' loquexi' linaxque' hi'huexi.

¹³'Uyai'ma oque' fane' quitine hi'hua lapepo icuj'ma hi'huexi lepi'impá, ulij'ma litomí. I'hua'ma aculi', ocuenaj camats'. Ipe ipajntsi. Ipajnhuo'ma tixoj'ma queta ma mi'ay nixpiya. Ejac'ehuona'ma litomí. ¹⁴Ijoutsaf'huana'ma, ipanenni ma le'a limane. Ji'pe lamats' i'i'ma cumemma. Lamijcano juaiconapa unle'enni. ¹⁵Ehue'ma quipoujna. Ixim'ma anuli cal xans ji'pe lamats', i'e'ma quipoujna. Lapoujna tipa'a lamats', umme'ma lamijcano ti'etsola' cuenna lijná. ¹⁶Lamijcano tunle'e juaiconapa, tijanaca titefa' lotecopa lijná. Aiquepi'inni, ni to'la'a.

¹⁷Lijou'ma ixhuej'menanni juaiconapa, timiyoxi: “Cai'ailli' timana' axpela' limozó. Jahuay titetsoyi, tijoula' tipanemma lotecopa. Iya' capa'a fa'a alma cumemma.

18 Itsiya capainahuo, ca'huana'ma pe lopa'a cai'ailli'. Camita: Mai'ailli', aixina' acueca' lai'epa. Netets'ipa LanDios, netets'ipo' ima'. 19 Itsiya aimal'onhico'ma to co'hua. Lapenufla' to comozo.”

20 'Ipainanni, ti'hua lane ticuainata lejut'f qui'ailli'. Qui'ailli' tehuelonge, ixim'ma hi'hua icuaicona'ma aculi'. Ixinna'ma cuanuc'. Inu'ma tepenufnatsi. Litalecuftsi ipulc'o'ma, ituc'o'ma. 21 Li'hua timi: “Mai'ailli', aixina' acueca' lai'epa. Netets'ipa LanDios. Netets'ipo' ima'. Itsiya aimal'onhico'ma to co'hua.”

22 'Qui'ailli' ijoc'i'mola' limozó, timila': “Tołtatsa xonca al c'a lijahua', tołpo'no'ite. Tołpo'no'ite anuli cal anillo limane. Tołc'uaic'ite hic'ejí. 23 Tołhecotsa la'hua huacax lifujmpa, tołma'ale. Ałe'me juic. Ałtsetso'me tixoj'ma calata. 24 Itca'a lai'hua, iya' cacua: Joupa imanapa. Itsiya imaf'inapa. Iya' cacua: Joupa ejac'pa. Itsiya imaxcainata.” Ipango'ma al juic, tixoqui quileta.

25 'Cal te'a qui'hua ti'ay canic' pu'hua łemats' qui'ailli'. Icuaicona'ma lejut'f. Licuaitsi icuej'ma tunanni, tixahuinni.

26 Ijoc'i'ma anuli cal mozo, icuis'e'ma, timi: “¿Te conł'epa?”

27 Cal mozo italai'e'ma timi: “Icuaina'ma łopima. Co'ailli' iximpa ailopa'a qui'ipa, aimextafque, tołiya epenufpa tixoqui queta. Icuxepa ticua: Tołma'ale la'hua huacax lifujmpa.” 28 Cal te'a qui'hua ixtunni. Aiquitsufaic' lajut'f. Aimicua. Qui'ailli' ipanni. Tixa'hue titsufainala' lajut'f. 29 Li'hua italai'e'e'ma, timi: “¡Toxinla! Axpe' camats' iya' ca'ay lopenic'. Quihuejcohuo' jahuay lałcuxe'epa. Ima' aicalapi'i ni tołta'a. Coła' ałmi'ma: Tolecoła' itca'a łaca'hua chivo, tonł'ete juic anuli lonłejmalepa. Aicalmic' tołta'a. 30 Itsiya icuaina'ma lo'hua. Itquiya inonc'ohuo'mola' laca'no' notepá liłcuerpo. Lo'huexi łomepi'ipa joupa ijou'nehuo'ma. Ima', ¿te co'epa? ¡Oma'apa la'hua huacax lifujmpa, titela' itquiya!” 31 Qui'ailli' timi: “Mai'hua, itine itine ałmana' anuli. Jahuay lai'huexi ima' o'huexi. 32 Itsiya tetentłcocola' tixoj'ma calata. Itque łopima iya' cacua: Joupa imanapa. Imaf'inapa. Iya' cacua: Joupa ejac'pa. Itsiya imaxcainata.”

16

1 Jesús ipalaic'ocona'mola' ts'ilihuequi, timila':

—Anuli cal xans ts'i'hueca acueca', tipa'a łimozo icueya limane, ti'ej cuenna hi'huexi lipoujna. Lan xanuc' tinesc'eyi cataiqui' cal mozo, ticuayi: “Itque, a'ijc'a mi'ay cuenna hi'huexi lipoujna”. 2 Cal xans ijoc'i'ma łimozo. Licuaiyunni timi: “¿Te copalaicocopo' tołta'a ihnu'hua lan xanuc'? ¿Te co'epa? Totaitsi loje'e. Aipic'a caxinla' te co'epa lai'huexi. Aimi'hua mo'eya cuenna lai'huexi.” 3 Cal mozo timiyoxi: “¿Te caif'eya? Łaipoujna

liñonc'e'e'ma laipenic'. Aimi'iya capuya lamats'. Ailopa'a caipujfxi. Aimi'iya caxahue'eya al tomí. Catay calaic'ata.”
 4 Timiconayoxi: “Joupa aixpic'epa laif'eya. Tijoula', ticuaiti litine ailopa'a caipenic' lan xanuc' lapenuf'ma hilejut'li.”

5 'Ijoc'i'mola' jahuay ilne lan xanuc' ts'iltaiyinc'e lipoujna. Anuli anuli ipalaic'o'mola'. Cal te'a icuis'e'ma, timi: “¿Tojua otaiyinc'e laipoujna?”
 6 Itque italai'e'e'ma: “Amxnu lam tamboj laceite”. Cal mozo timi: “Ja'a itla'a loje'e. Tocutshuaila', topai'ila' lotaiyinge, ti'ila' oquej nuxans quimbama'. Nuya nuya tainilla'.”
 7 Locuena icuis'e'ma, timi: “Ima', ¿tojua otaiyinge?” Itque italai'e'e'ma: “Anuli maxnu cal cuxta' trigo”. Cal mozo timi: “Ja'a itla'a loje'e. Topai'ila' lotaiyinge, ti'ila' amalpuj nuxans.”

8 Itque cal mozo tama infel'miyale, lipoujna imetsaico'ma acueca' lipicuejma'. Lan xanuc' naihuejpa' quituca' lipicuejma' xonca ilsina' te co'iya muyalaicoyacu al c'a. Lan xanuc' joupa lepalc'o'impola' lipicuejma' aijtine.

9 'Iya' camilhuo': Ja'ni tipa'a lohtomí lolulijpa fa'a li'a lamats', tohtoc'itsola' lohf'as xanuc'. Tohta'a tonlejmale'me. Tijoula' tijounala' lohtomí tepenufinnatolhuo' pe lohmanc'eyacu nulemma.
 10 Cal xans ts'ixina' tixhuico'ma h'hueca tama ahuate, ja'ni tixpe'la' loxhuicoya, jouc'a tixim'ma tixhuico'ma. Cal xans pe aikuixina' mixhuicoya h'hueca, tama ahuate, ja'ni tixpe'la' loxhuicoya jouc'a aimi'iya quixina' mixhuicoya.
 11 Imanc' ja'ni aico'sina' mo'lxhuicoyi al tomí lolulijpa fa'a li'a lamats', ¿te aga tepi'im'molhuo' al c'a xonca?
 12 Ja'ni aico'sina' co'lxhuijma locuenaj 'huexi, ¿te aga tepi'im'molhuo' co'ltuca' co'h'huexi?

13 'Cal mozo ticuicomma ma le'a anuli lipoujna. Ja'ni oquexi' tixtuc'o'ma anuli, locuena ti'e'ma capic'a. O tixinc'ne'ma anuli, tetets'i'ma locuena. Imanc' jouc'a ticuicomma ma le'a anuli lo'poujna, itque LanDios. Aimi'iya molihuejcoyacu al tomí jouc'a.

14 Lan xanuc' fariseo, ilne ts'itpic'a juaiconapa al tomí, tiquimf'eyi lonespa Jesús, ixoco'me.
 15 Jesús timila':

—Lohf'as xanuc' mixinnilhuo' lonf'epa ticuayi: “Ac'a xanuc' lam fariseo”. LanDios imetsaicolhuo' te ts'i'ic' lo'picuejma'. Tipa'a latencocopola' lan xanuc', ilne linca aimeten'cocojma LanDios. Itque tixina ixcay.

16 'Luyaipa quitine uya'ampá locuxepa LanDios jouc'a uya'ampá lonespa lam profeta. Icuaiti Juan Bautista ipango'ma uya'a'ma te co'iya mitsufilaiyacu pe lopa'a LanDios cal Cuecaj Rey. Itsiya ti'hua tuya'anni ilne lataiqui'. Lan xanuc' tipa'ayi lipujfxi titsufila'ile jilpiya pe locuxeyopa LanDios.
 17 Linca, tama tipaiconni lema'a jouc'a li'a lamats' aimi'iya mipai'inyacu locuxepa LanDios, ni lainila' aca'hua xonca.

18 'Cal xans tecanaiña' hipeno, ja'ni tilecola' ocuena caca'no', itque cal xans joupá i'epa quixcay, tipa'a lijunac'. Ma' anuli cal xans ja'ni tilecola' haca'no' hcanaiyimpa, itque cal xans jouc'a i'epa quixcay, tipa'a lijunac'.

19 'Anuli cal xans ts'i'hueca acueca' tipo'nohuo ac'a juaiconapa lipijahua', umanc'ecompa amorada, xonca acueca' lipitali. Itine itine titeja quitejua' xonca cal c'a. 20 Jouc'a tipa'a anuli cal xans pe ailopa'a qui'hueca, cuftine aLázaro. Tunouya liju' lipuerta lejut' cal xans ts'i'hueca. Licuerpo titeja lahui. 21 Tunle'e. Ticua: "Itque ts'i'hueca cola' cateña' hancangemma limesa lotecopa". Lan tsilqui tihcuaispa titec'e'eyi lehui. 22 Lijou'ma imana'ma Lázaro, itque aiqiu'hueca. Lapaluc' quema'a ileconanca, icuai'etsa pe lopa'a Abraham, mane liju' itque.

'Cal xans ts'i'hueca acueca', jouc'a imana'ma. Eminghuo'me. 23 Icuaitsi pe lotelcoyopa locuenaye limanapola', jouc'a itelco'ma juaiconapa. Ehuelojm'ma al toncay. Aculi' ixim'mola' Abraham jouc'a Lázaro. Itque Lázaro ac'a mipa'a, mane liju' Abraham. 24 Ijoc'i'ma Abraham, timi: "Mai'ailli' Abraham, ašina' nincuanuc'. Tommeña' Lázaro, ti'huanni fa'a. Ti'nij'mita laja' lidedo, ašac'e'e'ma laipaš. Tošta'a titinu'ma hmla cateña jifa'a lunga ašpi'e." 25 Abraham italai'e'e'ma, timi: "Mai'hua, to'nujuaitsi lomuyaicopa mopa'a jilpe li'a hamsats'. Ima' o'hueca jahuay al c'a, itca'a Lázaro aiqiu'hueca, ma' itelcopa. Itsiya itca'a tixoquinghua queta, ima' toteña. 26 Jouc'a cami'mo': Tipa'a al cueca' lina latehufinna. Nomana' fa'a, tama itpic'a tualaiše, ticuaitsa pe lošana', aimi'iya muyalaiyacu. Jouc'a imanc' aimi'iya molcuaiyacu fa'a pe lašana'." 27 Italai'e'e'ma, timi: "Mai'ailli', caxahue'ehuo' tommena' Lázaro ti'huaña lejut' cai'ailli'. 28 Jilpiya timana' amajxi laipimaye. Timitsola' te ts'i'ic' laifnuyaicopa. Aimicuaicu jouc'a fa'a pe laiftelcoyopa." 29 Abraham italai'e'e'ma, timi: "Tipa'a lije'e linihjmpa Moisés jouc'a lije'e linihjmpa lam profeta. Tiquimf'etsa lataiqui' jilpe linihingiya." 30 Timi: "A'i, mai'ailli' Abraham. Ti'huaña anuli licuai'ma fa'a pe lašana' illanc' lašmanaponga', tošta'a laipimaye tixhuej'mecu." 31 Abraham timi: "Ja'ni aimihuejyi lištaiqui' Moisés jouc'a lam profeta, tama anuli hmanapa timaf'iconña', ti'huaña tipalaic'otsola', ihniya aimihuejyacu."

17

1 Jesús timila' ts'ilihuequi:

—Micoñi li'a hamsats' timajm'me lan xanuc' naimenac'iyalepa. A'ijc'a loyalaicoyacu ihniya no'epá tošta'a. 2 Cal xans naimenac'iyacola', tama ma le'a anuli ihna'

laica'uhuay, cola' ifinc'im'me lejoc' anuli cal cuecaj capic molino, cola' ecajm'mintsa laja, tunxalac'la' nulemma, timatsi.

³ Imanc' toľ'etsoltsi cuenna. Toľspic'ete tonľ'ete ma le'a al c'a.

'Ja'ni a'ijca li'epo' łopima, ima' tomila': "Toľta'a la'epa aimal'econa'ma". Tijouľa', ja'ni tixhuej'menanni taimenc'e'ecola' iľe li'epo'. ⁴ Ja'ni ti'hua ti'ehuo', tama anuli litine tixhuaitsi acaitsi, ja'ni jouc'a ti'hua tixa'huehuo' acaitsi, timihuo': "Łinca aixhuej'menamma iľe lai'epo', limenc'e'ecola'", ima' taimenc'e'ecola'.

⁵ Ts'ilihuequi Jesús timiyi ĩłPoujna:

—Ałtoc'itsonga', xonca al'huaiyijnle.

⁶ Timila':

—Imanc' ja'ni aimi'iya moľ'huaiyijnyacu acueca', tama iľe loľ'huaiyijmpa tocomma ahuata, ti'onľcospa to cal fanu' xonca aca'hua cuftine sinapí, ti'i'ma toľ'e'me acueca'. Toľcuxe'e'me iľta'a al 'ec sicómoro, toľmi'me: "Toyax-xoxi, tofaxoxi pu'hua laja". Tijouľa' iľe al 'ec tihuejco'molhuo'.

⁷ 'Imanc', ticuainanni lajut'ł łoľmozo, joupa i'ehuo'ma canic', epahuo'ma łamats', i'ehuo'ma cuenna lan huacax jilpe łolamats', ¿te coľmiyacu cal mozo? ¿Te toľmi'me: "Ne', tocutshuaila', totetsoľa'"? ⁸ A'i toľta'a moľmiyacu. Xonca toľmi'me: "Tomac'eľa' laifteja. Toc'ejmot'łila' cal pime. Catetso'ma, caxna'ma. Tijouco'ma ima' totetso'ma, toxna'ma." ⁹ ¿Te toľs'najtsi'i'me łoľmozo li'epa loľcuxe'epa? Iya' cacua: Amoľs'najtsi'iyacu. ¹⁰ Imanc' ti'onľcospolhuo' to lam mozó. Tolihuejco'me jahuay locuxe'epolhuo' ŁanDios. Tijouľa' toľmi'me: "Iya' le'a ninmozo. Ai'epa ma le'a laľcuxe'epa."

¹¹ Jesús ti'hua lane ticuaita Jerusalén. Tuyaijma pe loniquecomma al distrito Galilea jouc'a ĩlemats' lun Samaria.

¹² Ma micuaispa anuli liľya' italecuf'mola' imbamaj lan xanuc' textafquila', ĩľcuana ahui cuftine lepra. ¹³ Ecaxoľ'me aculi', tija'ayi, timiyi:

—CumJesús, momxi, aľsintsonga' ninc'icuanuc'la.

¹⁴ Jesús timila':

—Tonľenle. Toľmujtsoltsi jipu'hua pe lomana' la'aillí.

Miyenayi lane ixaľcona'mola'. I'ina'mola' limpio. ¹⁵ Anuli ĩľniya lixim'moxi ixaľconapa ipaiconanni, tija'e', tipalay ujfxi, tix'najtsi'i ŁanDios, timi:

—ManDios, al'epa acueca'.

¹⁶ Icuaitsi pe lopa'a Jesús, ixpats'huai'ma li'mitsi', timi:

—X'najtseco'.

ĩľque cal xans łas Samaria.

¹⁷ Jesús ticua:

—¿Te aikuixaľcola' imbamaj lan xanuc'? Ma le'a anuli fa'a icuaiconam. ¿Pe comana' locuenaye lam pelľa? ¹⁸ ¿Ma le'a

ihca'a cal xans ipaiconamma tix'najtsi'i ÑanDios? Iñque ocuena quipihya', ñas Samaria.

¹⁹ Timi cal xans:

—Totsahuenni, to'huanla'. Añ'huaiyijmpa, toñta'a joupa ixañconapo'.

²⁰ Lijou'ma lan xanuc' fariseo icuis'e'me, timiyi Jesús:

—¿Te 'hora añsim'me ÑanDios cal cuecaj Rey ticuxe'mola' lixanuc'?

Jesús italai'e'e'mola', timila':

—Tama imanc' aimoñsinyi, itsiya ñinca ÑanDios ticuxela' lixanuc'. ²¹ Aimi'ya molu'iyacola' lan xanuc': “¿Tolahuelojnle! Jifa'a ÑanDios ticuxela' lixanuc'.” Jouc'a aimi'ya molu'iyacola': “¿Tolahuelojnle! Lu'hua ticuxela' ÑanDios lixanuc'.” Jifa'a pe loñmana' ÑanDios ti'hua ticuxela' lixanuc'.

²² Timila' ts'ilihuequi:

—Iya' ññque cal Xans Ñiximpa cal profeta pu'hua lema'a. Ticuaihuo litine imanc' toñjanaj'me juaiconapa añsinla'. Toñnes'me: “Tama anuli litine añmajnle anuli”. Aimañsinya. ²³ Lan xanuc' timi'molhuo': “Fa'a copa'a”, o “Pu'hua copa'a”. Toñmanenca. Aimalahue'ma. A'ij ñinca ñita'a lominyacolhuo'. ²⁴ Mixcuaf'ma tepalc'o'i a'i ma le'a jilpe lo'huayomma. He lepalc'o' tixinyi ni petsi li'a ñamats'. Toñta'a ti'i'ma cacuaicohuananni iya'. Iya' ññque cal Xans Ñiximpa cal profeta pu'hua lema'a. He litine añsim'ma jahuay lan xanuc'.

²⁵ 'Ate'a cateñco'ma juaiconapa. Lan xanuc' nomana' itsiya litine latets'i'ma.

²⁶ 'Ma to li'ipa ññniya ñitine lipajmpa Noé jifa'a li'a ñamats', ma toñta'a ti'i'ma litine cacuaiconanni iya'. Iya' ññque cal Xans Ñiximpa cal profeta pu'hua lema'a. ²⁷ Milanc'e Noé al cuecaj barco lan xanuc' tuyalaicoyi lapajnya, titetsoyi, tixnayi, temalliyi, ticuyi liñnaxque' temallile. Litine litsufai'ma Noé al cuecaj barco ma' anuli mi'eyi. Aiquicoñ'ma. Icu'i'ma ñaxpaiqui' cacui, ijou'ne'mola' jahuay lan xanuc', ima'mola'.

²⁸ 'Mipa'a Lot jifa'a li'a ñamats' ÑanDios iteñ'mi'mola' lan xanuc'. ññniya tuyalaicoyi lapajnya, titetsoyi, tixnayi, ti'naji, ticujyi, tifayi, tilanc'eyi quilejut'li. ²⁹ Litine Lot lipanni jilpe liñya' Sodoma, mañe litine, icui'ma cunga, icui'ma azufre. Ima'a'mola' jahuay, acueca' caxpaiqui' i'i'ma.

³⁰ 'Toñta'a ti'onñcospa to lo'iya litine cacuaiconanni jifa'a li'a ñamats'. Añsim'ma naitsi iya', iya' ññque cal Xans Ñiximpa cal profeta pu'hua lema'a. ³¹ He litine ja'ni anuli if'ajnapa al toncay lejut'ñ, aimines'ma: “Quimuhuananni, quipa'ahuatsi ñai'huexi”. Aimoñcoñ'ma. Tinuñla'. Jouc'a ja'ni anuli i'huapa ti'eta canic' ñimuc'o', aimipaihuo, aimines'ma: “Capulaf'nata laipo'nopa lu'hua”. ³² Toñ'nujuaisle li'ipa ñipeno Lot.

³³ 'Cal xans no'epoxi cuenna, nocuapa: "Cuyaicola' al c'a lapajnya", iŋque tejac'e'moxi. Cal xans nocupoxi lateŋcoya, tama a'ijc'a loyaicopa lapajnya, iŋque tunŋu'ma.

³⁴ 'Iya' camilhuo': Iŋe lipuqui' ja'ni tunahuola'anna oquexi', tixmaiŋi anuli al hualfa, tileconam'me anuli, locuena tipanehuo. ³⁵ Jouc'a lacaŋ'no', ja'ni oquexi' anuli mutsiŋi, anuli tileconam'me, locuena tipanehuo. ³⁶ Ja'ni oquexi' lan xanuc' tiŋmana' ŋimuc'o' anuli tileconam'me, locuena tipanehuo.

³⁷ Ts'ilihuequi icuis'e'me Jesús, timiŋi:

—Maŋpoujna, ŋpe co'ia toŋta'a?

Italai'e'e'mola', timila':

—Pe lo'pa'a ŋimac', jilpiya lapote tefoŋyomma.

18

¹ Jesús ti'hua timuc'ila' ts'ilihuequi, tu'ila':

—Ti'hua toŋjoc'ile LanDios, toŋta'a aimitafqueyacolhuo'.

I'onŋicopa li'ejma' anuli ŋaca'no' apotsate. ² Timila':

—Anuli liŋya' tipa'a anuli cal juez aimixpaic'e LanDios ni aimixpaic'ela' lan xanuc'. ³ Maŋpe liŋya' tipa'a anuli ŋaca'no' apotsate. Itine itine ticuaiyumma pe lo'pa'a cal juez. Tixa'hue, timi: "Aŋtoc'ila'. Totel'miŋa' ŋalixtuc'opa."

⁴ 'Muyaipa axpe' quitine cal juez aimicua mitoc'ia. Li-jou'ma timiyoxi: "Tama aicaxpaic'e LanDios ni aicaxpaic'ela' lonespa lan xanuc', ⁵ catoc'i'ma iŋca'a cal potsate caca'no' nocuaiyumma itine itine. Cateŋ'mi'ma iŋque ŋaixtuc'opa. Ja'ni a'i, ti'hua ticuaihuo, aicaxnet'ŋya."

⁶ LaŋPoujna Jesús timila' ts'ilihuequi:

—Joupa oŋcuejpá iŋe litaiqui' locuapa cal juez. Iŋque tama a'ij ŋijca li'ejma' itsiya ticua: "Catoc'i'ma iŋca'a ŋaca'no'". ⁷⁻⁸ Jouc'a LanDios, ŋte aimitoc'iyacola' lixanuc', li'huijŋ'epola'? Iŋniya tijoc'iyi itine ipuqui' tixa'hueyi titoc'itsola'. Linca LanDios aimixtuc'oyacola', ti'hua tixnet'ŋqui. Iya' camilhuo': Aimicoŋya, titoc'i'mola'. Titeŋ'mi'mola' laixtuc'opá lixanuc'.

'Tama aŋinca iŋta'a laimipolhuo', cacuaicohuananni li'a ŋamats', ŋte ti'i'mola' axpela' lan xanuc' nepenuŋpá iŋe litaiqui' laifnu'ipolhuo' itsiya? Iya' iŋque cal Xans Liximpa cal profeta pu'hua lema'a.

⁹ Jesús ti'hua timuc'iyale. I'onŋico'mola' lan xanuc' nocuapá: "Illanc' ma ninc'ic'a xanuc'". Iŋne tetets'iyi liŋŋ'as xanuc'.

¹⁰ Timila':

—Oquexi' lan xanuc' iye'me al cuecaj xoute', tipalaic'ota LanDios. Anuli afariseo, locuena in'najtsi'iyale. ¹¹ Cal fariseo tecaxuya tu'i LanDios jahuay lo'epa, timi: "Man-Dios, iya' cax'najtsi'ihuo' iya' aica'ay to lo'epa locuenaye lan xanuc'. Iŋniya tinantseyi, ti'eyi a'ij ŋijca, texit'e'eyi liŋŋ'as xanuc' liŋpenoye. Iya' a'i to iŋniya ni to iŋca'a lin'najtsi'iyale. ¹² Iya'

oque' quitine al xamano caxnet'iqui, aicatesma. Laifnulijpa amaxnu capequi, capi'ihuo' imbama'."

13 'Lin'najtsi'iyale tixina calaic'ata, tecaxu lico al xoute'. Ni aiquehuelonge lema'a, tixhuełma juaiconapa, tuntafque łunxajma'. Timi ŁanDios: "MainenDios, tama tipa'a acueca' laijunac', amalixtuc'o'ma. Ałsinłaj cuanuc'."

14 'Iya' camilhuo': Lipalnamma al cuecaj xoute' ihniya loquexi' lan xanuc', liyenapá łilejut'li, ŁanDios jounpa iximpa łin'najtsi'iyale to ailopa'a quijunac', epenufpa. Łocuena a'i.

'Cal xans no'e'epoxi acueca', ti'oc'enam'me. Ja'ni ti'oc'exoxi, tiłof'em'me.

15 Lan xanuc' tiłcuai'emma liłnaxque' pe lopa'a Jesús. Iłpic'a tixpayaf'tsola'. Liximpa tołta'a ts'ilihuequi Jesús aiqutenłcoco'mola' lo'epa ihne lan xanuc'. Italem'mola'.

16 Jesús ijoc'i'mola' ticuaiyunca la'uhuy. Timila' ts'ilihuequi:

—Tolapi'itsola' lane la'uhuy, tiyouyunca pe laifpa'a. Aimolcuanac'e'mola'.

Lan xanuc' lo'onłcospola' to ihna' la'uhuy małniya titsufłai'me pe locuxeyopa ŁanDios cal Cuecaj Rey.

17 Iya' camilhuo' al łınca: Lan xanuc' notsulfołaiyacu pe locuxeyopa ŁanDios cal Cuecaj Rey, ticuicomma ti'onłcotsola' to la'uhuy. Ja'ni a'i aimi'iya mitsufłaiyacu.

18 Anuli łincuxepa ipalaic'o'ma Jesus, icuis'e'ma, timi:

—Momxi, ima' unc'a xans, lu'ila', łte caif'eya culijla' laipitine aimijouya?

19 Jesús italai'e'e'ma timi:

—Ima', łte całmicuapa: "Unc'a xans"? Le'a anuli copa'a cal C'a, iłque ŁanDios. 20 Ima' oxina' loya'apa locuxepa ŁanDios, ticua: "Aimoxhuico'ma łipeno łof'as xans. Aimoma'ahuale'ma. Aimonantse'ma. Aimonescoyale'ma. Taihuejco'mola' co'ailli', co'máma'. Totoc'i'mola'."

21 Cal xans timi:

—Łałtojyomma iłe łataiqui' canant'li. Itsiya ixpic' ca'ay tołta'a.

22 Licuej'ma limi'ma cal xans, Jesús timi:

—Tehue'ehuo' huata. Jahuay ło'hueca tocułtsi. Al tomi łofmulijya tapi'itsola' lan xanuc' pe aiquił'hueca. Tołta'a ti'i'ma acueca' co'huexi pu'hua lema'a. To'etsi to laifmipo', tijoułta' tocauiconamma lihuejna'ma.

23 Licuej'ma jiliya łataiqui' cal xans ihuotsonni juaiconapa. I'hueca acueca' qui'huexi. 24 Liximpa cal xans ihuotsonni, Jesús ticua:

—Lan xanuc' ts'ih'hueca acueca' quih'huexi tixim'me ipime, afule mitsufłaiyacu pe locuxeyopa ŁanDios. 25 Ticuanni: "Anuli cal camello, iłque łinneja juaiconapa acueca', aimi'iya

muyaicoya laquipihuo łacuxa". Cal xans ts'i'hueca acueca', ti'i'ma xonca ipime, afule mitsufaiya pe locuxeyopa ŁanDios.

²⁶ Licuej'me ihiya lataiqui' ihiya timiyotłsi:

—Ja'ni tołta'a, ailopa'a conłuya.

²⁷ Jesús italai'e'e'mola', timila':

—Tama lan xanuc' aimi'iya mi'eyacu, ŁanDios łınca nipajnya ti'i'ma ti'e'ma.

²⁸ Pedro timi:

—¡Toxinłta'! İllanc' joupa ałpo'nonapá jahuay łal'huexi. Lihuejnahuo'.

²⁹⁻³⁰ Jesús timila':

—Iya' camilhuo' al łınca: Cal xans naihuejcopa ŁanDios ja'ni tipo'nołta' lejut'ı o łipeno, o tipo'no'mola' lipimaye, qui'ailli', qui'máma' o linaxque', mipa'a fa'a li'a łamats' tepi'im'me acuecaj xonca. Tijoułta', ticuaitı locuena quitine tulij'ma lipitine aimijouya.

³¹ Lijou'ma Jesús ileco'mola' quıltuca' limbamaj coquexi' ts'ilihuequi, timila':

—Iya' itque cal Xans Liximpa cal profeta pu'hua lema'a. Luyaıpa quitine lam profeta inıłpá łal'ıya. İtsiya ałf'ajliyi, ałcuaitısa łıya' Jerusalén, pu'hua jahuay ite lataiqui' tenanłta.

³² Ałcunna, ticuaita quıłmane lan xanuc' ocuena nación. Lılot-socota, ałmılojta cataiqui', ałısułcota lai'a, ³³ luntafıta f'ix'ec, ałma'ata. Al fane' quitine camaf'ınna.

³⁴ Ts'ilihuequi aiquıłcueca ite lataiqui' limi'mola'. Aimuhuałyi, aimi'ıya.

³⁵ Jesús joupa ticuaispa huejnca łıya' Jericó. Jıłpe tipa'a anuli cal fo' ticıtsu lema cane, tıxa'hue tepi'inłte caquitomı.

³⁶ İcuej'ma tıyalaiyi axpela' lan xanuc', icuis'e'mola', timila':

—¿Te co'ıpa?

³⁷ İtalai'e'e'me, timiyi:

—İcuai'ma Jesús łas Nazaret, joupa tıyaıpa.

³⁸ Cal fo' ıja'a'ma, timi:

—Jesús, ima' łacui'impo' i'Hua David, ¡Ałıınłta' nıncuanuc'!

³⁹ Lan xanuc' łıtej'me timiyi:

—¡Ti-ch'ıxcotıso'!

Xonca tıja'e', timi:

—Mı'Hua David, ¡ałıınłta' nıncuanuc'!

⁴⁰ Jesús ecaxhuenni, icuxe'ma, timila':

—Ałhec'metsi.

İcuai'etsa pe lopa'a Jesús. İtque icuis'e'ma, timi:

⁴¹ —¿Te caıf'e'eyaco'? ¿Te ts'opic'a?

Timi:

—Maıpoujna, cahuetsalełta'.

⁴² Jesús timi:

—¡Tahuetsalełta'! Ał'huaiyjımpa, joupa ıxałconapo'.

⁴³ Aiquicol'ma, ehuetzalena'ma. Ipango'ma ihuej'ma Jesús. Tix'najtsi'i ÆanDios. Jahuay nomana' jilpiya, liximpa tolt'a'a jouc'a ix'najtsi'i'me ÆanDios. Ticuayi: "Acueca' lo'epa ÆanDios".

19

¹ Jesús itsufai'ma liya' Jericó, uyaicohuo'ma. ² Jilpe liya' tipa'a anuli cal xans cuftine aZaqueo. Itque cal xans nocuxepola' lif'as xanuc' quin'najtsi'iyalepá. Acueca' qui'huexi i'hueca. ³ Tehuay te co'iya mixinya Jesús. Ipic'a timetsaicoła'. Jesús ti'hua nolojmay axpela' lan xanuc', Zaqueo aca'hua xans. Tixina aimi'iya mixinya. ⁴ Inu'ma, i'huaj'me'ma. If'aj'ma anuli al 'ec sicómoro. Jilpiya tuyaico'ma Jesús. Tixim'ma.

⁵ Jesús icuaitsi jilpiya, ehuelojm'ma al toncay al 'ec. Ipalaic'o'ma, timi:

—CumZaqueo, nuya taimunni. Itsiya ai'huapa lomejut'ł, cunxac'eta.

⁶ Zaqueo aiquicol'ma, imunni. Ixoj'ma queta juaiconapa. Jilpe lejut'ł epenuf'ma Jesús. ⁷ Lan xanuc' lixim'me tolt'a'a li'i'ma ixtulenca jahuay, tipalaicoyi lo'epa Jesús, tinesyi:

—Itque cal xans Zaqueo aimihuejma locuxepa ÆanDios, Jesús itsufaipa lejut'ł.

⁸ Zaqueo ecax'ma, ipalaic'o'ma łalPoujna Jesús, timi:

—Toxinła', maipoujna, itsiya onłca łai'hueca capi'ina'mola' lan xanuc' pe aiquil'hueca. Naitsi cal xans łafel'mipa, nexic'epa litomí, capi'icona'ma amalpemma.

⁹ Jesús mehuelonge Zaqueo ticua:

—Itsiya jifa'a lajut'ł unłupa anuli cal xans, itque jouc'a i'hua łottatahuelo Abraham. ¹⁰ Iya' itque cal Xans Liximpa cal profeta pu'hua lema'a. Aicuaicoco'ma fa'a li'a łamats' cahue'mola', cunłu'e'mola' lan xanuc' lejac'pola'.

¹¹ Miquimf'eyi lan xanuc', Jesús ti'hua timuc'iyale. Itniya lan xanuc' ticuayi: "Liya' Jerusalén a'ij culi'. Ticuaitsi jilpiya Jesús tulijtola' la'eponga' laic'. Tijouła' illanc' y ÆanDios atcux'e'me anuli." Jesús ipic'a ti'ıla' quilsina' a'ij łınca ite lonespa. I'onlıco'moxi lo'iya, ¹² timila':

—Anuli cal xans itque i'hua łincuxepa i'huapa aculi', ocue-naj nación. Jilpiya tepi'inna lipenic'. Tijouła' tipaino, ticuxena'mola' lixanuc'. ¹³ Ai'a tipahuo ijoc'i'mola' limbamaj limozó. Anuli anuli epi'i'mola' quılłomí, lipitali to cal xans lolijpa no'eya canic' afanej mut'ła. Timila': "Iya' aicapajnya, ma cai'huayaic' aculi' imanc' tołsuicołe itla'a al tomí".

¹⁴ 'Lilpiya' xanuc' ixtuc'o'me cal xans. Ummem'mola' lan xanuc' tiyełe pe litsepa, tuya'ata: "Itque cal xans aimalapen-ufyacu. Aimalcuxeyacongá illanc'."

15 'Cal xans, epi'impá lipenic' ticuxetsola' lixanuc', ipaiconnanni. Licuaitsi temats' icuxe'ma tijoc'intsole' limozó, ihne nepenupá al tomí. Tixim'ma lulijpa.

16 'Icuaiyunni cal te'a. Timi lipoujna: "Maipoujna, lotomí lalapi'ipa joupa ulijpa imbama". 17 Timi: "Ima' unc'a mozo. Ac'a lo'epa. Ahuata lainepi'ipo'. Oxhuicopa ac'a. Itsiya capi'i'mo' imbamaj hilelo'ya', tocuxetola' lan xanuc' nomana' jilpe hilelo'ya'."

18 'Icuaiyunni locuena, timi lipoujna: "Maipoujna, lotomí lalapi'ipa joupa ulijpa amaque". 19 Jouc'a epi'i'ma lipenic'. Timi: "Ima' jouc'a capi'i'mo' copihilelo'ya'. Tocuxetola' lan xanuc' nomana' jilpe lam maquej hilelo'ya'."

20 'Lijou'ma icuaiyunni locuena. Timi lipoujna: "Toxinla', maipoujna, jilta'a lotomí. Ai'huejpa. Aifecopa jahua'. 21 Cai'ecopa caxpaic'ehuo'. Aixina' ima' unxans maftsile. Ni to'la'a aimocu, ma le'a tapenuf'ma. Aimofa, ma le'a tafot'le'ma." 22 Timi: "Ima' mixcay mozo. Ma'la'a lonespa joupa mecani'epoxi. ¿Te ima' oxina' iya' ninxans naftsile? ¿Te al finca iya' capenufi tama aicacu? Jouc'a, ¿te cafot'le tama aicafa? 23 Joupa oxina' to'la'a. Itsiya ilta'a laitomí, ¿te aicomecana al banco? To'la'a cola' capenufna'ma laitomí jouc'a lulijpa." 24 Timila' lixanuc' nacaxhuolanna jilpiya: "Tolaxic'ete al tomí, tonlapi'ile ilque ts'i'hueca limbama". 25 Ihne italai'e'e'me, timiyi: "Maipoujna, joupa i'hueca imbama". 26 Italai'e'e'mola', timila': "Iya' camilhuo': Jahuay ihne nulijpá, tepi'im'mola' xonca. Lan xanuc' pe aiquiluliqui, texit'ena'mola' li'hueca. 27 Itsiya, to'hua'ancola' fa'a pe laifpa'a lan xanuc' nalixtuc'opa ihniya nocuapá: Ilque cal xans aimalapenufyacu, aimalcuxeyacongá'. To'la'atsola'."

28 Lijoupa limipola' jile lataiqui', ti'hua tuyaipa. Tif'aqui lane Jerusalén. 29 Icuaitsi hujuala cuftine Lijuala Olivo, ahuejnca hilelo'ya' Betfagé jouc'a Betania. Jilpiya umme'mola' oquexi' ts'ilihuequi, 30 timila':

—Tonlete jilpe li'ya' lehuoc'ocojma. Jilpiya lo'ftsulaiyacu to'sinna tifi'nyá anuli la'ca'huaj burro. Nij naitsi xans lenafcaipa. Toluhuaitsa, to'cuai'ecu fa'a. 31 Ja'ni ticuis'etsolhuo', timitsolhuo': "¿Te cunluhuaitcopá la'huaj burro?", to'mitsa: "Lipoujna tixhuicota".

32 Iye'me ihne loquexi' lummem'mola', ixintsa la'ca'huaj burro ma to limipola' Jesús. 33 Muhuaityi la'ca'huaj burro lipoujnalá ipalaic'om'mola', timinnila':

—¿Te cunluhuaitcopá la'huaj burro?

34 Italai'e'e'me, timiyi:

—Lipoujna ipicuicoya tixhuicota.

³⁵ Icuai'etsa łaca'huaj burro pe lopa'a Jesús. Ixpefi'me liłpuquiya lixpula' ła'huaj burro. Jesús enafcai'ma. ³⁶ Pe loy-aicoya, lan xanuc' ixpou'me liłpuquiya. ³⁷ Icuaitsa huejnca jilpe laimuc' lijuala Olivo, lanxpela' ts'ilihuequi Jesús iłejmale ixoj'ma quileta. Jahuay ipango'me ija'a'me, tix'najtsi'iyi ŁanDios. Joupa iximpá al cueca' li'ipa. ³⁸ Ticuayi:

—ıİtsiya ocuai'ma ima' ałRey! Joupa lu'imponga' tocuai-huo, ałminga' ŁanDios łalPoujna tumme'mo'. ıİtsiya ocuai'ma! ıAłs'najtsi'ihuo' juaiconapa! ıŁanDios Nopa'a lema'a aimalix-tuc'oconayaconga', ałpaxnenga'! ıNomana' lema'a xonca al toncay timiłe: "Ima' xonca umCueca"!

³⁹ Jilpe pe lomana' lan xanuc' jouc'a timana' lam fariseo. Hniya timiyi Jesús:

—Momxi, to-ch'ixc'etsola' iłne ts'ihuejhuo'.

⁴⁰ Jesús italai'e'e'mola', timila':

—Iya' camilhuo': Ja'ni ti-ch'ixcotsola' lalihuequi', lapic' tija'a'me, tix'najtsi'i'me ŁanDios.

⁴¹ Hoc'olai'me xonca Jerusalén. Lixim'ma liłya' Jesús ijoj'ma, ⁴² timi:

—Iya' caxhuełcocojma iłe lo'iyaco', miłya' Jerusalén. Itsiya ŁanDios ipic'a tipaxnetsola' loxanuc'. Ipic'a titoc'itsola', tuyalaıłe al c'a. ıCoła' ticuec'ełe! Aimi'iya micuec'eyacu.

⁴³ Ticuaita litine ticuaicu laixtuc'opo'. Tejuajmi'me camats' lixpula' łomital. Tilanc'e'me lof'ajcoyacu. Tipa'nem'me canumicay, loxanuc' ailopa'a caipalcoyacu. ⁴⁴ Laixtuc'opo' tif'ajli'me łomital, teca'not'hi'me łomitalot'ł, jouc'a loxanuc'. Laixtuc'opo' tijou'ne'mo' nulemma. Ni anuli łapic mipo'nof'queya łocuena capic. ŁanDios joupa icuai'ma coła' tipaxnetso'. Ima' aicoxingufi tołta'a lo'eya, aicocuac'. Tohiya titełmi'mo' to laifmipo'.

⁴⁵ Lijou'ma Jesús itsufai'ma al cuecaj xoute' lopa'a Jerusalén. Jilpe ipa'a'mola' nocualepá. ⁴⁶ Timila':

—El Paxi Linilıngiya tuya'e': "Lainejut'ł lecu'i'impa: Lajut'ł petsi lan xanuc' tipalaic'oyo'me ŁanDios." Itsiya imanc' ton'onlıcoyi iłta'a lajut'ł to łunts'eja' lafołyomma lan namats'.

⁴⁷ Itine itine Jesús ti'hua al cuecaj xoute'. Timuc'ila' lan xanuc'. Lixanuc' cal cuecaj ca'ailli', lomxiye nomuc'iyalepá locuxepa ŁanDios jouc'a lan tsilaj xanuc' noxpijpá lataiqui', tehueyi te co'iya mima'ayacu Jesús. ⁴⁸ Aiquiłsina' te co'eyacu. Jahuay lan xanuc' icuaitsi quilpic'a litaiqui' Jesús, tipo'noyi cuenna lomuc'iyalepa.

20

¹ Anuli litine mipa'a Jesús al cuecaj xoute' timuc'ila' lan xanuc', tu'ila' Lataiqui' loya'apa iłe al c'a loxpıc'epa ŁanDios.

Jilpiya icuaiyunca lixanuc' cal cuecaj ca'ailli' jouc'a lomxiye nomuc'iyalepá locuxepa ËanDios, jouc'a lan tsilaj xanuc' nox-pijpá lataiqui'. Icuaitsa pe lopa'a Jesús, ² icuis'e'me, timiyi:

—¿Naitsi nepi'ipo' lomane toŧta'a to'e'ma? ¿Naitsi num-mepo'?

³ Jesús italai'e'e'mola', timila':

—Iya' jouc'a tipa'a laifnicuis'eyacolhuo'. Aŧtalai'eŧa'. ⁴ ¿Naitsi nummepa Juan? ¿Naitsi nicuxe'epa tepo'itsola' lan xanuc'? ¿Ja'ni ËanDios? o ¿anuli cal xans?

⁵ Ihe ipalaic'o'moŧtsi quiŧtuca', timiyoltsi:

—¿Te caŧmiyacu? Ja'ni aŧmile: “ËanDios ummepa”, alicuis'e'monga', aŧmi'monga': “Imanc', ¿te aicolapenufi Juan?” ⁶ Ja'ni aŧmile: “Anuli cal xans nummepa”, lan xanuc' aŧma'aco'monga' apic'. Ihe ticuayi Juan aprofeta. Ticuayi ËanDios ummepa.

⁷ Italai'e'e'me, timiyi:

—Illanc' aicaŧsina' naitsi nummepa.

⁸ Italai'e'e'mola' Jesús, timila':

—Iya' jouc'a aicu'iyacolhuo' naitsi nalapi'ipa laimane ca'eŧa' toŧta'a.

⁹ Ipango'ma ipalaic'o'cona'mola' lan xanuc'. I'onŧicopola' iŧniya ts'iŧpenic' lan judío, timila':

—Anuli cal xans ifapaj 'uva ŧemats'. Hualca lan xanuc' epi'i'mola' lane ti'eŧe canic'. Tijouŧa' lanic', tijouŧa' tefot'ŧeŧe, tepi'ina'me onŧca hipammaita.

^ŧEpoujna camats' i'hua'ma aculi'. Jilpe icoŧhuo'ma. ¹⁰ Icuaitsi litine tefot'ŧeŧe umme'ma anuli ŧimozo, ti'huaŧa' titaita ŧi'as 'uva, iŧque ŧocuaiya quimane. Lin'epá canic' ailopa'a quilepi'i', ni toŧta'a. Untaf'me cal mozo, icuxe'e'me ti'huanŧa'.

¹¹ 'Ummecona'ma ocuenaj mozo. Iŧque jouc'a untaf'me, i'e'me lixcay, etets'i'me. Ailopa'a quilepi'i', ni toŧta'a. Icuxe'e'me ti'huanŧa'. ¹² Ummecona'ma ocuenaj mozo, iŧque ŧo'icoya afantsi. Iŧque ixcai'e'me, exaŧcuf'me, ipa'apá ŧamats' pe lifaiyiya cal 'uva.

¹³ 'Lijou'ma ŧapoujna camats' pe lifaiyiya cal 'uva ticua: “¿Te caif'eya?” Ixpíc'e'ma, ticua: “Cumme'ma ŧai'hua, ŧaif'epa capic'a juaiconapa. Aga aimetets'iyacu iŧque. Tepenufta.”

¹⁴ Lin'epá canic' lixim'me icuaico'ma ŧi'hua ŧilpoujna timiyoltsi: “Iŧque tepenuf'ma ŧi'huexi qui'ailli'. Aŧma'a'me. Toŧta'a alulijna'me caŧ'huexi.” ¹⁵ Exaŧcuf'me, ipa'apá ŧamats' pe lifaiyiya cal 'uva, ima'a'me.

Jesús icuis'e'mola', timila':

—Imanc', ¿te coŧcuapa? ŧipoujna camats' pe lifaiyiya cal 'uva, ¿te co'eyacola? ¹⁶ Iya' cami'molhuo' lo'eya: Ti'hua'ma, ticuaitsi pe lomana' iŧniya lin'epá canic', tima'acola'. ŧemats' pe lifaiyiya 'uva, maŧe ŧamats' tepi'i'mola' ocuenaye xanuc'.

Licuej'me tołta'a litaiqui' Jesús lan xanuc' noquimf'epá ticuayi:

—¿LanDios aimicu'ma lane mi'i'ma tołta'a!

¹⁷ Jesús ehuelonc'e'e'mola' lił'a, timila':

—Al Paxi Linilíngiya tuya'e':

Łapic łetets'ipa nolanc'epá lajutł, i'ipa xonca łaicuicoya.

İłque łapic xonca tilanc'e łaital aimecangeya lajutł.

Ja'ni a'i mi'iya to itsiya laifnu'ipolhuo', ¿te conescopa tołta'a al Paxi Linilíngiya? ¹⁸ Cal xans tixc'ualaf'caitsi, tecanafcaitsi cal Cuecaj Capic, ilque tunła'moxi. Ja'ni ilque Łapic tecangenni tetof'caitsi cal xans, ilque cal xans tuxpats'i'i'ma nulemma.

¹⁹ Lomxiye nomuc'iyalepá locuxepa ŁanDios jouc'a lixanuc' cal cuecaj ca'ailli' ixtulencia. İhsina' Jesús tipalaicola' ilniya lił'ejma'. Ehuepá te co'iya mi'nołyacu Jesús. Małpe 'hora ilpic'a ti'nołle. Aiqui'ic'. Tixpaic'eyi lan xanuc'.

²⁰ Ti'hua tehueyi te co'iya mi'nołyacu Jesús. Umme'me liłxanuc' tiyełe pe lopa'a Jesús, tehuelaifta. Ma le'a ti'e'eyołtsi; ilne a'ijc'a xanuc'. Ticuis'eta Jesús. Ticuayi: “Tinesc'eła' cataiqui' cal gobernador. Tijouł'a alcu'me, ticuaita quimane ilque ts'ipenic'.” ²¹ İcuis'e'me Jesús, timiyi:

—Momxi, alšina' ac'a lotaiqui', ac'a lofmuc'iyalepa. İma' toxinnila' lan xanuc' ipacoya. Al linca tomuc'ila' lipene ŁanDios. ²² İtsiya licuis'e'mo', lu'itsonga': ¿Te al'najtse'e'me cal cuecaj quincuxepa César? o ¿aimalapi'iyacu? ¿Te ti'i'ma o aimi'iya?

²³ Jesús ixina' ma le'a tehueyi tic'aiłquenni. Timila':

—¿Te calahuaicopa? ²⁴ Almuc'ila' anuli al tomí. ¿Naitsi jilta'a ts'i'a? ¿Naitsi ilta'a ts'ipuftine?

Timiyi:

—Li'a César, lipuftine César.

²⁵ Timila':

—Ja'ni i'huexi César, ne', tonlapi'ile César. Ja'ni i'huexi ŁanDios, ne', tonlapi'ile ŁanDios.

²⁶ Tołta'a ilniya ailopa'a co'eyacu. Aiquilc'aiłqui Jesús. İxim'me acueca' lipicuejma', i-ch'ixco'mola'.

²⁷ Lijou'ma hualca lan xanuc' saduceo icuaitsa pe lopa'a Jesús. İne tinesyi: Limanapola' aimimaf'iconayacu. İcuis'e'me Jesús, ²⁸ timiyi:

—Momxi, pe linilpa Moisés alu'iponga': “Anuli cal xans timanł'a, joup'a ilejma łaca'no', ja'ni ailopa'a quil'hua łamizhua tipa'a lipima tileco'ma li'maxi. Tipajntsi quil'hua tecui'i'me lipuftine lipima limanapa, tepenuf'ma li'huexi.”

²⁹ Li'ipa timana' acaitsi lan xanuc' apimaye. Cal te'a ilecopa anuli łaca'no', lijou'ma imana'ma. Ailopa'a quil'hua. ³⁰ Łocuena lipima ilecopa li'maxi, imana'ma jouc'a. Ailopa'a quil'hua.

³¹ Lijou'ma locuena lipima jouc'a ileco'ma hi'maxi, imana'ma jouc'a. Ailopa'a quif'hua. Ma' anuli li'i'mola' locuenaye lan malujxi' capimaye. Anuli anuli ileco'me łaca'no', imana'mola'. Ailopa'a quif'hua. ³² Lijou'ma imana'ma łaca'no' jouc'a.

³³ 'Tsiya, lu'itsonga': Ticuaitsi jile litine timaf'inałe limanapola', ¿te co'ya itque łaca'no'? Lan caitsi capimaye ilecopá. ¿Naitsi co'ya quipe'ailli'?

³⁴ Jesús timila':

—Mimana' fa'a li'a łamats' lan xanuc' temalliyi, lił'ailli' ticuyi liłmaxque'. ³⁵ Locuena Quitine a'i tołta'a mi'eyacu. Timana' lan xanuc' lacał'no' ŁanDios tixinnila' ti'i'ma titsuflaita jilpe Locuena Capajnya, tixinnila' ti'i'ma timaf'icona'me nulemma. İniya tipo'no'mola' locuenaye limanapola'. İniya aimemalliconayacu. ³⁶ Ti'onłcotola' to lapaluc' quema'a. Aimimayacola'. İniya linca inaxque' ŁanDios, timaf'i'ina'mola' nulemma.

³⁷ Małque Moisés tuya'e': ŁanDios timaf'i'ina'mola' limanapola'. Tołta'a tuya'e' lije'e. Jilpe tuya'e' li'ipa litine lonajpa lac'ec. İe litine ŁanDios imipa: "Iya' NanDios; ilenDios Abraham, Isaac, Jacob." ³⁸ Ja'ni nulemma imanapola' iniya, ŁanDios aimimiya: "Iya' ilenDios iniya". ŁanDios ilenDios ts'ihmaf'i', a'i limanapola'. ŁanDios jahuay tixinnila' to ts'ihmaf'i'.

³⁹ Hualca lomxiye nomuc'iyalepá locuxepa ŁanDios italai'e'me, timiyi Jesús:

—Momxi, ac'a lonespa.

⁴⁰ Lijou'ma, ailopa'a quilicuis'ot'łecongħua. Tixpailiquila'.

⁴¹ Jesús timila':

—¿Te conescompa: "Cal rey David itatahuelo cal Cristo, ŁanDios Łommeya"? ⁴² Petsi liniłiya al je'e lan Salmo, David tuya'e':

ŁanDios ipalaic'o'ma łaiPoujna, timi:

"Tocutshuaiła' fa'a al c'a camane.

⁴³ İma' topajnl'a' fa'a al c'a camane, ma' iya' ti'hua culiquila' lo'epoj laic'.

Tijouł'a' ima' tocuxena'mola'."

⁴⁴ 'David linesco'ma cal Cristo ticua: "... łaiPoujna". ¿Te conescopa "łaiPoujna", ja'ni itque cal Cristo i'hua David?

⁴⁵ Miquimf'eyi lan xanuc', Jesús timila' ts'ilihuequi:

⁴⁶ —Toł'etsoltsi cuenna lomxiye nomuc'iyalepá locuxepa ŁanDios. İpic'a tiyelococo'me tipo'no'me liłpijahua' itoqui. Tetenłcocola' tixinintsola' to lan c'a xanuc', tinonintsola' miyelocoyi la plazá. Ni petsi locuaicoyacu, ja'ni łajut'hi pe lafołyomma lan xanuc', ja'ni anuli al juic, tehueyi te co'ya micutshuołaiyacu pe li'huáqui xonca al c'a. ⁴⁷ İniya ma mi'e'eyołtsi to lan c'a xanuc' texic'e'eyi lił'huexi lam potsateya. Ticoki tipalaic'oyi ŁanDios. Linca xonca titeł'mi'mola'.

21

¹ Lijou'ma Jesús ehuelojm'mola' lan xanuc' ts'ih'hueca acueca' mecajm'miyi lipimoxna al caxax lopa'a jilpiya al cuecaj xoute'. ² Ixim'ma jouc'a anuli łaca'no' apotsate, ailopa'a qui'hueca. Itque ti'nij'mi oque' al tomí. Ailopa'a quipitali, toco'ma to oque' centavo. ³ Jesús timila' ts'ilihuequi:

—Iya' camilhuo' al linca: Xonca acueca' lipimoxna licupa łaca'no' cal potsate, ailopa'a qui'hueca. ⁴ Itne lan xanuc' ts'ih'hueca acueca', ma le'a i'nij'mipá loyaf'pa. Itque łaca'no' tehue'e', i'nij'mipa jahuay li'hueca. Ailopa'a co'nacoya łoteja.

⁵ Hualca ts'ilihuequi Jesús tehuelojnyi al cuecaj xoute'. Ticuayi juaiconapa i'huáqui al c'a. Ilajncopa lan c'a capic'. Lan xanuc' joupa icupá listomí, ilanc'empa xonca al c'a. Jesús timila':

⁶—Itsiya i'huáqui juaiconapa al c'a. Aimipaneya tołta'a. Ticuaita litine jahuay tetełquehuo. Ni anuli łapic mipo'nof'queya lipima capic. Jahuay tica'nico'ma.

⁷ Itne icuis'e'me, timiyi:

—Momxi, ¿te quitine tołta'a ti'i'ma? ¿Te calsinyacu ai'a ti'i'ma tołta'a?

⁸ Timila':

—Tołpo'note cuenna. Aimifel'mim'molhuo'. Axpela' ticuauicu, ticua'me: “Iya' ninCristo. LanDios alummepa.” Jouc'a ticua'me: “Joupa icuaico'ma al Cueca' Quitine”. Imanc' aimonlihuej'mola' nocuapá tołta'a. ⁹ Tołcuj'me lan xanuc' tifuleyi o tifuliquemma. Aimixpailij'molhuo'. Ticuicomma ti'i'ma tołta'a. Li'a łamats' ti'hua ticol'ma.

¹⁰ Jesús ti'hua tipalaic'ola' ts'ilihuequi, timila':

—Lan xanuc' nomana' anuli al nación tifule'me nomana' locuenaj nación. Lan xanuc' nomana' anuli filemats' tehuoc'ai'mołtsi nomana' locuena camats', tifule'me. ¹¹ Ni petsi li'a łamats' tinu'ma acuecaj cunanto, titełco'me lumemma, jouc'a al cuana lolecopola'. Jilpiya lema'a acueca' lo'iya. Lan xanuc' tixim'me, tixpailij'mola'.

¹² 'Ai'a ti'i'ma tołta'a imanc' tołtełco'me. Lan xanuc' ti'nof'molhuo', tihuetsoquim'molhuo', ticum'molhuo' ticuaita quilmane lan xanuc' nocuxepá łajut'hi pe lafołyomma lan xanuc', ti'nicom'molhuo' lacarza, tilecom'molhuo' pe lomana' lan rey jouc'a pe lomana' locuenaye quincuxepá. Imanc' al'huaiyijmpa iya', tołiya tołtełco'me tołta'a. ¹³ Ni petsi loleconyacolhuo' tulu'i'mola' lan xanuc': “Ilanc' lihuejyi Jesús”.

¹⁴ 'Itsiya aimołsuelmot'le'me, aimołnes'me: “¿Te calcuayacu? ¿Te calłalai'e'ecoyacola' lan xanuc'?” Tołpo'note lołpicuejma', tołnesle nulemma: “Aimatsuelmot'le'me”.

¹⁵ Iya' cu'i'molhuo' lołnesyacu. Capi'i'molhuo' colpicuejma'

acueca'. Naixtuc'opolhuo' aimi'iya mitalai'eyacolhuo'. Ni aimimiyacolhuo': "A'ij linca loñnespa imanc". Aimi'iya minesyacu tołta'a.

16 'Loł'aillí, lołpimaye jouc'a lonfejmalepá ticuftolhuo', ticuaita quilmene lincuxepá. Tima'am'molhuo' hualca imanc'. 17 Imanc' ts'alihuequi, tołiya ni petsi lomana' lan xanuc' tixtuc'o'molhuo'. 18 Imanc' aimejac'yacolhuo', ni anuli lijuac lołjuac aimejac'ya. 19 Tołsnet'He jahuay lo'iyacolhuo', tołta'a tuluntul'me.

20 Litine mołsinyacu lan soldado canumicay al cuecaj quilya' Jerusalén ti'ila' cołsina' aimicołya liłya', tijouna'ma. 21 He litine ja'ni tołmana' jilpe al distrito Judea tolinul'me, tonle'me hijualay. Ja'ni tołmana' al cuecaj quilya' tolipalcu. Ja'ni tołmana' pu'hua limuc'o', aimołtsuflai'me liłya'. 22 Jilniya litiné fa'a al cueca' quilya' tixim'me latełcoya. Ma to muya'e' al Paxi Linilingiya ma tołta'a tenanłco'ma jahuay. 23 Acuanuc'la lacał'no' lin-naila', jouc'a lacał'no' notu'ipá liñaxque'. Titełco'me acueca' juaiconapa jifa'a li'a łamats'. Lan xanuc' nomana' tixim'me al cueca' lipoyac' ŁanDios. 24 Lin'ehuale laic' tima'acom'mola' a'espada. Jouc'a tifi'em'mola' ts'ihmaf'i', tilecom'mola' ni petsi li'a łamats'. Lan xanuc' ocuena quilmación, iñe aimimetsaicoyi ŁanDios, ticuxe'me fa'a liłya' Jerusalén. ŁanDios tepi'i'mola' lane ti'hua ticuxe'me. Tijouł' texic'e'ena'mola' licueya quilmene, aimicuxeconayacu liłya'.

25 'Cal 'ora timuj'ma lo'iya. Jouc'a cal mut'ła jouc'a lan xamna timuj'me. Lan xanuc' nomana' li'a łamats', jahuay lan nación, tixhuełco'me. Aiquilšina' te co'eyacu. Łaja tife'ne'moxi juaiconapa, titsahuehuo. Tixtu'ma łaja, ticuequehuo acueca'. 26 Titafquecola' lan xanuc', ailopa'a co'eyacu. Tixim'me lan xamna tipai'i'me liłpene. Tixpailij'mola' juaiconapa, tixhuełco'me, tines'me: "¿Te xonca całtełcoyacu fa'a li'a łamats'?"

27 'Iya' iłque cal Xans Liximpa cal profeta pu'hua lema'a. Iñe litiné ałsim'ma cacuaiconahuo jilpe hummahuay. Ałsim'ma acueca' laipepaxi, ałsim'ma ma' anuli ŁanDios.

28 'Tipangoł' iñe lo'iya aimixpailij'molhuo'. Tixojla' conlata. Aimicołya lołtełcoyacu, tuluntul'me.

29 Lijou'ma Jesús ipangopa i'onłicopa lo'ipa al 'icux, jouc'a jahuay cal 'ec'. Timila' ts'ilihuequi:

—Tołpo'nole cuenna lo'ipola' al 'icux jouc'a jahuay locue-naye cal 'ec'. 30 Tuxcuaf'caitsi lipela imanc' ołsina' joupa icuaico'ma linu'. 31 Ma' anuli, litine ti'ila' to laimipolhuo', ti'i'ma cołsina' joupa icuaico'ma ŁanDios cal Cuecaj Rey. Jahuay tihuejco'me. 32 Iya' camilhuo' al linca: Ma to lił'ejma' lan xanuc' nomana' itsiya litine, ma tołta'a ti'i'ma lił'ejma' lan xanuc' nomajnyacu iñe litine lo'iya to laimipolhuo'. 33 Lema'a

y li'a lamats' tejac'mola', aimotsingonayacu. Laitaiqui' aimejac'ya, tipanehuo.

³⁴ 'Imanc' toł'etsotłsi cuenna. Aimot'e'me nixpiya, aimimeyoj'molhuo', aimotsuełmot'le'me te co'iya moluyalaicoyacu jifa'a lapajnya. Tolihuejcole ŁanDios. Ja'ni a'i, timufc'o'molhuo' lołpicuejma', ticuaiti al Cuecaj Quitine tixpaic'e'molhuo'. ³⁵ Ticuaiyunni al Cuecaj Quitine lan xanuc' ni petsi lomana' li'a lamats' tixingufco'me. ³⁶ ¡Tołmaf'ile! ¡Ti'hua tołjoc'ile ŁanDios! Joupa nu'ipolhuo' ile al cueca' lo'iya. Tołsa'huefe ŁanDios, tołmi'me: "Altoc'itsonga', lunłu'etsonga'". Tijoula' tixoj'ma cunlata tołacaxingołaita pe laifpa'a. Iya' iłque cal Xans Liximpa cal profeta pu'hua lema'a.

³⁷ Iłne łitine Jesús timuc'ila' lan xanuc' jilpe el cuecaj xoute'. Lipuqui' tipamma liłya', ti'hua łijuala Olivo. Iłpe tipajnspace lic'ayca lipuqui'. ³⁸ Mi'i'ma quitine jahuay lan xanuc' tiyeyi al cuecaj xoute', tiquimf'eta litaiqui' Jesús.

22

¹ Tehue'e' huata ti'i'ma al juic cuftine al Pascua. Mi'eyi juic titeji łai' aiqilai'inni levadura. ² Lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios tehueyi te co'iya mima'anyacu Jesús. Tixpailiquila', ja'ni tixtulecu lan xanuc'.

³ Łonta'a Satanás itsufaipa lipicuejma' anuli iłne limbamaj coquexi' ts'ilihuequi Jesús, iłque cuftine Judas. Locuena lipuftine Iscariote. ⁴ I'hua'ma pe lomana' lixanuc' cal cuecaj ca'ailli' jouc'a lapaluc' no'epá cuenna al cuecaj xoute'. Ipalaic'o'mola'. Ixpice'ma te co'iya micuya Jesús, ticuaiti quilmane. ⁵ Ixoj'ma quileta iłniya. U'i'me tołua mulijya al tomí. ⁶ Judas icupa cataiqui' ticu'ma Jesús. I'huana'ma, ehuepa te co'iya micuya iłque. Tigua: "Aimicuej'me lan xanuc'".

⁷ Icuaiti al juic titem'me łai' aiqilai'inni levadura. I'huajcopa litine tima'am'mola' laicanaxque' mot'ł, iłne lotejnyacola' jilpe al juic Pascua. ⁸ Jesús umme'mola' Pedro y Juan, timila':

—Tonłełe. Tolafot'łetsa łaltejacu ałsmocota al juic Pascua.

⁹ Icuise'me, timiyi:

—¿Petsi całsmocoyoyacu? ¿Te cofcuapa?

¹⁰ Timila':

—Tonłełe liłya', ma mołtsufłaiyi liłya' tołsinna anuli cal xans itaic' lijuti caja'. Tolihuejtsa. Iłque titsufaita anuli lajut'ł. ¹¹ Tołpalaic'ota łapoujna, tołmita: "Łalpomxi alumpeponga' pe lołpa'a, ticuis'ehuo', timihuo': ¿Pe copa'a lajut'ł pe lałsmocoyoyacu al juic Pascua, iya' jouc'a lalihuequi?" ¹² Iłque tilecotolhuo' al toncay lajut'ł. Timuc'itolhuo' anuli al cuecaj

cajut'ł. Jilpe tipa'a jahuay, joupa ixhueya. Małpiya tołpo'nota lałtejacu.

¹³ Ihne loquexi' ts'ilihuequi iye'me. Ixim'me ma to limipola' Jesús. Jilpe lajut'łilanc'e'me calxmocojma'. ¹⁴ Ticuaitsi al 'hora tixmocolē Jesús jouc'a li'apóstole icutshuolai'me, titetso'me. ¹⁵ Jesús timila':

—Aijanajpa juaiconapa ałsmocolē anuli ilca'a litejua' al Pascua. Aixina' icuaico'ma laiftełcoya. Ate'a ałsmoco'me anuli. ¹⁶ Iya' camilhuo': Jifa'a li'a lamats' aicatetsoconaya ilta'a al juic. Ticuaitsi litine lan xanuc' tihuejcole LanDios hiłCuecaj Rey, ilē litine ti'icona'ma ilē al juic, ti'i'ma ituca'. Jilpe linca cafetsoconna.

¹⁷ Lijou'ma uhuof'ma al taza, ix'najtsi'i'ma LanDios, timila' ts'ilihuequi:

—Tuluhuanuf'le ilta'a al taza. Tołsnale jahuay imanc'. ¹⁸ Jifa'a li'a lamats' aicaxnaconaya lija' uva. Ticuaitsi litine tixinle LanDios micuxe, ilē litine, linca caxnaconna.

¹⁹ Epef'ma anuli la'i. Ix'najtsi'icona'ma LanDios. Ixquenuf'ma, epi'i'mola' ts'ilihuequi, timila':

—Jilca'a aicuerpo laifcuya cunhu'e'molhuo'. Tolihuej'me tołta'a, ał'nujuaisco'ma iya' laif'eya.

²⁰ Lijoupa lixmocopa ix'najtsi'icona'ma LanDios, icufi'mola' al taza. Uhuof'ma timila':

—Iłta'a aijuats' laifxcuajaiya cunhu'e'molhuo'. Ma mixcuajaiquemma laijuats' całinc'i'ma al ts'e cataiqui', LanDios lopo'no'ipolhuo' imanc' ixanuc'.

²¹ 'Jahuay imanc' a'i ixanuc' LanDios. Jifa'a tipa'a ilque lałcuya. Ałpo'nof'iyi lałmane al mesa anuli. ²² Iya' ilque cal Xans Liximpa cal profeta pu'hua lema'a. Itsiya ca'huana'ma laipene. Ma tołta'a lał'iya. Tijoula' acueca' a'ijc'a juaiconapa tuyaico'ma cal xans lałcuya.

²³ Ts'ilihuequi ipango'me icuis'e'mołtsi, timiyoltsi:

—¿Naitsi illanc' ti'e'ma tołta'a?

²⁴ Lijou'ma ipango'me ifuli'i'mołtsi cataiqui', naitsi xonca cal cueca'. ²⁵ Jesús timila':

—Lan xanuc' pe aimimetsaicoyi LanDios lan tsilaj quincuxepá ti'e'eyoltsi quilpoujnalá. Ts'ilpenic' ticuayi: "Illanc' linca ałtoc'ila' lałxanuc', ałcuxela' al c'a". ²⁶ Imanc' aimont'e'me tołta'a. Toł'ele ituca' loł'ejma'. Imanc', ilque xonca ts'i'huaj'me ti'e'exoxi ti'onłcotsi to la'hua. Ilque nocuxepa xonca, ti'e'exoxi ti'onłcotsi to cal mozo. ²⁷ ¿Naitsi ilque xonca cal cuecaj xans? ¿Ja'ni ilque locutsuya notetsopa? o ¿ja'ni cal mozo lo'hua'apa al pime? Ilque locutsuya linca xonca acuecaj xans. Lałmajmpa anuli iya' ał'onłcospa to cal mozo.

²⁸ 'Imanc' aixanuc' aicalpo'nohuo caituca'. Capa'a fa'a li'a lamats' ałtelcopá anuli. ²⁹ Jouc'a ałcuxena'me anuli.

Cai'Ailli' joupa lapi'ipa laimane cacuxe'ma. Jouc'a iya' capi'ilhuo' lołmane tołcuxe'me. ³⁰ Ticuaitsi litine lihuejco'ma jahuay lan xanuc' iya' imanc' alcutołai'me anuli, alłetso'me, alsna'me. Imanc' tołcutsolai'me lołcuecaj asiento, tołspijta lataiqui', tołcuxe'mola' lołxanuc', iłne liłxanuc' limbamaj coquexi' linaxque' lołtatahuelo Israel.

³¹ Jesús ipalaic'opa Simón Pedro, timi:

—CumSimón, Satanás ixa'huepa lane tehuai'molhuo' imanc'. Cal xans nofusya litrigo tipa'a'ma lipifuc, tipanehuo pangay c'a. Tołta'a ti'i'molhuo' imanc' lahuaiyinyacolhuo'.

³² Aixahue'epa LanDios titoc'itso' ima' cumSimón. Tołta'a ima' ti'hua al'huaiyinge, aimalpo'nohuo nulemma. Tijouła' tehuaiyintso' ima' toxhuej'meconahuo, lihuejcona'ma. Iłniya litiné totoc'itsola' lopimaye, tapi'itsola' liłpujfxi jouc'a.

³³ Pedro timi:

—Maipoujna, joupa aipo'nopa laipicuejma'. Ni petsi loft-seya ca'hua'ma jouc'a. Ja'ni ti'nołintso' ti'hua'antso' lacarza, ja'ni tima'antso', jahuay ti'e'entso' iya' cacua: Ma al'e'entsonga' anuli. Aicapo'noyaco' cotuca'.

³⁴ Timi:

—CumPedro, camihuo': Iłta'a lipuqui', ai'a tija'a'ma łangiti, ima' tones'ma afanemma: “Aicainimetsaijma Jesús”.

³⁵ Icuis'e'mola' ts'ilihuequi, timila':

—Iłe litine lainumme'molhuo' aicołtai'me cołponta, ni cołmorrall, ni cołc'ejí, łte ehue'e'molhuo'?

Timiyi:

—Ailopa'a calahue'ehuo'monga'.

³⁶ Timila':

—Itsiya ituca' lo'iya. Camilhuo': Naitsi ts'i'hueca liponta tomí, titaila'. Naitsi ts'i'hueca łimorrall, titaila' jouc'a. Ja'ni ailopa'a qui'espada, ticujla' lipuquiya, ti'nacoła'. ³⁷ Al Paxi Linilingiya tuya'e': “Iłque iteł'mim'me to lotel'mimpola' iłne no'epá quixcay”. Iłe liniliya alnescopa iya' lał'iya. Camilhuo': Tenant'ma.

³⁸ Timiyi:

—Mał'ailli', jifa'a tipa'a oquej lan 'espada.

Timila':

—Ne', tipajnlá'.

³⁹ Jesús ipanni lajut'ł, ma to mi'ay i'hua'ma łijualaj Olivo. Ts'ilihuequi ihuej'me. ⁴⁰ Icuaicontsa petsi lotsepa. Jilpiya timila' ts'ilihuequi:

—Tołjoc'ile LanDios. Tołsa'huele aimehuaiyim'molhuo'.

⁴¹ Ipo'no'mola' quilituca', i'hua'ma ni huata, iłojf'e'moxi le'a lipiculi' to taca'nila' anuli łapic. Exc'onłhuai'ma, tijoc'i LanDios, timi:

42 —Mai'Ailli' liŋonc'e'ela' ilca'a al cueca' laifteŋcopa, ja'ni toŋta'a oxpic'epa. Tama toŋta'a laifmipo' jouc'a camihuo': To'ela' ma to loŋxp'ic'epa a'i to iya' laifxp'ic'epa.

43 Iximpa icuaico'ma anuli ŋapaluc quema'a. Tepi'i' quipu-jfxi, ti'ommais. 44 Lijou'ma ipango'ma ihuotsonni xonca, unlejma ŋunxajma'. Xonca ihui'i'ma ixa'hue'ma ŋanDios. Ijaftsi, titats'quemma ŋamats', tocommma ajuats'.

45 Lijoupa lijoc'ipa ŋanDios itsahuenanni, i'hua'ma pe lomana' ts'ilihuequi. Ixim'mola' tixmaiya. ŋihuotsoqueya ulij'mola', i'noŋ'mola' ŋahuí. 46 Timila':

—¿Te coŋmaicopa? Toŋsolinca, toŋjoc'ite ŋanDios. Toŋsa'hueŋe titoc'itsolhuo', aimehuaiyim'molhuo'.

47 Ma mipalay Jesús icuaitsa axpela' lan xanuc'. Judas, ilque anuli ihniya limbamaj coquexi' ts'ilihuequi Jesús, i'hua'j'me'ela' lan xanuc'. Icuaitsi pe lopa'a Jesús, tituc'o'ma. 48 Jesús timi:

—Judas, ¿te aŋtuc'o'ma? Iya' ilque cal Xans Liximpa cal profeta pu'hua lema'a. ¿Te aŋtuc'o'ma, tijouŋa' aŋcu'ma?

49 Niyejmalepá Jesús lixim'me lo'ipa timiya:

—Maŋ'ailli', ¿aŋfuleco'me a'espada?

50 Anuli ts'ilihuequi ixcai'e'ma limozo cal cuecaj ca'ailli'. Etec'e'e'ma lix'mas, al c'a camane. 51 Jesús timila' lan xanuc':

—Lapi'ita' lane.

ŋaŋc'e'e'ma lix'mas ilque cal xans. Ixaŋ'mena'ma.

52 Ipalaic'o'mola' ihne nicuaitsa ti'noŋ'me. Ihniya ixanuc' cal cuecaj ca'ailli', jouc'a incuxepá ŋapaluc' no'epá cuenna al cuecaj xoute', jouc'a lan tsilaj xanuc' noxp'ijpá lataiqui'. Timila':

—Imanc', ¿te coŋcuaiyoco'me fa'a oŋtaic' loŋ'espada, lonŋ'ec, aŋ'noŋa'? ¿Te aŋ'noŋcospa to ŋinma'ahuale? 53 Itine itine aŋmana' anuli jilpe al cuecaj xoute'. Aimaŋ'noŋi. Itsiya ŋinca tonŋ'e'me ts'oŋpic'a. Itsiya ti'hua limane nocuxepa al muŋ.

54 I'noŋ'me Jesús, ileco'me lejut'ŋ cal cuecaj ca'ailli'. Pedro ihuequi aculi'. 55 Jilpiya lipuna quejut'ŋ cal cuecaj ca'ailli' icue'empá ŋunga, icutsingolai'me. Pedro icutsingai'mola'.

56 Lipaŋ cunga tulif'e' li'a Pedro. Anuli cal mozo aca'no' ehuelojm'ma, timila' lan xanuc' nomana' jilpiya:

—ŋque cal xans jouc'a illejmale Jesús.

57 Pedro icuanajpa, timi:

—Maca'no', aicainimetsajma.

58 Lijou'ma nihuata ocuena cal xans ixim'ma Pedro, timi:

—Ima' jouc'a unlejmale Jesús.

Pedro timi:

—Cunxans, a'i iya'.

59 Uyai'ma to anulij hora. Ocuenaj cal xans ihui'i'ma, timila' locuenaye nomana' jilpe:

—Ma' al linca itca'a cal xans itejmale Jesús. Itca'a jouc'a las Galilea.

⁶⁰ Pedro timi:

—Cunxans, aicaixina' te cofnespa, ni aicaicueca.

Mipalay Pedro tofta'a ija'a'ma langiti. ⁶¹ LaPoujna Jesús ipai'e'moxi, ehuelojm'ma Pedro. Pedro i'nujuaitsi lataiqui' limipa: “Ita'a lipuqui' ai'a tija'a'ma langiti ima' tones'ma afanemma: Aicainimetsaijma Jesús.” ⁶² Ipanni, ijojtsi talay.

⁶³ Lan xanuc' no'epá cuenna Jesús ipango'me ilotsoco'me. Untaf'me c'ec. ⁶⁴ Ifi'e'e'me li'u', ticuis'eyi, timiyi:

—¡Tocua'ala'! ¿Naitsi nuntafpo'?

⁶⁵ Jouc'a imiloj'me axpe' quixcay cataiqui'.

⁶⁶ Lihic'ejma' ileco'me Jesús pe lefoŷya lan tsilaj xanuc' noxpi-jpá lataiqui' jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios. ⁶⁷ Timiyi:

—Ja'ni ima' unCristo, ummepo' LanDios, lu'itsonga'.

Timila':

—Ja'ni cu'itsolhuo' imanc' aimoŷ'eyacu linca laitaiqui'.

⁶⁸ Ja'ni quicuis'etsolhuo' aimatŷalai'eya. ⁶⁹ Iya' itque cal Xans Liximpa cal profeta pu'hua lema'a. Tuyaitŷa' itsiya cacutsainata al c'a camane LanDios. Itque jahuay nipajnya ti'e'ma.

⁷⁰ Licuejpá ite linespa Jesús jahuay itniya lan xanuc' timiyi:

—¿Te ima' i'Hua LanDios?

Timila':

—Ma to imanc' moŷnesyi, ma' iya'.

⁷¹ Ticuayi:

—Itsiya' linca aimalahueyacola' nocufyacu xonca. Itca'a quituca' ecani'epoxi. Joupa atcuejpá.

23

¹ Jitpe lefoŷya jahuay itniya itsolinamma, i'hua'a'me Jesús pe lopa'a Pilato, itque cal gobernador. ² Ipango'me icuf'me, timiyi Pilato:

—Atquimf'epá ituca' lomuc'iyalepa itque cal xans. Tipai'ila' liŷpicuejma' laixanuc'. Tu'ila' aimi'najtse'eyacu loxahue'epola' cal cuecaj quincuxepa César. Ticua: “Iya' ninCristo, ninRey”.

³ Pilato icuis'e'ma, timi:

—¿Te ima' itrey lan xanuc' judío?

Italai'e'ma timi:

—Al linca lofcuapa.

⁴ Pilato ipalaic'o'mola' lixanuc' cal cuecaj ca'ailli' jouc'a locuenaye liyejmalepá, timila':

—Itque cal xans iya' aiximpa ailopa'a qui'epa. Ailopa'a quijunac'.

⁵ Ihui'i'me, timiyi:

—Tipai'ila' liḥpicuejma' laḥ'as xanuc' judío. Ni petsi timuc'iyale. Ipangocopa imuc'iyalepa jiḥpe al distrito Galilea, itsiya icuai'ma fa'a liḥya' Jerusalén.

⁶ Pilato licuej'ma tinesyi al distrito Galilea, icuis'e'ma ja'ni Jesús qui'huayomma Galilea. ⁷ Ticuayi: “Linca, qui'huayomma Galilea”. Jiḥpe Galilea ticuxe cal rey Herodes, itsiya copa'a Jerusalén. Pilato aikuicoḥ'ma, umme'ma Jesús jiḥpe pe lopa'a Herodes. ⁸ Lixim'ma Jesús, Herodes ixoconni queta. Axpe' mut'la tijanaca tixinla' Jesús. Joupa icuejpa acueca' lo'epa. Ticua: “Iya' jouc'a aḥmuc'i'ma al cueca”.

⁹ Licuaiti Jesús juaiconapa icuis'mot'le'ma. Iḥque aikuitalai'e. ¹⁰ Jiḥpe jouc'a tecaxoḥanna lixanuc' cal cuecaj ca'ailli' jouc'a lomxiye nomuc'iyalepá locuxepa LanDios. Ticufyi juaiconapa Jesús. ¹¹ Herodes jouc'a lisoldado etets'i'me Jesús, ilotsoco'me. Itats'mi'me al c'a lijahua', to lopo'noyacu lan rey. Ipai'econanca pe lopa'a Pilato. ¹² Li'ipa Herodes y Pilato ti'eyoḥtsi laic'. Iḥiya litine ipalaic'ona'moḥtsi.

¹³ Pilato efot'le'mola' lixanuc' cal cuecaj ca'ailli' jouc'a ts'iḥpenic' lan xanuc' judío, jouc'a ocuenaye xanuc', ¹⁴ timila':

—Imanc' aḥcuai'e'ma iḥca'a cal xans. Aḥmi: “Tipai'ila' liḥpicuejma' lan xanuc'”. Imanc' joupa oḥcuejpa lainicuis'epa iḥque. Iya' cacua: Ailopa'a toḥta'a quijunac'. ¹⁵ Ma' anuli ticua Herodes. Iḥque ipai'enamma, ummeconapa jifa'a pe laḥmana'. Ailopa'a qui'epa Jesús. Aimi'iya canesya: Tima'anḥe. ¹⁶ Cacuxe'ma tipalojle, tijouḥla' cux'masna'ma.

¹⁷ Iḥe al juic Pascua ticuicomma Pilato tux'mas'ma anuli iḥtats'iya.

¹⁸ Jahuay ija'a'me, timiyi:

—Iḥque cal xans, ¡Tocua'! ¡Tileconḥe! ¡Tima'antsa! Illanc' aḥpic'a Barrabás. Tox'masla' iḥque.

¹⁹ Iḥque Barrabás ehuoc'aipola' lan xanuc' nomana' liḥya' Jerusalén. Inma'ahuale. Toliya itats'iya.

²⁰ Pilato ipic'a tux'masnaḥla' Jesús. Ipalaic'ocona'mola', timila':

—Cux'masna'ma Jesús.

²¹ Italai'e'e'me, ija'a'me timiyi:

—¡Tapaḥts'ijnla' lancruz! ¡Tapaḥts'ijnla' lancruz!

²² Ipalaic'ocona'mola'. I'ipa afanemma mipalaic'ola'. Timiconala':

—¿Te caifnepaḥts'ijncoya lancruz? ¿Te quixcay qui'epa? Ailopa'a qui'epa. Aimi'iya mima'anyacu. Cacuxe'ma tipalojle, tijouḥla' cux'masna'ma.

²³ Ija'a'me juaiconapa. Iḥui'i'me, timiyi:

—¡Tapaḥts'ijnla' lancruz!

Lijou'ma ulij'me ihniya lan xanuc'. ²⁴ Pilato icuxe'ma ti'ila' ma to ts'ihpic'a. ²⁵ Ux'masna'ma hitats'iya loxahue'epa, ihque Barrabás, lehuoc'aipola' lan xanuc', inma'ahuale xans. Icu'ma Jesús, ti'e'ete ma to lan xanuc' lonespa ti'ila'.

²⁶ Ileco'me Jesús. Miyeyi lane italecuf'me anuli cal xans i'ehuo'ma canic' himuc'o', ipainamma cotsenapa liya'. Ihque cal xans cuftine Simón, las Cirene. I'not'me, ipo'nof'i'me lixpula' lencruz Jesús, titaila', ti'huanc'otela'.

²⁷ Ihenc'e axpela' lan xanuc' jouc'a laca'no', tijolijyi tihuot-soyi lo'e'enyacu Jesús. ²⁸ Jesús ipai'e'moxi, ipalaic'o'mola', timila':

—Imanc' cunc'aca'no' Jerusalén, aimajojcumle'ma iya' la'iya. Tojjojcumletsotsi lo'iyacolhuo' imanc', lo'iyacola' lo'naxque'. ²⁹ Ticuaihuo hitiné tu'i'motsi: “Laca'no' lijuitqui xonca tixoqui quileta ihniya, aimixhue'mot'leyi. Ihne pe aiquisina' quih'hua, aiquitu'i, jouc'a tixoqui quileta, aimixhue'mot'leyi.”

³⁰ Ihniya hitiné lan xanuc' tixim'me acuecaj caxpaiqui'. Tipalaic'o'me cal tsilaj quijualay, timi'me: “Tacangenni laca'na'caitsonga”. Lan tsoyay quijualay timi'me: “Lamit-songa”. ³¹ Iya' a'on'cospa to lic'axhui c'ec. Ja'ni to'ta'a la'ipa iya', ¿te ts'i'ic' lo'iyacola' ihniya lo'on'cospola' to al 'ec joupá iju'pa? Acueca' xonca lotelcoyacu ihniya.

³² Jouc'a ilecom'mola' oquexi' lan xanuc', ihne i'epá quixcay. Tapa'ts'ingintsa Jesús jouc'a tapa'ts'inginnola' ihniya.

³³ Icuaitsa jilpe cuftine Lecoye. Jilpiya epa'ts'ingintsa Jesús lencruz. Jouc'a epa'ts'ingim'mola' jilne loquexi' ni'epá quixcay. Anuli epa'ts'ingim'me al c'a camane Jesús, locuena loxa camane. ³⁴ Jesús tixa'hue qui'Ailli', timi:

—Mai'Ailli', taimenc'e'ecotsola' lo'epa. Aiquisina' lo'epa.

Lan soldado tif'ilcoyi lipijahua' Jesús, naitsi nolijya. ³⁵ Lan xanuc' tecaxolanna jilpiya tehuelojnyi. Lincuxepá tipalaicoyi Jesús, tetets'iyi, ticuayi:

—Ocuenaye xanuc' unlu'e'mola'. Ja'ni ma'que aCristo, lummepa LanDios, hi'Huij'epa LanDios, itsiya tunlu'exoxi.

³⁶ Ma' anuli lan soldado imiloj'me quixcay cataiqui'. Icuaitsa icufi'me al cuxac vino, ³⁷ timiyi:

—Ima', ja'ni ima' ihrey lan xanuc' judío, tonlu'exoxi.

³⁸ Al toncay hijuac Jesús epa'ts'ijnya lancruz anuli laca'hua caxma, jilpe inihya ticua: “Ica'a ihrey lan xanuc' judío”.

³⁹ Anuli ni'epa lixcay, jouc'a ilpe tapa'ts'ijnya lencruz, timil-oqui quixcay cataiqui', timi:

—Ima', ja'ni umCristo, tonlu'exoxi jouc'a lunlu'etsonga' il-lanc'.

⁴⁰ Locuena itale'ma hif'as quixcay xans, timi:

—¿Te aimoxpaic'e LanDios? Ima' jouc'a ecani'empo', ałma'a'monga'. ⁴¹ Illanc' lapi'imponga' al hijca. Al'epa quixcay, atel'minninga'. İca'a cal xans ailopa'a qui'epa. ⁴² Timi Jesús:

—Maipoujna, ticuaitsi litine tocuxetsola' lan xanuc', jał'nujuaisla' iya'!

⁴³ Jesús timi:

—Iya' camihuo': Itsiya linca ałcuaita anuli jilpe al Paraíso.

⁴⁴ I'ipa to menac'o. Ni petsi jilpe łamats' imufc'o'ma. Al muf icol'ma afane' hora. ⁴⁵ Emi'moxi cal 'ora. Jilpe al cuecaj xoute' tipa'a lijahua' lojujnıya ts'ipa'ne lajut'ł xonca al Paxi. Lixhuaita al fanej hora iłe lijahua' its'ałquenni tejmay łamats', i'i'ma oque'. ⁴⁶ Jesús ija'a'ma ułfxi, timi qui'Ailli':

—Mai'Ailli', capi'inahuo' łai'espıritu, tapenufnala'.

Tołta'a licua'ma exnalif'ma, imana'ma.

⁴⁷ Nocuxepola' lan soldado lixim'ma li'i'ma imetsaico'ma acueca' LanDios. İpalaicopa Jesús, ticua:

—İıque cal xans linca ailopa'a qui'epa, ałijca xans.

⁴⁸ Jilpiya timana' lan xanuc' icuaicoco'me tixinłe lo'iya. Lehuelojmpá tołta'a li'ipa, iłniya ixpailij'mola'. Tuntafyi lilunxajma', iyena'me tixhuełcoyi.

⁴⁹ Liłejmale Jesús jouc'a lacał'no' iłne quiyouyomma Galilea ilihuequi, jahuay iłniya tecaxolanna aculi'. Tehuelojnyi lo'iya.

⁵⁰ Jilpe liłya' Jerusalén tipa'a anuli cal xans cuftine José. İıque anuli lan tsilaj xanuc' noxpıjpá lataıqui'. Ac'a xans, ti'ay ma le'a al hijca. ⁵¹ İıque aıquetenłcocojma quılspic'e lif'as xanuc' noxpıjpá. İne ixpic'epá tima'anłe Jesús, ima'apá. Lipiłya' José cuftine Arimatea, lopa'a al distrito Judea. I'huaijma ticuaitsi litine tihuejcołe LanDios liłRey jahuay lan xanuc'.

⁵² José i'hua'ma pe lopa'a Pilato. İxahue'e'ma tepi'inłe lane tipułnata licuerpo Jesús, titaina'ma teminna. ⁵³ José ipułhuona'ma licuerpo Jesús, iju'eco'ma anuli al cuecaj quijahua' lilanc'ecompa alino, i'nicotsi anuli al pu'hua cunts'eja' lipupa łapic. Ailopa'a quemimpa jilpe lipu'hua capic. ⁵⁴ İe litine aviernes, ai'a litine conxajya. Ni huata tehue'e' ticuaitsi litine conxajya.

⁵⁵ Lacał'no', iłne quiyouyomma Galilea liıejmalepá Jesús, iłenc'ot'łe ilihuequi José. İxim'me al pu'hua. İxim'me jouc'a pe li'nicompa licuerpo Jesús. ⁵⁶ Lijou'ma iyena'me liłya' Jerusalén. Tefot'łeta liıamqui, tipo'no'i'me licuerpo Jesús. Jouc'a tilanc'eta laceite lojuepa c'a, ti'ot'li'me licuerpo.

Licuaitsi litine conxajya tunxajyi ma to loya'apa locuxepa LanDios.

24

¹ Lihuequi litine, al te'a litine al xamano, iłe al domingo, ai'a ti'i'ma quitine, ipalunca lacał'no', iye'me al pu'hua.

Itai'me hitamqui lefot'lepa. ² Licuaitsa jilpiya ixim'me cal cuecaj capic leti'icompa lico cunts'eja' joupa ilonc'empa, imelfai'empa, tipo'noya liju'. ³ Itsuflai'me. Aiquixim'me licuerpo laPoujna Jesús. ⁴ Aiquilcueca li'ipa. Aiquilsina' te co'eyacu. Aiquicol'ma ixim'me oquexi' lan xanuc', małpiya lileju' tecaxołanna. Liłpijehua' tunts'ifi to lepalc'o'. ⁵ Lacał'no' ixpailij'mola' juaiconapa. Ic'ommołaipá uhuenacopá łamats'. Iłniya lan xanuc' timinnila' lacał'no':

—Fa'a tipo'nom'mola' lomanapola', ¿te colahuecopa ilque limaf'i cal xans? ⁶ Ilque łolahueta fa'a ailopa'a. Imaf'inapa, itsahuenamma. Toł'nujuaitsa limipolhuo' ma mołmana' anuli al distrito Galilea. ⁷ Imi'molhuo': “Iya' ilque cal Xans Liximpa cal profeta pu'hua lema'a. Alcu'ma lan xanuc', ilne pe aimihuejcoyi locuxepa LanDios. Alapałts'inginna lancruz. Afane' litine camaf'ina'ma, catsahueno.”

⁸ Licuej'me tołta'a, lacał'no' i'nujuaitsa limipola' Jesús. ⁹ Ipailinamma. Icuaitsa liłya' uya'a'me li'ipa. U'intsola' limbamaj nuli lan apóstole jouc'a locuenaye liyejmalepá Jesús. ¹⁰ Ilne lacał'no' anuli aMaría łas Magdala, locuena aJuana, locuena María ilque qui'mama' Jacobo. Jouc'a tilmana' locuenaye lacał'no' liyejmalepá. Iłniya nuya'apá timinnila' lan apóstole.

¹¹ Lan apóstole aimi'eyi linca ille liłtaiqui' lacał'no' luya'apa. Imi'mołtsi: “Ma le'a ticuayi”.

¹² Pedro itsahuemma, inu'ma ticuaita pe lopa'a al pu'hua. Licuaitsi jilpiya ehuelojmhuo'ma al c'a. Ixim'ma ma le'a lijahua' liju'ecompa licuerpo Jesús. Ipainanni, i'huana'ma liłya'. Timiyoxi: “¿Te qui'ipa?”

¹³ Małe litine oquexi' liłejmale Jesús tiyeyi lane ticuaita liłya' cuftine Emaús. Lipiculi' Jerusalén to imbamaj nuli kilómetro. ¹⁴ Ilne tipalaic'oyołtsi, ti'nujuaisyi jahuay li'ipa. ¹⁵ Mipalaic'oyołtsi, micuis'eyołtsi, mu'iyolołtsi icuaitsi Jesús. Iyejmale'me anuli. ¹⁶ Ilne aimimetsaicoyi Jesús. LanDios aiquepi'ila' lane. ¹⁷ Jesús timila':

—Imanc' monłeyi lane, ¿te colmipołtsi?

Ecaxołenca. Ixhuełconca. I'i'ma cafcuana liłxans. ¹⁸ Anuli ilniya, ilque lipuftine Cleofas, itala'i'e'e'ma, timi:

—Lan xanuc' nomana' Jerusalén, jahuay ilniya ilsina' li'ipa jilpiya ilna'a litiné. Ja'ni ma lun Jerusalén, ja'ni locuenaye xanuc', jahuay ilsina'. ¿Te ma le'a ima' aicoxina'?

¹⁹ Timila':

—¿Te qui'ipa?

Ilne timiyi:

—A¹nujuaisyi li'ipa Jesús las Nazaret. I¹que aprofeta, acueca' litaiqui', li'epa acueca' jouc'a. LanDios jouc'a lan xanuc' imet-saicopá. ²⁰Lixanuc' cal cuecaj ca'ailli' jouc'a la¹xanuc', i¹ne lan tsilaj xanuc' noxpijpá lataiqui', icupá tima'ante, epa¹ts'ingimpá lancruz. ²¹Illanc' a¹cuapá i¹que aluntu'e'monga' illanc' ixanuc' Israel, tulij'mola' la'eponga' laic'.

'Itsiya ixhuaita afane' quitine quima'anni, joupa imanapa. ²²Hualca laca¹'no' i¹ne la¹ejmalepá a¹spaic'ehuo'monga'. Ai'a ti'i'ma quitine i¹niya itsehuo'me pe lopa'a al pu'hua. ²³Licuaisa jilpiya ai¹quilsina' licuerpo Jesús. Ipailinamma. Alu'iponga': "A¹simpola' oquexi' lapaluc' quema'a. I¹niya a¹miponga' Jesús imaf'i'."

²⁴'Lijou'ma hualca la¹ejmale itsehuo'me al pu'hua. Ix-inghuo'me ailopa'a licuerpo ma to luya'apa laca¹'no'. Ma¹que Jesús ai¹quilsina'.

²⁵I¹que timila':

—Imanc' tocomma ailopa'a co¹picuejma'. ¿Te aimi'iya molapenufyacu linespa lam profeta? ²⁶¿Ja'ni aico¹sina' joupa ixpic'empá tite¹co¹a' cal Cristo y tijou¹a' tepenuf'ma limane ticuxe'ma jahuay?

²⁷Jesús ipango'ma uhua¹'ma lataiqui' lini¹pa Moisés, li-jou'ma uhua¹'ma linespa lam profeta, ti'hua tuhua¹que jahuay loya'apa al Paxi Linilingiya petsi lopalaicopa ma¹que Jesús.

²⁸Icuaisa li¹ya' pe loyepá, Jesús tocomma to tuyai'ma. ²⁹Loquexi' timiyi:

—Aimoyai'ma. Topanenni. Joupa if'aco¹ai¹pa cal 'ora. A¹manenca.

Jesús itsuflaipá lajut'¹ anuli i¹ne. Imanenca. ³⁰Icutso¹ai'me tite¹so'me. Jesús epef'ma la'i, ix'najtsi'i'ma LanDios, ixquenuf'ma, epi'i'mola'.

³¹Tocomma to exi'enni li¹'u'. Imetsaico'me Jesús. Ai¹quico¹'ma, aits'ixim'me, tocomma to joupa i'huanapa.

³²I'nujuaisa li'ipola' miyeyi lane, imi'mo¹tsi:

—Ma¹eyi lane anuli, ma¹palaic'onga' i¹que, muhua¹que al Paxi Linilingiya, linca a¹singufcopá acuecaj ma¹ca la¹unxajma'.

³³Ma¹pe 'hora itsolinca, iye'me Jerusalén. Licuaisa ix-inim'mola' limbamaj nuli lan apóstole, jouc'a locuenaye liyej-malepá Jesús efo¹ya, ³⁴ticuayi:

—Al linca imaf'inapa Ca¹'ailli', joupa itsahuenamma, Simón iximpa.

³⁵Loquexi' uya'a'me li'ipola' miyeyi lane. Timiyi:

—Lixquenuf'ma la'i, jilpe limetsaicopá Jesús.

³⁶Mipalaic'oyo¹tsi to¹ta'a icuaisi Jesús. Ecax'ma nolojmay. Timila':

—Aimo¹sue¹mot'¹te'me.

³⁷ Ihniya ixpailij'mola' juaiconapa. Aiquĩsingufi ja'ni Jesús. Ticuayi:

—Acue quinxpaic'ale.

³⁸ Jesús timila':

—¿Te cołsuetmot'łecopa? Jiłpe lołpicuejma' tołcuayi: “¿Ja'ni Jesús o a'i?” ¿Te cołnescocopa tołta'a? ³⁹ Tołsinte laimane', lai'mitsi'. Ma' iya'. Ał—lafla', tołta'a ti'i'ma cołsina' ma' al linca capa'a iya'. Lahuelojnla', tipa'a laipixic', laipecał. Linxpaic'ale ailopa'a quipixic' quipecał.

⁴⁰ Lijoupa limipola' tołta'a imuc'i'mola' limane', li'mitsi'.

⁴¹ Ihne ixoj'ma quileta juaiconapa. Afule micuec'eyi tipa'a Jesús. Ixim'me juaiconapa acueca' li'ipa.

Jesús timila':

—¿Te tipa'a laifteja?

⁴² Epi'i'me łaj hualca łamixqui' catu. ⁴³ Epenuf'ma, mehuelojnyi ihniya, ite'ma. ⁴⁴ Timila':

—Ma małmana' anuli iya' nu'ipolhuo' lał'iya. Nu'ipolhuo': “Jiłpe litaiqui' Moisés, jouc'a liłtaiqui' lam profeta, jouc'a jiłpe lan Salmo uya'a'me lał'iya iya'. Ticuicomma tenanłta' jahuay.” Itsiya enanłpa.

⁴⁵ Lijou'ma, epalc'o'i'mola' liłpicuejma', ticuec'ełe al Paxi Linilingiya.

⁴⁶ Timila':

—Al Paxi Linilingiya tuya'e': “Cal Cristo titełco'ma, tima'am'me. Afane' litine titsahueno, tima'ina'ma, tipano pe lomana' limanapola'.” ⁴⁷ Jouc'a ticua: “Ni petsi li'a łamats' tuya'am'me: Tołsuej'menca, tołapenufle cal Cristo, tołta'a ŁanDios timenc'e'eco'molhuo' loł'epa lixcay.”

'Jifa'a liłya' Jerusalén tipangoła' iłe loluya'ayacu. ⁴⁸ Imanc' joupa ołsimpá jahuay lał'ipa, toluya'a'me. ⁴⁹ Cai'Ailli' joupa icupa cataiqui', icuapa te ts'i'ic' lapi'iyacolhuo'. Tołta'a iya' cumme'etolhuo'. Cai'Ailli' Nopa'a lema'a tepi'i'molhuo' cołmane. Tołmanenca fa'a Jerusalén, toł'huaicołe ti'ila' tołta'a.

⁵⁰ Lijou'ma, Jesús ileco'mola', ipalyonca liłya' Jerusalén. Icuaitsa liłya' Betania. Jiłpiya i'nof'e'ma limane, ipaxne'mola'. ⁵¹ Mipaxnela' enaj'moxi, ilecom'me al toncay. ⁵² Ts'ilihuequi exc'onłcolinca.

Lijou'ma ipailinamma juaiconapa ixoj'ma quileta, iyena'me Jerusalén. ⁵³ Itine itine tiyeyi al cuecaj xoute'. Jiłpe tix'najtsi'iyi ŁanDios.

Amén. Tołta'a li'ipa.

LATAIQUI' LINIĒPA SAN JUAN LOYA'APA IĒE AL C'A LIXPIC'EPA ĒANDIOS

¹ Al te'a ai'a tipango'ma jahuay, tipa'a anuli ĩecui'impá Lataiqui'. Ĩque ĩecui'impá Lataiqui' copa'a pe lopa'a ĒanDios. Ĩque ma' anDios. ² Ai'a tipango'ma jahuay, ĩne ĒanDios y Lataiqui', anuli ĩĩmana'. ³ Jiĩquiya Lataiqui' ilanc'epa jahuay. Jahuay lopa'a lilanc'epa ĩĩquiya. Ailopa'a cocuena nilanc'epa. Maĩquiya ilanc'epa jahuay. ⁴ Jiĩquiya tipa'a lipitine. Nij naiti lepi'ipa, ma ĩĩquiya quituca' i'hueca lipitine. Ĩque tepi'ila' ĩlipitine lan xanuc', tepalc'o'ila' ĩĩpicuejma'. ⁵ Ji'fa' a li'a ĩamats' lan xanuc' juaiconapa amuf ĩĩpicuejma'. Jiĩquiya ti'hua tepalc'o'ila'. Jiĩya al cuecaj muf aimi'iya mipijya jiĩque ĩepalc'o'.

⁶ Tipa'a anuli cal xans cuftine Juan. ĒanDios epi'i'ma lipenic', ti'ela' ma to ĩimipa. ⁷ Icuxe'epa tu'itsola' lan xanuc' naiti ĩĩque Ēapalc'o'iyacola'. Jahuay ti'huaiyijnle jiĩquiya Lepalc'o'. ⁸ Jiĩque Juan a'i jiĩquiya Lepalc'o'. Aimi'iya mepalc'o'iyacola' lan xanuc'. Le'a ĩipalaico'ma Ēapalc'o'iyalepa. ⁹ Jiĩquiya ĩopalaicopa Juan, ĩĩque ĩinca Epalc'o'. Icuai'ma fa'a li'a ĩamats', tepalc'o'ila' lan xanuc' ni petsi lomana'.

¹⁰ ĩilanc'epa li'a ĩamats' icuai'ma fa'a, lan xanuc' aiqulimetsaijma. ¹¹ Pesti lomana' ĩipi'ya' xanuc' maĩpiya icuaiyunni. Ĩniya aiqulepenufi. ¹² Lan xanuc' nepenufpá, ĩne no'huaiyijmpá, jiĩquiya epi'i'mola' ĩĩmane ĩimetsaicontsola' inaxque' ĒanDios.

¹³ Ĩne, ¿te ts'i'ic' li'ipola' inaxque' ĒanDios? ¿Te quĩ'aili' acueca' xans? A'i. O, ¿te ĩniya quĩtuca' ĩĩpicuejma' ĩxpice'me ti'itsołtsi inaxque' ĒanDios? A'i. O, ¿te anuli cal cuecaj quĩcuxepa ĩxpice'epa, ĩmipola': "Iya' cacua: Ti'itsola' inaxque' ĒanDios"? A'i. Ma ĒanDios ĩxpice'epa, tołta'a li'ipola' ĩniya inaxque' ĒanDios.

¹⁴ Ĩque ĩecui'impá Lataiqui' maĩque anDios, i'epoxi xans, icuaiyunni ma fa'a li'a ĩamats'. ĩpajmpa pe ĩĩmana', aĩsimpá te ts'i'ic' ĩĩpicuejma' jiĩquiya, maĩque cal Nuli qui'Hua ĒanDios. Aĩsimpá ĩtuca', ailopa'a xonca tołquiya. Ĩque ma le'a ac'a ĩixpic'ejma'. Aĩmifellaique. Ałtoc'inga'. Lu'inga' al ĩinca.

¹⁵ Juan Bautista tu'ila' lan xanuc':

—Ticuaihuo ĩi'Hua ĒanDios.

Ujfxi ĩpalaic'o'mola', ĩĩmila':

—Fa'a tipa'a ĩĩque ĩaipalaicopa, aimipolhuo': "Iya' aicuai'ma ate'a. Ti'joul'a' ticuaihuo ocuena xonca cal cueca'. Jiĩque ĩinca

cal te'a. Iya' ma ailaifpa'a, jilquiya tipa'a." Itsiya tołsinle, joupa icuai'ma. Ma fa'a tipa'a.

¹⁶ Itquiya ixhuaiya lipicuejma'. Illanc' a'i quixhuaiya lałpicuejma', lahue'enga' axpe'. Itquiya linca ixhuaiya lipicuejma'. Ahanc'e'enga' lałpicuejma', ti'ila' al c'a. LanDios joupa altoc'iponga'. Itsiya' xonca altoc'inga'. ¹⁷ Lummepa Moisés, altoc'iponga'. Itque uya'a'ma locuxepa LanDios. Itsiya xonca altoc'inga', ummepa Jesucristo. Małque altoc'inga', almuc'inga' jahuay al linca. ¹⁸ Nij naitsi niximpa LanDios. Cal Nuli qui'Hua LanDios tilmana' anuli, ma' itque almuc'iponga' li'ejma' LanDios.

¹⁹ Lan xanuc' judío, małniya nomana' liłya' Jerusalén, ummem'mola' la'aillí, jouc'a notoc'iyalepá la'aillí. Icuaiyunca pe lopa'a Juan Bautista, icuis'e'me, timiyi:

—¿Naitsi ima'?

²⁰ Juan u'i'mola' al linca, aikuemi'e'mola', timila':

—Iya' a'i ninCristo.

²¹ Icuis'econa'me, timiyi:

—Lu'itsonga', ¿naitsi ima'? ¿Te ima' unElías?

Timila':

—Iya' a'i.

Icuis'econa'me, timiyi:

—LanDios icuapa: "Cumme'e'molhuo' anuli lałprofeta". Itsiya illanc' licuis'ehuo', ¿te ima' itque cal profeta?

Italai'e'e'mola', timila':

—Iya' a'i.

²² Icuis'econa'me, timiyi:

—Lu'itsonga', ¿naitsi ima'? Ticuicomma lu'itola' lalumpeponga'. ¿Te cofnescoyacoxi? ¿Te ts'i'ic' lopenic'?

²³ Juan italai'e'e'mola', ipalaico'moxi. U'i'mola' litaiqui' cal profeta Isaías, tuya'e':

Petsi ailopa'a quiłya' tuya'e' anuli cal xans, tu'ila' lan xanuc':

"Tołhanc'e'ete lipene lałPoujna".

Tołta'a ipalaico'moxi Juan Bautista.

²⁴ Ihniya lummempola' nopalaic'opá Juan afariseo. ²⁵ Ti'hua tipalaic'oyi Juan, timiyi:

—Ima' tocuá: "Ihniya cal Cristo, cal Elías, cal profeta łommeya LanDios, ilne ocuenaye, a'i iya'". Ne'. Itsiya ¿te cofmepo'icopola' lan xanuc'?

²⁶⁻²⁷ Juan italai'e'e'mola', timila':

—Iya' capo'icola' aja'. Itsiya fa'a pe lołmana' tipa'a ocuena. Imanc' aicolimetsaijma. Jilquiya xonca acueca' xans. Iya' ni aimi'iya cuhual'e'eya lic'eji'. Tijoula' cajou'nela' iya' laipenic' itque tipango'ma lipenic'.

²⁸ Tołta'a li'ipa jilpe cuftine Betábara, lu'huaj quiyay al pana' Jordán, małpiya Juan tepo'iyale.

29 Lihuequi litine Juan ixim'ma Jesús icuaico'ma. Timila' lan xanuc':

—¡Tolsinte! Iŋque hiMoł ŁanDios. Tiłonc'e'e'mola' liłjunac' lan xanuc' nomana' fa'a li'a łamats'. ³⁰ Iya' joupa aipalaicopa iłquiya. Joupa nu'ipolhuo': “Cajou'nela' laipenic' iłque tipango'ma lipenic'. Iłque xonca acueca'. Iya' ma' ailaiŋpa'a jilłque tipa'a.” ³¹ Iya' aicainimetsaijma. Iya' aicuaicoco'ma capo'itsolhuo' imanc' ixanuc' Israel, tolimetsaicote jilłquiya.

³²⁻³⁴ Juan ma ti'hua tipalaijma Jesús. Tuya'e' li'ipa, ticua:

—Iya' aicainimetsaijma Jesús. Aicaixina' naitsi jilłquiya. Aiximpa cal Espíritu Santo ti'onłcospa to anuli cal paloma, imumma ehuoxaf'caipa lijuac Jesús. Małque ŁanDios łalummepa capo'iyaleł'a' aja', ałmipa: “Toxim'ma timuyohuo lema'a cal Espíritu Santo. Tehuoxaf'cai'ma lijuac anuli cal xans. Jilłquiya aimepo'icoyacolhuo' aja'. Tepo'ico'molhuo' cal Espíritu Santo.” Tołta'a lałmipa ŁanDios. Itsiya camilhuo' jilłquiya Jesús i'Hua ŁanDios.

³⁵ Lihuequi litine tecaxhuołanna Juan jouc'a oquexi' ts'ilihuequi. ³⁶ Juan ixim'ma Jesús ti'hua lane. Timila' ts'ilihuequi:

—¡Tolahuelojnle! Jilłquiya iMoł ŁanDios.

³⁷ Iñiya loquexi' ts'ilihuequi Juan icuej'me lonespa. Ihuejna'me Jesús. ³⁸ Jesús ipai'e'moxi, ixim'mola' loquexi' iłenc'e, timila':

—¿Te colahuepá?

Iñiya italai'e'e'me Jesús, timiyi:

—Rabí, ¿pe copanc'epa?

(Lataiqui' “Rabí”, iłe ahebreo, ticuajmaispa: Omxi.)

³⁹ Jesús timila':

—Tonłouyunca. Łepá. Tolsinna.

Iye'me, ixintsa jilłpe pe lipanc'epa Jesús. Joupa uyaipa nolojmay cummuhuijma'. Imanequeñca jilłe litine.

⁴⁰ Lijoupa licuejpá linesma Juan iłne loquexi' ihuejna'me Jesús, anuli cuftine Andrés, iłque ipima Simón Pedro.

⁴¹ Andrés ehueti lipima, iłque Simón, timi:

—İllanc' ałsimpá cal Mesías.

Iłe lataiqui' “Mesías” ticuajmaispa: Cal Cristo, iłque łommeya ŁanDios.

⁴² Andrés ilecohuona'ma Simón, icuaitsa pe lopa'a Jesús. Jesús ehuelojm'ma Simón, timi:

—İma' unSimón, mi'hua Jonás. İma' tecui'im'mo' unCefas.

“Cefas” ataiqui' hebreo. Małe lataiqui' griego “aPedro”, ticuajmaispa: Acueca' capic.

⁴³ Lihuequi litine Jesús ixpic'e'ma ti'hua'ma al distrito Galilea. Mi'hua lane italecuf'ma anuli cal xans cuftine Felipe. Timi:

—Lihuejnała'.

⁴⁴ Jiłquiya Felipe qui'huayomma Betsaida, liłpiya' Andrés y Pedro.

⁴⁵ Felipe ehuena'ma anuli cal xans cuftine Natanael, timi:

—Moisés jouc'a lam profeta ipalaicopá anuli cal xans.

Joupa ałsimpá iłque. Małque Jesús łas Nazaret, i'hua José.

⁴⁶ Natanael timi:

—Liłya' Nazaret, ¿jiłpiya tipa'a al c'a?

Felipe timi:

—Łepá. Toxinna.

⁴⁷ Jesús lixim'ma icuaico'ma Natanael. Inesco'ma, ticua:

—Jifa'a tipa'a anuli cal c'a xans. Ma' al linca i'hua Israel.

Aimifellaique.

⁴⁸ Natanael icuis'e'ma, timi:

—¿Te li'ipa lalimetsaicopa? ¿Pe całsinyopołtsi?

Jesús timi:

—Ai'a tijoc'i'mo' Felipe, aiximpo'. Cofpa'a lipunxahua la'icux.

⁴⁹ Natanael timi:

—Rabí, ima' i'Hua ŁanDios. Ima' małRey illanc' ixanuc' Israel.

⁵⁰ Jesús timi:

—Ma le'a aimipo': "Aiximpo' cofpa'a lipunxahua la'icux", tołta'a ał'huaiijm'ma. Toxim'ma xonca' al cueca'.

⁵¹ Imiconama:

—Iya' camilhuo': Tołsim'me lema'a exiya. Ałsim'ma ał'onłcospa to al hualijm'ma petsi tif'ajliyi, tilimulumma lepaluc' ŁanDios. Iya' iłque cal Xans Liximpa cal profeta pu'hua lema'a.

2

¹ Uyaipa oquej quitine, lihuequi quitine i'i'ma juic camana jiłpiya liłya' Caná, al distrito Galilea. Jiłpiya i'hua'ma qui'máma' Jesús. ² Ijoc'impola' Jesús jouc'a ts'ilihuequi. Jiłpiya icuaitsa al juic.

³ Ijouna'ma al vino. Qui'máma' Jesús u'i'ma, timi:

—Joupa ijounapa al vino. Ailopa'a.

⁴ Jesús italai'e'e'ma qui'máma', timi:

—Momá, ¿te całmicopa tołta'a? A'i quixhuaiya lai'hora.

⁵ Qui'máma' timila' notoc'iyalepá:

—Tont'ełe lomiyacolhuo' jiłquiya.

⁶ Jiłpiya timana' acamts'us lan tsila' capixú lilanc'ecompolá' apic. Anuli anuli timangospa amalpu' nuxans o amaxnu litro laja'. Lan xanuc' ixhuico'me laja' epajco'me liłpime o liłmane' o lił'mitsi', ma to lił'ejma'. ⁷ Jesús timila' notoc'iyalepá:

—Tołma'nile caja' ilne łapixú.

⁸ Timiconala':

—Itsiya tonlipa'ale tutani, tolmuc'itsa tixnac'otsi cal mayor-domo.

Itai'me.

⁹ Notoc'iyalepá, ihniya nipa'apá al vino, ilsina' petsi quipa'apa. Cal mayordomo aiquixina'. Ixnac'o'ma laja' joupa ipai'ipa, i'ipa avino. Ijoc'i'ma lamanepa, ¹⁰timi:

—Ima', itsiya quite' luhua'inga' al c'a vino. A'i tohta'a mi'enni. Ate'a ticunni al c'a vino. Tijoula' tixnale axpe' vino lijoc'impola', tuhua'i'mola' a'ijc'a vino.

¹¹ Mipa'a Jesús liya' Caná al distrito Galilea tohta'a ipango'ma imujpa lo'epa acueca'. Ts'ilihuequi imetsaico'me jilquiya ituca', xonca acueca', a'i to locuenaye lan xanuc'. I'huaiyijm'me.

¹² Imu'ma al 'ocay, icuaitsi liya' Capernaum. Qui'máma' jouc'a lipimaye jouc'a ts'ilihuequi iyejmalena'me. Jilpe imanenca oque' afane' quitine.

¹³ Joupa icuaico'ma lijuc lan xanuc' judío. Jiliya al juic cuftine al Pascua. Jesús if'aj'ma al cueca' quilya' Jerusalén.

¹⁴ Jilpe linujna al cuecaj xoute' ixim'mola' lincucale ticujyi huacax, mot'l jouc'a paloma. Lan xanuc' ti'naji titsufco'me LanDios jilpe al cuecaj xoute'. Jouc'a ixim'mola' nopai'ipá tomí ticutsołanna jilpe liłmesá. ¹⁵ Uxcui'ma lixmi, ihuetsai'mola' lan mot'l jouc'a lan huacax. Ihniya nopai'ipá tomí eca'ni'i'mola' liłtomí, ecanait'h'i'mola' liłmesá. ¹⁶ Timila' nocujpá paloma:

—Tunlipa'antsola'. Jifa'a ejut'l cai'Ailli'. Aimon'e'e'me to laplaza.

¹⁷ Ts'ilihuequi licuej'me lines'ma Jesús i'nujuaitsa loya'apa al Paxi Linilingiya, tuya'e':

Juaiconapa aipic'a lomejut'l, aicaxnet'lya latets'icopa lan xanuc'.

Juaiconapa acueca' laipixhujma', tocomma alma'a'ma.

¹⁸ Lan xanuc' judío icuis'e'me Jesús, timiyi:

—¿Te cof'ecopa tohiya? Almuc'itsonga' al cueca' lof'eya. Tohta'a alcu'a'me al linca epi'impo' lomane.

¹⁹ Jesús italai'e'e'mola', timila':

—Ne'. Tolatelaf'le ilca'a lejut'l LanDios. Ti'ila' afane' quitine, iya' joupa aitsahue'enamma.

²⁰ Lan xanuc' judío italai'e'e'me, timiyi:

—Lilanc'empa jilta'a lejut'l LanDios icolpa oquej nuxans camts'us camats'. Itsiya ima' tocu'a: “Ti'ila' afane' quitine joupa aitsahue'enamma”. Aimi'iya.

²¹ Jesús aimipalaijma al cuecaj xoute'. Lines'ma: “... ilca'a lejut'l LanDios”, tinescoyoxi licuerpo. ²² Ts'ilihuequi Jesús lixim'me limaf'inapa, lipanamma pe lomana' limanapola', ihniya i'nujuaisnatsa ihya litaiqui' Jesús. Icuapá: “Al linca linilingiya al Paxi Cataiqui'. Al linca linespa Jesús.”

²³ Jiḥpe al cuecaj quiḥya' Jerusalén ti'eyi al juic Pascua. Maḥpiya tipa'a Jesús. Ti'ay al cueca'. Imuc'i'mola' lan xanuc' acueca' lipaxi. Lixim'me acueca' lo'epa, axpela' lan xanuc' ticuayi: “Lihuejna'me Jesús”. ²⁴ Jesús aimi'huaiyingila' iḥniya. Ixinguf'mola' jahuay lan xanuc'. ²⁵ Aiquicuis'ela', ¿te ts'i'ic' cu'hua cal xans lipicuejma'? Imetsaicola' lan xanuc' te ts'i'ic' liḥpicuejma', ja'ni ac'a o ja'ni a'ij'a.

3

¹⁻² Anuli cal xans cuftine Nicodemo icuai'ma pe lopa'a Jesús. Iḥque Nicodemo afariseo, ipenic' pe lomana' lif'as xanuc' fariseo. Icuaitsi joupa imufc'opa. Timi:

—Momxi, aḥsina' ima' xonca tomuc'iyale, LanDios ummepo'. Ima' to'ay al cueca'. LanDios epi'ipo' lomane, ja'ni a'i aimi'iya mo'eya toḥta'a.

³ Jesús italai'e'e'ma, timi Nicodemo:

—Iya' camihuo' al linca: Lan xanuc' ticuicomma timajnlicontsa, ja'ni a'i aimi'iya mitsufilaiyacu pe locuxeyopa LanDios.

⁴ Nicodemo timi:

—Cal xans hitojpa, ¿te co'iya mipajnconaya? ¿Te nipajnya titsufai'ma licu'u qui'máma', tijouḥa' tipajnconna?

⁵ Jesús italai'e'e'ma, timi:

—Iya' camihuo' al linca: Ticuicomma tuyaicoḥa' laja' jouc'a tepenufla' cal Espíritu Santo. Iḥque cal xans linca ipajnconna. Ja'ni a'i, aimi'iya mitsufaiya pe locuxeyopa LanDios. ⁶ Lan xanuc' liḥnaque' lailepá ti'onḥcospola' to iḥniya, mane axanuc'. LanDios linaxque' ti'onḥcospa to iḥque. Iḥne linaxque' LanDios tipa'a al ts'e liḥpitine, joupa lepi'ipola' cal Espíritu Santo.

⁷ Aimoxhueḥmot'ḥe'ma laimipo': “Imanc' unc'ixanuc' ticuicomma toḥmajnicontsa”. ⁸ Laha' ni petsi ti'hua. Tocueca lona'apa, aicoxina' pe lo'huayomma, ni petsi lotsepa. Ma toḥiya aimi'iya mocuejya li'ipa cal xans pe cal Espíritu Santo i'e'epa i'hua LanDios. Iḥque cal xans joupa ipajnconna. Ituca' li'ejma'.

⁹ Nicodemo italai'e'e'ma Jesús, timi:

—¿Te co'iya iḥta'a laḥmipa?

¹⁰ Jesús italai'e'e'ma, timi:

—Ima', lof'as xanuc' Israel imetsaicohuo' uncueca' momxi. ¡Aimocueca' laifmipo'! ¹¹ Iya' camihuo' al linca: Illanc' aḥpalaicoyi iḥe laḥsina', luya'ayi laḥsimpa. Imanc' aimolapenufyi laluya'apa. ¹² Nu'ipolhuo' lo'ipola' lan xanuc' mimana' fa'a li'a laḥmats', aimacuec'e. Ja'ni cu'itsolhuo' loxpice'epa LanDios iḥque Nopa'a lema'a, ¿te co'iya maḥcuec'eya?

¹³ Nij naitsi nif'ajpa lema'a. Ma le'a cal Xans li'ipa Liximpa cal profeta pu'hua lema'a, iḥque linca imuyomma lema'a.

¹⁴ 'Limajmpá petsi ailopa'a quiŷya' Moisés y lixanuc', lainofat'ł ticala' lan xanuc', tima'annila'. Moisés ilanc'e'ma anuli lainofat catejma', ipo'nopa al 'ec, i'nof'e'ma. Lan xanuc' lehuelojm'me iłque lainofat unłul'me. Ma tołta'a ticuicomma ti'nof'em'me cal Xans, iłque li'ipa Liximpa cal profeta. ¹⁵ Lan xanuc' no'huaiyijmpá iłque, jahuay iłniya, tepi'im'mola' al ts'e liłpitine aimijouya.

¹⁶ 'ŁanDios i'nujuais'mola' lan xanuc' nomana' li'a łamats', ixim'mola' acuanuc'la. Tipa'a ma le'a anuli li'Hua. Icupa iłque, aimejac'mola' iłniya no'huaiyijmpá li'Hua ŁanDios, tepi'im'mola' al ts'e liłpitine aimijouya. ¹⁷ ŁanDios lummepa iłque li'Hua li'a łamats' a'i mecani'eyacola' lan xanuc'. Ummecopa tunłu'e'mola'. ¹⁸ Cal xans no'huaiyijmpa li'Hua ŁanDios a'i mecani'eya. Ja'ni aimi'huaiyinge, joupa ecanipa. Aiqui'huaiyinge cal Nuli qui'Hua ŁanDios.

¹⁹ 'Lepalc'o' icuai'ma fa'a li'a łamats'. Lan xanuc' ti'eyi lixcay, tołiya xonca iłpic'a al muf. ²⁰ Mi'eyi lixcay jahuay iłniya, ti'eyi laic' lepalc'o'. Aimiloc'olaiyummma. Ticuayi: "Aimatsim'monga' illanc' la'epa". ²¹ Iłniya no'epá al c'a tehueyi lepalc'o'. Ticuayi: "Lan xanuc' ti'ila' quiłsina' lihuejcoyi ŁanDios. Małque alcxenga'."

²² Jesús ipamma, i'hua'ma al distrito Judea. Ts'ilihuequi jouc'a iye'me. Icuaitsa imanequencia jilpiya. Iłne ts'ilihuequi Jesús epo'iyale'me. ²³⁻²⁴ Iłniya litiné Juan Bautista jouc'a tepo'iyale. Aiquitats'enni, ma ti'hua ti'ay lipenic'. Juan tipa'a petsi cuftine Enón, huejnca Salim. Jilpiya tipa'a axpe' caja'. Tilcuaiyumma lan xanuc' tepo'ila'.

²⁵ Ts'ilihuequi Juan ipalaic'o'mołtsi lan judío, ifuli'i'mołtsi cataiqui', tipalaicoyi lo'eyacu ja'ni ŁanDios tixintsola' alimpio, tepenuftsola'. ²⁶ Ts'ilihuequi Juan icuaitsa pe lopa'a iłque, timiyi:

—Momxi, tipa'a ocuena comxi tepo'iyale. Mołmana' lu'hua al panaj Jordán, imanc' onłejmale. Ima' lopalaic'opola' lan xanuc' onesco'ma iłque. Itsiya jahuay lan xanuc' tiyeyi pe lopa'a.

²⁷ Juan italai'e'e'mola', timila':

—Ma ŁanDios tixpic'e te ts'i'ic' lałpenic' la'epa. Ja'ni a'i, ailopa'a całpenic'. ²⁸ Imanc' joupa olcuejpá laimipolhuo': Iya' a'i ninCristo. ŁanDios alummepa cacuaiyunni ate'a, cu'itsola' lan xanuc' ticuaihuo cal Cristo. ²⁹ Temaneła' łamijcano tipa'a liłejmale. Ma le'a łamijcano łamaneya tileco'ma lipeno. Liłejmale titoc'i'ma tiquimf'e, tixoqui queta ticueca lonespa. Itsiya iya' al'onłiconno iłque liłejmale. Iya' tixoqui neta nulemma. ³⁰ Itsiya ca'oc'ena'moxi. Tołta'a lan xanuc' tixim'me iłque cal Cristo acuecaj xans.

³¹ 'Illanc' ninc'ixanuc' maɬmana' fa'a li'a ɬamats' ma le'a aɬsina' te ts'i'ic' mipa'a fa'a ɬamats'. Maɬe calnescopa. Itque limuyomma lema'a, itque linca xonca ixina'. ³² Itque tuya'e' lix-impa licuejpa mipa'a pu'hua. Itsiya aimetenɬcocola', aimepen-ufyi. ³³ Naitsi napenufpa litaiqui' loya'apa nimuyomma lema'a, itque cal xans timuqui te ts'i'ic' ɬanDios lipicuejma'. ɬanDios aimifellaique. ³⁴ Itque limuyomma lema'a ɬanDios umepa, tuya'e' ma lonespa ɬanDios. ɬanDios epi'ipa cal Espiritu Santo ticuxela' jahuay lipicuejma'.

³⁵ 'ɬanDios qui'Ailli' Jesucristo ti'ay capic'a hi'Hua. Epi'ipa limane ticuxela' jahuay. ³⁶ Cal xans nepenufpa hi'Hua ɬanDios ma tipa'a al ts'e lipitine aimijouya. Naitsi natets'ipa hi'Hua ɬanDios ailopa'a al ts'e lipitine. Ma mi'hua metets'i hi'Hua ɬanDios, maɬque ɬanDios tixtu'hua, titeɬ'mi'ma.

4

¹ Lam fariseo icuej'me lonespa lan xanuc', ilne tinesconni: "Jesús tepo'ila' axpela' lan xanuc'. Tixpela' ts'ilihuequi. Itsiya Juan Bautista tepo'ila' ahuata." ² Jesús aiquepo'ila' lan xanuc'. Ma ts'ilihuequi tepo'iyaleyi. ³ Jesús li'ipa quixina' toɬta'a tinescoyi ipayonni al distrito Judea. Jouc'a ts'ilihuequi iye'me al distrito Galilea.

⁴ Tuyaicota ɬamats' Samaria. ⁵ Icuaitsa anuli liɬpitya' lun samaritano. Liɬya' cuftine Sicar. Ihe liɬya' tipa'a huejnca anuli ɬamats' li'ipa i'huexi cal xans Jacob. Itque epi'ipa hi'hua José. ⁶ Maɬpiya tipa'a al pu'hua caja' lipupa Jacob. Jesús i'huacopa cane joupa ixocaita, icutsafcai'ma lico al pu'hua caja', tunxaj'ma. I'ipa to menac'o.

⁷ Anuli ɬaca'no' asamaritana icuai'ma al pu'hua caja', tipa'a ma quija'. Jesús timi:

—Luhui'ita' caija', caxna'ma.

⁸ Ts'ilihuequi Jesús ailomana'. Iyepá liɬya' ti'nata ɬotejacu.

⁹ ɬaca'no' italai'e'e'ma Jesús, timi:

—Ima' umjudío, iya' naca'no' ninsamaritana. Ima', ¿te calpalaic'ocopa? ¿Te calsahue'ecopa caja'?

(Lun judío aimiyejmaleyi lun samaritano.)

¹⁰ Jesús timi:

—Ima' aicoxina' naitsi iya'. Jouc'a aicoxina' te ts'i'ic' ile lapi'iyacola' ɬanDios lan xanuc'. Ja'ni cola' oxina', aɬsahue'e'ma iya' cuhui'itso' coja'. Iya' cuhui'i'mo' al c'a caja' lainupa.

¹¹ ɬaca'no' timi:

—Mai'ailli', ita'a laja' a'ojca, ailopa'a cofmipa'acoya. ¿Petsi cofxi'ne'eya jiliya al c'a caja' lainupa? ¹² Ita'a al pu'hua alpo'no'eponga' ɬaɬahuelo Jacob. Maɬque Jacob jifa'a ixnapa ita'a laja'. Jouc'a linaxque', lipinneja ixnapá.

¹³ Jesús italai'e'e'ma, timi:

—Cal xans noxnaya jilta'a laja' ticuiconahuo quija'. ¹⁴ Cal xans noxnaya laja' laifcupa aimicuiconaya quija'. He laja' laifcupa tipanehuo lunxajma', ti'onłcospa to luxi caja', ti'hua tinu, ticu al ts'e lipitine aimijouya.

¹⁵ Łaca'no' timi:

—Mai'ailli', jiliya laja' lofnescopa, luhui'ila'. Tijoula' aimicuiconaya caija', ni aicuyaiconaya liŷya' quipa'aconaya caija'.

¹⁶ Jesús timi:

—To'huala', tojoc'itsi lope'ailli'. Tołcuaiyunca fa'a.

¹⁷ Łaca'no' timi:

—Ailopa'a caipe'ailli'.

Jesús timi:

—Al linca lofnespa: “Ailopa'a caipe'ailli'”. ¹⁸ Joupa ołhaisufcopołtsi amajxi loxanuc'. Itsiya ołhaisufcoyołtsi anuli cal xans ma a'i cope'ailli'. Al linca lofnespa.

¹⁹ Łaca'no' timi:

—Mai'aill', iya' cacua ima' unprofeta. ²⁰ Illanc' lałtatahueló jilca'a hijuala exc'onłingołai'me ipalaic'o'me ŁanDios. Ma' anuli illanc' laxc'onłingołaiyi fa'a. Imanc' unc'ijudío ałminga': “Imanc' jouc'a jahuay lan xanuc' tonłe'me Jerusalén”. Tołcuayi, ma le'a jilpiya al cuecaj xoute' laxc'onłingołaita, ałpalaic'ota ŁanDios.

²¹ Jesús timi:

—Maca'no', camihuo' al linca. Icuaiico'ma litine imanc' aimołnesyacu: “Jifa'a hijuala laxc'onłingołai'me ŁanDios”. Ni lan xanuc' judío minesyacu: “Łepá Jerusalén. Jilpe laxc'onłingołaita ŁanDios.” ²² Imanc' mołnesyi: “Laxc'onłingołaiyi ŁanDios”, aicolimetsaijma ŁanDios. Illanc' ninc'ijudío limetsaicoyi ŁanDios. Alinca laxc'onłingołaiyi, ałpalaic'oyi. Petsi lan xanuc' judío ti'huayohuo jilquiya Nonłu'eyacola' lan xanuc'.

²³ 'Ticuaitsi litine locuaicoya, iya' cacua joupa icuai'ma, lan xanuc' aimehueyacu anuli al lugar texc'onłingołaiŷe ŁanDios. Ma jilpe liłpicuejma' ti'nujuaisnata ŁanDios, tihuejco'me locuxe'epola', timetsaico'me. Latenłcocopa ŁanDios texc'onłingołaiŷe tołta'a. ²⁴ ŁanDios a'Espíritu, ailopa'a quicuerpo, ma le'a ipicuejma'. Lan xanuc' tama ticuayi: “Laxc'onłingołaiyi ŁanDios”, ja'ni jilpe liłpicuejma' aimi'nujuaisyi iłque, ja'ni aimihuejcoyi locuxe'epola', ŁanDios aimetenłcocoya laxc'onłingołaiŷa ilne lan xanuc'.

²⁵ Łaca'no' timi:

—Aixina' ticuaihuo cal Mesías, jilquiya łecui'impá “cal Cristo”, łommeya ŁanDios. Itsiya tehue'e' lałpicuejma' aicalcueca. Ma ticuaiyunni jilquiya lu'ina'monga' jahuay.

²⁶ Jesús timi:

—Małque tipalaic'ohuo' itsiya. Iya' ninCristo.

27 Maŕpe mipalaic'oyołtsi icuainanca ts'ilihuequi Jesús. Iŕne aiquilicuis'e: "¿Te cofpalaic'ocopa jilŕquiya łaca'no'? ¿Te cahue'epo'?" Mane liŕpicuejma' ticuayi: "Xinł'a', Jesús tipalaic'o anuli łaca'no'".

28 Łaca'no' ipo'no'ma lijuti, ipainanni, i'hua'ma lipiłya'. Timila' lan xanuc' jilŕpiya:

29 —Tonłouyunca. Camuc'itolhuo' anuli cal xans nalu'ipa jahuay lai'epa. ¿Te ma jilŕquiya cal Cristo?

30 Lan xanuc' ipalunca jilpe lipiłya', iye'me pe lopa'a Jesús.

31 Ai'a ticuaicu lan xanuc', ts'ilihuequi Jesús ihui'i'me, timiyi:

—Momxi, totetsoł'a'.

32 Jesús timila':

—Imanc' aicołsina'. Tipa'a łaiŕteja.

33 Maŕne ts'ilihuequi Jesús ticuis'eyołtsi, timiyołtsi:

—¿Naiŕsi nepi'ipa łoteja?

34 Jesús timila':

—Ai. Aicalapi'inno. Iya' ca'ay lipenic' ŁanDios, iŕe lixplic'epa Łalummepa, cajou'ne'ma. Ma ca'ay lipenic' ŁanDios tocomma catesma, ti'hua ti'i caipujŕxi.

35 'Imanc' tołcuayi: "Tehue'e' amalpuj mut'ła, tijouł'a' tetequim'me lan trigo". Iya' camilhuo': Tołsinłe jipu'hua pe lifayiya. Tocomma joupa unta'anamma, itojpa. I'huájta afujca. Iya' cacua joupa i'huajcopa litine tetequim'me.

36 Ti'najtsem'me łatejpa trigo. ŁanDios jouc'a ti'najtse'ma iłque łafot'łepola' lan xanuc', iŕne nolijyacu al ts'e liŕpitine aimijouya. Anuli lifapa, łocuena tetequi, tefot'łe, tijouł'a' loquexi' tixojna'ma quileta. 37 Tołta'a ti'i'ma al linca lataiqui' loya'apa: "Tipa'a anuli noŕapa, łocuena nafot'łeya". 38 Iya' nummepolhuo' imanc' tonlafot'łeta petŕi aicołfac'. Locuenaye iŕapá, imanc' tonlafot'łeta małpiya li'eyopa canic' ihniya.

39 Jilpe liłya' Sicar łaca'no' joupa uya'ahuo'ma: "Iłque ałminapa jahuay lai'epa". Licuej'me iŕe licuapa łaca'no' axpela' ihniya lun samaritano i'huaiyijmpá Jesús. 40 Icuaiyunca pe lopa'a iłque, timiyi:

—Łepá łalıpiłya'. Jilpiya topajnta.

Jesús i'hua'ma lipiłya'. Ipajnhuo'ma oquej quitine. 41 Jilpe liłya' lan xanuc' tiquimf'eyi Jesús lines'ma. Xonca axpela' i'huaiyijm'me. 42 Iŕne timiyi łaca'no':

—Ate'a ima' opalaico'ma Jesús. Illanc' ałcuayi ma' al linca ima' lofnespa. Itsiya illanc' całtuca' ałcuejnapá linespa jilŕquiya, tołta'a ałsina' ałinca iłque lunłu'e'monga' jouc'a tunłu'e'mola' lan xanuc' ni petŕi lomana' li'a łamats'.

43 Luyaipa oquej quitine Jesús ipanni jilpe liłya', i'hua'ma al distrito Galilea. 44 Aiqui'huacona'ma al distrito Judea.

Małquiya ines'ma: “Cal xans, tama aprofeta hummepa LanDios, mipa'a małpe lipiŷya' aimipalaicoyacu c'a lan xanuc', tetets'iyacu”.⁴⁵ Ma licuaitsi Galilea lan xanuc' jilpiya linca epenuf'me. Iłniya iyehuo'me al juic Jerusalén, joupa ixinghuo'me lo'epa jilpiya.

⁴⁶ Mipa'a Jesús al distrito Galilea i'huacona'ma Caná, jilpiya petsi lipai'ihuo'ma laja', i'ipa vino. Jilpe Caná tipa'a anuli cal xans, ts'ipenic' cal rey, hi'hua textafque. Iłque lafcuana tipa'a liŷya' Capernaum, małpe al distrito Galilea.
⁴⁷ Ts'ipenic' icuejpa Jesús ailopa'a Judea, joupa icuaiconata Galilea, i'hua'ma, i'huajcotsi Jesús, ixahue'etsi ti'huała' liŷya' Capernaum, tixał'meta hi'hua, iłque tima'ma.⁴⁸ Jesús timi:

—Imanc' tołcuayi: “Iłque Jesús ałmuc'itsonga' al cueca”. Ja'ni aicamuc'ilhuo' tołta'a aimal'huaijinya.

⁴⁹ Ts'ipenic' cal rey timi:

—Mai'ailli', aimicoł'mo'. Łepá lajut'ł. Ja'ni a'i, timana'ma łai'hua.

⁵⁰ Jesús timi:

—To'huanła'. Ło'hua imaf'i'. Aimimaya.

Cal xans i'huaijimpa Jesús limipa, i'huana'ma.

⁵¹ Ma mi'huanghua lane Capernaum, iłniya notoc'ipá italecufunca, timiyi:

—Joupa ixalconapa ło'hua.

⁵² Icuis'e'mola', timila':

—¿Tej hora lixalconapa?

Timiyi:

—Tsumjma lixhuaita anulij hora luyaipa menac'o iłojn-na'ma lipinu'.

⁵³ Cal xans i'nujuaitsi li'ipa. Tsumjma małpe 'hora Jesús limipa: “Ło'hua imaf'i'. Aimimaya.” Cal xans jouc'a lixanuc' nomana' lejut'ł, i'huaijimpá Jesús.

⁵⁴ Itsiya i'ipa oquemma li'epa al cueca' Jesús jilpe al distrito Galilea. Iłque joupa itsehuo'ma Judea, icuaiconata Galilea.

5

¹ Lijou'ma jiliya i'huajcopa liłjuic lan xanuc' judío. Efołunni pu'hua Jerusalén. Jesús i'hua'ma, icuaitsi jilpe liŷya'.

² Ahuejnca pe lotsuflaicoyacu lam mot'ł jilpe liŷya' Jerusalén ipa'nempá laja' acueca' quin'nuhua' i'empa. Lipuftine ataiqui' hebreo aBetesda. Jilpe lin'nuhua' canumicay tipa'a amaque' linujnca.

³ Małpe linujnca timana' axpela' lafcualłay tunahuolanna. Timana' lan fohue, lan coxo, jouc'a luhualqueya. Jahuay iłniya ił'huaijma tifentsi laja'.
⁴ Camna camna anuli łapaluc quema'a timuyomma, tife'ne jiliya laja'. Tijouła' tife'nela' laja' cal te'a ło'nijmaispa tixałma. Ni naitsi cuana tuyainapa.

⁵ Ma jilpiya tipa'a anuli cal xans ixhuaita anuxans quimbamaj paico camats' mextaf'ma. ⁶ Jesús ixim'ma ilque cal xans tunouya. Joupa ixina' axpe' camats' i'ipa licuana. Timi:

—¿Opic'a tixałcontso'?

⁷ Lafcuana italai'enni, timi:

—Mai'ailli', mifenna laja' ailopa'a nałnij'miya. Ma ca'hua'ma ocuena ti'nij'miyoxi ate'a. Ilque tixałconghua, iya' capanemma.

⁸ Jesús timi:

—¡Tacaxla! ¡Tonif'la' łohuijm-ma'! ¡To'huanła'!

⁹ Ixałcona'ma nulemma ilque cal xans, inif'na'ma łihuijm-ma'. Ihuana'ma. He litine lixałcona'ma male itine conxajya.

¹⁰ Lan judío timiyi cal xans lixałcona'ma:

—Itsiya litine conxajya. Aimi'iya motaiya łohuijm-ma'.

¹¹ Cal xans timila':

—Ilque łatsał'menapa ałmipa: “Tonif'la' łohuijm-ma', to'huanła'”.

¹² Ihiya icuis'e'me, timiyi:

—¿Naitsi ilque łimipo': “Tonif'la' łohuijm-ma', to'huanła'”?

¹³ Cal xans lixałcona'ma aiqixina' naitsi ilque łimipa tołiya. Axpela' lan xanuc' jilpiya timana'. Jesús joupa itsufainapa pe lomana'. Cal xans aiqixina' petsi lo'huapa. ¹⁴ Lijou'ma italecufcona'mołtsi pu'hua al cueca' xoute'. Jesús timi:

—¡Toxinxoxi! Joupa ixałconapo'. Aimo'econa'ma quixcay. Ja'ni to'econghua quixcay, ti'i'ma xonca acueca' loftełcoya.

¹⁵ Cal xans i'hua'ma, u'ihuo'mola' lan judío, timila':

—Łatsał'menapa małque Jesús.

¹⁶ Lan judío ilsina' Jesús tixał'mela' lafcualłay litine conxajya, ixtulencia, tihuetsojyi. ¹⁷ Jesús timila':

—Cai'Ailli' ti'hua ti'ay canic', iya' jouc'a ca'ay canic'.

¹⁸ Lan judío xonca ixtulencia tołta'a linesma Jesús. Icuame: “Ilque Jesús ti'ay quixcay, ti'ay canic' litine conxajya. Ti'ay xonca lixcay, tinesqui: LanDios ai'Ailli'. Ma' ti'onłiyoxi LanDios.”

Xonca tehueyi te co'iya mima'ayacu.

¹⁹ Jesús timila':

—Iya' i'Hua LanDios, camilhuo' al łınca: Iya' caituca' ailopa'a caif'eya. Aimi'iya. Iya' i'Hua LanDios, ate'a cahuelojm'ma lo'epa cai'Ailli', tijoula' ca'e'ma to lo'epa ilque. ²⁰ Iya' i'Hua LanDios, ilque cai'Ailli' a'ay capic'a, ałmuc'i jahuay lo'epa. Tijoula' ałmuc'i'ma xonca acueca', iya' ca'e'ma. Imanc' tołsim'me, tixpailij'molhuo'.

²¹ 'Cai'Ailli' ixina' timaf'i'ina'mola' limanapola'. Tepi'ina'mola' liłpitine. Iya' i'Hua LanDios jouc'a aixina' camaf'i'ina'mola' limanapola'. Caxpic'e ja'ni capi'ina'mola' liłpitine, jouc'a caxpic'e ja'ni aicapi'iyacola'.

22 'Ticuaiyunni Lijoujma Quitine cai'Ailli' aimimu'iyacola' lan xanuc' te ts'i'ic' loyalaicoyacu ni'epá lixcay. Joupa lapi'inapa laimane, iya' cu'itsola' te ts'i'ic' loyalaicoyacu ihniya. Iya' ninJuez. 23 Cai'Ailli' ixpic'epa lihuejcoła' lan xanuc' ma to mihuejcoyi jilque cai'Ailli'. Cal xans pe aimalihuejma iya' i'Hua LanDios jouc'a aimalihuejcong'a cai'Ailli'.

24 'Iya' camilhuo' al linca: Cal xans ja'ni ticueca laitaiqui', ja'ni ti'huaiyinge cai'Ailli', ilque Lalummepa fa'a li'a lamats', ilque cal xans joupa ulijpa al ts'e lipitine aimijouya, aimecaniya. Ilque, ai'a ticuej'ma laitaiqui', LanDios tecani'e'ma, itsiya a'i. Aimijouya lipitine ilque cal xans. 25 Iya' camilhuo' al linca: Iya' i'Hua LanDios cajoc'i'mola' limanapola'. Ihniya nocuejyacu laitaiqui' timaf'ina'me. Litine ca'e'ma tołta'a ti'hua ticuaihuo. Iya' cacua: Joupa icuai'ma. 26 Cai'Ailli' i'hueca lipitine, nij naitsi nepi'ipa. Jouc'a iya' ai'hueca laipitine, iya' i'Hua, tołta'a lixp'ic'epa cai'Ailli'.

27 'Iya' ilque cal Xans Liximpa cal profeta pu'hua lema'a. Tołta'a cai'Ailli' alfajpa ninJuez, lapi'ipa laimane cu'i'mola' lan xanuc' ja'ni ac'a o ja'ni a'ijc'a li'epa. Cu'i'mola' te ts'i'ic' loyalaicoyacu. 28 Aimixpailij'molhuo' ile laimipolhuo'. Aimolnes'me: "¿Te co'iya tołta'a? Aimi'iya." Iya' camilhuo': Limanapola' nomana' liłpu'hua, jahuay ihniya ticuej'me cajoc'itsola' iya'. Iya' ilque cal Xans Liximpa cal profeta pu'hua lema'a. Ticuaihuo litine ti'i'ma tołta'a. 29 Jahuay limanapola' tipalcu liłpu'hua. Ja'ni li'epa al c'a timaf'ina'me nulemma, tuyalaina'me al c'a. Ja'ni ixcay li'epa jouc'a timaf'ina'me, ilne titełco'me, nulemma titai'me liłjunac'.

30 'Iya' caituca' ailopa'a caif'eya. Aimi'iya. Cai'Ailli' alcxue'e laifmiyacola' lan xanuc'. Iya' caituca' aicu'iya cal xans ja'ni ti'ay al c'a o ja'ni ti'ay lixcay. To małcxue'e cai'Ailli' tołe laifmiya. Ma le'a alijca laitaiqui'. Iya' aicahuay te co'iya ca'eya laifpixc'epa. Ma to loxp'ic'epa cai'Ailli', ilque Lalummepa, tołta'a caxpic'e.

31 'Ja'ni iya' caituca' canescoyoxi, aimi'ommaicoya ile laitaiqui'. 32 Linca tipa'a anuli noya'apa naitsi iya'. Iya' aixina' ilque tuya'e al linca.

33 'Imanc' olummepola' lołxanuc' tiyełe pe lopa'a Juan Bautista. Jilnu'hua icuis'e'me naitsi iya'. Juan imi'mola' al linca. 34 Iya' aicahuay całnescoya tołta'a anuli cal xans. Le'a aipic'a tunlu'entsolhuo' imanc', tołta'a ca'nujuaitsi'ilhuo' linespa Juan. 35 Juan Bautista ti'onłcospa to anuli lepalc'o'. Tepalc'o'ila' lan xanuc'. Micołi ilque lipenic' imanc' tolihuejyi tixoqui conlata. Ilque epalc'o'ipolhuo'. 36 Ilque u'i'mola' lan xanuc' naitsi iya'. Itsiya imanc' tołsinyi laif'epa. Ile xonca tuya'e naitsi iya',

ma' anuli tuya'e naitsi Łalummepa, iłque cai'Ailli'. Ie laif'epa, cai'Ailli' joupá ałcuxe'epa ca'ełá'. Lapi'ipa laipenic' cajou'nełá'.

³⁷ 'Cai'Ailli' Łalummepa jouc'a u'ipolhuo' naitsi iya'. Iłque lopalaipa aicołcueca ni aicołsina' te ts'i'ic' iłque. ³⁸ ŁanDios cai'Ailli' lummepe, imanc' aimalapenufi. Litaiqui' aimi-panemma jilpe lołpicuejma', tołta'a imanc' aimalapenufi.

³⁹ 'Tołsuełe al c'a al Paxi Linilngiya. Tołcuayi: "Ie al Paxi Linilngiya lapi'inga' lałpitine aimijouya". Małiya lataiqui' ałpalajma iya'. ⁴⁰ Imanc' tama tołsueyi iłe lataiqui' aimalihuejma. Aicołcuac'. ŁTe co'iya molulijyacu lołpitine? A'i, aimi'iya.

⁴¹ 'Aicahuela' lan xanuc' całmiya: "Ima' uncuecaj xans". A'i. Iłta'a aicapenufi. ⁴² Iya' aixinnilhuo' imanc' te ts'i'ic' lołpicuejma'. Aixina' aimoł'nujuaisyi ŁanDios. ⁴³ Iya' ma cai'Ailli' lapi'ipa laipenic'. Tołta'a aicuai'ma fa'a li'a łamats'. Imanc' aimalapenufi. Anuli cal xans nocuxepoxi quituca', ja'ni ticuaiyunni, imanc' linca tolapenuf'me. ⁴⁴ Imanc', Łte co'iya malapenufya? Tolahuela' lołf'as xanuc' timetsaicontsolhuo'. Aimolahueyi te co'iya mimetsaicoyacolhuo' cal Nuli ŁanDios. ⁴⁵ Aimolnes'me: "Iłque Jesús ałcuftonga'. Timita ŁanDios a'ijc'a la'epa." Ocuena tipa'a łocufyacolhuo'. Iłquiya aMoisés. Imanc' tołcuayi: "Moisés ałtoc'i'monga', ałtalai'ecotonga". Iya' cacua: Aimitoc'iyacolhuo'. Małque Moisés łocufyacolhuo'. ⁴⁶ Imanc' tołcuayi: "Lihuejcoyi licuapa Moisés". A'i molihuejcoyi Moisés. Ja'ni tolihuejcoyi Moisés jouc'a iya' lihuejco'ma. Ma' iya' ałpalaicopa Moisés jilpe linilpa. ⁴⁷ Imanc' aimolihuejcoyi linilpa Moisés. Tołta'a, Łte co'iya molihuejyacu laifmipolhuo'? Imanc' aimi'iya.

6

¹ Jesús iquie'ma al cuecaj quin'nuhua'. Ie lin'nuhua' tipa'a oque' lipuftine, aGalilea jouc'a aTiberias. ² Axpela' lan xanuc' ehuelojm'me axpe' al cueca' lo'epa Jesús, ehuelojm'me mixał'menala' lafcualłay. Iłne nehuelojmpá tołta'a tihuejnayi.

³ Jesús jouc'a ts'ilihuequi if'ajli'me łijuala, icutsołai'me jilpiya. ⁴ Tehue'e' oque' afane' quitine ti'i'ma liłjuic lan xanuc' judío. Iłiya al juic cuftine al Pascua. ⁵ Jesús ehuelojm'ma, ixim'mola' ticuaico'me axpela' lan xanuc'. Timi Felipe:

—ŁPe cał'na'eyacu axpe' łá'i titełe iłniya?

⁶ Jesús joupá ixina' lo'eya. Icuis'e'ma Felipe titalai'ełá' iłque, timujxoxi te ts'i'ic' lipicuejma'.

⁷ Felipe italai'e'ma, timi:

—Ja'ni ał'natsa axpe' łá'i lipitali lolijya no'eya canic' oquej maxnu quitine, ni tołta'a aimi'ommaicoyacola', ni aimatec'oyacu anuli anuli iłniya.

⁸ Łocuena ts'ihuequi ipalaic'o'ma Jesús. Itque Andrés, lipima Simón Pedro, timi:

⁹ —Toxinla', jifa'a tipa'a anuli łamijcano, itaic' amaque' la'i lilajncopa acebada, jouc'a oquexi' laicatuye. ¿Ja'ni ite litaic' ti'ommaico'mola'? A'i. Aimi'iya. Timana' axpela'.

¹⁰ Jesús timila' ts'ilihuequi:

—Tołcuxe'etsola' lan xanuc' ticutsolaite łamats'.

Jilpiya tipa'a axpe' cal pajac. Lan xanuc' icutsolaime. Timana' to amaquej mil lan xanuc', jouc'a timana' lacał'no', la'uhuy.

¹¹ Jesús epef'ma łai, ix'najtsi'i'ma ŁanDios, epi'i'mola' nocutshuolanna jilpiya. Ma tołta'a i'e'ma jouc'a latuye. Aiquixpij'ma ite łotejacu. ¹² Lan xanuc' itetso'me ixhuaitsole'. Jesús timila' ts'ilihuequi:

—Tołafot'lele lan hualcay lipanecomma, aimica'nico'ma.

¹³ Ts'ilihuequi Jesús efot'lena'me lan hualcay ca'i lilajncopa acebada lipanecomma, imane'me imbamaj coque' lan tsiquihuitł. ¹⁴ Lan xanuc' ixim'me acueca' lipepaxi Jesús, acueca' li'epa, ticuayi:

—Itca'a cal xans aprofeta. Itca'a ma' itque Łommeya ŁanDios, joupa icuai'ma.

¹⁵ Ipic'a ti'nołte Jesús, ti'e'e'me quitrey. Jesús ixina' tołta'a lo'eyacu lan xanuc', enaj'moxi, i'hua'ma quituca' lijualay.

¹⁶ Lummuhuijma' ts'ilihuequi Jesús imulna'me, icuai'me al cuecaj quin'nuhua'. ¹⁷ Itsuflai'me al barco, ipango'me uyalaico'me laja'. Ticuaitsa locuena quiju' lin'nuhua' jilpe liłya' Capernaum. Imufaj'mola'. Ts'ilihuequi imanenca quituca'. Jesús ailopa'a. ¹⁸ Juaiconapa ti'hua łahua'. Iłiya laja' tiyuf'comma acueca'.

¹⁹ I'hua'a'me al barco. Tixhuaispa to amaque' o acamts'us kilómetro li'hua'apa, ts'ilihuequi Jesús ixim'me itque icuaico'ma, ti'hua ti'huaf'que laja', tixpailiquila'. ²⁰ Jesús timila':

—Aimixpailij'molhuo'. Ma' iya'.

²¹ Licuej'me tołta'a linespa Jesús tixoqui quileta tepenuf'me tif'ajla' al barco. Aiquicohi, icuainatsa łamats' pe lotsepa.

²² Lihuequi litine timana' lan xanuc' lefot'łepoltsi tecaxolanna liju' al cuecaj quin'nuhua'. Itne ticuayi: “¿Te qui'ipa? Tsumjma tipa'a le'a anuli al barco. Iłiya al barco i'hua'a'me ts'ilihuequi Jesús, iłniya quituca'. Itsiya, ¿pe copa'a Jesús?” ²³ Ixim'me icuai'me lam barco quiyoyumma liłya' Tiberias, timanemma huejnca jilpe łamats' petsi lan xanuc' itepá łai lepi'ipola' Jesús lijoupa lix'najtsi'ipa ŁanDios. ²⁴ Lijoupa li'ipa quilsina' ailopa'a Jesús, ailomana' ts'ilihuequi,

ihne lan xanuc' if'ajli'me lam barco, iye'me Capernaum, tehueta Jesús.

²⁵ Icuaitsa locuenaj liju' lin'nuhua' ixinna'me Jesús, timiyi:

—Momxi, ¿tej hora locuai'ma fa'a?

²⁶ Jesús timila':

—Iya' camilhuo' al linca: Tama laksimpa ma ca'ay al cueca', aimuc'ipolhuo' laipepaxi, imanc' aico'cueca. Joupa oltepá la'i, inajncotolhuo', to'la'a lahuay. ²⁷ Tonlipa'acoyi lo'pufxi tonlulijcote lo'tejacu, ile lominscoya. Iya' camilhuo': Tonlipa'acote lo'pufxi, tonlulijcote locuena catetsoya, ile aimiminscoya, ti'hua tico'i, tepi'i'mola' lan xanuc' li'pitine aimijouya, tites'mi'ma ile li'pitine. I'que cal tejua' iya' nipajnya capi'i'mola' lan xanuc'. Iya' i'que cal Xans Liximpa cal profeta pu'hua lema'a. LanDios cai'Ailli' joupa lacuej'micopa, lapi'ipa laimane ca'ela' to'la'a.

²⁸ Lan xanuc' timiyi:

—Ja'ni al'e'me laten'cocoya LanDios, ¿te ca'eyacu?

²⁹ Italai'e'e'mola' timila':

—Imanc' to'huaiyijnle i'que lummepa LanDios. Ja'ni ton'e'me to'la'a ma ton'eyi laten'cocopa LanDios.

³⁰ Timiyi:

—To'ela' al cueca', tijoula' al'huaiyijm'mo'. Ne'. Itsiya al'muc'itsonga' to'la'a lof'eya. ³¹ La'tatahueló mimana' petsi ailopa'a quilya' iximpá al cueca' li'ipa. I'niya ite'me ile cuftine “al maná”. To'la'a loya'apa al Paxi Linilingiya, ticua: “I'que epi'i'mola' la'i qui'huayomma lema'a titele”.

³² Jesús timila':

—Iya' camilhuo' al linca: La'i qui'huayomma lema'a aiquepi'ilhuo' Moisés. Ma cai'Ailli' nicupa la'i qui'huayomma lema'a. I'que linca la'i. ³³ La'i qui'huayomma lema'a i'que le'i LanDios. Fa'a li'a lamats', ni petsi lomana' lan xanuc' i'que la'i tepi'i'mola' li'pitine aimijouya.

³⁴ Lan xanuc' timiyi:

—Ma'aili', itsiya lapi'itsonga' i'que la'i, ti'hua lapi'i'monga'.

³⁵ Timila':

—Iya' ma Na'i. Naitsi la'apenufpa tulijta lipitine aimijouya. Naitsi la'huaiyijmpa aimi'hua micui quija'.

³⁶ 'Iya' joupa nu'ipolhuo' te ts'i'ic' lo'ejma'. Tama joupa alsimpa, aimal'huaiyinge. ³⁷ Timana' laixanuc', i'niya lalapi'ipa cai'Ailli'. I'ne linca alejmale'me. I'niya la'lejmalepá al'majm'me anuli, aicatets'iyacola'.

³⁸ 'Iya' nimuyomma lema'a aicuaicoco'ma fa'a li'a lamats' ca'ela' lixp'ic'epa LanDios, i'que Lalummepa. A'i caxpic'e caituca' laif'eya. ³⁹ I'que Lalummepa lapi'inapa laixanuc'. Ma'que LanDios joupa ixpic'epa iya' ca'etsola' cuenna, jahuay i'niya.

Ni anuli mejac'ya. Ticuaiyunni Lijoujma Quitine iya' camaf'i'ina'mola'. ⁴⁰ Toŧta'a lixpíc'epa cai'Ailli'. Ixpíc'epa te ts'i'ic' loyaicoya cal xans łalimetsaicopa iya' i'Hua ŁanDios. Itque cal xans łaf'huaiyijmpa tulij'ma al ts'e lipitine aimijouya. Ticuaiyunni Lijoujma Quitine iya' camaf'i'ina'ma.

⁴¹ Lan xanuc' judío aiquicuaicocotsi quiłpic'a ite linespa Jesús licuapa: “Iya' Na'i nimuyomma lema'a”. ⁴² Tinesyi:

—Itque cal xans Jesús i'hua José, o ¿ja'ni ocuena? Limet-saicola' illanc' qui'ailli', qui'máma'. ¿Te calmicoponga', ticua: “Iya' nimuyomma lema'a”?

⁴³ Jesús italai'e'mola', timila':

—Imanc' ¿te colixtulecomma? ¿Te colpalaicopa toŧta'a?

⁴⁴ Cai'Ailli' itque Łalummepa, ja'ni tijoc'íta' anuli cal xans, itque itoc'huainahuo pe laifpa'a, ałejmalena'me. Ticuaitsi Lijoujma Quitine camaf'i'ina'ma. Ja'ni cai'Ailli' aimijoc'i aimi'ia miłoc'huaiya. ⁴⁵ Lam profeta ninilpá tuya'ayi: “ŁanDios timuc'ina'mola' jahuay itniya”. Al linca itta'a lataiqui'. Lan xanuc' noquimf'epá locuapa cai'Ailli', itne tihuic'iyi lomuc'ipola', itniya linca itoc'olainacu pe laifpa'a, ałejmalena'me.

⁴⁶ 'Nij naitsi niximpa cai'Ailli'. Ma' iya' cai'huayomma ŁanDios. Iya' linca aiximpa cai'Ailli'. ⁴⁷ Iya' camilhuo' ma' al linca: Cal xans łaf'huaiyijmpa joupa ulijpa al ts'e lipitine aimijouya.

⁴⁸ 'Ma' iya' Na'i. Naitsi łalapenufpa tulijta lipitine aimijouya.

⁴⁹ Imanc' lołtatahueló mimana' pe ailopa'a quiłya', tama itepá ła'i cuftine “al maná”, itniya imanapola'. ⁵⁰ Jifa'a tipa'a ituca' ca'i. Itque imuyomma lema'a. Ja'ni lan xanuc' titefe aimimay-acola' nulemma. ⁵¹ Ła'i itepa lołtatahueló, itque ła'i a'i quimaf'i'. Iya' aimaf'i', iya' Na'i nimuyomma lema'a. Iya' cacu'moxi laicuerpo. Toŧta'a lan xanuc' ni petsi nomajnyacu li'a łamats', ja'ni lapenufla' aimimayacola' nulemma, aimijouya itlipitine. Itca'a laicuerpo linca ła'i.

⁵² Lan xanuc' judío ipango'me ifuli'i'mołtsi cataiqui'. Timiyoltsi:

—Itque cal xans, ¿te co'ia micuya licuerpo? ¿Małiya licuerpo alte'me?

⁵³ Jesús timila':

—Iya' camilhuo' al linca: Ja'ni imanc' aimołteji laicuerpo, ja'ni aimołsnayi laijuats', ailopa'a colpitine. Iya' itque cal Xans Łiximpa cal profeta pu'hua lema'a. ⁵⁴ Naitsi notepa laicuerpo, noxnapa laijuats', itque linca tipa'a lipitine aimijouya. Ticuaiyunni Lijoujma Quitine iya' camaf'i'ina'ma. ⁵⁵ Laicuerpo linca atejua', laijuats' linca loxnayacu lan xanuc'. ⁵⁶ Naitsi notepa laicuerpo, noxnapa laijuats', ma lapenufi iya', iya' capenufi itquiya.

57 'Iya' ca'huaiyinge itque Łalummepe, małque cai'Ailli' ŁanDios Łimafi'. Tołta'a aimijouya laipitine. Ma' anuli aimijouya lipitine cal xans łatpepa iya', itque łah'huaiyijmpa. 58 Capalaijma łahi himuyomma lema'a, ca'onłicojma laicuerpo. Łahi łite'me lołtatahueló aimi'onłspa laicuerpo, ituca' ca'i. Tama ihniya itepá ite hile'i, imanapola'. Naitsi łatpepa iya' laicuerpo, itca'a łahi, itque tepenufi al ts'e lipitine aimijouya.

59 Tołta'a licuapa Jesús mipa'a liya' Capernaum, mimuc'iyale jipe lajut'ł pe lafołyomma lan xanuc'.

60 Ite lines'ma Jesús aiquetenłcocola' axpela' ts'ilihuequi. Liquimf'e'me ihniya ticuayi:

—Ipime ihya lataiqui'. ¿Naitsi nocuejya? Illanc' aimi'iya malapenufyacu.

61 Jesús ixina' ihniya ts'ilihuequi aiquetenłcocola' linespa. Timila':

—Ja'ni imanc' aiquetenłcocolhuo' ite lainespa, 62 ¿te colcuayacu ja'ni ałsina' caf'aquinghua, cacuaita pu'hua, petsi lai'huayomma? Iya' itque cal Xans Łiximpa cal profeta pu'hua lema'a. 63 Laipalaic'opolhuo' a'i canescojma laipixic'. Lixic' ailopa'a co'eya. Al cuerpo ticuicomma hi'espíritu. Łaitaiquí ti'onłcospa to cal espíritu. Ja'ni tolapenuf'me ihniya łaitaiquí, tolulij'me lołpitine aimijouya. 64 Linca hualca imanc' aima'huaiyinge.

Jesús tixinnila' naitsi ihniya aimi'huaiyjny. Jouc'a imetsaijma naitsi itque cal xans łocuya. Tołta'a ixina' al te'a.

65 Timila' ts'ilihuequi:

—A'i jahuay imanc' ma'huaiyinge. Iya' joupa aimipolhuo': Ja'ni cai'Ailli' a'i mijoc'i anuli cal xans, itque aimi'iya miłoc'huaiya pe laifpa'a.

66 Ts'ilihuequi licuej'me ite licuapa Jesús, axpela' ihniya ipailinanca. Aiquilihuejcongghua. 67 Jesús timila' limbamaj coquexi' ts'ilihuequi:

—Imanc', ¿te conł'eyacu? ¿Jouc'a imanc' ałpo'no'ma caituca'?

68 Simón Pedro italai'e'ma, timi:

—Mai'ailli', ¿pe całtseyacu? Ocuena comxi to ima' ailopa'a. Ailopa'a co'onłiyaco'. Ima' małpalaic'onga' lapenufyi lałpitine aimijouya. 69 Illanc' joupa ał'huaiyijmpo'. Joupa i'ipa całsina', ima' unCristo, ima' i'Hua ŁanDios Łimafi'.

70 Jesús timila':

—Unc'imbamaj coquexi' linca ai'huijf'epolhuo'. Tipa'a anuli imanc' onta'a.

71 Jesús ipalaicopa Judas, hi'hua Simón Iscariote. Itque anuli ihniya limbamaj coquexi' ts'ilihuequi Jesús, ticuna'ma.

7

¹ Jesús ipanenni jilpiya al distrito Galilea. Aimicua mi'huaya al distrito Judea. Jounpa icuejpa lixpíc'epa lan judío nomana' jilpiya. Ihniya tehueyi te co'ia mima'ayacu. ² Tehue'e' oque' afane' quitine ti'i'ma liljuic lan xanuc' judío. Mi'i'ma ile liljuic lan xanuc' tilanc'eyi lilpunxahualqui, timajm'me jilpe.

³ Lipimaye Jesús timiyi:

—Taipanni, to'huała' al distrito Judea petsi lo'iyoya al juic. Pu'hua to'etsi al cueca'. Tołta'a tixinno' lof'eya ihniya ts'ihuejhuo' nomana' jilpiya. ⁴ Anuli cal xans, ja'ni ipic'a timetsaicole lan xanuc', ilque ti'e'ma al cueca' petsi lahuet-saleyompa, aimemiyacoxi. Ima', ¿te cofpanecoya fa'a petsi lan xanuc' aimixinyaco', aimehuelojnyaco' lof'epa al cueca'? Tomujtoxi jipu'hua pe lomana' axpela' lan xanuc'.

⁵ Tołta'a lonespa lipimaye Jesús, aimi'huaijinyi. ⁶ Jesús timila':

—Itsiya aica'eya to lałmipa. Aimi'ia. Iya' aiquicuaiya lai'hora. Imanc' linca jahuay litiné ti'i'ma tonł'e'me ma coltuca' lołspic'eyacu. ⁷ Lołf'as xanuc' nomana' fa'a li'a lamats' aimi'ia mi'eyacolhuo' laic'. Iya' linca al'e'e laic'. Aiquilpic'a laifnu'ipola', camila': "Tonł'eyi lixcay". ⁸ Imanc', ne', tołf'ajlihe al juic. Itsiya aica'huaya. Capanehuo. Aiquicuaiya lai'hora.

⁹ Lijoupa linespa tołta'a Jesús ipanenni Galilea.

¹⁰ Lipimaye iye'me al juic lo'ia Jerusalén. Lijou'ma Jesús i'hua'ma quituca' Jerusalén. Aicuya'e'. ¹¹ Jilpiya al juic lan xanuc' judío ehue'me Jesús. Icuis'e'mołtsi:

—Ilque cal xans, ¿pe copa'a?

¹² Lan xanuc' nomana' jilpe al juic ixoulołai'me. Timana' nonespá ticuayi: "Ilque ac'a xans". Locuenaye ticuayi: "A'ijc'a xans. Ma tifel'miyale." ¹³ Le'a tixoulołaiyi. Aiminesyi ujfxi. Tixpaic'ennila' ts'ilpenic' judío.

¹⁴ Li'ipa nolojmay juic Jesús if'aj'ma al cuecaj xoute'. Jilpe ipango'ma imuc'i'mola' lan xanuc'. ¹⁵ Licuej'me lan xanuc' judío ticuayi:

—¡Xinła'! Ilque cal xans aiquimuxejma. ¿Petsi qui-huic'iyohuo'ma ile litaiqui' lomuc'iyalepa?

¹⁶ Jesús italai'e'mola', timila':

—Laifmuc'ipolhuo' a'i caituca' laipicuejma'. Ihe lalupa lanDios, ilque lalummepa, male laifmuc'ipolhuo'. ¹⁷ Cal xans nixpic'epa ti'ela' latentocopa lanDios, ilque cal xans timetsaico'ma laifmuc'ipolhuo'. Ilque ti'i'ma quixina' ja'ni lanDios al muc'i o ja'ni quipa'e iya' caituca' laipicuejma'. ¹⁸ Cal xans nahuepa te co'ia mimetsaiconyacu ja'ni ac'a xans, ilque timuc'iyale'ma ma le'a lonespa quituca' lipicuejma'. A'i tołta'a

li'ejma' cal xans loya'apa al linca, alijca lipicuejma'. Hque aimehuay latencocoyacola' lan xanuc'. Tehuay te co'ia mimet-saicoyacu ac'a ilque lummepa. Toŧta'a lai'ejma' iya'.

¹⁹ 'Litaiqui' Moisés tu'ilhuo' locuxe'epolhuo' LanDios. Toŧcuayi: "Linca Moisés lapi'iponga' illanc' litaiqui' LanDios. Ma ile lataiqui' laŧcuxeponga'." Ma moñesyí toŧta'a imanc' aimolanant'iyi locuxe'epolhuo' LanDios. Imanc' ailopa'a colanant'lipa. Itsiya, ¿te colahuecopa te co'ia maŧma'aya?

²⁰ Lan xanuc' judío lefot'lepoŧsi jilpiya timiyi:

—¿Naitsi noma'ayaco? Ima' itsufaipo' conta'a. Ailopa'a noma'ayaco'.

²¹ Jesús italai'e'mola', timila':

—Le'a anuli cal xans aixal'menapa litine conxajya, imanc' oŧsueŧcopá, toŧcuayi: "¡Xinŧa'! ¡Jesús ti'ay canic' litine conxajya!" ²² Imanc' toŧcuayi: "Moisés aŧcuxe'eponga' a'ele circuncidar laŧnaxque' camijcanó. Tama ti'ila' litine conxajya toŧta'a a'e'me." Linca Moisés a'i ilque copa'a cal te'a nicuxepa toŧta'a. Ai'a tipajnta Moisés toŧta'a lo'epa lan tatahueló. ²³ Imanc' tixoquei cunlata ton'eyi circuncidar loŧnaxque', tama ti'ila' litine conxajya. Toŧcuayi: "Ma' a'eyi laŧcuxe'eponga' Moisés". Imanc' tetencocolhuo' teted'ente lipixic' lamijcano. Toŧsinyi ilajmpa al c'a laqueca. Itsiya camilhuo': ¿Te calixtuc'ocopa imanc' iya' lai'epa litine conxajya? Aixal'menapa anuli cal xans. Ac'a ilajn-napa jahuay licuerpo. ²⁴ Imanc' aicoŧcueca, ma le'a toŧcuayi. Ate'a toŧpic'ele loñesyacu, tijouŧa' toŧpalaite al linca.

²⁵⁻²⁶ Lan xanuc' lun Jerusalén ixim'me Jesús timuc'iyale. Ticuayi:

—¡Xinŧa'! Ticuanni: "Aŧma'a'me ilque Jesús". Itsiya maŧque timuc'iyale. Jahuay tehuelojnyi, ailopa'a co'empa. ¿Te cocuapa lan tsila' quiŧpenic'? ¿Te ticuayi maŧque Jesús copa'a cal Cristo? ²⁷ Illanc' aŧcuayi: A'i ilque cal Cristo. Aŧsina' lipiŧya' li'huayomma. Ticuaiyunni cal Cristo aimi'iya caŧsina' toŧta'a.

²⁸ Jesús mimuc'iyale jilpe al cuecaj xoute', tipalay ujfxi, tiquimf'ele jahuay, timila':

—Imanc' toŧcuayi: "Limetsaicoyi Jesús". Toŧcuayi: "Aŧsina' lipiŧya' li'huayomma". A'i. Aicoŧsina' pe cai'huayomma. Iya' a'i caituca' caixpic'e cacuaihuo fa'a li'a lamats'. Tipa'a Lalummepa. Hque aimifellaique. Imanc' aicolimetsaijma. ²⁹ Iya' linca nimetsaijma. Iya' maŧque cai'huayomma. Hque alummepa.

³⁰ Lan judío ixtulencia licuapa Jesús. Ehue'me te co'ia mi'noŧyacu. Aiquil'noŧi. Aiquicuaiya li'hora, aimi'iya mima'ayacu.

³¹ Axpela' lan xanuc' i'huaiyijm'me Jesús. Tinesyi:

—Ticuaiyunni cal Cristo, ¿ja'ni xonca lo'eya? Acueca' lo'epa Jesús.

³² Lam fariseo iquimf'e'me ñhiya lan xanuc' mixoulołaiyi, tipalaicoyi Jesús. Lixanuc' cal cuecaj ca'ailli' jouc'a ñhiya lam fariseo umme'me lapaluc' xoute' tiyele, ti'nołtsa Jesús. ³³ Jesús ti'hua timuc'iyale, timila' lan xanuc':

—Ahuata capajncona'ma jifa'a pe lołmana'. Tijouł'a ca'huana'ma pe lopa'a Łalummepa. ³⁴ Imanc' lahue'ma, aimalsingonaya. Pe laifpa'a imanc' aimi'iya mołcuaiyacu jilpiya.

³⁵ Lan judío tipalaic'oyołtsi, tinesyi:

—Ja'ni aimalsingonayacu ñque cal xans, ¿pe cotseya? ¿Te ti'hua'ma ñlemats' lan xanuc' griego pe lomana' lałpimaye? ¿Te timuc'itola' jilne lan xanuc' griego? ³⁶ Jilque Jesús ałminga': “Imanc' lahue'ma, aimalsingonaya. Pe laifpa'a jilpiya imanc' aimi'iya mołcuaiyacu.” ¿Te cohuałquemma ñhiya? ¿Te conescopa ñquiya? Aicałcueca.

³⁷⁻³⁸ Icuai'ma lijoujma quitine al juic. ñhiya litine xonca al cueca'. Ecax'ma Jesús. Tipalay ujfxi, tiquimf'ele jahuy, timila':

—Cal xans laicuipa quiija' tiloc'huaiyunni pe laifpa'a. Tixnał'a ñta'a laja' laifcupa. ñque lał'huaiyijmpa.

'To muya'e' al Paxi Linilingiya tołta'a ti'i'ma. Tuya'e': “Jilpe łunxajma' tipahuo axpe' caja'. ñhiya laja' ti'hua tipahuo. Aimix-najya.”

³⁹ Lines'ma tołta'a Jesús ipalaico'ma cal Espíritu Santo, ñque łapenufyacu ñhiya no'huaiyijmpá Jesús. Mipa'a Jesús li'a lamats' aicummaic' ñque cal Espíritu Santo. Ticuainatsi lema'a tumme'etola'.

⁴⁰ Liquimf'epá ñhiya licuapa Jesús timana' nonespá:

—Linca ŁanDios alumme'eponga' liprofeta, małque Jesús.

⁴¹ Timana' nonespá:

—Jilque linca cal Cristo.

Locuenaye tinesyi:

—Cal Cristo aimi'huayoya Galilea. ⁴² Tuya'e' al Paxi Linilingiya: “Cal rey David itatahuelo cal Cristo”. Jouc'a tuya'e': “Cal Cristo co'huayoya liłya' Belén. Małpe lipiłya' cal rey David.”

⁴³ Tołta'a ñhiya lan xanuc' aiqui'ic' anuli liłpicuejma'. Timana' nocuapá: “Małque cal Cristo”. ⁴⁴ Timana' nocuapá: “Ał'nołta'”. Ailopa'a no'nołya.

⁴⁵ Lepaluc' al cuecaj xoute' ipailinamma. Icuaitsa pe lomana' lixanuc' cal cuecaj ca'ailli' jouc'a lam fariseo. ñhiya icuis'e'me, timinnila' lilepaluc':

—¿Te qui'ipolhuo'? Aicolihuaic' cal xans.

⁴⁶ Italai'e'me:

—Illanc' ałcuayi ac'a tipalay ñque. Ocuena aimipalay to ñque lopalaipa.

⁴⁷ Lan fariseo italai'e'me:

—¿Te ifel'mipolhuo' imanc' jouc'a? ⁴⁸ ¿Te ti'huaiyinge anuli nałcuxeponga'? O anuli lałf'as fariseo, ¿te ti'huaiyinge? A'i. Le'a lan xanuc' aiqumuxejma, ma' ihniya ti'huaiyjnyi. ⁴⁹ Ihne ni aiqumisina' lataiqui' locuxepa LanDios. Joupá ecanipola'.

⁵⁰ Jiłpiya tipa'a anuli hiłf'as fariseo cuftine Nicodemo. Małque Nicodemo i'huahuo'ma anuli lipuqui', ipalaic'otsi Jesús. It-siya timila':

⁵¹—Litaiqui' LanDios lałcuxe'eponga', lu'inga': “Anuli cal xans titalai'e'ecotsi. Tołquimf'ete locuaya. Ja'ni aicołquimf'e aimi'iya molacani'eyacu.”

⁵² Timiyi Nicodemo:

—¿Te ima' unGalilea jouc'a? Toxhuela' xonca al Paxi Linihingiya. Jiłpe toxim'ma ailopa'a profeta co'huayoya Galilea.

⁵³ Jahuay iyena'me hilejut'hi.

8

¹ Jesús i'hua'ma hijuala cuftine Lijuala Olivo. ² Li'ipa quitine ipaiconanni, i'huacona'ma al cuecaj xoute'. Jiłpiya jahuay lan xanuc' tefot'leyołtsi. Jesús icutshuai'ma timuc'iyale'ma. ³ Mimuc'iyale Jesús icuaita jiłpiya lomxiye nomuc'iyalepá locuxepa LanDios jouc'a lam fariseo. Ihejma anuli łaca'no'. Iximpá łaca'no' tunahuołanna cal xans, iłque a'i quipe'ailli'. Ecaxu'me łaca'no' nolojmay lan xanuc' noquimf'epá mimuc'iyale Jesús. ⁴ Timiyi Jesús:

—Momxi, joupá ałsimpola' tunahuołanna. Cal xans a'i quipe'ailli'. ⁵ Litaiqui' Moisés, iłe loya'apa locuxepa LanDios, małe lataiqui' ałcuxe'enga' ałma'acotsola' apic łaca'no' no'epá tołta'a. Ima', ¿te cofcuaya? ¿Te cał'e'eyacu iłca'a łaca'no'?

⁶ Ihne tehuaiyi Jesús. Iłpic'a tinesla': “Aimont'e'me iłe locuxepa Moisés”. Tijoułá' ticuxeco'me.

Jesús ic'omai'ma. Iniłco'ma lidedo łamats'.

⁷ Ihniya ihui'i'me, icuis'mot'le'me. Jesús ecaxna'ma hijca, timila':

—Anuli imanc' ja'ni ailopa'a quijunac', ne', ate'a teca'niłá' łapic.

⁸ Lijou'ma ic'omaicona'ma, iniłcona'ma łamats'.

⁹ Lan xanuc', ihne ts'ihhejma łaca'no', imetsaico'mołtsi jouc'a iłtaic' liłjunac'. Anuli anuli iyena'me. Ate'a i'huana'ma xonca liłjpa xans, liłjou'ma ipalnanca anuli anuli, ijouco'ma ts'atesca quemats'. Jesús łaca'no' imanenca quiltuca'. Łaca'no' ti'hua tecaxu jiłpiya.

¹⁰ Jesús ecaxcona'ma hijca, ehuelojm'ma łaca'no' tecaxu quituca'. Timi:

—Maca'no', ¿te qui'ipola' iñe lan xanuc'? Joupa iye-napá. ¿Nij naitsi nitac'uipo' cajunac'? ¿Nij naitsi nicufpo' tima'antso'?

¹¹ Iñque timi:

—Mai'ailli', nij naitsi.

Jesús timi:

—Iya' jouc'a aicatac'uiyaco' cajunac'. Iya' aicacua: Tima'antso'. To'huanla'. Aimo'econna quixcay.

¹² Jesús imuc'icona'mola' lan xanuc', timila':

—Fa'a li'a lamats' iya' Nepalco'. Capalc'o'ila' iñiya nal-ihuejpa, iñe tipa'a liñpitine aimijouya. Iñiya liñpicuejma' aimi'iconaya muf, ticuec'e'me, ti'e'me al c'a.

¹³ Lam fariseo timiyi:

—Ima' tonescoyoxi cotuca'. A'ij linca lofnespa.

¹⁴ Timila':

—Tama canescoyoxi ma canesqui al linca. Iya' aixina' pe lai'huayomma, aixina' pe laiftseya. Imanc' aicoñsina' pe lai'huayomma, aicoñsina' pe laiftseya. ¹⁵ Imanc' ma coñtuca' toñtac'uila' lajunac' loñ'as xanuc', toñspic'eyi ja'ni ac'a ja'ni a'ijc'a lo'epa. Iya' aicatac'uila' cajunac'. ¹⁶ Ja'ni catac'uila' lajunac' ma añjca iñe laif'eya. Iya' a'i caituca' caxpic'e. Illanc' ma' anuli añspic'eyi iya' cai'Ailli', iñque Lalummepe.

¹⁷ 'Litaiqui' LanDios locuxepa ticua: “Oquexi' lan xanuc', ja'ni ma' anuli lonespa, ne', tapenufla' iñe locuapa”. ¹⁸ Iya' canescoyoxi. Jouc'a cai'Ailli' iñque Lalummepe, ma' anuli añnesma.

¹⁹ Timiyi:

—¿Pe copa'a co'ailli'?

Timila':

—Imanc' aicalimetsaijma naitsi iya'. Jouc'a aicolimetsaijma cai'Ailli'. Ja'ni limetsaijma iya', jouc'a cai'Ailli' tolimet-saico'me.

²⁰ Toñiya licuapa Jesús mipa'a al cuecaj xoute', mimuc'iyale. Ticutsuya liju' al caxax pe latoj'mimpá al tomí. Nij naitsi ni'noñpa Jesús. Aiquicuaiya li'hora.

²¹ U'icona'mola', timila':

—Ca'huana'ma. Imanc' lahue'ma. Timaco'molhuo' coñtaic' loñjunac'. Iya' caituca' ca'hua'ma, aimi'iyamañyacu anuli.

²² Lan xanuc' judío ticuayi:

—¿Te conescopa: “Iya' caituca' ca'hua'ma, aimi'iyamañyacu anuli”? ¿Ja'ni tima'a'moxi?

²³ Jesús ti'hua tipalaic'ola', timila':

—Iya' cai'huayomma al toncay. Imanc' conñouyomma al 'ocay. Loñpitine, fa'a li'a lamats' ipangoyopa. Iya' a'i. ²⁴ Joupa aimipolhuo': Timaco'molhuo' coñtaic' loñjunac'. Joupa aimipolhuo' naitsi iya'. Aimolapenufi iñe laifnescopoxi.

Ma' aimolapenufi ile laifpalaicopoxi, ołtaic' lołjunac', tołta'a timaco'molhuo'.

²⁵ Icuis'e'me, timiyi:

—¿Naitsi ima'?

Jesús timila':

—Joupa aimipolhuo'. Joupa ołsina'. ²⁶ Tipa'a axpe' laifpalaicoyacolhuo' imanc'. Aiximpolhuo' a'ijc'a lonł'epa. Cai'Ailli', iłque Łalummepa, aimifellaique, tinesqui mane al linca. He lalu'ipa iya' cu'iyale fa'a li'a łamats'.

²⁷ Iłniya aiquiłcueca Jesús lipalaicopa ŁanDios qui'Ailli'.
²⁸ Jesús timila':

—Iya' iłque cal Xans Łiximpa cal profeta pu'hua lema'a. Tijoułta' ał'nof'enałta' imanc' limetsaico'ma naitsi iya'. Limetsaico'ma ma to joupa ainescopoxi iya'. Ti'i'ma cołsina' te ts'i'ic' laipicuejma'. Iya' caituca' aicaxpic'e laif'eya. Jiłe lałmuc'ipa cai'Ailli', małe cu'ilhuo'. ²⁹ Ałejmale anuli iya' y Łalummepa. Iya' ti'hua ca'ay latenłcocolpa iłque. Tołta'a aicalpo'nohuo caituca'.

³⁰ Miquimf'eyi lan judío, axpela' iłniya ticuayi:

—Al linca locuapa iłque. ¡Lihuej'me!

³¹ Jesús ipalaic'o'mola' iłne lan xanuc' judío no'huaiyijmpá, timila':

—Ja'ni laitaiqui' tipanenni lołpicuejma' imanc' lihuejna'ma al c'a. ³² Tołsim'me al linca laitaiqui', tolihuejco'me. Tołta'a imanc' cołtuca' tołcuxe'mołtsi al c'a.

³³ Iłniya timiyi:

—İllanc' inaxque' lałtatahuelo Abraham. Aimi'iya małcuxeyaconga'. Ailopa'a calpoujna. İma', ¿te calmicoponga': "İmanc' cołtuca' tołcuxe'mołtsi al c'a"?

³⁴ Jesús italai'e'mola':

—Iya' camilhuo' al linca: Cal xans ja'ni ixcay lo'epa ile lixcay ticuxe. İłque cal xans ti'onłcospa to cal mozo. ³⁵ Cal mozo aimipaneya lejut'ł hipoujna. Li'hua łapoujna, iłque linca tipanehuo.

³⁶ 'Iya' i'Hua ŁanDios, ja'ni iya' cuhuałnatsolhuo' imanc' linca tołcuxena'mołtsi al c'a nulemma. ³⁷ İmanc' tołcuayi: "İllanc' inaxque' lałtatahuelo Abraham". Ma' aixina' tołta'a. İtsiya tama imanc' inaxque' Abraham tolahueyi te co'iya małma'aya. Aimalapenufi iya' laitaiqui'. ³⁸ İya' ma to lałmuc'ipa cai'Ailli', tołta'a cu'ilhuo'. Cu'ilhuo' ma laiximpa pu'hua pe lopa'a cai'Ailli'. İmanc' ocuena coł'ailli'. Tonł'eyi lomuc'ipolhuo' iłque.

³⁹ İniya timiyi:

—Abraham ał'ailli'.

Jesús timila':

—İmanc' ja'ni inaxque' Abraham, tonł'e'me anuli to li'epa Abraham. ⁴⁰ İtuca' loł'ejma' imanc'. Tołspic'eyi ałma'ala', iya' ninxans cu'ilhuo' ma le'a al linca, ile lałmuc'ipa cai'Ailli'. Tołe

a'i qui'aic' Abraham. ⁴¹ Lonf'epa imanc' ti'onlcospa to lo'epa col'ailli'.

Ihniya timiyi:

—Illanc' a'i ninc'ahuaic'la. LanDios at'Ailli'.

⁴² Timila':

—Ja'ni LanDios of'Ailli' imanc' a'e'ma capic'a. Iya' cai'huayomma LanDios, aicuai'ma fa'a li'a lamats'. A'i iya' caxpic'e caituca' cacuaiyuni. Cai'Ailli' lummepa. ⁴³ Imanc' aimi'ya ma'quimf'eya iya' laitaiqui', to'ta'a aicolcueca i'e laifpalaic'opolhuo'. ⁴⁴ Lonta'a of'ailli'. Imanc' inaxque'. Itque imanc' ma' anuli lo'janajpa. Lipangopa li'a lamats' itque inma'ahuale, aiquepenufi al linca. Ma to micua lipicuejma' tipalay pangay mifel'miyale. Ate'a itque ifel'miyalepa. Lijou'ma lan xanuc' tihuejyi li'ejma', jouc'a ti'hua tifel'miyaleyi.

⁴⁵ 'Iya' cu'ilhuo' al linca. Xonca ticuaispa colpic'a lafel'laiqueya cataiqui'. Aimalapenufi iya' laitaiqui'. ⁴⁶ Imanc', ¿te anuli ti'i'ma altac'ui'ma cajunac'? A'i. Aimi'ya ma'miya: "Ima' a'fel'minga". Ja'ni o'sina' camilhuo' al linca, ¿te aimalapenufi iya' laitaiqui'?

⁴⁷ 'Cal xans ja'ni i'hua CanDios, itque tepenufi lonespa LanDios. Imanc' a'i quinxque' LanDios, to'ta'a aimi'ya molapenufyacu lonespa.

⁴⁸ Lan judío timiyi:

—Illanc' joupa a'nespá ima' unsamaritano. Itsufaipo' conta'a. Al linca i'e la'nescopo'.

⁴⁹ Timila':

—Iya' a'i caltsufaic' conta'a. Iya' quihuejma cai'Ailli'. Imanc' latets'i'. ⁵⁰ Iya', ¿te aga cahuay te co'ya ma'nescoya al c'a? A'i to'ta'a lai'ejma'. Linca tipa'a anuli tehuay te co'ya malimet-saicoya lan xanuc'. Itque ma cal Cuecaj Juez.

⁵¹ 'Iya' camilhuo' al linca: Cal xans nalihuejcopa iya' laitaiqui' itque aimimaya nulemma.

⁵² Lan judío timiyi:

—Itsiya linca a'sina' itsufaipo' conta'a. Joupa imanapa la'tatahuelo Abraham jouc'a imanapola' lam profeta. Ima' tonesqui: "Cal xans nalihuejcopa iya' laitaiqui', itque aimimaya nulemma". ⁵³ Linca joupa imanapa Abraham. Ima', ¿ja'ni xonca uncueca'? Lam profeta imanapola' jouc'a. ¿Naitsi cof'onlicopoxi?

⁵⁴ Timila':

—Iya' ja'ni caituca' canescoyoxi nincueca', i'e laifnescopoxi ailopa'a co'eya. Cai'Ailli' a'nescojma al c'a. Ma'que cai'Ailli' imanc' to'palaicoyi to'cuayi: "Itque lanDios". ⁵⁵ Imanc' aicol-imetsaijma. Iya' linca nimetsaijma. Aicacua aicainimetsaijma. Ja'ni canesla' to'ta'a iya' ca'e'moxi acueca' ninfeloye,

ca'onŕico'moxi to imanc' unc'ifeloye. Iya' linca nimetsaijma, quihuejma litaiqui'. ⁵⁶ Łottatahuelo Abraham ijanajpa juaiconapa alsintsołtsi fa'a li'a łamats'. Joupa alsimpoltsi, ixojma queta Abraham.

⁵⁷ Lan xanuc' judío timiyi:

—Ima' aikuixhuaiya oquej nuxans quimbama' łomemats'.
¿Te qui'ipa loximpa Abraham?

⁵⁸ Jesús timila':

—Iya' camilhuo' al linca: Ai'a tipajnta Abraham, iya' capa'a.

⁵⁹ Lan judío ipef'me lopic'. Tipa'me capic, tima'a'me Jesús. Jesús temiyoxi. Ipanni al cuecaj xoute'. Iñiya aikuixim'me pe quitsecopa.

9

¹ Jesús ti'hua lane, ixim'ma anuli cal fo'. Cal xans ma lipajnta afo'. ² Ts'ilihuequi Jesús icuis'e'me, timiyi:

—Momxi, ¿te qui'ipa lipajnta afo'? ¿Naitsi łque ts'ijunac'?
¿Te małque cal fo' o qui'ailli', qui'máma'?

³ Jesús italai'e'mola', timila':

—Nij naitsi ts'ijunac', ni cal fo' ni qui'ailli' qui'máma'. Ipa-jnta afo' cal xans, tołta'a ŁanDios timuc'i'mola' lan xanuc' al cueca' lipepaxi. Jiłpe licuerpo cal fo' ti'i'ma al cueca'. ⁴ Micoli litine ał'e'me loxpíc'epa ŁanDios, łque Łalumempa. Tijouła' timufc'olá' aimi'ya mał'eyacu lanic'. ⁵ Ma capa'a fa'a li'a łamats' iya' Nepalc'o'.

⁶ Lijoupa licuapa tołta'a Jesús, itsułof'ipa łamats', ilanc'eco'ma łitsulu' łaquixitsqui. Łque łixitsqui imet'li'ipa li'u' cal fo'. ⁷ Timi cal fo':

—To'huała' jipu'hua lin'nuhua' cuftine Siloé. Iłpiya tapajtsi lo'u'.

Ihe lipuftine Siloé tuhuałquemma: Ummempa.

Cal fo' i'hua'ma, epajtsi li'u'. Lipainamma, tehuetsalenghua. ⁸ Nomana' lan huejnca jouc'a locuenaye xanuc', iłne li'ipa iximpá mixa'hue quitomí, iłne tipalaic'oyołtsi, ticuayi:

—¿Te małca'a cal xans nocutshuaipa, noxa'huepa? ¿Te qui'ipa?

⁹ Hualca ticuayi:

—Małca'a cal xans.

Locuenaye ticuayi:

—A'i. A'i łque, ma le'a ti'onłcospa.

Cal xans timila':

—Ma' iya'.

¹⁰ Timiyi:

—¿Te qui'e'empo'? ¡Ma' ixalconapo' lo'u'!

¹¹ Timila':

—Cal xans cuftine Jesús, i'epa hixitsqui. Itque hixitsqui ałmet'hi'ipa lai'u'. Alummepa lin'nuhua' Siloé. Almpa: “Jilpiya tapajtsi lo'u”. Ai'hua'ma, nepajtsi lai'u', itsiya exilinamma lai'u', cahuetsalenghua.

¹² Icuis'e'me, timiyi:

—¿Pe copa'a itque cal xans?

Timila':

—Aicaixina'.

¹³ Itque cal fo' joupá ixałconapa ileco'me petsi lomana' lan xanuc' fariseo. ¹⁴ Litine Jesús li'e'ma hixitsqui, lixał'mena'ma li'u' cal fo', ite litine conxajya. ¹⁵ Lam fariseo aiqúetenłcocola' ite li'epa Jesús litine conxajya. Icuis'e'me cal xans, timiyi:

—¿Te qui'ipo'? Itsiya tahuetsalenghua. ¿Te qui'e'empo' lo'u'?

Cal xans timila':

—Itque ałmet'hi'ipa hixitsqui lai'u', ai'hua'ma nepajtsi lai'u', itsiya cahuetsalenghua, exilinamma lai'u'.

¹⁶ Hualca lam fariseo nomana' jilnu'hua ines'me:

—ŁanDios a'i cummaic' itque cal xans Jesús. Ihiya litine conxajya tetets'i, ti'ay canic'.

Locuenaye tinesyi:

—Ja'ni a'ijc'a xans, ¿te co'iya mi'eya tołta'a al cueca'?

Enaj'mołtsi onłca, aici'i'ma anuli liłpicuejma'. Timana' pe aiqúetenłcocola' lo'epa Jesús, timana' locuenaye icuaitsi quilpic'a lo'epa.

¹⁷ Icuis'e'cona'me cal xans hixałconapa li'u'. Timiyi:

—Itque hixał'menapo' lo'u', ima', ¿te cofnesya itque?

Cal xans timila':

—Iya' cacua aprofeta.

¹⁸ Lan xanuc' judío ticuayi:

—A'ij linca locuapa itque cal xans lonespa: “Laipajnta ninfo”. Lipajnta ailopa'a quicuana, ac'a li'u', tołta'a tehuetsalenghua itsiya.

Ijoc'i'me ticuaiyunca qui'ailli' qui'máma' cal xans hixałconapa li'u'. ¹⁹ Icuis'em'mola', timila':

—¿Te ma' al linca itque oł'hua? ¿Ma ipajnta afo'? Itsiya tehuetsale. ¿Te qui'ipa?

²⁰ Qui'ailli' qui'máma' italai'enca, timinnila':

—Ałsina' itque ał'hua. Ałsina' ipajnta afo'. ²¹ Itsiya tehuetsalenghua. A'i calsina' te qui'ipa. Ni aicalsina' naitsi nixał'menapa li'u'. Itque joupá itojpa. Titalai'eł'a' itque quituca'.

²² Tołta'a linespa qui'ailli' qui'máma' cal xans. Timiyołtsi: “¿Te cał'eyaconga' lan xanuc' judío?” Ihiya joupá inefopá, ixpic'epá, icuapá: “Cal xans, ja'ni tinesla': Jesús itque aCristo, itque cal xans lihuescuf'me petsi lalafot'leyopołtsi. Tijouł'a' aimalapi'iconayacu lane mitsufaiconaya. Aimalmajnconayacu

anuli.” ²³ Tohiya ticuayi: “Ihque joupa itojpa. Titalai'eľa' quituca'.”

²⁴ Lan xanuc' judío ijoc'icona'me cal xans lixałconapa li'u'. Timiyi:

—ŁanDios tiquimf'ehuo'. Lu'itsonga' al linca. Illanc' limetsaijma cal xans Jesús. Ałsina' titay cajunac'.

²⁵ Timila':

—Iya' aicaixina' ja'ni titay cajunac'. Aixina' iya' li'ipa ninfo', itsiya cahuetsalenghua. Ihiya linca aixina'.

²⁶ Ihne icuis'e'me, timiyi:

—¿Te qui'e'epo'? ¿Te qui'ipa lixał'menapo' lo'u'?

²⁷ Cal xans italai'e'mola', timila':

—Joupa nu'ipolhuo', aicołcueca. ¿Te ts'ołpic'a cu'itsolhuo'? ¿Te aga imanc' ołpic'a tunlihuej'me?

²⁸ Ixtulencia. Imilojpa cataiqui'. Timiyi:

—Ima' linca mihuequi ihque cal xans Jesús. Illanc' a'i. Illanc' lihuejyi Moisés. ²⁹ Ałsina' ŁanDios ipalaic'opa Moisés. Ihque cal xans Jesús aicałsina' pe qui'huayomma.

³⁰ Italai'e'mola' cal xans timila':

—¡Xinła! Ihque cal xans ałsał'menapa lai'u'. Itsiya imanc' tołcuayi: “Aicałsina' pe qui'huayomma”. ³¹ Ałsina' ŁanDios aimiquimf'ela' petsi ixcay lo'epa. Aimitoc'iyacola'. Cal xans noxpaić'epa ŁanDios, ja'ni ti'eľa' loxpaić'epa, ihque cal xans linca ŁanDios tiquimf'e, titoc'i. ³² Jifa'a li'a łamats' anuli cal xans ja'ni lipajnta afo', ni anulemma aicałsina' quixał'menni li'u'. ³³ Iya' cacua: ŁanDios ummepa ihque Jesús. Ja'ni a'i, ailopa'a co'eya.

³⁴ Ihiya italai'e'me, timiyi cal xans:

—Litine lopajncota ima' otaic' lojunac'. ¡Itsiya opic'a ałmuc'itsonga' illanc'!

Ihuescufna'me pe lefot'leyołtsi. Timiyi:

—To'huanła'. Aimotsufaiconno jifa'a lajut'ł.

³⁵ Jesús icuej'ma ihuescufimpa pe lefot'leyołtsi. Ehuepa, ixinnapa, timi:

—Ima', ¿te ma to'huaiyinge ihque cal Xans Liximpa cal profeta?

³⁶ Cal xans timi:

—Mai'ailli', lu'ila' naitsi ihque. Tijouła' ca'huaiyijm'ma.

³⁷ Jesús timi:

—Joupa oximpa. Tivalaic'ohuo'. Ma' iya'. Iya' ihque cal Xans Liximpa cal profeta.

³⁸ Cal xans timi:

—Mai'ailli', ca'huaiyijnhuo'.

Exc'onłingai'ma. ³⁹ Jesús timi:

—Aicuaicoco'ma fa'a li'a łamats' ti'i'ma tenaj'mołtsi lan xanuc'. Lan fohue tehuetsalena'me. Ihne nahuetsalepá ti'e'e'mola' afohue.

40 Lam fariseo nomana' jilpe pe lopa'a Jesús icuej'me lines'ma. Iñiya icuis'e'me, timiyi:

—¿Te ma illanc' jouc'a ninc'ifohue?

41 Timila':

—Ja'ni unc'ifohue aimitac'uim'molhuo' cajunac'. Ma mołcuayi: “Ałsinyi”, aimiłonc'enyacolhuo' lołjunac'.

10

1 'Iya' camilhuo' al linca: Cal xans notsufaiya petsi leti'ila' lam mot'ł, ja'ni ocuena lotsufaicoya, a'i pe lotsuflaicopa lam mot'ł, iłque cal xans innantsepa, inma'ahuale. 2 Notsufaicoya ma al puerta, linca ti'e'mola' cuenna lam mot'ł. Iłque ilpoujna, nohuic'iyacola'. 3 Ma ticuaiyunni nohuic'iyacola' lam mot'ł, no'epa cuenna al puerta texi'e'ma. Nohuic'iyacola' lam mot'ł titsufai'ma, tijoc'i'mola' lam mot'ł. Tijoc'i'mola' anuli anuli liłpuftine. Tipa'a'mola'. Iñe lam mot'ł tiquimf'eyi litaiqui' nohuic'iyacola', ticuec'eyi. 4 Nohuic'iyacola' tipa'atsola' limot'ł ti'huaj'me'e'mola' iñiya. Limot'ł tihuejnayi, ilimetsaijma litaiqui'. 5 Ja'ni tijoc'itsola' ocuena, lam mot'ł aimihuejyacu. Tinul'me, tipo'no'me quituca'. Aimimetsaicoyacu liłtaiqui' locuenaye xanuc'.

6 Tołta'a litaiqui' Jesús u'iyalepa. Iñe lan xanuc' aiqilłcueca, aimi'iya muhualyacu lataiqui'.

7 Jesús ipalaic'oconamola', timila':

—Iya' camilhuo' al linca: Iya' ipuerta hileti'i' lam mot'ł.

8 Ocuenaye icuai'me ai'a cacuaihuo, ijoc'im'mola' lam mot'ł. Iñiya ma innantsepá, inma'ahuale. Lam mot'ł aiqilłquimf'e liłtaiqui', aiqilłcueca locuapa. 9 Iya' linca ipuerta hileti'i' lam mot'ł. Naitsi ts'alimetsaijma iya' ipuerta hileti'i' lam mot'ł, ja'ni titsufaila' tołta'a, iłque tunłu'ma. Titsufai'ma, tipahuo, tehueta quiltejua' lam mot'ł, tixinna.

10 'Cal namas joupa ipo'nopa lipicuejma' tinantsetola', tilecotola' lam mot'ł, tima'atola', tejac'ematola'. Tołiya itsehuc'oma jilpe hileti'i' lam mot'ł. Iya' a'i. Aicuaicoco'ma cunłu'e'mola' laimot'ł, capi'i'mola' liłpitine, iłe xonca al c'a. 11 Liłpoujna lam mot'ł, iłque nohuic'iyacola', ja'ni ac'a xans ticu'ma lipitine, tunłu'etsola' limot'ł. Tołta'a lai'ejma'. Iya' ninC'a caPoujna, cunłu'e'mola' laimot'ł. 12 Cal mozo, ituca' lipicuejma'. Iłque a'i quilpoujna lam mot'ł. Lam mot'ł a'i qui'huexi. Mixim'ma icuaico'ma cal lobo tinunghua cal mozo. Tipo'no'mola' quiltuca' lam mot'ł. Cal lobo tipango'ma ti'noł'mola', tica'niyołtsi lam mot'ł. 13 Cal mozo a'i quilpoujna lam mot'ł, iñe a'i qui'huexi. Tołta'a tinuna'ma, aimixinnila' acuanuc'la.

14 'Iya' linca ilpoujna lam mot'ł. Iya' ninC'a caPoujna. Quimet-saicola' laimot'ł. Jouc'a laimot'ł limetsaijma iya'. 15 Cai'Ailli'

limetsaijma iya', jouc'a iya' quimetsaijma cai'Ailli'. Ma' anuli to ita'a iya' quimetsaicola' laimot'ł. Iya' cacu'ma laipitine, cunlu'e'mola' laimot'ł.

¹⁶ 'Timana' ocuenaye laimot'ł. İniya tiyelocoyi, aiquiltsuflaic' hileti'i' lił'as mot'ł. İniya jouc'a caleconatola', cajoc'itola', alquimf'e'ma iya' laitaiqui', alcuec'e'ma. Tijoula' ti'i'ma le'a anuli lati'i', anuli liłPoujna, ma' iya'. ¹⁷ Iya' cacu'ma laipitine cunlu'e'mola' laimot'ł, tohiya cai'Ailli' al'ay capic'a. Tijoula' alma'ata' capenufna'ma laipitine, camaf'ina'ma. ¹⁸ Ailopa'a nalilonc'e'eya laipitine. Ma caituca' cacu'moxi. Tipa'a laimane cacu'ma laipitine. Tipa'a laimane capenufna'ma laipitine. Cai'Ailli' alcuxepa ca'e'la' tołta'a.

¹⁹ Lan xanuc' judío noquimf'epá ile linespa Jesús ti-fuli'iconayi cataiqui'. Hualca etenłcoco'mola' ile linespa. Locuenaye a'i quetenłcocola'. ²⁰ Axpela' tinesyi:

—Itsufaipa conta'a. İmintse'epa lipicuejma'. ¿Te colquimf'ecopa?

²¹ Locuenaye tinesyi:

—Cal xans łitsufaiya conta'a a'i tołe mipalaiya. Łixcay conta'a aimixał'meya cal fo'.

²² İne łitiné liłya' Jerusalén ti'eyi al juic cuftine “Lipaxneconapa al cueca' xoute”. Joupa uyaipa łinu'. I'ipa axita quitine. ²³ Jesús ti'hualejma pe lopa'a al cuecaj xoute'. Ti'hua łinujnca cuftine “Łipinujnca cal rey Salomón”. ²⁴ Lan xanuc' ituf'micołai'me Jesús, timiyi:

—İma' almitsonga' naitsi ima'. ¿Te ticoł'ma xonca axpe' quitine aimalminga' naitsi ima'? Ja'ni unCristo, lu'itsonga' nulemma.

²⁵ Jesús italai'e'mola', timila':

—Joupa nu'ipolhuo'. İmanc' aicalapenufi iya' laifmipolhuo'. Cai'Ailli' lapi'ipa laimane, tołe ca'ay al cueca'. İe al cueca' laif'epa tuya'e' naitsi iya'. ²⁶ İmanc' a'i caimot'ł, tołta'a aimalapenufi ile laifnuya'apa. ²⁷ Laimot'ł alquimf'e, timetsaicoyi laitaiqui'. Iya' quimetsaicola' laimot'ł. İniya lihuequi. ²⁸ Iya' capi'ila' liłpitine aimijouya. Aimecaniyacola'. Iya' ca'e'mola' cuenna laimot'ł. Ailopa'a nalaxic'e'eyoya iya' laimane.

²⁹ 'Cai'Ailli' joupa lapi'ipa ilne laimot'ł. İłque xonca cal Cueca', ailopa'a co'onłcoya ilque. Ailopa'a naipa'ayacola' cai'Ailli' limane, aimi'iya. ³⁰ Iya' cai'Ailli' al'onłcosponga'. İłque iya' ma' anuli.

³¹ Lan xanuc' judío epef'cona'me lopic'. Tipaco'me Jesús. Tima'a'me. ³² İłque timila':

—İmanc' joupa olsimpá axpe' ai'epa al c'a, iliya lałmuc'ipa cai'Ailli'. İtsiya tołspic'eyi alma'a'ma. Lu'ila': ¿Jale lai'epa aicołpic'a?

³³ Lan xanuc' judío italai'e'me, timiyi:

—Aimałma'acoyaco' capic lof'epa al c'a. Ima' metets'ipa ŁanDios, iħe cał'e'ecoyaco'. Ima' unxans, to'onħicoyoxi ŁanDios.

³⁴ Jesús timila':

—Lołje'e pe liniliya locuxepa ŁanDios ticua: “Iya' NanDios cacua: Imanc' unc'andiosla.” ³⁵ Iħniya lan xanuc' nepen-ufpá litaiqui' ŁanDios, iħque ecui'ipola' “... unc'andiosla”. Iħe lataiqui' ma' al ĩnca. Aimi'iya mołpai'iyacu. Joupa inihjmpa. ³⁶ Iya' ma' ał'huij'f'epa ŁanDios, alummepa fa'a li'a łamats'. Iya' laifnescopoxi ja'ni cacua: “Iya' i'Hua ŁanDios”, ĩte całmicopa: “Tatets'i ŁanDios”? ³⁷ ĩnca, ja'ni aica'ay to lo'epa ŁanDios cai'Ailli', aimalapenuf'ma. ³⁸ Ja'ni ołsina' ca'ay ma to lo'epa ŁanDios, tama aimalapenufi, tonlimetsaicole laif'epa, iħe ti'onłspa to lo'epa cai'Ailli'. Tołta'a ti'i'ma cołsina' te ts'i'ic' małmana' iya' cai'Ailli'. Ałmana' anuli. Pe laifpa'a iya' małpe tipa'a cai'Ailli'; pe lopa'a cai'Ailli', małpe caifpa'a iya'.

³⁹ Iħniya noquim'epá tołta'a linespa Jesús ticuayi: “Ał'nołħe”. Ailopa'a qui'e'e'me. Iħque unłupa. ⁴⁰ I'huacona'ma locue-naj liju' al panaj Jordán. Ipanenni ma jilpiya petsi Juan lepo'iyaleyopa. ⁴¹ Axpela' lan xanuc' icuaitsa pe lopa'a Jesús. Tinesyi:

—Li'epa Juan a'ij cueca'. Ma le'a inescopa cal xans Jesús. Itsiya joupa i'ipa całsina' ma al ĩnca jahuay iħe linespa Juan.

⁴² Miłmana' jilpiya axpela' i'huaiyijm'me Jesús.

11

¹ Liłya' Betania tipa'a anuli łafcuana cuftine Lázaro. Iħque timana' lipimaye cacał'no', liłpuftine María y Marta. Iħniya iłpilya' Betania.

² ĩpima łafcuana, iħque María, tixcuaf'i'ma laceite lojuepaj c'a li'mitsi' Jesús, tetufco'ma ĩjuac.

³ Iħniya loquexi' lipimaye Lázaro umme'me cataiqui', tu'inna Jesús:

—Mał'ailli', łonłejmalepa, iħque Lázaro, textafque.

⁴ Licuej'ma Jesús lataiqui' ticua:

—Iħe licuana aimima'aya nulemma Lázaro. Lo'iya iħque timuc'i'mola' lan xanuc' te ts'i'ic' laimane, iya' i'Hua ŁanDios. Tixinħe acueca' ŁanDios.

⁵ Jesús ti'ela' capic'a juaiconapa lapimaye Marta, María jouc'a Lázaro. ⁶ Licuej'ma textafque Lázaro icoł'ma, aiqui'huac'. Jilpe pe lopa'a ipanemma oquej quitine.

⁷ Lijou'ma timila' ts'ilihuequi:

—Łepá, ałecona'me al distrito Judea.

⁸ Ts'ilihuequi timiyi:

—Momxi, lan judío nomana' jilpiya ma quite' cola' tipato' capic', tima'ato'. Itsiya, tocuá: “Ca'huacona'ma pu'hua”.

⁹ Jesús timila':

—Anuli litine tipa'a imbamaj coque' hora. Ja'ni to'huała' litine aimuc'uiyaco'. Cal 'ora tepalc'o'i'mo'. ¹⁰ Ja'ni to'huała' lipuqui', tuc'ui'mo'. Ailopa'a napalc'o'iyaco'. To'hua al muf.

¹¹ Lijou'ma timila':

—Łalejmalepa Lázaro tixmay. Ai'huapa jilpe, cummef'nata. ¹² Ts'ilihuequi timiyi:

—Mał'ailli', ja'ni tixmay, tixałconna.

¹³ Jesús linespa: “Lázaro tixmay”, tuya'e': “Joupa imapa”. Ts'ilihuequi aiquilcueca. Ticuayi: “Lázaro ma le'a tixmay”.

¹⁴ Jesús ipalaic'o'mola' al cuajmaica cataiqui', timila':

—Lázaro joupa imapa. ¹⁵ Itsiya aicacua: “Cola' pu'hua caifpa'a”. Aicaxhuełcocojma. Aixina' ilē li'ipa titoc'i'molhuo' imanc'. Xonca al'huaiyijm'ma iya'. Itsiya łepá. Ałcuaita pe lopa'a ilque.

¹⁶ Tomás łacui'ipa cal Cuatsi, timila' ilējmale:

—łepá! Ja'ni tima'antsa Jesús, illanc' jouc'a ałma'atsonga'. Ałma'monga' anuli.

¹⁷ Licuaitsi Jesús jilpe liłya' joupa ixhuaita amalpuj quítine queminni Lázaro. ¹⁸ Liłya' Betania ahuejnca Jerusalén. Laquipiculi' to afane' kilómetro. ¹⁹ Axpela' lan xanuc' judío quiyoyumma Jerusalén, icuaitsa lilejut'ł Marta y María, tilonc'e'entsola' liłpixhuejma', joupa imapa liłpima Lázaro. ²⁰ Marta icuej'ma icuaico'ma Jesús. Ipanni titalecuftsi. María ipanenni lajut'ł. ²¹ Marta timi Jesús:

—Mai'ailli', cola' topa'a fa'a, aimimaya łaipima. Joupa imanapa. ²² Tama imanapa łaipima, iya' ti'hua ca'huaiyijnhuo'. Aixina' ja'ni toxa'hue'ma ŁanDios ilque tepi'i'mo' lofxahue'eya.

²³ Jesús timi:

—Timaf'ina'ma łopima.

²⁴ Marta timi:

—Ne'. Ticuaitsi Lijoujma Quitine timaf'ina'ma. Tołta'a aixina'.

²⁵ Jesús timi:

—Ma' iya' camaf'i'ina'mola' limanapola'. Capi'ina'mola' liłpitine. Naitsi łal'huaiyijmpa tama timanła' timaf'ina'ma. ²⁶ Ilne nał'huaiyijmpa ja'ni ts'ilmaf'i' aimimayacola' nulemma. Ima', łte cofcuapa? łJa'ni canesqui al łınca?

²⁷ Marta timi:

—Mai'ailli', iya' cacua tonesqui al łınca. Aixina' ŁanDios tumme'ma li'Hua, ilque jifa'a ticuaihuo li'a łamats'. Iya' cacua: Ima' i'Hua ŁanDios, joupa ocuai'ma. Ima' unCristo.

28 Lijoupa tołta'a linespa Marta, i'hua'ma ijoc'itsi lipima María. Ipalaic'o'mołtsi caquiltuca'. Marta lipalaic'opa lipima, timi:

—Icuai'ma Łomxi. Tijoc'ihuo'.

29 Licuej'ma iłe lataiqui', María aikuicołi, itsahuenni i'hua'ma titalecułtsi Jesús. 30 Jesús ai'a titsufai'ma liłya' ipanemma małpiya pe litalecufhuo'ma Marta.

31 Jiłpe lejut'ł María timana' lan judío, icuaita tiłonc'e'e'me lipixhuejma'. Iłne ixim'me María itsahuenni. Ixim'me aikuicołi, ipanni. Ticuayi:

—I'huapa al pu'hua. Jiłpiya tijołta.

Ihuej'me.

32 María icuaitsi pe lopa'a Jesús. Exc'onłingai'ma li'mitsi', timi:

—Mai'ailli', coła' topa'a fa'a, aimi'iya tołta'a. Łaipima aimi-maya.

33 Jesús ixim'mola' tijolijyi María jouc'a lan xanuc' judío lilihuequi María, ihuotsonni juaiconapa. Ixnalif'ma acueca'.

34 Icuis'e'mola', timila':

—¿Petsi colamu'ehuo'me?

Italai'e'me, timiyi:

—Mai'ailli', łepá. Ałsinna.

35 Licuaitsa pe lamuya, Jesús ijoj'ma.

36 Lan xanuc' judío tinesyi:

—¡Tołsinte! Juaiconapa i'epa capic'a Lázaro.

37 Locuenaye ticuayi:

—Iłque ixal'me'e'ma li'u' cal fo'. ¿Te aikuixał'me Lázaro? ¿Te quipo'nocopa quimacopa?

38 Jesús icuaitsi petsi lamuya Lázaro. Ihuotsoconamma juaiconapa. Ixnalifcona'ma. Lamuya Lázaro unts'eja'. Lico cunts'eja' eti'icoya acueca' capic.

39 Jesús icuxe'e'mola' lan xanuc', timila':

—Tonliłonc'ele iłque łapic.

Marta ipima łimapa timi Jesús:

—Mai'ailli', itsiya tujuelojma. Ixhuaita amalpuj quitine quimac'.

40 Jesús timi:

—Joupa aimipo': "Ja'ni ima' ał'huaiyinge, toxim'ma acueca' ŁanDios, acueca' lo'eya".

41 Iłonc'em'me łapic.

Jesús ehuelojm'ma al toncay lema'a, timi qui'Ailli':

—Mai'Ailli', cax'najtsi'ihuo' joupa ałquimf'epa. 42 Tama aixina' itine itine ałquimf'e, aimipo': "Cax'najtsi'ihuo' joupa ałquimf'epa". Aipic'a ałcuelja' iłe laimipo' lan xanuc' nacax-huołanna fa'a. Joupa ainu'ipola': "Cai'Ailli' lummepa fa'a li'a łamats'". Itsiya aipic'a ti'ele łınca iłe lainuya'apa.

43 Lijoupa tołta'a licuapa Jesús ija'a'ma, timi:

—¡Lázaro! ¡Taipanni!

44 Limapa ipanni łunts'eja'. Limane' li'mitsi' ifiyicoya ijahua', li'a iju'ecopa apa'yu. Jesús timila' lan xanuc':

—Toluhuaiłte lijahua'. Ti'huanłta'.

45 Lan xanuc' judío łne nahuejmpá María, axpela' łniya lixim'me li'epa Jesús, tixpic'eyi tihuejle. 46 Locuenaye iye'me pe lomana' lam fariseo, u'intsola' li'epa Jesús. 47 Lixanuc' cal cuecaj ca'ailli' jouc'a lam fariseo ijoc'im'mola' lan tsilaj xanuc' łne noxpijpá lataiqui'. Efoł'łe'mołtsi, timiyolołtsi:

—¿Te cał'eyacu? łque Jesús ti'ay al cueca'. 48 Ticuicomma ałpa'nełe, ja'ni a'i jahuay lan xanuc' tihuej'me. Tijoułta' tix-tulecu lan romano, tetel'me lałcuecaj xoute', ałjou'ne'monga' illanc' ninc'ijudío.

49 Małpe lefoł'łeyopoltsi tipa'a anuli cal xans cuftine Caifás. Jłniya łtiné łque Caifás copa'a cal cuecaj ca'ailli'. łque timila' lif'as xanuc':

—Imanc' ailopa'a colłsina'. 50 Aimolołpic'eyi. Xonca al c'a luyalaico'me ja'ni timałta' le'a anuli cal xans, tołta'a tunłu'e'mola' jahuay lałxanuc'. Aimałjouyacong'a' illanc' ninc'ixanuc' judío.

51 Caifás a'i quituca' lipicuejma' tołta'a tipalay. łniya łtiné łque copa'a cal cuecaj ca'ailli', ma tuya'e' lixpicepa ŁanDios. Małque ŁanDios joupa ixpic'epa tima'anłte Jesús, tołta'a tunłu'e'mola' lixanuc' ŁanDios, jłniya nomana' jłłpiya łamats'. 52 A'i ma le'a lixanuc' ŁanDios nomana' jłłpiya łamats', tunłu'e'mola' jouc'a jahuay lixanuc', ni petsi lomana', tefoł'łena'mola' anuli. 53 Ma jłłiya litine łniya lan judío ix-pic'e'me tima'anłte Jesús.

54 Lijou'ma Jesús aimuyaicocongħua pe lomana' lan xanuc' judío. Ipanni jłłpiya al distrito Judea. Icuaitsi anuli liłya' cuftine Ęfraín. łpe liłya' tipa'a huejnca anuli łamats' petsi ailopa'a quiłya'. Jłłpe imanenca anuli, Jesús y ts'ılıhuequi.

55 Joupa icuaico'ma al juic cuftine al Pascua. Axpela' lan xanuc' ipalunca łłpifełołya', if'ajli'me al toncay, ticuaita al cuecaj quiłya' Jerusalén. Ticuaita ai'a ti'i'ma al juic. Tenant'łi'me lataiqui' loya'apa locuxepa ŁanDios. Tołta'a ła'ailli' timi'mola': "Ima' unlimpio. Ti'i'ma tote'ma łtejacu jłłpe al juic." 56 łne lan xanuc' ehue'me Jesús, ecaxhuołai'me pe lopa'a al cuecaj xoute', timiyolołtsi:

—¿Te colłcuapa? ¿Te ticuaihuc' Jesús fa'a al juic, o aimicuaiya?

57 Lixanuc' cal cuecaj ca'ailli' jouc'a lam fariseo joupa icuxepá, timinnila' lan xanuc':

—Anuli imanc' ja'ni ti'ıla' quixina' pe lopa'a Jesús, lu'itsonga'.

Ihne tehueyi te co'iyá mi'no'lyacu Jesús.

12

¹ Tehue'e' acamts'us quitine ti'íta' al juic cuftine al Pascua. Jesús ipainanni li'ya' Efraín, icuainatsi li'ya' Betania, pe lopa'a Lázaro, ihque himapa jounpa imaf'i'ina'pa Jesús. ² Jilpiya ilanc'e'e'me lítejua' tixmoco'ma Jesús. Lázaro, Jesús jouc'a lan xanuc' lijoc'impola' icutshuo'ái'me anuli. Marta ites'mi'mola'. ³ María itaic' on'ca litro laceite cuftine nardo. He laceite tujuej c'a. Ic'ef'i'ma laceite li'mitsi' Jesús, etufco'ma hjuac. Imantsi lajut'í hojuepaj c'a.

⁴ Anuli hihuequi Jesús cuftine Judas Iscariote, ihque locuya Jesús, ixtunni, ticua:

⁵ —He laceite acueca' lipitali, to mulij'ma anuli cal xans no'eya canic' afanej maxnu quitine. ¿Te aiqicuquinni tepi'inatsola' al tomí lan xanuc' pe ailopa'a quíltomí?

⁶ Judas aimixinnila' acuanuc'la ihne lan xanuc' pe aiqiu' hueca quíltomí. Ihque innaminnaipa. I'hueca al punta pe lo'nij'mimpa al tomí. Tinantse.

⁷ Jesús timila':

—To'le. Aimohuos'mi'ma. Łaca'no' jounpa ixpic'epa lo'e'eya laceite. Ticua: “Ca'huej'ma. Ai'a temim'me Jesús caxcuaf'íta' laceite.”

(Lan judío ti'huaf'iyi to'íta'a li'cuerpo lomapola'.)

⁸ Jesús ti'hua timila':

—Petsi lo'mana' aimicuaiya litine pe aimehue'eyacola' quíltomí lan xanuc'. Itine itine nipajnya to'itoc'i'mola'. Ticuaihuo litine iya' aicapajnconaya.

⁹ Axpela' lan xanuc' judío icuej'me tipa'a Jesús lejut'í María. Icuaiyunca jilpiya. Ihpic'a tixinte Jesús. Xonca ihpic'a tixinte Lázaro, ihque cal xans himaf'i'ina'pa Jesús, itsahue'enammas, ipa'apa pe lomana' limanapola'.

¹⁰ Lixanuc' cal cuecaj ca'ailli' aimixoqui quileta, ixtulencia. Ticuayi: “A'łma'ate Lázaro jouc'a”. ¹¹ Hsina' lo'epa li'as xanuc' judío. Ihniya liximpá Lázaro imaf'ina'pa ihuej'me Jesús.

¹² Li'ya' Jerusalén timana' axpela' lan xanuc' icuaita al juic. Lihuequi litine ihniya icuej'me: “Icuai'co'ma Jesús”. ¹³ Etej'me limane' xanghue, ipalunca italecuftsa Jesús. Miyeyi lane ihniya ija'a'me:

—¡Hosana! ¡Tun'ı'uatso' ŁanDios! ¡Tipaxnetso' ŁanDios ihque Łummepo'! ¡İma' jounpa ocuai'ma! ¡İma' ma'Łey, illanc' ixanuc' İsráel!

¹⁴ Jesús jounpa iximpa łaca'huaj burro, enafcai'ma. To'íta'a li'ipa ma to loya'apa al Paxi Lini'ingiya, ticua:

¹⁵ Cunc'ixanuc' lo'pi'ya' Sión: Aimixpailij'molhuo', aimo'Łsue'Łmot'he'me.

¡Totsinte! Icuai'co'ma loRey lenafcaic' li'hua cal burro.

¹⁶ He litine ts'ilihuequi Jesús aiquicueca li'ipa. Lijoupa lepenufnapa Jesús pu'hua lema'a, i'nujuaisnatsa linesma ihe liniliya. I'ipa quilsina' ihe lataiqui' tinesqui lo'iya Jesús.

¹⁷ Lan xanuc' nixinghuo'me Lázaro litine lipananni lipu'hua, i'niya uya'ahuo'me Jerusalén. ¹⁸ Lan xanuc' nicuejpá ihe al cueca' li'epa Jesús ipalunca lipi'ya' Jerusalén, italecufhuo'me Jesús. ¹⁹ Lam fariseo ipalaic'o'mo'tsi, timiyot'si:

—¡Totsinte! ¿Te cal'eyacu? Jahuay lan xanuc' tihuejnayi Jesús.

²⁰ Timana' hualca lan xanuc' griego jilpiya li'ya' Jerusalén. I'niya jouc'a icula'apá tixinna quiljuic, texc'onhingo'aita LanDios.

²¹ I'niya icuaita pe lopa'a Felipe. Felipe lipi'ya' Betsaida lopa'a al distrito Galilea. Timiyi:

—Ma'pima, a'pic'a a'sinte Jesús.

²² Felipe i'hua'ma u'itsi Andrés. I'ne loquexi' iye'me u'itsa Jesús. ²³ Jesús timila':

—Iya' i'que cal Xans Liximpa cal profeta pu'hua lema'a. Joupa icuai'ma lai'hora. A'sim'ma naitsi iya'.

²⁴ 'Iya' camilhuo' al linca: Anulij laj fanu' trigo ja'ni aimifanni, ja'ni aimemunni lamats', i'que tipanehuo quituca'. Aimi'asya. Ja'ni tifante, ja'ni temunte lamats' i'que ti'as'ma, ticuef'ma axpe'. ²⁵ Cal xans noximpoxi cuanuc' lipitine, i'que tejac'ma lipitine. Petsi aimixinyoxi cuanuc' lipitine, petsi aimixhuef'mecoyoxi te coyaicoya fa'a li'a lamats', i'que linca tulijna'ma lipitine aimijouya. ²⁶ Nai ts'ipic'a ti'ela' laipenic', lihuejla'. Pe laifpa'a iya' jilpiya jouc'a tipajnta i'que la'oc'ipa, a'majnta anuli. Naitsi no'epa laipenic', cai'Ailli' timet-saiconama.

²⁷ Itsiya caxhuef'ma juaiconapa. ¿Te caifmiya cai'Ailli'? ¿Te cami'ma: “Mai'Ailli', joupa icuai'ma lai'hora, lun'u'ela'. To'ta'a aicate'coya”? A'i. Aimi'iya camiya to'ta'a. Iya' aicuaicoco'ma fa'a li'a lamats' cate'co'ma.

²⁸ Jesús ti'hua tipalay, tipalaic'o' qui'Ailli', timi:

—Mai'Ailli', caxahue'ehuo' tomuc'itsola' lan xanuc' ima' linca unCuecaj CanDios.

Lan xanuc' icuej'me tipalaiyinni jipu'hua lema'a, timi Jesús:

—Iya' joupa aimuc'ipola' lan xanuc' iya' ninCuecaj CanDios. Ma to'ta'a camuc'icona'mola'.

²⁹ Lan xanuc' nacaxhuo'anna jilpiya iquimf'e'me. I'ne ticuayi:

—Una'apa.

Locuena'ye ticuayi:

—A'i cuna'e'. Anuli lapaluc quema'a ipalaic'opa Jesús.

³⁰ Jesús timila':

—Joupa aixina' iŕe lataiqui' laŕmipa. Iŕque nipalaipa ipic'a imanc' jouc'a toŕquimf'eŕe, tolapenufle. ³¹ Itsiya LanDios tipango'ma timuc'i'molhuo' te ts'i'ic' loŕpicuejma' imanc' noŕmana' fa'a li'a lamats'. Timuc'i'molhuo' petŕi al c'a, petŕi a'ijc'a. Itsiya tuliquinam'me nocuxepola' lan xanuc', iŕniya pe aimihuejyi LanDios. LanDios teca'nita. ³² Aŕ'nof'e'ma jifa'a li'a lamats'. Tijouŕa' lapi'i'ma laimane, cajoc'i'mola' lan xanuc' ni petŕi lomana', aŕcuc'e'ma.

³³ Locuapa Jesús: “Aŕ'nof'e'ma”, iŕe linespa timuc'ila' lan xanuc' te ts'i'ic' mimaya.

³⁴ Lan xanuc' timiyi:

—Laŕje'e linihiya locuxepa LanDios tuya'e': “Cal Cristo tipajm'ma, aimimaya”. Ja'ni cal Cristo aimimaya, ¿naitsi iŕque cal Xans Liximpa cal profeta pu'hua lema'a? Ima' tocuá: Ti'nof'em'me.

³⁵ Jesús timila':

—Fa'a tipa'a laŕalc'o'ipolhuo'. Iŕque aimicoŕya fa'a li'a lamats'. Ma mipa'a leŕalc'o' tonlihuejle iŕque. Ticuaitsi lipuqui' timufaj'molhuo'. Naitsi no'huapa al muŕ aimixina pe cot-seya. ³⁶ Mipa'a iŕque Leŕalc'o' tolapenufle Leŕalc'o'. Toŕta'a ti'onŕcotoŕhuo' to Leŕalc'o'. Jouc'a tonlaŕalc'o'i'mola' loŕ'as xanuc'.

Lijoupa limipola' toŕta'a Jesús aiquipalaic'oconala' iŕniya. I'hua'ma petŕi lan xanuc' aimixingonayacu.

³⁷ Tama axpe' ixim'me Jesús lo'epa al cueca', iŕniya lan xanuc' aimepenufyi. Ticuayi: “A'ij linca lonespa”. ³⁸ Toŕta'a enanŕcopa iŕe lataiqui' linespa cal profeta Isaías, tuya'e':

Mai'Ailli', ailopa'a nalapenuŕfponga' illanc' laŕtaiqui'.

Ailopa'a nonesya: Iya' linca aiximpa al cueca' lo'epa LanDios.

³⁹⁻⁴⁰ Isaías inescopola' iŕne lan xanuc' pe aimepenufyi Jesús. Ticua iŕniya aimi'iya mi'huaiyijnyacu, tuya'e':

I'e'empola' afohue, i'e'empola' ata liŕpicuejma'.

Toŕta'a tama tipa'a liŕ'u' aimixinyacu,

tama tipa'a liŕpicuejma' aimicuec'eyacu, aimipailiyacu, aimix-huej'meyacu.

Toŕta'a aimi'iya caxal'meyacola'.

⁴¹ Toŕta'a linespa Isaías mixina Jesús jiŕpe lema'a, ai'a ticuaihuo li'a lamats'. Iximpa te ts'i'ic' iŕque lixans. Lijou'ma ipalaico'ma.

⁴² Tama al linca iŕe licuapa Isaías timana' lan xanuc' i'huaiyijm'me Jesús, hualca iŕniya iŕpenic'. Iŕne i'e'moŕtsi ch'ix. Tixpaic'eyi lo'eyacu lam fariseo. Iŕniya ticuayi: “Ja'ni lan xanuc' tepenufle Jesús litaiqui' aimalapi'iconayacola' lane mitsuŕflaiconayacu lajut'ŕ pe lalafot'ŕeyopoŕtsi”. ⁴³ Lan xanuc'

no'epołtsi ch'ix xonca iłpic'a tepenufintsola', iłpic'a tixin-
intsola' lan c'a xanuc'. Aimehueyi ŁanDios latentłcocopa. Tołta'a
aimuya'ayi ja'ni ti'huaiyijnyi Jesús.

⁴⁴ Jesús uya'a'ma, timila':

—Cal xans łalapenufpa iya', lapenufinga' illanc', iya' jouc'a
iłque Łalummepa, a'i iya' caituca'. ⁴⁵ Iłque łalahuelojmpa iya', iłque
lahuelonginga' illanc', iya' jouc'a Łalummepa.

⁴⁶ 'Iya' aicuaicoco'ma li'a łamats' capalc'o'i'mola' lan xanuc'.
Cua naitsi łalapenufpa iłque aimipaneya muf lipicuejma'. ⁴⁷ Cal
xans ja'ni aimalihuejma, ja'ni ma le'a ałquimf'e iya' laitaiqui',
iya' aicacani'e iłque cal xans. Iya' a'i cacani'eyacola' lan xanuc'
nomana' fa'a li'a łamats'. A'i hiya caicuaicoco'ma. Aicuaic-
oco'ma cunłu'e'mola'.

⁴⁸ 'Cal xans ja'ni aimalapenufi iya' laitaiqui', latets'ipa,
tipa'a lacani'eya. Ticuaitsi Lijoujma Quitine iłe laitaiqui'
lainespa, ma iłe lataiqui' tecani'e'ma iłque. ⁴⁹ He laitaiqui'
aiquipayoya laipicuejma' iya' caituca'. Cai'Ailli', iłque
Łalummepa, małquiya ałsc'ai'ipa laifpalaicoya. ⁵⁰ Iya' jounpa
nimetsaicopa ac'a iłe lataiqui' lałsc'ai'ipa cai'Ailli'. He laitaiqui'
lapi'ipa cu'itsola' lan xanuc'. Aixina' ja'ni lapenufla' iya'
laitaiqui', iłne lan xanuc' tulij'me liłpitine aimijouya. Ma
lałmipa cai'Ailli', tołta'a calpalaic'ocola' lan xanuc'.

13

¹ Icuai'co'ma al juic cuftine al Pascua. Jesús jounpa ixina'
icuai'ma li'hora. Tipanno fa'a li'a łamats', ti'huana'ma, tic-
uainata pe lopa'a qui'Ailli'. Jesús ti'ela' capic'a ts'ilihuequi
iłniya nomana' li'a łamats'. Itsiya timuc'i'mola' juaiconapa
lo'epola' capic'a.

² Judas li'hua Simón Iscariote, Satanás jounpa icuxe'epa te
ts'i'ic' lo'eya. Ticu'ma Jesús.

Jesús y ts'ilihuequi tixmocoyi anuli. ³ Ixina' qui'Ailli'
epi'ipa limane ticuxe'ma jahuay. Ixina' qui'huayomma pe
lopa'a ŁanDios. Ixina' ti'huana'ma, ticuainata małpe pe lopa'a
ŁanDios.

⁴ Mixmocoyi ts'ilihuequi, Jesús itsahuenni, ipa'a'ma
litsamalo, ipo'no'ma jıłpe liju', ixpejm'moxi al toalla.

⁵ Uhuaf'ma al cutse caja'. Ipango'ma epac'e'e'mola' lił'mitsi'
ts'ilihuequi, tetufc'e'ecola' al toalla. ⁶ Ti'hua tepac'e'ela'
lił'mitsi' ts'ilihuequi, icuaitsi pe locutsuya Simón Pedro. Pedro
timi Jesús:

—Mai'ailli', ima' a'i malapac'e'e'ma lai'mitsi'.

⁷ Jesús timi:

—Itsiya ima' aicocueca laif'epa. Ticuaihuo litine
tocuec'ena'ma.

⁸ Pedro timi:

—¡Ima' aimi'iya malapac'e'eya lai'mitsi'! Aicapi'iyaco' lane. Jesús italai'e'ma, timi:

—Ja'ni aicapac'e'ehuo' lo'mitsi', aimi'iya małmajnyacu anuli.

⁹ Simón Pedro timi:

—Ne'. Mai'ailli', lapac'e'eła' lai'mitsi', lulahuiła' laimane', ałjuitsai'ila' laijuac.

¹⁰ Jesús timi:

—Ma le'a capac'e'e'mo' lo'mitsi'. Cal xans joupa łepopa, ilque alimpio. Ma le'a li'mitsi' tixisma. Imanc' lalihuequi unc'ilimpio. Tama tołta'a laifmipolhuo', a'ij limpio jahuay imanc'.

¹¹ Jesús joupa ixina' naitsi łocuya. Tołta'a ticua: “A'ij limpio jahuay imanc’”.

¹² Lijoupa lepac'e'epola' lił'mitsi' ts'ilihuequi, ipo'nocona'ma litsamalo, icutsaiconama. Timila' ts'ilihuequi:

—¿Te ołcuc'epá ilē lai'e'epolhuo'? ¹³ Imanc' ałmi “Momxi”, “Mapoujna”; ma' al linca ilta'a lołnespa. Iya' Nomxi, iya' naPoujna. ¹⁴ Iya' Nomxi, naPoujna, joupa nepac'e'epolhuo' loł'mitsi', imanc' ts'alihuequi. Itsiya camilhuo': Imanc' tolapac'e'e'mołtsi loł'mitsi'.

¹⁵ 'Iya' aimuc'ipolhuo' lonł'eyacu. To iya' lai'epa, imanc' jouc'a tonł'e'me. ¹⁶ Iya' camilhuo' al linca: Łotoc'iyalepa aimi'iya mulijya łipoujna. Ilque linca xonca acueca'. Ma' anuli łommempa aimi'iya mulijya łommeyalepa, ilque xonca acueca', łocuena ma le'a apaluc. ¹⁷ Ja'ni imanc' joupa ołcueca iliya, ma tolihuejle. Tołta'a tuluyalaico'me al c'a.

¹⁸ 'A'i capalaicolhuo' tołta'a jahuay imanc'. Nimetsaicolhuo', aixina' naiłne lai'huij'epola'. Jouc'a aixina' tenanłco'ma al Paxi Linilngiya. Ilē lataiqui' tuya'e': “Petsi łatetsumlepa, małque łaltepa łala'i anuli, ilque al'epa laic’”.

¹⁹ 'Itsiya cu'ilhuo' laifnuyaicoya. Ticuaitsi litine ti'ila' tołta'a toł'nujuais'me laifmipolhuo'. Tołcua'me: “Al linca linespa Jesús. Ma to linescopoxi ma tołta'a ilque.” ²⁰ Iya' camilhuo' al linca: Cal xans napenufpa laifnummepa, lapenufinga' iya' jouc'a ilque. Cal xans łalapenufpa, lapenufinga' iya' jouc'a Łalummepa.

²¹ Lijoupa licuapa ilne łataiquí Jesús ixhuełconanni juaconapa. Timila' ts'ilihuequi:

—Iya' camilhuo' al linca: Anuli imanc' ałcu'ma.

²² Ts'ilihuequi ixhuełconca. Ehuelojm'mołtsi, ticuayi liłpicuejma': “¿Naitsi copalaicopa Jesús? ¿Naitsi lo'eya tołta'a?”

²³ Małpe liju' Jesús ticutsu anuli ts'ihuequi. Jesús ti'ay capic'a juaconapa ilque ts'ihuequi. ²⁴ Simón Pedro tife'ne lijuac, i'e'ma seña ilque ts'ihuequi Jesús. Icuxe'e'ma ticuis'eła' Jesús: “¿Naitsi ilque łocuyaco'?” ²⁵ Ilque ts'ihuequi iloc'huai'ma xonca ahuejnca Jesús, icuis'e'ma, timi:

—Mai'ailli', ¿naitsi itque lo'e'eyaco' tołta'a?

²⁶ Jesús italai'e'ma, timi:

—Cajac'e'ma itca'a lahualca ca'i, capi'i'ma anuli łatejmale titela'. Itque linca łalcuya.

Jesús ijac'e'ma łe'i, epi'i'ma Judas Iscariote łi'hua cal xans cuftine Simón. ²⁷ Ma miteja ła'i łonta'a titsufay itque cal xans. Jesús timi:

—Ima' oxina' lof'eya. Aimicoł'mo'. Tołe to'ełta'.

²⁸ Locuenaye ts'ilihuequi Jesús nocutshuołanna jilpiya aikułsina' te quimicopa Jesús tołta'a Judas. ²⁹ Judas hitaic' al ponta pe lo'nij'mimpa al tomí. Oquexi' afantsi ticuayi: “¿Ja'ni tipa'a lalahue'eponga' al juic? ¿Te Jesús ummepa ti'nata? O ¿ja'ni ummepa tepi'itola' quiktomí lan xanuc' pe aikuil'hueca?”

³⁰ Lijoupa litepa ła'i Judas aikuicołi, ipanni. Joupa i'ipa quipuqui'.

³¹ Lijoupa lipanni Judas, Jesús ipalaic'o'mola' ts'ilihuequi, timila':

—Itsiya joupa i'ipa, aimehue'e'. Iya' itque cal Xans Łiximpa cal profeta pu'hua lema'a. ŁanDios timuqui naitsi iya'. Tołta'a iya' jouc'a camuqui te ts'i'ic' lipicuejma' ŁanDios. ³² Ma camuqui te ts'i'ic' lipicuejma' ŁanDios, itque xonca timuj'ma naitsi iya'. Aimicołya. Timuj'ma nulemma naitsi iya'.

³³ 'Cunc'ainaxque', aimalcołya jifa'a pe lołmana'. Ca'huana'ma. Lahue'ma imanc'. Joupa aimipola' lan xanuc' judío: “Iya' ca'hua'ma caituca'. Aimi'iya małeyacu anuli.” Ma tołta'a camilhuo' imanc'. ³⁴ Itsiya cacuxe'elhuo' lonł'eyacu. He al ts'e cataiqui'. Cacuxe'elhuo': Tonł'e'etsoltsi capic'a. Ma to iya' ca'elhuo' capic'a, tołe imanc' tonł'e'etsoltsi capic'a. ³⁵ Ja'ni tonł'e'etsoltsi capic'a, jahuay lan xanuc' timetsaico'molhuo' imanc' alihuequi.

³⁶ Simón Pedro timi:

—Mai'ailli', ¿pe coftseya?

Jesús italai'e'ma, timi:

—Iya' ca'hua'ma laipene. Itsiya aimi'iya małeyacu anuli. Tijouła' ima' to'hua'ma lopene ti'onłcota to laipene. Tołta'a linca lihuej'ma.

³⁷ Pedro timi:

—Mai'ailli', ja'ni aimi'iya małeyacu anuli itsiya, ¿te co'iyaco'? Tama ałma'ala' iya' cacu'ma laipitine cunł'eco'mo'.

³⁸ Jesús timi:

—¿Te ałinca tocu'ma lopitine lunł'eco'ma? Iya camihuo' al linca: Itta'a lipuqui' ai'a tija'a'ma łangiti, ima' tones'ma afanemma: “Iya' aicainimetsajma Jesús”.

14

¹ Jesús ti'hua tipalaic'ola' ts'ilihuequi, timila':

—Itsiya tołsuełcoyi. Iya' camilhuo': Aimołsuełmot'le'me. Imanc' toł'huaiyijnyi ŁanDios. Jouc'a iya' al'huaiyijnla'. ² Cai'Ailli' acueca' lejut'i. Tipa'a axpela' lejut'li petsi lomanc'eyacu laix-anuc'. Ma' al linca ile laifnespa. Ja'ni a'i coła' aicu'iyacolhuo' tołta'a. Iya' ca'huana'ma calanc'e'etolhuo' cołmanc'eyacu. Ałmajnta anuli. ³ Tijouła' calanc'etsi lołmanc'eyacu capaiconno. Calaitsufconatolhuo'. Ałmajnta anuli. ⁴ Imanc' joupa ołsina' pe laiftseya, joupa ołsina' lane.

⁵ Tomás timi:

—Mai'ailli', aicałsina' pe coftseya. ¿Te co'iya małsinyacu ile lane?

⁶ Jesús timi:

—Cal xans ts'ipic'a ticuaitsi pe lopa'a cai'Ailli' ŁanDios ticuicomma tixinła' lipene lo'huaya. Jouc'a ticuicomma tixinła' al linca cataiqui'. Jouc'a ticuicomma tepi'inle lipitine aimijouya. Imanc' ja'ni joupa lapenufpa, joupa ołsimpá lane, tolihuejyi al linca, tipa'a lołpitine aimijouya. Cal xans pe aimalapenufi itque aimicuaiya pe lopa'a cai'Ailli'.

⁷ Imanc', ja'ni joupa alimetsaicopa, limetsaiconga' illanc', iya' y cai'Ailli'. Itsiya itque cai'Ailli' tolimetsaicoyi, joupa ołsimpá.

⁸ Felipe timi:

—Mai'ailli', ałmuc'itsonga' ŁanDios, itque co'Ailli'. Tijouła' aimահահue'eyaco' xonca.

⁹ Jesús timi:

—Axpe' mut'ła i'ipa małmana' anuli. ¿Te aicalimetsaijma? Naitsi łalahuelojmpa iya', itque joupa lahuelojmponga' illanc', iya' y cai'Ailli'. ¿Te całmicopa: "Ałmuc'itsonga' co'Ailli'"? ¹⁰ ¿Te ima' aicomepenufi ile lainespa? Joupa nuya'apa: Pe lopa'a cai'Ailli' małpe capa'a iya'. Pe laifpa'a iya' małpe tipa'a cai'Ailli'. Ma' ałmana' anuli.

'Laifnu'ipolhuo' iya' aici'huayoya laipicuejma' iya' caituca'. Imanc' ałsimpa lai'epa acueca'. Małpe tołsinyi lo'epa cai'Ailli', illanc' ałmana' anuli. ¹¹ Tonf'ete linca laifnespa: Pe lopa'a cai'Ailli' małpe capa'a iya'. Pe laifpa'a iya' małpe tipa'a cai'Ailli'. Ma' ałmana' anuli. O ja'ni aimi'iya monf'eyacu linca ile laifnespa, toł'nujuaitsa lai'epa acueca'. Ite timuc'ilhuo' ałnca laifnespa.

¹² 'Iya' camilhuo' al linca. Cal xans łalapenufpa ti'e'ma to laif'epa. Iya' ca'hua'ma pe lopa'a cai'Ailli'. Tijouła' ca'huanła' xonca acueca' ti'e'ma itque łalapenufpa. ¹³ Imanc' ja'ni tołsinyi naitsi iya', ja'ni limetsaijma, nipajnya tołsa'hue'me ŁanDios cai'Ailli' titoc'itsolhuo'. Tijouła' ca'e'ma to lołsahue'epa, catoc'i'molhuo'. Tołta'a iya' i'Hua ŁanDios camuc'i'mola' lan xanuc' te ts'i'ic' lipicuejma' ŁanDios. ¹⁴ Camilhuo': Ja'ni i'ipa

cołsina' naitsi iya', ja'ni limetsaijma, tołsa'huefe. Tijouła' iya' ca'e'ma małe to lołsahue'epa.

15 'Imanc', ja'ni ał'ay capic'a tolanant'hi'me laitaiqui', ton'e'me laifcuxe'epolhuo'. 16 Caxahue'e'ma cai'Ailli' tepi'itsolhuo' ocuena Łotoc'iyacolhuo'. Iłque ticuaihuo pe lołmana', tołmajm'me anuli. Aimipo'noyacolhuo' cołtuca'. 17 Iłque cal Espíritu tuya'a'ma al linca. Lan xanuc' nomana' fa'a li'a łamats' aimehuelojnyi iłque, aiqulimetsaijma. Tołta'a aimi'iya mepenufyacu. Imanc' linca olimetsaijma. Itsiya tipa'a pe lołmana'. Ticuaihuo litine titsufai'molhuo' iłque.

18 'Iya' aicapo'noyacolhuo' quecaniya. Capaiconno, cacuaiconno pe lołmana'. 19 Aimałcołya fa'a. Lan xanuc' nomana' fa'a, ilne naihuejpa quiltuca' liłpicuejma', ilniya aimalsingonaya. Imanc' linca ti'hua alsinna. Iya' tipa'a laipitine aimijouya. Imanc' jouc'a tołsim'me lołpitine aimijouya.

20 "Ticuaitsi ilne litine ti'i'ma cołsina' iya' y cai'Ailli' ałmana' anuli. Ti'i'ma cołsina' imanc' y iya' ałmana' anuli, iya' y imanc' ałmana' anuli. 21 Cal xans napenufpa laitaiqui' ilne laifcuxepa, iłque łalihuequi, linca ał'ay capic'a. Iłque cal xans łal'epa capic'a cai'Ailli' ti'e'ma capic'a. Iya' jouc'a ca'e'ma capic'a, camuc'i'ma naitsi iya'.

22 Judas, iłque łocuena Judas, a'i Judas Iscariote, timi Jesús:

—Mai'ailli', ¿te całmuc'icoyacongá ma le'a illanc'? Aimo-muc'iyacola' naitsi ima' locuenaye lan xanuc' nomana' li'a łamats'. ¿Te co'iya?

23 Jesús italai'e'ma, timi:

—Naitsi łal'epa capic'a, iłque naihuejcopa laitaiqui', cai'Ailli' ti'ena'ma capic'a jouc'a. Ałcuainacu pe lopa'a. Ałmajn-na'me anuli. 24 Naitsi aimał'ay capic'a, iłque aimihuequi laitaiqui'. Iłne ałtaiqui' illanc', iya' y cai'Ailli', iłque Łalummepa.

25 'Ma małmana' anuli fa'a li'a łamats' iya' cu'ilhuo' laitaiqui'.

26 Tijouła' ticuaiyunni Notoc'iyacolhuo', iłque cal Espíritu Santo, iłque timuc'i'molhuo' jahuay. Ti'nujuaitsi'ina'molhuo' laifnipolhuo'. Iya' joupa aixahue'epa cai'Ailli' tummeła'. Iłque tumme'e'molhuo'.

27 "Tolunxac'e'etsołtsi łolunxajma', ailopa'a tintsí. Tołta'a laitaiqui' laifpaxnepolhuo', laifnepi'ipolhuo'. Linca jifa'a li'a łamats' lan xanuc' naihuejpa quiltuca' liłpicuejma' ilne jouc'a timi'molhuo': "Ailopa'a tintsí". Ilne liłtaiqui' aimi'onłspa iya' laitaiqui' laifnu'ipolhuo' itsiya. 28 Joupa ołcuejpa laimipolhuo'. Joupa nu'ipolhuo': "Ca'huana'ma. Tijouła' ca'huana' capaconno, cacuaicoconno." Ja'ni ał'ay capic'a ti'i'ma lołpixojma cata. Ca'huana'ma pe lopa'a cai'Ailli'. Iłque cai'Ailli' xonca acueca'. 29 Itsiya nu'ipolhuo' lo'iya. Tijouła' ti'ila' tołta'a

to'l nujuaista ihiya laimipolhuo', toñnes'me: "Linespa Jesús ma' al linca".

³⁰ 'Itsiya huata capalaic'o'molhuo'. Ticuaihuo iñque nocuxepola' lan xanuc' nomana' fa'a li'a lamats', iñne naihuejpa' quituca' liñpicuejma'. Iñque aimacuxe iya'. ³¹ Ma to laçuxe'epa cai'Ailli' ma toña'a ca'ay, ca'e'ma. Ti'iña' quilsina' lan xanuc' iya' ca'ay capic'a cai'Ailli'.

'Toñtsolina. ¡Lepá!

15

¹ 'Iya' al'onñcospa to lujxi al 'ec 'uva. Iñe al 'ec tipa'a limané. Iya' añinca capa'a iñe lujxi al 'ec. Cai'Ailli' ña'eponga' cuenna, iya' jouc'a ñaimané. ² Iñe ñaimané, ja'ni anuli ailopa'a qui'as, cai'Ailli' tetejna'ma. Pe lo'aspa ti'huij'ma. Toña'a ti'iña' limpio. Ti'asla' xonca. ³ Itsiya joupá olapenufpá laitaiqui', iñe lainu'ipolhuo'. Toña'a LanDios iximpolhuo' unc'ilimpio. ⁴ Aimolanaj'moñtsi iya'. Iya' jouc'a aicanajyacoxi imanc'. Anuli limane al 'ec ja'ni tenajxoxi petsi hiñujxi c'ec, iñe limane tipanehuo' quituca', aimi'asya. Toña'a imanc' ja'ni tolanajtsoñtsi, ti'onñcotoñhuo' to limane al 'ec pe lipanemma quituca', aimi'asyacolhuo'. Ticuicomma mañmajm'me anuli. Ja'ni a'i ailopa'a conñ'eyacu al c'a.

⁵ 'Iya' Nujxi C'ec. Imanc' aimané. Ja'ni aimolanajyoñtsi iya' jouc'a aicanajyacoxi, mañmajm'me anuli. Toña'a ti'onñcotoñhuo' to limané al 'ec no'aspa juaiconapa. ⁶ Ja'ni tolanajtsoñtsi imanc' ti'onñcotoñhuo' to limané al 'ec leca'nimpa aculi'. Ti-juñ'mola'. Tijouña' tijuñtsola' tefot'ña'me jouc'a liñ'as quiñuñpa, tihuoxc'ona'me lonajpa ñunga, tipi'em'me. ⁷ Ja'ni aimolanajyacoxi, ja'ni aimolimenc'ecoyi laitaiqui', niñajnya toña'hue'me, tepi'im'molhuo' iñe loñsahue'epa. ⁸ Ja'ni ti'onñcospolhuo' to limané al 'ec no'aspa juaiconapa, anuli anuli ti'atsi, imanc' ñinca alihuequi. Toña'a lan xanuc' tixim'me acueca' cai'Ailli'.

⁹ 'Ma to cai'Ailli' añ'ay capic'a, toña'a iya' ca'elhuo' capic'a. Aimolanaj'moñtsi. Mañmajm'me anuli, toña'a ti'hua ca'elhuo' capic'a. ¹⁰ Imanc' ja'ni toñihuejcoyi lañcuxe'epolhuo', itine itine toñsim'me ca'elhuo' capic'a. Toña'a iya' lai'ejma'. Iya' quiñuejma lañcuxe'epa cai'Ailli', itine itine aixina' añ'ay capic'a iñque.

¹¹ 'Tolapenufle laitaiqui' lañnu'ipolhuo'. Toña'a ti'i'ma acueca' loñpixonma cata. Ma to iya' tixoxi neta, toña'a imanc' tixoj'ma cunlata. Aimi'iya moñsueñmot'ñeyacu. ¹² Itsiya cacuxe'elhuo' lonñ'eyacu. Camilhuo': Tonñ'etsotñtsi capic'a. Ma to iya' ca'elhuo' capic'a, toñe imanc' tonñ'etsotñtsi capic'a. ¹³ Cal xans, ja'ni acueca' ti'ela' capic'a nonanc'opoñtsi ticu'ma lipitine tunñu'e'mola' iñniya. Ailopa'a xonca acueca' co'eya. ¹⁴ Imanc' añnanc'oyoñtsi ja'ni tonñ'eyi lañcuxe'epolhuo'.

15 'Itsiya capalaic'olhuo' a'i lopalaic'onnyacola' lam mozó. Cal mozo aiqixina' lo'eya hipoujna. Itque hipoujna aimu'iya. Illanc' ałejmaleyi. Camilhuo': Iya' ałnanc'oyotsti. Ailopa'a cainemi'epolhuo'. Jahuay lalupa cai'Ailli' joupa nu'ipolhuo' imanc'. 16 Iya' ai'huijf'epolhuo'. Imanc' a'i ca'huijf'e iya'. Camilhuo': Nimetsaicopolhuo' aixanuc'. Caxpic'e tonfele. To al c'a c'ec tipammaispa tołta'a tipammaitolhuo' imanc'. He al c'a lonf'eyacu tipanehuo. Imanc' aixanuc'. Limetsaijma naitsi iya'. Tołta'a cai'Ailli' tepi'i'molhuo' lołsahue'eyacu. 17 Tonf'etsołtsi capic'a. Tołta'a laifcuxe'epolhuo' imanc'.

18 'Lan xanuc' naihuejpa' quiltuca' liłpicuejma', ja'ni ti'elhuo' laic', ał'nujuaisla' iya' lał'epa. Ate'a ał'epa laic' iya'. 19 Imanc' ja'ni coła' tolihuejyi cołtuca' lołpicuejma' iłniya lan xanuc' ti'e'molhuo' capic'a. Timi'molhuo': "Ninc'apimaye". Imanc' aimolihuejyi cołtuca' lołpicuejma'. Iya' ai'huijf'epolhuo'. Tołta'a ocuena loł'ejma'. Tołiya iłniya ti'e'molhuo' laic'.

20 'Ał'nujuaisla' iya' laitaiqui'. Joupa aimipolhuo': "Notoc'iyalepa aimi'iya mulijya hipoujna. Itque hipoujna linca xonca acueca'." Ma to li'e'empa hipoujna, tołta'a lo'e'enyacu cal mozo. Iya' joupa lihuetsoquimpa jouc'a tihuetsuquim'molhuo'. Iłniya ja'ni coła' ihuej'me laitaiqui', jouc'a tihuej'me lołtaiqui'. 21 Imanc' aixanuc', tołta'a iłne lan xanuc' ti'e'molhuo' laic', tihuetsuquim'molhuo'. Iłniya aiqulimetsaijma itque Lalummepa.

22 'Iya' ja'ni coła' aicaicuaiyunni fa'a li'a łamats', ja'ni coła' aicaipalaic'o'mola', iłniya ti'i'ma tines'me: "Ailopa'a całjunac'". Iya' aicuai'ma, aipalaic'o'mola'. Itsiya aimi'iya minesyacu: "Ailopa'a całjunac'". Iłne ailopa'a cotalai'ecoyacu. 23 Itque łalixtuc'opa jouc'a tixtuc'o cai'Ailli'. 24 Iya' pe lomana' lan xanuc' joupa ai'epa acueca'. Ailopa'a no'eya to iłta'a lai'epa iya'. Ja'ni coła' aicai'aic' tołta'a iłniya ti'i'ma tines'me: "Ailopa'a całjunac'". Itsiya aimi'iya minesyacu tołta'a. Joupa ałsimpa acueca' lai'epa. Joupa ał'eponga' laic', iya' y cai'Ailli'.

25 'He lał'e'epa ma tenant'hi al Paxi Linilingiya loya'apa: "Tama ailopa'a caif'e'epola' iłniya ał'epa laic'".

26 'Pe lopa'a cai'Ailli' jilpe tipa'a Notoc'iyacolhuo', itque cal Espíritu Santo nonespa al linca. Itque co'huayoya ma le'a ŁanDios. Iya' cumme'e'molhuo' pe lołmana'. Ticuaiyunni fa'a li'a łamats' itque ałnesco'ma iya'. 27 Imanc' jouc'a ałnesco'ma. Lipangopa laipenic' fa'a li'a łamats' ałejmalepa, iya' y imanc'. Imanc' ałsimpa acueca' lai'epa, limetsaicopa laipicuejma'. Tołta'a ałnesco'ma, tolu'i'mola' lan xanuc'.

16

1 'Joupa nu'ipolhuo' te ts'i'ic' moluyalaicoyacu.

Tolapenufle iŧe laimipolhuo'. Toŧta'a aimolanajyacotŧsi.
 2 Itsiya camiconamolhuo' te ts'i'ic' moluyalaicoyacu:
 Tipa'am'molhuo' lajut'li pe lafot'leyopotŧsi. Ticuaihuo litine
 iŧniya noma'ayacolhuo' tines'me: "Joupa aimapa iŧque
 lihuejpa Jesúŧ. Iŧe lai'epa etenŧcocopa LanDios." 3 Iŧniya pe
 noma'ayacolhuo' aicalimetsaiconga' iya' ni cai'Ailli'. 4 Toŧta'a
 laifnu'ipolhuo'. Ticuaitsi litine toŧtelcoŧe to'nujuaisnata
 laimipolhuo'. Ma maŧmana' anuli aicainu'ilhuo' toŧta'a. 5 Itsiya
 ai'huanapa, cacuainata pe lopa'a iŧque Lalummepa. Imanc'
 aimalicuis'e: "¿Pe coŧtseya?" Nij anuli nalicuis'epa toŧta'a.

6 'Iŧe laimipolhuo' epi'ipolhuo' acueca' quixhujma'. 7 Iya'
 camilhuo' al linca: Ticuicomma ca'huanama. Ja'ni a'i, No-
 toc'iyacolhuo' aimicuaiya pe loŧmana'. Ja'ni ca'huanŧa' linca
 ticuaihuo. Iya' cumme'etolhuo' pe loŧmana'. Toŧta'a xonca al
 c'a loluyalaicoyacu.

8 'Iŧque cal Espíritu Santo ticuaiyunni li'a lamats' timuj'ma
 ailopa'a cotalai'e'ecoyacu LanDios iŧne lan xanuc' naihuejpa
 quituca' liŧpicuejma'. Timuj'ma te ts'i'ic' lajunac', timuj'ma te
 ts'i'ic' al c'a, timuj'ma alinca LanDios titeŧ'mi'mola' iŧne ts'iŧtaic'
 quijunac'.

9 'Iŧne aical'huaiyinge, toŧta'a cal Espíritu Santo timuj'ma
 iŧtaic' liŧjunac'. 10 Iya' ca'huanama pe lopa'a cai'Ailli', imanc'
 aimalahuelojnconaya aicapajnconaya fa'a li'a lamats',
 cai'Ailli' lapenufnata pu'huanni. Toŧta'a cal Espíritu Santo
 timuj'ma ac'a lai'epa iya'.

11 'Ticuaiyunni cal Espíritu Santo LanDios joupa ulijpa Sa-
 tanás, iteŧ'mipa iŧque nocuxepola' lan xanuc', iŧne naihuejpa
 quituca' liŧpicuejma'. Toŧta'a cal Espíritu Santo timuj'ma alinca
 LanDios titeŧ'mi'mola' lan xanuc', iŧne ts'iŧtaic' quijunac'.

12 'Tipa'a xonca laifnu'iyacolhuo'. Itsiya aimi'iya
 cu'iyacolhuo'. Imanc' toŧsim'me ipime iŧe laitaiqui'.
 13 Ticuaiyunni cal Espíritu Santo iŧque noya'apa al linca,
 panca panca timuc'i'molhuo'. Toŧta'a ti'i'ma coŧsina'
 jahuay al linca cataiqui'. Cal Espíritu aimuya'aya quituca'
 lipicuejma'. Tu'i'molhuo' ma loquim'epa, iŧiya lataiqui'
 lu'ipa LanDios. Tu'i'molhuo' lo'iya. 14 Iŧque limetsaijma,
 aŧnesco'ma. Aiminescoyacoxi. Ma le'a aŧnesco'ma iya' lai'ejma',
 laipicuejma', laimane. 15 Ma to li'ejma', lipicuejma', limane
 cai'Ailli', ma' anuli iya' lai'ejma', laipicuejma', laimane. Toŧiya
 joupa aimipolhuo': "Iŧque cal Espíritu aiminescoyacoxi. Ma
 le'a aŧnesco'ma iya' lai'ejma', laipicuejma', laimane."

16 'Tuyaila' nihuata aimasngonaya. Tuyaiconŧa' nihuata
 aŧsingona'ma.

17 Hualca ts'ilihuequi ipalaic'opotŧsi, timiyotŧsi:

—¿Te calmicoponga' tołta'a? Ticua: “Tuyaił'a nihuata aimalsingonaya. Tuyaiconł'a nihuata alsingona'ma.” Jouc'a ticua: “Ai'huanapa pe lopa'a cai'Ailli”.

18 Ti'hua tipalaic'oyołtsi, ticuayi:

—¿Te cocuajmaispa licuapa: “Tuyaił'a nihuata”? Aicalcueca iłe litaiqui'.

19 Jesús ixina' ilpic'a ticuis'ełe te cocuapa iłiya lataiqui'. Timila':

—¿Te colicuis'ecopołtsi te cocuapa iłiya laitaiqui': “Tuyaił'a nihuata aimalsingonaya, tijouł'a tuyaiconł'a nihuata alsingona'ma”? 20 Iya' camilhuo' al linca. Imanc' tołhuotso'me, tołjolij'me. Lan xanuc' nomana' fa'a li'a łamats', iłne naihuejpá quilituca' ilpicuejma', iłniya tixoj'ma quileta. Imanc' tołhuotso'me juaiconapa. Tijouł'a aimołhuotsoconayacu. Tilonc'e'em'molhuo' lołpixhuejma', tixoj'ma cunlata. 21 Łaca'no' titełco'ma tipajntsi li'hua. Tixhuełma, ticua: “Joupa ixhuaita litine. Joupa al'huajcopa łaipunla.” Tijouł'a tipajntsi li'hua, timence'co'ma łipunla. Tixoqui queta. Ticua: “Łacapımi' joupa ipajnta, icuai'ma fa'a li'a łamats”.

22 'Tołta'a loluyalaicoyacu imanc'. Itsiya tołhuotsoyi, tołsuełcoyi. Caxingona'molhuo'. Jilpe litine tixoj'ma cunlata. Ailopa'a naiłonc'e'eyacolhuo' iłe lołpixojma cata.

23 'Jilpiya litine aimalicuis'econaya. Iya' camilhuo' al linca: Imanc' ołsina' naitsi iya', limetsajma, jahuay lołsahue'eyacu cai'Ailli' tepi'itsolhuo', ilque tepi'i'molhuo'. 24 Aicołsahue'e tołta'a cai'Ailli'. Itsiya camilhuo': Imanc' ołsina' naitsi iya', limetsajma, tołmife tołta'a cai'Ailli', tołsahue'e'me. Tołta'a linca tepi'i'molhuo'. Tijouł'a ti'i'ma xonca juaiconapa acueca' lołpixojma cata.

25 'Iya' laipalaic'opolhuo' a'ij cuajmaica cataiqui', ma le'a ai'onłicopa. Ticuaihuo litine aica'onłicoya. Cu'ina'molhuo' al cuajmaica. Cami'molhuo' te ts'i'ic' cai'Ailli'. 26 Imanc' ołsina' naitsi iya', limetsajma. Ticuaiyunni jilpe litine imanc' tołmife tołta'a cai'Ailli', tołsa'hue'me.

'Iya' a'i camilhuo': “Caxahue'e'ma cai'Ailli' tepi'itsolhuo”.

A'i. Aicamiya tołta'a. Małque cai'Ailli' ti'elhuo' capic'a. Małque tepi'i'molhuo' lołsahue'epa. 27 Imanc' al'epa capic'a, lapenufpa iya' lainespa, joupa nu'ipolhuo': “Ilque ŁanDios Łalummepa”. Tołiya małque ŁanDios ti'elhuo' capic'a. 28 Iya' cai'huayomma cai'Ailli', aicuai'ma fa'a li'a łamats'. Itsiya ca'huana'ma, quipanahuo li'a łamats', cacuainata pe lopa'a cai'Ailli'.

29 Ts'ilihuequi timiyi:

—Itsiya alpalaic'onga' al cuajmaica, aimal'onłiconga' cataiqui'. 30 Itsiya alsina' ima' jahuay oxina',

aimalicuis'econayaco'. Itsiya joupa i'ipa calsina' aŋinca o'huayomma LanDios.

³¹ Jesús timila':

—Itsiya, ¿te aŋinca limetsaijma naitsi iya'? ³² Ticuaihuo al 'hora, itsiya icuai'ma, imanc' tolinul'me. Tonŋeyoŋna'me loŋajut'hi, tolaca'ne'moŋtsi. Aŋpo'no'ma caituca'. Tama toŋta'a laŋ'e'eya aicapajnya caituca'. Cai'Ailli' tipa'a. ³³ Iya' cacua: Aimoŋsueŋmot'ŋe'me. Toliya joupa nu'ipolhuo' lo'iya. Ma moŋmana' fa'a li'a ŋamats' ŋinca toŋteŋco'me. Aimixpailij'molhuo'. Tixojla' cunlata. Iya' joupa nulijpa.

17

¹ Toŋe limipola' Jesús ts'ilihuequi. Lijou'ma ehuelojm'ma lema'a. Ipango'ma ipalaic'o'ma qui'Ailli', timi:

—Mai'Ailli', joupa icuai'ma lai'hora. Caxahue'ehuo' tomuc'itsola' laixanuc' naitsi iya'. Iya' o'Hua. Toŋta'a camuci'mola' naitsi ima', ima' ai'Ailli'. ² Ima' joupa lapi'ipa laimane cacuxena'mola' jahuay lan xanuc'. Toŋta'a capi'i'mola' laixanuc' liŋpitine aimijouya. ŋniya laixanuc' ima' lapi'ipa. ³ ŋne pe lepi'impola' liŋpitine aimijouya, ma' ŋniya timetsaicohuo' ima' manDios. Jouc'a limetsaijma iya' ninJesucristo, ima' alumnepa.

⁴ 'Fa'a li'a ŋamats' aimuc'ipola' naitsi ima'. ŋe laipenic' lalapi'ipa ima', joupa aijou'nepa. ⁵ Ai'a tilajm'ma li'a ŋamats' aŋmana' anuli. Ailopa'a ca'onoŋcosponga'. Itsiya' mai'Ailli', lapenufnaŋa' jilpiya pe loŋpa'a. Jilpiya aŋmajnta anuli. Ti'ila' ma to li'ipa ai'a tilajm'ma li'a ŋamats'.

⁶ Ima' joupa lapi'ipa ŋne laixanuc'. Iya' aimuc'ipola' naitsi ima'. ŋniya laixanuc' aimi'onŋspola' locuenaye lan xanuc' nomana' li'a ŋamats' pe naihuejpa' quilituca' liŋpicuejma'. Ima' joupa o'huif'epola'. ŋniya ihuejcopa' lotaiqui'. ⁷ Jahuay lapi'ipa ima'. Laixanuc' joupa iŋsina' pe qui'huayomma ŋe lalapi'ipa. Jahuay ŋe lalapi'ipa o'huexi ima'. ⁸ Lataiqui' ima' lalapi'ipa iya' nu'ipola' loxanuc'. ŋniya epenufpa' iŋiya lotaiqui'. Iŋsina' cai'huayomma ma' ima'. Joupa i'huaiyijmpa' li'ipa, ima' alumnepa.

⁹ 'Iya' caxahue'ehuo' totoc'itsola' ŋne loxanuc'. Ai' cami-huo' motoc'iyacola' locuenaye xanuc' nomana' li'a ŋamats'. Caxahue'ehuo' totoc'itsola' laixanuc', ŋniya lalapi'ipa. Jilne o'huexi. ¹⁰ Jahuay ŋai'huexi jouc'a o'huexi. Jahuay to'huexi jouc'a ai'huexi. ŋniya laixanuc', ŋne aŋ'huexi, joupa alimet-saicopa, imuj'me naitsi iya'.

¹¹ 'Itsiya aicapajnconaya fa'a li'a ŋamats'. Laixanuc' ŋinca timajm'me fa'a. Iya' joupa ca'huanama, cacuainata pe loŋpa'a. Mai'Ailli', ima' umPaxi. Caxahue'ehuo' totoc'itsola'

ihne laixanuc', to'etsola' cuenna. Ti'hua lihuejla' ihniya. Ima' lopuftine ma laipuftine jouc'a, to'ta'a lacui'ipa ima'. Laixanuc' ja'ni lihuejla' al c'a, ihne ti'i'ma anuli ma to anuli iya' y ima'. ¹² Ai'epola' cuenna laixanuc' ma'mana' fa'a li'a lamats'. Ihne aiquicuanaj'me lopuftine, ima' lilenDios. Le'a anuli tejac'pa, i'que tejac'eyoxi, to'e lipicuejma'. To'ta'a enantcopa al Paxi Linilingiya.

¹³ 'Itsiya aicuaiconna pe lofpa'a. Ma capa'a fa'a li'a lamats' caxahue'ehuo' totoc'itsola' laixanuc'. To iya' tixoqui neta, aipic'a tixojla' quileta jouc'a laixanuc'. ¹⁴ Nu'ipola' lotaiqui'. Ihniya epenufpá. Locuenaye lan xanuc' nomana' fa'a li'a lamats' pe naihuejpa' quituca' li'picuejma', ihniya ti'eyi laic' laixanuc'. Tixinyi ituca' li'ejma' ma to tixinyi ituca' lai'ejma'. ¹⁵ Ai' caxa'huehuo' maipa'ayacola' laixanuc' fa'a li'a lamats'. Ma caxahue'ehuo' to'etsola' cuenna. To'ta'a ailopa'a co'eyacola' lixcay xans. ¹⁶ Ihniya ituca' li'ejma' ma to iya' ituca' lai'ejma'. Aima'on'sponga' to lan xanuc' naihuejpa' quituca' li'picuejma'.

¹⁷ 'Mai'Ailli', totoc'itsola' ihniya laixanuc', ti'ila' o'huexi ima', ti'hua tihuejle al linca. He lotaiqui' al linca. ¹⁸ Ima' alummepa fa'a li'a lamats'. To'iya iya' nummepola' laixanuc' tiyele ni petsi li'a lamats'. ¹⁹ Iya' ma' o'huexi. Cacumoxi cunlu'etsola' laixanuc', ti'e'etsola' o'huexi jouc'a. Tihuejle al linca.

²⁰ 'Iya' caxahue'ehuo' totoc'itsola' jahuay laixanuc'. Ai' camihuo': Totoc'itsola' ma le'a laixanuc' petsi joupa lapenufpa iya'. Ihne tuya'a'me laitaiqui', tijoula' li'f'as xanuc' jouc'a lapenuf'ma, lihuej'ma. Caxahue'ehuo' totoc'itsola' ihniya jouc'a. ²¹ Aipic'a ti'e'etsola' anuli ihne laixanuc'. Mai'Ailli' illanc' a'mana' anuli. Ima' iya' anuli, iya' ima' anuli. To'ta'a a'e'etsonga' anuli, ihniya y illanc'. Ja'ni ti'ila' to'ta'a locuenaye lan xanuc' nomana' li'a lamats' tines'me: "Alinca ma LanDios ummepa Jesús".

²² 'Ima' joupa a'paxnepa, limetsaicopa iya' o'Hua. To'ta'a iya' aipaxnepola' ihniya laixanuc', nimetsaicopola' onaxque'. Ma to illanc' a'mana' anuli, iya' y ima', to'ta'a ti'e'etsola' ihniya. ²³ Iya' y ihniya a'majm'me anuli. Ima' y iya' a'mana' anuli. To'ta'a ti'e'etsola' ma' anuli ihniya. Locuenaye lan xanuc' nomana' li'a lamats' ti'i'ma quitsina' naitsi i'que Lalummepa, ma' ima' mai'Ailli'. Jouc'a ti'i'ma quitsina' lof'epola' capic'a ihne laixanuc'. Ma to ima' a'ay capic'a to'ta'a to'ela' capic'a ihniya.

²⁴ 'Mai'Ailli', ai'a tilajm'ma li'a lamats', ima' a'ay capic'a, a'paxnepa, alimetsaicopa. Itsiya caxahue'ehuo' totoc'itsola' laixanuc', ihne lalapi'ipa. Camihuo': Aipic'a ticuaitsa jilpiya, timajnta pe laifpa'a. A'sinta' ma to li'ipa. A'sintsonga' anuli iya' cai'Ailli'.

²⁵ 'Mai'Ailli', ima' cotuca' ałıjca lopicuejma'. Locuenaye lan xanuc' nomana' li'a łamats', iłne aıquımetsaicohuo'. Iya' linca nimetsaicohuo'. Laixanuc' jouc'a timetsaicohuo'. Iłsina' ima' alummepa. ²⁶ Aimuc'ipola' laixanuc' naitsi ima'. Ti'hua camuc'i'mola', timetsaicotso' xonca, ti'etsotısi capic'a ma to ima' ał'ay capic'a. Tołta'a ał'e'etsonga' anuli iya' y laixanuc'.

18

¹ Jesús lijoupa lipalaic'opa qui'Ailli' ipanni, ileco'mola' ts'ilihuequi. Iye'me laca'hua pana' cuftine Cedrón. Uyalaico'me locuena liju'. Jılıpiya tipa'a anuli łaqueya. Itsuflai'me. ² Judas, iłque pe joupa icupa cataiqui' ticu'ma Jesús, imetsaijma jılıpiya łaqueya. Itsenaihuo'me jılıpe Jesús jouc'a ts'ilihuequi. ³ Małpiya icuaiconca Judas ilecola' lan soldado romano jouc'a lapaluc' lummempola' lixanuc' cal cuecaj ca'ailli', jouc'a lummempola' lam fariseo. Iłniya iłtaic' lolif'ecopołtsi, jouc'a lılıpepalc'o', jouc'a locuanajcoyacołtsi lofulecoyacu.

⁴ Jesús joupa ixina' jahuay lo'ıya. İpanni, timila':

—İmanc', ¿naitsi conlahuepa?

⁵ Timiyi:

—Lahueyi Jesús, łas Nazaret.

Jesús timila':

—Ma' iya'.

Małpe tipa'a Judas, iłque pe joupa icupa cataiqui' ticu'ma Jesús. Jılıpe jouc'a tecaxhuołanna lan soldado jouc'a lapaluc'.

⁶ Liciej'me lines'ma Jesús: “Ma' iya'”, iłniya ipailiconca quılıspula', enghuołaitsa łamats'. İxpailij'mola' juaiconapa.

⁷ Jesús icuis'econa'mola', timila':

—İmanc', ¿naitsi conlahuepa?

Iłniya italai'e'econa'me, timiyi:

—Lahueyi Jesús, łas Nazaret.

⁸ Jesús timila':

—Joupa aimipolhuo': Ma' iya'. Ja'ni ma le'a iya' lahuay, tołapi'itsola' lane tiyente iłna'a ts'alihuequi.

⁹ Tołta'a enantcopa limipa Jesús qui'Ailli', locuapa: “İya' ai'epola' cuenna laixanuc', iłne lalapi'ipa ima'. Ailopa'a que-jac'pa.”

¹⁰ Simón Pedro itaic' li'espada. İpa'a'ma, ixcai'e'ma limozo cal cuecaj ca'ailli'. Nulemma etec'e'e'ma lix'mas al c'a camane. İłque cal mozo cuftine Malco. ¹¹ Jesús icuxe'e'ma Pedro, timi:

—To'huejnała' lo'espada. Cai'Ailli' joupa ixpic'epa tołta'a laifnuyaicoya. ¿Te ma iya' catets'i'ma iłque lixpıc'ejma'? Ma catełco'ma.

¹² Lan soldado romano jouc'a nocuxepola', jouc'a lapaluc' lummempola' lan tsilaj judío, ihniya i'no!me Jesús, ifi'e'me. ¹³ Ileco'me pe lopa'a Anás. Ique a'hua cunas cuftine aCaifás. Jihniya litiné ma!que Caifás cal cuecaj ca'ailli'. ¹⁴ Joupa inespa: "Tima'an!e le'a anuli cal xans, tuntu'etsola' jahuay la!xanuc'".

¹⁵ Milecoyi Jesús iyenc'e'me oquexi' ts'ilihuequi. Ihniya Simón Pedro jouc'a hilejmale. Pedro hilejmale imetsaijma cal cuecaj ca'ailli'. Icuaitsa lejut'! cal cuecaj ca'ailli'. Litsufai'e'me Jesús, Pedro hilejmale jouc'a itsufai'ma hipuna quejut'! la'ailli'. ¹⁶ Pedro aiquitsufaic'. Ipanenni tecaxu lixpula' al puerta. Ts'ihuequi Jesús, i!que pe himetsaijma cal cuecaj ca'ailli', ipaiconnanni icuaitsi pe lopa'a lahuats' no'epa cuenna al puerta. Ipalaic'opa. Lijou'ma itsufai'e'ma Pedro. ¹⁷ Lahuats' no'epa cuenna al puerta icuis'e'ma Pedro, timi:

—¿Te ma ima' jouc'a omihuequi cal xans Jesús?

Pedro timi:

—A'i iya'.

¹⁸ I'i'ma juaiconapa caxita. Jilpe lam mozó jouc'a lapaluc' icue'epá quipunga. Jihniya ecaxolingolai'me, epat'le'mo!tsi. Pedro jouc'a ecaxingai'ma jilpiya, epat'le'moxi.

¹⁹ Cal cuecaj ca'ailli' Anás ticuis'e Jesús, timi:

—¿Naitsi ihniya ts'ihuejhuo'? ¿Te cofmuc'ipola'?

²⁰ Jesús italai'e'e'ma, timi:

—Iya' aipalaipa petsi jahuay a!simpa, a!quimf'epa. Camuc'ila' lan xanuc' mimana' jilpiya hilejut'!i pe lafo!yomma, jouc'a pe lopa'a al cuecaj xoute'. Camuc'ila' ma!piya pe lafo!yomma lan xanuc' judío. Ailopa'a caimuc'ipola' quemiya. ²¹ Itsiya, ¿te calicuis'ecopa te caifmuc'ipola'? Taicuis'etsola' na!quimf'epa. Ihe i!sina' te ts'i'ic' laimipola'.

²² Licuejpa to!ta'a linespa Jesús, una'ma camane li'a anuli lapaluc' nacaxuya huejnca. Timi:

—Ima', ¿te coftalai'ot'!ecopa to!ta'a cal cuecaj ca'ailli'?

²³ Jesús timi:

—Ja'ni a'i canesqui al hijca, lu'ila'. Ja'ni ainespa al hijca, ¿te caluntafcopa camane?

²⁴ Ma to quifi'iya Jesús, Anás ummepa pe lopa'a cal cuecaj ca'ailli' Caifás.

²⁵ Pedro ipanenni hipuna la'ailli', ma mecaxu tepat'leyoxi. Icuis'e'me, timiyi:

—¿Te ma ima' jouc'a omihuequi i!que?

Pedro icuanajpa, timi:

—A'i iya'.

²⁶ Anuli himozo cal cuecaj ca'ailli' ipalaic'o'ma Pedro. Ique ma hipima letec'epa quix'mas Pedro. Timi:

—Iya' cacua joupa aiximpolhuo' jilpiya laqueya, ima' jouc'a Jesús.

²⁷ Icuanaajcona'ma Pedro, timi:

—Iya' a'i.

Aiquicoli. Ija'a'ma langiti.

²⁸ Ipa'a'me Jesús lejut'l Caifás. Ileo'me pe lopa'a cal gobernador romano, ilque cuftine Pilato. Joupa i'ipa qui-tine. Lan judío aiquiltsuflaic' lejut'l Pilato. Imanenca luna. Timiyoltsi: “Aimi'iya małtsuflaiyacu. Alpic'a LanDios alsintsonga' ninc'ilimpio. Tołta'a nipajnya ałteta lixic' lotejnyacu al juic Pascua.”

²⁹ Pilato ipanni pe lomana' ihniya, timila':

—¿Te ts'i'ic' lołcuxecocopa cal xans?

³⁰ Italai'e'e'me, timiyi:

—I'epa quixcay. Ja'ni ailopa'a qui'aic', ¿te całcuai'ecoyacu fa'a ima'?

³¹ Pilato timila':

—Imanc' tołheconle. Tiñinc'ita lołjuez. Tixanuta iłta'a lataiqui'. Tonl'e'ele to minesqui lataiqui', ihe locuxe'epolhuo'.

Lan judío italai'e'e'me, timiyi:

—Illanc' aimi'hua lałmane, aimi'iya malacani'eyacu. Aimi'iya małspic'eyacu tima'anle.

³² Jesús joupa uya'apa te co'iya mima'ayacu. Itsiya ten-anł'ma linespa.

³³ Pilato ipainanni, itsufaicona'ma lejut'l. Ijoc'i'ma Jesús ti'huanni. Icuis'e'ma, timi:

—¿Te ima' ilrey lan xanuc' judío?

³⁴ Jesús timi:

—¿Te ima' tołta'a topalay cotuca', o lan xanuc' ałnescopa tołta'a?

³⁵ Pilato italai'e'e'ma, timi:

—Iya', ¿te ninjudío? Loxanuc', ihniya ixanuc' cal cuecaj ca'ailli', icupo'. ¿Jale co'epa?

³⁶ Jesús italai'e'e'ma, timi:

—Iya' aicacuxela' lan xanuc' to micuxeyi lan rey nomana' fa'a li'a lałmats'. Ituca' laifcuxepola' iya'. Ja'ni coła' cacuxe to micuxeyi lan rey nomana' li'a lałmats', ihniya ts'alihuequi joupa ifulepá, ałcuanaajco'ma aimałcuya ticuaita quilmane lan xanuc' judío. Itsiya aicacuxe fa'a li'a lałmats'.

³⁷ Pilato timi:

—¿Te ima' unrey?

Jesús timi:

—Ma to lofnescopa iya' ninrey. Iya' aipajncota aicuaico'ma li'a lałmats' cu'itsola' lan xanuc' al linca. Pe naihuejpá al linca cataiqui', ihniya ałcuc'e.

³⁸ Pilato timi:

—¿Te jale al linca?

Lijoupa linespa tołta'a Pilato ipaconanni pe lomana' lan xanuc' judío, timila':

—Iya' cacua, iłque cal xans ailopa'a quijunac'. ³⁹ Ajuic ajuic Pascua tołcuaiyumma, ałsahue'e cux'mas'ma anuli łitats'iya, tofe moł'eyi. Itsiya, ¿jale ts'olpic'a cux'masla'? ¿Ja'ni cux'masla' iłca'a tołrey imanc' unc'ijudío?

⁴⁰ Lan judío ija'acona'me, timiyi:

—Aimox'mas'ma iłque. Tox'masla' Barrabás.

Iłque Barrabás innantsepa, inma'ahuale.

19

¹ Pilato icuxe'ma tileconłe Jesús tipatsa. ² Lijou'ma lan soldado ipuf'me anuli al corona quitac. Ipo'nof'i'me lijuac Jesús. Itats'mi'me lijahua' unxali cumi. ³ If'ıltsaico'me. Tiłcuaiyumma pe lacaxu to mi'e'enni cal cuecaj xans. Inom'me, timiyi:

—Ałnom'mo' ima' iłrey lan xanuc' judío.

Ti'hua ti'econayi. Lijou'ma tuntafc'e'eyi li'a.

⁴ Pilato ipaconanni łuna. Timila' lan judío:

—Tołsinłe. Quipa'a'ma łuna iłca'a Jesús. Ti'ıla' cołsina' joupa aiximpa ailopa'a quijunac'.

⁵ Ipa'a'ma łuna. Lijuac itaic' licorona quitac. Titatsma lijahua' unxali cumi. Pilato timila' lan judío:

—Tołsinłe. Jifa'a copa'a cal xans.

⁶ Lixim'me Jesús lixanuc' cal cuecaj ca'ailli' jouc'a lilepaluc', iłniya ija'a'me ujfxi, timiyi Pilato:

—¡Tapałts'ijnla' lancruz! ¡Tapałts'ijnla' lancruz!

Pilato timila':

—Tołłecole imanc' cołtuca'. Tolapałts'ijntsa lancruz. Iya' aiximpa ailopa'a quijunac'.

⁷ Lan judío timiyi:

—Iłque ticua: “Iya' i'Hua ŁanDios”. Tipa'a lataiqui' lałcuxeponga' illanc'. Iłe lataiqui' ticua: “Tima'antsola' iłne nocuapá tołta'a”.

⁸ Licuej'ma iłe lonespa, Pilato xonca ixpaij'ma.

⁹ Itsufaicona'ma lejut'ł, icuis'econa'ma Jesús, timi:

—Ima', ¿pe co'huayomma?

Jesús aiqitalai'e.

¹⁰ Pilato timi:

—¿Te aimatłalai'e? ¿Te aicoxina' ti'hua laimane? Nipajnya cux'masna'mo', nipajnya capałts'ijm'mo'.

¹¹ Jesús italai'e'ma, timi:

—Tipa'a anuli xonca acueca'. Iłque łepi'ipo' comane. Ima' cotuca' ailopa'a cał'e'eya. Naitsi cal xans nałcupa, iłque xonca tipa'a lijunac'.

¹² Licuej'ma ihya lataiqui' Pilato xonca ehue'ma te co'ya mux'masya Jesús.

Lan xanuc' judío ti'hua tija'ayi, timiyi:

—Cal xans nonespa: “Iya' ninRey”, iñque ti'ay quipilaic' César cal cuecaj rey. Ja'Ni tox'masqui Jesús, jouc'a to'ay laic' lo'poujna César.

¹³ Licuej'ma Pilato lonespa lan judío i'hua'a'ma Jesús luna petsi cuftine “Litat'ñuyiya”. Liñtaiqui' lan judío cuftine Gabata. Jiñpe icutshuai'ma to cal juez.

¹⁴ He litine avispera al juic cuftine al Pascua. Joupa ti'i'ma to menac'o. Pilato timila' lan xanuc' judío:

—Toñsinle. Jifa'a copa'a loñrey.

¹⁵ Iñe ija'a'me ujfxi, timiyi:

—¡Tolecoñla', tolecoñla', tapanñts'iñntsi lancruz!

Pilato timila':

—¿Te caifñepañts'iñncoya loñrey?

Lixanuc' cal cuecaj ca'ailli' italai'e'e'me, timiyi:

—Ma le'a César añrey. Ailopa'a cocuena.

¹⁶ Lijou'ma Pilato icu'ma Jesús tapanñts'iñntsa lancruz. Lan soldado ileco'me.

¹⁷ Jesús itai'ma lencruz. I'hua'ma lane ticuaita ñamats' Quecoye. Liñtaiqui' lan xanuc' judío cuftine Gólgota. ¹⁸ Jiñpiya epañts'ingim'me lencruz Jesús. Jouc'a epañts'ingim'mola' oquexi' lan xanuc', anuli al c'a camane Jesús, lo'cuena loxa camane. Jesús epañts'ingimpa nolojmay ihniya.

¹⁹ Pilato joupa inihijmpa anuli lacaxma. Epañts'ijm'me laquitoncay hijuac Jesús. He linihiya tinesqui: “Iñca'a Jesús ñas Nazaret, iñrey lan xanuc' judío”.

²⁰ Jiñpe pe lapañts'ijnya Jesús ahuejnca liñya' Jerusalén. Axpela' lan xanuc' judío uyalaico'me jiñpiya. Ixhue'me lainilá liniñgingiya lacaxma. Ininiñgingiya afane' ñataiquí, liñtaiqui' lan judío, liñtaiqui' lan romano, liñtaiqui' lan xanuc' griego. ²¹ Lixanuc' cal cuecaj ca'ailli' aiñquicuaicotsi quihpic'a liniñpa Pilato, timiyi:

—¿Te cominiñcopa: “Iñca'a iñrey lan xanuc' judío”? Topai'ina'. Tuya'ala': “Iñca'a Jesús, mañque timiyoxi: Iya' iñrey lan xanuc' judío.”

²² Pilato italai'e'e'mola', timila':

—Joupa aininiñpa. Tipanenni toñta'a.

²³ Lam malujxi lan soldado, iñne lepañts'ijm'me lancruz Jesús, tumma'me lipijahua'. Anuli anuli tumma'me lipijahua'. Ipanenni anuli litoqui lipijahua'. Iñya lipijahua' aiñquenanc'iya. Apufi ipangocopa ñejoc xejmay li'mitsi'. ²⁴ Lan soldado timiyotñsi:

—Aimañts'añyacu. Aññilcoñle añsim'me naitñsi noliñya.

Tołta'a enanłcopa al Paxi Linilngiya tuya'e': "Anuli anuli ummana'me laipijahua'. If'ilco'me naitsi tulijla' litoqui laip-ijahua'."

Tołta'a li'epa lan soldado.

²⁵ Tecaxu María qui'máma' Jesús huejnca pe lepałts'ijnyompa lencruz. Jouc'a tecaxhuołanna łipima qui'máma' cuftine María, ilque ipeno Cleofas, jouc'a María łas Magdala. ²⁶ Jesús ehuelojm'ma qui'máma' tecaxu jilpiya. Jouc'a ixim'ma anuli ts'ihuequi tecaxu liju' qui'máma'. Ilque ts'ihuequi, Jesús xonca ti'ay capic'a juaiconapa. Jesús timi qui'máma':

—Momá, jilpe tipa'a ło'hua.

²⁷ Timi ts'ihuequi:

—Toxinła', jilquiya o'máma'.

Iłe litine ts'ihuequi Jesús epenuf'ma qui'máma' Jesús. Iłait-sufcotsi.

²⁸ Lijou'ma Jesús ipalaicona'ma. Joupa ixina' ixhuaita jahuay litełcopa. Ticua:

—Ticui caija'.

Tołta'a loya'apa al Paxi Linilngiya. Itsiya iliya lataiqui' tenani.

²⁹ Jilpe tipa'a anuli al catsitu imanna al cuxac vino. Ijac'ecom'me al vino anuli al esponja. Ifinc'i'me lupa limane c'ec cuftine hisopo, i'nof'e'me ti'huajcoła' lico Jesús. ³⁰ Jesús lijoupa lixnapa ticua:

—Joupa ixhuaicota.

Ic'ommai'ma lijuac, ummena'ma li'espíritu ti'huanła'.

³¹ Iłe litine avíspera. Lihuequi litine itine conxajya. Iłe acuecaj quitine.

Lan judío ilpic'a tilonc'en-natsola' liłcuerpo ilne lepałts'ingimpola', aimicoł'mola' jilpiya lilencruz. Ticuayi: "Icuaiico'ma al cuecaj quitine. Jilne liłcuerpo aimi'iya mimajnyacu jilpe lam fane' lancruz." Ixahue'e'me Pilato tummetsola' lan soldado tepatsuf'entsola' lił'mitsi' napalłts'ingołanna. Tijouła' tepatsuf'entsola' lił'mitsi' ilne, tilonc'enatsola' lilencruz.

³² Lan soldado icuaitsa petsi cal te'a lepałts'ingiya lencruz. Epatsuf'e'me li'mitsi', jouc'a epatsuf'e'me li'mitsi' łocuena.

³³ Ipailiconanca, icuaitsa pe lopa'a Jesús. Ixim'me joupa imapa. Aiquepatsuf'e'me li'mitsi'.

³⁴ Anuli cal soldado i'nif'ma lianza, ena'ma lanza liju' Jesús. Aiquicoli, ipanni lajuats', ipanni laja'. ³⁵ Ilque nainilpa ilne lataiqui' iximpa tołta'a li'ipa. Ma' ałınca ilne linilijmpa. Tu'ilhuo' imanc' nołsueyacu. Ipic'a imanc' jouc'a tonlapenufle ilta'a lataiqui'.

³⁶ He li'ipa enantcopa al Paxi Linilingiya lonespa: “Aimepat-sufiya ni anuli lipeca!”. ³⁷ Al Paxi Linilingiya jouc'a tinesqui: “Tehuelojncona'me itque tenampa liju”.

³⁸ Lijou'ma anuli cal xans cuftine José las Arimatea i'huapa pe lopa'a Pilato. Itque José joupa epenufpa litaiqui' Jesús. A'i cuya'e'. Tixpaic'ela' lan judío. Ixa'huehuona'ma Pilato tepi'ila' lane tileconna licuerpo Jesús. Pilato epi'i'ma lane. I'hua'ma itainatsi licuerpo Jesús. ³⁹ Jouc'a icuaiyunni Nicodemo, itque nehuejnhuo'ma lipuqui' ixinghuo'ma Jesús. Nicodemo itaic' cal pomada ilanc'ecompa itamqui lojuepaj c'a. Ita'a litamqui cuftine amirra, ihuomptsi a'áloes. Itque cal pomada lipicumta to oquej nuxans quimbamaj kilo. ⁴⁰ Loquexi' i'e'epá licuerpo Jesús ma to mi'eyi itne lan xanuc' judío ai'a teminnola' li-manapola'. Iju'eco'me licuerpo ijahua' jouc'a cal pomada.

⁴¹ Pe lepaits'ijnyompa Jesús jilpiya tipa'a huejnca anuli laqueya. Jilpe laqueya tipa'a anuli hunts'aja' capic, ilanc'empa ti'huejyom'me lomaya. Jilpe hunts'aja' ailopa'a quemimpa. ⁴² Joupa avíspera litine conxajya. Jilpe litine aimi'iya miyey-acu aculi'. Lan xanuc' judío aimicuyi lane. Jilta'a hunts'aja' ma' ahuejnca pe lepaits'ijnyompa Jesús. Jilpiya i'huequintsá licuerpo Jesús.

20

¹ Icuaitsi al te'a quitine al xamano, ite al domingo, aquipuqui' María las Magdala i'hua'ma hunts'aja' pe li'nico'enghuo'me Jesús. Icuaitsi ixim'ma joupa itonc'empá cal cuecaj capic letemf'ecompa. ² María ipainanni hunts'aja', tinu. Icuaitsi pe lomana' Simón Pedro y locuena hihuejpa Jesús. Jitque Jesús li'epa capic'a. María timila':

—Joupa ipa'anapá Cal'ailli'. Jilpe hunts'aja' ailopa'a. Aicalsina' pe quipo'no'empa.

³ Pedro jouc'a hitejmale ipalunca, iye'me pe li'nico'enghuo'me Jesús. ⁴ Loquexi' inul'me. Eitejmale Pedro ulij'ma. Icuaitsi ate'a. ⁵ Ehuenac'o'ma licu'u hunts'aja'. Ixim'ma hijahuahi tummac'o. Aiquitsufaic'.

⁶ Simón Pedro i'huanc'e'ma itque hitejmale. Icuaitsi hunts'aja' itsufai'ma. Jouc'a ixim'ma hijahuahi tummac'o. ⁷ Ixim'ma lijahua' lifi'ecompa li'a, hijuac Jesús. Ite lijahua' iximpa ijuisquiya, a'i mipa'a anuli jilpe locuena hijahuahi.

⁸ Lijoupa litsufaipa Pedro, itsufai'ma locuena ts'ihuequi Jesús, itque hicaia ate'a, ixim'ma li'ipa. Ticua: “Jesús ma' imaf'inapa”. ⁹ Iniya aiquitcueca al Paxi Linilingiya loya'apa ticua: “Tímaf'ina'ma tipayonno pe lomana' lamizhua”.

¹⁰ Loquexi' ts'ilihuequi Jesús iyena'me hilejut'hi.

11 María łas Magdala icuaiyocontsi pe lopa'a łunts'ēja'. Tecaxu łuna, tijoqui. Mijoqui tehuenac'o licu'u łunts'ēja'.
 12 Ixim'mola' oquexi' lapaluc' quema'a, afujca łiłpijahuá'. Ticutsołanna pe lunahuai'epa licuerpo Jesús. Anuli ticutsu łijuac, locuena ticutsu li'mitsi'. 13 Iłniya timiyi María:

—Maca'no', ¿te cofjocopa?

María timila':

—Ileconapá Cai'ailli' Jesús. Aicaixina' petsi quipo'no'empá.

14 Lijoupa linespa tołta'a ipai'e'ma li'a. Iximpa Jesús tecaxu jilpiya. Aiquimetsaico'ma Jesús. 15 Jesús timi:

—Maca'no', ¿te cofjocopa? ¿Naitsi cofmehuepa?

María ticua lipicuejma': "Iłca'a no'epa cuenna łaqueya".

Timi:

—Mai'ailli', ja'ni ima' olecopa, lu'ıla' pe copo'no'ehuo'ma. Iya' ai'huapa caleconna.

16 Jesús timi:

—¡María!

María ipai'e'moxi, ipalaic'o'ma litaiqui' hebreo, timi:

—¡Raboni!

Iłe lataiqui' tuhuałquemma "Momxi".

17 Jesús timi:

—Aimał'noł'ma. Aicaicuaiya pe lopa'a cai'Ailli', iłque jouc'a oł'Ailli'. Iłque ainenDios, imanc' jouc'a olanDios.

18 María łas Magdala i'hua'ma pe lomana' ts'ilihuequi Jesús, timila':

—Aiximpa Cał'ailli'.

U'i'mola' licuapa Jesús.

19 Joupa ummuhuaita iłe litine, al te'a quitine al xamano. Iłne ts'ilihuequi Jesús tefot'łeyołtsi anuli, ix'nif'miya lajut'ł. Tixpaic'ennila' lan judío. Jilpe icuaiti Jesús. Ecał'ma małpe pe lomana', timila':

—Aimołhuotso'me. Toluyalaıłe al c'a.

20 Imuc'i'mola' limane, liju'. Lixim'me cał'Ailli' iłniya ts'ilihuequi ixojna'ma quileta. 21 Jesús timiconala':

—Aimołhuotso'me. Ma to cai'Ailli' alummeпа, tołta'a iya' cummelhuo'.

22 Lijoupa limipola' tołta'a, ifusco'mola', timila':

—Capi'ilhuo' cal Espíritu Santo. Tolapenufle. 23 Ja'ni tołmiłe anuli cal xans: "Lojunac' iłojn-napa", łınca joupa iłojn-napa lijunac'. Ja'ni tołmiłe: "Aiquiłonge lojunac'", łınca aiquiłonge lijunac' cal xans.

24 Iłe lipuqui' licuai'ma Jesús, anuli iłniya limbamaj coquexi' ts'ilihuequi ailopa'a jilpiya. Iłque cuftine Tomás, łacui'impá cal Cuatsi. 25 Locuenaye ts'ilihuequi Jesús timiyi:

—Ałsinnapá Cał'ailli'.

Tomás timila':

—Ja'ni caxinla' limane petsi lepałts'ijncompa lan clavo, ja'ni cacaj'miła' laidedo pe lecajm'micompa cal clavo, ja'ni cacanc'ola' laimane pe lixcai'empa liju', canes'ma: “Ma' imaf'inapa Jesús”. Ja'ni aicaxina tołta'a ti'hua canes'ma: “Aiquimaf'inghua Jesús. A'i iłque licuai'ma.”

²⁶ Lijoupa luyaipa apaico quitine, efot'lecona'mołtsi ts'ilihuequi Jesús. Ix'nif'miya lajut'ł. Tomás jouc'a tipa'a. Icuaitsi Jesús. Ecaxingai'mola'. Timila':

—Aimołhuotso'me.

²⁷ Timi Tomás:

—Tacajm'miła' lodedo iłna'a laimane'. To'nijla' lomane tacanc'ola' lainiju'. Aimonescona'ma: “Jesús aiquimaf'inghua”. Ał'huaiyijnla'. Joupa aimaf'inapa.

²⁸ Tomás italai'e'e'ma, timi:

—Ima' maiPoujna. Ima' mainenDios.

²⁹ Jesús timi:

—Ima' lahuelonge, tołta'a ał'huaiyijmpa. Naitsi lał'huaiyijnja tama aicalahuelonge, iłque linca xonca lipaxnepa ŁanDios.

³⁰ Mipa'a fa'a li'a łamats' Jesús imuc'i'mola' ts'ilihuequi al cueca' li'epa. Tołta'a imuc'i'mola' ma ŁanDios łummepa. Jifa'a aiquiniłi jahuay iłta'a li'epa Jesús, ma le'a huata. ³¹ Łataiquí liniliya fa'a timuc'ilhuo' naitsi Jesús, iłque cal Cristo, ma' i'Hua ŁanDios. Tolapenufle iłta'a lataiqui', toł'huaiyijm'me iłque Jesús. Tołta'a tepi'im'molhuo' lołpitine aimijouya.

21

¹ Lijou'ma imujcona'moxi Jesús. Icuaiyocontsi pe lomana' ts'ilihuequi. Iłniya joupa iyepá al cuecaj quin'nuhua' cuftine Tiberias. (Jouc'a tecui'inni Galilea.) Fa'a cuya'e' li'ipa.

² Jiłpe efot'le'mołtsi hualca ts'ilihuequi Jesús. Iłniya Simón Pedro, Tomás iłque cal Cuatsi, Natanael iłque lipiłya' Caná lopa'a al distrito Galilea. Jouc'a timana' loquexi' linaxque Zebedeo, jouc'a ocuenaye loquexi' ts'ilihuequi Jesús. ³ Simón Pedro timila':

—A'i'huapa ca'nołta catú.

Locuenaye timiyi:

—Ne'. Jouc'a łepá illanc'.

Ipalunca, if'ajli'me al barco. Iłe lipuqui' aiqui'noł'me ni' anuli łatu.

⁴ Li'ipa quitine tipa'a Jesús tecaxu łema caja. Ts'ilihuequi aiquilimetsaijma ja'ni Jesús. ⁵ Jesús ijoc'i'mola', timila':

—Imanc' cunc'ainaxque', łte oł'nołpá o a'i?

Italai'e'e'me, timiyi:

—A'i. Ni tołca'a anuli aical'nołi.

⁶ Timila':

—Tolacajm'miconsa cal xami. Tolacajm'mitsa al c'a camane al barco. Jiłpiya linca tululijtola' latuye.

Ecajm'mihuo'me hixami. Lijou'ma ixim'me acumta i'ipa cal xami, aimi'ia mexatufyacu, mif'ac'eyacu, minij'miyacu al barco. Imanna catuye.

⁷ Anuli ts'ihuequi Jesús, itque li'epa capic'a juaiconapa, ipalaic'o'ma Pedro, timi:

—Itque a'Ailli' Jesús.

Simón Pedro joupa ipa'apa litsamalo. Licuej'ma icuai'ma Jesús aiquicoli, ijojcocona'ma litsamalo, ecajm'mi'moxi laja, ti'hua'ma lamats'. ⁸ Locuenaye ts'ilihuequi Jesús if'ajli'me al barco. A'ij culi' lema caja, tocomma amaxnu metro. Ihuej'me Pedro, equif'me cal xami imanna catuye. ⁹ Icuaitsa lema caja, ixim'me imac'o hunsuac'. Jitpiya tipa'a anuli latu, joupa tixanuya. Ixim'me tipa'a la'i jouc'a. ¹⁰ Jesús timila':

—Tot'hua'anca hualca latuye lot'notpa.

¹¹ Pedro if'aj'ma al barco, exa'ma cal xami liju' camats'. Hca'a cal xami imanna catuye. Ihe latuye ixhuj'me'mola' ixhuaitsi anulij maxnu oquej nuxans quimbama' fane'. Axpe' catuye cal xami aiquits'alquenni. ¹² Jesús timila':

—Tonfouyunca. Atetso'me.

Ts'ilihuequi Jesús aiquilicuis'e: “¿Naitsi ima'?” Tixinyi calaic'ata. Hsina' ma'que it'Ailli' Jesús. ¹³ Jesús itoc'huai'ma, epef'ma la'i, epi'i'mola'. Epi'i'mola' jouc'a latu.

¹⁴ Joupa i'ipa afanemma mimujyoxi Jesús. Ts'ilihuequi ximpá joupa imaf'inapa, ipanamma pe lomana' lamizhua.

¹⁵ Lijou'ma litetso'me Jesús timi Simón Pedro:

—Simón, ima' i'hua Jonás, lopimaye a'ay capic'a. ¿Te ima' xonca a'ay capic'a?

Pedro timi:

—Mai'ailli', ima' oxina' a'ejmalepá.

Jesús timi:

—Tohuic'itsola' lan tsocay laimot'í.

¹⁶ Jesús icuis'econa'ma, timi:

—Simón, ima' i'hua Jonás, ¿te a'ay capic'a?

Pedro italai'e'e'ma, timi:

—Mai'ailli', ima' oxina' a'ejmalepá.

Timi:

—To'etsola' cuenna laimot'í.

¹⁷ Jesús icuis'econa'ma, timi:

—Simón, ima' i'hua Jonás, ¿te ma a'ejmalepá?

Pedro ixhuelco'ma juaiconapa petsi limipa ita'a. Ticua: “¿Te calicuis'ecocopa: Te ma' alinca a'ejmalepá. Joupa afanemma almipa to'la'a.” Timi:

—Mai'ailli', ima' oxina' jahuay. Oxina' alinca a'ejmalepá.

Jesús timi:

—Tohuic'itsola' laimot'í. ¹⁸ Iya' camihuo' al linca: Ima' li'ipa mamijcano, ima' cotuca' tofi'e' lopijahua', o'hualecopa

ni petsi lofjanajpa loftseya. Titojnatso' ti'i'ma ituca' lofmuyaicoya. Ima' to'nij'ma lomane, ocuena tifi'e'mo', tileco'mo' petsi aimetentococoyaco'.

¹⁹ Lines'ma tołta'a Jesús u'i'ma te ts'i'ic' mimaya Pedro. Ma mima'ayi Pedro, lan xanuc' tixim'me acueca' LanDios, acueca' titoc'ila' lixanuc'.

Lijou'ma timi:

—Lihuejla'.

²⁰ Pedro ehuelojm'ma lixpula', ixim'ma łocuena ts'ihuequi Jesús i'huanc'e. Itque ts'ihuequi Jesús li'epa capic'a juaiconapa. He lipuqui' lixmoco'me itque iloc'huaipa Jesús, icuis'epa: “Mai'ailli', ¿naitsi nocuyaco'?” ²¹ Pedro lixim'ma itque ihuequi Jesús icuis'e'ma Jesús, timi:

—Mai'ailli', ¿te coyaicoya itque?

²² Jesús timi:

—Ja'ni iya' aipic'a tipanenni, ja'ni cacuaiconanni caxim'ma tipa'a, ¿te cofcuaya ima'? Ma' iya' caxpic'e te loyaicoya itque. Ima' lihuejla'.

²³ Lijou'ma lapimaye, itne naihuejpa Jesús, tinesyi: “Łapima pe Jesús ł'epa capic'a juaiconapa, itque aimimaya”. Jesús a'i tołta'a limipa Pedro. Imipa: “Ja'ni iya' aipic'a tipanenni itque, ja'ni cacuaiconanni caxim'ma tipa'a, ¿te cofcuaya ima'? Ma' iya' caxpic'e te loyaicoya itque.”

²⁴ Ts'ihuequi Jesús, itque pe Jesús li'epa capic'a juaiconapa, ma' itque tu'ilhuo' te ts'i'ic' li'ipa, inilpa fa'a. Inilpa al linca, tołta'a ałsina' illanc'.

²⁵ Jesús axpe' i'epa acueca'. Fa'a aikuiniłingiya jahuay. Ja'ni tiniłle anuli anuli jahuay li'epa Jesús, axpe' je'e tilajm'ma. Fa'a li'a łamats' aimi'ommaicoya.

LI'EPA LAPIMAYE LAN APÓSTOLE

¹ Ima' Teófilo, quiniñ'ehuo' coje'e. Joupa niniñ'epo' anuli loje'e. Jiñe loje'e nu'ipo' acuajmaica te ts'i'ic' lipangopa li'epa Jesús, te ts'i'ic' limuc'iyalepa jouc'a te ts'i'ic' luyaicopa lipepajnya mipa'a li'a lamats'. ² Mipa'a Jesús fa'a li'a lamats', ai'a tepenufinnata al toncay lema'a, mañe litine iñque ixc'ai'ipola' li'apóstole, iñe li'huijñ'epola'. Iñe litaiqui' lixc'ai'ipola' ma' itaiqui' cal Espíritu Santo. ³ Lixc'ai'ipola' toñta'a Jesús joupa iteñcopa, imapa, imaf'ina'ma, imuj'moxi pe lomana' jiñe li'apóstole. Imuc'i'mola' ma' imaf'i'. Micoñi oquej nuxans quitine, li'apóstole tixinyi Jesús ti'hua timujyoxi. Tipalaic'ola', tu'ila' te ts'i'ic' locuxeyalepa LanDios cal Cuecaj Rey.

⁴ Mimana' anuli icuxe'e'mola' timanenca al cuecaj quitya' Jerusalén. Aimiye'me. Ti'huaicoñe ti'ila' to linespa LanDios. Timila':

—Joupa aimipolhuo' lo'iya. ⁵ Juan epo'iyalecopa aja'. Aimi-coña, tepo'icom'molhuo' cal Espíritu Santo.

⁶ Mefoñumma icuis'e'me Jesus, timiyi:

—MañPoujna, illanc' ixanuc' Israel, iñna'a litiné, ¿te ima' añtoc'i'monga', aimañcuxeconayacongá' locuenaye lan xanuc'?

⁷ Timila':

—Imanc' aimi'iya coñsina' lo'iya. LanDios tixpic'e'ma te quitine lo'iya toñta'a. Iñque ts'ixina' ja'ni ticoñ'ma o aimi-coña. ⁸ Iya' camilhuo': Cal Espíritu Santo timuyohuo lema'a. Tipaxne'molhuo' imanc'. Tepi'i'molhuo' loñmane añpalaico'ma iya'. Añpalaico'ma jifa'a liña' Jerusalén, jouc'a añpalaicota jahuary al distrito Judea, jouc'a lamats' Samaria, jouc'a ni petsi li'a lamats', xonca al culi'.

⁹ Lijoupa limipola' toñta'a, mehuelojnyi li'apóstole, Jesús if'ajna'ma. Ilecona'ma anuli hummahuary. Aiquixingona'me.

¹⁰ Mif'auinghua Jesús, tehuenaf'yi lema'a li'apóstole, icuaitsa oquexi' lan xanuc', afujca liñpijagua'. Ecaxoñai'me huejnca.

¹¹ Timiyi:

—Imanc' ixanuc' Galilea, ¿te colahuenaf'copa lema'a? Joupa iñonc'e'enapolhuo' Jesús, ileconapa lema'a. To jiñta'a moñsinyi lif'ajnapa lema'a, ma toñta'a ticuaiyoconno mañque Jesús.

¹² Toñta'a li'ipa mimana' jiñpiya hijuala Olivo. Iñque hijuala ahuejnca Jerusalén, to anuli kilómetro. Tama litine conxajya ticunni lane to'hua'ma iñe lipiculi'. Lan apóstole ipailinanca, iye'me Jerusalén. ¹³ Icuaitsa Jerusalén itsuflai'me lajut'i. If'ajli'me al toncay. Jiñe lajut'i ixa'huepá, imajmpá iñe lan apóstole, Pedro, Juan, Jacobo, Andrés, Felipe, Tomás,

Bartolomé, Mateo, Jacobo i'hua Alfeo, Simón jouc'a Judas, i'hua Jacobo. Iñque Simón ai'a tihuej'ma Jesús anuli liñpicuejma' lan xanuc' nocuapá: “Lunñu'e'me ñalamats'”. ¹⁴ I'i'ma anuli liñpicuejma' lan apóstole, itine itine ti'hua tijoc'iyi ñanDios. Jouc'a efot'ñeyoñsi lacañ'no', iñne liyejmalepá Jesús, jouc'a María qui'máma' Jesús, jouc'a lipimaye Jesús.

¹⁵ Iñne litiné Pedro ecax'ma, ipalaic'o'mola' lipimaye. Timana' to amaxnuj nuxans lefot'ñeyoñsi. Timila':

¹⁶—Imanc' cunc'aipimaye, al Paxi Lininñingiya tuya'e' linespa David, iñe itaiqui' cal Espíritu Santo. David uya'a'ma lo'eya Judas, iñque li'huaj'me'mola' lan xanuc' li'noñ'me Jesús. Jounpa enañpa iñe loya'apa al Paxi Lininñingiya, toñta'a tucuicomma.

¹⁷ Iñque Judas anuli illanc' ninc'apóstole, anuli lañpenic'.

¹⁸ Judas li'epa iñe lixcay i'ñajtsempa, epenuf'ma al tomí, i'naco'ma anuli ñamats'. Jiñpe iñquiya ecanghñaitsi, untañ'ma licu'u, ipanni lipucuiyale. ¹⁹ Jahuay nomana' Jerusalén icuej'me li'ipa. Iñque ñamats' li'ñapa Judas ecui'im'me Acel-dama. Iñe lataiqui' iñtaiqui' iñne lan xanuc', tuhuañquemma cuñtine: ñamats' cajuats'.

²⁰ Pedro ti'hua tipalaic'ola' liñejmale, timila':

—Tuya'e' iñe al je'e lan Salmo lininñingiya:

Tipanenni quituca' lejut'ñ iñque cal xans.

Nij naitsi nopajñconaya.

Jouc'a tuya'e':

Iñque, iñe lipenic', ti'eñ'a' ocuena.

²¹ 'Fa'a timana' lañpimaye, iñne lañejmale malihuejyi lañPoujna Jesús jifa'a li'a ñamats'. ²² Mepo'iyale Juan, añejmalepá iñne anuli. Litine lileconnapa lema'a lañPoujna Jesús, lañpo'noponga' cañtuca', ti'hua añejmale. Itsiya añ'huijñ'e'me anuli iñne. Ma' anuli luya'a'me: Imañ'inapa Jesús, añsimpá.

²³ Iñaquim'mola' oquexi' lan xanuc' naitsi lolijya iñe lanic'. Iñne loquexi' anuli cuñtine José Barsabás, ñocuena cuñtine Matías. Iñque José ñacui'impá Justo. ²⁴ Ijoc'i'me lañPoujna Jesús, timiyi:

—MañPoujna, ima' mimetsaicola' te ts'i'ic' liñpicuejma' jahuay lan xanuc'. Oxina' te ts'i'ic' lañpicuejma'. Jifa'a timana' oquexi' lañejmalepá. Ima' jounpa o'huijñ'epa anuli. Añmuc'itsonga' naitsi iñque. ²⁵ Añ'eñe anuli lañpenic' ninc'apóstole. Toñta'a lipenic' Judas. Ipo'nopa i'ñuapa pe lotsepá lif'as quixcay xanuc'.

²⁶ I'e'me naitsi coc'añmaiya. Ec'añmaita Matías. Limbamaj nuli lan apóstole epenuf'me.

2

¹ Icuaitsi litine al juic Pentecostés. Mañe litine lan apóstole jouc'a liñejmale efot'ñe'moñsi anuli. ² Icuej'me tuna'e' lema'a, to

mi'hua'ma ujfxi cahua'. Jilpe lajut'l tocomma imanna lona'apa.
³ Ixim'me to lipal cunga ixc'if'moxi, ipanenni anuli anuli hitjuac
 ihniya. ⁴ Cal Espiritu Santo icuxe'e'mola' lipicuejma'. Tu'ila' te
 ts'i'ic' minesyacu. Ipango'me ipalai'me ituca' cataiqui'.

⁵ Ine litiné liya' Jerusalén timana' axpela' lan xanuc' judío
 tixantseyi quiljuic. Ine quiyoyomma ni petsi li'a lamats',
 tihuejcoyi LanDios. ⁶ Icuej'me tuna'e'. Icuaiyunca pe lomana'
 lan apóstole jouc'a lifejmale. Aiquilsina' te qui'ipa. Tama
 ocuena ocuena lihtaiqui' jahuay ihniya icuec'e'me lonespa lan
 apóstole. ⁷ Tocomma tipailo lipicuejma', ixpailij'mola'. Ticu-
 uayi:

—Ine nopalaipá quiyoyomma Galilea. ⁸ Illanc'
 ałmajnliyota ituca' ituca' lamats', ocuena ocuena lahtaiqui'.
 Itsiya, ¿te qui'ipa? Jahuay illanc' alcuec'ela' ihniya lonespa.
⁹ Fa'a ja'ni ninc'iPartia, ninc'iMedia, ninc'Elam, ja'ni
 calouyomma lamats' Mesopotamia, o Judea, o Capadocia,
 o Ponto, o Asia, ¹⁰ o Frigia, Panfilia, Egipto, jouc'a lamats'
 Libia, ihe ahuejnca liya' Cirene, ja'ni Roma alpiya' alcuai'me
 al juic, ja'ni ałmana' ma ninc'ijudío, o ja'ni ocuena lařaza,
 lihuejcoyi hlenDios lan judío, ¹¹ ja'ni ałmana' ninc'iCreta, o
 ałmana' ninc'Arabia, tama ituca' ituca' calouyomma, ocuena
 ocuena lahtaiqui', itsiya jahuay alcuec'eyi ihe lopalaipa.
 Alcuejyi tipalaiyi lahtaiqui'. Tuya'ayi al cueca' lo'epa LanDios.

¹² Ine lan xanuc' miquimf'eyi tocomma tipailo lipicuejma'.
 Tixhuełcoyi juaiconapa. Ticuayi:

—¿Te qui'icopa tołta'a lihtaiqui' ihniya?

¹³ Ocuenaye ixoco'me, ticuayi:

—Ine nopalaipá joupa imeyojpola'. Ixnapá juaiconapa al
 ts'ej vino.

¹⁴ Limbamaj nuli lan apóstole jouc'a Pedro enaj'moltsi
 locuenaye lapimaye nomana' jilpe, ecaxolai'me. Pedro
 ipalai'ma ujfxi, ipalaic'o'mola' lefołya, timila':

—Capalaic'olhuo' jahuay imanc' olafot'leyoltsi fa'a
 Jerusalén. Hualca imanc' nołmana' fa'a olamats' Judea,
 locuenaye imanc' ocuena colamats'. Itsiya cami'molhuo',
 cuhuałc'e'e'molhuo' ihe li'ipa. ¡Alquimf'eta'!

¹⁵ 'Imanc' tołcuayi: Inu'hua lan xanuc' joupa imeyojpola'.
 A'ij linca lołnespa. Itsiya apuqui'iya. Le'a apella 'hora. ¹⁶ Itsiya
 i'ipa to luya'apa Joel cal profeta. Iłque uya'apa tołta'a ti'i'ma,
 inespa:

¹⁷ LanDios tuya'e':

Ihna'a litiné, ai'a tijou'ma li'a lamats', iya' cumme'ma łai'Espiritu.
 Lan xanuc' ni petsi lomana' li'a lamats' tepenuf'me.
 Lołnaxque' camijcanó jouc'a lołnaxque' cahuats'la, tuya'a'me
 laifnu'iyacola'.

Litine lolamijcanó tixim'me laifmuc'iyacola',
lipuqui' litojpola' xanuc' tipaiyo'me, iya' capi'i'mola' quipaiyo.
18 Lan xanuc' jouc'a laca'no', pe nalimetsaicopa iya' ihPoujna,
ihniya tepenuf'me hai'Espíritu, tuya'a'me laifmiyacola'.

Ma' iya' cumme'ma hai'Espíritu, ticuaita pe lomana' ihniya.

19 Lan xanuc' tixim'me acueca' laifmuc'iyacola' fa'a li'a lamats'.
Tehuenaf'le al toncay lema'a tixim'me al cueca'.

Tixim'me to lajuats', jouc'a lunga, jouc'a juaiconapa quicuxis.

20 Lalapalai'enga' timufc'o'ma. Cal mut'la ti'i'ma to lajuats'.

Tijoula' ti'ila' tohta'a ticuaihuo jile Litine LanDios.

Jahuay tixim'me acueca' Litine ihe; acueca' juaiconapa lo'eya
LanDios.

21 Naitsi nojoc'iya LanDios, naitsi noxa'hueya titoc'ila', ique
linca tunhu'ma.

22 'Imanc' ixanuc' Israel, atquimf'ela' laifnu'iyacolhuo': Cal
xans Jesús las Nazaret ma LanDios epi'ipa limane, tohta'a
imuj'moxi ma' anDios. Ique Jesús li'huamma icuaita
pe lomana', i'e'ma al cueca', i'e'ma ma to lo'eya LanDios.
Tohta'a imuc'ipolhuo' naitsi hummepa. Joupa ohsina' ihe li'ipa.

23 Lijou'ma i'i'ma ma to quixina' LanDios lo'iya, ma to lix-
pic'e'ma. Ique cal xans Jesús LanDios icupa, epi'ipolhuo'
imanc'. Imanc' olcu'me icuaita quimane ts'ihpenic'. Tohmila'
lan xanuc', ihe pe aimihuejcoyi LanDios: "Tonlapats'ijntsa
lancruz". Tohta'a qui'ic' imanc' olma'apá. 24 Lijou'ma LanDios
imaf'i'ina'ma. Aiquipo'nohuo quimac'. Unhu'e'ma. Lamaya
aiqui'ic' culiqui nulemma. 25 Li'ipa to linespa David mi-
palaicojma Jesús, tuya'e':

Iya' aiximpa lo'iya, lahPoujna aimalpo'noya caituca'.

Itine itine almajm'me anuli, ique tipa'a al c'a camane, altoc'i.

Ailopa'a calspaic'eya.

26 Tohta'a caxina amaf'ca lainunxajma'.

Cuya'a'ma: Iya' tixoqui neta juaiconapa.

Aixina' cuyaico'ma al c'a jouc'a laicuerpo.

Tijoula' laipitine fa'a li'a lamats' cunxaj'ma tixoj'ma neta.

27 Iya' hai'alma aimalpo'noya pe lomana' lamizhua.

Iya' o'huexi, ima' aiPoujna, altoc'i'ma, laicuerpo aimihuet'lya.

28 Iya' aixina' laif'eya, joupa almuc'ipa, culij'ma laipitine.

Capajn-na'ma pe lofpa'a, ima' toxhuai'ni'ma laixojcoya neta.

29 'Cunc'aipimaye, lapi'ila' lane capalaic'o'molhuo' al cua-
jmaica cataiqui'. Imanc' joupa ohsina' li'ipa laltatahuelo
David. Ique imanapa, temuya. Lipu'hua tipanenni fa'a li'ya'
Jerusalén. 30-31 Ique David aprofeta. LanDios u'i'ma lo'iya.
Joupa epi'ipa cataiqui' imipa:

Ima' lofcuxeya aimijouya.

Ima' ti'i'ma itatahuelo cal Cristo ique laifnummeya ticuxela'.

David aikuimenc'ejma iŕe litaiqui' ÑanDios limipa. Ixina' lo'eya ÑanDios, ipalaico'ma lo'iya cal Cristo, ticua timaf'ina'ma. Toŕta'a li'ipa. Iŕque cal Cristo hi'alma ÑanDios aikuipo'nohuo nulemma pe lomana' lamizhua, licuerpo aikuihuet'iqui. ³² Iŕque cal Cristo maŕque Jesús, ÑanDios imaf'i'ina'ma, itsahue'enanni. Jahuay illanc' aŕsimpá imaf'inapa. ³³ ÑanDios qui'Ailli' cal Cristo imi'ma: "Capi'i'mo' cal Espíritu Santo. Tommeta pe lomana' laixanuc'." Toŕta'a li'ipa. ÑanDios if'ac'enapa lema'a, epi'ipa toŕta'a limane. Iŕque Cristo joupa ummepa cal Espíritu Santo. Imanc' aŕquim'enga' laŕpalaipa, lahuelonginga' laŕ'ejma'. Toŕta'a maŕcuxenga' cal Espíritu. ³⁴ David a'i quif'aqui lema'a. Maŕque tuya'e': ÑanDios tipalaic'o ŕaiPoujna, timi: "Tocutshuai'ma jifa'a al c'a camane.

³⁵ Topanehuo fa'a, iya' mi'hua culiquila' lo'epo' laic'. Tijouŕa' ima' tocuxena'mola'."

³⁶ 'Imanc' ixanuc' Israel; itsiya jahuay imanc' toŕcuc'eŕe iŕe li'ipa. Iŕque Jesús imanc' olapaŕts'ijmpá lancruz, ÑanDios imetsaicopa aŕPoujna, imetsaicopa cal Cristo.

³⁷ Licuej'me iŕe lataiqui' ecajm-maitsi lataiqui' liŕpicuejma', icuaitsi kilunxajma'. Ixhueŕconca juaiconapa. Icuis'e'me, timinila' Pedro jouc'a locuenaye apóŕtote:

—¿Te caŕ'eyacu? Imanc' cunc'aŕpimaye lu'itsonga'.

³⁸ Pedro timila':

—Toŕsuej'menca. Toŕnesle: "Al linca iŕque Jesús aCristo". Tepo'intŕsolhuo' anuli anuli imanc'. ÑanDios tiŕonc'e'e'molhuo' loŕjunac'. Tepi'im'molhuo' cal Espíritu Santo. Joupa inespa toŕta'a ÑanDios. ³⁹ Itsiya toŕta'a timila' jahuay nojoc'ipola'. Timilhuo' imanc', timila' loŕnaŕque', jouc'a timila' iŕniya nomana' aculi'.

⁴⁰ Lijoupa limipola' toŕta'a, Pedro ti'hua tipalaic'ola' xonca. Ti'hua tixc'ai'ila', tixa'huela', timila':

—Aimolihuej'mola' lan xanuc' nomana' itsiya. Iŕne aimihuejyi al hijca lipene ÑanDios.

⁴¹ Iŕe litine lan apóŕtote jouc'a liŕejmale epenufim'mola' to afanej mil lan ts'e capimaye, iŕne epenufpá litaiqui' Pedro epo'im'mola'. ⁴² Jahuay lapimaye tihuejyi lomuc'iyalepa lan apóŕtote. Tiyejmaleyi, titoc'iyotŕsi. Ti'eyi to Jesús lixc'ai'ipola' li'apóŕtote. Tefot'leyotŕsi, tixquec'iyotŕsi ŕa'i, titeji. Tijoc'iyi ÑanDios.

⁴³ Iŕniya litiné jahuay lan xanuc' tixpaic'eyi ÑanDios. Ailopa'a natets'ipa ÑanDios. Lan apóŕtote ti'eyi al cueca'. Timuc'innila' lan xanuc' lipepaxi ÑanDios. ⁴⁴ Jahuay iŕne naihuejcopá Jesús i'e'e'motŕsi anuli. Timiyotŕsi:

—Maipima, ŕai'huexi iya' ima' o'huexi jouc'a.

⁴⁵ Ja'ni lamats', ja'ni ocuena qui'l'huexi, pe ts'il'hueca ticuji. El tomí lolijpa teca'nennila' lapimaye pe ailopa'a qui'l'hueca. ⁴⁶ Itine itine tiyeyi al cuecaj xoute', tefot'leyołtsi. I'ipa anuli liłpicuejma'. Jouc'a tefot'leyołtsi hilejut'li. Jiłpe titeji la'i lixquet-sufiya. Linca tixoqui quileta titetsoyi anuli. ⁴⁷ Tix'najtsi'iyi LanDios. Locuenaye xanuc' tetentocola' li'ejma'. Itine itine lałPoujna Jesucristo tunhu'ela' lan xanuc'. Tołta'a ixpepola' lapimaye, tefot'leyołtsi anuli.

3

¹ Anuli litine iye'me al cuecaj xoute' Pedro jouc'a Juan. I'ipa al fanej hora. Małpe lan xanuc' tijoc'iyi LanDios. ² Jiłpe ticutsu anuli cal coxo. Tołta'a lipajnta. Itine itine tiłcuai'emmanunaj xoute', pe lopa'a al puerta lacui'impá: Xonca Lilange. Jiłpe cal coxo tixahue'ela' tepi'inni quitomí ilne lan xanuc' mitsuflaiyi al xoute'. ³ Ixim'mola' Pedro jouc'a Juan mitsuflaiyi al xoute', ixahue'e'mola' tepi'ile quitomí. ⁴ Pedro jouc'a Juan ehuelonc'e'e'me li'a. Pedro timi:

—Ima' alahuelojntsonga'.

⁵ Cal xans i'e'ma to limi'ma. Ticua: “Lapi'i'ma caitomí”. ⁶ Pedro timi:

—Iya' ailopa'a caitomí, ni huata ni axpe'. Linca catoc'i'mo'. Cajoc'i'ma Jesús las Nazaret, ilque tixałmetso'. Ima', itot-sahuenni! ¡To'huałta'!

⁷ Pedro i'noł'e'e'ma al c'a quimane. Ecaxu'ma. Aiquicoł'ma i'ina'ma quiłpujfxi li'mitsi', jouc'a licoxac' qui'mitsi'. ⁸ Iyuf'conni, ecax'ma, ipango'ma i'hua'ma. Itsuflai'me al xoute' ilque jouc'a Pedro y Juan. Ti'hua iyuf'conni, tix'najtsi'i LanDios. ⁹ Jahuay lan xanuc' nomana' jiłpiya ixim'me ti'hua, icuej'me tix'najtsi'i LanDios. ¹⁰ Imetsaico'me, ticuayi: “Iłca'a cal xans micutsu lunaj xoute' jiłpe al puerta lacui'impá: Xonca Lilange, tixa'hue quitomí. Itsiya, ¿te qui'ipa? Itsiya ti'huanghua.”

¹¹ Jiłpe al cuecaj xoute' lipinujnca Salomón efot'le'mołtsi lan xanuc'. Ixim'pá cal coxo joupá ixalconapa, tecax'c'o nolojmay Pedro y Juan, i'nołila' ihniya. Ticuayi: “¿Te qui'ipa lixałcopa?”

¹² Pedro lixim'mola' lan xanuc' lefołya timila':

—Imanc' cunc'ixanuc', ołtatahuelo Israel, ¿te aicołcueda li'ipa? ¿Te calahuelojncoponga' illanc'? ¿Te aga illanc' caltuca' al'e'epa ti'huałta' ilque cal xans? ¿Te aga illanc' xonca lihuejcoyi LanDios, tołta'a lapi'iponga' lałmane alsal'mete jiłca'a cal xans? A'i. ¹³ Ma LanDios i'epa ilta'a al cueca' itsiya. Iłque ilenDios lałtatahueló Abraham, Isaac y Jacob jouc'a ilenDios lał'aillí, itsiya imuc'ipolhuo' joupá imetsaicopa Jesús i'Hua. Imuc'ipolhuo' joupá imetsaicopa ixhuai'nipa lipenic', ile lanic' lepi'ipa ti'ela'. Małque Jesús imanc' ołcupá

icuaitsi limane hincuxepa Pilato. Pilato ipic'a tux'masnała', imanc' aicołcuac', ołcuanac'epá. ¹⁴ Imanc' ołsa'hue'me Pilato tux'masnała' łocuena cal xans, iłque cal cuej quinma'ahuale. Jesús, cal Paxi Xans, cal Łijca Xans, imanc' aicołcuac', aicolapenufi. ¹⁵ Imanc' ołma'a'me Jesús, małque łalapi'iponga' łalpitine. ŁanDios imaf'i'ınapa, ipa'apa pe lomana' lamizhua. Jahuay illanc' łalejmalepá ałsimpá imaf'ınapa. ¹⁶ Ał'huaiyjnyi Jesús. Ałsina' ja'ni ałnesco'me lipuftine Jesús, ŁanDios tixał'me'ma cal coxo. Tołta'a li'ipa. Małque Jesús ałtoc'iponga' ał'huaiyjnle tołta'a, tołiya imanc' tołsinyi iłca'a cal xans joupa ixałconapa, ailopa'a quicuana.

¹⁷ 'Cunc'aipimaye, aixina' li'ipa. Litine lołma'apa Jesús imanc' aicołsina' naitsi iłque. Jouc'a aiquiłsina' iłne nicuxepolhuo'. ¹⁸ Ma ŁanDios enant'łipa litaiqui', iłe loya'apa lam profeta. Jahuay iłniya uya'a'me titełco'ma cal Cristo.

¹⁹ 'Itsiya tołsuej'menca iłe loł'epa. Tołpai'ile lołpicuejma'. Tołta'a ŁanDios tiłonc'e'ena'molhuo' lołjunac', tunxac'i'molhuo', tipaxne'molhuo'.

²⁰ ŁanDios joupa u'ipolhuo' tumme'e'molhuo' cal Cristo. Ja'ni tołsuej'menanca, łınca tumme'e'cona'molhuo' Jesús, małque cal Cristo. ²¹ Iłque copa'a pu'hua lema'a, i'huaijma ticuaitsi litine jahuay tilajnl'a' al c'a, ti'ila' al ts'e lema'a, al ts'e li'a łamats'. Tołta'a linespa ŁanDios. Li'ipa lipaxi profeta uya'a'me iłe litaiqui' ŁanDios. ²² Moisés inesco'ma cal Cristo locuaicoya fa'a li'a łamats'. U'ipola' łalatahueló lo'iya, timila':

ŁanDios lołPoujna tepi'i'molhuo' anuli cal profeta.

Iłque ał'onłcota to iya', ti'i'ma anuli lołpiłya' xans.

Iłque tołquimf'e'me, tołihuejco'me jahuay lomiyacolhuo'.

²³ Naitsi aimihuejma, iłque tenaj'ma nulemma, aimi'econayacola' anuli lixanuc' ŁanDios.

²⁴ 'Ipangocopa Samuel jahuay lam profeta uya'a'me ma' anuli lo'iya. Itsiya enant'pa luya'apa. ²⁵ Imanc' inaxque' lam profeta, ti'i'ma tołapenuf'me iłe al c'a lonescopa iłniya. ŁanDios litine lipalaic'opa Abraham timi: "Tipajnta anuli nopaxneyacola' lan xanuc' ni petsi lomana' li'a łamats'. Ima' ti'i'ma itatahuelo iłquiya." Małe litaiqui' ŁanDios epi'ipola' lołatahueló jouc'a epi'ipolhuo' imanc' tołapenufle. ²⁶ ŁanDios lijoupa lepi'ipa łi'Hua lipenic', umme'ma ate'a pe lołmana'. Umme'ma tipai'itsolhuo' lołpicuejma' anuli anuli imanc', tołta'a aimoł'e'cona'me lixcay, ŁanDios tipaxne'molhuo'.

4

¹ Mipalaic'ola' lan xanuc' Pedro y Juan jilpe icuaitsa lixanuc' cal cuecaj ca'ailli', jouc'a hincuxepa capaluc' xoute', jouc'a lan xanuc' saduceo. ² Ixinim'mola' Pedro y Juan timuc'iyaleyí,

icuej'me ihne micuayi: “Al linca timaf'ina'me lamizhua; joupá imaf'inapa Jesús.” Aiquetentococola' ihne lonespa Pedro y Juan. ³ Inolim'mola', i'nicontsola' lacarza, timajntsa jilpe ihne lipuqui'. Joupá if'acołaipá. Ticuayi: “Mouqui lipa'a'mola'. Alcucxecotola'.” ⁴ Axpela' lan xanuc' noquimf'epá linespa Pedro y Juan i'huaiyimpá Jesús. Ixpe'mola' lapimaye. Joupá i'i'ma to amaquej mil, ma le'a axanuc'. Timana' jouc'a lacał'no'.

⁵ Li'ipa quitine efot'le'mołtsi jilpe Jerusalén ihne lincuxepá lan xanuc' jouc'a lan tsilaj xanuc' noxpijpá lataiqui', jouc'a lomxiye nomuc'iyalepá locuxepa LanDios. ⁶ Jilpe icuaitsa cal cuecaj ca'ailli' Anás, jouc'a Caifás, Juan, Alejandro y locuenaye lixanuc' cal cuecaj ca'ailli'. ⁷ Icuxem'mola' lilepaluc' tilecontsola' Pedro y Juan. Icuai'entsola', ecaxum'mola' petsi lefot'leyołtsi. Timinnila':

—Imanc' ołsał'mepá cal coxo. ¿Naitsi lepi'ipolhuo' cołmane? ¿Te cuftine ilque?

⁸ Pedro ixim'ma cal Espíritu Santo ticuxe lipicuejma'. Timilla':

—Imanc' cunc'incuxepá jouc'a imanc' nołspijpá lataiqui', ⁹ itsiya licuis'enga', ałminga': ¿Te cołtoc'icopa cal coxo? ¿Te qui'ipa joupá ixalconapa? ¹⁰ Cu'i'molhuo' li'ipa. Ti'ila' cołsina' jahuay imanc' jouc'a jahuay lał'as xanuc' Israel. Illanc' aljoc'i'me Jesucristo, łas Nazaret, ma' ilque Jesús imanc' olapałts'ijmpá lancruz, LanDios imaf'i'inapa ipa'anapa pe lomana' lamizhua. Cacia: Aljoc'ipá ilque. Tołta'a ixalconapa ilca'a cal xans fa'a tecaxu. Tolahuelojnyi, ailopa'a quicuana. ¹¹ Małque Jesús copa'a “... łapic łetets'impá nolanc'epá lajut'ł”. Imanc' mołanc'eyi lajut'ł aicołshuico'me. Itsiya “... joupá i'ipa xonca łaicuicoya, ilque łapic xonca tilanc'e łaitał, aimecangeya lajut'ł”. ¹² Ailopa'a cocuena łalunlu'eyacongá. Jifa'a li'a łamats' ni petsi lomana' lan xanuc', ja'ni tijoc'ihne Jesús, tinescołe lipuftine, tunłul'me. Ocuena aimi'iya munlu'eyacola'.

¹³ Ihne noquimf'epá lonespa Pedro y Juan ixinim'mola' aimixpailiquila', ticuayi: “Ihne ni naitsi xanuc'. Aiquiłsuec'. Iłsina' ałtalai'e'enga'. ¿Te qui'ipola'?” Ticuayi: “Ihne iyejmalepá Jesús”. ¹⁴ Ailopa'a quimiconá'mola'. Ixim'me cal coxo jouc'a Pedro y Juan tecaxołanna. Ilque joupá ixalconapa. ¹⁵ Ummem'mola' łuna. Ipalai'c'o'mołtsi ts'ilpenic'. ¹⁶ Ticuayi:

—¿Te cał'eyacu? ¿Te całmiyacola' ihne lan xanuc'? Jahuay nomana' fa'a liłya' Jerusalén joupá iłsina' juaiconapa acueca' li'epa. Aimi'iya małnesyacu: A'ij linca. ¹⁷ Ma le'a alcuxe'e'mola', ałmi'mola': “Aimołpalaicocona'me Jesús. Aimołnesco'me lipuftine.” Tołta'a lan xanuc' nomana' ocuenaye quilelołya' aimicuejyacu li'epa ihniya.

¹⁸ Ijoc'im'mola' Pedro y Juan titsuflaiconanca. Timinnila':

—Aimoḥpalaicocona'me Jesús. Aimoḥmuc'iconayale'me litaiqui'. Aimoḥnescona'me lipuŋtine.

¹⁹ Pedro y Juan italai'e'me, timinnila':

—¿Te coḥcuayacu imanc'? ¿Te ts'ipic'a ŁanDios? ¿Ja'ni lihuejco'molhuo' imanc' o lihuejco'me ŁanDios? ²⁰ Illanc' aimi'iya maḥtali'eyacoḥtsi laḥco. He laḥsimpa, laḥcuejpa, aluya'a'me, alu'i'mola' lan xanuc'.

²¹ Icuŋe'econom'mola' Pedro y Juan. Timinnila':

—Ja'ni ti'hua toḥpalaicoyi Jesús aḥte'mi'molhuo'. Tonḥente.

Aimi'iya miteḥ'minyacola'. Jahuay lan xanuc' iximpá acueca' iḥe li'ipa, tix'najtsi'iyi ŁanDios. ²² Cal xans lixaḥconapa a'ij camijcano, joupa ixhuaita oquej nuxans y xonca ḥemats'.

²³ Joupa ux'masquinampola' Pedro y Juan ipailinanca, icuaitsa pe lomana' liḥpimaye. Uya'a'me linespa lixanuc' cal cuecaj ca'ailli' jouc'a lan tsilaj xanuc' noxpijpa' lataiqui'.

²⁴ Licuej'me toḥta'a jahuay iḥniya lapimaye ipango'me ijoc'i'me ŁanDios, timiyi:

—MaḥPoujna, illanc' oxanuc'. Ima' olanc'epa lema'a, olanc'epa li'a ḥamats', olanc'epa ḥaja, olanc'epola' jahuay lomana'. ²⁵ Łaḥtatahuelo David joupa lu'iponga' lofnespa ima' manDios. Micuxe cal Espíritu Santo lipicuejma' David, iḥque ticua:

Lan xanuc', iḥne pe aimimetsaicoyi ŁanDios, ixtuc'o'moḥtsi, ixpic'epa ti'e'me nixpiya.

²⁶ Lan rey, iḥne nocuxepá jifa'a li'a ḥamats', joupa itsolinamma, tixtuleyi.

Nocuxepola' lan xanuc' efot'ḥepoḥtsi anuli, tifuli'i'me ŁanDios, tifuli'i'me cal Cristo, iḥque ḥummepa ŁanDios.

²⁷ 'Ma' aḥinca toḥta'a li'ipa jifa'a liḥya'. Efoḥ'ḥepoḥtsi cal rey Herodes, jouc'a Poncio Pilato jouc'a lipiḥya' xanuc', jouc'a laḥxanuc' iḥne ixanuc' Israel. Iḥniya jahuay ixtuc'o'me cal Paxi ḥo'Hua Jesús, iḥque no'epa lopenic' lomepi'ipa, iḥque ḥo'Huij'epa ima'. ²⁸ Iḥniya naixtulepá tocomma to quixtuca' tixpic'eyi lo'eyacu. A'i quixtuca' mixpic'eyi, ma' ima' ocuxe'e'mola' lo'epa, ima' joupa oxpic'epa lo'iya.

²⁹ 'Ima' maḥPoujna, itsiya aḥsa'huehuo' aḥtoc'itsonga'. Toquimf'etsola' nalixtuc'oponga', iḥne aḥminga' cataiqui', illanc' oxanuc', ima' malanDios. MaḥPoujna, lapi'itsonga' caḥpujfxi aimatḥpailij'monga', ti'hua luya'a'me lotaiqui'.

³⁰ Illanc' aḥnescocona'me Jesús lipuŋtine, iḥque cal Paxi ḥo'Hua ni'epa lopenic' lomepi'ipa. Ma' aḥnescote iḥque lipuŋtine, ima' ti'huaḥa' lomane, toxal'metsola' lafcuaḥḥay, tomuc'itsola' lan xanuc' al cueca' lof'epa, to'eḥa' to aimi'iya mi'eyacu lan xanuc'.

³¹ Lijoupa lijoc'ipa ŁanDios ixim'me tifenna lajut'ḥ pe lafoḥyomma. Lapimaye nomana' jilpe cal Espíritu Santo

icuxe'mola' lihpícuejma' jahuary ihniya. Lijou'ma aiqúisina' caxpaiqui'. Ti'hua tu'iyaleyí litaíqui' LanDios.

³² Jahuary ihniya no'huaiyijmpá Jesús ti'e'eyotí capic'a. Ailopa'a nonesya: "Íe ai'huexi ma' iya' caituca". Jahuary ticuayi: "Maipima ita'a íai'huexi jouc'a o'huexi". ³³ Lan apóstole ti'hua tuya'ayi: "Atímpá íatPoujna Jesús jounpa imaf'ínapa, ípanamma pe lomana' lamizhua". A'i ma le'a micuayi, jouc'a ti'eyí al cueca'. LanDios juaiconapa itoc'i'mola' jahuary ihniya lapimaye. ³⁴ Íne no'huaiyijmpá Jesús aimehue'ela', ni' anuli. Lapimaye ts'it'hueca, ja'ni amats' o' ajut'í, ticujyi. Al tomí lolijpa ti'hua'ayi pe lomana' lan apóstole. ³⁵ Teto'ennila' jípe lí'mitsi' ihniya. Íe al tomí teca'nennila' lapimaye pe aiqúit'hueca.

³⁶ Tipa'a jípe anuli íapima cuftine José. Lan apóstole ecui'i'me Bernabé. Íe íaftine tuhuaíquemma: Íaixoc'ípola' quíleta lípimaye. Íque qui'huayomma íamats' Chipre. Cal te'a qui'ahuelo aLeví. ³⁷ Bernabé icuj'ma anuli íemats', itaic' al tomí lulijpa. Eto'e'mola' lí'mitsi' lan apóstole.

5

¹ Jípe pe lomana' lapimaye tipa'a anuli cal xans cuftine Ananías. Jouc'a hípeno Safira icuj'me íamats'. ² Al tomí lulijpa Ananías ípa'a'ma, lípanenni i'hua'a'ma, eto'etsola' lí'mitsi' lan apóstole. Ticuaníe jahuary itaípa al tomí, a'íj íinca. Lípeno íxina' lí'epa hípe'aílli'. ³ Pedro tímí:

—CumAnanías, ¿te comepi'ícopa lane íonta'a Satanás? Íque icuxepo' jípe lopícuejma'. Oxpíe'epa tofel'mi'ma cal Espíritu Santo. Omíonc'epa lomulijpa al tomí. ⁴ Íque íomemats' ai'a tocuj'ma, ¿ja'ni íma' cotuca' aimoxpíe te íof'e'eya? Líjounpa locujpa, al tomí lomulijpa, ¿te aico'huexi? Íma' cotuca' oxpíe'epa afel'mitsonga'. Metets'ípa LanDios, a'í malatets'ínga' íllanc' ninc'íxanuc'.

⁵ Lícuej'ma íe litaíqui' Ananías ecangenni íamats', íma'ma. Lícuej'me lan xanuc' toíta'a lí'ípa jahuary íxpailij'mola' juaiconapa. ⁶ Lamíjcanó ítsolíncá, íju'eco'me asábana lícuerpo Ananías, itai'me emítsa.

⁷ Uyai'ma afanej hora. Ícuaiyunní hípeno íamizhua Ananías. Íque aiqúixina' íe lí'ípa hípe'aílli'. ⁸ Pedro ícuis'e'ma, tímí:

—Alu'íla'. ¿Te aínca toíta'a í'najtse'empolhuo' loícuípa íolamats'?

Tímí:

—Toíta'a al'najtse'emponga'.

⁹ Pedro tímí:

—Ímanc' loquexi' ónefopá olahuaipá cal Espíritu Santo. Toquím'ela'. Ícuaicona'me lamíjcanó nemihuo'me íope'aílli'.

Titsolof'que liſ'mitsi'. Joupa icuai'me hunaj puerta. Tileco'mo' ima'.

¹⁰ Aiquicoſ'ma. Laca'no' ecanghuaitsi imac' jilpe li'mitsi' Pedro. Itsuflai'me lamijcanó ixim'me joupa imanapa. Itai'me emitsa jilpiya lemi'e'huo'me hipe'ailli'. ¹¹ Lapimaye, iſne leſot'lepola' LanDios, jouc'a jahuay lan xanuc', licuej'me iſe li'ipa ixpailij'mola' juaiconapa.

¹² Lan xanuc' nomana' jilpiya ixim'me axpe' acueca' lo'epa lan apóstole, ixinim'mola' mi'eyi to lo'eya LanDios. Jahuay iſne lan apóstole tefot'leyoſtsi pe lopa'a al cuecaj xoute', jilpe linujnca cuftine Lipinujnca Salomón. ¹³ Locuenaye aiqui'onſila' to iſniya lan apóstole, tixpailiquila'. Lan xanuc' ticuayi: "Acueca' lo'epa, acueca' ac'a liſpicuejma' iſniya". ¹⁴ Toſta'a xonca axpela' i'huaiyijm'me laſPoujna. Ixpe'mola' axanuc' acaſ'no'. ¹⁵ Ipa'a'me lilefcualſay lonaf'coſanna liſhualfa o liſhuijm-ma'. Ipo'nom'mola' lema cane, i'huaijma tuyaiſa' Pedro. Ja'ni tixingufcoſe ma le'a lipunxahua tixaſcona'mola'. ¹⁶ Juaiconapa axpela' lan xanuc' quiyoyomma liſleloſya' lo-mana' huejnca Jerusalén tiſcuai'em'mola' lilefcualſay. Jouc'a tiſcuai'em'mola' locuenaye laxtaſpola', tipa'antsola' lontahue liſtuſlaipá. Jahuay ixaſcona'mola'.

¹⁷ Ixtulencia cal cuecaj ca'ailli' jouc'a liſejmale, iſne lan ſaduceo. Juaiconapa ti'eyi lai'. ¹⁸ Umme'me lilepaluc'. Iſne i'noſ'me lan apóstole, i'nico'me lacarza. ¹⁹ Iſe lipuqui' icuaiyunní lacarza anuli laſpaluc quema'a lummepe laſPoujna. Exi'e'ma lipuertá lacarza, ipa'ana'mola'. ²⁰ Timila':

—Tonſete al cuecaj xoute'. Tolacaxoſtsa jilpiya. Toſpalaic'otola' lan xanuc'. Tolu'itola' te ts'i'ic' al ts'e capajnya, te ts'i'ic' mepenufyacu.

²¹ Lijoupa licuej'me toſta'a, iye'me. Icuaiſa al cuecaj xoute'. Joupa tiſic'e itsuflai'me jilpe. Ipango'me imuc'iyalecona'me lan xanuc'.

Cal cuecaj ca'ailli' jouc'a liſejmale icuaiſa pe loxpijyopa cataiqui'. Ijoc'im'mola' jahuay lan tsilaj xanuc' Israel, iſne noxpijpa lataiqui', tefot'letsotſi. Lijou'ma ummem'mola' lapaluc' tiyeſe lacarza. Timinnila':

—Toſſecotsola' ticuaiyunca fa'a pe laſmana' iſne lan xanuc'.

²² Lapaluc' icuaiſa lacarza. Ailomana' jilpiya lan apóstole. Ipailinanca, uya'atsa. ²³ Timiyi:

—Laſcuaita illanc' lacarza eti'iya al c'a. No'epá cuenna tecaxoſanna hunaj puerta. Alaxi'epá cal puertá nij naitſi nopa'a.

²⁴ Lincuxepa capaluc' al cuecaj xoute', jouc'a cal cuecaj ca'ailli', jouc'a lixanuc' cal cuecaj ca'ailli' iquimf'e'me lonespa lapaluc', icua'me:

—Itsiya iŕe li'ipa, ¿te cocula'aya? ¿Te xonca co'iya?

²⁵ Minesyi toŕta'a icuaitsi anuli cal xans, timila':

—¡Toŕsinŕe! Iŕne lan xanuc' imanc' lo'nicopola' lacarza, jipu'hua al xoute' tecaxolanna, timuc'iyaleyí.

²⁶ Lincuxepa lupaluc' al cuecaj xoute' jouc'a lepaluc' iye'me tilecontsola' lan apóstole. Mane ilecontsola', ailopa'a qui'e'empola'. Iŕne lin-naihuehuale tixpailiquila'. Ticuayi: “¿Te caŕ'e'eyaconga' lan xanuc'? Ja'ni lixtuc'o'monga', aŕma'aco'monga' apic.”

²⁷ Icuaiyocontsa pe lefoŕya petsi loxpíjyopa cataiqui'. Ecaxum'mola' jilpiya. Cal cuecaj ca'ailli' ipango'ma icuis'e'mola'. ²⁸ Timila':

—Illanc' joupa aŕsc'ai'ipolhuo', aŕcuxe'epolhuo', aŕmipolhuo': “Aimoŕpalaicocona'me Jesús. Aimoŕnescocona'me lipuftine.” Itsiya, ¿te conŕ'epa? Joupa oŕ'nicopá loŕtaiqui' liŕpicuejma' jahuay lan xanuc' nomana' fa'a Jerusalén. Imanc' aŕtac'huinga' cajunac'. Toŕcuayi illanc' aŕma'apá iŕque cal xans Jesús.

²⁹ Pedro jouc'a locuenaye lan apóstole italai'e'e'me, timinila':

—Ja'ni LanDios jouc'a lan xanuc' aŕcuxenga', ticuicomma lihuejcoŕe LanDios, a'i lan xanuc'. ³⁰ LanDios, hilenDios laŕtatahueló, imaf'i'inapa Jesús, ipa'anapa pe lomana' lamizhua. Maŕque Jesús imanc' olapaŕts'ijmpá al 'ec, oŕma'apá. ³¹ Imanc' ixanuc' Israel, maŕque LanDios ipic'a tepi'itsolhuo' loŕpicuejma' toŕsuej'menanca, ipic'a timenc'e'eco'molhuo' loŕjunac'. Toŕiya i'epa al cueca'. Imaf'i'inapa Jesús, if'ac'enapa, i'e'epa laŕPincuxepa, Lanunŕ'eponga'. ³² Illanc' aŕsina' al linca iŕe laŕmipolhuo'. Toŕiya luya'ayi, lu'ilhuo'. Ma' anuli loya'apa cal Espíritu Santo. Iŕque cal Espíritu LanDios tepi'ila' jahuay naihuejcopá.

³³ Iŕne lan xanuc' noquimf'epá ixtulencia juaiconapa. Coŕa' tima'antsola' lan apóstole. ³⁴ Jilpiya lefoŕya tipa'a anuli cal xans fariseo cuftine Gamaliel. Iŕque cal xans omxi, timuc'iyale locuxepa LanDios. Jahuay lan xanuc' ixim'me ac'a xans, ticuec'eyí. Iŕque ecax'ma, timila':

—Toŕlipa'atsola' iŕne lan xanuc'. Illanc' aŕpalaic'o'moŕtsi caŕtuca'.

³⁵ (Ipa'am'mola' lan apóstole.) Gamaliel ipalaic'o'mola' iŕne lan xanuc' lefoŕya, timila':

—Cunc'aipimaye, cunc'aif'as xanuc' Israel, tonŕ'eŕe cuenna. Toŕspic'eŕe al c'a lonŕ'e'eyacola' iŕne lan xanuc'. ³⁶ Li'ipa cal xans Teudas ehuoc'huai'mola' lincuxepá. Ticua: “Iya' nincuecaj xans. Lihuejla'.” To amalpuj maxnu lan xanuc' ihuej'me. Lijou'ma ima'am'me. Ts'ilihuequi inulai'me nulemma.

³⁷ 'Lijou'ma, ihniya litiné minilingaispola' lihpuffine lan xanuc', ocuenaj cal xans ehuc'huaicona'mola' lincuxepá. Iique cuf-tine Judas las Galilea. Iique jouc'a efot'le'mola' axpela' lan xanuc'. Ifule'me. Judas jouc'a ima'am'me. Ts'ilihuequi inulai'me.

³⁸ 'Itsiya camilhuo': Tolanajtsoltsi ihne lan xanuc'. Tolux'masnatsola' tiyente. Ihniya locuapa, lo'epa, ja'ni tipa'acoyi quiltuca' lipicuejma', aimi'iya, tejac'mola'. ³⁹ Ja'ni LanDios ticuxela', imanc' aimi'iya munlulijyacola', mane tolixtuc'o'me LanDios.

⁴⁰ Ihuejco'me limipola' Gamaliel. Ijoc'iconam'mola' lan apóstole titsuflaiconanca. Itsimaf'quim'mola' lihpula'. Timin- nila':

—Aimoñnescona'me: “Jesús alapi'iponga' lañmane lu'i'molhuo' ile li'ipa”.

Ux'masquinam'mola'. ⁴¹ Lan apóstole ipalunca jilpe lefoña. Tixoqui quileta. Ticuayi: “LanDios tetencocojma mañnesco'me Jesús. Toliya ahtecoyi.” ⁴² Itine itine ti'hua timuc'iyaleyi jilpe al cuecaj xoute' jouc'a lajut'hi. Ti'hua tuya'ayi: “Iique Jesús aCristo, hi'Huijf'epa LanDios”. Aiquixoquila'.

6

¹ Ihne litiné mixpela' ts'ilihuequi Jesús timana' lapimaye ixtuc'o'moltsi. Ihne nopalaijá litaiqui' griego ixtuc'om'mola' locuenaye lapimaye ahebreo, ihne ocuena litaiqui' lopalaipa. Ticuayi:

—Imanc' lolpotsateya itine itine tepi'innila' lotejacu. Illanc' nañpalaicopá griego aimepi'innila' lahpotsateya.

² Limbamaj coquexi' lan apóstole ijoc'im'mola' tefot'letsoltsi jahuay ts'ilihuequi Jesús. Timinnila':

—Illanc' almuc'iyaleyi, lu'iyaleyi litaiqui' LanDios. ¿Te alpo'no'me ilita'a lañpenic'? ¿Ahtes'mi'mola' lan xanuc'? Ai. Aimi'iya. ³ Imanc' illanc' ninc'apimaye. Ticuicomma acaitsi lapimaye, timetsaicontsola' lan c'a xanuc', ticuxetsola' cal Espíritu Santo lipicuejma', ts'ihina' tixpic'e'me al c'a. Mañniya toñ'huijf'etsola' imanc'. ⁴ Illanc' ti'hua al'econa'me ma to mañeyi. Ahjoc'i'me LanDios, almuc'iyale'me litaiqui' LanDios.

⁵ Jahuay lefoña jilpe etenñcoco'mola' ile lataiqui'. I'huijf'em'mola' Esteban, Felipe, Prócoro, Nicanor, Timón, Parmenas jouc'a Nicolás. Iique Esteban jahuay hunxajma' ti'huaiyinge Jesús. Ma le'a cal Espíritu Santo ticuxe lipicuejma'. Nicolás agriego, las Antioquia, ihuejpa lilihuequi lan xanuc' judío. Itsiya ti'huaiyinge Jesús. ⁶ Ihne lan caitsi ilecom'mola' pe lomana' lan apóstole. Lan apóstole ijoc'i'me LanDios, ipo'nof'i'me liñmane liñjac lan caitsi capimaye.

⁷ Lijou'ma xonca aculi' i'hua'ma litaiqui' ËanDios. Liya' Jerusalén xonca tixpela' juaiconapa ihe ts'ilihuequi Jesús. Jiŕpe axpela' la'ailli' tihuejcoyi litaiqui' Jesús.

⁸ ËanDios juaiconapa titoc'i Esteban, ipaxnepa, epi'ipa li mane ti'eŕa' al cueca' to aimi'ya mi'eyacu lan xanuc'. I'e'ma to lo'eya ËanDios. Toŕta'a timuc'iyale.

⁹ Lan xanuc' judío, ihe pe lafoŕyomma lajut'ŕ cuftine Lilejut'ŕ Lo'nampola' joupa Ux'masquinnapola', ixtuc'o'me Esteban. Ihe naixtulepá quiyoyomma liya' Cirene jouc'a liya' Alejandro, jouc'a ŕamats' Cilicia jouc'a ŕamats' Asia. Ihe ipango'me ifuli'i'moŕtsi cataiqui' Esteban. ¹⁰ Esteban imuj'moxi acueca' lipicuejma'. Tipalay ma le'a lomipa cal Espíritu Santo. Ulij'mola'. Ihe ailopa'a cotalai'ecoyacu. ¹¹ Ixtulencia xonca. I'najtsem'mola' lan xanuc' ticufle Esteban. Tuya'atsa: "Iŕca'a cal xans tetets'i' Moisés, jouc'a tetets'i' ËanDios. Aŕcuejpá lonespa." ¹² Toŕta'a tu'innila' lan xanuc' jouc'a lan tsilaj xanuc' noxpíjpá lataiqui', jouc'a lomxiye nomuc'iyalepá locuxepa ËanDios. Jahuay iŕniya ixtuc'o'me Esteban. Icuaitsa pe lopa'a, i'noŕme, i'hua'a'me pe lafoŕyomma lan tsilaj xanuc' noxpíjpá lataiqui'. ¹³ Jiŕpiya lefoŕya icuai'entsola' nofelŕaiquepá, iŕniya icuf'me Esteban. Ticuayi:

—Iŕca'a cal xans ti'hua tetets'i' iŕe al Paxi Cajut'ŕ, jouc'a tetets'i' locuxepa ËanDios. ¹⁴ Illanc' aŕcuejpá lonespa. Ticua: "Jesús ŕas Nazaret teteŕma iŕe al xoute". Jouc'a ticua: "Jesús tipai'i'ma laŕejma', aimaŕ'econa'me to maŕ'eyi". Aŕcuayi: Illanc' aimi'ya malapenufyacu toŕta'a. Itsiya lihuejyi litaiqui' Moisés, iŕque aŕcuxenga'.

¹⁵ Lan xanuc' nocutsoŕanna jiŕpiya lefoŕya juaiconapa tehuelojnyi Esteban. Tixinyi li'a ti'onŕcospa to li'a anuli ŕapaluc quema'a.

7

¹ Cal cuecaj ca'ailli' icuis'e'ma, timi Esteban:

—¿Te al linca locuapa iŕniya?

² Esteban timila':

—Cunc'aipimaye, imanc' aŕtatá laŕcuxenga', aŕquimf'eŕa' laifmiyacolhuo'.

'Mipa'a ŕaŕtatahuelo Abraham ŕamats' Mesopotamia, ai'a ti'huana'ma ŕamats' Harán, cal Cuecaj CanDios, iŕque Nopa'a lema'a, imuj'moxi. ³ Timi: "Topo'noŕa' ŕomemats', topo'notsola' loxanuc'. To'huanni. Camuc'ito' ocuena camats', jiŕpe topajnta." ⁴ Abraham ipanni ŕamats' Mesopotamia pe lomana' lan xanuc' cuftine lan caldeo. I'huana'ma ipajntsi ŕamats' cuftine Harán. Quimaf'i' qui'ailli' jiŕpe imanenca. Lijou'ma limana'ma qui'ailli' ËanDios ummepa i'huanni jifa'a ŕamats' pe laŕmana' itsiya.

⁵ 'Fa'a ŁanDios aiquepi'i' quemats', qui'huexi ni mixpiqueya anuli li'mis. Icupa cataiqui', timi: "Capi'i'mo' ilca'a łamats'. Ti'i'mo' co'huexi. Tijouła' ti'i'ma qui'huexi ło'hua." Ihe litine Abraham ailopa'a qui'hua. ⁶ Jouc'a ŁanDios timi: "Timajnlita lonietó. Ihe loxanuc' tiye'me ocuena camats' a'i quilemats'. Jiłpiya timajnta. Lan xanuc' ti'e'mołtsi quipoujnalá. Ticuxem'mola' juaiconapa. Ti'e'em'mola' quixcay. Amalpuj maxnu camats' ti'e'em'mola' tołta'a. ⁷ Tijouła' lan malpuj maxnu camats' iya' cateł'mi'mola' lan xanuc', ihe li'epołtsi iłpoujnalá loxanuc'. Iłniya loxanuc' tipalnacu jiłpiya. Tipailinacu fa'a. Ma fa'a alaxc'onłingaina'ma."

⁸ Lijou'ma ŁanDios ipo'no'ipa cataiqui' Abraham. Icuxe'e'ma ti'exoxi circuncidar. Lijoupa li'epoxi circuncidar Abraham iłepa qui'hua Isaac. Ipajntsi Isaac, lixhuaitsi apaico quitine, Abraham i'e'ma circuncidar. Isaac i'i'ma qui'ailli' Jacob. Jacob i'i'ma quił'ailli' ihe limbamaj coquexi' lałtatahueló. ⁹ Ihe lałtatahueló i'e'me laic' laquılpepo cuftine José. Icuc'im'mola' José lan xanuc' cotsepa łamats' Egipto. Ihe ileco'me José. ŁanDios aiqueca'nicojma. ¹⁰ Unłu'e'ma jahuay latełcoya. Titoc'i, epi'ipa acuecaj quipicuejma'. Tołta'a Faraón, iłque incuxepa jiłpe łamats' Egipto, tetenłcocojma li'ejma' José. Ifac'e'ma, epi'ipa lipenic' ticuxetsola' lan xanuc' nomana' łamats' Egipto. Jouc'a ticuxela' jahuay nomana' lejutł Faraón.

¹¹ 'Lijou'ma i'i'ma cumemma. Lan xanuc' ni petsi łamats' Egipto ixingufco'me lumemma. Jouc'a lan xanuc' nomana' łamats' Canaán itełco'me juaiconapa. Lałtatahueló nomana' łamats' Canaán aiqixim'me cotejacu. ¹² Jacob, iłque quił'ailli' lałtatahueló, icuej'ma tipa'a cal trigo łamats' Egipto. Ihe lałtatahueló ni anulemma aiquılłsec' Egipto. Quił'ailli' ummepola' tiyełe. ¹³ Iyehuo'me, ipailinanca. Lijou'ma iyecona'me. Licuaiyoconsa łamats' Egipto José imuj'moxi lipimaye. Timila': "Iya' łacołpepo. Iya' ninJosé." Timi cal rey Faraón: "Iłniya aipimaye". ¹⁴ Timila' lipimaye: "Tonłełe Canaán. Tołłecotsola' cai'ailli' Jacob jouc'a lałxanuc'." Tixhuaispola' afanej nuxans quimbamaj maque' ihe lan xanuc'.

¹⁵ 'Jacob jouc'a linaxque', ihe lałtatahueló, imul'me łamats' Egipto. Jiłpe imanenca. Jiłpe imayo'mola'. ¹⁶ Lijou'ma iłpécal icuai'e'me łamats' Siquem. Emunatsa al pu'hua li'napa Abraham. Ihe al pu'hua łopa'a hilemats' lixanuc' cal xans Hamor. Abraham i'najłse'e'mola' atomí, i'napa.

¹⁷ 'Ti'hua tixhuaispola' litiné ŁanDios ti'e'ma ma to limipa Abraham, tepi'i'mola' lałtatahueló quilemats'. Mimana' iłniya łamats' Egipto ti'hua ticuef'quila'. ¹⁸ Jiłpiya anuli cal ts'e quincuxepa ipango'ma icuxe'ma. Iłque aiqumetsaijma José.

19 Ehuepa te co'iya mijou'neyacola' laɣxanuc'. Icuexenai'mola' juaiconapa. Icuexe'e'mola' teca'nicoɫe liɣnaxque' camijcanó, timatsola'.

20 'Ihne litiné ipajntsi Moisés. LanDios icuaicotsi quipic'a ɫacapími', etenɫcoco'ma. Afanej mut'la itoc'empá lejut'ɫ qui'ailli'. 21 Lijou'ma eca'nicom'me. Li'hua cahuats' cal rey Faraón ixim'ma, ipulaf'ma, i'hua'a'ma lejut'ɫ. Itoc'e'ma to qui'hua. 22 Jiɫpe ɫamats' Egipto timana' lan xanuc' acueca' quilsina'. Jahuay liksina' ihniya imuc'i'me Moisés. Toɫta'a Moisés jouc'a imuj'moxi acueca' lipicuejma', ac'a lopalaipa, lo'epa.

23 'Lixhuaitsi oquej nuxans ɫemats' ipic'a tixintsola' lipimaye, ihne ixanuc' Israel. 24 I'hua'ma pe lomana' lipimaye. Jiɫpe ixim'ma anuli titeɫma. Anuli cal xans egipcio titeɫmi. Moisés i'hua'ma titoc'itsi. Icuanaajco'ma lipima. Ima'a'ma cal xans egipcio. 25 Ticua lipicuejma': "Cunɫu'e'mola' laipimaye. Ihne alimetsaico'ma toɫta'a laipenic' lalapi'ipa LanDios." Lipimaye aiqiuɫcueca.

26 'Lihuequi litine tifuleyi oquexi' lipimaye. Icuaitsi Moisés, ticua: "Cananc'otola' ihne laipimaye. Ti'inɫa' liɫpicuejma'. Canajna'mola'." Timila': "Cunc'ixanuc', imanc' unc'apimaye. Aimofulecona'me." 27 Ique noxcai'epa lipima ixtuc'opa Moisés. Ummetsai'ma. Timi: "¿Naitsi ima'? ¿Naitsi nifajpo'? ¿Naitsi nepi'ipo' lopenic'? ¿Te ima' aɫcuxe'monga'? ¿Te ima' aɫjuez?" 28 Tsumjma oma'a'ma cal xans egipcio. ¿Te itsiya aɫma'a'ma iya' jouc'a?" 29 Licuej'ma iɫe lataiqui' Moisés inuna'ma, i'hua'ma ɫamats' Madián. Ipajntsi. Jiɫpe limajnlitsa oquexi' linaxque'.

30 'Uyai'ma oquej nuxans camats'. Anuli litine tipa'a Moisés imuc'o' ahuejnca hijuala cuftine Sinaí, petsi ailopa'a quilya' ni xanuc'. Jiɫpe tunaqui anuli luxi quitac. Maɫpiya ɫipaɫ cunga imaxcaitsi anuli ɫapaluc quema'a. 31 Moisés ixim'ma acueca' iɫe li'ipa. I'hua'ma ehuelojntsi xonca ahuejnca. Icuej'ma ɫaɫPoujna LanDios tipalay. 32 Timi: "Iya' NanDios, ilenDios lotatahueló. Iya' ilenDios Abraham, Isaac, Jacob." Licuej'ma toɫta'a Moisés ixpaiconni. Ipango'ma iyu'ma licuerpo. Aimi'iya mehuelojnconaya. 33 ɫaɫPoujna LanDios timi: "Pe lofmecaxu, jiɫpe apaxi camats'. Taipa'aɫa' ɫoc'ejí. 34 Cahuelongila' laixanuc', ihne nomana' Egipto. Aiximpola' titeɫcoyi. Aiquimf'epola' tija'ayi. Iya' nimumma lema'a. Cunɫu'e'mola' laixanuc'. ¡Totsahuenni! ¡ɫepá! Cumme'mo', topaiconno, to'huacona'ma ɫamats' Egipto."

35 'Maɫque Moisés joupa etets'impá, imimpá: "¿Naitsi ima'? ¿Naitsi nifajpo'? ¿Naitsi nepi'ipo' lopenic'? ¿Te ima' aɫcuxe'monga'? ¿Te ima' aɫjuez?" Iɫe litine limaxcaitsi ɫapaluc quema'a jiɫpe munaqui luxi quitac, LanDios ifajpa Moisés,

epi'ipa lipenic' ticuxetsola', tuntu'etsola' lixanuc'. ³⁶ Maŕque Moisés i'e'ma to aimi'ya mi'eyacu lan xanuc'. Tixinte lan xanuc' al cueca' lo'epa ÑanDios. Lijou'ma ipa'ana'mola' lixanuc' łamats' Egipto. Licuaitsa Ñunxali Caja jouc'a i'e'ma acueca', jouc'a pe ailopa'a quilya'. Łattatahueló icol'mola' oquej nuxans camats' muyalaicoyi jilpiya. ³⁷ Moisés u'i'mola' lixanuc', ihe lixanuc' Israel, timila': "ÑanDios łatPoujna tepi'i'molhuo' anuli cal profeta al'onłcota to iya'. Ique olpiya' xans. Ique tołquimf'e'me." ³⁸ Maŕque Moisés efot'le'mola' łattatahueló mimana' pe ailopa'a quilya'. Jilpe łijuala Sinaí łapaluc quema'a ipalaic'opa Moisés. Moisés ipalaic'opola' łattatahueló. Moisés epenufpa limaf'i cataiqui', ihe litaiqui' ÑanDios. Inilpa lapenufle illanc'.

³⁹ 'Łattatahueló etets'ipá Moisés. Aiquilihuejma limipola'. Tih'nujuaispá lilendiosla' lun egipicio. ⁴⁰ Timiyi Aarón: "Añanc'e'etsonga' calandiosla'. Ihe al'huaj'me'e'monga'. Ique Moisés łalipa'ahuo'monga' łamats' Egipto itsiya ailopa'a. Aicalsina' pe quitsepa. Aicalsina' te qui'ipa." ⁴¹ Ihe litiné ilanc'e'me anuli ła'hua huacax ilanc'eco'me a'oro. Ima'a'me linneja, itsufco'me cal ídolo. Tixoqui quileta. Etenłcoco'mola' ihe lilendios, ique lilanc'epa, i'e'ecopa quiltuca' liłmane'. ⁴² ÑanDios eca'nico'mola'. Ticua: "Najmay texc'onłingołaile lopa'a lema'a, ihniya lan xamna, cal mut'ła, cal 'ora". Tołta'a tuya'e' al je'e linilpa lam profeta. Jilpiya ÑanDios ticua:

Imanc' ixanuc' Israel, loquej nuxans camats' mołmana' jilpe łamats' petsi ailopa'a quilya',
mołtsufcola' linneja lołma'am'mola' y locuenaye lołtsufco'me,
¿te ma al linca altsufcopa iya'?

⁴³ Ai. Ołtaic' anuli łolandios cuftine Moloc,
jouc'a ołtaic' łixamna łocuena łolandios cuftine Renfán.
Ihniya lolandiosla' colłanc'ecopola' tolaxc'onłingaitsola'.
Iya' cateł'mi'molhuo' tołta'a loł'epa, quipa'a'molhuo' łolamats',
ca'hua'a'molhuo' łamats' Babilonia.

⁴⁴ 'Mimana' łamats' pe ailopa'a quilya' łattatahueló il'hueca lejut'ł ÑanDios lilanc'ecompa ijahua'. Jilpe lajut'ł tipa'a oquej lopic' liłtaic' liniliya loya'apa locuxepa ÑanDios. Ma tołta'a ÑanDios icuxe'epa Moisés, timi: "Joupa aimuc'ipo' te ts'i'ic' lajut'ł, tołta'a tolanc'e'ma". ⁴⁵ Liłmaxque' łattatahueló epenuf'me lajut'ł, iłtaic' icuaiyunca jifa'a łalamats', itsuflai'enca. Ihniya litiné micuxela' Josué ulicale'me lan xanuc' limajmpá fa'a, ihe pe aiquilimetsaijma ÑanDios.

'Icuaitsi litine cal rey David epenuf'ma lipenic' ma tipa'a ihe lajut'ł. ⁴⁶ ÑanDios etenłcoco'ma li'ejma' David. Ique ixa'hue'ma ÑanDios, enDios Jacob. Timi: "Calanc'e'etso' ocuena comejut'ł". ⁴⁷ David aiquilanc'e lajut'ł. Salomón, ique i'hua David, ilanc'epa lejut'ł ÑanDios.

48 'Tama tipa'a lejut'l, LanDios Nopa'a lema'a aimipanga anuli lajut'l lilanc'epa cal xans. Tofta'a licuapa cal profeta muya'e' lu'ipa LanDios, ticua:

49 Lema'a ti'onl'cospa to laicuecaj asiento, jilpe cacutsuya.

Li'a lamats' ti'onl'cospa to lainitas, jilpe lunxajyopa lai'mitsi'.

Ticua LanDios laPoujna:

¿Te callanc'e'ecoya anuli lajut'l? ¿Te ailopa'a caifnunxac'eya?

50 ¿Te ma' iya' a'i cailanc'e' jahuay?

Tofta'a timila' Esteban ihe naixtuc'opá. Lijou'ma timiconala':

51 —Linca imanc' aimat'cuc'e. Lo'picuejma' ti'onl'cospa to li'picuejma' lan xanuc' pe aiqulimetsaijma LanDios. Imanc' aimolihuejcoyi cal Espíritu Santo, tecaxaispolhuo'. Ma to mi'eyi loftatahueló tofta'a lonl'epa imanc'. 52 Ihiya loftatahueló, ¿ja'ni tipa'a anuli cal profeta pe aiqulihuetsoqui? A'i. Ailopa'a. Loftatahueló ima'a'me ihe nuya'apá locuaicoya cal Lijca Xans. Imanc' xonca ixcay onl'epá. Li'huamma cal Lijca Xans imanc' olcupá, olma'apá. 53 Lataiqui' loya'apa locuxepa LanDios, ma'e lataiqui' luya'apa lapaluc' quema'a, imanc' olapenufpá, tijoula' aicolihuequi.

54 Lan xanuc' noquimf'epá litaiqui' Esteban ixtulencia juaiconapa. Ticuayi: "Ihque al'cufquinga". I'ic'ma li'ay. 55 Cal Espíritu Santo icuxe'ma lipicuejma' Esteban. Ihque ehuelojm'ma lema'a. Ixim'ma te ts'i'ic' jilpe pe lopa'a LanDios. Jilpe tipa'a Jesús tecaxu al c'a camane LanDios. 56 Esteban ticua:

—iToftinle! Caxina exiya lema'a. Jilpe tipa'a cal Xans Liximpa cal profeta pu'hua lema'a. Itsiya aiximpa tecaxu al c'a camane LanDios.

57 Lan xanuc' ija'a'me ujfxi, um'mit'le'me lihmane' li's'mats'i'. Ihuo'me, umentsu'me Esteban. 58 I'no'l'me, i'hua'a'me lema quilya'. Ipango'me ecanijm'me capic' tima'ale. Linfel'miyale nicufpá Esteban ipa'apá lihsamalo, ipo'no'e'epá li'mitsi' anuli lamijcano cuftine Saulo. 59 Mipayi capic' Esteban tijoc'i LanDios, timi:

—MaiPoujna Jesús, tapenufla' lai'espíritu.

60 Exc'onl'quenni, ipalai'ma ujfxi timi:

—MaiPoujna, tama al'e'e quixcay, aimotac'ui'i'mola' lajunac'.

Lijou'ma lines'ma tofta'a imana'ma.

8

1-2 Saulo tipa'a tecaxu jilpiya, ticua: "Ne', tima'anle Esteban".

Hualca lan xanuc' pe naihuejcopá locuxepa LanDios itaina'me licuerpo Esteban, emunatsa. Acueca' juaiconapa li'pihuotsoqueya.

Ihne hitiné ihuetsoquim'mola' juaiconapa lapimaye nomana' Jerusalén, ihne lefot'lepola' ÆanDios. Jahuay ica'ne'moŋtsi, iye'me ni petsi al distrito Judea jouc'a Æamats' Samaria. Ma le'a lan apóstole imanenca Jerusalén.

³ Saulo tixtuc'ola' juaiconapa lapimaye. Ti'noŋila', tequifila' lan xanuc' jouc'a lacaŋ'no', ti'nicola' lacarza.

⁴ Ni petsi litsepa ihne lapimaye nica'nepoŋtsi uya'a'me Lataiqui' loya'apa iŋe al c'a lixplic'epa ÆanDios.

⁵ Felipe ipanni jilpe Jerusalén, i'hua'ma anuli liŋya' Æamats' Samaria. Jilpe uya'a'ma: “Jesús copa'a cal Cristo, ÆanDios hi'Huijŋ'epa”. ⁶ Lan xanuc' efot'lepoŋtsi iquimf'e'me locuapa Felipe. Ixim'me Felipe mi'ay al cueca' to lo'epa ÆanDios. Jahuay ihniya ipo'no'me cuenna juaiconapa litaiqui' Felipe. ⁷ Jilpe liŋya' ixaŋcona'mola' axpela' lafcualŋay, ihne litsufai'ila' contahue. Mi-palcu lontahue tija'ayi ujfxi. Axpela' luhualqueya lan xanuc' jouc'a lan coxo ixaŋcona'mola'. ⁸ Toŋta'a juaiconapa ixoj'ma quileta lan xanuc' nomana' jilpiya.

⁹ Maŋpe liŋya' tipa'a anuli cal brujo cuftine Simón. I'epa al cueca'. Tifel'mila' jahuay lan xanuc' nomana' Æamats' Samaria. Timila':

—Iya' a'i ni naitsi xans. Iya' ninCueca'.

¹⁰ Jahuay iquimf'e'me, lan xanuc' ts'iŋ'hueca jouc'a lan xanuc' pe aiqul'ihueca. Ticuayi:

—Ma ÆanDios, ihque cal Cuecaj Candios, linca ummepa iŋca'a cal xans. Toŋta'a ti'ay al cueca'.

¹¹ Joupa ixhuaita axpe' mut'la cal brujo ti'hua ti'ay lipixcay xans. Lan xanuc' ixinc'nepá, joupa ifel'mipola', tihuejyi. ¹² Ihne nepenufpá litaiqui' Felipe epo'im'mola', lan xanuc' jouc'a lacaŋ'no'. Felipe uya'a'ma Lataiqui' loya'apa iŋe al c'a lixplic'epa ÆanDios. Tu'ila' te co'iya mitsufliayacu pe locuxeyopa ÆanDios. Tu'ila' naitsi Jesús, ihque cal Cristo. ¹³ Simón jouc'a epenufpa litaiqui' Felipe, epo'im'me. Lijoupa lepo'impá iyejmale'me Felipe. Iximpa al cueca' lo'epa Felipe, to lo'epa ÆanDios. Liximpa toŋta'a, tocomma tipailo lipicuejma'.

¹⁴ Lan apóstole nomana' Jerusalén icuej'me: “Lan xanuc' nomana' Æamats' Samaria epenufpá litaiqui' ÆanDios”. Um-mem'mola' liŋ'as apóstole Pedro y Juan tiyeŋe jilpiya. ¹⁵ Iye'me, icuaitsa pe lomana' lapimaye nepenufpá litaiqui' ÆanDios. Jilpe ijoc'i'me ÆanDios, ixahue'e'me tepi'itsola' cal Espiritu Santo. ¹⁶ Ihne lun Samaria joupa inespá: “Jesús aŋPoujna”. Joupa epo'impola'. Aiquilepenufi cal Espiritu Santo. Ihque aiqumuya pe lomana'. ¹⁷ Lan apóstole lijoupa lijoc'ipa ÆanDios ipo'nof'i'me liŋmane liŋjuac ihniya lun Samaria. Ihne epenuf'me cal Espiritu Santo.

18 Simón iximpola' li'epa lan apóstole, iximpola' lipo'nof'ipa liħmane ħijjac ħniya lapimaye, iximpola' epenufpá cal Espíritu Santo. Liximpa toħta'a li'ipa, icufi'mola' quĩtomí lan apóstole, 19 timila':

—Capi'i'molhuo' coħtomí. Aipic'a ca'ela' ma to lonħ'epa imanc'. Lapi'ħla' caimane. Tijouħa' ja'ni capo'nof'ħla' laimane anuli cal xans, ħque tepi'im'me cal Espíritu Santo.

20 Pedro timi:

—Ima' tecanitso' jouc'a lotomí. Tocua to'naco'ma ħe locupa ĤanDios. 21 Ima' aimi'ya motsufaiya laħpenic'. Ailopa'a capi'yaco' ĤanDios. Ĥque timetsaicoħuo' a'ij ħjca lopicuejma'. Aimetenħma. 22 Ima' mixcay xans. Toħhuej'menanni. To-joc'ħla' ĤanDios. Toħa'hueħa' ja'ni ti'i'ma tiħonc'e'e'mo' lojunac', timenc'e'ecotso' lofcuapa ħħpe lopicuejma'. 23 Iya' quimet-saicoħuo' lo'ejma'. Ima' pangay to'ehuale laic'. Lixcay lopicuejma' joupa ħfi'epo'. Aimi'ya mo'eya al c'a.

24 Simón italai'e'ma, timi:

—Imanc' toħjoc'ħe laħPoujna, toħsahue'ħe aimaħ'i'ma to laħmipa.

25 Ĥħpe liħya' lan apóstole uya'a'me te ts'i'ic' liximpa, te ts'i'ic' licuejpa mipa'a Jesús fa'a li'a Ĥamats'. Uya'a'me litaiqui' laħPoujna. Lijou'ma ipailinamma, tiyeyi lane Jerusalén. Miyeyi lane titsulfoħaiyi axpela' ħħpitolħya' lun samaritano, tuya'ayi Lataiqui', ħe loya'apa al c'a lixpĩc'epa ĤanDios.

26 Pe lopa'a Felipe imaxcaitsi anuli ħpaluc laħPoujna, timi:

—Totsahuenni. To'huaħa' al sur, ħe lane co'huayomma Jerusalén lotsepa Gaza. Lane pangay quimuc'o'. Ailopa'a quĩħya'.

27 Felipe itsahuenni, ipanni. I'hua'ma ma to limipa ħpaluc quema'a. Maħe lane ti'hua anuli cal xans Ĥas Etiopía. Ĥque ts'ipenic', ticuxe jahuay ħi'ħuexi ħipoujna. Ĥque ħipoujna ħincuxepa aca'no' cuħtine Candace, ticuxe Ĥamats' Etiopía. Cal xans joupa itsehuc'o'ma al cueca' xoute' lopa'a Jerusalén, ħħpe exc'onħingaiħuo'ma ĤanDios. Itsiya ipainamma cotsenapa, i'ħuanapa Etiopía. 28 Ticusc'o licarro, tixhue liniħpa lije'e cal profeta Isaías. 29 Cal Espíritu Santo ipalaic'o'ma Felipe, timi:

—To'huaħa' pe lo'huapa al carro. Aimanaj'moxi.

30 Felipe inu'ma, i'ħuajcotsi al carro. Icuej'ma cal xans tixhue liniħpa cal profeta Isaías. Timi:

—ħe al je'e loħxhuepa, ħte tocuec'e?

31 Timi:

—ħTe co'ya cacuec'eya? Ailopa'a naħmuc'ya.

Ixa'hue'ma Felipe tif'ajla' al carro, ticutsoħaiħe huejnca.

32 Al Paxi Liniħgiya loħhuepa ticua:

Ma to milecom'me anuli Ĥa'hua moħ tima'anna, ma toħta'a ilecom'me ħque cal xans.

Metec'em'me lipimi cal moł, iłque aimija'e', iłque cal xans jouc'a
aiquija'e'.

Ailopa'a quimipola' iłne litel'mi'me.

³³ Etets'i'me, ailopa'a notoc'ia.

¿Ja'ni jifa'a li'a łamats' tipa'a anuli qui'hua?

A'i, ailopa'a.

Nulemma etec'oyenni lipitine.

³⁴ Ts'ipenic' icuis'e'ma Felipe, timi:

—Alu'ila'. ¿Naitsi conescopa cal profeta? ¿Te tipalaicoyoxi
quituca' o tipalaijma ocuena?

³⁵ Felipe italai'e'ma, uhual'ma iłe lataiqui'. Lijou'ma xonca
u'i'ma Lataiqui' loya'apa iłe al c'a lixpíc'epa ŁanDios. In-
esco'ma Jesús. ³⁶ Mipalaiyi ti'hua tinu al carro. Icuaitsa pe
lopa'a laja'. Ts'ipenic' timi Felipe:

—Toxinła'. Jifa'a tipa'a laja'. Aipic'a ima' lapo'ila'. ¿Te
ti'i'ma?

³⁷ Felipe timi:

—Ja'ni jahuay łomunxajma' to'huaiyinge Jesús, ti'i'ma.

Ts'ipenic' italai'e'ma, timi:

—Iya' łınca ca'huaiyinge Jesucristo. Iłque i'Hua ŁanDios.

³⁸ Icuixe'ma ecaxu'ma al carro. Imulunca loquexi'. It-
sufłai'me laja'. Felipe epo'i'ma ts'ipenic'. ³⁹ Ipalnanca
laja', if'ajłina'me łamats', cal Espířitu Santo ileco'ma Felipe.
Ts'ipenic' aiqixingona'ma. Uyaina'ma tixoqui queta.

⁴⁰ Felipe iximpoxi icuaita jilpe liłya' cuftine Azoto. I'hua'ma
lane lotsepa liłya' Cesarea. Jahuay hilełya' pe loyaicopa
tuya'e' Lataiqui' loya'apa iłe al c'a lixpíc'epa ŁanDios. Icuaitsi
Cesarea.

9

¹ Saulo ti'hua tixtu'hua. Itine ipuqui' tehue te co'ia
mima'ayacola' ts'ilihuequi Jesús. I'hua'ma ipalaic'otsi cal
cuecaj ca'ailli'. ² Ixahue'e'ma quije'e. Ti'hua'ma liłya' Dam-
asco, jilpiya łajut'hi pe lafołyomma lan xanuc' judío timuc'itola'
ts'ilipenic' iłe lije'e. Timi cal cuecaj ca'ailli':

—Lapi'ila' caimane. Liłya' Damasco timana' iłniya naihue-
jpá al ts'e cane. Ja'ni caxintsola', axanuc' o acał'no', ca'nołtola',
całjntola', ca'hua'acola' fa'a liłya' Jerusalén.

(Cal cuecaj ca'ailli' epi'i'ma Saulo al je'e lixahue'epa.)

³ Mi'hua lane joupa ticuaita liłya' Damasco epalc'o'i'ma an-
uli lepalc'o'. Iłe lepalc'o' qui'huayomma lema'a. ⁴ Ecangenni
ixc'uat'huaitsi łamats'. Icuej'ma tipalaic'o, timi:

—Ima' cunSaulo, ¿te calihuetsocopa? ¿Te całteł'micopa?

⁵ Timi:

—Maipoujna, ¿naitsi ima'?

ŁałPoujna timi:

—Iya' ninJesús. Ima' ahte' mi. Cal huacax ja'ni aimicuec'e lanacompa al puya ti'hua tite' ma, ma to'ta'a tote' ma ima', aimocuec'e.

⁶ Saulo tiyu tixpaiqui. Timi:

—Maipoujna, ¿te ts'opic'a ca'e'la'?

Ła'Poujna timi:

—Totsahuenni, to'hua'la' totsufaitsi li'ya'. Ji'pe tu'inno' lof'eya.

⁷ Lan xanuc' lilecola' Saulo ecaxo' me ji'pe. Ailopa'a conesyacu. Tixpailiquila'. Icuej' me tipalay. Aiquixim' me. ⁸ Saulo itsahuenni. Lexi'e' ma li'u' jounpa i'ipa afo'. Lilecola' exa' me limane. Icuai'etsa li'ya' Damasco. ⁹ Ico' ma afane' quitine aimehuetsale. Aimatesma, aimixnay.

¹⁰ Ji'pe li'ya' Damasco tipa'a anuli cal xans lipuftine Ananías, ihuequi Jesús. Ma' imaf'i' tocomma tipaima. Iximpa Ła'Poujna Jesús, tijoc'i, timi:

—¡CunAnanías!

Ananías timi:

—MaiPoujna, ma capa'a fa'a.

¹¹ Ła'Poujna timi:

—Totsahuenni, to'hua'la' lane cuftine al Łijca Cane, tocuaita lejut'i Judas. Ji'pe taicuitsufta ja'ni tipa'a Saulo łas Tarso. Ji'pe toxinna, tijoc'i ŁanDios. ¹² ŁanDios jounpa imuc'ipa lo'iya. Jounpa iximpo' ocuaita ima', cunAnanías. Iximpo' otsufaipa lajut'i, iximpo' topo'nof'i lomane hjuac, iximpa jounpa ixa'conapa li'u'.

¹³ Ananías italai'e' ma, timi:

—MaiPoujna, axpela' lan xanuc' tipalaicoyi i'que cal xans. Ticuayi mipa'a Jerusalén juaiconapa ti'e'ela' quixcay loxanuc', i'ne lo'huij'epola'. ¹⁴ Lipamma pu'hua itaic' lije'e lini'ipa cal cuecaj ca'ailli'. Jounpa epi'impalimane a'no'ltsonga' jahuay illanc'. A'no'lon'onga' illanc' na'ljoc'ipo' ima' ma'ŁPoujna Jesús.

¹⁵ Ła'Poujna timi:

—To'hua'la'. Iya' ai'huij'epa i'que cal xans. Jounpa aixpic'epa lo'eya. Tu'itola' lan xanuc' naitsi iya', iya' ninJesús. Tu'itola' lan xanuc' pe aimimetsaicoyi ŁanDios, tu'itola' ihniya li'rey. Jouc'a tu'itola' lopimaye, i'ne ixanuc' Israel. ¹⁶ I'que linca tite'co' ma acueca' ma mu'ila' lan xanuc' naitsi iya'. To'ta'a camuc'i' ma, iya' ninJesús.

¹⁷ Ananías i'hua' ma. Icuaitsi lajut'i pe lopa'a Saulo. Itsu-fai' ma, ipo'nof'ipa limane hjuac, timi:

—CunSaulo maipima, ima' mo'hua lane fa'a oximpa Ła'Poujna Jesús. I'que imujpoxi. Ma'que Jesús alummepa fa'a. Ipic'a toxinalenta', ticuxetso' lopicuejma' cal Espiritu Santo.

18 Aiquicol'ma. Saulo ixim'ma tecangemma tocommma to lipic'ala catú jilpe li'u'. Ixałcona'ma li'u', ehuetzalena'ma. Itsahuenni, epo'im'me. 19 Itetso'ma, icuainanni lipujfxi. Imajm'me anuli ts'ilihuequi Jesús jilpe liya' Damasco, icol'ma.

20 Iniya litiné itsehuc'oma łajut'hi pe lafołyomma lan xanuc' judío, tu'iyale naitsi Jesús. Timila':

—Iłque i'Hua ŁanDios.

21 Ine noquimf'epá ticuayi:

—¿Te qui'ipa? Iłque cal xans mipa'a Jerusalén tijou'nela' lan xanuc' nojoc'ipá Jesús. Icuai'ma fa'a ti'nołtsola' iniya, tifi'etsola', ti'hua'a'mola' Jerusalén, ticuai'etola' pe lomana' lixanuc' cal cuecaj ca'ailli'. Itsiya, łtołsinłe lo'epa!

22 Saulo i'ipa xonca acueca' lipicuejma'. Timuqui ałınca Jesús copa'a cal Cristo, łummepa ŁanDios. Ti-ch'ixc'ela' lan xanuc' judío nomana' jilpe liya' Damasco. Ine ma tiquimf'eyi, ailopa'a cotalai'ecoyacu.

23 Joupa uyaipa axpe' quitine lan xanuc' judío ixpic'e'me, ticuayi:

—Ałma'a'me Saulo.

24 Ipuqui' itine ti'huejyi cal puertá canumicay eti'icoya aitał jilpe liya'. Saulo i'ipa quixina' lo'eyacu ine lan xanuc'. 25 Lijou'ma ts'ilihuequi Saulo unłu'e'me. Lipuqui' icus'mi'me anuli al cueca' tsiquihuil, panca panca ecajm'me lixpula caitał, ixehuaisi al tsiquihuil jilpe łamats'.

26 Saulo i'hua'ma, icuaisi Jerusalén. Ipic'a tiłejmaletsa ts'ilihuequi Jesús. Ine aiquilcuac'. Tixpaic'eyi. Ticuayi:

—Iłque Saulo a'i mihuequi Jesús, ma le'a ticua.

27 Bernabé i'e'ma łınca limi'ma Saulo. Iłeco'ma pe lomana' lan apóstole. U'i'mola' te ts'i'ic' li'ipa Saulo. Timila':

—Mi'hua lane Saulo ixim'ma łalPoujna Jesús. Iłque ipalaic'o'ma. Mipa'a Damasco aimitay calaic'ata. Imuj'moxi ummepa Jesús, tuya'e' litaiqui'.

28 Saulo imajmpá anuli lan apóstole. Ti'hualejma ni petsi Jerusalén. Ailopa'a tintsí. 29 Típalaic'ola' lan xanuc' judío, ine nopalaipá liłtaiqui' griego. Timila':

—Imanc' timenaquilhuo'.

Ine ixtulencia. Ehue'me te co'iya mima'ayacu. 30 Lapimaye i'ipa quilsina' lo'eyacu ine lan xanuc' judío. Iłeco'me Saulo liya' Cesarea. Jilpiya ummepa ti'huała' lipiłya' Tarso.

31 Ine litiné ailopa'a tintsí. Ti'hua efot'le'mołtsi lapimaye, ine nomana' al distrito Judea jouc'a nomana' al distrito Galilea, jouc'a nomana' łamats' Samaria. Ifa'epola' liłpicuejma'. Xonca tixpaic'eyi łalPoujna, ti'eyi latentłcocopa. Cal Espiritu Santo ixoc'i'mola' quileta. Tołta'a ixpe'mola' lapimaye.

³² Pedro ti'hua liya' liya', icuaitsi liya' Lida. I'hua'ma ehuejntsola' lapimaye nomana' jilpe, iñe i'huexi ÑanDios. ³³ Jilpe liya' ixim'ma anuli cal xans cuftine Eneas. Ixhuaita apaico camats' tunouya. Uhuaquemma. ³⁴ Pedro timi:

—CumEneas, Jesucristo ixa' menapo'. Totsahuenni. Tonif'nañ' lohualfa.

Aiquico'l'ma, itsahuenanni. ³⁵ Jahuay lan xanuc' nomana' jilpe liya' Lida, jouc'a nomana' lamats' Sarón, icuej'me ixa'conapa Eneas. Ixhuej'menca, ipai'i'me lihpicejma'. Ipango'me ihuej'me laPoujna Jesucristo.

³⁶ Liya' Jope timana' ts'ilihuequi Jesús. Anuli iñiya aca'no' cuftine Tabita. Ñe laftine ja'ni tonesla' ataiqui' griego ticua: Dorcas. Ñque la'ca'no' linca ti'ay al c'a. Aimixospa. Itine itine titoc'ila' pe ailopa'a quil'hueca. ³⁷ Ñne litiné Dorcas extaf'ma, imana'ma. Epo'im'me licuerpo. Ipo'nom'me anuli lajut'l' lopa'a al toncay. ³⁸ Ts'ilihuequi Jesús nomana' liya' Jope icuej'me a'ij culi' Pedro, tipa'a liya' Lida. Ummem'mola' oquexi' lan xanuc' tixahue'etsa, timitsa:

—To'huanni pe lañmana' liya' Jope. Aimico'l'mo'.

³⁹ Pedro jouc'a iye'me. Licuaitsa lajut'l' jilpe Jope, ileco'me Pedro al toncay pe lipo'no'empa la'ca'no' himanapa. Icuaiyunca lapimaye cacal'no' apotsateya. Ecaxingolai'me Pedro. Tijolijyi. Timuc'iyi lan tsamalo jouc'a hijahuai hilanc'epa Dorcas miñmana' anuli iñiya. ⁴⁰ Pedro ipa'a'mola'. Exc'onñhuai'ma, ijoc'i'ma ÑanDios. Lijou'ma ecaxna'ma, ipai'e'moxi, ehuelojm'ma himanapa, timi:

—ConTabita, totsahuenanni.

Tabita exi'e'ma li'u'. Ixim'ma Pedro, icutsai'ma. ⁴¹ Pedro i'noñ'e'e'ma limane, ecaxu'ma. Ijoc'i'mola' titsulfoñaiconanca lapimaye, iñe i'huexi ÑanDios, jouc'a laca'no' lam potsateya. Timila':

—Jifa'a loñpima Dorcas, joupa imaf'inapa.

⁴² Ni petsi jilpe liya' Jope icuej'me li'ipa. Axpela' i'huaiyjm'me laPoujna Jesús. ⁴³ Pedro ipanenni axpe' quitine liya' Jope. Ipajm'ma lejut'l' anuli cal xans nacof'ejpa quixmi, cuftine Simón.

10

¹ Jilpe liya' Cesarea tipa'a anuli cal xans aromano cuftine Cornelio. Ñque incuxepa. Locuxepola' amaxnu lisoldado. Ñne lan soldado, jouc'a liñ'as soldado, tecui'innila' Lan Italiano. ² Ñque Cornelio tenañ locuxepa ÑanDios. Acueca' titoc'ila' lan xanuc' judío pe aiquil'hueca. Itine itine tijoc'i ÑanDios. Jahuay nomana' lejut'l' jouc'a tixpaic'eyi ÑanDios.

³ Anuli litine, joupá uyaipa menac'o, icuaita to al fanej hora, LanDios imuc'i'ma lo'iya. Ixim'ma anuli lapaluc quema'a itsufai'ma lejut'í. Lapaluc timi:

—¡CunCornelio!

⁴ Lehuelojm'ma lapaluc quema'a Cornelio xpa'ij'ma juaiconapa. Timi:

—Maipoujna, ¿te ts'opic'a?

Timi:

—Lofxa'huepa if'ajpa lema'a pe lopa'a LanDios. Itque ix-imp'o' totoc'ila' lan xanuc'. Ti'nujuaishuo' ima'. ⁵ Timihuo': Tommetsola' loxanuc' tiyele Jope. Tiyete pe lopa'a anuli cal xans cuftine Simón, tecui'inni Pedro. Timitsa ti'huanni lomejut'í. ⁶ Itque Pedro ipanc'ale lejut'í anuli cal xans lacof'e'jpa quixmi, cuftine Simón. Simón lejut'í copa'a lema quitya', lema caja. Pedro tu'i'mo' lof'eya.

⁷ Lapaluc quema'a nopalaic'opa Cornelio i'huana'ma. Cornelio ijoc'i'mola' oquexi' limozó. Jouc'a ijoc'i'ma anuli cal soldado notoc'ipa. Itque cal soldado tenanli locuxepa LanDios.

⁸ U'i'mola' iximpa anuli lapaluc quema'a. Jouc'a u'i'mola' linespa. Imi'mola' tiyele liya' Jope. Iyepá.

⁹ Lihuequi litine lummepola' Cornelio joupá ticuaita liya' Jope. I'ipa to menac'o. Ma'e al 'hora Pedro if'ajma al toncay lajut'í. Típalaic'ota LanDios. ¹⁰ Mijoc'i LanDios unle'enni, ticui coteja. Tilanc'enni loteja. Mi'huaijma titetso'ma i'huapa lipicuejma'. ¹¹ Ixim'ma exiya lema'a, iximpa to anuli al cuecaj cutse timumma. He al cuecaj cutse ilanc'empa jahua', ifi'iya lam malpu' lupahuay. ¹² Jilpe ti'nicolanna tocomma to tilmana' jahuay linneja nomana' li'a lamats'. Timana' itne noyecopá amalpu' li'imitsi', jouc'a tiyeyi laquifpołtsi lamats', jouc'a naiyulpá lema'a. ¹³ Pedro icuej'ma típalaic'onni, timinni:

—CumPedro, toma'ała' anuli itne linneja, totela'.

¹⁴ Pedro timi:

—A'i maiPoujna, aimi'iya cateja itna'a linneja. Caxinnila' axujc'a. Iya' aicaitec'o cal xujc'a.

¹⁵ Ti'hua típalaic'onni, timinni:

—Pe LanDios liximpa alimpio, ima' aimocua'ma: "Axujc'a".

¹⁶ Afanemma i'i'ma tołta'a. Lijou'ma ite al cuecaj cutse if'ajna'ma lema'a. ¹⁷ Pedro timiyoxi: "¿Te calmuc'icompá ite laiximpa?"

Tołta'a minesqui icuaita lam fantsi xanuc' lummepola' Cornelio. Itne joupá icuitsufpá, imuc'impola' lejut'í Simón. Itsiya tecaxolanna al puerta. ¹⁸ Ticuitsufyi, tijoc'iyi:

—¿Ja'ni fa'a copa'a Simón ipanc'ale, itque lacui'impá Pedro?

¹⁹ Micołi Pedro al toncay lajut'í ti'hua timiyoxi: "Itne laix-impá, ¿te cocuajmaispa?" Cal Espiritu Santo timi:

—Timana' afantsi lan xanuc' tehuehuo'. ²⁰ Totsahuenni, taimuła'. Taihuej'mola'. Tonlele. AimoXHueh'mot'le'ma. Iya' nummepola'.

²¹ Pedro imunni. Ipalaic'o'mola' lam fantsi lan xanuc' lummepola' Cornelio. Timila':

—Iya' ninSimón. Imanc' lahuay. ¿Te colcuaiyoco'me? ¿Te ts'otpic'a?

²² Timiyi:

—Cornelio, ihque incuxepa, locuxepola' amaxnu lan soldado, małque alummeponga'. Ihque ahjca xans, tixpaic'e LanDios. Jahuay lan xanuc' judío ticuayi: “Ihque ac'a xans”. Anuli cal paxi capaluc quema'a ixc'ai'ipa timi: “Tojoc'itsi Pedro ticuaiyunni lomejut'ł. Toquimf'e'ma litaiqui' lu'iyaco'.” ²³ Pedro itsufai'e'mola'. Epi'i'mola' pe loxmai'eyacu ihe lipuqui'. Lihuequi litine itsahuenni, iyejmale'me. Hualca lapimaye lun Jope jouc'a iye'me.

²⁴ Lihuequi litine icuaitsa liya' Cesarea. Tipa'a Cornelio jilpe lejut'ł, i'huaicola'. Jouc'a tilmana' lijoc'impola', ihe lipimaye jouc'a liyejmalepá xonca limetsaicola'.

²⁵ Licuaita Pedro, Cornelio italecufhuo'ma, exc'onlingai'ma li'mitsi'. ²⁶ Pedro i'noł'e'e'ma limane, timi:

—Totsahuenni. Iya' jouc'a ninxans.

²⁷ Mipalaic'oyołtsi itsulfołai'me lajut'ł. Pedro ixim'mola' axpela' lan xanuc' efołya jilpiya. ²⁸ Timila':

—Illanc' ninc'ixanuc' judío, imanc' ołsina' lał'ejma'. Aimalejmaleyi imanc' unc'ocuenaye xanuc'. Aimaltsulfołaiyi łolajut'łi. Alcuayi: “LanDios aimepenufilhuo’”. Lacui'ilhuo': “Unc'ixujc'a xanuc’”. LanDios joupá almuc'ipa alimenajpa. Aicanesconaya tołta'a. ²⁹ Tołta'a iya' aicalcołi. Nihuejcopa lałmipa ihna'a lummepola' Cornelio. Aicainesqui: “Aimi'iya ca'huaya”. Aicuai'ma fa'a. Itsiya lu'ila': ¿Te caljoc'icopa?

³⁰ Cornelio timi:

—Ixhuaita amalpu' quitine, małta'a al fanej hora, capa'a fa'a lainejut'ł caxnet'łqui, cajoc'i LanDios, aixim'ma imaxcaita anuli cal xans, tunts'ifi lipijahua'. LacaxinGai'ma. ³¹ Ahmi: “CunCornelio, lofxa'huepa if'ajpa lema'a pe lopa'a LanDios. Ihque iximpo' tołoc'ila' lan xanuc'. Ti'nuhuaishuo' ima'. ³² Timihuo': Tommetsola' loxanuc' liya' Jope. Tiyete pe lopa'a anuli cal xans cuftine Simón, tecui'inni Pedro. Timitsa ti'huanni lomejut'ł. Ihque ipanc'ale lejut'ł anuli cal xans łacof'ejpa quixmi, cuftine jouc'a Simón. Ihque Simón lejut'ł copa'a lema quiłya', łema caja. Ihque tu'i'mo' loł'eya.”

³³ Aicalcołi. Nummepola' laixanuc' tiyete pe lołpa'a. Ima' o'epa al c'a, ocuai'ma lainejut'ł. Itsiya, lu'itsonga' te quimipo'

ŁanDios. Jahuay iŁe lixc'ai'ipo' lu'itsonga'. Toliya lafot'leyoŁtsi, fa'a lahuelonginga' ŁanDios. AŁquimf'e'mo'.

³⁴ Pedro ipango'ma ipalaic'o'mola', timila':

—Itsiya xonca aixina' te ts'i'ic' lipicuejma' ŁanDios. Ailopa'a catets'ipa. ³⁵ Anuli cal xans, ni petsi li'huayomma, ni petsi linaciŁn, ja'ni tixpaic'e ŁanDios, ja'ni aŁijca lo'epa, iŁque cal xans ŁanDios tepenufi.

³⁶ 'Illanc' ixanuc' Israel, toŁta'a alu'iponga' ŁanDios, lumme'eponga' Jesucristo. IŁque iŁPoujna jahuay lan xanuc', uya'a'ma: "ŁanDios ipic'a tiyejmaleŁe lan xanuc'". ³⁷⁻³⁸ Ate'a Juan Bautista u'i'mola' lan xanuc' tepoliŁe. Lijou'ma JesŁs i'hualeco'ma łalamats' illanc' ninc'ijudiŁ. JiŁpe al distrito Galilea ipango'ma uya'a'ma. ŁanDios joupa ipaxnepa, joupa epi'ipa cal EspŁritu Santo, epi'ipa limane ti'eŁa' al cueca'. Ni petsi lo'huapa i'e'ma al c'a. Jahuay lan xanuc' loteł'mipola' Satanás, JesŁs ixal'me'mola'. IŁque iŁejmale ŁanDios, toliya i'e'ma toŁta'a. ³⁹ Illanc' aŁsimpá li'e'ma mi'hualejma łamats' Judea, jouc'a mipa'a liŁya' Jerusalén. Małque JesŁs epaŁts'ijmpá anuli al 'ec. Ima'a'me. ⁴⁰ Licuaitsi al fane' quitine ŁanDios imaf'i'ina'ma, epi'ipa lane timujxoxi. Imuj'moxi. ⁴¹ Aimimujoyoxi pe lomana' jahuay lan xanuc'. ŁanDios joupa ixpic'epa naitsi noxinyacu. IŁniya tuya'a'me: "Imaf'inapa JesŁs, joupa aŁsimpá". Toliya illanc' al'huijŁ'eponga' aŁsinnapá joupa imaf'inapa. Lijoupa limaf'inapa aŁtetoconapá anuli, aŁsnaconapá anuli. ⁴² AŁcuxe'eponga' luya'ale, lu'itsola' lan xanuc': "ŁanDios epi'ipa limane JesŁs. IŁque cal Cuecaj Juez. Quiłmaf'i' lan xanuc' jouc'a petsi limanapola', małque JesŁs iŁjuez." ⁴³ Jahuay lam profeta inescopá JesŁs, uya'a'me: "Cal xans lo'huaiyijmpa JesŁs, ŁanDios timenc'e'eco'ma li'epa lixcay. Ma' iŁque NalunŁu'eponga'."

⁴⁴ Mipalay Pedro icuaiyunni cal EspŁritu Santo. Jahuay lan xanuc' noquimf'epá iximpá cal EspŁritu limunni lema'a, epenuf'me. ⁴⁵ JiŁpe timana' lapimaye judiŁ no'huaiyijmpá JesŁs, iŁne iŁejmale Pedro. Ticuayi:

—¿Te qui'ipa? IŁne ocuenaye lan xanuc', a'i judiŁ. XinŁa', ŁanDios tepi'ila' cal EspŁritu Santo. Aimicuanac'ela'.

⁴⁶ IŁne locuenaye lan xanuc' mix'natsi'iyi ŁanDios tipalaiyi ituca', a'i quiłtaiqui'. ToŁta'a liŁejmale Pedro ixim'me joupa epi'ipola' ŁanDios cal EspŁritu Santo. ⁴⁷ Pedro timila' liŁejmale:

—¿Ja'ni tipa'a nonesya: "IŁniya aimi'iya mepoliyacu aja"?" ¿Ja'ni aimalapi'iyacola' lane? Ma to lalapenufpa illanc' cal EspŁritu Santo, iŁniya jouc'a epenufpá. AimalŁcuanac'eyacola'. ¡TepoliŁe!

⁴⁸ Pedro icuxe'e'mola' tepo'intsula', timetsaicom'mola' ilihuequi Jesucristo. Lijou'ma iŁniya timiyi Pedro:

—Topanenni oquej fanej quitine, ałmajnle fa'a anuli.

11

¹ Lan apóstole jouc'a lapimaye nomana' al distrito Judea icuej'me: “Locuenaye lan xanuc', iłne a'ij judío, jouc'a epen-ufpá litaiqui' LanDios”. ² Icuaitsi Pedro Jerusalén. Jiłpe lapi-maye, iłne axanuc' judío, tixtuc'oyi Pedro. ³ Ipalaic'o'me, timiyi:

—Ima' otsufaipa pe lomana' lan xanuc' a'ij judío. Ołtetsopá anuli.

⁴ Pedro ipango'ma u'i'mola' te ts'i'ic' li'ipa. Ate'a u'i'mola' li'ipa mipa'a liłya' Jope, lijou'ma u'i'mola' li'ipa liłya' Cesarea. Timila':

⁵ —Iya' capa'a liłya' Jope, cajoc'i LanDios, i'huapa laipicuejma'. Aiximpa to jipu'hua al paiyo. Aixim'ma timumma lema'a to anuli al cutse ilanc'ecompa ijahua', ifiyiya lam malpu' łupahuay. Icuaiyunni pe laifpa'a. ⁶ Nehuelojm'ma lo'nicołanna. Jiłpe aixim'mola' linneja pe noyecopá amalpu' lił'mitsi', lam manxu jouc'a lan ximalo. Aixim'mola' noyecopá laquifpołtsi łamats', jouc'a aixim'mola' iłne naiyulpá lema'a. ⁷ Aicuej'ma tipalay, ałpalaic'o, ałmi: “CumPedro, totsahuenni, toma'ała' anuli iłne linneja, tołta'”. ⁸ Iya' cami: “A'i maiPoujna, aimi'iya cateja iłna'a linneja. Aiximpa axujc'a. Iłque cal xujc'a aicai'nico laico ni anulemma.” ⁹ Aicuejcona'ma tipalay lema'a, ałtalai'e, ałmi: “Pe LanDios liximpa alimpio, ima' aimocua'ma: Axujc'a.” ¹⁰ Afanemma tołta'a i'ipa. Lijou'ma al cuecaj cutse jouc'a lipinneja if'ajna'ma lema'a.

¹¹ Małej hora icuaitsa afantsi lan xanuc'. Ecaxoł'me łuna lajut'ł. Iłne lan xanuc' quiyoyomma Cesarea. Ummempola' pe laifpa'a. ¹² Cal Espíritu Santo ałmipa: “To'hua'ma tunłejmale'me. Aimoxhuełmot'łe'ma.” Ałtsehuc' me jouc'a iłna'a lan camts'us lałpimaye. Ałcuaitsa liłya' Cesarea. Ałtsulfotaipá lejut'ł cal xans nałjoc'ipa. ¹³ Iłque alu'iponga' liximpa. Ałmiponga': “Iya' aiximpa anuli łapaluc quema'a tecaxu łainejut'ł. Ałmipa: Tommetsola' loxanuc' tiyełe Jope. Tiyełe pe lopa'a anuli cal xans cuftine Simón, tecui'inni Pedro. Timitsa ti'huanni lomejut'ł. ¹⁴ Iłque Pedro tipalaic'o'molhuo', tuya'a'ma. Tołta'a tonłu'ma ima', jouc'a tunłul'me jahuay nomana' lomejut'ł.”

¹⁵ Jiłpe lejut'ł cal xans nałjoc'ipa aipango'ma aipalaic'o'mola'. Ma capalay, aikuicoł'ma, icuaiyunni cal Espíritu Santo imunni lema'a. Ma to licuaiyunni al te'a pe lałmana', ma tołta'a icuaiyunni pe lomana' iłniya. ¹⁶ Iya' ai'nujuaitsi litaiqui' lałPoujna Jesús. Iłque ałmiponga': “Juan lepo'ipola' lan xanuc' epo'icopola' aja'. LanDios tepo'ico'molhuo' cal Espíritu Santo.” ¹⁷ Ma to lalapi'iponga' LanDios cal Espíritu Santo, illanc' pe nał'huaiyijmpá lałPoujna

Jesucristo, ma tołta'a epi'ipola' jouc'a ihniya. Iya' ma le'a ninxans. ¿Ja'ni ti'i'ma capa'ne'ma ŁanDios? A'i. Aimi'iya.

¹⁸ Licuej'me tołta'a lan apóstole, ailopa'a quiltaleconghua Pedro. Ixim pá acueca' lo'epa ŁanDios. Timiyi ŁanDios:

—Ałs'najtsi'ihuo' jouna mepi'ipola' lane locuenaye xanuc', ihne a'ij judío, tepenufyi al ts'e liłpitine aimijouya. Ihne jouc'a ixhuej'menammas.

¹⁹ Lijouna lima'ampá Esteban tiłmana' lapimaye niyepá aculi'. Ihniya ipalyomma Jerusalén ihne litiné liteł'mimpola'. Ni petsi liyepá uya'a'me litaiqui' Jesús. Icuaita łamats' Fenicia, łamats' Chipre, jouc'a liłya' Antioquía. Litaiqui' Jesús aicu'innila' locuenaye xanuc', uya'apá ma le'a pe lomana' lił'as xanuc' judío. ²⁰ Hualca ihniya lapimaye quiyuyomma łamats' Chipre y liłya' Cirene. Ihne liłalunca Jerusalén icuaita liłya' Antioquía, jiłpe ipalaic'o'me jahuay lan xanuc', a'i ma le'a lan judío. Ipalaic'o'me jouc'a lan griego, tu'innila' litaiqui' Jesucristo. ²¹ Mipalaiyi ihniya, łalPoujna i'e'ma acueca'. Juaiconapa axpela' lan xanuc' epenuf'me litaqui' loya'apa ihniya. Ipaiconni liłpicuejma'. Ipango'me ihuej'me łalPoujna Jesucristo.

²² Lapimaye lafot'leyopołtsi Jerusalén icuej'me li'ipa Antioquía. Ihne umme'me Bernabé ti'huala' jiłpiya. ²³ Bernabé icuaita jiłpe liłya'. Ixim'ma ŁanDios titoc'ila' lan xanuc' nomana' jiłpiya. Tixoqui queta. Ixc'ai'i'mola' jahuay ihne lapimaye tipo'nołe liłpicuejma' tihuejle hiłPoujna Jesús. Aime'naj'mołtsi. ²⁴ Hque Bernabé ma' ac'a xans. Cal Espíritu Santo ticuxe liłpicuejma'. Jahuay łunxajma' ti'huaiyinge Jesús. Jiłpe Antioquía juaiconapa ixpepola' ihne ts'ilihuequi Jesús.

²⁵ Lijou'ma Bernabé itsehualo'ma liłya' Tarso, ehueti Saulo. ²⁶ Licuaita ixim'ma, ilecotsi i'hua'a'ma liłya' Antioquía. Jiłpe imajntsa anuli camats'. Efoł'le'mołtsi anuli lapimaye. Imuc'i'mola' axpela' lan xanuc'. Liłya' Antioquía ipangocopa ecui'impola' ts'ilihuequi Jesús: "Imanc' unc'icristiano".

²⁷ Ihne litiné liłya' Antioquía icuaiyunca lam profeta quiyuyomma Jerusalén. ²⁸ Anuli ihniya cuftine Agabo. Eca'x'ma pe lafołyomma lapimaye. Timila' lonespa cal Espíritu Santo. Timila':

—Ticuaihualo litine cumemma. Ni petsi lomanc'eyacu lan xanuc' tixim'me lumemma.

Litiné micuxe cal cueca' quincuxepa cuftine Claudio tołta'a lo'iya.

²⁹ Ts'ilihuequi Jesús jiłpe Antioquía ixpic'e'me titoc'intsola' liłpimaye nomana' łamats' Judea. Anuli anuli, ma to ts'i'hueca, tixpij'ma tojua tumme'e'mola' liłpimaye. ³⁰ Tołta'a i'e'me.

Bernabé jouc'a Saulo itai'me al tomí. Epi'intsole' lan tsilaj capimaye noxpijpá lataiqui'. Ine teca'nem'mola' lapimaye.

12

¹ Ina'a litiné cal rey Herodes i'noh'mola' hualca lapimaye pe lafolyomma Jerusalén. Ipic'a titeh'mitsola'. ² Icuxe'ma tetec'entsa lejoc' Jacobo, itque ipimaj Juan. Etec'em'me. ³ Herodes ixim'ma ile li'epa icuaitsi quipic'a lan xanuc' judío. Lijou'ma umme'mola' lixanuc' ti'noh'tsa Pedro. Tohta'a i'i'ma ihniya litiné mi'eyi lihjuic lan xanuc' judío. Mahe al juic titeji la'i petsi aiqilai'inni levadura. ⁴ I'nomim'me Pedro. Herodes icuxe'ma i'nicontsa lacarza. Icuxe'e'mola' imbamaj camts'us lisoldado, timila':

—Toh'etsa cuenna itque Pedro.

Mi'eyi cuenna tipai'yohtsi amalujxi, amalujxi. Ticua Herodes: “Tijoula' al juic Pascua quipa'anata lacarza. Cacufta jihpiya pe lafolyomma lan xanuc'.” ⁵ Ma mipa'a lacarza Pedro, mi'eyi cuenna, lapimaye lafolyomma jihpe Jerusalén itine itine tijoc'iyi LanDios, tixa'hueyi titoc'ila' Pedro.

⁶ Cal Herodes joupa ixpic'epa, ticua: “Mouqui quipa'anata Pedro. Cacuf'ma.” Ihe lipuqui' Pedro tipa'a jihpe lacarza, tixmay nolojmay oquexi' lan soldado. Ifi'empa limane' uhuahuinc'impola' loquexi' lan soldado. Lixpula' al puerta timana' ocuenaye lan soldado ti'eyi cuenna lacarza. ⁷ Jihpe lacarza icuai'ma anuli lepaluc lahPoujna. Epalc'o'i'ma juaiconapa. Untaf'ma huata liju' Pedro, umef'ma, timi:

—¡Aimicol'mo', totsahuenni!

Lan cadena lifiyicoyi limane' Pedro uhuaitquenanni.

⁸ Lepaluc quema'a ipalaic'ocona'ma, timi:

—Tofi'exoxi, toc'uaicohta' hoc'ejí.

Lijoupa li'epa tohta'a ipalaic'ocona'ma, timi:

—Topoxla' lopuquiya. Alihuejla'.

⁹ Ipango'me ipalunca. Pedro ihuej'ma lepaluc quema'a. Ticua: “A'ij linca ile lah'ipa, ma' apaiyo”. ¹⁰ Uyalaico'me petsi lacaxuya cal te'a soldado no'epa cuenna lacarza. Lijou'ma uyalaico'me locuena. Icuaitsa al cuecaj puerta catejma', ile lopa'a ma lane quitya'. Al puerta exinni quituca'. Ipalunca. Iyejmale'me lane. Lijou'ma ejac'na'ma lepaluc quema'a. ¹¹ Licuainanni lipicuejma' Pedro ticua: “Itsiya linca aixina' laiPoujna ummepa lepaluc. Lunlu'epa limane Herodes. Tama lan xanuc' judío ih'huaijma te co'iyia ma'ma'aya, itsiya ailopa'a cal'e'eya. Aimi'iyá.”

¹² Micua tohta'a icuaitsi lejutl María, itque i'máma' Juan lecuimpa Marcos. Jihpe axpela' lapimaye efoya. Tijoc'iyi LanDios. ¹³ Pedro umf'ax'ma luna puerta. Anuli cal criada

cuftine Rode i'huapa tixinna naitsi ilque. Ipanni jilpe lajut'í.
 14 Imetsaico'ma litaiqui' Pedro. Juaiconapa ixoj'ma queta
 aikuexi'e al puerta. Aiquicoł'ma, ipaiconanni. Itsufaiconam
 lajut'í, u'itsola' lapimaye, timila':

—Icuaina'ma Pedro. Tecaxu lixpula' al puerta.

15 Ine timiyi:

—jIma' mamac'ta!

Tihui'i, timiconala':

—Alinca icuaina'ma Pedro.

Lapimaye ticuayi:

—A'ij linca lałmiponga'. A'i małque Pedro. Icuai'ma lepaluc
 quema'a.

16 Pedro ti'hua tumf'axqui. Exi'e'me al puerta, ixim'me.
 Ticuayi:

—jXinla'! Małca'a Pedro. ¿Te qui'ipa?

17 Pedro i-ch'ixc'eco'mola' limane. U'i'mola' li'ipa, timila':

—LałPoujna lipa'ahuona'ma lacarza. Tonlu'itsola' Jacobo
 jouc'a locuenaye lapimaye tołta'a lał'ipa.

I'huana'ma, ijuc'e'moxi.

18 Liłic'e'ma lan soldado nomana' lacarza ixhuelco'me
 juaiconapa. Ticuayi:

—¿Pe copa'a Pedro? Ailopa'a fa'a. ¿Te qui'ipa lipamma? ¿Pe
 quitsepa?

19 Cal rey Herodes umme'mola' lixanuc' tehuetsa Pedro.
 Ehuehuo'me, aikuil'sina'. Herodes icuis'e'mola' lan soldado.
 Ihui'i'ma, timila':

—Lu'ila', ¿te qui'ipa?

Lijou'ma icuxe'ma tima'antsola'. Ipanni al distrito Judea,
 i'hua'ma liłya' Cesarea. Jilpe ipajntsi.

20 Herodes juaiconapa tixtuc'ola' lan xanuc' nomana'
 liłelołya' Tiro y Sidón. Ine lan xanuc' inefo'me quituca'.
 Icuaitsa pe lopa'a Herodes. Ate'a ipalaic'opa nocuxepa li'huexi
 Herodes, ilque cal xans lipuftine Blasto. Timiyi tixahue'eła'
 Herodes aimixtuc'ocona'mola', tixanghuaitsi, tipaneconni
 tołta'a. Ine lan xanuc' tetentłcocola' aimixtuc'ocona'mola'
 cal rey. Jilpe ilemats' tehue'e' lotejacu. Ilpic'a Herodes
 tumme'econatsola'. 21 Herodes ixpic'e'ma litine. U'i'mola':

—Jilpe litine capalaic'o'molhuo'.

Licuaitsi ile litine Herodes etej'moxi, ipo'no'ma
 lipijahua' ajrey, icutsai'ma al cuecaj li'asiento li'nof'quiya.
 Ipalaic'o'mola', imuxi'ale'ma. 22 Lan xanuc' jilpe lefot'leyołtsi
 ija'a'me, ticuayi:

—Ilque lałquimf'epa, a'i xans. Ilque andios.

23 Aiquicoł'ma. Iteł'mi'ma anuli lepaluc lałPoujna LanDios.
 Lapimí ipango'ma ite'me. Lijou'ma ima'ma. Herodes
 i'e'e'moxi xonca cal cueca', etets'ipa LanDios, tołiya li'ipa tołta'a.

²⁴ Litaiqui' ŁanDios ti'hua ti'huajcola' xonca lan xanuc'. Ixpepola' juaiconapa ts'ilihuequi Jesús. ²⁵ Bernabé y Saulo jounpa ecanghuo'me al tomí, epi'inghuo'mola'. Lapimaye nomana' Jerusalén. Lijou'ma ipailinanca icuaitsa liŷya' Antioquía. Ileo'me Juan łecui'impá Marcos.

13

¹ Jiłpe liŷya' Antioquía petsi lafot'łepołtsi lapimaye timana' lam profeta joun'a lomxiye nomuc'iyalepá litaiqui' Jesucristo. Iłniya liłpuffine Bernabé, Simón łacui'impá Lumi, Lucio łas Cirene, Manaén hitojyohuo'ma lejut'ł Herodes. Iłque Herodes łacui'impá cal tetrarca. Joun'a tipa'a Saulo. ² Iłniya mixnet'łyi, aimitetsoyi, mix'najtsi'iyi ŁanDios, cal Espíritu Santo timila':

—Tolimetsaicotsola' Bernabé joun'a Saulo. Iya' aijoc'icopola' ti'ełe łanic' laifnepsi'iyacola'.

³ Lijou'ma ixnet'łcona'me, ijoc'icona'me ŁanDios, ipo'nof'i'me liłmane liłjuac iłne Bernabé joun'a Saulo. Ixc'ai'inam'mola', timinnila':

—Tonłente, toł'etsa łanic' lepi'ipolhuo' łatPoujna.

⁴ Lijou'ma cal Espíritu Santo icuxe'mola' tiyełe iłne loquexi'. Iye'me liŷya' Seleucia. Jiłpiya itsulfołai'me anuli al barco lot-seya łamats' Chipre. ⁵ Jiłpe łamats' Chipre ipalunca al barco, icuaitsa liŷya' Salamina. Łajut'łi pe lafołyomma lan xanuc' judío uya'a'me litaiqui' ŁanDios. Tilecoyi Juan Marcos, iyejmale'me. Iłque titoc'ila'. ⁶ Uyalaicotsa jahuay łamats' Chipre, icuaitsa liŷya' Pafos. Jiłpiya ixim'me anuli cal xans judío cuftine Barjesús. Iłque abrujo. Tifel'mila' lan xanuc', timila':

—Iya' ninprofeta. Cuya'e' lonespa ŁanDios.

Iłe lonespa a'ij łınca. ⁷ Barjesús lipoujna cuftine Sergio Paulo. Iłque incuxepa jiłpe Chipre, ac'a lipicuejma'. Ijoc'i'mola' Bernabé joun'a Saulo ticuaiyunca lejut'ł. Ipic'a tiquimf'ela' litaiqui' ŁanDios. ⁸ Barjesús joun'a cuftine Elimas. (Iłe laftine tuhuałquemma “abrujo”.) I'e'mola' quipilaic' Bernabé y Saulo. Ticua: “Łincuxepa aimihuejco'ma litaiqui' ŁanDios”. Ehue'ma te co'eya.

⁹ Cal Espíritu Santo icuxe'ma lipicuejma' Saulo. (Iłque joun'a cuftine aPablo.) Ehuelojm'ma juaiconapa Elimas. ¹⁰ Timi:

—Ima' ma le'a tofel'miyale. Aimi'iya monesya al łınca. To'ay ma le'a lixcay. Ima' i'hua łonta'a Satanás. Iłne no'epá al c'a ima' taixtuc'ola'. To'ay capilaic' lipene łatPoujna ŁanDios, iłe al lijca cane. Tomuc'iyale ituca' cataiqui'. ¿Te quitine tatec'o'ma iłe lof'epa? ¹¹ Ałquimf'ela': ŁatPoujna titeł'mihuo'. Aimi'iya mahuetsaleconaya. Micołi iłe lotel'miyaco' ni aimoxinya lipepalc'o' cal 'ora.

Aiquicoł'ma. Elimas ixim'ma tocomma to ummahuay, imufc'o'ma li'u'. Ipango'ma ixpailo'ma limane. Tehuay naitsi

naxaŷya. ¹² Lixim'ma toŷta'a li'i'ma lincuxepa epenuŷpa lataiqui' limipa Pablo. Ticua:

—¡Acueca' litaiqui' laŷPoujna Jesús! ¡Acueca' lo'epa!

¹³ Jiŷpe liŷya' Pafos Pablo y liŷejmale itsulfoŷai'me ocuena barco. Licuaitsa liŷya' Perge lopa'a ŷamats' Panfilia, Juan, iŷque notoc'ipola', ipo'no'mola' quilituca'. Iŷpainanni, i'huana'ma lipiŷya' Jerusalén. ¹⁴ Pablo y Bernabé ipalunca Perge, iye'me liŷya' Antioquía lopa'a ŷamats' Pisidia. Litine conxajya itsulfoŷai'me lajut'ŷ pe lafoŷyomma lan xanuc' judío, icuŷtoŷai'me. ¹⁵ Iquimf'e'me loxhuecoŷimpa al je'e liniŷiya locuxepa ŷanDios, jouc'a al je'e iniliya loya'apa lam profeta. Lijou'ma nocuxepá jiŷpiya lajut'ŷ umme'me anuli ŷapaluc pe locuŷtoŷanna Pablo y liŷejmale. Timila':

—Cunc'apimaye, anuli imanc' ja'ni ipic'a tixc'ai'i'mola' lan xanuc' nomana' fa'a, ne', tipalaic'otsola'.

¹⁶ Pablo ecax'ma. I'nof'e'ma limane, ipango'ma ipalaic'o'mola', timila':

—Imanc' cunc'ixanuc' oŷtatahuelo Israel, jouc'a imanc' noŷpaic'epá ŷanDios, aŷquimf'eŷa'. ¹⁷ ŷanDios, ŷalanDios illanc' ixanuc' Israel, joupa i'huif'epola' laŷtatahueló. Miŷmana' iŷne laŷxanuc' ŷamats' Egipto ŷanDios i'e'e'mola' axpela'. Lijou'ma itoc'i'mola' juaiconapa, ipa'a'mola' jiŷpe ŷamats'. ¹⁸ Muyalaicoyi ŷamats' pe ailopa'a quilya' to oquej nuxans camats' ŷanDios ixnet'ŷ'ma liŷ'ejma', itoc'i'mola'. ¹⁹ Maŷque ŷanDios ecani'e'mola' lan xanuc' acaitsi lan nación ŷamats' Canaán. Maŷpe ŷamats' Canaán epi'i'mola' laŷxanuc' quilemats'. ²⁰ Lijou'ma ŷanDios ifaj'mola' iŷne lecui'impola' lan Juez. To amalpu maxnu oquej nuxans quimbama' camats' lan Juez icuxe'me. Lijou'ma cal profeta cuŷtine Samuel icuxe'mola' laŷxanuc'.

²¹ Iŷne litiné laŷxanuc' ixahue'e'me ŷanDios tepi'itsola' anuli cal rey, ticuxetsola'. Epi'i'mola' liŷrey cuŷtine Saul, i'hua Cis. Iŷque Saul hitatahuelo cuŷtine Benjamín. ²² Lijou'ma ŷanDios iŷonc'e'ena'ma Saul lipenic', epi'i'ma David. Ti'ila' iŷque liŷrey laŷxanuc'. Maŷque cal rey David ŷanDios inescopa ticua:

David i'hua Isaí, ainimetsaijma te ts'i'ic' li'ejma'.

Iŷque lipicuejma' ti'onŷcospa to iya' laipicuejma'.

Aŷinca ti'e'ma jahuay laifxpicepa.

²³ Maŷque David ŷanDios i'e'epa itatahuelo Jesús, iŷque ŷalunŷu'eponga'. Toŷta'a li'epa ŷanDios enanŷ'ma litaiqui' li'ipa linespa. Ummepa Jesús pe laŷmana' illanc' ixanuc' Israel. ²⁴ Ate'a icuai'ma Juan Bautista. Uya'a'ma, timila' lan xanuc': "Imanc' cunc'ixanuc', oŷtatahuelo Israel, toŷsuej'menca, to-lapolife". ²⁵ Juan joupa tijou'ne'ma lipenic' ticuis'ela' lan xanuc', timila': "Imanc', ¿te coŷcuapa? ¿Naitsi iya'? Iya' a'i to laŷnescopa. Aicuai'ma ate'a, tijouŷa' ticuaihuo iŷque pe

ts'of'huaijma locuaicoya. Itque xonca acueca' xans. Iya' aimi'ya cuhuaic'e'eya lic'eji'."

²⁶ 'Cunc'aipimaye, imanc' notspaic'epá ÑanDios, ja'ni Abraham ohtatahuelo o ja'ni ituca' loñación, itsiya ÑanDios tipalaic'olhuo', tu'ilhuo' naitsi itque Lonku'eyacolhuo'.
²⁷ Lan xanuc' nomana' Jerusalén jouc'a lihpincuxepá aiqulimetsaijma itque Lalunku'eponga'. Iniya icuxecopa Jesús. Tohta'a enant'hipá loya'apa lam profeta jilpe lije'e, ile al je'e tixhuenni itine itine conxajya. ²⁸ Tama aiqulsi'ne quijunac' ixa'hue'me Pilato ticuxela' tima'anle. ²⁹ Lenant'hipá jahuay lo'iya Jesús, ile luya'apa lam profeta, ipulquinna'me petsi lepaits'ingiya jile al 'ec, ipo'nontsa hunts'aja'. ³⁰ Lijou'ma ÑanDios imaf'i'inapa itque Jesús, ipa'apa pe lomana' lamizhua. ³¹ Ts'ilihuequi Jesús, pe nipalyomma Galilea, iyejmale'me icuaitsa anuli Jerusalén, iniya ixingona'me Jesús, tu'iyaleyí ile liximpa.

³² 'Linca, mimana' lahtatahueló ÑanDios imipola' ile al c'a lo'iya. Imi'mola': "Tole, tole ca'e'ma". Itsiya lu'ilhuo': Joupa i'ipa. ³³ ÑanDios joupa imaf'i'inapa Jesús. Enant'hipa ile litaiqui' limipola' lahtatahueló. Tohta'a ahmuc'iponga' illanc' inietó ilne lahtatahueló. Ma tohta'a loya'apa al salmo lacui'impa loque', tuya'e' lonespa ÑanDios, ticua:

Ima' ai'Hua,

Itsiya aimuc'ipola' lan xanuc' aínca iya' o'Ailli'.

³⁴ 'Jouc'a tuya'e' timaf'i'ina'ma Jesús, tipa'anata pe lomana' lamizhua. Tuya'e' aimimaconaya, aimihuet'ya licuerpo. ÑanDios timila' lixanuc':

Joupa aipo'nopa lataiqui', nepi'ipa David.

Ile laitaiqui' apaxi, canant'hi'ma.

Tohta'a tolsim'me imanc'.

³⁵ Ocuena al salmo jouc'a tuya'e':

To'e'ma cuenna lo'Hua, itque o'Huexi.

Titoc'i'ma, aimihuet'ya licuerpo.

³⁶ 'Ile lataiqui' aiminescoyoxi David. Itque mipa'a fa'a li'a lamats' i'e'ma lixpicepa ÑanDios, ticuxeyale. Imanapa, eminc'ina'me pe lomana' licuerpo litatahueló. Lijou'ma ihuet'ina'ma licuerpo. ³⁷ He lataiqui' tinescojma Jesús. Ma' itque ÑanDios imaf'i'ina'ma. Licuerpo a'i quihuet'ima.

³⁸ 'Cunc'aipimaye, aiquimf'eta'. Iya' cu'ilhuo': Ja'ni tof'huaiyjnle Jesús ÑanDios timenc'e'eco'molhuo' lo'epa lixcay. ³⁹ Tama tolihuejcoyi locuxepa Moisés aimimenc'e'ecoyacolhuo' nulemma jahuay lo'epa lixcay. Ti'hua tohtai'me lajunac'. Ja'ni tof'huaiyjnle Jesús, aimitac'uinyacolhuo' cajunac', ni tohta'a. ⁴⁰ Iya' camilhuo' imanc' naquimf'epa: To'po'note cuenna. Ja'ni a'i ti'i'molhuo'

to loya'apa ÆanDios jilpe litaiqui' linilingiya liŕje'e lam profeta, ticua:

⁴¹ Imanc' tolixocoyi, tolahuelojnle laif'epa, toŕ'huijle loŕpicuejma'.

Itsiya, ma moŕmana' imanc', ca'e'ma al cueca'.

Ja'ni tu'intsoh'uo': Toŕe, toŕe lo'epa ÆanDios, imanc' toŕtalai'e'me: "A'ij ŕinca iŕe lal'u'iponga'."

⁴² Mipalumma lan xanuc' lafoŕyomma jilpe lajut'ŕixa'hue'me Pablo y Bernabé, timinnila':

—Locuena xamano, ticuaitsi litine conxajya, aŕpalaic'ocona'monga', lu'i'monga' xonca iŕne ŕataiqui'.

⁴³ Lijoupa lipalunca jahuay lefoŕya, axpela' lan xanuc' judío jouc'a locuenaye xanuc' petŕi ilihuequi liŕ'ejma' lan judío, iyejmale'me Pablo y Bernabé. Iŕniya ixc'ai'im'mola' lan xanuc', timinnila':

—ÆanDios titoc'i'molhuo'. Aimolanaj'moŕtsi iŕque.

⁴⁴ Icuaiyoconŕsi litine conxajya tehue'ela' ma le'a anuli oquexi' lan xanuc'. Jahuay locuenaye nomana' jilpe liŕya' efoŕunni tiquimf'e'me litaiqui' ÆanDios. ⁴⁵ Lan xanuc' judío, lixim'me joupa efoŕumma axpela' lan xanuc' i'em'mola' laic' Pablo y Bernabé. Timinnila' lan xanuc':

—Iŕniya ma le'a tifeŕ'milhuo' imanc'. A'ij ŕinca lonespa.

⁴⁶ Pablo y Bernabé aimixpailiquila'. Timinnila' iŕne lan xanuc' naixtulepá:

—Ate'a alu'ipolhuo' imanc' litaiqui' ÆanDios. Toŕta'a lixpic'epa. Imanc' aimetenŕcocolhuo', aimolapenufyacu al ts'e loŕpitine, tolacani'eyoŕtsi coŕtuca'. Itsiya aŕpo'no'molhuo'. Aŕe'me pe lomana' locuenaye xanuc' pe aimimetsaicoyi ÆanDios. Aŕpalaic'otola' iŕniya. ⁴⁷ Ma ÆanDios aŕcuxe'eponga' iŕe laŕ'eyacu. Al Paxi Linilingiya tuya'e' toŕta'a lonespa ÆanDios, ticua:

Iya' nepi'ipo' lopenic', tapalc'o'itola' liŕpicuejma' pe aimimet-saicoyi ÆanDios.

Ti'i'ma quiŕsina' cunŕu'e'mola' iya'.

Iŕne nomana' xonca aculi' to'itola' iŕta'a laitaiqui'.

⁴⁸ Licuej'me lonespa Pablo y Bernabé locuenaye lan xanuc' pe a'ij judío, iŕniya ixojma quileta. Ticuayi:

—Ac'a litaiqui' lonespa ŕaŕPoujna.

ÆanDios joupa ixpic'epa naitŕi iŕne lapenufyacu al ts'e liŕpitine aimijouya. Ma' iŕniya i'huaiyijmpá Jesús. ⁴⁹ Ni petŕi jilpe ŕamats' lan xanuc' icuej'me litaiqui' ÆanDios.

⁵⁰ Lijou'ma lan xanuc' judío pe aimi'huaiyijnyi ŕaŕPoujna Jesús ipalaic'om'mola' lacaŕ'no' pe ts'iŕ'hueca, iŕniya naihuejcopá locuxepa ÆanDios. Ipalaic'om'mola' jouc'a lan tsilaj xanuc'. Toŕta'a ixtuc'om'mola' Pablo y Bernabé, ipa'am'mola' jilpe ŕilemats'. ⁵¹ Pablo y Bernabé unaf'me

lił'mitsi'. Ipa'a'me łepi camats' litałijmpa łilc'ejí. Tołta'a ihne lan apóstole imuc'im'mola' lan xanuc' ja'ni tejac'e'mołtsi ihne quiltuca' iljunac'. Ipalunca liłpiłya' ihniya lan xanuc', iyepá lane lotsepa liłya' Iconio. ⁵² Le'a cal Espíritu Santo ticuxela' liłpicuejma', tołta'a tixoqui quileta tiyeyi ihniya.

14

¹ Mimana' liłya' Iconio Pablo y Bernabé itsehuo'me lajut'ł pe lafołyomma lan xanuc' judío. Jiłpe uya'a'me Lataiqui' loya'apa ile al c'a lixplic'epa ŁanDios. Axpela' noquimf'epá epenuf'me luya'a'me Pablo y Bernabé. Ihne nepenufpá ajudío jouc'a agriego. ² Lijou'ma lan xanuc' judío pe aikuilepenufi ile litaiqui' Jesús ipalaic'o'me locuenaye xanuc' agriego. Etełc'e'e'me liłpicuejma'. Tołta'a ihne lan xanuc' ti'eyi laic' lapimaye. ³ Pablo y Bernabé icoł'mola', imanenca jiłpe liłya'. Aimixpailiquila'. Mi'huaiyijnyi ŁanDios ti'hua tuya'ayi litaiqui'. Tu'innila':

—Toł'huaiyijnle ŁanDios. Tołta'a tipaxne'molhuo', titoc'i'molhuo'.

Małque ŁanDios imujpa al linca lonespa Pablo y Bernabé. Epi'i'mola' liłmane ti'ete al cueca'. Tołta'a lan xanuc' iximpá te ts'i'ic' lo'epa ŁanDios.

⁴ Lan xanuc' jiłpe liłya' i'e'mołtsi onłca. Hualca ihuej'me lan xanuc' judío pe aikuilepenufi Jesús. Locuenaye ihuej'me Pablo y Bernabé. ⁵ Lan xanuc' griego jouc'a lan xanuc' judio pe aikuilihuequi Pablo ipalaic'om'mola' ts'ihpenic' jiłpe liłya'. Inefo'me, ticuayi: “Ałteł'mi'mola' Pablo y Bernabé. Ałma'aco'mola' apic'.” ⁶⁻⁷ Pablo y Bernabé i'ipa quilsina' lo'e'enyacola'. Inul'me, iye'me łamats' cuftine Licaonia. Jiłpiya uya'atsa Lataiqui' loya'apa ile al c'a lixplic'epa ŁanDios. U'im'mola' lan xanuc' nomana' łitelołya' Listra y Derbe, jouc'a nomana' hilemats' ahuejnca.

⁸ Jiłpe liłya' Listra tipa'a anuli cal coxo. Itine itine ticutsu. Li'mitsi' ailopa'a quilpujxi. Ma tołe ipajncota. Ni anulemma qui'huac'. Aimi'i. ⁹ Anuli litine cal coxo tiquimf'e mipalay Pablo. Pablo ehuelojm'ma. Ixim'ma cal xans ticua lipicuejma': “Łinca ałsałcona'ma”. ¹⁰ Pablo ipalaic'o'ma ujfxi, timi:

—łTopo'notsola' łamats' lo'mitsi', tacaxla' łic!

Cal coxo iyuf'conni, ecax'ma łijca, ipango'ma i'hua'ma. ¹¹ Lan xanuc' nomana' jiłpiya ehuelojm'me cal coxo joupa ixalconapa, ipango'me ija'a'me. Tipalaıyi liłtaiqui', ile lopalaıpa lan xanuc' jiłpe łamats' Licaonia. Ticuayi:

—łLandiosla' i'epołtsi xanuc', imulumma pe lałmana'!

¹² İpalaicom'mola' Pablo y Bernabé, ticuayi:

—Bernabé ilque andios Zeus. Łocuena andios Hermes.

Pablo xonca tipalay, toliya ecui'im'me Hermes. (Ihne lan xanuc' ticuayi xonca tipalay Hermes. Itque ilepaluc lif'as candiosla'.)¹³ Ihne lan xanuc' nomana' lamats' Licaonia hilendios cuftine “Zeus nopa'a pe lotsufaicompa liya'”. Le'ailli' Zeus icuaitsi al puerta lipuna cajut'l pe lomana' Pablo y Bernabé. Ilecola' lan huacax, itaic' lan arco lilanc'ecompa ipa'. Tima'a'mola' lihuacax, titsufco'mola' Pablo y Bernabé. Ma' anuli itpic'a lan xanuc'.¹⁴ Loquexi' lan apóstole, ihne Pablo y Bernabé, ixim'me lo'eyacu ihne la'ailli' y lan xanuc'. Aiquico'mola'. Ipalunca lajut'l, itsulfo'ai'me nolojmay xanuc'. Tits'ayi lipijahua', timujiy'i a'ij c'a ile lo'eyacu lan xanuc'. Tija'ayi,¹⁵ timinnila':

—Cunc'ixanuc', ¿te con'eyacu? Illanc' jouc'a ninc'ixanuc'. Jifa'a aluya'ayi Lataiqui' loya'apa ile al c'a lixp'ic'epa LanDios. Ma'le Lataiqui' tu'ilhuo': “To'po'notsola' ihna'a lolandiosla', aimolihuejcona'me”. Lolandiosla' ailopa'a co'epa, aimi'iya mitoc'iyacolhuo'. Tolihuejle LanDios Limaf'i. Itque Nilanc'epa lema'a, li'a lamats', laja jouc'a jahuary lopa'a.

¹⁶ Luyaipa quitine, imanc' jouc'a locuenaye lan xanuc' pe a'ij judío toluyalaicoyi lapajnya tolihuejyi ma to mo'eyi. LanDios ixnet'ipa ile lo'ejma'.¹⁷ Tama a'ij cuajmaica cu'ilhuo' te ts'i'ic' lipicuejma', LanDios imuc'ipolhuo' li'ejma'. Imuc'ipolhuo' ac'a lo'epa. Ma' itque ticuxe ticuila', atcuic'inga' lacui lo'huayomma lema'a. Jouc'a ticuxe ti'ila' litiné cafot'leya. To'ta'a atsinyi la'tepa. Juaiconapa alixoc'inga' calata.

¹⁸ Tama to'ta'a limipola' Pablo lan xanuc' afule mihuejcoyi. Juaiconapa itpic'a titsufco'le.¹⁹ Ma'lej hora icuaitsa lan judío naixtulepá, ihne quiyoyomma hilelo'ya' Iconio y Antioquía. Ipalaic'om'mola' lan xanuc' jilpe lefo'ya. Inesc'em'mola' Pablo y Bernabé. Lan xanuc' ihuejco'me ihne lan xanuc' judío, ipaf'me capic' Pablo. Lijou'ma ticuayi: “Joupa imapa”. Ipa'a'me jilpe liya'. Ipo'no'me lema quitya'.²⁰ Ts'ilihuequi Pablo y Bernabé itoc'ot'ai'me canumicay Pablo. Itque itsahue-nanni, itsufaicona'ma liya'.

Lihuequi litine ipalunca Pablo y Bernabé, icuaitsa liya' cuftine Derbe.²¹ Jilpe uya'acona'me Lataiqui', ile loya'apa lixp'ic'epa LanDios. Axpela' lan xanuc' epenuf'me lataiqui', ihuej'me. Lijou'ma Pablo y Bernabé ipailiconanca, iyecona'me hilelo'ya' Listra, Iconio y Antioquía.²² Imuc'iyalecontsa ts'ilihuequi Lataiqui', ifa'empola' lipicuejma', ixc'ai'im'mola', timinnila':

—Ticuicomma atelco'le, tijoula' atsuflainata pe locuxeyopa LanDios.

²³ Ilya' iya' ni petsi lafoŷomma lapimaye Pablo y Bernabé ifaj'me lan tsilaj xanuc' noxpiceyacu lataiqui'. Tixnet'iyi, aimitetsoyi, tijoc'iyi laŷPoujna, timiyi:

—MaŷPoujna, iŷna'a lan xanuc' ti'huaiyijnhuo'. Totoc'itsola'.

²⁴ Ipalunca liya' Antioquía. Uyalaico'me jahuay ŷamats' Pisidia. Icuaiyocontsa ŷamats' Panfilia. ²⁵ Iyecona'me liya' Perge. Jiŷpe uya'a'me Lataiqui'. Lijou'ma ipalunca, imul'me al 'ocay, icuaitsa liya' Atalia. ²⁶ Jiŷpiya itsulfoŷaicona'me anuli al barco lotseya locuena quiya' cuftine Antioquía.

Pablo y Bernabé limajmpá jiŷpe Antioquía lapimaye um-mempola' tiyente, ti'etsa lanic' lapi'ipola' ŷanDios. Ixa'huepá titoc'itsola'. Itsiya joupa ixhuai'nipá lanic'. Ticuaiconata. ²⁷ Icuaitsa Antioquía. Ijoc'im'mola' lapimaye iŷne nefot'ŷepoŷtsi jiŷpe liya'. U'im'mola' jahuay li'ipola' lan xanuc' pe a'ij judío. ŷanDios joupa iŷonc'epa lipa'nepola'. Iŷniya jouc'a titsu-flaiyi lane, ti'huaiyijnyi Jesucristo. ²⁸ Jiŷpiya liya' Antioquía icof'mola'. Imanenca anuli ts'ilihuequi Jesús.

15

¹ Icuaitsa liya' Antioquía hualca lapimaye ts'ilihuequi Jesús quiyouyomma al distrito Judea, ipango'me imuc'iyale'me. Tu'innila' lapimaye nomana' jiŷpe liya':

—Tolanant'ŷiŷe locuxepa Moisés, tonŷ'etsotŷi circuncidar. Ja'ni a'i, aimi'iya molunŷulyacu.

² Pablo y Bernabé ifuli'imotŷi cataiqui' iŷne lapimaye, aiquentenŷocola' lomuc'iyalepa. Lijou'ma lapimaye ixpic'e'me tiyeŷe Jerusalén Pablo y Bernabé jouc'a hualca lapimaye nomana' jiŷpe Antioquía. Pu'hua Jerusalén tipalaic'onnola' lan apóstole y lapimaye noxpijpá lataiqui'. Ticuis'ennola': “Imanc', ¿te coŷcuapa? Laŷpimaye pe a'ij judío, ¿ja'ni ti'e'motŷi circuncidar o a'i?” ³ Ipalunca Pablo, Bernabé y liŷejmale lun Antioquía. Locuenaye lapimaye lafoŷomma jiŷpe Antioquía ecanumf'entsacane. Uyalaico'me ŷamats' Fenicia jouc'a ŷamats' Samaria. Jiŷpe ŷiŷeloŷya' ipalaicom'mola' lapimaye, uya'a'me iŷe li'ipola' lan xanuc' a'ij judío, ticuayi: “Ipa'ipá liŷpicuejma', tihuejyi Jesús”. Licuej'me toŷta'a li'ipa jahuay lapimaye ixoconni quileta juaiconapa.

⁴ Pablo, Bernabé y liŷejmale icuaitsa liya' Jerusalén. Lapi-maye lafoŷomma jiŷpe, lan apóstole jouc'a lapimaye noxpijpá lataiqui', epenufim'mola'. Pablo y Bernabé uya'a'me jahuay li'ipa, uya'a'me acueca' litoc'ipola' ŷanDios. ⁵ Jiŷpe Jerusalén timana' hualca lan xanuc' fariseo no'huaiyijmpá laŷPoujna Jesucristo. Iŷne ecaŷof'me, ticuayi:

—Lapimaye pe a'ij judío tenant'ŷiŷe locuxepa Moisés. Ti'etsotŷi circuncidar.

6 Efoť'le'moťsi lan apóťstole jouc'a lapimaye noxpíjpa lataiqui'. Icuis'e'moťsi: “¿Te caľpic'eyacu?” 7 Ipalaic'o'moťsi juaiconapa. Lijouco'ma ecax'ma Pedro. Timila':

—Cunc'aipimaye, joupa oľsina' li'ipa. ŁanDios aľmuc'iponga' naitsi no'huaya pe lomana' locuenaye lan xanuc', iľne a'ij judío. Aľ'huíj'epa ca'huaľa' iya', cuya'atsi Lataiqui' loya'apa iľe al c'a lixpíc'epa ŁanDios, ti'huaiyijnle Jesucristo. 8 Li'huaiyijm'me Jesucristo ŁanDios ipaxne'mola' to laľpaxneponga' illanc'. Epi'ipola' cal Espířitu Santo. Toľta'a imujpa aľınca ti'huaiyijnly Jesucristo. ŁanDios aimimenajya, timetsaicola' jahuay lan xanuc', te ts'i'ic' liľpicuejma'. 9 Iľniya, illanc', ma' anuli lapenuľponga'. Laľ'huaiyijmpá Jesucristo latufc'e'eponga' laľpicuejma'.

10 'Itsiya, ¿te colahuaicopá ŁanDios? Imanc' toľcuayi: “Aľcuxe'e'mola' laľpimaye tihuejcole jahuay locuxepa Moisés”. Iya' cacua: Laľtatahueló aiquilenant'li iľe lataiqui', ni illanc' aicalanant'li, aimi'iya. 11 Joupa i'ipa caľsina' ma le'a Jesucristo aľtoc'i'monga'. Iľque aľsimponga' ninc'icuanuc'la, lunľu'e'monga'. Ma' anuli tunľu'e'mola' iľniya.

12 Lapimaye laľoľyomma jilpiya ailopa'a cotalai'ecoyacu. Iquimf'e'me loya'apa Pablo y Bernabé muya'ayi al cueca' li'epa ŁanDios pe lomana' locuenaye lan xanuc', iľne a'ij judío. Uya'a'me li'ipa ma mi'eyi lipenic' ŁanDios. Iľque joupa epi'ipola' liľmane, toľta'a i'e'me to aimi'iya mi'eyacu lan xanuc'.

13 Lijoupa luya'apa toľta'a Jacobo ipalaic'o'mola' lapimaye ľefoť'ľepoľtsi, timila':

—Cunc'aipimaye, aľquimf'ela'. 14 Simón Pedro alu'iponga' li'ipa litine ŁanDios imuj'moxi pe lomana' locuenaye lan xanuc', iľne a'ij judío. Iľe litine ipango'ma ijoc'i'mola' tihuejcole, ti'ila' quixanuc'. 15 Lam profeta joupa uya'apá toľta'a lo'eya ŁanDios. Jilpe liľje'e inilijmpá lonespa ŁanDios, ticua:

16 Tijouľa' catoc'icona'mola' laixanuc'.

Iya' capi'i'mola' laixanuc' liľrey, cal rey David itatahuelo.

17 Toľta'a locuenaye lan xanuc' tehuena'me liľPoujna, iľne a'ij judío pe joupa nimetsaicopola' aixanuc', maľniya lahuena'ma.

18 Toľta'a linespa ŁanDios No'epa jahuay iľna'a.

Joupa imuc'ipola' lan xanuc' nomana' luyaipa quitine.

19 Jacobo ti'hua tipalaic'ola' lipimaye, timiconala':

—Iya' cacua: Iľne laľpimaye a'ij judío pe joupa ixhuej'menamama, tihuecoyi ŁanDios, aimaľpa'ne'mola'. 20 Alumme'e'mola' quíľje'e, lu'i'mola': “Imanc' aimoľte'me lixic' litsufcompola' landiosla'. Iľque cal tejua' joupa i'ipa quixcay. Toľ'etsoľtsi cuenna. Aimoľsuico'mola' ocuenaye

caca!no', ma' le'a lo!penoye. Aimo!te'me li!poxic' linneja lixnajmpola' cajuats', jouc'a aimo!te'me lajuats'."

21 '¿Te ca!cuxe'ecoyacola' xonca? Ji!piya !ajut'!i pe lafo!yomma la!f'as xanuc' judío, itine itine conxajya tixhuef'yi locuxepa Moisés. Ixhuaita axpe' camats' to!ta'a mi'eyi jahuay li!elotya'.

22 Lan apóstole jouc'a lapimaye noxpipjá lataiqui', jouc'a jahuay lapimaye lafo!yomma ji!pe Jerusalén i'e'e'mo!tsi anuli li!picuejma'. Ticuayi:

—A!huij!e'mola' la!pimaye. Alumme'mola' tiye!e Antioquía. Tiyejmale!e Pablo y Bernabé.

I!huij!em'mola' Judas !acui'!impa Barsabás jouc'a Silas. !he li!pimaye tixininnila' ac'a li!picuejma'. 23 Ini'!mpola' al je'e, tini'innola' lapimaye a'ij judío. !e al je'e tuya'e':

"!llanc' ninc'apóstole, ninc'atsila' capimaye na!spic'epá lataiqui', !monilhuo' imanc' a'ij judío, no!mana' li!ya' Antioquía, jouc'a no!mana' ni petsi !amats' Siria, jouc'a no!mana' !amats' Cilicia. Imanc' !llanc' ninc'apimaye.

24 'Joupa !mimponga' !e luya'apa hualca lapimaye lipalyomma fa'a. !he imipolhuo': 'Imanc' tolanant'!!e locuxepa Moisés. Ton!etso!tsi circuncidar.' To!ta'a ixhue!mipolhuo'. To!cuayi: ¿Te ca!eyacu?

'Itsiya lu'!lhuo': !llanc' aicalummela' !niya. Aica!mila': To!ta'a to!mitsola'. 25 !llanc' na!mana' fa'a joupa a!e'epo!tsi anuli la!picuejma'. A!spic'epá alumme'elhuo' !na'a la!huij!epola', tiyejmale!e laica!pimaye Pablo y Bernabé. 26 !he co!a' tima'mola' mi'eyi lipenic' !a!Poujna Jesucristo, tocomma to aimun!yacu. 27 Loquexi' la!pimaye lalummepola', !he Judas y Silas tu'itolhuo' la!spic'ejma', !e lalini!pa !ta'a al je'e. 28 !llanc' y cal Espíritu Santo a!spic'eyi a'ij cueca' la!cuxe'eyacolhuo'. Fa'a lu'!lhuo' ma le'a oquej fane' lo!eyacu petsi xonca latent!cocopa LanDios. 29 Lu'!lhuo':

'Aimo!te'me lixic' litsufcompola' landiosla'. Aimo!te'me lajuats'. Aimo!te'me li!poxic' linneja lixnajmpola' cajuats'. Ton!e'etso!tsi cuenna. Aimo!suico'mola' ocuenaye caca!no', ma le'a lo!penoye.

'Ja'ni toluyalaico'me to!ta'a ton!e'me al c'a. Itsiya icula'apa !e la!sc'ai'ipolhuo'."

30 Lapimaye nomana' Jerusalén ixc'ai'im'mola' Pablo, Bernabé y !hejmale. !he iye'me. Icuaicontsa Antioquía. Ji!piya ijoc'im'mola' lapimaye tefo!unca. Ini'im'mola' al je'e. 31 Lapimaye ininuf'me ixhue'me. !e loxc'ai'!mpola' ixoc'i'mola' quileta.

32 !he Judas y Silas aprofeta. Juaiconapa ixc'ai'im'mola' lapimaye, ifa'em'mola' li!picuejma'. 33 Ji!piya imanenca,

icoł'mola'. Icuaitsi litine tiyenle lapimaye ixc'aitsona'me, timinnila':

—Tonlenle al c'a. Tołpailinanca, tonlenle pe lomana' ihne nummepolhuo'. Tołmitsola': "Ailopa'a tintsi".

³⁴ Silas ixpic'epa tipanehuo Antioquía. ³⁵ Pablo y Bernabé imanenca jilpe liya' tuya'ayi, timuc'iyaleyi Lataiqui'. He litaiqui' lałPoujna. Ma' anuli lo'epa axpela' lapimaye.

³⁶ Ti'hua tuyaipa litiné. Lijou'ma Pablo ipalaic'o'ma Bernabé, timi:

—Lepá, leconapá jahuay litelołya' petsi joupá laluya'apa litaiqui' lałPoujna. Ałsinna te ts'i'ic' mimana'.

³⁷ Bernabé ticua:

—Ałhecocona'me Juan Marcos, ałejmalecona'me.

³⁸ Pablo timi:

—A'i. Lałcuaitsa lamats' Panfilia ilque alpo'noponga' caltuca'. Aiqui'e'ma canic' anuli illanc'. Aimałhecocona'me.

³⁹ Ipalaic'o'mołtsi juaiconapa. Ifuli'i'mołtsi cataiqui'. Lijouco'ma anuli anuli i'hua'ma lipene. Bernabé ileco'ma Marcos, itsulfołai'me anuli al barco, iye'me Chipre. ⁴⁰ Pablo i'huijfe'ma Silas. Pablo y Silas y lapimaye efot'le'mołtsi. Ijoc'i'me LanDios. Ixa'hue'me titoc'itsola' Pablo y Silas. Lijou'ma ipalunca ihniya. ⁴¹ Iye'me lamats' Siria jouc'a lamats' Cilicia. Pablo ipalaic'o'mola' lapimaye ni petsi lafołyomma. Ifa'e'mola' liłpicuejma'.

16

¹ Pablo y Silas icuaitsa liya' Derbe, uyalaico'me, icuaitsa Listra. Jilpe liya' tipa'a anuli lamijcano cuftine Timoteo. Qui'máma' ajudía, ti'huaiyinge Jesucristo. Qui'ailli' agriego. Timoteo tihuequi Jesús. ² Lapimaye, ihne nomana' Listra, jouc'a nomana' Iconio ticuayi: "Ac'a xans Timoteo". ³ Pablo ixpic'epa tiyejmale'me. Ai'a tileco'ma i'e'ma circuncidar. Ticua: "Tołta'a aimixtulecu lan xanuc' judío nomana' fa'a lamats'". Jahuay ihniya ilsinna' qui'ailli' Timoteo agriego. Tołiya Timoteo aiqui'aic' circuncidar.

⁴ Lijou'ma Pablo, Silas y Timoteo iyehuo'me iłya' iłya', ehuengintsola' lapimaye nomana'. Imuc'im'mola' al je'e loya'apa locuxepa lan apóstole y lapimaye noxpipá lataiqui', ihne nomana' Jerusalén. Tixc'ai'innila', tu'innila' tenant'lıte ilhe lataiqui'. ⁵ Tołta'a lapimaye lafołyomma ihniya litelołya' xonca ti'huaiyijnyi. Itine itine tixpela' lapimaye.

⁶ Lijou'ma, ehuengintsola' lapimaye nomana' ni petsi lamats' Frigia y lamats' Galacia. Aiquiltsuflaic' lamats' Asia. Cal Espíritu Santo aiquepi'ila' lane muya'ayacu Lataiqui' jilpe lamats'. ⁷ Icuaitsa lema lamats' Misia ixpic'epa titsulfołaitsa

lamats' Bitinia. Cal Espiritu, itque hi'Espiritu Jesús, aiquepi'ila' lane.

⁸ Ti'hua tiyeyi lema lamats' Misia. Imul'me liya' Troas. ⁹ Lipuqui' Pablo ixim'ma al paiyo. LanDios timuc'i lo'eya. Ixim'ma tecaxu anuli cal xans las Macedonia. Tixa'hue, timi: "To'huanni fa'a lainemats' Macedonia. Fa'a altoc'i'monga'." ¹⁰ He liximpa Pablo alu'iponga' illanc' latejmale. Atpic'epá le'me lamats' Macedonia. Atcuayi: Ma LanDios atjoc'iponga', alu'itsonga' lan xanuc' nomana' jilpe lamats' Lataiqui' loya'apa ite al c'a lixpicepa LanDios.

¹¹ Jilpe Troas atsulfotai'pá anuli al barco. Atepá hijca lamats' cuftine Samotracia. Lihuequi litine atcuaitsa liya' Neápolis. ¹² Lipalyonca al barco atepá Filipos. He liya' xonca imetsaicoquiya jilpe lamats' Macedonia, i'huexi cal cuecaj quincuxepa romano. Jilpe atcolponga'.

¹³ Litine conxajya lipalunca liya', atepá petsi tefot'leyotsti lan xanuc' mijoc'i'me LanDios, jilpe al pana'. Atcutsofanna, atpalaic'opola' laca'no' licuai'me. ¹⁴ Anuli jilne laca'no' lipuftine aLidia. Tihuequi locuxepa LanDios. Lipi'ya' cuftine Tiatira. Ticuqui quijahua' lumanc'ecompa amorada. LatPoujna epi'ipa lipicuejma' icuej'ma lonespa Pablo. ¹⁵ Laca'no' Lidia jouc'a jahuay nomana' lejut'í epo'im'mola'. Lijou'ma Lidia atsa'hueponga', atminga':

—Ja'ni imanc' atsimpa iya' nepenufpa latPoujna tepá lainejut'í. Jilpe atmanc'aleta.

Ihui'i'ma. Atehuo'me lejut'í.

¹⁶ Anuli litine ma'leyi petsi atjoc'ita LanDios atalecuf'me anuli lahuats'. Lipoujnalá joupa i'napá, ticuxeyi. Lahuats' ticua'e, ticuxe lipicuejma' anuli liponta'a Satanás. Timila' lan xanuc' lo'iyacola'. To'ta'a tuliqui juaiconapa acueca' tomí. Tepi'ila' lipoujnalá. ¹⁷ Illanc' atejmaleyi Pablo. Lahuats' alihuequinga'. Tija'e', ticua:

—Totsintola' itna'a lan xanuc'. Cal Cueva' CanDios itPoujna itna'a. Tu'ilhuo' te co'iya molun'ulyacu.

¹⁸ Tuyaipa axpe' quitine mi'ay to'ta'a lahuats'. Pablo ai-quetentocojma lo'epa. Tixhue'lot'le juaiconapa. Lijouco'ma ipai'e'moxi, ehuelojm'ma lahuats', ipalaic'o'ma lonta'a, timi:

—Cajoc'i laiPoujna, canesma lipuftine Jesucristo. To'ta'a cacuxe'ehuo': Taipananni lipicuejma' itca'a lahuats'.

Aiquicol'ma. Ipananni lonta'a. ¹⁹ Lipoujnalá lahuats' iximpá ixa'conapa, ixtulencia. Itsina' aimi'iya mulijconayacu quitomí. I'notim'mola' Pablo y Silas, exatim'mola' jilpiya pe lomana' ts'itpenic'. ²⁰ I'hua'am'mola' pe lomana' lan juez romano. Timinnila':

—Ihne lan xanuc' ajudío, fa'a laḥpiya' tehueyi cataiqui'.
 21 Aḥmuc'inga' aḥpai'inga' la'ejma'. Illanc' ma lihuejcoyi cal
 cuecaj quincuxepa romano. Ma' iḥque aḥcuxenga'. Aimi'iya
 malapenufyacu ocuena cataiqui'.

22 Jahuay lefoya jilpiya ixtuc'om'mola' Pablo y Silas.
 Lan juez icuxe'me texitsoquintsola' Pablo y Silas,
 titsimafquintsola' liḥspula'. 23 Itsimafquim'mola' juaiconapa.
 Ecanc'ontsola' lacarza. Icuxe'e'me cal xans no'epa cuenna
 lacarza, timiyi:

—To'etsola' cuenna iḥna'a lan xanuc'. Aimipalcu.

24 Licuejpa toḥta'a no'epa cuenna lacarza i'nicotsola' xonca
 licu'u cacarza. Icansc'om'mola' liḥmitsi' laxma. Aimipalyacu,
 aimi'iya.

25 Li'i'ma to nolojmay quipuqui' Pablo y Silas tijoc'iyi
 LanDios, tunac'liyi timiyi: “ManDios, ima' unCueca”. Locue-
 naye litats'ila' tiquimf'eyi. 26 Inu'ma ḥunanto. Tifenna ḥamats'
 petsi lifaiya ḥaitaḥ lacarza. Aiquicoḥ'ma, exinni jahuay lam
 puerta. Jahuay litats'ila' ixim'moḥtsi uhuaiḥquem'mola' late-
 jmaj cadena. 27 Cal xans no'epa cuenna lacarza tixmay.
 Imafi'ma ixim'ma lam puerta exiya. Ticua: “Itsiya, ¿te
 caif'eya? Joupa ipalnamma litats'ila’”. Ipa'a'ma li'espada.
 Ticua: “Cama'a'moxi”. 28 Pablo ixim'ma lo'eya. Ija'a'ma ujfxi,
 timi:

—Aimo'e'e'moxi. Ma fa'a aḥmana' jahuay illanc'.

29 No'epa cuenna lacarza icuxe'e'ma tulif'enḥe. Aiquicoḥ'ma,
 itsufai'ma pe lomana' litats'empola'. Eca'ni'moxi jilpe liḥmitsi'
 Pablo y Silas. Tiyu tixpaiqui. 30 Tipa'ala' ḥuna. Ticuis'ela',
 timila':

—Cunc'ixanuc', ¿te co'iya cunḥu'eyacoxi? ¿Te caif'eya?

31 Ihne timiyi:

—Ima' to'huaiyijnla' ḥaḥPoujna Jesucristo, iḥque tunḥu'e'mo'.
 Toḥta'a ti'ete iḥne nomana' lomejut'ḥ. Jouc'a tunḥu'e'mola' jahuay
 iḥniya.

32 U'i'me litaiqui' ḥaḥPoujna. U'im'mola' jouc'a nomana'
 lejut'ḥ. 33 Maḥpe 'hora lipuqui' no'epa cuenna lacarza
 ileco'mola' Pablo y Silas, epac'e'etsola' iḥlehui. Aiquicoḥ'mola',
 epo'im'mola' iḥque y jahuay lixanuc'. 34 Lijou'ma ileco'mola'
 lejut'ḥ Pablo y Silas. Ites'mitsola'. Juaiconapa tixoqui queta
 ti'huaiyinge LanDios. A'i ma le'a iḥque jouc'a jahuay lixanuc'
 ti'huaiyijnyi.

35 Iḥic'e'ma. Lan juez umme'me lilepaluc' tiyeḥe lacarza.
 Licuaitsa ipalaic'o'me no'epa cuenna lacarza, timiyi:

—Tox'masnatsola' iḥne lan xanuc'. Tipalnanca, tiyenḥe.

36 No'epa cuenna lacarza u'i'ma Pablo, timi:

—Lan juez ummepá lilepaluc'. Ihe ałmi: “Tox'masnatsola' ihe lan xanuc', tipalnanca”. Itsiya tolipalnanca. Tonłente al c'a. Ailopa'a tintsı.

³⁷ Pablo ipalaic'o'mola' lapaluc', timila':

—A'i. Aimi'ıya małeyacu. Illanc' alimetsaiconinga' ixanuc' cal cuecaj quincuxepa romano. Imanc' lołjuez ni aiquıtsına' ja'ni atınca o a'ij linca lataiqui' lałcufponga'. Ma malahue-longinga' lan xanuc' ałtsimafquimponga'. Itsiya ałminga' ałente a-ch'ıxca. A'i. Aimi'ıya. Ticuaiyunca lan juez. Alipa'atsonga' ihıniya.

³⁸ Lapaluc' ipailinanca, iye'me pe lomana' lan juez. U'im'mola' limipola' Pablo. Licuej'me lan juez cal cuecaj quincuxepa romano imetsaicola' Pablo y Silas, tixpailiquila' juaiconapa. ³⁹ Iye'me lacarza. Ixa'hue'me aimixtulecu Pablo y Silas. Ipa'am'mola'. Timinnila':

—Tonłente, tolipalnanca fa'a lałpııya'.

⁴⁰ Lipalunca lacarza Pablo y Silas iye'me lejut'ı Lidia. Jıłpe efot'ıe'mołtsı anuli lapimaye. Ixc'ai'im'mola', ixpai'im'mola' quileta. Lijou'ma iyena'me.

17

¹ Pablo y liłejmale ipalunca liıya' Filipos, iye'me lane loy-aicopa hiłeloıya' Anfıpolis y Apolonia. Icuaitsa liıya' Tesalónica. Jıłpe tipa'a anuli lajut'ı pe lafoıyomma lan xanuc' judıo. ² Licuaitsi litine conxajya Pablo, ma to mi'ay, i'hua'ma jıłpe lajut'ı. Afane' quitine conxajya i'e'ma tołta'a. Ipalaic'o'mola' lan xanuc' jıłpiya. Tu'ıla' loya'apa al Paxi Linııngiya. ³ Tuhuałqui ihe lataiqui', tu'ıla':

—Małe al Paxi Linııngiya tipalaıjma cal Cristo. Tuya'e': “Titełco'ma, timana'ma. Tijouła' timaf'ına'ma, tipano pe lomana' lamızhua.” Jesús, iłque laıfpalaic'ocopolhuo', małque aCristo.

⁴ Hualca lan xanuc' judıo lafot'ıepołtsı jıłpiya ticuayi: “Ma' al linca locuapa”. I'e'mołtsı anuli Pablo y Silas. Jouc'a juaiconapa axpela' lan xanuc' griego naihuejpá locuxepa LanDios, jouc'a axpela' lan tsila' cacał'no', epenuf'me lonespa Pablo.

⁵ Lan xanuc' judıo pe aimihuejyi Jesús ixtulencia, i'em'mola' laic' Pablo y Silas jouc'a ts'ılıhuequi. Ipalaic'om'mola' hualca lixcay xanuc'. Ihe nohuinajpola', aimi'eyi canic', ma le'a tecaxołanna jıłpe locucaleyompa. Efoł'em'mola' axpela' lan xanuc', ixahualı'int sola' Pablo y Silas. Jahuay lan xanuc' jıłpe liıya' ic'of'ma liıjuats'. Ixtulencia juaiconapa. Aits'icoł'mola', iye'me, icuaitsa lejut'ı anuli cal xans cuftine Jasón. Tehuen- nila' Pablo y Silas. Timiyi Jasón:

—Laxat'ıitsonga' Pablo y Silas. Ał'hua'a'mola' jıłpiya lafoıyomma lan xanuc'.

⁶ Aiquixinim'mola'. Exařim'mola' Jasón y hualca lapimaye. I'hua'ampola' pe lomana' lan juez. Tija'ayi coyac', ticuayi:

—İhniya lan xanuc' nateřc'eyalepá liřpicuejma' lan xanuc' ni petsi li'a łamats' jounpa icuai'me fa'a lařpıya'. ⁷ İca'a Jasón epenufpola' jıřpe lejut'ı. Jahuay İhniya aimihuejcoyi locuxepa cal cuecaj quincuxepa César. Ticuayi tipa'a ocuenaj rey ticuxela', cuftine Jesús.

⁸ Licuej'me tořta'a lan xanuc' y ts'ıřpenic' xonca ixtulencia. ⁹ Jasón y lapimaye i'najtse'me ts'ıřpenic', i'najcufi'me Pablo y Silas. Tořta'a ts'ıřpenic' ux'masquina'me İhne Jasón y lapimaye.

¹⁰ Maře lipuqui' lapimaye itoc'im'mola' Pablo y Silas tipalanca jıřpe liřya' Tesalónica. Iye'me liřya' Berea. Icuaitsa jıřpe liřya' itsulfořai'me lajut'ı pe lařoyomma lan xanuc' judío. ¹¹ Ac'a xanuc' İhniya lan judío nomana' İle liřya' Berea, a'i to lan xanuc' nomana' Tesalónica. İxořco'ma quileta epenuf'me litaiqui' Jesús. İtine itine tixhueyi al Paxi Liniřingiya. Ticuayi: “Ařsim'me ja'ni al linca o a'ij linca lonespa Pablo”. ¹² Axpela' lan xanuc' judío, jouc'a hualca lacař'no' griego pe ts'ıř'hueca, jouc'a axpela' lan xanuc' griego epenuf'me.

¹³ Lan xanuc' judío nomana' liřya' Tesalónica icuej'me: “Pablo tipa'a liřya' Berea, tuya'e' litaiqui' LanDios”. Iye'me Berea. Jıřpiya ipalaic'om'mola' lan xanuc', i'e'em'mola' tixtuc'oře Pablo. ¹⁴ Lapimaye itoc'i'me Pablo tipanni liřya' Berea, ti'huařa' İema caja. Silas jouc'a Timoteo imanenca Berea. ¹⁵ Lapimaye pe li'i'mořtsi anuli Pablo ileco'me liřya' Atenas. Pablo timila':

—Tořmitsola' Silas y Timoteo aimicoř'mola', ticuaiyunca fa'a.

Lijou'ma lapimaye ipailinanca, iye'me Berea.

¹⁶ Pablo ipanenni liřya' Atenas. I'huaıjma ticuaiyunca Silas y Timoteo. İxim'ma İle liřya' imanna candiosla'. İxhueřco'ma juaiconapa. ¹⁷ Litine conxajya itsehuc'ma lajut'ı pe lařoyomma lan xanuc' judío. Jıřpe lajut'ı tipalaic'ola' lan xanuc', İhne lan xanuc' judío jouc'a lan xanuc' griego pe naihuejpá LanDios. İtine itine itsehuc'ma laplaza, tipalaic'ola' lotalecufpola' jıřpe.

¹⁸ Jıřpe laplaza tefot'eyořtsi hualca lan xanuc' naihuejpá liřtaiqui' lan xanuc' lacui'impola' lan epicúreo. Jouc'a tefot'eyořtsi pe naihuejpá liřtaiqui' lan xanuc' lacui'impola' lan estoico. İhne ipango'me ifuli'i'mořtsi cataiqui' Pablo. Hualca ticuis'eyořtsi:

—İřque İapalgo, řte cohuařquemma lonespa?

Ocuenaye ticuayi:

—Tocomma to tinescola' ocuenaye candiosla'.

Icuejpá Pablo lipalaicopa Jesús, jouc'a lipalaicopa limaf'inapa, ipayomma pe lomana' lamizhua. Toŧta'a ticuayi: "Iŧne oquexi' landiosla".

¹⁹ Timiyi Pablo:

—Łepá.

Ileco'me pe lafoŧyomma ts'iŧpenic'. Jiŧpe lacui'impá al Areópago. Icuaitsa jiŧpe icuis'e'me, timiyi Pablo:

—Ima' lofmuc'iyalepa ats'e cataiqui'. Aluhuaŧc'e'etsonga'. Aŧcuejle te cocuajmaispa iŧe lataiqui'. ²⁰ Aŧcuejyi ima' to-muc'iyale ituca' cataiqui'. Ti'ila' caŧsina' te cohuaŧquemma iŧe lofnespa.

²¹ Lan xanuc' limajmpá liŧya' Atenas, ja'ni ma' Atenas iŧpiŧya', o ja'ni quiyoyomma ocuena quiŧya', jahuay iŧniya aimi'eyi canic'. Muica litine tipalaic'oyoŧsi. Tu'iyoyoŧsi, tiquimf'eyoyoŧsi ituca' ituca' cataiqui'.

²² Pablo ecax'ma jiŧpe al Areópago. Tipalaic'ola' lefoŧya, timila':

—Cunc'ixanuc', Atenas oŧpiŧya, caxinnilhuo' toŧspaic'ela' jahuay landiosla'. Aimolatets'iyi ni' anuli. ²³ Cuyaijma łaneya fa'a loŧpiŧya' cahuelongila' loŧ'altar. Jouc'a cahuelonge anuli al altar inilingiya tuya'e': "Iŧta'a i'altar anuli łandios. Aicalimet-saijma naitsi iŧque, aicásina' te quipuŧtine." Tama imanc' toŧcuayi: "Iŧque anuli łandios", imanc' aicolimetsaijma. Itsiya iya' cu'i'molhuo' naitsi iŧque.

²⁴ Maŧque ŁanDios ilanc'epa li'a łamats' jouc'a jahuay lopa'a. Aimipanga al xoute' lilanc'epa lan xanuc'. Iŧque iPoujna lema'a jouc'a li'a łamats'. ²⁵ Illanc' ninc'ixanuc' aimi'iya maŧnesyacu: "ŁanDios tehue'e', alapi'i'me". Iŧque aimehue'e'. Jahuay ts'iŧmaf'i fa'a li'a łamats' ŁanDios tepi'ila' liŧpitine, liŧpehua', jouc'a jahuay liŧpicuicoya.

²⁶ 'Lan xanuc' ni petsi quiyoyomma ma' anuli liŧjuats'. Toŧta'a lilanc'epola' ŁanDios. Maŧque ŁanDios ixpicufpa hilemats' anuli anuli lan nación. Ixplic'epa tojua ticoŧ'mola', te quitine tijou'ne'mola'. ²⁷ Lixpic'epa toŧta'a ŁanDios ticua: "Łahueta' lan xanuc'. Aga tinesle: ¿Pe copa'a? Aŧsinna'ma."

Iŧque linca a'ij culi', ma' ahuejnca anuli anuli illanc'. ²⁸ Maŧque aŧhanc'eponga', lapi'iponga' laŧpitine. Maluyalaicoyi lapajnya aŧtoc'inga'. Ja'ni tijuc'ixoxi aimi'iya maluyalaicoyacu, jahuay tijouna'ma. Imanc' loŧxanuc' ts'iŧpicuejma' jouc'a ipalaico'me ŁanDios, iniŧpá: "Illanc' ninc'ixanuc' inaxque' ŁanDios".

²⁹ Iŧque ŁanDios al'Ailli'. Toŧiya aimi'iya maŧ'onhicoyacu to iŧne landiosla' lilanc'empola' a'oro o aplata o apic. Iŧna'a ipa'acopa lijuac cal xans, ilanc'ecopola' limane'. ³⁰ Luyaipa quitine lan xanuc' aiquiŧsina' te ts'i'ic' lipicuejma' ŁanDios.

Aiquilimetsaijma. Ihniya hitiné ÆanDios aiquimila', aiquitalela' ni toŧta'a. Itsiya ituca' li'ejma'. Ticuxe'ela' jahuay lan xanuc' ni petsi lomana', timila': "Imanc' toŧsuej'menanca". ³¹ ÆanDios joupá i'huijf'epa, ifaquimpa cal Juez no'eya al hijca lipenic'. Ixpíc'epa litine timujxoxi iŧque iŧJuez jahuay lan xanuc' ni petsi lomana'. Iŧque cal xans ÆanDios joupá imaf'i'inapa, ipa'anapa pe lomana' lamizhua. Ti'íŧa' quilsina' lan xanuc' aŧinca toŧta'a lo'iya.

³² Licuej'me linespa Pablo: "ÆanDios imaf'i'inapa, ipa'anapa pe lomana' lamizhua", hualca ixoco'me. Ocuenaye timiyi:

—Aŧquimf'econa'mo'. Alu'itsonga' xonca iŧe lataiqui'.

³³ Pablo ipanni jilpe lefoŧya. ³⁴ Hualca lan xanuc' ihuej'me Pablo. Ti'huaiyijnyi. Anuli ihniya cuftine Dionisio, iŧque tilai'iyoxi jilpe al Areópago. Ocuena no'huaiyijmpa iŧque aca'no', cuftine Dámaris. Jouc'a timana' ocuenaye ihuej'me.

18

¹ Pablo ipanni liŧya' Atenas icuaitsi liŧya' Corinto. ² Jilpe liŧya' italecuf'ma anuli cal xans judío cuftine Aquila. Iŧque ipajnyota lamats' cuftine Ponto. Lipeno cuftine Priscila, imajmpá lamats' Italia, liŧya' Roma. Micuxe cal cuecaj quincuxepa romano cuftine Claudio iŧque icuxe'e'mola' lan xanuc' judío tipalunca iŧe liŧya'. Priscila y Aquila ajudío. Ipalunca liŧya' Roma, quite' miŧcuaispá Corinto. Pablo i'hua'ma ixintsola' lilejut'ŧ. ³ Jilpe ipanenni. Pablo y Aquila in-natsolpá quixmi. Ti'eyi canic' anuli. ⁴ Litine conxajya Pablo ti'hua lajut'ŧ pe lafoŧyomma lan xanuc' judío. Tipalaic'ola' lan xanuc' nomana' jilpe, iŧne ajudío jouc'a agriego. Tehue te co'iya micuejyacu, ti'huaiyijnle Jesu-cristo.

⁵ Silas y Timoteo ipalunca lamats' Macedonia. Licuaitsa liŧya' Corinto Silas y Timoteo, Pablo joupá etec'opa lanic' lanatsoŧya, ma le'a tuya'e' Lataiqui'. Tu'íŧa' lan xanuc' judío: "Jesús ma' aCristo". ⁶ Lan judío aiquilepenufi loya'apa Pablo, timilojyi quixcay cataiqui'. Pablo unaf'ma lipijahua'. Tixinŧe iŧe lo'epa aiquetentcocojma ÆanDios. Timila':

—Imanc' coŧtuca' toŧtai'me lajunac'. Toŧsim'me lo'iyacolhuo'. Iya' aicataiya cajunac'. Ca'hua'ma pe lomana' locuenaye lan xanuc' pe aimimetsaicoyi ÆanDios.

⁷ Ipanni jilpe lajut'ŧ pe lafoŧyomma lan xanuc' judío. I'huapa anuli lajut'ŧ aquiu', ejut'ŧ anuli cal xans agriego, cuftine Tito Justo. Iŧque tihuequi locuxepa ÆanDios. ⁸ Lajut'ŧ pe lafoŧyomma lan xanuc' judío iŧincuxepa cuftine Crispo. Iŧque Crispo jouc'a jahuay nomana' lejut'ŧ i'huaiyijmpá Jesucristo. Axpela' lun Corinto noquimf'epá i'huaiyijmpá, epo'im'mola'.

⁹ Anuli lipuqui' mixmay Pablo, ixim'ma to apaiyo, icuaitsi laŧPoujna Jesús, timi:

—Aimixpaij'mo'. Aimi-ch'ixco'mo'. Ti'hua topalaic'ocontsola' lan xanuc'. ¹⁰ Iya' alejmale. Fa'a liya' aimi'iya mixcai'enyaco'. Ma fa'a timana' axpela' laixanuc'.

¹¹ Pablo ipanenni liya' Corinto. Icof'ma anuli camats' y onfca. Timuc'iyale litaiqui' LanDios.

¹² Liya' Corinto copa'a jilpe lamats' Acaya. Micuxe Galión ile lamats' lan xanuc' judío tixtuleyi. I'nof'me Pablo, i'hua'a'a'me pe lo'eyopa canic' lan juez. ¹³ Timiyi Galión:

—Ifca'a cal xans tu'ila' lan xanuc', timila': "Aimolanant'hi'me locuxepa Moisés. Tołpai'ife loł'ejma'. Ti'ila' ituca' molihuejyacu LanDios."

¹⁴ Pablo coła' joupa titalai'e'ma. Galión ipalaic'o'mola' lan xanuc' judío, timila':

—Ifca'a cal xans, ja'ni aiquenant'hi locuxepa łalcuecaj quincuxepa romano, o ja'ni i'epa quixcay, linca ca'ommita lołnespa, caquimf'e'molhuo' imanc' unc'ijudío. ¹⁵ Ifque aiqui'aic' tołta'a. Aiquetenłcolhuo' lonespa, ja'ni ataiqui' o aftine o lopalaicopa lataiqui' locuxepolhuo'. Ma le'a tołta'a tołixtuc'oyi. Ma' imanc' tołxanghuai'itsołtsi. Iya' aicaxpic'eya.

¹⁶ Lijoupa limipola' tołta'a Galión icuxe'ma tihuescuftsola', tipalunca jilpe lejut'ł pe lo'eyopa lanic' lan juez. ¹⁷ Lan griego ixtuc'o'me anuli cal xans judío nacaxuya jilpe, cuftine Sóstenes, incuxepa lajut'ł pe lafołyomma. I'nof'me, untaf'me. Galión ma le'a ticutsu tehuelongila'. Ailopa'a quitaiqui'. Ni tintsu quimi'mola'.

¹⁸ Pablo ti'hua ticolí Corinto. Lijou'ma ixc'ai'i'mola' lapimaye, ti'hua'ma lamats' Siria. I'hua'ma al puerto cuftine Cencrea. Icuaitsi jilpe isuaf'moxi lijuac. Tołta'a imuj'ma joupa epi'ipa cataiqui' LanDios. Lijou'ma Pablo, Priscila y Aquila itsulfołai'me anuli al barco, iye'me. ¹⁹ Icuaitsa liya' Efeso. Jilpiya liya' ipo'no'mola' Priscila y Aquila. Pablo i'hua'ma lema quilya', itsufai'ma lajut'ł pe lafołyomma lan xanuc' judío. Jilpe ipalaic'o'mola' lan xanuc', ipalaic'o'mołtsi. ²⁰ Ixa'hue'me, timiyi:

—Topanenni.

Pablo timila':

—A'i. Aimi'iya małcołconaya fa'a. ²¹ Ja'ni ipic'a LanDios cacuaiyoconno, cahuejnconacolhuo'.

Ixc'ai'ina'mola'. Itsufai'ma anuli al barco. Ipamma Efeso.

²² Icuaitsa Cesarea. Jilpiya ipayonni al barco, if'aj'ma liya' Jerusalén tehuejntola' lapimaye lafołyomma jilpiya. Inom'mola'. Lijou'ma i'hua'ma liya' Antioquía. ²³ Jilpe icołhuo'ma. Lijou'ma ipaiconanni ehuejnconatsola' lapimaye nomana' lamats' Galacia y lamats' Frigia. Ifa'e'mola' liłpicuejma' jahuay lapimaye.

²⁴ Mi'hualejma Pablo imajm'me Efeso Priscila y Aquila. Jilpe liŷya' icuaitsi anuli cal xans judío cuftine Apolos, lipiŷya' Alejandría. Tipalay al c'a juaiconapa. Ixina' loya'apa al Paxi Linilingiya. ²⁵ Jounpa imuc'impá litaiqui' laŷPoujna, ixina' te ts'i'ic' lipene iŷque. Al c'a timuc'iyale, aimixospa. Tu'iyale li'epa Jesús. Epo'iconpa lipuŷtine Juan Bautista a'i lipuŷtine Jesucristo. ²⁶ Aimixpaiqui. Itsehuc'ma lajut'ŷ pe lafoŷyomma lan xanuc' judío, jilpe tipalaic'ola' lan xanuc'. Priscila y Aquila icuej'me lonespa, ijoc'i'me timiyi:

—Lepá lajut'ŷ.

Jilpe u'i'me xonca te tsi'ic' mihuejya LanDios.

²⁷ Lijou'ma Apolos ipic'a ti'huaŷa' ŷamats' Acaya. Lapi-maye nomana' jilpe liŷya' Efeso inil'e'me liŷpimaye nomana' ŷamats' Acaya, iŷne jouc'a ts'ilihuequi Jesús. Timinnila': "To-lapenufle iŷque Apolos". Icuaitsi jilpe ŷamats' Apolos acueca itoc'i'mola' lapimaye. Iŷne jounpa ipaxnepola' LanDios toŷta'a ti'huaiyijnyi Jesús. ²⁸ Jilpe leŷot'ŷepoŷtsi lan xanuc' judío Apolos italaie'epola', ulij'mola'. Imuc'ipola' loya'apa al Paxi Linilingiya, tuya'e': "Jesús copa'a cal Cristo".

19

¹ Mipa'a Apolos ŷamats' Acaya, liŷya' Corinto, Pablo ti'hualejma xonca al toncay ŷamats' icuaitsi liŷya' Efeso. Jilpe liŷya' italecuf'mola' hualca ts'ilihuequi Jesús. ² Icuise'e'mola', timila':

—Imanc' litine loŷ'huaiyijmpa Jesucristo, ¿te olapenuŷpá cal Espíritu Santo?

Iŷne timiyi:

—A'i. Aicalpalaic'oconinga' cal Espíritu Santo. Aicalmuc'inga' naitsi iŷque, ja'ni tipa'a o a'i.

³ Icuise'e'mola':

—Litine lepo'impolhuo', ¿naitsi colihuejcoyacu? ¿Te quipuŷtine?

Timiyi:

—Lipuŷtine Juan Bautista. Lihuejcoyi litaiqui' iŷque, toŷta'a lapo'imponga'.

⁴ Pablo timila':

—Lan xanuc' pe lixhuej'memma, Juan epo'i'mola', tu'ila': "Aimal'huaiyijm'ma iya'. Toŷ'huaiyijnle nocuaicoya." Iŷque laŷui'impa "Nocuaicoya", maŷque copa'a Jesús.

⁵ Licuej'me iŷe limipola' Pablo, iŷne lan xanuc' epo'iconam'mola'. Toŷta'a i'ipola' ilihuequi Jesús. ⁶ Pablo ipo'nof'i'mola' limane' liŷjuac. Imunni lema'a cal Espíritu Santo, epenuf'me. Ipango'me ipalai'me ituca' ituca' cataiqui', jouc'a tuya'ayi lu'ipola' LanDios. ⁷ Tixhuaispola' to imbama' coquexi' lan xanuc'.

⁸ Litine conxajya Pablo itsehuo'ma lajut'í pe lafoŷyomma lan xanuc' judío. Aimixpaiqui. Ipalaic'o'mola', ipalaic'o'moŷtsi. Tu'ila' te co'iya mitsulfoŷaiyacu pe locuxeyopa LanDios. Afane' mut'la' ti'ay toŷta'a. ⁹ Hualca aiquil'cueca, aiquil'huequi. Ipalaic'om'mola' locuenaye xanuc', u'im'mola':

—A'ijc'a lane lomuc'ipolhuo' Pablo.

Licuej'ma Pablo lonespa ihniya aiqui'huacon-na'ma iŷe lajut'í pe lafoŷyomma lan xanuc' judío. Ipa'a'mola' jil'piya no'huaiyijmpá Jesús. Iye'me, tefot'leyoŷtsi lejut'í anuli lomxi cuftine Tirano. Itine itine Pablo ti'hua tipalaic'ola' lan xanuc' lafoŷyomma lajut'í. ¹⁰ Muyaipa oque' camats' Pablo ti'hua timuc'ila', toŷta'a jahuay lan xanuc' nomana' jil'pe lamats' Asia icuej'me loya'apa Pablo, lan xanuc' judío jouc'a lan xanuc' griego. Icuej'me litaiqui' laŷPoujna Jesús.

¹¹ LanDios timuc'ila' lan xanuc' al cueca' lo'epa. Epi'ipa limane Pablo ti'eŷa' toŷta'a al cueca', to aimi'iya mi'eyacu lan xanuc'. ¹² Lam pa'yu y hijahuati lihuengaicota Pablo itai'em'mola' lafcualŷay. Iŷne ixal'cona'mola'. Lipontahue Satanás pe litsufŷaipá liŷcuerpo lan xanuc', ipalnanca.

¹³ Hualca lan xanuc' judío tiyec'oŷaiyi iŷya' iŷya', timinnila' lipontahue Satanás:

—Iya' canesqui lipuŷtine Jesús, maŷque Jesús lo'palaicopa Pablo. Cacuxe'ehuo': ¡Taipanni!

¹⁴ Toŷta'a lo'epa lan caitsi linaxque' anuli cal xans judío cuftine a'Esceva, iŷque anuli pe lixanuc' cal cuecaj ca'ailli'. ¹⁵ Liponta'a Satanás italai'e'ma, timila':

—Jesús nimetsaijma. Aixina' naitsi iŷque Pablo. ¿Naitsi imanc'? Aicainimetsaicolhuo'.

¹⁶ Cal xans pe litsufaipa liponta'a Satanás iyuc'o'mola', ulij'mola', ixcai'e'mola'. Aiquicol'mola'. Ipalunca lajut'í, aimil'ŷe inulna'me. ¹⁷ Jahuay nomana' Efeso, lan xanuc' judío jouc'a lan xanuc' griego, iŷsina' li'ipa, ixpailij'mola'. Imetsaico'me apaxi lipuŷtine laŷPoujna.

¹⁸ Axpela' no'huaiyijmpá laŷPoujna Jesús icuaiyunca pe lomana' lapimaye, uya'a'me al xujc'a li'epa. ¹⁹ Jouc'a axpela' lam brujo efot'ŷe'me liŷlibro, itai'me, ipo'no'intsola' petŷi lan xanuc' tixim'me lo'epa. Jil'pe ipi'em'mola'. Lijou'ma ixhuej'me'me tojua lipitali iŷne lan libro. Tixhuaispa oquej nuxans quimbamaj mil lan tomí aplata. ²⁰ Toŷta'a lan xanuc' ixim'me acueca' lo'epa litaiqui' laŷPoujna. Iximpá a'i ni naitsi cataiqui'. I'i'mola' xonca axpela' no'epá ŷinca.

²¹ Lijoupa li'ipa toŷta'a Pablo ixpic'e'ma, ticua: “Ca'hua'ma Jerusalén. Ate'a cahuejntola' lapimaye nomana' lamats' Macedonia, jouc'a nomana' lamats' Acaya. Catseta Jerusalén, tijouŷa' ca'hua'ma quimetsaicota Roma.” ²² Umme'mola'

oquexi' notoc'ipá, ilne Timoteo y Erasto, tiyele lamats' Macedonia. Pablo icol'ma lamats' Asia, liya' Efeso.

²³ Ilniya litiné lan xanuc' nomana' jilpe liya' epat'itsi lipicuejma'. Ixtuc'om'mola' naihuejpá lipene laPoujna. ²⁴ Tipa'a anuli cal xans cuftine Demetrio, aplatero. Tilanc'ela' lan tsocay xoulte. Anuli anuli al xoute' tipa'a li'imagen Artemisa, ilque hilendios. Ilque Demetrio ilpoujna axpela' lan xanuc' no'epá ilta'a lanic'. Tulijyi acuecaj tomí. ²⁵ Maque Demetrio ixtunni, tijoc'ila' tefot'letsoltsi lixanuc' jouc'a locuenaye no'epá canic' tolniya. Timila':

—Cunc'ixanuc', ohsina' ma ma'eyi ilta'a lanic' alulijyi caltomí. ²⁶ Tol sinyi, tolcuejyi li'ipa fa'a la'piya'. Linca a'i ma le'a fa'a, tocomma to jahuay lamats' Asia ilque Pablo imints'e'e'mola' lipicuejma' axpela' lan xanuc'. Ticua: “Ilne ilanc'ecompola' amane a'i candiosla”. ²⁷ Ilne lonespa Pablo aicattoc'inga' illanc'. Aga lan xanuc' latets'i'monga' jouc'a la'penic'. Tijoula' xonca acueca' ti'i'ma, tetets'i'me Artemisa cal cuecaj cal'máma'. Lamats' Asia, jouc'a ni petsi li'a lamats', texc'onlingotaiyi Artemisa. Ja'ni tihuejle lonespa Pablo aimexc'onlingotaiconayacu.

²⁸ Lan xanuc' noquimf'epá ile lataiqui' ixtulencia juaiconapa. Ija'a'me, ticuayi:

—¡Acueca' ilque cal'máma' Artemisa illanc' ixanuc' Efeso!

²⁹ Jahuay lan xanuc' nomana' ile liya' epat'itsi lipicuejma'. Jahuay inul'me, ticuaita pe lafoiyomma lan xanuc'. Minulyi i'nohim'mola' Gayo y Aristarco noyejmalepá Pablo. Ilne quiyoyomma Macedonia. ³⁰ Pablo cola' titsufai'ma jouc'a, ts'ilihuequi Jesús aiquepi'i'me lane. ³¹ Hualca ts'ipenic' jilpe lamats' Asia pe nimetsaicopola' Pablo ummem'mola' lixanuc', timiyi Pablo:

—Aimotsufai'ma pe lefoya lan xanuc'. Aga tima'ato'.

³² Jilpe lefoya nica tummulecola'. Anuli anuli ocuena ocuena litaiqui' loja'apa. Axpela' ni aiqulsina' te quicuaicoco'me jilpe. Aiqulsina' te qui'ipa. ³³ Hualca lan xanuc' judío ummetsai'me anuli cal xans cuftine Alejandro. Timiyi:

—Tacaxhuaitsi pe li'huáqui. Topalaic'otsola' lan xanuc'.

Ecax'ma jilpiya. Lan xanuc' ti'hua tija'ayi, tuya'ayi li'ipa. Alejandro ti-ch'ixc'eco'mola' limane. Titalai'e'mola'. ³⁴ Aiquihuejco'me. Imetsaico'me ajudío. Ipango'me ija'a'me, jahuay ticuayi ma' anuli:

—¡Illanc' ixanuc' liya' Efeso, acueca' cal'máma' Artemisa!

Lija'apa tohta'a icol'ma to oquej hora. ³⁵ Lijouco'ma, ts'ipenic' himpa'ningolpa jilpe liya' i-ch'ixc'e'mola' lan xanuc', timila':

—Imanc' cunc'aif'as xanuc' Efeso, jahuay lan xanuc' no-mana' fa'a li'a lamats' ilsina' alfaquimponga' illanc' ixanuc' liya' Efeso, al'ele cuenna lixoute' cal cuecaj cal'mama' Artemisa. Jiŕpe al xoute' tipa'a li'imagen lecangaiyomma lema'a. ³⁶ ¿Naitsi nonesya a'ij linca? Ailopa'a nonesya toŕta'a. Ti-ch'ixcotsolhuo'. Toŕpic'ele al c'a loŕeyacu. ³⁷ Ina'a lan xanuc' loŕcuai'e'mola' fa'a, ¿te qui'epa? Ine aiqumnesc'e cataiqui' cal'mama' Artemisa. Aiqumnantseca lixoute'.

³⁸ Demetrio jouc'a loyemalepá, ja'ni ticuxecom'mola' ilne lan xanuc', ne', timana' lan juez. Tipa'a litiné mi'e'me canic'. Jiŕpe toŕcuxecotsola', titalai'e'ecotsoltsi. ³⁹ Ja'ni tipa'a ocuena o ituca' lolicuitsufyacu, ne', tipa'a litiné lafot'le'moltsi, alŕpic'eta cataiqui'. Jiŕpe tolicuitsufta. ⁴⁰ Itsiya a'ij c'a lafot'lepoŕtsi juaiconapa ninc'xpela'. Ticuaiyunca lan tsilaj ts'ilpenic' romano, licuis'e'monga': "Imanc', ¿te conŕ'epa? ¿Te conlafot'lecoŕpoŕtsi?"; illanc', ¿te caŕtalai'ecoyacola'? Ailopa'a calmiyacola'. Ine lixtuc'o'monga'.

⁴¹ Limp'a'ningoŕpa lijou'ma limi'mola' toŕta'a, icuxe'e'mola' tiyente.

20

¹ Lijoupa i-ch'ixcopola' lan xanuc' Pablo ijoc'i'mola' ts'ilihuequi ticuaiyunca. Ixc'ai'i'mola' tihuejle litaiqui' Jesús. Ipanni, i'hua'ma lamats' Macedonia. ² Jiŕpe licuaitsi ehuejntsola' lapimaye ni petsi lomana'. Acueca' ixc'ai'i'mola'. Lijou'ma i'huana'ma, icuaitsi lamats' Grecia. ³ Jiŕpe ipanenni afane' mut'la. Lijou'ma ticua: "Ai'huapa lamats' Siria". Coŕa' titsufaila' anuli al barco. Icuej'ma jiŕpe temiyoltsi lan xanuc' judío, tima'a'me. Ixhuej'meconanni, ticua: "Aica'huacoya abarco. Capaino, ca'huacona'ma lamats' Macedonia." ⁴ Tiyeyi jouc'a liŕejmale, ilne liŕpuftine: Sopater las Berea, Aristarco jouc'a Segundo lun Tesalónica, Gayo jouc'a Timoteo lun Derbe, Tíquico jouc'a Tróximo lun Asia.

⁵ Iniya iyej'me'me. Icuaitsa liya' Troas. Jiŕpiya al'huaicotonga' alcuaitsa. ⁶ Illanc' joupa alcuaitsa lamats' Macedonia, liya' Filipos. Jiŕpe almanemma tuyaila' al juic Pascua. Lijou'ma altsulfoŕai'me anuli al barco lotsepa liya' Troas. Alecopá amaque' quitine alcuaitsa Troas. Lahuepola' laŕejmalepá, ilne liyej'me'me. Jiŕpe liya' alcoŕponga' acaitsi quitine.

⁷ Al te'a quitine al xamano lafot'lepoŕtsi anuli lapimaye. Alŕquenuf'me la'i, alte'me to licuxepa laŕPoujna Jesús. Pablo imuc'i'mola' lapimaye. Joupa ixpic'epa lo'eya, lihuequi litine ti'huana'ma, toŕiya ticoli mimuc'iyale. Icuaicotsi nolojmay quipuqui' ti'hua tipalay. ⁸ Jiŕpiya lajut'l petsi lefot'leyoŕtsi tipa'a axpe' candil tepalc'o'ila'. ⁹ Maŕpe al ventana ticutsafya anuli

lamijcano cuftine Eutico. Pablo ticoli mipalay, lamijcano ticui quehuí, aikuixnet'iqui, i'no' ma acueca' cahuí, tixmay. Pe locutsafya al fane' quixpef'a lajut'hi, imefcaiyonni al toncay, icuaitsi lamats'. Ipulaf'me, ticuayi: “Joupa imanapa”.¹⁰ Pablo aikuico' ma, imunni, xipatsaf'caipa lamijcano, ipulaf'ma, timila' lipimaye:

—Aimixpailij'molhuo'. Aimotsuelmot'le'me. Ma' imaf'i'.

¹¹ If'ajcona'ma lajut'hi. Itetso'me, ixquenuf'me la'i jouc'a lapimaye. Pablo ti'hua timuc'ila' jahuay lipuqui'. Li'i'ma quitine i'huana'ma. ¹² Lapimaye ilecona'me lamijcano, imaf'i'. Acueca' ixoc'i'mola' quileta jahuay ihniya.

¹³ Pablo i'huapa li'mis cocuaiya li'ya' Asón. Illanc' a'ej'mepá, a'ecopá abarco a'cuaitsa li'ya' Asón. Ji'pe a'huaicota ticuaitsi Pablo. ¹⁴ Hque icuaitsi. A'lsulfotaipá anuli al barco, a'epá a'cuaitsa li'ya' Mitilene.

¹⁵⁻¹⁶ Lihuequi litine a'leconapá, a'cuaitsa lamats' lehuoc'ocojma lamats' Quío. Lihuequi litine a'cuaitsa lamats' Samos. Lihuequi litine luyalaicopá pe lopa'a li'ya' Efeso. A'cuaitsa li'ya' Mileto. Pablo joupa ixpic'epa aimi'huaya li'ya' Efeso. Ipic'a ticuaitsi li'ya' Jerusalén. Ji'pe tixinna al juic Pentecostés.

¹⁷ Mipa'a Mileto Pablo umme'mola' lixanuc' tiyele Efeso tipalaic'ontsola' lapimaye noxpijpá lataiqui', tiyouyunca. ¹⁸ Icuaitsa. Pablo ipalaic'o'mola', timila':

—Iya' laicuaitsi lamats' Asia a'co'pa lo'pilya'. Imanc' joupa o'simpá te ts'i'ic' laipepajnya ma capa'a ji'pe.

¹⁹ 'Iya' aicai'e'e'moxi to cal cuecaj xans. Camna aixhue'co'ma juaiconapa, cajoqui, camna aitelco'ma. Lan xanuc' judío ehue'me te la'e'eya. To'la'a lainuyaicopa ma ca'ay lipenic' la'Poujna Jesús. ²⁰ Imanc' o'sina' aicainemi'elhuo' ni aicaicuanac'elhuo' Lataiqui' loya'apa i'le al c'a lixp'ic'epa LanDios. Nuhua'c'e'e'molhuo' Lataiqui', nu'i'molhuo' jahuay lotoc'iyacolhuo'. Aimuc'i'molhuo' ji'piya pe lafo'yomma lo'pimaye, jouc'a aimuc'i'molhuo' lo'ajut'hi. ²¹ Iya' aipalaic'o'mola' jahuay lan xanuc' nomana' lo'pilya', lan xanuc' judío jouc'a lan xanuc' griego. Nu'i'mola': “To'lsuej'menanca, to'lihuejco'le LanDios, to'huaiyijnle la'Poujna Jesús”.

²² 'Itsiya ca'huana'ma Jerusalén. Linca aimixoqui neta. Caxhue'ma. Aicaixina' la'iya pu'hua. ²³ Ni petsi laiftseya, i'ya' i'ya' cal Espíritu Santo a'mi: “Jipu'hua Jerusalén titats'enno'. Totelcota.” ²⁴ Itsiya, ¿te caif'eya? La'Poujna Jesús alapi'ipa laipenic'. A'mipa: “Toya'a'la' Lataiqui' loya'apa i'le al c'a lixp'ic'epa LanDios. To'itsola' lan xanuc' LanDios titoc'i'mola',

ipic'a." Aicaxhuełcocojma laipitine, aicaxinyoxi cuanuc'. Xonca aipic'a caxhuai'nifa' lanic' lalapi'ipa łaiPoujna.

25 'Małmana' anuli nuya'a'ma te co'iya mołtsulfołaiyacu pe locuxeyopa ŁanDios, itque cal Rey. Itsiya camilhuo': Joupa aixina' aimalsingonayacołtsi. Aicaxingonayacolhuo' ni anuli imanc'. 26-27 Ja'ni imanc' o lołpimaye aimolunłulyacu, iya' aicataiya lajunac'. Imanc' cołtuca' tołtel'mi'mołtsi. Iya' nu'i'molhuo' acuajmaica te ts'i'ic' lixpicejma' ŁanDios. Aicainemi'elhuo' ni aicaicuanac'elhuo' Lataiqui' loya'apa ite al c'a lixpicepa ŁanDios. Nu'i'mola' jahuay nomana' lołpitya'.

28 'Imanc' tołsinłe lołeyacu. Cal Espıritu Santo joupa ifajpolhuo', epi'ipolhuo' lołpenic'. Imanc' ti'onłcospolhuo' to liłpoujnalá lam motł, itne lam motł małniya lołpimaye lefot'łepola' ŁanDios. Toł'etsola' cuenna, itne i'huexi ŁanDios. Itque joupa i'najcufpola' liłjunac', ixcuajaipa lijuats', tołta'a i'napola'. 29 Iya' ca'huanama. Imanc' jouc'a lołpimaye tołmanecu cołtuca'. Aixina' lo'iyacolhuo' jilpe. Ticuaicu lan xanuc' ti'onłcospola' to lan lobo. Itne oyac'la quinneja aimixinnila' acuanuc'la lam motł. Tixcai'ennila', tijou'nem'mola'. Tołta'a li'ejma' itne lan xanuc'. 30 Jouc'a hualca lołpimaye tipai'i'me Lataiqui' loya'apa ite al c'a lixpicepa ŁanDios. Tifel'miyale'me. Lapimaye tihuejcona'me. 31 ¡Tołpo'nołe cuenna! Ałcołpa afane' camats' jilpiya lołpitya'. Ma capa'a itine ipuqui' cajoqui, anuli anuli aixc'ai'i'molhuo'. Afane' camats' tołta'a lai'ejma'. Aimolimenc'eco'me.

32 'Cunc'aipimaye, itsiya capo'no'i'molhuo' limane ŁanDios. Caxa'hue ti'etsolhuo' cuenna. Joupa nu'ipolhuo' te ts'i'ic' lipicuejma' ŁanDios. Itque titoc'ilhuo', tipaxnelhuo'. Aimolimenc'eco'me ite lainu'ipolhuo'. Itque tepi'i'molhuo' cołpujfxi tolihuejle, tołta'a tołapenufta lapi'iyacolhuo' ŁanDios. Ma' anuli lał'iyaconga' jahuay illanc' i'huexi itque.

33 'Iya' ma capa'a jilpe lołpitya' ailopa'a cai'epa. Aicaijanaca nij naitsi li'oro ni liplata ni lipijahua'. 34 Imanc' joupa ołsina' ai'ecopa canic' itna'a laimane'. Tołta'a nulijcopa lałpepajnya, iya' y laipimaye lałejmalepa. 35 Aimuc'i'molhuo' imanc' toni'ele canic' jouc'a. Tołtoc'itsola' lołpimaye petsi aimi'iya mulijyacu łotejacu. Aimuc'i'molhuo' toł'nujuaisle litaiqui' lałPoujna Jesús, ticua: "Ja'ni tepi'intso', linca tixoc'i'mo' meta. Xonca tixoj'ma meta ja'ni tocułta'."

36 Tołta'a lipalaic'opola' Pablo. Lijou'ma exc'onłhuołai'me anuli lapimaye. Ijoc'i'ma ŁanDios. 37 Lapimaye ijolij'me juaiconapa. Ipulc'o'me Pablo, ituc'o'me. 38 Ixhuełco'me juaiconapa ite limipola': "Aimalsingonayacołtsi". Ecanumf'etsa cane quicuaitsa al barco.

21

¹ Alpo'nopola' quítuca' lałpimaye, altsulfolaiconapá al barco, ałepá łijca łamats' Cos. Lihuequi litine ałepá łamats' Rodas, ti'hua ałeyi, alcuaitsa liłya' Pátara. ² Jiłpiya tipa'a anuli al barco cotseya łamats' Fenicia. Illanc' altsulfolaipá jiłe al barco, ałepá. ³ Lijou'ma alahuelojm'me loxa camane copa'a łamats' Chipre. Ma ti'hua ałeyi. Alcuaitsa łamats' Siria, liłya' Tiro. Jiłpe tipo'nota łaitay łitaic' al barco. Illanc' ałepá łamats'. ⁴ Alahuela' lapimaye iłne ts'ilihuequi Jesús, alsim'mola'. Iłne imi'me Pablo limipola' cal Espíritu Santo. Timiyi:

—Aimo'hua'ma liłya' Jerusalén.

Jiłpe Tiro alcolponga' acaitsi quitine. ⁵ Lijoupa lan caitsi quitine ałenapá, altsulfolaiconapá al barco. Lapimaye jouc'a liłpenoye jouc'a liłnaxque' alacantumf'ehuo'monga' cane. Lałcuaitsa lema quíłya', łema caja, alaxc'onłhuolaipá, aljoc'iyi ŁanDios. ⁶ Lijoupa alsc'aitsonapá, altsulfolaiconapá al barco. Lałpimaye ipailinanca, iyena'me łilejut'łi.

⁷ Alipalunca liłya' Tiro alcuaitsa liłya' Tolemaida. Alpo'nonapá al barco. Jiłpe Tolemaida alnontsola' lapimaye. Anuli litine almanenca pe lomana'. ⁸ Lihuequi litine alipalconanca, alcuaitsa liłya' Cesarea. Alłsehuo'me lejut'ł Felipe. Jiłpe alłmanc'aletsa. Iłque Felipe anuli lan caitsi quintoc'iyalepá lan apóstole mimana' iłniya Jerusalén. Itsiya, jiłpe Cesarea, tuya'e' Lataiqui' loya'apa iłe al c'a lixpicepa ŁanDios. ⁹ Timana' amalujxi linaxque' cahuats'la a'i quilemane. Iłne aprofeta. Tuya'ayi loxpicepa ŁanDios. ¹⁰ Jiłpiya alłmajm'me axpe' quitine. Anuli litine icuaitsi anuli cal profeta qui'huayomma łamats' Judea. Iłque cuftine Agabo. ¹¹ Iłoc'huaiyumma pe lałmana'. Iłonc'e'epa Pablo lifi'ecoyoxi. Ifi'eco'moxi quituca' li'mitsi' limane', ticua:

—Cal Espíritu Santo tuya'e' lo'e'enyacu łipoujna iłta'a xinidoł. Ticua: “Łan xanuc' judío nomana' liłya' Jerusalén pe aimi'huaiyijnyi lałPoujna Jesús ti'nołta, tifi'eta, titats'eta. Ticufta ticuaita liłmane locuenaye xanuc' iłne a'ij judío.”

¹² Lałcuejpá lonespa Agabo alsa'huepá Pablo, alłmiyi:

—¿Te cof'huacoya Jerusalén? Aimo'hua'ma.

¹³ Pablo alłtalai'eponga', alłminga':

—Imanc', ¿te coljolijcopa? Tonł'e'eyi aca'hua łainunxajma'. Alłcuanac'e cajou'neya laipenic'. Al'nołintsi, alłfi'entsi, alłtats'entsi, o alłma'antsi, iya' jounpa aixpic'epa laif'eya. Canant'łi'ma laipenic' lalapi'ipa lałPoujna Jesucristo.

¹⁴ Tama lihui'iyi, alłpalaic'oyi Pablo, iłque aimicua. Aiquipai'li lipicuejma'. Lijoupa al-ch'ixconaponga'. Alłmiyi:

—Ne', ti'ıla' ma to lixpicepa lałPoujna.

¹⁵ Lijoupa lałmajmpa jilpiya alcaj'menapá łalitay, alipalunca, ale'me lane Jerusalén. ¹⁶ Atejmale'me hualca lapimaye ts'ilihuequi Jesús, ihne lun Cesarea. Ałeco'monga' lejut'ł anuli łapima, jilpe almanc'aleta. Iłque łapima cuftine Mnasón, łas Chipre. Litine lan xanuc' ipango'me ihuej'me Jesús, iłque Mnasón jouc'a tihuequi.

¹⁷ Lałcuaita Jerusalén tixoqui quileta lapenuf'monga' lapimaye. ¹⁸ Lihuequi litine illanc' jouc'a Pablo ale'me alahuejntsa łapima Jacobo. Jilpiya efoya locuenaye lapimaye ihne noxpijpá lataiqui'. ¹⁹ Pablo inom'mola'. Ipalaic'o'mola', u'i'mola' li'epa jilpe pe lomana' locuenaye xanuc' a'ij judío. Anuli anuli li'ipa u'i'mola'. U'i'mola' li'epa ŁanDios mipa'a Pablo pe lomana' ihne lan xanuc', muya'e' Lataiqui' loya'apa iłe al c'a lixpice'epa ŁanDios. ²⁰ Iquimf'e'me limipola' Pablo. Ix'najtsi'i'me ŁanDios, timiyi:

—Ima' oxina' timana' axpej mil lał'as xanuc' judío ti'huaijinyi lałPoujna Jesucristo. Jahuay ihniya ti'hua tenant'łiyi licuxepa Moisés. ²¹ Ihne icuejpa lonescopo' ima'. Ticuanni: Ima' tahuengila' lał'as xanuc' judío nomana' hilemats' locuenaye xanuc', tomuc'ila' tipai'ııe liłpicuejma', aimihuejcona'me Moisés, aimi'econa'me circuncidar liłnaxque', aimihuejcona'me ihniya lałtatahueló lił'ejma'.

²² 'Tsiya, ¿te cał'eyacu? Lan xanuc' ticuej'me ocuai'ma fa'a. Tixtulecu. ²³ Lu'i'mo' lof'eya. Tołta'a to'e'ma.

'Jifa'a pe lałmana' timana' amalujxi lan xanuc' joupa epi'ipá cataiqui' ŁanDios. ²⁴ Toleco'mola'. Ihniya tenant'łita licuxepa Moisés, tixintsola' alimpio ŁanDios. Ima' jouc'a tanant'łita. To'najtse'etola' lotsufcoyacu, iłe lotsufcoyacu ai'a tisuaf'im'mola' liłjuac. Tołta'a lan xanuc' ti'i'ma quılina' a'ij linca iłe lataiqui' lonescopo'. Timetsaico'mo' ima' tanant'łi licuxepa Moisés.

²⁵ 'Lapimaye a'ij judío joupa iłsina' lo'eyacu. Joupa alumme'epola' quılje'e, almpola':

“Imanc' aimołte'me lixic' litsufcompola' landiosla'. Aimołte'me lajuats'. Aimołte'me liłpixic' ihne linneja lixnajmpola' cajuats'. Toł'etsoltsi cuenna, aimołsuico'mola' ocuenaye cacal'no', ma le'a lołpenoye.”

²⁶ Icuaitsi lihuequi litine Pablo ileco'mola' lan malujxi lan xanuc'. Enant'łi'me to licuxepa Moisés, i'ipola' limpio. Lijou'ma Pablo itsufai'ma al cuecaj xoute', u'i'ma la'ailli' te quitine tixhuaita lataiqui' licupa. Tijouł'a tixhuaitsi, anuli anuli ihniya titsufcota ŁanDios.

²⁷ Tehue'e' ahuata tixhuaita lan caitsi quitine, Pablo i'hua'ma al xoute'. Hualca lan xanuc' judío quiyoyomma łamats' Asia ixim'me jilpiya. Ixtulenca. Ipalaic'om'mola' lan

xanuc' nomana' jilpe al xoute'. Ine jouc'a epat'itsi lihpicuejma'. Lun Asia i'noñ'me Pablo. ²⁸ Tija'ayi, timinnila' lan xanuc' nomana' al xoute':

—Cunc'atpimaye, cunc'ixanuc' Israel oltatahuelo, jaltoc'itsonga! Hca'a cal xans latets'inga' illanc' ninc'ijudío, tetets'i locuxepa Moisés, tetets'i ilta'a al cueca' xoute'. Ni petsi lotsepa tolt'a'a lomuc'iyalepa. Itsiya xonca acueca' li'epa. Fa'a al xoute' itsufai'e'mola' lan xanuc' griego, ine pe aimimetsaicoyi LanDios. Tolt'a'a ixis'mepa ilta'a al paxi cajut'í.

²⁹ Ine nocuapá tolt'a'a joupa ixinimpola' tiyelocoyi jilpe liña' Pablo y Trófimo. Hque Trófimo agriego, qui'huayomma liña' Efeso. Toliya lan xanuc' ticuayi ine itsehuc'ome al cuecaj xoute'. Ticuayi: “Pablo itsufai'ehuc'oma Trófimo”. A'ij linca ilta'a lonespa. ³⁰ Lan xanuc' ni petsi lomana' liña' epat'itsi lihpicuejma'. Aits'icol'mola', efot'le'moltsi, i'noñ'me Pablo, exa'me, ipa'a'me luna xoute'. Eti'ina'me hipuerta al xoute'. ³¹ Lan xanuc' judío tehueyi te co'iya mima'ayacu Pablo. Jilpe tipa'a anuli lincuxepa aromano, ticuxela' imbamaj maxnu lisoldado. U'i'me, timiyi:

—Jahuay liña' Jerusalén tummule lihpicuejma'.

³² Lincuxepa aikuicol'ma. Efot'le'mola' lan soldado jouc'a lihcapitán, ileco'mola' pe lopa'a Pablo. Lixim'me icuaitsa lincuxepa jouc'a lisoldado, ine nontafpá Pablo etec'o'me ile lo'epa, aimuntafconayacu. ³³ Lincuxepa iloc'huai'ma pe lopa'a Pablo, i'noñ'ma. Icuxe'e'mola' lisoldado tifi'ecote limane' acadena catejma', anuli anuli limane. Lijou'ma icuis'e'mola' lan xanuc' timila':

—¿Naitsi ilca'a cal xans? ¿Te qui'epa?

³⁴ Lan xanuc' jilpe lefoña ipango'me ija'a'me. Ocuena ocuena locuapa. Juaiconapa tija'ayi. Lincuxepa aimicueca li'epa Pablo. Icuxe'e'mola' lisoldado tilecote al cuecaj cajut'í, ile lilejut'í lan soldado pe locuanajyoyacoñsi. ³⁵⁻³⁶ Icuaitsa jilpe lof'ajyompa lajut'í lan soldado ipul'me Pablo, ipo'nof'i'me lihsaye. Tolt'a'a i'hua'a'me al toncay, unñu'e'me petsi ine lanxpela' xanuc' lihuej'me, ine naixtulepá tija'ayi, ticuayi:

—¡Tima'ante! ¡Tima'ante!

³⁷ Icuaitsa al toncay. Titsufai'e'me Pablo jilpe lajut'í. Pablo ipalaic'o'ma lincuxepa, timi:

—¿Lapi'i'ma lane capalaic'o'mo'?

Lincuxepa italai'e'ma, timi:

—¿Te topalajma agriego? ³⁸ Ima', ¿ja'ni a'i unEgipto? Joupa ixhuaita axpe' quitine, ¿ja'ni ima' otsahue'e'mola' lan xanuc' afuli'itsonga' illanc' ninc'iromano? Ine amalpuj mil inma'ahuale, ¿te ima' oleco'mola' pu'hua pe ailopa'a quiña'?

³⁹ Pablo timi:

—Iya' a'i. Iya' ninxans judío. Aipajnyota liŷya' Tarso jiŷpe ŷamats' Cilicia. Ai ni naitsi quiŷya' iŷe laiŷiya'. Itsiya caxa'huehuo' lapi'iŷa' lane capalaic'o'mola' lan xanuc' fa'a.

⁴⁰ Lincuxepa epi'ipa lane. Pablo ecax'ma al toncay al huajm'ma' lof'ajyompa lajut'ŷ. I-ch'ixc'eco'mola' limane lan xanuc' tiquimf'eŷe. Ipango'ma ipalaic'o'mola' liŷtaiqui' iŷne lan xanuc', iŷe a'hebreo. Timila':

22

¹ —Cunc'ixanuc', cunc'aipimaye, jouc'a cunc'aitatá, aŷquimf'eta'. Cacuanajco'moxi, catalai'e'ma iŷe laŷcufcompa.

² Licuej'me Pablo mipalaic'ola' liŷtaiqui' lan xanuc' xonca i-ch'ixco'mola', xonca iquimf'e'me. Timila':

³ —Iya' ninxans judío. Aipajnyota liŷya' Tarso, ŷamats' Cilicia. Jifa'a liŷya' Jerusalén aŷtojoyopa. Gamaliel aipomxi, aŷmuc'ipa licuxepa Moisés, iŷe lataiqui' laiŷuejpá laŷtatahueló. Iya' ai'e'mola' laic' iŷne petŷi naiŷuejpá ituca', ma to imanc' tonŷ'ela' laic' itsiya. ⁴ Aitel'mi'mola' iŷne ts'ilihuequi lipene Jesús. Iŷniya liŷiné cahuaŷ te caif'eya mima'anyacola'. Ja'ni axanuc', ja'ni acaŷ'no', ai'noŷ'mola', aŷtats'e'mola'. ⁵ Cal cuecaŷ ca'ailli' jouc'a lan tsilaj xanuc' noxpjipá lataiqui' iŷsina' aŷinca iŷta'a laiŷmipolhuo'. Iŷniya aŷni'ipa caije'e loŷa'apa alimetsaicocola' laŷpimaye judío nomana' liŷya' Damasco. Ti'iŷa' quiŷsina' joupa alapi'ipa laiŷmane ca'noŷtsola' naiŷuejpá lipene Jesús, iŷne nomana' jiŷpe liŷya'. Cafi'etsola', ca'hua'ancola' titeŷ'mintsola' fa'a Jerusalén. Toŷta'a nipamma Jerusalén, ai'huapa lane Damasco.

⁶ Ma ca'hua lane to menac'o joupa cacuaita liŷya' Damasco, aixim'ma acueca' lepalc'o' qui'huayomma lema'a. Untŷ'if'ma jahuay jiŷpe laiŷnecaxu. ⁷ Laixim'ma iŷe lepalc'o' necangenni, aixc'uat'ŷhuaitŷi ŷamats', aicuej'ma aŷpalaic'o, aŷmi: “Ima' cun-Saulo, ¿te caŷteŷ'micopa?” ⁸ Aitalai'e'ma, cami: “Maipoujna, ¿naitŷi ima?” Aŷmi: “Iya' ninJesús nas Nazaret. Ima' aŷteŷ'mi.” ⁹ Laŷejmale lixim'me jouc'a lepalc'o' ixpailij'mola', aiŷquiŷcuesa iŷque laŷpalaic'opa. ¹⁰ Nicuis'e'ma, cami: “Maipoujna, lu'iŷa', ¿te caif'eya?” LaŷPoujna aŷmi: “Totsahuenni, totsufaiŷa' liŷya' Damasco. Joupa ixpic'empa lof'eya. Jiŷpe liŷya' tu'inno' jahuay iŷta'a.” ¹¹ Iŷe laxpaiqui' quepalc'o' aŷ'e'epa ninfo'. Laŷejmale alaxaŷpa. Aŷtsufai'e'ma liŷya' Damasco.

¹² Jiŷpe liŷya' tipa'a anuli cal xans cuŷtine Ananías. Iŷque tiŷuequi al c'a LanDios, tenant'ŷi licuxepa Moisés. Jahuay lan xanuc' judío nomana' jiŷpiya ticuayi ac'a xans. ¹³ Iŷque Ananías icuaiyunnŷi jiŷpe laiŷpa'a, aŷmi: “Maipima Saulo, tahuetsalenaŷa”. Aiŷuicol'ma, nehuetsalena'ma. Aixim'ma iŷque. ¹⁴ Aŷmi: “LanDios, ilenDios laŷtatahueló, i'ŷhuiŷf'epo' ti'iŷa' coxina' te ts'i'ic' lixp'ic'epa LanDios. Toŷiya oximpa iŷque laŷcui'impa cal

Lijca, ocuejpa lipalaic'opo'. ¹⁵ Ima' topalaic'otola' lan xanuc' nomana' fa'a li'a lamats', cua naitsi linación topalaicota itque, to'itola' ihe loximpa locuejpa. ¹⁶ Itsiya aimicołcona'mo'. ¡Totsahuenni! Tojoc'ifa' łatPoujna Jesús. Tepo'intso'. Tołta'a ti'itso' limpio. Tetufqueno lojunac'."

¹⁷ Aicuaicona'ma fa'a Jerusalén. Capa'a al cuecaj xoute', ma cajoc'i' LanDios i'huapa laipicuejma', ¹⁸ aiximpa łatPoujna, łapalaic'o, łmi: "Aimicoł'mo'. Taipanni fa'a liya' Jerusalén. Jifa'a aimepenufinyaco'. Aimiquimf'eyaco' łamescoya."

¹⁹ Aitalai'e'ma, cami: "MaiPoujna, łte calatets'icoya? Lan xanuc' nomana' fa'a alimetsaijma. Iłsina' iya' aitsehuo'ma łajut'li pe lafołyomma łatpimaye judío. Ai'noł'mola' iłne ts'ihuejhuo', aitats'e'mola', nuntafej'mola'. ²⁰ Jiłpe litine mima'anni Esteban, itque loya'apa lotaiqui', iya' cacaxu jiłpe, cahuelonge, ca'ay cuenna iłpijahuati iłne noma'apá. Ma' anuli łatpicuejma' iya' y laif'as xanuc', iłne noma'apá Esteban."

²¹ Itque łatpalaic'opa łmi: "Taipanni fa'a. Cummehuo' to'huat'a aculi'. To'hua'ma pe lomana' locuenaye lan xanuc', iłne a'ij judío."

²² Lan xanuc' liquimf'e'me Pablo linespa: "Łmi: To'hua'ma pe lomana' locuenaye xanuc', iłne a'ij judío", ixtulenca nulemma. Ipango'me ija'a'me ułfxi, ticuayi:

—¡Tima'anłe! ¡Tima'anłe! Juaiconapa ixcaj itque cal xans. Aimipajncona'ma jifa'a li'a lamats'.

²³ Ti'hua tija'ayi, teca'niyi liłpuquiya, tejuaf'yi łepi' camats', teca'naf'iyi al toncay. ²⁴ Lincuxepa icuxe'e'mola' lisoldado titsuflai'ełe Pablo jiłpe łajut'ł al fortín. Icuxe'ma titsimałquinłe, ticuis'ełe, timiłe: "¿Te co'epa?" Ja'ni aimalai'e' titsimałconłe. Ticua: "¿Te qui'epa itque cal xans? Lan xanuc', łte caixtuc'ocopa?" ²⁵ Ifi'e'me titsimałquinłe. Pablo ipalaic'o'ma anuli cal capitán tecaxijnya jiłpe liju', timi:

—Imanc' aicołsina' ja'ni tipa'a laijunac' o a'i. ¿Te ti'hua lołmane ałtsimałf'ma iya'? Iya' ninciudadano romano.

²⁶ Licuej'ma iłta'a linespa Pablo cal capitán i'hua'ma u'itsi lincuxepa, timi:

—Itque cal xans aciudadano romano. ¿Te ma ałtsimałf'me?

²⁷ Lincuxepa icuaitsi pe lopa'a Pablo, timi:

—Lu'ifa', łte ima' unciudadano romano?

Timi:

—Iya' ninciudadano romano.

²⁸ Timi:

—Iya' ai'najtsepa acueca', tołta'a lapi'impa caije'e loya'apa: "Itca'a aciudadano romano".

Pablo timi:

—Iya' aipajncota ninciudadano romano.

29 *Ihne notsimafyacu Pablo iholijm'me pe lopa'a. Lincuxepa xpaijma, ticua: "Ihque cal xans aciudadano romano. Iya' aifi'ecopa acadena catejma'. ¿Te alcufta o aimalcufya?"*

30 *Lihuequi litine umme'mola' lapaluc' tipalaic'ontsola' lix-anuc' cal cuecaj ca'ailli', jouc'a lan tsilaj xanuc' noxpijpá lataiqui', timintsola' tefoñunca. Uhuac'e'ena'ma Pablo licadena catejma'. Ileo'ma pe lefoya ihne lan xanuc'. Ticua: "Pablo tu'itola' ihniya te ts'i'ic' li'epa. Tohta'a ti'i'ma caixina' nulemma te caixtuc'ocopa lif'as xanuc' judío, te cocufcopa."*

23

1 *Pablo ehuelojm'mola' al c'a ihne lan tsilaj xanuc' nocutshuolanna jilpe lefoya, timila':*

—*Cunc'aipimaye, jahuay laipepajnya cacua: ¿Te ts'ipic'a LanDios ca'eña'? Li'ipa tohta'a ai'ejma', itsiya ti'hua ca'ay.*

2 *Cal cuecaj ca'ailli' Ananías icuxe'e'mola' nacaxolanna jilpe pe lacaxu Pablo, timila':*

—*¡Tolunfaf'e'ete lico!*

3 *Pablo timi:*

—*Ima' titef'mi'mo' LanDios. A'ijc'a lopicuejma'. Ti'onlcospo' to ni naitsi caital ilanc'ecompa le'a amats', ma li'e'empa afujca. Jilpe tocutsu to cal juez. Ima' tipa'a lopenic' lu'ña' ja'ni nenant'lipa licuxepa Moisés o ai'epa quixcay. Itsiya ima' aimanant'hi licuxepa Moisés, tocuxe alunfaf'e'entá'. Ai' tohta'a licuxepa Moisés.*

4 *Jilpe nacaxolanna timiyi:*

—*Ihque cal cuecaj ca'ailli'. ¿Te cofmicopa quixcay cataiqui'?*

5 *Pablo timila':*

—*Cunc'aipimaye, iya' aicaixina' ja'ni ihque cal cuecaj ca'ailli'. Linca aixina' al Paxi Linilingiya alu'inga': "Aimopalaico'ma quixcay nocuxepolhuo".*

6 *Pablo imetsaico'mola' ihne lan xanuc', ixina' te ts'i'ic' lihpicuejma'. Ixina' hualca asaduceo, locuenaye afariseo. Ipalaic'o'mola' ujfxi, ticuejle jahuay nomana' jilpe, timila':*

—*Cunc'aipimaye, iya' ninxans fariseo. Cai'ailli' jouc'a afariseo. Iya' laifnespa ma' anuli to lonespa laif'as fariseo. Iya' cacua: Timaf'ina'me limanapola'. Tohiya laif'huaiyijncopa alcuxecopa.*

7 *Licuej'me tohta'a licuapa Pablo, lan xanuc' fariseo jouc'a lan xanuc' saduceo ipango'me ifuli'i'moltsi cataiqui'. Ixtuc'o'moltsi. I'e'e'moltsi onlca jilpe lefoya. 8 Linca ihne lan xanuc' a'ij nuli lihpicuejma'. Ticuayi lan xanuc' saduceo: "Ai. Aimimaf'iconayacu limanapola', aimitsoliconayacu. Ailopa'a capaluc quema'a, jouc'a ailopa'a espíritu." Lan xanuc' fariseo ticuayi: "Timaf'ina'me limanapola". Jouc'a ticuayi: "Timana' lapaluc' quema'a jouc'a timana' lan espíritu".*

⁹ Lan xanuc' jilpe lefoŷya tummulecola'. Tija'ayi, ti-jaic'oyoŷtsi. Itsolinca hualca lomxiye nomuc'iyalepá licuxepa Moisés, ilne axanuc' fariseo. Ehuaico'moŷtsi cataiqui' lan xanuc' saduceo, timinnila':

—Illanc' aŷcuayi ilque cal xans ailopa'a qui'epa. Te ja'ni anuli cal 'espíritu, o anuli laŷaluc quema'a ipalaic'opa.

¹⁰ Epat'icontsi xonca lipicuejma' ilne lan xanuc'. Tixtuleyi juaiconapa. Ixpaij'ma lincuxepa. Ticua: “Ja'ni ti'noŷhe Pablo, tits'aletsuf'me”. Umme'ma anuli laŷaluc pe lomana' lisoldado, timitsola' ticuaiyunca pe lopa'a Pablo, tipa'ale liŷpujfxi texaŷ'me Pablo, tiŷonc'e'e'me pe lomana' ilne lan xanuc', tileco'me al fortín. Toŷta'a i'epá.

¹¹ He lipuqui' laŷPoujna Jesús icuaiyunni, ecaxingai'ma Pablo, timi:

—Aimixpaij'mo'. Aimoxhueŷmot'le'ma. Jifa'a Jerusalén omipola' lan xanuc' naitsi iya'. Ma' anuli toŷta'a tonesta tocuaitsi al cuecaj quilya' Roma.

¹² Liŷic'ejma hualca lan xanuc' judío efoŷunni. Inefo'me. Ticuayi:

—Aŷma'a'me Pablo. Ma quimaf'i' ilque, aimatŷetsoyacu, aimatŷnayacu. Alanant'hiŷe ilta'a laŷtaiqui'. Ja'ni a'i, jaŷma'atsonga' LanDios!

¹³ Timana' to oquej nuxans lan xanuc' linefo'me toŷta'a. ¹⁴Iye'me tipalaic'onŷnola' lixanuc' cal cuecaj ca'ailli', jouc'a lan tsilaj xanuc' noxpipjá lataiqui'. Timinnila':

—Illanc' joupa aŷ'epaj jurar aŷma'a'me Pablo. Ma quimaf'i' ilque illanc' aimatŷetsoyacu, aimatŷnayacu. Acueca' cataiqui' ilne laŷnespa. Aŷcuayi alanant'hiŷe ilta'a laŷtaiqui'. Ja'ni a'i, jaŷma'atsonga' LanDios!

¹⁵ 'Imanc' tolaŷot'letsoŷtsi jouc'a locuenaye lonŷejmale. Toŷpalaic'otsa lincuxepa, toŷmitsa: “Aŷpic'a licuis'econa'me Pablo. Mouqui tolecoŷta fa'a.”

'Illanc' alami'moŷtsi jilpe lane. Aŷma'ata. Aimicuaiya pe imanc' lolafot'ŷeyocoŷtsi. Joupa aŷpic'epá laŷ'eyacu.

¹⁶ Li'hua lipima caca'no' Pablo icuej'ma lo'eyacu ilne lan xanuc'. I'hua'ma al fortín, itsufai'ma pe lopa'a Pablo, u'i'ma lo'e'enyacu. ¹⁷Pablo ijoc'i'ma anuli cal capitán, timi:

—Tolecoŷta' ilca'a ŷamijcano pe lopa'a lincuxepa. Tipa'a lomiya.

¹⁸ Cal capitán ileco'ma ŷamijcano, itsufai'e'ma pe lopa'a lincuxepa, timi:

—Pablo hitats'iya fa'a, aŷjoc'ipa, aŷsahue'epa, aŷmipa: “Tolecoŷta' ilca'a ŷamijcano pe lopa'a lincuxepa. Tipa'a lomiya.”

¹⁹ Lincuxepa exat'le'epa limane ŷamijcano, ijuc'i'moŷtsi ipalaitsa quilyuca', timi:

—¿Te caŷmiya?

²⁰ Lamijcano timi:

—Lan xanuc' judío inefopá. Ticuaicu, tixahue'e'mo', timi'mo': “Mouqui toleco'ma Pablo ti'huanni jilpe lafot'leyoyacołtsi. Ałpic'a licuis'econa'me.” ²¹ Ima' aimoquimf'e'ma lomiyaco'. Aimaihuejco'ma loxahue'eyaco'. Hualca ihniya tipa'necota Pablo jilpe lane. Ihe tixhuaispola' to oquej nuxans lan xanuc' y xonca. Joupa inefopá timiyoltsi: “Ałma'ata Pablo. Ma quimaf'i' aimatetsoyacu, aimatsnayacu. Alanant'hihe lałtaiqui'. Ja'ni a'i ałma'atsonga' LanDios.” Ihe ma le'a ih'huaijma ima' tomitsola': “Ne', caleco'ma”.

²² Lincuxepa ixc'ai'i'ma lamijcano, timi:

—Ihe lotaiqui' aimo'ita. Nij naitis nocuejya.

²³ Ijoc'i'mola' oquexi' licapitán, timila':

—Imanc' tolafot'he'mola' lołsoldado tonłente liłya' Cesarea. Tonłeco'mola' oquej maxnu noyeyacu lił'mis, oquej maxnu noniyacu liłłanza, afanej nuxans quimbama' nocutsafcaiyacu laihuale. Tolipalcu al pella 'hora lipuqui'. ²⁴ Tonłecotsola' ocuenaye laihuale, jouc'a Pablo tenafcaita laihuale. Tonł'etsa cuenna, nij tintsí lo'e'enyacu. Ticuaitsi al c'a pe lopa'a cal gobernador Félix.

²⁵ Lincuxepa inił'e'e'ma quije'e cal gobernador, timi:

²⁶ “Iya' ninClaudio Lisias, quinił'ehuo' ima' cun gobernador Félix, ima' umcuecaj xans. Canonhuo'.

²⁷ 'Cumme'ehuo' ilca'a cal xans hi'nołpa lan xanuc' judío. Ihe cola' tima'a'me. Laicuejpa iya' ilque aciudadano romano ałe'me iya' laisoldado, ałcuaitsa pe lopa'a. Iya' nexat'łupa, nunłu'epa. ²⁸ Aipic'a cacuec'eła' te caixtuc'ocopa, te ts'i'ic' locuxecopa. Tołta'a aileco'ma petsi lif'as xanuc' judío, ihe nox-pijpá lataiqui'. ²⁹ Jilpe aiximpa ilque Pablo ailopa'a qui'epa, aimi'iya małma'ayacu, ni małtats'iconayacu. Lan xanuc' nocuxecopá ticuayi aiquenant'hi lataiqui' laihuejpa ihe.

³⁰ 'Lijou'ma alu'i'ma, ałmi: Lan xanuc' judío tipa'necota Pablo jilpe lane, tima'ata. Laicuejpa tołta'a aicalcoti, numme'epo'. Ihe nocuxecopá joupa nu'ipola' tu'itso' te caixtuc'ocopa ilca'a cal xans. Ihe tu'ito'.

'Tołta'a laifmipo'. Icula'apa.”

³¹ Lan soldado i'e'me ma to limipola' lincuxepa. Lipuqui' ileco'me Pablo. Icuaitsa liłya' cuftine Antípatris. ³² Icuaitis lihuequi litine lan soldado noyepá lił'mis ipailinanca icuainatsa liłfortín lopa'a Jerusalén. Ts'iłłenafcaic' caihuale ileco'me Pablo. ³³ Icuaitsa liłya' Cesarea. Ini'i'me lije'e cal gobernador. Jouc'a Pablo icupá, icuaitis limane cal gobernador.

³⁴ Cal gobernador ixhue'ma al je'e. Lijou'ma icuis'e'ma, timi Pablo:

—¿Pe co'huayomma? ¿Te cuftine łomemats'?

Pablo timi:

—Cai'huayomma łamats' Cilicia.

³⁵ Timi:

—Ne', ticuaiyunca lan xanuc' nocuxecopo' caquimf'e'ma lałmiya.

Icuxe'ma tileconłe jilpe al cueca' cajut'ł lilanc'epa cal rey Herodes. Jilpe tipajntsi, ti'ełe cuenna.

24

¹ Uyai'ma amaque' quitine. Iye'me al toncay cal cuecaj ca'ailli' Ananías y lan tsilaj xanuc' noxpijpá lataiqui'. Icuaitsa liłya' Cesarea. Iłeco'me anuli cal xans nopalaipa nomuxeyalepa, cuftine Tértulo. Iłne ipalaic'o'me cal gobernador Félix, icuf'me Pablo. ² Cal gobernador ijoc'i'ma titsufaiyunni Pablo. Tértulo ipango'ma icuf'ma Pablo. Timi cal gobernador:

—Ima' conFélix, uncuecaj xans. Ałcuxenga' juaiconapa al c'a. Tixoqui calata luyalaiyi litine ac'a, ailopa'a tintsi. ³ Ni petsi lomana' lał'as xanuc' judío timetsaicohuo', ticuayi ima' to'ay al c'a. Tix'najtsi'ihuo' iłe lof'epa.

⁴ 'Itsiya aicapalaiyołcoyaco'. Caxa'huehuo' ałquimf'ela'. Capalaic'o'mo' oquej fane' lataiqui'. ⁵ Ałcuai'me ałpalaic'oco'mo' te ts'i'ic' iłca'a cal xans Pablo. Iłque acuej quixcay xans. Timenac'ila' lan xanuc'. Ni petsi li'a łamats' pe lomana' lał'as xanuc' judío, iłque tenaquila', ti'e'ela' tixtuc'otsołtsi, ti-fuli'itsołtsi. Iłque iłpincuxepa lan xanuc' naihuejpá ocuena quireligión. Iłne lacui'impola': Lan Nazareno.

⁶ 'Jouc'a tetets'i al cuecaj xoute'. Ipic'a ti'e'ela' to ni naitsi cajut'ł. Illanc' al'nołpá, colá' ałteł'mi'me, ał'e'e'me ma to licuxepa Moisés. ⁷ Małpe 'hora icuaitsi iłque łincuxepa Lisias. Iłcola' lisoldado. Iłne acueca' liłpujfxi, alaxic'eponga'. ⁸ Lijou'ma ticua: "Iłne nocuxecopá Pablo tiyełe pe lopa'a cal gobernador. Jilpe tu'ita te qui'epa." Ima' ja'ni taicuis'e'ma Pablo toxim'ma ma' ałınca iłta'a lalu'ipo'.

⁹ Lan xanuc' judío nomana' jilpe jouc'a ticuxecoyi Pablo, ticuayi ałınca lonespa Tértulo. ¹⁰ Cal gobernador ijoc'ico'ma limane Pablo tipalaııa'. Pablo ipango'ma italai'e'ma, timi:

—Aixina' ima' ixhuaita axpega camats' uncuecaj juez jifa'a łalamats'. Tołta'a tixoqui neta catalai'e'ma, cacuanajco'moxi.

¹¹ Iya' cu'ihuo' al łınca. Iłe laifmiyaco' ima' cotuca' ti'i'ma toxim'ma ja'ni tołta'a li'ıpa o a'i.

'Joupa ixhuaita ma le'a imbamaj coque' quitine aicuaitsi liłya' Jerusalén. Ainexc'onłingaitsi LanDios. ¹² Iłne lałcufpá, ¿te ja'ni ałsimpa cafulejma cataiqui'? O, ¿ałsimpa cafuli'icola' lan xanuc' nomana' jilpe al cuecaj xoute'? O, ¿jilpiya łajut'łi pe lafołyomma laif'as xanuc' judío, o małpiya liłya'? ¿Ja'ni ałsimpa

capalaic'ola' lan xanuc', capat'hila' liłpicuejma'? A'i. Aica'ay tołta'a.

¹³ İhiya lataiqui' lałcufcopa aimi'ıya miłinc'ıya. ¹⁴ İhiya ticuayi ıya' quihuequi ituca' cataiqui'. Aimetentłocola'. Ałınca ıya' quihuequi al ts'e cane. Tołta'a laifnihuejcopa LanDios, hilenDios lałtatahueló. İya' ca'ay hınca jahuay loya'apa al Paxi Linihingıya, ihe loya'apa litaiqui' Moisés jouc'a loya'apa lam profeta. ¹⁵ İya' ma' anuli ihe lałcuxecopa ał'huaiyijnyi LanDios, ał'huaicoyi ticuaitsi litine timaf'ina'me limanapola', ihe li'epa al c'a jouc'a li'epa a'ijc'a. ¹⁶ Tołta'a ıya' cahuay te caif'eya latentłocoya LanDios. Aica'eyacola' lixcay laif'as xanuc'.

¹⁷⁻¹⁸ 'Litine lałsimpa capa'a al cuecaj xoute', ihe litine quite' aicuita jilpe Jerusalén. Joupa axpe' camats' aicaitsec' jilpe. İya' aitsehuona'ma aitaic' lotoc'ıyacola' laif'as xanuc' judío pe aiquil'hueca, catsufcota LanDios. Tołta'a laif'epa jilpe al cuecaj xoute', ainenant'hıpa licuxepa Moisés, ai'epoxi limpio. Mahe 'hora ałsimpa ihe lan judío quıyouyomma lamats' Asia. İya' nij tıntsi caif'epa. Ailopa'a cai'ejma'. Aicafot'hela' lan xanuc'. Nij naitsi naıxtupa.

¹⁹ İhe lun Asia nonespá a'ijc'a laif'epa cola' icuai'me fa'a. İhe quıttuca' ałcuf'ma. ²⁰ Ja'ni aiquil'cuac' ihe, ałcufla' lan judío nomana' fa'a itsıya. Tu'ıtso' te jale lixcay lai'epa. İhe joupa ałcuejpa, ihsina' te ts'i'ic' laitalai'e'epola' jilpe pe lafoıyomma lan tsilaj xanuc' noxpıjpá lataiqui'. ²¹ Linca tipa'a anuli lataiqui' lainespa aıquetentłocola' ihiya. Ma capa'a cacaxu jilpe lefoıya aipalaıpa uıfxi, caja'e': "İya' aixina' LanDios timaf'i'ina'mola' limanapola', tohiya ałcuxecopa imanc', ałcufque itsıya".

²² Cal gobernador Félix ixina' te ts'i'ic' ihe lataiqui' lacui'ımpa İhe Lane. Timila' ihiya lan xanuc' judío:

—Tipajnlá. Tonłente. Ticuayıunni hıncuxepa soldado, iłque Lisias, caquım'f'econa'molhuo'. Caxpic'e'ma laif'eya.

²³ İcuxe'e'ma nocuxepola' soldado, timi:

—To'ełá' cuenna Pablo. Tipajntsi lajut'ł. Topalaic'ola'. Aımaıxtuc'o'ma. Tapi'itsola' lane ihe limetsaicola' titoc'ıhe, ja'ni ti'ıla' lahue'epa tepi'ınłe.

²⁴ Uyaıpá litiné, icuaıcona'me Félix jouc'a lipeno cuftine Drusila. İhe łaca'no' ajudía. Félix icuxe'ma ti'hua'anca Pablo. İcuaitsi. Félix iquım'f'e'ma lonespa. İhe u'i'ma te ts'i'ic' litaiqui' Jesucristo. Timi: "To'huaiyijnla'". ²⁵ Jouc'a timi te ts'i'ic' lo'eyacu lan xanuc' ja'ni LanDios tetentłoco'ma lo'epa. İxc'ai'i'ma, timi:

—Tocuxexoxi al c'a. Aımo'econa'ma nıxpiya. Ticuaihuo al Cuecaj Quitine. İhe litine LanDios tıtel'mi'mola' lan xanuc' ni'epá lixcay.

Félix ixpaij'ma juaıconapa, timi Pablo:

—Tole ti'ila'. To'huanla'. Ticuaitsi ocuena quitine, ja'ni ailopa'a caif'eya, cajoc'iconno'. Tocuaiyoconno fa'a.

²⁶ Félix tipa'a oquej lipicuejma'. Ticua: “Ique Pablo aga ałmi'ma: Lux'masna'ma, capi'i'mo' cotomí.” Tołiya ti'hua tijoc'i, ti'hua tipalaic'o.

²⁷ Uyai'ma oquej camats'. Joupa titsufai'ma ocuena cal gobernador cuftine Porcio Festo. Félix aicux'masqui' Pablo. Ticua: “Ca'e'ma latentcocoayacola' lan xanuc' judío. Ałnescoła' ihniya, tinesle: Ique Félix ac'a xans.”

25

¹ Festo epenuf'ma lipenic', i'i'ma gobernador. Icoł'ma afane' quitine liłya' Cesarea. Lijou'ma i'hua'ma Jerusalén. ² Mipa'a Festo jilpe Jerusalén lixanuc' cal cuecaj ca'ailli' jouc'a lan tsilaj xanuc' judío noxpijpá lataiqui' ipalaic'o'me. Ipalaico'me Pablo li'epa, u'i'me te ts'i'ic' locuxecopa. Ixahue'e'me ti'eł'a' latentcocopola' ihniya. ³ Ipic'a tejac'entsa nulemma Pablo. Timiyi:

—Tocuxetsi Cesarea ticuaiyunni Pablo fa'a Jerusalén.

Ihniya joupa ixpic'epa lo'eyacu. Hualca lan xanuc' temi'mołtsi jilpe lane, tuyaiconni Pablo tima'a'me. ⁴ Festo italai'e'e'mola', timila':

—A'i cacuxeya. Tipanenni Pablo Cesarea. Iya' aimatcołya fa'a. Capaino. ⁵ Hualca imanc' ts'ołpenic' ałe'me. Ja'ni ilque cal xans i'epa quixcay tołcuxecota pu'hua Cesarea.

⁶ Jilpe Jerusalén Festo icoł'ma apaico o imbama' quitine. Lijou'ma i'hua'ma. Icuaitsi liłya' Cesarea. Lihuequi litine ti'ay canic' to cal juez. Icuixe'ma tilecontsa Pablo. ⁷ Icuaitsi Pablo iloc'ołai'me lan xanuc' judío quiyouyomma Jerusalén, ihne y Festo icuai'me anuli. Icu'f'me juaiconapa. Ticuayi:

—Ica'a i'epa axpe' quixcay. Acueca' li'epa.

Aiqui'ic' quilinc'i' ile locuapa. A'ij linca liłtaiqui'. ⁸ Pablo italai'e'e'mola', timila':

—Aicai'aic' quixcay. Aicainetets'i' lataiqui' lałcuxeponga' illanc' ninc'ijudío. Aicainetets'i' al cuecaj xoute'. Jouc'a aicainetets'i' locuxepa cal cuecaj quincuxepa César. Ailopa'a cai'epa.

⁹ Jilpe lipicuejma' Festo ticua: “Ca'e'ma latentcocoayacola' lan xanuc' judío”. Timi Pablo:

—Ja'ni ima' opic'a łepá Jerusalén. Jilpe caxpic'eta ja'ni o'epa quixcay o a'i.

¹⁰ Pablo timi:

—A'i. Aica'huaya Jerusalén. Iya' ailopa'a cai'e'epola' lan xanuc' judío. Ima' oxina' ihniya. Jifa'a ima' to'ay lopenic' lepi'ipo' cal cuecaj quincuxepa César. Ima' umjuez. Ma fa'a ticuicomma ałcuxeco'ma. Jilpe Jerusalén a'i. ¹¹ Linca ja'ni

nixpiya lai'epa, ja'ni jounpa nulijpa lamaya, lapi'i'ma cajunac', aicacuanajyacoxi ałma'ala'. Ja'ni mane lafelłaiqueya cataiqui' lonespa iłne nałcuxecopa, ailopa'a cał'e'eya iłniya. Cacua: ¡Cal cuecaj quincuxepa César tixanutsi lataiqui' lałcuxecopa lan xanuc' judío!

¹² Festo ipalaic'o'mola' lixanuc', iłniya noxpıjpa lataiqui'. Lijou'ma timi Pablo:

—Ne'. Jounpa ocuapa: “Cal cuecaj quincuxepa César tixanutsi lataiqui' lałcuxecopa”. Ne'. Cumme'mo', to'huała' pe lopa'a César.

¹³ Uyai'ma hualca litiné icuaiyunca liłya' Cesarea cal rey Agripa jouc'a lipima caca'no' cuftine Berenice. Iłniya ajudío. Ehuejntsa Festo lincuxepa romano. ¹⁴ Icol'mola' jıłpiya Cesarea.

Anuli litine Festo ipalaic'o'ma Agripa, ipalaico'ma Pablo, timi:

—Fa'a tipa'a anuli cal xans itats'ıya lipo'nopa Félix. ¹⁵ Iya' laitsehuo'ma Jerusalén ałpalaic'ohuo'ma lixanuc' cal cuecaj ca'ailli' jouc'a lan tsilaj xanuc' judío pe noxpıjpa lataiqui'. Iłne lu'ıpa te ts'i'ic li'epa iłque Pablo. Ałmıpa iya' cacani'eła', cacuxeła' tima'anłe. ¹⁶ Iya' aitalai'e'e'mola' aımi'mola': “İllanc' nınc'iromano aımał'eyi tołta'a. İllanc' ałcuayi: İłque litats'ıya jouc'a nocuxecopá ticuaiyunca. Iya' ninjuez. Iya' caxpic'e'ma ja'ni litats'ıya i'epa quıxcay o a'i, ja'ni tima'anłe o lux'masna'me.”

¹⁷ İłne lan judío icuaiyunca fa'a. Aıcaıcuejloj'mola'. Lihuequi litine ai'e'ma canic', iya' ninjuez. Aıcuxe'e'mola' laısoldado tilecotsa iłque cal xans. ¹⁸ Cacua: “Pablo i'epa acueca' quıxcay”. A'i tołta'a li'epa. İłne nocuxecopá ituca' micufcoyi, a'i to laıfcuapa iya'. ¹⁹ Tıxtuleyi, ticuayi: “İłque aıquıhuequi lałrelıgıón”. Ticuayi jounpa imanapa cal xans Jesús, Pablo ticua imaf'i'. ²⁰ İle lofulecopa lataiqui' aıcaıcueca. Aıcaıxına' te quıxcay li'epa Pablo. Tołta'a camı: “Ja'ni ima' opic'a łepá Jerusalén. Jıłpiya caxpic'eta ja'ni o'epa quıxcay o a'i.” ²¹ Pablo aıquıcuac'. Ticua: “Cal cuecaj quincuxepa César tixanutsi iłe lałcuxecopa”. Tołıya aıcuxe'ma tipanenni fa'a. Tijouła' cumme'ma, ti'huała' pe lopa'a César.

²² Agripa timi Festo:

—Iya' aıpic'a caquımf'eła' lonespa iłque cal xans.

Festo timi:

—Mouqui toquımf'e'ma.

²³ Lihuequi litine Agripa jouc'a Berenice etej'mołtsi juaıconapa al c'a. Icuaiyunca pe locutsuya Festo, ti'ay lipenic' ajuez. İyejmale'me lincuxepá soldado romano jouc'a lan tsilaj xanuc' jıłpe liłya' Cesarea. Festo icuxe'ma tilecontsa Pablo.

²⁴ Lijou'ma, Festo ipalaic'o'mola' iłniya lefołya jıłpiya, timıla':

—Ima' conrey Agripa, jouc'a jahuay imanc' cunc'ixanuc' nołmana' fa'a, camilhuo' li'ipa.

'Jahuay lan xanuc' judío nomana' fa'a jouc'a nomana' li'ya' Jerusalén alsahue'epa cacani'ela' iłca'a cal xans Pablo. Małca'a lolahuelojmpa itsiya. İne lan judío mihui'iyi tija'ayi, ałmi: "Ima' tocuxela' tima'anle." ²⁵ Iya' aiximpa ailopa'a qui'epa. Aimi'iya małma'ayacu. Małque quituca' ticua: "Cal cuecaj quincuxepa César tixanutsi lałcuxecopa". Tołta'a aixpic'epa cumme'ma, ti'huala' pe lopa'a César. ²⁶ Ticuicomma quinił'e'ma quije'e César, titai'ma Pablo. ¿Coła' ti'ila' caixina' iya' te ts'i'ic' laifninił'eya łapoujna César! Itsiya aixuxepa tilecontsa fa'a. Aipic'a tołquimf'ele jahuay imanc'. Xonca' aipic'a toquimf'ela' ima' conrey Agripa. Ima' lu'i'ma te li'epa Pablo. Tołta'a ti'i'ma caixina' te ts'i'ic' laifnu'iya César, ti'i'ma quinił'e'ma quije'e.

²⁷ 'Iya' cacua: Ja'ni cumme'ma pu'hua iłca'a łitats'iya ticuicomma cu'ila' te ts'i'ic' li'epa. Ja'ni a'i, aimi'iya cummeya. Ałnesco'ma iya' namac'ta xans.

26

¹ Agripa ipalaic'o'ma Pablo, timi:

—Capi'i'mo' lane. Ima' ałtalai'e'ma.

Pablo inij'ma limane. Ipango'ma italai'e'ma Agripa, timi:

²—Conrey Agripa, cax'najtsi'ihuo' juaiconapa ima' lapi'ipa lane catalai'e'mo'. Itsiya cacuanajco'moxi jahuay ilne lałcufpa lan xanuc' judío. ³ Tixoqui neta catalai'e'mo'. Aixina' ima' limetsaiconga' lał'ejma' illanc' ninc'ixanuc' judío, jouc'a taimetsaijma lałnespa. Itsiya caxa'huehuo' ałquimf'ela'.

⁴'Iya' ma namijcano anuli laif'as xanuc' judío aluyalaicopá lapajnya li'ya' Jerusalén. Jilpe lai'ejma' joupa iłsina' jahuay ilniya lan judío. ⁵ İne axpe' camats' alimetsaijma. Ti'i'ma tuya'a'me te ts'i'ic' lai'ejma', ja'ni ilpic'a tuya'ałe. Alimetsaijma iya' ninfariseo, nihuequila' ilne lan fariseo nocuapá: "İllanc' xonca lanant'iyi locuxepa Moisés".

⁶'Lałtatahueló i'huaico'me ŁanDios ti'e'ma ma to limipola'. Iya' jouc'a ca'ay linca ille lataiqui' lałmiponga' ŁanDios. Tołiya cacaxu fa'a ałcuxecompá. ⁷ Lałf'as xanuc' judío, ilniya ixanuc' limbamaj coquexi' lałtatahueló, itine ipuqui' mix'najtsi'iyi jahuay lilunxajma', mexc'onłingołaiyi ŁanDios, jahuay ilniya ti'huaicoyi tenant'ila' ille lataiqui'.

'Conrey Agripa, iya' jouc'a ca'ay linca linespa ŁanDios. Cacua: Joupa enant'ipa ille lataiqui'. ⁸ Camilhuo': ¿Te colcuacoyacu ŁanDios aimi'iya mimaf'i'inayacola' limanapola'?

⁹ 'Li'ipa iya' jouc'a cacua ticuicomma cateł'mitsola' juaiconapa ilne ts'ilihuequi Jesús łas Nazaret. ¹⁰ Tołta'a lai'epa capa'a li'ya' Jerusalén. Lixanuc' cal cuecaj ca'ailli' lapi'ipa

laimane. Axpela' iħne li'huexi ŁanDios ai'nico'mola' lacarza. Iya' jouc'a laif'as judío ałcuf'mola' iħne ts'ilihuequi Jesús. Lałspic'epá te laħ'e'eyacola' iya' cacua: "Ne', ne', tima'antsola".¹¹ Iya' laitsehuc'oma jilpe łajut'li pe lafołyomma laif'as xanuc' judío ja'ni aixim'mola' iħniya ts'ilihuequi Jesús aiteħ'mi'mola'. Ma canaic'mila' camila': "Ne', tonesc'eħa' cataiqui' iħque Jesús". Iħne lapi'ipa acueca' coyac'. Quihuetsoquila' ni petsi lomana'. Ca'hua aculi' ħelelołya'.

¹² 'Icuaitsi litine ca'hua'ma liłya' Damasco. Cahuetola' ts'ilihuequi Jesús. Lixanuc' cal cuecaj ca'ailli' joupa lapi'ipa laimane, aħni'ipa laiħe'e. Lapi'ipa lane iya' caxpic'e'ma laif'eyacola' iħniya. ¹³ Conrey, ałquimf'eħa' ma cu'ilhuo' laħ'ipa. Iya' ca'hua lane. To menac'o aixim'ma anuli lepalc'o' qui'huayomma lema'a. Nulemma alulif'epa. Tocomma to cal 'ora, xonca tunts'ifi. Jouc'a ulif'e'mola' laħejmale.

¹⁴ 'Jahuay lacangołenca łamats'. Iya' aicuej'ma ałpalaic'o. Tipalay laħaiqui' illanc' ninc'ijudío. Aħmi: "ConSaulo, ħte calteħ'micopa, calihuetsoċopa? Ima' cotuca' toteħ'miyoxi. To miteħ'mi'moxi cal huacax ja'ni aimicueca lanacompa al puya, ma toħta'a toteħ'miyoxi ima', aimalcueca." ¹⁵ Iya' cami: "Maipoujna, ħnaitsi ima'?" Iħque aħmi: "Iya' ninJesús. Ima' aiteħ'mi. ¹⁶ Itsiya totsahuenni, tacaxla'. Iya' aicuaic-oco'ma pe lołpa'a capi'itso' copenic'. Ima' to'e'ma laipenic'. To'itola' lan xanuc' itsiya ałsimpa. Tijouła' ałsingona'ma, xonca camuc'i'mo'. Iħiya jouc'a to'itola' lan xanuc'. ¹⁷ Iya' ca'e'mo' cuenna. Cunħu'e'mo' lo'e'eyaco' loł'as xanuc' judío. Cumme'mo' to'huala' pe lomana' locuenaye lan xanuc', iħne a'i judío. Jilpe jouc'a cunħu'eto' lo'e'eyaco'. ¹⁸ Itsiya iħniya tocomma afohue, aiquilħsina' al c'a cane. Ima' taxi'etola' liħ'u'. Itsiya tocomma amuf liħpicuejma'. Ima' tapalc'o'itola'. Toħta'a tipai'i'me liħpicuejma', aimicuxeconayacola' Satanás, ma ŁanDios ticuxe'mola'. Ał'huaiyijm'ma iya'. Toħta'a ŁanDios timenc'e'eco'mola' li'epa a'ijc'a, tilaitsufcotola' anuli jahuay lixanuc', iħne pe limetsaicopola' i'huexi."

¹⁹ 'Conrey Agripa, iħe laixim'ma laħmuc'ipa ŁanDios, iya' ni-huejco'ma laħmi'ma. ²⁰ Ate'a jilpe liłya' Damasco nu'i'mola' tix-huej'menanca, tipai'ħe liħpicuejma' tihuejcoħe ŁanDios, timujle ja'ni joupa ixhuej'memma. Lijou'ma ma' anuli lainu'iyalepa liłya' Jerusalén jouc'a locuenaye ħelelołya' pe lomana' laħ'as xanuc' judío.

'Lijou'ma nu'i'mola' locuenaye xanuc', iħne a'ij judío. ²¹ Iħe laif'epa aiquetenħcocola' laif'as xanuc' judío. Alixtuc'opa. Capa'a jilpe al cuecaj xoute' ał'noł'ma, ehue'me te co'ıya małma'aya. ²² ŁanDios ałtoc'ipa, ałcuanajcopa. Toħta'a ti'hua cu'iyale litaiqui'. Ja'ni lan tsilaj xanuc' o a'ij tsila', ma'

anuli cu'ila' iŕe laiximpa. Laifnespa ma' iŕtaiqui' Moisés y lam profeta. Ocuena o ituca' cataiqui' aicanesma. Maŕniya Moisés y lam profeta uya'apá lo'iya, ticuayi: ²³ “Cal Cristo titeŕco'ma, tima'am'me. Tijouŕa' timaf'ina'ma, ti'ila' cal te'a pe aimimaconaya. Toŕta'a tu'i'mola' laŕf'as xanuc' judío, jouc'a tu'i'mola' locuenaye xanuc' a'ij judío, timi'mola': LanDios tepalc'o'i'molhuo' loŕpicuejma'.”

²⁴ Pablo toŕta'a ticuanajcoyoxi. Festo icuej'ma litaiqui'. Ipalaic'o'ma ujfxi, timi:

—Pablo, tocomma to mamac'ta. ¿Te copalaicopa toŕta'a? Ima' acueca' oxhuepa, iminscopa lopicuejma'.

²⁵ Pablo timi:

—ConFesto, ima' maigobernador, iya' a'i namac'ta. Jouc'a laifnespa a'i camac'ta cataiqui'. Laifnuya'apa ma le'a al linca.

²⁶ Cal rey Agripa ixina' te ts'i'ic' iŕe lataiqui', maŕe laifnespa, tixoqui neta capalaic'o iŕque. Ixina' jahuay li'ipa. Acuajmaica li'ipa iŕe laifnescopa, a'ij ch'ixca.

²⁷ Conrey Agripa, ¿te ima' to'ay linca liŕtaiqui' lam profeta? Iya' aixina' ima' to'ay linca iŕe lataiqui'.

²⁸ Agripa timi:

—¿Te cofcuapa? ¿Te tocua: “Nihuata, Agripa jouc'a ti-huej'ma Jesús to illanc' ninc'icristiano”? Ima' tocua aiquipime iŕiya.

²⁹ Pablo timi:

—Ja'ni ipime o aiquipime aicaixina'. Cacula: A'i ma le'a iya' ima' conrey Agripa ti'ila' toŕta'a anuli laŕpicuejma', ¡LanDios titoc'itsolhuo' jahuay imanc' naŕquimf'epa, ti'ila' anuli laŕpicuejma', al'onŕtsonga'! Linca iŕta'a laŕfiyiya al cadena catejma' aimal'onŕspa toŕta'a.

³⁰ Itsolinca cal rey jouc'a cal gobernador, jouc'a Berenice, jouc'a iŕniya nocutsingolanna jilpe. ³¹ Ipalnanca. Tipalaic'oyolŕsi, ticuayi:

—Iŕque cal xans aiqui'aic' quixcay. Aimi'iya malacani'eyacu, aimi'iya maŕtats'econayacu. ¿Te caŕ'eyacu?

³² Agripa ipalaic'o'ma Festo, timi:

—Aimi'iya malux'masyacu iŕque cal xans, joupac'ic'uepa: “Iŕe lataiqui' laŕcufpa tixanulŕsi cal cuecaj quincuxepa, iŕque César”. Ja'ni a'i toŕta'a linespa, lux'masna'me.

27

¹ Lijou'ma ixpic'em'me tumme'me Pablo ti'huaŕa' lamats' Italia. (Jilpe liŕiya' Roma tipa'a cal cuecaj quincuxepa César.) Ixp'ic'em'me aŕeco'me abarco. Icu'xem'me ti'huaŕa' anuli cal capitán lipuŕtine Julio, ti'etsola' cuenna Pablo y locuenaye litats'ila'. Iŕque Julio locuxepola' lan soldado lacui'impola': Lisoldado cal cuecaj quincuxepa César.

² Ałtsulfołai'me anuli al barco qui'huayomma liłya' Adramitio. He al barco ipainamma ticuaita jilpe lipiłya'. Tuyaicota liłelołya' łamats' Asia, iłniya lomana' łema caja. Ałejmale anuli łapima cuftine Aristarco. Iłque łas Macedonia, lipiłya' Tesalónica. Ałepá. ³ Lihuequi litine ałcuaita liłya' Sidón. Cal capitán Julio ac'a lipicuejma'. Ixim'ma cuanuc' Pablo, epi'i'ma lane, timi:

—To'hua'ma tahuejntola' lopimaye. Ja'ni tehue'ehuo' ilne tepi'ito'.

⁴ Lipanni al barco jilpe Sidón, łahua' ałtalecufponga'. Luyalaicopá liju' camats', jilpe loxa camane copa'a al isla łamats' Chipre. Jilpe aimalpa'nenga' łahua'. ⁵ Ałeyi łaja łema camats' Cilicia, jouc'a łema camats' Panfilia. Ałcuaita liłya' cuftine Mira jilpe łamats' Licia.

⁶ Jilpiya cal capitán ixim'ma anuli al barco qui'huayomma liłya' Alejandría, ti'hua'ma łamats' Italia. Cal capitán ałtsufai'eponga'. ⁷ He łalbarco ti'hua panca panca. Uyai'ma axpe' quitine. Afule małcuaiyacu huejnca liłya' Gnido. Lijou'ma łalbarco aimi'hua łijca lipene. Aimi'iya. Juaiconapa ujfxi ti'hua łahua'. Aluyalaicopá huejnca łamats' isla Salmón. Jilpe liju' Creta aimi'hua ujfxi cahua'. ⁸ Ti'hua ałeyi huejnca łamats'. Afule małcuaiyacu pe lacui'impa lan C'a Puerto. Jilpe al puerto a'ij culi' liłya' Lasea.

⁹ Juaiconapa ałcolponga' al puerto. Joupa uyaipa al cuecaj quitine. He litine lan judío tixnet'łyi, aimitetsoyi. Ałsina' ticuaihuo łoyac' cahua', al barco aimi'huaya al c'a. Pablo ipalaic'o'mola' nocuxepá al barco, ¹⁰ timila':

—Cunc'ixanuc', aimi'iya maluyalaiyacu. Łaja tejac'e'ma łalbarco jouc'a łitay tejac'ma. Aga illanc' ninc'ixanuc' jouc'a ałma'monga'.

¹¹ Cal capitán aiquiquimf'e locuapa Pablo. Iquimf'e'mola' xonca locuapa cal piloto jouc'a lipoujna al barco. ¹² Axpela' locuenaye xanuc' noyepá jilpe al barco ticuayi:

—¡Ałena'me!

Ticuayi aimi'iya muyalaicoyacu łaxita quitine jilpe al puerto. Xonca ilpic'a tiyenłe, ticuaita liłya' Fenice, jilpe timajnta mi'i'ma łaxita. He Fenice apuerto, jilpe łamats' isla Creta. Jilpe aimi'hua łoyac' cahua'. Ti'hua łahua' qui'huayomma loque' liju' lopo'nof'caispa cal 'ora.

¹³ Lixim'me ti'hua panca panca łahuaj sur, ilne ts'ilpic'a tiyenłe ticuayi: "Itsiya linca ailopa'a tintsı. Ałcuaita liłya' Fenice." If'ac'ena'me al cumta catejma' ancla. Ałepá. I'hua'a'me al barco huejnca łema caja, jilpe al isla Creta. ¹⁴ Aiquicołi icuaiyunni łujfxi cahua'. Iłque łahua' cuftine: Łi'huayomma liju' laipammaiyomma cal 'ora. Ujfxi, ujfxi

luntafquina'. Ti'hua tocommu ucuihna. ¹⁵ Hque lahua' um-metsai'ma al barco. Aimi'i mi'hua hja. Lalsim'me aimi'ya maluyalaiconayacu, alcuayi:

—He al barco tixinla' pe cotseya. Lahua' tummetsay.

¹⁶ Luyalaico'me lema caja jilpe anuli lamats' isla cuftine Clauda. Jilpe aimi'hua cujfxi cahua'. Al barco exali anuli laca'huaj canoa. (Ti'ila' lo'ya al cuecaj barco altsulfolai'me al canoa, lunhu'e'moltsi.) He laca'huaj canoa afule ma'nolyi. ¹⁷ Exalaf'me, itsufai'enapá al cuecaj barco. Lijou'ma ifi'e'me al cuecaj barco. Ifi'eco'me ujfxi cocuis licu'u lixpula, xonca tixnet'hqui. Tixpailiquila', ticuayi: “Ti'hua ujfxi lahua', aga tummetsai'ma al barco, alcuaitsa jilpe lintuhuale cuixa cuftine Al Sirte”. Exalna'me ijuisna'me al cuecaj lixa' ilanc'ecompa ijahua'. Al barco ti'hua mummetsay lahua'.

¹⁸ Lihuequi litine lahua' laja ujfxi tite'l'minni la'barco. Ticuayi: “Alscua'ale al barco, al'e'ele huata lipicumta”. Ipango'me eca'ni'me hitaic' al barco. ¹⁹ Joupa uyaipa oque' quitine, ihne no'epá canic' jilpe al barco eca'ni'me li'huexi al barco. ²⁰ Joupa ixhuaita axpe' quitine aiqiu'huáqui cal 'ora, ni lipuqui' aiqiu'huáquila' lan xamna. Ti'hua ujfxi lahua'. Alcuayi: “Aicalsina' ja'ni lunhu'l'me o a'i.”

²¹ Ixhuaita axpe' quitine aimitetsoyi lam marinero. Pablo ecaxingaitsole', timila':

—Cunc'ixanuc', ma'mana' lamats' Creta joupa aimipolhuo': “Aimolipa'a'me al barco fa'a”. Aimipolhuo': “Almanenca”. Imanc' aicalcuc'e. Joupa altecopá, joupa lajac'epá acueca'.

²² 'Itsiya iya' cu'i'molhuo': Aimolsuehmo'te'me. Nij naitsi najac'ya lipitine. Al barco linca tejac'na'ma. ²³ Lipuqui' i'huamma pe laifpa'a anuli lepaluc LanDios. Hque LanDios aiPoujna, ainihuequi. Lapaluc quema'a lacaxingaipa lainiju'. ²⁴ Almipa: “CumPablo, aimixpaij'mo'. Linca tocuaita petsi cal cuecaj quincuxepa César. LanDios epi'ipo' loxahue'epa. Tunhu'e'mo'. Jouc'a tunhu'e'mola' jahuay lonlejmale nomana' al barco.”

²⁵ 'Camilhuo': Aimolsuehmo'te'me. Iya' ca'huaiyinge LanDios. Ma to lamipa to'la'a ti'i'ma. ²⁶ Linca laja alaca'ni'monga' anuli lamats' isla.

²⁷ Joupa ixhuaita imbamaj malpu' quitine ma luyalaiyi laja Adria. Lipujfxi cahua' lummetsaiyinga'. Li'i'ma to nolojmay quipuqui' lam marinero ticuayi:

—Tipa'a lamats' ahuejnca.

²⁸ Ixpucuf'me lipitoqui laja. Ixpucuf'ma anuxans quimbama' acamts'us metro. Iyecona'me nihuata, ixpicuf'cona'me. Lipitoqui laja ixpicuf'ma anuxans caitsi metro. ²⁹ Ixpailij'mola', ticuayi:

—Ja'ni atcuai'me pe lopa'a lan tsilaj capic' iñe lopic' tete'l'me al barco.

Ecajm'mi'me amalpuj lan cumta catehuaijma' ancla ijungila' lixpulaj barco emuyi'mola' cuixa. Ipanenni jilpe al barco. Ticuayi: “Aimicol'ma tihic'ela'”.

³⁰ Lijou'ma lam marinero ehue'me te co'iya mipalyacu al barco. Ticuayi: “Alunhu'e'moñsi illanc' caltuca'. Añcuaite lamats'.” Tocomma tecajm'mi'me locuenaye lan cumta catehuaijma' ancla jilpe lopa'a hjuac al barco. Ma le'a tifel'miyi. Tecajm'miyi ļaja laca'huaj canoa. ³¹ Pablo tixina lo'epa. Timila' cal capitán jouc'a lisoldado:

—Timanenca iñiya pe lañmana', jifa'a al cuecaj barco. Ja'ni tiyele iñiya imanc' aimolunhulyacu.

³² Lan soldado etej'me locuits' pe lifiyicoya laca'huaj canoa. Itai'ma ļaja. ³³ Ma lihic'ejma Pablo ipalaic'o'mola' jahuay nomana' jilpe al barco. Tixa'huela', timila':

—Joupa ixhuaita imbamaj malpuj quitine imanc' oñhuaijma, toñcuayi: “¿Te cal'iyaconga'?” Aicoñtesma. ³⁴ Itsiya caxa'huelhuo' toñtetoñe. Ja'ni a'i tima'molhuo'. Aimolñueñmot'le'me. Aimejac'ya ni anuli lijuac loñjuac.

³⁵ Lijou'ma lines'ma toñta'a Pablo epeñ'ma ļa'i. Miquimf'eyi jahuay lan xanuc' tix'najtsi'i LanDios. Ixquej'ma ļa'i, ipango'ma ite'ma. ³⁶ Lan xanuc' aimixhueñmot'leconame, itetso'me. ³⁷ Jahuay illanc' lañmana' al barco añsuaisponga' oquej maxnu afanej nuxans quimbama' camts'us. ³⁸ Lijou'ma linajntsola' lam marinero ecajm'mi'me ļaja ļaitaij trigo. I'i'ma xonca axnoica al barco.

³⁹ Joupa i'ipa quitine. Ixim'me huejnca lamats'. Aiquilimet-sajma te jale camats' jilpiya. Jilpe ļema caja iximpá anuli lotsufaicompa. Ixpice'me lo'eyacu, ticuayi:

—Añsulfoñai'me jilpe lotsufaicompa. Tipa'a pangay cuixa. Ailopa'a capic.

⁴⁰ Ux'mas'me lan cumta catehuaijma' ancla. Iñe imanenca al 'ocay ļaja. Lixala' iñe a'ec lopa'a loquej liju' al barco etec'e'me lifi'icoya, ti'eñe canic', ti'hua'ma al hñca al barco. I'nof'e'me laca'hua quixañ quijahua', iñe lopa'a hjuac al barco. Toñta'a xonca ac'a ti'hua'ma. Ti'hua'ayi al barco jilpe lotsufaicompa, ticuaitsi ļema caja. ⁴¹ Icuaitsi pe lopa'a oquej cal panay. Jilpe tipa'a axpe' cuixa. Al barco ipanenni. Ipa'ne'ma cal cuixa. Itaijm'ma hjuac. Litsilo ļaja tuntañqui lixpula' al barco. Ipango'ma ixquetsuf'ma. ⁴² Lan soldado ticuayi:

—Añma'a'mola' nulemma lan xanuc' litats'ila'. Ja'ni a'i tiquie'me ļaja', ticuaitsa lamats' tinulnata.

⁴³ Cal capitán aimicua. Ipic'a tunñña' Pablo. Timila' lisoldado:

—A'i. Aimolñma'a'mola'.

Ałcuxe'eponga' lał'eyacu. Ałminga' jahuay lałmana' al barco:

—Ja'ni ołsina' mołcafołaiyi, imanc' ate'a tołacajm'mitsotsi łaja, tonłecole łaja, tołcuaitsa łamats'. ⁴⁴ Ja'ni aicołsina' mołcafołaiyi, tonłe'me ma to lo'iya. Tołniłe łaxmale' o ni naitsi hualca caxma lopa'a al barco, tonłecole łaja, tołcuaitsa łamats'.

Tołta'a lał'epa. Jahuay alunłupá. Ałcuaitsa łamats'.

28

¹ Lałcuaitsa łamats' i'i'ma całsina' iłe a'isla cuftine Malta. ² Lan xanuc' nomana' jilpe imuj'mołtsi ac'a xanuc'. Lapenufponga' Uncue'e'me łunga, ałminga':

—Jifa'a tołapat'łetsotsi.

Ticui łacui, ti'i caxita juaiconapa. ³ Pablo efot'le'ma laiquire jule c'ec', ixanaf'i'mola' łunga. Jilpe lan 'ec' tipa'a anuli łainofał. Ixim'ma quinu' ipanni, icayai'e'e'ma limane Pablo.

⁴ Lixim'me łainofał tijujnya limane Pablo, lun Malta ticuayi:

—Iłque acuecaj inma'ahuale xans. Tama unłupa łaja itsiya tima'ma. Tipa'a anuli No'eya al łijca. Iłque ummepa łainofał tima'ala' cal xans.

⁵ Pablo unaf'ma limane. Łainofał ecanc'aitsi łunga. Pablo ailopa'a qui'i'ma. ⁶ Lun Malta tehuelojnyi Pablo. Ił'huaijma te co'iya. Ticuayi:

—Iłque łica'apa łainofał tifu'ma o aimicołya tima'ma, tecangehuo.

Ti'hua tehuelojnyi. Lixim'me ailopa'a qui'i'ma, ipai'i'me liłpicuejma', ticuayi:

—iłque a'ij xans, ma' andios!

⁷ Petsi lałcuaitsa jilpe emats' cal xans łocuxepa al isla. Iłque cal xans aromano, cuftine Publio. Alapenufponga' lejut'ł. Jilpe ałmanenca afane' quitine. ⁸ Qui'ailli' Publio textafque. Tepi'i quinu', i'huajcopa oyaic' cajuats'. Pablo itsufai'ma jilpe łonouya lałcuana. Mijoc'i' LanDios ipo'nof'i'ma limane lałcuana, ixal'mena'ma. ⁹ Lijou'ma icuaitsa ocuenaye lałcuallay nomana' jilpe al isla. Pablo ixal'mena'mola' jouc'a.

¹⁰⁻¹¹ Iłne ałs'najtsi'inga'. Acueca' alapi'iponga'. Afane' mut'la ixhuaitsi małmana' jilpe. Małpe ipanenni anuli al barco qui'huayomma liłya' Alejandría. Iłe al barco tipa'a laquiseña lilendiosla' lam marinero. Iłne landiosla' lan cuatsi, tecui'innila' Cástor y Pólux. Ipanenni al barco mi'i łaxita quitine. I'huaijma ti'ila' ac'a quitine. Litine li'huana'ma illanc' ałsulfołaipá. Lan xanuc' Malta alapi'iponga' lałtaiyacu lałtejacu lane. Ałepá. ¹² Ałcuaitsa al puerto Siracusa. Jilpe ałcołponga' afane' quitine.

¹³ Lijou'ma lipalconanca. Ałepá huejnca łema camats'. Ałcuaitsa liłya' Regio. Jilpe ałcołponga' anuli quitine. Lihuequi litine ti'hua łahua' sur. Ałeconapá. Lihuequi litine ałcuaitsa

liŷya' Puteoli. ¹⁴ Jiŷpiya aŷsimpola' laŷpimaye. Iŷniya aŷmiponga' aŷmanenca anuli al xamano maŷpe pe lomana'. Ixhuaitŷi lan caitŷi quitine lipalunca, aŷepá lane lotŷepa Roma. ¹⁵ Lapimaye nomana' liŷya' Roma icuej'me aŷeyi lane. Ipalunca jiŷpiya Roma aŷtalecuftŷonga'. Hualca aŷtalecuftŷonga' liŷya' cuftine Foro Apio. Locuenaye aŷ'huaiconga' jiŷpe pe lacui'impá Lam Fane' Cajut'hi Lainunc'empa. Jiŷpe aŷtalecuftŷoŷtŷi. Lixim'mola' lipimaye Pablo i'ina'ma xonca acueca' lunxajma', ix'najtsi'i'ma LanDios.

¹⁶ Laŷcuaitŷa al cuecaj quiŷya' Roma cal capitán ileco'mola' litats'ila' jiŷpe pe lopa'a nocuxepola' lan guardia. Ipe epenuf'mola'. Epi'i'me lane Pablo tipajnlá' quituca' anuli lajut'hi. Anuli cal soldado ti'e'ma cuenna.

¹⁷ Lixhuaitŷi afane' quitine Pablo ijoc'i'mola' lan tsilaj xanuc' judío nomana' jiŷpe Roma, ticuaiyunca pe lopa'a. Icuaitŷa. Timila':

—Cunc'aipimaye, ailopa'a cai'e'epola' laif'as xanuc' judío, aicainetets'ila' laŷtatahueló liŷ'ejma'. Tama toŷta'a lai'ejma' lan judío aŷ'noŷpa jiŷpe Jerusalén. Aŷcupa icuaitŷi liŷmane lan xanuc' romano. Aŷtats'iya. ¹⁸ Iŷniya lan romano alicuis'mot'lepa te quixcay cai'epa. Icuej'me ailopa'a cai'epa. Ipic'a lux'masnaŷa'. Aimi'iya maŷma'aya. ¹⁹ Lan xanuc' judío ticuayi aimalux'masquim'ma. Toŷta'a aicua'ma: “Caxahue'eta cal cuecaj quincuxepa César aŷsanu'etsonga' lataiqui’”. Linca ailopa'a caifcuŷfyacola' laipimaye judío, ma le'a aipic'a aŷsanu'etsonga'. ²⁰ Toŷiya aijoc'i'molhuo' imanc' unc'aipimaye judío toŷcuaiyunca fa'a. Cacia: Limetsaicotŷoŷtŷi, aŷpalaic'o'moŷtŷi. Linca illanc' ixanuc' Israel ma' anuli aŷ'huaiyijnyi LanDios ti'e'ma ma to licuapa. Ma toŷta'a ca'huaiyinge, toŷiya aŷ'noŷimpa, itsiya capa'a aŷfiyiya iŷta'a al cadena catejma'.

²¹ Iŷne lan xanuc' judío timiyi:

—Laŷpimaye judío nomana' lamats' Judea aicalinil'enga' caŷje'e, aicalu'inga' ja'ni ixcay lof'epa. Ni laŷpimaye licuai'me fa'a aiquicufhuo'. Acalu'inninga' ja'ni ima' o'epa quixcay o a'i. ²² Illanc' aŷpic'a aŷcuejtŷo' lofneŷya. Lan xanuc' ni petŷi nomana' tipalaicoyi iŷiya lomihuequi. Ticuayi iŷe ixcay.

²³ Iŷne ixpic'epá te quitine ticuaiconacu. Tiquimf'econa'me loneŷya Pablo.

Lixhuaitŷi iŷe litine icuaiyoconanca pe lopa'a Pablo axpela' lan xanuc' judío. Muica litine imanenca jiŷpiya. Icuaitŷa al puqui'ya, iyena'me lummuhuijma'. Pablo tu'ila' te ts'i'ic' licuxejma LanDios, iŷque cal Cuecaj Rey. Ti'nujuaitŷi'ila' te ts'i'ic' litaiqui' Moisés, jouc'a ti'nujuaitŷi'ila' te ts'i'ic' liŷtaiqui' lam profeta. Imuc'i'mola', ipalaico'ma Jesús.

24 Hualca epenuf'me limi'mola' Pablo. Locuenaye aiquilepenufi. 25 Tifuli'iyot'si cataiqui'. Hualca ticuayi:

—A'i, a'ij linca.

Ipango'me ipalanca. Pablo u'icona'mola' anuli lataiqui'. Timila':

—Al linca ile lonespa cal Espíritu Santo, ile limipa cal profeta Isaías. Iñque imi'mola' lahtatahueló, timila':

26 To'huala' pe lomana' iñne lan xanuc', tomitsola':

Tołquimf'e'me, ti'hua tołquimf'eyi, aimołcuejyacu.

Tolahuelojm'me, ti'hua tolahuelojnyi, aimołsinyacu.

27 Iñne lan xanuc' liłpicuejma' i'ipaj ta.

Tama tipa'a liłs'mats'i', afule micuejyi.

Ixpoł'mipa lił'u'.

Ja'ni cola' aimi'e'me tołta'a tixingo'me lił'u', tiquimf'eco'me liłs'mats'i',

lataiqui' titsufai'ma liłpicuejma', ałcuc'e'ma.

Tipailinacu, titsulfołaina'me al c'a cane,

tijoula' caxał'mena'mola', quilonc'e'ena'mola' liłjunac'.

Tołta'a loł'ejma' imanc', aicołcuc'e. 28 Itsiya ti'ila' col'sina' lo'ipa. Lataiqui' loya'apa te ts'i'ic' alunhu'e'monga' LanDios, małe lataiqui' jounpa ummempa pe lomana' locuenaye xanuc', iñne a'ij judío. Iñniya linca tihuejco'me.

29 Pablo ijou'ne'ma ile limipola' lan xanuc' judío. Iyena'me iñniya. Juaiconapa tifuli'icoyołtsi cataiqui'.

30 Pablo ipajm'ma oquej camats' jilpe lajut'ł lo'najcufpa. Axpela' lan xanuc' tiłcuaispá tehuejnyi. Epenuf'mola' jahuay.

31 Tu'ila' te ts'i'ic' licuxejma LanDios, iñque cal Cuecaj Rey. Aimixpaiqui. Tipalaijma lałPoujna Jesucristo. Timuc'ila' lan xanuc' litaiqui'. Ailopa'a nocuanac'eya.

LIJE'E SAN PABLO LINIŁ'EPOLA' LAPIMAYE LEFOT'ŁEPOŁTSI LIŁYA' ROMA

¹ Iya' ninPablo ca'ay lipenic' łąPoujna Jesucristo. ŁanDios ąłjoc'ipa, ąłmi: "To'huała' toya'atsi Lataiqui' loya'apa ıte al c'a lixpıc'epa ŁanDios". Tołta'a iya' nin'apótol. Małe laipenic' lalapi'ipa ŁanDios. ² Luyaipa quitiné lam profeta uya'a'me ıte laifnuya'apa iya'. Jiłpe al Paxi Linilingiya joupą inilijmpa linespa ıłniya. ³ Lataiqui' loya'apa ıte al c'a lixpıc'epa ŁanDios tipalajma ıi'Hua ŁanDios. Małque łąPoujna Jesucristo, ıłque i'epoxi xans. Lipajnta fa'a li'a łamats' cal rey David itatahuelo. ⁴ Jouc'a imujpoxi i'Hua ŁanDios. Imujpoxi ituca' lipicuejma', ailopa'a quixcay. Tołta'a ŁanDios imetsaicopa i'Hua. Lijoupa limapa, ŁanDios i'epa al cueca', imaf'i'ınapa. ⁵ Ma' ıłque łąPoujna ąłpaxneponga', ąłapi'iponga' lałpenic', ıllanc' ninc'apóstole, epaluc' Jesucristo. Ni petsi lomana' lan xanuc' pe aimimetsaicoyi ŁanDios ıllanc' ąłpalaic'ocola' Jesucristo, lu'ıla': "Tolapenufle Lataiqui' loya'apa ıte al c'a lixpıc'epa ŁanDios, tolıhuejcołe". ⁶ Jouc'a imanc' li'ipa aicolimetsaijma ŁanDios. Itsiya joupą olimetsaijma, Jesucristo joupą ijoc'ipolhuo'.

⁷ Iya' ninPablo quinił'elhuo' imanc' nołmana' jiłpe al cuecaj quıłya' Roma. Imanc' ıınca ŁanDios ti'elhuo' capic'a, ijoc'impolhuo' ti'itsolhuo' ma' i'huexi. ŁanDios cał'Ailli', y łąPoujna Jesucristo, titoc'itsolhuo', tipaxnetsolhuo', tipac'e'etsolhuo' lołpicuejma'.

⁸ Ate'a' cax'najtsi'i ŁanDios, ıłque łainenDios. Ma ca'nujuaitsilhuo' jahuay imanc' cax'najtsi'i li'e'epolhuo' Jesucristo, imanc' joupą ol'huaiyijmpá. Cax'najtsi'i ni petsi li'a łamats' tuya'anni, tipalaicolhuo' imanc' loł'huaiyijmpa. ⁹ Itine itine ca'nujuaitsilhuo' imanc'. Ma capalaic'o ŁanDios cami: "Totoc'itsola' ıłne laipimaye nomana' Roma". ŁanDios ıxina' ma' al ıınca ıte laifmipolhuo'. Małque ŁanDios aiPoujna. Jahuay laipicuejma' ca'ay lanic' lalapi'ipa. Cuya'e' Lataiqui', loya'apa ıte al c'a lixpıc'epa ŁanDios. Małe Lataiqui' tipalajma ıi'Hua ŁanDios.

¹⁰ Ma capalaic'o ŁanDios caxahue'e, cami: "Lapi'ıla' lane cahuenjntsola' lapimaye nomana' Roma. Ja'ni mouqui, ja'ni mouqui pitsu, ma lapi'ıla' lane, ca'huała'. ąłtoc'ıla' cacuaitsi." ¹¹ Acueca' cajanaca caxintsolhuo', catoc'itsolhuo'. Aipic'a tolapenufle xonca lołpujfxi, ıte lalapi'iponga' cal Espıritu Santo. Tifa'e'etsolhuo' nulemma lołpicuejma'. ¹² Iya' cacua: Imanc'

y iya' a'huaiyijnyi Jesucristo. Cacuaitsi jilpe ałmajnta anuli. Ałtoc'itsołtsi, ałsc'ai'itsołtsi, lixpi'itołtsi calata.

¹³ Cunc'aipimaye, ti'ıla' cōsina' aipic'a ca'huała' jilpe pe lołmana', cahuejntsolhuo'. Axpe' cacuanc'e, aimi'i. Ocuenaye quilelołya' pe lomana' lan xanuc' a'ij judío joupa nu'ipola' Lataiqui' loya'apa ile al c'a lixpicepa ŁanDios. Aitoc'ipola'. Itsiya aipic'a catoc'itsolhuo' imanc' jouc'a. ¹⁴ Iya' aixina' ŁanDios lummepe cu'itsola' Lataiqui' jahuay lan xanuc', ihniya a'ij judío. Ja'ni lun griego, ilne noxhuepá acueca' o ja'ni ocuenaye lan xanuc' pe aimixhueyi; petsi acueca' quilpicuejma', petsi a'ij cueca' quilpicuejma', jahuay cu'itola'. ¹⁵ Tołiya, juaiconapa cajanaca ca'huała' jilpe Roma, cu'itsolhuo' jouc'a imanc' ile Lataiqui'.

¹⁶ Iya' aicatay calaic'ata. Ni petsi lomana' lan xanuc' cu'itola' ile Lataiqui' loya'apa ile al c'a lixpicepa ŁanDios. Petsi no'huaiyijmpá Lataiqui' jahuay ihniya tixim'me acueca' lo'epa ŁanDios, ilque tunłu'e'mola'. Tołta'a iximpá ate'a lan xanuc' judío, itsiya jouc'a tixinyi lan xanuc' a'ij judío, ilne lun griego. ¹⁷ Jilpe Lataiqui' ałsinyi te ts'if'ic' ilne petsi lapenufpola' ŁanDios, tixinnila' to ailopa'a quiljunac'. ŁanDios tepenufila' ihniya no'epá linca linespa ŁanDios, ilne pe ti'hua ti'huaiyijnyi, ma to micua al Paxi Linilingiya loya'apa, ticua:

Cal xans no'huaiyijmpa tulijta lipitine,

ŁanDios iximpa to ailopa'a quijunac', tepenufi.

¹⁸ ŁanDios Nopa'a lema'a joupa ałmuc'iponga' tixtuc'ola' lixcay xanuc', ilne pe aimixpaic'eyi. Ihniya jilpe liłpicuejma' ilsina' te ts'ic' al linca, ilsina' naitsi ilque ŁanDios. Tijoułta' xonca ilpic'a ti'ele lixcay. Tołta'a tetets'iyi al linca, ti'eyołtsi to aiquilina'. ¹⁹⁻²⁰ Ilne lan xanuc' ti'i'ma timetsaico'me ŁanDios te ts'ic' li'ejma'. Fa'a li'a łamats' i'huáqui tipa'a ŁanDios. Małque timujyoxi. Tołiya ihniya no'epá quixcay aimi'iya minesyacu: "Aicaltaic' cajunac'. Aicalsina' naitsi ŁanDios." Linca aimi'iya malahuelojnyacu ŁanDios. Lahuelojnyi lilanc'epa lopa'a li'a łamats'. Tołta'a limetsaicoyi ilque ma' anDios. Ma' ilque ticuxe, aimijouya licuxejma'.

²¹ Ilne lan xanuc' lijoupa li'ipa quilina' naitsi ŁanDios aiquilimetsaijma anDios, aiquilcuac'. Aiquil's'najtsi'i. I'ipa muf liłpicuejma', tihuejyi ituca' cataiqui', ile a'ij linca. ²² Ticuayi: "Ilanc' acueca' lałpicuejma'". A'ij linca ile lonespa. I'e'epołtsi camac'ta. ²³ Ipai'i'mołtsi liłpicuejma', ipo'no'me ŁanDios. Ilque ma' anDios, ilque ti'hua imaf'i, aimimaya. Ilne tilanc'eyi lilendiosla', ihna'a lo'onłcospola' to lił'as xanuc' pe nomayacola'. Jouc'a tilanc'eyi lilendiosla' lo'onłcospola' to lacał'hui naiyulpa lema'a, jouc'a lo'onłcospola' to linneja, jouc'a lo'onłcospola' to lainofat'i.

²⁴ Li'ipa tołta'a ŁanDios enajpoxi pe lomana' iłne lan xanuc'. Ipo'no'mola' quıttuca'. Ma tihuejle lojanajpa. Ti'ele nixpiya, tixhuicotsoltsi, tetets'itsoltsi. ²⁵ Iłne tıfel'mıyołtsi. Aimihuejyi ŁanDios, ma' iłque cal Nuli CanDios. Tihuejyi ocuenaye candiosla'. Texc'onłingolaiyi pe lilanc'empa, ticuayi: "Iłne linca alandiosla'". Aimihuejyi iłque Lilanc'epa jahuay. Ma' iłque laxc'onłingolai'me. Ocuena ailopa'a. Ni itsiya ni Locuena Quitine mi'ıya. Ma tołta'a ti'ıla'. Amén.

²⁶ Iłne ipo'nopá quıttuca' ŁanDios. Lıjou'ma iłque jouc'a enajpoxi, ipo'nopola' quıttuca', tenant'ıle liłxujc'a. Lacał'no' ipai'i'moltsi lił'ejma'. Aimi'eyi to joupa lixpıc'epa ŁanDios. ²⁷ Jouc'a lan xanuc' ipai'i'moltsi lił'ejma', aimixhuicocona'me lacał'no'. Juaiconapa ijanaj'moltsi, ixhuico'moltsi lił'as xanuc'. Pangay nixpiya i'e'me. Iłne linca timenaquila'. Lıjou'ma itel'mi'mola' al cuana. İxingufco'me te ts'i'ic' latełcoya petsi no'epá tołta'a.

²⁸ Iłne ixpic'epá timenc'ecole ŁanDios, toliya etelquemma liłpicuejma'. ŁanDios enajpoxi pe lomana' iłne lan xanuc'. Ipo'nopola' quıttuca', ti'ele lixcay, ti'ele nixpiya. ²⁹ Liłpicuejma' i'ıpa ma le'a a'ıjc'a. Tıxpıc'eyi ti'ele al xujc'a. Lan xanuc' tehueyi quilecał'no', jouc'a lacał'no' tehueyi quıłxanuc'. Aimentelcocola' lił'hueca, ti'hua tehueyi xonca. Tıxpıc'eyi ti'ele lixcay. Ti'ehualeyi laic'. Tıma'ahualeyi. Tıfulecoyi cataiqui'. Tıfelłaiqueyi. Tehueyi lo'e'eñyacola' lił'as xanuc', ti'entsola' quıxcay. Tıxahualeyi. ³⁰ Tıpalaicoyi quıxcay cataiqui' lił'as xanuc'. ŁanDios tetets'ıla' lo'epa iłna'a. Tıtalai'e'ecoyi quıxcay lił'as xanuc'. Ti'e'eyoltsi tsıla'. Tıpalaiyi atsıla' cataiqui'. Tehueyi te xonca co'eyacu, ti'ele quıxcay xonca. Aımicuec'eyi quıl'aılli', quıl'máma'. ³¹ Aıquıłsına' mıxhuicoyi liłpicuejma'. Aımenant'ıyi liłtaiqui' licupa. Aımi'nıjuaisyi liłpımaye. Aıııxınnıla' acuanuc'la. ³² Iłne iłsına' te ts'i'ic' al hıjca lixpıc'epa ŁanDios. Iłsına' iłque tecani'e'mola' iłniya no'epá tołta'a. Tama iłsına' aimıxpaic'eyi. Ma ti'hua ti'eyi nixpiya. Jouc'a tıxojma quıleta ja'ni locuenaye tihuej'me lixcay lo'epa.

2

¹ İma' conxans nomecani'epola' lof'as xanuc', linca ima' jouc'a tıpa'a lojunac'. Aımi'ıya mocuanajcoyacoıı. Ma macani'ela' locuenaye jouc'a ima' ma' anuli to'ay quıxcay. Tocua: "Łınca ŁanDios tıtel'mi'mola' iłne no'epá quıxcay", jıłpe topalaicoyoxi ima' cotuca'. ² Joupa aısına' ŁanDios aıljca tıtel'mi'mola' lan xanuc' no'epá iłta'a lixcay, tecani'e'mola'. ³ İma' tacani'ela' lof'as xanuc' ma mo'ay quıxcay. ¿Te cofcuapa? ¿Ja'ni tocua: "ŁanDios aımalteł'mıya"? ⁴ O ¿ja'ni tatets'i ŁanDios mıpalaic'ohuo'? İłque aimıxtuc'ohuo',

tixnet'iqui ñe lo'ejma'. ¿Te aicocueca ñe li'ejma' ÑanDios? Iñque ipic'a toxhuej'menni, aimo'econa'ma quixcay. Totiya aimix-tuc'ohuo'.

⁵ Linca, ima' aicocueca. Axna lopicuejma'. Aimox-huej'memma. Ma mi'hua tuyaf'que lof'epa quixcay, jouc'a tuyaf'que xonca lipoyac' ÑanDios. Ticuaitsi al Cuecaj Quitine toxim'ma acueca' lipoyac' ÑanDios. Imanc' no'epá quixcay toña'a toñsim'me. Iñque cal Cuecaj Juez ti'e'ma al ñjca. ⁶ Ma to li'epa lan xanuc' ma toña'a ti'i'ma ñe lapi'iyacola' ÑanDios. ⁷ Timana' ñniya nonespá: “Tilajñla' lañpicuejma', ti'ña' to lipicuejma' ÑanDios. Alimetsaicotsonga' to ñxanuc'. Lapenuft-songa', añmajntsa anuli pu'hua, aimañmaconnonga'.” Peci toña'a nonespá ti'eyi al c'a, aimixospola'. ÑanDios tepi'i'mola' al ts'e liñpitine, ñe aimijouya. ⁸ Ituca' lapenufyacu ñne naihuejpá quñtuca' lojanajpa, ñne aimihuejyi al Linca Cataiqui'. ÑanDios tixtuc'o'mola', tite'ñi'mola'. Acueca' lipoyac' ÑanDios tixim'me ñniya. ⁹ Jahuay ñniya no'epá lixcay titeñco'me acueca', acuecaj quixhuejma' tixinguf'me. Linca toña'a lo'enyacola' lan xanuc' judío jouc'a locuenaye xanuc'. ¹⁰ Peci no'epá al c'a, ÑanDios timetsaicotola' jounpa ñlajmpa liñpicuejma'. I'ipa to lipicuejma' ÑanDios. Timetsaicotola' ñxanuc'. Aimixhueñcoconayacu. Toña'a linca lo'iyacola' lan xanuc' judío jouc'a locuenaye xanuc'.

¹¹ ÑanDios tixinnila' anuli jahuay lan xanuc'. Ja'ni ajudío, ja'ni locuenaye xanuc' ÑanDios tixinnila' anuli. ¹² Timana' lan xanuc' ailopa'a quñje'e loya'apa locuxepa ÑanDios. ñne tama aiquñsina' te loya'apa ñe al je'e, ja'ni ti'eyi quixcay ÑanDios tecani'e'mola'. Pe ts'ñsina' ñe al je'e, ja'ni ti'eyi quixcay ÑanDios timi'mola': “¿Te aicolihuejcojma ñe linñiya loya'apa lañcuxe'epolhuo'?” ñniya jouc'a tecani'e'mola'. ¹³ ÑanDios aimepenufyacola' ñne peci ma le'a tiquimf'eyi Litaiqui' locuxepa. Tepenuf'mola' ñne no'epá locuxepa. ñne aimicuxecoyacola', tixim'mola' to lan c'a xanuc'. ¹⁴ Lan xanuc' pe a'ij judío, ñne peci ailopa'a quñje'e loya'apa locuxepa ÑanDios, ja'ni ti'eyi locuxepa ÑanDios timujyoñtsi jounpa ññsina' te ts'ñic' al c'a. ¹⁵ Timujyoñtsi ññsina' te ts'ñic' locuxepa ÑanDios, ññpe liñpicuejma' inñlingiya. Quñtuca' ticuxeco'moñtsi o ticuanajco'moñtsi. ñne quñtuca' ññsina' ja'ni a'ñc'a o ac'a lo'epa. ¹⁶ Itsiya lan xanuc' temiyi lixcay lo'epa. ÑanDios jounpa epi'ipa limane Jesucristo, ññque cal Juez. Ticuaitsi al Cuecaj Quitine ññque ti'huac'ina'ma jahuay, ti'huájta. Toña'a tuya'e' Lataiqui' loya'apa ñe al c'a lixpñc'epa ÑanDios, mañe lataiqui' lañmuc'iyalepa iya'.

¹⁷ Itsiya capalaic'o'mo' ima' lofcuapa: “Iya' ninjudío. ÑanDios lapenuf'ma. Iya' linca aixina' locuxepa ÑanDios. Iya' linca quñhuequi cal Linca CanDios.” ¹⁸ Tocua: “Aixina' lix-

pic'epa ÑanDios. Aixina' te ts'i'ic' al c'a xonca. Amuc'impa locuxepa ÑanDios, joupa cacuec'e. ¹⁹ Ma' iya' nipajnya caxal'mola' lan fohue, ñne pe aiquilsina'. Al'onlcospa to anuli lepalc'o', nipajnya culif'e'mola' ñniya petsi amuf liñpicuejma'. ²⁰ Nipajnya camuc'i'mola' lamac'ta xanuc'. Iya' ñinca nomxi. Nipajnya camuc'i'mola' la'úhuay. ÑanDios joupa lu'ipa te ts'i'ic' locuxepa. Toñta'a acueca' laipicuejma'. Ma' iya' aixina' al Ñinca Cataiqui'."

²¹ Ima' nofcuapa toñta'a, iya' quicuis'ehuo', camihuo': Ima' tomuc'ila' lof'as xanuc', ¿te ima tomuc'iyoxi cotuca? ¿Te taihuic'i jouc'a ñe lofmuc'iyalepa? Ima' toya'e', tocu: "Aimonantse'ma". Ima', ¿ja'ni tonantse? ²² Ima' tocuxeyale, tocu: "Aimoxhuico'ma ñipeno ocuena cal xans". ¿Ja'ni ima' toxhuijma ñipeno ocuena cal xans? Ima' taixtuc'ola' landiosla'. ¿Ja'ni taxic'e'ela' jñpe liñxoute'? ²³ Ima' tocu: "ÑanDios, ñinca alu'iponga' locuxepa illanc' ninc'ijudío". ¿Ja'ni ima' taihuequi locuxepa ÑanDios? O ¿tatets'i ÑanDios, aimaihuequi ñe Litaiqui'? ²⁴ Al Paxi Linñingiya tuya'e':

Imanc' unc'ijudío: Lan xanuc' petsi a'ij judío tixinnilhuo'
ixcay lonñ'epa,

toñta'a aimixpaic'eyi ñolanDios, tipalaicoyi quixcay.

²⁵ Ima' unjudío i'e'empo' circuncidar. Lopixic' itaic' liseña loya'apa ima' i'huexi ÑanDios. Ne', ja'ni ima' to'ay locuxe'epo' ÑanDios, ñe loseña tuya'e' al ñinca, ima' ma' i'huexi ÑanDios. Ja'ni aimo'ay locuxepa ÑanDios, ñque tixim'mo' ma' anuli to locuenaye xanuc', ñne petsi liñpoxic' aiquilñaic' quilñeña. ²⁶ Cal xans pe ailopa'a quiseña jñpe lipixic', ja'ni ñque no'epa al c'a to locuxepa ÑanDios, ¿te aimimetsaicoya? Ñinca, tama ailopa'a quiseña ÑanDios timetsaico'ma. ²⁷ Petsi aiquitaic' quiseña jñpe lipixic', ñque ñinca tulij'mo' ima'. Xonca ihuequi locuxepa ÑanDios. Ima' tixoqui meta otaic' loseña jñpe lopixic', ÑanDios joupa u'ipo' te ts'i'ic' locuxepa. Oxina' petsi linñiya, tijouñta' aimaihuejma. ñque pe aiquitaic' quiseña tocomma tecani'e'mo' ima'.

²⁸ Lan xanuc' ja'ni ma le'a i'huáquila' ajudío ñniya a'i quixanuc' ÑanDios. Jouc'a tama i'empola' circuncidar, ja'ni ma le'a jñpe liñpoxic' ññaic' quilñeña, ÑanDios aimimetsaicola'. ²⁹ Petsi añinca ixanuc' ÑanDios ñniya ññaic' liññeña ma jipu'hua ñilunxajma', ituca' liñ'ejma'. ñne a'i ma le'a tenant'ñiyi ñe lataiqui' loya'apa: "Toñ'e'etsoñsi circuncidar". A'i. Jahuay ñilunxajma' tihuejcoyi jahuay locuxepa ÑanDios. Lan xanuc' no'epá toñta'a, tama aimimetsaiconñila', ÑanDios timetsaicola'. ñniya añinca ixanuc' ÑanDios.

3

¹ Itsiya aga ałtalai'e'ma, ałmi'ma: “Ja'ni ŁanDios tepenufila' ilne lan xanuc' petsi aiquiltaic' quılseña jılpe lıłpicic', illanc' ninc'ıjudío ¿te quipenic' ilne lałseña? ¿Te xonca lapi'inga' ŁanDios?” ² Iya' camihuo': ŁanDios acueca' lapi'iponga' il-lanc' ninc'ıjudío, xonca acueca' lałpaxneponga'. Ate'a um-menc'ipola' litaiqui' lałtatahueló ti'ełe cuenna. ³ Linca hualca ihniya ipai'i'mołtsi lıłpicuejma', aiquilhuequi. ¿Te co'ıya? ¿Te ja'ni ŁanDios linespa: “İlne aiquilhuequi, iya' jouc'a capai'i'ma ilne laitaiqui' laicupa?” ⁴ A'i. Tołta'a aimi'ıya mi'ıya. Tama jahuay tipai'itsołtsi lıłpicuejma', tifellaiquele, ŁanDios a'i tołta'a li'ejma'. İlque aimipai'ıya litaiqui' licupa. Tołta'a loya'apa al Paxi Linıłingiya tuya'e':

Tixinintso' ma ac'a lofcuapa.

Lan xanuc' nonespá: “A'ij lıjca lo'epa ŁanDios”, tomuc'i'mola' ihniya a'ij lıjca lo'epa, tolij'mola'.

⁵ O, ¿te ałmi'ma: “İllanc' ma mał'eyi al xujc'a, ja'ni tołta'a xonca i'húaqui ac'a li'ejma' ŁanDios, ¿te calixtuc'ocoyaconga' ilque? ¿Te caltel'micoyaconga'? A'ıjc'a lipicuejma' ŁanDios. Aimi'ay al lıjca”?

(Laifnespa tołta'a capalay ma to anuli naihuejpa quituca' lipicuejma'.) ⁶ A'i. Tołta'a aimi'ıya małnesyacu. Ja'ni coła' a'ij lıjca lo'epa ŁanDios coła' aimi'ıya mu'ıyacola' lan xanuc' ja'ni ac'a o a'ıjc'a lo'epa ihniya. Coła' aimi'ıya miteł'miyacola'.

⁷ O ima' tocua: “Iya' laifellaiqueya ti'ay canic'. Ma cafellaique tixim'me a'ij tołta'a lipicuejma' ŁanDios. Tixim'me ituca' ilque lipicuejma'. İlque aimifellaique, tinesqui ma' al linca. Tijouła', ¿te co'ıcopa aımetenłma ilne laif'epa quıxcay? ¿Te calacani'ecoya?” ⁸ Ja'ni tołta'a lałnespa najmay jouc'a ałnesle: “Ał'ełe nıxpiya, tołta'a tipammaıspa al c'a”. Linca hualca ałnesconga' ticuayi: “Pablo y lıejmale tole tole lonespa”. A'i tołta'a lałcuapa. Pe lałnescoponga' tołta'a ilne quıltauca' tecani'eyołtsi.

⁹ Itsiya, ¿te co'ıya? ¿Te illanc' ninc'ıjudío ŁanDios xonca limetsaiconga' to ninc'ic'a xanuc'? A'i. Joupa ałcuapá: Ja'ni ninc'ıjudío, ja'ni a'ij judío, jahuay ma' anuli ał'epá quıxcay. Aimi'ıya malunł'eyacołtsi. ¹⁰ Tołta'a ticua al Paxi Linıłingiya loya'apa:

¿Te tipa'a anuli cal xans ałıjca lipicuejma'?

A'i, ailopa'a ni' anuli.

¹¹ Ma' anuli aimicuec'eyi, ma' anuli aimehueyi ŁanDios.

¹² Jahuay enajpołtsi, aimihuejyi ŁanDios, ma' anuli ejac'pola'.

Ma' anuli ailopa'a cal c'a quıpicuejma'.

¹³ Lıłco ti'onłcospa to lıłpu'hua camızhua lexiya, jılpe tipamma ma le'a al xujc'a.

Tołta'a liłtaiqui' lopalaipa iłniya.

Liłpał tinescoyi lixcay lił'as xanuc', tifełłaiqueyi.

Małpe liłco tocomma to emiya lipummaya łainofał.

¹⁴ Juaiconapa cumla liłtaiqui' lopalaipa, ticuajyi lił'as xanuc', tecanitsola'.

¹⁵ Aimixnet'iyi, tixtuc'oyi lił'as xanuc', ilpic'a tima'ahualełe.

¹⁶ Ni petsi lotseyacu titeł'miyi lił'as xanuc',

tipo'noyi cuanuc'la, ti'onłcospola' to lecaniya.

¹⁷ Iłne ma le'a tixtuleyi, tifulleyi, aiqiułsina' ocuena cane, iłe al c'a.

¹⁸ Aimixpaic'eyi ŁanDios ni tołta'a.

¹⁹ Tołta'a loya'apa litaiqui' ŁanDios inihingiya al je'e pe linihiya locuxepa ŁanDios. Joupa ałsina' naitsi iłne lopalaicopola' ŁanDios, jilpe al je'e. Tipalaicola' ma iłniya pe lepi'ipola' iłta'a quilje'e. (Cacua: İllanc' ninc'ijudío ałpalaiconga'.)

Ailopa'a notalai'e'eya ŁanDios. Aimi'iyi micuanajcoyacołtsi, ni' anuli. Aimi'iyi małcuanajcoyacołtsi illanc' ninc'ijudío, jouc'a aimi'iyi micuanajcoyacołtsi imanc' unc'ocuenaye xanuc'. Jahuay nałmana' jifa'a li'a łamats' tipa'a lałjunac'. ²⁰ Aimi'iyi małnesyacu: "Nenant'lipa locuxepa ŁanDios. İłque ałsim'ma ninc'a xans, lapenuf'ma." A'i. Ailopa'a nonesya tołta'a. İle lataiqui' loya'apa locuxepa ŁanDios ałmuc'inga' te ts'i'ic' al c'a lał'eyacu. Limetsaicole tołta'a te ts'i'ic' lał'epa, iłe aimi'onłspa to loya'apa locuxepa ŁanDios.

²¹ İtsiya, ja'ni aimi'iyi malanant'hiyacu locuxepa ŁanDios, łte co'iya? Ja'ni lapenuftsonga' ŁanDios to ailopa'a całjunac', łte cał'eyacu? İle lał'eyacu joupa uya'apa lataiqui' loya'apa locuxepa ŁanDios. Jouc'a uya'a'me lam profeta. İtsiya ŁanDios joupa imujpa xonca al cuajmaica cataiqui'. ²² Petsi no'huaiyijmpá Jesucristo iłniya liximpola' ŁanDios to ailopa'a quiljunac', tepenufila' jahuay iłniya. Ja'ni ajudío, ja'ni a'ij judío, ma' anuli ticuicomma ti'huaiyijnle Jesucristo. ²³ Jahuay ał'epá quixcay. Ailopa'a cal xans le'a ac'a lipicuejma'. Lałpicuejma' aimi'onłspa to lipicuejma' ŁanDios, ilque pangay ac'a lipicuejma'. Jahuay illanc' lahue'enga'. Totiya cacua: Ticuicomma jahuay ma' anuli ał'huaiyijnle Jesucristo.

²⁴ İllanc' całtuca' ailopa'a cał'eyacu. Aimi'iyi malunł'eyacołtsi, cola' lacani'e'monga' ŁanDios. Małque ŁanDios acueca' ałtoc'iponga' jahuay illanc' nał'huaiyijmpá Jesucristo. Lapenufponga' to ailopa'a całjunac', lunł'eponga'.

²⁵ İłque Jesucristo ma ŁanDios ummepa li'a łamats' titsufcoxoxi. İxcuajaipa lijuats' tipac'eł'a' lipoyac' ŁanDios. Tołta'a iłne no'huaiyijnnyacu Jesucristo ŁanDios tixim'mola liłejmale. İle litine lixcuajaipa Cristo lijuats' ŁanDios imuj'ma titeł'mi'mola' no'epá al xujc'a. Luyaipa quitine ŁanDios ixnet'ı'mola' lan

xanuc' no'epá lixcay. Jilpe lancruz i'epa al hijca, ilic'mipa lajunac'. Jahuay lijunac' lan xanuc' i'najtsepa Cristo. ²⁶ Iya' cacua: Ihe li'ipa jilpe lancruz almuc'inga' ahijca lo'epa LanDios. Iheque imuj'moxi to cal Juez nanaic'mipola' no'epá lixcay. Jouc'a imuj'moxi tepenuf'mola' jahuay no'huaiyijmpá Jesucristo. Tepenufila' to ailopa'a quiñjunac'. Cristo joupá i'najtsepa.

²⁷ Itsiya, ¿te co'iya? ¿Te ja'ni xonca alsinyoñtsi ninc'ic'a xanuc'? A'i. Aimi'iya. ¿Te ja'ni ate'a al'epá al c'a, lijou'ma LanDios lapenufponga'? A'i. Ma le'a al'huaiyijmpá Jesucristo, toñta'a lapenufinga' LanDios. ²⁸ Itsiya alsina' te ts'i'ic' lo'epa LanDios. Iheque aimepenufyacola' lan xanuc' pe nanant'lipá locuxepa. Lan xanuc' aimi'iya menant'hiyacu. Tepenuf'mola' petsi no'huaiyijmpá Jesucristo.

²⁹ O ¿ja'ni LanDios ma le'a ilenDios lan judío? Ihe ilsina' te ts'i'ic' locuxepa. ¿Ja'ni a'i quilenDios locuenaye lan xanuc'? Ihe aiquisina' te ts'i'ic' ihe lataiqui'. Añinca, LanDios ilenDios locuenaye xanuc' jouc'a. ³⁰ Tipa'a ma le'a anuli LanDios. Lan judío, ihe itaic' liñseña jilpe liñpoxic', ja'ni ti'huaiyijnle Jesucristo, LanDios tepenuf'mola'. Ma' anuli locuenaye lan xanuc' pe ailopa'a quiñseña, ihe ja'ni ti'huaiyijnle Jesucristo, LanDios tepenuf'mola' jouc'a. ³¹ Lañcuapa toñta'a, ¿ja'ni latets'iyi locuxepa LanDios? A'i. Aimi'iya malatets'iyacu ihe lataiqui'. Ihe itaiqui' LanDios. Illanc' mañhuaiyijnyi Jesucristo xonca alimetsaicoyi ac'a locuxepa LanDios, xonca lanant'hiyi.

4

¹⁻³ ¿Te qui'ipa lañtatahuelo Abraham? ¿Te quicuec'epa? ¿Te iñque quituca' i'epa al c'a, lijou'ma LanDios epenufpa to ailopa'a quiñjunac'? Ja'ni coñta' toñta'a li'ipa Abraham, iñque tines'ma: “Iya' joupá ai'epa al c'a, toñiya lapenuf'ma LanDios, alsim'ma to ailopa'a caiñjunac’”. LanDios ixina' Abraham aimi'iya minescoyacoxi toñta'a. Al Paxi Linilñngiya ¿te aga tuya'e': “LanDios iximpa ac'a li'epa Abraham, toñiya epenuf'ma to ailopa'a quiñjunac’”? A'i. Aimuya'e' toñta'a. Ma tuya'e': “Abraham i'huaiyijmpa LanDios, toñta'a LanDios iximpa to ailopa'a quiñjunac', epenuf'ma”.

⁴ Cal xans no'epa canic' tulij'ma lo'najtse'enyacu. Ja'ni ailopa'a qui'epa aiñquitaiyinc'enni. Ja'ni iñpic'a titoc'ihe, ti'najtse'ente, ti'najtse'e'me. Ja'ni a'i ailopa'a tintsi. ⁵ Toñta'a lo'iya cal xans nocuapa: “Tama ca'eñta' acueca' canic' aimi'iya canant'hiya locuxepa LanDios. ¿Te caif'eya? Le'a ca'huaiyijm'ma LanDios.” Lan xanuc' nocuapá toñta'a, ihe no'huaiyijmpá, LanDios titoc'ila', tepenufila' to ailopa'a quiñjunac'.

⁶ Ma tołta'a lonespa cal rey David mipalaijma al c'a loy-
aicopa cal xans petsi ŁanDios titoc'i, tepenufi to ailopa'a qui-
junac'. ⁷ Ticua:

Tuyalaicoyi al c'a iłne petsi ŁanDios iłonc'e'epola' liłjunac',
petsi letamu'epola' li'epa lixcay.

⁸ Ac'a loyaicopa cal xans petsi ŁanDios aimicuxecoya, aim-
imiya: “Tołe, tołe lixcay lo'epa”.

⁹ Ninc'ixanuc' judío, illanc' ałtaic' lałseña jilpe lałpixic',
¿te ja'ni ma le'a illanc' tołta'a luyalaicoyi al c'a? ¿Te
aimi'iya muyalaicoyacu al c'a locuenaye xanuc' jouc'a?
Toł'nujuaisle te ts'i'ic' li'ipa Abraham. Joupa ałnespá: “Abra-
ham i'huaiyijmpa ŁanDios, tołta'a ŁanDios iximpa to ailopa'a
quijunac', epenuf'ma”. ¹⁰ Litine ŁanDios lepenufpa Abra-
ham, ¿te ts'i'ic' iłque? ¿Ja'ni itaic' liseña jilpe lipixic'? O,
¿aiquitaic'? Litine ŁanDios lepenufpa Abraham iłque aiQui-
taic' liseña. Aiquetec'enni lipixic'. ¹¹ Ate'a i'huaiyijmpa
ŁanDios, lijou'ma ŁanDios icuxe'e'ma, timi: “To'exoxi circun-
cidar”. Iłque letec'e'em'me lipixic' imuj'moxi ti'huaiyinge
ŁanDios. Iłque joupa epenufpa Abraham to ailopa'a qui-
junac'. Tołta'a ŁanDios imetsaico'ma Abraham to ił'ailli' lan
xanuc' no'huaiyijmpá, tama aiQuiltaic' quilseña jilpe liłpixic'.
Ja'ni ti'huaiyijnyi to li'huaiyijmpa Abraham, ŁanDios timet-
saicoyi inaxque' Abraham, tepenufla' to ailopa'a quiljunac'.
¹² Jouc'a iłniya lo'empola' circuncidar ti'i'ma ti'itsola' in-
axque' Abraham. Iłque ai'a ti'e'moxi circuncidar i'huaiyijmpa
ŁanDios. Ja'ni ti'huaiyijnyi ma ŁanDios, ja'ni a'i mi'huaiyijm'me
li'epołtsi circuncidar, iłniya jouc'a inaxque' lałtatahuelo Abra-
ham.

¹³ ¿Te ja'ni ŁanDios joupa iximpa Abraham lenant'łipa
locuxe'epa? ¿Te tołiya limipa te ts'i'ic' loyalaicoyacu iłniya,
iłque y lixanuc'? A'i. Abraham le'a i'huaiyijmpa ŁanDios,
i'epa linca limipa. Tołta'a ŁanDios epenuf'ma to ailopa'a qui-
junac', u'ipa: “Ima' ti'i'mo' to quil'ailli' iłne nocuxeyaley-
acu fa'a li'a łamats'. Tołta'a tonł'e'me imanc', ima' y lox-
anuc'.” ¹⁴ ¿Naiłtsi iłne nocuxeyaleyacu jifa'a li'a łamats'? ¿Te
ja'ni ŁanDios tipalaicola' naihuejpa lataiqui' loya'apa locux-
epa? A'i. Ja'ni ŁanDios tipalaicola' iłniya, Abraham coła'
ailopa'a colijya tama i'huaiyijmpa ŁanDios. Litaiqui' ŁanDios
lepi'łpa Abraham coła' aimentant'łiya, coła' iłiya infel'miyale
lataiqui'. ¹⁵ Linca aimi'iya małnesyacu: “Lanant'łi'me locuxepa
ŁanDios. Tołta'a lapi'i'monga' ma to limipa Abraham.” Ja'ni
tołta'a lałnesyacu ailopa'a calapi'iyaconga'. Litaiqui' locuxepa
ŁanDios ałmuc'inga' a'ijc'a lał'epa, tipa'a lałjunac'. Ja'ni ailopa'a
iłe Lataiqui' ŁanDios aimi'iya małcuxecoyaconga'.

16 Cacua: ÆanDios icupa cataiqui' tipaxne'mola' iħne no'huaiyijmpá. Ai quicuac': "Iħniya i'epá al c'a ca'najtse'e'mola'". Ma ticua: "Iħniya aħ'huaiyijmpa, catoc'i'mola'". Toħta'a jahuay lixanuc' Abraham ti'i'ma tepenuf'me iħe lopaxneyacola'. Ai ma le'a iħne petsi lepi'ipola' lataiqui' loya'apa te ts'i'ic' licuxepa ÆanDios, jouc'a tepenuf'me locuenaye xanuc' ja'ni ti'huaiyijnyi ÆanDios to li'huaiyijmpa Abraham. Maħque Abraham aħ'ailli' jahuay illanc' naħ'huaiyijmpá ÆanDios. 17 Toħta'a loya'apa al Paxi Linihingiya, tuya'e':

Ima', axpela' lan xanuc' timetsaico'mo' iħ'ailli', iħ'ahuelo; iħne ituca' ituca' liħnación.

Iħe litine tama quituca' Abraham, ailopa'a qui'hua, ÆanDios liximpa iħ'ailli' axpela' lan xanuc'. Linca ÆanDios ti'i'ma timaf'i'ina'mola' limanapola'. Iħque tipalaicola' lan xanuc' ai'a timajnlita, tinescola' to jipu'hua timana'. Ma toħta'a li'ejma' ÆanDios li'huaiyijmpa Abraham. 18 Litine ÆanDios lipvalaic'opa, Abraham tixinyoxi aimi'ya muyaicoya to limipa ÆanDios. Tama toħta'a lixina' ma' i'huaiyijmpa ÆanDios, ticua: "Ma ca'huaico'ma. ÆanDios nipajnya ti'e'ma to laħmipa." Toħta'a li'ipa. Ixpe'mola' lixanuc' Abraham, ma to limipa ÆanDios. I'ipola' axpela' lixanuc' Abraham, ituca' ituca' liħnación; iħque iħ'ailli'.

19 Abraham imetsaicoyoxi te ts'i'ic'. Iħque joupá ixhuaita to amaxnu ĩemats'. Ti'onħcospa to cal xans joupá imapa. Jouc'a imetsaijma Sara te ts'i'ic'. Iħque ĩipeno ijuiqui caca'no'. Tama ixina' jahuay iħta'a Abraham ti'hua ti'huaiyinge ÆanDios. 20 Aiquinesqui: "Aga a'ij linca ÆanDios laħmipa. Aica'huaiyijnconaya." Xonca ti'huaiyinge ÆanDios. Imetsaicopa acueca'. 21 Ixina' aħinca ÆanDios nipajnya ti'e'ma to limipa. Toħta'a ti'hua ti'huaiyinge. 22 ÆanDios liximpa li'huaiyijmpa epenuf'ma to ailopa'a quijunac'.

23 Iħe lataiqui': "ÆanDios epenuf'ma to ailopa'a quijunac'", tipalaicola' axpela', a'i ma le'a Abraham. 24 Aħpalaiconga' jouc'a illanc' naħ'huaiyijmpá ÆanDios. Illanc' aħcuayi: "Aħinca ÆanDios imaf'i'inapa laħPoujna Jesús, ipa'anapa pe lomana' lamizhua". Ja'ni toħta'a aħ'huaiyijnyi ÆanDios, iħque lapenufinga' jouc'a. Aħsinninga' to ailopa'a caħjunac'.

25 Illanc' ĩinca aicaħ'aic' locuxepa ÆanDios. ÆanDios icupa laħPoujna Jesús tima'anħe, ti'najtse'ma laħjunac'. Jesús lijoupa li'najtsepa, imapa, ÆanDios imaf'i'inapa. Toħiya ÆanDios ti'i'ma lapenuf'monga' illanc', lapenuf'monga' to ailopa'a caħjunac'.

5

1 Itsiya aħ'huaiyijnyi Jesucristo, iħque laħPoujna. Toħta'a ÆanDios lapenufinga' to ailopa'a caħjunac', aimalixtuc'oconayaconga'.

² Ma' iłque Jesús i'najtsepa lałjunac'. Tołiya ŁanDios ałtoc'inga', lapenufinga', aimalacani'eyaconga'. Tixoqui calata ałcuayi: "Ałłaitsufcotonga' jipu'hua, ałpai'itonga', ał'itonga' pangay c'a lałpicuejma', ma to ŁanDios lipicuejma'".

³ A'i ma le'a tixoqui calata ał'huaicoyi ałłaitsufcotonga' jipu'hua, ma małmana' fa'a li'a łamats' ja'ni ałtełcoyi ałs'najtsi'iyi ŁanDios, ałcuayi: "Ac'a luyalaicoyi". Ałsinyi ma małtełcoyi lihuic'i'me ałsnet'ł'me. ⁴ Ja'ni ałsnet'ł'yi tetenłcocojma ŁanDios iłe lał'ejma'. Ja'ni ałsina' joupā etenłcocopa ŁanDios iłe lał'ejma' xonca ał'huaiyijm'me ŁanDios, ałcuā'me: "Łınca ałłaitsufcotonga' jipu'hua". ⁵ Ałınca ti'i'ma ał'huaiyijm'me tołta'a. ŁanDios aimāfel'miyaconga', ałłaitsufcotonga'. Iłque joupā ałmuc'iponga' ał'enga' capic'a. Tołta'a lu'inga' jilpe łalunxajma' cal Espiritu Santo łalapi'iponga' ŁanDios.

⁶ Illanc' aicalihuejma ŁanDios. Litine lixpicepa ŁanDios tima'anłe Cristo, ti'najtselā' iłe lałjunac', ma tołta'a li'ipa. Cristo aical'huaiconga' malunł'eyacołtsi illanc' całtuca'. Iłque ixina' aimi'iya malunł'eyacołtsi. ⁷ Ja'ni lunł'e'me anuli łaf'as xans, iłque ałjca lipicuejma', łte ałcu'me lałpitine lunł'ełe iłquiya? Łınca tama juaiconapa ac'a lipicuejma' łaf'as xans, afule małcuyacu lałpitine. ⁸ ŁanDios ituca' li'ejma', aimā'onłiyaconga' to illanc'. Illanc' ma mał'eyi quixcay Cristo icupoxi tima'anłe, i'najtsepa lałjunac'. Tołta'a ŁanDios ałmuc'inga' ałınca ał'enga' capic'a. ⁹ Jilpe lancruz, lixcuajaiyopa lijuats' Cristo i'najtsepa lałjunac'. Tołta'a ŁanDios lapenufinga' to ailopa'a całjunac'. Tijoułā', łte co'iya? łTe lapi'icona'monga' lałjunac' anuli locuenaye no'epā quixcay, iłne petsi aimi'huaiyijnyi Jesucristo? A'i. Lunł'e'monga' nulemma. ¹⁰ Illanc' ałfuli'ipā ŁanDios, iłque jouc'a ałfuli'iponga'. Mi'i tołta'a li'Hua icupoxi tima'anłe, ał'etsonga' ałejmalełe ŁanDios. Itsiya ma tołta'a i'ipa, illanc' ałejmale ŁanDios. Tijoułā', łte co'iya? łTe aimalunł'eyaconga'? Cristo joupā imaf'inapa, joupā lapi'iponga' al ts'e lałpitine, łınca lunł'e'monga'. ¹¹ A'i ma le'a ał'huaicoyi Locuenaj Quitine lunł'etsonga'. Ma' itsiya tixoqui calata ał'huaiyijnyi ŁanDios. ŁałPoujna Jesucristo joupā ipac'epa lipoyac', ma' itsiya ałejmale anuli.

¹² Al xujc'a lopa'a li'a łamats' icuai'e'ma fa'a anuli cal xans. Icuaitsi al xujc'a ipango'ma i'i'ma lamaya. Jahuay lan xanuc' i'e'me al xujc'a, tołta'a jahuay tixinyi lamaya. ¹³ Łınca, iłniya łitiné ŁanDios tama iximpola' lixcay lo'epa lan xanuc' aimicuxecola'. Aimi'iya. Iłniya łitiné aicu'ila' litaiqui' locuxe'epola' lo'eyacu. Tołta'a aimi'iya micuxecoyacola' petsi aimentant'ł'iyi. ¹⁴ Łitiné ai'a tepenuf'ma Moisés litaiqui' locuxepa ŁanDios, jahuay iłne łitiné ti'hua lamaya. Ti'hua limane titel'mi'mola' lan xanuc'. Tołta'a li'ipola', tama lixcay li'epa a'ij nuli to

li'epa Adán, itque aiquihuejma lixc'ai'ipa LanDios. Li'epa Adán acueca' li'e'epola' lan xanuc'. Toŧta'a itque Adán ti'onŧcospa to ŧocuena cal xans ŧocuaicoya. Itque acueca' al c'a lo'e'eyacola'.

¹⁵ Linca, tama acueca' a'ijc'a li'epa Adán aimi'iya mi'onŧiyacu ite laŧpaxneponga' LanDios. Li'ipa, anuli cal xans, itque Adán, aiquihuejma LanDios. Toŧta'a acueca' li'ipola' lan xanuc'. Axpela' timanala'. Lijou'ma xonca acueca' ite al c'a li'epa LanDios. Itque ixpic'epa tipaxnetsola' lanxpela'. Ma' anuli lixp'ic'epa Jesucristo. Toŧta'a itque altoci'iponga' ninc'xpela'.

¹⁶ Iya' cacua: Laŧpaxneponga' LanDios tipammaispa al c'a juaiconapa. Lixcay li'epa Adán ipammaitsi jouc'a, ite a'ijc'a. Toŧta'a aimi'onŧspola'. Adán anulemma aiquihuejma LanDios. Lijou'ma LanDios imetsaico'ma a'ijc'a li'epa Adán, ecani'epa, jouc'a ecani'epola' jahuay lan xanuc'. Illanc' axpe' aicalihuejma LanDios, itque aicalacani'enga', lapenufinga' to ailopa'a caljunac'. ¹⁷ Li'ipa, anuli cal xans i'epa lixcay, lijou'ma epi'impa quimane lamaya, i'huajco'mola' jahuay. Itsiya acueca' juaiconapa altoc'iponga' LanDios, a'eponga' al cueca' al c'a, lapenufponga'. Tijouŧa', ¿te cal'iyaconga'? ¿Te ja'ni lamaya lulij'monga' jouc'a? A'i. Aimalulijyaconga' lamaya. ŧocuena cal xans, itque Jesucristo, joupa lapi'iponga' al ts'e laŧpitine.

¹⁸ Anulemma ne'a Adán aiquihuejma lixc'ai'ipa LanDios, lijou'ma lan xanuc', jahuay itniya, ecanipola'. ŧocuena cal xans ixhuai'nipa nulemma locuxepa LanDios, toŧta'a jahuay nipajnya tepi'im'mola' al ts'e liŧpitine. LanDios nipajnya tepenuf'mola' to ailopa'a quiljunac'. ¹⁹ Anuli cal xans aiquihuejma lataiqui' lixc'ai'ipa LanDios, lijou'ma i'ipa ixcay liŧpicuejma' axpela' lan xanuc'. ŧocuena cal xans ihuejcopa jahuay licuxe'epa LanDios, toŧiya axpela' ti'i'mola' ac'a xanuc'.

²⁰ Ma mi'eyi lixcay lan xanuc' LanDios u'ipa Moisés te ts'i'ic' litaiqui' locuxepa. Toŧta'a ti'eŧe xonca al cueca', xonca ti-huejle lixcay. Lijou'ma petsi lan xanuc' xonca aimihuejcoyi, xonca itoc'i'mola' LanDios, xonca acueca' al c'a li'epola' itque.

²¹ Toŧiya tama lixcay ti'hua tuliquila' lan xanuc', timala' joupa ecanipola', xonca acueca' altoc'inga' LanDios. Jesucristo, itque pangay ac'a li'epa, pangay ac'a lipicuejma', lapi'inga' laŧpitine aimijouya. Toŧta'a aimalulijyaconga' nulemma lamaya.

6

¹ Itsiya, ¿te calnesyacu? ¿Te aga alnes'me: “LanDios altoc'iponga', joupa lapenufponga'. Najmay ti'hua aŧ'eŧe lixcay. Toŧta'a ti'hua altoc'iconatsonga', ti'ila' xonca acueca' laŧtoc'iyaconga'”? ² A'i. Toŧe aimi'iya maŧnesyacu. Li'ipa, ma maŧ'eyi lixcay, ¿te lulijyi laŧpitine o a'i? Laŧepa lixcay ma lacani'eponga'. ¿Ja'ni ma' anuli aŧ'econa'me? A'i. Aimi'iya.

³ Illanc' naŋ'huaiyijmpá, ja'ni joupá lapo'imponga' joupá aŋ'epoŋtsi anuli Cristo, iŋque himayopa jilpe lancruz. O ¿ja'ni aicoŋsina' te ts'i'ic' iŋe li'ipolhuo'? ⁴ Limapa Cristo emumpa. Jilpiya laja' tocomma lamumponga' jouc'a, aŋmaponga'. Iŋe laŋ'iponga' ti'onŋcospa to li'ipa Cristo. Iŋque lijoupa limapa imaf'i'inapa qui'Ailli', iŋque cal Cuecaj CanDios. Illanc' jouc'a lapi'iponga' al ts'e laŋpitine, ti'ila' ituca' laŋ'ejma'.

⁵ Ja'ni aŋinca aŋmaponga' anuli Cristo, anuli mipa'a laŋpitine. Cristo aimijouya lipitine. Illanc' laŋpitine jouc'a aimijouya, iŋe al ts'e laŋpitine lalapi'iponga' LanDios. ⁶ Joupá aŋsina' te ts'i'ic' laŋ'iponga'. Li'ipa, lihuejyi caŋtuca' laŋpicuejma'. Ma to maŋmana' iŋniya hitiné, maŋtaiyi laŋjunac', lapalŋs'ingimponga' anuli Cristo jilpe lancruz. Toŋta'a aimi'iya maŋcuxeconyaconga', aimamaŋnayaconga': "Toŋe, toŋe lo'epa lixcay, tecani'em'mo". ⁷ Anuli himanapa aimicufquinyacu li'epa lixcay. Aimi'iya.

⁸ Ja'ni aŋcuayi: "Ne', aŋmaponga' anuli Cristo", jouc'a aŋnes'me: "Linca aŋmaf'i'inaponga' anuli Cristo". Cristo joupá imaf'inapa, aimimaconaya. Illanc' jouc'a tipa'a al ts'e laŋpitine, iŋe aimijouya. Lamaya ailopa'a caŋ'e'econayaconga'. ⁹ Cristo lijoupa limapa, imaf'inapa, ipayonamma pe lomana' lamizhua. Aimimaconaya. Lamaya aimulijya. Ailopa'a co'e'econaya. Toŋta'a aŋsina'. ¹⁰ Cristo limapa jilpe lancruz aŋ'najcufponga' laŋjunac'. Toŋta'a LanDios ecani'epa. Aimi'e'econaya toŋta'a. Itsiya ma' imaf'i'. Maŋque LanDios imaf'i'ina'ma. ¹¹ Imanc' jouc'a tolimetsaicotsoŋtsi to joupá ima'ampolhuo' ma' anuli Cristo. Iŋe loŋ'epa lixcay ecani'epolhuo'. Jouc'a tolimetsaicotsoŋtsi oŋmaf'i' ma' anuli Jesucristo. Toŋ'nujuaisle lepi'ipolhuo' al ts'e loŋpitine LanDios.

¹² Itsiya loŋcuerpo aimicuxecona'molhuo'. Iŋe linca tijanaca tixa'huelhuo' toŋ'eŋe nixpiya. Toŋ'nujuaisle, iŋe loŋcuerpo aimijucuya, ti'hua tijaf'quinghua. ¹³ Toŋ'etsotsoŋtsi cuenna. Aimolapi'i'me lane loŋmane', loŋ'mitsi', loŋ'u', jahuay lopa'a loŋcuerpo, aimi'e'me nixpiya. Toŋnesle: "Lai'epa lixcay joupá lacani'epa. LanDios aŋmaf'i'inapa. Itsiya cacu'moxi LanDios, cami'ma: Mandios, ma' ima' aŋcuxe'ma. Iŋe laimane', lai'mitsi', lai'u', jahuay laicuerpo, toxhuico'ma ima'. Toŋta'a canant'hi'ma lotaiqui' locuxepa." ¹⁴ Iya' camilhuo': Aimulijyacolhuo' lixcay. Litaiqui' locuxepa LanDios aimi'iya micuxecoyacolhuo'. LanDios joupá itoc'ipolhuo', joupá epenuŋfpolhuo'.

¹⁵ Itsiya, ¿te co'iya? Illanc' joupá aŋsina' aimi'iya malanant'hiyacu locuxepa LanDios. Aŋsina' aimi'iya malunŋu'eyacoŋtsi illanc' caŋtuca'. Tijouŋa', ¿te caŋnescoyacu? ¿Ja'ni aŋnes'me: "Ma LanDios aŋtoc'ipa, iŋque lunŋu'e'ma. Itsiya ailopa'a tintsi. Ca'e'ma nixpiya"? A'i. Aimi'iya maŋnesyacu toŋta'a. ¹⁶ Jifa'a li'a ŋamats' ja'ni tolahueŋe coŋpoujna, ¿te aicoŋsina'?

lo'iyacolhuo'? Tijoula' ti'ila' ołpoujna itque ticuxe'molhuo'. Imanc' tolihuejco'me to quimozó. Ja'ni lixcay ołpoujna tolihuej'me locuxe'epolhuo', tijoula' tecani'em'molhuo'. Ja'ni LanDios ołpoujna, tolihuej'me itque. Itque tilanc'e'e'molhuo' lołpicuejma', tepenuf'molhuo'.

¹⁷ Li'ipa, imanc' tolihuejyi lixcay. Cax'najtsi'i LanDios joupa ołpai'ipołtsi lołpicuejma'. Joupa olapenufpá Lataiqui' limuc'impolhuo', jahuay łolunxajma' tolihuejyi. ¹⁸ Itsiya joupa i'ipa ocuena łolPoujna. Lixcay aimi'iya micuxeconayacolhuo'. Itsiya al lixca cataiqui' ticuxelhuo'. ¹⁹ Iya' mane ca'onłicojma cataiqui'. Aixina' ja'ni ti'ila' xonca ipime cataiqui' imanc' aimi'iya mołhuałyacu. Camilhuo': Luyaipa quitine ołcu'mołtsi. I'ipa ołpoujna lixcay, aimolihuejyi locuxepa LanDios, nixpiya tonł'eyi. Itsiya aimoł'econa'me ile li'ipa loł'epa. Itsiya tołcutsołtsi. Tołmife LanDios: "Fa'a tipa'a laicuerpo jahuay li'huexi. Mane ca'e'ma al c'a. Ałcuxela' al lixca cataiqui', quihuejco'ma."

²⁰ Li'ipa, imanc' tołcuayi: "Illanc' lihuejcoyi caltuca' lałpicuejma'". Iłniya łitine łinca tonł'eyi nixpiya. Aimonł'eyi al c'a to locuxepa LanDios. Iłe litaiqui' LanDios tocomma to aimicuxelhuo' imanc'. ²¹ Itsiya tołsinyi alaic'ata ile lonł'epa. Iłe lixcay lonł'epa, ¿ja'ni i'e'epolhuo' al c'a? A'i. Iłne petsi no'epá tołta'a ma le'a tecani'eyołtsi.

²² Camiconam'olhuo': Itsiya joupa i'ipa ocuena łolPoujna. Aimolihuejcoyi lixcay. Itsiya ma LanDios ołPoujna. Ti'hua ti'i'molhuo' pangay c'a lołpicuejma'. LanDios tilaitsufcotolhuo' jilpiya aimijouya lołpitine. ²³ Linca lixcay ti'najtsela' ts'ilihuequi. Pesti naihuejpa tecani'em'mola'. A'i tołta'a lalulijyaconga' ja'ni LanDios ałPoujna. Itque ma' ałtoc'inga' illanc' nał'huaijympá Jesucristo lałPoujna. Lapi'inga' al ts'e lałpitine, iłe litine aimijouya.

7

¹ Cunc'aipimaye, lataiqui' loya'apa locuxepa LanDios aimi'iya małcuxecoyaconga'. Imanc' joupa ołsina' te ts'i'ic' lał'iponga' ninc'ixanuc' ma małmana' fa'a li'a łamats'. Ma całmaf'i' tipa'a lataiqui' lałcuxeponga'. Ja'ni joupa ałmanaponga' ile lataiqui' aimi'iya małcuxecoyaconga'. ² Tołta'a lo'ipola' lacał'no' iłniya namallipá. Ma quimaf'i' łipe'ailli' łaca'no' aimi'iya mihuejya ocuenaj xans. Ja'ni timanla' cal xans, tuhualquenko łaca'no'. ³ Ma quimaf'i' łipe'ailli', ja'ni łipeno tihuejla' ocuenaj xans, itque łaca'no tecani'em'me, tinescom'me ixcay li'epa. Tołta'a loya'apa lataiqui' lałcuxeponga'. Linca ja'ni joupa imanapa łipe'ailli', łaca'no' nipajnya tihuej'ma ocuenaj xans. Ailopa'a conesconyacu.

⁴ Cunc'aipimaye, ile litine lima'ampa Cristo, lepats'ingimpa licuerpo jipe lancruz imanc', ja'ni i'ipolhuo' anuli itque, jouc'a ima'ampolhuo'. Tofta'a tama tolihuejle al ts'e cataiqui', aimi'iya micuxecoyacolhuo' lataiqui' locuxepa LanDios. Tonlihuejyi Cristo, itque joupa imaf'inapa. Maŕque oŕPoujna o ti'onŕcospa to coŕpe'Ailli'. Ma monlihuejyi itque tipammaispa loŕpitine, tonŕ'e'me latentŕcocopa LanDios.

⁵ Iŕniya hitiné ai'a lapenuf'me al ts'e laŕpitine, aqui'ic' calihuequi locuxepa LanDios. Maŕnujuaisyi loya'apa ile lataiqui', aŕspic'eyi aŕ'ele nixpiya. Tofta'a lacani'eyoŕtsi. ⁶ Iŕniya hitiné coŕa' ti'i'ma aŕcuxecom'monga', aicalanant'ŕi locuxepa LanDios. Itsiya aimi'iya maŕcuxeconyaconga'. Tocomma to joupa aŕmanaponga'. Itsiya tipa'a al ts'e laŕpitine. Tofta'a ti'i'ma lihuejco'me LanDios laŕPoujna. Li'ipa ituca' laŕ'ejma', aŕcuayi: "Iya' caituca' quihuejco'ma ile lataiqui' locuxepa LanDios". Itsiya aŕsina', ja'ni caŕtuca' aimi'iya.

⁷ Itsiya, ¿te caŕnesyacu? ¿Ja'ni ixcay cataiqui' ile locuxepa LanDios? A'i. Aimi'iya maŕnesyacu tofta'a. Al coŕta aicainimet-saijma lixcay laif'epa. Tofta'a aŕmuc'ipa lataiqui' loya'apa locuxepa LanDios. Iŕe lataiqui' ticua: "Aimojanaj'ma li'hueca loŕ'as xans". Ja'ni coŕa' aicaixina' ile lataiqui', coŕa' aimi'iya quimetsaicoya a'ijc'a laif'epa ma cajanaca. ⁸ Laicuejpa ile lataiqui', ŕinca aiximpa ixcay laif'epa ma cajanaca. Lijou'ma lixcay lopa'a laipicuejma' xonca tijanaca. Xonca aipic'a coŕa' ca'huejla' li'hueca laif'as xans. Ja'ni coŕa' ailopa'a ile lataiqui' laŕcuxeponga' ile lixcay coŕa' aiquicueya quimane, aimi'iya malacani'eyaconga'. ⁹ Iŕniya hitiné ma aicaicueca locuxepa LanDios tixoqui neta cuyaijma lapajnya. Icuaiti litine laicuej'ma nulemma ile lataiqui' loya'apa: "Aimojanaj'ma li'hueca loŕ'as xans". Iŕe litine ŕinca aiximpa imaf'i' ile lixcay lopa'a laipicuejma'. Aiximpoxi ma lacani'e. ¹⁰ Lataiqui' loya'apa: "Aimojanaj'ma li'hueca loŕ'as xans", ac'a cataiqui' iŕiya. Ja'ni lanant'ŕite, xonca al c'a luyalaico'me lapajnya. Iya' aiximpa ituca' laŕ'ipa. Aimi'iya canant'ŕiya. Ma le'a lacani'e. ¹¹ Ma cacueca ile lataiqui', lixcay caipicuejma' i'ipa xonca imaf'i', aŕfel'mipa. Lijou'ma xonca aijanaj'ma. Tofta'a ile lataiqui' ma lacani'epa.

¹² Iya' cacua: A'i quixcay cataiqui' ile locuxepa LanDios. Jahuay locuxepa LanDios ma' apaxi, ma' i'huexi LanDios. Lataiqui' loya'apa: "Aimojanaj'ma li'hueca loŕ'as xans", ile apaxi cataiqui'. Aŕsc'ai'inga' aŕ'ele al ŕijca, aŕ'ele ma le'a al c'a. ¹³ Lijou'ma, ¿te qui'ipa? Ma cainihuequi ile al c'a cataiqui', ¿ja'ni tofta'a cacani'eyoxi? A'i. Aimi'iya canescoyacoxi tofta'a. Iŕe al c'a cataiqui' ma' aŕmuc'ipa te ts'i'ic' laipicuejma'. Iŕe

acueca lixcay. Ma ñe laif'epa lixcay lacani'epa. Ñe al c'a cataiqui' ałmuc'ipa juaiconapa acueca' ixcay ñe lai'epa.

¹⁴ Ałsina' pe qui'huayomma ñe lataiqui' locuxepa ÑanDios. I'huayomma mane al toncay, jilpe lipicuejma' ÑanDios. Iya' ituca' laipicuejma'. Iya' ma ninxans. Ñe lixcay i'ipa to laipoujna, ałcuxe. ¹⁵ Iya' aicaxpic'e tołta'a lai'ejma'. Caxhuełma. Petsi lalatenłcocopa, ñe aica'ay. Laif'epa capilaic', ñe linca ca'ay.

¹⁶ Ja'ni ca'eła' lixcay, linca ñe laif'epa aimalatenłma. Quimet-sajma ac'a litaiqui' ÑanDios locuxepa, tołta'a xonca aipic'a quihuejla' ÑanDios. ¹⁷ Tołiya cacua: A'i caituca' ca'ay iłiya pe aimalatenłma. Ñe lixcay caipicuejma' ałcuxe ca'eła'.

¹⁸ Linca aixina' iya' caituca' aimi'iya ca'eya al c'a. Ti'i'ma caxpic'e'ma ca'eła' al c'a, tijouła', ¿ja'ni canant'li'ma ñe laifxpic'epa? A'i, aimi'iya. ¹⁹ Ñe al c'a laifxpic'epa ca'eła', aica'ay. Lixcay, ñe pe aimalatenłma, linca ca'ay. ²⁰ Iya' cacua: Ja'ni aimalatenłma ñe lixcay laif'epa tocomma to a'i iya' caituca' ca'ay iłiya. Ñe lixcay caipicuejma' ałcuxe ca'eła'.

²¹ Linca, lataiqui' loya'apa locuxepa ÑanDios ałcuxe. Ałsc'ai'i ca'eła' al c'a. Ñe aipic'a. Cacua: Ca'e'ma. Tijouła' aimi'i. Tipa'a lałpa'nepa. Ałpa'ne ñe lixcay caipicuejma'. ²² Cacua: Juaiconapa ac'a lataiqui' loya'apa locuxepa ÑanDios. ²³ Ituca' lałsahue'epa laicuerpo. Tama cacua: “Quihuejco'ma locuxepa ÑanDios, ñe al c'a”, laicuerpo aimicua. Tipa'a lipujfxi lulijla', ca'eła' lałcuxe'epa nixpiya. ²⁴ Iya' cacua: Acueca' caxhuełma. ¿Naiłsi lałcuanajcoya? Ñe laicuerpo ma le'a ipic'a lacani'e'ma. ¿Naiłsi lalunłu'eya? ²⁵ Cax'najłsi'i ÑanDios. LałPoujna Jesucristo, iłque linca alunłu'e'ma. Iya' caituca' aimi'iya culijya. Caxpic'e ca'eła' al c'a. Ja'ni tołta'a quihuejla' linca quihuejco'ma locuxepa ÑanDios. Ituca' loxahue'epa ñe laicuerpo. Ja'ni tołta'a quihuejla' ca'e'ma nixpiya.

8

¹ Itsiya ÑanDios aimalacani'eyacongá illanc' nał'huaiyijmpá Jesucristo, iłque joupa lapenufponga'. Illanc' aimalihuejyi lałsahue'eponga' lałcuerpo, lihuejcoyi lałcuxe'eponga' cal Espiritu Santo. ² Iya' joupa aiximpa aimi'iya canant'liya locuxepa ÑanDios. Aimi'iya cunłu'eyacoxi. Lixcay laipicuejma' ma małcuxe lacani'e'ma. Itsiya ituca' laifnuyaicopa lapajnya. Ca'huaiyinge Jesucristo, tipa'a al ts'e laipitine, ałcuxe cal Espiritu Santo.

³ Ñe lataiqui' loya'apa locuxepa ÑanDios ailopa'a quipujfxi mulijya lixcay lałpicuejma'. ÑanDios linca ti'i'ma, joupa i'epa. Ummepa li'Hua. Iłquiya i'epoxi xans, ał'onłcosponga' to illanc' ninc'ixanuc'. Ma le'a ailopa'a quixcay lipicuejma'. I'huamma fa'a li'a łamats' itsufcopoxi, ał'najcufponga' lałjunac', ecani'epa

lixcay laɬpicuejma'. ⁴ Toliya itsiya ti'i'ma lanant'hi'me iɬe al c'a laɬcuxe'eponga' LanDios. Illanc' lihuejcopá cal Espíritu Santo a'i laɬsahue'eponga' laɬcuerpo.

⁵ Lan xanuc' naihuejpa' quilituca' liɬpicuejma' tixpic'eyi latenɬcocoyacola' iɬne quilituca'. Lan xanuc' naihuejpa' cal Espíritu Santo, tixpic'eyi latenɬcocoya cal Espíritu Santo. ⁶ Petsi naihuejpa' quilituca' liɬpicuejma' tecani'em'mola'. Petsi naihuejpa' cal Espíritu Santo tipa'a al ts'e liɬpitine, tuyalaicoyi al c'a. Aimixhuelcoyi, ailopa'a tintsi. ⁷ Petsi naihuejpa' quilituca' liɬpicuejma', iɬne tecaxaispola', mane tifuli'iyi LanDios. Aimihuejyi locuxepa iɬque. Aimi'iya mihuejyacu. ⁸ Cal xans, ja'ni ailopa'a al ts'e lipitine locupa cal Espíritu Santo, iɬque cal xans aimi'iya metenɬcocoya LanDios.

⁹ Imanc' aimi'onɬcotolhuo' to iɬniya. Ja'ni joupá olapenufpa' cal Espíritu Santo, ja'ni toɬmana' anuli iɬque, ma tipa'a al ts'e loɬpitine. Linca cal xans, ja'ni aiquepenufi hi'Espíritu Cristo, iɬque cal xans a'i qui'huexi Cristo. ¹⁰ Ja'ni joupá olapenufpa' Cristo LanDios epenufpolhuo' to ailopa'a coɬjunac'. Toɬta'a tipa'a al ts'e loɬpitine, aimimayacolhuo' nulemma. Linca lon'epa lixcay joupá ecani'epolhuo' loɬcuerpo, iɬe tima. ¹¹ Ja'ni joupá olapenufpa' cal Espíritu Santo, ja'ni joupá oɬhaisufma, ni loɬcuerpo mimaya nulemma. Lijoupá limapa Cristo, LanDios imaf'i'ina'pa. Imanc' ma' anuli timaf'i'ina'molhuo'. Toɬta'a lo'eyacolhuo' cal Espíritu Santo, iɬque hi'Espíritu LanDios, imanc' oɬhaisufma.

¹² Itsiya cunc'aipimaye, ¿naitsi cal'najtse'econayacu? ¿Naitsi calihuejcoyacu? ¿Laɬcuerpo aɬtaiyinc'e? ¿Ja'ni iɬe aɬpoujna? A'i. ¹³ Ja'ni tolihuejcoyi loxahue'epolhuo' loɬcuerpo mane tecani'em'molhuo'. Ja'ni tolihuejcoyi cal Espíritu Santo tolatec'cona'me lon'epa lixcay, iɬe loxahue'epolhuo' loɬcuerpo. Aimon'econayacu iɬta'a. Tijouɬa' timaf'i'ina'molhuo' LanDios.

¹⁴ Petsi naihuejpa' hi'Espíritu LanDios, iɬniya inaxque' LanDios. ¹⁵ Luyaipa quitine micuxelhuo' lixcay, iɬe lataiqui' loya'apa locuxepa LanDios ticuxecolhuo'. Toɬsueɬcoyi, toɬcuayi: "Aɬteɬ'mi'monga' LanDios". Itsiya joupá olapenufpa' cal Espíritu Santo. Iɬque aimepi'iyacolhuo' toɬta'a loɬpixhuejma'. Lolapenufpa iɬque cal Espíritu LanDios epenufpolhuo' to quinaxque'. Maɬque cal Espíritu aɬmuc'inga' te ts'i'ic' lacui'i'me LanDios. Aɬmiyi: "Ima' mai'Ailli". ¹⁶ Maɬpe ɬalunxajma' aɬsingufyoɬtsi inaxque' LanDios. Ma' anuli lu'inga' cal Espíritu Santo. ¹⁷ Maɬmana' fa'a li'a lamats' ja'ni illanc' inaxque' LanDios linca pu'hua LanDios lapi'itonga' iɬe lapi'iyacola' linaxque'. LanDios joupá imetsaicopa hi'Hua, iɬque Cristo. Illanc' jouc'a limetsaicotonga'. Fa'a ja'ni laɬteɬcopa ti'onɬcospa to lileɬcopa

Cristo, pu'hua jouc'a ał'onkocotonga' to Cristo, ałłaitsufcotonga' ŁanDios.

¹⁸ Itsiya litine aicałsina' te ts'i'ic' al c'a lalapi'iyaconga' ŁanDios. Linca, acueca' juaiconapa ihe lał'iyaconga' pu'huanni. Ita'a lałtelcopa itsiya litine aimi'iya mał'onkocoyacu al cueca' al c'a lalapi'inyaconga'. ¹⁹ Fa'a li'a lamats' jahuay lilanc'epa ŁanDios tocomma to tucuitsufyi, tinesyi: “¿Te quitine ałsim'mola' ihniya linaxque' ŁanDios lolaitsufcoyacola'? ¿Te quitine ałsim'mola' te ts'i'ic' ihniya?” ²⁰ Linca, itsiya jahuay lilanc'epa ŁanDios i'huáqui etełquenamma. Ihe litine ŁanDios litełmipa cal xans ni'epa quixcay jouc'a itełmipa jahuay lilanc'epa. Tama ailopa'a qui'epa, etełquenamma. A'i nulemma quetełqueya. Aimipaneya tołta'a. ²¹ Itsiya linca lamaya ti'huajcola' jahuay. Ailopa'a cunłuya. Juaiconapa acueca' al c'a lo'e'eyacola' linaxque' ŁanDios. Tunłu'e'mola'. Lamaya aimi'huajcoconayacola'. Lilanc'epa ŁanDios jouc'a tulij'ma lamaya, aimiminscoconaya.

²² Ałsina' aici'ic' tołta'a. Itsiya jahuay lilanc'epa ŁanDios tocomma to titełma acueca' cumla. Lo'ipa ti'onłcospa to lotełcopa łaca'no' nocuaiya hi'hua. Iłque acueca' cumla titełco'ma. ²³ Illanc' jouc'a lumlequinga'. Ałtełcoyi jilpe łalunxajma' ma cal'huaijma ŁanDios lapenułtsonga' to inaxque', ałłaitsufcotonga'. Ihiya litine ałsim'mołtsi joupa lunłu'eponga' jouc'a lałcuerpo. ŁanDios joupa lapi'iponga' cal Espíritu Santo, toliya ałsina' lał'iyaconga' tołta'a.

²⁴ Linca, aimi'iya małnesyacu: “Joupa i'ipa. Joupa lunłu'eponga' jouc'a lałcuerpo.” Tehue'e'. Ja'ni lunłu'etsonga' tucuicomma ał'huaicote, ałnesle: “Al linca tołta'a lo'iya”. Coła' joupa ałsimpá li'ipa, ¿te cal'huaicocoyacu? A'i. Ailopa'a cal'huaicoyacu. ²⁵ Ja'ni ałsina' tehue'e', ałsina' aici'ic', ma' ałsnet'i'me, ał'huaico'me lo'iya.

²⁶ Illanc' a'i całtuca' ałsnet'lyi. Cal Espíritu Santo ałtoc'inga'. Illanc' całtuca' ailopa'a cał'eyacu. Aicałsina' te całsahue'eyacu ŁanDios. Aimi'iya małsa'hueyacu. Ałsingufcoyi ałtełcoyi jilpe łalunxajma'. Ailopa'a całtaiqui'. Cal Espíritu Santo ałtoc'inga'. Iłque linca tixa'hue'ma ŁanDios titoc'itsola' lixanuc', ihniya ma' i'huexi ŁanDios. ²⁷ ŁanDios lahuelonginga' xonca lemiya jilpe lałpicuejma'. Iłque ixina' te loxahue'epa cal Espíritu Santo. Imetsajma ac'a lipicuejma'. Iłque cal Espíritu tixahue'e'ma latentłcocoya ŁanDios.

²⁸ Illanc' nał'epá capic'a ŁanDios, iłque ałjoc'iponga'. Ma' iłque ŁanDios joupa ixpic'epa te ts'i'ic' al c'a lał'iyaconga'. Itsiya ałsina' jahuay ałtoc'inga'. Ja'ni ac'a o ja'ni a'ijc'a laluyalaicoyacu, ma le'a al c'a ał'e'monga'. Ailopa'a cał'eyaconga' lixcay. ²⁹ Ai'a ałmajnlita ŁanDios alimetsaicoponga'. Joupa ixpic'epa

te ts'i'ic' la'iyaconga'. Ixpice'epa aHanc'e'etsonga' la'picuejma'. Ti'ila' to lipicuejma' hi'Hua, a'oncotonga'. Ti'ila' cal Cristo a'pima; i'que cal Te'a, illanc' ipepohue. To'ta'a ti'i'mola' axpela' lipimaye. ³⁰ A'i ma le'a ixpic'epa te ts'i'ic' i'le la'iyaconga', jouc'a a'joc'iponga' lihuejle. A'i ma le'a a'joc'iponga', jouc'a lapenufponga' to ailopa'a ca'junac'. A'i ma le'a lapenufponga' to ailopa'a ca'junac', jouc'a limetsaicoponga' inaxque', a'haitsufcotonga'. Ji'pe litine linca a'Hanc'e'etonga' la'picuejma', ti'ila' ma to lipicuejma' LanDios, pangay c'a.

³¹ Itsiya ¿te ca'nesyacu? Ja'ni to'ta'a al'nujuaitsinga' LanDios, i'ne petsi na'l'eponga' laic', ¿te ca'l'e'eyaconga'? ³² LanDios ni hi'Hua quixina' cuanuc'. Icupa tima'an'le, ti'najtsel'a' lixcay la'epa jahuay illanc'. Ja'ni to'ta'a lapi'iponga' i'que La'lun'u'eyaconga', ¿te aimalapi'yaconga' jahuay lalahue'eponga'?

³³ Illanc' na'l'huij'f'eponga' LanDios, ¿naitsi na'lcufyaconga'? ¿Ja'ni LanDios? A'i. Ma LanDios alapenufponga' to ailopa'a ca'junac'. ³⁴ ¿Naitsi nalacani'eyaconga'? ¿Ja'ni Jesucristo i'que nimapa? A'i. I'que imaf'inapa. Itsiya tipa'a pu'hua al c'a camane LanDios. Ji'pe tixa'hue LanDios a'ltoc'itsonga'.

³⁵ Cristo a'l'enga' capic'a. ¿Ja'ni ti'i'ma lanaj'monga'? A'i, aimi'iya. Ni la'iyaconga' o la'i'ponga' mi'iya. Ja'ni a'tel'cole, ja'ni lapajnya a'sin'le ipime, ja'ni a'tel'mintsonga', ja'ni lumlejma, ja'ni lahue'etsonga' ca'pijahua', ja'ni ti'ila' caxpaiqui', ja'ni a'lma'antsonga', ailopa'a calanajyaconga' Cristo. ³⁶ To loya'apa al Paxi Linil'ingiya ma to'ta'a luyalaicoyi. I'le lataiqui' ticua: Illanc' lalihuejhuo' ima', a'sinninga' to lam mot'l, i'ne li'huij'f'empola' tima'am'mola'.

³⁷ Ma al linca i'hiya lataiqui'. ¿Te co'iya? A'sina' Cristo a'l'enga' capic'a. I'que a'ltoc'inga'. To'ta'a jahuay la'iyaconga' luli'j'me. Ailopa'a ca'l'eyaconga'.

³⁸ Iya' cacua: Joupa aixina' aimi'iya malanajyaconga' Jesucristo, ni lamaya, ni lapajnya, ni lapaluc' quema'a, ni lontahue i'pufjxi acueca', ni lo'ipa itsiya, ni lo'iya locuaicoya, ³⁹ ni lopa'a al toncay lema'a, ni lopa'a al 'ocay lamats'. Petsi lilanc'epa LanDios ailopa'a calanajyaconga' Jesucristo la'Poujna, i'que na'l'muc'iponga' te ts'i'ic' ma'l'enga' capic'a LanDios.

9

¹⁻³ Iya' camilhuo' caxhue'l'mot'le juaiconapa. Itine itine tocomma to lumlequi ji'pe lainunxajma'. Iya' ca'nujuaitsila' laipimaye, i'ne laif'as xanuc' judío. To'ta'a laifnespa aicafellaique. To'le ixina' Cristo, i'que lainihuequi. Jouc'a cal Espíritu Santo a'lpalaic'o ji'pe laipicuejma', a'mi: "Ma' al linca i'le lof'cuapa". Iya' cacua: Co'la' a'lcuanac'e'la' Cristo ja'ni to'ta'a tunhul'me i'ne laipimaye.

⁴ Hne lun Israel acueca' lipaxnepola' LanDios. Imetsaicopola' inaxque'. Maŕque LanDios imuj'moxi pe lomana' iŕniya. Imaneconca litaiqui', epi'i'mola' litaiqui' loya'apa locuxepa. Imuc'i'mola' te lo'eyacu jŕpe lejut'ŕ LanDios. U'i'mola' litaiqui' licupa, ticua: "Toŕe, toŕe catoc'i'molhuo". ⁵ Hne lixanuc' Israel aŕtatahueló illanc' ninc'ijudío. Jouc'a itatahueló Cristo lipajnta fa'a li'a ŕamats'. Iŕque Cristo ma' anDios, jahuay ticuxe. Ma' iŕque laxc'onŕingolaŕle. Ocuena aimi'iya malaxc'onŕingolaŕiyacu. Ni itsiya ni Locuena Quitine. Toŕta'a ti'ŕla'. Amén.

⁶ Itsiya, ¿te qui'ipa? Tocomma to LanDios aiqument'hi limipola' iŕniya lun Israel. Ai. Ma tenant'hi. Petsi aŕnca ixanuc' Israel iŕniya tepenufyi litaiqui' LanDios. Locuenaye pe aiqilepenufi, tama anuli hŕtatahuelo, iŕne a'i quixanuc' Israel, a'i quixanuc' LanDios. ⁷ Ma toŕta'a li'ipola' linaxque' Abraham. Hne tama le'a anuli quiŕ'ailli', iŕque Abraham, LanDios aiqumetsaicola' jahuay iŕniya. Timi Abraham: "Quimetsaico'ma Isaac. Iŕque ma' o'hua." ⁸ He lataiqui' aŕmuc'inga' naitsi iŕne aŕnca inaxque' LanDios. Lan xanuc' nomajnlispa fa'a li'a ŕamats' LanDios aiqumetsaicola' jahuay to quinaxque'. Ma le'a iŕniya nomajnliconspá, iŕne tipa'a al ts'e liŕpitine, maŕne inaxque' LanDios. Ti'onŕcospa to Isaac. Abraham a'i quituca' mixpic'e ti'ŕla' iŕque qui'hua. Ma LanDios icupa cataiqui' ti'ŕla'. ⁹ Toŕta'a litaiqui' LanDios limipa Abraham lu'ipa lo'iya, ticua: "Litine laixpic'epa iya' cacuaiyoconno, ŕopeno Sara tipo'no'ma hi'hua".

¹⁰⁻¹² Ma' anuli li'ipola' linaxque' Rebeca. Iŕniya loquexi', lan cuatsi, anuli quiŕ'ailli'. Iŕque hŕtatahuelo Isaac. Iŕniya mimana' licu'u Rebeca, ai'a timajnlita, aiqumetsaicola' ni al c'a ni lixcay, iŕniya litiné LanDios timi Rebeca: "Lapepo, iŕque ŕopajnya lijoujma, ticuxe'ma hŕpima".

Jŕpe LanDios timuqui te ts'i'ic' lo'epa. Iŕque quituca' tixpic'e naitsi iŕne ti'itsola' lixanuc'. Toŕta'a aimi'iya minesyacu: "Iya' ac'a lai'ejma', toŕiya aŕ'huij'epa LanDios". Ai. LanDios quituca' ti'huij'epa' mola' lixanuc'. Iŕque aiquipai'i lipicuejma'. Ma' anuli ti'hua ti'ay. ¹³ Al Paxi Linŕingiya tuya'e' toŕta'a li'ejma' LanDios, ticua: "Jacob ai'epa capic'a, Esaú ai'epa caipilaic'".

¹⁴ Itsiya, ¿te caŕnesyacu? ¿Ja'ni a'ij hijca lo'epa LanDios? Ai. Aimi'iya maŕnescoyacu toŕta'a. ¹⁵ LanDios timi Moisés: "Iya' catoc'i'ma petsi aipic'a catoc'ŕla'. Caxim'ma cuanuc' petsi aipic'a caxinŕa' cuanuc'." ¹⁶ Toŕta'a aŕsinyi aimi'iya maŕpic'eyacu te ts'i'ic' caŕ'e'eyaconga' LanDios. Aimi'iya malipa'ayacu caŕxi maluliyacu toŕta'a maŕpaxneyaconga' LanDios. Ma LanDios quituca' tixpic'e naitŕne loxinyacola' acuanuc'la.

¹⁷ Ma' anuli loya'apa al Paxi Linŕingiya locuapa limipa LanDios cal rey Faraón. Timi:

Iya' camuc'i'mola' lan xanuc' acueca' laif'epa.

Ni petsi lomana' li'a lamats' ti'ila' quilsina' ma' iya' NanDios.

Tofta'a aifajpo' ima', nepi'ipo' lopenic', aixpic'epa te ts'i'ic' lof'eya.

¹⁸ Jiŋpe aŋsinyi li'ejma' LanDios. Iŋque petsi ipic'a titoc'ila' ma titoc'i'ma. Petsi ipic'a ti'ila' axna lipicuejma' ma ti'i'ma axna.

¹⁹ Itsiya, ¿te aga aŋmi'ma: "Ja'ni tofta'a li'ejma' LanDios, ¿te co'icopa aimalatenŋcoonga' illanc' la'ejma'? ¿Te illanc' caŋtuca' aŋspic'e'me te ts'i'ic' la'iyaconga'? A'i. Aimi'iya."?

²⁰ Aimonos'ma tofta'a. ¿Te totalai'ot'le'ma LanDios ima' ma' unxans? ¿Te ja'ni ŋilanc'empa ti'i'ma titalai'e'ma iŋque ŋilanc'epa? A'i. Aimi'iya. ²¹ Lintaŋpa capixú maŋque quituca' tixpic'e te ts'i'ic' mixhuicoya lipixitsqui. Maŋque lipixitsqui tilanc'eco'ma oque' laŋpixú. Anuli acueca' lipitali, locuena ni naitsi capixu.

²² Ima' totalai'ot'le'ma LanDios, aimetenŋcocoŋhuo' iŋque li'ejma', iya' camihuo': Ima' aimocueca lo'epa LanDios. Iŋque joupa ixpic'epa titeŋmitsola' iŋne laixtuc'opola'. Joupa ixpic'epa timuj'moxi ma' anDios. Tama joupa ixhuaíta acueca' li'epa lixcay, LanDios ti'hua ticoŋi. Aiquecani'ela' nulemma. Tixnet'ŋqui. ²³ Linca aimocueca iŋe lo'epa LanDios. Iŋque jouc'a tipa'a lomuc'iyacola' lan xanuc'. Iŋne lixanuc' loximpola' acuanuc'la. Joupa ixpic'epa titoc'itsola', tilanc'e'e'mola' liŋpicuejma', tilaitsufcotsola'. Joupa ixpic'epa timetsaicole juaiconapa acueca' CanDios.

²⁴ Iŋe laifnespa: "... lixanuc' LanDios", canescola' jahuary iŋne petsi hijoc'ipola' LanDios. Ja'ni ninc'ijudío, ja'ni unc'ocuenaye xanuc', ma' anuli LanDios aŋjoc'iponga'. ²⁵ Jiŋpe lije'e cal profeta Oseas, LanDios tipalaicola' locuenaye xanuc', iŋne a'ij judío, ticua:

Ticuaihuo litine cami'mola' locuenaye xanuc': "Imanc' aix-anuc'".

Itsiya litine a'i caixanuc' iŋne.

Itsiya iŋne lan nación aimalatenŋma aicapenufila' liŋxanuc'.

Ticuaihuo litine cami'mola' iŋne locuenaye nación:

"Ca'elhuo' capic'a, capenuf'mola' loŋxanuc'".

²⁶ Jouc'a ticua:

Petsi timila': "Imanc' a'i quixanuc' LanDios",

maŋpiya tecui'im'mola': "Iŋne inaxque' LanDios Limaf'i".

²⁷ Cal profeta Isaías tuya'e' lo'iyacola' lan xanuc' Israel, ticua:

Tama axpela' lan xanuc' Israel,

tama ti'onŋcospola' to cal cuixa ŋopa'a ŋema caja,

ma le'a ahuata lonŋulyacu.

²⁸ LanDios laŋPoujna joupa ixpic'epa ti'e'ma al cueca' fa'a li'a lamats'.

Ma to licuapa, tofta'a ti'e'ma, ti'e'ma nulemma.

Tixhuai'ni'ma iŕe litaiqui' licuapa.

²⁹ Jiŕpe lije'e Isaías ai'a tuya'a'ma toŕta'a lo'iya, ticua:

ĒanDios, iŕque jahuay ticuxe, aiquijou'ne nulemma laŕnaci3n.

Timanemma to oquexi' afantsi laŕnaxque'.

Ja'ni a'i, coŕta' laŕ'iyaconga' ti'onŕcota to li'ipola' ŕiteloŕya' Sodoma
y Gomorra.

ŕniya ŕiteloŕya' ejac'mola' nulemma jouc'a liŕxanuc'.

³⁰ Itsiya, ¿te caŕnescoyacu xonca? ¿Te qui'ipola' lan xanuc'
a'ij judío? Luyaipa quitiné iŕne lan xanuc' aiquiŕsina' locuxepa
ĒanDios. Aimehueyi te co'iya mixinyacola' ĒanDios to lan c'a
xanuc'. Aimecuis'eyoŕtsi: “¿Te caŕ'eyacu aŕsintsonga' toŕta'a?”
Itsiya petsi no'huaiyimpá Jesucristo, ĒanDios tepenufila' to
ailopa'a quiŕjunac'. ³¹ Lan xanuc' judío, iŕne lixanuc' Israel, ¿te
qui'ipola' iŕniya? Iŕne iŕsina' al c'a locuxe'epola' ĒanDios. Tix-
hueyi iŕe lataiqui'. Tehueyi te co'iya ĒanDios mixinyacola' to
ailopa'a quiŕjunac', tepenuftola'. ĒanDios aiquixinnila' toŕta'a.
Aiquepenufila'. ³² ¿Te qui'icopola' toŕta'a? Iŕne aimi'huaiyijnyi
ĒanDios. Maŕpe liŕpicuejma' ticuayi: “Iŕllanc' ninc'ic'a xanuc'.
Lanant'hi'me caŕtuca' iŕe laŕcuxe'eponga' ĒanDios. Toŕta'a ailopa'a
caŕjunac'. Lapenuf'monga'.”

Iŕne imenaj'mola'. Jiŕpe litaiqui' ĒanDios, tuya'e' tipa'a “...
anuli ŕapic ŕoc'uilitŕufcopola' lan xanuc'”. Iŕne lan judío ŕinca
uc'ui'e'mola'. ³³ Toŕta'a loya'apa al Paxi Liniŕingiya, ticua:

¡Toŕŕinte!

Jiŕpe liŕya' Si3n capo'no'e anuli ŕapic petsi tuc'uilitŕufco'mola'
lan xanuc'.

Jiŕpe cal cueca' capic ŕinca tixcai'e'mola'.

Cal xans no'huaiyijmpa iŕque, ŕinca ailopa'a co'iya, aimix-
hueŕcoconaya.

10

¹ Cunc'aipimaye, jahuay ŕainunxajma' cacua: “Tunŕul—le lun
Israel”. Toŕta'a laifxa'huepa ĒanDios. ² Iŕne tama tixoqui
quileta tihuejyi ĒanDios, aiquiŕsina' te ts'i'ic' latentŕocoya
ĒanDios. ³ Aiquiŕcueca lu'ipola' ĒanDios. Iŕque joupa uya'apa,
u'ipola' naitŕi iŕne lan xanuc' loxinyacola' to ailopa'a
quiŕjunac', tepenuf'mola'. Ituca' lonespa lun Israel. Ticuayi:
“Lanant'hi'me locuxepa ĒanDios. Toŕta'a aŕŕim'monga' ninc'ic'a
xanuc', lapenuf'monga'.” Toŕiya aimihuejcoyi ĒanDios. Iŕque
joupa icuapa lo'eyacu lan xanuc' ja'ni tepenuftola' to ailopa'a
quiŕjunac'. ⁴ Ma le'a Jesucristo enant'ŕipa lataiqui' loya'apa
locuxepa ĒanDios. Lan xanuc' aimi'iya menant'ŕiyacu. Toŕiya
petsi no'huaiyijmpá Cristo ma' iŕniya ĒanDios tepenufila' to
ailopa'a quiŕjunac'.

⁵ Jiŕpe litaiqui' liniiya Moisés titalai'e cal xans nocuapa:
“Canant'hi'ma locuxepa ĒanDios, toŕta'a aŕŕinŕta' ninc'a xans,

lapenuf'ma". Moisés timi: "Ne', tanant'ñi'a' locuxepa ÑanDios, toñta'a toyaico'ma al c'a". ⁶ Cal xans nonespa: "Aimi'iyá canant'liya, le'a ca'huaiyijm'ma ÑanDios", ituca' lotalai'e'epa Moisés. Timi: "Aimones'ma: ¿Naitsi nof'ajya ticuaita lema'a?" ¿Te ja'ni tolecota Cristo timunni? A'i. Joupa i'huamma fa'a li'a ñamats'. ⁷ Jouc'a timi Moisés: "Ni aimones'ma, ¿Naitsi naimuya, ticuaita pe lomana' lamizhua?" ¿Te ja'ni taipa'ata Cristo jilpiya? A'i. Joupa imaf'inapa, ipanamma. ⁸ Ja'ni to'huaiyinge ÑanDios, Moisés timihuo': "A'ij culi' iñe lataiqui' lofmihuejya. Jilpe ñomunxajma' to'ay ñinca. Tonesqui." Ma iñe lataiqui' illanc' laluya'apa. Lu'iyaleyí: "¡Toñ'huaiyijnle!" ⁹ Lu'iyaleyí: Ja'ni tonesla': "Jesús ma' anDios", ja'ni jilpe ñomunxajma' tocua: "Ñinca ÑanDios imaf'i'ina, ipa'anapa pe lomana' lamizhua", ÑanDios tunñu'e'mo'. ¹⁰ Ticuicomma jahuay ñomunxajma' to'huaiyijnla' ÑanDios. Toñta'a ÑanDios tepenuf'mo', tixim'mo' to ailopa'a cojunac'. Jouc'a ticuicomma tonesla': "Jesús ma' anDios", tijouñta' ÑanDios tunñu'e'mo'.

¹¹ Al Paxi Linñingiya ticua:

Petsi no'huaiyijmpá, iñniya aimixinyacu calaic'ata, aiminesyacu: "ÑanDios añfel'mipa".

¹² ÑanDios tixinnila' ma' anuli lan xanuc'. Ja'ni ajudío, ja'ni a'ij judío, ma' iñque iñPoujna jahuay. Acueca' titoc'ila' iñne petsi nojoc'ipá. Aimicuanajyoxi. ¹³ Al ñinca loya'apa lataiqui' locuapa:

Lan xanuc' nojoc'ipá, nomipá: "MaiPoujna, añtoc'ila'", jahuay iñniya tunñul'me.

¹⁴ Ja'ni aiquiñ'huaiyinge Cristo, ¿nai cojoc'iyacu? Ja'ni aiquiñsina' naitsi iñque, ¿nai co'huaiyijnnyacu? Ticuicomma tuya'añe. Ja'ni a'i, ¿te co'iyá mi'iyá quíñsina'? ¹⁵ Ja'ni ailopa'a commenyacola', ¿nai notseyacu, noya'ayacu? Al Paxi Linñingiya tinescola' noya'apá, ticua:

Tixoj'ma calata lapenuf'mola' noya'apá Lataiqui'.

Iñe Lataiqui' tuya'e' iñe al c'a loxpíc'epa ÑanDios.

¹⁶ Ñinca, petsi noquimf'epá Lataiqui' a'i jahuay mihuejcoyi. Toñta'a cal profeta Isaías timi ÑanDios, ticua:

MaiPoujna, ¿naitsi ñepenufpa laluya'apa?

Tocomma to ailopa'a quilepenufi.

¹⁷ Cacia: Ticuicomma ate'a tiquimf'eñe Lataiqui', tijouñta' ti'huaiyijnle Jesucristo. Petsi timetsaicoyi Lataiqui' ma' itaiquí' Cristo, iñniya ti'huaiyijm'me.

¹⁸ Itsiya, ¿te qui'ipola' lun Israel? ¿Ja'ni aicu'innila' iñne? Ñinca u'im'mola'. Toñiya loya'apa al Paxi Linñingiya, ticua:

Ni petsi li'a ñamats' uya'apa Lataiqui'.

Iñe noya'apá, liñtaiquí' icuaita xonca aculi' li'a ñamats'.

¹⁹ Cacua: Iñe lun Israel, ¿te aiqulsina' tołta'a lo'iya? Linca iłsina'. Moisés uya'apa lo'iya, tuya'e' lonespa LanDios, ticua: Itsiya imanc' aicolimetsaicola' locuenaye xanuc'.

Tołnescola', tołcuayi: “Iñiya amac'ta, aiqulcueca”.

Pe lołnescompola' tołta'a iya' ca'e'e'mola' al c'a, tijoułta' imanc' aimetenłcoyacolhuo' laif'eya, tołixtulecu.

²⁰ Isaiás xonca al cuajmaica cataiqui' tuya'e' lonespa LanDios, ticua:

Lan xanuc' petsi aimalahuay, iñe ałsinnapa.

Petsi aiqulicuitsufi: “¿Pe copa'a LanDios?”,

jilpiya aimuj'moxi, małniya ałsinnapa, limetsaiconapa.

²¹ LanDios ituca' lonescopola' lan xanuc' Israel, ticua:

Jahuay litine cajoc'ila' iñiya lan xanuc'.

Ca'niquila' laimane', camila': “¡Tonłouyunca!”

Iñiya aiqulcuac', aimalihuejma'.

11

¹ Cacua: ¿Te qui'ipola' lun israelita, iñe lixanuc' LanDios? ¿Te ja'ni ecani'epola' nulemma? A'i, tołta'a aimi'iya. Iya' jouc'a nin'israelita, aixinyoxi i'hua Abraham, lixanuc' Benjamín aitatahueló. ² Iñe petsi ałinca ixanuc' LanDios imetsaicopola' ai'a timajnlita. Aimi'iya mecani'eyacola'. ¿Ja'ni aicołsina' loya'apa al Paxi Linilngiya? ¿Aicołsina' jilpe lonescopa li'ipa cal profeta Elías micufquila' lixanuc', iñe ixanuc' Israel? Tijoc'i' LanDios, tixa'hue titoc'ila', timi: ³ “MainenDios, maiPoujna, ¡Toxinłta' lo'epa iñe lan xanuc'! Ima'apá loprofeta, ummetsaipá lo'altar. Iya' caituca' aimafi'i, iya' lahuenno ałma'a'ma.” ⁴ LanDios, ¿te quitalai'e'eco'ma Elías? Timi: “A'i, aimopa'a cotuca'. Imafi'i tixhuaispola' ocuenaye acaitsi mil lan xanuc'. Ainenaquila', iñe ai'huexi, a'i quilexc'onłingolaic' cal ídolo Baal.”

⁵ Ma itsiya tołe ti'i. Itsiya pe lomana' lan xanuc' Israel tilmana' hualca iñiya ałinca ixanuc' LanDios. LanDios itoc'ipola', i'huijf'epola'. ⁶ LanDios quituca' tixpic'e nai łotoc'iyacola', nai lo'huijf'eyacola'. Iñe notoc'iyacola' aimicuicomma ate'a mi'e'me al c'a, tijoułta' ti'huijf'e'mola'. A'i. Ja'ni tołta'a lo'epa LanDios cołta' aimitoc'iyacola' lixanuc', ma' le'a ti'najtse'mola' lo'epa al c'a.

⁷ Itsiya, ¿te qui'ipa? Lixanuc' Israel tama tehueyi te co'iya mepenufyacola' LanDios, aiqulxim'me. Hualca linca ixim'me. Pe niximpá iñe li'huijf'epola' LanDios. Locuenaye i'ipa axna lilunxajma'. ⁸ Li'ipola' ma to loya'apa al Paxi Linilngiya, tuya'e': LanDios i'e'epola' muf lilpicuejma', i'e'epola' afohue, atałpe. Ma tołta'a tuyalaicoyi itsiya litine.

⁹ Cal rey David jouc'a tinescola' iñiya, ticua:

Lan xanuc' ni'epá lixcay, iñe notel'mipá lif'as xanuc', ma tołta'a ti'e'em'mola' iñiya.

Ma mitetsoyi ticuaitsa no'epá laic', ti'nohintsola'.

¹⁰ Timufc'otsola' li'u', aimixim'me,
tuliquintsola' no'epá laic', ti'hua ticuxenaisola'.

¹¹ ¿Te ja'ni cacua: Ihniya lixanuc' Israel joupa imenajpola'? ¿Te ñanDios ecani'epola' nulemma? A'i tohta'a laifcuapa. Linca ihne aiqilicueca, aiqilihuequi loxc'ai'ipola' ñanDios. Tohiya ñanDios epi'ipola' lane locuenaye xanuc' tihuejle, tunñul—le. Tijoula' ihne lixanuc' Israel tixim'me al c'a li'ipola' locuenaye xanuc', ticua'me: “Illanc' jouc'a a'e'entsonga' iñe al c'a”.
¹² Lixanuc' Israel aiqilihuequi ñanDios, tohiya ñanDios acueca' tipaxnela' lan xanuc' ni petsi lomana' li'a lamats'. Itsiya ihne lixanuc' Israel tehue'ela', tohiya acueca' al c'a lulijpa locuenaye lan xanuc'. Tijoula', ticuaitsi litine ñanDios tipaxneconatsola' ihne lun Israel, tepenufconatsola', ¿te co'iyá? Linca xonca al c'a lo'iyá.

¹³ Itsiya capalaic'olhuo' imanc' unc'ocuenaye xanuc'. Toñe ca'ay lanic' lalapi'ipa ñanDios. Iya' oñ'apóstol. ñanDios lum-mepa cu'itsolhuo' Lataiqui'. Cu'itsolhuo' jahuay imanc' a'i cunc'ijudío. Tohta'a laif'epa. ¹⁴ Cacua: Laif'as xanuc' judío ti'ila' quilsina' te ts'i'ic' li'ipolhuo' imanc', aga tinesle: “Illanc' jouc'a lapenufle iñe al c'a”, tijoula' aimecani'eyacola'.
¹⁵ ñanDios lecanaipola' ihne lan xanuc' Israel, locuenaye lan xanuc', ni petsi lomana' li'a lamats', epi'ipola' lane tiyejmalete ñanDios. Itsiya litine ihne lun Israel tocomma to lomanapola'. Ticuaitsi litine tepenufconatsola' ñanDios, linca timaf'i'ina'mola'.

¹⁶ Linca ñanDios tepenufcona'mola'. Ña'i lolanc'ecoyacu cal ts'e trigo ja'ni titsufconñe ñanDios tutani ñax'e, a'i ma le'a iñe ñax'e i'huexi ñanDios, lipanemma ñax'e jouc'a i'huexi. Anuli al 'ec, ja'ni lime i'huexi ñanDios limané iñe al 'ec jouc'a i'huexi ñanDios. ¹⁷ Ihne lixanuc' Israel, ñanDios ti'onñicola' to lifapa al 'ec, iñe al c'a al 'ec olivo jouc'a limané. Imanc' unc'ocuenaye xanuc' ti'onñicospolhuo' to limané al ximalo olivo. ñanDios iñonc'e'epola' hualca limané iñe li'olivo, ma jilpiya ifinc'ipolhuo' imanc'. Tenef'molhuo' petsi iñe al c'a olivo. Itsiya, imanc' jouc'a i'e'epolhuo' imané al c'a olivo. Iñe al c'a lime lujay titoc'elhuo'.

¹⁸ Aimolcua'me: “Iya' xonca ninc'a. Ihne limané olivo liñonc'e'epola' ñanDios, ihne a'ijc'a.” Ja'ni tohta'a toñnesyi tocomma to imanc' toñtoc'eyi lime. A'i. Lime titoc'elhuo' imanc'.
¹⁹ Aga toñcua'me: “ÑanDios liñonc'e'epola' limané olivo ipic'a aífinc'ila', lanef'la' jilpe”.
²⁰ Ne'. ñanDios iñonc'e'epola' ihniya petsi aimi'huaiyijnyi. Imanc' ifinc'ipolhuo'. Ma' moñ'huaiyijnyi toñmanecu jilpiya. Itsiya aimol—lof'e'moltsi. Toñ'etsoltsi cuenna.
²¹ ñanDios iteñ'mi'mola' ihne ma limané olivo, ihne tenef'pá lime. Aiquixinnila' acuanuc'la. Imanc'

ja'ni aimi'hua moł'huaiyijnyi, ¿te aimitel'miyacolhuo'? Linca titel'mi'molhuo' jouc'a.

²² Ihe lo'epa ŁanDios timuqui te ts'i'ic' lipicuejma'. Iheque tixina cuanuc', jouc'a ti'i'ma tixtu'hua. Petsi lenajpołtsi, aimihuejconayi, ihniya ixtuc'o'mola'. Imanc' a'i. Iximpolhuo' unc'icuanuc'la, itoc'i'molhuo'. Ja'ni ti'hua tolihuejcoyi ŁanDios, iłque pe joupa iximpolhuo' unc'icuanuc'la, małque ŁanDios ti'hua titoc'i'molhuo'. Ja'ni aimolihuejconayi tetec'e'e'molhuo'. ²³ Ihniya liłonc'epola', ja'ni aimihuejcona'me lixcay cane, ja'ni tehuejcona'me ŁanDios, iłque tifinc'icona'mola', tenef'cona'mola'. ŁanDios linca nipajnya ti'e'ma tołta'a. ²⁴ Ihe loquej lan olivo ituca' ituca' liłsans. Anuli aximalo, locuena al c'a olivo. Imanc' ma mi'onłcospolhuo' to łimané al ximalo olivo ŁanDios etec'e'ena'molhuo', ipa'apolhuo', enef'polhuo' jilpe al c'a olivo. Ja'ni ihe lipime joupa i'epa ŁanDios, ¿te aimi'iya mi'eya ja'ni a'i quipime? Linca, ti'i'ma. Ti'i'ma tifinc'icona'mola' jilpe lił'ec ihniya ma łimané al c'a olivo.

²⁵ Cunc'aipimaye, ma całtuca' lałpicuejma' aimi'iya maluhuałyacu ihe lataiqui' lonescopa li'ipola' lixanuc' Israel. ŁanDios linca ałmuc'inga'. Aipic'a ti'ila' cołsina' te ts'i'ic' li'ipola' ihe lan xanuc'. Ja'ni a'i, aga tołcua'me: "Iłlanc' xonca ac'a lałpicuejma', xonca ałsina'".

Itsiya lixanuc' Israel le'a huata ihniya iłsina' te ts'i'ic' lo'eyacu ja'ni tetenłcocoła' ŁanDios lo'epa. Locuena ye li'ipola' axna liłpicuejma'. Ticuaiyunni litine tixhuai'nitsola' ihe a'ij judío pe no'huaiyijmpá Jesucristo, ihe lun Israel jouc'a tilanc'e'e'mola' ac'a liłpicuejma', ti'huaiyijm'me. ²⁶ Tołta'a tuntuł'me jahuay lixanuc' Israel. Tołta'a loya'apa al Paxi Linilngiya, tuya'e' lonespa ŁanDios, ticua:

Łonłu'eyacola' lixanuc' Jacob tipaiyohuo laipiłya' Sión.

Tipai'i'mola' ihniya liłpicuejma', alihuejcona'ma.

²⁷ Tołta'a tenanł'ma laitaiqui' ałmaneconca.

Iya' quilonc'e'ena'mola' liłjunac'.

²⁸ Ihe, ma' aimihuejyi Lataiqui' loya'apa ihe al c'a lixpicepa ŁanDios, iłque aimepenufila'. Xonca tepenufilhuo' imanc'. Linca aiquecanai'ila' nulemma. ŁanDios ti'hua ti'nujuaitsila' ihe lixanuc', joupa i'huijł'epola' liłtatahueló. ²⁹ ŁanDios aimipai'i lipicuejma'. Ja'ni joupa icupa cataiqui', ihe lepi'ipa aimixic'eya. Iheque petsi lijoc'ipa aimetets'iya. ³⁰ Imanc', luyaipa quitine aimolihuejyi ŁanDios. Itsiya tolihuejyi. Ihe lixanuc' Israel aiqulihuequi. Toliya ŁanDios xonca iximpolhuo' unc'icuanuc'la, epenufpolhuo'. ³¹ Linca, itsiya litine ihe lixanuc' Israel aimihuejyi, toliya ŁanDios iximpolhuo' unc'icuanuc'la imanc'. Tijouła' jouc'a ihniya tixim'mola'

acuanuc'la. ³² Ja'ni lixanuc' Israel, ja'ni locuenaye lan xanuc', jahuay ma' anuli aiqulihuequi ÑanDios, ñque joupa iximpola' jahuay axpennaiqui. Toñta'a ja'ni lixanuc' Israel, ja'ni locuenaye lan xanuc', ma' anuli nipajnya ti'i'ma tixim'mola' acuanuc'la ÑanDios.

³³ Cagua: ¡Acueca' juaiconapa ÑanDios! ¡Acueca' juaiconapa lipicuejma'! ¡Acueca' juaiconapa lixina'! Aimi'ya mixinyacu te ts'i'ic' loxpice'pa, ni minesyacu: Toñe, toñe lo'eya. ³⁴ ¿Te anuli cal xans ixina' te ts'i'ic' lipicuejma' ÑanDios? ¿Te anuli cal xans i'epoxi hipomxi ÑanDios? ¿Te timuc'inni ÑanDios? ³⁵ O ¿te ti'i'ma lapi'i'me ÑanDios, tijouñta' a'ñajtse'e'monga'? A'i aimi'ya. ³⁶ Jahuay lopa'a ÑanDios ixpic'epa ti'ila', timajñle, jahuay ma' i'huexi, ñque aPoujna. Ma' ñque tix'ñajtsi'ine, timetsaicone cal Cueca'.

Toñta'a ti'ila' itsiya litine, Locuena Quitine jouc'a. Amén.

12

¹ Cunc'aipimaye, toñnujuaisle ÑanDios liximpolhuo' unc'icuanuc'la, itoc'ipolhuo' acueca'. Toñta'a caxa'huelhuo' toñtsufco'moñtsi ÑanDios. Itine itine ma colmañi' toñsim'moñtsi i'huexi ÑanDios, toñlihuejco'me. Loñ'ejma' tetentococota' ÑanDios. Toñmuj'me toñlihuejyi jahuay lolunxajma'. Toñta'a, ÑanDios tepenuf'molhuo' molaxc'onñingotañyi. ² Camilhuo': Aimolihuej'me liñ'ejma' lan xanuc' naihuejpa' quita' liñpicuejma'. Toñspic'ete ton'ete ituca'. Toñta'a ti'i'ma colñina' te ts'ipic'a ÑanDios. Ñque tixpic'e'ma ma le'a al c'a, tixpic'e latentococoya. Ñque aimimenajya.

³ Iya' a'i caituca' laipicuejma' caxc'ai'ilhuo'. Ma ÑanDios lapi'ipa ñe laipenic'. Itsiya camilhuo': Anuli anuli timetsaicoxoxi lipicuejma' li'ejma' te ts'i'ic' mopa'a. Nij nuli imanc' micua'ma: "Iya' xonca nincueca". Moñ'huaiyijnyi ÑanDios toñlimetsaicotsi te ts'i'ic' ñe loñpicuejma' lepi'ipolhuo' ÑanDios.

⁴ Tama ma' anuli lañcuerpo axpe' mipa'a. Anuli anuli tipa'a liñpenic'. ⁵ Toñta'a illanc'. Tama ninc'xpela', ma' añmana' anuli. Illanc' icuerpo Cristo. Aimi'ya malanañyacotsi anuli anuli. Anuli ñinca locuenaye i'huexi. Locuenaye ñinca i'huexi cal nuli. ⁶ ÑanDios lapi'iponga' anuli anuli lañ'eyacu, ituca' ituca'.

Ja'ni epi'icopo' loñpicuejma' to'itsola' lan xanuc' loxpice'pa ÑanDios, ne' to'i'mola'. Moñ'huaiyinge ÑanDios ñque tu'i'mo' te ts'i'ic' loñmuc'iyacola' loñimaye. Toñta'a to'itsola'. ⁷ Ja'ni epi'icopo' loñpicuejma' toñoc'itsola' loñ'as xanuc', ne', toñoc'i'mola'. Ja'ni epi'icopo' loñpicuejma' tomuc'iyaleña', ne', tomuc'i'mola'. ⁸ Ja'ni epi'icopo' loñpicuejma' toñc'ai'itsola', ne', toñc'ai'i'mola'. Ja'ni tapi'i'ma pe lahue'epa, ne', jahuay lomunxajma' tapi'i'ma. Ja'ni ifajpo', epi'ipo' copenic' tocuxeña',

aimo'e'moxi mahui, ma to'ela'. Ja'ni epi'ipo' lopticuejma' tox-
inla' cuanuc', ne', tixojla' meta to'ela'.

⁹ Imanc' aimo'e'e'mo'tsi le'a. Alinca tonf'e'etsot'si capic'a. Tolana'jtsot'si jahuay lixcay, tolihuejle al c'a. ¹⁰ Imanc' unc'apimaye to'ta'a tonf'e'mo'tsi capic'a. To'nujuait'sot'si, to'toc'itsot'si. Aimo'nes'me: "Iya' xonca ninc'a xans". To'nesle: "I'que laipima xonca ac'a xans".

¹¹ He lanic' lepi'ipolhuo' LanDios la'Poujna, to'po'no'e lo'pticuejma', tonf'ete. Aimixojtolhuo'.

¹² To'nujuaisle i'e al c'a lapi'yacolhuo' LanDios. To'ta'a aimi-
jouya lo'pixojma cata. Ja'ni to'te'coyi, to'tsnet'He. Ti'hua to'joc'ite
LanDios. To'tsa'huele titoc'itsolhuo'.

¹³ To'toc'itsola' lo'pimaye petsi lahue'epola'. He jouc'a
i'huexi LanDios. Tolapenuftsola' lolajut'li.

¹⁴ Pe naihuetsojpolhuo' to'paxnetsola'. Aimo'nesc'e'mola'
quixcay cataiqui'. To'paxne'mola'.

¹⁵ Petsi naixojpa' quileta, imanc' jouc'a tixojla' cumlata.
Petsi nohuotsopa' tijolijyi, imanc' jouc'a to'jolijle.

¹⁶ Aimolatets'i'mo'tsi. Tonf'ete anuli lo'pticuejma'.
Aimo'e'e'mo'tsi. Aimo'nes'me: "Illanc' ninc'itsila' xanuc'".
Tonfejmale'e lo'pimaye petsi aiquil'hueca. Aimo'nes'me: "Iya'
xonca aixina'".

¹⁷ Aimo'e'cona'mola' lixcay petsi li'epolhuo' lixcay. Jahuay
lo'eyacu ti'ila' ma' al c'a. Tixinte to'ta'a i'ne nahuelo-
jpolhuo'. ¹⁸ Ni petsi lo'tseyacu, ja'ni ti'i'ma, to'hajnle
ac'a. Ja'ni i'pic'a tifuli'i'molhuo', imanc' aimo'fuli'icona'mola'.

¹⁹ Maicunc'aipimaye, iya' camilhuo': Ja'ni ixcay li'epolhuo'
imanc', aimo'pai'icona'me. To'huaico'e titef'mita' LanDios.
To'ta'a loya'apa al Paxi Linilingiya, ticua:

Ma le'a iya' ti'hua laimane capai'icona'ma.

Petsi no'epa' lixcay ma' iya' ca'najtse'e'mola', catef'mi'mola'.

To'ta'a locuapa LanDios lo'Poujna.

²⁰ Imanc' tolihuejco'e lataiqui' loya'apa:

Ja'ni tumle'e no'epo' laic', ima' totes'mita'.

Ja'ni ticui quija', ima' tohui'ila' quija'.

Ima' to'ta'a to'te'f'mi'ma ni'epo' laic'.

²¹ To'po'no'e lo'pticuejma', to'nesle: "He lixcay la'e'epa
aimalulijya. Iya' ca'e'e'ma al c'a, to'ta'a culij'ma lixcay."

13

¹ Jahuay imanc' tonf'ete locuxe'epolhuo' ts'i'penic'. Cal
xans no'huapa limane ticuxela', ma LanDios epi'ipa i'que li-
mane. I'niya ts'i'penic' pe nocuxepolhuo' itsiya, ma LanDios ifa-
jpola'. ² To'ta'a ja'ni aimolihuejcola' ts'i'penic' locuxe'epolhuo'
ma' anuli aimolihuejcoyi LanDios lipo'nopola' i'niya. Cal
xans aimihuejma, LanDios tepi'i'ma lijunac'. ³ He ts'i'penic'

ipo'nompola' tilic'mintsola' no'epá lixcay. A'i milic'minyacola' no'epá al c'a. Ima' ja'ni aimocua milic'minyaco', ne' to'ela' al c'a. Tijoula' timi'mo': "Ac'a ima' lof'epa". ⁴ Itque ts'ipenic' ma LanDios epi'ipa lipenic', ixpic'epa titoc'itso'. Toxpaic'etsi. Aimoe'ma lixcay. Li'espada a'i ma le'a quitaic'. Ti'hua limane titef'mitso'. ⁵ Linca ts'ilpenic' nipajnya ti'i'ma titef'mi'molhuo'. A'i ma le'a tohiya tolihuejco'mola'. Jouc'a tof'nujuaitsa naitsi nipo'nopola'. Małque LanDios ipo'nopola' ihniya. Toliya tolihuejco'mola'. ⁶ Ma' anuli tof'najtseyi ite lo'najtsi'ipolhuo'. Ts'ilpenic' ti'eyi lanic' lepi'ipola' LanDios. Itine itine tuyalaicoyi ti'eyi tołta'a.

⁷ Jahuay ts'ilpenic' petsi lo'najtsi'ipolhuo' tof'najtse'e'mola'. Ja'ni ti'najtsi'ilhuo' łolamats', łolajut'hi o ts'oltaic' lane, ne' tof'najtse'ele. Tołspaic'etsola', tolimetsaicotsola'. ⁸ Aimoltaiyinc'e'me, ni anuli. Tof'najtse'e'mola' nulemma jahuay. Linca tipa'a ite petsi aimi'iya moł'najtse'eyacola' nulemma. Aimi'iya mołnesyacu: "Joupa ai'epa capic'a itque łaipima. Aica'econaya capic'a." Linca ticuicomma ti'hua tof'nujuaitso' lołpimaye, ti'hua ton'etsola' capic'a. Ja'ni to'ay capic'a łopima, ałınca menant'hipa locuxepa LanDios. ⁹ LanDios ałcuxe'eponga', lu'inga': "Aimoxhuico'ma lipeno łof'as xans. Aimoma'ahuale'ma. Aimonantse'ma. Ja'ni topalaicotsola' łof'as xanuc' tonesla' al linca, aimofel'miyale'ma. Aimojanaj'ma hi'hueca łof'as xans." Ihiya lataiqui' jouc'a jahuay locuxepa LanDios ti'i'ma alafot'łeco'me, ti'ila' ma le'a anuli lataiqui' loya'apa: "Ima' to'eyoxi capic'a, ma tołta'a to'ela' capic'a łof'as xans, naitsi łoftalecufya". ¹⁰ Ja'ni to'ela' capic'a łopima aimi'iya mo'e'eya quixcay. Tołta'a tanant'hi'ma locuxepa LanDios.

¹¹ Tof'nujuaitsa lo'iya, tołta'a ton'e'me to ite laifxc'ai'ipolhuo'. Joupa icuai'ma al 'hora ałmaf'ite, ałtsolinanca. Litine lipan-gopa la'huaiyijmpa Jesucristo ŁalunŁu'eyaconga' tehue'e' ticuaicoconno itque. Itsiya xonca ahuata tehue'e'. ¹² Joupa tuyaipa lipuqui'. Joupa tilic'e'ma. Aimał'econa'me lixcay, ite lo'epa itne noyelocopá lipuqui'. Lihuejle lepalc'o'. Tołta'a ałpa'neco'mołtsi lałpicuejma', aımitsufaiya lixcay.

¹³ Petsi amuf liłpicuejma' tixoquei quileta ti'eyi lixcay juic, timeyoc'iyolta, ti'nołyi lacał'no', ti'eyi nixpiya, tifuleyi, ti'eyolta laic'. Illanc' aimaluyalaico'me tołta'a, epalc'o' lałpicuejma'. Ticuicomma ti'ila' ituca' lał'ejma'. ¹⁴ Aimolta'cuame: "¿Te ts'i'ic' latentłocoya laicuerpo? Capi'i'ma lojanajpa." Ton'ete ma le'a al c'a ma to li'epa Jesucristo. Ite lon'eyacu tetentłocola' Jesucristo, itque ticuanajco'molhuo'.

14

¹ Petsi aiquilcueca litaiqui' Jesucristo, ja'ni ti'huaiyijnyi tolapenuf'mola'. Tijoula' aimoñnesco'mola' iñniya li'ejma'. Nij naitsi nocuaya: "Aicaipic'a li'ejma' ñaipima". ² Anuli xonca ti'huaiyinge, jahuay tite'ma. Locuena aimicueca, titeja ma le'a itamqui, aimiteja lixic'. ³ ñque notepa jahuay aimesets'i'ma petsi notepa pangay quitamqui. Notepa pangay quitamqui aiminesco'ma notepa jahuay. Aimines'ma: "Ñque tecani'em'me". A'i. ñanDios joupa epenufpa. ⁴ Ima' nofnescopa ñopima, ¿naitsi ima? Ima' a'i quipoujna ñopima. Ma ñipoujna tixpic'e ja'ni ti'hua timetsaicoñla' o tecani'e'ma. ñinca timetsaico'ma. ñipoujna ti'hua limane titoc'i'ma, aimecani'eyacoxi.

⁵ Anuli ñapima ticua: "Acueca' litine ñta'a, iya' aica'eya canic'". Locuena ticua: "A'i, ma' anuli jahuay ñitiné". ñque ti'e'ma canic'. Iya' cacua: Anuli anuli, quituca' quituca', tixpic'eñla' lipicuejma' lo'eya. Tijoula' ti'eñla'. ⁶ ñapima nocuapa: "Acueca' litine ñta'a, aica'eya canic'", ñque ipic'a tetentcocoñla' ñanDios. Locuena nocuapa: "Ma' anuli jahuay ñitiné, ca'eta canic'", ñque jouc'a ipic'a tetentcocoñla' ñanDios. ñapima notepa jahuay ipic'a tetentcocoñla' ñanDios, toñta'a joupa ix'najtsi'ipa ñanDios. Locuena notepa pangay quitamqui jouc'a ipic'a tetentcocoñla' ñanDios, jouc'a ix'najtsi'ipa ñanDios.

⁷ Mañmana' fa'a li'a ñamats' aimañcuxeyoñtsi cañtuca'. Aimañpic'eyi ja'ni ti'hua añañfi'me o ja'ni aña'monga'. ⁸ Ja'ni ts'añañfi' ñañpoujna lapi'inga' ñañpitine. Ja'ni añañsonga' ma' anuli ñañpoujna tixpic'e ñe ñañiyaconga'. Ma' anuli mañmana' i'huexi ñañpoujna. ⁹ Toñta'a añañuc'iponga' ñe li'ipa Cristo. ñque imapa, imañ'ina, toñta'a i'ipa ñañpoujna limanapola' jouc'a ts'iñañfi'. Jahuay ticuxela'.

¹⁰ Ima', ¿te cofnescocopa ñopima? Tocua: "Tecani'em'me". Ima', ¿te cofmetets'icopa ñopima? Anuli toñcuaita pu'hua pe lopa'a ñanDios cal Cuecaj Juez. Jijpiya jahuay lacaxhuoñaita.

¹¹ Toñta'a tuya'e' al Paxi ñinñingiya. Ticua ñanDios:

Ma' añañca iya' NanDios, añañfi'.

Iya' cacua:

Laxc'onñingola'i'ma jahuay lan xanuc'.

Jahuay añañma: "Ma' ima' manDios".

¹² ñe lataiqui' añañuc'inga' te ts'i'ic' ñañiyaconga' anuli anuli illanc'. Ima' cotuca', iya' cañtuca' añañlai'eta ñanDios.

¹³ Itsiya aimañnescocona'mola' ñañpimaye. Aimalahuelojncona'mola' te ts'i'ic' li'ejma'. Najmay tolahuelojntsoñtsi coñtuca' loñejma'. Toñpic'eñe nulemma toñtoc'itsola' loñpimaye. Aimoñ'e'mola' muc'uiyacola'. ¹⁴ Aixina' jahuay ti'i'ma añañme ja'ni Jesús añañpoujna, ja'ni ñque joupa alapenufponga'. ñapima

petsi aimicueca ita'a, itque nocuapa: "Ile ixcay. Lan Dios aimalapi'i lane. Aimi'iya cateja", ne', aimite'ma. ¹⁵ Ima' toteja jahuay, tijoula' lopima tixhueico'ma, ticua: "Ile ixcay, ¿te cote-copa itque?" Ja'ni tola'a lo'iya ima' linca aimo'ay capic'a lopima. Cristo icupoxi, imacopa tuntu'etsi lopima jouc'a. Tijoula', ¿te ima' tatets'i'ma? Tote'ma, tijoula' itque lopima to'e'e'ma coyac'. Aimihuejconaya, tecani'e'moxi. A'i. Aimo'e'ma tola'a. ¹⁶ Linca ima' xonca to'huaiyinge Lan Dios, tola'a jahuay toteja. Ma le'a camihuo': Ja'ni lopima tixim'mo' a'ijca lo'ejma' moteja jahuay, najmay aimote'ma ile petsi aimetenlcocojma lopima.

¹⁷ Lan Dios cal Rey aimicuis'eyacola' lixanuc' te ts'i'ic' itepa, lixnapa. Itque timetsaicola' itne ixanuc' petsi no'epá al c'a, petsi aimifuleyi, petsi cal Espiritu Santo tixoc'ila' quileta. ¹⁸ Ja'ni tola'a comihuequi lo'Poujna Cristo, linca Lan Dios tetenlcocojma lo'ejma'. Lan xanuc' jouc'a tixim'mo' ac'a lof'epa.

¹⁹ Toliya, alpo'note la'picuejma' aimal'e'eyacola' coyac' la'pimaye. Altoc'i'mola' tihuejle Jesucristo. ²⁰ Ima' ts'opic'a tola' jahuay, to'nujuaitsola' lopimaye. Lan Dios joupa ifa'epola' itne li'picuejma', ¿te ima' tomints'e'mola'? Ailopa'a quixcay la'tepa. Jahuay ti'i'ma alte'me. Ja'ni loftepa aimetenlcocojma lopima, ja'ni toc'uilituf'e'ma itque, jitpe linca Lan Dios tixina ixcay itquiya loftepa.

²¹ Loftepa lixic' o lofxnapa vino, o lof'epa, ja'ni tola'a toc'uilituf'e'ma lopima, najmay aimoxna'ma ile al vino ni aimote'ma ile lixic' ni aimo'e'ma to mo'ay. ²² Ima' oxina' lof'eya, ja'ni ti'i'ma tote'ma, ja'ni aimi'iya. To'nujuaitsi Lan Dios jouc'a ixina'. Tixoqui meta ima' ja'ni taimetsaicoyoxi ac'a lof'epa, ja'ni oxina' tetenlcocojma Lan Dios. ²³ Lapima nonesya: "Aicaixina' ja'ni ti'i'ma o aimi'iya", tijoula' tite'ma, linca a'ijc'a ile lo'epa. Titai'ma lajunac'.

Ticuicomma ti'ila' calsina' ja'ni tetenlcocojma Lan Dios o a'i. Ja'ni aicalsina' najmay aimal'e'me.

15

¹ Illanc', ja'ni alcueca litaiqui' Jesucristo, ja'ni joupa alsina' ti'i'ma alte'me ja'huay, ja'ni alsina' ailopa'a tintsi, iya' cacua: Aimal'e'me lalatenlcocoyaconga' illanc' caltuca'. Xonca' lahuele te co'iya malto'iyacola' la'pimaye, itne petsi aiqilcueca. Male al'ete. ² Al'ete le'a latenlcocoyacola' la'pimaye. Licuis'e'moltsi: "¿Te caif'eya catoc'ila' la'pima? Aipic'a xonca tihuejla' Jesucristo." ³ Al'nujuaisle li'ejma' Jesucristo. Itque aiqutenlcocoyoxi quituca'. Al Paxi Linilingiya tuya'e' lo'iya Cristo. Itque lipalaic'opa Lan Dios timi: "Ima' iya' altecopá anuli. Lan xanuc' netets'ipo' ima', malniya ahescopa jouc'a".

⁴ He lataiqui', jouc'a jahuay loya'apa al Paxi Linilingiya linijmpa luyaipa quitine, altoc'inga' illanc' nalmana' itsiya, almuc'inga'. LanDios aimicua mañtafqueyacong'a' jilpe lañpicuejma'. Ipic'a ti'hua al'huaicoñe ñe lalapi'iyaconga'. Totiya lapi'iponga' litaiqui', ñiya al Paxi Linilingiya. Lapi'iponga' alsueñe. Toñta'a lixpi'ímonga' calata, alsnet'ñme lañ'iyaconga'.

⁵ Linca mañque LanDios altoc'inga' alsnet'He lañ'iyaconga'. Lixoc'inga' calata. Itque LanDios ti'e'etsolhuo' anuli loñpicuejma', ti'ila' loñ'ejma' to li'ejma' Jesucristo. ⁶Toñta'a ti'ima anuli loñpicuejma', jahuay anuli toñs'nañtsi'ime LanDios, itque enDios, i'Ailli' lañPoujna Jesucristo.

⁷ Cristo joupa epenuñpolhuo'. Totiya imanc' unc'apimaye. Tolapenuñtsoltsi. Toñta'a tixinim'me te ts'i'ic' ñolanDios. Tixinim'me ac'a lipicuejma'. ⁸Jesucristo i'huamma fa'a li'a lamats', i'epoxi to calmozo illanc' ninc'ijudío. Toñta'a ñinc'ipa linespa LanDios. Enant'ñipa lataiqui' LanDios lepi'ipola' lañtatahueló. ⁹Jouc'a i'huacomma li'a lamats' toñs'nañtsi'ine LanDios imanc' a'i cunc'ijudío. Licuai'ma Cristo itque imuc'i'molhuo' te ts'i'ic' LanDios lipicuejma'. Itque LanDios tixinnilhuo' unc'icuanuc'la. Al Paxi Linilingiya tuya'e' toñta'a lo'iya ticua:

Pe lomana' lan xanuc' a'ij judío cax'nañtsi'ito', camito':
 “¡Acueca' ñta'a lo'epa!”

Mañpiya cunac'ta, camito': “¡Ma' ima' manDios!”

¹⁰Jouc'a tuya'e':

Unc'ocuenaye xanuc', jouc'a lixanuc' LanDios, tixojla' cunlata anuli.

¹¹Jouc'a tuya'e':

Unc'ocuenaye xanuc', toñs'nañtsi'ine LanDios.

Imanc' ni petsi loñmana', toñnesle: “¡Acueca' ñalanDios!”

¹²Jouc'a pe linijiya linespa Isaías tuya'e':

Tama joupa imanapa Isaí, (itque i'ailli' cal rey David),

ti'ima anuli ñaneñ'eya, ticuxe'mola' locuenaye lan xanuc', ñne a'ij judío.

Ñniya ti'huaiyijm'me itque.

¹³Alsa'hueyi LanDios tepi'itsolhuo' colñpicuejma' toñ'huaicoñe al c'a lapi'iyacolhuo', tixoc'itsolhuo' cunlata. Toñta'a toñsim'me acueca' lotoc'ipolhuo' cal Espíritu Santo. Aimixojyacolhuo', ti'hua toñ'huaico'me.

¹⁴Cunc'aipimaye, joupa aixinnilhuo' te ts'i'ic' loñ'ejma'. Aixinnilhuo' juaiconapa ac'a loñpicuejma'. Aixina' joupa oñsina', toñsc'ai'iyotñsi. ¹⁵Tama aixinnilhuo' toñta'a ninil'epolhuo' ñta'a colje'e. Petsi petsi tocomma to ujfxi laitaiqui'. Aipic'a toñnujuaitsa, aimolimenc'eco'me ñe al c'a loñsina'. LanDios

joupa lapi'ipa laimane catoc'itsolhuo' toŧta'a. ¹⁶ LanDios lum-mepa ni petsi lomana' lan xanuc' a'ij judío. Lummecopa capalaicota Jesucristo. Toŧta'a ca'ay lipenic' ŧaPoujna. Cuya'e' litaiqui' LanDios, Lataiqui' loya'apa iŧe al c'a loxpíc'epa LanDios. Cami LanDios: "Ja'a, toxintsola' iŧne locuenaye xanuc' a'ij judío. Iŧne jouc'a o'huexi, joupa epenufpá cal Espíritu Santo. Joupa aitoc'ipola'. Tetenŧcocotso' ima'. Tapenuŧtsola'."

¹⁷ Iya' tixoqui neta quihuequi Jesucristo. Toŧta'a ca'ay lanic' lalapi'ipa LanDios. Ma' iŧque Jesucristo aŧtoc'i. ¹⁸ Aicapalajma lanic' iŧe li'epa ocuena caŧpima. Aicacua: "Iŧe laif'epa iya'". Ma le'a capalaico'ma li'epa Cristo jilpiya laitsehuo'ma iya'. Jilpe petsi lan xanuc' a'ij judío aŧquimf'epa iya' lainuya'apa. Aŧsimpa lai'epa, lijou'ma ihuejco'me LanDios. ¹⁹ Lainipamma jilpe al cuecaj quilya' Jerusalén aitsehuo'ma aculi' cacuaita ŧamats' Ilríco, ca'hua cuya'e' Litaiqui' Jesucristo. Ni petsi lomana' lan xanuc' nu'iyalepa Lataiqui' loya'apa iŧe al c'a loxpíc'epa LanDios. Lan xanuc' ixim'me acueca' lo'epa LanDios. Ixim'me acueca' lipepaxi cal Espíritu Santo.

²⁰ Iya' cahuela' lan xanuc' petsi aimimetsaicoyi Jesucristo. Pe lomana' iŧniya jilpe cuya'e' Lataiqui' loya'apa iŧe al c'a lixpíc'epa LanDios. Aica'eya canic' petsi ocuena joupa ipangopa. ²¹ Cagua: Ti'ila' ma to micua al Paxi Linilngiya loya'apa: Lan xanuc' petsi aiquilŧsina' naitŧi iŧque, petsi aicu'innila', iŧniya timetsaico'me.

Petsi aiquilŧcueca, ma' iŧniya ti'i'ma quilŧsina'.

²² Joupa aimipolhuo', aixpic'epa ca'hua'ma pe lomana' lan xanuc' petsi aimimetsaicoyi Jesucristo. Capalaic'otsola' iŧniya. Toŧiya aicaitsec' pe loŧmana' imanc'. ²³ Ixhuaita axpe' camats' aipic'a ca'huala'. Aipic'a cacuaitŧi jilpiya pe loŧmana'. Itsiya cacua: Fa'a pe laifpa'a joupa ijoupa laipenic'. Linca ca'hua'ma. ²⁴ Litine ca'huala' España, iŧniya litiné cuyaicota pe loŧmana' imanc', cahuejntolhuo'. Oque' afane' quitine aŧmajnta anuli, tixoj'ma calata. Tijouŧa' imanc' aŧtoc'ita cuyaita.

²⁵ Ate'a ca'hua'ma Jerusalén. Capi'itola' quilŧomí lapimaye nomana' jilpe. Iŧne i'huexi LanDios. ²⁶ Lapimaye nomana' ŧamats' Macedonia, jouc'a nomana' ŧamats' Acaya, iŧne ixpic'e'me tefot'le'me liŧtomí, titoc'iconnola' liŧpimaye petsi aiquil'hueca, iŧne i'huexi LanDios nomana' Jerusalén. ²⁷ Cagua: Ixpíc'epá titoc'iŧe liŧpimaye iŧniya ajudío nomana' Jerusalén. Toŧta'a tix'najtsi'im'mola'. Iŧne liŧpimaye ajudío joupa itoc'impola'. Aiquicuanac'ennila' Lataiqui' loya'apa iŧe al c'a lixpíc'epa LanDios. Ticuayi: "Tuyalaicotsa al c'a Locuena Quitine". Itsiya iŧne lapimaye a'ij judío tix'najtsi'im'mola' liŧpimaye. Tumme'ennila' quilŧomí. Tuyalaicotsa al c'a itsiya litine.

28 Toliya ca'hua'ma Jerusalén. Ma' iya' capi'itsola' lapimaye quíltomí; ile lefot'lepa lapimaye a'ij judío, ilne nomana' Macedonia y Acaya. Tijoula' cuyaitsi pu'hua España catsa'aitolhuo' imanc' nołmana' Roma. 29 Jesucristo altoc'ipa. Alpaxnepa juaiconapa. Cacuaitsi iya' pu'hua pe lołmana' ma' anuli altoc'i'monga', alpaxne'monga'.

30 Cunc'aipimaye, imanc' illanc' anuli lałPoujna, ilque Jesucristo. Ilque altoc'inga'. Jouc'a ma' anuli cal Espíritu lałapi'iponga' lałpicuejma' ał'etsotsi capic'a. Ilque cal Espíritu Santo. Toliya caxa'huelhuo' tołjoc'ile LanDios altoc'ila'. Ti'hua tołjoc'i'me. 31 Tołta'a LanDios ał'eta cuenna. Lan xanuc' nał'epa laic', ilniya nomana' lamats' Judea aimi'iya mał'e'eya to micuayi. Jouc'a tołsa'huefe LanDios altoc'itsi jilpe Jerusalén. Tetentocotsola' laif'eya lapimaye nomana' jilpiya, lapenufta al c'a. 32 Tołsa'huefe LanDios altoc'ila' tixojla' neta cacuaitsi pe lołmana'. Ma' anuli lunxajta. Lixpi'itołtsi calata.

33 LanDios nipajnya ti'i'ma tipac'e'e'molhuo' lołpicuejma'. Imanc', ilque, tołmajnle anuli. Tołta'a ti'ila'. Amén.

16

1 Fa'a tipa'a Febe lałpima caca'no'. Ilque ti'ay lanic' lepi'ipa LanDios, titoc'ila' lapimaye nomana' liya' Cencrea, ilne lafołyomma jilpiya. Iya' nimetsaijma ac'a caca'no'. 2 Imanc' i'huexi LanDios jouc'a tolimetsaicotsa lałpima, tolapenufle. Ma' anuli lałPoujna. Ja'ni tehue'e' tołapi'ile, tołtoc'ife. Ilque itoc'ipola' axpela' lapimaye, iya' jouc'a altoc'ipa.

3 Tolu'itsola' Aquila y lipeno Priscila: "Pablo tinonilhuo'". Ma' anuli illanc' ał'eyi lanic' lalapi'iponga' Jesucristo. 4 Linca iya' jouc'a jahuay lapimaye a'ij judío, ni petsi lafołyomma, ał'najtsi'ila' ilne Aquila y Priscila. Ilne ałcuanajcopa iya'. To-comma to aimunlu'eyacołtsi ilniya.

5 Lapimaye lafołyomma lilejut'ł Aquila y Priscila, jouc'a cal c'a lai'amigo Epeneto, tolu'itsola': "Pablo tinonilhuo'". Jilpe lamats' Asia Epeneto i'ipa cal te'a lihuejpa Jesucristo.

6 Jouc'a tolu'itsa María: "Pablo tinonhuo'". Ilque María acueca' itełcopa itoc'ipolhuo'.

7 Ma' anuli tolu'itsola' Andrónico y Junias, ilne aipiłya' xanuc'. Iya' ilniya altats'emponga' anuli. Ilne alulijpa iya'. Ate'a i'huaiyijmpá Jesucristo. Ilne jouc'a a'apóstole, lummepola' LanDios. Ti'eyi acueca' canic'.

8 Jouc'a tołta'a tolu'itsa Ampliato. Ilque linca ca'ay capic'a. Tołta'a lapi'ipa laipicuejma' lałPoujna.

9 Jouc'a tolu'itsa Urbano. Illanc' ałejmale. Ał'eyi lanic' lalapi'iponga' Jesucristo.

Jouc'a tolu'itsa Estaquío, laicaipima.

10 Jouc'a tolu'itsa Apeles. Jique linca imuj'moxi cal c'a ts'ihuequi Jesucristo. Aiquenajyoxi.

Jouc'a tolu'itsola' ihniya nomana' lejut'l Aristóbulo.

11 Jouc'a tolu'itsa Herodión. Ique aipilya' xans.

Jouc'a tolu'itsola' ihniya nomana' lejut'l Narciso, ihne ti'huaiyijnyi łąPoujna Jesucristo, joupa lepenufpola'.

12 Jouc'a tolu'itsola' Trifena y Trifosa. Ihne ti'eyi lanic' lepi'ipola' łąPoujna Jesucristo.

Jouc'a tolu'itsa łą'amiga Pérsida. Ique juaiconapa i'epa lanic' lepi'ipa łąPoujna.

13 Jouc'a tolu'itsa Rufo. Ique linca timujyoxi i'huijf'epa łąPoujna, ac'a tihuequi. Jouc'a tolu'itsa qui'máma' Rufo. Iya' jouc'a cami: "Ai'máma".

14 Jouc'a tolu'itsola' ihne Asíncrito, Flegonte, Hermes, Patrobas, Hermas, y jilpiya nomana' locuenaye capimaye.

15 Jouc'a tolu'itsola' ihne Filólogo, Julia, Nereo, lipima caca'no' Nereo, Olimpas y jahuay lapimaye i'huexi ŁanDios lafołyomma ihniya.

16 Jahuay imanc' tołmontsołtsi. Tołtuc'otsołtsi lołpeque to tituc'otsołtsi lapimaye i'huexi ŁanDios.

Tinonilhuo' imanc' jahuay lapimaye i'huexi Cristo ni petsi lafołyomma.

17 Cunc'aipimaye, jilpiya pe lołmana' timana' lan xanuc' nacui'ipołtsi apimaye. Ihne ocuenaj li'ejma'. Ihne mane tifuli'ilhuo', ti'e'e'molhuo' onłca. Tołta'a anuli anuli ti'hua lipene. A'i tołta'a limuc'ipolhuo' lataiqui' lolihuic'ipa. Imanc' ti'ıla' cołsina' naitsi ihne, tołanajtsołtsi. 18 Ihne aimihuejyi locuxepa łąPoujna Jesucristo, le'a tehueyi te co'iya mulijyacu quíłtomí, titetsołe al c'a. Típalaiyi tocomma ac'a cataiqui', tetenłcocola' lapimaye. Tifel'minnila' ihne lapimaye petsi nox-impá jahuay lataiqui' tocomma ma' anuli. Ihne lapimaye aimimetsaicoyi petsi a'ijc'a capicuejma'. 19 Iya' jouc'a jahuay lapimaye ni petsi lomana' ałsina' imanc' linca tolihuejcoyi. Ihe loł'ejma' lixoc'i neta iya'. Iya' aipic'a ti'ıla' cołsina' te ts'i'ic' al c'a. Tolihuejle y toł'ełe tołiya. Ja'ni a'ijc'a, cacua: Ni aimi'i'ma cołsina' te ts'i'ic', amolihuejyacu.

20 ŁanDios lipac'e'eponga' lałpicuejma' aimicołya timuj'moxi acueca' ipujfxi. Tołsim'me joupa i'oc'enapa Satanás, toł'huailetsuf'me. Tijouł'a ailopa'a co'e'econayacolhuo'.

ŁąPoujna Jesucristo titoc'itsolhuo' itine itine.

21 Tinonilhuo' Timoteo. Ique anuli ał'epá lanic' lalapi'iponga' Jesucristo. Lucio, Jasón, Sosípater jouc'a tinonilhuo'. Ihne aipilya' xanuc'.

22 Iya' ninTercio quinili iłta'a al je'e. Iya' jouc'a nihuequi Jesucristo. Canonilhuo' imanc' unc'aipimaye.

²³ Iya' ninPablo aipanc'ale fa'a lejut'i Gayo. Ique tinonilhuo' jouc'a. Jifa'a lejut'i tefolyomma lapimaye.

Erasto, ique ipenic' ti'huejla' al tomí fa'a liya', jouc'a łapima Cuarto, tinonilhuo'.

²⁴ Itine itine łapoujna Jesucristo titoc'itsolhuo' jahuay imanc'. Tołta'a ti'ila'. Amén.

²⁵⁻²⁷ Iya' cacua: ¡Ałs'najtsi'ile ŁanDios! Ique ti'i'ma titoc'i'molhuo'. Tołta'a aimolanajyacoltsi al c'a cane. Małta'a loya'apa Lataiqui' laifnuya'apa iya'. Ie Lataiqui' tuya'e' te ts'i'ic' al c'a loxpíc'epa ŁanDios, tipalaijma Jesucristo. Iya' cuya'e' naitsi ique.

Iha'a łitiné ŁanDios ałmuc'iponga' al cuajmaica te ts'i'ic' lixpíc'epa. Ie lixpíc'epa uya'a'me lam profeta, inil'me. Li'ipa tipanemma to lemiya cataiqui'. Ailopa'a nicuejpa. ŁanDios, ique aimijouya lipitine, joupa icuxepa ticuejle jahuay lan xanuc' ni petsi lomana', tihuejcolę, ti'huaiyijnle. Cacua: Ti'huaiyijnle Jesucristo. Tołta'a timetsaico'me acueca' ŁanDios. Ma' ique anDios, acueca' lipicuejma'. Timetsaiconle itsiya litine, Locuena Quitine jouc'a. Tołta'a ti'ila'. Amén.

LIJE'E SAN PABLO AL TE'A LINIĒ'EPOLA' LAPIMAYE LEFOT'ĒPOĽTSI LIĒYA' CORINTO

¹ Iya' ninPablo, Jesucristo aĵoc'ipa ca'eĵa' lanic' lalapi'ipa. Toliya iya' nin'apóstol, epaluc Jesucristo. Toĵta'a lixpíc'epa ĒanDios. ² Iya' ĵouc'a ĵaipima Sóstenes liniĒ'elhuo', aĵnonilhuo' imanc' lefot'Ēepolhuo' ĒanDios ĵiĵpe liĵya' Corinto. Imanc' ĵoupa epenufpolhuo' Jesucristo. Toliya i'ipolhuo' ixanuc' ĒanDios. Īque ĵoupa imetsaicopolhuo' i'huexi. ĵahuay laĵpimaye no-ĵoc'ipá Jesucristo, ni petsi lomana', aĵnonila' ĵouc'a. Maĵque Jesucristo aĵPoujna, illanc' iĵniya.

³ ĵCa' Ailli' ĒanDios ĵouc'a ĵaĵPoujna Jesucristo titoc'itsolhuo', tipac'e'etsolhuo' loĵpicuejma'!

⁴ Itine itine cax'najtsi'i ĵainenDios acueca' itoc'ipolhuo', ipaxnepolhuo' imanc' lepenufpolhuo' Jesucristo.

⁵ Cax'najtsi'i xonca ac'a loluyalaicopa imanc' lepenufpolhuo' Cristo. ĵuaiconapa ac'a loluya'apa litaiqui'. Ac'a olapenuf'me iĵe lataiqui', oĵcuejpá. ⁶ Toĵta'a li'ipolhuo' liĵoupa lolapenufpa laĵtaiqui' laĵpalaicopa Cristo. ⁷ ĒanDios ipaxnepolhuo' acueca'. ĵahuay lapi'ipola' lixanuc' ĵoupa epi'ipolhuo' imanc'. Itsiya oĵ'huaijma ticuaiconanni ĵaĵPoujna Jesucristo. ⁸ Īque ti'hua titoc'i'molhuo' aimolanajyacoltsi al c'a cane. Ticuaiconanni ĵaĵPoujna Jesucristo aimitac'uinyacolhuo' cajunac'. ⁹ Toĵta'a ti'e'ma ĒanDios. Īque tenant'i'i litaiqui', aimifellaique. ĵoupa iĵoc'ipolhuo' tonĵejmale'me hi'Hua, ĵaĵPoujna Jesucristo.

¹⁰ Unc'aipimaye, caxahue'elhuo' toĵspic'eĵe ti'ila' ac'a loĵ'ejma', tetentĵcocola' Jesucristo. Camilhuo': Aimoĵfuli'i'moĵtsi cataiqui', aimolixtuc'o'moĵtsi. Toĵ'etsoltsi anuli loĵpicuejma', anuli loĵtaiqui'. Aimolanajcona'moĵtsi ocuena ocuena lipicuejma'.

¹¹ Unc'aipimaye, lapimaye nomana' lejut'ĵ Cloé tinescolhuo' imanc', ticuayi toĵfuli'iyoltsi cataiqui'. ¹² ĵoupa aicuejpa loĵ'ejma'. Hualca imanc' toĵcuayi: "Illanc' aĵcuxenga' Pablo, iĵque lihuejyi". Ocuenaye ticuayi: "Lihuejyi Apolos". Ocuenaye ticuayi: "Lihuejyi Cefas". (Īque aPedro.) Locuenaye ticuayi: "Illanc' lihuejyi Cristo".

¹³ Itsiya quicuis'elhuo', camilhuo': ĵTe tipa'a axpela' lan Cristo? ĵTe iya' ninPablo lapaĵts'ingimpa lancruz? ĵTe iya' naiĵonc'e'epolhuo' loĵjunac' imanc'? ĵTe ma maĵ'huaiyinge iya' ninPablo epo'icompolhuo'? ¹⁴ Cax'najtsi'i ĒanDios iya' niĵ naitsi imanc' ĵainepo'ipa. Ma le'a nepo'ipola' Crispo y Gayo. Locuenaye imanc' aicainepo'ila' iya'. ¹⁵ Toĵta'a aimi'iya

moñesyacu imanc': "Iya' nihuequi Pablo, iñque lapo'ipa". A'i. Nij naitsi nonesya tołta'a.

16 Linca nepo'ipola' lapimaye nomana' lejut'ł Estéfanas. Aicaixina', aica'nujuaitsi ja'ni nepo'ipola' ocuenaye o a'i. 17 Cristo lumme copa cuya'atsi Lataiqui', iñe loya'apa al c'a lixpica'epa ñan Dios. Aicalu'ic': "Tapo'iyaletsi". Iya' a'i nincueca' comxi cataiqui'. Cristo aical'e'e tołta'a. Ipic'a ti'ila' quilsina' te ts'i'ic' al cuecaj li'ipa jilpe lancruz, tixingufcole jilpe lilunxajma'.

18 Lan xanuc' ts'ilaic' liñjunac' aiquilcueca li'ipa jilpe lancruz. Ticuayi: "Amac'ta cataiqui' iñiya". Illanc' a'i. ñan Dios alunlu'enga', tołta'a alsinyi acueca' cataiqui' iñiya, alsingufcoyi al cueca' la'eponga' ñan Dios. 19 Al Paxi Linilingiya tuya'e' lo'iya, ticua:

Timana' lan xanuc' nocuapá: "Acueca' laipicuejma', iya' linca aixina'".

ñan Dios ticua: "Iya' camuc'i'mola' te ts'i'ic' liñpicuejma', aiquilsina'".

Jouc'a timana' nocuapá: "Iya' linca cacueca'".

ñan Dios ticua: "Iñiya aiquilcueca, camuc'i'mola' tołta'a".

20 Itsiya, ¿te qui'ipola' nocuapá: "Acueca' lañpicuejma'"? ¿Te qui'ipola' iñiya nipa'acopá liñjuac lan tsilaj cataiqui', iñe lomxiye cataiqui'? ñan Dios joupá imujpa iñe aiquilsina'. Liñtaiquí tipa'acoyi mañpe liñpicuejma' pangay camac'ta cataiqui'. 21 Jifa'a li'a lamats' lan xanuc' naihuejpá quiltuca' liñpicuejma' tama tocomma acueca' liñpicuejma' iñiya aiquilimetsaijma ñan Dios. Iñque linca acueca' lipicuejma', tołta'a ixpic'epa tunlu'etsola' lan xanuc' nepenufpá lataiqui' laluya'apa. Iñe tocomma to lamac'ta cataiqui', tinescojma li'ipa jilpe lancruz.

22 Lan judío ticuayi: "Ti'eła' al cueca' ñan Dios, alsinte il-lanc', tijouła' al'huaiyijm'me". Lan griego ticuayi: "Alsinte, alquim'ete anuli ts'acueca' lipicuejma', acueca' quitaiqui' loya'apa, tijouła' al'huaiyijm'me". 23 Illanc' ma' añescoyi Cristo, iñque lumme pa ñan Dios. Luya'ayi: "Iñque ñepałts'ingimpa lancruz". Licuejpá tołta'a lan xanuc' judío ixtulencia. Ticuayi: "Ja'ni ñepałts'ingimpa lancruz aicummaic' ñan Dios". Petsi a'ij judío, iñe lan griego, tetets'iyi laluya'apa, ticuayi: "Amac'ta cataiqui' iñiya". 24 Petsi lojoc'ipola' ñan Dios, ja'ni ajudío, ja'ni agriego, iñe linca timetsaicoyi Cristo lumme pa ñan Dios. Jilpe iximpá al cueca' lo'epa ñan Dios, iximpá acueca' lipicuejma'. 25 Liximpá li'ipa Cristo jilpe lancruz, lan xanuc' ticuayi: "ñan Dios ailopa'a quipicuejma', ailopa'a co'eya". A'ij linca iłta'a locuapa. Xonca acueca' lipicuejma' ñan Dios, xonca acueca' lo'epa.

26 Unc'aipimaye, imanc' lojoc'ipolhuo' LanDios, tolimetsaicoyotsti te ts'i'ic' mołmana'. Imanc' a'i cunc'itsila' xanuc'. Ma le'a oquexi' afantsi imanc' acueca' lołpicuejma'. Ma le'a oquexi' afantsi ti'hua lołmane, tołcuxeyi. Ma le'a oquexi' afantsi loł'aill' ts'i'huca, acueca' quih'huexi. 27 LanDios ixpic'epa tulijtsola' iłniya nocuapá: "Iya' aixina', acueca' laipicuejma'". Tołiya i'huif'epolhuo' imanc' petsi a'ij cueca' cołpicuejma', epi'ipolhuo' lołpicuejma' ti'ila' acueca' cołsina'. Ma' anuli ixpic'epa tulijtsola' nocuapá: "Acueca' ti'hua laimane, acueca' laif'eya". I'huif'epolhuo' imanc' petsi aimi'hua cołmane, ailopa'a al cueca' loł'eyacu. 28 Ixp'ic'epa tulijtsola' lan tsilaj xanuc', iłne limetsaiconnila' fa'a li'a łamats'. Imanc' joupa ti'onłcospolhuo' to ninaitsi xanuc', etets'impolhuo', tocomma aimołmana' fa'a li'a łamats', LanDios i'huif'epolhuo', timetsaico'molhuo'. Iłne lan tsilaj xanuc' aimimetsaiconyacola' tołta'a. Tejac'e'mola'.

29 Aimi'iyá małnesyacu: "LanDios ałsimpa nincuecaj xans, tołiya lapenufpa". A'i. Nij naitsi nonesya tołta'a. 30 Imanc' cołtuca' aicołspic'e. Ma LanDios ixpic'epa tepenuftsolhuo' Jesucristo. Małque LanDios ipo'nopa Cristo ałmuc'itsonga' te ts'i'ic' al cueca' lipicuejma' LanDios. Ja'ni ał'huaiyijnyi Cristo LanDios lapenufinga' to ailopa'a całjunac'. Iłque Cristo ał'e'eponga' i'huexi LanDios. Joupa i'najtsepa lałjunac'. 31 Tołta'a tenant'hi loya'apa al Paxi Linilngiya, ticua: "Ja'ni topalaıta' al c'a li'ipo', ne', toya'ala' al cueca' li'epa lałPoujna'".

2

1 Unc'aipimaye, li'ipa małmana' anuli iya' aicai'e'e'moxi. A'i nomxi cataiqui'. Aicai'aic' to tocomma acueca' laipicuejma', le'a nu'i'molhuo' Lataiqui' loya'apa lo'epa LanDios. 2 Joupa aixpic'epa te ts'i'ic' lo'iyá lai'ejma'. Cacia: Ma capa'a liłya' Corinto ca'nujuais'ma ma le'a Jesucristo, iłque łepałts'ingimpa lancruz. Capalaico'ma iłque. 3 Laicuaitsi jilpe lołpiłya' tocomma ałmajaiquemma. Laipicuejma' cacua: ¿Te cał'iyá? Tiyu caxpaiqui' laicuero. 4 Imanc' ałsimpa a'ij cueca' laipicuejma', a'ij cueca' laitaiqui', laifpalaipa. Ołsimpá ma le'a al cueca' lo'epa cal Espíritu Santo. Iłe linca ołsimpá. 5 Tołta'a aical'huaiyinge iya'. Aicołnesqui: "Acueca' lipicuejma' Pablo". Imanc' ma' oł'huaiyijmpá LanDios, tołcuayi: "Acueca' lo'epa iłque".

6 Linca tipa'a lataiqui' xonca acueca', ipime. Iłe lataiqui' camuc'ila' lapimaye ts'iłpicuejma', iłne ticuec'eyi, aimi'onłcospola' to la'uhuay.

Iłe laifnuya'apa ituca' cataiqui', a'i to liłtaiqui' lopalaipa iłne naihuejpá quilituca' liłpicuejma'. Iłe laifnuya'apa jouc'a

a'i to liltaiqui' lan tsilaj quincuxepá, iñiya petsi ÑanDios ti-jou'ne'mola'. ⁷ Lataiqui' laifnu'iyalepa tuya'e' al cueca' lixpic'epa ÑanDios, tocomma emiya cataiqui'.

Lipangopa li'a lamats' ÑanDios joupa ixina' lo'eya, joupa ixpic'epa lo'iya. A'e'e'monga' pangay c'a lałpicuejma', ti'ila' to lipicuejma' ÑanDios, ałhatsufcotonga'. ⁸ Lincuxepá nomana' fa'a li'a lamats' aiquilsina', aiquilcueca tołta'a lixp'ic'epa ÑanDios. Ja'ni coła' ihsina' aimepałts'ijnyacu lałPoujna, iłque ma' anDios. ⁹ Ma' al linca loya'apa al Paxi Linilngiya, ticua:

Lan xanuc' aiquilehuelojm'ma lił'u', aiquilquimf'ejma lił'smats'i'.

Jiłpe liłpicuejma' aiquilsina' te ts'i'ic' li'hueca ÑanDios.

ÑanDios joupa ilanc'epa, tepi'i'mola' lixanuc', iñe no'epá capic'a ilenDios.

¹⁰ Illanc' linca ałsina'. ÑanDios joupa ałmuc'iponga'. Cal Espíritu Santo alu'iponga'. Iłque cal Espíritu ixina' lipicuejma' ÑanDios, ixina' jahuay xonca lipime, ixina' xonca lemiya.

¹¹ Anuli cal xans, ¿te ja'ni ixina' te ts'i'ic' lipicuejma' lił'as xans? A'i. Ma le'a ixina' te ts'i'ic' mixpic'e quituca' lipicuejma'. Jouc'a ÑanDios, ma le'a li'Espíritu, iłque cal Espíritu Santo, ixina' te ts'i'ic' lipicuejma' ÑanDios.

¹² Illanc' lapenufpá cal Espíritu Santo, lałapi'iponga' ÑanDios. A'i calapenufi locuenaj espíritu, iłque nocuxepola' lan xanuc' naihuejpá liłpicuejma'. ÑanDios ipic'a ti'ila' całsina' te ts'i'ic' lałapi'iponga', tołiya lapi'iponga' cal Espíritu Santo. Iłque ałmuc'inga'.

¹³ Lalu'ipola' lapimaye, iñe lałtaiqui', aimalipa'acoyi całtuca' lałpicuejma'. Małque cal Espíritu Santo ałmuc'inga' te ts'i'ic' lałpalaicoyacu. He lonespa cal Espíritu Santo ałmuc'ila' lapimaye, iñe pe joupa nepenufpá iłque cal Espíritu, tihuejcoyi.

¹⁴ Anuli cal xans ja'ni aiquepenufi cal Espíritu Santo aimicueca te ts'i'ic' malapi'inga' cal Espíritu. Jahuay iñiya tixina to amac'ta cataiqui'. Aimi'iya mihuic'iya. Ma le'a cal Espíritu Santo ti'i'ma timuc'i'ma. ¹⁵ Ja'ni joupa mepenufpa cal Espíritu Santo jahuay iñiya tocuca. Cal Espíritu timuc'ihuo'. Linca, lan xanuc' tixinghuo' ocuena lopicuejma', aimicuec'ehuo', aimixingufhuo'. ¹⁶ Aimi'iya mixingufyaco'. El Paxi Linilngiya ticua:

¿Te ja'ni tipa'a naitsi niximpa te ts'i'ic' lipicuejma' ÑanDios?

¿Te ja'ni ti'i'ma timuc'i'ma ÑanDios?

A'i aimi'iya.

Illanc' lałpicuejma' i'ipa anuli lipicuejma' Cristo. Tołta'a aimałcuec'enyaconga'.

3

¹ Unc'aipimaye, lahmajmpá anuli jilpiya aicaimuc'ilhuo' lipime cataiqui'. Aiqui'ic'. Tocomma afule molihuejyi Cristo. Aimolihuejyi cal Espíritu Santo. Xonca tolihuejyi coltuca' lohpicejma'. Aiximpolhuo' ti'onłcospolhuo' to la'uhuyay. ² Toliya iya' laites'mipolhuo' ti'onłcospa to aleche a'i quixic'. Cacua: Laimuc'ipolhuo' a'i quipime cataiqui', pangay aiquipime.

Ihniya litiné aiqui'ic' colihuic'i lipime cataiqui', itsiya jouc'a aimi'iya. ³ Ma' itsiya tolihuejcoyi coltuca' lohpicejma'. Toł'ejcoyołtsi laic'. Tołfuli'icoyołtsi. Tolanajyołtsi, anuli anuli ti'hua lipene. ¿Te ja'ni tołta'a tolihuejcoyi cal Espíritu Santo? Tołta'a lił'ejma' ihniya pe aiquilepenufi cal Espíritu Santo. ⁴ Hualca imanc' tołcuayi: "İllanc' lihuejyi Pablo". Hualca tołcuayi: "İllanc' lihuejyi Apolos". Mi'i tołta'a loł'ejma' linca tolihuejcoyi coltuca' lohpicejma'.

⁵ Iya' ninPablo, ¿naitsi iya'? Apolos, ¿naitsi ilque? İllanc' ma le'a ninc'ixanuc', ał'eyi lanic' lalapi'iponga' LanDios. Aluya'ayi litaiqui' LanDios. Imanc' oł'huaiyijmpá ilque. Anuli anuli tipa'a lałpenic' lalapi'iponga' LanDios. ⁶ Iya' aifapa, Apolos ic'ejpa, LanDios itoc'epa. ⁷ İllanc' ałfapá, ałc'ejpá, a'ij cueca' ilne lanic'. Al cueca' xonca lo'epa LanDios Notoc'epa. ⁸ Ja'ni ałfayi, ja'ni ałc'ejyi, ma' anuli ał'eyi lanic' lalapi'iponga' LanDios. Tijouła' anuli anuli lulij'me lalapi'iyaconga' LanDios. İtuca' ituca' lalapi'iyaconga' ma to lałpenic' lał'epa.

⁹ Ał'eyi canic' anuli LanDios. Imanc' ti'onłcospolhuo' to quequeya LanDios. Ti'onłcospolhuo' to lajut'ł lolanc'epa LanDios. ¹⁰ LanDios lapi'ipa laipenic', cuya'atsi litaiqui' Jesucristo. Tołta'a jilpe lai'epa ti'onłcospa to lo'epa łomxi canic' ts'ixina' lo'eya tilanc'eła' al c'a cajut'ł. Tocomma to aipupa camats', aipo'nopa lopo'nof'inyacu łaitał. İtsiya ocuenaye tuyai'eyi łaitał. Camila' ihniya: "Tołpo'nołe cuenna te ts'i'ic' lonł'eyacu. ¹¹ Ne', toluyai'etsa łaitał. Aimolpo'nocona'me lopo'nof'inyacu łaitał. İya' joupa aipo'nopa, ilque Jesucristo. Ailopa'a cocuena."

¹²⁻¹³ Ticuaitsi al Cuecaj Quitine ti'huájta acuajmaica te jale lanic' li'epa ilne nolanc'epá łaitał. Jilpe litine tilic'eyo'ma cunga. Łunga tuyaico'ma jahuay, hualca tipi'e'ma nulemma, hualca tipanehuo. Tołta'a ti'huájta te lilanc'ecompa liłpitał, ja'ni a'oro, aplata, apic' juaiconapa ipitali, o ja'ni a'ec, ajaxa, apajac. ¹⁴ Cal xans ja'ni tipanehuo łaitał liłpo'nof'ipa, ilque tulij'ma lalapi'iya LanDios. ¹⁵ Ja'ni tipila' nulemma ailopa'a capenufya. Tope tope tipanehuo. Jahuay li'epa tejac'ma. Ma to afule munłu'enyacola' lan xanuc' mipila' kilejut'łi, toliya afule munłuya ilque.

¹⁶ Imanc' nolafot'lepotsi jilpe, ¿ja'ni aicołsina' ti'onłcospolhuo' to ejut'ł LanDios? Jilpe tipanga cal Espřitu Santo. ¹⁷ Cal xans najac'eya lejut'ł LanDios, małque LanDios tejac'e'ma ilque cal xans. Ie lajut'ł apaxi, ma i'huexi LanDios. Imanc' nołmana' ejut'ł LanDios, imanc' i'huexi ilque.

¹⁸ Imanc' aimołfel'mi'mołtsi. Aimoł'onlıco'mołtsi to lan xanuc' naihuejpá quilituca' liłpicuejma'. Aimołnes'me: "Joupa aixina'. Acueca' laipicuejma'." Ja'ni tonesqui tołta'a najmay taimetsaico'moxi mamac'ta. Tołta'a tapenuf'ma copicuejma'. ¹⁹ Ihe naihuejpá quilituca' liłpicuejma' tama tocomma acueca' quilsina', LanDios tixinnila' amac'ta. Tołta'a loya'apa al Paxi Linilingiya, ticua:

Ihe petsi acueca' liłpicuejma' linca ilsina' lixcay.

Ma mi'eyi ile lixpicepa, LanDios tic'aił'mola'.

²⁰ Jouc'a tuya'e':

LanDios ixina' te ts'i'ic' liłpicuejma' ilhe nocuapá: "Iya' aixina'". Tixinnila' ailopa'a al c'a lo'eyacu.

²¹ Itsiya imanc' aimołnescona'me: "Ilque cal xans tipa'a xonca acueca' lipicuejma', ilque nałcuxepa, quihuej'ma". Iłniya lołpomxiye lepi'icopolhuo' LanDios titoc'itsolhuo'. ²² Iya' camilhuo': Imanc' ja'ni ałpalaajma iya' ninPablo, o tołpalaicoyi Apolos, o Cefas (ilque aPedro), o tołpalaicoyi li'a łamats', o lapałnya, o lamaya, o lopa'a itsiya, o lo'iya locuaicoya quitine, tołnujuaitsa LanDios epi'icopolhuo' jahuay ilna'a titoc'itsolhuo', a'i micuxeyacolhuo'. ²³ Linca tipa'a Nocuxepolhuo', ilque Cristo. Małque Cristo tipa'a nicuxepa, ilque LanDios.

4

¹ Ma Cristo lummeponga' ałtoc'itsolhuo' imanc'. Ie lałpenic'. Camilhuo': Limetsaicotsonga'. LanDios lapi'iponga' lałmane lu'itsola' lan xanuc' litaiqui', ile xonca lemiya, luhuał'e'e'mola'.

² Ja'ni tepi'inłe cal xans lipenic' ticuicomma tenant'lıla' ile lanic' lapi'impa. ³ Itsiya, ¿te co'iya? ¿Te ja'ni imanc' ti'i'ma ałmi'ma te ts'i'ic' laif'epa ile laipenic', ja'ni ac'a o a'ij c'a? O ¿tipa'a anuli cal juez fa'a li'a łamats' ti'i'ma ałmi'ma tołta'a? A'i, aimi'iya. Ni iya' caituca' canescoyacoxi ac'a laif'epa. ⁴ Tama iya' caituca' caxina ac'a laif'epa laipenic', aicaixina'. Le'a LanDios ixina' ilta'a. Ma ilque lu'i'ma.

⁵ Aimołnescona'mola' lołpimaye, ja'ni ac'a o a'ijc'a lo'epa. Toł'huaicołe ticuaicoconno lałPoujna. Fa'a li'a łamats' ti'onłcospa to lipuqui'. Axpe' aiqui'huáqui. Iłque lałPoujna tepalc'o'i'ma jahuay. Aimi'iya memiconaya, jahuay tixinim'me. Jahuay lixpicepa lan xanuc' jilpe ilunxajma' tixinim'me. Ja'ni ac'a ał'epá lałpenic' ma LanDios lu'i'monga'. Anuli anuli ałmi'monga'.

6 Unc'aipimaye, ja'ni iya' camilhuo': "Tole tole la'ejma' iya' y Apolos", ma le'a aipic'a to'ta'a camuc'itsolhuo' aimo'cuxecona'mo'tsi co'tuca', aimo'micon'a'mo'tsi: "Nij naitsi na'cuxeyacong'a' illanc'", aimo'fuli'icona'mo'tsi. Aimolahuecona'me te co'ia molulijcoyaco'tsi.

7 Ima', ¿te aimi'on'cospo' lopimaye? ¿Te xonca ts'o'hueca? Ja'ni o'hueca, ¿naitsi lepi'ipo'? Ja'ni LanDios Nepi'ipo', ¿te co'of'ecopoxi? Tocomma cotuca' ima' mepi'ipoxi.

8 Imanc' tocomma ixhuaita lo'picuejma'. Ailopa'a cahue'epolhuo'. Ti'i'ma to'cuxe'mo'tsi co'tuca' imanc', latets'inga' illanc'. ¿Te to'cuayi: "Joupa lulijpá. Aimatoc'icona'monga'"? Iya' cacua: ¡Co'a' olulij'me! To'ta'a illanc' jouc'a lunxaj'me.

9 Illanc' ninc'apóstole tocomma LanDios a'po'noponga' fa'a li'a lamats' to ninaitsi xanuc'. Fa'a latets'ininga' to latets'impola' lan xanuc' no'epá acueca' lixcay, i'ne ma le'a i'huaijma tite'l'mintsola', tima'am'mola'. Ma le'a lixoconga' illanc'. La-paluc' nomana' lema'a jouc'a lan xanuc' nomana' fa'a li'a lamats' lahuelonginga' la'iacong'a'.

10 Imanc' mo'huaijnyi Cristo to'sinyo'tsi acueca', ac'a lo'picuejma'. Illanc' aimahnescoyaco'tsi to'ta'a. Ma'eyi lanic' lalapi'iponga' Cristo, lan xanuc' ahnescoponga', ticuayi: "I'ne amacta". Imanc' nipajnya to'e'me al cueca', illanc' a'i. Nij tintsi mi'ia ma'eyacu. Imanc' timetsaicolhuo' lan xanuc', tixpaic'elhuo'. Illanc' a'i. Latets'ininga'. 11 Illanc' ti'hua a'te'coyi, lunle'eyi, lahue'enga' ca'snayacu, lahue'enga' ca'pijahua', luntafquina', ailopa'a calajut'í, ma le'a a'elocoyi. 12 A'ecoyi canic' la'mane', acueca' quixoqui.

Ja'ni a'miloquina' cataiqui', a'paxnela'. Ja'ni lihuetsouquina', a'snet'iyi. 13 Ja'ni ahnescong'a' quixcay, a'talae'mola' al c'a. Illanc' a'on'licoponga' to cal cueca' lifuc, i'pic'a ma li'onc'etsonga' nulemma. To'ta'a a'e'enga'.

14 Laifpalaic'opolhuo' to'ta'a aicatalelhuo'. Caxinnilhuo' to cainaxque', ma le'a caxc'ai'ilhuo'. 15 Imanc' tama ti'ila' axpela' lo'pomxiye, tixhuaispola' to imbamaj mil, a'ixpela' lo'ailli'. Ma le'a iya' co'ailli'. Iya' ma' ca'ay lanic' lalapi'ipa Cristo, nu'ipolhuo' Lataiqui' loya'apa i'ne al c'a lixpicepa LanDios. Imanc' olapenufpá, i'ipolhuo' ainaxque'. 16 Iya' to o'ailli' caxa'huelhuo', camilhuo': Lihuejla' iya' lai'ejma'.

17 To'ta'a tu'itolhuo' Timoteo. I'que ai'hua, aipic'a. Linca tihuequi la'Poujna. Cumme'ma ti'huala' pu'huanni tixintsolhuo', ti'nujuaitsi'itsolhuo' te ts'i'ic' cainihuequi Cristo, te ts'i'ic' lataiqui' laifmuc'ipola' lapimaye ni petsi lafo'lyomma.

18 Ji'pe hualca ti'e'eyo'tsi, ticuayi: "I'que Pablo aimicuaiya fa'a. Illanc' a'sina' la'epa." 19 Iya' ja'ni ipic'a la'Poujna Jesucristo

aimaŋcoŋya, ca'hua'ma jilpiya. Cacuaitsi caxinnola' te ts'i'ic' lo'epa iŋniya no'e'epoŋtsi. Iŋne linca acueca' locuapa. Caxinnola' ja'ni acueca' ac'a lo'epa. ²⁰ Petsi LanDios ticuxe a'i ma le'a mipaloŋaiyi, jouc'a ti'i'ma acueca' ac'a lo'epa.

²¹ Itsiya, ¿te ts'oŋpic'a? ¿Cacuaitsi quixtu'hua cataletolhuo'? O ¿cacuaitsi tixoqui neta, cahuejntolhuo', capalaic'otolhuo' al c'a? Imanc' coŋtuca' toŋsim'me.

5

¹ Iya' aicuejpa lopalaicompolhuo' imanc'. Pe loŋmana' tipa'a anuli ixcay lo'epa. Lan xanuc' pe aimimetsaicoyi LanDios aimi'eyi to lo'epa iŋque. Joupa ilecopa lihuomi'máma'. ² Imanc' aimoŋsuelmot'leyi, ti'hua toŋnescoyoŋtsi: “Illanc' xonca ac'a li-huejyi”. Coŋa' olipa'a'me iŋque ni'epa lixcay.

³ Iya' tama jifa'a capa'a, tocomma ma' anuli to jipu'hua aŋmana'. Iya' joupa aixpic'epa la'e'eyacu iŋque cal xans ni'epa iŋe lixcay. ⁴ Tolafot'letsoŋtsi toŋ'etsa ma to laŋcuxe'eponga' laŋPoujna. Imanc' jilpiya loŋmana'. Iya' tama capa'a fa'a, laipicuejma' ti'hua'ma pu'huanni, toŋta'a ti'i'ma to lafot'leyoŋtsi anuli. Jilpe ti'hua'ma acueca' limane laŋPoujna Jesucristo. ⁵ Toŋiya laca'nico'me iŋque cal xans, aŋcu'me ticuaitsi limane Satanás, titeŋmiŋa'. Titeŋcoŋa' licuerpo aimixahue'econa'ma lixcay. Tunŋuŋa' li'alma litine ticuaiyunni laŋPoujna Jesús.

⁶ Imanc' ti'hua tixoqui cunlata, tocomma coŋa' ailopa'a tintsí. A'ijc'a iŋe loŋ'ejma'. ¿Ja'ni aicoŋsina' lo'eya tuŋcanni cal levadura lohuants'impa ŋax'e? Tama tuŋcanni titoj'ma jahuay ŋax'e. ⁷ Iŋe lixcay lonŋ'ejma' ti'onŋcospa to cal levadura, ton-laca'niŋe. Ti'itsolhuo' to cal ts'e harina ŋax'e pe ailopa'a qui'ic'. La'i ŋolanc'ecompa cal ts'e harina ŋax'e titejn-ni al juic Pascua. Jilpe al juic ti'nujuaitsinni li'epa LanDios litine lunŋu'epola' lixanuc', iŋniya lijoupa ima'apá ŋaca'huaj moŋ. Illanc' aŋ'nujuaisyi liMoŋ LanDios, joupa li'ma'ampa, iŋque Cristo. ⁸ Aŋ'nujuaitsa iŋque, toŋta'a aŋ'e'me juic. Jilpe al juic aimixinim'me iŋque cal levadura. Laifnescopa “cal levadura”, canescojma lixcay. Cacia: Aimaŋ'e'me lixcay. Aimaŋnescocona'mola' quixcay laŋpimaye. A'i ma le'a maŋ'e'e'moŋtsi to lan c'a xanuc', al linca aŋ'itsonga' ac'a laŋpicuejma'.

⁹ Laininiŋ'epolhuo' aimipolhuo': “Tolanajtsoŋtsi iŋne no'epá al xujc'a. Aimoŋŋejmale'me iŋne pe noxhuicopá ocuenaye cacal'no' a'i quiŋpenoye.” ¹⁰ Laimipolhuo' toŋta'a aicapalaicocola' lan xanuc' pe aimimetsaicoyi LanDios. Linca iŋniya tixhuicoyi lacaŋ'no', tijanajyi liŋ'huexi liŋ'as xanuc', tifel'miyaleyi, texic'eyaleyi liŋ'as xanuc', texc'onŋingolaiyi landiosla'. A'i camiyacolhuo' tolanajtsoŋtsi iŋniya. Ja'ni toŋta'a lonŋ'eyacu toli-palcu nulemma jifa'a li'a ŋamats'. ¹¹ Iya' canescola' liŋ'ejma' lapimaye. Camilhuo' lonŋ'eyacu ja'ni anuli loŋpima tixhuijma

ocuenta caca'no' a'i quipeno, ja'ni tijnaca ocuenaj 'huexi, ja'ni texc'ontingai'ila' landiosla', ja'ni tinesc'ela' cataiqui' lapimaye, ja'ni isna, ja'ni tifel'mila' lipimaye mexic'e'ela' lihtomí. Camilhuo': Ja'ni tohta'a li'ejma' anuli lapima tolanajtsotsti, ni aimottetso'me anuli itque.

12-13 Iñiya pe a'i calpimaye, ¿ja'ni iya' ihjuez? ¿Ja'ni cate'l'mi'mola' iñiya? A'i. Ma ËanDios ihjuez itne. Loipimaye nomana' jilpiya, imanc' ti'hua lohtane ti'i'ma tohte'l'mi'mola'. Itque ni'epa lixcay, tolipa'ale.

6

1-2 Imanc', ja'ni ticuicomma tixanutsi lataiqui', ¿te colpalaic'ocopola' ts'itpenic', itne pe aimimetsaicoyi ËanDios? ¿Te ja'ni aimotsinyi calaic'ata? Aimot'econa'me tohta'a. Imanc' i'huexi ËanDios. Malpiya pe lomana' loipimaye tohtanu'etsotsti lohtaiqui'. Imanc' illanc' i'huexi ËanDios. ¿Ja'ni aicotsina' te ts'ic' laluyalaicoyacu? ËanDios lapi'i'monga' lahtane, a'i'monga' ihjuez lan xanuc', itne pe aimimetsaicoyi ËanDios. Locuaicoya quitine, ja'ni tohta'a acueca' ti'i'ma lo'eyacu, itsiya litine, ¿te aimi'ya mon'eyacu ite a'ij cueca'? ³ ¿Te aicotsina' lo'ya Locuena Quitine? ËanDios alpo'no'monga' ihjuez lapaluc' quema'a. Itsiya litine, ¿te aimi'ya mohtsanuyacu ite lo'ipolhuo' jifa'a li'a hamats'?

⁴ Ma muluyalaicoyi lapajnya ja'ni tipa'a lo'ipa jilpiya pe lolafot'leyopoltsi, najmay tohtanc'otsola' ma loipimaye, itne tixanute lataiqui', tama tocomma nij naitsi xanuc' iñiya. ⁵ Camilhuo' tohta'a aipic'a tohtsintsohti te ts'ic' lo'ejma', tohtsinle calaic'ata. Jilpe, ¿ja'ni ailopa'a ni' anuli lapima ts'ixina'? ¿Ja'ni ailopa'a ni' anuli ti'i'ma ti'e'ma tixanu'e'mola' lihtaiqui' lipimaye? ⁶ Tocomma to ailopa'a. Tohtya lapimaye ticuxecoyotsti, tiyeyi pe lomana' lan juez, itne pe aimimetsaicoyi ËanDios.

⁷ Linca ma mohtfuli'iyotsti, mohtcuxecoyotsti timenaquilhuo' juaiconapa. Xonca ac'a lon'eyacu ja'ni tohtsnet'ime lo'ipolhuo'. Ja'ni a'ijc'a lo'epolhuo', ja'ni ifel'mipolhuo', aimolixtuc'o'moltsi. ⁸ Imanc' ituca' lo'ejma'. A'ijc'a lon'epola' loipimaye, ofel'mipola'. Tama ohtpimaye tohta'a lon'epa.

⁹ ¿Te aicotsina' lo'iyacola' itne no'epá al xujc'a? Aimitsuflaiyacu pe locuxeyopa ËanDios. Imanc' aimotfel'mi'moltsi. Aimotcua'me: "Tama tohtya laif'epa catsufaita". Itne nahuepá cacal'no', jouc'a naxc'ontingohtaipá landiosla', jouc'a noxhuicopá ocuenaye cacal'no', a'i quilpenoye, jouc'a lan xanuc' no'e'epotsti to laca'no', jouc'a nonangohtaihotsti liht'as xanuc', ma to li'epa lan xanuc' jilpe lihtya' Sodoma, ¹⁰ jouc'a nonantsepá, jouc'a nojanajpá locuenaj 'huexi, jouc'a noxnatsaipá, jouc'a nopalaicopá quixcay, jouc'a

nofel'miyalepá mulijyi acueca' quíltomí, jahuay íhniya ŁanDios aimepi'iyacola' lane, aimitsuflaiyacu pe locuxeyopa.

11 Linca, li'ipa tołta'a lonł'epa hualca imanc'. Itsiya a'i. Joupa ołnespá: "Ca'huaiyinge Jesús, íłque aiPoujna", joupa epo'impolhuo', i'e'epolhuo' limpio, olapenufpá cal Espíritu Santo. Tołta'a i'ipolhuo' i'huexi ŁanDios. Íłque tepenufilhuo' to ailopa'a cołjunac'.

12 ¿Te ja'ni anuli ticua: "Típa'a lane. Jahuay ti'i'ma ca'e'ma."? Linca jahuay ti'i'ma ał'e'me. A'i jahuay metenłcocoya. Cacua: Ja'ni ti'i'ma lulij'ma, íe aica'eya. 13 Tinesyi: "ŁanDios ilanc'epa lałcu'u ti'nijmaispa lałtejacu. Jouc'a ilanc'epa lałtejacu ti'nijmaitsi lałcu'u." Linca ma małmana' fa'a li'a łamats' ti'hua ti'nijmaita lałcu'u lałtejacu. Ticuaiti Locuena Quitine íhiya lałcu'u ailopa'a, jouc'a lałtejacu ailopa'a. Tołta'a lixpíc'epa ŁanDios. ¿Te ŁanDios lapi'iponga' lałcuerpo lahuecotsola' lacał'no'? A'i. Lapi'iponga' ał'ele lanic', íe lalapi'iponga' lałPoujna. Íłque i'Poujna lałcuerpo jouc'a. 14 ŁanDios joupa imaf'i'inapa lałPoujna Jesucristo. Tołta'a ałsim'me al cueca' lo'eya ŁanDios. Ałmaf'i'ina'monga' jouc'a lałcuerpo.

15 Lałcuerpo joupa i'ipa i'huexi Cristo, tocomma to li-mane', li'mitsi' íłque. ¿Te aicołsina' íłta'a? ¿Te liłonc'e'e'me li'huexi lałPoujna Jesucristo? ¿Te lapi'i'me anuli łaca'no' notepa licuerpo? Íłque tixhuico'ma ma to mijanaca. A'i, aimi'iya. 16 Lan xanuc' lacał'no' ja'ni joupa ejonłi'połtsi i'epołtsi anuli. Jouc'a ma' anuli cal xans tejonłixoxi łaca'no' notepa licuerpo, ti'i'mola' anuli íhniya. ŁanDios ticua: "Loquexi' tejonłi'mołtsi, ti'i'ma anuli liłcuerpo". ¿Te aicołsina' íłta'a? 17 Jouc'a cal xans íejmale lałPoujna Jesucristo, íłque y lałPoujna i'ipołtsi anuli, anuli liłpicuejma' íhniya.

18 Tołpo'nole lołpicuejma', aimoł'noł'mola' lacał'no'. Tolinuc'etsola' íhniya. Ticuanni: "Ja'ni a'ijc'a lał'epá ailopa'a co'iya lałcuerpo, tołe ałmanecu". Iya' camilhuo': A'i. Naitsi no'nołpa ocuena caca'no' tixis'mecoyoxi, titeł'miyoxi quituca', tecani'e licuerpo. 19 ¿Te aicołsina' lołcuerpo ti'onłcospa lajut'ł pe lopa'a ŁanDios? Jiłpe típa'a cal Espíritu Santo, íłque lumme'epolhuo' ŁanDios. Itsiya aimi'iya mołcuxeyacołtsi cołtuca'. 20 Acueca' li'najtsecopa ŁanDios, tołta'a i'epolhuo' i'huexi. Jiłpiya lołcuerpo tołs'najtsi'íle ŁanDios. Tonł'ele ma le'a latenłcocoya.

7

1-2 Itsiya quinił'elhuo', catalai'e'elhuo' lalicuis'epa jiłpe lołje'e. Licuis'epa, ałmi ja'ni ac'a loxpíc'epa anuli cal xans nonespa: "Iya' capajm'ma caituca'. Aicahueya caipeno." Ne'.

Tama ac'a loxpíc'epa itque cal xans, najmay lan xanuc' anuli anuli temallite. Jouc'a laca'no' anuli anuli temallite. Tofta'a aimi'eyacu nixpiya.

³ Cal xans aimicuanaj'moxi, ti'e'exoxi anuli lipeno. Jouc'a laca'no' aimicuanaj'moxi, ti'e'exoxi anuli lipe'ailli'.

⁴ Aimines'ma laca'no': "Laicuerpo ai'huexi. Ja'ni aipic'a ca'e'e'moxi cuenna." A'i. Licuerpo laca'no' i'huexi lipe'ailli'. Jouc'a cal xans aimines'ma: "Laicuerpo ai'huexi. Ja'ni aipic'a ca'e'e'moxi cuenna." A'i. Licuerpo cal xans i'huexi lipeno.

⁵ Imanc', aimo'lcuanac'e'mo'ltsi. Ma le'a to'lcuanac'e'mo'ltsi ja'ni to'lpic'ele loquexi' imanc'. Ja'ni to'lnesle: "Alanajle oquej afane' quitine, a'lsnet'He, a'lpalaic'o'me LanDios. Muyaipá ihne litiné a'e'e'mo'ltsi cuenna." Ja'ni tofta'a o'lpic'epá, ne', to'f'e'etso'ltsi cuenna. Tuyai'la' ihne oquej afane' quitine ton'e'econatso'ltsi anuli. Ja'ni a'i aimo'lsnet'iyacu. Tijou'la' lonta'a Satanás tehuai'molhuo'.

⁶ He laitaiqui' laifmipolhuo': "Anuli anuli cal xans temanela'", aicacuxe'elhuo' tofta'a. Ma le'a camilhuo': Tipa'a lane ti'ila' tofta'a lonf'eyacu. ⁷ Iya' xonca aipic'a timajnle quituca' lan xanuc', a'lon'cota to iya'. Iya' capa'a caituca'. Tama tofta'a laifcuapa hualca aimi'ya mi'eyacu. Ituca' ituca' lapi'iponga' la'ejma' LanDios. Anuli ti'i'ma tixnet'f'ma, locuena aimi'ya mixnet'ya.

⁸ Imanc' pe aiconlamalliyi, jouc'a ja'ni apotsateya cacal'no', iya' camilhuo': To'lmajnle co'luca', ma to iya' capa'a caituca'. Tofta'a xonca al c'a tuluyalaico'me. ⁹ Ja'ni to'ljanajyo'ltsi juaiconapa, tocomma to'pi'eyo'ltsi, najmay tonlamallite.

¹⁰ Imanc' unc'apimaye jouna nolamallipá camilhuo' lonf'eyacu. Iya' a'i caituca' ita'a laifcuxe'epolhuo'. Camilhuo' ma la'cuxe'eponga' la'Poujna.

Imanc' unc'aca'no' camilhuo': Aimainuc'e'ma lope'ailli'. ¹¹ Ja'ni ominuc'epa aimahueta ocuenaj xans. Topajnla' co-tuca'. O ja'ni aimi'ya, taihuejna'la' lope'ailli', to'lxanunatso'ltsi lataiqui', tolimenc'e'ecotso'ltsi lo'epa.

Jouc'a cunc'apimaye xanuc' camilhuo': Aimaihuescuf'ma lo'peno.

¹² Locuenaye imanc' nolamallipá petsi le'a anuli imanc' naihuejcopa Jesucristo, camilhuo' lonf'eyacu. Ita'a laifmipolhuo' aic'almic' la'Poujna. Itque aiquipo'nohuo cataiqui' lonf'eyacu. Ma' iya' caituca' caxc'ai'ilhuo', camilhuo': Unc'apimaye, ja'ni anuli imanc' lipeno, tama aimihuejma Jesucristo, tixpic'e tipajnla', ne', timajnle anuli, aimihuescuf'ma. ¹³ Jouc'a unc'apimaye cacal'no', ja'ni anuli imanc' lipe'ailli', tama aimihuejma Jesucristo, tixpic'e tipajnla', ne', timajnle anuli, aiminuc'e'ma. ¹⁴ Ima'

taihuequi Jesucristo, tama łope'ailli' aimihuequi, ŁanDios joupa imetsaicopa iłque to cope'ailli'. Ma' anuli maipima, ima' taihuequi Jesucristo, tama łopeno aimihuequi, ŁanDios joupa imetsaicopa iłque to copeno. Ja'ni a'i tołta'a ŁanDios cola' aiquimetsaicola' łońaxque' iłne i'huexi. Itsiya linca timetsaicola' iłniya. ¹⁵ Iłne pe aimihuejyi loquexi' Jesucristo, axans o aca'no', petsi aiquihuequi ja'ni ipic'a tenaj'moxi, ima' petsi mihuequi tapi'ila' lane. Aimones'ma: "Joupa alfi'inga'. Aimi'iya malux'masyacołtsi." ŁanDios aljoc'iponga' almajnle al c'a, aimalfulołque'me. ¹⁶ Ima' maipima caca'no', ja'ni łope'ailli' aimihuequi Jesucristo, mipa'a iłque ima' aicoxina' ja'ni ti'i'ma to'e'e'ma tixhuj'menanni, tuntu'ma. Jouc'a ima' maipima, ja'ni łopeno aimihuequi, mipa'a iłque ima' aicoxina' ja'ni ti'i'ma to'e'e'ma tixhuj'menanni, tuntu'ma.

¹⁷ Iya' cacua: Ma to lał'ejma' lalapi'iponga' lałPoujna, tołta'a al'ełe. Jouc'a ma to qui'ic' lałpo'noponga' ŁanDios tołta'a luyalaico'me lapajnya. Tołta'a laifmuc'ipola' lapimaye ni petsi lafołyomma. ¹⁸ Iłe litine lijoc'ipo' ŁanDios ja'ni joupa etec'empo' lopixic', i'ipa loseña, tipanenni tołta'a. Aimones'ma: "¿Te caif'eya? Quiłonc'e'e'moxi iłe laiseña." O ja'ni aiquetec'enghuo' lopixic', topanenni tołta'a. Amones'ma: "Alatec'e'enla' laipixic'". ¹⁹ Ailopa'a tintsı. Ja'ni etec'empo' lopixic' o a'i, ma' anuli iłe. Taihuejla' locuxepa ŁanDios. Tołta'a linca tetentłocojma ŁanDios.

²⁰ Jahuay imanc', ma to mipa'a lołpepajnya litine ŁanDios lijoc'ipolhuo', ma tołta'a tołmajnle. ²¹ Ima' joupa ijoc'ipo' ŁanDios, ja'ni ummozo, i'huexi łopoujna, aimoxhuelmot'le'ma. Ja'ni tixpic'enle tux'masnatso' ima' tones'ma: "A'i. Najmay capanehuo. Fa'a quihuejco'ma Cristo." ²² Litine lijoc'ipolhuo' ŁanDios, iłe litine Cristo iłonc'epolhuo' limane łonta'a. Itsiya, ja'ni ima' ummozo, ima' i'huexi łopoujna fa'a li'a łamats', o ja'ni ailopa'a copoujna fa'a, ma' iłque Cristo ołPoujna loquexi' imanc'.

²³ Toł'nujuaitsa, ŁanDios i'najtsepa acueca' ti'etsolhuo' i'huexi Cristo. Aimolihuej'mola' lan xanuc', tunlihuejle Jesucristo. Iłque linca ołPoujna. ²⁴ Unc'aipimaye, ma to mipa'a lołpepajnya iłe litine ŁanDios lijoc'ipolhuo', ma tołta'a tołmajnle. To qui'ic' ton'lełe latentłocoya ŁanDios.

²⁵ Lapimaye cahuats'la jouc'a lamijcanó, lałPoujna Jesucristo aicalu'ic' lo'eyacu iłniya. Iya' cu'i'molhuo' laifxpicepa iya' caituca' laipicuejma'. Linca ŁanDios joupa alsanu'epa laipicuejma', aicafel'miyale. ²⁶ Camilhuo': Itsiya ipime lapajnya, afule maluyalaicoyi. Iłne lahuats'la o lamijcanó xonca al c'a tuyalaico'me ja'ni timajnle to mimana'.

²⁷ Ima' maipima, ¿te fi'ihuo' łopeno? Aimoxhuelmot'le'ma. Aimahue'ma tolux'mas'mołtsi. O ima', ¿te ailopa'a copeno?

Ne', aimahue'ma copeno. Topajnlá' tofe. ²⁸ O ja'ni tamane'ma, nipajnya, tamaneta', ailopa'a tintsi. Jouc'a anuli lahuats', ja'ni temane'ma ailopa'a tintsi. Ma' alinca ilne namallipá xonca ipime lipepajnya. Iya' aipic'a aimotet' mi'motsti. Tohiya cu'ilhuo': Xonca al c'a tuluyalaico'me ilne pe aimemalliya.

²⁹ Itsiya LanDios ipic'a ti'ila' ituca' laluyalaicopa lapajnya. Etec'opa litiné, aimico'ya li'a lamats'. Tohiya ilne nemallipá ti'on'cotola' lip'ejma' to ilne pe aiquiremali. Tixojma quileta ti'e'me lanic' lapi'ipola' LanDios. ³⁰ Jouc'a nohuot-sopá, ticuicomma ti'e'ma ma to ailopa'a quipihuotsoqueya. Jouc'a noyalaicopá al c'a, aimi'e'me ma le'a lipixojma cata ilne quituca', ti'nujuaisle lipimaye. Jouc'a no'najualepá, tama tipa'a lip'hueca aimi'nujuais'me ihiya. ³¹ Jouc'a nolijpá quitomí fa'a li'a lamats', aimixhuej'me'me ma le'a ilne lanic'. Li'a lamats', jahuay lahsimpa fa'a itsiya, ti'hua tijaf'que, tijouna'ma.

³² Aipic'a aimot'suet'cocoyacu lapajnya fa'a li'a lamats'. Lapima nopa'a quituca' itine itine ti'nujuaitsi Jesucristo. Tehuay tetent'coco'ma ilque lip'oujna. ³³ Lapima nemanepa itine itine ti'nujuaitsi lapajnya fa'a li'a lamats'. Tehuay tetent'coco'ma lipeno. ³⁴ I'ipa oque' lipicuejma'.

Ma' anuli lo'ipa lapima cahuats'. Itine itine ti'nujuaitsi Jesucristo. Ticua: "Aipic'a al'ila' i'huexi Cristo, lai'alma jouc'a laicuerpo. Le'a ilque ai'oujna." Lapima caca'no' nemanepa ti'nujuaitsi lapajnya fa'a li'a lamats'. Tehuay tetent'coco'ma lipe'ailli'.

³⁵ Laixc'ai'ipolhuo' to'la'a aipic'a catoc'itsolhuo'. Aicacux-enai'ilhuo'. Aicamilhuo': "Tofe, tofe ton'ele". Ai. Ma le'a cacua: "Tetencocola' lo'ejma' LanDios". To'la'a itine itine jahuay lolunxajma' to'joc'i'me la'oujna. Ja'ni acueca' to'suet'cocoyi xonca to'nujuais'me lapajnya fa'a li'a lamats', aimi'ya mo'joc'iyacu LanDios.

³⁶ Cal xans y anuli lahuats', petsi aiquejon'hiyo'ltsi ma le'a tiyejmaleyi mi'eyi lanic' lapi'ipola' la'oujna Cristo, ja'ni ticuaiti litine aimixnet'lqui cal xans, ipic'a ti'e'e'motsti anuli, ne', temalli'e. Ti'e'ma ma to ts'ipic'a. LanDios tixina ac'a lo'eya. ³⁷ Jouc'a ac'a lo'epa cal xans jouna'ixpic'epa, ticua: "Ma' a'ejmale'me, aimalajon'hiyaco'ltsi iya' lahuats'". Ne', to'la'a tiyejmale'me, ailopa'a tintsi, aimemalli'me. ³⁸ Iya' cacua: Ac'a lo'eya cal xans nolecoya lahuats', lamalliyacu. Xonca ac'a lo'eya ilque petsi aiquirejma, aimemalliyacu.

³⁹ Ma' imaf'i' lipe'ailli' la'ca'no' ifiyiya. Ja'ni timanta' lipe'ailli' la'ca'no' ux'masquenamma. Tipa'a lane temanecona'ma. Ma le'a ti'ila' cal xans jouc'a i'huexi la'oujna Jesucristo. ⁴⁰ Tama ti'i'ma temalli'me, la'ca'no' ja'ni tipajnlá' quituca' xonca ac'a

tuyaico'ma lapajnya. Toŧta'a laifmipolhuo' iya'. Cacia: Jouc'a iya' cal Espiritu Santo aŧcuxe laifmipolhuo'.

8

¹ Itsiya aŧpalaico'me lotsufcopa landiosla'. Linca jahuay illanc' LanDios lapi'iponga' laŧpicuejma'. Aŧsina' laŧeyacu. Iya' cacua: Tama tipa'a laŧpicuejma' ja'ni aimaŧ'nujuaitsila' laŧpimaye, ¿te quipenic' laŧpicuejma'? Toŧta'a ma le'a lunfu'eyoŧsi laŧpicuejma'. Ja'ni jouc'a aŧ'nujuaitsila' laŧpimaye, ja'ni aŧoc'ila' xonca aŧfa'e'moltsi laŧpicuejma'.

² Cal xans nocuapa: “Ne', ne', aixina”, iŧque aikuixina', ma le'a ticua. ³ Cal xans no'epa capic'a LanDios, LanDios timetsaijma iŧque cal xans.

⁴ Aŧpalaico'me ŧotejnyacu joupa hitsufcopa lilendiosla', ja'ni ti'i'ma alte'me o aimi'iya. Iya' cacua: Illanc' joupa aŧsina' tipa'a anuli LanDios. Landiosla' ailopa'a co'eyacu. ⁵ Linca timana' iŧniya lacui'impola' “andiosla” o “apoujnalá”. Ja'ni fa'a li'a ŧamats' o jilpe lema'a tama ti'ila' axpela' iŧne landiosla', ⁶ illanc' tipa'a ma' anuli ŧalanDios, iŧque aŧ'Ailli'. Jahuay lopa'a iŧque ixpic'epa ti'ila', maŧmana' fa'a li'a ŧamats' aŧ'ete latentŧocoya iŧque. Jouc'a tipa'a le'a anuli laŧPoujna, iŧque Jesucristo. LanDios jahuay lixp'epa ti'ila', iŧque laŧPoujna ilanc'epa, lapi'inga' al ts'e laŧpitine.

⁷ Timana' lapimaye aimicuec'eyi. Ticuayi: “Iŧniya lan imagen ma' andiosla'. Cal teju'a hitsufcompola' joupa i'ipa iŧ'huexi iŧniya.” Pe nonespá toŧta'a ja'ni titeŧe hitsufcompola' tixhuelco'me, tines'me: “Aijc'a laŧ'epa”. ⁸ ¿Te aga ŧaltepa lapenufco'monga' LanDios? Ja'ni alteŧe hitsufcompola' landiosla', ¿te aga LanDios aŧsim'monga' xonca acueca' laŧpicuejma'? A'i. Ja'ni aimaŧteji, ¿te aga aŧsim'monga' xonca a'ijc'a laŧpicuejma'? A'i.

⁹ Tama aixina' toŧcuec'eyi iŧta'a, itsiya camilhuo': Toŧpic'ele al c'a lonŧ'eyacu. Aimoluc'uilituf'e'mola' lapimaye petsi aikuilcueca. ¹⁰ Ima' tocuca, oxina' nipajnya tote'ma hitsufcompola' landiosla'. To'hua'ma al juic lo'epa jilpe lixoute' iŧque lilendios, tote'ma hitsufcompa. Jilpe muyaipa ŧopima, iŧque aimicueca, aimicua miteja, ticua: “Aimi'iya”. Tixintso' ima' toteja, tipai'i'moxi lipicuejma', ticua'ma: “Ailopa'a tintsi. Iya' jouc'a cate'ma hitsufcompa lilendios.” Ima' ¿ja'ni totoc'i ŧopima? A'i. ¹¹ Ima' tocuca, ti'i'ma tote'ma. ŧopima aimicueca toŧta'a. Ja'ni titeŧa' tixhuelco'ma, tecani'e'moxi. Maŧque ŧopima i'huexi Cristo, iŧque Cristo itelcopa lamaya tunŧu'ela'.

¹² Toŧta'a lonŧ'epa tolatets'ila' loŧpimaye, toŧsc'ai'ela' liŧpicuejma'. Toŧatets'ila' a'i ma le'a loŧpimaye, jouc'a tolatets'iyi Cristo. ¹³ Iya' cacua: Ja'ni laŧtepa tuc'uilituf'e'ma laipima, aicateconaya iŧiya.

9

1-3 Jilpe timana' nocuapá: “Iñque Pablo, ¿naitsi ññque?” Iya' catalai'e: ¿Te anuli cal xans aipoujna? ¿Te iya' a'i nin'apóstol? ¿Te aicalummaic' Jesucristo? ¿Te aicaixina' iya' ññque ññPoujna? Imanc' noñ'huaiyijmpá Jesucristo, ¿naitsi nu'ipolhuo' Lataiqui'? ¿Naitsi cummepa Jesucristo ti'etsi lanic' jilpiya? ¿Te a'i iya'? Tama tinesyi ocuenaye: “Pablo a'i apóstol, aimi'hua li-mane”, imanc' aimi'iya moñesyacu toñiya. Imanc' olapenufpá laitaiqui', oñ'huaiyijmpá Jesucristo, toñta'a LanDios imuj'ma iya' aínca nin'apóstol.

4 Illanc', ¿te aicalapi'inga' lane malapenufyacu ññtejacu, ññsnayacu lalapi'iyaconga' lapimaye? 5 ¿Te aimi'iya mañ'eyacu anuli to lo'epa locuenaye lan apóstole, jouc'a lipimaye ññPoujna, jouc'a Pedro? ññne ññejma ññpenoye apimaye. 6 ññniya ññca tipa'a lane aimi'e'me canic', ma le'a ti'e'me ññ lanic' lepi'ipola' cañ'Ailli' Jesucristo. Iya' y Bernabé, ¿te illanc' le'a ailopa'a lane mañ'eyacu toñta'a?

7 Cal soldado, ¿te ti'najtse'ma quituca' loteja? Linfapa 'uva, ¿te aimiteja li'uva? O no'epola' cuenna lihuacax, ¿te aimix-naya liññeche? 8 ññiya ññnespa, ¿te ma' iya' caituca' quipa'e laipicuejma'? Lataiqui' locuxepa LanDios, ¿te aimuya'e' toñiya? 9-10 Toñta'a loya'apa licuxepa Moisés, ticua: “Mi'huailsufyi lan huacax cal trigo, aimoñfi'e'mola' lilepu'nañ”. ññe laitaiqui', ¿te LanDios ma ti'njuaitsila' lan huacax? o ¿añ'nujuaitsinga' illanc' nañ'epá lanic', ññe lalapi'iponga'? Linca, añ'nujuaitsinga' illanc'. Añ'onñcosponga' to cal xans mepa'ma ññmats' petsi lo-faya cal trigo, o to cal xans mifusma trigo. ññne tixoc'iyotñsi quileta ti'eyi canic', ññsina' tite'me quítrigo. 11 Illanc' jilpiya aññpá Lataiqui', toñiya ac'a loluyalaicoyacu imanc' Locuena Quitine. Itsiya litine, illanc' mañmana' fa'a li'a ññmats', ¿te ailopa'a calafot'ñeyacu? ¿Ja'ni aimalapi'iyaconga' ni caltejacu? ¿Te toñsinyi ipime ññiya?

12 Iya' cacua: Ja'ni tolimetsaicola' locuenaye ti'hua toñta'a liñmane, toñtes'mila', ¿te aimalimetsaicoyaconga' xonca illanc'? Linca mañmana' jilpe illanc' luyalaicoyi lapajnya to aimi'hua ññmane. Ailopa'a cañsahue'epolhuo' imanc'. Xonca aipic'a tolihuejle Lataiqui'. Aimolixtule'me.

13 ¿Te aicoñsina' te ts'i'ic' loyalaicopá liñpepajnya ññniya no'epá canic' al xoute'? ññne titeji notsufcopá jilpe al xoute'. ññne petsi lotsufcompola' linneja jilpe al altar, mañniya titeji ññe lixic'. 14 ññPoujna illanc' ixpic'epa ma' anuli tuyalaico'me ññne noya'apá Lataiqui'. Ixplic'epa aimi'e'me ocuena canic'. Muya'ayi Lataiqui' ññniya, liñpimaye tepi'intñsola' lotejacu.

15 Iya' ññca aicainuyaijma toñta'a. Ni itsiya aicamilhuo': “Imanc' aññoc'ññ”. A'i. Iya' tixoquei neta culij'ma ñññtepa. Ja'ni

cola' ti'ila' ituca' lai'ejma' caxhuełco'ma juaiconapa. ¡Najmay ałmala'! Iya' caituca' caxpic'e tołta'a lai'ejma'. ¹⁶ Ĥinca a'i caituca' laipicuejma' caxpic'e cuya'a'ma Lataiqui'. Ĥe lanic' joupa lapi'ipa ĤanDios. Ja'ni aica'ay caxhuełco'ma juaiconapa. Tołta'a a'ijc'a laifnuyaicoya. ¹⁷ Ja'ni cola' iya' caituca' aixpic'epa cuya'ala' Lataiqui', aga ał'najtse'ma. Iya' caituca' aicaxpic'e, ma le'a quihuejcocojma Ĥe lałcuxe'empa. ¿Te cał'najtsecoya? ¹⁸ Iya' Ĥinca aica'najtsi'iyale, ma le'a cuya'e' Lataiqui'. Tama ti'hua laimane, tama nipajnya caxahue'eta', aicaxa'hue. Tijoula', ¿te tipa'a laifnulijya? ¹⁹ Culi'j'mola' lan xanuc'.

Ailopa'a caipoujna axans. Tama ailopa'a nałcuxeya aicailof'eyoxi. Aixpic'epa ca'nujuaitsola' jahuay. Tołta'a ti'i'ma xonca axpela' laifnulijyacola', Ĥne napenufyacu Lataiqui'. ²⁰ Iya' ninjudío ai'onłicopoxi to laif'as judío, tetenłcocotsola' Ĥniya lai'ejma'. Ałquimf'eta', tepenufle Lataiqui'. Itsiya tama aixina' aimalunł'eya litaiqui' Moisés, iya' ai'onłicopoxi to Ĥniya naihuejpá Ĥe lataiqui'. Cacua: Tołiya lapenuf'ma iya' laifnuya'apa Lataiqui'.

²¹ Jouc'a aipic'a tepenufle laifnuya'apa petsi aimimetsaicoyi locuxepa ĤanDios, Ĥne naihuejcopá quilituca' liłpicuejma'. Tołiya ai'onłicopoxi to Ĥniya. Iya' Ĥinca aicainihuequi caituca' laipicuejma', quihuejma Cristo. Tołiya canant'Ĥi locuxepa ĤanDios. ²² Jouc'a ai'onłicopoxi to lapimaye pe aimicuec'eyi litaiqui' Jesucristo. Cahuay te co'iya metenłcocoyacola' lan xanuc' ni petsi lomana', ocuena ocuena liłraza, lił'ejma'. Cacua: Tołta'a cunł'e'mola' hualca Ĥniya. ²³ Tołta'a laif'epa laipenic', Ĥe lalapi'ipa ĤanDios. Jahuay Ĥainunxajma' cuya'e' Lataiqui'. Cacua: Ĥe Lataiqui' tuya'e' te ts'i'ic' lalapi'iyaconga'. Iya' jouc'a lapimaye lulijle Ĥe al c'a.

²⁴ ¿Te aicołsina' lo'ipola' lan xanuc' lalahuaiyacotsi cainuya? Axpela' nainulpá, anuli nolijya, tepi'inni quipremio. Imanc' tolihuejle Cristo, tepi'itsolhuo' lolulijyacu. ²⁵ Ĥne pe notsufłaiyacu lofit'lyacu ti'e'mołtsi cuenna, ti'ila' acueca' quilpujfxi, tulijle lafit'lya. Petsi nolijya tepi'im'me licorona lilanc'ecompa ipela c'ec. Ĥe al corona aimixnet'łqui, tetelquemma. Illanc' ja'ni lulijle, lalapi'inyaconga' aimijouya, ti'hua ticołi tijauhuam-laicota. ²⁶⁻²⁷ Cal xans nonespa: "Culi'j'ma lalahuaiyacotsi cainuya", Ĥque ac'a tinu'ma, tehuelonge pe locuaicoya. Tołta'a iya' cainihuequi Jesucristo. Iya' cacuxeyoxi. Lai'ejma' a'i to li'ejma' cal xans notsufaipa lafit'lya tuntafco'mołtsi liłmane, tijoula' ma tuntafque łahua'. Ĥque Ĥinca aimulijya. Iya' cateł'miyoxi. Cacua: Ĥta'a laicuerpo ti'ila' quixina' Ĥe a'i caipoujna. Ma' iya' caituca' cacuxe'moxi al c'a. Ja'ni a'i,

¿te co'iyá? Iya' cola' ailopa'a calapi'inya tama nuya'a'ma Lataiqui'. Tope tope capanehuo.

10

1 Unc'aipimaye, camilhuo' aimolimenc'eco'me li'ipola' laŧatahueló. Jahuay iŧniya unxamu'ela' lummahuay lipo'nopa LanDios lema'a. Jahuay uyalaico'me laja, LanDios ilanc'e'epola' liŧpene. 2 Iŧniya lunxamu'epola' lummahuay, nuyalaicopá laja, toŧta'a i'ipola' lixanuc' Moisés. Jahuay ilihuequi iŧque. 3 Jahuay iŧne ma' anuli nitepá la'i, iŧque li'huayomma lema'a. 4 Jahuay ma' anuli noxnapá laja' lepi'ipola' LanDios. Iŧe laja' tipayomma laŧpic lipo'nopa LanDios. Ni petsi loyepa lan xanuc' jouc'a ti'hua'ma laŧpic, tiyeyi anuli. Laŧpic ma' iŧque Cristo. 5 Jahuay iŧniya LanDios itoc'i'mola' ma' anuli. A'i jahuay letenŧcocopa LanDios liŧ'ejma'. Imanapola' jiŧpe lijuŧ camats'. Toŧta'a liteŧ'mipola' LanDios.

6 Iŧe li'ipola' laŧatahueló LanDios aŧ'onŧiconga' to illanc' laŧ'iyaconga' ja'ni a'ij c'a laŧ'ejma'. Lu'inga': "Toŧpo'note loŧpicuejma' aimoŧjanaj'me molihuej'me lixcay to lihuejpa iŧniya". 7 Imanc' aimolaxc'onŧingola'i'mola' landiosla'. Toŧta'a li'epa hualca iŧne lan xanuc'. Tuya'e' al Paxi Liniŧingiya ticua: I'epá lijuic landiosla', icuŧola'i'me, itetso'me, ixna'me. Lijou'ma itsolinanca quixojma cata, i'e'me nixpiya.

8 Jouc'a aimoŧ'noŧ'mola' lacaŧ'no'. Hualca iŧne lan xanuc' toŧta'a li'epa. LanDios iteŧ'mi'mola'. Anuli litine imana'mola' anuxans fane' mil lan xanuc'. 9 Jouc'a aimolahuai'me laŧPoujna. Toŧta'a li'epa hualca iŧniya. LanDios umme'mola' lainofat'i. Iŧne ima'a'me lan xanuc'. 10 Jouc'a aimoŧtac'ui'me cajunac' LanDios. Hualca toŧta'a li'epa. LanDios umme'ma lepaluc quema'a, ima'a'mola'.

11 Jahuay iŧiya li'ipola' laŧatahueló, LanDios aŧ'onŧiconga' to illanc' laŧ'iyaconga' ja'ni a'ij c'a laŧ'ejma'. Jiŧpe al Paxi Liniŧingiya LanDios aŧsc'ai'inga' illanc' laŧmana' iŧna'a liŧiné ma mi'hua mijou'ma li'a laŧmats'. Lu'inga' aimat'e'me to iŧniya. 12 Toŧ'nujuaitsa li'ipola' laŧatahueló. Ja'ni tocuá: "Iya' ma quihuequi. Ailopa'a caŧ'iyá", iya' camihuo': Ne', topo'noŧa' cuenna. Aimixcai'mo'. 13 Itsiya toŧteŧcoyi ma le'a to laŧteŧcopa maŧmana' fa'a li'a laŧmats'. LanDios jounpa lu'ipolhuo': "Iya' catoc'i'molhuo'". Toŧta'a lo'eya. Iŧque aimipaiya lipicuejma'. Ja'ni toŧsinyi acueca' iŧe loŧteŧcopa, ja'ni toŧnesle: "Aimi'iyá caixnet'iŧconaya", LanDios timuc'i'molhuo' lonŧ'eyacu. Timuc'i'molhuo' te co'iyá molulijyacu. Toŧta'a ti'hua toŧsnet'i'me.

14 Maicunc'aipimaye, aimolihuej'me landiosla'. Tolanajt-soŧsi nulemma. 15 Imanc' a'i cunc'amac'ta. Tipa'a loŧpicuejma'. Itsiya aŧquimf'ela' iŧta'a laifmiyacolhuo'. Tijouŧa' toŧspic'ete

al c'a lonl'eyacu. ¹⁶ Illanc' ninc'apimaye tipa'a la'vaso, jilpe ma'snayi a'l'nujuaisyi li'epa Cristo. A's'najtsi'i'me LanDios, a'sna'me al vino lopa'a jilpe al vaso. Ma'snayi al vino jahuay anuli a'l'nujuaisyi lijuats' Cristo. Ma'teji la'i la'squejpa jahuay anuli a'l'nujuaisyi licuerpo Cristo. ¹⁷ La'i la'squejpa ti'onlcospa to licuerpo Cristo. I'que la'i ma le'a anuli. To'ta'a timuqui tama ninc'xpela' illanc' ma le'a anuli. I'que anuli la'i ahualca ahualca a'teji jahuay.

¹⁸ Lan xanuc' Israel miteji lixic' litsufcompa jilpe al cuecaj xoute', ti'nujuaisyi ile al altar pe laipa'ayompa lixic' i'altar LanDios. ¹⁹ Linca aica'onlicola' lalanDios to lilendiosla'. Jouc'a aica'onlicola' lotsufcompola' lilendiosla' to lotsufcopa LanDios. ²⁰ Mane cacua: Lan xanuc' pe aimimetsaicoyi LanDios aimitsufcoyi LanDios, titsufcoyi lontahue. Cacua: Amotetso'me anuli lontahue, aimo'Hejmale'me anuli ihniya. ²¹ Imanc' ja'ni to'snayi livaso la'Poujna Cristo aimi'iya mo'snayacu jouc'a li'vaso ilne lontahue. Ja'ni to'tetsoyi jilpe lacui'impa "limesa la'Poujna", to'tetsoyi anuli il'que. Aim'iya mo'tetsoyacu anuli lontahue jilpe li'mesa. ²² O, ¿ja'ni lahuaile la'Poujna? ¿Ja'ni xonca ti'hua la'mane?

²³ Linca tama jahuay nipajnya a'e'me, tipa'a latentcocoja jouc'a tipa'a pe aimetenccocojma. Tama jahuay nipajnya a'e'me a'i jahuay mitoc'iyacola' lapimaye. ²⁴ Imanc', aimo'e'me lo'pic'a co'tuca'. To'e'me ile lotoc'iyacola' lo'pimaye.

²⁵ Locuquimpa laplaza ti'i'ma to'nata, to'te'me. Aimosue'mot'le'me, aimolicuitsuf'me: "¿Te ile litsufcompola' landiosla'?" Ma le'a to'natsa. ²⁶ To'l'nujuaitsa: "Li'a lamats' jouc'a jahuay lopa'a i'huexi la'Poujna".

²⁷ Lan xanuc' pe aimimetsaicoyi LanDios, ja'ni tijoc'itsolhuo' to'tetsota, ja'ni o'pic'a ton'le, ne', ton'e'me. To'tetsa la'pi'inyacolhuo'. Aimosue'mot'leta, aimolicuitsufol'me: "¿Te ilta'a itsufcompola' landiosla'?" Ma le'a to'tetsa. ²⁸ Ja'ni anuli lo'pima timitsolhuo': "I'ta'a itsufcompola' landiosla', aimi'iya mo'tejacu", aimo'te'me. To'l'nujuaitsa lo'pima himipolhuo' to'ta'a. Aimoscai'e'me il'que l'unxajma'. ²⁹⁻³⁰ Imanc' linca aimosue'coyacu, ma' il'que lo'pima tixhuelco'ma.

Iya' cacua: Linca nipajnya to'te'me. Tijoula', ¿te co'iya? Lo'pima aga tixim'ma a'ijc'a lo'epa, tihuotso'ma. Joupa o's'najtsi'ipá LanDios, to'teji mo'l'nujuaisyi LanDios, lo'pima aikuixoqui queta, ixtuc'opo'. ¿Ja'ni ac'a ile li'ipa? A'i.

³¹ Cacua: Ja'ni to'te'me, ja'ni to'sna'me, jahuay lonl'eyacu, ton'le ma le'a latentcocoja LanDios. To'ta'a lan xanuc' tines'me: "LilenDios ihniya ma' ac'a lipicuejma". ³² Ja'ni a'judío o ja'ni a'ij judío, o ja'ni lo'pimaye le'fot'lepola' LanDios, imanc' aimoluc'uilituf'e'mola'. ³³ To'ta'a laif'epa iya'. Ca'nujuaitsila'

jahuay laif'as xanuc'. Aicacua: “¿Te caif'eya? Aipic'a cuyaiñ'a al c'a iya'.” Ma caxpic'e, camiyoxi: “He laif'eya, ¿te tetenłcocojma łaipima?” Aipic'a tuyalañe al c'a łaipimaye, tunłul—le ñhiya.

11

¹ Tołta'a cainihuequi Cristo. Imanc' lihuejla' iya'.

² Unc'aipimaye, tixoqui neta iya' aixina' aicalimenc'ecojma. Ti'hua ał'nujuaitsi, ma to łacuxe'epolhuo' tołta'a lonł'epa. Ton-lihuejyi laimuc'ipolhuo'. ³ Jouc'a aipic'a ti'ñla' colšina' Cristo copa'a Nocuxepa cal xans. Cal xans ti'hua limane ticuxe'ma łaca'no', ñque łipeno. ŁanDios ti'hua limane ticuxe Cristo. ⁴ Cal xans mipalaic'o ŁanDios o mu'iyale lonespa ŁanDios, texijla' lijuac. Ja'ni tetemica lijuac tetets'i Cristo, ñque Nocuxepa. ⁵ Łaca'no' mipalaic'o ŁanDios o mu'iyale lonespa ŁanDios, tetemijla' lijuac. Ja'ni texijla' lijuac tetets'i łipe'ailli', ñque nocuxepa. Ja'ni texijla' lijuac tocomma to isuaf'pa. ⁶ Ja'ni łaca'no' aimetemijya lijuac, ne', tetec'ela' lijuac. Ja'ni ticua: “A'i, aimalatec'e'ma łaijuac, aimalisuaf'ma, catai'ma lalaic'ata”, ne' tetemijla' lijuac.

⁷ Cal xans mipalaic'o ŁanDios aimetemij'ma lijuac. Cal xans ti'onłcospa to ŁanDios. Timuqui te ts'i'ic' ñque Łilanc'epa. Łaca'no' ituca', ñque tixhuaicospa łipe'ailli'. ⁸ ŁanDios lolanc'eyacola' lan xanuc' ate'a ilanc'epa cal xans, a'i łaca'no'. ñque łaca'no' aiquipa'e anuli lipecał lolanc'ecoya cal xans. Ipa'epa lipecał cal xans ilanc'ecopa łaca'no'. ⁹ ¿Ja'ni łaca'no' ehue'epa quipe'ailli' lijoupa ŁanDios ilanc'epa cal xans? A'i. Cal xans ehue'epa quipeno. Lijoupa ŁanDios ilanc'epa łaca'no'. ¹⁰ Tołta'a ticuicomma tetemijla' lijuac łaca'no'. Timuj'ma a'i micuxeyoxi ñque quituca'. Timuj'ma łipe'ailli' xonca ti'hua limane. Tołta'a tetenłcoco'mola' łapaluc' quema'a jouc'a. ñne nahuelojmpá łapimaye łafot'łepołtsi.

¹¹ Iya' aicatets'ila' łacał'no'. Cagua: Ticuicomma loquexi', cal xans jouc'a łaca'no'. Cal xans ticuicomma quipeno, łaca'no' ticuicomma quipe'ailli'. Tołta'a łapajnya molihuejyi łapoujna. ¹² Tołta'a ałmuc'iponga' ŁanDios: Al te'a ipa'apa łaca'no' licuerpo cal xans. Lijoupa limajnlita lan xanuc' ñne caipalyomma liłcuerpo łacał'no'. Jahuay, ma' anuli ŁanDios tepi'ila' liłpitine, axanuc', acał'no'.

¹³ Imanc' coltuca', ¿te colcuapa? ¿Te ja'ni ac'a lo'epa łaca'no' mipalaic'o ŁanDios exiqueya lijuac? ¿Te ja'ni latentłcocoja tołiya? ¹⁴ Joupa ołšina' a'ij nuli liłšans łaca'no' y cal xans. Cal xans ja'ni itoqui juaiconapa lijuac, aiquetenłma, alaic'ata. ¹⁵ Łaca'no', ja'ni itoqui juaiconapa lijuac, ma' etenłma, i'huáqui ac'a juaiconapa. ñque litoqui lijuac ŁanDios epi'icopa łaca'no'

tipoxc'ixoxi. ¹⁶ Toŋta'a iya' laicuapa, lainu'ipolhuo'. Ja'ni anuli aimicueca, ja'ni tinesla': "Lacaf'no' mipalaic'oyi LanDios aimetemij'me lijuac", camima iŋque: "Illanc' a'i toŋta'a ma'eyi. Jouc'a aimi'eyi lapimaye lefot'ŋepola' LanDios ni petsi lomana'."

¹⁷ Itsiya capalaico'molhuo' lonŋ'epa pe aicalatenŋcocojma. Aicamilhuo': "Ac'a iŋe loŋ'ejma". Munlafot'ŋeyoŋtsi aimoŋtoc'iyotŋsi, aimoŋfa'eyoŋtsi loŋpicuejma'. Lijou'ma xonca a'ijc'a loluyalaicopa. ¹⁸ Ate'a cu'i'molhuo' iŋe lonescompolhuo', aŋmimpa: "Lapimaye nomana' liŋya' Corinto mefot'ŋeyoŋtsi a'ij nuli liŋpicuejma', a'ij nuli lonespa". Iya' cacua: Aga al linca iŋe lataiqui' lonescompolhuo'. ¹⁹ Linca aimi'iya moŋmajnyacu ma le'a anuli capicuejma'. Ticuicomma tolanajtsoŋtsi. Toliya ti'huajtola' naiŋtsi iŋniya latentŋcocoja LanDios.

²⁰ Imanc' lonlafot'ŋepoŋtsi anuli aicoŋpic'e moŋtetsoyacu Lixmocojma' laŋPoujna. ²¹ Imanc' aimoŋ'huaicoyi anuli anuli, ma toŋteji loŋtaic'. Tijoula' anuli lapima tipanehuo tunle'e, loeuena timeyoqui. ²² Imanc', ŋte ailopa'a colajut'ŋi? Jiŋpiya ti'i'ma toŋtetsota, toŋsnata. Xonca oŋpic'a tolatets'itsola' loŋpimaye, iŋniya jouc'a lefot'ŋepola' LanDios. Imanc' tolahuelongila' to ninaiŋtsi xanuc', tijoula' iŋniya tixinyi calaic'ata juaiconapa.

ŋTe caifmiyacolhuo'? ŋTe camimolhuo': "Ac'a lonŋ'epa"? A'i, aicamiyacolhuo' toŋta'a.

²³ Iya' joupa aimuc'ipolhuo' iŋe laŋmipa laŋPoujna. Nu'ipolhuo': Lipuqui' licum'me laŋPoujna Jesús iŋque epef'ma anuli la'i. ²⁴ Ix'najtsi'i'ma LanDios, ixquej'ma la'i, timila' ts'ilihuequi': "Iŋta'a aicuerpo. Cacu'moxi, cunŋu'e'molhuo'. Ma toŋta'a tonŋ'e'me imanc'. Toŋsquej'me la'i, toŋte'me, aŋnujuaisco'ma iya'." ²⁵ Lijoupa lixmocopa laŋPoujna timila' ts'ilihuequi': "Iŋta'a al vaso, al vino lonango, iŋe aijuats' laifxcuajaiya. Toliya calinc'i'ma al ts'e cataiqui' lopo'no'ipolhuo' LanDios, imanc' ixanuc'. Toŋsnate. Ti'hua tonŋ'e'me toŋta'a. Ma moŋsnayi aŋnujuaisco'ma."

²⁶ Ma'eyi toŋta'a, maŋteji la'i laŋsquejpa, maŋsnayi al vaso, luya'ayi limayopa laŋPoujna jiŋpe lancruz. Ma toŋta'a ma'eyi aŋhuaijma ticuaiyoconno. ²⁷ Toliya aimi'iya maŋtejacu la'i to nij tintsic'a'i, aimi'iya maŋsnayacu al vino to nij tintsic'vino. Ja'ni toŋta'a li'ejma' cal xans, iŋque tetets'ila' licuerpo jouc'a lijuats' laŋPoujna.

²⁸ Ai'a toŋte'me la'i, ai'a toŋsna'me al vino tolimetsaicotsotŋtsi, te ts'i'ic' loŋ'ejma', te ts'i'ic' loŋpicuejma'. Tijoula' toŋteŋe la'i, toŋsnate al vino. ²⁹ Naiŋtsi notepa la'i, noxnapa al vino, ja'ni aimimetsaijma jiŋpe licuerpo Cristo, litepa la'i, lixnapa al vino aimitoc'iya. Titeŋco'ma loteŋ'miya LanDios. ³⁰ Toliya, jiŋpe pe

lołmana' timana' axpela' lapimaye titafquemmola', axpela' textafquila' o joupa imanapola'.

³¹ Limetsaicotsotłsi, ałsintsołtsi te ts'i'ic' lał'ejma'. Ja'ni a'ijc'a lał'ejma' ałsuej'menanca. Tijoula' aimalteł'miyaconga' LanDios. ³² Ja'ni alteł'minga' LanDios ałmuc'inga' aimetenłma lał'ejma', ipic'a ałsuej'menca. Tołta'a aimalacani'eyaconga' to locuenaye naihuejpá quiltuca' liłpicuejma'.

³³ Unc'aipimaye toł'nujuaitsa iłe laifnu'ipolhuo'. Litine molafot'leyacołtsi, tołtetso'me anuli, tołcuaitsa petsi lolafot'leyacołtsi, toł'huaicota ticuaiyunca lołpimaye, tijoula' tołtetso'me. ³⁴ Łapima łonle'epa juaiconapa, titetsoł'a jilpe lejut'i. Tołta'a ac'a toluyalaico'me jilpe lolafot'łepołtsi. LanDios aimiteł'miyacolhuo'.

Litine cacuaitsi jilłpiya ałpalaic'otołtsi xonca. Catalai'etolhuo' jahuay lalicuis'epa.

12

¹ Unc'aipimaye aipic'a ti'ila' cołsina' te ts'i'ic' lał'eyacu ja'ni cal Espíritu ałcuxenga', lapi'iponga' lałpicuejma'. ² Imanc' toł'nujuaisyi te ts'i'ic' loł'ejma' iłne litiné ma' aimolimetsaicoyi LanDios. Icuxe'molhuo' landiosla' pe aimipalaiyi. Unlihuejco'me iłniya. ³ Iłne litiné aicołsina' litaiqui' cal Espíritu Santo. Itsiya camilhuo': Cal xans nonespa: "Tecaniła' Jesús", aiminesqui locuapa cal Espíritu Santo. Jouc'a camilhuo': Ma le'a cal xans pe joupa epenufpa cal Espíritu Santo ti'i'ma tuya'a'ma: "Jesús aiPoujna. Małque anDios." Ja'ni aiquepenufi cal Espíritu Santo aimi'iya muya'aya tołta'a.

⁴ Tama ituca' ituca' lał'eyacu ma to malapi'inga' cal Espíritu, ailopa'a oquexi' afantsi lan Espíritu Santo, ma' anuli le'a. ⁵ Tama ituca' ituca' lałpenic', iłe lałtoc'iyacola' lałpimaye, ma le'a anuli lałPoujna. ⁶ Tama a'ij nuli calapi'inga' lałmane, iłque LanDios ma le'a anuli. Ma' iłque lapi'inga' jahuay iłiya. Tołta'a ałpaxnenga' jahuay illanc'.

⁷ Cal Espíritu Santo ałmuc'inga' lał'eyacu anuli anuli illanc'. Tołta'a illanc' ninc'apimaye ti'i'ma ałtoc'i'mołtsi. ⁸ Anuli łapima, cal Espíritu Santo tepi'i'ma tuhual'ma litaiqui' LanDios. Locuena capima, małque cal Espíritu Santo tepi'i'ma tuya'a'ma al cueca' ts'ixina'. ⁹ Locuena capima, małque cal Espíritu Santo tepi'i'ma ti'huaiyijnla' juaiconapa lałPoujna Jesucristo. Locuena capima, małque cal Espíritu tepi'i'ma limane tixał'me'mola' lałcuallay. ¹⁰ Locuena capima, tepi'i'ma ti'eł'a' al cueca' ma to mi'ay LanDios. Locuena capima, tepi'i'ma ti'ila' quixina' lołpic'epa LanDios, tu'itsola' lapimaye. Locuena, tepi'i'ma timetsaicola' ja'ni ma' ałınca cal Espíritu Santo ticuxe anuli łapima o ja'ni ticuxe ocuena 'espíritu, iłque lixcay. Locuena capima, tepi'i'ma

tipalaila' ipaijma litaiqui' pe aikuixina'. Locuena capima, tepi'i'ma ticuejla' ile lataiqui' linespa lipima, tu'itsola' locuenaye capimaye. ¹¹ Jahuay ihya ti'ay cal Espiritu Santo. Ituca' ituca', ma to lixpice'epa, lapi'inga' lałpicuejma' jouc'a lał'eyacu.

¹² Anuli al cuerpo linca axpe' mipa'a. Tama axpe' mipa'a licuerpo cal xans a'i oquej fanej licuerpo, anuli le'a. Tołta'a Cristo. Illanc' icuerpo itque. ¹³ Illanc' ja'ni ninc'ijudío, ja'ni ninc'ocuenaye xanuc', ja'ni fa'a li'a lamats' tipa'a lałpoujna o ailopa'a całpoujna, illanc' nalapolipá al'onłcosponga' to anuli al cuerpo, ile icuerpo Cristo. Ma' anuli joupa ałsnapá al c'a caja', itque cal Espiritu Santo lałapenufpa.

¹⁴ Linca, anuli al cuerpo mipa'a axpe', a'i anuli ne'a. ¹⁵ Cal xans ja'ni li'mis timixoxi: "Iya' a'i namane, tołta'a iya' a'i qui'huexi ile al cuerpo", ¿te ile li'mis a'i qui'huexi al cuerpo? ¹⁶ Jouc'a ja'ni lix'mas timixoxi: "Iya' a'i na'u, tołta'a iya' a'i qui'huexi ile al cuerpo", ¿te ile lix'mas a'i qui'huexi al cuerpo?

¹⁷ Ja'ni lałcuerpo pangay ca'u', ¿te co'iya małcuejyacu? Ja'ni lałcuerpo pangay cax'mats'i', ¿te co'iya malujuenufyacu? ¹⁸ A'i tołta'a lałcuerpo. LanDios joupa ixpic'epa lo'eya, ipo'no'ipola' anuli anuli pe lopanc'eya. ¹⁹ Ja'ni a'i coła' tołta'a qui'e'e LanDios, ¿pe copa'a al cuerpo? Ailopa'a.

²⁰ Linca axpe' tipa'a lipo'no'ipola' LanDios, tama anuli le'a lałcuerpo. ²¹ Tołiya lał'u' aimi'iya mimiya lałmane': "Aicaxhuicolhuo'. Tonłente'. Iya' caituca' ca'e'ma lanic'." Jouc'a lałjuac aimi'iya mimiyacola' lałmitsi': "Aicaxhuiyacolhuo'. Tonłente. Iya' caituca' ca'e'ma lanic'." ²² Jiłpe lałcuerpo ticuicomma jahuay lipo'no'ipola' LanDios. Ihniya pe tocomma ailopa'a quilpujfxi, ilne xonca ticuicomma. ²³ Jiłpe lałcuerpo tipa'a pe aimalimetsaicoyi xonca, jiłna'a xonca al'eyi cuenna. Jouc'a ihna'a petsi ticuicomma temiyaquenni aimalixocoyi ihniya. ²⁴ Petsi xonca latenłcoconga' aimalsinyi cuanuc', aimalamiyi.

LanDios lilanc'epa lałcuerpo ixpic'epa petsi lopo'no'iyacola' anuli anuli. Ja'ni ipic'a temiyaquenni, ti'ente cuenna, ipo'nopa małpe petsi al'e'me cuenna. ²⁵ Tołta'a, jiłpe lałcuerpo anuli aimi'iya miłof'eyacoxi, locuena mi'oc'eyacoxi. Jahuay tixinyołtsi cuanuc', jahuay ti'eyołtsi cuenna. ²⁶ Ja'ni lałcuerpo tipa'a anuli titełma, jahuay titełcoyi jouc'a. Ja'ni anuli tixoxi queta, jahuay tixojma quileta.

²⁷ Tołta'a imanc', icuerpo Cristo. Anuli anuli imanc' i'huexi ile licuerpo. ²⁸ Jahuay nalafot'leponga' LanDios lapi'iponga' anuli anuli lałpicuejma', ituca' ituca' lałpenic'.

Ate'a ipo'nopola' lan apóstole, ilne lumnepola' Cristo tuya'ate Lataiqui'. Lijoupa ipo'nopola' lam profeta, ilne tuya'ayi lataiqui' lomipola' LanDios. Lijoupa ipo'nopola'

lomxiye, iñe tuhuayáyi Lataiqui', timuc'iyaleyi. Lijoupa ipo'nopola' iñe petsi lepi'ipola' liñmane, ti'e'me ma to lo'epa ÑanDios. Lijoupa ipo'nopola' iñe petsi lepi'ipola' liñmane tixañ'meñe lafcuallay. Lijoupa ipo'nopola' iñe pe lepi'ipola' liñpicuejma' titoc'iñe liñpimaye. Jouc'a ipo'nopola' iñe pe lepi'ipola' liñpicuejma' ticuxe'me liñpimaye, tu'i'mola' te co'iya mi'eyacu laniç' lepi'ipola' ÑanDios. Jouc'a ipo'nopola' iñe pe lepi'ipola' liñpicuejma' tipalañe ipaijma liñtaiqui'.

29 ¿Te jahuay illanc' ninc'apóstole? ¿Te jahuay ninc'iprofeta? ¿Te jahuay ninc'omxiye? ¿Te jahuay añ'eyi al cueca' ma to lo'epa ÑanDios? 30 ¿Te jahuay añsañ'mela' lafcuallay? ¿Te jahuay añpalaiyi ipaijma lañtaiqui'? ¿Te jahuay niñajnya añcuj'me loya'apa lapimaye nopalaipá ipaijma lataiqui'? A'i. Ituca' ituca' mi'hua lañmane, ituca' ituca' lañpicuejma' lalapi'iponga'. 31 Imanc' toñpo'noñe loñpicuejma', toñsahue'ete ÑanDios teñi'itsolhuo' al c'a juaiconapa.

Itsiya camuc'i'molhuo' te ts'i'ic' añ'ejma' xonca al c'a.

13

1 Iya cacua: Tama añpalai'me liñtaiqui' lan xanuc' jouc'a liñtaiqui' lapaluc' quema'a, tijouñ'a, ja'ni aimañ'ehualeyí capic'a, iñe lañpalaipa ailopa'a quipenic'. Tocomma ma le'a luna'anga' to latengoñyi latejma' o latsajnyi loquej latehuaijma'. 2 Ja'ni ninc'iprofeta, lu'iyaleyi lañmiponga' ÑanDios, ja'ni añcueca' xonca lipime litaiqui' ÑanDios, ja'ni joupa acueca' i'ipa cañsina', ailopa'a calahue'eponga', ja'ni acueca' añ'huaiyijnyi ÑanDios, toñta'a añcuxe'mola' liñjualay, iñniya tiye'me lu'hua, tijouñ'a, ja'ni aimañ'ehualeyí capic'a, ¿te quipenic' iñiya? Illanc' añ'onñcotonga' to niñ naitsi xanuc'. 3 Ja'ni jahuay lañ'huexi lapi'i'mola' titetsoñe iñe petsi aiñquiñ'hueca, ja'ni añcu'moñtsi añteñ'mitsonga' acueca', añma'atsonga', añpi'etsonga' nulemma, tijouñ'a ja'ni aimañ'ehualeyí capic'a, ¿te quipenic' iñiya? ÑanDios aimeñtencocoya lañ'epa. Ailopa'a calapi'inyaconga'.

4 ¿Te cañ'eyacu lañ'ejma' ja'ni añ'ehualeyí capic'a? Mañ'ehualeyí capic'a añsnet'i'me juaiconapa jahuay lañ'e'eyaconga', añpalaiç'o'mola' al c'a, aimañ'eyacola' laic', aimañ'escocoyacoñtsi al c'a, aimañ—lof'eyacoñtsi. 5 Aimañ'eyacu niñpiya, aimañ'eyacu lalatenñcocoyaconga' illanc' cañtuca'. Aimalixtulecocyacu, aimañ'nujuaisyacu ja'ni añ'ijc'a lañ'eponga'. 6 Aimixojya calata ja'ni timenaquila' lapimaye, iñca tixoj'ma calata ja'ni lañpimaye tihuejcoyi al iñca cataiqui'. 7 Ti'hua añ'ela' capic'a, aimañ'xoñyaconga'. Añ'huaiyijm'mola'. Añ'huaicotola' ma ti'ete al c'a. Jahuay lañ'eyaconga' ti'hua añsnet'i'me.

⁸ Ja'ni a'ela' capic'a, tama itsiya litine o Locuena Quitine ti'hua a'e'mola' capic'a. Ite la'ejma' aimijouya. Tijauhuam-laicota quitine to'ta'a a'e'me.

Itsiya litine lam profeta tu'iyaleyi lu'ipola' LanDios, Locuena Quitine a'i, aimuya'aconayacu to'ta'a. Itsiya litine lapimaye tipalaiyi ipaijma litaiqui', Locuena Quitine a'i, aimipalaiconayacu to'ta'a. Itsiya tocomma tipa'a la'sina', Locuena Quitine a'i. Aima'n'ujuaisyacu ihiya. ⁹ Itsiya ma le'a a'on'ca la'cueca, ma' a'on'ca lal'u'iponga' LanDios, to'ta'a lu'iyaleyi. ¹⁰ Locuena Quitine a'i. Jahuay a'sim'me, jahuay lu'i'monga' LanDios. Petsi joupa lixhuaita hualca ailopa'a.

¹¹ Ti'i'ma ma to iya' la'ipa. Iya' maj na'hua, i'ne litiné ma to tixpic'eyi laif'as ca'uhuy ma' anuli caxpic'e iya'. To'ta'a laipicuejma', litaiqui'. Lijoupa la'ojpa aicainihuequi i'e la'ejma' ma na'hua. ¹² Itsiya afule ma'cuejyi. Tocomma to lahuelojnyi anuli lahuejma' catejma', i'e lalahuelojmpa tocomma to cua naitsi ipunxahua. Afule qui'huáqui. Locuena Quitine a'i. A'sim'me acuajmaica. Itsiya ma' a'on'ca a'sina', ma' a'on'ca a'cuec'eyi. Locuena Quitine a'i. Ma to LanDios limetsaiconga' itsiya, ma to'ta'a limetsaico'me LanDios.

¹³ Linca itsiya y tijauhuamlaicota litine, ti'hua a'huaiyijm'me LanDios, ti'hua a'huaico'me al c'a, ti'hua a'ela' capic'a la'pimaye jouc'a LanDios. Tama jahuay i'e la'ejma' aimijouya, teten'cocojma LanDios, i'e ma'ehualeyi capic'a xonca teten'cocojma, LanDios tixina i'e xonca al c'a.

14

¹ To'po'note lo'picuejma' ton'etsola' capic'a lo'pimaye. Jouc'a to'sahue'ete cal Espíritu Santo tepi'itsolhuo' co'mane co'picuejma'. Xonca to'janajle, to'sahue'ete ti'etsolhuo' profeta, tepi'itsolhuo' lo'picuejma' tolu'itsola' lapimaye litaiqui' lomiyacolhuo' LanDios. ² Lapima nopalai'pa ipaijma litaiqui', i'e lap'i'pa cal Espíritu Santo a'i ma quitaiqui', i'que tipalaic'o'ma LanDios. Lan xanuc' aimicuec'e'me. Cal Espíritu Santo ticuxe lipicuejma', i'ne pe noquimf'epá aimi'iya muhual'queyacu lonespa, aimuhual'queyacu loya'apa. ³ Lapima ja'ni aprofeta, i'que tipalaic'ola' lan xanuc', xonca tifa'ela' lipicuejma', tixc'ai'ila', tixoc'ila' quileta. ⁴ Lapima nopalai'pa ipaijma litaiqui' xonca tifa'eyoxi quituca' lipicuejma'. Cal profeta lopalaipa xonca tifa'ela' lipicuejma' lipimaye, jahuay i'niya nafa'umma.

⁵ Camilhuo': Ja'ni jahuay imanc' ipaijma ipaijma lo'taiqui' to'palai'me, linca tixoj'ma neta iya'. Xonca tixoj'ma neta ja'ni cola' jahuay unc'iprofeta. Lapima nopalai'pa ipaijma litaiqui', i'e lep'i'pa cal Espíritu Santo, ja'ni timuc'ila' lapimaye te ts'i'ic' linespa, acueca' al c'a lo'epa, acueca' titoc'ila' lipimaye,

tifa'ela' lipicuejma'. Ja'ni aimi'iya mimuc'iyacola' loya'apa ile linespa, litaiqui' aimitoc'ila' lipimaye. Xonca acueca' al c'a ti'e'ma cal profeta, lapimaye ticuec'eyi ilque. ⁶ Unc'aipimaye, cacuaitsi jilpiya, ja'ni capalay pangay ipaijma litaiqui', ¿te ja'ni catoc'i'molhuo'? A'i. Ticuicomma cu'itsolhuo' lahmuc'ipa LanDios, o cu'itolhuo' laixina', o cu'itolhuo' lahmipa LanDios, o camuc'itolhuo'. Ja'ni tofe ca'etsi, linca catoc'itolhuo'.

⁷ Iiya al pito o al 'arpa, tama aiquilmaf'i', ja'ni tifus'minte al pito o tunante al 'arpa tocomma to tipalaiyi. Ticuicomma tifus'minte o tunante al c'a. Ja'ni a'i, aimi'iya micuejyacu te loya'apa.

⁸ Tijoc'intsola' lan soldado ticuaiyunca tifuleta, ja'ni a'i munnani al c'a al trompeta, ¿te ticuec'e'me lan soldado? A'i. Aimicuec'eyacu. ⁹ Jouc'a imanc', ja'ni topalaiyi ipaijma lohtaiqui' ilne noquimf'epolhuo' aimi'iya quilsina' te ts'i'ic' loluya'apa. Tocomma to tolpalaic'oyoltsi coltuca', to tolpalaic'oyi lahua' le'a.

¹⁰ Linca, fa'a li'a lamats' tipa'a axpe' quilitaiqui' lan xanuc'. Anuli anuli tipa'a loya'apa. ¹¹ Malpalaic'o'moltsi ja'ni aicalcuc'eyoltsi, ¿te iya' latentcoco'ma ilque linespa? O ilque, ¿te tetentcoco'ma iya' lainespa? A'i, aimatsinc'neyacoltsi. Caxim'ma ilque to aine, ilque alsim'ma to naine. ¹² Imanc' ma tohta'a lo'ipolhuo' jilpe.

Ja'ni juaiconapa toljanajyi locupa cal Espiritu Santo toisahue'ele tepi'itsolhuo' colmane, colpicuejma' tohtoc'itsola' lohpimaye, tof'a'etsola' lipicuejma'. ¹³ Lapima nopalaic'opa LanDios, ja'ni tipalay ipaijma litaiqui' jouc'a tixahue'ela' cal Espiritu Santo tepi'ila' lipicuejma' tu'itsola' lapimaye loya'apa ile lonespa.

¹⁴ Iya' ma capalaic'o LanDios ipaijma litaiqui' lalapi'ipa cal Espiritu Santo, linca tama jilpe lainunxajma' aixina' capalaic'o LanDios aicaixina' loya'apa laifnespa, tohta'a aicatoc'ila' laipimaye. ¹⁵ ¿Te caif'eya? Capalaic'o'ma LanDios ipaijma litaiqui', ma to malcuxe cal Espiritu Santo, jouc'a cu'i'mola' laipimaye loya'apa ile laipalaic'opa LanDios. Cunac'co'ma LanDios ipaijma litaiqui', ma to malcuxe cal Espiritu Santo, jouc'a cu'i'mola' laipimaye loya'apa ile lainunac'copa LanDios.

¹⁶ Ima', mox'najtsi'i LanDios ja'ni ma le'a ipaijma lotaiqui', ¿te co'eya cal xans noquimf'epa, ilque pe aimihuequi? Aimicuec'eya lofnespa. ¿Te co'iya minesya: "Amén, tofe ti'ila'?" A'i, aimi'iya. ¹⁷ Ima' linca juaiconapa ac'a ox'najtsi'ipa LanDios. Lopima ipanemma ma to mipa'a. Aicofa'e lipicuejma'.

¹⁸ Cax'najtsi'i LanDios iya' culiquilhuo' imanc'. Capalay xonca ipaijma litaiqui'. ¹⁹ ¿Te co'iya? ¿Te ja'ni capalai'ma pangay ipaijma litaiqui' jilpe lalafot'leyopohtsi anuli laipimaye? A'i. Tama nipajnya capalaila' imbamaj mil lataiqui', ile ipaijma

lataiquí, xonca aipic'a capalaita' ma le'a amaquej lataiquí ma le'a laltaiqui'. Tołta'a atcuc'e'ma lapimaye, camuc'ila'.

²⁰ Unc'aipimaye, aimonlihuej'me li'ejma' la'uhuy. Ine aiquicuaiya quipicuejma'. Linca ma to mi'eyi lan tsoy, ine pe aimihuejyi lixcay, imanc' jouc'a ti'ila' tołta'a loł'ejma'. Toł'nujuaitsa tipa'a lołpicuejma', tołspic'ete al c'a. ²¹ Petsi linilijmpa loya'apa locuxepa LanDios ticua:

LanDios tuya'e': "Ine petsi aimepenufyi laifmuc'ipola', cumme'e'mola' lan xanuc' ocuena quitraza, ituca' quilitaiqui', inhiya tu'innola' laifnuya'apa.

Tijoułta', tama tiquimf'e'me ma' anuli tualalaico'me, aimihuejyacu."

²² LanDios ipic'a timujla' nulemma naitsi ine aimi'huaiyijnyi. Tołta'a ummepola' nopalaipá ipaijma litaiqui'. Lummepola' a'i mimujyacu naitsi ine no'huaiyijmpá. Lam profeta, ine linca timuc'iyaleyi no'huaiyijmpá, a'i petsi aimi'huaiyijnyi.

²³ Itsiya, ¿te co'iya? Cacia: Petsi lolafot'lepotsi anuli, jahuay tołpalaiyi ipaijma ipaijma lołtaiqui', ile lepi'ipolhuo' cal Espíritu Santo, tijoułta' titsufaiile ine petsi aimicuec'eyi ile loł'ejma' o petsi aimihuejcoyi LanDios, ¿te cocuayacu? Tines'me: "Ine ma' amac'ta". ²⁴ Ituca' lo'iya ja'ni jahuay imanc' toluya'ayi ile lu'ipolhuo' LanDios. Titsufaita' anuli pe aimihuejma LanDios, o aimihuequilhuo' imanc' lon'ejma', ilque tiquimf'e'molhuo' anuli anuli imanc' lołnespa. Lołtaiqui' titsufai'ma lipicuejma' ilque cal xans. Tołta'a tixhuej'menahuo, ti'i'ma quixina' te ts'i'c' li'ejma'. ²⁵ Lemiya jilpe lunxajma' ti'huájta. Tijoułta' texc'onłquehuo tixpats'huaita lamats', tix'najtsi'i'ma LanDios, tuya'e': "Linca ma fa'a tipa'a LanDios".

²⁶ Itsiya, cunc'aipimaye, ¿te co'iya? Jilpe molafot'leyotsi, jahuay imanc' anuli anuli tipa'a lołpalaiyacu. Anuli tunac'co'ma LanDios, locuena tipa'a lomuc'iyacola' lapimaye, locuena tu'i'mola' lapimaye te ts'i'ic' ile lu'ipa LanDios, locuena tipalai'ma ipaijma litaiqui', ile lepi'ipa cal Espíritu Santo, locuena tipa'a lipicuejma' tuhual'ma ile lipaijma lataiqui', tuya'a'ma te loya'apa. Ne', jahuay ina'a ti'i'ma tonl'e'me ja'ni tołta'a tołtoc'i'mola' lołpimaye, ja'ni tołfa'e'mola' inhiya liłpicuejma'.

²⁷ Ja'ni tołpalai'me ipaijma lołtaiqui', ile lepi'ipolhuo' cal Espíritu Santo, tołpalaiite oquexi' afantsi le'a, xonca a'i. Anuli anuli tołpalai'me. Tijoułta' anuli lapima tu'i'mola' lapimaye te loya'apa ile lipaijma lataiqui'. ²⁸ Jilpe, ja'ni ailopa'a anuli no'iyalepa tołta'a, aimołpalaiyacu ipaijma lołtaiqui'. Ma jilpe lołpicuejma' tołpalaic'o'me LanDios.

²⁹ Jouc'a lam profeta, tipalai'me oquexi' afantsi le'a, xonca a'i. Locuena ye lapimaye noquimf'epá tixpif'me,

ti'ila' quilsina' ja'ni itaiqui' ÆanDios o a'i. ³⁰ Mipalaic'olhuo' laɓpima ja'ni aprofeta, ja'ni ÆanDios tu'ila' o timuc'ila' locuena capima nocutsuya jilpe, ilque nopalai'opolhuo' ti-ch'ixco'ma. Tipalaic'otsolhuo' locuena capima, tu'itsolhuo' lu'ipa ÆanDios. ³¹ Toɓta'a jahuay lapimaye tolihuic'i'me, jahuay tixpai'i'mola' cunlata.

Imanc' unc'iprofeta nipajnya toɓcuxe'moɓtsi al c'a, toɓpalai'me anuli anuli. A'i jahuay moɓpalotai'me. ³² Æapima ja'ni aprofeta ti'hua limane ticuxe'moxi. Ti'i'ma tixpic'e'ma ja'ni tipalaɓa' o ja'ni aimipalaiya. ³³ ÆalanDios aimal'eyacongá' lahuoc'aitsoɓtsi. Ilque aɓpac'e'enga' laɓpicuejma'. Ja'ni imanc', ja'ni ocuenaye lapimaye, ni petsi lolafot'lepoɓtsi toɓta'a li'ejma' ÆanDios.

³⁴ Molafot'leyoɓtsi anuli aimipalai'me lacaɓ'no'. Aimi'onhico'moɓtsi to lan xanuc'. Tihuejcoɓe. Pe linihya locuxepa ÆanDios toɓta'a tuya'e'. ³⁵ Ilne laɓpimaye cacal'no', ja'ni jilpe hilejut'li maɓpiya ti'i'ma ticuis'eta liɓpe'aillí. Pe lolafot'lepoɓtsi aimipalai'me lacaɓ'no'. Ille a'ijc'a, aimetenɓma. ³⁶ Imanc' unc'iCorinto, aimolihuejcola' locuenaye laɓpimaye li'ejma'. ¿Te ma imanc' coɓtuca' toɓcuxe'moɓtsi? ¿Te imanc' unc'apoujnalá litaíqui' ÆanDios? ¿Te jilpe quipangoyopa? ¿Te ma le'a imanc' olapenufpa' ille litaíqui'? ¿Te ma le'a icuaita jilpiya?

³⁷ Æapima nonespa: “Iya' ninprofeta”, o “Iya' linca acueca' lalapi'ipa cal Espíritu Santo”, timetsaicoɓa' naitsi lalapi'ipa iya' ille litaíqui' lainini'epolhuo' jifa'a. Ille a'i caitaíqui', ma litaíqui' laɓPoujna Cristo, toɓta'a ticuxe ilque. ³⁸ Ja'ni aimimet-saicojma toɓta'a ilque jouc'a aimimetsaicom'me.

³⁹ Unc'aipimaye, camiconalhuo' lonɓ'eyacu. Toɓjanajle juaiconapa ti'itsolhuo' to lam profeta. Lapimaye nopalai'pa ipaijma liɓtaíqui', ne', tipalaɓe, aimoɓcuanac'e'mola'. ⁴⁰ Jilpiya lonlafot'leyoɓtsi tonɓ'ele ma latenɓcocoya ÆanDios, toɓcuxetsoɓtsi al c'a.

15

¹ Unc'aipimaye, itsiya cu'icóna'molhuo' te ts'i'ic' loya'apa Lataíqui', maɓe Lataíqui' lainu'ipolhuo'. Ille Lataíqui' jounpa lolapenufpa, maɓe lonlihuequi. ² Ja'ni tolihuejle Lataíqui' lainu'ipolhuo' maɓe Lataíqui' tunɓu'elhuo'. Ja'ni aimunɓu'eyacolhuo' coɓa' aicolapenufi Lataíqui'.

³ Laipangopa lainuya'apa jilpe, ate'a nu'ipolhuo' Lataíqui' lainepenufpa, lu'ipa laɓPoujna. Aimipolhuo': “Cristo icupoxi tima'ante, toɓta'a liɓonc'e'eponga' laɓjunac'. Al Paxi Linihingiya jounpa uya'apa toɓta'a lo'iya. ⁴ Lijounpa limanapa, eminnapá. Al fane' quitine imaf'inapa. Al Paxi Linihingiya jouc'a tuya'e' toɓta'a. ⁵ Imuj'moxi imaf'i'. Pedro ixim'ma. Lijou'ma ixim'me locuenaye liyejmalepá Cristo. ⁶ Lijou'ma mefot'leyoɓtsi to

amaquej maxnu lapimaye iñe jouc'a ixim'me. Hualca iñiya itsiya ailomana' fa'a li'a lamats', joupa imanapola'. Axpela' ti'hua ts'iñmaf'i'. ⁷ Lijou'ma Jacobo ixim'ma. Lijou'ma ixim'me jahuay lan apóstole.”

⁸⁻⁹ Ijouco'ma iya' aixim'ma, imuj'moxi pe laifpa'a. Litine lixim'me locuenaye ailopa'a al ts'e laipitine iya'. Tocomma afule caipajnconna. Iya' aica'onñicoyacoxi to locuenaye lan apóstole. Iñiya xonca ac'a xanuc'. Iya' caxinyoxi xonca ninaitsi xans. Iya' caituca' aicainepi'iyoxi iñta'a laipenic'. Caxinyoxi a'ijc'a laipicuejma', niñuetsopola' lixanuc' ñanDios lefot'lepola'. ¹⁰ Linca, itsiya ituca' lai'ejma'. Toñta'a li'epa ñanDios, iñque añpai'ipa iya' laipicuejma', añtoc'ipa juaiconapa. Toñiya nulijpola' locuenaye lan apóstole. Xonca ai'epa canic'. Cax'najtsi'i ñanDios, iñque añtoc'ipa. Linca a'i iya' caituca' ai'epa toñta'a, acueca' añtoc'ipa ñanDios. Toñiya iñe lanic' lai'epa tocomma to ma li'epa ñanDios. ¹¹ Ja'ni iya', ja'ni locuenaye lan apóstole, ma' anuli Lataiqui' laluya'apa. Mañe Lataiqui' lolapenufpa imanc'.

¹² Illanc', ja'ni luya'ayi: “Cristo imaf'inapa, ipayomma pe lomana' limanapola’”, hualca imanc' ¿te coñescopa: “Aimimaf'inayacu limanapola’”? ¹³ Iya' camilhuo': Ja'ni limanapola' aimimaf'inayacu jouc'a Cristo aiquimaf'inghua. ¹⁴ Ja'ni Cristo aiquimaf'inghua, illanc' coñta' ma le'a añpalaiyi, Lataiqui' laluya'apa ailopa'a quipenic'. Ma' anuli, tama oñ'huaiyijmpá Jesucristo, iñque ja'ni coñta' timanghua aimi'iya mitoc'iyacolhuo'.

¹⁵ Joupa lu'ipolhuo': “Toñe, toñe li'epa ñanDios, iñque imaf'i'inapa Cristo”. Ja'ni coñta' ñanDios aimimaf'i'iyacola' limanapola' jouc'a Cristo aiquimaf'i'inghua. Illanc' nañnespa li'epa ñanDios coñta' a'ij linca. Ma le'a añfel'mipolhuo'. ¹⁶ Linca ja'ni limanapola' aimimaf'i'inyacola', Cristo a'i quimaf'i'inghua. ¹⁷ Ja'ni Cristo aiquimaf'i'inghua loñjunac' aiquiñonge. Tama oñ'huaiyijmpá Cristo, ja'ni timanghua, iñque aimi'iya mitoc'iyacolhuo'. ¹⁸ Jouc'a lañpimaye limanapola', tama i'huaiyijmpá Cristo iñe joupa ejac'pola'. Toñta'a li'ipola' ja'ni aiquimaf'inghua Cristo. ¹⁹ Jouc'a illanc', itsiya mañ'huaiyijnyi Cristo añteñcoyi. Ticuaitsi Locuena Quitine, ja'ni aimaluyalaico'me xonca al c'a, ¿te cañ'huaiyijncopa Cristo? Linca ja'ni aimañmaf'iyacu xonca ninc'icuanuc'la.

²⁰ Linca, joupa imaf'inapa Cristo. Ticuaihuo litine ñanDios tefot'le'mola' limanapola', timaf'i'ina'mola' iñiya. Cristo i'ipa cal te'a iñiya. ²¹ Li'ipa anuli cal xans aiquihuejma ñanDios, toñta'a lamaya i'huajcopa. Toñiya ma' anuli i'huajcopola' lamaya jahuay lan xanuc'. Locuena cal xans ihuejcopa ñanDios, toñiya tama añma'monga' añmaf'i'ina'monga'. ²² Iñque cal xans

Adán ixingufcopa lamaya, ma' anuli jahuay lan xanuc' tixingufcoyi tołta'a. Cristo, iłque jouc'a i'epoxi xans, imaf'i'ina pa ŁanDios, ma' anuli timaf'i'ina'mola' jahuay.

²³ Linca, a'ij nuli lo'iyacola' iłne nomaf'i'inyacola'. Cristo joupa imaf'i'ina pa, iłque cal te'a petsi iłne lafot'leyacola' ŁanDios. Tijoułta' ticuaicoconno Cristo timaf'ina'me lixanuc'.
²⁴ Tijoułta' tixhuaitsi jahuay, Cristo ticu'moxi limane, timi'ma ŁanDios qui'Ailli': "Ma' ima' tocuxela'".

Ate'a tiłonc'ena'mola' liłmane jahuay lan rey, jahuay lincuxepá, jahuay no'huapá liłmane ni petsi lomana'.²⁵ Cristo ti'hua ticuxe'ma ma miłof'eyołtsi no'epaj laic'. Jahuay iłniya ti'oc'enam'mola'.²⁶ Tijoułta' tiłonc'e'enatsola' liłmane jahuay iłne no'epaj laic', ma le'a tipanehuo lamaya. Iłe jouc'a tiłonc'e'ena'ma limane.

²⁷ Tołta'a tuya'e' al Paxi Linilingiya, ticua: "I'oc'enapola' jahuay no'epaj laic'". Iłe lataiqui' loya'apa "... jahuay i'oc'enapola'", linca aiminescojma ŁanDios. Małque ŁanDios ixpic'epa ti'ila' tołta'a, ti'oc'em'me jahuay, tihuejco'me Cristo.
²⁸ Ticuaitsi litine ti'oc'enle jahuay, tihuejco'me Cristo, małque Cristo li'Hua ŁanDios ti'oc'ena'moxi. Qui'Ailli' ŁanDios joupa ixpic'epa jahuay tihuejcołe Cristo. Ti'oc'ena'moxi Cristo, ma ŁanDios ticuxe'ma, jahuay tihuejco'me.

²⁹ Iya' cacua: Ja'ni aimimaf'iyacu limanapola', ¿te quepo'icompola' iłne napo'impola' muya'ayi liłpuftine liłpimaye limanapola'? Ja'ni iłne imanapola' nulemma, ¿te quipenic' iłe lo'epa liłpimaye ts'iłmaf'i'? ¿Te quepo'icompola' muya'ayi liłpuftine iłne liłpimaye limanapola'? ¿Te quitalai'ecopa tołta'a ŁanDios?

³⁰ Iya' jouc'a lałejmale itine itine ałtełcoyi, ałcuayi: ¿Te xonca cal'iyaconga'? Ja'ni aimalmaf'inayacu, ¿te calšnet'łcopa tołta'a? ³¹ Itine itine tocomma to ałma'ma, ałma'a'ma. Cacua: Ma' al linca iłe laifnespa. Iya' tixoqui neta capalaicolhuo' imanc' unc'aipimaye loł'huaijyma Jesucristo. Tołta'a aimi'iya cafel'miyacolhuo'.
³² Ja'ni aimimaf'iyacu limanapola', ¿te capanehuo fa'a liłya' Efeso małfulecoyołtsi iłne ti'onłcospola' to oyac'la quinnejá? A'i. Najmay cuyaicołá' lapajnya to iłniya nonespá: "Aga mouqui ałmana'monga'. Itsiya, ma małmana', ałtetsołe, ałsnałe al c'a."

³³ Imanc' aimolfel'mi'mołtsi. Tolanajtsołtsi iłne nonespá: "Limanapola' aimimaf'iyacu". Al linca lataiqui' lonespa: "Lan c'a xanuc' ja'ni tiyejmalete lixcay xanuc', jouc'a ti'i'mola' ixcay xanuc'".
³⁴ Tołsuej'menca. Tołpai'ile loł'ejma'. Aimol'econa'me iłe pe aimetenłma ŁanDios. Jiłpe timana' iłniya pe aimimetsaicoyi ŁanDios. ¿Te aimołtaiyi calaic'ata mimana' tołniya?

35 Aga tipa'a anuli nonesya: “¿Te co'iya mimaf'inayacu limanapola? ¿Te co'iya micuaiconayacu? ¿Te co'iya liñcuerpo? Joupa ihuet'ipa.” 36 Catalai'e'ma, cami'ma: “Ima' ailopa'a copicuejma”. Cal fanu' lifampa ate'a tihuet'lqui, tijoula' tilamma imaf'i'. 37 Itque cal fanu' lifampa aimi'onñspa to laifa' lolapa. Ma le'a afanu', ja'ni atrigo o ocuena fanu'. Lolapa ituca' lixans. 38 Ma ÑanDios ti'e'e tilala' cal fanu', jouc'a tixpic'e te ts'i'ic' lixans. Anuli anuli cal fanu' tilala' ituca' ituca' lixans laifa' lolapa. Toñta'a lo'iyacola' limanapola' nomaf'inayacu.

39 Fa'a li'a lamats' liñpoxic' lan xanuc', liñpoxic' linneja, liñpoxic' lacaf'hui, liñpoxic' latuye, ituca' ituca' ina'a. 40 Mañmana' fa'a li'a lamats' tipa'a lañcuerpo. Pu'hua locuenaj quitine jouc'a ti'ita añcuerpo. Lañcuerpo mipa'a fa'a li'a lamats' aimi'onñya pu'hua locuenaj quitine. 41 Cal 'ora, cal mut'la, lan xamna, aimi'onñspola'. Ituca' ituca' liñsans, liñpepalc'o'. Lan xamna aimi'onñspola'. Axamna axamna ituca' ituca'.

42 Toñta'a lo'iyacola' limanapola'. Litine leminni jilpe lamats' itque limanapa ti'hua tihuet'lqui. Litine timaf'i'inla' ti'i'ma ituca'. Aimihuet'lconaya. 43 Litine leminni tocomma to ninaitsi cuerpo. Litine timaf'inala' tipai'im'me, ti'huájta ac'a juaiconapa. Litine leminni ailopa'a co'eya. Aimi'iya. Litine timaf'i'inale ti'i'ma acueca' ipujfxi, acueca' ti'e'ma. 44 Teminni itque licuerpo lepi'ipa qui'ailli', itque jouc'a axans. Ituca' licuerpo timaf'i'ina'ma, ite lapi'iya ÑanDios. Tipa'a lañcuerpo lalapi'iponga' la'i'ailli', tipa'a lañcuerpo lalapi'iyaconga' ÑanDios.

45 Al Paxi Linilngiya tipalajma Adán, itque copa'a cal te'a cal xans. Ticua: ÑanDios epi'ipa lipitine, “... toñta'a i'ipa imaf'i'”. Ituca' li'ipa itque ñecui'impa Lijoujma Adán. Itque ai'a tipajnta ailopa'a quicuerpo, ma tipa'a lipitine. Mañque lapi'inga' lañpitine. 46 Jifa'a li'a lamats', ¿naitsi ñicuai'ma cal te'a? ¿Itque nalapi'iponga' lañpitine? A'i. Ate'a tipa'a fa'a itque lepi'ipa lipitine ÑanDios, lijou'ma icuai'ma itque nalapi'iponga' lañpitine. 47 Itque Adán copa'a cal xans cal te'a, ÑanDios ilanc'epa fa'a li'a lamats'. Ma' amats' ilanc'ecopa. Locuenaj cal xans, itque añPoujna, qui'huayomma lema'a. 48 Mañmana' fa'a li'a lamats' añ'onñcosponga' to Adán, itque cal te'a lañtatahuelo, hilanc'ecompa amats'. Locuenaj quitine, illanc' ja'ni ixanuc' itque Li'huayomma lema'a, ma' anuli añ'onñcotonga'. 49 Mañmana' fa'a li'a lamats' lañsans ma' anuli Adán, itque hilanc'ecompa amats'. Locuenaj quitine lañsans ti'i'ma ma' anuli to lixans itque Li'huayomma lema'a.

50 Unc'aipimaye, iya' camilhuo': Añcuaitsa locuenaj quitine ticutomma ti'itsi ituca' lañcuerpo. Ma to mañmana' aimi'iya mañsufilaiyacu pe locuxeyopa ÑanDios. Ita'a lañcuerpo tijaf'quinghua, tihuet'ina'ma. ¿Te mañta'a añsufilaicota petsi

ailopa'a mijouya, ailopa'a quihuet'iqui? A'i. Aimi'iya.
⁵¹ Cu'i'molhuo' lo'iya. Ita'a lataiqui' laifnu'iyacolhuo' lan
 xanuc' quituca' aimi'iya quilsina'.

Ai'a ticuaiyoconno Cristo, tama hualca illanc'
 almana'monga', hualca almanecu. Jahuay alpai'im'monga'
 latsans. ⁵² Ite la'iyaconga', la'pai'iyaconga' aimico'ya. Ma le'a
 to matspot'imi'me la'u', ma'huilf'i'me, joupa alpai'imponga'.
 To'ta'a la'iyaconga' munanni al trompeta, ite lijoujma
 luna'apa. Linca tunam'me al trompeta, limanapola'
 timaf'i'inam'mola', aimihuet'iconayacola' lit'cuerpo. Illanc'
 ja'ni almana' alpai'im'monga' latsans. ⁵³ Ita'a laicuerpo
 tijaf'quinghua, tihuet'i'ma, ticuicomma lapi'intsi ocuena
 caicuerpo, alpo'no'entsi ite pe aimijouya, aimihuet'iconaya.
 Ita'a laicuerpo ticuicomma tima'ma. Ipic'a alpo'no'entsi
 locuena pe aimimaconaya. ⁵⁴ Tijoula' ti'ila' to'ta'a, ite litine
 linca ti'i'ma ituca' la'cuerpo, aimihuet'iconaya, aimimaconaya.
 To'ta'a tenant'ma lataiqui' linilingiya, ticua:
 jJoupa lulijpá!

Lamaya joupa ejac'pa, aimal'maconayaconga'.

⁵⁵ Ma' al linca loya'apa lataiqui' lonespa:

Catalai'e'ma lamaya, cami:

“Limanapola', ¿ja'ni ma to'ta'a tilmanemma? A'i.

Ima', ¿ja'ni ti'hua toma'ahualecona'ma? A'i.”

⁵⁶ Linca, mipa'a ita'a la'cuerpo lixingufcopa lixcay la'epa,
 ma ti'hua limane lamaya, alte'l'minga', alma'a'monga'. Aimi'iya
 ma'nesyacu: “A'i, aical'aic' quixcay”. Litaiqui' LanDios loya'apa
 locuxepa, ite lataiqui' al'cufquina'. ⁵⁷ X'najtse'eya LanDios,
 la'Poujna Jesucristo joupa ulijpa, lamaya aimululijyaconga'
 nulemma. Illanc' na'l'huaiyijmpá LanDios jouc'a lulijna'me.
 To'ta'a lixpica'epa LanDios, to'ta'a ti'i'ma.

⁵⁸ Unc'aicapimaye, ja'ni to'ta'a la'iyaconga', ¿te ts'i'ic'
 la'eyacu itsiya? Cu'i'molhuo': Aimol'pai'i'me lo'picuejma'.
 Tolihuejle litaiqui' Jesucristo. Aimol'cuanac'e'moltsi. Itine itine
 ton'e'me lanic', ite lepi'ipolhuo' la'Poujna, a'ujfxi ton'e'me
 to'ta'a.

Imanc' nol'huaiyijmpá la'Poujna Jesucristo, mon'eyi ite lanic'
 to'l'nujuaitsa lo'iyacolhuo' locuenaj quitine. To'ta'a tixojma
 cunlata ton'e'me lanic'.

16

¹ Itsiya capalaico'ma al tomí lolafot'leyacu lolumme'eyacola'
 lo'pimaye, ite jouc'a i'huexi LanDios. Itne nomana' li'ya'
 Jerusalén tehue'ela'. Lapimaye lafo'lyomma lamats' Gala-
 cia joupa ainu'ipola' lo'eyacu. Imanc' ma' anuli ton'e'ete.
² Axamano axamano ticuaitsi al te'a quitine, anuli anuli
 imanc' tolanajle lo'tomí. Ja'ni ululijpá acueca' tolanajle

acueca'. Ja'ni ululijpá huata, tolanajle huata. Cacuaitsi jilpiya joupa olafot'lepá al tomí. Aimolafot'le'me aquite'.

³ Cacuaitsi, imanc' toł'huij'etola' lapimaye titaile ile lo-lapi'iyacola' ilne lołtoc'icoyacola' jilpe Jerusalén. Iya' capi'itola' quilje'e. Cummetola'. ⁴ Ja'ni ticuicomma ca'huala' jouc'a alejmaleta anuli lapimaye.

⁵ Joupa aixpic'epa cahuejntola' lapimaye nomana' lamats' Macedonia. Tijoula' cacuaite pe lołmana' imanc'. ⁶ Aicaixina' tojua quitine alcota pe lołmana'. Aga capanehuo jilpiya cuyaicota laxita quitine. Tijoula' cuyaita ni petsi. Imanc' lacanumf'eta cane, ałtoc'ita ca'huanla' al c'a. ⁷ Cacia: Ate'a cuyaicota lamats' Macedonia. Tijoula' cacuaite jilpe pe lołmana' imanc' unc'iCorinto. Jilpe a'i ma le'a cuyaicoya. Ja'ni tixpic'ełá' LanDios alcota. ⁸ Jifa'a lilya' Efeso capanehuo tuyaila' al juic Pentecostés. Tijoula' ca'huata pe lołmana'. ⁹ Jifa'a LanDios lapi'ipa acueca' canic'. Axpela' ti'huaiyijnyi łalPoujna. Jouc'a timana' axpela' nał'epa laic'.

¹⁰ Ja'ni jilpiya ticuaitsi Timoteo, tolapenufle. Aimolhuos'mi'me. Ma to ca'ay lanic' lalapi'ipa łalPoujna, ilque Timoteo jouc'a ti'ay. ¹¹ Aimolatets'i'me, ni anuli imanc'. Tipanni ti'huanla' tolacanumf'entsa cane, ti'huananni pe laifpa'a. Iya' ai'huaijma ticuaiyunca anuli lapimaye.

¹² Apolos aimi'huaya itsiya pe lołmana'. Iya' caxc'ai'i juaiconapa, cami: "To'huala' Corinto. Tonlele anuli lapimaye." Aimicua mi'huaya. Tipa'a litine mi'hua'ma.

¹³ Aimolšmai'me jilpe lołpicuejma'. Ti'hua tolihuejle Lataiqui'. Aimolpai'i'me lołpicuejma'. Tonł'e'ele acueca' łolunxajma'. ¹⁴ Jahuay lonł'eyacu toł'nujuaitsola' lołpimaye, ja'ni tołta'a tołtoc'i'mola' o a'i.

¹⁵⁻¹⁶ Imanc' olimetsaicola' Estéfanos jouc'a lapimaye nomana' lejut'ł. Jilpe lamats' Acaya ilne ate'a i'huaiyijmpá Jesucristo. Ilne quiltuca' ixpic'epá titoc'i'me lapimaye, ilniya jouc'a i'huexi LanDios. Ticuicomma imanc' tolihuejco'mola' ilniya, jouc'a tolihuejco'mola' jahuay lapimaye no'epá lanic' juaiconapa, ile lanic' lalapi'iponga' łalPoujna. Tołta'a caxahue'elhuo' tonł'ele, caxc'ai'ilhuo'. ¹⁷ Iya' aixhuełcopolhuo' juaiconapa. Itsiya tixoqui neta. Licuaina'me fa'a Estéfanos, Fortunato y Acaico, tocomma to ołcuai'me imanc'. ¹⁸ Ilne liłonc'e'enapa laipixhujma'. Itsiya aimalšueł'meconayacu iya' imanc'. Imanc' tolimetsaicotsola' ilniya no'epá tołna'a.

¹⁹ Lapimaye lafołyomma jifa'a lamats' Asia tinonilhuo'.

Aquila y Priscila jouc'a lapimaye lafołyomma lilejut'ł tixoqui quileta tinonilhuo'. Ticuayi: "Lan xanuc' nomana' Corinto łalPoujna, al'huaiyijnyi anuli łalPoujna Jesucristo".

²⁰ Jahuay lapimaye nomana' fa'a tinonilhuo'. Jahuay imanc' tołnontsołtsi. Tołtuc'otssołtsi lołpeque ma to mituc'o'mołtsi lapimaye, ilne i'huexi ŁanDios.

²¹ Iya' ninPablo canonilhuo'. Iłta'a caituca' ninilcopa laimane.

²² Jiłpe ja'ni tipa'a anuli pe aimi'ay capic'a łalPoujna Jesucristo, tejac'ende ilque cal xans. ¡Maranatha! Iłta'a lo-hualquemma: ¡Iłma' małPoujna, tohue', to'huanni!

²³ Ti'hua titoc'itsolhuo' jahuay imanc' łalPoujna Jesucristo.

²⁴ Ti'ila' cołsina' ca'elhuo' capic'a imanc' unc'aipimaye, ma' anuli al'huaiyijnyi Jesucristo. Amén. Tołta'a ti'ila'.

LIJE'E SAN PABLO LOCUENA LINIĒ'EPOLA' LAPIMAYE LEFOT'LEPOĽTSI LIĒYA' CORINTO

¹ Iya' ninPablo. Iya' jouc'a ħaġpima Timoteo liniĒ'elhuo' imanc' lefot'lepolhuo' ĒanDios ġiġpe liġya' Corinto. Jouc'a tixhueġe ilta'a al je'e ħaġpimaye nomana' locuenaye quileloġya' ħamats' Acaya, iġne jouc'a i'huexi ĒanDios. Iya' ninPablo, nin'apóštol, alumepa Jesucristo. Toġta'a lixpíc'epa ĒanDios.

² ĒanDios caġ'Ailli', Jesucristo ħaġPoujna titoc'itsolhuo', tipac'e'etsolhuo' loġpicuejma'.

³ ¡Aġs'najtsi'ile ĒanDios! Iġque enDios ħaġPoujna Jesucristo, jouc'a i'Ailli'. Aġ'Ailli' jouc'a. Itine itine aġ'nujauitsinga'. Iġque alanDios, alixoc'inga' calata. ⁴ Ma maġteġcoyi alixoc'inga' calata. Toġta'a lapi'inga' ħaġpicuejma' lixoc'itsola' quileta ħaġpimaye miteġcoyi jouc'a.

⁵ Ma calihuequi Cristo aġteġcoyi, aġteġcoyi to Cristo liteġcopa. Ja'ni juaiconapa acueca' iġe ħaġteġcopa jouc'a juaiconapa acueca' alixoc'inga' calata Cristo.

⁶ Jahuay ħaġ'iponga' illanc' ma titoc'i'molhuo' imanc'. Ja'ni aġteġcoyi ĒanDios alixoc'i'monga' calata. Toġta'a illanc' lixoc'i'molhuo' imanc', jouc'a toġunġul'me. Ja'ni ĒanDios jounpa lixoc'iponga' calata, imanc' jouc'a tolixoc'i'moġtsi, toġunġul'me. Toġta'a titoc'i'molhuo' ĒanDios ma moġsnet'ġyi lateġcoya, iġe ħaġteġcopa illanc'. ⁷ Illanc' a'i ma le'a aġcuayi: Jouc'a imanc' toġsnet'ġ'me. Aġsina' toġsnet'ġ'me. Ja'ni toġteġco'me to illanc' maġteġcoyi, ĒanDios tixoc'i'molhuo' cunlata ma to lalixoc'iponga' calata.

⁸ Unc'aipimaye, aipic'a ti'ila' coġsina' te ts'i'ic' laluyalaicopa illanc' maġmana' ħamats' Asia. ġiġpe ħinca aġteġcopá. Aġsimpá juaiconapa ipime ħaġpepajnya. Afule maġ'ommoġaispá. Aġcuayi: "Ailopa'a caġpuġfxi. Ma' aġmana'monga'." ⁹ ħaġcuerpo ħinca ailopa'a quipujfxi. Laluyalaicopá toġta'a ixpíc'epa ĒanDios. Aġmuc'inga' aimaġ'huaiyijm'moġtsi illanc' caġtuca', aġ'huaiyijnle ĒanDios. Iġque nipajnya timaġ'i'ina'mola' limanapola'. ¹⁰ Alunġu'eponga' iġe al cueca' ħaġteġcopa, a'i caġmanga'. Ja'ni aġteġcoconale ocuena'ya alunġu'econa'monga'. ¹¹ Imanc' jouc'a locuenaye lapimaye toġsa'hueġe ĒanDios, toġmiġe: "Totoc'itsola' Pablo jouc'a lipimaye". Tijouġa' aġtoc'itsonga' ti'i'ma axpela' lapimaye tix'najtsi'i'me ĒanDios. Toġta'a lo'iya ja'ni imanc' unc'xpela' toġsa'hue'me.

¹² Illanc' tixoquei calata aġcuayi: ġiġpe ħaġpicuejma' aġsina' ac'a ħaġ'ejma'. A'i oque' ħaġpicuejma', a'i ma le'a maġ'e'eyoġtsi

ixanuc' LanDios, aŋinca lihuejcoyi. Ma'eyi lanic' lalapi'iponga' LanDios aimalihuejyi caŋuca' laŋpicuejma'. Toŋta'a laŋ'ejma' ni petsi laŋmana' jouc'a pe loŋmana' imanc'. Jiŋpe loŋmana' xonca aŋ'epá toŋta'a. ¹³ Illanc' laliniŋ'epolhuo' aimifel'micolhuo'. Jiŋpe lu'ilhuo' al linca, toŋta'a laŋnespa. Ai quipime lataiqui', ti'i'ma tolihuej'me. ¹⁴ Linca hualca imanc' limetsaicoponga'. Cacua: Limetsaicotsonga' jahuay ma' anuli. Toŋta'a, litine ticuaiconanni laŋPoujna Jesucristo tixoj'ma cunlata alimetsaico'monga' illanc' oŋpimaye, jouc'a illanc' alimetsaico'molhuo' imanc' aŋpimaye.

¹⁵⁻¹⁶ Iya' ainespa: “Linca lapenufta lapimaye nomana' liŋya' Corinto”. Toŋta'a aixpic'epa ate'a cahuejntolhuo', tijouŋa' ca'huaŋa' ŋamats' Macedonia. Capainanni ŋamats' Macedonia cahuejnconatolhuo'. Tijouŋa' cahuejntsolhuo' imanc' la-canumf'enna cane lotsepa ŋamats' Judea. Toŋta'a oquemma aŋsim'moŋtsi, iya' imanc' noŋmana' jiŋpe Corinto. ¹⁷ Iŋe lainespa: “Cahuejntolhuo'”, ¿te ma le'a canesqui? ¿Ja'ni iya' aicaxa'hue LanDios? ¿Ja'ni aicainicuis'e: “¿Te caif'eya?”? ¿Ja'ni iya' caituca' cacuxeyoxi laipicuejma'? ¿Te caxpic'e ca'huaŋa' jouc'a caxpic'e aica'huaya? ¹⁸ LanDios linca tenanti. Illanc' jouc'a aimafel'miyaley. Litaiqui' laluya'apa iŋe a'i cafellaiqueya cataiqui'. ¹⁹ Iŋe litaiqui' LanDios tipalaijma Jesucristo, iŋque i'Hua LanDios. Ja'ni iya' ninPablo, ja'ni Silvano, ja'ni Timoteo, ma' anuli laluya'apa. ¿Te anuli litine luya'ayi: “Cristo i'Hua LanDios”, y ocuena quitine aŋcuayi: “Cristo a'i qui'hua LanDios”? Ai. Aimi'iya mipai'iyacoxi Cristo. Maŋque LanDios joupa imujpa Cristo ma' i'Hua. ²⁰ LanDios joupa lu'iponga': “Toŋe, toŋe lapi'iyacolhuo'”, iŋque Cristo aŋmuc'inga' aŋinca iŋe lataiqui'. Maŋ'huaiyijnyi Cristo iŋque lapi'i'monga'. Toŋta'a tolimetsaico'me acueca' ac'a LanDios, iŋque laŋpalaicopa illanc' ma'eyi lanic' jiŋpiya.

²¹ Illanc' imanc' ma LanDios alfa'eponga' laŋpicuejma' maŋ'huaiyijnyi Cristo. Toŋta'a aimalaŋpai'iyacoŋtsi. Maŋque LanDios aŋpaxneponga'. ²² Nulemma limetsaicoponga' ixanuc'. Lapi'iponga' cal Espiritu Santo, toŋiya i'ipa caŋsina' illanc' i'huexi LanDios.

²³ Tama aixpic'epa ca'huaŋa' cahuejntsolhuo', aicai'huac'. Aicaifel'milhuo'. Toŋta'a ixina' LanDios, ixina' li'ipa. Iya' aiximpolhuo' cuanuc'. Aines'ma: “Ca'huaico'ma tuyaiŋa' oque' afane' quitine. Ja'ni a'i, cacuaitsi cataletola' iŋne laipimaye.”

²⁴ Illanc' a'i coŋpoujnalá. Aimalu'ilhuo': “Toŋe, toŋe, tolihuejle Jesucristo”. Ma le'a aŋtoc'ilhuo' tuluyalaicoŋe tixojla' cunlata. Aŋsina' toŋ'huaiyijnyi Cristo, ma ti'hua tolihuejle.

2

¹ Iya' aixpic'epa, camiyoxi: “Aica'huaconaya liŋya' Corinto.

Tołta'a aiquixtuc'oyacola' laipimaye.”² Cacia: “Iya', ja'ni cahuos'mitolhuo', ¿naitsi nalixoc'ia neta? Ailopa'a. Ja'ni joupa aihuos'mipolhuo', imanc' aimi'ia malixoc'iconaya neta.”³ Tołta'a ninił'epolhuo' iłe al je'e lainumme'epolhuo'. Cacia: “Tixanu'itsołtsi, tijoułta' ca'hua'ma. Tołta'a lixoc'i'ma caineta, aimalapi'ia quixhujma'.” Cacia: “Ja'ni iya' quixoqui neta, laipimaye jilpe Corinto jouc'a tixoj'ma quileta”. Tołta'a laif'huaiyijncopolhuo' imanc'.

⁴ Iya' ma quiniłi iłe colje'e cajoqui juaiconapa, tic'equi axpe' cainujuay. Li'ipolhuo' imanc' ałhuos'mipa acueca'. Unlejpa lainunxajma'. Laininił'epolhuo' aicaipic'a cahuos'miyacolhuo'. Ma' aipic'a ti'ila' colłsina' ca'elhuo' capic'a juaiconapa, tołta'a laininił'epolhuo'.⁵ Iłque ni'epa aijc'a aicałscai'e iya'. Ixc'ai'epolhuo' imanc'. Tama tołta'a laifcuapa jouc'a cacia: Iłque aimixingufco'ma ujfxi iłe laitaiqui', iya' aicateł'miconaya.⁶ Lanxpela' imanc' joupa ol'pic'epá loł'eyacu. Joupa ol'epá tołta'a, olteł'mipá. Małpe tipanenni.⁷ Itsiya aimolteł'miconame. Tolimenc'e'ecolte lijunac'. Tolixoc'ile queta. Ja'ni a'i, aga xonca tihuotso'ma, tetelquehuo lipicuejma' nulemma, tenaj'moxi xonca.⁸ Caxc'ai' ilhuo' tołpalaic'ole al c'a, ti'ila' quixina' tonł'eyi capic'a.

⁹ Iya' laininił'epolhuo' iłe lołje'e aipic'a lihuejcolta' iya' laicuxe'epolhuo'. Tołta'a lonł'epa. Joupa olteł'mipá tołpima. Itsiya aixina' imanc' ałcuc'e iya' laifcuxe'epolhuo'.¹⁰ Camilhuo': Anuli łapima ja'ni tolimenc'e'ecoyi lijunac', iya' jouc'a quimenc'e'eco'ma lijunac'. Iya' cacia: Petsi łaicuicomma quimenc'e'ecolta' lijunac' ma quimenc'e'eco'ma, joupa nimenc'e'ecopa. Tołta'a cai'ecopa ca'nujuaitsilhuo' imanc', ma' anuli li'epa Cristo.¹¹ Ticuicomma limenc'e'ecolte lijunac' łapima. Ja'ni a'i łonta'a Satanás lulił'monga'. Joupa limetsaijma te ts'i'ic' lipicuejma' iłque. Tehuay te co'ia małc'aiłcolteyacu.

¹² Litine lai'huapa liłya' Troas joupa aixpic'epa cuya'ata jilpe litaiqui' Cristo, iłe loya'apa al c'a lixplic'epa ŁanDios. Laicuaitsi jilpe łamats' linca tipa'a lane ca'etsi lanic', iłe łalapi'ipa łalPoujna Jesucristo.¹³ Iya' a'i quixoqui neta. Jilpe Troas ailopa'a łaipima Tito. Iłque łalejmalepa, anuli ał'eyi lanic'. Aiquicuaiya. Iya' caxhuełmot'le. Aicałcoli. Aixc'ai'ina'mola' lapimaye. Nipanni jilpiya ai'hua'ma łamats' Macedonia.

¹⁴ ¡X'najtse'eya ŁanDios! Illanc' pe Cristo lapenufponga', ŁanDios joupa alulijponga', i'ipa ałPoujna, lihuejcoyi iłque. Itine itine ałejmaleyi. Ni petsi łaltseyacu lan xanuc' ałsinguf'monga' ixanuc' Cristo. Ti'i'ma quilłsina' te ts'i'ic' lipicuejma' iłque. Tołta'a tixpic'e ŁanDios.¹⁵ Ma ŁanDios ałłanc'e'enaponga' lałpicuejma', ti'ila' quilłsina' lan xanuc' te ts'i'ic' lipicuejma' Cristo. Ja'ni iłne

nontu'eyacola', ja'ni nacaniyacola', ma' anuli ałsingufinga' ix-anuc' Cristo. ¹⁶ Linca iłne nacaniyacola' aimepenufyi lataiqui' loya'apa: "Cristo imaf'inapa". Ticuayi: "Imanapa nulemma". Iłne aimepi'inyacola' al ts'e quılıpitine. Petsi nontu'enyacola' iłne linca iłsina' Cristo imaf'inapa, tipa'a al ts'e lılıpitine.

Anuli cal xans, ¿ja'ni quituca' nipajnya ti'e'ma iłta'a lanic' lał'epa illanc'? A'i, aimi'iya. ¹⁷ Illanc' aimal'eyi to iłne pe a'ij hijca loya'apa litaiqui' ŁanDios. Iłne tihuants'iyi Lataiqui' y ocuena cataiqui'. Illanc' a'i oque' lałpicuejma'. Ałsina' joupa lapenufponga' Cristo, ŁanDios ałquimf'enga'. Ał'nujuaisyi ŁanDios lummeponga' luya'ałe litaiqui'.

3

¹ Itsiya, illanc' ¿ja'ni ałpalaicocona'mołtsi al c'a? Linca timana' lapimaye notaipá liłje'e timuc'itsolhuo', tolapenuft-sola'. O iłpic'a tolapi'itsola' quılıje'e tepenufintsola' lapi-maye nomana' ocuena quılıya'. ¿Te ticuicomma tołsinle jouc'a illanc' całje'e? ¿Te tołta'a limetsaico'monga'? ² A'i. Ma' imanc' ti'onłcospolhuo' to ałje'e. Li'ipolhuo' imanc' to-comma to joupa inilingaita łalunxajma'. Iłe lałje'e jahuay tix-hueyi, ti'i quılısina' li'ipolhuo' imanc'. ³ Ja'ni ałcuaitsa pe lo-mana' lapimaye aimal'muc'iyacola' całje'e liniłcompa atinta, iłe ailopa'a, aicaltaic'. Ma' imanc' ti'onłcospolhuo' to iłe ije'e Cristo lalapi'iponga' illanc', ałmuc'itsola' lapimaye.

Luyaipa quitine ŁanDios inilpa jilpe loque' lopic' litaiqui' locuxepa. Itsiya cal Espíritu Santo, iłque hi'Espíritu Łimaf'i' CanDios, inilpa litaiqui' łolunxajma' imanc'.

⁴ Illanc' ałsina' ma le'a Cristo lapi'iponga' lałpicuejma', tołta'a ał'eyi lanic', iłe lalapi'iponga' ŁanDios. ⁵ Illanc' całtuca', ¿ja'ni acueca' ti'hua lałmane? ¿Acueca' lał'eyacu? A'i. Il-lanc' całtuca' ailopa'a cał'eyacu, ma' iłque ŁanDios lapi'iponga' lałmane, lałpicuejma'. ⁶ Tołta'a nipajnya ał'e'me lanic', luya'ayi Lataiqui', iłe al Ts'e Cataiqui' ŁanDios lipo'no'ipola' lixanuc'. Illanc' a'i maluya'ayacu lataiqui' loya'apa locuxepa ŁanDios. A'i tołta'a lałpenic'. Iłe lataiqui' aimi'iya malunhu'eyacongá', le'a lacani'e'monga'. Illanc' tipa'a lałpenic' luya'ałe lo'epa cal Espíritu Santo. Iłque lapi'ingá' al ts'e lałpitine.

⁷ Moisés uya'a'ma łataiqui' liliłiya jilpe lopic'. Tama iłe loya'apa Moisés tecani'e'mola' lan xanuc', ŁanDios imuc'ipola' acueca' ac'a juaiconapa lanic' lepi'ipa Moisés. I'e'epa tunts'ifqui li'a. Iłe lunts'ifpa, tama aimicołya, juaiconapa acueca' tunts'ifqui. Lan xanuc' Israel aimi'iya mi'hua mehuelojnyacu, tunlequi lił'u'.

⁸ Illanc' luya'ayi lo'epa cal Espíritu Santo, iłe ałpenic'. ¿Te ja'ni ŁanDios aiquimetsaijma xonca acueca', xonca ac'a iłe lanic'?

⁹ LanDios imetsaicopa acueca' ac'a juaiconapa ite lipenic' Moisés, itque luya'apa lataiqui' lacani'eyacola' lan xanuc', imuc'i'mola' tipa'a liñjunac'. Itsiya LanDios, ¿te aimimetsaijma xonca acueca' ac'a lanic' la'epa illanc'? Lataiqui' laluya'apa illanc' ticua: “Ja'ni tolihuejcofe, LanDios tepenuf'molhuo' to ailopa'a colñjunac'”.

¹⁰ LanDios limetsaicopa acueca' lipenic' Moisés, limetsaicopa juaiconapa ac'a lataiqui' loya'apa, unts'if'ma li'a Moisés. Itsiya illanc' lulijpá Moisés. Xonca acueca' juaiconapa la'penic', xonca ac'a lataiqui' luya'ayi, xonca limetsaico'monga' LanDios. ¹¹ Ite lipenic' Moisés, tama aimicoña, LanDios imetsaicopa, imujpa acueca', ac'a. Lanic' la'epa illanc' jouc'a lataiqui' laluya'apa, tico'l'ma, aimijouya. Ocuena cataiqui' xonca al c'a, ailopa'a. Tijoula', ¿te LanDios aimalimetsaicoyacongá' illanc' la'penic'? Linca xonca limetsaico'monga', timuj'ma xonca acueca' ac'a lanic' al'eyi.

¹² Añsina' ma toña'a ti'e'ma LanDios. Toliya, ja'ni alpalaic'otsolhuo' o lu'itsolhuo', alpalai'me acuajmaica cataiqui'. ¹³ Illanc' la'ejma' aimi'onñspa to li'ejma' Moisés. Itque tiju'e lijahua' jilpe lijuac. Emi'ma li'a. Ticua: “Laipimaye, lixanuc' Israel, aimalahuelonc'e'e'ma lai'a miñonginghua lonts'ifpa”. Illanc' ailopa'a calamiyacu. Aimijouya illanc' la'penic'.

¹⁴ Ine lan xanuc' niquimf'epá Moisés aiquiñcueca lataiqui' loya'apa itque. Joupa i'ipa ata liñpicuejma'. Ma toña'a it-siya. Tama tixhuf'innila' ite lataiqui' litiñpa Moisés, itne lix-anuc' Israel aimicuec'eyi, tocommá afohue, tocommá iffi'ejma ijahua' jilpe liñ'u'. Aiquiñsina' li'epa Cristo. Itque enant'ñipa ite litaiqui' Moisés, lapi'iponga' al Ts'e Lataiqui'. ¹⁵ Toña'a li'ipola' itne lan xanuc', ma' anuli itsiya aiquiñonc'e'ennila' ite lijahua' lopa'a jilpe liñ'u'. To afohue, aiquiñsina'. Miquimf'eyi litaiqui' Moisés aimicuec'eyi. ¹⁶ Lataiqui', ite loya'apa li'ejma' Moisés, ticua: “Lipalaic'ohuo'ma lañPoujna, exijpa li'a, joupa itonc'epa lijahua' jilpe li'a”. Lan xanuc' Israel jouc'a ti'i'ma tiñojm'ma ite lijahua'. Cua naitsi itñiya ja'ni tipai'ñla' lipicuejma' timet-saico'ma lañPoujna, tipalaic'o'ma itque. ¹⁷ Lataiqui' locuapa “... lañPoujna”, ite tinescojma cal Espíritu Santo. Ja'ni añejmaleyi itque cal Espíritu Santo ailopa'a cañpa'neyacongá', tipa'a lane alpalaic'o'me cal'Ailli' LanDios.

¹⁸ Malpalaic'oyi lañPoujna tocommá lahuelojnyi itque, joupa laxi'emponga' lañpicuejma'. Ailopa'a cañpa'neyacongá' lañ'u'. Lañ'as xanuc' lahuelojntsonga' illanc', tixim'me te ts'i'ic' itque lañPoujna. Itine itine lañ'ejma' ti'hua ti'onñcospa to li'ejma' Cristo. Toña'a lo'epa lañPoujna cal Espíritu Santo, itque ti'hua añpai'inga' illanc' lañpicuejma'.

4

¹ Illanc' aimatsinyi quixoqui maluya'ayi Lataiqui'. Illanc' caŕtuca' aicalfajyoŕtsi, ma ÑanDios ixpic'epa, alfajponga', aŕpaxneponga', lapi'iponga' laŕmane, laŕpenic'. ² Illanc' aŕpo'nopá laŕpicuejma' aŕ'eŕe ma le'a al c'a. Aimaŕ'eyacu to lo'epa iŕne noximpá calaic'ata. Iŕne aimuya'ayi te ts'i'ic' lo'epa. Iŕsina' aimentema. Illanc' aimaŕfel'miyaleyi, ni aimaŕhuants'iyi Lataiqui' y ocuena cataiqui'. Luya'ayi ma litaiqui' ÑanDios. Toŕta'a ni petŕi laŕtseyacu lan xanuc' limetsaicotsonga' aŕ'eyi ma le'a lanic' lalapi'iponga' ÑanDios.

³ Illanc' aŕpalaiyi al cuajmaica cataiqui'. Petŕi aimunŕu'enyacola' le'a iŕniya aimicuec'eyacu. ⁴ Iŕniya afohue, toŕta'a li'e'epola' Satanás. Iŕque iŕpincuxepa petŕi naihuejpá quituca' liŕpicuejma'. Toŕiya Lataiqui' aimepalc'o'ila' liŕpicuejma'. Iŕe Lataiqui' tuya'e' te ts'i'ic' Cristo, iŕque ma' anuli to qui'i'ic' ÑanDios. Iŕne aimi'iya mixinyacu toŕta'a.

⁵ Illanc' aimaŕpalaicoyoŕtsi. Aŕpalaicoyi Jesucristo, luya'ayi: "Iŕque iŕPoujna lan xanuc'". Illanc' aŕ'eyi lanic' lalapi'iponga' Jesús, toŕta'a aŕtoc'ilhuo' imanc', tocomma illanc' oŕmozó.

⁶ Lipangopa li'a ŕamats' ÑanDios icuxe'ma icua'ma: "Jiŕpe al muŕ ti'ila' epalc'o'". Maŕque ÑanDios lapalc'o'iponga' illanc' laŕpicuejma', limetsaicoyi te ts'i'ic' ÑanDios. Ipic'a alulif'etsola' laŕf'as xanuc', ti'ila' quilsina' iŕne te ts'i'ic' ÑanDios. Maŕque Jesucristo timuc'i'mola' toŕta'a.

⁷ Illanc' ŕinca ma le'a ninc'ixanuc', acueca' lalapi'iponga' ÑanDios. Laŕcuerpo ti'onŕcospa to lapixu lilanc'ecompa ixitsqui, liPoujna i'nij'mipa acueca' lipitali. Toŕta'a ja'ni lan xanuc' tixinyi acueca' laŕ'epa ti'ila' quilsina' a'i caŕtuca' maŕ'eyi, iŕe al cuecaj lo'epa ÑanDios. ⁸ Illanc' ŕinca aŕtantsinga', aicaluxpats'inga' nulemma. Tama aicalsina' te caŕ'eyacu, ti'hua aŕ'huaiyjny ÑanDios. ⁹ Tama lan xanuc' alihuetsoquinga', ÑanDios aimaŕpo'nonga' caŕtuca'. Tama aŕscai'enga', aimi'iya malulijyaconga' nulemma, ma' aŕmaŕ'i'.

¹⁰ Toŕta'a laŕteŕcopa illanc'. Mipa'a fa'a li'a ŕamats' laŕPoujna Jesús ixingufcopa lateŕcoya jiŕpe licuerpo, imapa. Jouc'a illanc', ni petŕi laŕtŕepa aŕteŕcoyi, toŕta'a jiŕfa'a laŕcuerpo i'huáqui al ts'e laŕpitine lalapi'iponga' Jesús ŕimaŕ'inapa.

¹¹ Cacia: Maŕmana' fa'a li'a ŕamats' illanc' maŕ'eyi lanic' lalapi'iponga' Jesús, itine itine tocomma aŕma'a'monga', aŕma'monga'. Tama ti'hua tijaf'que laŕcuerpo, tama aŕma'monga', ma caŕmaŕ'i' i'huáqui al ts'e laŕpitine lalapi'iponga' Jesús. ¹² Toŕta'a illanc' laŕpepajnya. Illanc' aŕsingufcoyi lamaya, imanc' toŕsingufcoyi al ts'e loŕpitine.

¹³ Al Paxi Linilingiya tuya'e': "Ai'huaiyjmpa ÑanDios, toŕiya aipalaic'opola' lan xanuc'". Toŕta'a illanc' laŕ'ejma'. Aŕ'huaiyjny

ŁanDios, ałpalaic'ola' lan xanuc'. ¹⁴ Ałsina' lał'iyaconga' ti'i'ma ma' anuli to li'ipa Jesús. ŁanDios łimaf'i'ina pa Jesús jouc'a ałmaf'i'ina'monga', lapenufnatonga' jilpe. Illanc' imanc' lapenufnatonga'. ¹⁵ ŁanDios lixpice'pa lo'iya i'nujuais'molhuo' imanc'. Ipic'a xonca tołsinle te ts'i'ic' litoc'iyalepa. Tijouł'a imanc' unc'xpela' tołs'najtsi'i'me ŁanDios. Tołta'a tixinim'me acueca' ŁanDios.

¹⁶ Illanc' mał'huaiyijnyi ŁanDios aimatłsospanga'. Lałcuerpo linca ti'hua tijaf'que, al ts'e lałpitine lalapi'iponga' Jesucristo aimijaf'que. Ite lałpitine itine itine tepi'im'me quipujfxi. ¹⁷ Lałtelcopa fa'a xonca juaiconapa acueca' ałtoc'inga'. Małtelcoyi fa'a lulijyi lalapi'iyaconga' pu'hua locuena capajnya. Lałtelcopa fa'a li'a lamats' aimi'onłya to lalapi'iyaconga' pu'hua. Fa'a aimicołya latełcoya. Jipu'hua al cueca' al c'a lalapi'iyaconga' ŁanDios aimijouya lojauhuamlaicoya. ¹⁸ Tołiya jahuay li'huáqui fa'a li'a lamats' aimat'nujuaisyi. Ał'nujuaisyi te ts'i'ic' lopa'a jilpe petsi aiqui'huáqui. Jahuay pe ts'i'huáqui aimicołya, ti'hua tijou'ma. Petsi aiqui'huáqui, ite aimijouya.

5

¹ Małmana' fa'a li'a łamats' lałcuerpo ti'onłcospa to anuli calx'huijma', jilpe lopanc'epa lał'espíritu. Ma metelquenahuo ilque lix'huijma' tipa'a lejut'ł lał'espíritu, ite lalapi'iyaconga' ŁanDios. Ite lajut'ł lopa'a pu'hua lema'a, aiquilłanc'e lan xanuc'. Aimi'iya metelc'eya. ² Jilpe lałpicuejma' ałsina' ałinca tipa'a ite lalajut'ł. Tołiya ma małmana' fa'a lałs'huijma', lał'espíritu afule mixnet'łqui, aimicua mi'huaicoya tetelquenni ite lix'huijma', ipic'a ma' itsiya titsufainatsi lejut'ł. ³ Ti'ila' tołta'a, lał'espíritu aimi'hualejma' quituca'. Jilpe lejut'ł titsufainata, tipajnta ti-jauhuamlaicoya.

⁴ Łinca mipa'a lał'espíritu fa'a lałcuerpo afule małsnet'łyi, ałsinyi ipime lał'iyaconga'. Ałcuayi: "Aimetelquehuo ite laicuerpo. Aimicol'ma quituca' lał'espíritu, titsufaila' nulemma locuena lejut'ł." Ti'ila' tołta'a aimalłmaconayaconga', ti'hua całmaf'i'. ⁵ Ne'. Aixina' ałmaf'icona'me. ŁanDios ilanc'e'epa lałpicuejma', lapenuftonga'. Lapi'iponga' cal Espíritu Santo, tołta'a ałmuc'iponga' ałinca ałmaf'i'inatonga'.

⁶ Tołiya tixoqui calata luyalaicoyi lapajnya. Łinca mipa'a lał'espíritu fa'a lix'huijma', ite lałcuerpo, ałsina' lahue'enga', aicalłaitsufconga' lałPoujna Jesús. ⁷ Małmana' fa'a aimalahuelojnyi te ts'i'ic' mipa'a pu'huanni. Ma' ał'eyi linca lataiqui' laluponga'. Tołta'a luyalaicoyi lapajnya.

⁸ Cacua: Ał'eyi linca lataiqui' laluponga'. Juaiconapa ałjanajyi ałpo'note lałcuerpo, ałmajntsa anuli lałPoujna. ⁹ Tołiya ałspic'eyi ał'ete al c'a. Tetentłcocola' lałPoujna ite lał'ejma'.

Ja'ni ałmana' fa'a li'a lamats', ja'ni joupá ałenapá lu'itsonga' lałPoujna: "Ac'a lo'ejma". ¹⁰ Jahuay ałcuainata pe lopa'a Cristo, iłque ałJuez. Jiłpe linca ti'huájta acuajmaica te ts'i'ic' lałpicuejma', lał'ejma'. Ti'huájta te ts'i'ic' li'ipa lał'epa anuli anuli małmana' fa'a li'a lamats', mipa'a lał'espíritu fa'a lix'huijma', iłe lałcuerpo. Ma to lał'epá, ja'ni ac'a o ja'ni a'ijc'a, tołta'a ał'najtse'etonga'.

¹¹ Illanc' lihuejcoyi lałPoujna. Ałspic'eyi ał'ete al c'a, limet-saicotsonga' lał'as xanuc', ti'ila' quilsina' ałinca ał'eyi iłe lanic' lalapi'iponga' LanDios. Małque LanDios joupá limet-saiconga', ixina' te ts'i'ic' lałpicuejma'. Iya' cacua: Jouc'a imanc' ałsininga', limetsaiconga'. ¹² Itsiya, ¿ja'ni ti'hua lu'icona'molhuo': "Illanc' ał'eyi lanic' lalapi'iponga' lałPoujna"? A'i. Ma' ałpic'a tixoj'ma cunlata tolu'iyale'me: "Pablo jouc'a liłejmale ałpomxiye". Tołta'a tołnes'me ja'ni limetsaico'monga' illanc' lummeponga' LanDios. Jouc'a ti'i'ma tołtalai'e'mola' iłne naihuejpá li'huáquila' xonca tetentcocola'. Iłne aimipo'noyi cuenna te ts'i'ic' lınxajma'. ¹³ Tama ałnesconga', ticuayi: "Iłque Pablo tipalay to lamac'ta", o ticuayi: "Pablo tocomma acueca' quipicuejma'"; iya' cacua: ¿Te co'iya? Ja'ni tocomma to ninc'amac'ta illanc', tołta'a ał'eyi lanic' lalapi'iponga' LanDios. Ja'ni tocomma to acueca' lałpicuejma' lalapi'iponga' LanDios, tołta'a ałmuc'ilhuo' imanc'.

¹⁴ Ał'nujuaisyi li'epa Cristo. Iłque ałsimponga' ninc'icuanuc'la, icupoxi tima'ante. Mał'nujuaisyi iłta'a aimi'iya mał'eyacu lalatenłcocoayaconga'. Joupá itsufaipa lałpicuejma' te ts'i'ic' li'ipa iłque Cristo. Limanapa Cristo iłque i'najcuf'mola' liłjunac' jahuay lan xanuc'. Tołiya tocomma to jahuay joupá imanapola' jouc'a. ¹⁵ I'najcuf'mola' liłjunac' jahuay lan xanuc' tuyalaicołe ituca' lapajnya. Ticuicomma aimicuxeyacołtsi quıłtuca', aimihuejyacu quıłtuca' liłpicuejma'. Tihuejcołe iłque limanapa i'najcuf'mola' liłjunac', lijou'ma imaf'ina'ma.

¹⁶ Tołiya illanc' lapenufpola' lan xanuc' a'i to qui'ic' liłsans, liłraza o ja'ni i'hueca o aıqui'hueca. Tołta'a lił'ejma' iłniya pe naihuejcopá quıłtuca' liłpicuejma'. Ja'ni luyaipa quitine tołta'a lałnescopa Cristo, itsiya a'i. ¹⁷ Itsiya linca ipai'ipa nulemma lałpicuejma'. Cristo lapenufponga', lapi'iponga' al ts'e lałpitine, ipangoconapa lałpepajnya. Al te'a lał'ejma' joupá ijoupa. Jahuay i'ipa ats'e. Ma' anuli lo'ipola' jahuay iłne lepenufpola' Cristo.

¹⁸ Linca jahuay iłiya li'epa LanDios. Iłque i'epa lixpıc'epa, ałılonc'e'e'ponga' lałjunac', ałejmale anuli. Tołiya umme'ma Jesucristo ticuxoxi, timatsi jiłpe lancruz. Małque LanDios lapi'iponga' lałmane lu'itsola' lan xanuc': "LanDios aimıxtuc'olhuo', tepenuf'molhuo'". ¹⁹ Lu'ila': "Limanapa Cristo jiłpe tipa'a LanDios. Jiłpe iłonc'e'epolhuo' jahuay

lopa'nepolhuo' imanc' nołmana' fa'a li'a łamats', imanc' pe aimi'iya monłejmaleyacu ŁanDios. Aiquitac'uilhuc' lołjunac', itac'uipa Cristo. Tołta'a epi'i'molhuo' lane tonłejmalete ŁanDios."

Małe lałpenic' lu'itsola' tołta'a. ŁanDios lapi'iponga' lataiqui' laluya'apa. He lataiqui' tuya'e': "ŁanDios aimixtuc'olhuo'. Te-penuf'molhuo'." ²⁰ Illanc' epaluc' Jesucristo. Małpalaiyi illanc' tocomma to ŁanDios tixc'ai'ila' lan xanuc'. Luya'ayi, lu'ila': "Cristo lummeponga'. Ałsahue'elhuo': Tołejmalete ŁanDios."

²¹ Cristo tama ailopa'a quijunac', ŁanDios iximpa to ix-cay lipicuejma', iteł'mipa. Itque Cristo i'onłicopoxi to illanc', i'najtsepa lałjunac'. Tołta'a, ja'ni Cristo lapenufponga', ŁanDios ał'onłicoponga' to Cristo, ałsininga' to ailopa'a całjunac'.

6

¹ Illanc' ŁanDios ał'eyi lanic' anuli. Ałsc'ai'iyaleyi, lu'ila': "Tijoułta' titoc'itsolhuo' ŁanDios aimoluyalaico'me to li'ipa".

² ŁanDios ticua:

Litine laifxpicepa catoc'i'mo', iłe litine aicuejpo'.

Litine lainespa: Cunłu'eyale'ma, małe litine aıtoc'ipo'.

Iya' camilhuo': Litine linescopa ŁanDios "... iłe litine", ma' itsiya. Itsiya ti'hua tunłu'eyale.

³ Mał'eyi canic' anuli ŁanDios aimal'eyacu lixcay. Ałcuayi: "Ja'ni ac'a lał'ejma' lan xanuc' aimetets'iyacu lałpenic'". ⁴ Itine itine alcuayi: "Ti'ıta' quilsina' ałınca ał'eyi lanic' anuli ŁanDios". Ał'ommołaispá jahuay: Ja'ni ałtelcoyi, ja'ni lahue'enga', ja'ni tocomma ałtants'inga' lapajnya, ⁵ ja'ni ałsinc'ue'eninga', ja'ni ałtats'eninga', ja'ni alahuoc'huaiyininga', ja'ni ał'eyi juaiconapa acueca' canic', ja'ni ałhaquinga' cahuı, ja'ni ałsnet'ıyi małjoc'ıyi ŁanDios, jahuay iłna'a ał'ommołaispá.

⁶ Aimalfel'miyaleyi. Lałpicuejma', lałtaiqui', lał'ejma' anuli le'a. Limetsaiconayi te loya'apa Lataiqui', ałsnet'ıyi lał'emponga', ałpalaic'ola' jahuay lan xanuc', ałmujiyi lapenufpá cal Espıritu Santo, ał'ela' capic'a lał'as xanuc', ał'nujuaitsila', a'i ma le'a małnesyi: Ima' ca'ehuo' capic'a.

⁷ Luya'ayi ma' al łınca cataiqui', ałmujiyi al cueca' lo'epa ŁanDios, ał'eyi al c'a, tołta'a ałcuanajcoyołtsi, aluliquila' lalixtuc'oponga'. Tołta'a ałmujiyołtsi ałınca ŁanDios lapi'iponga' lałpenic' lał'epa.

⁸ Ja'ni al c'a luyalaicoyi, ja'ni a'ıjc'a laluyalaicopa, ja'ni al c'a ałnesconga', ja'ni a'ıjc'a lałnescoponga', ja'ni ałminga' cataiqui', ticuayi: "Imanc' tołfel'miyale", o ja'ni ałpalaic'onga', ałminga': "Tołcuayi ma' al łınca", ⁹ ja'ni aimalimetsaiconga' o ja'ni limetsaiconga', ma' anuli ałmujiyołtsi ał'eyi lanic' lalapi'iponga' ŁanDios.

Tama tocomma ji'hua ałmana'monga', jałsintsonga! ĩma' ałmaf'i! Tama ałteł'minga' a'i całma'anga'. ¹⁰ Tama ałtełcoyi luyalaicoyi tixoqui calata. Tama ailopa'a cał'tomı, acueca' lalapi'ila' lałpimaye. Lapi'ila' Lataiqui' laluya'apa. Tama ailopa'a cał'hueca, linca jahuay ał'huexi.

¹¹ Unc'aipimaye, imanc' nołmana' liya' Corinto, capalaic'olhuo', camilhuo' jahuay lopa'a laipicuejma'. Itine itine acueca' ał'nujuaitsilhuo'. ¹² Illanc' ailopa'a tintsi. Illanc' jahuay lałunxajma' ałpalaic'olhuo', imanc' a'i. ¹³ Iya' camilhuo': Imanc' jouc'a aimalatets'i'monga', lapenuftsonga' lałtaiqui' lałsc'ai'ipolhuo'. Caxinnilhuo' to ainaxque', tołta'a capalaic'olhuo'.

¹⁴ Iya' camilhuo': Aimol'e'e'mołtsi anuli iłne pe aimihuejcoyi LanDios. Iłniya aimitoc'iyacolhuo'.

Ima', LanDios joupa ilanc'e'epo' lopicuejma', ĩte comuc'iyaco' iłque pe aimihuequi locuxepa LanDios? Lipuqui' y litine, ĩte tiyejmale'me? ¹⁵ Cristo y Satanás, iłque łecui'impá Belial, ĩte iłniya anuli liłpicuejma'? Ima' to'huaiyinge LanDios, iłque aimi'huaiyinge, ĩte anuli loluyalaicoyacu? ¹⁶ Lejut'ł LanDios y landiosla', ĩte ti'i'ma tixinc'ne'mołtsi? Imanc' ejut'ł LanDios, iłque Limaf'i' CanDios. Małque ticua:

Pe lomana' iłniya jiłpe capajnta, małpiya ałsim'ma aimaf'i', camuj'moxi iya' linca ilenDios, iłniya aixanuc'.

¹⁷ Tołiya: Tolihuejcołe lomipolhuo' LanDios. Iłque ticua:

Tolanajtsołtsi iłne pe aimalihuequi iya', tonłełe aculi'.

Aimoliłoc'olai'me jiłpe pe laiflaijpa, iłe al xujc'a.

Tijoułta' capenufna'molhuo'.

¹⁸ Imanc' alimetsaico'ma iya' ol'Ailli',

iya' quimetsaico'molhuo' ainaxque' amijcanó, ahuats'la'.

Iya' NanDios, tołta'a laifcuapa. Iya' jahuay cacuxe.

7

¹ Maicunc'aipimaye, ac'a juaiconapa iłe licuapa LanDios, iłe laluponga'. ĩLihuejcołe! Ał'etsoltsi limpio. Ja'ni lałcuerpo, ja'ni lałpicuejma', aimalxisc'econa'mołtsi. Ti'ila' le'a al c'a lałeyacu. Lihuejco'me LanDios. Tołta'a itine itine ti'hua tilajm'ma lałpicuejma', xonca tetenłcoco'ma LanDios. Lał'ejma', jouc'a ti'hua tilajm'ma, tijoułta' ti'onłta to li'ejma' LanDios.

² Unc'aipimaye, aimalatets'i'monga', limetsaicotsonga', il-lanc' olpimaye. Małmana' jiłpe nij naitsi cał'najtsecopa a'ijc'a. Ał'epá ma le'a al lija. Nij naitsi całpo'nopa pangay pangay. Nij naitsi całfel'mipa. ³ Laifnespa tołta'a aicatalelhuo'. Joupa aimipolhuo': Itine itine ał'nujuaitsilhuo'. Ja'ni olmaf'i' tixoqui calata. Ja'ni joupa imanapolhuo' tocomma jouc'a ałmanaponga'. ⁴ Iya' juaiconapa ca'huaiyingilhuo'. Acueca'

ac'a lainscopolhuo'. Tama atelcoyi tixoqui neta juaiconapa cuyajma, joupa lixoc'impa neta.

⁵ Aŕcuaitsa fa'a lamats' Macedonia ti'hua atelcoyi, aicalunx-aqui. Ni petsi lahuelojnyi timana' la'eponga' laic', jouc'a jilpe halunxajma' alsuelcoyi. ⁶ Linca LanDios lixoc'iponga' calata, ummepa laipima Tito, alsimpoltsi. Toŕta'a li'ejma' LanDios, ja'ni alhuotsoyi lixoc'i'monga' calata. Illanc' tixoqui calata alsimpoltsi Tito. ⁷ Li'ipa calsina' imanc' joupa olixoc'ipa queta Tito, xonca tixoqui calata illanc'. Itque lu'iponga': "Lapimaye nomana' liya' Corinto juaiconapa tijanajyi tixintso'. Ixhuej'menamma ile li'ipa jilpe, itsiya linca tihuejco'mo'."

⁸ Iya' lijoupa lainumme'epolhuo' colje'e, ile laininil'epolhuo', caxhueŕma. Cacia: Iŕe laiŕe'aga tihuos'mi'mola' juaiconapa lapimaye. Itsiya aicaxhueŕcocongħua. Iŕe laiŕe'e tama ihuos'mipolhuo' a'i nulemma quitafc'ilhuo'. ⁹ Iya' tixoqui neta. Linca ile laipixojma' cata aicalapi'i ile laihuos'mipolhuo'. Imanc' joupa olsuej'menamma al xujc'a li'ipa jilpe, toŕiya tixoqui neta iya'. Iŕe lolsuej'menamma tetentcocojma LanDios. Toŕiya aiximpa ailopa'a qui'e'epolhuo' laiŕe'e. ¹⁰ Petsi liŕpihuotsoqueya tetentcocojma LanDios linca ixhuej'menamma li'epa. LanDios tunhu'e'mola'. Aimipai'yacu liŕpicuejma'. Timana' nohuotsopá petsi LanDios aimetenŕcocojma liŕ'ejma'. Iŕne naihuejpa' quilituca' liŕpicuejma', tejac'em'mola'.

¹¹ Linca i'huáqui joupa olsuej'menamma. Itsiya toŕpo'noyi cuenna te ts'i'ic' loŕ'epa. Oŕpic'epá oŕtalai'ecopoltsi, olixuc'opá itque ni'epa lixcay, olsimpá axpaiqui' lo'iyacolhuo', juaiconapa toŕjanajyi alsintsoŕtsi, oŕpic'epá nulemma toŕsanutsoŕtsi cataiqui', joupa oŕ'epá liŕca, oŕtel'mipá ni'epa lixcay. Joupa almuc'iponga' aicoŕtaic' lajunac', ma le'a anuli jilpe i'epa lixcay.

¹² Iya' jilpe laininil'epolhuo' tama quixtu'hua itque ni'epa lixcay jouc'a aiximpa cuanuc' locuena liŕcopa, xonca aipic'a tolimetsaicotsoŕtsi te ts'i'ic' loŕpicuejma', aipic'a toŕmuc'ile LanDios, toŕmujtsoŕtsi alinca al'nujuaitsinga' illanc'. ¹³ Alsimpá toŕta'a lixoc'iponga' calata.

Xonca lixoc'iponga' calata ile lipixojma queta Tito. Imanc' joupa olixoc'ipá queta. ¹⁴ Iya' joupa aimipa Tito: "Laŕpimaye nomana' Corinto ac'a xanuc'. Lihuejco'ma." Itsiya aicaxina' calaic'ata ile lainscopolhuo'. Maŕmana' jilpe alpalaic'opolhuo' ma le'a al linca. Jouc'a al linca ile laŕnescopolhuo' almipá Tito. Itsiya toŕta'a i'huáqui, lihuejma. ¹⁵ Itsiya Tito xonca ti'elhuo' capic'a, ti'nujuaitsilhuo' imanc' loŕ'ejma'. Ti'nujuaitsi ac'a olapenuŕpá, aicoŕ—loŕ'e'moŕtsi. Oŕpic'epá toŕ'oc'etssoŕtsi, tetentcocoŕa' loŕ'ejma'. ¹⁶ Itsiya iya' tixoqui neta juaiconapa. Aixina' ti'i'ma ca'huaiyijm'molhuo'.

8

1 Unc'aipimaye, itsiya lu'i'molhuo' te ts'i'ic' li'ejma' laɓpimaye nafolyomma lamats' Macedonia. Iniya LanDios acueca' lipaxnepola', epi'ipola' liɓpicuejma' titoc'ile liɓpimaye. 2 Ine laɓpimaye nomana' lamats' Macedonia tama titeɓcoyi juaiconapa, tama acueca' tehue'ela', tixoqui quileta efot'lepá acueca' al tomí tumme'me, titoc'ile liɓpimaye. 3 Ma to ts'i'hueca icupa. Lijou'ma, tama tocomma aimi'iya micuconayacu, icuconapá. Aiquixahue'ennila'. Ine quilituca' liɓpicuejma' ixpic'epá ticule. 4 Aɓsahue'eponga' juaiconapa, aɓminga': "Lapi'itsonga' lane jouc'a illanc' aɓtoc'itsola' laɓpimaye, ine jouc'a i'huexi LanDios. Illanc' jouc'a alafot'lele laɓtomí." 5 Illanc' aɓmila': "Ne'". Aɓcuayi laɓpicuejma': "Ine tefot'le'me liɓtomí". Linca, xonca acueca' i'epá. A'i ma le'a efot'lepá liɓtomí. Ate'a icu'moɓtsi laɓPoujna, lijoupa aɓmiponga': "Lihuejco'molhuo' imanc'". Toɓta'a liɓpic'epa LanDios.

6 Illanc' laɓsimpa li'epa lapimaye nomana' lamats' Macedonia aɓcuapá: "Laɓpimaye nomana' Corinto jouc'a tefot'lele nulemma al tomí locuyacu". Tito joupa ehuejnhuo'molhuo' anulemma. Imihuo'molhuo': "Toɓpangote tolafot'lele al tomí, ile lolapi'iyacola' loɓpimaye". Itsiya lumme'econa'molhuo' Tito tipalaic'otolhuo' tolafot'leconle al tomí. Jouc'a timiconatolhuo': "Imanc' joupa oɓpangopá tolafot'leyi al tomí, itsiya toɓjou'nele ile lonɓ'epa". 7 Imanc' toluliquila' loɓpimaye nomana' ocuenaye quileloɓya'. Xonca toɓ'huaijinyi LanDios, xonca al c'a toɓmuc'iyaleyi litaiqui', xonca oɓsina', xonca tolihuejcoyi, xonca toɓ'nujuaisyi LanDios, jouc'a xonca toɓ'nujuaitsila' loɓ'as xanuc', tonɓ'ela' capic'a. Toɓta'a olapejpá lataiqui' laɓmuc'ipolhuo'. Itsiya camilhuo': "Ne'. Xonca toɓtoc'itsola' loɓpimaye."

8 Aicacuxelhuo'. Aipic'a toɓmuɓtsi aɓinca toɓ'nujuaisyi LanDios jouc'a tonɓ'ela' capic'a loɓpimaye, toliya canescola' ac'a li'epa laɓpimaye nomana' lamats' Macedonia, cu'ilhuo'. 9 Imanc' oɓsina' li'epa laɓPoujna Jesucristo. Mipa'a lema'a jahuay i'hueca, aimehue'e'. Ixpicepa titoc'itsolhuo'. Ipic'a imanc' jouc'a aimehue'e'molhuo'. I'epoxi to cal xans pe aiqui'hueca. Ipo'nopa ile h'huexi, toɓta'a tolapenufta acueca' coɓ'huexi.

10 Iya' cacua aimicuicomma cacuxeyacolhuo'. Aicamiyacolhuo': "Tolafot'letsá al tomí". Xonca tetentma caxc'ai'i'molhuo'. Imanc' linca olulijpola' lapimaye nomana' Macedonia. Ixhuaita anuli camats' lipangopa lolafot'lepa al tomí. Imanc' a'i ma le'a ate'a oɓpangopá tolafot'leyi al tomí, jouc'a ate'a oɓpic'epá toɓ'etsa toɓta'a. 11 Itsiya toɓsuai'nitsa ile lolafot'lepa al tomí. Toɓta'a a'i ma le'a toɓnes'me: "Ne', ne', joupa aɓpic'epá", jouc'a tolanant'li'me ile loɓtaiqui'. Ma to

ts'ol'hueca tołta'a tołcuta. ¹² Petsi ahuata ts'i'hueca ŁanDios aimimiya: "Tapi'ila' acueca". Ts'i'hueca acueca' tepi'i'ma acueca'. Ts'i'hueca ahuata tepi'i'ma ahuata. Ja'ni ahuata o acueca' locuya cal xans, ja'ni tixoqui queta ticu'ma, iłque lo'eya tetentıccojma ŁanDios.

¹³ Iya' laıxc'ai'ıpolhuo': "Tołtoc'itsola' lołpimaye", ğte ja'ni aıpic'a ma le'a iłne lołpimaye xonca al c'a tıyalaıcotsa, ti-joula' tehue'etsolhuo' imanc'? A'i. Tołta'a aıcaıpic'a. ¹⁴ Iya' cacua: Jahuay anuli toluyalaıco'me al c'a. Itsiya imanc' aınehue'elhuo'. Lołpimaye aıquı'ı'hueca. Imanc' tołtoc'i'mola'. Tijoula', mouqui o pitsu, ja'ni tehue'etsolhuo' imanc', iłniya titoc'i'molhuo'. Tołta'a toluyalaıco'me al c'a jahuay imanc'. ¹⁵ Ma to loya'apa al Paxi Linııngiya tołta'a lo'iyacolhuo':

Iłne nefot'lepá xonca axpe' aıquıpanenni,
petsi nefot'lepá huata aıquehue'e'mola'.

¹⁶ Cax'naıtsi'i ŁanDios ipo'no'ıpa lipıcuejma' Tito titoc'ıtsolhuo', tıxc'ai'ıtsolhuo'. Tołta'a i'ıpa anuli lałpıcuejma', iya' y Tito. ¹⁷ Iłque lıncı epenufpa lałmıpa: "To'hua'ma, tahuejntola' lałpımaye nomana' lııya' Corınto". Iłque li'huapa a'i ma le'a lihuejco'monga' lałsahue'epa illanc'. Małque quıtuca' iıpic'epa ti'huala'.

¹⁸ Alummeyi jouc'a ocuena calpıma, tiyejmale'me Tito. Ni petsi lafoıyomma, lapımaye tıpalaıcoyi al c'a iłque lałpıma. Timetsaıcoyi tıya'e' Lataıqui'. ¹⁹ Lapımaye nafot'lepoltı lamats' Macedonia i'huıj'epá iłque lałpıma ałejmalete, ala-cantsa lałtoc'ıyacola' lałpımaye pe nahue'epola'. Illanc' caltuca' aımałeyacu, aımicuıcomma. Ałpic'a tıxınlı acueca' ac'a lałPoujna, jouc'a ałsınıtsonga' ac'a lał'ejma', ałsınıtsonga' ałıncı ałtoc'ıla' lałpımaye, aımalıpa'ayı al tomı, iłe lał'hua'ayacu. Ja'ni ałpalaıcom'monga' a'ıjc'a jouc'a tetets'i'me lałPoujna. ²⁰ Illanc' ałpo'noyi cuenna. Acueca' al tomı, iłe lałtayacu, tołıya ałcuayi: "Ałpo'no'me cuenna". Ja'ni a'i ti'i'ma ałcuf'monga', ałmi'monga': "Imanc' oltepa' al tomı". ²¹ Ni petsi lałtseyacu, jahuay lał'eyacu, ałpo'noyi cuenna, ałcuayi: "Ałsıntonga' lan xanuc', jouc'a ŁanDios ałsıntonga', ał'eyı al c'a".

²² Lummela' afantsı lapımaye, iłniya Tito, jouc'a locuena capıma, jouc'a ocuena'ya lałpıma. Iłque lałpıma jahuay locux'e'empa tixoqui queta ti'e'ma. Tołta'a ałmuc'ıponga' axpe' mı'ay. Itsiya xonca tixoqui queta ti'hua'ma jıłpiya, tıpalaıc'otolhuo' imanc'. Ti'huaiyingilhuo' juaıconapa. ²³ Tito ałejmalepa'. Ma' anuli ał'eyı lanıc' lalapi'ıponga' ŁanDios. Iya' ma capanehuo' fa'a, iłque ti'hua'ma jıłpe pe lołmana'.

Loquexi' lapımaye iłne ummempola' lapımaye nafoıyomma ocuenaıe quıtelolıya', iłne lıncı timuıyi acueca' ac'a lıłPoujna Cristo. ²⁴ Tolapenuftıola' lam fantsı lapımaye. Tołmuc'ıtsola'

imanc' ał'nujuaitsinga'. Illanc' joupa ałnescopolhuo' al c'a. Tołmuc'itsola' ałınca lałnespa. Tijouł'a' tołta'a ti'i'ma quılısina' lapimaye nafolıyomma locuenaye quılılołya', tuya'ata iłniya lummempola'.

9

1 Tołe laıxc'ai'ipolhuo': "Tolapenuftsula' lapimaye". Aicamiyacolhuo' xonca. Joupa olıına' lonł'eyacu, tołtoc'i'mola'.
 2 Imanc' tıxoqui cunlata tołtoc'ıla' lołpimaye. Tołta'a laıfpalaıcopolhuo'. Joupa nu'ipola' lapimaye nomana' Macedonia, aimipola': "Luyaıpa camats' iłne lapimaye nomana' łamats' Acaya joupa efot'łepá al tomı. Ma le'a tehue'ela' tummetsa." Licuej'me tołta'a axpela' iłniya icua'me: "Illanc' jouc'a ałtoc'i'mola' lałpimaye".
 3 Itsiya cumme'e'molhuo' lam fantsi lapimaye, tixıntsolhuo' ja'ni olafot'łepá al tomı. Ja'ni a'i, iłe lainscopolhuo' al c'a ti'i'ma ma le'a ataiqui'.
 4 Luyaıcotsa jıłpe iya' jouc'a oquexi' afantsi lapimaye lun Macedonia, ałcuaitsa ja'ni aıcolıjou'ne colafot'łe al tomı, łınca ałsınna calaıc'ata. Illanc' joupa ałpalaıcopolhuo': Joupa olafot'łepá al tomı. Ja'ni aıcolafot'łe, łte imanc' aimolısinyacu calaıc'ata jouc'a?
 5 Tołıya cumme'e'molhuo' lapimaye. Joupa aıxc'ai'ipola' lo'eyacu. Iłne tiye'me jıłpe pe lołmana'. Tu'itolhuo' tołsuai'nıte al tomı lolafot'łeyacu. Tijouł'a' ca'hua'ma iya'. Imanc' joupa olıpo'nopá cataıqui', tołcu'me acueca'. Ne', tolafot'łełe nulemma. Ja'ni a'i cacuaitsi iya' ticuıcomma caxahue'etolhuo'. Tołta'a aıcaıpic'a. Aıpic'a imanc' colıtuca' tołcu'me.

6 Toł'nujuaitsa: Nofapa ahuata tefot'łe'ma ahuata. Nofapa acueca' tefot'łe'ma acueca'.
 7 Ja'ni afule mocu'ma, o ja'ni to'huaıjma ticuxe'entso', iłe lo'ejma' aimetenłma ŁanDios. Cal xans ja'ni tıxoqui queta ticu'ma litomı iłe lo'epa tetentıcocojma ŁanDios.
 8 Małque ŁanDios acueca' nipajnya titoc'i'molhuo'. Jahuay łıtiné nipajnya tepi'i'molhuo' laıcuıcomma, xonca tepi'i'molhuo'. Tołta'a aımi'i'ma cahue'eyacolhuo'. Tijouł'a' ti'ıł'a' colıhuexi, ti'hua tonł'e'me al c'a, ti'hua tołtoc'i'mola' lołpimaye.
 9 Al Paxi Linıłıngiya tipalaıjma cal xans no'epa iłe al c'a, ticua:

Tıca'nela' li'huca, titoc'ıla' pe lahue'epola'.

Iłe al c'a li'ejma' aimımenc'econyacu.

10 Lam fanu' lofapa lan xanuc', lepi'ipola' ŁanDios. Ma' anuli ł'a'i łotepa, ŁanDios lepi'ipola'. Małque ŁanDios tepi'i'molhuo' iłe lolapi'ıyacola' lołpimaye. Tijouł'a' xonca acueca' tepi'i'molhuo'. Ja'ni ac'a lonł'e'epola' lołpimaye, xonca al c'a tepi'ınnolhuo'.

11 Imanc' aımehue'eyacolhuo', ti'i'ma tołtoc'ıcona'mola' acueca' lołpimaye.

Lapimaye napenufyacu lahtaiyacu illanc', ihe lolapi'iyacola', tix'najtsi'i'me ÆanDios, timuj'me acueca' ique. ¹² Linca lolapi'iyacola' lapimaye titoc'i'mola', aimehue'econa'mola'. Tijoula' xonca acueca' lo'iya. Iñiya lanxpela' tix'najtsi'i'me ÆanDios. ¹³ Lepenuftsa lolapi'iyacola', lapimaye tixim'me acueca' ac'a lo'epa ÆanDios, tix'najtsi'i'me. Tix'najtsi'i'me, imanc' ołpic'epá tołtoc'itsola'. Tix'najtsi'i'me, aınca tolihuejcoyi Lataiqui', ihe Litaiqui' Cristo. A'i ma le'a oñespá: "Lihuejco'me". Tix'najtsi'i'me, imanc' a'i cunc'afts'ile, acueca' tołtoc'ila' iñiya jouc'a jahuay lapimaye. ¹⁴ Tixim'me acueca' lipaxnepolhuo' ÆanDios, ipo'no'ipolhuo' lołpicuejma' tołtoc'itsola'. Tołiya ti'nujuais'molhuo' juaiconapa, tixahue'e'me ÆanDios titoc'itsolhuo' jouc'a.

¹⁵ X'najtse'eya ÆanDios, joupa lapi'iponga' ique xonca acueca'. Ique lałapi'iponga' ÆanDios ailopa'a co'onłcoya.

10

¹ Iya' ninPablo caxa'huelhuo' lihuejcotsonga'. Toł'nujuaitsa li'ejma' lałPoujna Cristo. Ique amanxu. Aiquilof'eyoxi, i'ommaita li'ejma' lan xanuc'. Timana' jilpe nañescopa, ticuayi: "Ique Pablo małmana' anuli tocomma to ninaitsi xans. Mipa'a ocuena quilya' jilpe lixtuc'onga', linił'enga', ałtalenga'. Fa'a a'i." ² Linca ti'i'ma quixtuc'o'mola' hualca nomana' jilpe, ihe nonespá: "Pablo y lihejmale tihuejyi ma quiltuca' liłpicuejma'". Caxa'hueconalhuo': Lihuejcotsonga'. Tołta'a aimalixtuc'oyacołtsi. ³ Iya' camilhuo': Tama ninc'ixanuc' aimalihuejyi caltuca' lałpicuejma'. A'i tołta'a małcuanajcoyołtsi. ⁴ Linca ÆanDios lapi'iponga' lałpa'necoyacołtsi. A'i tołta'a mepi'iyacola' lan xanuc' naihuejpa' quiltuca' liłpicuejma'. Illanc' xonca acueca' lałmane lalapi'iponga' ÆanDios, ał'oc'enatsola' ihe petsi tocomma aimi'iya muliquinyacola'. Ti'i'ma lulij'mola' nopalaipá, iñiya atsila' hiłtaiquí, ⁵ jouc'a pe nołof'epołtsi, nocuapá: "Joupa aixina". Ihe tetets'iyi ÆanDios, aiquilšina' te ts'i'ic' lipicuejma'. Ti'i'ma ałmuc'i'mola' timenaquila' iñiya pe noxplic'epá lo'eyacu ihe quiltuca', tihuejcołe Cristo. ⁶ Tołta'a camilhuo': Lihuejcotsonga' illanc'. Tijoula' ja'ni hualca aimalihuejcoyacongá ałteł'mitola'. Joupa ałpic'epá ihe lał'eyacu.

⁷ Imanc', ¿te limetsaiconga' le'a to lał'ejma' małmana' anuli jilpe? Aga timana' jilpiya nocuapá: "Illanc' linca lapenufponga' Cristo". Iya camila' iñiya: "Tołpic'econale imanc' coltuca' lołpicuejma'. Tołta'a limetsaico'monga' illanc' jouc'a lapenufponga' Cristo, a'i ma le'a imanc'." ⁸ Iya' joupa aimipolhuo': "ÆanDios lapi'iponga' lałmane". Ja'ni capalaicocona'ma tołta'a ma' al linca laifnuya'aya. Aicaxinya calaic'ata.

Ihe lałmane lapi'iponga' lałPoujna. Iłque ixpic'epa ałtoc'itsolhuo', tifayıla' xonca' lołpicuejma', aimalajac'eyacolhuo'. ⁹ Cacia: Ihe laininił'epola' laipimaye, ¿ja'ni tixpaic'e'mola'? Toliya aimipolhuo': Aimalajac'eyacolhuo'. ¹⁰ Linca jilpiya timana' nocuapá: “Pablo, jilpe lije'e atsila' lałtaiquí linespa. Minił'ma acueca' ałcuxenga'. Micuaihuo fa'a ałsinyi ni mipalay c'a.” ¹¹ Iya' cacua: Ne', ti'ıla' quilsina' iłniya joupa imenajpola'. Ma to muya'e' lałje'e laliniłpa fa'a, ma' anuli lał'eyacu jilpe.

¹² Jilpiya timana' nonescopołtsi al c'a, ticuayi: “Illanc' linca ał'eyi lanic' lalapi'iponga' LanDios”. Ihe tehuelojnyołtsi ma quiltuca'. Toliya tixinyołtsi to lan c'a xanuc'. Illanc' aimi'iya mał'onliyaconga' to iłniya. Tocomma xonca lan tsila' xanuc'. Ne', tipajla'. Ma le'a cacua: Petsi acueca' lipicuejma' aimi'eya to iłniya. ¹³ Illanc' ja'ni ałpalaico'mołtsi ałspij'me lałtaiquí'. Ałpalaico'me li'ipa mał'eyi lanic', ihe lałpenic' lalapi'iponga' LanDios. Ma' iłque LanDios lu'iponga' petsi lał'eyacu lanic'. Toliya całtsecohuo'me pe lołmana', jilpe ał'etsa lanic'. ¹⁴ Ja'ni coła' aicaltsec' pe lołmana', ja'ni coła' aicai'aic' canic' jilpiya, ¿te ti'i'ma cacuxe'molhuo'? ¿Te ti'i'ma cami'molhuo': “Lihuejco'monga”? A'i, aimi'iya. Illanc' ałinca ninc'itet'la ałtsehuc'me jilpiya. Jilpe joupa luya'ahuo'me Lataiquí'.

¹⁵ Aimalpalaicoyi lo'epa locuenaye. LanDios joupa ixpicufpa lałmats' lał'eyoyacu lanic' illanc'. Jilpe ał'epá lanic'. Ałpalaicoyi li'ipa małpiya.

Ałcuayi: Lałpimaye nomana' Corinto ti'hua ti'huaiyijnyi Jesucristo. Ti'ıla' xonca acueca' li'huaiyijmpa, xonca limet-saico'monga'. Tołta'a xonca ał'eta lanic' petsi LanDios lixpicufpa ał'etsa. Aimaltsuflaiyacu locuenaye liłpenic'. ¹⁶ Tijoula', le'me xonca aculi', a'i ma le'a pe lołmana' imanc'. Le'me petsi LanDios lalumme'eyaconga'. Pu'huanni ał'eta canic'. Tijoula' ałpalaico'me ihe lanic' lał'epa illanc', a'i lanic' li'epa locuenaye.

¹⁷ Iya' cacua: Cal xans ts'ipic'a tipalaicoła' al cueca', ne', tipalaicoła' lałPoujna. ¹⁸ Cal xans nopalaicopoxi quituca', ja'ni tinesla': “LanDios alummepa”, iłque aimi'iya mepenufinyacu. Ja'ni LanDios timujla' hummepa, linca ti'i'ma tepenufim'me.

11

¹ Aga capalay to lałmac'ta. Imanc' toł'ommołaitsa lałfmpipolhuo'. Ałquimf'eta'. Aixina' toł'ommołaita. Ne', ti'hua toł'ommołaitsa. ² Linca ca'elhuo' capic'a juaiconapa, ihe laipicuejma' joupa lapi'ipa LanDios. Litine imanc' loł'huaiyijmpa Jesucristo aimipa iłque: “Ti'itso' to quılpe'Ailli' iłniya. Tołta'a litine tocuaicoconanni cacutsola', toxim'mola'

to anuli cal c'a cahuats'. Tapenuf'mola' tołta'a." ³ Itsiya caxhuełma. Ca'nujuaitsi li'ipa Eva, ifel'mipa łainofał, acueca' a'ijc'a lipicuejma' ilque. Cacua: Laipimaye nomana' Corinto aga tifel'mim'mola' jouc'a. Tijouł'a' tihuej'me ocuena, a'i le'a Cristo. ⁴ Joupa aiximpolhuo' imanc' loł'ejma'. Ja'ni ticuaitsa jilpe ilne nopalaicopá tocomma ocuenaj Jesús, a'i to lałpalaicopa illanc', o ja'ni mepi'innilhuo' ocuena' espíritu, a'i to joupa lolapenufpa, o ja'ni ocuena cataiqui' loya'apa, a'i to joupa lolapejpa, imanc' tixoquei cunlata tołquimf'eyi, toł'ommołaispá.

⁵ Ilne nomuc'ipolhuo', imanc' tołsinnila' to xonca lan tsila' apóstole. Ilne, ¿ja'ni luluiqui iya'? Cacua: A'i. ⁶ Iya' tama a'i nomxi cataiqui', linca ŁanDios lapi'ipa laipicuejma'. Jouc'a tipa'a laixina'. Aixina' cuhuałma Lataiqui'. Małmana' jilpe tołta'a al muc'iyaleyí.

⁷ Iya' capa'a jilpe ca'e'eyoxi to ninaitsi xans. Ailopa'a cainepenufpa. Ma cuya'e' Lataiqui' aica'najtsi'ilhuo'. ¿Te a'ijc'a ille laif'epa? ¿Te tołiya latets'ipa imanc'? ⁸ Lai'epa lanic' jilpe pe lołmana' imanc', lume'e caitomí lapimaye lafołyomma ocuenaye quihelołya'. Tocomma to ca'najtsi'ila' ilne lapimaye, tijouł'a' catoc'ilhuo' imanc'. ⁹ Capa'a pe lołmana' tama lahue'epa aicaixa'hue'molhuo' imanc'. Aimi'moxi: "Aicaxoc'iyacola' laipimaye nomana' liłya' Corinto". Ma' anuli itsiya, tołta'a laifnespa. ¹⁰ He lai'ejma' caxina ac'a. Jahuay łamats' Acaya ailopa'a nałpai'iya laipicuejma'. Laifcuapa tołta'a aicafel'milhuo', iya' quihuequi Cristo. ¹¹ ¿Te caifcuacopa tołta'a? ¿Te ja'ni aica'elhuo' capic'a? ¿Te catets'ilhuo'? A'i. ŁanDios ixina' ca'elhuo' capic'a. ¹² Tama ca'elhuo' capic'a ti'hua ca'e'ma to ca'ay. Tołta'a alcuanaajco'mołtsi iya' y lałejmale. Tołta'a ti'i'ma lałtalai'e'eyacola' ilne pe no'e'epołtsi to lan tsila' apóstole, ilne ti'e'eyołtsi anuli illanc'. Almuj'me a'ij linca lonespa.

¹³ Ilne a'i apóstole, pangay infel'miyale. He lanic' lo'epa aiquepi'ila' ŁanDios. Ma le'a ti'e'eyołtsi. Cristo aicummeta'. ¹⁴ ¿Te cołcuapa: "A'i tołta'a mi'i"? Camilhuo': Ti'i. Łonta'a Satanás, qui'huayomma al muf, ilque ti'e'eyoxi to łapaluc quema'a. Ti'e'eyoxi to qui'huayomma pe lopa'a pangay quepalc'o'. ¹⁵ Ja'ni łonta'a ti'e'eyoxi to quepaluc ŁanDios, ilque lo'epa le'a al c'a, linca ma' anuli ti'e'e'mołtsi ilne lummepola' łonta'a. Itsiya tołta'a lo'epa, tijouł'a' ti'najtsi'im'mola' ille li'epa lixcay.

¹⁶ Camiconalhuo': Al'ommaitsi. Aimol'nes'me: "Amac'ta ilque Pablo". O ja'ni tołnesle tołta'a, ne', tołnesle. Le'a alquimf'ela' laifmiyacolhuo'. Tama acuej namac'ta, capalaico'moxi huata, cu'i'molhuo' te ts'i'ic' lainuyaicopa. ¹⁷ He laifmiyacolhuo'

capalaic'o'molhuo' a'i to anuli ts'ihuequi Cristo. Ma le'a laipemac'ta capalaico'moxi. ¹⁸ Linca axpela' tipalaicoyotsti ilne quiltuca'. Iya' jouc'a ca'e'ma to ihniya, capalaico'moxi.

¹⁹ Ja'ni capalaijma laipemac'ta aixina' atquimf'e'ma. Imanc' acueca' juaiconapa colpicuejma', tohiya tixoqui cunlata to'ommołaispola' lan mac'ta. ²⁰ Ja'ni ti'e'etsotsti colpoujnalá, ja'ni texic'e'etsolhuo' loł'huexi, ja'ni tifel'mitsolhuo', ja'ni ti'e'etsotsti to lan tsila' xanuc', tetets'ilhuo', ja'ni titaletsolhuo', tuntaf'e'etsolhuo' loł'a, linca jahuay ihna'a to'ommołaispá. ²¹ Illanc' małmana' jilpe linca ailopa'a tołta'a acueca' calpufjxi. Tohiya, ¿te asim'me calaic'ata?

Imanc', ¿te olpic'a ilne pe nopalaicopołsti quiltuca'? Ne'. Jouc'a iya' capalaico'moxi caituca'. Itsiya linca capalay to łamac'ta. ²² Ilne ticuayi: "Illanc' linca xonca ixanuc' LanDios. Illanc' ninc'hebreo, illanc' ixanuc' Israel, Abraham alatahuelo." Ne'. Iya' jouc'a ti'i'ma canesco'moxi tołta'a. ²³ ¿Te ticuayi: "Illanc' al'eyi lanic' lalapi'iponga' Cristo, ilque alummeponga'?" ¡Ne'! Iya' jouc'a ca'ay lanic' lalapi'ipa Cristo. (Itsiya capalay to łejac'pa quipicuejma'.) Cacia: Iya' joupa nulijpola' jahuay ihniya. Xonca acueca' canic' iya' lai'epa, xonca alats'empa, xonca asinc'ue'empa. Axpej al'ipa tocomma alma'a'ma, afule nunłupa. ²⁴ Ma to mi'eyi lan xanuc' judío asinc'ue'e'ma anuxans quimbamaj pelła. Amaquemma al'e'empa tołta'a. ²⁵ Afanemma lan xanuc' romano asinc'ue'ecom'ma af'ix'ec. Anulemma lipaf'quim'ma capic, ilpic'a alma'anła'. Afanemma ma caquie łaja if'acai'ma al barco. Anulemma aipanenni anuli quipuqui', anuli quitine jilpe łaja, lijou'ma lipa'ana'ma, lunł'enapa. ²⁶ Axpe' ca'hua lane, ma cuya'e' Lataiqui', aitelcopa. Ja'ni lan tsilaj panay, ja'ni lan namats', ja'ni laif'as xanuc' judío, ja'ni locuenaye xanuc' pe aimimetsaicoyi LanDios, ja'ni capa'a liya', ja'ni capa'a cal'ec, ja'ni caquie łaja, ja'ni capa'a pe lomana' ilne nonescopołsti "apimaye", y a'i capimaye, ma' anuli catełma. ²⁷ Juaiconapa ca'ay canic', caxina ixoqui, juaiconapa alłacoli cahuí, axpej mał'i cunle'e, ticuimma caija', juaiconapa caxnet'łqui, aicatesma, juaiconapa al'aiqui, caxina caxita, lahue'e' caipi-jahua', ailopa'a caifpoxya.

²⁸ Jahuay ihniya catełma. Jouc'a itine itine caxhuelma jilpe laipicuejma', aicunxaqui. Ca'nujuaitsila' laipimaye ni petsi lafołyomma. ²⁹ Anuli łapima ja'ni a'ij cueca' lunxajma', ¿te aicaxhuelma? Linca caxhuelma. Tocomma to ma' anuli a'ij cueca' łalunxajma'. Locuena łapima, ja'ni ic'uilitsuf'empá, ¿ja'ni iya' aikuixtuya? Linca quixtu'hua juaiconapa.

³⁰ Ja'ni ticuicomma capalaicoconaxoxi, ne', capalaicoconamoxi. Aicanesya al cueca' lai'epa iya'. Cuya'a'ma

laŕ'ipa, iŕe aŕ'e'e to ninaitŕi xans, tocommma to ailopa'a caif'eya. ³¹ LanDios ixina' al linca laifnescoyacoxi, ixina' aicafel'miyacolhuo'. Maŕque LanDios enDios y i'Ailli' laŕPoujna Jeŕsús. ¡Jahuay litiné tijauhuamlaicota aŕs'najtsi'ite!

³² Luyaipa quitine capa'a liŕya' Damasco tocommma to aicunhuaya. Jiŕpe ts'ipenic', iŕque lifajpa cal rey Aretas, ixpic'e'ma cola' aŕ'noŕ'ma. Ecaxu'mola' no'epá cuenna lipuerta liŕya'. Toŕta'a aimi'iya quipaya iya'. ³³ Lapimaye aŕcus'mi'ma anuli al tŕiquihuiŕ. Alipa'acom'ma al ventana, lacangim'ma lixpula caitaŕ liŕya'. Toŕta'a lunŕu'empa limane cal rey.

12

¹ Tama latets'i'ma ti'hua capalaico'moxi laŕ'ipa iya'. Capalaico'ma iŕe laifximpa jiŕpe laipicuejma', iŕe laŕmuc'ipa laŕPoujna. ² Ma capalaicoyoxi cacua: Toŕta'a liximpa anuli cal xans ŕepenufpa Cristo. Ixhuaita imbamaj malpu' camats' iŕque cal xans if'ajpa lema'a xonca al toncay. (Ja'ni if'ajpa jouc'a licuerpo, o ja'ni ipanemma licuerpo fa'a li'a ŕamats', ma le'a lipicuejma' if'ajpa al toncay, aicaixina'. LanDios ixina'.) ³⁻⁴ Aixina' if'ajpa iŕque cal xans, icuaita pu'hua al toncay pe lacui'impa al Paraíso. (Ja'ni if'ajpa jouc'a licuerpo, o ja'ni ipanemma licuerpo fa'a li'a ŕamats', ma le'a lipicuejma' if'ajpa al toncay, aicaixina'. LanDios ixina'.) Jipu'hua al toncay, jiŕpe al Paraíso, icuej'ma tipalquinni. Iŕe licuej'ma aimi'iya mu'inyacu. LanDios aiquepi'ila' lan xanuc' toŕta'a liŕmane, aimuya'ayacu. ⁵ Linca capalaico'ma al cueca' li'ipa iŕque cal xans. Aicuya'e': Acueca' lai'epa iya'. Cuya'a'ma laitŕcopa, aŕ'onŕcota to ninaitŕi xans. ⁶ Ja'ni aipic'a capalaicoxoxi, ma ti'i'ma, a'i mi'iya camac'ta cataiqui'. Aicafel'miyale'ma. Linca aicapalaicoyacoxi. Aicaipic'a. Cacua: Limetsaicoŕa' ma to maŕsina'. Lahuelojnla' te ts'i'ic' laif'epa, aŕquimf'eŕa' laitaiqui'.

⁷ Linca, tama aŕmuc'ipa iŕe al cueca' juaiconapa, LanDios ipic'a aicatoŕ'e'moxi. Toŕta'a lapi'ipa laifŕcopa. Jifa'a laicuerpo ixingufcopa to lanaispa litac. Epi'ipa Satanás limane, iŕque lume'epa anuli liponta'a luntafŕa', ti'hua luntafqui. ⁸ Afanemma caxa'hue laŕPoujna, cami: "Ti'huanŕa' iŕque, aimaluntafcona'ma". ⁹ LaŕPoujna aŕmipa nulemma: "A'i. Ma toŕe tipajnla'. Iya' catoc'i'mo' to'ommaisŕi, linca to'ommaita. Iŕne pe ailopa'a co'eyacu, xonca timujyi acueca' laimane, acueca' laif'epa."

Toŕta'a aicaxa'hueconghua LanDios. Itsiya tixoqui neta capenufi iŕe laifŕcopa. Aicatets'i. Ma capalaicoyoxi cacua: Ac'a laifnuyaicopa. Ma cateŕma caxina acueca' aŕtoc'i Cristo, caxingufi al cueca' lo'epa iŕque. ¹⁰ Cacua: Tetentŕcocoŕa' Cristo lai'ejma'. Toŕta'a tixoqui neta capenufi jahuay. Ja'ni

altafquemma, ja'ni almiiloqui cataiqui', ja'ni lahue'e', ja'ni li-huetsoquinno, ja'ni tocomma atansca laipene, laifnuyaicopa, jahuay capenufi, aicahuos'miyacoxi. Ja'ni ailopa'a caipujfxi, ja'ni aimi'iya ca'eya, Cristo altoc'i, ca'e'ma acueca'.

11 Toŧta'a laipalaicopoxi. Tocomma nintonno. Imanc' toŧtaiyi lajunac'. Nipajnya alpalaico'ma ac'a, aicoŧcuac'. Ine no'e'epoŧsi to lan tsila' apóstole, licuaita pe loŧmana', ¿te xonca canic' qui'epa iŧniya? Linca aicaluliqui tama iya' ninaitsi xans. 12 Maŧmana' anuli jiŧpe aimalsospa, itine itine ca'enghua lanic' lalapi'ipa LanDios. Itque imuc'ipolhuo' aŧinca iya' nin'apóstol. Iŧniya iŧiné maŧque LanDios imuj'moxi, i'e'ma al cueca' juaiconapa. Acueca' juaiconapa ipaxnepolhuo'. 13 Laitsehuo'ma locuenaye quiteloŧya', ¿te xonca ac'a lai'ejma' petsi lafoŧyomma locuenaye lapimaye? Linca ituca' lai'ejma' pu'huanni, capenufi al tomí lalapi'ipa iŧne. Maŧmana' anuli imanc' ailopa'a cainepenufpa. Caxa'huelhuo': ¡Limenc'e'ecoŧa' iŧe lalimenajpa!

14 Joupa aixpic'epa cahuejnconatolhuo'. Cacuaiconsiti jiŧpe ti'i'ma afanemma. Almajnta anuli aicaxa'hueyacolhuo', aicamiyacolhuo': "Altoc'iŧa'". ¿Te aipic'a loŧ'huexi? A'i. Imanc' linca ca'elhuo' capic'a. ¿Te la'uhuay ti'huej'me liŧ'huexi titoc'iŧe qui'ailli'? A'i. Quiŧ'ailli' linca ti'huej'ma li'huexi titoc'itsola' linaxque'. 15 Iya' to coŧ'ailli' tixoquij neta cacu'ma jahuay lai'hueca catoc'icotsolhuo'. Cacu'moxi jouc'a. Cacia: Tijoutsiti laipujfxi, tuntul—le laipimaye.

Cacia: ¿Ja'ni ca'elhuo' capic'a juaiconapa, toŧiya imanc' ahuata le'a aŧ'ay capic'a? 16 Ne', toŧe tipajnla'. Jiŧpe timana' naŧnescopa, ticuayi: "Acueca' lipicuejma' Pablo. Mipa'a fa'a tama aiquepenufi tomí ixina' tifel'miyale. Lijou'ma linca epenuf'ma." 17 A'ij linca iŧe liŧtaiqui' iŧne nonespá toŧta'a. Lainummepola' pu'huanni, ¿te anuli iŧniya ifel'mipolhuo'? A'i. 18 Aixa'huepa Tito ti'huala' tehuejntsolhuo'. Jouc'a nummepa lapima tiyejmaleŧe Tito. ¿Ja'ni Tito ifel'mipolhuo'? A'i. Imanc' joupa alsimponga' ma' anuli laŧpicuejma', laŧ'epa.

19 Aga toŧcuayi: "Toŧta'a altalai'e'enga' Pablo y liŧejmale, ticuanajcoyoŧsi". A'i. Aimalcuanajcoyoŧsi. Alŧinyi LanDios aljuez. Maŧpalaiyi aŧ'nujuaisyi Cristo joupa lapenufponga'. Alŧic'a altoc'itsolhuo' imanc' laicalpimaye. Alŧic'a alfa'etsolhuo' xonca loŧpicuejma', toŧta'a liniŧ'elhuo'. 20 Cacuaitsi jiŧpiya aipic'a latentcocotsi loŧ'ejma', jouc'a imanc' tetentcocotsolhuo' iya' lai'ejma', aimalixtuc'otoŧsi.

Itsiya caxhuelma. Cacia: Laipimaye nomana' liŧya' Corinto, ¿te ts'i'ic' muyalaicoyi? ¿Te tifuleyi, o ti'eyoŧsi laic', o tixtulemma, o a'ij nuli liŧpicuejma', o timiyoŧsi cataiqui', o tinescoyoŧsi, o tiŧof'eyoŧsi? 21 O cacuaitsi aga tiŧmana'

ihne petsi ti'econayi al xujc'a, tixhuicoyi laca'l'no', ti'econayi loxahue'epola' li'cuerpo. Ja'ni to'tta'a mi'mana', linca LanDios a'l'oc'eta, ti'i'ma acueca' laipihuotsoqueya. Cajojcumletola' ihne lanxpela' no'econapa al xujc'a. Aiquitsuej'meya nulemma li'epa lixcay.

13

¹ Cacuaitsi jilpiya pe lo'mana' ti'ico'ma afanemma cahuejn-nilhuo'. Cacuaitsi ja'ni tipa'a li'ipolhuo' ticuicomma afantsi, o ja'ni aimi'iya afantsi le'a oquexi', ti'ila' anuli lonesyacu. Tijoula' alsanuta i'iya. ² Cacuaiconsi jilpe ca'eta ma to joupa laimipolhuo' ma'mana' anuli. Al te'a laitsehuo'ma aicainu'ilhuo' to'tta'a. Lihuequi laitsecohuona'ma linca nu'ipolhuo'. Itsiya ma capa'a fa'a cu'iconalhuo'. Cu'ila' ihne ni'epá quixcay, ihne petsi aiquitsuej'meya, jouc'a locuenaye pe aimalihuejma, camila': Cacuaiconatsi ja'ni ti'hua ti'econayi nixpiya aiquimenc'e'econayacola'. Cate'l'mitola'.

³ Imanc', ¿te of'huaijma Cristo timuc'itsolhuo' alummepa, alcuxe'e laitaiqui' laifpalaipa? Ne'. To'sim'me te ts'i'ic' ilque Cristo. Ilque a'i ninaitsi xans, acueca' limane ilque. ⁴ Lepalts'ingimpa Cristo lancruz tocomma to ninaitsi xans. Limaf'i'inapa LanDios epi'ipa acueca' limane. Illanc' ts'alihuequi ilque Cristo tocomma to ninaitsi xanuc'. Alcuaitsa jilpe alsinnonga' linca almaf'i'. Almuc'itolhuo' acueca' la'mane alapi'iponga' LanDios.

⁵ Imanc' to'sintso'tsi co'tuca' te ts'i'ic' lo'picuejma'. Tolicuis'etsot'si imanc' co'tuca', ¿ja'ni to'l'huaiyijnyi Cristo o a'i? ¿Ja'ni aico'sina' jilpe tipa'a Jesucristo, anuli lo'mana'? O, ¿aga ailopa'a, aimo'l'huaiyijnyi? ⁶ Iya' cacua: Alsintsonga' illanc' alinca a'l'huaiyijnyi, aimafel'miyaley.

⁷ Jifa'a alsahue'eyi LanDios titoc'itsolhuo', aimo'l'econa'me quixcay. Ma'sahue'eyi to'tta'a aimafnesyi: "Lapimaye tihuejco'te lataiqui' lalupola' illanc', to'tta'a lan xanuc' limetsaico'monga', tines'me: Alinca Cristo lummepola' ihniya." Tama aimalimetsaiconyaconga' illanc', alpic'a tonf'ete al c'a imanc'. ⁸ LanDios lapi'iponga' la'mane altoc'itsolhuo' tolihuejle Lataiqui'. Ja'ni tolihuejcoyi aimi'iya malixtuc'oyacolhuo'. ⁹ Linca tixoqui calata luyalaico'me ja'ni imanc' acueca' lo'pufxi, ja'ni alinca tolihuejyi Cristo. Tama illanc' tocomma to ninaitsi xanuc' aimafesmot'leyacu. Alsahue'eyi LanDios ti'ila' to'tta'a lo'l'ejma'. ¹⁰ To'sanuto'sot'si nulemma. Ja'ni aimofsanuyaco'tsi cacuaiconsi jilpe cataletolhuo'. Cacua: Aimi'i'ma to'tta'a. To'hiya ma capa'a fa'a quini'l'elhuo' ita'a lo'je'e. LanDios alapi'ipa laimane cafa'etsolhuo' xonca lo'picuejma', a'i cate'f'eyacolhuo'.

¹¹ Cunc'aipimaye, ti'hua tijou'ma laifnini'epolhuo'. Itsiya cu'ilhuo': Tołsanutsołtsi cataiqui'. Aimolhuotso'me. Ti'ila' ma' anuli lołpicuejma'. Aimolfuli'i'moltsi. Ja'ni ti'ila' tołta'a lołejma' ma ŁanDios titoc'i'molhuo', tołmajnta anuli. Małque ŁanDios lapi'inga' lałpicuejma' ał'etsoltsi capic'a, ałejmalete al c'a.

¹² Tolu'itsola' lapimaye: "Pablo tinonilhuo'". Tołtuc'otsoltsi lołpeque ma to mituc'o'moltsi lapimaye, ilne i'huexi ŁanDios.

¹³ Lapimaye nomana' fa'a, ilne jouc'a i'huexi ŁanDios, jahuay ilniya tinonilhuo'.

¹⁴ Jahuay imanc' ti'ila' colšina': ŁalPoujna Jesucristo titoc'ilhuo', cal'Ailli' ŁanDios ti'nujuaitzilhuo', cal Espiritu Santo efot'lepolhuo', tołejmaleyi anuli ilque.

LIJE'E SAN PABLO LINIŁ'EPOLA' LAPIMAYE LEFOT'ŁEPOŁTSI ŁAMATS' GALACIA

¹ Iya' ninPablo, nin'apóstol, epaluc Jesucristo. Iya' laif'as xanuc' a'i całfaqui iłta'a laipenic'. A'i iłniya calumme'e. Małe laipenic' lapi'ipa Jesucristo y ŁanDios cał'Ailli'. Iłque ŁanDios imaf'i'inapa Jesús, ipa'anapa pe lomana' limanapola'. ² Iya' jouc'a lapimaye nałmana' fa'a ałmonilhuo'. Linił'elhuo' imanc' unc'ałpimaye nolafot'łepołtsi ni petsi łamats' Galacia. Imanc' ŁanDios efot'łepolhuo'. ³ Iłniya, ŁanDios cał'Ailli' y łalPoujna Jesucristo titoc'itsolhuo', tipac'e'etsolhuo' lołpicuejma'. ⁴ Iłque Jesús icupoxi tima'anłe. I'najtsepa łal'epa quixcay. Tołta'a lunłu'eponga'. Aimi'iya malulijaconga' lixcay lopa'a li'a łamats'. Iłe li'epa Jesús ma lixpıc'epa ŁanDios, iłque ał'Ailli'.

⁵ ¡Lojauhuamlaicoya quitine timetsaiconłe anDios! Amén. Tołta'a ti'ila'.

⁶ Iłe lo'ipolhuo' ałspaic'epa. Afule cacuec'e. Imanc' ma quite' tolihuejyi Lataiqui' loya'apa iłe al c'a loxpıc'epa ŁanDios. Ołsingufco'me Cristo litoc'ipolhuo', ŁanDios ijoc'ipolhuo'. Itsiya tołpo'noyi ŁanDios, aimołejmaleyi. Tolapejyi ocuena cataiqui'. ⁷ Iłe lolihuejpa itsiya tecui'inni: "Ocuena cataiqui' lonłu'eyacolhuo'". A'ij łınca iłe lecui'impa. Iłe ituca' cataiqui'. Aimi'iya munłu'eyacolhuo'. Iłne noya'apá iłe "ocuena cataiqui'" ma le'a iłpic'a tepi'itsolhuo' quixhuejma'. Tipai'iyi Lataiqui', iłe ma Litaiqui' Cristo. ⁸ Illanc' joupa lu'ipolhuo' Lataiqui'. Ja'ni lu'iconatsolhuo' ipaijma cataiqui', a'i to lijoupa lalul'ipolhuo', iya' cacua: "Łacani'etsonga' ŁanDios". Tama apaluc quema'a lu'itsolhuo' tołta'a, ma' anuli cacua: "Tecani'etsi ŁanDios". ⁹ Illanc' li'ipa lu'ipolhuo' tołta'a. Itsiya camiconalhuo'. Imanc' joupa olapenufpá małe Lataiqui'. Ja'ni cua naitsi tu'iconatsolhuo' ipaijma cataiqui': Tecaniła' nulemma.

¹⁰ Imanc', ¿te colcuayacu? ¿Te cahuela' lan xanuc' limetsaicoła' ca'ay lipenic' ŁanDios? O ¿te cahuy limetsaicoła' tołta'a ŁanDios? ¿Te cahuy latentłocoyacola' lan xanuc'? Cacua: Ja'ni cahuy tetentłocotsola' lan xanuc', coła' aica'eya lipenic' Cristo.

¹¹ Unc'aipimaye, iłe Lataiqui' lainuya'apa jilpe, a'i quıltaiqui' lan xanuc'. Ma tołta'a ołsina'. Itsiya cu'iconalhuo'. ¹² Iłe lataiqui' aicalu'ic' cal xans. Ni aicalmuc'inno. Małque Jesucristo imujpoxi, alu'ipa.

¹³ Imanc' ołcuejpa te ts'i'ic' li'ipa lai'ejma' ma cainihuequi lił'ejma' laif'as xanuc' judío. Jilne łitiné juaiconapa cateł'mila'

lapimaye lefot'lepola' LanDios. Cagua: Tijoutsola' nulemma. ¹⁴Iya' culiquila' axpela' iñe laif'as xanuc' judío nomana' iñiya litiné, xonca nihuejcopa lataiqui' lañmuc'iponga'. Iñe linca tihuejyi to mi'eyi lañtatahueló. Iya' xonca nihuejcopa to mi'eyi lañtatahueló.

¹⁵Linca, ma capa'a licu'u cai'máma', LanDios añ'huij'epa. Lijou'ma, tama a'ijc'a laif'epa, añpaxnepa, añjoc'ipa. ¹⁶LanDios joupa ixina' litine mañmuc'iya te ts'i'ic' hi'Hua. Ti'ila' caixina' te ts'i'ic' lipicuejma' iñque, cuya'atsi Litaiqui' pe lomana' lan xanuc' a'ij judío. Ixhuaitsi iñe litine, añmuc'ipa hi'Hua. Lijoupa aicaipalaic'ola' lan xanuc'. A'ij naitsi cainicuis'epa. Joupa aixina' laif'eya. ¹⁷Aicai'huac' liya' Jerusalén pe lomana' lapimaye, iñe ate'a i'ipola' apóstole. Ai'huapa ñamats' Arabia. Lijou'ma aipainanni, aicuaiyocontsi liya' Damasco.

¹⁸Lixhuaitsi afane' camats' aif'aj'ma liya' Jerusalén, cahuejnta Pedro. Aixintsi. Imbamaj maque' quitine añmajntsa anuli. ¹⁹Locuenaye lan apóstole aicaixim'mola'. Aiximpa ma le'a Jacobo, iñque ñipima lañPoujna. ²⁰Iñe laininiñ'epolhuo' ma' al linca. Aicafelñaque. Toñta'a ixina' LanDios.

²¹Lijou'ma ai'hua'ma ñamats' Siria, jouc'a ñamats' Cilia. ²²Jiñpe ñamats' Judea lapimaye lefot'lepola' LanDios, iñe lepenufpola' Cristo, aicalimetsaijma. ²³Ma le'a icuej'me añnescopa iya'. Tuya'anni: “Iñque Pablo li'ipa lihuetsoquinga', añtel'minga', ipic'a tejac'la' nulemma Lataiqui', iñe lataiqui' loya'apa: Toñ'huaiyijnle Jesucristo. Itsiya mañque Pablo tuya'e' Lataiqui'.”

²⁴Iñe li'nujuaitsa lañ'ipa iya', ix'ñajtsi'i'me LanDios. Iximpá acueca' lo'epa iñque.

2

¹Lixhuaitsi imbamaj malpu' camats' aitsehuona'ma Jerusalén. Añepá iya', Bernabé y Tito, iñque añtoc'iponga'. ²Nij naitsi xans nañcuxe'epa. Ma LanDios añmipa: “To'hualañ”. Toñta'a aitsecohuona'ma. Jiñpiya Jerusalén aixinhua'mola' lapimaye naimetsaicompola' xonca lan tsila'. Nu'i'mola' te ts'i'ic' Lataiqui' laifnuya'apa pe lomana' lan xanuc' a'ij judío, iñe pe aimimetsaicoyi LanDios. Cagua: Lan tsila' lapimaye limetsaicola' iya', jouc'a timetsaicole laifnuya'apa. Ja'ni a'i locuenaye lapimaye aga tixim'me to ninaitsi cataiqui' iñe laifnuya'apa, tetets'i'me. Tijouñla' aimipammaiya laipenic'.

³⁻⁴Linca jiñpe Jerusalén imajm'me hualca pe no'e'epoltsi capimaye. Iñe itsuflaipá a-ch'ixc'a. Ma le'a tehueyi te co'ya mixinyacu te ts'i'ic' lañ'ejma'. Illanc' joupa añsinyoñtsi luhualquem'monga'. Aimañcuxeconayaconga' lataiqui' loya'apa: “Toñ'etsoltsi circuncidar, tijouñla' tepenuf'molhuo'

ŁanDios". Iħne pe nalahue'ecoponga', ihpic'a ałcuxe'etsonga' lihuejconate iħe lataiqui'. Ihpic'a ti'eħe circuncidar łatejmale Tito, ihque agriego. Illanc' ałcuayi: "A'i. Toħe tipanenni." ⁵ Aicalapenufela' liħtaiqui'. Aicalihuejcola' ihniya ni toħta'a. ⁶ Lan tsila' lapimaye nomana' Jerusalén ailopa'a całmipa. (Linca, tama atsila' xanuc' aicaixina' caxpaiqui'. ŁanDios ałsinninga' ma' anuli.) Cacua: Iħniya lan tsila' lapimaye nij tintsı całmic'. ⁷ Limetsaicopa. Ixim'me ma ŁanDios alapi'ipa laipenic', ma to lepi'ipa Pedro lipenic'. Iya' pe lomana' lan xanuc' a'ij judío cuya'e' Lataiqui' loya'apa iħe al c'a lixpıc'epa ŁanDios. Cu'ila' lan xanuc' pe aiqui'eyoħtsı circuncidar. Pedro tu'ila' laħ'as judío, iħne petsı joupa i'epoħtsı circuncidar. ⁸ ŁanDios epi'ipa Pedro limane, ummepa tu'itsola' lan xanuc' judío. Jouc'a alapi'ipa iya' laimane, lummepa cu'itsola' lan xanuc' pe a'ij judío. Toħta'a ma' anuli ninc'apóstole.

⁹ Jacobo, Pedro y Juan ixim'me toħta'a laħpaxnepa ŁanDios, ałsimpa nin'apóstol, aħ'not'ħe'eponga' al c'a całmane iya' y Bernabé. Iħne lam fantsı ti'onħcospola' to ħimule' caitaħ, acueca' titoc'innila' lapimaye, iħne lefot'ħepola' ŁanDios jıħpe liħya' Jerusalén. Maħniya aħmiponga': "Ne', imanc' tolu'ıyaleta pe lomana' lan xanuc' a'ij judío. Illanc' lu'i'mola' laħ'as xanuc' judío, iħne joupa i'epoħtsı circuncidar." ¹⁰ Ma le'a aħmiponga', ałsc'ai'iponga': "Toħ'nujuaitsola' lan cuanuc'la, iħne pe ailopa'a qui'ħueca". Iya' linca ma toħta'a lai'ejma'. Tixoqui neta catoc'ila' ihniya.

¹¹ Lijou'ma, maħmana' liħya' Antioquía Pedro itseħuo'ma jıħpe. Iħniya liħiné iya' aıtale'ma Pedro. Nu'i'ma liħunac'. Linca tipa'a liħunac'. ¹² Ma' a'i miħmana' liħ'as xanuc' judío, iħne lommeyacola' Jacobo, Pedro titetsoyi anuli lapimaye pe a'ij judío. Licuaitsa lummepola' Jacobo, Pedro enaj'moxı pe lapimaye a'ij judío. Aits'itetsocona'me. Ticua: "Iħne lan judío ticuayi: Aimi'ıya maħtetsoyacu anuli pe aiqui'eyoħtsı circuncidar. ¿Te aħpalaico'ma iya' ja'ni aħtetsoħe anuli?" ¹³ Pedro ixina' te ts'i'ic' Lataiqui' loya'apa iħe al c'a lixpıc'epa ŁanDios. Ma le'a i'epoxı to aiquixina'. Ma' anuli i'epoħtsı locuenaye capimaye judío nomana' jıħpe. Bernabé jouc'a. Liximpola' liħ'ejma' icupoxı tilecoħe, ihuejpol'a' ihniya.

¹⁴ Iya' aiximpola' aimihuejyi al liħca Lataiqui' loya'apa iħe al c'a lixpıc'epa ŁanDios. A'i toħta'a Lataiqui'. Petsı lalafot'ħeyopoħtsı aipalaic'opa Pedro, cami: "Ima' tama unjudío aimaihuequi liħ'ejma' loħ'as judío, xonca taiħuequi to lapimaye a'i judío. Itsıya, ¿te cofcuxe'ecopola' iħne pe a'ij judío? ¿Te comuc'ico'mola' tıħuejle liħ'ejma' lun judío?"

¹⁵ 'Illanc' ninc'ıjudío toħe laħmajnlita. Linca aicalihuequi al xujc'a to iħne pe a'ij judío. Iħne pe aimimetsaicoyı ŁanDios aim-

ihuejyi locuxepa. ¹⁶ Illanc' tama lihuejyi locuxepa ÆanDios, ìe lìnìhijmpa Moisés, ałsina' a'ì tołta'a malapenufyaconga' ÆanDios. Lapenuftonga' ja'ni ał'huaiyijnle Jesucristo. Tołiya illanc', tama ninc'ijudío, jouc'a ał'huaiyijmpá Jesucristo. Itsiya ałsina' ÆanDios lapenufinga', ałsinninga' to ailopa'a całjunac'. Aimałnesconayacu: Iya' quihuequi locuxepa ÆanDios, tijouła' ałsim'ma to ailopa'a caijunac'. A'ì. Tama lihuejyi locuxepa, ÆanDios aimałsinyacu tołta'a, ni illanc' ni locuenaye lan xanuc'.

¹⁷ 'Mał'huaiyijnyi Jesucristo limetsaicoyołtsi ma' anuli to ìhniya petsi aimihuejyi locuxepa ÆanDios. Limetsaicoyołtsi a'ijc'a lałpicuejma'. Tijouła', ¿te całnesyacu? ¿Te Cristo ałmints'eponga' tołta'a lałpicuejma'? A'ì. Aimi'iya małnesyacu ìłta'a. Li'ipa joupa a'ijc'a lałpicuejma', ma' aicałsina'. ¹⁸ Iya' joupa aiximpa aimi'iya calanc'eyacoxi laipicuejma'. Aimi'iya canesconaya: Canant'h'ima lìnìłpa Moisés, tijouła' ÆanDios ałsim'ma to ailopa'a caijunac', lapenufta. Itsiya ja'ni capi'ixoxi laipicuejma', ja'ni capangocona'ma quihuejcona'ma to li'ipa, ma le'a camuj'moxi aicainenant'h'ì ìe lìnìłpa Moisés. ¹⁹ Li'ipa coła' canant'h'ima jahuay lataiqui' lìnìłpa Moisés. Lijou'ma aiximpa aimi'iya canant'hiya. Małe lataiqui' lacani'epa, ałma'apa. Itsiya ìınca aimaf'i, ÆanDios lapi'ipa al ts'e laipitine. ²⁰ Caxinyoxi joupa lapałts'ingimpa lancruz. Iya' y Cristo lapałts'ingimponga' jìłpe. Laifnuyaicopa a'ì to li'ipa. Itsiya tipa'a al ts'e laipitine ìe lipitine Cristo. Ca'huaiyinge h'i'Hua ÆanDios. Hque ał'nujuaispa, icupoxi tima'anłe, i'najtsepa laijunac'. ²¹ ÆanDios joupa ałpaxnepa tołta'a. Aicatets'iya ìe al ts'e laipitine lalapi'ipa. Aicapo'noya anuli liju'. Ja'ni coła' ti'ì'ma lanant'h'ime nulemma lìnìłpa Moisés, ja'ni coła' tołta'a ti'ì'ma ac'a lałpicuejma', ¿te quicucopoxi Cristo? Coła' aiquicu'moxi."

3

¹ Imanc' unc'aipimaye nołmana' łamats' Galacia, ¿te qui'ipolhuo'? Tonł'eyi to ailopa'a cołpicuejma'. Lu'ìła', ¿naitsi nimints'epolhuo' lołpicuejma'? ¿Naitsi lifel'mipolhuo'? ìhniya ìtiné lołquim'epa Lataiqui', mu'innilhuo' li'ipa Cristo, tocomma to imanc' ołsimpá ìłque lepalałts'ingimpa jìłpe lancruz. ² Quicuis'e'molhuo' ma le'a anuli lataiqui', lu'ìła': Litine lolapenufpa cal Espíritu Santo, ¿te ts'ì'ic' conł'epa molapenuf'me cal Espíritu Santo? ¿Te ja'ni oł'huaiyijmpá Lataiqui', ìe lu'impolhuo'? O ¿te olihuejpa locuxepa Moisés? ³ Lołpangopa lolihuejpa oł'huaiyijmpá cal Espíritu. Itsiya, ¿te coł'huaiyijncołtsi cołtuca' lonł'epa? ¿Te cołnescopa: "Tołta'a ti'ì'ma ixhueya lałpicuejma', lapenuftonga' ÆanDios"? ¿Te qui'icopolhuo' ma tołta'a to lamac'ta?

⁴ Imanc' lolapenufpa Lataiqui' acueca' oltetcopá. Itsiya, ¿te quipenic' itta'a li'ipolhuo'? Ja'ni tolihuej'me ocuena cataiqui', cola' aicohtetco'me tofta'a. ⁵ LanDios lepi'ipolhuo' hi'Espíritu o i'epa al cueca' pe lołmana', ¿te con'epa imanc'? ¿Te tonlihuej-coyi locuxepa Moisés? O ¿toł'huaiyijnyi Lataiqui' lu'impolhuo'? ⁶ Linca oł'huaiyijm'me Lataiqui' lu'impolhuo'. Toł'nujuaitsa li'ipa Abraham. “Itque i'huaiyijmpa LanDios limipa. Tofta'a LanDios iximpa ac'a xans, to ailopa'a quijunac'.”

⁷ Tofta'a ołsina' naitsi iłne limetsaicopola' LanDios to ixanuc' Abraham, naitsi iłne lepenufpola'. Imetsaicopola' ma le'a iłniya lo'huaiyijmpa to li'huaiyijmpa Abraham. ⁸ LanDios joupá ixina' lo'iya. Ixina' tepenuf'mola' lan xanuc' a'ij judío. Tepenuf'mola' iłne lan xanuc' no'huaiyijmpá. Tixim'mola' to ailopa'a quijunac'. Toftiya ma mehue'e' mi'iya tofta'a, LanDios u'ipa Abraham iłe al c'a lo'iya. Jiłpe al Paxi Linilíngiya tuya'e' limipa Abraham. Timi:

Lan xanuc' nomana' jahuay lan nación, ja'ni lił'ejma' ti'onłcospa to lo'ejma' ima',

caxim'mola' to loxanuc', capaxne'mola' jouc'a.

⁹ Toftiya ałsinyi naitsi iłne nopaxneyacola' LanDios to lipaxnepa Abraham. Abraham i'huaiyijmpa limipa LanDios, ipaxnepa. Jouc'a iłniya no'huaiyijmpá tipaxne'mola' tofta'a.

¹⁰ Ituca' lo'iyacola' iłne petsi nonespá: “Quihuejma lataiqui' locuxepa Moisés, toftiya LanDios ałsim'ma ninc'a xans, lapenuf'ma”. Iłniya joupá ejac'pola'. Tofta'a tuya'e' al Paxi Linilíngiya ticua:

Ticuicomma tihuejcołe jahuay lataiqui' linilpa jiłpe lije'e Moisés,

ni anuli aimehue'e'ma tenant'lıe.

Naitsi itque aimi'ay tofta'a, tecani'em'me.

¹¹ Acuajmaica ałsinyi, tama lihuejcoyi locuxepa Moisés, a'i tofta'a LanDios małsinyaconga' to ailopa'a caljunac'. Toftiya tuya'e' al Paxi Linilíngiya, ticua:

Cal xans no'huaiyijmpa tulijta lipitine,

LanDios iximpa to ailopa'a quijunac', tepenufi.

¹² Litaiqui' locuxepa Moisés aimuya'e': “Cal xans no'huaiyijmpa tulijta lipitine”. Xonca ticua: “Iłne no'epá locuxe'epola', iłniya linca tulijta liłpitine”. ¹³ Iłe lałcuxe'eponga' aicalanant'lı. Tofta'a lulijpá lalacani'eyaconga'. Linca aimalacani'eyaconga'. Cristo i'najtsepa lałjunac'. Małque Cristo ecani'empa litine lepałts'ingimpá lancruz. Tofta'a loya'apa al Paxi Linilíngiya, ticua: “Cal xans lojunginyacu anuli al 'ec, tecani'em'me”.

¹⁴ Cristo epi'impá lałjunac', ecani'empa. Tofta'a jahuay illanc', ja'ni ninc'ijudío o ja'ni a'i, ti'i'ma lapenuf'me

laɬpaxneconyaconga'. Ihe linescopa ËanDios mipalaic'o Abraham. Jouc'a jahuay ma' anuli petsi naɬ'huaiyijmpá lapi'inga' cal Espíritu Santo. Toɬta'a joupa icupa cataiqui' lapi'itsonga'.

¹⁵ Cunc'aipimaye, itsiya ca'onɬico'mola' lan xanuc' liɬ'ejma'. Ihe ja'ni joupa icupá cataiqui', tama ma le'a axanuc', ihe lataiqui' tihuejco'me, tenant'li'me. Aimi'iya mipo'noyacu iju'. Aimi'iya metonc'iyacu ocuena cataiqui'. ¹⁶ ËanDios mipalaic'o Abraham icupa cataiqui'. Ihe lataiqui' tepenuf'me iɬque Abraham y lihuenɬe locuaicoya. Al Paxi Liniɬingiya aiminescola' axpela' lihuentila'. Tinescojma ma le'a anuli. Mipalaic'o Abraham timi: “Ima' lihuenɬhuo'...”, jilpe tipalaijma Cristo. ¹⁷ Ëinca, lixhuaitsi amalpuj maxnu nuxans quimbama' camats' quipalaic'o Abraham, ËanDios u'i'ma Moisés litaiqui' locuxepa. Iya' cacua: Tama toɬta'a li'ipa, lataiqui' linitpa Moisés aimi'iya mulijya locuena lataiqui'. Ihe litaiqui' ËanDios licupa, limipa Abraham, lataiqui' lepi'ipa Abraham aimipaiya. ¹⁸ Ëinca, ja'ni aɬnesle: “Lanant'li'me locuxepa Moisés, tijouɬa' ËanDios lapi'itonga' cal'huexi”, ihe laɬnesyacu ocuena cataiqui', a'i litaiqui' licupa ËanDios, ihe limipa Abraham. ËanDios mipalaic'o Abraham aiqumic': “Tanant'ɬi'a' laifcuxe'epo', tijouɬa' capi'i'mo' co'huexi”. Ticua: “Joupa aicupa cataiqui', capi'i'mo' co'huexi”.

¹⁹ Tijouɬa', ËanDios ja'ni joupa toɬta'a icupa cataiqui', epi'ipa Abraham, ¿te comicopa Moisés locuxepa? ËanDios ipic'a ti'ɬa' quiɬsina' lan xanuc' te ts'i'ic' lo'epa, ja'ni tetentɬocojma ËanDios o aimetenɬma. Toɬiya ipalaic'oconapa Moisés, u'ipa ocuena cataiqui', ihe locuxe'epola' lan xanuc'. U'ipola' te lo'eyacu. Mi'huaicoyi ticuaiyunni lihuenɬe, maɬque Cristo, ma ihe lataiqui' tihuejco'me.

Maɬe lataiqui' locuxepa ËanDios lapaluc' quema'a uya'apá. Moisés u'icona'mola' lan xanuc'. Fa'a li'a lamats' Moisés i'e'ma canic' to epaluc. Epenuf'ma litaiqui' ËanDios, u'icona'mola' lan xanuc'. ²⁰ A'i toɬta'a li'epa ËanDios litine licupa cataiqui' lepi'ipa Abraham. Jilpe litine aicummaic' quepaluc. Maɬque ËanDios, iɬque quituca', icupa cataiqui', epi'ipa Abraham.

²¹ Itsiya, ¿te calnesyacu? Lataiqui' locuxepa ËanDios jouc'a lataiqui' licupa, ihe lepi'ipa Abraham, ¿te ja'ni tifuli'iyoltsi jilna'a lataiqui'? ¡Aimaɬnes'me toɬta'a! Lataiqui' locuxepa ËanDios aimi'iya mepi'iyacola' lan xanuc' liɬpitine aimijouya. Ja'ni cola' tihuejconɬe jahuay locuxepa ËanDios, iɬque tixim'mola' to ailopa'a quiɬjunac', tepenufna'mola'. Aimi'iya mihuejyacu toɬta'a. ²² Toɬiya al Paxi Liniɬingiya tuya'e' jahuay anuli i'epá a'ijc'a. Tocomma itats'ila', il'huaijma tecanitsola' nulemma. Aimi'iya munɬu'eyacoɬsi. Toɬta'a ma le'a pe no'huaiyijmpá

Jesucristo tepi'im'mola' qui'huexi, ma to loya'apa lataiqui' licupa LanDios.

²³ Ai'a ticuaihuo Jesucristo fa'a li'a lamats', ihe litaiqui' LanDios locuxepa Moisés ti'hua alcxuecongá'. Tocomma alats'eninga'. Al'huaicopá LanDios almcuc'itsonga' naitsi ilque Cal'huaiyijnyacu. ²⁴ Itsiya alsina' te ts'i'ic' lipenic' lataiqui' locuxepa Moisés. Ihe lataiqui' ti'onlcospa to no'epola' cuenna la'uhuay. Ticuxela' al c'a. Li'ipa, to'ta'a lalcuxeponga' litaiqui' LanDios locuxepa. Al'eponga' cuenna ma cal'huaijma ticuaiyunni Cristo, al'huaiyijnle, alsintsonga' LanDios to ailopa'a caljunac', lapenuftsonga'. Ticuaitsi ilque al'huaiyijnle. ²⁵ Itsiya linca al'huaiyijmpá Jesucristo. Ailopa'a cocuena nal'eponga' cuenna. Aimal'onlcospa' to la'uhuay. ²⁶ Petsi nal'huaiyijmpá Jesucristo illanc' inaxque' cal'Ailli' LanDios joupa altsilojponga'.

²⁷ Jahuay imanc' petsi joupa epo'icompohuo', ma' i'ipohuo' anuli Cristo. Jilpe litine, ihe lafane lolpijehua' olpo'nonapá anuli liju', olatscospá Cristo. ²⁸ To'tiya aimolatets'i'moltsi. Aimolnes'me: "Iya' ninjudío, ima' ungriego". Ni molnes'me: "Iya' ninmozo, ima' mapoujna". Ni: "Iya' ninxans, ima' ma le'a maca'no". To'ta'a aimi'iya. Joupa i'ipohuo' anuli. Epenufpolhuo' ilque Cristo.

²⁹ Ja'ni Cristo epenufpolhuo' imanc' inaxque' Abraham. Tepi'im'molhuo' col'huexi. To'ta'a linescopa lataiqui' licupa LanDios, ihe limipa Abraham.

4

¹ Iya' cacua: Lahuac'hua ai'a titoj'ma aimepi'inyacu li'huexi. Tama ticuxe'ma jahuay li'hueca qui'ailli', lahuac'hua ai'a titoj'ma ti'onlcospa to lajmozo. ² Timana' no'epá cuenna lahuac'hua. Ihe ticuxe'me lahuac'hua, jouc'a ticuxe'me li'huexi. To'ta'a loyaicoya ma mi'huaijma ticuaiyunni litine tepi'im'me quimane ticuxela', tepenuf'ma li'huexi. Qui'ailli' joupa ixpic'epa te quitine mi'iya to'ta'a.

³ Ma' anuli to'ta'a li'ipola' lan xanuc' ai'a ticuaihuo Cristo fa'a li'a lamats'. Ai'a ticuaihuo Cristo LanDios alsimponga' to la'uhuay. Alcxuenga', alsc'ai'inga': "To'etsi ilta'a", o "To'ela' i'hiya". Lanant'iyi ma to mi'enni fa'a li'a lamats'. ⁴ Liximpa LanDios ixhuaita al 'hora, ummepa h'Hua, ticuaiyunni fa'a li'a lamats'. Ma to mimajnlita la'uhuay to'ta'a lipajnta ilque. Anuli laca'no' nipo'nopa. Ipajnta ajudío. Li'ailli' tihuejcoyi locuxepa LanDios, ilque jouc'a. ⁵ To'ta'a li'ipa ti'najcuftsola' li'junac' jahuay lan xanuc' naihuejpa locuxepa LanDios. Tijoula' LanDios ti'i'ma limetsaico'monga' inaxque', lapi'i'monga' cal'huexi.

⁶ Imanc' ma' anuli imetsaicopolhuo' inaxque'. To'tiya jilpe lolunxajma' tipa'a cal Espíritu Santo, ilque h'Espíritu h'Hua

ŁanDios. Tołta'a ałmiyi: “Ima' mai'Ailli’”. ⁷ Ja'ni joupa omepen-ufpa cal Espíritu, ima' a'i cum-mozo. Ima' i'hua CanDios. Ja'ni ima' i'hua tipa'a ło'huexi łapi'iyaco'. Tołta'a lixpíc'epa, lo'epa ŁanDios.

⁸ Li'ipa aimolimetsaicoyi ŁanDios. Imanc' tolihuejyi ilne lándiosla'. Toluyalaicoyi to ilmozó ilniya. Ilne tama tecui'innila' “ándiosla’”, ailopa'a quilpitine. ⁹ Itsiya tolimetsaicoyi ŁanDios. Xonca cacua: ŁanDios timetsaicolhuo' imanc'. Itsiya, ¿te colpai'icopa lołpicuejma'? ¿Te col'econapołtsi to lam mozó? ¿Te colfi'ecopoltsi lataiqui' locuxepolhuo'? ¿Te colanancopa to mi'enni fa'a li'a łamats'? Jiłpe ailopa'a cotoc'iyacolhuo'. Joupa ołsina' pe copa'a al C'a Cane. ¹⁰ Tonłeyi ocuena cane. Tolimetsaicoyi litiné, lam mut'lá, cal juicoł jouc'a łamát's'. Tonł'eyi cuenna ilna'a, tolanant'iyi. ¹¹ Iya' caxhuełma. Acueca' canic' ai'epa pe lołmana'. Itsiya cacua: Aga ailopa'a quipammaic'.

¹²⁻¹³ Unc'aipimaye, caxa'huelhuo', camilhuo': Imanc' toł'e'etsołtsi to iya'. Iya' joupa aipai'ipa lai'ejma'. Itsiya aicainihuequi lił'ejma' lan xanuc' judío. Xonca quihuequi loł'ejma' imanc'. Imanc' ailopa'a cal'e'epa. Joupa ołsina' lał'ipa jiłpe pe lołmana'. Ille al te'a laitsehúo'ma laicuaitya jiłpe iya' laxtafpa. Tołiya aipanemma, nu'i'molhuo' Lataiqui'. ¹⁴ Linca ilniya litiné ŁanDios ehuaipolhuo'. Tama laxtafpa aicalatets'i. Aical'aic' laic'. Ac'a juaiconapa alapenufpa, tocomma napaluc quema'a alummepa ŁanDios. Tołta'a tolapenuf'me Jesucristo. ¹⁵ Itsiya, ¿te qui'ipolhuo'? Ilniya litiné tixoquei cunlata alapenuf'ma. Iya' ti'hua ca'nujuaitzilhuo' imanc' loł'ejma'. Juaiconapa ałsimpa cuanuc'. Tocomma tołcuayi: “Coła' lipa'a'mola' lał'u', lapi'i'me Pablo”. ¹⁶ Itsiya joupa ołpai'ipoltsi lołpicuejma'. Al'e'e laic'. Ma le'a nu'ipolhuo' al linca, lijoupa al'epa laic'.

¹⁷ Linca timana' jiłpe nehuepá coła' tonłejmalete anuli. Ilne a'ijc'a liłpicuejma'. Ma le'a ilpic'a tenajtsolhuo'. ¹⁸ Ilpic'a tolihuejtsola' ma ilniya. Linca ja'ni al c'a timuc'i'molhuo', iya' cacua: Ne', tolihuejtsola'. Cacua: Coła' timuc'itsolhuo' al c'a. Ti'hua timuc'iconatsolhuo' tołta'a. Coła' a'i ma le'a capa'a iya'.

¹⁹ Unc'ainaxque', acueca' aitelco'ma jiłpe pe lołmana'. Ma catełma cacua: “Tepenufle ille al ts'e liłpitine”. Ma tołta'a li'ipolhuo'. Itsiya catełcocojma. Caxhuełma, cacua: “Ilne laipimaye lun Galacia joupa epenufpá Cristo. Itsiya tocomma a'ij linca ille li'ipola'. Coła' ałmuc'iconła' acuajmaica ilne alinca epenufpá ilque Cristo. Tijouła' aicaxhuełcoconaya tołta'a.” ²⁰ Cacua: Coła' jiłpe całfpa'a. Coła' capalaic'ocona'molhuo' ituca', a'i to itsiya. Itsiya linca caxhuełma. Aimi'iya caxingufyacolhuo' lołpicuejma'.

21 Imanc' noñespá: “Añcuxetsonga' lataiqui' linipá Moisés. Añpic'a.” Iya' quicuis'e'molhuo' imanc': ¿Te coñcueca ñe lataiqui'? ¿Te oñsina' loya'apa? Tocomma aicoñsina'. 22 Ñe linipá Moisés tinescojma li'ipa Abraham. Timana' oquexi' linaxque'. Anuli ñne qui'máma' acriada. Tipa'a ñipoujna caca'no'. Aímicuxeyoxi quituca'. Locuena li'hua qui'máma' apoujna, ñque ipeno Abraham. 23 Ñapoujna caca'no' ma le'a ÑanDios ñpic'epa titai'ma. Ñque joupa icupa cataiqui' ti'ña' toña'a. Locuena, ñque ñicriada, ÑanDios aiquicuc' cataiqui'. Ma le'a itaipa.

24 Ñne loquexi' laca'no' ti'onñcospola' to ñña'a loquej cataiqui' ÑanDios lipo'no'ipola' lixanuc'. Agar, ñque cal criada, ti'onñcospa to anuli ñña'a ñataiqui'. Ti'onñcospa to lataiqui' ÑanDios lipo'no'ipola' lixanuc', mimana' ñne ññpe ñjuala Sinaí. Ñe lataiqui' linipá Moisés. Ñque Agar tocomma to qui'máma' ñne petsi ñaihuejpá ñe lataiqui'. Ñne aimi'hua ññmane. Aimi'ya micuxeyacoñsi quituca'. Mane ti'onñcospola' to lam mozó. 25 Ñe ñjuala Sinaí ññpe ñamats' Arabia tecui'inni “Agar”. Agar y Jerusalén, ma to mipa'a itsiya fa'a li'a ñamats', ti'onñyoñtsi. Ññpe Jerusalén ts'ñpenic' aímixpic'eyi quituca' lo'eyacu. Lataiqui' linipá Moisés tocomma to quiñpoujna. Ñe lataiqui' ticuxela' jouc'a liñxanuc'. 26 Liña' Jerusalén lopa'a lema'a ituca' lo'ipa. Ññpe aímicuxe toña'a lataiqui' linipá Moisés. Ñe ññca añpñya'. Tocomma to cañ'máma', illanc' inaxque'.

27 Joupa i'ipa ma to loya'apa Linññngiya lonescopa liña' Jerusalén lopa'a lema'a. Tuya'e':
 Ima' mijuiqui' caca'no', ailopa'a co'hua, ññxojla' cometa!
 Ima' tama aicoñxina' te ts'i'ic' mipajnta ñahuac'hua, ññnac'la' acueca'!
 Ima' tama toxinyoxi etets'impo', joupa eca'nicompo', ti'i'ma conaxque' xonca axpela'.

Toña'a tolijna'ma ñque ññonñyoñtsi lope'ailli'.

28 Unc'aipimaye, imanc' ti'onñcospolhuo' to li'hua Sara, ñque Isaac. Licupa cataiqui' ÑanDios, ñque ipajnta. Lataiqui' licupa ÑanDios jouc'a inescopolhuo' imanc'. Toña'ya i'ipolhuo' inaxque' Abraham. Ñque oñ'ailli'.

29 Loquexi' linaxque' Abraham aímieymaleyi. Anuli ññiya, cal Espñritu Santo itoc'ipola' qui'ailli' qui'máma'. Toña'a itaipa qui'máma', ipajnta quiñ'hua. Locuena a'í. Ma le'a ipajnta axans. Ñque i'epa laic' ñipima, ñhuetsojma. Itsiya toña'a lo'ipola' ññiya pe cal Espñritu Santo epi'ipola' al ts'e liñpitine. Liñ'as xanuc', ñne pe ailopa'a toña'a liñpitine, ti'eyi laic'. 30 ¿Te co'ña? ¿Te cocuapa al Paxi Linññngiya? Ticua:

Taipa'atsola' loñcriada jouc'a li'hua, aímapi'iyacola' lo'hueca. Lo'hueca tapi'i'ma locuena lo'hua, ñque li'hua ñapoujna.

31 Unc'aipimaye, ita'a lataiqui' ańescoponga' illanc'. Illanc' a'i quinaxque' itque cal criada. Ańmana' inaxque' lapoujna caca'no'.

5

1 Linca, Cristo joupa luhuańnaponga', ipic'a luyalaicońe tońta'a. Tońiya tońpo'nońe lońpicuejma'. Aimof'i'econa'mońtsi litaiqui' locuxepa Moisés. 2 Alcuc'eńa'. Iya' ninPablo camilhuo': Ja'ni ti'e'em'molhuo' circuncidar, ja'ni tońcuayi: "Tońta'a lapenuf'monga' ńanDios", tocomma to aimo'huaiyijnyi Cristo. Itque aimitoc'iconayacolhuo'. 3 Camiconam'olhuo': Ine petsi no'empola' circuncidar, anuli anuli itniya ticuxe'ennila' tenant'ńińe jahuay locuxepa Moisés.

4 Imanc' nońnespá: "Ań'e'me locuxepa Moisés, tońta'a lapenuftonga' ńanDios, ańsim'monga' to ailopa'a cańjunac'", imanc' joupa olanajpońtsi Cristo. Joupa olatets'ipá ńanDios litoc'ipolhuo', lipaxnepolhuo'. Olatec'e'epońtsi. 5 Illanc' a'i tońta'a lańnespa. Joupa ań'huaiyimpá Jesucristo, cal Espńritu Santo ańtoc'inga'. Tońta'a tixoqui calata ań'huaicoyi ńanDios ańsintsonga' to ailopa'a cańjunac', lapenuftonga'. 6 Ja'ni joupa lapenufponga' Cristo ticuicomma ańmuńtsońtsi ań'huaiyijnyi, ań'etsońtsi capic'a. Ja'ni ań'emponga' circuncidar, o aical'enninga' circuncidar, ailopa'a co'eya.

7 Li'ipa olihuejpa al c'a. Itsiya, ¿te qui'ipolhuo'? Aimolihuejconna al Linca Cataiqui'. ¿Nańtsi nipa'nepolhuo'? 8 It'e lataiqui' lomuc'impolhuo' a'i quitaiqui' ńanDios, itque Nijoc'ipolhuo'. 9 Tipa'a lataiqui' loya'apa: "Tohuants'ńa' tuca'a ńicuxqui cax'e, tijouńa' tumfumma jahuay ńax'e tońanc'enyacu ńa'i". Al linca it'e lataiqui'.

10 Iya' ca'huaiyinge ńańPoujna tepi'itsolhuo' lońpicuejma' alcuc'eńa' it'e laifmipolhuo'. Itque nopa'nepolhuo', ni cua nańtsi no'epa, tepi'im'me lijunac', titeń'mim'me.

11 Ticuanni: "Pablo tu'ńila' ńan xanuc' ti'entsola' circuncidar. Ticua tońta'a ńanDios tepenuf'mola'." Aicainuya'e' tońta'a. Ja'ni tońta'a laifnespa aimalihuetsojya. Tama cuya'e': "Toń'huaiyijnle Cristo, itque ńepańts'ingimpa jńpe lancruz", jouc'a cońa' cuya'ńa': "Toń'etsońtsi circuncidar", ailopa'a cań'eya. Aimalixtuc'onya.

12 Iya' cacua: ńan xanuc' nateńc'epolhuo' lońpicuejma', itne quńtuca' titec'e'etsońtsi, ti'etsońtsi capu'.

13 Unc'aipimaye imanc' nijoc'ipolhuo' ńanDios, itque joupa uhuatc'epolhuo'. Aimolihuejconayacu liń'ejma' locuenaye ńan xanuc'. Linca, aimońnesyacu: "Joupa luhuańquenamma, ca'e'ma to ts'aipic'a". Xonca tońsintsońtsi to unc'imozó. Tońta'a toń'etsońtsi capic'a, toń'nujUaitsońtsi. 14 Tipa'a lataiqui' loya'apa: Ima' to'eyoxi capic'a, ma tońta'a to'ńa' capic'a toń'as xans, nańtsi tońtalecufya.

Petsi naihuejcopá ihe lataiqui', iñiya linca tenant'hiy jahuay locuxepa ÑanDios. ¹⁵ Tołpo'noñe cuenna. Ja'ni ti'hua tołfuli'yołtsi, ja'ni ti'hua tołscai'eyołtsi, ma le'a tolajac'e'mołtsi nulemma.

¹⁶ Iya' cacua: Tolapi'ihe lane ticuxetsolhuo' cal Espíritu Santo. Tołta'a aimolihuejyacu lołjanajpa cołtuca' lołcuerpo. ¹⁷ He lałjanajpa całtuca' aimi'onłspa to lojanajpa cal Espíritu Santo. Ituca' ituca' iña'a, tocomma tifuli'yołtsi. Tołta'a aimi'iya mon'eyacu lołspic'eyacu. ¹⁸ Jouc'a cacua: Ja'ni cal Espíritu Santo ti'hua'jme'elhuo' aimi'onłcospolhuo' to iñe pe ma le'a naihuejcopá locuxepa Moisés. Ihe lataiqui' aimi'iya micuxe-coyacolhuo'.

¹⁹ Petsi naihuejcopá quilituca' lojanajpa, iñe acuajmaica timujyołtsi lo'epa. Fa'a cu'ilhuo' te ts'i'ic' iñe lo'epa:

Iñe tehueyi quilecał'no', jouc'a lacał'no' tehueyi quilxanuc'. Ti'eyi al xujc'a, ti'eyi nixpiya, ²⁰ Tihuejcoyi landiosla', tilotso-coyołtsi, ti'eyołtsi laic', tifuli'iyi cataiqui', acueca' tijanajyi lixcay, tijaic'oyołtsi lixtulepa, tehueyi quilituca' ts'ilpic'a, aimi'eyi anuli liłpicuejma', tenajyołtsi, ²¹ ti'ehualeyi laic', tima'ahualeyi, timeyoquila', ti'eyi nixpiya juicoł. Jahuay tołna'a y nixpiya xonca lixcay ti'eyi.

Joupa nu'ipolhuo' lo'iyacola' iñiya petsi tołta'a lo'epa. Itsiya cu'icona'molhuo', camilhuo': Petsi tołta'a lo'epa aimitsufłaiyacu pe locuxeyopa ÑanDios, ailopa'a quil'huexi jilpe.

²² Ituca' laipammaiya liłpepajnya iñe petsi naihuejcopá cal Espíritu Santo. Iñe: Ti'eyołtsi capic'a, tixoqui quileta tuyalaicoyi, cal Espíritu Santo ti'hua tipac'e'ela' liłpicuejma', tixnet'h'me, tipalaic'oyi al c'a lił'as xanuc'.

Iñe naihuejcopá cal Espíritu Santo aınca lan c'a xanuc'. Tenant'hiy liłtaiqui' lonespa. ²³ Iñe amanxú, aimi'nof'eyołtsi, ticuxeyołtsi al c'a.

Ja'ni tołta'a lon'epa aimi'iya mecani'eyacolhuo' lataiqui' locuxepa Moisés. ²⁴ Iñe pe li'ipola' i'huexi Cristo, joupa ix-impołtsi epałts'ingimpola' anuli Cristo. Tołta'a joupa imapa ihe lafane liłpicuejma', ihe ituca' latenłcocoya, lojanajya. ²⁵ Ja'ni cal Espíritu Santo joupa lapi'iponga' al ts'e lałpitine, itsiya ti'ila' al ts'e laluyalaicoyacu lałpepajnya. Lihuejcołe cal Espíritu Santo. ²⁶ Aimałsim'mołtsi, aimañesco'mołtsi: Illanc' xonca ninc'ic'a xanuc'. Ja'ni ałsinyołtsi tołta'a ma le'a lapi'i'mołtsi coyac', al'e'mołtsi laic'.

6

¹ Unc'aipimaye, ja'ni ołsimpá anuli lałpima nixpiya lo'epa, imanc' petsi onlihuejcopá cal Espíritu Santo, tołpalaic'ole, tołmuc'iconle al c'a cane. Tołnanc'ole. Tołpo'noñe cuenna anuli

anuli. Aga tehuaiyim'molhuo' jouc'a. ² Maluyalaicoyi lapajnya tocomma altaiyi acumta caitay. Camilhuo': Tołtoc'itsołtsi. Tołtac'huetsoltsi łolitay. Tołta'a alınca tonł'e'me locuxe'epolhuo' Cristo.

³ Petsi nonescopoxi: "Iya' xonca limetsaicołta'", ja'ni ilque ninaitsi xans, ma le'a tifel'miyoxi. ⁴ Anuli anuli timet-saicoxoxi te ts'i'ic' lo'epa. Tołta'a ti'i'ma tixoc'i'moxi queta quituca' li'epa. Ti'onłi'moxi quituca', aimi'onłicoyacoxi locue-naye. ⁵ Linca fa'a lapajnya anuli anuli tipa'a litaic'. Ihe quituca' titai'ma. Ocuena aimi'iya.

⁶ Cua naitsi mimuxejma Lataiqui' titoc'ila' lipomxi. Ja'ni tipa'a al c'a li'hueca tepi'ila' jouc'a.

⁷ Imanc' coltuca' aimolfel'mi'moltsi. Ihe lofapa cal xans, małe tefot'le'ma. Aimi'iya malatets'iyacu ŁanDios lixpice'epa. ⁸ Petsi no'epá lojanajpa quituca' liłcuerpo, tefot'le'me, tulij'me ma le'a lamaya. Tołta'a tipammaispa al cuerpo. Petsi no'epá lojanajpa cal Espiritu Santo, ilne tefot'le'me, tulij'me liłpitine aimijouya.

⁹ Aimalfojtonga'. Ti'hua al'ełe ma le'a al c'a. Ja'ni aimalłafquemmonga', ticuaiyunni litine lixpice'epa ŁanDios, lafot'le'me, lulij'me al c'a. ¹⁰ Tołiya iya' camilhuo': Itsiya tocomma to litine cafaya. Al'ełe al c'a. Alłoc'itsola' jahuay lał'as xanuc'. Xonca alłoc'itsola' lałpimaye no'huaiyijmpá Jesucristo.

¹¹ ¡Tołsinłe laipinila! Linca atsila' ilna'a quiniłi iya' caituca'.

¹² Iya' aicahuay te co'iya metenłcocoyacola' lan xanuc'. Ihe petsi locuxenai'ipolhuo' toł'etsoltsi circuncidar, ilne ilpic'a tetenłcocotsola' lan xanuc'. Ihe noxc'ai'ipolhuo' tołta'a ilpic'a tualalaicołe al c'a, aimihuetsoquim'mola'. Ja'ni tuya'ałe: "Ma le'a toł'huaiyijnle Jesucristo", ilne ilsina' tixtuc'om'mola' lił'as xanuc' judío. Tołta'a ti'ninc'iyi lataiqui', tuya'ayi: "Jouc'a tonł'etsoltsi circuncidar". ¹³ Ni ilne no'epoltsi circuncidar aimihuejcoyi jahuay locuxepa Moisés. Ihe mane ilpic'a tinesle: "¡Tołsinłe! Ihe joupa lihuejcoponga' illanc' lałcuxe'epola'. Joupa i'empola' circuncidar. I'empola' quılseña jilpe liłpic'ic'." Tołta'a tixoc'i'moltsi quileta. ¹⁴ Iya' aimi'iya quixoc'iyacoxi tołiya. Ma le'a tixoj'ma neta li'epa Cristo jilpe lancruz. Iłta'a li'a łamats' jouc'a jahuay lopa'a, caxina jouc'a epalłs'ingimpá jilpe lancruz. Ma' anuli iya' lapałłs'ingimpa, joupa alłma'ayompa jilpe lancruz. Lopa'a li'a łamats' ailopa'a cal'e'eya, aicajanaca iliya.

¹⁵ Linca, ja'ni joupa i'empolhuo' circuncidar o aiqui'ennilhuo' circuncidar, ¿te co'iya? Xonca ticuicomma tepi'intsolhuo' al ts'e colpicuejma'. ¹⁶ Pe naihuejcopá ilhe lataiqui', tipac'e'etsola' liłpicuejma' ŁanDios, tixintsola' acuanuc'la. Ma ilne ti'onłcospola' to lun Israel. Iłniya al linca ixanuc' ŁanDios.

¹⁷ Lipangopa itsiya aimatsuel'micona'ma. Ma' iya', a'i ilne locuenaye xanuc', jifa'a laicuerpo aitaic' lainepelot'la'. Ina'a tuya'ayi ma Jesús aiPoujna, ilque lummepa.

¹⁸ Cunc'aipimaye, titoc'itsolhuo' laPoujna Jesucristo. Toisingufle ilque lopaxnepolhuo' jilpe lolunxajma'. Tohta'a ti'ila'. Amén.

LIJE'E SAN PABLO LINIŁ'EPOLA' LAPIMAYE LEFOT'ŁEPOŁTSI LIŁYA' ÉFESO

¹ Iya' ninPablo, nin'apóstol, Jesucristo alummepa. Tołta'a ixpic'epa ŁanDios. Iya' quinił'elhuo' imanc', unc'aipimaye nołmana' liłya' Éfeso. Imanc' noł'huaiyimpá ŁanDios, i'huexi iłque. Jesucristo joupa epenufpolhuo'.

² ŁanDios cał'Ailli' y łatPoujna Jesucristo titoc'itsolhuo', tipaxnetsolhuo', tipac'e'etsolhuo' lołpicuejma'.

³ Ałs'najtsi'ile ŁanDios, iłque enDios i'Ailli' łatPoujna Jesucristo. Iłque joupa ałpaxneponga'. Cal Espiritu Santo lapi'inga' jahuay al c'a lopa'a lema'a. Iłe al c'a ŁanDios tixina joupa i'ipa ał'huexi illanc' nał'huaiyimpá Jesucristo.

⁴ Cacua: ŁanDios ałpaxneponga'. Ai'a tilanc'e'ma li'a łamats' ŁanDios ał'huijfeponga', limetsaicoponga' to joupa lapenufponga' Cristo. Ixplic'epa lał'iyaconga'. Ixplic'epa te ts'i'ic' małsinyaconga' litine lacaxhuołaitsa jilpe pe lopa'a. Jilpe litine ałmujtołtsi ałinca i'huexi ŁanDios. Ałmujtołtsi joupa i'ipa pangay c'a lałpicuejma', ailopa'a całjunac', acueca' ał'eta capic'a ŁanDios.

⁵ ŁanDios ał'eponga' capic'a. Tołtiya ixpic'epa ał'itsonga' inaxque', iłque ti'ila' ał'Ailli'. Ixplic'epa tołta'a lapenuftonga' illanc' nał'huaiyimpá Jesucristo. Iłe lixplic'epa ma letenłcocopa małque quituca'. ⁶ Tołta'a tixinim'me acueca' ŁanDios. Ałsininnonga' acueca' lałpaxneponga', acueca' lałtoc'iponga' illanc' lapenufponga' Cristo, iłque i'Hua ŁanDios lipic'a.

⁷ Iłque li'Hua ŁanDios joupa lapenufponga'. Tołta'a ŁanDios limenc'e'ecoponga' lixcay lał'epa. Ałsimponga' joupa i'najtsempa lałjunac'. Cristo, litine lixcuajaipa lijuats', i'najtsepa. Linca a'i huata iłe lałtoc'iponga' ŁanDios. Acueca' juaiconapa ac'a lał'eponga'. ⁸ Acueca' lipicuejma' ŁanDios. Ixina' lo'eya, lo'epa. Ailopa'a całcuanac'eponga', acueca' lałpaxneponga'.

⁹ Joupa ałmuc'iponga' te ts'i'ic' lixplic'epa. Li'ipa tocomma to emiya lataiqui'. Itsiya a'i. Icuaitsi litine letenłcocopa ŁanDios iłque ałmuc'iponga'. ¹⁰ Ałmuc'iponga' te lo'iya Cristo, iłe joupa ixpic'epa ŁanDios. Ma mi'hua menant'li litine tixhuaitsi jahuay, ti'hua tuya'am'me iłe lataiqui'. Tijoula' jahuay tihuejco'me Cristo, jahuay lopa'a lema'a, jahuay lopa'a li'a łamats'.

¹¹ Linca, jahuay tihuejco'me Cristo. Małque Cristo nalapenufponga'. Tołta'a ŁanDios ałsinninga' ixanuc', i'huexi. Iłque joupa ał'huijfeponga' ał'itsonga' tołta'a. ŁanDios ja'ni tixpic'ełta' ti'ila', ma tołta'a ti'i'ma. Iłque tixhuai'ni'ma jahuay lipic'a.

¹² Ipic'a timetsaiconle anDios. Tixinninle acueca' lipicuejma' jouc'a lo'epa. Tix'najtsi'ite. Tohiya al'huijfe'ponga' illanc' petsi luyaipa quitine al'huaicoyi ticuaiyunni cal Cristo.

¹³ Imanc' jouc'a ol'huaiyijmpá Cristo. Ate'a olquimf'epá al Linca Cataiqui'. Mañe Lataiqui' loya'apa ite al c'a lixic'epa LanDios, tuya'e te ts'i'ic' mon'eyacu ja'ni tolunul'me. Lijou'ma ol'huaiyijmpá Cristo, LanDios epi'ipolhuo' hi'Espíritu ma to lijoupa licupa cataiqui' tepi'itsolhuo'. Itque hi'Espíritu lepi'ipolhuo' mañque cal Espíritu Santo. Toña'a i'huáquilhuo' imanc' ma' alinca ixanuc' LanDios, i'huexi itque. ¹⁴ Mañmana' fa'a li'a lamats' illanc' ma' i'huexi LanDios. Tijouña' lunlu'etsonga', lapenuftonga' nulemma. Joupa almuc'iponga' alinca toña'a la'iyaconga'. Almuc'iponga' aimañfel'miyaconga'. Tohiya lapi'iponga' cal Espíritu Santo. Litine lapenuftsonga' timetsaicom'me ma' anDios, acueca' lo'epa.

¹⁵⁻¹⁶ Tohiya iya' cax'najtsi'i LanDios. Almimpa: "Itne lun Éfeso ti'huaiyijnyi lañPoujna Jesús, ti'eyi capic'a liñpimaye, itne jouc'a i'huexi LanDios". Aimañsopa. Ti'hua cax'najtsi'i. Ma capalaic'o LanDios caxahue'e titoc'itsolhuo'. ¹⁷ Cacua: Caxahue'e LanDios titoc'itsolhuo', tipaxnetsoñhuo' cal Espíritu Santo. Itque tepi'itsolhuo' colpicuejma', ti'ila' colñina' te ts'i'ic' LanDios lipicuejma', xonca tolimetsaico'me itque. Itque LanDios ma' enDios lañPoujna Jesucristo jouc'a i'Ailli'. Toña'a itque Jesús imuj'moxi ituca'. Imuj'moxi ma' anDios.

¹⁸ Ja'ni tepi'itsolhuo' toña'a loñpicuejma' jouc'a tepalc'o'i'molhuo'. Toña'a a'i ma le'a moñ'huaicoyacu tolapenuftsa al c'a, jouc'a ti'i'ma colñina' te ts'i'ic' lapi'iyacolhuo' LanDios. Ti'i'ma colñina' te ts'i'ic' al cueca' al c'a tolapenufta. Ite linca acueca' ac'a juaiconapa. Ailopa'a co'onñcoya. Linca imanc' tolapenufta. Jouc'a jahuay itniya pe LanDios i'epola' i'huexi, tepenufta lapi'iyacola' LanDios linaxque'. ¹⁹ Jouc'a ti'i'ma colñina' te ts'i'ic' al cueca' lo'epa LanDios. Ti'i'ma colñina' icueya limane. Toñsinguf'me acueca' titoc'i'molhuo', acueca' tipaxne'molhuo' ma moñ'huaiyijnyi.

²⁰ Linca, LanDios joupa imujpa acueca' juaiconapa lo'epa. Joupa i'epa acueca', imañ'i'inaña Cristo. Ipa'anapa pe lomana' limanapola'. If'ac'enapa al toncay lema'a. Icutsupa al c'a camane. ²¹ Ailopa'a co'onñcoya to itque Cristo. Itque xonca acueca', xonca acueca' ti'hua limane, xonca acueca' lo'epa, xonca acueca' locuxepa, xonca acueca' lipuñtine. Ja'ni itsiya litine o locuaicoya locuena quitine, mañque Cristo tuliqui jahuay. ²²⁻²³ LanDios joupa ixic'epa jahuay tihuejcoñe Cristo, itque Incuxepa, ticuxe jahuay. LanDios epi'ipa liñanuc', itne lefot'lepola'. Itque copa'a iljuac, ticuxela' itne icuerpo. Jiñpe

timujyoxi ñan Dios. Ñinca ñan Dios ni petsi tipa'a, timujyoxi. Jilpe lixanuc', ñhe icuerpo Cristo, xonca timujyoxi.

2

¹ Imanc' ai'a tolapenuf' me al ts'e lołpitine joupa ejac' polhuo'. Aimonť' eyi locuxepa ñan Dios. Tonť' eyi lixcay. ² Toluyalaicoyi anuli ñhe locuenaye xanuc' nomana' fa'a li'a łamats'. Olihuejco' me łilpincuxepa contahue. ñhe lontahue nomana' jilpe lema'a xonca a'ojca, a'i pe lopa'a ñan Dios, ticuxeyi łilpicuejma' lan xanuc' petsi aimihuejcoyi ñan Dios. ³ ñan Dios ałsimponga' illanc' ma' anuli aicalihuequi. Imanc' illanc', luyaipa quitine luyalaicoyi lapajnya ma' eyi lałjanajpa. Lihuejcoyi lojanajpa lałcuerpo. Illanc' całtuca' ałspic' eyi lał'eyacu. Małmana' tołta'a ailopa'a al ts'e lałpitine. Ma' anuli locuenaye petsi aimihuejcoyi ałtełmi' monga' ñan Dios.

⁴ Ñinca, ñan Dios juaiconapa ac'a lipicuejma'. Ałsimponga' ninc' icuanuc' la. Acueca' juaiconapa ał'eponga' capic'a. ⁵ Illanc' ma aimalihuejcoyi, joupa lajac' epołtsi. Tama tołta'a lał'ejma' ñque lapi'iponga' al ts'e lałpitine. Ałmafi' inaponga' anuli Cristo. Tołta'a lałtoc' iponga' ñan Dios, lałpaxneponga', joupa lunťu' eponga'. ⁶ Ma' anuli Cristo lacaxunaponga', lipa' aponga' pe lomana' lomanapola'. Ma' anuli ñque ałcutsunaponga' jilpe lema'a. Lapenufponga' Jesucristo, tołiya ał'iponga' tołta'a. ⁷ Ticuaitsi Locuaicoya Quitine ñan Dios timuj' ma acueca' juaiconapa ałtoc' iponga', acueca' ałpaxneponga' illanc' ixanuc' Cristo, lapenufponga' ñque. ⁸ Cacia: "Ñan Dios joupa itoc' ipolhuo', ipaxnepolhuo', unťu' epolhuo'". Ñinca imanc' aimi' iya molunťu' eyacołtsi. Ma ñan Dios imetsaicopolhuo' toł' huaiyijnyi. Tołta'a ma' ñque unťu' epolhuo'. ⁹ Ñinca ailopa'a cal'eyacu, ni illanc' ni imanc'. Aimi' iya małnesyacu: "Joupa ai'epa al c'a, tołiya ñan Dios lunťu' e' ma. Iya' ninc'a." Ailopa'a conescoyacoxi tołta'a.

¹⁰ Cristo joupa lapenufponga'. Tołta'a ñan Dios ałñanc' e' eponga' lałpicuejma', lapi'iponga' al ts'e lałpitine. Tołiya ti' i' ma ał' e' me al c'a. Ał' e' me małe al c'a lixpicepa ñan Dios ał' e' te. Tołta'a ixpic' epa luyalaicołe.

¹¹ Tołiya aimolimenc' eco' me te ts' i' ic' lipaxnepolhuo' ñan Dios. Toł' nujuaisle te ts' i' ic' li' ipa li' ipolhuo'. Imanc' ai cunc' ijudío, ituca' loñación. Aıquetec' ennihuo' lołpixic'. Tołta'a lan xanuc' judío tetets' ilhuo', tecui' ilhuo': "Ñhe petsi ailopa'a quitseña, petsi aqui' ennila' circuncidar". ñhe lan judío joupa i' empola' circuncidar, joupa etec' empola' liłpixic'. ¹² ñniya łitiné aicunťejmale Cristo. Lan xanuc' Israel imetsaiconnila' ixanuc' ñan Dios, imanc' a' i, imanc' unc' ocuenaye xanuc'. ñhe lun Israel ñan Dios joupa

imaneconca cataiqui'. Nulemma icupa cataiqui' tepi'i'mola' al c'a. Imanc' aicolapenufi iŧe lataiqui'. Iŧniya iŧiné imanc' ailopa'a col'huaicoyacu. Fa'a li'a ŧamats' ma toluyalaicoyi lapajnya. Aicolimetsaijma LanDios.

¹³ Itsiya joupa ipaicopa iŧe loŧepajnya. Joupa epenufpolhuo' Jesucristo. Li'ipa tocomma to toŧmana' aculi', aimi'iya moli—loc'oŧaiyacu LanDios. Cristo joupa ixcuajaipa lijuats' i'najtsepa loŧjunac'. Toŧta'a iŧoc'ai'epolhuo' LanDios. ¹⁴ Maŧque Cristo ipac'epa lafuleya. Itsiya illanc' ninc'ijudío jouc'a imanc' a'i cunc'ijudío ma maŧmana' anuli. Ailopa'a tintsí. Li'ipa tipa'a laŧpa'neponga'. Iŧniya iŧiné aicaŧejmale, aiqui'ic'. Licupoxi Cristo tepaŧts'ijnle licuerpo jiŧpe lancruz, iŧque eteŧpa iŧe laŧpa'neponga', iŧonc'epa nulemma.

¹⁵ Iŧe laŧpa'neponga' itaíqui' Moisés licuxepa. Jiŧpe iniŧijmpa anuli anuli te ts'i'ic' malihuejcoyacu LanDios. Limapa jiŧpe lancruz Cristo iŧonc'epa limane iŧe lataiqui'. Itsiya aimi'iya maŧpa'neconayaconga'. Imanc' illanc' aŧ'e'eponga' to anuli cal ts'e xans. Lapi'iponga' al ts'e laŧpicuejma'. Toŧta'a ipac'epa lafuleya. ¹⁶ Itsiya aimá'econayacoŧtsi laic'. Iŧe lixcay laŧpicuejma' Cristo ima'apa iŧe litine lepaŧts'ingimpa jiŧpe lancruz. Ma maŧsinyoŧtsi ituca' ituca' laŧpicuejma' aimi'iya maŧejmaleyacu LanDios. Cristo aŧ'e'eponga' anuli. Ma aŧmana' icuerpo iŧque. Toŧta'a aŧejmale LanDios.

¹⁷ Li'huamma Cristo uya'apa joupa ipac'epa lafuleya. I'huamma ti'íŧa' coŧsina' imanc' noŧmana' aculi', jouc'a ti'íŧa' quíŧsina' petsi xonca ahuejnca LanDios, itsiya ailopa'a tintsí. LanDios tepenufila' jahuay lan xanuc' ma' anuli. ¹⁸ Ma' iŧque Cristo ticu lane aŧpalaic'ote LanDios caŧ'Ailli', li—loc'oŧai'me imanc' y illanc'. Joupa lapenufpá cal Espíritu Santo. Toŧiya lapenufinga' LanDios.

¹⁹ Itsiya aimi'iya mecui'inyacolhuo' “aine”, o “iŧne ocuenaye xanuc’”. Itsiya imanc' illanc', jouc'a jahuay laŧpimaye, joupa aŧ'e'eponga' i'huexi LanDios. Tipa'a laŧpiŧya' pu'hua lema'a. Ma LanDios aŧ'Ailli'. ²⁰ Ma to lipangopa lo'huaiyijmpa lan apóstole, lam profeta, ma' anuli oŧpango'me imanc'. Maŧe cataiqui' olapejpá.

To anuli cal cueca' capic lipo'nof'impá ŧaiŧaŧ cajut'í, iŧque laŧpic nolanc'epa lajut'í aimecangeya, toŧta'a lo'onŧcospa Jesucristo. ²¹ Petsi lepenufpola' iŧque laŧPoujna Cristo, iŧne ti'onŧcospa to anuli al paxi cajut'í tilanc'econni apic'. Iŧna'a laŧpic' tipo'nof'inni anuli anuli pe lo'eya quipenic'. Maŧque Cristo, to cal Cueca' Capic, ipulaic' ŧaiŧaŧ. ²² Jouc'a imanc' lepenufpolhuo' Cristo, tipo'no'innilhuo' pe lonŧ'eyacu canic'. Toŧta'a tilanc'enni lejut'í LanDios. Jiŧpe copa'a cal Espíritu Santo, iŧque ma' anDios.

3

¹ Itsiya ca'nujuaitsi'ilhuo' iŕe al cueca' lipaxnepolhuo', al cueca' li'e'epolhuo' ÑanDios. Iya' ninPablo aitoc'i'molhuo' imanc' pe a'i cunc'ijudío. Nu'i'molhuo' naitsi cal Cristo, iŕque Jesús. Iŕe aipenic'. Toŕiya itsiya aŕtats'iya.

² Joupa oŕsina' toŕta'a laipenic'. ÑanDios aŕpaxnepa, alapi'ipa laipenic', cuya'aŕa' Lataiqui' ni petsi loŕmana' imanc' pe a'i cunc'ijudío. ³ Oŕsina' ma ÑanDios aŕmuc'ipa Lemiya Cataiqui'. Iŕta'a coŕje'e joupa nini'epolhuo' oque' afane' lataiqui' lonescopa iŕe Lataiqui' lemiya. ⁴ Moŕsuef'yi iŕe lainini'epolhuo' ti'iŕa' coŕsina' aŕinca cacueca Lemiya Cataiqui', iŕe lonescopa Cristo.

⁵ Luyaipa quitine lan xanuc' aiquiŕsina' iŕe lataiqui'. Itsiya ÑanDios joupa imuc'ipola' li'apóstole jouc'a liprofeta, iŕne i'huexi. Cal EspírITU Santo aŕmuc'iponga'. ⁶ Aŕmuc'iponga' te ts'i'ic' lo'iyacolhuo' imanc' a'i cunc'ijudío pe noŕ'epá ŕinca Lataiqui', joupa epenufpolhuo' Cristo. Imanc' illanc', ÑanDios limetsaiconga' inaxque'. Aŕsinninga' joupa aŕ'iponga' to anuli al cuerpo. ÑanDios joupa icupa cataiqui', aŕmiponga' aŕtoc'i'monga' illanc' ninc'ijudío. Itsiya maŕe lataiqui' timilhuo' imanc', ma' anuli aŕtoc'i'monga' illanc' imanc'. Ma' anuli lalapi'iyaconga'.

⁷ Iya', ÑanDios lapi'ipa laipenic' cuya'aŕa' Lataiqui' loya'apa iŕe al c'a lixic'epa ÑanDios. Aŕpaxnepa, lapi'ipa laipicuejma'. Laŕpaxnepa toŕta'a aixinguf'ma acueca' icueya li mane ÑanDios. ⁸ A'i ca'onŕicoyacoxi to laipimaye, iŕne jouc'a i'huexi ÑanDios. Ja'ni anuli iŕniya tixinyoxi aca'hua xans iya' cacua: Iya' ajna'hua capima xonca. Ma ÑanDios aŕpaxnepa, lapi'ipa laipenic' ca'huaŕa' pe lomana' lan xanuc' a'ij judío, jŕŕpe capalaicotsi Cristo, cuya'atsi te ts'i'ic' iŕque lipicuejma'. Ñinca juaiconapa xonca acueca' ac'a lipicuejma', ailopa'a co'onŕicoya. Aimi'iya micuec'eyacu nulemma.

⁹ ÑanDios lapi'ipa laipenic' camuc'itsola' acuajmaica Lemiya Cataiqui'. Ti'iŕa' quiŕsina' lan xanuc' te ts'i'ic' menant'ŕiya Lataiqui' lonescopa. Lipangopa lilanc'epa li'a ŕamats', Lemiya Cataiqui' joupa tipa'a jŕŕpe lipicuejma' ÑanDios. Iŕque joupa ixpic'epa lo'eya. Maŕque ÑanDios ilanc'epa jahuay. ¹⁰ Cacua: ÑanDios lapi'ipa laipenic'. Toŕta'a tefot'ŕela' lixanuc'. Tixintsa lapaluc' quema'a te ts'i'ic' lipicuejma'. Iŕne lan tsila' capaluc' nomana' lema'a, pe acueca' icueya liŕmane, ticuxeyi jŕŕpe, maŕniya itsiya tehuelonginnila' lixanuc' ÑanDios lefot'ŕepola'. Mehuelojnyi ti'i'ma quiŕsina' te ts'i'ic' litoc'ipola', lipaxnepola' ÑanDios lixanuc'. Iŕne lixanuc' anuli anuli ocuena ocuena liŕpicuejma' lepi'ipola' ÑanDios. Toŕta'a ma quefoŕya timujyi te ts'i'ic' al cueca' lipicuejma' ÑanDios.

¹¹ ÑanDios al coŕta ixpic'epa ti'iŕa' quiŕsina' toŕta'a lapaluc' quema'a, toŕiya' lepi'ipa lipenic' Jesucristo, iŕque aŕPoujna.

12 Cristo joupa lapenufponga'. Toŧta'a tixoqui calata alitoc'olaiyi LanDios. Ma maŧ'huaiyijnyi Cristo aimatsuetmot'leyi, ailopa'a caŧpa'neyaconga'. LanDios lapenufinga'.

13 Linca acueca' iŧe lataiqui' laifnuya'apa. Toŧiya caxa'huelhuo', camilhuo': Aimotŧuetmot'ŧeco'me. Aimotnes'me: "Acuanuc' Pablo, acueca' juaiconapa lotetŧopa". Aimotpai'i'motŧi loŧpicuejma'. Toŧ'nujuaisle: Ja'ni coŧa' iya' aicateŧma, coŧa' ailopa'a mipaxneyacolhuo' LanDios.

14 Ma ca'nujuaitsilhuo' al cueca' lipaxnepolhuo' LanDios, iya' caxc'onŧingay caŧ'Ailli'. 15 Fa'a li'a ŧamats' lanaxque' mecui'innila' quilitatá "aŧ'ailli'", o mecui'iyotŧi toŧta'a iŧne nomana' lema'a, ¿pe qui'huayomma iŧe lataiqui' o iŧe liŧ'ejma'? ¿Te qui'ipa limetsaicopotŧi toŧta'a? Toŧta'a maŧque LanDios ecui'ipoxi.

16 Iŧque linca ma' anDios. Aimehue'e'. Ixhueya lipicuejma', acueca' icueya limane. Toŧiya caxahue'e titoc'itsolhuo'. Caxahue'e titoc'itsolhuo' li'Espiritu, ti'ila' acueca' loŧpicuejma', jouc'a ton'e'me al cueca'. 17 Ja'ni toŧta'a lotoc'ipolhuo' itine itine toŧ'huaiyjm'me cal Cristo, iŧque tipajm'ma ŧolunxajma'. Tepi'i'molhuo' coŧpicuejma' toŧ'etsotŧi capic'a. Tifa'e'molhuo' loŧpicuejma'. 18 Toŧta'a aimimajaiqueyacolhuo'. Imanc' jouc'a jahuay lixanuc' LanDios, iŧne i'huexi iŧque, ti'i'ma coŧsina' nulemma te ts'i'ic' litoc'ipolhuo' LanDios. Ja'ni to'huatá' lexpats'qui o lipitoqui li'a ŧamats', o taimutŧi al 'ocay, o toŧ'ajla' al toncay, ni petŧi loŧtŧeya aimoxinya Lataiqui' xonca' acueca', ailopa'a. 19 Caxahue'e tolimetsaicote te ts'i'ic' mi'nujuaitsilhuo' Cristo. Linca, aimi'iya moŧcuejyacu nulemma. Juaiconapa acueca' ti'elhuo' capic'a.

Ja'ni toŧta'a lotoc'ipolhuo' LanDios ti'hua ti'i'ma ixhueya loŧpicuejma'. Ti'i'ma to lipicuejma' LanDios. 20 Iŧque LanDios ti'ay al cueca'. Aimi'iya maŧsinyacu nulemma lo'eya. Ja'ni aŧsa'hueŧe o jilpe laŧpicuejma' aŧnesle: "Aipic'a aŧtoc'ila' acueca'", linca xonca acueca' aŧtoc'i'monga'. Toŧta'a aŧtoc'inga' cal Espiritu Santo, iŧque ŧalapenufpa.

21 ¡Maŧque LanDios aŧs'najtsi'ite! Cristo timuqui te ts'i'ic' LanDios lipicuejma'. Ma' anuli timujyi lixanuc' LanDios leŧot'ŧepola'. Amats' amats' ti'i'ma toŧta'a. Jouc'a Locuaicoya Quitine ti'hua ti'i'ma, aimijouya. Toŧta'a ti'ila'. Amén.

4

1 Iya', ma ca'ay lanic' lalapi'ipa ŧaiPoujna, aŧ'noŧimpa. It-siya capa'a aŧtats'iya. Fa'a caxc'ai'ilhuo' lonŧ'eyacu. Imanc' joupa ijoc'ipolhuo' LanDios, imanc' ixanuc' iŧque. Camilhuo': Toŧmuŧtŧotŧi ixanuc' LanDios. 2 Aimot'nof'e'motŧi. Aimotŧalai'ot'i'e'me LanDios ni moŧtalai'ot'i'e'mola' lan xanuc'. Toŧŧnet'He lo'e'epolhuo'. Amolixtuc'o'motŧi, toŧ'etsotŧi capic'a.

³ Cal Espíritu Santo joupá i'e'epolhuo' anuli. To'po'nole lo'picuejma' ti'hua to'e'moltsi to'ta'a. Ja'ni aimo'fuleyi linca toluyalaico'me anuli lo'picuejma'.

⁴ Illanc' petsi na'l'huaiyijmpá Cristo al'on'cosponga' to licuerpo. I'que licuerpo anuli le'a. Anuli cal Espíritu mipa'a jilpe, i'que cal Espíritu Santo.

ŁanDios aljoc'iponga' al'huaico'e i'le lalapi'iyaconga'. Ma' anuli lapi'itonga' jahuay illanc'. ⁵ Anuli la'Poujna, ma' anuli lataiqui' la'huaiyijmpa, anuli lalapocopa. ⁶ Anuli łalanDios, i'que i'f'Ailli' jahuay. I'que xonca cal Cueca', jahuay tixhuai'niyi lixpic'epa, jahuay illanc' al'mana' pe lipanga.

⁷ Linca tama jahuay illanc' al'mana' pe lipanga ŁanDios a'ij nuli i'le la'paxneponga'. Ituca' ituca' la'paxneponga' Cristo. I'que tixpiqui. Anuli anuli lapi'iponga' la'penic'. ⁸ To'ta'a loya'apa ŁanDios jilpe al Paxi Linil'ingiya, ticua:

If'ajnapa lema'a, mif'acquinghua ilecopola' lixanuc', i'ne li'ipa litats'ila' joupá ux'masquem'mola'.

Lijou'ma ica'ne'mola' lixanuc' lapi'iyacola', tepenufle.

⁹ Joupá alcuapá: "If'ajnapa". Ai'a tif'aj'ma imumma, imuyomma jilpe al 'ocay li'a łamats'. Lijou'ma if'ajna'ma, icuaita pe lopa'a al te'a. ¹⁰ I'que nimumma, nif'ajnapa ma' anuli i'que. If'ajnapa lema'a xonca al toncay. To'ta'a aimi'iya minesquinyacu: "Fa'a ailopa'a". Ni petsi, ja'ni lema'a, ja'ni li'a łamats', i'que tipa'a, ticuxe.

¹¹ Lijoupa lif'ajnapa al toncay lema'a, Cristo epi'ipola' lixanuc' ituca' ituca' li'penic'. To'ta'a timana' lan apóstole, timana' lam profeta, timana' lan evangelista, i'ne noya'apá Lataiqui', timana' lam pastor, i'ne no'epá cuenna li'pimaye, timana' lomxiye, i'ne tuhuay'i Lataiqui', timuc'iyaleyi.

Jahuay i'niya Cristo epi'icopola' lixanuc', titoc'itsola' i'ne lefot'lepolá ŁanDios. ¹² I'ne no'epá lanic' ti'hua titoc'innila' li'pimaye, tifa'ennila' li'picuejma'. Tijoula' jahuay lapimaye, i'ne i'huexi ŁanDios, ti'i'ma pangay c'a li'picuejma', aimehue'eyacola'. ¹³ To'ta'a jahuay illanc' na'l'huaiyijmpá Lataiqui', al'cuc'e'e'me nulemma loya'apa i'le Lataiqui', limetsaico'me nulemma te ts'i'ic' lipicuejma' h'i'Hua ŁanDios. Tijoula' al'nesco'moltsi: "Joupá al'tojpa". I'le litine la'picuejma' ti'i'ma pangay c'a, joupá ilajmpa. Cristo mane ac'a lipicuejma', aimehue'e'. Jouc'a aimalahue'eyaconga'.

¹⁴ ŁanDios joupá lapi'iponga' i'ne la'toc'iponga', al'muc'itsonga' lihuejle. ŁanDios aimicua maluyalaicoyacu ma'l'on'coyaconga' to la'uhuy, i'ne li'picuejma' tife'ne'mola' ni cua tintsí cataiqui'. Aimicua mal'fel'miyaconga' lan xanuc' petsi acueca' quixcay li'picuejma'. I'maf'i' i'niya, i'sina' lo'eyacu tifel'miyale'me. I'ne joupá imenajpola'. Tihuejyi ituca' cataiqui'. ¹⁵ ŁanDios xonca

ipic'a lihuejle al Linca Cataiqui'. Ma'ela' capic'a lałpimaye, ma' ihe Lataiqui' luya'a'me. Tołta'a ti'hua tilajm'ma lałpicuejma', ti'i'ma pangay c'a, ti'onłcota to Cristo lipicuejma'. Iłque ałjuac, illanc' icuerpo.

¹⁶ Cristo lałjuac ałtoc'enga' illanc' icuerpo. Anuli al cuerpo axpe' mipa'a. Ihe aimitoqui anuli anuli. Jahuay ihniya titojyola' pe lomana'. Litornillo lajonłyopola' jahuay. Tołta'a tites'miyoltsi, titoc'iyoltsi. Ihiya ał'onsonga' illanc' icuerpo Cristo. Ma'eyoltsi capic'a ałtoc'iyoltsi, alfa'e'moltsi lałpicuejma'.

¹⁷ Joupa aixc'ai'ipolhuo', aimipolhuo': "Tołmujsoltsi ixanuc' LanDios". Illanc' ninc'apimaye, ma' anuli lałPoujna. Tołiya caxc'ai'icona'molhuo', camilhuo': Ma monluyalaicoyi lapajnya aimol'e'me to mi'eyi ihe petsi aimimetsaicoyi LanDios, ihe naihuejpá latenłcocopola' quıltauca'. Aimihuejyi latenłcocopa LanDios. ¹⁸ I'ipa muf liłpicuejma'. Aimicuec'eyi, tołta'a enaj'moltsi LanDios. Joupa ejac'epoltsi. Liłpicuejma' i'ipa to lałpic. ¹⁹ Aimi'iya mixinyacu calaic'ata. Icupoltsi ti'ele al xujc'a, ti'ele nixpiya. Aimicuayi: "Aima'lecona'me tołta'a". Ma ti'hua tehueyi xonca nixpiya lo'eyacu.

²⁰ A'i tołta'a lipalaic'ocompolhuo' Cristo. A'i tołta'a lipicuejma' iłque. ²¹ ¿Te aicołcueca litaiqui'? O ¿aiquepenufilhuo' iłque? Małmuc'ilhuo', małpalaicoyi iłque Cristo, ¿te aicalnesqui al linca? ²² Ai'a ti'i'ma al ts'e lołpitine tolihuejcoyi coltauca' lołpicuejma'. Jiłniya litiné ti'hua tołajac'eyoltsi, ti'hua tołfel'miyoltsi, tołjanajyi ton'ele nixpiya. Tołta'a tolihuejyi. Joupa lu'ipolhuo': "Ihe lon'epa li'ipa, tołpo'nołe nulemma". ²³ Itsiya tipa'a al ts'e lołpitine. Cal Espíritu Santo tipa'a jiłpe lołpicuejma'. Itine itine tołapenufle colpujfxi lapi'ipolhuo' iłque. ²⁴ Tołspic'ele nulemma tolihuejcole al ts'e lołpicuejma'. Ihe to lipicuejma' LanDios tixpic'e ma le'a al c'a, tihuejco'ma ma le'a LanDios, iłque cal Paxi. Tołta'a ate'a ilanc'empa lipicuejma' cal xans. Iłque lipicuejma' mane ac'a. Ti'onłcospa to lipicuejma' LanDios, iłque aimifel'miyale.

²⁵ Joupa olspic'epá aimofel'miyaleconayacu. Ne'. Mołpalaic'oyoltsi tołnesle ma le'a al linca. Anuli anuli tipalaic'olá' tołta'a lipima. Aimofel'miconayacoltsi. LanDios joupa lafot'leponga' to anuli al cuerpo. Illanc' ninc'apimaye. ²⁶ Ja'ni ołixtulepá aimi'hua molixtule'me. Ai'a tipo'nof'caita cal 'ora tołpac'ele lołpoyac'. Ja'ni a'i LanDios aimetenłcocoya ihe lon'epa, tixim'ma a'ijc'a. ²⁷ Ja'ni ti'hua molixtuleyi ma le'a tołapi'iyi lane łonta'a Satanás.

²⁸ Lałpima pe joupa ihuiyipa, ti'hua tinantse, aiminantsecona'ma. Ituca' tixhuico'mola' limane', ti'etsi al c'a lanic'. Tołta'a ti'i'ma ti'huej'ma. Ti'i'ma tepi'i'ma petsi aiqiu'huca.

²⁹ Aimolnes'me camac'ta cataiqui', ni anuli. Tołspic'ete al c'a lołnesyacu. Tołmi'moltsi: “¿Te cahue'epola' laipimaye?” Lijou'ma tołnesle lataiqui' lofa'eyacola' liłpicuejma'. Xonca ticuec'e'me. Jouc'a LanDios tetenłcoco'ma lołnespa. Titoc'i'mola', tipaxne'mola' noquimf'epolhuo'. ³⁰ Ja'ni tołnesle camac'ta cataiqui' tołhuosmi'me cal Espíritu Santo, ilque liłpaxi Espíritu LanDios. Aimonł'e'me tołta'a. Imanc' joupa olapenufpá cal Espíritu. LanDios imuc'ipolhuo' imanc' alinca ixanuc'. To comma ipo'ninc'e'epolhuo' isello, ilque olPoujna. Ticuaiti al Cueca' Quitine tepenuftolhuo' nulemma, tuntu'etolhuo'.

³¹ Ja'ni tipa'a al cuaj jilpe lołpicuejma' tolipa'ale. Aimolixtuc'ocona'moltsi. Aimol'nujuaiscona'me ile li'ipa lolixtulepa. Aimol'jaic'o'moltsi. Aimolnesco'moltsi a'ijc'a. Tołspic'ete nulemma aimol'econa'me tołta'a. Jouc'a jilpe lołpicuejma' aimolatets'icona'moltsi. ³² Tołpalaic'otsołtsi al c'a, tołtoc'itsoltsi, tolimenc'e'ecotsołtsi. Imanc' lepenufpolhuo' Cristo, LanDios joupa imenc'e'ecopolhuo' lonł'epa. Tołta'a imanc' tolimenc'e'ecotsołtsi lonł'e'epoltsi.

5

¹ Camilhuo': Ti'itsolhuo' loł'ejma' to li'ejma' LanDios. Tołmujtsoltsi to caiquinaxque' ilque. ² Itine itine toł'nujuaitsołtsi ma to Cristo li'nujuaispolhuo'. Ilque icupoxi tima'ane i'najtsepa lałjunac'. Ilque litsufcopoxi etenłcocopa LanDios. Tołiya limenc'e'ecoponga' lał'epa.

³ Imanc' joupa i'huexi LanDios, tołmujtsoltsi tołta'a. Aimolahue'mola' cacal'no'. Aimonł'e'me nixpiya. Ni monł'e'me to lo'epa ihniya petsi ti'hua tijanajyi. Aiminesyi: “Aimal'econa'me tołta'a”. Ma ti'hua tehueyi xonca nixpiya lo'eyacu. Imanc' ni mołpalaico'mola' ihniya lo'epa. ⁴ Aimonł'e'me ni mołnes'me al xujc'a. Aimolilotsoco'moltsi. Aimolpalaic'oco'moltsi lołpema'ca'ta. Ina'a aimetenłma. Xonca ticuicomma tołs'najtsi'ile LanDios. ⁵ Ine petsi nahuepá cacal'no', jouc'a petsi axujc'a liłpicuejma', jouc'a petsi ti'hua tijanajyi xonca, małniya ti'onłcospola' to naxc'onłngolaipá lilendiosla', imanc' joupa olsina' lo'iyacola'. Nij naiti ihniya notsufaiya pe locuxeyopa Cristo, jilpe locuxeyopa LanDios.

⁶ Lan xanuc' no'epá tołta'a tepi'iyi coyac' LanDios. Ilque titel'mila' ilne lincuejlocale. Imanc' aimolfel'mi'moltsi. Aimolquimf'e'mola' nocuapá: “Ailopa'a tintsi. Tonł'ete ma ts'olpic'a.” Ine mane tipalołaiyi. A'ij linca lonespa. ⁷ Joupa aimipolhuo': Ine lixcay xanuc' tepi'iyi coyac' LanDios. Imanc' aimonł'e'me tołta'a.

⁸ Li'ipa, imanc' lołpicuejma' mane amuf. Ti'onłcospolhuo' to lipuqui'. Itsiya a'i. LałPoujna joupa epenufpolhuo', epalc'o'ipolhuo'. Moluyalaicoyi lapajnya tolapalc'o'itsola'

locuenaye. ⁹ Petsi ŁanDios jounpa epalc'o'ipola' lihpicuejma', iħne timuj'moħtsi pangay c'a xanuc'. Ti'eyi ma le'a al ħijca, tihuejyi al ħinca. ¹⁰ Imanc' tolahuele latentłcocoya ŁanDios, male tonħ'eħe. ¹¹ Īħne petsi amuf lihpicuejma', lo'epa iħniya ailopa'a al c'a caipammaispa. To iħniya aimonħ'e'me. Tolanaħ'moħtsi. Xonca toħtale'mola', toħmujle a'ijc'a lo'epa. ¹² Īħniya ĵuaiconapa axujc'a iħe lo'epa lemiya, ni aimi'iyā maħnescoyacu.

¹³ Ja'ni lepalc'o' tepalc'o'ila' lemiya, iħe ti'huájta, timuj'moxi te ts'i'ic' mipa'a. Toħta'a lo'iyā ĵa'ni aħtale'mola' iħne no'epā al xujc'a. Īħe lixcay timuj'moxi te ts'i'ic' mipa'a. ¹⁴ Mane lepalc'o' tepalc'o'i'ma lemiya. Toħiya al Paxi Linifingiya tuya'e':

Aimi'hua moxmai'ma, tomaf'ila'.

Totsahuenni, taipanni, topo'notsola' lof'as xanuc', iħne no'onłcospola' to limanapola'.

Tijouħa' Cristo tepalc'o'i'mo'.

¹⁵ Toħpo'noħe cuenna, moluyalaicoyi lapajnya tolihuejle al c'a. Jounpa epi'impolhuo' loħpicuejma', aimoħ'e'moħtsi to lan mac'ta. ¹⁶ Īħna'a ħitiné ipime. ĵa'ni ti'i'ma tonħ'e'me al c'a, ne' tonħ'eħe. Aimoħ'huaico'me. ¹⁷ Aimonħ'e'moħtsi to lan tonno. Ti'ila' coħsina' te ts'ipic'a ħaħPoujna. Toħta'a tonħ'e'me.

¹⁸ Aimoħsnatsai'me vino. ĵa'ni toħsnatsaiyi timeyoħ'molhuo'. Tijouħa' tonħ'e'me nixpiya. Xonca tołapi'ihē lane cal Espiritu Santo ti'hua micuxelhuo' loħpicuejma'. ¹⁹ Toħta'a toħpalaic'o'moħtsi al c'a. Toħnes'me lan salmo, lan ħimno, lan alabanza. ĵiħpe ħolunxajma' tołunac'me, tołunac'co'me ħaħPoujna. ²⁰ Itine itine moħ'huaiyijnyi Jesucristo ħaħPoujna, ma moħnesyi iħque lipuftine, toħs'najtsi'ihē ŁanDios, iħque oħ'Ailli'. ĵa'ni ac'a lo'ipolhuo', ĵa'ni a'ijc'a, ma' anuli toħs'najtsi'ihē.

²¹ Imanc' toħcuec'eyi Cristo. Jouc'a toħcuec'etsoħtsi. ²² Imanc' unc'apenoye, anuli anuli tolihuejcoħe ħoħpe'ailli'. Toħta'a tolihuejco'me ħaħPoujna. ²³ Łaca'no' ħipe'ailli' tocomma to ijuac. Toħta'a cal xans ti'onłcospa to Cristo. Īllanc' nalafot'ħeponga' ŁanDios, Cristo aħjuac. Īħque alunħu'eponga' Īllanc' icuerpo. ²⁴ Toħiya lihuejcoyi, aħcuxenga'. Ma' anuli ħaħpimaye cacal'no', ticuicomma anuli anuli tihuejcoħa' ħipe'ailli'.

²⁵ Īllanc' nalafot'ħeponga' ŁanDios, Cristo aħ'eponga' capic'a. Ma' anuli imanc' cunc'ape'ailli', tonħ'etsola' capic'a loħpenoye. Cristo maħ'enga' capic'a icupoxi tima'anħe, i'najtsepa ħaħjunac'. ²⁶ Īpic'a aħ'e'etsonga' ma' i'ħuexi ŁanDios. Toħta'a latufc'eponga' ħaħpicuejma' iħe ħitine lalapo'icomponga' aja' maħ'eyi ħinca ħitaiqui' ŁanDios. ²⁷ Toħta'a aħanc'e'enga' ħaħpicuejma'. Ti'ila' pangay c'a. Ma to anuli cal xans tixoj'ma queta tepenuf'ma quipeno mipa'a ac'a lipicuejma', toħta'a lapenuftonga' Cristo, Īllanc' nalafot'ħeponga' ŁanDios.

Anuli cal ts'e cahuats', licuerpo jouc'a lipicuejma' ailopa'a qui'ic', aimi'ya minesconyacu. Toŧta'a aŧ'onŧcotonga', lapen-
uftonga'.

²⁸ Imanc' cunc'ape'aillí, ma to toŧsinyi acuanuc' loŧcuerpo, ma toŧta'a tonŧ'etsola' capic'a loŧpenoye. Toŧsintsola' acuanuc'la. Cal xans noximpa acuanuc' lipeno, ma' anuli tixinyoxi acuanuc'.

²⁹ Anuli cal xans, ¿te ja'ni ti'e'maj laic' licuerpo? A'i. Aimi'ya. Aŧtes'miyi laŧcuerpo, aŧ'eyi cuenna. Ma toŧta'a aŧ'enga' cuenna Cristo, illanc' nalafot'ŧeponga' ŬanDios. ³⁰ Illanc' icuerpo Cristo. Aŧ'onŧcosponga' to limane', li'mitsi', y tojua mipa'a laŧcuerpo. Anuli laŧpixic', laŧpecaŧ.

³¹ Toŧiya al Paxi Linihingiya tuya'e': Cal xans tipo'no'mola' quiŧtuca' qui'aillí' qui'máma', tejonŧi'moŧtsi anuli lipeno.

Ihe loquexi' ti'i'mola' ma' anuli, anuli al cuerpo.

³² Aŧinca acueca' ipime iŧe lataiqui'. A'i ma le'a anuli loya'apa. Ihe lataiqui' aŧnesconga' illanc' petŧi nalafot'ŧeponga' ŬanDios, illanc' icuerpo Cristo.

³³ Ŭinca iŧta'a laifxc'ai'ipolhuo' a'i quipime cataiqui'. Camilhuo': Imanc' jouc'a, anuli anuli, tonŧ'etsola' capic'a loŧpenoye. Ma to tonŧ'eyoŧsi cuenna imanc' coŧtuca', ma toŧta'a tonŧ'etsola' cuenna iŧniya. Imanc' cunc'apenoye, tolihuejcsotsola' loŧpe'aillí.

6

¹ Imanc' unc'a'uhuay, toŧcuc'etsola' loŧ'aillí. Ihe ac'a cataiqui'. Ma moŧ'huaiyijnyi laŧPoujna ipic'a tonŧ'eŧe toŧta'a. ²⁻³ ŬanDios ticuxe: "Taihuejco'mola' co'aillí', co'máma'. Totoc'i'mola'." Jouc'a icupa cataiqui' ticua: "Ja'ni to'eŧa' toŧta'a toyaico'ma al c'a. Ticoŧ'mo' axpe' camats' topajm'ma fa'a li'a ŧamats'." A'i'a tines'ma toŧta'a ŬanDios ailopa'a quicuapa: "Ja'ni to'eŧa' iŧe laifcuxe'epo' toyaico'ma al c'a". Ihe lataiqui' al te'a loya'apa toŧta'a.

⁴ Imanc' unc'a'aillí aimolapi'i'mola' coyac' loŧmaxque'. Toŧ'etsola' cuenna, toŧsc'ai'itsola', tolu'itsola' te ts'i'ic' al c'a lo'eyacu. Ja'ni a'ijc'a lo'epa, toŧtaletsola'. Toŧmi'moŧtsi: "LaŧPoujna, ¿te co'eya? O ¿te conesya iŧque?" Toŧta'a tonŧ'e'me.

⁵ Imanc' cunc'imozó, tolihuejcsotsola' loŧpoujnalá. Tama iŧne oŧ'as xanuc' aimoŧ'nof'e'moŧtsi. Tolahue'me latenŧcoyacola'. Aimoŧfel'mi'mola', toŧcuc'etsola'. Ma to moŧcuc'eyi Cristo, ma toŧta'a toŧcuc'e'mola' iŧniya loŧpoujnalá. Toŧmi'moŧtsi: "Ma cacuec'e iŧque laipoujna tocomma to cacuec'e Cristo".

⁶⁻⁷ Tama tipa'a loŧpoujnalá fa'a li'a ŧamats' imanc' imozó Cristo, tonŧ'eyi loxpíc'epa ŬanDios. Toŧiya aimoŧ'onŧico'moŧtsi to iŧniya lo'eyacu canic' ma le'a mehuelongila' iŧpoujna. Ihe tifellaiqueyi, aimi'eyi latenŧcocopa iŧpoujna. Imanc' jahuay loŧunxajma' tixojla' cunlata tonŧ'eŧe canic', tonŧ'eŧe latenŧcocoya laŧPoujna. ⁸ Imanc' joupa oŧsina' lo'iya. Petŧi no'epá al c'a,

ja'ni amozó o ja'ni apoujnalá, mañe al c'a, acueca' o ahuata, tepi'icona'mola' ña'Poujna.

⁹ Jounpa aixc'ai'ipola' lam mozó, ti'ña' li'ejma' to lo'ya li'ejma' lan c'a mozó. Ma' anuli laifxc'ai'ipolhuo' imanc' unc'apoujnalá. Camilhuo': Ti'ña' lo'ejma' to lo'ya li'ejma' lan c'a capoujnalá. Aimotjaic'ocona'mola', toñsnet'ñe. To'nujuaita ña'Poujna, ñque Nopa'a jñpe lema'a. ñque oñPoujna imanc' jouc'a ññiya. Tixinnilhuo' jahuay anuli, ja'ni amozó ja'ni apoujnalá.

¹⁰ Jahuay imanc' camilhuo': Tipangoña' itsiya aimitafqueconayacolhuo'. Jounpa epenufpolhuo' ña'Poujna, acueca' icueya limane ñque, acueca' lo'epa. ¹¹ To'onlicotsotsti to lan soldado, ññe lisoldado ñanDios. To'po'notsotsti lo'pa'necoyacotsti, ñe lapi'ipolhuo' ñanDios. Toña'a toñcuanajco'motsti, ñonta'a Satanás aimi'ya mulijyacolhuo'. Tama juaiconapa a'ijc'a lipicuejma', tama tehuay te co'e'eyacolhuo', aimi'ya mi'eyacolhuo'.

¹² Jñpe lema'a, xonca al 'ocay, timana' lixcay contahue. ññe icueya liñmane, ticuxeyi. Ticuxennila' lan tsila' quincuxepa nomana' fa'a li'a ñamats', ññe lincuxepá petsi amuf li'picuejma'. A'onñiyotsti cañxi ñontahue, a' ña'ñas xanuc'. ¹³ Toñya camilhuo': Tolapenufle jahuay lapi'ipolhuo' ñanDios, to'po'no'itsotsti. Ticuaitsi litine xonca ipime toñcuanajco'motsti. Aimulijconayacolhuo'. Tijouña' lafuleya ti'hua toñcuanajco'motsti.

¹⁴ Camilhuo': Ate'a to'po'no'itsotsti jahuay lapi'ipolhuo' ñanDios. Tolacaxoña'ñe, toñcuanajcotsotsti. To'po'no'itsotsti jahuay ñña'a laicuicomma cal soldado. ñque ipic'a tifi'ecoxoxi. ñe lohuocopoxi tepi'i lipujñxi. Imanc' loñespa al ñinca ti'onñcospa to loñhuocoyotsti, lapi'ipolhuo' loñpujñxi.

Jouc'a tipa'a licoraza. Ma' anuli imanc' tipa'a loñcoraza. ñe al liñca loñ'epa, tipa'ne loñunxajma'.

¹⁵ Tipa'a ñic'ejí, ti'huaña' o tecaxla' al c'a. Aimixcaiya, aimipaif'quia. Jouc'a imanc' tocomma to tipa'a al c'a loñc'ejí. Imanc' Lataiqui' lolapenufpa, ñe tuya'e': "Aimotñuel'mecona'me. ñanDios aimixtuc'oconayacolhuo'." ñe Lataiqui' jounpa ifa'epolhuo' loñpicuejma'. ñonta'a Satanás aimipaif'eyacolhuo'.

¹⁶ Jahuay ñña'a cal soldado tixhuico'ma. Jouc'a ticuicomma ti'noña' li'escudo, tipa'neco'moxi al c'a. Imanc' ñe loñhuaiyijmpa Jesucristo ti'onñcospa to coñescudo. Teca'nitsola' ñepof' loñajpola' lixcay conta'a Satanás, ñe loñescudo tipic'e'mola'. Tijouña' ailopa'a co'eyacolhuo'.

¹⁷ Jouc'a tipa'a licasco, lopa'necopa liñjac. Imanc' moñ'nujuaisyi tunñu'e'molhuo' Cristo tocomma to tipa'a loñcasco.

Jouc'a tipa'a loñespada. ñe Litaiqui' ñanDios, loñhuicopa cal Espíritu Santo.

18 Camilhuo': Tołta'a tolacaxolaile, tołcuanajcotsoltsi, ti'hua tołpalaic'ole ŁanDios. Ti'hua tołsa'huele titoc'itsolhuo'. Ja'ni tołuyalaicoyi al c'a o a'ijc'a loluyalaicopa, tołpalaic'ole ŁanDios. Tołmıle lomıpolhuo' cal Espıritu Santo. Tołpo'note cuenna. Aimıxojtolhuo', ti'hua tołpalaic'ole ŁanDios. Tołsahue'ele titoc'itsola' jahuay lołpımaye, ıhne jouc'a i'huexi ŁanDios.

19 Mołsa'hueyi tołta'a, tołsa'huele ŁanDios altoc'ıla' iya'. Lapi'ıla' laifnesya. Tołta'a ma cuya'e' aimalahue'eya lataiqui'. Tıxoj'ma neta cuhuałna'ma Lataiqui'. Lan xanuc' ti'ıla' quıłsina' te ts'i'ic' loya'apa ıle lemiya jıłpe Lataiqui'. 20 Iya' epaluc Jesucristo. Alummepa cuya'ala' ıle lataiqui'. Petsi aıquetenłcocola' ıle laifnuya'apa altats'ecopa. Tołıya alfi'ecompa atejma'. Cagua: Tołsahue'ele ŁanDios lapi'ıla' laifnesya. Tołta'a aıcaxınya calaic'ata. Ma to ts'ıpic'a ŁanDios, tołta'a capalaıla'.

21 Cagua: Ti'ıla' cołsina' jouc'a te ts'i'ic' iya' laifnuyaıcopa fa'a. Tołıya ti'hua'ma Tıquico. ııque łacaıpıma, ac'a ti'ay lanıc' lepi'ıpa łalPoujna, tu'ıtolhuo' jahuay łal'ıpa. 22 Cumme'ma tu'itsolhuo' te ts'i'ic' małmana'. Tıxpai'itsolhuo' cunlata.

23 ŁanDios cal'Aıllı', jouc'a łalPoujna Jesucristo tipac'e'etsola' lıłpicuejma' lapımaye nomana' jıłpiya. Titoc'itsola' ti'entsoltsi capıc'a, ti'hua ti'huaiyıjnle. 24 ıhne petsi aimıpai'ıyołtsi, ti'hua ti'eyı capıc'a łalPoujna Jesucristo, ŁanDios tipaxnetsola', titoc'itsola' jahuay ıhııya.

LIJE'E SAN PABLO LINIŁ'EPOLA' LAPIMAYE LEFOT'ŁEPOŁTSI LIŁYA' FILIPOS

¹ Illanc', iya' ninPablo y Timoteo, ał'eyi lipenic' łatPoujna Jesucristo. Itsiya linił'elhuo' imanc' unc'ałpimaye nołmana' liłya' Filipos. Imanc' i'huexi Jesucristo. Ma' anuli linił'ela' lołpimaye noxpijpá lataiqui' jilpiya, jouc'a lapimaye notoc'impola'.

² ŁanDios cał'Ailli', y Jesucristo łatPoujna, tipaxnetsolhuo', tipac'e'etsolhuo' lołpicuejma'.

³ Ma ca'nujuaitsilhuo' iya' ninPablo cax'najtsi'i ŁanDios.

⁴ Ma capalaic'o ŁanDios aicainimenc'ecolhuo'. Tixoqui neta ti'hua caxahue'e titoc'itsolhuo'.

⁵ Tixoqui neta ca'nujuaitsilhuo' imanc'. Ma colihuejyi Lataiqui' loya'apa loxpicepa ŁanDios tołejmaleyi al c'a. Tołta'a ipangopa lonł'epa male litine lolapenufpa Lataiqui'. Itsiya ma' anuli tonł'eyi.

⁶ ŁanDios joupa ipangopa tilanc'e'elhuo' imanc' lołpicuejma', ti'ila' ac'a. Iya' ca'huaiyinge ilque. Cacia: Ma ti'hua tilanc'e'elhuo' lołpicuejma'. Ticuaiconanni Jesucristo, ilē al Cueca' Quitine, ti'huájta joupa i'ipa nulemma ac'a lołpicuejma'.

⁷ Aixina' ałınca titoc'i'molhuo' tołta'a ŁanDios. Aicafel'miyoxi. Itine itine ca'nujuaitsilhuo'. Tocomma ałmana' anuli. Tama ałtats'iya ŁanDios ałtoc'i, ałtoc'i ma catalai'ejma Lataiqui', camuqui ma' al łınca ilē Lataiqui'. Ałtoc'inga' anuli, iya' imanc'.

⁸ ŁanDios ixina' te ts'i'ic' laipicuejma'. Ixina' ca'nujuaitsilhuo' juaiconapa. Ma to Jesucristo ti'elhuo' capic'a, ma tołta'a iya' ca'elhuo' capic'a.

⁹ Ma capalaic'o ŁanDios caxahue'e titoc'itsolhuo', itine itine ti'etsoltsi capic'a xonca, ti'ila' xonca acueca' lołpicuejma', xonca tołcuc'ele.

¹⁰ Tołta'a aimolapenufyacu jahuay ma' anuli. Ti'i'ma cołsina' petsi al c'a petsi a'ijc'a. Ja'ni tołta'a titoc'i'molhuo' ŁanDios a'i ma le'a monł'e'eyacołtsi, ałınca tonł'e'me pangay al c'a. Aimi'iya mitac'uinyacolhuo' cajunac'.

Tołta'a tixim'molhuo' litine ticuaicohuananni Jesucristo.

¹¹ Jilpe litine tołmuj'mołtsi ac'a lołpicuejma' lilanc'enapa Jesucristo. Tołmuj'mołtsi juaiconapa ac'a lonł'epa mołmana' fa'a li'a łamats'. Tixinim'me juaiconapa ac'a ŁanDios, tix'najtsi'i'me.

¹² Cunc'aipimaye, aipic'a ti'ila' cołsina' te ts'i'ic' li'ipa fa'a. Ma catelma ipammaita al c'a. Xonca axpela' lan xanuc' icuejpa Lataiqui'.

¹³ Jifa'a jahuay lisoldado cal cuecaj quincuxepa, jouc'a locuenaye xanuc', ilsina' te calfi'ecompa ilē cadena catejma'. Ihsina' iya' cuya'e' litaiqui' Jesucristo.

¹⁴ Jouc'a lapimaye nomana' fa'a liłya', ilne no'huaiyijmpá łatPoujna, lałsimpa iya'

afhi'ecompa acadena catejma', xonca axpela' ihniya ipo'no'me lihpiciejma', tuya'ayi Lataiqui'. Aiquilsina' caxpaiqui'.

¹⁵ Linca tilmana' nalixtuc'opa tuya'ayi Lataiqui'. Ihniya mane al'e'e laic'. Ipic'a lulijla'. Locuenaye a'i tohta'a li'ejma'. Ine tehueyi latencocopa. Ipic'a altoc'ila'. ¹⁶ Ine al'ay capic'a. Isina' ma LanDios lapi'ipa laimane cuya'ala' Lataiqui'. Limetsaijma tohta'a laipenic'. ¹⁷ Lalixtuc'opa ituca' ine li'ejma'. Ipic'a ti'e'etsotsi to xonca lan tsila'. Ine a'ij nuli lihpiciejma'. Aimi'eyi ma le'a lipenic' LanDios. Alsimpa afhi'ecompa acadena catejma', tehueyi te co'iyaya mi'eyacu ti'ila' xonca acueca' laiftecoya.

¹⁸ Itsiya, ¿te caifcuaya? Ja'ni ma le'a ti'e'eyotsi o ja'ni ma ti'eyi lipenic' LanDios, jahuay ihniya tipalaicoyi Cristo. Toliya iya' tixoqui neta. Linca aixahueh'mot'leconaya iya'. ¹⁹ Imanc' tohsahue'eyi LanDios altoc'ila', toliya itine itine caxingufi li'Espíritu Jesucristo, lapi'i caipujfxi. Toliya aixina' LanDios alpaxne'ma, alunlu'e'ma. Tama ti'i'ma la'e'nya ailopa'a cal'iyaya. ²⁰ Ma capa'a fa'a li'a lamats' aipic'a camuj'ma acuajmaica te ts'ic' lipiciejma' Cristo. Cacua: Lahuelojnla' iya' lai'ejma', timetsaicolle naitsi ilque Cristo. Linca, tohta'a li'ipa. Cacua: Ti'hua ti'ila'. Ca'huaiyinge LanDios, aixina' ti'i'ma tohta'a. Ja'ni ti'hua capajnla' o alma'anta', ma' anuli camuj'ma te ts'ic' Cristo lipiciejma'. Tohta'a aicataiya calaic'ata. ²¹ Ma caimaf'i' fa'a li'a lamats' ma le'a Cristo alcuxe laipepajnya. Ja'ni almalá', xonca al c'a cuyaico'ma.

²² Linca, ja'ni ti'hua capa'a fa'a li'a lamats' ca'e'ma al c'a xonca. Itsiya, ¿te caifcuaya? ²³ Caxhueh'ma, oque' laipiciejma'. Aipic'a ca'huanla', capajn-nata pe lopa'a Cristo. Jilpe cuyaicota xonca al c'a. ²⁴ Tama tohta'a laipic'a, aixina' xonca ticuicomma capajnla' fa'a li'a lamats'. Ma capa'a ti'i'ma catoc'i'molhuo' xonca imanc'. ²⁵ Ne', aixina' tohta'a ticuicomma. Toliya cacua: Capanenni fa'a li'a lamats'. Ti'hua al'e'me canic' anuli. Tohta'a xonca tixoj'ma cunlata molihuejyi Lataiqui', xonca tolcuec'e'me. ²⁶ Juaiconapa tixoj'ma cunlata lapenufta cacuaicontsi pe lohmana' imanc'. Tohs'najtsi'i'me Jesucristo.

²⁷ Ma capa'a fa'a ma le'a anuli lataiqui' caxc'ai'i'molhuo', camilhuo': Ti'ila' al c'a lo'ejma'. Toh'nujuaisle tolihuejyi Lataiqui', ile itaiqui' Jesucristo. Tijoula', ja'ni cacuaicontsi cahuejnconatsolhuo' jilpe, o ja'ni ti'hua fa'a caifpa'a, ti'i'ma caixina' imanc' aicolpai'i lohpiciejma', cal Espiritu Santo i'epolhuo' anuli, ma' anuli lohpiciejma'. Ti'i'ma caixina' tipa'a lohpujfxi, tohpa'necoyi Lataiqui', ile lataiqui' lo'huaiyijmpa. ²⁸ Ja'ni tohta'a lonh'epa, ine no'epolhuo' laic' aimi'iyaya mixpaic'eyacolhuo'. Ma mi'elhuo' laic' LanDios timuqui te ts'ic'

lo'iyacola' iñe. Jouc'a timuc'ilhuo' imanc' te lo'iyacolhuo'. Iñiya tecani'em'mola'. Imanc' tunhu'em'molhuo'.

²⁹ Añinca ÑanDios ipaxnepolhuo'. Toñta'a a'i ma le'a toñhuaiyijnyi Cristo, jouc'a toñtecoyi ma colihuequi ñque. Toñta'a toñsinyi añinca tunhu'e'molhuo'. ³⁰ Imanc' iya' añtecoyi. Capa'a jilpe añsimpa lañtecoya. Itsiya tama aimañsina toñcuejyi ma ti'hua cateñma.

2

¹ Cristo joupa lapenufponga', toñiya añsc'ai'inga', alixpi'inga' calata mañ'enga' capic'a. Cal Espñritu Santo añ'eponga' anuli lañpicuejma', añ'nujuaitsila' lañpimaye, añsinnila' acuanuc'la. ² Itsiya camilhuo': Ja'ni toñta'a loñpicuejma', imanc' aimolixtuc'o'moñsi, toñ'etsoñsi capic'a, ti'itsolhuo' anuli loñpicuejma'. Iya' toñiya lixoc'i'ma neta nulemma. ³ Aimolñpic'e'me monñ'e'me to loñpic'a. Aimolñcua'me: "Añsint'a' iya' xonca ninc'a xans". Toñ'oc'e'moñsi. Xonca toñcua'me: "Iya' ninaitsi, ñque lañpima xonca ac'a xans".

⁴ Tolahueñe te co'iya moñtoc'iyacoñsi. Aimolñcua'me: "¿Te co'iya catoc'iyacoxi iya' caituca'?" ⁵ Imanc' loñpicuejma' ti'ñta' to lipicuejma' Jesucristo. ⁶ Ai'a tipango'ma li'a ñamats', ma tipa'a Cristo. ñque i'Hua ÑanDios. ÑanDios qui'Ailli' ma' anuli liñsans. ñque Cristo aiquinesqui: "Iya' ma NanDios. Mañpe capanehuo'." ⁷ Ai' toñta'a licuapa. ñque i'oc'e'moxi, ipai'i'moxi liñans. I'e'e'moxi imozo ÑanDios, i'onñico'moxi to illanc' ninc'ixanuc'. ⁸ Limuj'moxi axans, xonca i'oc'e'moxi. Ti'hua tihuejcojma ÑanDios jahuary locuxe'epa. Aiquicuanajyoxi. Icu'moxi tima'anñe jilpe lancruz. Ie a'i al c'a camaya, toñta'a loma'acompol'a lixcay xanuc'. ⁹ Toñiya ÑanDios iñ'ac'e'ma xonca al toncay. Epi'i'ma nulemma lipuñtine. Acueca' ñe lañtine. Xonca acueca' o xonca ac'a lañtine ailopa'a. ¹⁰ Toñta'a lecu'i'ipa ÑanDios ticua: "Jahuary timetsaicote naitsi ñque Jesús. Iñe nomana' lema'a, ñne nomana' li'a ñamats', ñne nomana' joupa lemimpola' ñamats', ¹¹ jahuary tinesle: Jesucristo añinca añPoujna." Ti'ñta' toñta'a tixinim'me acueca' ÑanDios cañ'Ailli', tixinim'me acueca' ac'a lo'epa.

¹² Cristo añinca ihuejco'ma ÑanDios. Imanc', cunc'aipimaye, jouc'a toñihuejco'me. Ti'hua toñihuejco'me. Toñiya ÑanDios tunhu'e'molhuo'. Tonñ'etsoñsi cuenna, acueca' toñspaic'ete ÑanDios. Ti'ñta' toñta'a ma mañmana' anuli, jouc'a tama ailaifpa'a jilpe, tonñ'ete ñiya. ¹³ Ñinca, imanc' coñtuca' aimi'iya molihuejcoyacu ÑanDios. Mañque ÑanDios tilanc'e loñpicuejma', timuc'i'molhuo' te ts'i'ic' latentñococoya, tepi'i'molhuo' loñpuñfxi tonñ'ete toñta'a.

¹⁴ Ja'ni ticuxe'entsolhuo', timitsolhuo': "Tonñ'ete", tonñ'ete nulemma tixojla' cunlata. Aimolixtulecu, aimolñfuleco'me

cataiqui'. Aimoŧtalai'ot'ŧe'me. Aimoŧcua'me: “¿Te caif'ecoya toŧta'a?”

¹⁵ Ja'ni tolihuejle iŧe laimipolhuo' ti'i'ma ma le'a ac'a lonŧ'ejma', aimi'iyá micufquinyacolhuo'. Toŧmuj'moŧtsi imanc' inaxque' LanDios. Aimi'onŧcoyacolhuo' loŧ'as xanuc', iŧne a'ij lija lo'epa, eteŧquemma liŧpicuejma'. Xonca ti'onŧcotolhuo' to lan xamna. Mi'i'ma lipuqui' iŧiya tulif'eyi pu'hua lema'a. ¹⁶ Toŧta'a lo'onŧcospolhuo' moluya'ayi, molu'iyaleyí Lataiqui'. Iŧe Lataiqui' tuya'e' te ts'i'ic' mulijyacu liŧpitine aimijouya. Ja'ni ti'iŧa' toŧta'a loŧ'ejma', tixoj'ma neta capalaico'molhuo' al c'a iŧe litine ticuaiconanni Cristo. Jiŧpe litine caxim'ma aŧinca ipammaita laipenic', laiteŧcopa.

¹⁷ Fa'a li'a ŧamats' ma ca'ay lipenic' LanDios tipa'a laifŧufcoya. Iŧe laifŧufcoya imanc' nolapenufpá Lataiqui' lainuya'apa jiŧpe. Cami LanDios: “Toxiŧa', iŧna'a oxanuc”.

Ja'ni ticuicomma catsufcoxoxi jouc'a, ja'ni ticuicomma aŧma'anŧa', ne', toŧta'a ti'iŧa'. Ma mixcuajaiquemma laijuats' cax'najtsi'i'ma LanDios, ca'nujuaistolhuo' imanc' lolapenufpa Lataiqui'. Cami'molhuo': Ac'a iŧe lonŧ'epa. ¹⁸ Imanc' jouc'a toŧs'najtsi'i'me LanDios, ma' anuli aŧs'najtsi'i'me.

¹⁹ Itsiya ma ca'huaizinge ŧaŧPoujna Jesús, cacua: “Lapi'i'ma lane cumme'ma Timoteo”. Aimicoŧ'ma ti'huaŧa' pe loŧmana'. Iŧque ticuainanni fa'a alu'i'ma te ts'i'ic' moŧmana'. Toŧta'a aicaxhueŧmot'ŧeconaya, tixpi'i'ma neta. ²⁰ Jifa'a ailopa'a cocuena capima lo'onŧcoya to Timoteo. Iŧque ŧinca ti'nujuaitsilhuo'. Ipic'a tuluyalaŧe al c'a jahuay imanc'. ²¹ Locuenaye nomana' fa'a, ituca' iŧne liŧpicuejma'. Xonca ti'nujuaisyoŧtsi iŧne quiŧtuca'. Aimi'nujuaisyi Jesucristo lipenic'. ²² Imanc' joupa olimetsaijma Timoteo. Iŧque joupa imujpoxi te ts'i'ic' li'ejma'. Iya' ma to i'ailli', iŧque to ai'hua, aŧejmalepa. Aŧ'epá canic' anuli, aluya'apá Lataiqui'. ²³ Toŧiya cumme'ma Timoteo. Cacua: Ate'a ca'huaico'ma caxim'ma te ts'i'ic' laifnuyaicoya fa'a. Ti-jouŧa' ti'hua'ma iŧque.

²⁴ Tama camilhuo': “Aimicoŧya cumme'ma Timoteo”, ca'huaizinge LanDios lapi'i'ma lane iya' jouc'a ca'hua'ma jiŧpe pe loŧmana'. ²⁵ Itsiya cummena'ma Epafrodito, ti'huanŧa' jiŧpe. Illanc' aŧinca ninc'apimaye. Ma' anuli aŧ'eyi lanic'. Illanc' aŧ'onŧcosponga' to isoldado Cristo. Illanc' aŧfuli'iyi lixcay. Iŧque Epafrodito loŧapaluc, olummepá fa'a aŧtoc'iŧa', lapi'iŧa' lalahue'epa. ²⁶ Iŧque juaiconapa ti'nujuaitsilhuo'. Ipic'a tixintsolhuo'. Tixhueŧmot'ŧe. Ixina' joupa imimpolhuo': “Extafpa loŧpima Epafrodito”. ²⁷ Linca extafpa. Coŧa' tima'ma. LanDios ixim'ma acuanuc', aikuimac'. A'i ma le'a iŧque ixim'ma acuanuc' LanDios, jouc'a aŧ'nujuaitsi iya'. Aŧsimpa cateŧma fa'a, toŧiya aŧtoc'ipa. Ticua: “Aimixhueŧmot'ŧeconama Pablo”.

28 Epafrodito ticuaitsi jilpe tołsinnatsołtsi imanc' tixojnata cunlata. Iya' jouc'a a'ij tine caxhuełmot'leconaya. Tołiya xonca aipic'a cummena'ma. Cacua: Aimicoł'ma. Ti'huanla'.

29 Camilhuo': Tolapenufnałe ixojma cata. Iłque jouc'a ołpima. Ma' anuli toł'huaiyijnyi lałPoujna Cristo. Tolimet-saicole. Jouc'a tolimetsaicotsola' jahuay ilne no'onłcospola' to Epafrodito. 30 Iłque coła' tima'ma. Aiquixina' acuanuc' lipitine, ałtoc'ipa. Imanc' lumme'epa caitomi. Imanc' aiqui'ic' cunłouya. Tołiya Epafrodito ticua: "Iya caituca' catoc'i'ma laipima Pablo".

3

1 Cunc'aipimaye, itsiya ti'hua ticula'a'ma ilne cołje'e. Camilhuo': Toł'nujuaisle lałPoujna li'epa. Tołta'a tolıxoc'i'mołtsi cunlata. Ma caxc'ai'ilhuo' tołta'a iya' aicaixina' juisquitine. Imanc' ja'ni tolıhuejle ilne laitaiqui' aimimenajyacolhuo'. 2 Caxc'ai'ilhuo': Tołpo'nołe cuenna lixcay xanuc', ilne no'onłcospola' to lan xujc'a quinnejja. Ticuxe'enai'ilhuo' tolısuac'etsołtsi. Tu'ilhuo': "Toł'etsołtsi circuncidar, tołta'a tepenuf'molhuo' LanDios". Camiconamolhuo': Tołpo'nołe cuenna ilniya. 3 Li'Espíritu LanDios ałmuc'inga' te ts'i'ic' malihuejyacu. Tixoqui calata ał'nujuaisyi li'epa Cristo. Aimal'nujuaisyi ja'ni latec'emponga' lałpixic' o a'i. LanDios joupa lapenufponga', ałsinninga' ixanuc'.

4 Iya' linca nipajnya canesla': "Joupa latec'empa laipixic'. Ał'empa circuncidar." Ilne pe nocuapá tołta'a ti'huaiyijnyi ilne li'empola' jilpe liłpixic'. Ne', iya' nipajnya culij'mola'. 5 Iya' laipajntsi lixhuaitsi apaico quitine ał'enghuo'ma circuncidar. Laitatahueló ixanuc' Israel. Benjamín i'hua Israel itatahuelo ilniya. Lai'aillí a'hebreo, tipalaiyi liłtaiqui' a'hebreo, iya' jouc'a nin'hebreo. Ma to quilihuequi licuxepa Moisés ilne lan xanuc' fariseo, iya' jouc'a nihuejpa ilne laitaiqui', jouc'a ninfariseo. 6 Iya' acueca' aijanaj'ma ca'ela' lipenic' LanDios, tołiya aiteł'mi'mola' lan xanuc' lefot'lepola' LanDios. Jahuay locuxepa litaiqui' Moisés ainihuequi, jilpe ailopa'a caijunac'. 7 Tołta'a aiximpoxi ninc'a xans. Cacua: "Iya' canant'hi. LanDios lapenufi." Lijoupa lainimetsaicopa Cristo aiximpa aimalłtoc'iya ni anuli laif'huaiyijmpa. Aixpic'epa nimenc'ecopa jahuay iliya. 8 Ma' anuli itsiya, ti'hua quimenc'ejma, ti'hua caxina aimalłtoc'iya ni anuli iliya. Aimí'iya mi'onłicoya to al cueca' al c'a lał'ipa, lainimetsaicopa Cristo. Lainihuejpa ilque nejac'epa jahuay. Iya' cacua: Tejac'la' nulemma. Iliya li'ipa lalatenłcocopa, itsiya caxina to cal cueca' quifuc. Ma le'a aipic'a ałejmale'me Cristo, ilque aiPoujna. 9 Cacua: "Ałsintla' LanDios joupa lapenufpa Cristo". Aicanesconaya: "Iya' ninc'a

xans, canant'li locuxepa ÆanDios, toŧta'a limetsaico'ma". A'i. Xonca cacua: Aŧsinta' ÆanDios ca'huaiyinge Cristo, toŧta'a limetsaico'ma, lapenuf'ma to ailopa'a caijunac'. ¹⁰ Cacua: Quimet-saicoŧa' xonca te ts'i'ic' Cristo lipicuejma'. Caxingufcoŧa' fa'a laicuerpo al cueca' li'ipa iŧe litine limaf'i'inapa ÆanDios, lipa'anapa pe lomana' limanapola'. Jouc'a caxingufcoŧa' te ts'i'ic' liteŧcopa Cristo. Ma cateŧma iya' cacua: Lai'ejma' ti'iŧa' to li'ejma' Cristo mima jiŧpe lancruz. ¹¹ Cacua: Cateŧcoŧa'. Litine timaf'inŧe, titsolinanca limanapola', lapi'inŧa' laipitine aimijouya.

¹² Linca, iŧe laifpalaicopa aiqenanŧi. Aicaixingufi jahuay iŧta'a. A'i quixhueya nulemma laipicuejma', lahue'e'. Mane ti'hua quipa'e laipujfxi. Cristo joupa ixpic'epa ti'iŧa' toŧta'a laipicuejma'. Toŧta'a lahuepa. Icuai'ma pe laifpa'a. Alulijpa. Iya' cacua: "Ne', ti'iŧa' iŧe lixp'ic'epa Cristo".

¹³ Maicunc'aipimaye, iya' aicacua: "Joupa i'ipa". Ma le'a cahuy ti'iŧa'. Aica'nujuaitsi luyaipa li'ipa. Ma capa'a fa'a li'a ŧamats' ca'onŧicoyoxi to cal xans nainupa lane. Iya' ma quinu ca'nujuaitsi lopa'a jiŧpe lema'a. Ca'nujuaitsi la'iya tijouŧa' laininupa. ¹⁴ Quipa'e laipujfxi, cacua: "Cacula'aŧa'. Cajou'ne'ma laipenic', iŧe lalapi'ipa ÆanDios Nopa'a lema'a." Litine lai'huaiyijmpa Jesucristo, ÆanDios aŧjoc'ipa ca'eŧa' iŧe lanic'. Cajou'neŧa', lapi'ita iŧe laifnulijya.

¹⁵ Imanc' iya' ja'ni ÆanDios joupa lapi'iponga' laŧpicuejma', ja'ni joupa aŧcuc'epá, aŧspic'ete ti'iŧa' toŧta'a laŧpicuejma', laŧ'ejma', to joupa laimipolhuo'. Imanc' petsi ituca' loŧpicuejma', ma ÆanDios timuc'i'molhuo' te ts'i'ic' al c'a lon'eyacu, ma to lijoupa lainu'ipolhuo' jiŧpe laipalaicopoxi iya' lai'ejma'. ¹⁶ Ma le'a cacua: "Ja'ni joupa aŧcuc'eyi, ma toŧta'a aŧ'ete".

¹⁷ Cunc'aipimaye, jahuay imanc' toŧspic'ete nulemma lihuejla' iya'. Iya' quihuequi Cristo. Oŧsina' laŧ'ejma' illanc', iya' y laif'as lin'epá canic'. Tolahuelojntsola' iŧne no'epá toŧta'a. Tolihuejtsola'. ¹⁸ Joupa axpe' ainu'ipolhuo' timana' petsi ituca' liŧ'ejma'. Itsiya capalaicocona'mola'. Ma ca'nujuaitsila' iŧniya cajoqui. Iŧne muyalaicoyi lapajnya aimi'nujuaisyi Cristo liteŧcopa jiŧpe lancruz. Tocomma ti'eyi laic' lencruz. ¹⁹ Iŧne aimunŧulyacu, tecani'mola' nulemma. Aimihuejcoyi ÆanDios, mane tihuejcoyi liŧcu'u lojanajpa. Aquisina' calaic'ata iŧe liŧ'ejma'. Xonca tixoqui quileta tuyalaicoyi toŧta'a. Ma le'a ti'nujuaisyi lopa'a fa'a li'a ŧamats'.

²⁰ Illanc' ituca' laŧ'ejma'. Aŧ'nujuaisyi laŧpiŧya' lopa'a lema'a. Jiŧpe ti'huayohuo Nalunŧu'eyaconga', iŧque Jesucristo. Aŧ'huaicoyi ticuaiyunni. ²¹ Aŧpai'i'monga' illanc' laŧcuerpo. Maŧmana' fa'a li'a ŧamats' aŧteŧcoyi jouc'a laŧcuerpo. Cristo,

Nopa'a lema'a, iłque licuerpo i'ipa ituca'. Tołta'a timujyoxi acueca' icueya limane lepi'ipa ŁanDios. Ti'hua limane ticuxeta' jahuay. Jahuay tixinguf'me iłta'a limane, tihuejco'me. Tołta'a ti'i'ma ałpai'i'monga', lałcuerpo ti'ila' to licuerpo iłque.

4

¹ Ma ca'nujuaitsi tołta'a lał'iyaconga', caxc'ai'iconalhuo'. Jounpa aimipolhuo' te ts'i'ic' monlihuejyacu lałPoujna Jesucristo. Itsiya camilhuo': Tołpo'note lołpicuejma' ti'ila' tołta'a lonlihuejyacu. Aınca ca'elhuo' capic'a, imanc' illanc' ninc'apimaye. Ca'nujuaitsilhuo' juaiconapa. Litine ticuaicoconanni lałPoujna ałmajnta anuli, ¿te xonca al c'a lalapi'iya ŁanDios? Ma' imanc' lixoc'i'ma neta.

² Cunc'aipimaye Evodia y Síntique, camilhuo': Imanc' unc'oquexi', ma' anuli lołPoujna. Itsiya caxa'huelhuo': Tonł'ele ma' anuli lołpicuejma'. ³ Jouc'a ima' macaipima, illanc' aınca ninc'apimaye, ał'epá canic' anuli. Itsiya camihuo': Totoc'itsola' iłne lałpimaye cacał'no'. Li'ipa capa'a jıłpe lołpiya' iłne lacał'no' ma' anuli ał'eyi canic', luya'ayi Lataiqui'. Jouc'a lałpima Clemente y locuenaye lałejmalepá ał'epá canic' jıłpe. İniya nałtoc'ipa liłpuftine inilingiya jıłpiya al je'e. İe al je'e inilingiya liłpuftine petsi nolijyacu liłpitine aimijouya.

⁴ Toł'nujuaisle lałPoujna li'epa. Tołta'a tolixoc'i'mołtsi cunlata. Camiconalhuo': Tolixoc'itsołtsi cunlata. ⁵ Tołsıntola' acuanuc'la jahuay loł'as xanuc'. Tołta'a tixinim'me ac'a lołpicuejma'. LałPoujna aimicołconaya, ticuaicoconno.

⁶ Aimołsuełmot'le'me ni anulemma. Ja'ni al c'a, ja'ni a'ijc'a lo'ipolhuo', tołsahue'ele ŁanDios titoc'itsolhuo'. Tołpalaic'ole, tolu'ile lahue'epolhuo', tołs'najtsi'ile. ⁷ Ja'ni tołta'a loł'ejma' ma moł'huaijinyi Jesucristo, ŁanDios tipac'e'e'molhuo' lołpicuejma'. Aimołsuełmot'leconayacu. Tołta'a aimi'iya małpac'eyaconga' lałpicuejma' illanc' całtuca'. ŁanDios linca nipajnya.

⁸ Cunc'aipimaye, ai'a ticula'a'ma cołje'e caxc'ai'icona'molhuo', cu'ilhuo' te ts'i'ic' moł'nujuaisyacu: Jıłpe lołpicuejma' toł'nujuaisle lataiqui' ja'ni al linca, ja'ni aimilosma, ja'ni lonescopa al hijca, ja'ni pangay c'a, a'ij xujc'a, ja'ni latencocoya, ja'ni lonesconyacu al c'a. Toł'nujuaisle lataiqui' pe lonescopa al c'a lonł'eyacu, jouc'a lataiqui' petsi tixoc'i'molhuo' cunlata. Tołmi'me ŁanDios: "Ałs'najtsi'ihuo' ile lataiqui'". Ma iłniya lataiqui' toł'nujuaitsa.

⁹ Tołta'a aimuc'ipolhuo' małmana' anuli jıłpe. Jounpa ołsina' tołta'a lai'ejma'. Ma' anuli ołcuejpá laifnescopa, ałsimpa laif'epa. Imanc' jouc'a tolihuejle tołta'a. Ma toliya tołmajm'me anuli ŁanDios. İque tipac'e'e'molhuo' lołpicuejma'.

¹⁰ Iya' tixoqui neta cax'najtsi'i laPoujna. Cami: "Laipimaye nomana' liya' Filipos joupa altoc'iconapa". Linca aixina' imanc' li'ipa aicalimenc'ecojma, ma le'a aiqui'ic' caltoc'i. ¹¹ Iya' lainespa: "Altoc'iconapa", aicanescoyoxi nincuanuc'. Iya' ja'ni ac'a capa'a o ja'ni a'ijc'a, tixoqui neta cuyaijma lapajnya. Joupa nepenufpa tohta'a laipicuejma'. ¹² Ja'ni latets'i, ja'ni limetsaicojma, tixoqui neta cuyaijma. Joupa almuc'imp'a tixojco'ma neta ma caxnet'lqui jahuay. Ja'ni tuyaf'la' laifteja, ja'ni cunle'ela', ja'ni acueca' ai'hueca, ja'ni aicai'hueca, lahue'e', ma' anuli tixojco'ma neta. ¹³ Ma cainihuequi Nalapenufpa, nipajnya ca'e'ma jahuay. Maque Cristo lapi'i caipujfxi.

¹⁴ Tama tohta'a canescoyoxi, jouc'a camilhuo': Joupa onl'epá al c'a. Ihe lalumme'epa almuc'ipa imanc' al'nujuaitsi iya' laiftejcopa fa'a. Atsingufcoyi anuli. ¹⁵ Ca'nujuaitsi te ts'i'ic' lonl'e'me li'i'ma, ilne litiné lipangopa lolapenufpa Lataiqui'. Lainipayonni jilpe loptiya' ma capa'a lamats' Macedonia, ca'hua'ma ocuena camats', ma le'a imanc' unc'aipimaye nomana' jilpe liya' Filipos, alapi'ipa. Nepenuf'ma lalumme'epa imanc', ilhe altoc'ipa. Locuenaye lapimaye nafolyomma hileloya' aicaltoc'i. Tohta'a olsina'. ¹⁶ Aicuaitsi liya' Tesalónica, ma capa'a jilpe, imanc' alumme'epa lahtoc'iya. Tohta'a lonl'epa oquemma, a'i ma le'a anulemma.

¹⁷ Linca, ilhe laipalaicopolhuo' imanc' lahtoc'ipa aica'nujuaisyoxi iya' caituca'. Ca'nujuaitsilhuo' imanc'. Cacia: Ti'hua tuyaf'la' lo'epa al c'a ilne laipimaye. LanDios tixinnola' i'ipa pangay c'a liipicuejma'.

¹⁸ Joupa nepenufpa lalumme'epa imanc'. Epafrodito lapi'ipa. Itsiya aicalahue'e'. Ailopa'a caifxahue'econyacolhuo'. Aixina' xonca axpe' lai'hueca. Ihe lonl'epa etenlcocopa LanDios. Toco'ma joupa ohtsufcopá al c'a. ¹⁹ Linca, imanc' jouc'a aimehue'eyacolhuo'. LainenDios tepi'i'molhuo' jahuay. Ilque aimehue'e', ixhueya. Imanc' jouc'a ti'hua tixhuai'ni'molhuo', ti'onl'cotolhuo' to Jesucristo.

²⁰ Ats'najtsi'ite LanDios, ilque al'Ailli'. Ni Locuena Quitine aimijouya illanc' lahs'najtsi'ipa. Ti'hua limetsaico'me acueca' ilque, acueca' ac'a lo'epa. Amén. Tohta'a ti'ila'.

²¹ Tohtonsola' anuli anuli laipimaye nomana' jilpe. Ihe i'huexi LanDios. Ma' anuli al'huaijnyj Jesucristo. Tohtmitsola': "Pablo tinonilhuo'".

Lapimaye nomana' fa'a pe laifpa'a tinonilhuo'. ²² Jouc'a tinonilhuo' jahuay lapimaye nomana' fa'a liya' Roma, ilne i'huexi LanDios. Xonca ti'nujuaitsilhuo', tinonilhuo' lapimaye nomana' lejut'l cal cuecaj quincuxepa César.

²³ Jilpe lolunxajma' tolsingufle lotoc'ipolhuo' laPoujna Jesucristo.

LIJE'E SAN PABLO LINIŁ'EPOLA' LAPIMAYE LEFOT'ŁEPOŁTSI LIŁYA' COLOSAS

1-2 Iya' ninPablo, nin'apóstol, alummepa Jesucristo. Tołta'a ixcpic'epa ŁanDios. Illanc', iya' y łapıma Timoteo, alinił'elhuo' imanc' i'huexi Cristo nołmana' liłya' Colosas. Imanc' ałınca unc'apımaye.

ŁanDios cał'Ailli' tipaxnetsolhuo', titoc'itsolhuo', tipac'e'etsolhuo' lołpicuejma'.

3 Ałs'najtsi'iyi ŁanDios, iłque i'Ailli' łapıoujna Jesucristo. Małpalaic'oyi ma' ałnujuaitsilhuo' imanc'. 4 Tołta'a łapıanc'mecopa lałs'najtsi'ıpa ŁanDios iłe litine lałcuejpa imanc' toł'huaiyijnyi Jesucristo, jouc'a ałcuejpa tonı'ela' capic'a jahuay lapımaye, iłne jouc'a i'huexi ŁanDios. 5 Anuli toł'huaicoyi tepi'intsolhuo' iłe al c'a li'hueca ŁanDios jıłpe lema'a. Tołıya toł'eyołtsi capic'a. Imanc' joupa ołsina' tipa'a iłe al c'a lapi'ınyacolhuo'. Illanc' lu'ıpolhuo' mołquimf'eyi al Łınca Cataiqui', iłe Lataiqui' loya'apa al c'a lixcpic'epa ŁanDios. 6 İe Lataiqui' icuaita pe lołmana'. Ma' itsiya tipa'a jıłpe. A'i ma le'a pe lołmana' imanc', icuaita jouc'a ni petsi li'a łamats'. Ni petsi loya'ampa Lataiqui' ipammaita. Ti'hua tixpe'ela' lan xanuc' naihuejcopá. Al te'a quitine lołquimf'epa Lataiqui' tołta'a li'ıpa, ti'hua ti'i. Joupa i'ıpa cołsina' te ts'i'ic' loya'apa al Łınca Cataiqui'. İe Lataiqui' inescopa ŁanDios te ts'i'ic' mitoc'ılhuo', mipaxnelhuo' imanc' noł'huaiyijmpá. 7 Tołta'a limuc'ıpolhuo' łapıma Epafras. İłque, illanc' ał'eyi lanic' lalapi'imponga'. Ał'huaiyijnyi Epafras. Litine litsehuo'ma jıłpe illanc' lummpá. Ma' anuli lanic' lo'epa, iłe lalapi'ıponga' Cristo. 8 Małque Epafras lu'ıponga': "Lapımaye nomana' liłya' Colosas, ałınca epenufpá cal Espıritu Santo. Ti'eyi capic'a." 9 Lałcuejpa tołta'a ałpango'me ałsahue'e'me ŁanDios titoc'itsolhuo' xonca. Aıcałsojtonga'. Ti'hua ałsahue'eyi ŁanDios ti'ıla' acueca' lołpicuejma', tonı'ete ma latentıocoya cal Espıritu Santo. Tołta'a ti'i'ma cołsina' te ts'ıpic'a ŁanDios. Aımołnesyacu: "İe laif'epa, ¿ja'ni ac'a o a'ıjc'a?" Aımi'i'ma oque' lołpicuejma'. 10 Loł'ejma' ti'onıcota to li'ejma' łapıoujna mıpa'a fa'a li'a łamats'. Tołta'a tołuyalaıco'me. Tonı'e'me ma le'a latentıocoya ŁanDios. Tołmuj'mołtsi imanc' ixanuc' ŁanDios. Tonı'e'me al c'a. Imanc' joupa ołsina' te ts'i'ic' lipicuejma' ŁanDios, ti'hua tonlimetsaicoyi. Ti'hua ti'i'ma xonca acueca' iłe lołsina'. 11 Monı'eyi al c'a, ŁanDios titoc'i'molhuo', tepi'i'molhuo' cołpujfxi. İłque cal Cueca' CanDios juaiçonapa acueca'

lo'epa. Ti'e'e'molhuo' acueca' lolunxajma'. Tołta'a tołsnet'He lo'iyacolhuo'. Aimolixtuleyacu, tixoj'ma cunlata tołsnet'i'me. ¹² Tołs'najtsi'i'me ŁanDios, iłque i'Ailli' lałPoujna Jesucristo. Joupa ałanc'eponga' lałpicuejma'. Tołta'a anuli jahuay lapimaye, iłne i'huexi ŁanDios, ałtsuflaita jilpe petsi lopa'a pangay epalc'o'. Alapi'itonga' cal c'a lał'huexi.

¹³ Li'ipa, ma luyalaicoyi to iłniya pe amuf liłpicuejma', aiquepalc'o'innila'. Ma' anuli lałpincuxepa. Itsiya ituca' aluyalaicoyi. ŁanDios lunt'u'eponga'. Ocuena ałcuxenga'. Ałcuxenga' hi'Hua ŁanDios, iłque łetenłcocopa, ti'ay capic'a. ¹⁴ Małque hi'Hua ŁanDios ał'najcufponga' lałjunac'. Tołiya ŁanDios alimenc'e'ecoponga' lał'epa lixcay.

¹⁵ ŁanDios, iłque i'Ailli' Jesucristo, aici'huáqui. Aimi'iya mix-ininyacu. Li'hua timuqui te ts'i'ic' qui'Ailli'. Ai'a tilanc'e'ma ŁanDios lema'a, li'a łamats', lan xanuc', ma tipa'a hi'Hua. Tołiya ecui'ipa Cal Te'a. ¹⁶ Jahuay lixpice'epa ŁanDios tilajnla', hi'Hua ilanc'epa, jahuay lopa'a lema'a, jahuay lopa'a li'a łamats', ja'ni i'huáqui o aici'huáqui. Iłne petsi aici'huáquila', ja'ni lo'epa to lan rey, o lan tsila' capoujnalá, o lan tsila' quincuxepá, o ti'hua liłmane, ticuxeyi, jahuay iłniya petsi aici'huáquila' jouc'a petsi li'huáquila', hilanc'epola' hi'Hua ŁanDios. Małque iłPoujna jahuay. ¹⁷ Ai'a tilajm'ma jahuay iłna'a iłque tipa'a. Ti'hua limane aimetełqueya lema'a ni li'a łamats' ni lopa'a jilpiya. ¹⁸ Iłque copa'a ałjuac, illanc', nalafot'leponga' ŁanDios, icuerpo. Iłque itsahuenamma, ipanamma pe lomana' limanapola', aimimaconaya. Copa'a Cal Te'a hi'ipa tołta'a. Illanc' licuerpo ma' anuli lał'iyaconga', lapi'iponga' lałpitine aimijouya. Linca ailopa'a co'onłcospa. Iłque xonca cal Cueca', jahuay tuliqúi. ¹⁹ Ixhueya lipicuejma'. Tołta'a ŁanDios etenłcocopa. Ma' anuli liłpicuejma'. ²⁰ Li'ipa, ŁanDios icuaj'ma lilanc'epa. Tołta'a tocomma tifuli'iyotłsi, aimimana' anuli. Ixpice'epa tipac'ela' lafuleya tołiya ummecopa hi'Hua timayotłsi lancruz, tixcuajaitłsi lijuats'. Tołta'a ixanupa lataiqui', joupa iłjimpa. Ticuaihuo litine jahuay tetenłcoco'ma ŁanDios. Ja'ni lema'a ja'ni li'a łamats', ma' anuli tetenłcoco'ma ŁanDios.

²¹ Li'ipa, jouc'a imanc' aimonłejmaleyi ŁanDios. Jilpe lołpicuejma' onł'epaj laic' ŁanDios. Aicołcueca, onł'epá quixcay. ²² Itsiya a'i. Tonłejmaleyi ŁanDios. Tołta'a lołpicuejma' lepi'ipolhuo' imanc' pe noł'huaiyijmpá Jesucristo, iłque lima'ampa itełcopa jouc'a licuerpo, jilpe lipixic', lipecal. ŁanDios ixpic'epa tixinintsolhuo' ma le'a i'huexi iłque. Ixpice'epa tixinintsolhuo' joupa i'ipolhuo' pangay c'a lołpicuejma'. Tołta'a aimitac'uinyacolhuo' cajunac', ailopa'a. ŁanDios tepenuftolhuo' jilpe pe lopa'a.

23 Tołta'a lo'iyacolhuo' ja'ni ti'hua tonł'e'me linca Lataiqui', iłe loya'apa lixpıc'epa ŁanDios. Ticuicomma tołfate lołpicuejma'. Tołspıc'ełe tolıhuejle. Toł'huaicołe iłe al c'a lapi'iyacolhuo' ŁanDios. Lataiqui' lołcuejpa imanc' tinescojma maliya al c'a. Iłe Lataiqui' lołcuejpa joupa uya'ampa ni petsi li'a łamats'. Jouc'a iya' ninPablo cuya'e'. Tołta'a laipenic' lainepenufpa.

24 Itsiya tixoqui neta catełma. Ca'nujuaitsilhuo' imanc'. Cacia: Iłta'a laiftełcopa titoc'itsola' laipimaye xonca ti'huaiyijnle Cristo.

Illanc' nalafot'łeponga' ŁanDios icuerpo Cristo. Małtełcoyi jouc'a titełma Cristo. Ma tehue'e' iłe latełcoya. Małtełcoyi panca panca ałsuai'niyi iłe latełcoya. Tołta'a laif'epa itsiya ma caxingufcojma catełma jifa'a laicuerpo.

25 Iya' catoc'ila' lapimaye lefot'łepola' ŁanDios. Tołta'a lixpıc'epa iłque ŁanDios. Ma' iłque lapi'ipa laipenic' cuya'ała' Lataiqui' pe lołmana' imanc' a'i cunc'ijudío. Lummepa cu'itsolhuo' jahuay loya'apa litaiqui' ŁanDios. 26 Cuhuałque lipime cataiqui' loya'apa. Iłe li'ipa luyaipa axpe' camats' emiya lataiqui'. Lan xanuc' muyalaicoyi liłpepajnya aquilłsina' lemiya cataiqui'. Itsiya iłsina'. ŁanDios timuc'ila' lixanuc', iłne i'huexi. 27 ŁanDios joupa ixpic'epa ti'ıta' quılłsina' acueca' juaiconapa ac'a loya'apa, lo'eya, iłe lataiqui' li'ipa lemiya. Iłe Lataiqui' tinescolhuo' imanc' a'i cunc'ijudío. Imanc' li'ipa aicolimetsaijma ŁanDios. Itsiya Cristo tipa'a pe lołmana'. Iłque epi'ipolhuo' lołpicuejma'. Tołiya toł'huaicoyi tepenuftsolhuo' ŁanDios, tilaıtsufcotolhuo'.

28 Maluya'ayi Lataiqui' ałpalaicoyi Cristo. Jahuay lan xanuc' lu'ila' te ts'i'ic' mi'eyacu ja'ni tetenłcocola' ŁanDios lo'epa. ŁanDios ałłanc'e'eponga' lałpicuejma', tołta'a luhuałqueyi Lataiqui', ałmuc'ila'. Tijouła' ałmita ŁanDios: "Toxıntola' iłna'a lałpimaye, iłna'a lepenufpola' Cristo. Joupa i'ipa ixhueya liłpicuejma'. Ailopa'a mehue'ela'." 29 Tołiya ca'ay canic' juaiconapa. Joupa aipo'nopa laipicuejma', cacua: Tama catełma catoc'i'mola' laipimaye.

Cristo acueca' ałtoc'i. Lapi'i caıpujfxi. Caxingufi acueca' lo'epa iłque.

2

1 Iya' cacua: Ti'ıla' colłsina' iya' acueca' ca'nujuaitsilhuo' imanc'. Ma' anuli ca'nujuaitsila' lapimaye nomana' liłya' Laodicea, jouc'a jahuay locuenaye lapimaye petsi aicalimetsaijma. Acueca' quihuejnyoxi, caxahue'e ŁanDios titoc'itsolhuo'. 2 Caxa'hue: Tixpi'itsolhuo' cunlata. Tonł'etsolłsi capic'a. Tołta'a ti'i'ma ma' anuli lołpicuejma'. Aimolłsinyacolłsi to iłne lan cuanuc'la pe ailopa'a quıl'huexi. Tołsim'molłsi to iłne acueca' ts'ıł'hueca. Tołcuc'e'me litaiqui'

ŁanDios. Tolapejna'me nulemma lipime cataiqui' li'ipa emipa ŁanDios. ³ Jiłpe iŁe lipime cataiqui' aŁsinna'me jahuay al c'a juaiconapa. AŁsinna'me to jipu'hua acueca' lipitali. Ja'ni lahueyi ti'ila' xonca acueca' ac'a lałpicuejma', o lahueyi ti'ila' xonca caŁsina', jiłpe lataiqui' aŁsinna'me jahuay iŁna'a. Tocomma emiya. Lan xanuc' aimicuec'eyi.

⁴ Laifcuapa toŁta'a caxhueŁcocolhuo' imanc'. Cacia: Aga tifeł'mi'molhuo' iŁne petsi tocomma to ac'a lopalaipa, iŁne iŁsina' te ts'i'ic' mifeł'miyaleyacu. ⁵ Łinca tama aicapa'a jiłpe, tocomma aŁmana' nuli. Tocomma cahuelongilhuo'. Tixoqui neta caxinnilhuo' tolihuejcoyoŁtsi. ToŁmuji aŁinca toŁ'huaiyijnyi Jesucristo.

⁶ Joupa imuc'impolhuo' naitsi iŁque Jesucristo lałPoujna. ToŁta'a olapenufpa. Itsiya camilhuo': Ma' anuli ti'hua tolihuejco'me. ⁷ Imanc' lołpicuejma' joupa ifacaipa Cristo. Itsiya ti'hua toŁ'nujuaisle iŁque. ToŁta'a ti'hua toŁfa'e' moŁtsi lołpicuejma'. Xonca tolimetsaico'me ma' aŁinca lataiqui' limuc'impolhuo', maŁe lataiqui' lolapenufpa. Aimixojyacolhuo'. Juaiconapa ti'hua toŁs'najtsi'i'me ŁanDios.

⁸ Camilhuo': ToŁpo'noŁe cuenna. Ja'ni a'i aga tileco'molhuo' ocuenaj comxi. Tifeł'mim'molhuo'. IŁne no'epá toŁta'a tipalaiyi tocomma atsila' cataiqui', ma le'a tipa'ayi quilituca' liłpicuejma'. Tipalaicoyi liłtaiqui' lan xanuc'. Iłpic'a tolihuejle lił'ejma' lan xanuc' nomana' fa'a li'a łamats'. IŁe a'i litaiqui' Cristo.

⁹ Cacia: Cristo aimehue'e'. Ma' anDios i'epoxi xans. ŁanDios y Cristo ma' anuli liłpicuejma', ixhueya. ¹⁰ Imanc' joupa epenufpolhuo' Cristo, jouc'a aimehue'elhuo'. IŁne locuenaye lomxiye, ¿te xonca capi'iyacolhuo'? Ailopa'a capi'iyacolhuo'. Lan tsila' capaluc' quema'a tama acueca' icueya liłmane, acueca ticuxeyi, Cristo tuliquila' jahuay. Ticuxela' iŁniya.

¹¹ Aimicuicomma mi'enyacolhuo' circuncidar. Cristo joupa epenufpolhuo', toŁta'a tocomma joupa i'empolhuo' circuncidar. ŁanDios tepenuftolhuo'. Łinca ailopa'a quetec'elhuo' lan xanuc' lołpoxic'. Imanc' ituca' li'ipolhuo'. Joupa oŁpo'nopá lołpicuejma', olatec'opá loŁ'epa a'ijc'a, toŁcuanajyoŁtsi loxahue'epolhuo' loŁcuerpo, aimolihuejcoyi iŁta'a. Jahuay petsi lepenufpola' Cristo, ma' anuli li'ipola'.

¹² Lijoupa limapa Cristo emimpa. Imanc' lepo'impolhuo' tocomma emimpolhuo' jouc'a. Lijoupa lemimpa Cristo ipanamma pe lomana' limanapola'. Imanc' lolipalumma laja' tocomma olipalumma jouc'a pe lomana' limanapola'. Imanc' oŁ'huaiyijmpá ŁanDios, toŁcuayi: "Joupa imaf'i'inaŁa Cristo, ipa'anapa pe lomana' limanapola'"; toŁta'a jouc'a oŁmaf'i', tipa'a al ts'e loŁpitine. ¹³ Li'ipa, imanc' ti'onŁcospolhuo' to limanapola'. Joupa eŁac'epolhuo' iŁe loŁ'epa lixcay.

İhniya litiné ti'onłcospolhuo' to lan xanuc' pe ailopa'a quitseña. LanDios aiquimetsaicolhuo' ixanuc'. Mołmana' tołta'a LanDios imaf'i'ınapolhuo' anuli Cristo. Linca imanc' y illanc' limenc'e'ecoponga' jahuay lał'epa a'ijc'a. ¹⁴ Aicalihuequi locuxepa LanDios, ile lataiqui' linilijmpa. Tołiya ile lataiqui' ałcuxeconga', alacani'enga'. Itsiya aimաłcuxecoconayaconga'. LanDios joupա ilonc'epa, epաłts'ingimpa jilpe lancruz. ¹⁵ Tołta'a acuajmaica imuj'ma xonca acueca' Cristo. İlque ticuxela' lan tsila' lapaluc' quema'a, ilne no'huapa acueca' liłmane. Li'ipa, ihniya lapaluc' imuc'i'me te ts'i'ic' LanDios. Itsiya a'i, tihuejcoyi Cristo.

¹⁶ Tołiya aimոłsuelmot'le'me ihniya nocuapá: “Aimote'ma ilta'a, aimoxna'ma ihniya”. Ni aimոłsuelmot'le'me ilne locuxe'epolhuo'. İne ticuxe'elhuo' tonł'ete cuenna litiné, ti'ila' ajuic, ti'ila' cal ts'e mut'la o ti'ila' itine conxajya. ¹⁷ Jahuay ihna'a ti'onłcospa to lipunxahua cal xans. A'ij cuajmaica mimuqui te ts'i'ic' ile al c'a lapi'iyacola' LanDios lixanuc'. Itsiya joupա ałmuc'imponga' te ts'i'ic'. Ma' ilque Cristo cal C'a. İlque a'i cunxahua.

¹⁸ Aimolihuejco'mola' pe no'e'epołtsi to ninaitsi xanuc', ilne ti'oc'eyołtsi juaiconapa. İne naxc'onłngolai'pá lapaluc' quema'a. Ja'ni tolıhuele, imanc' aimolulijyacu al c'a, ile lapi'iyacola' lixanuc LanDios. Ma tołta'a ilpic'a ihniya. İne tihuejyi loximpa to al paiyo. Tixinyołtsi acueca' liłpicuejma', timuc'iyołtsi quiltuca'. Lataiqui' lomuc'iyalepa aiquimuc'ila' cal Espíritu Santo. ¹⁹ İne joupա enajpołtsi Cristo, ilque ałjuac, illanc' icuerpo.

Al cuerpo tama tipa'a limef'la licoyuntura tejonłinala' anuli, ticuicomma lijuac. Ja'ni a'i ailopa'a co'eya. Tołe illanc' licuerpo Cristo, ilque ałjuac ałtes'minga' illanc' icuerpo. Licuerpo ti'hua titoqui, ma to LanDios tixpic'e titojla'.

²⁰ İmanc' ja'ni joupա imapolhuo' anuli Cristo, ja'ni tipa'a ituca' lołpitine, ¿te qui'icopa loł'ejma' to lił'ejma' locuenaye xanuc' nomana' fa'a li'a lamats'? ¿Te coluyalaicopa tołta'a? İmanc' tocomma ailopa'a ile lołpitine. ¿Te colihuejcocopola' ilne locuxe'epolhuo'? ²¹ Tixc'ai'ilhuo': “¡Aimոł'noł'me ilta'a! ¡Aimոłte'me ilque! ¡Aimoliloc'olai'me moł—laf'me jilcu'hua!”

²² İhna'a lonescopa aimicołya. Ti'hua tijaf'quinghua. Locuaicoya quitine ailopa'a. İhna'a łataiqui' lan xanuc' tipa'ayi quiltuca' liłpicuejma'. A'i tołta'a locuxe'epolhuo' LanDios. ²³ Liłtaiqui' tocomma juaiconapa mixingufyi. Naihuejcopá ihna'a łataiqui' ilne quiltuca' tixpic'eyi texc'onłngolai'me juaiconapa, acueca' ti'oc'eyołtsi, acueca' titeł'miyołtsi liłcuerpo. Tołta'a aimi'eyi lipic'a LanDios. İlque ipic'a ał'e'mołtsi cuenna lałcuerpo, ałcuxe'mołtsi al c'a. Ja'ni tolıhuele'me ilta'a ituca'

cataiqui' ma le'a tonl'e'me lipic'a lołcuerpo, iŕe ticuxe'molhuo' lonl'eyacu.

3

¹ Imanc', ja'ni ŁanDios joupa imaf'i'inalpolhuo' anuli Cristo tolahueŕe lapi'inyacolhuo', iŕe lopa'a lema'a. Jiłpe tipa'a Cristo ticutsuya al c'a camane ŁanDios. ² Toł'nujuaisle lopa'a lema'a, a'i lopa'a fa'a li'a łamats'. ³ Imanc' mołmana' a'i to li'ipa. Joupa imapolhuo', i'ipa ats'e lołpitine. Jiłpe pe lopa'a ŁanDios tipa'a Cristo imaf'i'. Ma to iłque lipitine, tołta'a lołpitine. Linca itsiya aicolsina' nulemma te ts'i'ic' iŕe lołpitine. Tocomma emiya. ⁴ Małque Cristo alpitine. Litine timujxoxi Cristo, imanc' jouc'a jahuay lixanuc' tołmuj'mołtsi. Jiłpe litine ałinca tixinnim'me acuajmaica te ts'i'ic' iŕe lałpitine. Ałsim'monga' joupa i'epa pangay c'a lałpicuejma'. Al'onłcotonga' to Cristo.

⁵ Tołiya, ma mołmana' fa'a li'a łamats' toł'e'mołtsi cuenna. Ihiya lołcuerpo tołcuxeŕe. Tihuejcotsolhuo' lołmane', loł'mitsi', jahuay iŕe lołcuerpo. Camilhuo': Aimolahue'mola' cacal'no', aimoł'e'me al xujc'a, aimolahuelojm'mola' lacał'no' mołsuico'mola', aimołjanaj'me lixcay, aimoł'e'mołtsi to iłniya petsi aimicuayacu: "Joupa tipa'a". Iŕe ma ti'hua tehueyi xonca. Ja'ni tołta'a loł'ejma' ŁanDios ti'onłicolhuo' to iłniya naihuejpa locuenaye candiosla'. ⁶ Petsi tołta'a lił'ejma' ŁanDios tixtuc'ola', titeł'mila'.

⁷ Li'ipa ailopa'a al ts'e lołpitine, imanc' tonl'eyi tołna'a. Tołta'a tonluyalaicoyi lapajnya. ⁸ Itsiya tołpo'nołe lołpicuejma', aimonl'econa'me to li'ipa, aimolixtutsai'me, aimolixtule'me, aimolahue'me monl'e'mola' quixcay loł'as xanuc', aimołnesco'mola' a'ijc'a, aimołnesc'e'e'mola' cataiqui', aimi'i'ma tołta'a lołnesyacu.

⁹ Aimofel'mi'mołtsi. Imanc' aimi'iya moł'onłicoyacołtsi to li'ipa. Joupa ołpo'nopá lafane colpicuejma'. Ołpo'nopá li'ejma' iłiya. ¹⁰ Joupa ołspic'epá tolihuejle al ts'e lołpicuejma'. Ihiya lołpicuejma' ti'hua tilajmna'ma. Tijoułta' ti'onłcota to lipicuejma' ŁanDios. Iłque Nolanc'enapa al ts'e lołpicuejma'. Tołta'a iłiya lałpicuejma' aimehue'eya. ŁanDios lipicuejma' aimehue'e'. Tołta'a ti'i'ma illanc' lałpicuejma' aimalahue'eyacongá'.

¹¹ Iŕe petsi tipa'a al ts'e liłpicuejma', aiminesyacu: "Iya' ninjudío, iłque a'i. Iłque agriego, ninaitsi xans." Aiminesyacu: "Iya' joupa al'empa circuncidar, iłque a'i. Iłque ŁanDios aimepenufya." Aiminesyacu: "Iłque aiqumuxejma"; o "Iłque xonca atonno"; o "Iłque amozo, i'huexi lipoujna"; o "Iłque ailopa'a quipoujna, quituca' ticuxeyoxi". Iŕe petsi al ts'e liłpicuejma' tixim'mołtsi ma' anuli. Xonca ti'nujuaisyi Cristo, iłque łepenufola' jahuay iłniya ja'ni ti'huaiyijnyi.

12 Imanc' joupá i'huij'epolhuo' ŁanDios. Imanc' i'huexi iłque, ti'elhuo' capic'a. Tołiya tołsintsola' to acuanuc'la lołpimaye, tołpalaic'otsola' al c'a, aimoł'e'e'mołtsi tsila', aimoł'nof'e'e'mołtsi. Tołsnet'Łe lo'epolhuo'.
13 Aimolixtuc'o'mołtsi. Ja'ni a'ijc'a li'epolhuo', tolimenc'e'eco'mołtsi. ŁałPoujna joupá imenc'e'ecopolhuo' lonł'epa, ma' anuli tolimenc'e'eco'mołtsi.

14 Monł'eyi jahuay tołna'a jouc'a tonł'etsoltsi capic'a ma to mi'eyi lapimaye. Tołta'a lonł'epa al c'a tetenłcoco'ma ŁanDios. Ja'ni aimoł'eyacołtsi capic'a tixim'molhuo' to tehue'elhuo'.
15 ŁanDios ijoc'icopolhuo' tipac'e'etsolhuo' lołpicuejma' Cristo. Camilhuo': Tołmajncole tołta'a. Małta'a lipic'a ŁanDios. Ijoc'ipolhuo' ti'itsolhuo' to anuli cal xans. Ti'onłcotsolhuo' to anuli al cuerpo. Jouc'a tołs'najtsi'ile ŁanDios.

16 Anuli anuli toł'nujuaisle litaiqui' Jesucristo. Tolihuejle jahuay. Tołta'a tepi'im'molhuo' lołpicuejma' tołmuc'i'mołtsi. Tołsc'ai'itsołtsi ti'ila' ac'a lonł'eyacu. Tołpalaic'ocotsoltsi lan salmo, lan himno, lan alabanza. Imanc' tolapenufyi lotoc'ipolhuo' Cristo. Tołiya jilpe łolunxajma' tołunac'co'me ŁanDios. 17 Ja'ni tołpalaiyi, ja'ni tonł'eyi canic', jahuay lonł'epa, ma monł'eyi toł'nujuaisle łalPoujna Jesús lipuftine. Tołs'najtsi'ile ŁanDios cał'Ailli'. Iłque tepenufta lołs'najtsi'ipa, toł'huaiyijnyi Jesús.

18 Imanc' unc'apenoye, tolihuejcotsola' lołpe'aillí. Tołta'a ticuicomma lonł'eyacu imanc' noł'huaiyijmpá łalPoujna.
19 Imanc' unc'ape'aillí, tonł'etsola' capic'a lołpenoye. Aimołcuxenai'mola'. 20 Imanc' unc'a'uhuyay, tolihuejcotsola' loł'aillí. Tonł'ete jahuay loxc'ai'ipolhuo'. Tołta'a tetenłma, imanc' noł'huaiyijmpá łalPoujna.

21 Imanc' unc'a'aillí, aimołsc'ai'ot'li'mola' juaiconapa lołnaxque'. Ja'ni tołsc'ai'ot'łitsola' aimixnet'lyacu. Titafquecola'.
22 Imanc' unc'imozó tolihuejcotsola' jahuay loxc'ai'ipolhuo' lołpoujnalá nomana' fa'a li'a łamats'. Aimoł'onłico'mołtsi to lan xanuc' petsi oque' liłpicuejma'. Iłne ti'e'me canic' ma le'a mehuelongila' liłpoujna. Tijouł'a aimi'econayi. Tołspaic'ete ŁanDios. Tołta'a aimołfel'miyacola' lołpoujnalá.
23 Jahuay lonł'eyacu tixoj'ma cunlata tonł'ete. Toł'nujuaitsa ma molihuejcola' lołpoujnalá, iłne axanuc', xonca tolihuejcoyi łalPoujna. 24 Imanc' joupá ołsina' ti'najstetolhuo' łalPoujna. Iłque tepi'itolhuo' al liłca, tepi'itolhuo' coł'huexi. Imanc', ma Cristo ołPoujna, tolihuejcołe iłque. 25 Toł'nujuaitsa: Iłne pe no'epá a'ij liłca jouc'a tipa'a lapi'inyacola'. Ma to li'epa ma tołta'a tepi'innola' quiliłjunac'. ŁanDios tixinnila' ma' anuli jahuay. Iłne lapoujnalá, ja'ni a'ijc'a lo'epa, jouc'a tepi'innola' quiliłjunac'.

4

1 Imanc' unc'apoujnalá aimolatets'i'mola' lołmozó. Toł'etsotssi hijca loł'ejma'. Tołmujtsołtsi al c'a lołpicuejma'. Joupa ołsina', a'i ma le'a iłniya jouc'a imanc', tipa'a lołPoujna jilpe lema'a.

2 Jahuay imanc' ti'hua tołpalaic'ole ŁanDios, aimixojtolhuo'. Ti'hua tołs'najtsi'ile ŁanDios. 3 Ma mołpalaic'oyi ŁanDios tołsahue'e'me altoc'itsonga' illanc'. Lapi'itsonga' lane luya'ale Lataiqui' ile lopalaicopa Cristo. Linca luyaipa quitine li'ipa emiya, itsiya a'i. Małe lataiqui' caifnuya'apa iya'. Tołiya al'nołimpa, altats'iya fa'a. 4 Ja'ni ŁanDios lapi'itsonga' lane luya'ale, alinca ca'econa'ma ile laipenic'. Cu'iyale'ma ma' acuajmaica ile lataiqui'.

5 Ma mołmana' petsi ilne a'i capimaye, tołspic'ele al c'a te ts'i'ic' lonł'eyacu, lołpalaicoyacu. Itine itine tipa'a al c'a lonł'eyacu. Ne', tonł'ele tołta'a. 6 Ma mołpalaic'oyotssi toł'nujuaitsa łalPoujna litoc'ipolhuo', lipaxnepolhuo'. Ti'ila' lołtaiqui' ma latentłococoya lataiqui', a'i ninaitssi cataiqui'. Tołta'a ŁanDios tepi'i'molhuo' lołpicuejma', tołtalai'e'mola' jahuay.

7-8 Cumme'ma Tíquico. Ticuaitssi jilpe pe lołmana' ilque tu'itolhuo' te ts'i'ic' laifnuyaicopa. Ilque Tíquico acaipima. Aiquenajyoxi, ti'hua ti'ay lanic'. Ma' anuli al'eyi lipenic' łalPoujna.

Cacua: Cumme'ma ti'ila' quixina' te ts'i'ic' mołmana'. Tixpi'itsolhuo' cunlata. 9 Tíquico tiyejmale'me Onésimo. Juaiconapa al'huaiyijnyi ilque łacalpima. Ilque ołpitya' xans. Ilne tu'itolhuo' jahuay loł'ipa fa'a.

10 Tinonilhuo' Aristarco, iya' ilque altats'emponga' anuli. Tinonilhuo' Marcos. Ilque ipepo Bernabé. Ołsina' te ts'i'ic' lołpalaic'ocoyacu Marcos. Joupa u'impolhuo'. Ja'ni ticuaitssi jilpiya tołapenufle. 11 Tinonilhuo' Jesús, ilque łacui'impá Justo. Pesti lan xanuc' judío no'huaiyijmpá Cristo, ma le'a iłniya lałejmale. Małejmaleyi al'eyi canic'. Luya'ayi te ts'i'ic' mitsuflaiyacu pe locuxeyopa ŁanDios. Ilne lixpi'ipa neta.

12 Tinonilhuo' Epafras, ilque ołpitya' xans, imozo Cristo. Acueca' ti'nujuaitsilhuo'. Tocomma joupa tipanno łunxajma'. Itine itine tixahue'e ŁanDios titoc'itsolhuo', tixhuai'nitsolhuo' lołpicuejma'. Aimolpai'imołtsi. Itine itine ti'ila' cołsina' te ts'i'ic' lipic'a ŁanDios, ti'hua tonł'e'me tołta'a. 13 Nimetsaijma Epafras li'ejma'. Aixina' acueca' titeł'miyoxi, titoc'itsolhuo' imanc' nołmana' jilpe liłya' Colosas. Ma' anuli ti'nujuaitsila' lapimaye nomana' liłya' Laodicea, jouc'a nomana' liłya' Hierápolis.

14 Tinonilhuo' Lucas łacalpima, ilque lin'ehuale cafxi. Jouc'a Demas tinonilhuo'.

15 Lapimaye nomana' liłya' Laodicea, ilne Ninfa y lapimaye nafot'łepołtsi lejutł, iłniya tołmitsola': "Pablo tinonilhuo'".

¹⁶ Ita'a colje'e tołsuef'itsola' lapimaye. Tijouła' toluyai'ele pu'hua Laodicea. Jouc'a tixhuef'quintsa mefot'leyołtsi lapimaye. Ie liłje'e lapimaye nomana' Laodicea, tolahuetsa tołsuef'itsola' lapimaye mefot'leyołtsi jilpe Colosas.

¹⁷ Tołpalaic'otsa Arquipo. Tołsc'ai'itsa, tołmitsa: “ŁałPoujna joupa epi'ipo' lopenic'. Ti'hua to'eła' ile lanic'. Topo'noła' lopticuejma' tanant'łiła'.”

¹⁸ Iya' ninPablo canonilhuo'. Tołta'a ma laimane quiniki fa'a: “NinPablo”. Aimalimenc'eco'ma. Al'nujuaisla' alfi'iya fa'a.

Titoc'itsolhuo', tipaxnetsolhuo' ŁanDios.

LIJE'E SAN PABLO AL TE'A LINIĒ'EPOLA' LAPIMAYE LEFOT'ĒPOĻTSI LIĒYA' TESALÓNICA

¹ Illanc' ninPablo, Silvano y Timoteo alini'elhuo' imanc' unc'alpimaye nolafot'ĒpoĻtsi liĒya' Tesalónica. Imanc' iĵxanuc' ca'Ailli' LanDios y ĩaĴPoujna Jesucristo. Iĵniya joupā epenufpolhuo'.

Titoc'itsolhuo' LanDios, tipaxnetsolhuo'. Tipac'e'etsolhuo' loĴpicuejma'.

² Itine itine ma maĴ'nujuaitsilhuo' aĴs'najtsi'iyi LanDios. MaĴpalaic'oyi aĴnescolhuo' jahuay imanc'. ³ AĴ'nujuaitsilhuo' te ts'i'ic' loĴ'ejma'. Ma moĴ'huaiyijnyi LanDios tonĴ'eyi al c'a. Ma monĴ'ela' capic'a lapimaye toĴtoc'ila'. ToĴsnet'Ĵyi jahuay lo'ipolhuo'. ToĴta'a lonĴ'epa ma coĴ'huaijma ticuaiconanni ĩaĴPoujna Jesucristo.

⁴ Unc'alpimaye, aĴsina' LanDios i'huif'epolhuo', ti'elhuo' capic'a. ToĴiya aĴ'nujuaitsilhuo' ma maĴpalaic'oyi LanDios. ⁵ Litine laluya'ahuo'me jĴĴpe Lataiqui', iĴe loya'apa al c'a lixp'ic'epa LanDios, imanc' aĴquimf'eponga' a'i ma le'a illanc' laĴtaiqui', jouc'a oĴsingufco'me lipepaxi cal EspĴritu Santo. Ma maluya'ayi Lataiqui' acueca' aĴ'huaiyijnyi LanDios. ToĴta'a oĴsina'. OĴsina' te ts'i'ic' laĴpicuejma'. OĴsina' ma LanDios lapi'iponga' laĴpenic' aĴtoc'itsolhuo' imanc'.

⁶ Lijoupa lolapenufpa Lataiqui', ma moĴteĴcoyi juaiconapa, ixoc'i'molhuo' cunlata cal EspĴritu Santo. Tixoqui cunlata tolihuejyi LanDios. ToĴta'a aĴ'onĴcosponga' to illanc', jouc'a ti'onĴcospolhuo' to ĩaĴPoujna Jesucristo. ⁷ Lapimaye nomana' jĴĴpiya ĩamats' Macedonia, jouc'a nomana' ĩamats' Acaya, jahuay iĵniya ixim'molhuo' ac'a loĴ'ejma'. ToĴta'a oĴmuc'ipola' te ts'i'ic' lo'eyacu lan xanuc' ja'ni ti'huaiyijnyi Jesucristo.

⁸ Imanc' jĴĴpe liĒya' Tesalónica ate'a olapenufpa Lataiqui', lijou'ma maĴe Lataiqui' icuaitsi locuenaye ĩleloĴya' lopa'a ĩamats' Macedonia jouc'a ĩamats' Acaya. A'i ma le'a ĩamats' Macedonia jouc'a ĩamats' Acaya icuaitsi Lataiqui'. Ni petsi lomana' lan xanuc' i'i'ma quĴsina' imanc' toĴ'huaiyijnyi LanDios. Ailopa'a calu'iyacola' toĴta'a.

⁹ MaĴne lan xanuc' lu'inga' li'ipolhuo' iĵniya ĩitiné laĴtsehuo'me loĴpiĴya' Tesalónica. AĴminga': "Lan xanuc' nomana' Tesalónica epenufpolhuo'. Ipa'i'moĴtsi ĩiĴpicuejma'. Eca'nipá ĩilendiosla' tiĴhuejcoyi LanDios. Itsiya ti'eyi ĩipenic' LanDios. IĴque ma' aĴinca anDios. IĴque a'i quĴmac', ma' ĩmaf'i'." ¹⁰ Itsiya toĴ'huaicoyi ticuaicoconno ĩi'Hua LanDios Nopa'a lema'a. LanDios joupā

imaf'i'ina, ipa'anapa pe lomana' limanapola'. Litine ÑanDios timuc'itsola' lan xanuc' lipoyac' aimatfel'miyaconga'. Li'Hua atcuanajco'monga'.

2

¹ Cunc'atpimaye, imanc' ołsina' te ts'i'ic' li'ipa małmana' jilpe. Linca Lataiqui' laluya'apa i'epa canic'. ² Małmana' liya' Filipos atelcopá juaiconapa, amiloquinghuo'monga' cataiqui'. Joupa ołsina' tołta'a laluyalaicopa. Lałcuaita lołpitya' aicalsina' caxpaiqui', tama ixtuleconanca jilpe. Ma maluya'ayi litaiqui' ÑanDios ał'huaiyijnyi. Ite Lataiqui' tuya'e' ihe al c'a lixpicepa ÑanDios. ³ Illanc' a'i oque' lałpicuejma'. Ał'eyi ma le'a lipenic' ÑanDios. Lu'ilhuo' Lataiqui'. Aimalu'ilhuo' ocuena cataiqui'. Aimałfel'milhuo'. ⁴ Ma ÑanDios joupa lapi'iponga' ihe lałpenic'. Ał'huaiyijmponga' luya'ale Lataiqui', toliya luya'ayi Lataiqui'. Lahueyi tetentcocola' ÑanDios. Aimalahueyi te co'ya metentcocoayacola' lan xanuc'. Małque ÑanDios tixina te ts'i'ic' lałpicuejma'. ⁵ Aimalahueyi caltomí cola' lapi'itsonga'. Tołta'a aicalapahuilhuo'. ÑanDios ixina' a'i tołta'a lał'ejma'. ⁶ Jouc'a aimahesy: "Nomana' Tesalónica jouc'a locuenaye lan xanuc', limetsaicotsonga', limetsaicotsonga' acueca' lanic' ał'eyi". Aimahesy ihiya, tama ninc'apóstole lummeponga' Jesucristo.

⁷ Aimalpalaic'olhuo' a'ujfxi. Małmana' anuli atpalaic'olhuo' al c'a. Ma to mipalaic'o'mola' łaca'no' laiquinaxque' mitoc'ela' ihniya, ma tołta'a atpalaic'olhuo' imanc'. ⁸ Jahuay łalunxajma' ał'epolhuo' capic'a. Toliya a'i ma le'a lu'ipolhuo' Lataiqui'. Atspic'epá atoc'itsolhuo' xonca. Tixoqui calata atcuayi: "Ne', ałma'atsonga' lalixtuc'oponga', le'a tualaiite al c'a lałpimaye nomana' Tesalónica". Linca acueca' ał'nujuaitsilhuo' imanc'. ⁹ Cacia: Acueca' ał'elhuo' capic'a. Tołta'a ałmuc'ipolhuo' małmana' jilpe lołpitya'. Imanc' atpimaye ał'nujuaitsinga' lał'epa. Ał'eyi lanic' juaiconapa, atsosponga'. Ipuqui' itine ał'eyi lanic'. Tołta'a lulijyi caltomí. Atcuayi: "Lałpimaye nomana' liya' Tesalónica aimatla'hueyacola' małtoc'iyaconga'. Aimał'e'mola' quipime liłpepajnya." Tołta'a lał'epa ma malu'ilhuo' litaiqui' ÑanDios, ihe loya'apa al c'a lixpicepa.

¹⁰ Imanc' noł'huaiyijmpá Jesucristo ołsimpá lał'ejma' małmana' jilpe. Atsimponga' ma' atinca alihuejyi ÑanDios. Atsimponga' alijca lał'epa. Ailopa'a caltac'uiyaconga' lajunac', aimi'iya małnesc'eyaconga'. Jouc'a ÑanDios ixina' tołta'a lał'ejma'. ¹¹ Imanc' ołsina' atpalaic'opolhuo' to cal xans tipalaic'o'mola' linaxque'. Alu'ipolhuo': "Ti'ila' ac'a lonł'eyacu". Alixpi'ipolhuo' cunlata, atsc'ai'ipolhuo', ałmipolhuo': ¹² "Tetentcocola' ÑanDios loł'ejma'". Małque

ĒanDios joupā ijoc'ipolhuo' tołtsulfolaitsa pe locuxeyopa, timetsaicotolhuo' ixanuc'.

¹³ Itine itine illanc' jouc'a ałs'najtsi'iyi ĒanDios Ēijoc'ipolhuo'. Imanc' a'i ma le'a ałquimf'eponga' ma maluya'ayi litaiqui' ĒanDios, olapenufpá. Īe Lataiqui' olimetsaicopá itaiqui' ĒanDios, a'i całtaiqui' illanc' ninc'ixanuc'. Małe lataiqui' ti'ay canic' jilpe lołpicuejma' imanc' noł'huaiyijmpá ĒanDios.

¹⁴ Tołta'a imanc' oluyalaico'me to ĩne lapimaye nafoljomma łamats' Judea luyalaicopa, ĩne jouc'a ixanuc' ĒanDios, łepenufpola' Jesucristo. Ołsnet'f'me lo'epolhuo' lołpiya' xanuc'. Tołta'a ĩniya lołpimaye nomana' łamats' Judea ixnet'f'me lo'empola' liłpiya' xanuc', ĩne ajudío. ¹⁵ ĩniya lan xanuc' judío ima'apá łatPoujna Jesucristo, jouc'a ima'a'me lam profeta, jouc'a alihuetsojponga' illanc'. Aimi'eyi lipic'a ĒanDios, jouc'a tipa'neyi jahuay lił'as xanuc'. ¹⁶ Jouc'a aimalapi'inga' lane malu'i'mola' Lataiqui' lan xanuc' pe aimimetsaicoyi ĒanDios. Īne lan xanuc' judío xonca tetentłcocola' aimunłul'me ĩniya lan xanuc'. Tołta'a ĩne tixhuai'niyi lo'epa lixcay. Tijouł'a aimi'iya mi'eyacu. ĒanDios joupā ixpic'epa titeł'mi'mola' nulemma, tijou'ne'ma lipoyac'.

¹⁷ Cunc'ałpimaye, ałınca ał'elhuo' capic'a imanc'. Ti'hua ał'nujuaitsilhuo', tama aimalmana' anuli. Li'ipa, al quite' małmana' anuli juaiconapa ał'nujuaispolhuo'. Juaiconapa ałpic'a ałsingonatsołtsi. Lahueyi te co'iya małcuaiiconayacu jilpiya. ¹⁸ Joupā ałspic'epá łe'me. Ma' iya' ninPablo, a'i ma le'a anulemma, oquemma aixpic'epa tołta'a. Lijoupā aiqui'ic'. Satanás ałpa'neponga'. Aicalēc'.

¹⁹ Linca acueca' ałpic'a ałsingonatsołtsi. ¿Te cołcuapa? ¿Te imanc' ołsina' lał'huaijma? ¿Te ołsina' naitsi nalixoc'iyaconga' calata'? ¿Naitsi nomujya ja'ni ipammaita lałpenic'? Linca ma le'a imanc'. Ał'huaicoyi tixininłe tołta'a litine ticuaicoconnani łatPoujna Jesucristo. ²⁰ Imanc' linca tołmuji lipammaita lałpenic'. Imanc' lixoc'inga' calata.

3

¹ Juaiconapa acueca' lałsueł'mecopolhuo'. Icuaitsi litine aimi'iya małsnet'łconayacu. Ałspic'epá ałmanenca całtuca' liłya' Atenas. ² Ałcuxe'epá Timoteo ti'huał'a jilpiya lołpiya'. Ałmipá Timoteo: “Tofa'etsola' lapimaye liłpicuejma'. Toxc'ai'itsola' ti'hua ti'huaiyijnle Jesucristo.” Īque Timoteo ałpima, ĩejmale ĒanDios. Īque lipenic' tuya'ala' Lataiqui'. ³ Ałcuayi: “Aimołsuełmot'łe'me ni anuli imanc', tama tołtelcoyi”. Imanc' ołsina' ĒanDios joupā ixpic'epa aluyalaico'me tołta'a. ⁴ Małmana' anuli jilpe lołpiya' lu'ipolhuo' lał'iyaconga'. Ałmipolhuo': “Ałtelco'me”. Ma tołta'a li'ipa. Joupā ołsingufpá.

⁵ Laicuejpa lipangopa loŧeŧcopa aicaixina' te ts'i'ic' moluyalaicoyi. Caxhueŧma, cacua: “Aga Satanás ehuaipolhuo' acueca'. Aga iminscopolhuo' loŧpicuejma'. Tijouŧa', tama acueca' lanic' aŧ'epá jŧpe tijouna'ma jahuary. Aimipanehuo ni toŧta'a.” Licuai'ma litine aimi'iya caxnet'ŧconaya laifxueŧ'mepa, nummepa Timoteo titsetsi. Cacua: Tipainanni lu'i'ma ja'ni ti'hua toŧ'huaiyijnyi Jesucristo.

⁶ Itsiya icuaina'ma fa'a iŧque Timoteo. Joupa itsehuo'ma loŧpŧya'. Aŧsimpá ac'a lataiqui' iŧe laluponga'. Aŧminga': “Laŧpimaye nomana' Tesalónica ti'hua ti'huaiyijnyi Jesucristo. Ti'hua aŧ'enga' capic'a. Itine itine aŧ'nujuaitsinga'. Juaiconapa iŧpic'a aŧsingonatsonga', ma to illanc' aŧpic'a aŧsingonatsola' iŧne.”

⁷ Laŧcuejpa toŧta'a loluyalaicopa imanc' lixoc'ipoŧsi calata. Tama lahue'enga', aŧeŧcoyi, tocomma ailopa'a tŧntsi. Joupa i'ipa caŧsina' imanc' ti'hua toŧ'huaiyijnyi Jesucristo. ⁸ Ja'ni aimi-paiyumma loŧpicuejma', ja'ni ti'hua toŧ'huaiyijnyi Jesucristo, illanc' aimatŧafqueyaconga'. Ti'i'ma caŧpujfxi luyalaico'me lapa-jnya.

⁹ Maŧ'nujuaitsilhuo' imanc' aŧ'snajtsi'iyi LanDios. Aŧinca imanc' lixoc'iponga' calata juaiconapa. Maŧpalaic'oyi LanDios tixoxi calata aŧ'snajtsi'iyi toŧta'a. Tocomma aimi'iya maŧsuai'niyacu iŧe laŧ'snajtsi'ipa LanDios. Ailopa'a caŧtaiqui'. ¹⁰ Ipuqui' itine aŧsa'hueyi juaiconapa. Aŧmiyi: “Lapi'itsonga' lane aŧtsecontsa lahuejntola' laŧpimaye nomana' Tesalónica”. Aŧnesyi: “Moŧ'huaiyijnyi Jesucristo te aga tipa'a petŧi aimoŧcuc'eyi. Aŧtoc'itolhuo', aŧmuc'itolhuo'.”

¹¹ Iŧniya, caŧ'Ailli' LanDios y laŧPoujna Jesucristo aŧtoc'itsonga'. Lapi'itsonga' lane aŧcuaicontsa jŧpiya pe loŧmana'. ¹² Caŧ'Ailli' titoc'itsolhuo' imanc'. Illanc' aŧinca aŧ'elhuo' capic'a juaiconapa. Aŧsa'hueyi LanDios tepi'itsolhuo' loŧpicuejma', toŧ'etsoltsi capic'a juaiconapa. Jouc'a toŧ'etsola' capic'a jahuary loŧ'as xanuc'. ¹³ Ja'ni titoc'itsolhuo' toŧta'a LanDios jouc'a tifa'e'molhuo' loŧpicuejma'. Litine ticuaiconanca laŧPoujna Jesucristo y jahuary iŧne hi'huexi, LanDios caŧ'Ailli' aimetac'ui'yacolhuo' cajunac'. Timetsaico'molhuo' joupa i'ipa pangay c'a loŧpicuejma'.

4

¹ Cunc'aŧpimaye, ai'a ticula'aŧa' iŧta'a coŧje'e tipa'a xonca laifmiyacolhuo'. Joupa alu'ipolhuo' te ts'i'ic' molihuejyacu LanDios. Alu'ipolhuo' te ts'i'ic' monŧ'eyacu ja'ni tetentocola' LanDios. Aŧinca, ma toŧta'a tolihuejyi. Illanc' aŧ'eyi lipenic' laŧPoujna Jesús toŧiya aŧsa'huelhuo', aŧsc'ai'ilhuo': “Ti'ŧta' xonca ac'a iŧe lolihuejpa”. ² Ma to laŧcuxe'eponga' laŧPoujna Jesús, ma toŧta'a laŧcuxe'epolhuo'. Joupa oŧsina' te ts'i'ic' laŧsc'ai'ipolhuo'.

³ Ałcuxe'epolhuo' tont'ele ma lixpijma' ŁanDios. Tolanajtsotsti al xujc'a, ti'itsolhuo' qui'huexi ŁanDios. Aimont'e'me to iłne lan xanuc' pe nahuepá quilecal'no'. ⁴ Jahuay imanc' tołmuc'itsotsti tołcuxetsołsti al c'a. Tejonłi'mołsti anuli anuli quipeno. Ma le'a iłque lipeno tixhuico'ma. Timetsaicola' jouc'a i'huexi ŁanDios. Aimetets'i'ma. ⁵ Aimont'e'me to lo'epa lan xanuc' petsi aimimetsaicoyi ŁanDios. Iłne tihuejcoyi ma le'a lojana-jpa liłcuerpo. Iłniya aimixinyi acuanuc'la liłpenoye, tixhuicoyi lonaispa liłpicuejma'.

⁶ Tont'e'me iłe laifcuxe'epolhuo'. Ni' anuli imanc' metets'i'ma lipima ni mifel'mi'ma tołta'a. Aimolaxic'e'mołsti lołpenoye. Tont'etsotsti cuenna. ŁanDios ti'e'ma lija. Ti'najtse'e'mola' iłne pe no'epá tołta'a. Titel'mi'mola'. Joupa alu'ipolhuo' tołta'a. Ałsc'ai'ipolhuo' juaiconapa. ⁷ ŁanDios ałjoc'iponga', a'i mał'e'me al xujc'a. Lałjoc'iponga' joupa ałsimpanga' i'huexi. ⁸ Pe aimalihuejconga' illanc' iłe lałsc'ai'ipolhuo' iłque aimalatets'inga' illanc' ninc'ixanuc', tetets'i ŁanDios iłque tepi'ilhuo' li'Espiritu Santo.

⁹ Iłta'a colje'e aimafcuxe'eyacolhuo': Tont'etsotsti capic'a lapimaye. Imanc' ŁanDios joupa imuc'ipolhuo' tont'etsotsti capic'a. ¹⁰ Linca olihuic'ipá iłe limuc'impolhuo'. Toł'nujuaitsila' lołpimaye ni petsi lomana' łamats' Macedonia. Tołtoc'ila'. Itsiya ałsc'ai'ilhuo', ałmilhuo': Xonca toł'nujuaitsola' lołpimaye. Xonca tołtoc'itsola'.

¹¹ Tolahue'me te co'iya moluyalaicoyacu al c'a. Tont'e'me canic'. Anuli anuli, quituca' quituca', ti'e'ma ma le'a lipenic'. Tołsuicote lołmane' tont'ele canic'. Tołta'a joupa ałcuxe'epolhuo'. ¹² Tołta'a iłne petsi aimi'huaiyijnyi ŁanDios tixim'molhuo' ac'a lonł'epa. Imanc' jouc'a toluyalaico'me al c'a. Aime-hue'eyacolhuo'.

¹³ Cunc'ałpimaye, ti'ila' colłsina' te lo'iyacola' iłne lałpimaye li-joupa limanapola', iłne ałnescopola' "tixmaiyi". Ja'ni aicolłsina' lo'iyacola' iłniya, aga imanc' tołhuotso'me ma to mi'eyi locue-naye xanuc', iłne petsi aiquil'huaijma litine lomaf'i'inyacola'. ¹⁴ Joupa ał'epá linca li'ipa Jesús. Iłque imanapa, imaf'inapa, ipanamma pe lomana' limanapola'. Jouc'a ałcuayi: Litine ŁanDios tummeconata Jesús jouc'a ticuaicu iłniya limanapola'. Iłne i'huaiyijmpá Jesús, ałnescopola' "tixmaiyi". Tołta'a lał'huaiyijmpa. ¹⁵ Cu'i'molhuo' lo'iya. Iłta'a itaiqui' lałPoujna Jesús. Ticuaiconanni Jesús ja'ni ts'ałmaf'i' o joupa ałsmaipá, cacua ałmanaponga', ma' anuli ałhecona'monga'. Ja'ni ałmaf'i' aimafecoyaconga' ate'a. ¹⁶ Ticuequim'me ticuxem'me. Ma mija'e' cal Cuecaj Capaluc Quema'a, muna'e' litrompeta ŁanDios, lałPoujna Nopa'a lema'a timuyohuo. Ticuaiyoconno fa'a li'a łamats'. Limanapola' petsi ni'huaiyijmpá Jesucristo

ate'a titsolinacu. ¹⁷ Tijoula' illanc', ja'ni ałmana' jifa'a li'a lamats', ał'nof'em'monga', ałtai'monga' lummahuay. Illanc' y lałpimaye ma' anuli ałtalecufta lałPoujna mimumma lema'a. Tołta'a ałmajnta nulemma anuli lałPoujna. ¹⁸ He lataiqui' tolu'itsola' lołpimaye. Tolixoc'itsołtsi cunlata.

5

¹⁻² Cunc'ałpimaye, jifa'a colje'e aimalu'iyacolhuo' al 'hora ticuaiyoconno lałPoujna. Aimi'iya malu'iyacolhuo'. He lix-pijma' LanDios. Aicsina' ja'ni ahuata o axpe' lahue'epa ałsinte ile al Cuecaj Quitine. Imanc' joupa ołsina' aimi'iya małnesyacu: "Mouqui o pitsu o locuena camats' ti'ima". Cal namas no'huapa ipuqui' aimuya'e' te 'hora micuaiya lajut'ł. Tołiya micuaiya ile al Cuecaj Quitine. ³ Minesyi lan xanuc': "Ailopa'a tintsi. Luyalaico'me al c'a"; ma ihniya litiné tixim'me lumla. Łitaipa łaca'no' joupa li'ipa lipumla aikuixinaic' lo'iya. Ma tołta'a tixim'me locuaicoya ile al cueca' catełcoya. Titeł'mim'mola' nulemma. Aimi'iya muntulyacu. ⁴ Imanc' cunc'ałpimaye aimoluyalaicoyi al muf. Tołta'a, litine aimi'iya mixpaic'eyacolhuo' tama ticuaitso to micuaita cal namas. ⁵ Jahuay imanc' joupa epalc'o'ipolhuo'. Ti'onłcospolhuo' to litine. Imanc' illanc' a'i muf lałpicuejma', aimał'onłcosponga' to lipuqui'. ⁶ Tołiya aimoluyalaico'me lapajnya to ihne noyalaicopá to noxmaipá. Ti'hua ałmaf'ite. Ałsuicołe al c'a lałpicuejma'. ⁷ Noxmaipá tixmaiysi lipuqui'. Lisnaye timeyoquila' lipuqui'. ⁸ Illanc', ja'ni ał'onłcosponga' to litine, ja'ni joupa lapalc'o'iponga', ałsuicołe lałpicuejma'. Ałpa'neco'mołtsi, aimalulij'monga' Satanás. Jahuay lałunxajma' ał'huaiyjnle Jesucristo, ał'ele capic'a. Ałpo'nołe lałpicuejma' ał'huaicołe iłque Nocuaicoya, lunłu'e'monga'. ⁹ Ma nipajnya ał'huaico'me lunłu'e'monga'. LanDios Nał'huij'eponga' ixpic'epa lunłu'e'monga' illanc' nał'huaiyjmpá Jesucristo. Tołta'a aimi'iya małteł'miyacongá'. ¹⁰ Małque Jesucristo icupoxi tima'anłe, i'najtsepa lałjunac'. Tołiya ile litine ticuaiconanni ałmajm'me anuli iłque. Ma tołta'a lał'iyaconga' ja'ni ałmaf'i', jouc'a ja'ni tocomma to ałmaiysi, cacua joupa ałmanaponga'. ¹¹ Toł'nujuaitsa iłta'a al c'a lo'iyacolhuo'. Tołta'a tolixoc'i'mołtsi cunlata, tołfa'e'mołtsi lołpicuejma'. Linca ma tonł'eyi tołta'a. Ti'hua tonł'ele.

¹² Cunc'ałpimaye, jilpiya pe lołmana' timana' lapimaye no'epá lipenic' LanDios. Ihniya tixc'ai'ilhuo', tu'ilhuo' te ts'i'ic' moli-huejyacu iłque lałPoujna. Ałsahue'elhuo': Tolimetsaicotsola' ihniya. ¹³ Tolimetsaicotsola' liłpenic' lo'epa. Toł'etsola' capic'a juaiconapa. Tonłejmalełe al c'a. Aimołfuli'i'mołtsi cataiqui'.

¹⁴ Cunc'ałpimaye ałsc'ai'iconalhuo': Ihne petsi aimi'eyi canic', tołtaletsola'. Ja'ni titafquemola', tołpalaic'otsola' al c'a. Petsi

ailopa'a quipujfxi, tołtoc'itsola'. Tołsnet't'me lił'ejma' lan xanuc'. Aimolixtuc'o'mola'.

¹⁵ Tołpo'nołe cuenna loł'eyacu. Ja'ni ixçay li'epolhuo' aimonl'econa'me tołta'a, ni anuli imanc'. Tonl'e'me ma le'a al c'a. Ja'ni apimaye, ja'ni ocuenaye lan xanuc', ma' anuli tołtoc'itsola'.

¹⁶ Aimol'suełmot'le'me. Itine itine tixojla' cunlata. ¹⁷ Moluyalaicoyi lapajnya ti'hua tołpalaic'o'me ŁanDios. ¹⁸ Ja'ni al c'a ja'ni a'ijc'a loł'ipolhuo', tołs'najtsi'ile ŁanDios. Tołta'a lonl'eyacu imanc' noł'huaiyijmpá Jesucristo. Joupa ixpic'epa ŁanDios.

¹⁹ Aimolpa'ne'me cal Espíritu Santo. Tolapi'ile lane ti'eł'a ma lipic'a. ²⁰ Aimolatets'i'mola' loł'profeta lonespa. ²¹ Aimolapenuf'me jahuay lataiqui' loł'quimf'epa. Tołspijle. Tolimetsaicołe ja'ni al c'a o a'ijc'a. ²² Tolapenufle al c'a. Ja'ni a'ijc'a tołanajtsołtsi. Aimolapenuf'me.

²³ ŁanDios tipaxnetsolhuo'. Ma ilque ti'i'ma tipac'e'e'molhuo' loł'picuejma'. Ti'e'etsolhuo' nulemma i'huexi. Tołta'a, ticuaiyunni Jesucristo tixim'molhuo' pangay c'a loł'picuejma', loł'alma, loł'cuerpo. Aimetac'uinyacolhuo' cajunac', ailopa'a.

²⁴ ŁanDios ijoc'ipolhuo'. Ilque aimifel'miyale. Joupa ipo'nopa cataiqui'. Ma ti'e'ma to joupa laimipolhuo'.

²⁵ Cunc'alpimaye, tołsahue'ele ŁanDios alłoc'itsonga' illanc'. ²⁶ Tołmitsola' lałpimaye nomana' jilpiya: "Tinonilhuo' lałpimaye Pablo, Silvano jouc'a Timoteo". Tołtuc'otsoltsi loł'peque ma to mituc'oyołtsi lapimaye, ilne i'huexi ŁanDios.

²⁷ Cacuxe'elhuo' tołsuef'le ilta'a colje'e petsi lafołyomma lałpimaye. A'i ma le'a iya' caituca' cacuxe'elhuo' tołta'a. Jouc'a ma' anuli tołiya licuxe'epolhuo' ilque lałPoujna.

²⁸ LałPoujna Jesucristo tipaxnetsolhuo', titoc'itsolhuo' jahuay imanc'.

LIJE'E SAN PABLO LOCUENA LINIĒ'EPOLA' LAPIMAYE LEFOT'ĒPOĽTSI LIĒYA' TESALÓNICA

¹ Illanc' ninPablo, Silvano y Timoteo aliniĒ'elhuo' imanc' unc'aġpimaye olafot'ĒpoĽtsi liĒya' Tesalónica. Imanc' iġxanuc' ĒanDios caġ'Ailli' y ġaġPoujna Jesucristo. Iġniya joupa epenufpolhuo'. ² ĒanDios caġ'Ailli' y ġaġPoujna Jesucristo titoc'itsolhuo', tipac'e'etsolhuo' loġpicuejma'.

³ Aicalimenc'ecolhuo' imanc' loġ'ejma'. Itine itine xonca toġ'huaijinyi ĒanDios, itine itine xonca tonġ'eyoġtsi capic'a. Anuli anuli imanc' toġta'a loġ'ejma'. Toliya aġs'naġtsi'iyi ĒanDios, ticuicomma. ⁴ Maġ'nujuaitsilhuo' toġta'a loġ'ejma' illanc' jouc'a aġpalaicolhuo'. Maġpalaic'ola' locuenaye lapimaye ġefot'Ēepola' ĒanDios, lu'ila': "Laġpimaye nomana' Tesalónica, mihuetsuquinnila' iġne ti'hua tixnet'ġyi. Tama titeġcoyi ti'hua ti'huaijinyi ĒanDios, aimixospola'." ⁵ Moġsnet'ġyi loġteġcopa, ĒanDios tilanc'e'elhuo' loġpicuejma'. Tijouġa' toġtsulfotaite pe locuxeyopa iġque. Toġta'a timujyoxi ac'a lipicuejma' ĒanDios. Timujyoxi tixpic'e ma le'a al c'a.

⁶ Cagua: ĒanDios tixpic'e al c'a. Ti'ay ma le'a al ġija. Ti'naġtse'e'mola' iġniya noteġ'mipolhuo' itsiya, titeġ'mi'mola'. ⁷ Imanc' ituca' lo'iyacolhuo'. Itsiya toġteġcoyi, tijouġa' tolunxajta. Ma' anuli lunxajta. Toġta'a laġ'iyaconga' litine ticuaiconanni ġaġPoujna Jesús. ġiġpe litine timuj'moxi ġaġPoujna to qui'ic'. Iġque ġinca juaiconapa icueya limane, toġiya ticuxela' lepaluc' quema'a. Iġniya ġaġPoujna y lepaluc' timulcu. ⁸ ġiġpe mimulumma tunaita ġunga. ġiġpe litine ti'e'ma al ġija. Titeġ'mi'mola' nulemma iġniya pe aimimetsaicoyi ĒanDios jouc'a pe aimihuejcoyi Lataiqui', iġe litaiqui' ġaġPoujna Jesucristo. ⁹ Iġne tepenuf'me liġjunac'. Tecani'e'mola' nulemma. Aimit-sulfotaicyu pe lopa'a ġaġPoujna. ġiġpe lomujyoyacoxi acueca' juaiconapa. Timuj'moxi ma' anDios. ¹⁰ Toġta'a lo'iya litine ticuaiconanni ġaġPoujna. ġiġpe litine timuj'moxi ma' anDios. Jouc'a aġmuj'moġtsi aġinca i'huexi iġquiya. Iġe litine lahuelojntsonga' jahuay illanc' naġ'huaijijmpá ĒanDios, tines'me: "Iġque Jesús ġinca apaxi. Joupa ipai'ipola' iġne." Laġnespa: "...jahuay illanc' naġ'huaijijmpá", aġnescopolhuo' jouc'a imanc', joupa olapenufpá Lataiqui' lalul'ipolhuo'.

¹¹ Aġ'nujuaisyi iġe al cueca' al c'a laġ'iyaconga' ġiġpe al Cueca' Quitine locuaicoya. Toliya itine itine aġsa'hueyi ĒanDios titoc'itsolhuo', ti'hua tolihuejle ĒanDios, iġque ijoc'ipolhuo'. Ja'ni ti'ila' toġta'a loġ'ejma' aimixhueġcoya ĒanDios

te quijoc'icopolhuo'. Ahsahue'eyi ŁanDios ti'ila' acueca' lo'eya. Tenant'hila' jahuay al c'a lołpic'epa tont'ete. Tenant'hila' jahuay iŁe al c'a lopo'nopa ŁanDios jilpe lołpicuejma' ma moł'huaijny iŁque. ¹² Ja'ni toŁta'a lotoc'iyacolhuo' łalanDios y łalPoujna Jesucristo, lan xanuc' tixim'me acueca' łalPoujna Jesús, tipalaico'me al c'a. Imanc' epenufpolhuo' łalPoujna tixim'molhuo' ti'onŁcopolhuo' to iŁque.

2

¹⁻² Cunc'ałpimaye joupa oŁsina' ticuaicoconno łalPoujna Jesucristo. OŁsina' lafot'le'monga', jilpe litine ałmajnta anuli iŁque.

Itsiya caxc'ai'ilhuo', camilhuo': Aga tu'i'molhuo': "Joupa icuai'ma al Cueca' Quitine. Icuaicona'ma łalPoujna, cal Espiritu Santo alu'iponga'." O tu'itsolhuo': "Linca icuaicona'ma. IŁne Pablo jouc'a liyejmalepa alumme'eponga' całje'e tuya'e' toŁta'a." Ja'ni tu'itsolhuo' toŁta'a, imanc' aimimufc'o'molhuo' lołpicuejma', aimonł'e'me linca. ³ Ja'ni toŁta'a tehuele tifel'mitsolhuo', o ja'ni ituca' lił'ejma', aimolapenuf'e'mola' liłtaiqui'. Tołpo'noŁe lołpicuejma', aimifel'mi'molhuo'. IŁne nonespá toŁta'a infel'miyale, a'i toŁta'a lo'iya micuaiconaya łalPoujna. Ate'a lan xanuc' titaleco'me litaiqui' ŁanDios. Tipai'i'moŁtsi liłpicuejma'. Tihuejco'me ocuena cataiqui'. TijouŁa' ti'ila' toŁta'a timuj'moxi anuli cal xans ma le'a ixcay lo'epa. Tetets'i'ma jahuay locuxepa ŁanDios. IŁque aimunŁuya, tejac'ma. ⁴ IŁque ti'nof'e'moxi. Ti'ay quipilaic' ŁanDios, jouc'a ti'ela' quipilaic' jahuay lilendiosla' lan xanuc'. Ticua: "Ma le'a iya' laxc'onŁingai'ma". Ti'onŁico'moxi to ŁanDios. ToŁta'a ticutshuai'ma jilpe lixoute' ŁanDios. ⁵ Imanc', Łte joupa olimenc'ecopa iŁe lainu'ipolhuo' małmana' anuli?

⁶ Imanc' joupa oŁsina' tipa'a lopa'necopa iŁque lixcay xans. ŁanDios joupa ixpic'epa litine timuj'moxi iŁque. ⁷ Itsiya linca ma tipa'a anuli petsi aimalsinyi. IŁque ma le'a ixcay lo'epa, tetets'i jahuay locuxepa ŁanDios. Jouc'a tipa'a petsi ti'hua limane tipa'neco'ma iŁque. Ti'hua tipa'ne, tijouŁa' tiŁojm'ma. ⁸ TiŁojnla' iŁque nopa'nepa, timuj'moxi lixcay xans, iŁque tetets'i locuxepa ŁanDios. IŁque aimipaneya toŁta'a. Ticuaicoconno łalPoujna tifusco'ma, tima'a'ma. IŁque cal xans aimixnet'lya ticuaicohuananni łalPoujna. Aimi'iya mehuelojnya, tejac'e'ma. ⁹ Ma Satanás lummepa iŁque lixcay xans. Małque Satanás tepi'i'ma acueca' icueya limane. ToŁta'a ti'e'ma al cueca'. Lo'eya tocomma to lo'eya ma le'a ŁanDios. IŁque a'i andios, ma' afellaiqueya litaiqui', afellaiqueya lo'epa.

¹⁰ IŁque no'epa lixcay tifel'mi'mola' lan xanuc', iŁne petsi ti'hua tejac'eyoŁtsi. IŁne aiquilepenufi al Linca Cataiqui'. I'e'me capilaic', toliya aimunŁuyacu. ¹¹ ŁanDios ticua: "Tifel'mitsoŁtsi".

Pe lomana' jounpa ipo'nopa lafel'aiqueya cataiqui', tepenufle ita'a. ¹² To'ta'a tite'l'mi'mola' nulemma i'ne petsi aiqiu' aic' linca al Linca Cataiqui'. I'ne petsi xonca i'pic'a lo'epa lixcay, tetets'iyi locuxepa LanDios.

¹³ Imanc' aimi'on'c'otolhuo' to i'niya pe natets'ipá LanDios. To'hiya a's'najtsi'iyi LanDios, tucuicomma. Imanc' unc'a'pimaye. La'Poujna ti'elhuo' capic'a. Lipangopa li'a lamats' LanDios jounpa i'huij'ecopolhuo' tun'u'etsolhuo'. Linca tun'u'e'molhuo'. Cal Espíritu Santo ti'hua tilanc'e'e'molhuo' lo'picuejma', ti'itsolhuo' ma i'huexi LanDios. To'ta'a lo'iyacolhuo' ma molihuejcoyi al Linca Cataiqui'. ¹⁴ Litine lo'quimf'epa Lataiqui' lal'ipolhuo', LanDios ijoc'ipolhuo' toluyalaico'e to'ta'a. Tijoula' to'cuxeta anuli la'Poujna Jesucristo.

¹⁵ To'hiya, cunc'a'pimaye, to'po'no'e lo'picuejma', to'lihuej-cocona'me lataiqui' la'muc'ipolhuo'. Ja'ni illanc' ca'tuca' alu'ipolhuo', ja'ni lini'epolhuo' ita'a co'je'e, ma' anuli i'e lataiqui', to'lihuejco'e.

¹⁶ Titoc'itsolhuo' i'niya la'Poujna Jesucristo y LanDios. LanDios, i'que ca'l'Ailli', al'nujuaisponga', ixpic'epa a'toc'itsonga'. To'hiya lixpi'iponga' calata nulemma. Itsiya aimasue'mot'heyi te ts'i'ic' ma'l'iyaconga' Locuaicoya Quitine. A'sina' lapenuftonga'. ¹⁷ Ja'ni to'sue'mot'heyi, LanDios tixpi'itsolhuo' cunlata. Ma mon'eyi al c'a o mo'palaic'oyi al c'a tifa'etsolhuo' lo'picuejma'.

3

¹ Cunc'a'pimaye, ai'a ticula'a'ma ita'a co'je'e, tipa'a laifmiyacolhuo': To'sahue'e'e LanDios a'toc'itsonga'. To'ta'a aimipa'necoyacu litaiqui' LanDios. Ma to imanc' jounpa olapenufpá, olimetsaicopá ma' itaiqui' LanDios, to'ta'a tepenuf'me, timetsaico'me lan xanuc' nomana' locuenaye i'elol'ya'. ² To'sahue'e'e LanDios a'cuanajcotsonga', amalulij'monga' i'ne pe liminscopola' li'picuejma', i'ne pe no'epá lixcay. Ai' jahuay mi'huaiyijnyi Jesucristo to la'huaiyijmpa. ³ I'que la'Poujna linca aimifel'miyale. Tifa'e'molhuo' lo'picuejma', ticuanajco'molhuo'. To'hiya aimi'i'ma co'eyacolhuo' lixcay conta'a.

⁴ Illanc' al'huaiyingilhuo'. A'cuayi: "I'ne la'pimaye no-mana' Tesalónica jouc'a ti'huaiyijnyi la'Poujna. To'hiya ti'eyi to la'sc'ai'ipola', ti'hua ti'e'me."

⁵ La'Poujna ti'hua tilanc'e'etsolhuo' lo'picuejma', xonca to'singufle lo'epolhuo' capic'a LanDios. Titoc'itsolhuo' ti'hua to'snet'i'me ma to i'que Cristo lixnet'ipa. Aimixojtolhuo'.

⁶ Cunc'a'pimaye: Aimonte'jmalecona'me i'ne lapimaye pe aimi'eyi canic', petsi nohuinajpola'. Tolanajtsot'si i'niya. To'po'notsola' qu'ituca'. Illanc' epaluc' la'Poujna Jesucristo,

tołta'a lałsc'ai'ipolhuo'. Lo'epa itne nohuinajpola' a'i to il-lanc' joupā ałmuc'ipolhuo'. ⁷ Imanc' joupā ołsina' lonł'eyacu. Imanc' ał'onłtsonga' to illanc' lał'ejma'. Illanc' małmana' jilpiya aimalhuinaquinga'. ⁸ Aimalša'hueyi całtejacu. Ipuqui' itine ał'eyi canic', ałteł'miyolłsi, ałcuayi: “Małmana' lilpiya' lałpimaye nomana' Tesalónica, aimixingufco'me itniya”.

⁹ Linca tipa'a lałmane. Nipajnya ałsahue'etsolhuo'. Aicalcuac'. Xonca ałpic'a ałmuc'itsolhuo' lonł'eyacu, ał'onłtsonga' to illanc' lał'ejma'. Tonł'e'me lanic' ma to illanc' lał'epa. ¹⁰ Małmana' jilpe lołpiya' małsc'ai'ilhuo' lu'ilhuo': “Petsi aimicua mi'ay canic', aimitetso'ma”. ¹¹ Itsiya ałcuejpá lonescompolhuo' imanc', ticuayi: “Itne lapimaye nomana' Tesalónica, hualca tihuinaquila'. Aimi'eyi canic'. Ma le'a tiyelocoyi, tehuelojnyi lo'epa locuenaye.” ¹² Illanc' epaluc' Jesucristo ałcuxe'ela' itniya no'epá tołta'a, ałsc'ai'ila': “Aimolłloco'me le'a, tonł'ete canic'. Tołta'a toł'na'me coltuca' cola'i.”

¹³ Cunc'ałpimaye, ja'ni tonł'eyi canic', ja'ni tołta'a toluyalaicoyi lapajnya, tonł'eyi al c'a. Aimixojtolhuo'. Aimolpai'i'molłsi lołpicuejma'. Aimolnes'me: “Aimi'iya ca'econaya tołta'a”. ¹⁴ Ja'ni anuli lołpima aimihuejma lałtaiqui' lalinił'epolhuo' ilta'a colje'e, tolimetsaicotsa naitsi ilque. Aimoljmalecona'me. Tolanałtsołłsi. Ilque tixinł'a calaic'ata, tixhuej'menanni. ¹⁵ Linca aimonł'e'me capilaic'. Ilque ołpima. Tołsc'ai'i'me, tolu'i'me: “Aimo'econa'ma tołta'a”.

¹⁶ Ma le'a lałPoujna ti'i'ma ałpac'e'e'monga' lałpicuejma'. Ma tołta'a ti'e'etsolhuo' imanc'. Itine itine tipac'e'e'molhuo' lołpicuejma'. Tołmajnle al c'a, aimolłsuelmot'lecona'me. Pe lołmana', jahuay imanc', tołmajnle anuli lałPoujna.

¹⁷ Iya' ninPablo caituca' laimane quiniłi fa'a laipuftine. Tołta'a locula'acoya jahuay laije'e laifnumme'epola' lapimaye. Imanc' y locuenaye capimaye ti'ila' colłsina' ma' aije'e.

¹⁸ LałPoujna Jesucristo ti'hua titoc'iconatsolhuo' jahuay imanc'.

LIJE'E SAN PABLO AL TE'A LINIĒ'EPA TIMOTEO

¹ Iya' ninPablo, nin'apóstol, epaluc Jesucristo. LalanDios y laĥPoujna Jesucristo aĥfajpa iĥiya laipenic'. Maĥque LanDios Lalunĥu'eponga'. Illanc' joupa lapenufpá Jesucristo, toĥta'a aĥsina' ma' aĥinca alunĥu'ena'monga' nulemma.

² Quiniĥ'ehuo' cumTimoteo. Ima' ma' ai'hua. Lihuequi iya'. Ma' anuli lihuejyi Jesucristo. LanDios caĥ'Ailli' y Jesucristo laĥPoujna titoc'itso'. Ti'nujuaitso', tipac'e'etso' lopicuejma'.

³ Maĥmana' liĥya' Éfeso aimipo': "Ca'huahuanĥa' ĥamats' Macedonia. Ima' topanenni fa'a liĥya' Éfeso. Toxc'ai'i'mola' nomuc'ipá laĥpimaye. Tomitsola': Aimoĥmuc'i'mola' ituca' cataiqui'. ⁴ Aimoĥquimf'e'mola' lan xanuc' loya'apa, iĥne mane tipalaicoyi petsi a'ij linca. Aimoĥquimf'e'mola' iĥne nonescopá liĥpuftine liĥtatahueló." Iĥne lonescopa aimijouya. Petsi no-quimf'epá iĥiya lataiqui', ĥte ti'i'ma quilsina' te ts'i'ic' lixpic'epa LanDios? Ai. Ma le'a ti'hua tixhueĥcoyi, ticuayi: "ĥPe copá'a al Linca Cataiqui'? ĥTe ts'i'ic' iĥiya?" Ticuicomma ti'huaiyijnle LanDios, ti'eĥe linca litaiqui'. Toĥta'a timetsaico'me te ts'i'ic' lixpic'epa LanDios.

⁵ Iĥne petsi aĥinca naihuejcopá locuxepa LanDios ti'eyoĥtsi capic'a. Iĥne joupa i'ipola' ac'a liĥpicuejma'. Aimi'nujuaisyoĥtsi iĥne quiltuca', ti'nujuaitsila' liĥpimaye. Jiĥpe liĥpicuejma' iĥsina' LanDios joupa imenc'e'ecopola' li'epa. Toĥta'a aimi'econayacu al xujc'a. Ma ti'huaiyijnyi LanDios, a'i ma le'a minesyi. ⁶ Petsi aimihuejyi toĥta'a iĥne joupa ecanujpá al C'a Cane. Mane tipaloĥaiyi. Iĥe loya'apa aimitoc'ila' liĥpimaye. ⁷ Ticuayi: "Il-lanc' linca ninc'omxiye. Aĥmuc'iyaleyi ma locuxepa LanDios, iĥe lataiqui' liniĥijmpa Moisés." Iĥne ma le'a tipaloĥaiyi. Ni aiqulsina' te ts'i'ic' locuxepa LanDios.

⁸ Illanc' aicalatets'iyi iĥe lataiqui' liniĥpa Moisés, aĥsinyi ac'a cataiqui'. Le'a cacua: Iĥne lomxiye ticuicomma ti'ila' quilsina' tuhuaĥ'eĥe iĥe lataiqui'. Timuc'iyaleĥe ma to ts'ipic'a LanDios. ⁹ Ticuicomma ti'ila' quilsina' naitsi iĥne nahue'epola' tiquimf'eĥe litaiqui' Moisés. Aimehue'ela' iĥe lataiqui' iĥne petsi LanDios joupa epenufpola', petsi joupa iximpola' to ailopa'a quijunac'. Iĥniya joupa iĥsina' te ts'i'ic' locuxepa LanDios. Ticuicomma timuc'intsola' lan xanuc' petsi aimihuejcoyi locuxepa LanDios, iĥne lincuejlocale. Timuc'intsola' petsi natets'ipá LanDios, iĥne no'epá al xujc'a. Timuc'intsola' petsi lixcay liĥpicuejma', iĥne tixhueĥcoyi ma le'a iĥiya lopa'a fa'a li'a ĥamats'. Timuc'intsola' petsi noma'apá quij'ailli', quij'máma'.

Timuc'intsola' noma'apá liŋ'as xanuc'. ¹⁰⁻¹¹ Timuc'intsola' petsi nahuepá quileca'no', petsi noxhuicopá liŋ'as xanuc' to cacal'no', petsi no'noŋpá liŋ'as xanuc' ticuj'me, petsi nofelŋaiquepá, petsi aimentant'hiyi lataiqui' locupa, petsi no'epá nixpiya. Ticuicomma timuc'intsola' jahuay no'epá lixcay, pe aimihuejcoyi Lataiqui' loya'apa lixic'epa ŊanDios. He Lataiqui' tixc'ai'iyale ma le'a al c'a, tuya'e' te ts'i'ic' ŊanDios lipicuejma'. Iŋque tixoqui queta alunhu'enga'. Maŋe Lataiqui' lapi'ipa iya', al'huaiyijmpa cuya'ala'.

¹² Cax'najtsi'i Jesucristo laŋPoujna. Iŋque aŋtoc'ipa, alapi'ipa laipicuejma'. Cami: "Cax'najtsi'ihuo' ima' al'huaiyijmpa, lapi'ipa laipenic'". ¹³ Li'ipa, iya ixcay capalaijma iŋque Cristo. Cateŋ'mila' lixanuc', camiloquila' cataiqui'. Iŋhiya iŋtiné aicainihuequi Jesucristo. Toliya aicainimetsaicola' lixanuc' Jesucristo, aicaixina' ja'ni ixanuc' ŊanDios o a'i. Toŋta'a ŊanDios aicalaca'ni'e. ¹⁴ Juaiconapa acueca' laŋpaxnepa laŋPoujna. Lijoupa lainepenuŋpa Jesucristo jiŋpe iŋca ai'huaiyijmpa ŊanDios, ca'ela' capic'a lapimaye.

¹⁵ Tipa'a lataiqui' ma' al iŋca loya'apa. Tepenuŋfle jahuay lan xanuc'. He lataiqui' tuya'e': "Jesucristo icuaiyoco'ma jifa'a li'a ŋamats' tunhu'etsola' no'epá lixcay". Jiŋpe loya'apa "... tunhu'etsola' iŋne no'epá lixcay", jouc'a iya' aŋnescojma. Iya' xonca nixcay xans, ailopa'a nalulijya. ¹⁶ Iŋne petsi no'huaiyijnyacu, Jesucristo ipic'a timuc'itsola' te ts'i'ic' lipicuejma'. Ti'ila' quilsina', tama acueca' juaiconapa liŋjunac', Cristo tepenuŋf'mola'. Tepi'i'mola' al ts'e liŋpitine aimijouya. Toŋta'a ate'a aŋsimpa nincuanuc'. Aŋsnet'ŋpa iya' lai'ejma'. ¹⁷ ¡Aŋs'najtsi'ite ŊanDios cal Rey! Aŋs'najtsi'ite aimijouya licuxejma', aimimaya, aiqui'huáqui. Ma quituca' anDios. Ma le'a iŋquiya nipajnya texc'onŋingolai'me. Ma le'a iŋque timinŋe: "Ima' manDios". Ma toŋta'a lo'iya, aimipaiya. Toŋta'a ti'ila'. Amén.

¹⁸ Mai'hua Timoteo, ŊanDios joupa imetsaicopo', epi'ipo' lopenic'. Itsiya caxc'ai'ihuo': Ma to'ela' jiŋhiya lanic'. To'nujuaitsi linespa lapimaye noya'apá lixic'epa ŊanDios, laŋmiponga': "Ti'ela' Timoteo lipenic' ŊanDios". Itsiya taipa'ala' lopujfxi, taihuejla' ŊanDios. ¹⁹ Ti'hua to'huaiyinge Jesucristo. To'nujuaitsi imenc'e'ecopo' lo'epa lixcay. Aimo'econa'ma. Petsi aimi'nujuaisyi limenc'e'ecompola' li'epa, aiqui'cuac', iŋne ti'econayi lixcay. Aimi'hua mi'huaiyijnyi Jesucristo. Joupa ejac'epoŋtsi. ²⁰ Toŋta'a li'ipola' Himeneo y Alejandro. Iŋne iya' joupa aicupola'. Nepi'ipa lane Satanás titeŋ'mitsola'. Tihuic'ite aimetets'icona'me Jesucristo.

2

¹ Itsiya caxc'ai'i'mo'. Ate'a camihuo': "Toxc'ai'itsola'

lapimaye nafolyomma jilpiya, tomitsola': Imanc' motpalaic'oyi LanDios tolnujuaitsola' lof'as xanuc' ni petsi lomana'. Tohsahue'ete LanDios titoc'itsola', tepi'itsola' lahue'epola'. Ja'ni joupa epi'impola' tols'najtsi'ile LanDios. ² Tol'nujuaitsola' lan rey jouc'a jahuay ts'itpenic'. Tohsahue'ete LanDios titoc'itsola' ihniya. Tohta'a aimatpa'neyacong'a, luyalaico'me al c'a, aimatsueh'mot'leyacu, al'e'me ma latentcoco'ya LanDios, aimat'eyacu nixpiya. ³ Ja'ni tohta'a tolsa'hueyi LanDios linca tont'eyi al c'a. Ihe lonf'epa tetentcocojma LanDios Lalunhu'eponga'."

⁴ Iheque ipic'a tunlul—le lan xanuc' ni petsi lomana'. Ipic'a ti'ila' quilsina' te ts'i'ic' al Linca Cataiqui' loya'apa. ⁵ Tipa'a ma le'a anuli LanDios. Jouc'a tipa'a ma le'a anuli lalaPaluc. Iheque ti'i'ma tipalaic'o'ma LanDios jipu'hua lema'a. Tixahue'e altoc'itsonga' illanc' ninc'ixanuc'. Jesucristo alaPaluc, jouc'a axans. ⁶ Iheque icupoxi tima'anle. I'najtsepa lajunac' illanc'. Jouc'a i'najtsepa lijunac' laf'as xanuc' ni petsi lomana'. LanDios joupa ixpic'epa te quitine tuya'atsa ile li'ipa. Joupa icuai'ma al 'hora. Lataiqui' illanc' lalupola' lan xanuc' tuya'e' ile li'epa Cristo. ⁷ Ma tohta'a laipenic' lalapi'ipa LanDios. Iya' nin'apostol cuya'e' ile lataiqui'. Iya' laifnescopoxi al linca. Aicafel'miyale. Alumme'pa ca'hua'la', camuc'itsola' lan xanuc', ihe petsi aimimetsaicoyi LanDios.

⁸ Aipic'a tipalaic'ole LanDios lan xanuc' ni petsi lafot'leyohtsi lapimaye. Ihniya ja'ni al c'a lo'epa, lihmane' lo'nof'epa tetentecoco'ma LanDios. Mipalaic'oyi LanDios, aimixtule'me jilpe lihpicuejma', aimifuleco'me cataiqui'. ⁹ Jouc'a aipic'a ti'ila' ac'a lih'ejma' lapimaye cacal'no'. A'i metej'mohtsi juaiconapa. Aimicoht'i'mohtsi milanc'e'me juaiconapa lihjuac, ma mipo'noyi jilpe lih'oro, ma mixc'uininc'iyi lihjune' aperla. Aimehue'me juaiconapa lipitali quihpijahuati. Aimines'me: "Alahuelo-jntsonga' lan xanuc'". Ti'ila' lihpijahuati ma latentcoco'ya LanDios. Jilpe lihpicuejma' tijanajle ti'ete al c'a. ¹⁰ Laca'no' naihuejpa LanDios ticuicomma timujtsohtsi mi'eyi al c'a. Aimimuc'iyale'me te ts'i'ic' lihpijahuati, ja'ni ac'a o a'i.

¹¹ Laca'no' miquimf'e nomuc'iyalepa, ma tiquimf'eta'. Aimitalai'e'ma. Tihuejcola'. ¹² Iya' a'i capi'ila' lane laca'no' mimuc'inyacola' lan xanuc' ni micuxenyacola'. Ma tiquimf'ete. ¹³ LanDios ate'a ilanc'e'ma cal xans, iheque Adán. Lijou'ma ilanc'epa laca'no' Eva. ¹⁴ Tama loquexi' aiqulihuequi locuxe'epola' LanDios, ma le'a Eva ifel'mimpa. Adán a'i. Tohiya camilhuo': Laca'no' aimimuc'i'me lan xanuc', aimicuxe'me. ¹⁵ Ihniya laca'no' itaic' lihjunac'. Ti'hua tixinyi humla litine mipo'no'me lihmaxque'. Tama tohta'a lo'ipola' ti'i'ma tunlul'me. Ticuicomma ti'hua ti'huaiyijnle LanDios, ti'hua

ti'etsola' capic'a lapimaye, ti'hua timetsaicotsotsi ma' i'huexi
 LanDios, tenajtsołtsi al xujc'a, ti'hua ti'ete al c'a. Ja'ni tołta'a
 lił'ejma' tunłul'me.

3

¹ Ticuayi: “Pe ts'ipic'a ticuxetsola' lipimaye, ac'a lanic'
 ile lojanajpa lo'eya”. Iya' cacua: Al linca lataiqui' iliya.
² Tołiya ticuicomma anuli łapima petsi joupa imetsaicompa
 ac'a xans, ts'anuli quipeno, ticuxeyoxi ac'a, ac'a lipicuejma',
 a'i caxpennaiqui, tepenufila' lapimaye jilpe lejut'ł, tepi'ila'
 lomanc'eyacu. Jouc'a ticuicomma ts'ixina' lomuc'iyalepa.
 Ja'ni tołta'a li'ejma', ilque linca ti'i'ma ticuxe'mola' lipimaye.

³ Aimofaj'ma łapima ja'ni tixnatsay o limfule o tixtumma. To-
 faj'ma łapima ja'ni tixnet'ł'ma, ja'ni tipalaic'ola' al c'a lipimaye.
 Aimofaj'ma ja'ni ipic'a tulijla' quitomí. ⁴ Ja'ni ticuxela' al c'a
 nomana' lejut'ł, ja'ni linaxque' tihuejcoyi, aimi'eyi nixpiya,
 ilque tofaj'ma. ⁵ Łapima petsi aikuixina' micuxeyacola' no-
 mana' lejut'ł, łte ti'i'ma ti'e'mola' cuenna lipimaye, lefot'łepola'
 LanDios? Ai. Aimi'iya. ⁶ Ticuicomma łofajya i'ipa axpe'
 camats' quihuequi Jesucristo. Ja'ni quite' mihuequi aga
 tines'ma: “Iya' xonca nincueca”. Tijouła' ma' anuli Satanás
 tecani'em'me. ⁷ Ja'ni lan xanuc' petsi aimimetsaicoyi LanDios
 timetsaicoyi ac'a xans ti'i'ma tofaj'ma. Ja'ni a'i tinesco'me
 cataiqui', tijouła' łapima tic'aiłquehuo ma to ts'ipic'a Satanás.

⁸ Ma' anuli lapimaye notoc'iyacu łilpima micuxeyale. Ja'ni
 aimilotsoyi, ja'ni ma' anuli liłtaiqui', a'i oque', tofaj'mola'
 ilniya. Aimofaj'mola' ja'ni tixnatsolaiyi ni ja'ni ts'ilpic'a tuli-
 jle quilomí. ⁹ Ihe Lataiqui' lalapenufpa illanc' ticuicomma
 ticuec'ete lipime xonca jouc'a tihuejle lataiqui'. ¹⁰ Ai'a to-
 faj'mola' taimetsaicotsola' te ts'i'ic' lił'ejma' jouc'a liłpicuejma'.
 Ja'ni alinca ac'a xanuc' tapi'itsola' quilpenic'. Titoc'ile liłpima
 ma micuxela' lapimaye.

¹¹ Lacał'no' notoc'iyacu jouc'a ticuicomma petsi ac'a
 liłpicuejma', aimixahualeyi, ticuxeyołtsi al c'a, tenant'łiyi
 liłtaiqui', aimifellayqueyi.

¹² Lan xanuc' notoc'iyacu ticuicomma anuli anuli ti'ila'
 liłpeno, a'i oquexi' afantsi. Ticuicomma ticuxentsola' al c'a
 liłmaxque' y jahuay nomana' lilejut'ł. ¹³ Ihe notoc'iyacu,
 acueca' ile lanic' lo'eyacu. Ja'ni tixhuai'niłe liłpenic',
 liłpimaye timetsaico'me. Ihe quiltuca' timetsaico'mołtsi alinca
 ti'huaiyijnyi Jesucristo.

¹⁴ Iya' cacua aimalcolconaya fa'a. Ca'hua'ma jilpe. Alsintsołtsi.
 Ma capa'a fa'a quinił'ehuo', cu'ihuo' lof'eya. ¹⁵ Tijouła', ja'ni
 alcol'ma fa'a joupa i'ipa colšina' te ts'i'ic' lonł'eyacu, ima' y
 lapimaye nomana' jilpiya. Imanc' ixanuc' LanDios, małque

Limaf'i' CanDios. Ma' ilque efot'lepolhuo', ipo'nocopolhuo' toluya'ate al Linca Cataiqui'. Ipo'nocopolhuo' tont'ete cuenna ile Lataiqui', tolsinte aimipai'im'me, aimimuc'iyale'me ituca'.¹⁶ Linca acueca' ipime Lataiqui' lalihuejcopa illanc'. Ile lataiqui' tipalajma Cristo, tuya'e':

Ilque i'epoxi xans, icuai'ma fa'a li'a lamats'.

Cal Espíritu Santo imetsaicopa pangay c'a lipicuejma'.

Lapaluc' quema'a ehuelojmpá.

Pe lomana' ilne petsi aiquilimetsajma LanDios, jilpiya uya'ampá te ts'i'ic' li'ipa, li'epa ilque.

Fa'a li'a lamats' i'huaiyijmpá,

pu'hua lema'a penuffinapa, imetsaicompa anDios.

4

¹ Cal Espíritu Santo joupa inespa lo'iya, ticua: “Ticuaitsi lijoujma quitine lan xanuc' aimihuejconayacu al Linca Cataiqui'. Tiquimf'e'me locuapa locuenaye lan espíritu, ilne nofellaiquepá. Tihuej'me lomuc'iyalepa lontahue.”² Ilne petsi naihuejpá ituca' cataiqui' ti'e'eyołtsi to lan c'a xanuc'. Ticuayi: “Illanc' almuc'iyaleyi al Linca Cataiqui'”. Ma le'a ticuayi tołta'a, tifel'miyaleyi. Ni aimimetsaicoyołtsi ixcay lo'epa. Joupa imin-scopa lilpicuejma', i'ipa capeme, aimixingufcoyi. ³ Ticuayi: “Timajnle quiltuca' lan xanuc'. Jouc'a lacał'no' timajnle tołta'a. Aimejonł'mołtsi.” Jouc'a ticuayi: “Ita'a o jihu'hua aimołte'me. LanDios aimepi'ilhuo' lane.” Ilne nonescopá tołta'a tinescoyi ma lilanc'epa LanDios. Ja'ni al'huaiyijmpá, alcuec'eyi al Linca Cataiqui', LanDios ipic'a al's'najtsi'ile, altele. ⁴ Jahuay lilanc'epa LanDios ma ac'a. Ailopa'a calatets'iyacu. Al's'najtsi'ile LanDios, alte'me. ⁵ Litaiqui' LanDios joupa lu'iponga' ac'a lilanc'epa LanDios. Ja'ni al'sahue'ete ilque tipaxne'ma łatejacu.

⁶ Ja'ni tołta'a lołxc'ai'iyacola' lapimaye alinca to'e'ma lipenic' Jesucristo. Tomuj'moxi te ts'i'ic' litoc'empo'. Tomuj'moxi joupa imuc'imp'o' te ts'i'ic' Lataiqui' lalihuequi', te ts'i'ic' al c'a lomuc'iyalepa. Tomuj'moxi ma ti'hua taihuequi.

⁷ Tipa'a lataiqui' ti'onłcospa to litaiqui' lacał'no' joupa ito-jnapola', ile lataiqui' tipa'ayi quiltuca' lilpicuejma'. A'ij linca lataiqui', tuya'e' nixpiya. Aimapenuf'ma ni aimoquimf'e'ma. Xonca taipa'ala' lopujfxi tanant'łila' locuxepa LanDios. ⁸ Ja'ni taipa'ala' lopujfxi pe lafil'ya tepi'im'mo' lołmulijya. Ja'ni taipa'ala' lopujfxi tanant'łila' locuxepa LanDios xonca acueca' tolij'ma. LanDios joupa icupa cataiqui'. Toxim'ma al c'a mopa'a fa'a li'a lamats' jouc'a Locuena Quitine toxinna al c'a. ⁹⁻¹⁰ Ticuayi: “Tołiya al'eyi lanic', lipa'ayi acueca' lałpujfxi,

añte' miyołtsi. Joupa añ'huaiyijmpá ÑanDios, ñque Ñimaf'i' CanDios. Ma le'a ñque ti'i'ma tunñu'e'mola' lan xanuc' ni petsi lomana'. Añinca lunñu'e'monga' illanc' petsi joupa añ'huaiyijmpá." He lataiqui' tuya'e' al ñinca. Tepenufle jahuary lan xanuc'.

¹¹ Ima' toxc'ai'itsola' lapimaye jñpe nomana'. Tomuc'itsola' laifmipo', ñe lainini'epo'. ¹² Tama mamijcano aimetets'i'mo', ni'anuli. Topalaita' al c'a, to'eta' al c'a, to'etsola' capic'a lopimaye, tanant'ñita' lopenic' jahuary, tanajxoxi al xujc'a. Ja'ni lapimaye tihuejhuo' tołta'a lo'ejma' ñne jouc'a ti'i'ma al c'a li'ejma'.

¹³ Ca'hua'ma pu'hua, cahuejnto'. Ma mopa'a cotuca' ti'hua toxhuf'itsola' lapimaye litaiqui' ÑanDios, ti'hua toxc'ai'itsola', tomuc'itsola'. ¹⁴ To'nujuaitsola' liñtaiqui' pe noya'apá lixpicejma' ÑanDios. Ñniya uya'apá, imi'me lan ts'ilaj capimaye: "Timoteo ti'eta' lipenic' Jesucristo. Tołpo'nof'ñe lołmane' ñjuac." Jñpe litine ÑanDios epi'ipo' lopicuejma', to'eta' lipenic'. Itsiya aimatets'i'ma lepi'ipo' ÑanDios. To'eta' lanic'.

¹⁵ Topo'notsi cuenna ñe lainini'epo', aimaimenc'eco'ma. To'etsi ma to laixc'ai'ipo'. Tołta'a ti'hua ti'i'ma xonca al c'a lopicuejma'. Jahuary lapimaye tixim'mo' ñe li'ipo'. ¹⁶ Ti'hua taicuis'exoxi ja'ni ac'a lo'ejma', ja'ni ac'a lofmuc'iyalepa. Tołta'a tonñu'e'moxi jouc'a tunñul'me ñne noquimf'epo'.

5

¹ Anuli litojpa xans aimotale'ma, topalaic'o'ma al c'a, ma le'a tomiña'. Taimetsaicołta' to co'ailli'. Lof'as camijcanó, taimetsaico'mola' to copimaye. ² Litojpolá' cacal'no' taimetsaico'mola' to co'máma'. Lahuaťs'la taimetsaico'mola' to copimaye cacal'no'. Aimopalaic'o'mola' quixcay cataiqui', aimailotsojnco'mola' cataiqui'. Jahuary ñniya, aimotale'mola', le'a tomi'mola'.

³ Tomitsola' lapimaye nomana' jñpiya: "Tołtoc'itsola' lam potsateya cacal'no', ñniya petsi ma' añinca quñtuca'". ⁴ Anuli cal potsate caca'no', ja'ni timana' linaxque' o linietó, titoc'ñe ñniya. Ate'a ti'ete al c'a quñtuca' liñpimaye. Tihuic'ñe titoc'ñe quñ'ailli', quñ'máma'. Tołta'a lipic'a ÑanDios, tetenñma. ⁵ Iya' cacua: Cal potsate caca'no' petsi joupa i'huaiyimpa ÑanDios, mipa'a quñtuca' ja'ni ñque ti'hua ti'huaiyinge, ipuqui' itine tipalaic'o'ma ÑanDios, tixahue'e'ma titoc'ñita'. Ja'ni tołta'a li'ejma' ñque añinca apotsate. ⁶ Timana' ocuenaye lam potsateya cacal'no' ituca' li'ejma'. Ñne tehueyi te co'iya muyalaicoyacu al c'a liñpitine. Tehueyi liñpinoxjma cata. Tołta'a, tama ñmafi', ÑanDios tixinnila' to limac'la, to nenajpołtsi ÑanDios. ⁷ To'itsola' lapimaye laifmipo'. Tomitsola': "Tolihuejle ñe lañmiponga' lañpima Pablo". Ja'ni ti'ete tołta'a locuenaye lan xanuc' aiminescoyacu a'ijc'a. ⁸ Lapimaye ticuicomma

titoc'intsola' liñxanuc'. Lapima xonca titoc'i'mola' nomana' lejut'. Ja'ni aimi'eyi tołta'a, acueca' a'ijc'a liñejma', aimihuejyi Lataiqui' loya'apa iñe al c'a lixpíc'epa ñanDios. Petsi aimimet-saicoyi ñanDios iñniya titoc'innila' liñxanuc'.

⁹ To'itsola' lapimaye: “Cal potsate caca'no' petsi aikuixhuaiya afane' nuxans ñemats', aimolinilijnc'e'me lipuftine. Tolinilijnc'eta lipuftine ja'ni loxhuaiya afane' nuxans ñemats', ja'ni imajmpá ma le'a anuli ñipe'ailli', aikuéhuaic' ocuenaj xans, ¹⁰ ja'ni imetsaicompá i'epa al c'a, ja'ni ac'a itoc'epola' linaxque', ja'ni epi'ipola' lejut'ñ tunxac'ele noyepá al culi' cane, ja'ni epac'epola' liñmitsi' lipimaye, iñe jouc'a i'huexi ñanDios, ja'ni itoc'ipola' notelcopá, ja'ni itine itine tehuay te co'iya mi'eya al c'a. Ma le'a toñniya tolinilijnc'etsola' liñpuftine.”

¹¹ Lam potsateya cacal'no' petsi aikuixhuaiya afane' nuxans ñilemats' aimolinilijnc'e'mola' liñpuftine. Iñe tipango'me ti'e'me lipenic' Cristo, tijoula' tixojtola', ticuanaj'mołtsi, tijanaj'me temalliconame. ¹² Ate'a ticuayi: “Ne' ne', linilijnc'ela' laipuftine, ca'e'ma ma le'a lipenic' Cristo”. A'ij ñinca locuapa. Aimentant'hiyacu. Tijanaj'me temalliconame, tijoula' titai'me lajunac', tipo'no'me iñe lipenic' Cristo. ¹³ Iñe lacal'no' lijoupa lolinilijmpola' liñpuftine tihuinaj'mola'. Aimi'eyacu canic', ma le'a tehuengaleta ajut'ñ ajut'. Xonca lixcay ti'e'me, tixahuale'me, tehuelaifyi, tehuejmaleyi liñ'as cacal'no', tipalaiyi lataiqui' aimententma. ¹⁴ Iya' cacua: Temalliconle lam potsateya cacal'no' petsi aikuitoquila'. Tixingon-na'me quillnaxque', ti'e'me cuenna ñilejut'hi. Ja'ni tołta'a lo'epa naixtulepá aimi'iyá minesyacu: “Xinla', ixçay lo'epa iñe lacal'no' petsi nepenufpá Cristo”. ¹⁵ Timana' hualca lam potsateya cacal'no' joupa ipo'nopá al C'a Cane, tihuejcoyi ñonta'a Satanás. Toñiya laifcuapa: Lapimaye lam potsateya temalliconle.

¹⁶ Lapimaye cacal'no' ja'ni timana' liñpimaye apotsateya titoc'intsola'. Aimines'me: “Iñe lapimaye titoc'iñe ñaipima”. Ñinca titoc'im'mola' lam potsateya cacal'no' petsi ma quilluca'.

¹⁷ Lapimaye litojpola', iñe noxpíjpá lataiqui', ja'ni al c'a ti'eyi liñpenic', xonca timetsaicontsola', xonca ti'najtse'entsola'. Xonca timetsaicontsola' tołta'a petsi no'epá lanic' tuya'ayi o timuc'iyaleyi Litaiqui' ñanDios. ¹⁸ Tołta'a tuya'e' al Paxi Linilingiya, ticua: “Cal huacax mi'huailiqui cal trigo, titela'. Aimolñi'e'me lipu'nal.” Jouc'a tuya'e': “Cal xans no'epa lanic' ticuicomma ti'najtsente”.

¹⁹ Ja'ni anuli ticufla' hitojsa capima noxpíjsa cataiqui', ja'ni tuya'ala': “Iñque i'epa quixçay”, ima' aimoquimf'e'ma nonespa tołta'a. Ja'ni oquexi' o afantsi lapimaye tu'ihuo': “Illanc' ałsina' ma i'epa lixcay, ałsimpá li'epa”, jilpe ñinca toquimf'e'mola'.

²⁰ Petsi no'epá lixcay toxc'ai'itsola' pe lefoya lapimaye. Tofta'a tixpailjtsola' lapimaye noquimf'epá, aimi'eyacu lixcay jouc'a.

²¹ Iya' cacuxe'ehuo': To'ela' ile laifnu'ipo'. To'nujuaitsola' naitsi ilne nahuelojmpo', mañiya LanDios, Jesucristo y lapaluc' quema'a li'huijf'epola' LanDios. Aimocua'ma nulemma: "Ihque a'ijc'a li'epa". Ate'a ti'ila' coxina' te qui'ipa. Tijoula' to'ela' ma to laimipo'. Ni aimocua'ma: "Ihque itojpa xans, tixpic'e lataiqui', aimi'ya cateñ'miya". Ima' to'ela' al hijca. ²² Ja'ni topo'nof'i'ma lomane' hijuac anuli lapima, ticuxetsola' lipimaye, ate'a ti'ila' coxina' te ts'i'ic' lipicuejma', li'ejma' lapima, tijoula' topo'nof'i'ma lomane'. Ja'ni a'i, aga ti'e'ma' quixcay lapima pe jounpa opo'nof'ipa lomane', tofta'a ima' jouc'a ojunac'. Aimoxisc'e'moxi tofta'a.

²³ Aimoxnacona'ma ma le'a caja'. Itine itine textafhuo'. Toxnañ'a' tutani laj vino. Ti'ina'ma locu'u.

²⁴ Iya' camihuo': Timana' petsi aimi'ya memiyacu lixcay lo'epa. Tama ilne quiltuca' aimuya'ayi te ts'i'ic' lo'epa, aimicoya ti'i'ma coxina', taimetsaico'mola' ixcaj xanuc'. Ocuenaye xonca ilsina' mifellaiqueyi. Tocomma ac'a xanuc', tijoula' timuj'moñtsi ituca', taimetsaico'mola' a'ijc'a lihpucuejma'. ²⁵ Ma' anuli lo'ipola' no'epá al c'a. Hualca tocomma a'ijc'a xanuc', tijoula' taimetsaico'mola' ac'a lihpucuejma'. Ja'ni ac'a lo'epa li'ejma' cal xans, ihque aimi'ya memiconayacoxi li'ejma', ticuaita litine ti'huájnata.

6

¹ Lapimaye amozó, petsi lihpoujna i'nampola', tixpaic'ele lihpoujna ticuec'ele. Ja'ni tofta'a ti'e'me lapimaye, lan xanuc' tixim'me ac'a lanDios, aimetets'iyacu litaiqui' lomuc'iyalepa. ² Petsi lihpoujnalá apimaye, aimi'onñico'moñtsi, xonca ticuec'entsola'. Timetsaicontsola' lihpoujnalá jouc'a ti'huaiyijnyi LanDios, ma' anuli ti'ela' capic'a ihque. Ima', cumTimoteo, tomuc'itsola', toxc'ai'itsola' tofta'a.

³⁻⁴ Tofta'a loya'apa litaiqui' lahpoujna Jesucristo, ile ma le'a ac'a Cataiqui'. Ja'ni lihuejcoyi ile lomuc'iyalepa, a'e'me ma latentcocopa LanDios. Petsi ituca' lomuc'iyalepa ailopa'a quilsina', jounpa i'ipola' amac'ta, ilne quiltuca' i'e'epoñtsi to lan tsila' lomxiye. Ma le'a tifulecoyi cataiqui', ilta'a o ile lataiqui' aiqilpic'a, tixtuleyi. Tijoula' petsi naihuejpa tofta'a ilniya ti'eyoñtsi laic', tixtuc'oyoñtsi, tinescoyoñtsi, jilpe lihpucuejma' ticufcoyoñtsi a'ijc'a. ⁵ Ti'hua tifuli'iyoyñtsi, aimi'eyi anuli lihpucuejma'. Ilne lan xanuc' lihpucuejma' jounpa etelquemma, aimi'ya mixpic'eyacu al c'a, tihuejyi lafellaiqueya cataiqui'. Ticuayi: "Lihuejle LanDios, tofta'a lulijle acueca' tomí".

⁶ A'i, tohiya aimi'iya maŕcuayacu. Ti'ila' lalapi'iyaconga' o aicalapi'i'monga', ma' anuli aimatsueŕmot'leyacu. Ja'ni ma lihuejcoyi LanDios, joupá i'ipa acueca' lalulijnapa. ⁷ Laŕmajnlita fa'a li'a lamats' ni toŕta'a aicaltaic'. Aŕmatsonga' jouc'a ni toŕta'a aimaltaiyacu. ⁸ Ja'ni tipa'a laŕtejacu jouc'a laŕpijahuahi laŕpo'noyacu, linca tixoj'ma calata, aimajjanajyacu xonca, aimatsueŕmot'leconayacu. ⁹ Pe ts'it'pic'a tulijle acueca' al tomí, a'ijc'a muyalaicoyacu lapajnya, tehuaiyim'mola' acueca', tic'aílcoŕecu, tihuej'me liŕpemaŕta, toŕta'a tehueyi lateŕcoya. Petsi naihuejcopá toŕta'a liŕ'ejma', ilne aimunŕulyacu, tocomma quilituca' tunxalaic'ila', tijouŕa' tejac'mola'. ¹⁰ Al te'a it'pic'a tulijle acueca' tomí, tijouŕa' ti'e'me lixcay. Toŕta'a li'ipola' hualca, ilne nojanajpá quilitomí, enajpoŕtsi al C'a Cane. Ilne quilituca' itel'mipoŕtsi, i'ipa acueca' liŕpixhuejma'.

¹¹ Ima', cumTimoteo, to'ay lipenic' LanDios, topo'noŕa' lopiciejma' aimaihuej'ma ilne lixcay cane. Toxpic'eŕa' to'econa'ma al c'a, to'econa'ma ma latentcocopa LanDios, ti'hua to'huaiyijnla', ti'hua to'etsola' capic'a lapimaye, ti'hua toxnet'Ha' jahuay, aimaxtu'ma, aimo'e'moxi moyac'. ¹² Ima' joupá mepenuŕpa Cristo, ti'hua taihuequi litaiqui'. Itsiya taipa'aŕa' lopujŕxi tolijla' al c'a. Toŕta'a tepi'inno' lopitine aimijouya. Ma toŕta'a ijoc'icopo' LanDios, tepi'itso' lopitine. Ilne joupá oximpa litine onespa: "Ne', iya' nihuequi Jesucristo". Ilne litine miquimf'ehuo' axpela', ima' aicoxina' calaic'ata. ¹³ Itsiya caxc'ai'ihuo', aimehuelojnhuo' lan xanuc', tehuelojnhuo' LanDios, ilque timaf'i'ila' jahuay. Jouc'a tehuelojnhuo' Jesucristo, ilque jouc'a aiquitaic' calaic'ata, ac'a litalai'e'epa Poncio Pilato, u'ipa al linca. ¹⁴ Caxc'ai'ihuo': Ma ti'hua co'huaijma ticuaiconanni laŕPoujna Jesucristo, taihuejcoŕa' lataiqui' locuxe'epo'. Ja'ni ima' minnaihuejcopa, tixinim'me ma le'a ac'a litaiqui' Jesucristo. Aiminesc'eyacu, aimicuayacu a'ijc'a ilne litaiqui' Jesucristo. ¹⁵ LanDios joupá ixina' jale litine ticuaicoconno Jesucristo. Ma to lixpice'epa LanDios, ma toŕta'a ti'i'ma. Ilque LanDios jahuay nipajnya ti'e'ma. Ilque xonca acueca' Incuxepa, ma ilque ticuxe jahuay. Ilque linca apaxi, tixoquei queta. Ilque aRey, ticuxela' jahuay lan rey. Ilque aPoujna, ilPoujna jahuay lapoujnalá. ¹⁶ Ma le'a ilque aimimaya. Pe lopa'a tipa'a pangay quepalc'o', acueca' laxpaiqui' ilne lepalc'o', aimi'iya miŕoc'huaiyacu. Ilque nij naitsi nahuelojmpa, aimi'iya mehuelojnyacu. Ma toŕta'a laŕlanDios, ilque xonca cal Cueca', xonca icueya limane. Toŕta'a timetsaicoŕe lan xanuc', ti'hua timetsaiconame aimijouya litine. Ma toŕta'a ti'ila'. Amén.

¹⁷ Toxc'ai'itsola' lan xanuc' pe ts'it'hueca acueca'. Tomit-sola': "Aimoni'e'e'moŕtsi to lan tsila' xanuc'. Aimolatets'i'mola' loŕpimaye. Aimoŕcua'me: Ai'hueca juaiconapa acueca'. Iŕta'a

linca ahtoc'i'ma laifnuyaicoya laipitine. Imanc' aicołsina' ja'ni ticol'ma łol'hueca o ja'ni aimijucoya. Xonca toł'huaiyijnle ŁanDios. Iłque itine itine lapi'inga' jahuary lalahue'eponga'. Ipic'a tixojla' calata itsiya, aimasuełmot'le'me.”¹⁸ Jouc'a tomitsola' lan xanuc' pe ts'ih'hueca: “Ima' o'hueca juaiconapa. To'eł'a' juaiconapa al c'a. Aimi'i'mo' mafts'ile. Totoc'itsola' lop-imaye pe nahue'epola'.¹⁹ Ja'ni tołta'a lof'eya aimixpaic'eyaco' Locuena' Quitine. Ti'i'mo' coxina' tipa'a łol'hueca jipu'hua, tepi'inno' nulemma al ts'e lopitine.”

²⁰ CumTimoteo, joupa epi'impo' lopenic'. To'eł'a' al c'a. Al c'a tomuc'iyaleł'a' Lataiqui', ile loya'apa lixpicepa ŁanDios. Iłniya limpalaipá aimo'onłico'moxi. Topo'no'mola' quiltuca', aimoquimf'e'mola'. Iłne ailopa'a quimuc'iyalepa, lonespa ma le'a laipa'apa quiltuca' liłpicuejma', ti'hua tifulecoyi cataiqui', ma micuayi: “Iłlanc' asina”. A'ij linca locuapa, aiquiłsina'.²¹ Petsi naihuejcopá iłniya joupa imenajpola'. Aimihuejconayi Lataiqui' iłlanc' lał'huaiyijmpa.

ŁanDios titoc'itsolhuo' jahuary imanc'.

LIJE'E SAN PABLO LOCUENA LINIŁ'EPA TIMOTEO

¹ Iya' ninPablo, nin'apóstol, epaluc Jesucristo. Tołta'a lixpic'epa ŁanDios. Iya' nin'apóstol laifnuya'apa ticua: “Ja'ni toł'huaiyijnle Jesucristo, tepi'im'molhuo' al ts'e lołpitine aimijouya”. ² Quinił'ehuo' coje'e, ima' cumTimoteo. Ima' ai'hua aipic'a. ŁanDios cał'Ailli' y Jesucristo łalPoujna, titoc'itso', ti'nujuaitso', tipac'e'etso' lopticuejma'.

³ Iya' cax'najtsi'i ŁanDios, ilenDios cai'ailli' jouc'a lai'ahueló. Ihiya ihuejcopá, ma' anuli iya' quihuequi jahuay laipicuejma'. Cacia: Cax'najtsi'i ŁanDios. Itine ipuqui' ma capalaic'o ca'nujuaishuo' ima', caxa'hue ŁanDios titoc'itso'. ⁴ Ca'nujuaishuo' ojojpa. Tołiya juaiconapa aipic'a caxingontso', tołta' tixoj'ma neta. ⁵ Ca'nujuaishuo' ma' al linca mepenufpa Jesucristo. Tołta'a epenufpa ate'a lo'ahuela Loida jouc'a co'máma' Eunice. Ihe a'i ma le'a mi'e'eyołtsi, al linca ihuej'me Jesucristo. Iya' cacua ima' jouc'a taihuequi.

⁶ Tołiya camihuo': Tomaf'i'ixoxi. Ihe litine laipo'nof'ipo' laimane' lojuac, ŁanDios epi'ipo' lopticuejma' to'ełá' lanic' lepi'ipo'. Itsiya aimixojto'. ⁷ Aimixpaij'mo'. Cal Espíritu Santo, łalapi'iponga' ŁanDios aimal'e'eyacongá' malsinyacu calaic'ata. Cal Espíritu lapi'iponga' łalpicuejma' al'ełe al cueca', al'etsola' capic'a łal'as xanuc', alsc'ai'itsola' al c'a. ⁸ Itsiya camihuo': Ti'hua topalaico'ma łalPoujna Jesucristo, aimotai'ma calaic'ata. Ni aimalatets'i'ma iya'. Jouc'a capalaicojma łalPoujna, tołiya al'nołpa, alłats'iya. Ja'ni toya'a'ma Lataiqui', loya'apa ihe al c'a lixp'ic'epa ŁanDios, ma totełco'ma. Toxp'ic'ełá' alłełcołe anuli. ŁanDios, ilque No'epa al cueca', tepi'i'mo' copujfxi toxnet'Ha'. ⁹ Małque ŁanDios lunłu'eponga', aljoc'iponga' lanajtsołtsi lixcay, al'itsonga' i'huexi ŁanDios.

Ai'a tilajm'ma li'a łamats' ŁanDios alpalaicoponga', ticua: “Ihiya Jesucristo tepenuf'mola'. Iya' catoc'i'mola', capaxne'mola'.” ŁanDios aiqui'huaijma mixinya te ts'i'ic' lał'eyacu, ja'ni ti'ila' al c'a o ti'ila' lixcay. Ma quituca' ixpic'epa alłoc'itsonga', alpaxnetsonga'. ¹⁰ Itsiya joupá alłina' ma' al linca ihiya lixp'ic'epa ŁanDios. Iłque joupá alłoc'iponga', alpaxneponga'. Cristo, ilque Łalunłu'eponga', joupá imujpa tołta'a. Licuai'ma fa'a li'a łamats' ulij'ma lamaya, alpo'no'iponga' litaiqui', ihe lataiqui' laluya'apa. Luya'ayi: “Cristo tepi'ilhuo' al ts'e lołpitine aimijouya. Aimimayacolhuo' nulemma.”

¹¹ Ma' ihe Lataiqui' cuya'e', camuc'ila' lan xanuc', tołta'a laipenic', iya' nin'apóstol. ¹² Tama catełma aicaxhuełmot'le.

Aicaixina' calaic'ata. Quimetsaijma naitsi itque hai'huaiyijmpa, ca'huaiyinge LanDios. Joupá aicupoxi ticuaita limane. Aixina' al'e'ma cuenna. Ticuaitsi al Cuecaj Quitine alapenufna'ma.

¹³ He laimipo' ac'a lataiqui', aimetełquila'. Joupá oxina' tołta'a lataiqui' lainu'ipo'. Al c'a mepenuf'ma ihiya laitaiqui', o'epa capic'a juaiconapa. Tołta'a lopicuejma' lepi'ipo' Jesucristo. Itsiya to'nujuaisla' te ts'i'ic' ihiya lataiqui'. ¹⁴ Acueca' al c'a ite lopenic' lepi'ipo' LanDios, itque ti'huaiyijnhuo' tomuc'iyaleła' al c'a ite Lataiqui'. Ne', tołe to'ela', aimopai'i'ma. Cal Espíritu Santo łalapenufpa illanc' nał'huaiyijmpá Jesucristo, itque titoc'i'mo', almana' anuli itque.

¹⁵ Ima' joupá oxina' aicalimetsaicoconghua lapimaye nomana' łamats' Asia. Tołta'a lał'e'epa Figelo y Hermógenes. ¹⁶ Onesíforo ituca' li'ejma'. Itque ti'hua lixoc'i neta. Tama alłats'iya, alłijncompa acadena catejma', ma' alejmalepá. Aiquixina' calaic'ata. Iya' caxa'hue łalPoujna titoc'itsola' lixanuc' Onesíforo. ¹⁷ Cacua: Onesíforo aiquixina' calaic'ata. Licuai'ma fa'a liłya' Roma ti'hua lahuay. Aiminesqui: "Aimi'iya cahuejnya Pablo, aicaixina' pe lopa'a". ¹⁸ Małmana' lipiłya' Éfeso alłoc'ipa juaiconapa. Tołta'a oxina'. Caxa'hue łalPoujna titoc'ila'. Ticuaitsi al Cuecaj Quitine łalPoujna aimecani'e'ma.

2

¹ Mai'hua Timoteo, aimitafqueco'. Ti'hua taihuejcoła' Jesucristo. Tołta'a LanDios ti'hua titoc'i'mo', tepi'i'mo' copujfxi.

² To'nujuaisla' te ts'i'ic' laimipo' ite litine lolafot'łepołtsi imanc', ima' y lanxpela' lapimaye. He litine nu'ipo' te ts'i'ic' lofmuc'iyaleya. He lataiqui' tomuc'i'mola' lapimaye lof'huif'eyacola'. To'huij'e'mola' petsi ac'a naihuejpa', petsi joupá epi'impola' liłpicuejma' timuc'iyalełe, itniya timuc'icona'mola' lapimaye.

³ Fa'a catełma. Jiłpe ima' aimi'iya moyaicoya ma le'a al c'a. Totelco'ma jouc'a. Ma to mixnet'lyi lan soldado ima' jouc'a toxnet'łtsi. Cristo ticuxehuo', taihuejcoła'. ⁴ Mifule cal soldado aiminesya: "¿Te caifnuyaicoya al c'a lapajnya?" Ai. Joupá ipo'nopa lipicuejma' ti'ela' ma le'a latentłcocopa lipincuxepa.

⁵ Ma' anuli lo'epa lan xanuc' nocuicalepá laipa'apa cafxi. Itne ma tihuejcoyi lataiqui' locuxepola'. Ja'ni aimihuejma, aimulijya lapi'inyacu. ⁶ Cal xans no'epa canic', tefot'łe łaipammaispa jiłpe łemats', itque ti'i'ma cal te'a tite'ma lafot'łepa.

⁷ Topo'noła' cuenna laitaiqui' laifmipo'. ŁalPoujna tepi'i'mo' lopicuejma' tocuēc'ela' taihuic'ila' jahuay. ⁸ To'nujuaisla' li'ipa Jesucristo, itque lipajnta fa'a li'a łamats' ibisnieto cal rey David. Lijoupá limapa, LanDios imaf'i'inapa. Tołta'a loya'apa Lataiqui' ite laifnuya'apa, ite lataiqui' tuya'e' al

c'a lixic'epa LanDios. ⁹ Timana' petsi aimetenłcocola' ile lataiqui' laifnuya'apa. Tołiya catełma itsiya. Al'onliconno to lixcay xans, alteł'minno. Tama iya' alfi'empa, litaiqui' LanDios aiqiuifiyiya. Ihiya lataiqui' tuya'aleyı, tepenufyı. ¹⁰ Iya' ma caxnet'łqui jahuay ca'nujuaitsila' lapimaye ihne lo'huij'epola' LanDios. Cacia: Ma mi'huaiyijnyi Jesucristo ihniya jouc'a ti'ıla' quilsina' tunlu'ela', ti'ıla' quilsina' ahinca tilaitsufcotola' LanDios, timetsaicotola' nulemma ixanuc'.

¹¹ Al linca lataiqui' loya'apa:

Ja'ni joupa almanaponga' anuli Cristo, jouc'a almaf'i'im'monga', anuli almajnta pu'hua.

¹² Ja'ni alsnet'He to lixnet'łpa Cristo, jouc'a alcuxeta anuli.

Ja'ni aimalimetsaicoyi, jouc'a aimalimetsaicoyaconga'.

¹³ Ja'ni aimal'eyi linca, LanDios tenant'hi'ma litaiqui', aimafel'miyaconga'.

Ja'ni joupa icupa cataiqui' aiminesya: "He lataiqui' a'i caicuac".

¹⁴ Laitaiqui' laifmipo' ima' to'icona'mola' lapimaye nomana' jilpiya. Aimimenc'eco'me laitaiqui'. Tomitsola': "Toł'etsoltsi cuenna. LałPoujna tehuelongilhuo', ixina' te ts'i'ic' loł'ejma'. Aimont'e'e'moltsi to ihniya petsi ja'ni aiqiułpic'a o aimetenłcocola' anuli lataiqui' tixtulecu. Petsi tołta'a lił'ejma' aimuyalaicoyacu al c'a. Jouc'a pe noquimf'epá timints'ela' liłpicuejma'."

¹⁵ Ima' cumTimoteo, tahueła' latentłcocola' LanDios. Timitso': "Iya' nimetsaicohuo' ac'a lo'epa". Al c'a to'ela' lanic' lepi'ipo' LanDios. Toxpijla' al c'a al Linca Cataiqui'. Tomuc'iyaleła' tołta'a. Ja'ni tołta'a loł'epa, litine tacaxingaitsi LanDios aimoxinya calaic'ata. ¹⁶ Aimontejmale'me petsi juaiconapa nopalaipá. Ihne ailopa'a quilmuc'iyale, lonespa tipa'acoyi quiltuca' liłpicuejma'. Ihne ti'hua ti'e'e'moltsi xonca lixcay xanuc', xonca aimihuejconayacu LanDios. ¹⁷ Lomuc'iyalepa ihniya ti'onłcospa to al cuana. Tetełquiyaleyı, tima'ahualeyı. Tołta'a lomuc'iyalepa Himeneo y Fileto. ¹⁸ Ihne joupa ime-najpola'. Aimihuejconayi al Linca Cataiqui'. Ticuayi: "Ja'ni joupa lapenufpá al ts'e lałpitine, tocomma to joupa almaf'i'iponga'. Tijouła' almatsonga' ailopa'a xonca. LanDios aimaf'fi'iyaconga'." Ihniya lomuc'iyalepa timenac'ila' lapimaye, hualca aimihuejconayi to li'ipa. ¹⁹ Petsi LanDios ifa'epola' liłpicuejma' aimi'iyá mimenac'inyacola'. Ihne linca i'huexi LanDios. Tołta'a loya'apa lataiqui', ticua: "LałPoujna timetsaicola' naitsi ihne lixanuc'". Jouc'a tuya'e': "Ihne pe nocuapá: LanDios aiPoujna, aimi'econa'me al xujc'a, tipalunca nulemma lixcay cane."

²⁰ Al cueca' cajut'i tipa'a axpe' capixú, ituca' ituca'. Tipa'a lilanc'ecompa a'oro o aplata. Jouc'a tipa'a lilanc'ecompa a'ec o ixitsqui. Tipa'a lapixú petsi lo'e'epa cuenna juaiconapa, ma le'a al c'a lo'nicoya. Ocuenaye a'i. Tixhuicoyi nij naitsi lanic'.
²¹ Toña'a lapimaye. Lapima ja'ni tenajxoxi lixcay, ti'onkospa to al c'a capixu, tetencoco'ma liPoujna, itque timetsaico'ma i'huexi. Iximpa joupa ilanc'e'empa lipicuejma'. LaPoujna litine tixpic'ela' ti'ela' al c'a tepi'i'ma lapima lipenic', itque ti'e'ma toña'a.

²² Ima' aimaihuej'mola' lof'as camijcanó li'ejma'. Ihe tihuejco'me lojanajpa ihe quituca' li'picuejma'. Ima' topo'noña' lopicuejma' taihuejla' al hijca, ti'hua to'huaiyijnla' LanDios, ti'hua to'etsola' capic'a lapimaye. Tonlejmalete lapimaye no-joc'ipá laPoujna Cristo, ihe naihuejcopá, aimolixtuc'o'moñtsi.

²³ Aimonlejmale'me petsi nofulecopá lamac'ta cataiqui'. Petsi toña'a li'ejma' ma le'a tixtuc'o'moñtsi, tifuli'i'moñtsi. ²⁴ Lapima no'epa lipenic' laPoujna aimifuli'i'mola' lipimaye. Itque tipalaic'o'mola' al c'a jahuay lapimaye, timuc'i'mola' al c'a. Ja'ni ti'ela' a'ijc'a anuli lipima, itque pe no'epa lipenic' LanDios aimixtuc'o'ma. ²⁵ Panca panca tixc'ai'i'mola' ihe pe aimihuejcoyi. Aimijaic'o'mola'. Aga LanDios titoc'i'mola' tixhuej'menacu. Ti'ila' quilsina' te ts'i'ic' al Linca Cataiqui'.
²⁶ Toña'a tilanc'e'ena'mola' li'picuejma'. Aimimanecu petsi lic'ai'ipola' ñonta'a, tunchul'me. Itque ñonta'a joupa li'e'epola' to lixp'ic'epa, i'noñpola', itats'epola'.

3

¹ To'nujuaisla', tocuec'ela' lo'iya lijoujma quitine. To'nujuaisla' ti'i'ma ipime lapajnya. ² Lan xanuc' ti'e'moñtsi capic'a ma le'a quituca', tixim'me acuanuc' liñtomí, tipalaico'moñtsi acueca' al c'a, tetets'i'me liñ'as xanuc', tinesc'e'me cataiqui'. Aimicuec'eyacu li'aillí, aimix'najtsi'iyacu ihe pe notoc'ipá. Ti'i'ma ma lixcay li'picuejma'.
³ La'aillí liñmaxque' aimi'eyacoñtsi capic'a. Aimimenc'e'econayacu ja'ni lixcay li'empola', ti'hua tixtuc'oyi. Tixahuale'me, aimicuxeyacoñtsi al c'a, timuj'moñtsi oyac'la juaiconapa, tixtuc'o'me petsi no'epá al c'a.
⁴ Ticufquim'mola' loyejmalepá. Aimixpic'eyacu al c'a lo'eyacu, toña'a ti'e'me pangay nixpiya. Ti'e'e'moñtsi to acueca' li'picuejma'. Aimicuaispa quitpic'a LanDios, xonca i'pic'a lixojma cata. ⁵ Ihe tama ti'hua text'onñingoñaiyi joupa etets'ipá LanDios, aimihuejcoyi. Xonca tihuejco'me lojanajyacu jilpe li'picuejma'.

Aimaihuej'mola' ihe lan xanuc'. Aimonlejmale'me, tana-jxoxi. ⁶⁻⁷ Lan xanuc' li'ejma' to laifmipo' ihe ma in-fel'miyale. Tehueyi te co'iya mitsuflaiyacu lajut'hi. Jilpiya

tifel'mi'me laca!no' petsi aimixpic'eyi lihpicejma'. Ihiya laca!no' itaic' acueca' quiljunac'. Tihuejcoyi ni tintsí cataiqui', ihiya lataiqui' petsi ihniya quiltuca' tijanajyi, tixinyi tetencocola'. Ti'hua tiquimf'eyi jahuay lomuc'impola', aimicuec'eyi. Ni micuec'eyi te ts'i'ic' al Linca Cataiqui'. ⁸ Ihiya lan xanuc' petsi ituca' lomuc'iyalepa ti'onkospola' to Janes y Jambres. Iha'a loquexi' ipa'ne'me litaiqui' Moisés. To!ta'a li!ejma' ihniya lomxiye, tipa'neyi litaiqui' LanDios. Ihe iminscola' lihpicejma'. Jounpa imujpo!tsi aimi'huaiyijnyi LanDios, i!que aimimetsaicola'. ⁹ Linca, itsiya tocomma ti'hua tulijyi. Ai. Aimi'iyá mulijconayacu. Ihe Janes y Jambres imetsaicom-pola' lihpemac'ta. Ma' anuli timetsaicom'mola' ihniya lan xanuc' lainscopola'.

¹⁰⁻¹¹ Ima' a'i to!ta'a lof'epa. Jounpa mepenufpa litaiqui' laifmuc'iyalepa. To!ta'a taihuequi. Ima jounpa a!simpa lai'ejma', a!simpa te ts'i'ic' laifxpicepa, a!simpa te ts'i'ic' lai'huaiyijmpa LanDios. A!simpa aiquixtumma, a!simpa ca'ehuale capic'a ma to ca'ay capic'a LanDios. A!simpa caxnet!qui jahuay ma lahuenno a!en!a' quixcay. A!simpa laifte!copa, a!simpa te ts'i'ic' lainuyaicopa jilpiya h!elol!ya' Antioquía, Iconio y Lистра. A!simpa lahuenno, lihuetsoquimpa. Linca !a!Poujna alun!u'epa jahuay ihiya. ¹² Itsiya camihuo': Petsi jounpa nepenufpá Jesucristo, ixpic'epá tihuejco'me LanDios, ihniya linca tehuem'mola', ti'entsola' quixcay. ¹³ Lixcay xanuc' jouc'a linfel'miyale jahuay ihniya ti'e'mo!tsi xonca axujc'a xanuc'. Ti'hua tifel'miyale'me, ti'hua tifel'mi'mo!tsi.

¹⁴ Ima' cumTimoteo jounpa omihuic'ipa Lataiqui', jounpa o'epa linca. Ti'hua taihuejla' to!ta'a, aimanaj'moxi. Ima' oxina' naitsi ihe limuc'ipo' i!e Lataiqui'. Omimetsaicola' ac'a lihpicejma'. ¹⁵ To'nujuaisla' lomuyaicopa. Maj ma'hua omimetsaicopa al Paxi Linilingiya. Ihe linihya linca ti'hua tepi'ihuo' lopicuejma', tun!u'e'mo'. To!ta'a ti'i'mo' ja'ni ti'hua to'huaiyinge Jesucristo.

¹⁶ Ihe al Paxi Linilingiya lan xanuc' aiquilipa'e quiltuca' lihpicejma'. Ma miniyi, li'Espíritu LanDios timuc'ila' te lainiyacu. To!hiya i!e a'i ninaitsi cataiqui', mane itaiqui' LanDios. Ja'ni tomuc'itsola' lapimaye, ja'ni toxca'i'itsola', ja'ni totaletsola', ja'ni to'itsola' te ts'i'ic' al c'a lo'eyacu, jilpe litaiqui' LanDios taipa'a'ma lofmuc'iyacola'. ¹⁷ To!hiya ma mo'ey lanic' lepi'ipo' LanDios ti'i'ma to'e'ma al c'a. Ma' o'hueca litaiqui' LanDios ailopa'a quehue'epo'. Ac'a ti'i'ma totoc'i'mola' lapimaye.

4

¹ Itsiya caxc'ai'ihuo', camihuo' lof'eya. To'nujuaitsola'

ca!Ailli' LanDios y Jesucristo la!Poujna, i!ne tehuelojnhuo'. La!Poujna ticuaiyunni ticuxela' timuj'moxi i!Juez jahuay lan xanuc'. Ja'ni ts'ihmafi', ja'ni joupa imanapola', jahuay tixim'me to!ta'a. ² Camihuo': Ti'hua toya'ala' Lataiqui'. Ti'hua to'ela' lanic' lepi'ipo' LanDios. Aimocua'ma: "Aimi'ya". Toxc'ai'i'mola' lapimaye, topalaic'o'mola', ti'ila' quilsina' ja'ni a'ijc'a lo'epa. Ja'ni oxina' a'ijc'a lo'epa, totale'mola'. To'itsola' te ts'i'ic' al c'a lo'eyacu. To!ta'a taixpi'i'mola' quileta. Topalaic'otsola' al c'a. Panca panca tomuc'itsola'. ³ Iya' camihuo' ti'hua tomuc'itsola'. Ticuaihuo litine lan xanuc' aimicuayacu. Ti'e'me laic' al c'a lomuc'iyalepa. Quiltuca' tehue'me quilpomxiye, i!ne latencocoyacola'. Tefot'em'mola' axpela' lomxiye. I!pic'a tiquimf'ele ituca' ituca' cataiqui', aimicuaicospa quilpic'a nulemma. ⁴ Al Linca Cataiqui' tetets'i'me. I!e aimiquimf'eyacu, ti'e'mo!tsi atalpe. Xonca i!pic'a tiquimf'ele ni tintsi cataiqui' loya'apa lan xanuc'. ⁵ Ima' aimoxhuelmot'le'ma. To'huijla' lopicuejma'. Toxnet'Ha' jahuay late!coya. To'ela' lopenic' i!e lepi'ipo' LanDios. Toya'ala', tomuc'iyale!a' Lataiqui'.

⁶ Iya' aixina' aimalco!ya fa'a li'a lamats'. Tocomma ma' itsiya tic'equi laijuats', catsufcoyoxi LanDios. Ma le'a lahue'e' alma'an!a'. ⁷ Joupa nipa'apa laipujfxi, joupa nulijpa. Aijou'nepa laipenic', i!e lanic' lalapi'ipa LanDios. Lataiqui' lai'epa linca, ma!e Lataiqui' ti'hua ca'ay linca, ti'hua cuya'e'. ⁸ Itsiya, ¿te xonca caif'huaicoya? Linca pu'hua tipa'a lalapi'inya. Ticuai!si al Cuecaj Quitine al'najtseta la!Poujna, i!que cal Cuecaj Juez, ahijca lo'epa. I!que alimetsaicota lai'epa al c'a. A'i ma le'a iya'. Limetsaicotonga' jahuay petsi al'huaicoyi ticaiconanni Cristo. Tixoj'ma calata lapenufta.

⁹ Ima' cumTimoteo, aimico!to' jilpiya. To'huanni, alsim'mo!tsi. ¹⁰ Demas joupa i'huanapa, alpo'nopa fa'a caituca'. I!que aiquicuac' mi'hua mite!coconaya. Xonca ipic'a tuyaico!a' al c'a capajnya fa'a li'a lamats'. I'huapa li!ya' Tesalónica. Crescens i'huapa lamats' Galacia. Tito i'huapa lamats' Dalmacia. ¹¹ Ca!tuca' almana' fa'a iya' y Lucas. Tahue!a' Marcos. Toleconni fa'a. I!que al!oc'i'ma. Al'e'me lipenic' LanDios. ¹² Tíquico jouc'a ailopa'a. Nummepa li!ya' Éfeso. ¹³ Ima' litine to'huanni al!aic'uenanni laipoxa laipo'nopa li!ya' Troas, lejut'! Carpo. Al!aic'ue'enni jouc'a laije'e, i!ne lilanc'ecompa ixmi. I!ne xonca ticuicomma.

¹⁴ Alejandro, i!quiya linlanc'ot'!epa tixhujma acobre, i!que al'e'epa juaiconapa quixcay. I!e lixcay la!e'epa, nuli ti'najtsi'ina'ma la!Poujna. ¹⁵ To'exoxi cuenna i!quiya cal xans. Aimohuaiyijm'ma. Juaiconapa alpa'neponga' illanc' la!taiqui'. Aimicuaicospa quipic'a.

¹⁶ Ate'a laɬjoc'impa catalai'e'etsola' petsi laɬcufpa, nij naitsi laɬtoc'ipa. Laɬejmale inulna'me, aɬpo'nopa caituca'. Caxahue'e LanDios timenc'e'ecotsola' ilta'a laɬ'e'epa. ¹⁷ Tama ihniya aɬpo'nopa caituca' aicaɬpo'nohua laɬiPoujna Jesús. Iɬque aɬtoc'ipa, laɬi'ipa caɬpujfxi. Ixpice'epa ti'hua cuya'ala' Lataiqui', caxhuai'niɬa' iɬe laipenic'. Ni petsi lomana' lan xanuc' pe aimimet-saicoyi LanDios, ti'ila' quilsina' te ts'i'ic' Lataiqui'. Tama tocomma jounpa aɬ'noɬpa calxmu, aɬma'a'ma, aɬtejn-na'ma, LanDios lunɬu'epa. Ti'hua ca'eɬa' lipenic'. ¹⁸ Laɬ'e'epa lan xanuc' aimalulijya. LaɬPoujna Nopa'a lema'a ti'hua lunɬu'e'ma. Aɬ'econa'ma cuenna. Aɬmajnta anuli iɬe litine tixinim'me locuxeya. Ma' iɬque timetsaiconɬe anDios. Tix'najtsi'inɬe itsiya litine jouc'a Locuena Quitine. Toɬta'a ti'ila'. Amén.

¹⁹ Tomitsola' Priscila, Aquila, jouc'a lixanuc' Onesíforo: "Pablo tinonghuo". ²⁰ Erasto ipanemma liɬya' Corinto. Trófimo textafque. Aipo'nopa liɬya' Mileto. ²¹ Aimicoɬto' jilɬpiya pe loɬpa'a. To'huanni ai'a ti'i'ma laɬxita quitine. Tinonghuo' Eúbolo, Pudente, Lino, Claudia, jouc'a jahuay lapimaye nomana' fa'a.

²² Ti'ila' coxina' laɬPoujna Jesucristo tipa'a pe loɬpa'a. LanDios titoc'itso', tipaxnetsolhuo' jahuay imanc'.

LIJE'E SAN PABLO LINIĒ'EPA TITO

¹ Iya' ninPablo ca'ey laɽcuxe'epa LanDios. Iya' nin'apóstol, epaluc Jesucristo, iɽque lummepa. Lummepa pe lomana' li'huij'epola'. Ihiya tepenufle. Ti'íta' quilsina' te ts'i'ic' al Linca Cataiqui'. Tihuejcole LanDios. ² Ti'íta' quilsina' LanDios tepi'i'mola' liɽpitine aimijouya. Ai'a tilanc'e'ma li'a lamats' LanDios inespa: “Capi'i'mola' laixanuc' liɽpitine aimijouya”. Ma' alinca toɽta'a lo'epa LanDios, iɽque aimi'iyi mifellaiqueya. ³ Icuapa: “Ticuaisi litine laixpic'epa, camuc'i'mola' laixanuc' iɽe laitaiqui' lainespa”. Jupa icuai'ma iɽta'a litine. Iya' cuya'e' lataiqui' linespa LanDios. Iɽta'a aipenic'. Iɽque LanDios Lalunɽ'eyacongá' lapi'ipa iɽta'a laipenic', aɽcuxe'epa ca'eɽa'.

⁴ Iya' ninPablo quini'ehuo' ima' cumTito. Illanc' ninc'oquexi' aɽ'huaijinyi Cristo. Toliya ima' ai'hua. LanDios caɽ'Ailli' y Jesucristo Lalunɽ'eyacongá' tipaxnetso', titoc'itso', tipac'e'etso' lopicuejma'.

⁵ Laipo'no'mo' jilpiya lamats' Creta nu'i'mo' lof'eya. Aimi'mo': “Jifa'a tipa'a lahue'epa. Aiquifaquila' lapimaye litsilojpolá' xanuc', iɽne tixpic'e'me lataiqui'. Ima' tofaj'mola'. Iya' iɽya' petsi lafoɽyomma lapimaye, ima' tofajtola' iɽne litsilojpolá' xanuc'.” Toɽta'a laimipo'. Itsiya ma to'eɽa'. ⁶ Ima' tofajtola' iɽne limetsaiconnila' ac'a xanuc'. Ihiya ts'anuli quiɽpeno, iɽne ts'iɽnaxque' naihuejcopá' locuxepa LanDios. Toɽta'a aiminesyacu lan xanuc': “Iɽque cal xans linaxque' aimihuejcoyi, ti'eyi nixpiya”.

⁷ Lapimaye litsilojpolá' xanuc' ti'e'me cuenna lixanuc' LanDios, toliya ticuicomma tofajtsola' petsi limetsaiconnila' ac'a xanuc'. Aimofaj'ma petsi ma le'a quituca' tixpic'e lipicuejma'. Jouc'a aimofaj'ma laixtumma, ni loxnatsaipa, ni linfule, ni lonesya: “Culijco'ma caitomí”. ⁸ Tofaj'ma petsi laixojpa queta tepenufla' lipimaye quiyoyomma aculi', tepi'ila' quilejut'ɽ tunxajle. Tofaj'ma iɽque petsi letenɽcocopa al c'a a'i lixcay, petsi aimilosma, ti'ay al hijca, tenaj'moxi al xujc'a, tihuequi LanDios, timuj'moxi ma' i'huexi LanDios, ticuxeyoxi al c'a. ⁹ Tofaj'ma petsi ti'hua tihuequi lataiqui' limuc'impá, iɽe lataiqui' aimifellaique. Toɽta'a ti'i'ma tu'i'mola' lapimaye. Timi'mola': “Toɽta'a tuya'e' Lataiqui'. Toɽcuc'eɽe.” Jouc'a titalai'e'mola' lan xanuc' pe aimihuejcoyi LanDios. Timuc'i'mola' a'ij linca lonespa.

¹⁰ Itsiya timana' axpela' lan xanuc' aimihuejcoyi locuxe'empola'. Iɽne tipalaicoyi quiɽtuca' liɽpicuejma'. Tifel'miyaleyi. Iɽne linfel'miyale xonca axpela' ihiya axanuc'

judío. ¹¹ Ticuicomma ti-ch'ixc'entsola'. Ihne ihpic'a tulijle quiltomí, tohiya timuc'iyaleyí pe aimetenma. Timana' jajut'li petsi jahuay lapimaye naihuejcopá ÆanDios joupa imenac'impola' lihpuciejma'.

¹² Anuli cal xans acueca' ts'ixina', lipajnyota jilpe lamats' Creta, icuf'mola' lipihya' xanuc', ticua: "Ihna'a laixanuc' nomana' Creta infel'miyale, ailopa'a quihpicuejma', ti'onlcospola' to linneja, intetsopá, ahuiye". ¹³ Ma' al linca linespa ihque cal xans. Ma tohta'a li'ejma' ihniya nomana' Creta. Tohiya tox'c'ai'itsola' a'ujfxi lapimaye nomana' jilpiya. Tomitsola': "Aimolihuej'me ih lixcay cane. Tolihuejle al Linca Cataiqui'. ¹⁴ Aimolquimf'e'mola' loya'apa ihne lan xanuc' judío. Aimolihuej'me locuxe'epolhuo' ihniya. Ihiya lihtaiqui' tipa'acoyi quiltuca' lihpuciejma'. Tetets'iyi al Linca Cataiqui'."

¹⁵ Petsi joupa li'ipola' limpio lihpuciejma', ihne tixinyi ac'a jahuay lipo'nopa ÆanDios jifa'a li'a lamats'. Ituca' lihpuciejma' lan xanuc' pe aimihuejcoyi Jesucristo. Ihniya a'ij limpio lihpuciejma', tixinyi jahuay axujc'a. ¹⁶ Micuayi: "Alimetsaicoyi ÆanDios", ma'ne ti'eyi lixcay, ti'eyi pe aimetenma ÆanDios. Ihne ix'cay lihpuciejma', incuejlocale, aimi'iyá mi'eyacu al c'a.

2

¹ Ima' conTito, aimomuc'iyale'ma to lomuc'iyalepa ihne lan xanuc'. Pangay c'a litaiqui' Jesucristo. Petsi naihuejpa' ihne lataiqui' jouc'a ti'ele al c'a. Tohta'a tomuc'itsola'. ² Momuc'ila' litsilojpola' xanuc' tox'c'ai'itsola', tomitsola': "Imanc' tolcuxetso'tsi al c'a. Aimolilotso'me. To'cuc'ele Lataiqui', tolihuejle. Ton'etsotso' capic'a, imanc' unc'apimaye. Aimixojtolhuo', to'ommo'aitsa jahuay lo'iyacolhuo'."

³ Momuc'ila' litsilojpola' laca'no' tox'c'ai'itsola', tomitsola': "Imanc' no'spaic'epá ÆanDios ti'ila' ac'a lo'ejma'. Aimolsahuale'me. Aimolsnatso'ai'me vino. To' muc'iyalele al c'a. ⁴ To'c'ai'itsola' anuli anuli lo'f'as cacal'no' petsi ts'atesca quilemats', to'mitsola': To'ela' capic'a lo'pe'ailli', to'etsola' capic'a lonaxque'. ⁵ Aimailotso'ma. Tanajxoxi lixcay. To'e'ma cuenna lomejut'. Tonanc'otsola' lopimaye. Taihuejcola' lo'pe'ailli'. Ja'ni aimo'ay al c'a lan xanuc' tines'me: Ah, a'ijc'a litaiqui' ÆanDios."

⁶ Momuc'ila' lamijcanó, tox'c'ai'itsola', tomitsola': "To'lcuxetso'tsi al c'a". ⁷ Ima' cumTito jouc'a to'ela' al c'a. Tixintso' tohta'a lo'f'epa tihuej'mo' to mo'ay. Tomuc'iyalela' al hijca Lataiqui'. Ih acueca' cataiqui', tohta'a tomuc'iyalela', a'i to ninaitsi cataiqui'. ⁸ Momuc'iyale ti'ila' ma le'a ac'a lo'palaiya, tohta'a ihne petsi aimihuejcoyi aimi'iyá minesyacu:

“He axujc'a cataiqui”. Tama ilpic'a aġnescotsonga', aimi'iyā maġnescoyaconga'. Tixim'me calaic'ata.

⁹Toxc'ai'itsola' lam mozó, ilne li'nampola', tomitsola': “Taihuejcola' łopoujna. To'ela' jahuay locuxe'epo'. Aimotalai'ot'le'ma. ¹⁰Aimaminai'ma ni tołta'a. Tołiya ti'huaiyijm'mo' łopoujna. Ja'ni ima' ac'a lo'ejma', lan xanuc' tixim'me ac'a juaiconapa lataiqui' lofmihuejpa. He litaiqui' ŁanDios Łalunlu'eponga'.”

¹¹ŁanDios jōupa ałmuc'iponga' ac'a lipicuejma'. Ni petsi lomana' lan xanuc', ŁanDios ipic'a titoc'itsola', tunlu'etsola'. ¹²Illanc' inaxque' cał'Ailli' ałsc'ai'inga', ałteł'minga'. Tołta'a ałmuc'inga' aimalihuej'me lojanajpa lałpicuejma', to mihuejyi ilne pe aimimetsaicoyi ŁanDios. Ałmuc'inga' alihuejle ma latenłcōcōpa ŁanDios. Małmana' fa'a li'a łamats' ałspic'ete al c'a, ał'ete al łijca, lihuejcofe ŁanDios. ¹³Ma luyalaicoyi tołta'a ał'nujuaisyi te ts'i'ic' ilne al cueca' al c'a lał'iyaconga'. Ma le'a ał'huaijma timujxoxi Jesucristo Łalunlu'eyaconga'. Jiłpe litine timuj'moxi ma' anDios. Tołta'a ałsim'me te ts'i'ic' ilque cal Cuecaj CanDios.

¹⁴Jesucristo mipa'a fa'a li'a łamats' aiquicuanajyoxi. Icupoxi i'najtsepa jahuay lałjunac' petsi aicalihuequi locuxepa ŁanDios. Tołta'a ał'e'eponga' limpio, ma' i'huexi, ma' ixanuc' Jesucristo. Lapi'iponga' lałpicuejma' tixojla' calata ał'ete al c'a.

¹⁵Fa'a loje'e nu'ipo' lo'eyacu lapimaye nomana' jiłpiya. Ima' toxc'ai'itsola', tomitsola' tołta'a. Ja'ni cua naitsi ocuena qui'ejma', totaleł'a. Aimixpaij'mo', tipa'a lomane. Ti'ila' ac'a lofcuapa, lof'epa, aimetets'i'mo' ni' anuli.

3

¹Tomitsola' lapimaye: “Imanc' aimolimenc'eco'me lałmipolhuo'. Tolihuejcołsola' lan tsilaj xanuc' ilne nocuxepolhuo', jōuc'a tolihuejcołsola' ts'ilpenic'. Ja'ni ticuxe'ennilhuo' tonł'ete lanic', ja'ni ac'a lanic', tixoj'ma cunlata tonł'ete. ²Nij naitsi mołnesc'e'me cataiqui'. Aimołfuli'i'me cataiqui'. Tołsnet'He, aimołtalai'ot'le'me. Ti'ila' tołta'a lonł'eyacu ni petsi lołtseyacu.”

³Al cołta illanc' lał'ejma' ti'onłcōspa to lił'ejma' lan xanuc' petsi aimimetsaicoyi ŁanDios. Ailopa'a całpicuejma', aicalihuejma, ałfel'mimponga', lihuejcoyi lalatēncōcōponga' lałjanajpa. Luyalaicoyi lapajnya ał'e'ela' laic' lał'as xanuc'. Lahueyi te co'iyā mał'e'eyacola' lixcay lał'as xanuc'. Lał'as xanuc' ałłaiquina', illanc' jōuc'a ałłaiquila' ilniya.

⁴Tama tołta'a lał'ejma' ŁanDios Łalunlu'eyaconga' imuj'moxi. Imujpoxi ac'a lipicuejma', ti'nujuaitsila' jahuay lan xanuc'.

⁵Ałsimponga' ninc'icuanuc'la. Tama aical'aic' al c'a,

luntu'eponga'. Lapajponga', lapi'iponga' al ts'e lałpitine. Cal Espíritu Santo ałanc'e' enaponga' lałpicuejma'. ⁶ Aicalcuanac'enga' cal Espíritu Santo. Lijoupa lixhuai'nipa lipenic' Jesucristo Laluntu'eponga', LanDios tixoqui queta lapi'iponga' cal Espíritu.

⁷ LanDios ipic'a ałtoc'itsonga', lapenuftsonga' to ailopa'a caljunac', al'itsonga' inaxque'. Ipic'a al'huaicole locuenaj capajnya aimijouya petsi ałaitsufcotonga', tohiya lapi'iponga' cal Espíritu Santo. ⁸ He lataiqui' ma' al linca.

Joupa aimipo' lofxc'ai'iyacola' lapimaye nomana' jilpiya. Aipic'a ti'hua toxc'ai'itsola' ilne naihuejcopá LanDios. Tołta'a tipo'no'me liłpicuejma' tixpic'e'me ti'e'me ma le'a al c'a. He lainu'ipo' ac'a cataiqui'. Cacia: Lan xanuc' tihuejcole, tijoula' jahuay ilniya tuyalaico'me al c'a. ⁹ Timana' lan xanuc' nofulecopá lamac'ta cataiqui'. Tepauyi liłtatahueló, tixhuej'meyi axpela' liłpuftine. Tifulecoyi lataiqui' licuxepa Moisés, tixtuleyi, tifuleyi. Ilne mane tipalołaiyi. Tołta'a aimitoc'iyaleyi. Ima' aimapenuf'ma liłtaiqui', tanajxoxi.

¹⁰ Anuli lapima ja'ni tihuequi ituca' cataiqui' a'ij linca, tomitsi: "Ima' timenajhuo". Ja'ni aimicuec'ehuo' tomicontsi. Tijoula' ja'ni aimicuec'ehuo' aimonlejmalecona'me. Aimaimetsaico'ma to copima. ¹¹ Petsi naihuejpa tołta'a joupa iminscopola' liłpicuejma'. Titai'me liłjunac'. Tecani'eyołtsi quilituca'. Ilniya ima' taimetsaico'mola' te ts'i'ic' liłpicuejma', aimoxim'mola' acuanuc'la.

¹² Cumme'e'mo' Artemas o Tíquico. Anuli ilniya ticuaitsi jilpiya, aimicoł'mo', to'huala' liłya' Nicópolis. Jilpiya capajnta iya' cuyaicota laxita quitine. ¹³ Ima' pe lołpa'a tahuela' te co'iya motoc'iyacola' lomxi Zenas y Apolos. Tapi'itsola' laicuicomma. Tiyete al c'a liłpene. Aimehue'e'mola'.

¹⁴ Tomuc'itsola' jilpiya lałxanuc', ilniya nepenufpa Cristo. To'itsola': "Itine itine ton'ete al c'a. Tołtoc'itsola' lołpimaye, ilne lahue'epola'." Ja'ni tołta'a lo'eyacu aimi'onhiyacola' to lamats' petsi aimipammaispa.

¹⁵ Lapimaye jifa'a nomana' tinonghuo'. To'itsola' lapimaye nomana' jilpiya: "Pablo tinonilhuo". Ilne jouc'a tihuejyi al Linca Cataiqui', tohiya al'enga' capic'a.

LanDios titoc'itsolhuo' jahuay iman'.

LIJE'E SAN PABLO LINIŁ'EPÁ FILEMÓN

¹ Iya' ninPablo, iya' i'huexi Jesucristo, alfi'ecompa acadena catejma'. Illanc', iya' y łapima Timoteo, alinił'ehuo' um-Filemón, ima' alpima. Ima' jouc'a illanc' al'eyi lipenic' Jesucristo. ² Jouc'a alinił'ehuo' ima' małpima caca'no' Apia. Ma 'anuli alinił'ehuo' ima' małpima Arquipo. Illanc' jouc'a ima' um'Arquipo lihuejyi Jesucristo. Iłque alcxenga' to całCapitán. Jouc'a linił'ela' lapimaye nafolyomma lomejut'ł um-Filemón. ³ ŁanDios cał'Ailli' y łalPoujna Jesucristo titoc'itsolhuo', tipac'e'etsolhuo' lołpicuejma'.

⁴⁻⁶ Alminno: "Filemón ma' al linca ti'huaiyinge łalPoujna Jesucristo, ti'ela' capic'a lapimaye, iłne jouc'a i'huexi ŁanDios". Tołiya ma capalaic'o ŁanDios, iłque ainenDios, cax'najtsi'i, ca'nujuaishuo' ima' umFilemón. Cami ŁanDios: "Cax'najtsi'ihuo', Filemón timujujoxi ti'huaiyinge Jesucristo. Titoc'ila' lipimaye. Mi'ay tołta'a łapima limetsaico'me xonca acuajmaica jahuay al c'a lalapi'imponga'. Tołta'a tixinim'me acueca' łalPoujna Jesucristo, tixinim'me ac'a lo'epa iłque."

⁷ Maipima Filemón, iya' camihuo': Alcxuejpá lof'epa ima'. Tołiya illanc' ixocumma calata. Alu'imponga' ima' to'ela' capic'a lixanuc' ŁanDios, micuaita lomejut'ł, tapenufla'. Iłniya tuxac'eyi, tualainayi tixoqui quileta.

⁸ Itsiya caxa'huehuo' to'ela' xonca. Linca Cristo lapi'ipa laimane, nipajnya cacuxe'mo', itsiya aicacuxeyaco', ma le'a caxa'huehuo' to'ela' to laifmiyaco'. ⁹ Iya' ninPablo joupá altojpa xans, alfi'ecompa acadena catejma', iya' i'huexi Jesucristo. Ja'ni ima' al'ay capic'a, to'ela' ma to laifxa'huepo'. ¹⁰ Caxa'huehuo' tapenufnala' iłca'a łai'hua Onésimo. Ma calfi'iya fa'a, aipalaic'ocopa łalPoujna Jesucristo. Tołiya i'ipa ats'e lipepajnya iłca'a Onésimo, cacua: "Iłque ai'hua".

¹¹ Li'ipa, iłca'a aiqii'ic' quitoc'ihuo'. Itsiya linca ipaicopa. Iya' alıoc'i. Ima' jouc'a titoc'ito' jilpiya. ¹² Itsiya cummengahua, ticuainatsi pe lofpa'a. Iłca'a łai'fnummenapa ti'onłcospa to łainunxajma'. Tapenufnala'. ¹³ Iya' cuya'e' Lataiqui', iłe loya'apa al c'a lixpıc'epa ŁanDios. Tołiya al'nołcompa, alfi'enno. Ima' aimi'iya mocuaiya małtoc'iya. Iya' nipajnya canes'ma: Tipanenni Onésimo, alıoc'i'ma. ¹⁴ Iya' a'i tołta'a caicuac'. Iya' caituca' aicaxpic'e tołta'a laif'eya. Ma' ima' toxpıc'e'ma, aicacuxe'ehuo'. Toxpıc'ela' ima' conFilemón. Iya' aimi'iya cacuxe'eyaco' to'ela' iłe al c'a. Ima' cotuca' toxpıc'e'ma lof'eya. ¹⁵ Tama oque' afane' quitine ima' ejac'yopa lomane Onésimo,

iya' cacua tołta'a ixpic'epa ŁanDios. Itsiya tipainahuo. Tic-uainatsi jilpe, ima' tapenufnał'a nulemma. ¹⁶ Tapenufnał'a. Itsiya a'i ma le'a comozo, ilca'a opima. To'eł'a' capic'a' juaiconapa. Iya' linca ca'ay capic'a. Ima' opoujna, xonca to'eł'a' capic'a. Imanc' unc'oquexi' itsiya ma' anuli łolPoujna.

¹⁷ Iya' camihuo': Ja'ni ma' alinca ima' alejmalepá, ja'ni ima' alimetsaijma anuli łapicuejma', ma to malapenufi iya' tołe tapenufnał'a' Onésimo.

¹⁸ Ja'ni inantsejpo' o itaiyinc'ehuo', tapulijnla', tainilla', tonesla': "Iłta'a, Pablo altaiyinc'e". ¹⁹ Iya' caituca' quinili: "Iya' ninPablo ca'najtse'ena'mo". Ima' altaiyinc'e lomulijcopa lopitine, ilē al ts'e lopitine lepi'ipo' ŁanDios. Aicamiyaco' al'najtse'eł'a' ilē lopitine. Linca aimi'iya mał'najtse'eya. Ma le'a caxa'huehuo': Tapenufnał'a' Onésimo.

²⁰ Maipima Filemón, aimocuanaj'moxi. Ninc'oquexi' al'huaiyijnyi Jesucristo. To'nujuaisla' lał'e'eponga' lałPoujna. Tołta'a to'e'ma ma to laifxa'huepo'. Tijouł'a' aicaxhuełconaya.

²¹ Iya' ca'huaiyijnhuo' juaiconapa. Cacua: "Łaipima Filemón lihuejco'ma, ti'e'ma to laimipa. Ti'e'ma xonca." Tołiya iya' quinił'ehuo'. ²² Jouc'a camihuo', caxa'huehuo': Lapi'ita laifpanc'eya. Aixina' imanc' tołsa'hueyi ŁanDios altoc'ila'. Tołiya cacua: ŁanDios lux'masna'ma. Lapi'i'ma lane cacuaitsi pe lołmana'.

²³ Tinonghuo' Epafra, ilque iya' altats'eninga' anuli, lihuejyi anuli Jesucristo. ²⁴ Jouc'a tinonghuo' Marcos, Aristarco, Demas y Lucas. Al'eyi anuli lipenic' lałPoujna Jesucristo.

²⁵ Jesucristo titoc'itsolhuo', tipaxnetsolhuo' lołpicuejma'.

AL JE'E LINIŁ'EMPOLA' LAPIMAYE LUN HEBREO

¹ Luyaipa quitine, ŁanDios ipalaic'o'mola' lam profeta. Axpe' ipalaic'ocona'mola'. Axpe' li'ejma' timuc'itsola'. Imuc'i'mola' te ts'i'ic' lipicuejma'. Ine lam profeta u'i'me, lałtatahueló iquimf'e'me liłtaiqui'. ² İma'a hitiné ma mi'hua mijoujma li'a lamats' ŁanDios joupa ałmuc'iponga' nulemma te ts'i'ic' lipicuejma'. Imujpoxi. Ma hi'Hua ŁanDios timuqui te ts'i'ic' lipicuejma' ŁanDios.

ŁanDios joupa ifaquimpa hi'Hua ticuxela' jahuay, jahuay ti'ıla' i'huexi. Jouc'a epi'ipa limane tilanc'ela' li'a lamats', lema'a, jahuay lopa'a. Ma tołta'a li'epa. ³ Cał'Ailli' ŁanDios temiyoxi jilpiya petsi acueca' juaiconapa epalc'o'. Aimi'iya małsinyacu. Li'Hua acuajmaica ałmuc'inga' te ts'i'ic' ŁanDios. Cał'Ailli' ŁanDios y hi'Hua ma' anuli mimana'. Li'hua timuqui ma' al linca ŁanDios i'Ailli' ilque.

Acueca' icueya limane hi'Hua ŁanDios. Tixpic'e aimijou'mola' lamats' lema'a jahuay lopa'a. Tołta'a aimijoucola'. Litine tinesla': "iIxhuaita!", jahuay tijouna'ma.

Małque hi'Hua ŁanDios aliłonc'e'eponga' lałjunac', alatufc'e'eponga'. Lijoupa li'epa tołta'a icutsainapa jilpe al c'a camane cal Cueca' CanDios Nopa'a al toncay lema'a. ⁴ Tołta'a imetsaicom'me acueca'. Uljipola' lupaluc' quema'a. Ine lecu'i'impola' "lupaluc'", ilque a'i. Xonca acueca', xonca ac'a ile lecu'i'impa ilque, ma' ipuftine. ⁵ Lipalaic'opa ŁanDios anuli łupaluc' quema'a, łte aga limipa: "İma' ai'Hua. İtsiya quimetsaicohuo', iya' o'Ailli'"? O lipalaicopa łupaluc', łte luya'apa: "İya' i'Ailli', ilque ai'Hua"? A'i.

⁶ ŁanDios mipalaic'o' hi'Hua, ilque łacui'impa Cal Te'a, ti'nujuaitsi litine tummecona'ma li'a lamats', ticua: Texc'onłingolaiłe jahuay lupaluc' quema'a.

⁷ Lipalaico'mola' lupaluc' quema'a tuya'e':

ŁanDios ixpic'epa lepaluc' quema'a ti'onłcospola' to łahua'.

Ine epaluc' no'epá lipenic', ixpic'epa ti'onłcospola' to łipał cunga.

⁸ Lipalaico'ma hi'Hua ŁanDios tuya'e':

Locuxejma manDios, aimijouya.

Ma al łijca lo'ejma', al łijca tocuxe.

⁹ İma' mihuequi al łijca, tetenłcocohuo'.

Petsi aimihuejyi to'ela' laic' lił'ejma',

tołiya manDios, xonca ifac'epo' łomenDios, xonca imetsaicopo'.

Joupa muljipola' lopimaye.

Tołta'a i'e'epo' tixojma meta juaiconapa.

¹⁰ Jouc'a tuyae'e:

Lipangopa li'a lamats' ma ima', manDios, opo'nopa iŕe li'a lamats'.

Ma' ima' olanc'epa lema'a.

¹¹ Linca lema'a tijouna'ma, ima' a'i.

Ima' topa'a tijauhuamlaicota, ti'hua topa'a.

Lema'a ti'hua tijaf'que, ti'i'ma ma to lo'iya lotsamalo.

¹² Ma to cal xans tijuis'ma lipuquiya, toŕta'a tojuis'ma lema'a, tipaico'ma.

Ima' a'i mopai'iyacoxi, aimijouya lopitine.

¹³ LanDios, ¿te aga imipa anuli lapaluc quema'a: "Tocutshuai'ma jifa'a al c'a camane. Topanehuo fa'a, iya' mi'hua culiquila' lo'epo' laic'. Tijouŕa' ima' tocuxena'mola'."? Toŕta'a LanDios limipa ma le'a hi'Hua. ¹⁴ Ituca' lapaluc' quema'a. Jahuay ihniya tama ihmaf'i' ailopa'a quihcuerpo. Jihpiya lema'a ti'eyi lanic' lepi'ipola' LanDios. Iŕque tummela' titoc'intsola' lixanuc', ihne nonhu'eyacola'.

2

¹ Linca xonca acueca' Lalunhu'eyaconga'. Lapaluc' quema'a aimi'onŕspola' to ihque. Toliya ticuicomma xonca alpo'no'me cuenna, xonca lihuejco'me lataiqui' laluponga'. Ja'ni a'i lunas'mim'monga' ocuena cane. ² Luyaipa quitine lapaluc' quema'a uya'apá litaiqui' LanDios. Iŕe Lataiqui' aimi'iya mipai'inyacu. Toŕta'a lan xanuc' no'epá nixpiya, pe aimihuejcoyi, epi'im'mola' lihjunac'. Al hijca itel'mim'mola'. ³ Itsiya illanc', LanDios joupa almponga' lunhu'e'monga' nulemma, ja'ni latets'ih, ¿te aimattel'miyaconga'? Linca xonca atel'mi'monga'.

Lataiqui' laluponga' te ts'i'ic' malunhulyacu, iŕe lataiqui' lahPoujna Jesucristo uya'apa ate'a. Lijou'ma pe niquimf'epá aluponga' illanc'. Imuj'me ma' al linca iŕe lataiqui'. ⁴ Jouc'a LanDios ihinc'i'ma litaiqui'. Imuj'ma a'i ihŕaiqui' lan xanuc'. Ma muya'ayi litaiqui', LanDios imuj'moxi acueca' icueya limane. Jihpe i'e'ma acueca' to aimi'iya mi'eyacu lan xanuc'. Petsi nepenufpá lataiqui' cal Espíritu Santo ipaxnepola', epi'ipola' anuli anuli lihpicuejma' ma to loxpicepa LanDios.

⁵ Joupa ahnespá lo'iya. Tijou'nem'mola' lema'a li'a lamats'. Ti'ihá' ats'e jahuay, a'i lapaluc' quema'a micuxeyacu jihpe. Joupa ixpic'epa LanDios. ⁶ Toliya jihpe al Paxi Linihingiya anuli mipalaic'o LanDios ticua:

Ima', ¿te cal'nujuaiscoponga' illanc' ninc'ixanuc'? ¿Te caltoc'icoponga'?

⁷ Ihpe litine holanc'epa cal xans omepi'ipa acueca' limane, ti'onŕcospa to ima', manDios.

Ma le'a lapaluc' quema'a ni huata xonca atsila'.

8 Tomi cal xans: “Tocuxe'ma lailanc'epa, jahuay tihuejco'mo”.

ŁanDios licuapa: “... jahuay tihuejco'mo”, jilpe tuya'e' ailopa'a petsi aimatcuc'eyacongá' illanc' ninc'ixanuc'. Ałcuxe'me jahuay. Itsiya a'i tołta'a maluyalaicoyi. A'i jahuay malihuejcongá'. Ailopa'a tołta'a calmane. ⁹ Linca ałsinyi Jesús, ilque icueya limane tołta'a. Ilque i'epoxi xans. Mipa'a fa'a li'a łamats' ilne “... lapaluc' quema'a ni huata xonca atsila”. Itsiya ilque ticuxe jahuay. Lijoupa limapa, imaf'inapa, ŁanDios i'najtse'epa nulemma. Imetsaiconapa i'Hua, ma' anDios.

Li'epoxi xans ilque ixingufcopa lamaya, tunlu'etsola' lan xanuc' cua naitsi łlraza, ni petsi lomanc'eyacu. Tołta'a lixpice'epa ŁanDios. Ilque ał'nujuaisponga', ipic'a ałtoc'itsonga'. ¹⁰ Małque ŁanDios aPoujna jahuay. Jahuay ticuxe. Pangay c'a lipicuejma' jouc'a ac'a lixpice'ejma'. Ipic'a timetsaicotsola' axpela' inaxque'. Ipic'a ti'onłcotsola' to łi'Hua, ilque Jesús. Tołiya ticua: “Ate'a titelcolá' ilque Lonlu'eyacola'. Tijoułá' al cuajmaica quimetsaico'ma ilque ai'Hua. Quimetsaico'ma joupa ixhuaita lipenic' li'a łamats'.”

¹¹ Cagua: “ŁanDios timetsaico'mola' to linaxque”. Ti'i'ma timetsaico'mola' tołta'a. Jesús ti'hua tilanc'e'e'mola' łilpicuejma' ilne lixanuc', tenajtsołtsi nulemma al xujc'a. Jesús y lixanuc' ma' anuli quił'Ailli', ilque ŁanDios. Tołiya Jesús łi'Hua ŁanDios tinescola “aipimaye”. Aimetets'ila'. Tixoqui queta tinescola' tołta'a. ¹² Tołta'a loya'apa al Paxi Linilingiya. Tuya'e' linespa Cristo lipalaic'opa ŁanDios, ticua:

Pe lomana' laipimaye cuya'a'ma lopuftine.

Petsi lalafot'łeyoyacłtsi cunac'co'mo'.

¹³ Jouc'a tuya'e':

Iya' ca'huaiyijm'ma ŁanDios.

Jouc'a tuya'e':

¡Tołsinłe! Ma fa'a ałmana', iya' jouc'a lanaxque', ilne lalapi'ipa ŁanDios.

¹⁴ Illanc' inaxque' lan xanuc', tipa'a lałpixic', lałjuats'. Jouc'a Cristo i'epoxi xans, tipa'a lijuats', lipixic'. Tołta'a itsufco'moxi tima'anłe. Ilonc'e'epa limane nocuxepa lamaya, ilque Satanás.

¹⁵ Ux'masnapola' pe noyalaicopá lapajnya to litats'ila', tixpaic'eyi lamaya.

¹⁶ Licuai'ma Cristo aimitoc'ila' lapaluc' quema'a. Joupa ałsina' icuaicoco'ma titoc'itsola' lan xanuc', ilne ixanuc' Abraham, ilque łtatahuelo. ¹⁷ Tołiya ticuicomma ti'exoxi ma' anuli to lipimaye, ti'onłcotsola' to ilniya. Tołta'a tixim'mola' acuanuc'la. Ac'a ti'e'ma ilne lanic' lepi'ipa ŁanDios, ilne lipenic' cal Cuecaj Ca'Ailli'. Ipac'epa lipoyac' ŁanDios, ilonc'e'epola' liłjunac' ilne lixanuc'. ¹⁸ Mipa'a fa'a li'a łamats' Jesús mitełma

ixingufco'ma lahuaicompa. Toſiya ti'i'ma titoc'i'mola' lix-anuc', iſne noxingufcopá lahuaicompola'.

3

¹ Unc'aipimaye, imanc' jouc'a i'huexi ŁanDios. Iſque Nopa'a lema'a ijoc'ipolhuo' toŁcuaitſa jilpiya pe lopa'a. Itsiya caxc'ai'ilhuo', camilhuo': ToŁnujuaiſle Jeſucristo, maŁque łalŁcuecaj Ca'Ailli' ŁanDios łummepa. Aimolimenc'eco'me li'ejma' Jeſús, iſque Łal'huaiyijmpa. ² Jeſús ac'a li'epa lanic' lepi'ipa ŁanDios. ToŁta'a ti'onŁcospa to Moisés. Iſque jouc'a ac'a li'epa lanic' lepi'ipa ŁanDios jilpe lejut'ł. ³ Łinca Jeſús tuliqui Moisés, imetsaicompa xonca acueca'. Moisés le'a anuli cal xans nolojmay lixanuc' ŁanDios, iſne lecu'i'impola' "lejut'ł ŁanDios". Ituca' Cristo. Iſque nilanc'epa lajut'ł, aPoujna. ⁴ Łajut'hi, anuli anuli, tipa'a naitſi ticuxe'ma jilpe, iſque tixpic'e tilanc'ente lajut'ł. MaŁque ipoujna. Ma ŁanDios aPoujna jahuary, iſque nilanc'epa. ⁵ Moisés łinca ac'a li'epa lanic' jilpe lejut'ł ŁanDios, ti'onŁcospa to cal mozo no'epa lanic' lepi'ipa lipoujna. Jahuary li'epa Moisés imuj'ma te ts'i'ic' lo'iyia. Iſe ŁanDios tuya'a'ma. ⁶ Ituca' Cristo. Iſque i'Hua ŁaPoujna Cajut'ł. Ticuxela' lixanuc' ŁanDios. Ja'ni aimalŁpailinamma ni maŁspailij'monga' illanc' ixanuc' ŁanDios. Ticuicomma tixojla' calata al'huaiyijnle iſque. Aħnesle: Ałinca lunŁu'ena'monga'. ⁷ Ticuicomma tonlihuejcoŁe loya'apa cal Espíritu Santo. Iſque tuya'e': Itsiya ja'ni ŁanDios tipalaic'olhuo' toŁquimf'ele.

⁸ Aimi'i'ma ata łolunxajma'.

ToŁta'a i'e'me lincuejlocale xanuc' mimana' pe ailopa'a quilya', ehuaiyoł'me ŁanDios.

⁹ Mi'hua oquej nuxans camats' ixim'me laif'epa jilpe pe ailopa'a quilya'.

Iya' ma NanDios, iſne loŁtatahueló lahuaiyolołpá, ticuayi: "ŁanDios, ¿ja'ni ti'e'ma to łalŁmiponga'?"

¹⁰ Toſiya iya' nixtunni, iſne lan xanuc' li'epa aicalatentŁcocojma. Cagua: AiquilŁcuc'e laicuxe'epola', timenaquila', aimalihuequi.

¹¹ Iſne lan xanuc' lapi'ipa coyac', ai'epa jurar.

Aimipola': "AimoŁŁſuflaiyacu łamats' lainepi'ipolhuo', aimol-unxajyacu jilpe".

¹² Unc'aipimaye: ToŁpo'note cuenna. Tonlihuejle Łimaf'i' CanDios. Aimi'i'ma a'ijc'a loŁpicuejma', ni anuli imanc'. Petsi no'eya toŁta'a, aimi'eya łinca limipa Łimaf'i' CanDios, tipaino cane. ¹³ Itine itine toŁsc'ai'itsoŁtsi ma mimilhuo' ŁanDios: "Itsiya alŁquimf'ela'". Ja'ni a'i, aga hualca imanc' tolihuej'me lixcay cane, toŁta'a toŁfel'mi'moŁtsi, ti'i'ma ata łolunxajma'. ¹⁴ Ja'ni ti'hua

ał'huaiyijnyi jahuay lałpitine, ja'ni aimalpai'iyacu lałpicuejma', alinca joupa lapenufpá Cristo. ¹⁵ Toliya tuya'e':

Itsiya ja'ni ŁanDios tipalaic'olhuo', tołquimf'ete.

Aimi'i'ma ata łolunxajma' to li'epa iłne lincuejlocale xanuc'.

¹⁶ ¿Naitsi iłne niquimf'epá ŁanDios, lijou'ma i'e'epołtsi lincuejlocale xanuc'? Tołta'a li'ipola' jahuay iłniya lipa'apola' Moisés jilpe łamats' Egipto.

¹⁷ ¿Naitsi iłne nepi'ipá coyac' ŁanDios oquej nuxans camats'? Mahniya lan xanuc', iłne ni'epá quixcay. Iłne epi'impola' liłjunac', imapola' jilpe łamats' pe ailopa'a quilya'.

¹⁸ ¿Naitsi iłne lipalaic'opola' ŁanDios iłe litine li'epa jurar, limipola': "Aimołtsuflaiyacu łamats' lainepi'ipolhuo', aimol-unxajyacu jilpe"? Tołta'a lu'ipola' lan xanuc' petsi aiqulihuejma. ¹⁹ Jilpe alšina' te ts'i'ic' liłpicuejma' iłne lan xanuc'. Iłniya aiquil'aic' linca limipola' ŁanDios, tołiya aiquiltuflaic' łamats'.

4

¹ Itsiya ŁanDios tuya'e': "Tołtsuflai'me, alunxaj'me anuli". Iya' camilhuo': Alpo'nołe cuenna juaiconapa. Ja'ni a'i, aga tixinim'mola' a'ijc'a liłpicuejma' anuli oquexi' imanc'. Tijoułta' aimi'iya mitsuflaiyacu. ² Aimi'i'molhuo' to li'ipola' iłniya lan xanuc', ni anuli imanc'. Illanc' ma' anuli iłniya lu'imponga': "ŁanDios tepi'i'molhuo' al c'a". Iłe lataiqui' lu'impola' iłniya aiquitoc'ila'. Aiqulihuequi limipola' ŁanDios. Ma le'a tiquimf'eyi. ³ Illanc' ja'ni lihuejyi litaiqui' ŁanDios, iłe lataiqui' lałmiponga', linca alšufłaita, alunxajta. Iłe lonxajya ŁanDios łonescopa jilpe petsi tuya'e':

Iłne lan xanuc' lapi'ipa coyac', ai'epa jurar.

Aimipola': "Aimołtsuflaiyacu, aimalunxajyacu anuli".

Linca, ŁanDios joupa unxajpa. Ilanc'epa li'a łamats', tołta'a ijou'nepa lanic'. ⁴ Tipa'a liniłiya loya'apa li'ipa lixhuaita acamts'us quitine. Inescopa lihuequi litine. Ticua:

Lixhuaita acamts'us quitine, icuaitsi lihuequi litine ŁanDios unxajpa.

Joupa ijou'nepa lo'eya.

⁵ Locuena liniłiya ticua:

Aimipola': "Aimołtsuflaiyacu, aimalunxajyacu anuli".

⁶ Tołta'a li'ipa. Lan xanuc' niquimf'epá ate'a aiqulihuequi limipola' ŁanDios. Aiquiltuflaic'. Tijoułta', ¿te co'iya? Litaiqui' ŁanDios aimipaicoya. Iłque tipalaic'o'mola' locuenaye, timi'mola': "Tołtsuflaiłe". ⁷ Tołe li'ipa. Luyaiconapa axpe' camats', ŁanDios inescoconapa "itsiya". Tuya'e': "Ma mi'i itsiya litine lan xanuc' nipajnya alquimf'e'ma, lihuejco'ma". Jilpe lije'e David ŁanDios tuya'e':

Itsiya, ja'ni ŁanDios tipalaic'olhuo', tołquimf'ete.

Aimi'i'ma ata lolunxajma'.

⁸ Linca Josué itsufai'epola' lixanuc' jilpe lamats' lepi'ipola' LanDios. Ni ihniya aiqulunxaqui nulemma. Tohiya LanDios ipalaicoconapa ocuena quitine.

⁹ Tipa'a petsi lixanuc' LanDios titsuflaita tunxajta nulemma. Jilpe aimijouya litine conxajya. ¹⁰ Linca tipa'a Anuli joupa ulijpa lonxajya. Joupa itsufaipa jilpe. Joupa ixhuai'nipa lipenic'. Tunxajyi anuli LanDios. ¹¹ Lipa'ate cafxi. Amesle: Lulij'me lonxajya. Alunxaj'me anuli LanDios. Ja'ni a'i, aga lihuej'me li'ejma' ihniya petsi aimihuejcoyi limipola' LanDios. Aima'e'me tohta'a. Ni anuli illanc'.

¹² Aimi'ya malatets'iyacu linespa LanDios, ihe lataiqui' laluponga'. Linespa LanDios imaf'i' cataiqui'. Acueca' lo'epa. Ti'onlcospa to al cutsilo oquej lipix'ay. Ihe litaiqui' LanDios xonca lo'epa. Ailopa'a lopa'neya. Texi'e'mo' lopicuejma', lomunxajma'. Jilpe lopicuejma', lomunxajma' ti'huajta xonca icu'u. Litaiqui' LanDios timuj'ma te ts'i'ic' lopicuejma', lofanajpa. ¹³ Petsi lilanc'epa LanDios ailopa'a quemiyoxi. Mehuelonge LanDios jilque tixina jahuay acuajmaica. Tocomma ailopa'a quipoxa. Tohta'a li'ejma' lanDios. Maque Latalai'eyacu Lijoujma Quitine.

¹⁴ Illanc' joupa al'huaiyijmpá Jesús. Aimaipai'i'mohtsi lalpicuejma'. Jesús li'Hua LanDios if'ajnapa lema'a. Itsufaipa pe lopa'a LanDios. Iheque Jesús alCuecaj Ca'Ailli', lihuejco'me. ¹⁵ Aimahtesyacu: “LatCuecaj Ca'Ailli' aiqixina' te ts'i'ic' laluyalaicopa illanc' ninc'ixanuc'”. Ixina'. I'ipa xans. Tohta'a ehuaiyimpa to malahuaiyininga' illanc'. Ma le'a aiqiu'aic' quixcay. ¹⁶ Ja'ni tohta'a li'ejma' iheque latCuecaj Ca'Ailli' Nopa'a lema'a, ¿te calspaic'eyaconga' mañoc'iyacu LanDios? A'i. Tipa'a lane. Aljoc'i'me LanDios. Jilque latJuez ac'a lalpalaic'oyaconga', alsim'onga' ninc'icuanuc'la, altoc'i'monga'.

5

¹ Li'ipa, cal cuecaj ca'ailli' lifajpa LanDios ti'onlcospola' to lipimaye. Jouc'a axans. Tepi'inni limane tipalaic'ola' LanDios. Tinescotsola' lipimaye. Tixahue'ela' titoc'itsola'. Iheque cal cuecaj ca'ailli' tepi'i'ma LanDios lotsufcoya. Tihonc'e'etsola' lijunac' lipimaye. ² Iheque la'ailli' tixim'mola' acuanuc'la lipimaye, ihniya pe ailopa'a quilsina' o timenaquila'. Timetsaicoyoxi jouc'a axans. Ixina' aiqixhueya lipicuejma', jouc'a ti'i'ma timenaj'ma. ³ Tohiya a'i ma le'a mitsufco'ma LanDios tihonc'e'etsola' lipimaye lijunac'. Titsufco'ma LanDios tihonc'e'ela' iheque lijunac' jouc'a.

⁴ Anuli cal xans a'i quituca' mepi'iyacoxi tohta'a quimane. Aiminesya: “Iya' ca'e'moxi cal cuecaj ca'ailli'”. A'i. Ma LanDios tepi'i'ma lipenic'. Tohta'a li'ipa Aarón, iheque cal te'a cal cuecaj ca'ailli'. ⁵ Ma' anuli li'ipa Cristo, iheque latCuecaj Ca'Ailli'. Iheque

a'i quituca' quifajyoxi. Ma LanDios Nifajpa. Maŕque LanDios imipa:

Ima' ai'Hua, itsiya quimetsaicohuo', iya' o'Ailli'.

⁶ Jouc'a uya'acona'ma, ticua:

Ima' ma'Ailli', ti'onŕcospo' to Melquisedec.

Jouc'alemma i'ipo' ma'Ailli'.

⁷ Cristo mipa'a fa'a li'a lamats' titehma. Tijoqui ujfxi. Tinu lujuay li'u'. Tijoc'i LanDios, iŕque nipajnya tunŕu'e'ma, aim-ima'ma nulemma. Tixahue'e titoc'ila'. Ihuejcopa LanDios qui'Ailli'. Toŕiya LanDios iquimf'epa, icuej'ma. ⁸ Tama i'Hua LanDios ihuic'i'ma te ts'i'ic' mihuejcoya. Ma mitehma ihuic'i'ma toŕta'a. ⁹ Lijoupa lixhuaita lihuic'ipa, LanDios epi'ipa limane, tunŕu'e'mola' nulemma jahuay pe naihuejcopá. ¹⁰ LanDios imetsaiconapa Acueca' Ca'Ailli'. Timi: "Ima' ma'Ailli' to Melquisedec".

¹¹ Tipa'a axpe' ti'i'ma laŕpalaicoyacu Melquisedec. Itsiya aimi'ya. Imanc' aimi'ya muluhuaŕqueyacu iŕe lataiqui' xonca ipime. Joupa i'ipa ata loŕpicuejma'. Aicoŕcueca. ¹² I'ipa axpe' camats' colapenufi litaiqui' LanDios. Ticuicomma toŕmuc'itsola' ocuenaye xanuc'. Aimi'ya. Oŕpic'a timuc'icona'molhuo', tu'icona'molhuo' litaiqui' LanDios petsi a'i quipime. Imanc' ti'onŕcospolhuo' to lapimi noxnapá ma le'a aleche. Iŕne aimi'ya mitejacu ŕoteja. ¹³ Pe ts'ipic'a ma le'a aleche aimi'ya mepen-ufya lataiqui' loya'apa te ts'i'ic' al ŕjca lipicuejma' LanDios, ti'onŕcospa to lapimi'. ¹⁴ Petsi lijoupa litojpola', iŕniya linca titeji ŕotejacu. Iŕne coŕta tixhuicoyi liŕpicuejma'. Joupa iŕsina' timetsaico'me te ts'i'ic' lataiqui', ja'ni ac'a o ja'ni a'ijc'a.

6

¹⁻³ Lipangopa laŕhuaiyijmpa Jesucristo aŕ'onŕcosponga' to la'uhuay. Aŕmuc'iponga' lataiqui' petsi aiquipime. Joupa lapenufpá lataiqui' loya'apa: "Ailopa'a conŕeyacu, aimi'ya molunŕu'eyacoŕtsi. Toŕsuej'menca. Toŕhuaiyijnle LanDios." ¿Te aga aŕmuc'icona'monga' toŕta'a? A'i. Joupa aŕmuc'imponga' te ts'i'ic' maŕeyacu ja'ni LanDios limetsaico'monga' joupa latufc'e'emponga'. Aŕmuc'imponga' te ts'i'ic' locuajmaispa lo'epa lapimaye, iŕne mixpayof'me liŕmane' ŕiŕjuac liŕpimaye. Joupa aŕmuc'imponga' lo'iyacola' limanapola'. Iŕne timaf'ina'me. LanDios cal Juez tu'i'mola' nulemma te ts'i'ic' lo'iyacola'. Jahuay iŕta'a aŕsina'. Joupa aŕmuc'imponga'. Ticuicomma ti'hua aŕtojtsonga', ti'ila' xonca acueca' laŕpicuejma'. Alihuic'ŕe xonca. Ja'ni LanDios aŕtoc'itsonga' ma' aŕinca aŕ'e'me toŕta'a.

⁴ Cacua alihuic'ŕe xonca. Lan xanuc' pe LanDios joupa ulif'epola' aimi'ya mimuc'iconayacola' lataqui' limuc'impola'. Iŕne joupa ixingufpá te ts'i'ic' al c'a

lalapi'iponga' ÆanDios, ma' anuli lapimaye ixingufpá lipaxnepola' cal Espíritu Santo, ⁵ iximpá ac'a cataiqui' ìhe linespa ÆanDios, iximpá al cueca' lo'epa ÆanDios itsiya litiné. (Li'ipa inescompola' ìhna'a litiné, ecui'impá “locuaicoya quitine”.) ⁶ Ìhniya ja'ni tipailiconamma, aimi'iya mixhuej'meconayacu, tama timuc'iconatsola'. Ìhe quítuca' tepalts'ijnconayi lencruz h'Hua ÆanDios, lan xanuc' titalunts'ete, tetets'inte. ⁷ Anuli Æamats' lixnapa Æacui petsi axpe' licui'epa, ja'ni tix'najtsi'i Æacui, jìlpe tila'ma cal fanu', tipammaita. Tite'me lan xanuc' ni'epá canic'. Ìque Æamats' linca tetentocojma ÆanDios, tipaxne'ma. ⁸ Ja'ni jìlpe Æamats' titoqui ma le'a litac' jouc'a acua quitonqui pe aimitejnyacu, ìlque Æamats' ailopa'a quipenic', timujyoxi a'ijc'a camats'. ÆanDios ticuaj'ma, tijoula' tipi'em'me nulemma.

⁹ Unc'aipimaye, tama capalaicola' toíta'a ìhniya petsi lajac'yacola', aicapalaicolhuo' toíta'a imanc'. AËcuayi: LaËpimaye, ìhe a'hebreo, xonca al c'a tuyalaico'me, ìhe tunlu'em'mola'. ¹⁰ ÆanDios ac'a lipicuejma', alijca lo'epa, aimimenc'ecoya al c'a lonl'epa imanc'. Ìxina' tonl'eyi capic'a, toliya otloc'ipola' loËpimaye, ìhe jouc'a i'huexi ÆanDios, ti'hua toltoc'ila'. ¹¹ Linca tixoqui cunlata toltoc'ila' loËpimaye, itsiya aËc'ai'ilhuo', aËmilhuo': Jouc'a toËpo'note loËpicuejma' aimolimenc'eco'me te ts'i'ic' lo'l'huajma. Imanc' joupa oksina'. Aimotcuayi: Aga ti'i'ma o aimi'iya. Mo'l'huaicoyi ticuaicohuananni Jesucristo itine itine ti'hua to'l'nujuaisle toíta'a. ¹² Ja'ni toíta'a toËpo'no'me loËpicuejma' aimicuiya colahuí. Tonlihuej'mola' li'ejma' petsi ti'hua ti'huaijnyai ÆanDios, tixnet'lyi. Ìhe linca titsuflaita petsi ÆanDios tepi'itola' ma to joupa lu'ipola'.

¹³ Litine lepi'ipa cataiqui' Abraham, ÆanDios i'epa jurar, icuaj'mi'moxi. Xonca cal cueca' ailopa'a, toliya ÆanDios icuaj'mi'ma lipuftine. ¹⁴ Timi Abraham:

Iya' ca'ay jurar, camihuo': Linca capaxne'mo',
ca'e'mo' quítatahuelo axpela' lan xanuc'.

Aimopaneya cotuca' ima', timajnlita coxanuc'.

¹⁵ Abraham lepenufpa litaiqui' ÆanDios limipa, ti'hua tixnet'lqui. Lijou'ma iximpa li'ipa ma to linespa ÆanDios.

¹⁶ Lan xanuc' ti'etsa jurar ticuaj'mi'me lipuftine petsi lox-impá xonca acueca'. Ja'ni joupa i'epá jurar aimi'iya micuanac'eyacu litaiqui', tenant'hime. ¹⁷ Ma toíta'a li'epa ÆanDios, i'epa jurar. Ìximpola' acuanuc'la lixanuc' Abraham, ìhe nonescopola' jìlpe litaiqui' limipa Abraham. Ipic'a nulemma ti'ila' quilsina' ÆanDios aimipai'i lipicuejma'. To lonespa, ma toíta'a lo'eya.

18 LanDios ja'ni joupá epi'ipa cataiqui', ja'ni joupá i'epa jurar, aimi'iya mipai'iya linespa, aimafel'miyaconga'. Tołta'a li'epa ti'ila' calsina' tenant'li'ma litaiqui'. Itsiya aimi'iya mañesyacu: ¿Te lapi'i'monga' ma to laluponga' o a'i? Tixoqui calata ti'hua ał'huaicoyi ałtaısufcotonga' pu'huanni. Joupá li—loc'oláipá LanDios, ałsahue'epá lunlu'etsonga'. 19 Mał'huaiyijnyi tołta'a LanDios, tocomma to joupá ałtaısufcoponga'. Tocomma to joupá ałmana' anuli małpe lopa'a LanDios. Aimalaca'ni'eyaconga'. Aimi'iya. 20 Jiłpiya joupá itsufaipa Jesús. Iłque lał'huaj'meponga'. Illanc' ałenc'eyi, ałcuaita. Jesús i'ipa cal Cuecaj Ca'Ailli'. Ti'onłcospa to Melquisedec, aimexic'e'enyacu lipenic'.

7

1 Iłque Melquisedec arey Salem, e'ailli' LanDios Nopa'a xonca al toncay lema'a. Litine Abraham lulijpola' lan rey pe naixtuc'opá, lipainanni italecuf'mołtsi Melquisedec. Iłque ipaxne'ma Abraham. 2 Abraham pe lenajpola' lexic'enapola' lan rey, amaxnu amaxnu ipa'a'ma imbama' epi'i'ma Melquisedec.

Iłque Melquisedec lipuftine tuhuałquemma ticua “cal Lijca Rey”. Lecui'impa “aRey Salem”. Iłe ticuajmaispa: Cal Rey łopac'epa lafuleya. 3 Iłque jouc'alemma i'ipa a'ailli'. Ailopa'a qui'máma' ni qui'ailli'. Jouc'a quitatahueló ailopa'a. Aimi'iya minesyacu: “Jiłpe litine ipangopa lipitine”. Jouc'a aimi'iya minesyacu: “Jiłpe litine ijounapa lipitine”. Ti'onłcospa to li'Hua LanDios.

4 Linca acueca' xans Melquisedec. Tołta'a lałtatahuelo Abraham imetsaicopa. Epi'ipa locuaiya quimane, iłe xonca al c'a lexic'enapola' lan rey. 5 (Litaiqui' Moisés aimicuxe mepi'inyacola' micuaiya quimane lan xanuc' ja'ni ocuena quilraza.) Linca linaxque' Leví, iłne nepenufpá liłpenic' to a'ailli', icuxe'empola' ti'najtsi'i'me lan xanuc' to loya'apa litaiqui' Moisés linilijmpa. Linaxque' Leví y lan xanuc' no'najtsi'impola' apimaye. Anuli liłtatahuelo, iłque Abraham. 6 Melquisedec y linaxque' Leví a'i capimaye. Tama ituca' liraza Melquisedec, Abraham epi'ipa locuaiya quimane. Melquisedec ipaxnepa Abraham, małque Abraham pe joupá epenufpa lataiqui' licupa LanDios. 7 Tołta'a ałsinyi Melquisedec xonca acueca' xans. Tołhiya ipaxnepa Abraham. Cal xans xonca acueca' tipaxne'ma łocuena pe aijcueca'. 8 Jifa'a li'a lamats' petsi napenufpá locuaiya quimane ma' axanuc' nomayacola'. Al Paxi Linilingiya lonescopa Melquisedec tuya'e': “Iłque ti'hua timaf'i”. 9 A'i ma le'a Abraham nepi'ipa Melquisedec locuaiya quimane, jouc'a Leví epi'ipa. Małque Leví łapenufya locuaiya quimane lapi'iyacu lipimaye. 10 Litine

litalecuf'moltsi Abraham y Melquisedec tama aiquipanga Leví tocommma to tipa'a jilpe. Abraham ti'i'ma itatahuelo Leví, itaic' cal fanu'.

¹¹ Aarón y lif'as ca'aillí, iñe ixanuc' Leví, acueca' liñenic'. Iñe ja'ni tołta'a aimi'eyacu canic', liñimaye aimi'ya mihuejcoyacu litaiqui' Moisés, iñe locuxepa ñanDios. Tama juaiconapa ac'a liñenic', tołta'a aimi'ya mixhuai'niyacu nulemma jahuay lixpíc'epa ñanDios. Ja'ni ti'i'ma tixhuai'ni'me nulemma, ¿te quipicuicoya ti'ña' ocuena ca'Ailli' lo'onłcoya to Melquisedec a'i to Aarón? ¹² Linca, ja'ni tiñonc'e'em'mola' liñmane lixanuc' Leví, iñe no'epá canic' a'aillí, liñ'as xanuc' aimi'ya mihuejyacu to li'ipa litaiqui' Moisés locuxepa, ticuicomma tipai'ñe. ¹³ Lataiqui' loya'apa: “Ima' ma'Ailli' to Melquisedec”, iñe lataiqui' aiminescojma anuli cal xans i'hua Leví. Tinescojma anuli petsi ni anuli quipima qui'aic' canic' a'aillí'. ¹⁴ Tinescojma ñaPoujna. Iñque lipajnta li'a ñamats' hitatahuelo Judá, a'i Leví. Tołta'a jahuay iñsina'. Moisés aiquicuxe, aimi'eyi lanic' to a'aillí linaxque' Judá.

¹⁵ Xonca acuajmaica ałsinyi ti'i'ma ituca' lalanant'hiyacu licuxepa Moisés. Itsiya ti'ay lanic' a'aillí' iñque lo'onłcospa to Melquisedec, a'i to Aarón. ¹⁶ Iñque a'Ailli', a'i pe lifajcompa cal xans lihuequi licuxe'empa. Iñque ti'hua imaf'i', lipitine aimijouya. Tołiya ifaquimpa a'Ailli'. ¹⁷ Ma ñanDios tuya'e' ti'hua imaf'i', ticua:

Ima' ma'Ailli', ti'onłcospo' to Melquisedec, jouc'alemma i'ipo' a'Ailli'.

¹⁸⁻¹⁹ Lataiqui' locuxepa ate'a tuya'e': “Ti'itsola' a'aillí linaxque' Leví”. Petsi naihuejpá iñe lataiqui' iñe aimi'ya mixhuai'niyacu nulemma lixpíc'epa ñanDios. Iñe lataiqui' ailopa'a quipujfxi, aimi'ya mi'eya canic'. Tołiya iñojn-napa. Lijou'ma ñanDios icupa cataiqui' ticuaihuo ña'Ailli', iñque xonca' ac'a lanic' lo'eya. Ja'ni ał'huaiyjnyi iñque ałınca li—loc'olaiyi ñanDios.

²⁰ Locuenaye la'aillí, iñe ixanuc' Leví, lepenufpa liñenic' ailopa'a ni'epa jurar. Jesús ituca' i'ipa. ²¹ Lepenufpa lipenic' ñanDios i'epa jurar, timi:

Iya' NanDios, aicupa cataiqui', aicapai'ya laipicuejma'. Camihuo': “Ima' ma'Ailli', ti'onłcospo' to Melquisedec, jouc'alemma i'ipo' a'Ailli'”.

²² Iñe li'epa jurar ñanDios timuqui xonca ac'a lataiqui' ñanDios lopo'no'iyacola' lixanuc'. Ifac'epa Jesús ñala'Ailli' ti'ña' całsina' ñanDios tenant'hi'ma iñe litaiqui'.

²³ Lifaquimpola' lixanuc' Leví ti'etsa lanic' a'aillí, iñe li'ipola' axpela'. Timaña' anuli titsufaitsi locuena ti'etsi lanic'. Tołiya ticuicomma axpela'. ²⁴ Jesús aimimaya. Ti'hua imaf'i'. Iñque lipenic' ocuena aimi'eya. Mañque Jesús a'Ailli'

jouc'alemma. ²⁵ Toŧta'a tunŧu'e'mola' nulemma naimetsaicopá ile'Ailli', mi'huayijnyi tiŧoc'oŧaiyi LanDios. Iŧque Jesús ile'Ailli' ti'hua imaf'i', ti'hua tixa'hue LanDios titoc'itsola' lixanuc'.

²⁶ Illanc' ninc'ixanuc' ticuicomma toŧta'a laŧCuecaj ca'Ailli'. Iŧque linca ihuejco'ma LanDios, aici'aic' quixcay, ailopa'a qui-junac'. Itsiya a'i mipa'a petŧi lan xanuc' no'epá quixcay, joupa enaquiya. Joupa if'ac'empa xonca al toncay lema'a. ²⁷ Locuenaye lan tsila' ca'aillí ticuicomma ate'a tiŧonc'e'entsola' ihniya liŧjunac'. Tijouŧa', tiŧonc'e'e'me liŧjunac' lan xanuc'. Itine itine titsufcoyi LanDios. LaŧCuecaj ca'Ailli' a'i, iŧque anulemma itsufcopoxi LanDios, toŧta'a iŧonc'e'enapola' nulemma liŧjunac' lixanuc'. ²⁸ Litaiqui' Moisés locuxepa ticuxe tifaŧc'entsola' lan tsila' ca'aillí ma le'a axanuc' pe naimenajpola', tima'mola'. Toŧta'a li'ipa ate'a. Lijou'ma LanDios i'epa jurar, ifajpa ocuena ca'Ailli', iŧque ma li'Hua. Mipa'a fa'a li'a lamats' ixhuai'nipa nulemma lipenic'. Toŧta'a limetsaicopa LanDios, ilaitsufconghua nulemma jiŧpe lema'a.

8

¹ He lahespa xonca tipalaijma laŧCueca' ca'Ailli', tuya'e' te ts'i'ic' iŧque. Joupa if'ajnapa lema'a icutshuaipa al c'a camane LanDios, iŧque cal Cueca' CanDios Nopa'a lema'a. ² Itsufainapa maŧpe pe lopa'a LanDios, jiŧpe xonca al paxi. Jiŧpe ti'ay canic' a'Ailli'. Lejut'ŧ a'i lajut'ŧ lilanc'ecompa ijahua', lipo'nopa anuli cal xans. A'i. Lejut'ŧ jiŧpiya mane ejut'ŧ LanDios. Iŧque lipo'nopa.

³ Fa'a li'a lamats' lifaquimpa cal Cueca' ca'Ailli' iŧque titsufco'ma LanDios, tima'a'mola' linneja, titsufco'mola'. Toŧta'a lipenic'. Cristo, ja'ni ti'iŧa' cal Cueca' ca'Ailli' ticuicomma coŧa' titsufco'ma jouc'a. ⁴ Linca, ja'ni coŧa' tipa'a fa'a li'a lamats', iŧque a'i ca'ailli'. Fa'a timana' la'aillí titsufcoyi LanDios, tihuejcoyi locuxepa Moisés. ⁵ Jiŧpe lo'eyopa canic' ihniya a'i maŧpe copanc'epa LanDios. He lilejut'ŧ ma le'a ti'onŧcospa to lopanc'epa LanDios. Ti'onŧcospa to lipunxahua lejut'ŧ LanDios. Toŧiya, litine lolanc'eya Moisés lajut'ŧ lolanc'ecoya ijahua', LanDios timi:

Iya' joupa ai'onŧcospa lainejut'ŧ, aimuc'ipo' jiŧpe hijuala.

Ma toŧta'a tolanc'e'ma, jahuay anuli.

⁶ Illanc' laŧCueca' ca'Ailli' xonca ac'a lipenic'. Iŧque aŧcuai'esponga' lataiqui' xonca ac'a, iŧe al ts'e cataiqui' LanDios laŧpo'no'iponga' illanc' ixanuc'. He lataiqui' tipalaijma lalapi'iyaconga' LanDios, iŧe xonca al c'a.

⁷ Li'ipa, lixanuc' LanDios ihuej'me lataiqui' lipo'no'ipola' ate'a. Ja'ni toŧta'a tixhuai'ni'me jahuay lixpíc'epa LanDios coŧa' aimalpo'no'iyaconga' ocuena cataiqui'. ⁸ Linca, aimixhuai'niyacu toŧta'a. Ma LanDios timuqui tehue'e' iŧe al te'a cataiqui', iŧe lipo'no'ipola' lixanuc', toŧiya ticua:

Iya' NanDios, NaPoujna, cacua:

Ticuaihuo litine capo'no'icona'mola' cataiqui' laixanuc', ile al ts'e cataiqui'.

Ihe laixanuc' ixanuc' Judá, jouc'a ixanuc' Israel.

⁹ Ihe al ts'e cataiqui' laifpo'no'iyacola' a'i male lataiqui' laipo'no'ipola' litatahueló

ile litine ainexat'le'epola' lilmene, ainipa'apola' jilpe lamats' Egipto.

Ihe aiqul' aic' laicuxe'epola' etets'ipá laitaiqui' laipo'no'ipola', tohiya neca'nicopola'.

¹⁰⁻¹² Tijoula' capenufcona'mola', capo'no'icona'mola' cataiqui' ihniya ixanuc' Israel.

Iya' NanDios, iya' NaPoujna,

jilpe liltpicuejma' capo'no'i'mola' laitaiqui' laifcuxe'epola',

quinil'e'mola' jilpe lilunxajma',

ihniya nulemma limetsaico'ma iya' ilenDios, iya' quimet-saico'mola' aixanuc'.

Jilpe litine liltpiya' xanuc' o liltpimaye, aimiminyacola': "Ima' taimetsaico'la' LanDios".

Jahuay ihe limetsaicona'ma.

Ti'ila' xonca aca'hua o ti'ila' xonca acueca', jahuay limet-saicona'ma.

Tama aiqulihuequi laitaiqui' ile laicuxe'epola', caxim'mola' acuanuc'la,

aica'nujuaisconaya li'epa quixcay, ni anuli.

Tohta'a laitaiqui' capo'no'i'mola' laixanuc'.

¹³ Ihe linespa LanDios: "Capo'no'i'mola' al ts'e cataiqui'", timuqui joupa i'ipa cafane al te'a cataiqui' lipo'no'ipola'. Ihe li'ipa cafane, aimi'econaya canic', aimipanehuo.

9

¹ Al te'a cataiqui' lipo'no'ipola' LanDios lixanuc' ile lataiqui' icuxe'mola' la'ailli. Tu'ila' lo'eyacu mi'eyi lanic' lepi'ipola' LanDios. Ihe la'ailli i'e'me lanic' jilpe lajut'l

ilanc'ecompa ijahua'. ² Ihe lajut'l lexpats'qui tijujnya licortina. Lehuoc'ocojma ile al cortina tipa'a lacui'impá "al Paxi Cajut'l". Jilpe tipa'a al candelero acaitsi lipepalc'o'. Jouc'a tipa'a al mesa, jilpe tipo'nof'ya la'í i'huexi LanDios. ³ Lixpula' al cortina tipa'a ocuena cajut'l ile lacui'impá "Xonca al Paxi Cajut'l".

⁴ Lajut'l tipa'a lopi'eyompa incienso, lilanc'ecompa a'oro. Jouc'a tipa'a licaxax, lilanc'ecompa a'ec ijui'icoya a'oro. Ihe al caxax lecui'impá "Licaxax litaiqui' LanDios lipo'no'ipola' lixanuc'". Jilpe al caxax tipa'a lapixu lilanc'ecompa a'oro. Jile lapixu ti'nico al maná. Jouc'a jilpe al caxax tipa'a lif'ix'ec Aarón, ile lenef'pa quipela. Jouc'a tilmana' lapic' linilingiya litaiqui' LanDios lipo'no'ipola' lixanuc'.

⁵ Al caxax

ipo'nof'impa laxma lecui'impa “Petsi ŁanDios tixinnila' acuanuc'la lixanuc’”. Jilpe, iju' iju', tecaxolanna oquexi' lan querubine lilanc'ecompolá' a'oro. Ihe hixala' tunxahue'eyi laxma. Nolojmay ihniya imuj'moxi ŁanDios. Limuj'moxi ti'onłcospa to łummahuay tepalc'o'i juaiconapa. Itsiya aimi'iya małpalaiconayacu ihna'a lopa'a jilpe lajut'ł. Ite lajut'ł xonca al Paxi Cajut'ł.

⁶ Jilpe al Paxi Cajut'ł lijoupa lilajmpa jahuay, itine itine titsufołaiyi la'aillí, ti'eyi lanic' lepi'ipola' ŁanDios. ⁷ Lixpula' al cortina, jilpe lajut'ł xonca al Paxi, titsufołai' ma quituca' cal cueca' ca'aillí'. A'i itine itine mitsufołaiyi jilpe cal cueca' ca'aillí', ma le'a anulemma amats' amats' titsufołai' ma. Itaic' liłjuats' quinnejá titsufołai' ma ŁanDios. Tołta'a ŁanDios timenc'e'eco' ma limenajpa cal cuecaj ca'aillí', jouc'a timenc'e'eco'mola' laime-najpola' lipimaye. ⁸ Ma mi'ay tołta'a cal Espíritu Santo tuya'e': “Ma mipa'a ihe al te'a cajut'ł lopa'a lehuoc'ocojma al cortina, ŁanDios aimu'ila' acuajmaica te ts'i'ic' micuaiyacu jilpe lajut'ł xonca al Paxi, ma pe lopa'a ŁanDios”. ⁹ Ihe lo'epa luyaipa quitine ma le'a ti'onłcospa to lo'eya ŁanDios, ihe lałsimpa itsiya. Ihe notaipá lotsufcoyacu, ja'ni inneja loma'anyacola', ja'ni ocuenaye lotsufconyacu, tijoułá' titsufołai' ti'hua tixhuełcoyi. Ihe lotsufcopá aimi'iya mipac'e'eyacola' liłpicuejma'. ¹⁰ Ihe ma le'a tenant'hiyi, ti'eyi cuenna te ts'i'ic' łotejacu, loxnayacu. Tepo'iyoltsi to lu'ipola' ŁanDios, tijoułá' ixim'moltsi alimpio ma le'a jilpe liłcuerpo, liłpicuejma' a'i. Tołta'a lihuej'me mi'huaicoyi ŁanDios tipo'no'itsola' al Ts'e Cataiqui', tipai'ila' jahuay.

¹¹ Itsiya joupa i'ipa. ŁanDios ipo'no'ipola' lixanuc' al Ts'e Cataiqui'. Cristo joupa imujpoxi lałCuecaj ca'Aillí', iłque lapi'i'monga' xonca' al c'a.

La'aillí' no'epá lanic' fa'a li'a łamats', li'ipa tipa'a lile-jut'ł lilanc'ecompa ijahua'. LałCuecaj ca'Aillí' xonca ac'a lejut'ł. Xonca ixhueya. Iłque lejut'ł aiłquihanc'e lan xanuc', aimi'onłcospa to lopa'a fa'a li'a łamats'. ¹² Litsufołai' ma iłque jouc'a ituca'. Locuenaye lan tsila' ca'aillí', litsufołai' lajut'ł xonca al Paxi, iłtaic' liłjuats' quinnejá, ihe achivo jouc'a anaxque huacax. LałCuecaj ca'Aillí' a'i. Ituca' litaic' iłque. Itaic' ma lijuats', tołta'a itsufainapa nulemma lajut'ł xonca al Paxi, ihe lopa'a lema'a. Tołta'a ŁanDios imetsaicopa joupa i'najtsepa lałjunac', aimi'iya malacani'eyacongá'. ¹³ Luyaipa quitine tijuitsafinnila' liłjuats' lan toro, lan chivo. Jouc'a tijuitsafinnila' laja', ihe ilanc'ecompa łepi la'hua huacax caca'no' li-joupa litsufołai' ma ŁanDios, hipi'empa. Lijoupa li'empola' tołta'a ihe lan xanuc' ixim'mola' alimpio jilpe liłcuerpo. ¹⁴ Linca itsiya lijuats' Cristo xonca acueca' lo'epa. Iłque aimi'onłcospa to ihe linneja litsufołai' ma. Cristo aimijaf'que lipitine, aimi'iya

mima'anyacu nulemma. Małque quituca' jilpe lipicuejma' ixpic'epa titsufcoxoxi. Lijoupa itsufcopoxi.

ŁanDios joupa inespa: “Łałtsufcoya ti'ila' ac'a quinneja petsi a'i quicuana, nij tintsi qui'ic”. Ma tołta'a Cristo. Pangay ac'a lipicuejma'. Lijuats' latufc'enga' lałpicuejma'. Li'ipa ałsuełcoyi, ałcuayi: “¿Te lacani'e'monga' ŁanDios?” Itsiya a'i. Itsiya to e'aillí ŁanDios ał'e'me lanic' lalapi'iponga' ŁanDios, ilque Łimaf'i' CanDios.

¹⁵ Cristo, lijoupa litsufcopoxi ŁanDios, itsufaipa lajut'ł xonca al Paxi, lopa'a lema'a. Tołta'a ilque ałCuecaj ca'Aillí', ałcuai'esponga' ŁanDios, illanc' pe nalapenufpá al Ts'e Cataiqui'. He lataiqui' ałpo'no'iponga' illanc' ixanuc' ŁanDios.

Litsufcopoxi Cristo jouc'a i'najtsepa liłjunac' petsi aiquil'aic' licuxe'epola' ŁanDios. Aiquil'aic' loya'apa jilpe al te'a cataiqui' lipo'no'ipola' lixanuc'.

Tijouł'a jahuay lijoc'ipola' ŁanDios tepi'i'mola' to joupa limipola'. Małque ŁanDios tilaitsufcotola' nulemma. ¹⁶ Petsi lan xanuc' inefocopá ticuicomma tima'anłe linneja titsufcole ŁanDios. ¹⁷ Ja'ni tima'anłe linneja tipanecohuo lataiqui'. Ma quimaf'i' linneja łoma'anyacu nipajnya tipai'i'me lataiqui'. Ja'ni joupa ima'ampá linneja aimi'iya mipai'inyacu lataiqui'. Joupa ifayipa.

¹⁸ Tołta'a mi'enni lepenufim'me al te'a cataiqui' lipo'no'ma ŁanDios. Lan xanuc' ima'a'me linneja, ixcuajaiquenni liłjuats'. ¹⁹ Ate'a Moisés u'i'mola' ataiqui' ataiqui' te lixpice'epa ŁanDios lo'eyacu. Lijou'ma i'noł'ma cal orégano, ifi'icoya unxali cocui lana. Liłjuats' lanaxque' huacax y lan chivó lima'ampola' lohuants'ipa aja' ijac'eco'ma cal orégano. Lijou'ma ijuitsijm'ma al je'e lainihjanya litaiqui' ŁanDios lipo'no'ipola' lixanuc'. Ijuitsijm'mola' jouc'a lan xanuc', jahuay ihniya. ²⁰ Mi'ay tołta'a timila': “Iłta'a lajuats' tifyi'ma litaiqui' ŁanDios lipo'no'ipolhuo”. ²¹ Jouc'a ijuitsijm'ma lajut'ł lilanc'ecompa ijahua' y jahuay lo'nico jilpiya, ihya loxhuicoyacu la'aillí no'epá lipenic' ŁanDios. ²² Jilpe litaiqui' Moisés locuxepa tocomma jahuay tijuitsijnle cajuats'. Ja'ni a'i, aimi'iya mimenc'e'econyacola' lan xanuc' li'epa.

²³ Ima'a'me linneja la'aillí, itsufco'me liłjuats', tołta'a i'i'ma limpio ihya lilanc'epa lan xanuc'. Jahuay ille lilanc'epa lan xanuc' ma le'a timuqui te ts'i'ic' lopa'a lema'a. Lopa'a jilpe ticuicomma ituca' lotsufcoya, ille xonca al c'a. ²⁴ Tołhiya Cristo aiquitsufaic' al Paxi Cajut'ł lilanc'epa lan xanuc'. Jilpe lajut'ł mipa'a li'a łamats' ma le'a ti'onłcospa to lajut'ł lopa'a lema'a. Cristo itsufaipa ma pe lopa'a ŁanDios. Jilpiya tipa'a itsiya. Timujyoxi cal Cuecaj ca'Aillí'. Ti'hua tixa'hue ŁanDios ałtoc'itsonga'.

²⁵ Lijoupa litsufaipa jilpiya Cristo aimitsufcoconyacoxi. Fa'a li'a lamats' cal cuecaj ca'ailli' amats' amats' ti'hua titsufay lajut'i xonca al Paxi. Itaic' lijuats' quinneja a'i ma quituca' lijuats'. ²⁶ Ja'ni cola' tohta'a li'epa Cristo cola' ti'i'ma axpe' mit-sufcoyacoxi. Lipangopa li'a lamats' cola' jouc'a tipangoco'ma ile lotelcoya Cristo, itsiya cola' ti'hua titehma. A'i tohta'a li'ipa.

Ihna'a lijoucola' quitine Cristo imuj'moxi fa'a li'a lamats'. Itsufcopoxi LanDios, lilonc'e'eponga' lajunac'. Tohta'a li'epa anulemma. Aimi'econaya. ²⁷ LanDios joupa ixpic'epa lo'iyacola' lan xanuc'. Ixplic'epa tima'mola' anulemma, tijoula' maque LanDios cal Juez tu'itola' te ts'i'ic' muyalaicoyacu. ²⁸ Jouc'a Cristo imapa anulemma, itsufcopoxi LanDios, itaipa lijunac' axpela' lan xanuc'. Litine timujcona'xoxi aimitaiconaya lajunac'. Joupa i'epa tohta'a. Ie litine tunlu'e'mola' lixanuc', ilne ti'huaicoyi ticuaicoconno.

10

¹ Litaiqui' Moisés locuxepa a'i cuajmaica muya'e' te ts'i'ic' xonca al c'a lapi'iyacola' LanDios lixanuc'. Jilpe lahsimpa to-comma to ipunxahua. Mihuejcoyi ile lataiqui' lan xanuc' aimi'ia minesyacu: "Joupa ainenant'lipa lixplic'epa LanDios". Amats' amats' ti'hua titsufcoyi ma' anuli. ² Ilne notsufcopá ja'ni nulemma enant'lipá, ¿te ti'hua titsufco'me? A'i. Ja'ni ixingufcopá joupa ilonc'e'enapola' nulemma lijunac', ja'ni joupa i'ipola' limpio, aimitsufconayacu. ³ Ihsina' aiquilonc'e'enila' nulemma lijunac'. Amats' amats' ti'nujuaisyi li'epa lixcay. Amats' amats' tima'annila' linneja. ⁴ Lijjuats' linneja lima'ampola', ilne lan toro y lan chivo, aimilonc'e'eyacola' nulemma lijunac' lan xanuc'. Aimi'ia. ⁵ Totiya licuai'ma fa'a li'a lamats' Jesucristo timi qui'Ailli':

Aicalcuxe'e catsufcoyaco' linneja lima'ampola', ni locuena caiftsufcoyaco'.

Lapi'ipa iya' laicuerpo catsufco'moxi.

⁶ Ilne petsi noxingufcopá lijunac', ja'ni titsufcoyi linneja lima'ampola' lopi'empola', o ja'ni titsufcoyi lijuats' linneja,

ima' aiqumentocohuo' nulemma ihna'a lotsufcopo'.

⁷ Iya' lainepenufpa laicuerpo aimipo':

"Ne', fa'a capa'a.

Jilpe al je'e liniliya alpalajma iya' laif'eya, tohta'a ca'e'ma.

Aicuaicoco'ma ca'ela' lofxpic'epa ima' manDios."

⁸ Cristo linespa tohta'a ate'a ticua: "Linneja lima'ampola' o locuena laiftsufcoyaco' a'i tohta'a calcuxe'e. Jouc'a linneja

lopi'empola' o liĵuats' linneja lotsufcopa ilne petsi loxingufcopa liĵjunac', a'i toĵta'a catsufcoyaco'. Aicaĵcuxe'e. Iĵna'a lotsufcopo' aiĵquetenĵcocoĵuo' nulemma.”

⁹ Ti'hua tipalaic'o ĒanDios timi: “Aicuaicoco'ma ca'eĵa' lofxcpic'epa”. Cristo minesqui toĵta'a ipo'nopa iĵu' ilē al te'a lataiĵui', ilē locuxe'epola' lan xanuc' titsufcoĵe ĒanDios. Locuena litaiĵui' loya'apa: “Aicuaicoco'ma ca'eĵa' lofxcpic'epa”, ilē linca joupa ifayipa. ¹⁰ ĒanDios ixpic'epa aĵ'itsonga' ma i'huexi ilque. Toĵta'a aĵ'e'eponga' Cristo litine licupa licuerpo, itsufcopoxi nulemma.

¹¹ Locuenaye ca'aillí itine itine ti'eyi lanic' lepi'ipola' ĒanDios. Titsufcoyi linneja ma to licuxe'epola' titsufcoĵe. Iĵna'a lotsufcopa aimi'iya miĵonc'e'eyacola' liĵjunac' lan xanuc'. ¹² Ituca' li'epa laĵCuecaj ca'Ailli'. Ilque itsufcopoxi ma le'a anulemma. Toĵta'a ilojmpa nulemma laĵjunac'. Lijou'ma icutsingai'ma al c'a camane ĒanDios. ¹³ Micutsu ĵilpe al c'a camane ĒanDios i'huaijma ticuaitsi litine ticuec'eĵe naixtuc'opá. I'huaijma timetsaicole Incuxepa. ¹⁴ Aimitsufconayacoxi. Joupa itsufcopoxi nulemma. Lixanuc' joupa i'e'epola' i'huexi ĒanDios. Ti'hua tilanc'e'ela' liĵpicuejma'.

¹⁵ Cal Espíritu Santo jouc'a lu'inga' toĵta'a. Ate'a ticua:
¹⁶ Tijouĵa' capenufcona'mola' capo'no'icona'mola' cataiĵui'.
 ĵilpe lilunxajma' capo'no'i'mola' litaiĵui' laifcuxe'epola'.
 Quiniĵ'e'mola' ĵilpe liĵpicuejma'.

¹⁷ Lijou'ma ticua:
 Lixcay li'epa petsi aiĵquilihuequi litaiĵui' laifcuxe'epola'
 aica'nujuaisconaya, quimenc'eco'ma nulemma.

¹⁸ Petsi joupa limenc'e'ecopola' lixcay li'epa, ilne aimitsufconayacu. Joupa ilojm-napa liĵjunac'.

¹⁹ Unc'aipimaye, itsiya aimasueĵmot'leconayi. Jesús joupa itsufcopoxi ĒanDios, itsufcopa liĵuats'. Toĵiya tixoqui calata ti'i'ma aĵsufĵlai'me ĵilpe Xonca al Paxi pe lopa'a ĒanDios, aĵpalaic'o'me ilque. ²⁰ Laĵpene itsiya ituca', imaf'i'. Cristo litsufcopoxi licuerpo, ĒanDios exi'epa nulemma laĵsufĵlaicoyacu ĵilpe Xonca al Paxi. Lijahua' loĵujnya joupa ilojm-napa.

²¹ Illanc' ixanuc' ĒanDios ĵuaiconapa acueca' ĵala'Ailli'.
²² Toĵiya aimasim'me calaic'ata, tixojma calata laxc'onĵingolai'me ĒanDios. Joupa aĵĵuitsijmponga' illanc' laĵpicuejma', aimasueĵmot'lecoyacu laĵjunac', joupa ilojmpa. Laĵcuerpo lapo'imponga' al c'a caja'. Itsiya a'i oquej laĵpicuejma'. Aĵsinyoltsi ma latufnaponga'. Ti'i'ma alitoc'olai'me ĒanDios illanc' caĵtuca', aĵpalaic'o'me ilque.

²³ Joupa aluya'apá: Aĵ'huaijijnyi ĒanDios, ilque lunĵu'e'monga'. Aimapaĵi'i'moltsi laĵpicuejma'. Ti'hua aĵ'huaijijnle. Ilque joupa icupa cataiĵui', aimi'iya mipai'ya. Ma to linespa

tołta'a lo'eya. ²⁴ Lahuele te co'iya mał'nujuaisyacola' xonca lałpimaye, ti'ila' xonca axpe' lał'epa al c'a. ²⁵ İhne lapimaye pe aimesot'leconayołtsi aimalihuej'me lił'ejma'. Lafot'le'mołtsi alixpi'i'mola' quileta lałpimaye. Tołsinyi ticuaihuo al Cuecaj Quitine, tołiya xonca tołpo'note lołpicuejma' tonł'ete tołta'a.

²⁶ İllanc' petsi joupa ałsina' te ts'i'ic' al Linca Cataiqui', ja'ni xonca ałpic'a al xujc'a cane, ja'ni ti'hua al'econa'me lixcay, ticuaitsi al Cuecaj Quitine ałsim'mołtsi joupa lacaniponga'. İhe li'epa Cristo litsufcopoxi, aimaliłonc'e'eyaconga' lałjunac'. ²⁷ Ma le'a al'huaico'me lapi'intsonga' lałjunac'. Acueca' caxpaiqui' ihe lałteł'minyaconga'. Ałsingufco'me to łunga lipoyac' ŁanDios. Ma to lojou'neyacola' naixtulepá, ma' anuli ałjou'ne'monga' illanc' ja'ni aimalihuejcoyacu. ²⁸ Li'ipa, cal xans netets'ipa litaiqui' Moisés, pe aici'aic' locuxe'epa, titeł'mim'me. Ti'ila' oquexi' afantsi joupa ixingopá lił'u' lixcay li'epa, tijoula' aimixininyacu cuanuc', titeł'minle. ²⁹ İtsiya, łte aimiteł'minyacu xonca petsi netets'ipa Cristo, tocomma to i'huailsetsufpa hi'Hua ŁanDios? Jouc'a lijuats' Cristo etets'ipa, iximpa to ninaitsi cajuats'. İhe lijuats' Cristo lixcuajaicopa tifayila' nulemma al Ts'e Cataiqui' lipo'no'ipola' ŁanDios lixanuc'. Małe lajuats' i'e'epa cal xans ma' i'huexi ŁanDios. İłque pe netets'ipa Cristo inesc'epa cataiqui' cal Espíritu Santo, iłque Notoc'iyalepa. Linca xonca acueca' lo'iya iłque cal xans. ³⁰ Limetsaicoyi Nocupa: Ma' iya' icueya laimane ca'e'ma al İjca.

Iya' ca'najtse'e'mola' pe no'epá lixcay.

Jouc'a ticua:

ŁanDios copa'a iłjuez lixanuc'.

³¹ Linca aimalulijyacu iłque Limafi' CanDios. Acueca' axpaiqui' iłque. Acueca' lo'eya.

³² İmanc' joupa ołmujpołtsi toł'huaiyijnyi Jesucristo. Aimolimec'eco'me loluyalaicopa. Ti'hua toł'nujuaisle li'ipolhuo'. İhniya łitiné ma quite' ŁanDios epalc'o'ipolhuo'. Jilne łitiné ołsnet'ł'me al cueca' latełcoya. Aicołpai' lołpicuejma'. ³³ İhniya łitiné tołtełcoyi mixoconnilhuo' loł'as xanuc', mi'ennilhuo' lixcay, mimiloquilhuo' cataiqui'. Jouc'a tołtełcoyi ma mitełcoyi tołna'a lołpimaye. ³⁴ Oł'e'e'mołtsi anuli lołpimaye litats'empola', jouc'a tołtełcoyi, tunlequi łolunxajma'. Mexic'elhuo' imanc' loł'huexi, tixoqui cunlata tolihuejyi Jesucristo. Aicolixtuc'ola'. Toł'nujuaisyi tipa'a loł'huexi xonca al c'a. İhe aimi'iya mexic'enyacolhuo'.

³⁵ Joupa i'ipa colłsina' ŁanDios tepi'i'molhuo' xonca al c'a. Aimolatets'i'me. Ja'ni ti'hua toł'huaiyijnyi acueca' al c'a ti'najtse'e'molhuo'. ³⁶ Ne'. Ti'hua tołsnet'ł—le. Tołta'a tonł'e'me lixpice'epa ŁanDios. Tepi'i'molhuo' al c'a. Joupa icupa cataiqui'. ³⁷ Jilpe al Paxi Linilngiya tuya'e':

Le'a huata tehue'e', ma icuaico'ma Nocuaicoya.

³⁸ Cal xans na'l'huaiyijmpa tulijta lipitine aimijouya.

Aiximpa to ailopa'a quijunac', capenufi.

Ja'ni tipai'inla' lipicuejma' aimalatentcoconaya.

³⁹ Linca, a'i to'tta'a la'ejma'. Aimalpailiconamma.

Aimalacani'enyaconga'. Ti'hua al'huaiyijm'me LanDios. I'que lunlu'e'monga'.

11

¹ Ja'ni al'huaiyijnyi LanDios, ¿te ts'i'ic' la'ejma'? Ma'l'huaiyijnyi tixoqui calata al'huaicoyi LanDios lapi'itsonga' pe joupa almiponga': "Capi'i'molhuo". Aimalnesyi: "¿Aga lapi'i'monga' o aimalapi'iyaconga'?" Ma'l'huaiyijnyi tama axpe' aimi'iya ma'sinyacu, pe LanDios joupa icuapa: "Tipa'a", alsina' ma tipa'a.

² To'tta'a luyalaicopa la'tatahueló. Toliya al Paxi Linilingiya tipalaicola', inescopola' al c'a.

³ Ma'l'huaiyijnyi LanDios alsina' te ts'i'ic' li'ipa lilanc'epa lema'a, li'a lamats', jahuay lopa'a. Ai'a tilanc'e'ma LanDios lema'a y li'a lamats' aiqui'huáqui colanc'ecoya, ailopa'a. LanDios ma le'a icuxepa ti'ila'. Lijoupa, ma to'tta'a li'ipa.

⁴ Abel mi'huaiyinge LanDios, litsufcopa ac'a itsufcopa. Caín, ipima Abel, LanDios aiquetenlcocojma litsufcopa. Mi'huaiyinge Abel, LanDios iximpa i'que ac'a xans, epenufpa litsufcopa. Mi'huaiyinge LanDios, ima'ampa. Toliya tama joupa imanapa tocomma to ti'hua tipalay.

⁵ Enoc mi'huaiyinge, LanDios ihonc'enapa fa'a li'a lamats'. To'tta'a aiquixina' lamaya. LanDios ilecona'ma, aiquixingona'me. Alsina' Enoc i'huaiyijmpa LanDios. Al Paxi Linilingiya tuya'e': "Mipa'a li'a lamats' Enoc etentlcocopa LanDios". ⁶ Petsi aimi'huaiyijnyi, ihniya li'ejma' aimetentlcocoya LanDios. Cal xans naxc'onlingaiya LanDios ticuicomma ti'ila' quixina' tipa'a LanDios. Jouc'a ti'ila' quixina' LanDios tepi'i'ma al c'a ja'ni tehuela'.

⁷ Noé mi'huaiyinge LanDios, ilanc'epa al arca. LanDios joupa u'ipa Noé te ts'i'ic' lo'iya. Tama ailopa'a tintsi, Noé aiquetets'i limipa LanDios. Ihuejcopa, ilanc'epa al arca, unlu'epola' lixanuc'. Noé mi'ay to'tta'a imuj'ma a'ijc'a li'picuejma' locuenaye lan xanuc', ilne nomana' li'a lamats' ihniya litiné. LanDios imet-saicopa ti'huaiyinge Noé. Epenufpa to ailopa'a quijunac'.

⁸ Abraham mi'huaiyinge, ihuejcopa licuxe'epa LanDios. I'que ijoc'ipa Abraham tipanni, ti'huanla' locuena camats' tepi'ita. I'e lamats' Abraham aiquixina'. Ni aiquixina' pe lopa'a. Ma' ipanamma, i'huanapa. ⁹ Icuaitsi jilpe lamats' linescopa LanDios, aiquepenufi nulemma. Mi'huaiyinge ipajmpa jilpe to lin'huaya. Ipajmpa lejut'l ilanc'ecompa

ijahua'. Ma' anuli toliya lipajmpa Isaac, itque i'hua Abraham. Jouc'a ma' anuli lipajmpa Jacob i'hua Isaac. Iniya i'huaico'me LanDios tepi'itsola' nulemma quilemats', ma to limipa quit'ailli'.

¹⁰ Mipa'a tołta'a Abraham ixnet'i'ma. I'huaijma ticuaitsi anuli liłya' xonca lifayiya łajut'li. Jiłpe liłya' łajut'li aimi'onłyacola' łajut'li lilanc'ecompa ijahua'. He liłya' LanDios ixpic'epa te ts'i'c' mi'iyaya, itque lilanc'epa.

¹¹ Sara mi'huaiyinge LanDios, epenufpa lipujfxi, i'ipa quinay. LanDios joupacuapa: "Sara tipo'no'ma qui'hua". Ticua Sara: "LanDios aimifel'miyale. Linca ti'i'ma." Tołta'a li'ipa. Tama joupacu itojpa caca'no', Sara ipo'nopa li'hua. ¹² Tołta'a anuli cal xans i'ipa quilitatahuelo axpela' lan xanuc'. Itque tama tocomma to joupacu imanapa itepa li'hua. Ijou'ma i'ipola' axpela' lixanuc'. Aimi'iyaya mixhujmeyacola'. Ti'onłcospola' to lan xamna nomana' lema'a, o cal cuixa łopa'a lema' caja.

¹³ Jahuay iniya, litine lima'mola', ma ti'huaiyijnyi LanDios. Iniya aiquiluliqui linescopa LanDios mimila': "Capi'i'molhuo". Iniya ma ti'onłcospola' to nahuejlojmpa. Ine afule mixinyi al c'a łopa'a aculi'. Tixoqui quileta ticuayi: "Linca, ma tipa'a. Juaiconapa ac'a jiliya lalapi'iyaconga'." Ma mi'huaiyijnyi LanDios ticuayi: "Illanc', ma' aluyalaicoyi fa'a li'a łamats'. Al'onłcosponga' to lin'huaya." ¹⁴ Lonespa tołta'a alinca ti'huaiyijnyi LanDios. Acujajmaica timujyołtsi tijanajyi ticuaitsa jilpiya mane liłpiya'. ¹⁵ Ine aimi'hua mi'nujuaisyi ite łamats' lipalyonamma. Ja'ni coła' i'nujuais'me, ja'ni ixhuelco'me, LanDios coła' timuc'i'mola' te ts'i'ic' mi'eyacu mipailiyacu. ¹⁶ Ine a'i tołta'a li'ejma'. Tijanajyi ticuaitsa pu'hua lema'a, petsi xonca al c'a. Tołiya LanDios aiquetets'ila' ite lixanuc'. Tixoqui queta tecui'iyoxi: "Iya' NanDios, ilenDios iniya laixanuc'". Ma' itque lilanc'e'epola' liłpiya' łopa'a pu'huanni.

¹⁷⁻¹⁸ Abraham mi'huaiyinge LanDios, ihuejcopa licuxe'epa litine lehuacopa. Titsufco'ma cal nuli li'hua, itque Isaac. Ai'a tipajnta Isaac LanDios joupacu u'ipa Abraham, timi: "Itque ło'iyaya ło'hua Isaac ti'i'ma quilitatahuelo lan xanuc' petsi laimet-saiconyacola' to loxanuc'". Abraham, tama joupacu i'epa linca ite limipa LanDios, aiquicuanac'e li'hua, itque Isaac. Coła' łotsufcoya. ¹⁹ Ticua: "LanDios ti'i'ma timaf'i'ina'mola' limanapola'. Timaf'i'ina'ma łai'hua." Ma mima'aya li'hua, LanDios imuc'ipa tipa'a jilpe anuli cal moł. Itque cal moł Abraham ima'apa, itsufcopa LanDios, a'i li'hua. Tołiya Isaac ti'onłcospa to cal moł lima'apa qui'ailli'. Abraham lepenufnapa li'hua iximpa to LanDios joupacu imaf'i'inapa. Tocomma i'ipa to linespa Abraham.

20 Isaac mi'huaiyinge ÆanDios, ipaxne'mola' linaxque', ìhniya Jacob y Esaú. A'i ma le'a ipaxne'mola', jouc'a u'i'mola' te ts'i'ic' lo'iyacola'.

21 Jacob mi'huaiyinge ÆanDios, mima ipaxne'mola' loquexi' linieto, ìhne linaxque' José. Mipaxnela', ìhe loya'apa, a'i lonespa quituca' lipicuejma', tuya'e' ma lixpicepa ÆanDios. Mi'huaiyinge ÆanDios, ummejc'oyoxi lipaluc, ic'omma'ima, tix'najtsi'i ÆanDios.

22 José mi'huaiyinge ÆanDios, tixhuainatsi lipitine, ipalaic'o'mola' lipimaye, ìhne jouc'a ixanuc' Israel. U'i'mola' te lo'iyacola'. Tuya'e' tipalnacu jilpe ìamats' Egipto. Icuxe'e'mola' lo'e'eyacu lipécal.

23 Qui'ailli', qui'máma' Moisés, mi'huaiyijnyi ÆanDios aimixpailiquila'. Aiquilihuequi litaiqui' licuxe'eyalepa cal rey nocuxepa Egipto. Lixim'me juaiconapa ac'a ìahuac'hua, emi'me afane' mut'la. Aimima'am'me.

24 Moisés mi'huaiyinge ÆanDios, lijoupa litojpa, aimimet-saicoyoxi to inieto cal rey Faraón. Aimicua, tama itoc'epa hi'hua caca'no' cal rey. 25 Ticua: "Ja'ni aimetenlcocoya ÆanDios laif'eya, tama cuyaico'ma al c'a ma capa'a li'a ìamats', ìhe laixojcopa neta, aimicolya". Tohiya ixpic'epa titecola' to lixanuc' ÆanDios mitecoyi. 26 Tama cal rey Faraón, ìhque nocuxepa Egipto, acueca' al c'a lapi'iya Moisés, ìhque aiquicuac'. Ixina' xonca ac'a loyaicoya ja'ni lan xanuc' tetets'ìe. Xonca ipic'a ti'huaicola' ÆanDios ti'najtse'ela'. Mitecoyi tohta'a lixanuc' ÆanDios ma' anuli Cristo titecoyi, ìhque hi'Huij'epa ÆanDios.

27 Mi'huaiyinge ÆanDios, Moisés ipanni jilpe ìamats' Egipto. Aimixpaic'e lipoyac' cal rey. Tama aiqui'huáqui ÆanDios, tocomma to Moisés tehuelonge. Tohiya ixnet'h'ma jahuay.

28 Mi'huaiyinge ÆanDios, icuxe'epola' lixanuc' tima'anle lam mot'ì, tijuitsijnle lajuats' lihpuerta. Tohta'a tuyaicola' ìpaluc quema'a, noma'ayacola' lan tet'la lanaxque' camijcanó, ìhne lun Egipcio. Ailopa'a co'e'eyacola' lixanuc' Moisés. 29 Moisés jouc'a lixanuc', mi'huaiyijnyi ÆanDios jilpe Lunxali Caja, etelnuf'moxi ìaja i'i'ma lane, uyalaico'me nolojmay. Icuaitsa lan xanuc' egipcio, jouc'a itsulfo'ìai'me ìpic'a tuyalaìe jilpiya. Aiqui'ic'. ìaja inutse'mola', unxalac'mola'.

30 Lan xanuc' Israel mi'huaiyijnyi ÆanDios, acaitsi quitine ipaiyummi' me liya' Jericó. Jilpe lixpula' leti'icoya quìya' ipaiyummi' me. Tijoula' acamts'us quitine, lihuequi litine ecangenni leti'icoya liya'.

31 Rahab, ìaca'no' ìitepa licuerpo, mi'huaiyinge ÆanDios epen-ufpola' loquexi' lan xanuc', ìhniya nicuaicota tehuelojm'me ìamats'. Tohiya unhu'ma ìaca'no'. Lun Israel litsufilai'me Jericó

ima'a'me lan xanuc' nomana' jilpiya, ihe petsi aiqulihuequi LanDios. Rahab aiquma'a'me.

³² Itsiya, ¿te xonca caifnesya? Mi'huaiyijnyi LanDios jouc'a i'e'me al cueca' ihe Gedeón, Barac, Sansón, Jefe, David, Samuel jouc'a lam profeta. Aimi'ommaispa capalaicoyacola' li'epa anuli anuli ihniya. Axpe' alcof'ma. ³³ Locuenaye, mi'huaiyijnyi LanDios tulijyi lan tsilaj quincuxepá jouc'a lihxanuc'. Locuenaye ticuxeyaleyi hijca. Locuenaye epenuf'me ihe al c'a limipola' LanDios lapi'iyacola'. Locuenaye mimana' nolojmay lanxmuhua ti'huaiyijnyi LanDios, tofta'a ailopa'a qui'e'e'mola'. ³⁴ Locuenaye, mi'huaiyijnyi LanDios ipac'e'me lipoyac' lunga. Ailopa'a qui'e'e'mola' ihe lunga. Locuenaye unful'me, aimima'acom'mola' acutsilo. Locuenaye, joupa itafquemmola' epenufcona'me lipujfxi. Locuenaye, acueca' li'epa mifuleyi naixtulepá. Locuenaye, ihuescufi'me lan xanuc' nofulepá, ihe ocuena quifraza.

³⁵ Laca'no' mi'huaiyijnyi LanDios, ihe lihxanuc' limapola', epenufna'me joupa imaf'i'ina'pola'. Locuenaye ixnet'l'me mite'l'minnila' juaiconapa, ima'am'mola'. Aicunhu'eyo'ltsi, aiqulcuac'. Ipic'a tulijnatsa lapajnya xonca al c'a, timaf'i'inatsola' LanDios Locuaicoya Litine. ³⁶ Locuenaye, itelco'me mitalunts'ennila' o muntafquim'mola' o mifi'econnila' acadena, itats'em'mola'. ³⁷ Locuenaye ima'acom'mola' apic', ehuaiyim'mola'. Ma quimaf'ila' etequim'mola' onfca lixcuerpo, ima'acom'mola' acutsilo.

Locuenaye, mi'huaiyijnyi LanDios tiyelocoyi itatsma lipixmij mo' o lipixmi chivo. Acueca' lahue'epola', tite'coyi, juaiconapa acuanuc'la. ³⁸ Ihniya xonca lan c'a xanuc'. Tohiya lihf'as xanuc' aimi'iya mimetsaicoyacola', etets'im'mola'. Ihe, ma mi'huaiyijnyi LanDios, inulnapá, tiyelocoyi petsi ailopa'a qui'ya'. Jouc'a tiyelocoyi lijualay. Tifmana' hunts'eja' o lipihuo camats'.

³⁹ Jahuay ihniya, tama LanDios imetsaico'mola' ti'huaiyijnyi, aiqululiqui linescopa LanDios, ihe lapi'iyacola' lixanuc'. Ni aiqulsina' te ts'i'ic'. ⁴⁰ LanDios joupa ixpic'epa luyalaico'me xonca al c'a illanc'. Ixplic'epa ti'ila' calcina' te ts'i'ic' lapi'iyacola' lixanuc'. Li'ipa, ihniya aiqulsina'. Ti'hua mehue'ela' mi'huaicoyi al'huaiyijnle illanc'.

12

¹ Ihe la'pimaye joupa imuj'mo'ltsi ni'huaiyijmpá LanDios. Tama joupa iyenapá timana' anujnca, canumicay pe la'mana' illanc', lahuelonginga'. Axpela' ihniya. Itsiya, ¿te co'ya? Ticuicomma alpo'note la'picuejma' luli'ja ihe lalapi'inyaconga'. Al'itsonga' to ihe lainulpá. Ihe lic' tinul'me, aimitaiyacuj cumta copa'neyacola'. Jouc'a illanc', laca'ni'me

laɬpa'neyacongá', aimalihuej'me al xujc'a lopa'a laɬpicuejma', aɬsnet'f'me jahuay laɬ'iyácongá'. ² Ti'hua aɬ'nujuaitsa Jesús li'ejma'. Maɬque Jesús aɬmuc'iponga' te ts'i'ic' maɬ'huaiyijnyacu LanDios. Iɬque nulemma i'huaiyijmpa LanDios, aiqipai'i lipicuejma'. Iɬque aɬtoc'i'monga' ti'hua aɬ'huaiyijnle, tijouɬa' LanDios aluntu'e'monga'. Jesús i'nujuaitsi lo'iya jilpe lema'a. Tohiya ma iteɬcopa lepáɬts'ingimpa lancruz. Tama iximpá to lixcay xans aiqixim'moxi acuanuc'. Ticua: "Jipu'hua lema'a tixoj'ma neta cuyaicota". Itsiya joupa ulijpa. Ticutsuya al c'a camane LanDios cal Cuecaj Quincuxepa.

³ Camilhuo': Toɬ'nujuaitsa Jesús te ts'i'ic' luyaicopa, liteɬcopa. Toɬ'nujuaisle lixnet'ɬpa ma mi'e'eyi acueca' quixcay ihniya lan xanuc' pe aimihuejcoyi LanDios. Toɬta'a aimixojyacolhuo', ti'hua toɬ'huaiyijm'me. ⁴ Imanc' lolipa'apa cafxi tolulijle al xujc'a, ¿te oɬscujajaipa loɬjuats'? A'i toɬta'a qui'ilhuo'. ⁵ Tocomma joupa olimenc'ecopa loya'apa al Paxi Linilingiya. Jilpe LanDios tixc'ai'ilhuo'. Toɬta'a ɬa'ailli' mixc'ai'i'mola' linaxque'. LanDios ticua:

Mai'hua, topo'noɬa' lopicuejma' tapenufla' laifmuc'ipo' iya' oPoujna.

Ja'ni cu'itso', aimitafqueco'.

⁶ Petsi ɬaif'epola' capic'a camuc'i'mola' toɬta'a iya' ihPoujna.

Petsi lainimetsaicopola' ainaxque' cateɬ'mila'.

⁷ LanDios aimixtuc'olhuo'. Toɬsnet'He lo'ipolhuo'. Ma to ɬa'ailli' timuc'ila' linaxque' toɬta'a timuc'ilhuo' LanDios. ⁸ Jahuay linaxque' LanDios timuc'ila', titeɬ'mila'. Ja'ni aimoɬxingufcoyi toɬta'a mimuc'ilhuo' LanDios, imanc' a'i quinaxque'. Iɬque aiqumetsaicolhuo', ocuena coɬ'ailli' imanc'.

⁹ Li'ipa maɬmana' ninc'a'uhuyay laɬ'ailli' aɬteɬ'minga'. Aicalixtuc'ola'. Tama le'a axanuc' limetsaicopola' toɬta'a icueya liɬmane. Lapajnya fa'a li'a ɬamats' lapi'iponga' ihniya. LanDios caɬ'Ailli' Nopa'a lema'a tepi'ila' jahuay liɬpitine. Xonca ticuicomma limetsaicote iɬque. Toɬta'a lapi'i'monga' laɬpitine aimijouya. ¹⁰ Iɬne laɬ'ailli' nomana' fa'a li'a ɬamats', iɬe licueya quiɬmane aiqicoɬi. Tama icueya liɬmane aimi'hua maɬcuxeyacongá'. Tijouɬa' aɬtojtsonga' aimi'hua maɬteɬ'miyacongá'. Iɬne ma to licuapa liɬpicuejma' toɬta'a laɬteɬ'miponga'. Caɬ'Ailli' Nopa'a lema'a ituca' li'ejma'. Ipic'a luyalaicote al c'a, a'i ma le'a fa'a li'a ɬamats', ticua: "Toluyalaicotsa al c'a Locuenaj Quitine jouc'a". Ixpicepa ti'ila' nulemma pangay c'a laɬpicuejma', ma to lipicuejma' LanDios. ¹¹ Linca maɬteɬ'minga' a'i mixoqui calata, aɬsinyi acumta lapajnya. Maɬteɬcoyi aɬsnet'ɬyi. Tijouɬa' lihuic'ile ti'i'ma ac'a laɬpicuejma'. Aɬpac'em'monga' laɬpicuejma'.

12 Toſiya camilhuo': Ja'ni itafquemmolhuo' aimoluyalaiconame toſta'a. Loſmane', loſmitsi' tolapi'itsola' liſpujſxi. 13 Ma tolihuejle litaiqui' LanDios. Toſta'a petſi lo'onſcospola' to lan coxo, iſne petſi afule miyeyi, iſniya jouc'a tihuej'me, aimejac'eyacu al c'a cane.

14 Toſpo'note loſpicuejma' toſejmalete al c'a loſpimaye, jahuay iſniya. Tolahueſte te co'iya monſ'eyacu ti'ila' pangay c'a loſpicuejma'. Ma le'a iſniya pe toſta'a liſpicuejma' tixinna'me caſ'Ailli' LanDios. 15 LanDios ti'hua titoc'ilhuo'. Toſ'etsotſi cuenna, ni anuli menaj'moxi. Ni anuli mi'i'moxi to lixcay quitamqui, tixhueſ'mi'molhuo'. Iſque ſipommaya titaſ'molhuo', nij naitſi nonſuya. 16 Ni' anuli mi'i'moxi innahuepa ca-caſ'no', ni mi'i'moxi to cal xans Eſaú. Iſque ehue'ma ma le'a lopa'a fa'a li'a ſamats'. Iſque Eſaú cal te'a timi hipepo: “Lapi'ila' iſe loſtecopa, cate'ma iya'. Caſ'ailli' tipaxne'mo' ima', iya' nin te'a aimapaxne'ma.” Toſta'a etets'i'ma lopaxnecoya qui'ailli'. Xonca ipic'a titetſola', tama ma le'a anulij pime. 17 Joupa oſſina' li'ipa. Lijou'ma, Eſaú ipic'a qui'ailli' tipaxneſa', timetſaicoſa' to cal te'a qui'hua. Aimi'iya. Ixhueſmot'le'ma juaiconapa, ijouj'ma. Aimi'iya mipai'iya. Joupa i'ipa.

18 Imanc' moli—loc'oſaiyi LanDios aimolacaxhuoſanna lehuoc'ocojma ſijuala ma le'a amats'. Jiſpiya tecaxhuoſanna lixanuc' Moisés. Iſe ſijuala tocomma tipi, ixim'me acueca' ſipaſ cunga. Ixim'me acueca' cummahuay, amuf le'a, juaiconapa ti'hua ſahua'. 19 Jiſpe icuej'me tifus'minni al trompeta. Icuejpá anuli tipalay, tixc'ai'ila'. Lan xanuc' noquimf'epá iximpá acueca' caxpaiqui', tixahue'eyi aimipalaic'ocona'mola'. 20 Lataiqui' loxc'ai'ipola' iximpá juaiconapa acueca' cataiqui'. Ticua: “Tama anuli ſinneja ti'huaſſijnla' ſijuala tima'aconſe apic’”. 21 Jouc'a Moisés iximpa acueca' caxpaiqui' iſe lehuelojmpa jiſpe. Ticua: “Tiyu laicuerpo”.

22 Imanc' joupa oli—loc'oſaipá ſijuala Sión jiſpe liſya' Jeruſalén lopa'a lema'a, liſiſya' LanDios Limaſ'i'. Jiſpe leſot'leyoſſi lapaluc' quema'a tixoqui quileta. Juaiconapa axpela' iſniya, aimi'iya mixhuej'menyacola'. 23 Oli—loc'oſaipá pe lomana' jahuay lixanuc' leſot'lepola' LanDios jiſpe lema'a. Maſpiya iſpiſya'. Ma to cal te'a qui'hua tepenuf'ma ſi'huexi lapi'iya qui'ailli' ma toſta'a iſniya tepenuf'me ſi'huexi lapi'iyacola' LanDios.

Oli—loc'oſaipá pe lopa'a LanDios, iſque iſjuez jahuay lan xanuc'. Oli—loc'oſaipá pe lomana' liſ'espíritu lan c'a xanuc' ni'epá al ſijca, iſniya nulemma i'ipa pangay c'a liſpicuejma', ailopa'a quehue'epola'. 24 Joupa oli—loc'oſaipá pe lopa'a Jeſús iſque Naſcuai'eſponga' LanDios illanc' nalapenuf'pá el Tſ'e Cataiqui', iſe lataiqui' aſpo'no'iponga' illanc' ixanuc' LanDios.

Jilpe loli—loc'otaiyopa tocomma tipalaic'o ÑanDios lijuats' lixcuajaiapa Jesús, iñe lañjuitsijmponga'. Loy'apa aimi'onñspa to luya'apa lijuats' Abel, iñque Caññ hima'apa. Xonca ac'a loya'apa lijuats' Jesús.

²⁵ Itsiya toñpo'note cuenna. Aimolatets'i'me Nopalaic'opolhuo'. Lipalaipa fa'a li'a lamats' aicunñul'me pe netets'ipá lixc'ai'ipola', iteñ'mim'mola'. Itsiya iñque tipalay pu'hua lema'a. Ja'ni latets'iñe, ja'ni aimalihuejcoyi, ¿te aga lunñu'e'monga'? Linca xonca acueca' alteñ'mi'monga'. ²⁶ Li'ipa, mipalay ÑanDios tife'ne li'a lamats'. Mañque ÑanDios ticua: “Xonca al cueca' ti'i'ma”. Tuya'e':

Cafe'necona'ma lamats', tifenna nulemma.

Tifenna a'i ma le'a li'a lamats', jouc'a tifenna lema'a.

²⁷ He lataiqui' “nulemma”, ticuajmaispa lo'eya ÑanDios. Iñque tife'nela' lilanc'epa tiñojm'ma. Tijouñ'a petsi aimi'iya mife'nemyacu, tipanehuo. ²⁸ ÑanDios joupa ixpic'epa añcuxeta anuli. Jilpe aimi'iya mife'nemyacu. Aimaliñonc'e'eyacongá' licueya lañmane. Toñiya aks'najtsi'iñe ÑanDios, toñta'a tetenñcoco'ma laxc'onñingotai'me. Malaxc'onñingotaiyi añnujuaitsa te ts'i'ic' ÑanDios. Iñque apaxi, acueca' xpaiqui'. Lihuejco'me.

²⁹ Aimalimenc'eco'me: ÑalanDios ti'onñcospa to ñunga lopi'eya al xisca.

13

¹ Imanc' ti'hua tonñ'etsotñsi capic'a to capimaye.

² Aimolimenc'eco'me lonñ'e'eyacola' pe noyepá cane locuaiyumma. Tolapenuñtsola'. Aimixojtolhuo'. Pe toñta'a no'epá epenuf'me lapaluc' quema'a. Linca, lepenufimpola' aiqui'ic' quññsina' ja'ni apaluc' quema'a. ³ Toñnujuaitsola' litats'ila'. Toññingufcoñe to itats'ennñilhuo' jouc'a. Toñnujuaitsola' loñpimaye notecopá. Imanc' jouc'a tipa'a loñcuerpo. Anuli iñniya toññingufcoñe al tilca.

⁴ Ja'ni onlamallipá tonñ'eñe ma le'a al c'a. Tonñ'etsotñsi cuenna. Aimonñ'e'me nixpiya. Pe nahuepá cacal'no' o nolecopá ocuena cacal'no', iñniya titeñ'mi'mola' ÑanDios cal Juez.

⁵ Aimonñ'e'me to lan xanuc' ts'iñpic'a xonca quññtomí. Tetenñcocsolhuo' iñe loñ'hueca itsiya. ÑanDios timihuo': “Aicapo'noyaco' cotuca', aicacanuñyaco’”. ⁶ Toñiya tixoqui calata añnes'me: “ÑaiPoujna ÑanDios añtoc'i'ma. Iya' aimañspaiqui. ¿Te cal'e'eya lan xanuc'?”

⁷ Aimolimenc'eco'mola' loñpomxiye, iñne nimuc'ipolhuo' litaiqui' ÑanDios. Toñnujuaisle te ts'i'ic' lijoucopa liñpepajnya fa'a li'a lamats'. Iñne imaco'mola' mi'huaiyijnyñ ÑanDios. Toñta'a ti'ila' imanc' lonñ'ejma'. Jouc'a ti'hua toñhuaiyijnle ÑanDios.

⁸ Jesucristo aimipai'iyoxi. Tsumjma, itsiya, locuaicoya quitine, ma' anuli lipicuejma'. ⁹ Imanc' ti'hua toñhuaiyijnle

Jesucristo. Aimolihuej'me ocuena ocuena cataiqui' pe aimi'onłspa to limuc'impolhuo'. Ti'hua tolihuej'me lataiqui' limuc'impolhuo'. Mał'huaiyijnyi ŁanDios ma itque altoc'inga', afa'enga' lałpicuejma'. Tołta'a aluyalaico'me al c'a. Ja'ni lihuejle lataiqui' loya'apa te ts'i'ic' łaltejacu, te ts'i'ic' aimaltejacu, a'i tołta'a małfa'eyacołtsi lałpicuejma'. Iłne petsi naihuejpa iłe lataiqui' ma' anuli mimanemma, aimi'i'ma xonca al c'a liłpicuejma'.

¹⁰ Illanc' lał'altar ituca'. Aimi'onłspa to iłe al altar li'ipa li-pajmpa jilpe lajut'ł lilanc'ecompa ijahua'. Iłne naihuejcopá to li'eyompa jilpe lajut'ł lilanc'ecompa ijahua', aimi'ya mitejacu lopa'a lał'altar. ¹¹ Li'ipa, mipa'a lajut'ł lilanc'ecompa ijahua', cal cuecaj ca'ailli' itai'ma liłjuats' quinneja, titsufai'e jilpe Xonca al Paxi. ŁanDios liximpa iłe lajuats' imenc'e'eco'mola' lan xanuc' al xujc'a li'epa. Iłne linneja aimitejnyacu. Ti'hua'annila' jilpe limuc'o' pe a'ij pangiya. Jilpe tipi'enspolá'. ¹² Tołta'a jouc'a Cristo i'hua'am'me lema quiłya'. Jilpe itełco'ma, itsufco'ma lijuats', ał'e'eponga' ixanuc' ŁanDios. ¹³ ¡Lihuejle Cristo! Aimalihuej'me li'epa jilpe lajut'ł lilanc'ecompa ijahua'. Ałtełcole to Cristo litełcopa. Latets'intsonga' jouc'a. ¹⁴ Jifa'a li'a łamats' lałpiłya' tijou'ma. Ał'huaicoyi, ałjanajyi locuaicoya locuena lałpiłya'. ¹⁵ Mał'huaiyijnyi Jesús jouc'a ałtsufco'me ŁanDios. Illanc' lałtsufcoyacu a'i quinneja. Ałtsufco'me lałtaiqui'. Itine itine ałs'najtsi'i'me ŁanDios, itque łalanDios. ¹⁶ A'i ma le'a ataiqui' tolihuejle ŁanDios. Tonł'ete al c'a. Tołtoc'itsola' lołpimaye. Tolapi'itsola' ja'ni tehue'ela'. Ti'ila' tołta'a lonł'epa tetenłcocojma ŁanDios. Tocomma to tołtsufcoyi.

¹⁷ Tolihuejle lomuc'ipolhuo' lołpomxiye. Iłne ti'eyi cuenna łoł'alma. Iłsina' ŁanDios ticuis'etola', timitola': “¿Te o'epa al c'a iłe lanic' lainepe'ipo'?” Imanc' tołcuc'etsola' iłne lołpomxiye. Tołta'a tixoqui quileta ti'e'me lanic'. Ja'ni aimołcuc'ela' tix-huełmot'le'me iłniya. Tijouł'a imanc' jouc'a aimoluyalaicoyacu al c'a.

¹⁸ Tołsa'huełe ŁanDios altoc'itsonga'. Joupa ałspic'epá ał'ete ma le'a al c'a, tołta'a aimalsuełmot'leyi. Ailopa'a tintsí. ¹⁹ Camiconamolhuo': Tołsa'huełe ŁanDios altoc'ila'. Tołta'a aimalcołconaya fa'a. Cacuaiconata jilpe pe lołmana'.

²⁰ Litsufcopoxi lałPoujna Jesucristo, lijuats' lixcuajaipe iłinc'ico'ma lataiqui' ŁanDios lipo'no'ipola' lixanuc'. Iłe lataiqui' joupa liłinc'ipa aimipaiya, ma tipa'a. ŁanDios liximpa Jesús lixcuajaipe lijuats', imaf'i'inapa if'ac'enapa lema'a. Iłque i'ipa cal Cuecaj lałPoujna, illanc' imot'ł. Małque ŁanDios ałpac'e'enga' lałpicuejma'. ²¹ Caxa'hue titoc'itsolhuo' tołsuai'nite jahuay al c'a lonł'epa. Tołta'a tołanant'li'me lixp'ic'epa ŁanDios. Mał'huaiyijnyi

Jesucristo ma tołta'a lo'epa ŁanDios. Ałtoc'i'monga' ał'ełe ma le'a latenłcocopa ilque.

ıJahuay łitiné timetsaiconłe anDios! ıTexc'onłingolai'me ma le'a ilque!

Amén. Tołta'a ti'ıla'.

²² Cunc'aipimaye, caxa'huelhuo' tolapenufle laifxc'ai'ipolhuo'. A'i axpe' cataiqui' ile laininił'epolhuo'.

²³ Ti'ıla' colłsina' te ts'i'ic' li'ipa łapıma Timoteo. Itsiya aiquitats'ıya. Joupa ux'masquinnapa. Ja'ni ticuaiyunni ma capa'a fa'a ałe'me, ałejmale'me, ałsinnolhuo'.

²⁴ Lołpomxiye jouc'a lołpimaye jıłpiya nomana', tołmitsola' ıya' canonnila'. İne no'huaiyijmpá Cristo jouc'a i'huexi ŁanDios. Lapimaye nomana' łamats' Italia jouc'a tinonnilhuo' imanc'.

²⁵ ŁanDios ti'nujuaitsilhuo', titoc'itsolhuo'.

Tołta'a ti'ıla'. Amén.

LIJE'E SANTIAGO LINIŁ 'EPOLA' LAPIMAYE

¹ Iya' ninSantiago ca'ay liĥpenic' ŁanDios y łatPoujna Jesu-cristo.

Quinił'elhuo' imanc' unc'aipimaye, imanc' iĥmaxque' laĥtet'ła xanuc', iĥniya limbamaj coquexi' linaxque' laĥtatahuelo Israel. Itsiya tołmana' ni petsi lołca'nepołtsi.

² Unc'aipimaye, ja'ni tołsinłe ipime lapajnya iya' camilhuo': Aimołsuełmot'łe'me. ¡Tixojla' cunlata! ³ Imanc' joupá ołsina' lo'epa ŁanDios. Iłque tehuaiyilhuo', ti'ila' cołsina' ja'ni toł'huaiyijnyi o a'i. Ja'ni toł'huaiyijnyi tołsnet'ł'me lo'ipolhuo'. ⁴ Tijoułá' aimixojtolhuo', ti'hua tołsnet'ł'cona'me. Tołta'a ŁanDios tixhuai'ni'ma, ti'e'e'ma pangay c'a lołpicuejma'. Aimehue'econayacolhuo' lołpicuejma'.

⁵ Anuli imanc' ja'ni tinesla': "Ahuata laipicuejma'", cami'ma iłque: Toxahue'ełá' ŁanDios tepi'itso' lołpicuejma'. ŁanDios a'i całtsile. Ma tixoqui queta ticu. Aimixtuc'ola' pe noxa'huepá. ⁶ Jahuay lołpicuejma' toxa'huełá', to'huaiyijnla' ŁanDios. Aimones'ma: "¿Ja'ni ti'i'ma o aimi'ia?" Petsi tołta'a li'ejma' ti'onłcospa lipicuejma' to łaja mi'hua'e łahua'. Tummay łahua'. Ti'huałá' pu'hua, texał'uhua fa'a. Ma ti'hua tifenna. ⁷ Aimines'ma iłque: "Iłe laifxahue'epa ŁanDios lapi'i'ma". A'i. Aimepi'ia. ⁸ Cal xans petsi oque' lipicuejma', ma ti'hua tipai'iyoxi.

⁹ Anuli łapima ja'ni ailopa'a qui'hueca, tixojla' queta tix'najtsi'ila' ŁanDios. Iłque tixina acueca' ts'i'hueca. Timetsaijma. ¹⁰ Petsi tixoqui queta ti'nujuaitsi al cueca' li'huexi, ŁanDios tixina to aici'uhueca. Ti'onłcospa to cua naitsi lipa' lopa'a jipu'hua łimuc'o'. Aimicołya. ¹¹ Linca iłne łipa' aimixnet'łyi. I'huáquila' juaiconapa ac'a. Tijoułá' tif'ajla' cal 'ora, łipinu' tipi'e, tijułi łipela, łipipa' tecangemma łamats'. Ate'a i'huáqui ac'a, mijou'ma tejac'a. Tołta'a tuyaico'ma petsi ts'i'hueca acueca'. Muyaicojma lapajnya ma ti'hua tejac'eyoxi.

¹² Cal xans noxnet'łpa lahuaipa, iłque linca tuyaijma al c'a. Tijoułá' lahuaiyimpa, ŁanDios timetsaicota. Tulijnata nulemma lipitine aimijouya. Tołta'a joupá licupa cataiqui' ŁanDios, tepi'i'mola' pe no'epá capic'a.

¹³ Anuli imanc' ja'ni tixingufcojma lahuaipa aimines'ma: "Ma ŁanDios ummepa iłe lalahaipa. Ca'ełá' lixcay." ŁanDios lipicuejma' ailopa'a quixcay. Iłque ailopa'a comiya: "To'ełá'

lixcay". ¹⁴ Ine pe jilpe liłpicuejma' timiyotłsi: "To'eła' lixcay", ine ma quituca' tijanajyi ti'ełe tołta'a. Ie lixcay lopa'a liłpicuejma' tifel'mila', ti'hua'ala' lixcay cane. ¹⁵ Tijołla' lixcay lopa'a liłpicuejma', ti'e'me tołta'a. Tijouła' ja'ni ti'hua' ti'eyi lixcay, ma tejac'e'mola'.

¹⁶ Maicunc'aipimaye, aimimenaj'molhuo'. ¹⁷ Ma jipu'hua lema'a lumme'eninga' jahuay al c'a. Ie lalapi'iponga', jilpe qui'huayomma juaiconapa ac'a, ailopa'a tintsi. Małque cal'Ailli' ŁanDios lumme'enga'. Jilque nilanc'epa lepalalc'o' nomana' lema'a. Ine lepalalc'o' tipai'iyi liłpepalc'o'. Ti'i'ma huata, ti'i'ma acueca' lapalc'o'inga'. Jouc'a tipailoyi. Mif'acai'ma cal 'ora, ałpo'nonga' lunxahua, limufc'o'. Ai tołta'a ŁanDios. Iłque aiquipaiya, ma' anuli tipa'a. Aimipailo, ipuqui', itine alulif'enga'. ¹⁸ Małque ŁanDios i'epa ma to lixpicepa iłque quituca'. Jilpe lałpicuejma' ifapa al Łınca Cataiqui'. Tołta'a lapi'iponga' al ts'e lałpitine, ał'e'eponga' inaxque', iłque cal'Ailli' ŁanDios. Ał'onłcosponga' to ina'a lafot'lenyacu ate'a, lotsufcoyacu ŁanDios ai'a ticuaihuo litine cafot'leya. Ticuaiyunni al Cueca' Quitine tixinim'me jahuay lilanc'epa ŁanDios i'huexi iłque. Illanc' joupa ał'e'eponga' tołta'a. Illanc' ma' i'huexi ŁanDios.

¹⁹ Maicunc'aipimaye, tołta'a joupa otłsina'. Tołiya jahuay imanc', anuli anuli, tołpo'note lołpicuejma', tołquimf'ele al c'a. Ai'a tołpalai'me tołspic'e'me te ts'i'ic' mołpalaicoyacu. Aimolixtulecu. ²⁰ Liłpoyac' lan xanuc' aimipammaispa. Aimi'iyi mi'eyacu tołta'a al c'a latentłcocoja ŁanDios. ²¹ Tołiya, tołpo'note lołpicuejma' aimont'econa'me al xujc'a. Li'ipa, acueca' olatets'ipołtsi, juaiconapa ot'epołtsi laic'. Itsiya aimoł'econa'me tołta'a. Tolana'j'mołtsi nulemma jahuay ina'a lixcay. Aimoł'nof'e'mołtsi. Tolihuejle lataiqui' lifayipa jilpe lołpicuejma'. Tołta'a iłe lataiqui' tunłu'e'molhuo' nulemma.

²² Imanc' tolihuejle lataiqui', tonł'ele to loya'apa. Ai ma le'a mołquimf'e'me. Ja'ni ma le'a tołquimf'eyi, ma tołfel'miyotłsi. Ai tołta'a molunłyacu. ²³ Anuli łapima noquimf'epa lataiqui', ja'ni aimihuequi ti'onłcospa to cal xans mehuelonge lahuejma'. Jilpe tehuelonge li'a, te ts'i'ic' lixans. ²⁴ Tijoułla' tixinła' li'a, ti'hua'ma, timenc'eco'ma te ts'i'ic' lixans, iłe lijoupa liximpa. ²⁵ Ticuicomma ai tołta'a mixhue'me lataiqui' ŁanDios. Jilpe tipa'a lataiqui' lałcuxeponga' illanc' pe joupa luhuałquenam'monga' lał'epa a'ijc'a. Ie Lataiqui' aimehue'e'. Cal xans noxhuepa al c'a iłe lataiqui' jouc'a tepequi, iłque aimimenc'ecoja loquimf'epa. Mi'ay tołta'a tixoqui queta tuyaico'ma.

²⁶ Ja'ni anuli imanc' timiyoxi: "Iya' łınca nihuequi ŁanDios", tijoułla' aimicuxe al c'a lipał, iłque tifel'miyoxi. Ai mihue-

qui ÑanDios, ma le'a tinesqui. ²⁷ Ñhe nahuejmpá lecaniya jouc'a lampotsateya notelcopá acueca', pe no'epoltsi cuenna, aimixis'meco'mola' ñe lixcay lopa'a fa'a li'a lamats', ñniya ma ti'eyi latenlcocopa ÑanDios, ñque ca'Ailli'. Ñque tixim'mola' ac'a lilihuequi.

2

¹ Unc'aipimaye, ja'ni tolihuejyi litaiqui' ñaPoujna Jesucristo, ñque ma' anDios, aimolatets'i'mola' hualca lołpimaye. Ma' anuli tołpalaic'otsola'. ² Iya' cacua: Imanc' ma mefot'leyoltsi, ja'ni titsulfołaitte oquexi' lan xanuc', anuli lipuf'c'ihue ñtaic' liñ'anillo a'oro, juaiconapa ac'a lipijahua'. Locuena ailopa'a qui'hueca. Ijoutsoqui laquipijahua'. ³ ¿Te ts'i'ic' mołpalaic'oyacola'? ¿Te ituca' ituca' lołpalaic'oyacola'? Ñque ts'ipo'nohua ac'a lipijahua', ¿te tołmi'me: "To'huanni fa'a. Tocutshuaiña' al c'a"? Tijouña' locuena, ñque pe ailopa'a qui'hueca, ¿te tołmi'me: "Ima' tacaxla' jihu'hua, o tocutshuaiña' ñaitas laifpo'nof'ipa lai'mitsi'?" ⁴ Linca, ja'ni tołta'a lonñ'epa tołmujyoltsi oquej lołpicuejma'. Tołta'a tonñ'eyoltsi to lan juez. Ti'onlcospolhuo' to lan juez petsi aimixpic'eyi al c'a, a'ijc'a ñhe liłpicuejma'.

⁵ Unc'aipimaye, ałquimf'ela' laifmiyacolhuo'. ¿Ja'ni aicolsina' naitsi ñhe pe aiquil'hueca? Fa'a li'a lamats', ñhe pe aiquil'hueca i'huijf'epola' ÑanDios. Ñque i'huijf'epola' ti'huaiyijnle. Tołta'a alinca tepenufta quiñ'huexi. Tepi'innola' quiñmane ticuxeta. ÑanDios joupa icupa cataiqui' tepi'itola' tołta'a ñhe petsi no'epá capic'a.

⁶ Tołta'a liximpola' ÑanDios ñhe pe aiquil'hueca. Imanc' a'i tołta'a mołsinnila'. Jiłpe lafołyom'molhuo' joupa olatets'ipá pe aiquil'hueca.

Ñhe pe ts'ñ'hueca, ¿te aimicuxenai'ñhuo'? ¿A'i mañniya texat'ñlhuo', lo'hua'apolhuo' jiłpe pe lopa'a cal juez? ⁷ Imanc' joupa ecui'impolhuo': Ixanuc' Cristo. Ñe Laftine xonca al c'a. ¿Te ñhe pe ts'ñ'hueca aiminescoyi a'ijc'a ñe Laftine?

⁸ Ñna'a litaiquí ÑanDios ñalcuxe'eponga', ñe al cueca' xonca tuya'e': "Ima' to'eyoxi capic'a, ma tołta'a to'ela' capic'a loł'as xans, cua naitsi lołtalecufya".

Ja'ni joupa ołspic'epá tolanant'ñi'me ñe lataiqui', ne', joupa ołspic'epá tonñ'e'me al c'a. ⁹ Tijouña', ja'ni ituca' ituca' tołpalaic'oco'mola' lapimaye, a'ijc'a ñe lonñ'eyacu. Aimolihuejyi loya'apa lataiqui' ñalcuxeponga'. Mañ lataiqui' tecani'elhuo'.

¹⁰ Linca ticuicomma lihuejcołe jahuay lataiqui' ñalcuxeponga' ÑanDios. Ja'ni a'i, tama ma le'a anuli lataiqui' aimalihuejcoyi, tipa'a lañjunac'. ¹¹ ÑanDios ticuxe: "Aimoxhuico'ma lipeno loł'as xans". Jouc'a ticuxe: "Aimoma'ahuale'ma". A'i oquexi' candiosla' nocuapá tołta'a. Nonespa ma' anuli ÑanDios.

Tołta'a, tama aimoxhuijma lipeno lof'as xans, ja'ni toma'ahuale aicomihuequi ŁanDios locuxepa. Tipa'a lojunac'.

12 Illanc' petsi joupá luhuałquem'monga' lał'epa a'ijc'a, jilpe Lataiqui' tipa'a lałcuxeponga'. Małe lataiqui' timuj'ma ja'ni ac'a o a'ijc'a lał'ejma'. Tołiya camilhuo': Ja'ni tołpalaiłe, ja'ni tont'ele, ti'ila' to locuxe'epolhuo' iłe Lataiqui'. 13 Iłne pe aimixiñyi cuanuc', acueca' titel'minnola'. Pesti tixiñyi cuanuc' tuyaicota al c'a.

14 Cunc'aipimaye, ja'ni cal xans tinesla': "Ca'huaiyinge ŁanDios", tijoułá' aimihuejma, ¿te quipenic' iłe linespa? ¿Te iłque cal xans tunłu'ma ts'i'ejma' tołta'a? Iłque ma le'a ataiqui' ti'huaiyinge. 15-16 Iya' cacua: Ja'ni anuli imanc' tipalaic'ola' al c'a łapima axans o aca'no' pe ailopa'a quipijahua' ni coteja, ja'ni timiła': "Ne', to'huanłá', aimoxhuełmot'lecona'ma. Tox-mainatsi afunca, totetsotsi al c'a", tijoułá' aimepi'i', aimitoc'i muyaijma lapajnya. ¿Te quipenic' iłe limipa? 17 Ma' anuli loł'huaiyijmpa ŁanDios. Ja'ni ma le'a tołcuayi: "Ca'huaiyinge", tijoułá' aimolihuejyi, ¿te quipenic' iłe lołnespa "ca'huaiyinge"? Iłe lołnespa tocomma to imac' cataiqui'. Aimipammaispa.

18 Ja'ni tołta'a loł'ejma' ti'i'ma timim'molhuo': "Ima' to'huaiyinge, iya' quihuejma. Ne', tama ailopa'a cof'epa al c'a, ałmuc'ila' loł'huaiyijmpa. Tijoułá' iya' camuc'i'mo' laifnihuejcopa. Tołta'a ałsim'ma ca'huaiyinge." 19 Ima' tonesqui: "Aixina' tipa'a ma' anuli ŁanDios, iłque ca'huaiyinge". Ne'. Ma' ac'a iłe lołnespa. Jouc'a lontahue iłsina' tołta'a. Iłne tiyula' tixpailiquila'.

20 Ima' conxans, tocomma ailopa'a copicuejma'. Ja'ni ma tocuá: "Ca'huaiyinge", tijoułá' aimaihuejma, iłe loł'huaiyijmpa ailopa'a quipenic'. Aimitoc'iyaco'. ¿Te aicoxina' iłta'a? 21 ¿Te qui'ipa łaltatahuelo Abraham? ¿Ja'ni iłque ma le'a ines'ma: "Ca'huaiyinge ŁanDios"? ¿Tołta'a ŁanDios iximpa to ailopa'a quijunac', epenufpa? A'i. Abraham jouc'a i'epa al c'a. Ihuejcopa ŁanDios limipa. Li'hua cuftine Isaac, ipo'nof'ipa jilpe al altar, titsufcola' ŁanDios.

22 Jilpe toxina li'ipa: Ma mi'huaiyinge ŁanDios, Abraham ihuejcopa. I'epa to limipa. Tołta'a iłinc'ipa linespa. Imujpa ti'huaiyinge ŁanDios. 23 Tołta'a enanłpa al Paxi Linilingiya loya'apa: "Abraham i'huaiyijmpa ŁanDios, tołta'a iximpa to ailopa'a quijunac', epenufpa".

Tołiya Abraham ecui'impá: "Ts'iłejmale ŁanDios".

24 Tołta'a tołsinyi te ts'i'ic' li'ejma' cal xans pe ŁanDios tixim'ma to ailopa'a quijunac', tepenuf'ma. Iłque cal xans a'i ma le'a ticua: "Ca'huaiyinge ŁanDios". Jouc'a tihuejma, ti'e'ma ma locuxe'empa.

25 Ma' anuli li'ipa łaca'no' Rahab, iłque titejyoxi licuerpo. Iłque jouc'a i'epa al c'a. Epenuf'mola' loquexi' lan xanuc', iłne icuaitsa tehuelojnle fa'a łalamats'. Lijou'ma ummena'mola' tiyente ocuenaj cane. Aimixim'me iłne no'ehualepá laic'. ŁanDios imetsaicopa iłe li'epa Rahab. Iximpa to ailopa'a qui-junac', epenufpa.

26 Al cuerpo, ja'ni ailopa'a quipitine, joupa imac'. Ailopa'a co'epa. Ma' anuli iłne ni'huaiyijmpá pe nonespá: "Ca'huaiyinge ŁanDios", tijouł'a aimihuejcoyi. Iłe lonespa tocomma imac' cataiqui'.

3

1 Unc'aipimaye, jahuay imanc' aimołmuc'iyale'me. Ti'ete oquexi' afantsi le'a. Ja'ni ninc'omxiye xonca ipime iłe łalpenic'. Ja'ni limenajtsonga' xonca ałteł'mi'monga' ŁanDios. 2 Łınca iłque pe aimimenaca ailopa'a. Axpe' malimenaquina' jahuay anuli. Pe nopalaipa ma le'a al c'a, ja'ni aimimenaca tołta'a, iłque łınca ac'a xans, ixhueya lipicuejma'. Iłque ticuxeyoxi al c'a.

3 Laihuale ałpo'no'ila' liłco anuli al freno catejma'. Tołta'a li-huejcongá', ałpai'e'mola' laihuale jahuay liłcuerpo. 4 Jouc'a lam barco iłtaic' aca'hua catejma' o aca'hua c'ec lipuftine atimón. No'hua'apa al barco, ja'ni ipic'a ticuxela' al barco, tife'ne'ma iłe al timón. Tijouł'a, tama acuecaj barco o tummetsai łujfxi cahua', tihuejco'ma no'hua'apa. Ti'hua'ma petsi ipic'a iłque.

5 Jouc'a łalpał, tama aca'hua ti'i'ma tinesco'moxi acueca', lo'epa. Cacua: Łaca'hua cunga acueca' cal 'ec' tunai'i. 6 Tołta'a łalpał ti'onłcospa to łunga. Jahuay al xujc'a lopa'a fa'a li'a łamats' ti'i'ma tines'ma łalpał. Tołta'a tixis'me'ma jahuay łalcuerpo. Łunga nopa'a al muf tunai'i łalpał. Tijouł'a tunai'i'ma jahuay lopa'a hijuaihua, ti'hua'ma xonca aculi'. Ailopa'a cunłuya.

7 Jahuay linneja nomana' fa'a li'a łamats' ocuena ocuena lił'ejma' o liłpicuejma', jouc'a lacał'hui, jouc'a lainofat'ł, jouc'a nomana' jilpe łaja, lan xanuc' joupa imanxuc'empola', ti'hua timanxuc'eyi. 8 Ituca' łalpał. Aimi'iya mimanxuc'enyacu. Aimihuejma. Ti'hua ti'ay al xujc'a to loxpiceya. Imanna łafxí camaya.

9 Łalpał a'ij nuli le'a lo'epa. Małpalaiyi ałs'najtsi'iyi ŁanDios, iłque cał'Ailli', ałsuicoyi łalpał. Ma' anuli ałsuicoyi łalpał ałcuajcola' lał'as xanuc', iłne jouc'a łilanc'epola' ŁanDios, ti'onłcospá to iłque. 10 Iłe lałs'najtsi'icopa ŁanDios, ma' anuli lałcuajcopola', quipalyomma jilpe lałco.

Unc'aipimaye, tołta'a aimetenłcocojma. 11 Jilpe laipalyomma laja', małpe tipayomma ma' anuli caja'. ¿Te tipahu oque' laja', al ni'i laja' jouc'a al cua caja'? A'i, aimi'iya. 12 Unc'aipimaye, al 'ec 'icux, ¿te ti'as'ma aceituna? O al 'ec 'uva, ¿te ti'as'ma 'icux?

A'i, aimi'iya. Tołta'a ma' anuli ti'i'ma laja'. Jiłpe lipayomma al cua caja' aimi'iya mipayoya al ni'i caja'.

¹³ Jiłpe pe lołmana', ja'ni tipa'a nonespa: “Iya' xonca ts'aipicuejma'. Linca aixina'.” Ne'. Ti'ila' ilque ac'a li'ejma', ti'eł'a' al c'a. Timujxoxi ts'ipicuejma', aimi'e'e'moxi le'a. ¹⁴ Ja'ni acuá lołpicuejma', ja'ni tonlahueyi tolulijtsołtsi, aimolixoc'i'mołtsi cunlata. Ja'ni tołta'a loł'ejma', aimolihuejcoyi al Linca Cataiqui', ma le'a tołfel'miyaleyi.

¹⁵ Ja'ni tołta'a lołpicuejma', a'i LanDios mepi'ilhuo'. Ihe ma' ilpicuejma' locuenaye lan xanuc' nomana' fa'a li'a lamats', ilne nahuepá quıltauca' lojanajpa. Ihe liłpicuejma' ti'onłcospa to lipicuejma' łonta'a Satanás. ¹⁶ Ja'ni ti'eyołtsi laic', tehueyi tulijtsołtsi, mijou'ma tifuli'i'mołtsi, ti'e'mołtsi nixpiya. ¹⁷ Ihe pe LanDios lepi'ipola' liłpicuejma', ilne ailopa'a quixcay liłpicuejma'. Tołiya aimifuli'iyółtsi, aimixtuc'oyacołtsi. Tihuejcoyołtsi, ma tixinyółtsi acuanuc'la, ti'eyi mane al c'a, titoc'iyółtsi, ma' anuli liłpicuejma', tepenufyółtsi, ma' atinca lan c'a xanuc' ilne, a'i mi'e'eyółtsi le'a. ¹⁸ Ihe pe lo'eya xonca pangay c'a liłpicuejma', tucuicomma ti'ila' ac'a lił'ejma' ma' itsiya. Ihe aimehuoc'aiyołtsi, ma tipac'eyi lafuleya.

4

¹ Imanc' tolıxtuc'oyółtsi, tołfuli'iyółtsi, ¿naitsi nomuc'ipolhuo' tołta'a? Linca ailopa'a nomuc'ipolhuo' tołta'a. Imanc' cołtuca' tołjanajyi xonca toł'huejle, tołta'a tołfuli'iyółtsi. ² Tama acueca' tołjanajyi, aimolulijyi ilne lołjanajpa. Mijou'ma tołma'ahualeyi, toł'eyółtsi laic', tolıxtuc'oyółtsi, tołfuli'iyółtsi. Aicołsahue'e LanDios, tołta'a aimolulijyi ilne lołjanajpa. ³ Imanc' mołsahue'e'me aimepi'ilhuo'. Aimołsahue'eyi al c'a. LanDios joupa ixina' loł'eyacu. Ja'ni tepi'itsolhuo' lołsahue'epa tołsuico'me ma cołtuca' ts'olpic'a.

⁴ Imanc' ti'onłcospolhuo' to lacał'no', tama namallipá tihuejnaiyi xanuc'. Imanc' olpo'nopá tołpe'Ailli', ilque ma LanDios. Ma mołcuayi: “Ałejmaleyi LanDios”, tołjanajyi lopa'a fa'a li'a lamats'. Jouc'a tolıhuejyi cołtuca' lołpicuejma', to ilne pe aimimetsaicoyi LanDios. Ma tołfuli'iyi LanDios. ¿Te aicołsina' ilta'a? Cal xans ja'ni tixpic'eł'a' tihuejla' to ilne pe aimimetsaicoyi LanDios, ja'ni tixpic'eł'a' tiyejmalete ihniya, ilque ti'ej laic' LanDios, aimi'iya miyejmaleyacu.

⁵ Al Paxi Linilngiya ticua: “Cal Espíritu Santo łalpo'no'iponga' LanDios jiłpe łalunxajma', ilque Espíritu ał'enga' cuenna juaiconapa, alsininga' ma i'huexi LanDios”.

¿Te cołcuapa a'ij linca ilne lataiqui'? O ¿cołcuapa ma le'a ataiqui'? ⁶ Linca illanc' całtuca' aimi'iya malihuejyacu. Ma le'a LanDios xonca ałtoc'inga', to tuya'e': “Pe no'nof'e'epołtsi,

ŁanDios tipa'nela'. Lam manxu, iħne no'oc'epołtsi, ŁanDios titoc'ila'."

⁷ Toliya camilhuo': Toł'oc'etsołtsi, tolihuejcołe ŁanDios. Tołpa'nele łonta'a Satanás, tijouł'a tinuna'ma iħque. Tipo'no'molhuo' cołtuca'. ⁸ Toli—loc'ołaiħe ŁanDios, tijouł'a iħque tiłoc'ai'molhuo'. Imanc' nonł'epá a'ijc'a aimonł'econa'me tołta'a. ĩTolapajle lołpicuejma'! Ja'ni oque' lołpicuejma', ja'ni lołspic'epa lixcay jouc'a al ĩjca, tonł'ete anuli lołpicuejma'. Tołta'a ti'i'ma pangay c'a lołpicuejma'. ⁹ Tołsuełcołe juaiconapa, tołsingufcołe lołpıxhuejma'. Tołjolijle. Tolatec'ołe iħe lołpıxojma cata, tołsingufcołe lołpıhuotsoqueya. Aimołsim'me mafca łolunxajma'. Tołsinłe acueca' calaic'ata. ¹⁰ Tonł'oc'etsołtsi ŁanDios, tijouł'a iħque ti'nof'e'molhuo'.

¹¹ Cunc'aipimaye, aimołnesco'mołtsi a'ijc'a. Pe nonescopá ĩłpimaye o tecani'eyi, iħne tetets'iyi lataiqui' lałcuxeponga'. Ima' ja'ni tatets'i iħe lataiqui' lałcuxeponga', aimanant'ħi lataiqui', joupa o'epoxi unjuez. ¹² Tipa'a ma' anuli lałjuez, iħque lapi'iponga' lataiqui' lałcuxeponga'. Iħque ti'i'ma tunłu'eyale'ma, ti'i'ma tejac'eyale'ma. Ima' aimi'iyia macani'eya łopima. ĩTe ima' unjuez?

¹³ Ałquimf'ela' imanc' nołcuapá: "Itsiya o mouqui ĩe'me iħe ĩłya'. ĩłpiya ałmajnta anuli camats'. Ałcucaleta, ał'najualeta, ał'eta canic'. Tołta'a lulijta całtomı́." ¹⁴ Iya' camilhuo': Imanc' aicołsina' te ts'i'ic' mi'iyia mouqui. ĩTe ts'i'ic' lołpitine? Imanc' ti'onłcospolhuo' to łummahuay. Iħque łummahuay ti'huaspa ahuata aimicołi, tejac'inghua. ¹⁵ Ticuicomma tołcuale: "Ja'ni ŁanDios lałPoujna ipic'a ti'hua ałmajnle, ał'e'me iħe o ĩłta'a". ¹⁶ Itsiya ma le'a toł—lof'e'eyołtsi. Toliya tuluyalaicoyi lapajnya tixoqui cunlata. A'ijc'a iħe lonł'ejma'.

¹⁷ Camilhuo': Cal xans ts'ixina' te ts'i'ic' al c'a, tijouł'a aimi'ay, iħque tipa'a lijunac'.

5

¹ Ałquimf'ela' imanc' ts'oł'hueca juaiconapa. ĩTołjolijle! ĩTołja'ate! Juaiconapa al cueca' tołtełco'me. ² Ticuaihuo litine tołsim'me joupa iminscopa loł'hueca. Łacaca joupa enai'ot'lenapá lołpijahua'. ³ Loł'oro, lołplata tołsim'me joupa unxilaipa. Iħque łunxilaic' timuqui lixcay lonł'epa. Ałmana' ĩtiné lecu'impa lijoucola'. Imanc' ti'hua tołafot'leyi coł'oro, cołplata. ĩnca iħque łunxilaic' titeja latejma', ma tołta'a łunga tite'molhuo' lołpıxic'.

⁴ ĩe lołtomı́ tija'e', ticuxecolhuo'. ĩe ma ĩtomı́ lołmozó, iħne i'e'me canic' ĩtiné lefot'ħe'me ĩłpe łolamats'. Imanc' aicoł'natse'ela'. ĩne ni'epá lanic' tija'ayi. Joupa iquimf'epola' ŁanDios, małque ŁanDios ticuxe jahuay. ⁵ Imanc' oluyalaicopá

juaiconapa xonca al c'a. Oñ'epá nixpiya. Oñfunc'epoñtsi, toñsinyi mafca łolunxajma'. Ti'onñcospolhuo' to loma'anyacola' linneja. ⁶ Olacani'e'mola' lan hijca xanuc', oñma'apola'. ñne aiqicuana-jyoñtsi.

⁷ Toñta'a lo'ipolhuo' imanc' unc'aipimaye. Camilhuo': Toñsnet'ñe. Ticuaihuo' łalPoujna. Toñnujuaisle li'ejma' lin'eya nic' jilpiya hilemats'. Ti'huaico'me litine cafot'leya. ñsina' ja'ni tipammaitsi ticuaicota acueca' quipic'a. Toñta'a ti'hua mixnet'lyi. Ti'huaico'me ticuiñta', tijouñta' ti'huaicocona'me ticuiconñta'. ⁸ Imanc' ticuicomma jouc'a toñsnet'ñe toñta'a. Toñfa'etsotñsi talay łolunxajma'. Joupa ticuaihuo' łalPoujna. ⁹ Unc'aipimaye, aimoñtac'ui'moñtsi lajunac'. Toñta'a aimitac'uinyacolhuo' jouc'a. ¡Toñsintel! Cal Juez joupá icuai'ma, ma tipa'a jilpe al puerta. ¹⁰ Unc'aipimaye, toñnujuaisa li'ejma' lam profeta, ñne nuya'apá litaiqui' łalPoujna. ñne ma miteñcoyi tixnet'lyi.

¹¹ Linca, petñsi joupá nixnet'łpa añnescola', añcuayi: “Ac'a li'ejma' ñne. Joupá ulijnapá.” Joupá oñsina' te ts'i'ic' li'ejma' Job. ñque ixnet'łpa juaiconapa. Jouc'a oñsina' te ts'i'ic' li'e'epa ŁanDios lijoupá lehuai'impá. Jilpe toñsinyi a'ij ta łunxajma' łalPoujna. ñque juaiconapa tixinyale acuanuc'la.

¹² Unc'aipimaye, xonca toñpo'noñe cuenna, aimoñ'e'me jurar. Aimoñes'me: “Mixinnale lema'a”. Ni moñes'me: “Mixinnale li'a łamats’”. Aimoñes'me nij tintñsi cataiqui' toñna'a. Ja'ni toñes'me: “Ne, toñta'a”, ma le'a toñesle: “Ne', toñta'a”. Ja'ni toñes'me: “A'i”, ma le'a toñesle: “A'i”. Aimoñ—loñ'i'me cataiqui'. Toñta'a aimecani'enyacolhuo'.

¹³ Pe loñmana', ja'ni anuli titeñma, tixahue'eñta' ŁanDios titoc'ñta'. Ja'ni anuli tixoxqui queta, tunac'coñta' ŁanDios, tix'najtsi'ñta'. ¹⁴ Ja'ni anuli textafque, tijoc'itsola' litsilolpola' capimaye, ñne noxpilpá lataiqui'. Ticuaisa ñne pe łonouya łafcuana, mañpiya tijoc'ñe ŁanDios. Ti'huañ'i'me caceite łafcuana ma minescoyi lipuftine łalPoujna. ¹⁵ ñne mijoc'iyi ŁanDios ti'huañijnyñi, ticuayi: “Linca tixañ'mena'ma”. Toñta'a tipammaispa ñe loxa'huepa. Łafcuana tunñu'ma. ŁalPoujna tixañ'mena'ma. Tama joupá i'epa lixcay, ŁanDios imenc'e'ecopa ñe li'epa, tixañ'mena'ma.

¹⁶ Unc'aipimaye, ja'ni onñ'epá lixcay toñu'inatsoñtsi. Toñsahue'eñe ŁanDios titoc'itsolhuo'. Toñta'a tixañ'mena'molhuo'.

Ja'ni cal hijca xans tixa'hueñta' ŁanDios, acueca' tipammaispa. ¹⁷ Cal profeta Elías añ'onñcosponga', ñque jouc'a ma le'a axans. ñque ijoc'i'ma ŁanDios. Ixa'hue'ma aimicui'ma. Lijou'ma aiqicuic'. Icol'ma afane' camats' y onñca aiqicuic'. ¹⁸ Lijou'ma ijoc'icona'ma, ixa'huecona'ma. Jilpe lema'a i'huañonni laja'. Icuñ'ma jilpe łamats'. Łaifa ilapa.

19-20 Unc'aipimaye, petsi anuli imanc' ifel'mimpá joupa ux'maspa al Linca Cataiqui', ja'ni locuena lapima tinanc'onla', titsufai'econala' al C'a Cane, ti'ila' quixina' joupa i'epa al c'a.

Lapima nonanc'onaiya tohta'a pe a'ijc'a no'epa, tunhu'e'ma lipima. Hque ni'epa a'ijc'a aimejac'ya, tama acueca' li'epa aimitac'uinyacu lajunac'.

LIJE'E SAN PEDRO AL TE'A LINIĒ'EPOLA' LAPIMAYE

¹ Iya' ninPedro, nin'apóstol, epaluc Jesucristo. Canonilhuo' imanc' ixanuc' ĒanDios, imanc' pe aimoĥmana' ĥolamats', joupa olaca'nepoĥtsi. Imanc' noĥmana' ĥamats' Ponto, jouc'a noĥmana' ĥamats' Galacia, jouc'a noĥmana' ĥamats' Capadocia, jouc'a noĥmana' ĥamats' Asia, jouc'a noĥmana' ĥamats' Bitinia, canonilhuo' quiniĥ'elhuo'.

² Li'ipa lipangopa ĒanDios cal'Ailli' joupa ixina' lo'eya, joupa ixpic'epa i'huif'epolhuo' imanc'. I'huif'epolhuo' ti'itsolhuo' mane i'huexi ĒanDios. Toĥta'a ti'ay cal Espiritu Santo. ĒanDios i'huif'epolhuo' tolihuejcoĥe. I'huif'epolhuo' ti'itsolhuo' limpio. Toĥta'a ti'ay lijuats' lixcuajaipa Jesucristo jiĥpe lancruz.

Caxa'hue ĒanDios ti'hua titoc'itsolhuo', ti'hua tipac'e'etsolhuo' loĥpicuejma'. Caxa'hue toĥta'a tipaxnetsolhuo' juaiconapa.

³ Aĥs'najtsi'ĥe ĒanDios, enDios, i'Ailli' ĥaĥPoujna Jesucristo. Ĥque ĒanDios juaiconapa ac'a lipicuejma', aĥsimponga' ninc'icuanuc'la juaiconapa. Toĥta'a lapi'iponga' al ts'e laĥpitine. Tixoqui calata aĥ'huaicoyi Locuena Quitine, jiĥpe aimijouya al ts'e laĥpitine. ĒanDios joupa imaf'i'ina' Jesucristo, ipa'anapa pe lomana' limanapola'. Toĥiya aĥsina' ma' anuli aĥmaf'i'ina'monga'. ⁴ Jiĥpe tepi'itolhuo' coĥ'huexi pe aimiminscoya, pangay al c'a. Ma to mipa'a aimipaicoya. Ĥque loĥ'huexi ma ĒanDios i'hueca pu'hua lema'a. ⁵ Tepi'innolhuo' imanc' noĥ'huaiyimpá ĒanDios. Ma moĥ'huaiyijnyi ĒanDios ti'elhuo' cuenna, icueya limane ti'eĥa' toĥta'a. Tunĥu'e'molhuo'. ĒanDios joupa ixina' te ts'i'ic' malunĥ'eyacongá', joupa ilajmpa jahuay. Ticuaitsi lijoujma quitine aĥmuc'i'monga'.

⁶ Ma' moĥ'nujuaisyi ĥe lo'iyacolhuo' toluyalaicoyi tixoqui cunlata. Aga itsiya ticuicomma toĥtelcoĥe, toĥtelcoyi ma mehuaiyinnilhuo' acueca', ĥe loĥtelcopa aimicoĥya. Ticuaitsi Lijoujma Quitine toĥsim'me joupa uyaipa. ⁷ Ja'ni tehuaiyinnilhuo', ilta'a lo'ipolhuo' ti'onĥcospa to lo'ipa al 'oro. Ĥe al 'oro tixhuicoyi ma le'a fa'a li'a ĥamats'. Tama aimicoĥya nulemma, tehuaiyinni, tuyaijma ĥunga, jiĥpe tipi'e al xisca, tipanehuo mane al c'a 'oro. Ĥe laĥ'huaiyijmpa, ĒanDios aimi'onĥcojma to al 'oro, xonca ipitali, aimijouya ni Locuena Quitine. Tijouĥa' lahuaiyintsonga' aĥmuj'me ma' aĥinca aĥ'huaiyijnyi ĒanDios. Ticuaiyunni Jesucristo ĒanDios aĥmi'monga': “Onĥ'epá al c'a”.

Limetsaico'monga' joupa i'epa pangay c'a laɬpicuejma', limet-saico'monga' ixanuc', lapenuftonga' nulemma.

⁸ Imanc' tama aicolahuelonge Jesucristo, tonɬ'eyi capic'a. Jouc'a itsiya litine tama aimolahuelojnyi, toɬ'huaijinyi. Toɬta'a linca tixojma cunlata, ni aimi'iya moluya'ayacu te ts'i'ic' loɬpinoxjma cata. Iɬe lo'onɬcospa to jipu'hua lema'a liɬpinoxjma cata. ⁹ Toɬta'a ma' itsiya tipammaispa loɬ'huaijimpa, ɬanDios tuntu'elhuo'.

¹⁰ Cacia: “ɬanDios tuntu'elhuo'”. Lam profeta nomana' luyaipa quitine inesco'me ɬanDios lotoc'iyacolhuo', lopaxney-acolhuo' imanc'. Ipo'no'me cuenna, ehue'me, ti'hua ehue'me, ¹¹ ticuec'ete limipola' hi'Espíritu Cristo nopa'a jilpe liɬpicuejma'. Iɬque cal Espíritu u'i'mola' titeɬco'ma cal Cristo, tijouɬa' acueca' al c'a tuyaicota. Iɬne lam profeta ipo'no'me cuenna iɬe lu'ipola', tixhuej'meyi, tehueyi, ticuayi: “¿Te quitine ti'i'ma? ¿Te co'iya mi'iya toɬta'a?” ¹² Li'Espíritu Cristo jouc'a imuc'ipola' ti'ila' iɬiya linescopa aimimajnyacu iɬniya lam profeta. I'ipa quilsina' ma' imanc' toɬcuc'et'e'me acuajmaica iɬe lataiqui', a'i iɬniya. Iɬne lam profeta lipalaicopa maɬe lataiqui' loya'apa iɬe al c'a lixpice'epa ɬanDios, iɬe Lataiqui' joupa uya'ampá pe loɬmana'. Iɬne nu'ipolhuo' toɬta'a lepi'ipola' liɬmane cal Espíritu Santo ɬummempa lema'a. Lapaluc' quema'a iɬsina' juaiconapa acueca' iɬe lataiqui'. Ticuayi: “Iɬlanc' jouc'a coɬa' aɬcuc'ete”.

¹³ Toɬiya, imanc' ja'ni joupa olapenufpá Lataiqui', toɬpo'note nulemma loɬpicuejma' toɬcuxetsotsi al c'a. Itine itine toɬ'nujuaisle lo'iyacolhuo' litine ticuaicoconno timuj'moxi Jesucristo. Iɬe litine linca toɬsinguf'me acueca' juaiconapa lipaxnepolhuo' ɬanDios. ¹⁴ Itsiya imanc' tolihuejcoyi coɬ'Ailli' ɬanDios, toɬiya aimi'icona'me loɬ'ejma' to li'ipa. Iɬniya litiné imanc' aimolimetsaicoyi ɬanDios, tolihuejyi ma loɬjanajpa coɬtuca'. ¹⁵ Cal Paxi ɬanDios joupa ijoc'ipolhuo' tolihuejle. Iɬque pangay c'a lipicuejma', lo'epa. Ti'ila' lonɬ'ejma' to iɬque li'ejma'. Tonɬ'ete ma le'a al c'a. ¹⁶ Al Paxi Linilingiya ticua: “Iya' NanDios, NinPaxi. Ca'ay ma le'a al c'a. Imanc' jouc'a tonɬ'ete al c'a.”

¹⁷ Imanc' moɬpalaic'oyi ɬanDios ja'ni toɬmiɬe: “Mai'Ailli'”, toɬpo'note cuenna. Iɬque ma' anuli tixinnila' lan xanuc', ja'ni ts'iɬ'hueca ja'ni ailopa'a quiɬ'hueca. ɬanDios aJuez. Tixina te ts'i'ic' li'epa lan xanuc', toɬta'a titeɬ'mi'mola' o aimiteɬ'miyacola'. Imanc' toɬspaic'ete. Ma moɬmana' fa'a li'a ɬamats' tolihuejcoɬe.

¹⁸ Imanc' joupa oɬsina' te li'ipa litine li'najtsempa loɬjunac'. Jilpe litine tonɬ'eyi nixpiya. Toluyalaicoyi lapajnya tonɬ'eyi ma to mi'eyi lonɬ'ailli', tolihuejyi lomuc'impolhuo'. Li'najtsempa loɬjunac' licumpa a'i lopa'a fa'a li'a ɬamats'. Aiquicuc' tomí aplata, ni a'oro. ¹⁹ I'najtsecopa ma lijuats' Cristo, iɬque

lo'onłcospa to łaca'hua moł pangay c'a, ailopa'a tintsı. He lajuats' xonca juaiconapa acueca' lipitali.

²⁰ Ai'a tilajm'ma li'a łamats' ŁanDios ixpic'epa tołta'a lo'eya Cristo. Ti'hua ticoli, aiqui'ic'. Icuaitsa iłna'a litiné lecui'impa lijoucola', linca Cristo imujpoxi, icuaicoco'ma fa'a li'a łamats' tipaxnetsolhuo' ŁanDios. ²¹ Cristo joupa epi'ipolhuo' lołpicuejma', tonł'eyi linca li'epa ŁanDios limaf'i'ınapa Cristo, lipa'anapa pe lomana' limanapola', limetsaicopa li'epa, epenufnapa nulemma pu'hua lema'a. Tołta'a toł'huaiyinyi ŁanDios, toł'huaicoyi tepenuftolhuo'.

²² Imanc' itsiya a'i colihuequi al xujc'a capicuejma', tolihuejcoyi al Linca Cataiqui', tołta'a joupa i'ipa ac'a lołpicuejma', alimpio. Ti'i'ma tonł'e'mola' capic'a lołpimaye. Itsiya camilhuo': Ne'. Tonł'etsotısi capic'a, toł'nujuaitıotısi talay łolunxajma', a'i ma le'a ataiqui'. ²³ Imanc', ŁanDios joupa epi'ipolhuo' al ts'e lołpitine, tocomma to ołmajniconna. İta'a al ts'e lołpitine aimi'onłspa locuena lołpitine. He ti'hua tijou'ma. İta'a a'i, aimijouya. Tołta'a li'e'epolhuo' lolapenufpa litaiqui' ŁanDios. He imaf'i' cataiqui'. Aimi'ıya mııonc'enyacu. ²⁴ Tołta'a loya'apa al Paxi Linııngiya, ticua:

Lan xanuc' ti'onłcospola' to łitamqui c'ec.

Tama juaiconapa ac'a i'huáquila', etejyołtsı, jahuay İta'a ti'onłcospa to łipipa' łitamqui c'ec.

ıTołınte! Joupa ijulpa łitamqui c'ec, lipipa' ecangemma nulemma.

²⁵ Litaiqui' łıłPoujna a'i tołta'a lo'ıya, İque litaiqui' aimecangemma.

Małe lataiqui' u'impolhuo' imanc', İhe lataiqui' loya'apa al c'a lixpıc'epa ŁanDios.

2

¹ Ja'ni tipa'a al ts'e lołpitine jouc'a ti'ıla' al ts'e lołpicuejma'. Aimoł'econa'mołtsı lixcay. Aimołfel'miconam' mołtsı. Tolihuejcole, aimoł'e'e'mołtsı le'a, aimoł'econa'mołtsı laic', aimołnescona'mołtsı. ² Imanc' joupa ołmajniconna, ti'onłcospolhuo' to lan ts'e capiłmi. Toł'ete colpic'a lołheche, pangay al c'a leche. Tites'mi'molhuo', ti'ıla' quipujfxi al ts'e lołpitine. Tołta'a tunłul'molhuo'. (Iya' laifnescopa "lołheche", canescojma litaiqui' ŁanDios.) ³ Linca tołta'a tonł'e'me ja'ni joupa ołsingufpá te ts'i'ic' łıłPoujna, İque pangay c'a.

⁴ Ti'hua toli—loc'olai'me pe lecui'impa "Limaf'i' Capic". Lan xanuc' linca iximpá to ninaitısi capic, etets'ipá. ŁanDios ituca' iximpa. İque i'huıjf'epa, imetsaicopa xonca ac'a. ⁵ Imanc' jouc'a ti'onłcospolhuo' to lapic', İhe ts'ıłmaf'i'. Ja'ni toli—loc'olai'me łıłPoujna, ŁanDios tipo'no'molhuo' anuli anuli pe latentıocoya, ti'i'molhuo'

epic', tixhuico'molhuo' tilanc'eco'ma lejut'ł, iŕe lixoute'. Tixim'molhuo' to e'aillı́ ŁanDios. To e'aillı́ tipa'a lołtsufcoya ŁanDios. Tołpo'no'me lołpicuejma' tołcu'mołtsi. ŁanDios timetsaicolhuo' toł'huaiyijnyi Jesucristo, tołta'a tetenłcoco'ma lołtsufcopołtsi, tepenuf'molhuo'. ⁶ Al Paxi Linıńingiya tuya'e' ŁanDios İonescopa iłque Łapic, ticua:

ıTołsinłe! İıłpe liłya' Sión cafa'ma anulij cal Cueca' Capic, iłque łopo'nof'inyacu łaitał.

İłque łapic ma' iya' ai'huijf'epa, caxina juaiconapa ac'a, xonca acueca' lipitali.

Pe no'huaiyijmpá iłque łacui'impá Łapic, małniya aimixinyacu calaic'ata, aiminesyacu: “ŁanDios ałfel'mipa”.

⁷ Ja'ni toł'huaiyijnyi Cristo, “... iłque łacui'impá Łapic”, ŁanDios timetsaicotolhuo'. Locuenaye lan xanuc' ituca' lo'iyacola'. İhne pe aimihuejcoyi, tixinyi Cristo to “... łapic łetets'ipa nolanc'epá lajut'ł”. Jouc'a tixim'me joupa i'ipa łapic xonca łaicuicoya. İłque “... łapic xonca tilanc'e łaitał, aimecangeya lajut'ł”. ⁸ Jouc'a tixinguf'me to “... łapic łoc'ui'eyacola' lan xanuc’”. İıłque cal cueca' capic tixcai'e'mola'. Aimihuejcoyi Lataiqui', toliya tixcai'e'mola'. Joupa ixpic'epa ŁanDios iŕe loyalaicoyacu.

⁹ İmanc' ŁanDios joupa i'huijf'epolhuo', i'epolhuo' e'aillı́, anuli tołcuxeta. Tixinnilhuo' to anuli al nación apaxi, ma' i'huexi. İ'e'epolhuo' ma' ixanuc'. Tołta'a li'e'ecopolhuo' toluya'ałe, tołmujtsołtsi te ts'i'ic' al c'a lipicuejma', li'ejma' ŁanDios.

Małque ŁanDios ijoc'ipolhuo' mipa'a pangay muflı́picuejma'. İłque epalc'o', ulif'epolhuo' lołpicuejma'. Ołsimpá juaiconapa ac'a iŕe lepalc'o'. ¹⁰ Li'ipa, imanc' a'i quixanuc' ŁanDios, itsiya ma' ixanuc'. Li'ipa, ŁanDios ixtuc'opolhuo', itsiya a'i. Joupa iximpolhuo' unc'icuanuc'la, itoc'ipolhuo', ipaxnepolhuo'.

¹¹ Maicunc'aipimaye, caxa'huelhuo', cu'ilhuo': Aimolihuej'me lafane cołpicuejma'. İŕe ma tipa'nelhuo', tijouła' aimolihuejyacu ŁanDios. Tołnujuaisle: Ma le'a toluyalaicoyi jifa'a li'a łamats', aimicołyacolhuo'. ¹² Tołmana' petsi lan xanuc' aimimetsaicoyi ŁanDios. Ma molihuejcoyi ŁanDios tinescolhuo' a'ijc'a. Camilhuo': Ti'ıłta' mane ac'a loł'ejma', ma latentłcocoya. Tołta'a tehuelojm'molhuo' monł'eyi al c'a. Tijouła' ticuaitsi litine timujxoxi jıłpiya ŁanDios, iŕne timet-saico'me ma' anDios.

¹³ Ma' moł'nujuaisyi łalPoujna tolihuejcotsola' lincuxepá, iŕne nomana' fa'a li'a łamats'. Ja'ni cal rey, iłque xonca cal cuecaj quincuxepa, ¹⁴ ja'ni pe lifajpola' cal rey, tolihuejcotsola'. İhniya łommepola' titeł'mintsola' petsi no'epá lixcay, jouc'a tixoc'innila' quileta petsi no'epá al c'a. ¹⁵ Camilhuo': Tolihuejcotsola' lincuxepá. Tołta'a tonł'e'me lipic'a ŁanDios, tonł'e'me ma le'a al c'a, toł-ch'ixc'e'mola' lan tonno petsi aikuıłcueca.

16 Tama imanc' a'i quih'huexi lohf'as xanuc' nomana' fa'a li'a lamats', aimolnes'me: "Ailopa'a nałcuxeya, ca'e'ma nixpiya". A'i. Xonca tolihuejco'me ŁanDios locuxe'epolhuo'. Ma' iłque ołPoujna. 17 Jahuay ts'iłpenic' tolimetsaicotsola'. Nij naitsi colatets'iyacu. Ti'hua monł'e'ela' capic'a lapimaye, ti'hua tulummoc'ołe ŁanDios, ti'hua tolihuejcołe cal rey.

18 Imanc' unc'imozó: Tolihuejco'me locuxe'epolhuo' lołpoujnalá. Tolihuejcołsola' jahuay iłniya. Ja'ni lan c'a xanuc' petsi aimixtuleyacu, ja'ni a'ijc'a liłpicuejma', ma' anuli tolihuejcołsola'. 19 Ma molihuejcoyi ŁanDios, ja'ni tołtełcoyi tama ailopa'a conł'epa, ti'ila' cołsina' ti'najtse'molhuo' małque ŁanDios. 20 Ja'ni tołsnet'lyi lontafpolhuo' ma mołtełcoyi cołtuca' lołjunac', ĵte ŁanDios tixinnilhuo' xonca ac'a loł'ejma'? A'i. Monł'eyi al c'a, ja'ni tołsnet'lyi miteł'milhuo', linca ŁanDios tixim'molhuo' xonca ac'a loł'ejma', ti'najtse'molhuo'.

21 ŁanDios ijoc'ipolhuo' tołtełcołe tołta'a. Ma tołta'a litełcopa Cristo lepi'impa lałjunac'. Tołta'a ałmuc'iponga' te ts'i'ic' al c'a ał'e'me. Alihuejle Cristo. 22 Cristo aici'iaic' quixcay. Aiquinesqui lafelłaiqueya cataiqui'. 23 Limilojpa' cataiqui' aimimiconala' tołta'a. Mitełma, aimitalai'e. Epi'ipa quimane ŁanDios, iłque copa'a cal Juez No'epa al ijca.

24 Jiłpe lancruz lilanc'ecompa a'ec, itaic' lałjunac'. Ma quituca' licuerpo ixingufcopa liteł'mimpa. Tołta'a lunł'u'eponga' lał'epa lixcay, iłe lixcay lijoupa lacani'eponga'. ŁanDios lapi'iponga' al c'a lałpicuejma', tołta'a tipa'a al ts'e lałpitine. Li'ipa, imanc' extafpolhuo' cajunac'. Lixcai'empa Cristo, iłque itełcopa lołjunac'. Tołta'a ŁanDios ixał'menapolhuo'. 25 Li'ipa, imanc' ti'onłcospolhuo' to lam mot'ł, iłne tiyelocoyi ni cua petsi lołpic'epa. Itsiya a'i tołta'a loł'ejma'. Joupa ołpailinamma, olimetsaicopá lałPoujna. Iłque ti'elhuo' cuenna, aimejac'yacolhuo'.

3

1 Iya' aimipolhuo': Ja'ni unc'imozó tolihuejcołsola' lołpoujnalá. Itsiya cu'ilhuo' unc'acał'no', ma' anuli tolihuejcołe lołpe'aillí. Tołta'a, tama iłniya aimihuejcoyi Lataiqui' ti'i'ma tolulij'mola'. Aimolsc'ai'iyacola', ma le'a loł'ejma' tolulijco'mola'. 2 Tixim'molhuo' joupa olanajpołtsi lixcay. Tixim'molhuo' tolihuecoyi iłne lołpe'aillí.

3-4 Imanc' unc'acał'no', aimolatej'moltsi, aimolșuelmot'le'me te ts'i'ic' lołhualfi'moltsi lołjuac o te cołpo'noyacu lołjune' a'oro o te cołpo'noyacu xonca al c'a cołpijahua'. Jahuay iłe lołximpa lan xanuc' ti'hua tijou'ma, aimicołya. Imanc' tipa'a loł'adorno petsi aici'ihuáqui ni aimijouya, iłe al ts'e lołpitine. Ma moluyalaicoyi amanxu a'i coyac'la, tołmuji al c'a lołpicuejma'.

⁵ Tołta'a lił'adorno lam paxi cacal'no' no'huaiyijmpá ŁanDios nimajmpá luyaipa quitine, iłne tihuejcoyi liłpe'aillí. ⁶ Tołta'a li'ejma' Sara. Iłque ihuejco'ma Abraham, timi: "Maipoujna". Imanc' jouc'a i'ipolhuo' to inaxque' Sara. Iłque oł'máma' ja'ni tonł'eyi al c'a, ja'ni aimołsinyi caxpaiqui'.

⁷ Imanc' unc'ape'aillí, aimolimenc'eco'me, iłne lołpenoye ahuata liłpufxi. Toł'nujuaitsola' tołta'a, tołmajm'me al c'a. Joupa aimipolhuo': Ni' anuli molatets'i'me. Jouc'a lołpenoye, aimolatets'i'mola'. Tolimetsaicola', iłne ma' anuli imanc' tipa'a al ts'e lołpitine. ŁanDios ma' anuli tepi'itolhuo' loł'huexi. Ja'ni toł'nujuaitsila' tołta'a aimi'iya mipa'neyacolhuo', ti'i'ma tołpalaic'o'me ŁanDios.

⁸ Jahuay imanc' camilhuo': Toł'etsotłsi anuli lołpicuejma'. Ja'ni lołpimaye titelcoyi, imanc' jouc'a tołsintsołtsi to tołtelcoyi. Toł'etsola' capic'a jahuay lapimaye, tołpalaic'otłotłsi al c'a, aimoł'e'mołtsi acueca' lołpicuejma'. ⁹ Ja'ni a'ijc'a li'empolhuo', aimoł'e'cona'mola' jouc'a. Ja'ni timilhuo' cataiqui', aimołmicona'mola' tołta'a, xonca tołmi'mola': "ŁanDios tipaxnetsolhuo'". Imanc' joupa ołsina' ŁanDios ijoc'icopolhuo' tipaxnetsolhuo'. Tołta'a oł'huexi lapi'iyacolhuo'. Tołiya camilhuo' tołmi'mola': "Tipaxnetsolhuo' ŁanDios". ¹⁰ Al Paxi Linilngiya tuya'e':

Imanc' ja'ni tetenłcocotsolhuo' lapajnya, ja'ni toluyalaicołe al c'a,

camilhuo': Tołcuxete lołpał, aimołpalai'me quixcay.

Jiłpe lołco aimipahuo lafelłaiqueya cataiqui'.

¹¹ Aimoł'e'cona'me quixcay, tonł'ete al c'a.

Tolahuełe te co'iya mołpac'eyacu loyac', tijoułta' tołpo'nołe lołpicuejma' tolihuejle tołta'a.

¹² ŁałPoujna tehuelongila' pe no'epá al łijca, tiquimf'ela' mixa'hueyi.

Pe no'epá quixcay, jouc'a tixinnila', tixtuc'ola'.

¹³ Ja'ni tixoqui cunlata monł'eyi al c'a, łnaitłsi no'eyacolhuo' quixcay? Aimi'iya. ¹⁴ Ja'ni tołtelcoyi tama ałijca lonł'epa, łınca toluyalaicoyi al c'a. ŁanDios tipaxnelhuo'.

Aimołsuełmot'łe'me. Iłne noteł'mipolhuo' aimi'iya mixpaic'eyacolhuo'.

¹⁵ Toł'nujuaisle Cristo jiłpe lołpicuejma'. Iłque ołPoujna. Tołłanc'e'e'mołtsi lołpicuejma'. Tołta'a tołtalai'e'me naicuis'eyacolhuo'.

Tołtalai'e'me nomiyacolhuo': "¿Te capi'inyacolhuo'?" Aimolixtulecu. Aimolatets'i'me

naicuis'eyacolhuo'. ¹⁶ Jiłpe lołpicuejma' joupa ołsina' te ts'i'ic' latentłcocopa ŁanDios. Ti'ıla' ma tołta'a lonł'ejma'. Łınca timana' pe nonescopá colihuequi Cristo. Tinescoyi a'ijc'a. Iya' camilhuo': Ma moł'huaiyijnyi Cristo ti'hua tolihuejcołe. Tołta'a

tixim'me calaic'ata iłne linfel'miyale.

17 Aimolnes'me: "A'ele al c'a, a'ele a'ijc'a, ma' anuli atelco'me". Cacia: Xonca al c'a luyalaico'me ja'ni a'eyi al c'a, tama atelcoyi, ja'ni to'ta'a tixpic'e LanDios.

18 To'ta'a litelcopa Cristo. Ique ailopa'a quijunac'. Ma la'junac' itaif'pa. Ique cal Lijca Xans. Illanc' a'ij h'ca la'epa. Ique i'najtsepa la'junac'. To'ta'a alifoc'huai'iponga' LanDios. Ji'pe lancruz ima'ayompa, LanDios epi'iconapa lipitine. 19 Ipo'no'ma licuerpo ji'pe al pu'hua. Itsehuc'oma pe lomana' nomanapola', i'ne itats'ila'. Ji'pe uya'atsi Lataiqui'. 20 U'i'mola' i'ne pe aimihuejcoyi LanDios. Ma milanc'e Noé al arca LanDios tixnet'l'qui li'ejma' i'ne lincuejlocale. Aiquitel'mila'. Lijou'ma, ma le'a lam paico lan xanuc' nitsulfo'lapá al arca aicunxalac'ila'. I'ne lam paico unlu'e'mola' laja', ji'pe texpef'que al barco. 21 To'ta'a LanDios ti'on'icojma lalapo'imponga' laja'. Oluyalaico'me ji'pe laja' jouc'a olunulpá imanc' no'l'huaiyijmpá Jesucristo, i'que h'maf'i'inapa LanDios, ipa'anapa pe lomana' nomanapola'. Ji'pe malapo'ininga' a'i ma le'a quepaqueya la'cuerpo. Aljoc'iyi LanDios latufc'e'etsonga' la'picuejma', ti'ila' calsina' joupa li'onc'e'eponga' la'junac'. 22 Jesucristo, ma'que a'l'huaiyijnyi, joupa if'ajnapa lema'a, ticutsu al c'a camane LanDios. Ji'pe lapaluc' quema'a, tama acueca' ti'hua li'mane, acueca' micuxeyi, jahuyay i'niya nomana' pu'hua tihuejcoyi Cristo.

4

1 Cristo mipa'a fa'a li'a lamats' itelco'ma. Imanc' jouc'a to'po'no'le lo'picuejma', ma molmana' fa'a li'a lamats' to'telco'me. To'ispic'ele to'ta'a. Tijoula' aimi'iya molpai'iyacu lo'picuejma'. Linca, ticuicomma atelcole, to'ta'a tetec'om'me nulemma la'epa a'ijc'a. 2 Ja'ni to'po'no'me to'ta'a lo'picuejma', ma molmana' fa'a li'a lamats' aimi'iya molihuejyacu lojanajpa locuenaye xanuc'. Ma colmaf'i' tolihuej'me LanDios loxp'ic'epa.

3 Iya' cacia: Joupa ixhuaita lon'epa a'ijc'a. Axpe' camats' ton'eyi ma laten'cocopola' lo'f'as xanuc', i'ne pe aimimetsaicoyi LanDios. I'niya hitiné ton'eyi al xujc'a, tolanant'liyi lixcay lo'janajpa, timeyoquilhuo', ton'eyi cal juico'pe juaiconapa a'ijc'a, tonlafot'leyo'tsi lo'f'as xanuc', to'snaya, jouc'a tonlaxc'on'gingo'layila' landiosla'. Xonca acueca' quixcay i'ne lon'epa. 4 Itsiya lo'f'as xanuc' pe aimimetsaicoyi LanDios, aiquilc'ueca te co'ipolhuo'. Tixinnilhuo' ituca' lo'ejma'. I'niya ti'hua tixis'mecoyo'tsi ma mi'eyi acueca' nixpiya. Imanc' a'i. To'hiya tinescolhuo' a'ijc'a lon'epa. 5 I'ne titalai'eta cal Cuecaj Juez. I'que joupa ixpic'epa lo'eya. Petsi no'epá a'ijc'a, ja'ni ts'ilmaf'i', ja'ni joupa imanapola', ma' anuli tite'l'mi'mola'. 6 To'hiya u'impola' nomanapola' Lataiqui' loya'apa i'ne al c'a lixp'ic'epa LanDios. Tepenufle al ts'e qui'pitine, i'ne locuya LanDios,

tama joupa i'ina'polá' to mi'ila' lan xanuc' ts'iltaic' cajunac', imanapola'.

7 Joupa icuaico'me lijoucola' quitiné. Jahuay tijou'ma, aimico'ya. To'hiya to'isuico'le lo'picuejma', to'cuxe'mo'ltsi al c'a, ti'hua to'ljoc'i'me LanDios. 8 Aimolimenc'eco'me, ti'hua ton'econa'mo'ltsi capic'a. Ite xonca al c'a capicuejma'. Pesti lapimaye ti'eyo'ltsi capic'a, tama jilpe timenaquila' acueca', aiminescoyaco'ltsi, aimi'nujuaiscoyacu li'epa li'pimaye, tama a'ijc'a. Timenc'e'eco'mo'ltsi.

9 Tolapenuftsola' lo'pimaye lolajut'hi. To'lt'es'mitsola'. Aimosim'me acuanuc' lolapi'ipola'. 10 Jahuay imanc', anuli anuli, ituca' ituca', LanDios epi'ipolhuo' lo'picuejma' o lo'mane. Epi'icopolhuo' to'ltoc'itso'ltsi. Itsiya to'isuico'le al c'a lepi'ipolhuo' LanDios, to'ltoc'itso'ltsi. 11 Ja'ni epi'ipo' lo'picuejma' toya'ala' o tomuc'iyale'la', ite lo'fmuya'aya ti'ila' mane litaiqui' LanDios, to'lt'a' topalaila'. Ja'ni tipa'a lopenic' totoc'itsola' lapimaye, toxahue'ela' LanDios titoc'itso' ima', totoc'itsola' al c'a. Jahuay lon'epa ton'ele al c'a. Ja'ni to'lt'a' to'lihuejyi Jesucristo tixinim'me acueca' LanDios.

Ma' ilque anDios. Ique xonca ti'hua limane. To'lt'a' timet-saico'le lan xanuc'. Ti'hua timetsaicona'me aimijouya. Ma to'lt'a' ti'ila'. Amén.

12 Maicunc'aipimaye, ma moluyalaicoyi lahuaicompolhuo', mo'singufcoyi umla late'coya, aimosue'hmot'le'me, aimo'nes'me: "¿Te ca'licoponga' to'lt'a'a?" To'lt'cuc'ele ite lo'ipolhuo'. 13 Xonca tixojla' cunlata. Ma mo'lt'coyi toluyalaicoyi to luyaicopa Cristo, to lite'copa ilque. To'lt'a' tixoj'ma cunlata juaiconapa jilpe litine ticuaiyunní Cristo, timuj'moxi ma' anDios.

14 Imanc' ma molihuejyi Cristo, ja'ni timinnilhuo' cataiqui', linca toluyalaicoyi al c'a. LanDios tipaxnelhuo'. Li'Espíritu titoc'ilhuo', xonca timuc'ilhuo' naitsi ilque Cristo. 15 Linca petsi tima'ahualeyi o tinantseyi, o ti'eyi lixcay, o titsufiyot'si lo'epa locuenaye lan xanuc', ite jouc'a tite'coyi, tite'l'minnila'. Imanc' a'i to'lt'a' mite'l'minyacolhuo'. 16 Ja'ni tite'l'milhuo' ma molihuejyi Cristo, aimosim'me calaic'ata. Xonca to'muj'mo'ltsi a'linca olihuequi Cristo. To'lt'a' to'muj'me acueca' LanDios.

17 Camilhuo': To'mujle acueca' LanDios. Joupa icuai'ma litine LanDios tipango'ma tite'l'mi'mola' lixanuc'. Ja'ni tipango'ma pe la'mana', ¿te co'iyacola' petsi aimihuejcoyi Lataiqui' loya'apa ite al c'a lixpic'epa LanDios? 18 Ja'ni afule malun'ul'me illanc', tama alijca la'epa, ¿te co'iyacola' petsi aimihuejcoyi locuxepa LanDios, ite tetets'iyi? ¿Pesti comanc'eyacu ihniya? 19 To'hiya camilhuo': Imanc' mon'eyi lo'xp'ic'epa LanDios, ja'ni to'lt'coyi, to'lhua'iyijnle LanDios. Ique ti'e'molhuo' cuenna lo'pitine. Ique a'han'c'eponga', aimalatets'iyaconga'. Ma ti'hua ton'le'me al c'a.

5

1-2 Tołta'a laifsc'ai'ipolhuo' jouc'a imanc' litsilojpolhuo' xanuc' nołspijpá lataiqui'. Iya' jouc'a nitojpa xans. Mitełma Cristo capa'a, aiximpa. Ticuaitsi litine timuj'moxi ma' anDios, iya' jouc'a capajm'ma, limetsaico'ma.

Camilhuo' imanc' litsilojpolhuo' xanuc': Tonł'etsola' cuenna lołpimaye nomana' jilpe. Iłne ixanuc' ŁanDios. To łłpoujna mot'ł ti'ela' cuenna limot'ł, tołta'a tonł'e'mola' cuenna lapimaye. Tixoj'ma cunlata tonł'e'me ilē lołpenic'. Aimołcua'me: "Iłe aipenic', ticohuała' ca'e'ma". Ni mołcua'me: "Tołta'a culij'ma caitomí". Ma tołpo'nołe lołpicuejma' tołtoc'itsola' lołpimaye. ³ Imanc' epi'impolhuo' lołpimaye tonł'etsola' cuenna, a'i mołcuxenai'mola'. Tołmuc'i'mola' jahuay lapimaye al c'a lonł'ejma'. Tołta'a ilne jouc'a tihuej'me al c'a. ⁴ Ticuaitsi litine timuj'moxi cal Cueca' caPoujna mot'ł, ilque timetsaicon-nolhuo' ac'a lonł'epa lołpenic'. Tepi'innolhuo' lolulijyacu. Tołmajnta anuli Cristo aimijouya.

⁵ Imanc' cunc'amijcanó, jouc'a tipa'a lonł'eyacu al c'a. Toli-huejcotsola' litsilojpolhuo' xanuc' nołspijpá lataiqui'. Łinca jahuay imanc' unc'apimaye. Ti'onłcotsolhuo' to lam mozó, tołtoc'itsołtsi.

Petsi no'nof'epołtsi, ŁanDios tipa'nela'.

Lam manxu, ilne no'oc'epołtsi, ŁanDios titoc'i'mola'.

⁶ Itsiya ja'ni tołsingufyi acumta limane ŁanDios, xonca toł'oc'e'mołtsi. Ticuaitsi litine lołpic'epa ŁanDios, ma' ilque ti'nof'e'molhuo'. ⁷ Ja'ni tołsingufyi ipime lapajnya, ja'ni tocomma to acueca' ołtaic' łolıtay, tołpo'nołe lixaye łatPoujna. Ilque aimimenc'ecoyacolhuo'. Ti'hua ti'nujuaitsilhuo'.

⁸ Tołpic'ełe al c'a lołpicuejma'. Tołcuxe'mołtsi al c'a. Tołpo'nołe cuenna. Ti'hualejma naixtuc'opolhuo', ilque łonta'a Satanás. Ti'onłcospa to calxmu. Tija'e' tumble'e. Tehuay naitsi łoma'aya, tite'ma nulemma. ⁹ Tołpa'nełe ilque Satanás. Ma mi'hua moli-huejyi Lataiqui', ilē loya'apa lixp'ic'epa ŁanDios, łonta'a aimi'iya mimenac'iyacolhuo'. Toł'nujuaisle lo'ipola' lołpimaye, ilniya jouc'a nomana' fa'a li'a łamats'. Iłne tuyalaicoyi nuli to imanc'. Ma' anuli tołtełcoyi ma mixhuaaispa lołtełcopa. ¹⁰ ŁanDios itine itine ałtoc'inga', ałpaxnenga'. Imanc' petsi noł'huaiyimpá Jesu-cristo, ŁanDios joupa ijoc'icopolhuo' tołcuaitsa pe lopa'a. Ate'a tołtełco'me, tama tocomma to ahuata łitiné, tijouła' tilaitsufco-tolhuo', timetsaicotolhuo' nulemma imanc' ixanuc'. Tołmajnta aimijouya.

Małque ŁanDios tilanc'e'e'molhuo' lołpicuejma', ti'ila' ma le'a al c'a. Tepi'i'molhuo' cołpicuejma' tolihuejle, aimolanaj'mołtsi, tepi'i'molhuo' xonca cołpufxi, tifay'i'molhuo'.

¹¹ Ma ŁanDios xonca icueya limane, tołta'a timetsaicom'me. Ti'hua timetsaicom'me aimijouya. Ma tołta'a ti'íta'. Amén.

¹² Jifa'a tipa'a łapima Silvano, tiniłi ıta'a cołje'e. Cumme'ma ti'huałta' titai'ma cołje'e, ticuai'etolhuo'. Iłque caxina to cal c'a capima. Ca'huaiyinge.

İta'a cołje'e a'i quitoqui, oque' afane' cataiqui' le'a. Jifa'a aixc'ai'ipolhuo', nu'ipolhuo' te ts'i'ic' lałtoc'iponga', lałpaxneponga' ŁanDios. Aimolanaj'mołtsi.

¹³ Łapima caca'no' nopa'a liłya' Babilonia, tinonilhuo'. Iłque jouc'a imanc' i'huijf'epolhuo' ŁanDios. Ma' anuli tinonilhuo' łai'hua Marcos.

¹⁴ Tołmontsołtsi, tołtuc'o'mołtsi lołpeque. Tołta'a tołmuc'i'mołtsi ton'eyołtsi capic'a.

Tipac'e'entsolhuo' lołpicuejma' jahuay imanc' petsi joupa epenufpolhuo' Cristo.

LIJE'E SAN PEDRO LOCUENA LINIĒ'EPOLA' LAPIMAYE

¹ Iya' ninSimón Pedro, imozo Jesucristo. Iya' nin'apóstol, epaluc Jesucristo. Jifa'a quiniĕ'elhuo' colje'e imanc' noĕ'huaiyijmpá ĒanDios caĕ'Ailli' y Jesucristo Ēalunĕ'eponga'. Iĕne ma' aĕijca liĕ'ejma', toĕta'a epi'ipolhuo' loĕpicuejma' toĕ'huaiyijnle. Imanc', illanc' ma' anuli laĕ'huaiyijmpa. Ma' anuli Lataiqui' lalapi'iponga' illanc' jouc'a imanc'. ² Ma mi'hua molimetsaicola' ĒanDios y Jesús laĕ'Poujna, ti'ĕla' colĕsina' acueca' titoc'ĕlhuo', tipaxnelhuo'. Xonca ti'ĕla' colĕsina' tipac'e'elhuo' loĕpicuejma'.

³ ĒanDios iĕque ma' anDios, acueca' ac'a li'ejma', aĕjoc'icoponga' lihuejle. Iĕque limane xonca juaiconapa acueca'. Aimi'onĕspa laĕmane illanc' ninc'ixanuc'. Joupa lapi'iponga' jahuay laicuicoya al ts'e laĕpitine. Aimalahue'eyacongá'. Lapi'iponga' laĕpicuejma' aĕ'ete ma le'a latentĕcocoya ĒanDios. Ma molimetsaicoyi ĒanDios toĕsinguf'me iĕta'a. ⁴ Mipa'a toĕta'a lipicuejma', li'ejma' ĒanDios icupa cataiqui'. Iĕe lataiqui' licupa acueca' cataiqui', juaiconapa ac'a. Jiĕpe lu'iponga' te ts'i'ic' lalapi'iponga'. Imanc' nolapenufpá iĕe lataiqui' jouc'a ti'hua tilanc'e'e'molhuo' loĕpicuejma', ti'onĕcota to al c'a lipicuejma' ĒanDios. Jifa'a li'a lamats' lan xanuc' tĕjanajyi lixcay. Iĕe lojanajpa tijou'nela' iĕne liĕpitine, tejac'e'mola'. A'i toĕta'a mi'iyacolhuo', joupa unĕu'empolhuo'.

⁵ Linca, ĒanDios acueca' li'epa, acueca' lepi'ipolhuo'. Imanc' jouc'a tipa'a lonĕ'eyacu. Aimoĕnes'me: "Ailopa'a caif'econaya". Toĕmaĕ'ĕle. Ma monĕ'eyi linca litaiqui' ĒanDios jouc'a ti'ĕla' ac'a lonĕ'ejma'; mipa'a ac'a lonĕ'ejma' jouc'a toĕcuc'eĕe; ⁶ ma moĕcuc'e'eyi jouc'a toĕcuxe'moĕtsi al c'a; ma moĕcuxeyoĕtsi al c'a jouc'a toĕsnet'ĕ'me lo'ipolhuo'; ma moĕsnet'ĕyi jouc'a tonĕ'ete latentĕcocoya ĒanDios; ⁷ ma monĕ'eyi latentĕcocoya ĒanDios jouc'a tonĕ'etsola' capic'a lapimaye; ma monĕ'ela' capic'a lapimaye toĕ'nujuaitsola' jahuay loĕ'as xanuc'.

⁸ Ja'ni toĕta'a lonĕ'ejma', ja'ni toluyalaicoyi monĕ'eyi toĕta'a, aĕinca ti'hua tolimetsaicoyi xonca Jesucristo, iĕque aĕ'Poujna. Aimi'onĕyacolhuo' to iĕne nocuapá: "Joupa ai'huaiyijmpa ĒanDios. Ailopa'a caif'econaya." ⁹ Iĕque petsi aimi'ay to lainu'ipolhuo' ti'onĕcospa to cal fo'. Aimixina al culi'. Luyaipa quitine acueca' ixis'mepoxi li'epa quixcay. Itsiya joupa imenc'ecopa litine lepac'empa. Litine ĒanDios liximpa alimpio imenc'ecopa.

10 Toliya cunc'aipimaye, tołmaf'ile. ÆanDios joupa ijoc'ipolhuo', joupa i'huijf'epolhuo'. Toł—linc'ile ile li'epa ÆanDios. Ja'ni tonł'eyi lainu'ipolhuo' aimejac'yacolhuo'. 11 Tołcuaita petsi aimijouya licuxejma łatPoujna Jesucristo. Jiłpe tixoj'ma cunlata tołtsuflaita.

12 Cacua: Ticuicomma tonł'ete to lainu'ipolhuo'. Toliya joupa aixpic'epa ti'hua ca'nujuaits'i'itolhuo' ihiya lataiqui'. Aicacua: Aicołsina'. Æinca, joupa ołsina' lainu'ipolhuo'. Joupa imuc'impolhuo' al c'a al Æinca Cataiqui', tolihuejyi. 13 Ma mipa'a łai'esp'iritu fa'a laicuerpo, iłca'a łaix'huijma', iya' cacua ca'e'ma al c'a, camaf'i'i'molhuo'. Ma ca'nujuaits'i'icona'molhuo' lainu'ipolhuo'. 14 Tijouł'a capo'noł'a nulemma laicuerpo aimi'iya ca'nujuaits'i'iconayacolhuo'. Aixina' aimicołya małmaya. ŁatPoujna Jesucristo joupa lu'ipa.

15 Jouc'a cacua: Tijouł'a ałmał'a iya', imanc' ti'hua toł'nujuaitsa laifnu'ipolhuo'. Toliya capi'i'moxi caipujfxi, cahuy te co'iya catoc'iyacolhuo', tołta'a aimolimenc'ecoyacu.

16 Illanc' joupa lu'ipolhuo' te ts'i'ic li'epa, lo'eya łatPoujna Jesucristo. Lu'ipolhuo' acueca' ti'hua limane iłque. Lu'ipolhuo' ticuaiyoconno. Ie łatłaiqui' a'i ma le'a całłaiqui' illanc'. Illanc' joupa ałsimpá limujpoxi cal Cueca'. Ma łat'u' lahuelojmpá. 17 Malahuelojnyi łatPoujna, ÆanDios imetsaicopa, epalc'o'ipa acueca' lipepalc'o'. Jiłpe ałcuej'me tipalay ÆanDios, iłque cal Cueca' juaiconapa. Małque tuya'e': "Iłca'a ai'Hua, juaiconapa caipic'a, latenłma lipicuejma". 18 Ie lataiqui' lopalaipa ałcuejpa ma co'huayomma lema'a. Łatcuejpa tołta'a ałmana' cal paxi quijuala ałejmale Jesucristo.

19 ÆanDios jouc'a lapi'iponga' liłłaiqui' lam profeta, tołta'a xonca ał'huaiyijnyi Cristo. Ihe liłłaiqui' tocomma to lepalc'o' lolif'epa jiłpe petsi pangay muf. Ticuicomma tołpo'note cuenna iłe lataiqui', tolihuejle. Tijouł'a jiłpe łolunxajma' tołsinguf'me titsahuehuo cal Xamna Quili'ejma, iłe tuya'e': "Joupa icuaico'ma litine". Tołsinguf'me acueca' epalc'o'ipolhuo' lołpicuejma'. 20 Xonca ticuicomma ti'ila' cołsina' te ts'i'ic' liłłaiqui' lipalaipa lam profeta. Aimipa'acoyi iłne lataiqui' liłpicuejma'. 21 Ni anulemma quili'pic'e quili'tuca' te ts'i'ic' loya'ayacu. Ihe lam paxi profeta uya'a'me ma le'a lu'ipola' ÆanDios. Cal Esp'iritu Santo ujfxi icuxe'mola' jiłpe liłpicuejma'.

2

1 Li'ipa pe limajmpá lan xanuc' Israel jouc'a imajmpá locue-naye profeta. Ihe a'i cummela' ÆanDios, mane infel'miyale. Pe lołmana' imanc' jouc'a ti'i'ma tołta'a. Ticuaicu lomxiye

ts'ihpic'a tifel'mitsolhuo'. Timuc'i'molhuo' ituca' cataiqui', ihe mane tejac'eyale. Ihe tetets'iyi hihPoujna, ihque joupa i'najtsepa lihjunac'. Tohta'a tejac'eyoltsi. Litine mejac'eyacola' aimicoŷya. ² Linca, axpela' tihuej'me. Ti'e'me nixpiya to lo'epa ihe linfel'miyale. Tohta'a tinesc'em'me al Linca Cane. ³ Ihe lomxiye mane ihpic'a tulijle quiltomí. Quiltuca' lihpicuejma' tipa'a'me lataiqui' lopalaiyacu, coŷa' tifel'mitsolhuo'. Linca, axpe' camats' ti'hua ticue ihe loteh'miyacola'. Tama ticoh ma ti'huaijma. Tijouŷa' tecani'e'mola' nulemma.

⁴ Cacia: Tecani'e'mola'. Linca ni quimenc'e'econnila' lapaluc' quema'a, ni'epá quixcay. Ecajm'mimpola' al pu'hua al muf. Jihpe i'huequimpola' ticuaitsi litine titeh'mim'mola'. ⁵ Jouc'a a'i cunŷu'e li'a lamats' li'ipa al te'a. Ni quimenc'e'ecola' li'epa lan xanuc' limajmpá. Ma le'a unŷu'e'mola' apaico lan xanuc'. Anuli Noé jouc'a locuenaye lan caitsi. Ihque Noé uya'a'ma: “LanDios ahjca lo'epa”. Locuenaye lan xanuc' pe aimihuejcoyi LanDios, ihe ima'a'mola' laja', litine licui'ma laxpaiqui' cacui. ⁶ Jouc'a ecani'e'mola' hiheloŷya' Sodoma y Gomorra. Ipi'e'mola' nulemma. Ipanenni ma le'a api'. Jihpe tama joupa i'ipa, ma ti'hua timuqui te ts'i'ic' lo'iyacola' ihe petsi aimihuejcoyi LanDios.

⁷ Linca, unŷupa Lot. Ihque ac'a xans, iximpa ipime lapajnya jihpe liŷya' petsi nixpiya lo'epa lan xanuc' pe aimihuejcoyi locuxepa LanDios. ⁸ Lot ahjca xans, mipa'a liŷya' Sodoma itine itine iximpola' lo'epa lan xanuc' pe aimihuejcoyi LanDios. Iquimf'e'mola' lonespa. Ihque al c'a lipicuejma' aimetenhma loximpa, loquimf'epa. Tocomma to quituca' titeh'miyoxi.

⁹ Ihiya li'ipa ahmuc'inga' te ts'i'ic' li'ejma' hahPoujna. Ihque ixina' lo'eya. Pe nohuejcopá, tama tehuaiyingila', tunŷu'e'mola'. Locuenaye pe a'ij hica lo'epa, ituca' lo'iyacola'. Ihiya ti'huequila' mitehcoyi, ti'huaicoyi ticuaitsi litine timitsola' te ts'i'ic' lo'iyacola'.

¹⁰ Pe a'ij hica lo'epa, ihe no'epá ma lojanajpa lafane capicuejma', tixis'meyoltsi tohta'a, tetets'innila' lincuxepá nomana' lema'a, xonca titeh'mi'mola'. Ihe lixcay xanuc' aimixpailiquila', ma quiltuca' tixpic'eyi lihpicuejma'. Tetets'innila' lan tsila' lapaluc' quema'a. Tinescoyi a'ijc'a. ¹¹ Lapaluc' quema'a, ihe xonca lan tsila' juaiconapa, tama xonca acueca' lihpujfxi, aimicufquinnila' ihniya no'epá quixcay. Aimija'ayi, aimu'iyi LanDios, aimimiyi: “Tohta'a, tohta'a lo'epa ihe lan xanuc'”.

¹² Ihe lixcay xanuc' aimicuec'eyi. Ti'onhospola' to linneja petsi ailopa'a quihpicuejma'. Imajnlcota ti'nohintsola' tima'antsola'. Ihe tama ahquihcina' lonescopia ti'hua tipalaicoyi, tetets'iyi. Ma mi'eyi ihŷa'a lixcay tecani'em'mola'

nulemma. ¹³ Tołta'a lolijyacu. Ti'najitse'em'mola' iłne pe a'ij lija lo'epa.

Iłne ma tetenłcocoyoltsi quiltuca'. Mane tehueyi lopa'a fa'a li'a łamats', iłe aimicołya, ti'hua tijou'ma. Aiquiltsina' calaic'ata, tama infel'miyale. Tixoqui quileta titsuflai'me pe lołmana'. Tołtets'o'me anuli jilpe lołjuic. Iłne ma le'a tixis'meco'molhuo', timints'e'e'molhuo' lołjuic.

¹⁴ Tehuelaiфинnila' lacał'no'. Ja'ni aimetenłma ŁanDios ti'hua ti'eyi tołta'a, aimixospola'. Tifel'minnila' petsi a'i quifayiya liłpicuejma'. Aimicuayi: "Joupa ixhuaita". Ti'hua tijanajconayi. Ihueyipá tołta'a lił'ejma'. ŁanDios joupa icuajpola'.

¹⁵ Iłne joupa enajpołtsi al Łijca Cane, ejac'pola'. Tihuejyi li'ejma' Balaam i'hua Beor. Iłque ticua: "Aiquihuejcoya ŁanDios. Tołta'a culij'ma caitomí. Ał'najitse'ma." ¹⁶ Iłque ma' aimihuejma ŁanDios italempa, imuc'im'me a'ijc'a li'ejma'. Łiburro, inneja aimi'iya mipalaiya, ipalai'ma to cal xans. Tołta'a etequenni lipemac'ta cal profeta Balaam.

¹⁷ Pe naihuejpa li'ejma' Balaam ti'onłcospola' to al pu'hua caja' joupa ijułpa. Ti'onłcospola' to łummahuay ti'hua tinulyi mi'hua łahua' juaiconapa. Iłque łummahuay aimicui'e. Joupa ilanc'empa petsi locuaiyacu iłne lan xanuc'. Jilpe ailopa'a quepalc'o', pangay muf. ¹⁸ Liłtaiqui' lopalaipá iłniya atsila' juaiconapa. Aimi'iya muhualc'enyacu. Tifel'miyaleyi, tu'iyaleyi: "Ailopa'a tintsi. Iłe nixpiya lołjanajpa, ne', tonł'e'me." Tołta'a timinnila' tifel'minnila' iłne petsi al quite' enajpołtsi lił'as xanuc' laimenajpola'. ¹⁹ Lomxiye nocuapá: "Tolihuejle łaiłtaiqui'. Tołta'a aimi'iya micuxenyacolhuo'", a'ij linca iłta'a lonespa. Małniya aimicuxeyoltsi quiltuca'. Mane tihuejcoyi lixcay lopa'a jilpe liłpicuejma', iłe ticuxela'. Cal xans pe joupa uliquimpa ti'onłcospa to cal mozo. Iłe locuxepa tocomma to ipoujna. Tołta'a cacua: Aimicuxeyoltsi iłne.

²⁰ Petsi joupa imetsaicopá łalPoujna Jesucristo Łalunlu'eponga', joupa enajpołtsi lixcay lopa'a fa'a li'a łamats', ticuicomma ti'hua tihuejle al c'a. Ja'ni titsuflaiconale lixcay cane, ja'ni tulijconatsola' nulemma iłta'a lixcay, acueca' a'ijc'a lo'iyacola'. Linca, tama al te'a a'ijc'a lo'iyacola', itsiya xonca acueca' lo'iyacola'. ²¹ Iłne coła' aiquilimetsaijma al C'a Cane. Tołta'a aij tine lo'iyacola'. Iłne ma' imetsaicopá iłe Lane, lijoupa ipailinamma. Etets'ipá al Paxi Cataiqui' locuxepola', iłe li'ipa lepenufpa. ²² Li'ipola' to minesqui lataiqui', ti'onłcospola' to: "Cal tsiqui joupa icuaicona'ma petsi linajhuo'ma, titeconghua". Jouc'a tuya'e': "Łijna mijou'ma mepo'im'me timelfaiconghua lixitsqui". Ma' al linca loya'apa iłe lataiqui'.

3

¹ Maicunc'aipimaye, joupá niniñ'epolhuo' anuli lojje'e. It-siya quiniñ'elhuo' ocuena colje'e. Ihiya loque' lojje'e ma' anuli cu'ilhuo'. Imanc' joupá i'ipa ac'a lołpicuejma', a'i ma le'a moł'e'eyołtsi. Quiniñ'econalhuo' caxc'ai'ilhuo' tołsuicołe al c'a iñe lołpicuejma'. ² Camilhuo': Toł'nujuaisle litaiqui' lam paxi profeta, ihiya lataiqui' linespa luyaipa quitine. Toł'nujuaisle jouc'a lataiqui' licuxepa łatPoujna, iłque Łalunłu'eponga'. Małe litaiqui' łatPoujna joupá lu'ipolhuo' iñe lan apóstole icuaitsa pe lołmana'.

³ Xonca ticuicomma toł'nujuaisle lo'iya lijoucola' quitiné. Ihiya litiné ticuaicu linaluntseyale. Titaluntse'me ma mi'eyi lixcay lojanajpa iñe quilituca'. ⁴ Tines'me: "Joupá icumpa cataiqui' ticuaihuo cal Cristo, timuj'moxi fa'a li'a łamats'. Aiqui'ic' tołta'a. Joupá imanapola' łatatahueló. Ailopa'a qui'ipa. Ma to mipa'a litine lilanc'empa li'a łamats', ma' anuli ipanemma."

⁵ Iñe nonespá tołta'a aiqui'nujuaitsi te li'ipa. Ma quilituca' i'epá imenc'ecopa. Li'ipa timana' lema'a jouc'a li'a łamats'. Jiłe łamats' ipayonge laja'. Małe laja' titoc'i łamats' aimetełquehuo. ŁanDios ma linespa, tołta'a i'ipa. ⁶ Małe laja', iñe lopa'a al 'ocay quemá'a jouc'a iñe al toncay, etelpa li'a łamats'. Łamats' imanna caja'. ⁷ Lema'a jouc'a li'a łamats' łatsimpa itsiya, tiłmana' iñ'huaijma łocuaicoya łunga, tipi'em'mola'. Litaiqui' lonespa ŁanDios ti'huejc'ela' ticuaitsi al Cueca' Quitine. Jiłe Litine cal Juez titeł'mi'mola' lan xanuc' petsi aimihuejcoyi, tejac'e'mola'.

⁸ Maicunc'aipimaye, xonca toł'nujuaisle iłca'a lataiqui': Ja'ni ti'ila' imbamaj maxnu camats', ja'ni ti'ila' ma le'a anuli quitine, łatPoujna tixina'ma ma' anuli.

⁹ Linca timana' nocuapá: "Joupá uyaiconapa litine. ŁanDios aimi'eya to licuapa." A'ij linca lonespa ihiya. Ma ticuaitsi litine lixpíc'epa ŁanDios, łatPoujna tenant'li'ma litaiqui' lijoupa licupa. Aimicołcoconaya. Iłque tixinnilhuo' unc'icuanuc'la. Ipic'a jahuay tixhujmenanca al xujc'a lo'epa. Aimixpic'e mejac'eyacola'. Ticua: "Ni' anuli mejac'ya".

¹⁰ Ma' ałınca ticuaihuo iñe al Cueca' Quitine lecui'impá: Litine łatPoujna. Cal namas no'huapa ipuqui' aimuya'e', aimu'iyale'ma: "Mouqui o pitsu cacuaíta". Tołta'a ticuaihuo al Cueca' Quitine. Iñe litine ma muna'e' juaiconapa, lema'a tejac'ma. Łepalałc'o' nomana' lema'a acueca' tepat'łnatola', tijana'mola'. Ma' anuli li'a łamats', łunga tipi'e'ma jouc'a jahuay lilanc'empa lopa'a jiłpe. ¹¹ Tołta'a tejac'na'mola' jahuay łatsimpa itsiya.

Ja'ni tołcuc'eyi iñe lo'iya, tołspic'e'me tolimetsaicotsoltsi ma' i'huexi ŁanDios, tołuyalaico'me tołta'a. Tonł'e'me

ma latentcocoya ŁanDios. ¹² Tixoqui cunlata toł'huaico'me locuaicoya al Cueca' Quitine, timujxoxi ŁanDios. Ja'ni tonł'eyi latentcocopa ŁanDios, iłe Litine aimicołya locuaicoya. Ticuaitsi jııe Litine lema'a tunaita, tija'ma. Iłe łunga juaiconapa tepat'natola' łepalał' o', tołta'a tija'mola'. ¹³ Illanc' jouc'a imanc' al'huaicoyi a'i ma le'a tipitsola' lema'a y li'a łamats'. Xonca al'huaicoyi ti'ıla' ma to loya'apa litaiqui' ŁanDios licupa. Al'huaicoyi ti'ıla' al ts'e lema'a, ti'ıla' al ts'e li'a łamats'. Jııpiya ti'e'me ma le'a al łijca.

¹⁴ Cunc'aipimaye, ja'ni toł'huaicoyi tołta'a lo'iya, tołmaf'ile, tołpo'nołe lołpicuejma' ti'ıla' ac'a loł'ejma'. Tijouł'a ticuaiconanni łatPoujna aimołsuelmot'łeyacu. Iłque tixim'molhuo' ailopa'a colxis'mecoyołtsi. ¹⁵ Toł'nujuaisle te cocołcopa łatPoujna. Iłque ti'hua tixnet'łqui. Aimixtuc'ola' nulemma pe no'epá lixcay. Ticua: "Tunł'entsola' axpela". Ma tołta'a u'ipolhuo' łacal'pima Pablo jııpe lołje'e linił'epolhuo'. Jııpe imuj'moxi acueca' lipicuejma' lepi'ipa ŁanDios. ¹⁶ Pablo jahuay łije'e ma' anuli tinescojma lo'iya. Jııpe łije'e tip'a łataiquı' acueca' ipime, afule małcuc'eyi. Iłne lan xanuc' pe a'ij cueca' quıłpicuejma', aiquıłmuxejma, aiquıfayiya łıłpicuejma', iłne aiquıłcueca litaiqui' Pablo, xonca tixnic'eyi. Ma' anuli aimuhuayı locuenaye łataiquı' liniłijmpa jııpe al Paxi Liniłingiya. Ma mi'eyi tejac'e' mołtsi.

¹⁷ Imanc' unc'aipimaye, joupa ołsina' iłe lo'iya. Tołpo'nołe cuenna. Ja'ni tetentcocolhuo' laimenac'iyale cataiquı', tołpai'i'mołtsi lołpicuejma' tama itsiya joupa ifayipolhuo'. Tileco'molhuo' pe aimihuejcoyi locuxepa ŁanDios. ¹⁸ Imanc' a'i mi'i'molhuo' tołta'a. Xonca ti'hua tołapenuf'me lotoc'ipolhuo', lopaxnepolhuo' łatPoujna Jesucristo, iłque Łalunł'eponga'. Ti'hua tolimetsaico'me, tołta'a xonca tolıhuej'me.

Ma' iłque anDios, itsiya tołta'a mipa'a, tijauhuamlaicota ma anuli mipa'a. Tołta'a ti'ıla'. Amén.

AL TE'A LIJE'E SAN JUAN LINIĒ'EPOLA' LAPIMAYE

¹ Lipangopa jahuay, itque tipa'a. Illanc' joupa atquimf'epá laḷpalaic'oponga', joupa atsingopá la'u', lahuelojmpá, limet-saicopá naitsi itque. Laḷmane' joupa at'noḷ'e'epá limane'. Il-lanc' maluya'ayi, atpalaicoyi itque laḷcui'impá: Lataiqui'. Itque Lataiqui' imaf'i'. Lipitine aimijouya. Maḷe litine tepi'iyale. ² Itque imujpoxi. Illanc' joupa atsimpá, luya'ayi, lu'ilhuo' imanc' te ts'i'ic' lipitine pe aimijouya. Itque petsi aimijouya lipitine tiḷmana' anuli qui'Ailli' LanDios, imujpoxi, atsimpá. ³ Itsiya jouc'a lu'ilhuo' imanc' te ts'i'ic' laḷsimpa, laḷquimf'epa. Ja'ni tolapenuf'me ite laḷtaiqui' atinca atejmale'me. Illanc' atejmale LanDios caḷ'Ailli' y Jesucristo, itque hi'Hua LanDios. Imanc' jouc'a ti'i'ma tonḷejmale'me toḷta'a. ⁴ Atcuayi: Tenanḷa' laixojcopa calata. Toḷiya alini'elhuo' ita'a coḷje'e.

⁵ Jesucristo joupa lu'iponga' laluya'ayacu. Itsiya cu'ilhuo' imanc', ticua: "LanDios lipicuejma' pangay epalc'o', ailopa'a quixcay". ⁶ Toḷiya, ma maḷnesyi: "Illanc' atejmale LanDios", ja'ni ti'hua at'eyi quixcay a'ij linca ite laḷnespa. Afelḷaiqueyi. ⁷ Pe lopa'a LanDios jiḷpiya pangay epalc'o', ailopa'a quixcay. Ja'ni toḷta'a laḷpepajnya, atinca atejmale laḷpimaye. Tijouḷa', ja'ni a'ijc'a laḷ'epa aimalmanecu nulemma. Lijuats' lixcuajaipa Jesucristo hi'Hua LanDios ti'hua alapac'enga'.

⁸ Aimi'iya maḷnesyacu: "Iya' aicai'aic' quixcay. Ailopa'a caijunac'." Ja'ni toḷta'a aḷnesyi afel'miyotsti. Al Linca Cataiqui' aiquitsufaic' laḷpicuejma'. ⁹ Ja'ni aḷmiyi LanDios: "Linca, tipa'a laijunac'", itque limenc'e'eco'monga' itna'a laḷ'epa. La-pac'e'monga' al xujc'a. Toḷta'a li'ejma' LanDios. Itque ti'e'ma ma to linespa. Ti'e'ma al hijca. ¹⁰ LanDios joupa lu'iponga': "O'epa quixcay". Ja'ni atcuayi: "Aicai'aic' quixcay", litaiqui' aiquitsufaic' laḷpicuejma'. Tocomma to atcuayi: "LanDios infel'miyale".

2

¹ Imanc' unc'ainaxque' ita'a caifnini'ecopolhuo' coḷje'e aimoḷ'econa'me lixcay. Ja'ni limenajponga', ja'ni joupa at'epá lixcay, jiḷpe pe lopa'a caḷ'Ailli' LanDios tipa'a Jesucristo Naḷtalai'ecoponga'. Itque ailopa'a quijunac', ma' aḷijca li'epa. ² Itque i'najtsepa laḷjunac'. Toḷta'a ipac'epa lipoyac' LanDios. I'najtsepa laḷjunac', jouc'a i'najtsepa liḷjunac' jahuay lan xanuc' nomana' ni petsi li'a laḷmats'.

³ Ja'ni at'eyi laḷcuxe'eponga' LanDios, atsiná' atinca limetsaijma. ⁴ Pe nocupa: "Nimetsaijma LanDios", tijouḷa' aimi'ay

locuxe'epa, itque cal xans tifellaique. Al Linca Cataiqui' aiquit-sufaic' lipicuejma'. ⁵ Ja'ni at'ete lafcuxe'eponga' LanDios, ainca at'eyi capic'a itque. Tofta'a atsina' LanDios lapenufponga'. ⁶ Pe nocuapa: "Iya', LanDios lapenufpa", ticuicomma ti'itla' li'ejma' to li'ejma' Cristo.

⁷ Maicunc'aipimaye, ita'a laininiit'epolhuo', laifxc'ai'ipolhuo' a'ij ts'e cataiqui'. Imanc' jounpa olcuejpa lataiqui', olapenufpa jipe litine lo'huaiyijmpa Jesucristo. Male lataiqui' cu'ilhuo', caxc'ai'ilhuo' itsiya. ⁸ He lataiqui' laifxc'ai'ipolhuo' jouc'a canescojma to ats'e cataiqui'. Tofta'a imuj'ma Cristo. Uya'apa mipa'a fa'a li'a lamats'. Ma' anuli tohmuyi imanc'. Li'ipa pangay muf lo'picuejma', itsiya a'i. Fa'a li'a lamats' ti'hua tuyaijma al muf, lepalc'o' jounpa ipangopa tepalc'o'iyale. He lataiqui' ainca epalc'o'.

⁹ Pe nonespa: "Iya', lepalc'o' alulif'e", tijoula' ja'ni ti'ay quipilaic' lipima, a'ij linca ite linespa. Lipicuejma' tipanemma muf. ¹⁰ Naitsi no'epa quipic'a lipima itque linca aimenajyoxi lepalc'o', ailopa'a cuc'uillitsufeya. ¹¹ Pe no'epa quipilaic' lipima itque lipicuejma' amuf. Tofta'a tuyaijma lapajnya. Aiquixina' te ts'i'ic' lipene lo'huapa. Aiquixina' pe cotseya. Al muf lopa'a lipicuejma' i'e'epa afo'.

¹² Imanc' unc'ainaxque', LanDios jounpa imenc'e'ecopolhuo' lo'epa lixcay, imetsaicopolhuo' olihuequi itque tecui'impa Jesucristo. Toftiya quiniit'elhuo' ita'a colje'e. ¹³ Imanc' unc'a'aillí, olimetsaijma itque Nopa'a lipangopa li'a lamats'. Toftiya quiniit'elhuo' ita'a colje'e. Imanc' unc'amijcanó, jounpa olulijpa lixcay xans, itque lonta'a. Toftiya quiniit'elhuo' ita'a colje'e.

Imanc' inaxque' LanDios, jounpa olimetsaicopá col'Ailli'. Toftiya quiniit'elhuo' ita'a colje'e. ¹⁴ Imanc' unc'a'aillí, olimetsaijma itque Nopa'a lipangopa li'a lamats'. Toftiya quiniit'elhuo' ita'a colje'e. Imanc' unc'amijcanó tipa'a lo'pufxi. Jounpa olapenufpa litaiqui' LanDios. He lataiqui' copa'a lo'picuejma'. Jounpa olulijpa lixcay xans, itque lonta'a. Toftiya quiniit'elhuo' ita'a colje'e.

¹⁵ Cunc'aipimaye, aimoljanaj'me moluyalaico'me to lan xanuc' nomana' fa'a li'a lamats', itne naihuejpa quiltuca' lipicuejma'. Aimoljanaj'me lopa'a fa'a. Naitsi ti'onlicoyoxi toftiya o tijanaca tofta'a, itque aimi'ay capic'a LanDios, xonca ti'ay capic'a lopa'a fa'a li'a lamats'. ¹⁶ Lan xanuc' pe aimimetsaicoyi LanDios itne ticuxeyoltsi quiltuca'. A'ijc'a lojanajpa itniya. Tehuelojnyi, tijanajyi. Tinescoyoltsi xonca ac'a lit'hueca, xonca' ac'a lo'epa. He lit'ejma' aiqui'huayoya LanDios. Itque aimimuc'iyale tofta'a. He it'ejma' lit'as xanuc' nomana' li'a lamats'. ¹⁷ Itca'a lamats' aimicoftya. Ti'hua tuyaipa. Jouc'a tijouna'ma jahuay lojanajpa itniya pe aimimetsaicoyi LanDios. Petsi no'epá lixpicejma' LanDios, itniya aimijouya lipitine.

¹⁸ Cunc'ainaxque' camilhuo': Joupa icuai'me lijoucola' quitiné. Joupa otcuejpa' limimpolhuo': "Ticuaihuo cal Anticristo. Itsiya naixtuc'opa cal Cristo." Itsiya timana' axpela' lan anticristo. Toliya alsina' joupa icuai'me lijoujma' quitiné. ¹⁹ Ihe lan anticristo enajpołtsi, alpo'noponga' caltuca'. Tama li'ipa alejmalepa', ihe a'i capimaye. Ja'ni apimaye cola' almana' anuli itsiya. Joupa alpo'noponga' caltuca'. Tołta'a almuć'iponga' te ts'i'ic' liłpicuejma' iłniya. Tama anuli lalafot'łepołtsi timana' petsi ituca' liłpicuejma', a'ij nuli illanc'.

²⁰ Imanc' a'i to iłniya. Cal Paxi hi'Hua LanDios joupa ipaxnepolhuo'. Epi'ipolhuo' cal Espíritu Santo. Tołta'a ti'i'ma tołcuc'e'me jahuay litaiqui' LanDios, aimołnesyacu: "Aicaicueca". ²¹ Itsiya ma quini'elhuo' colje'e aicacua: "Ihe laipimaye aiqulimetsaijma al Linca Cataiqui'". A'i. Joupa otłsina' al Linca Cataiqui' te ts'i'ic'. Otłsina' te ts'i'ic' loya'apa petsi naihuejpa' al Linca Cataiqui'. Iłniya aimuya'ayacu lafelłaiqueya cataiqui'. Aimi'iya.

²² ¿Naitsi iłque noya'apa lafelłaiqueya cataiqui'? Iłque noya'apa tołta'a ticua: "Jesús, iłque a'ij Cristo. A'i iłque munłu'eyale." Petsi nocuapa tołta'a copa'a cal Anticristo. Iłque tetets'i cal'Ailli' LanDios, jouc'a tetets'i hi'Hua LanDios. ²³ Petsi natets'ipá hi'Hua cal'Ailli' LanDios, nocuapá: "Iłque a'ij Cristo", iłniya aiqulipenufi cal'Ailli' jouc'a. Petsi naimetsaicopá hi'Hua, nocuapá: "Iłque linca aCristo", iłniya joupa epenufpá cal'Ailli' LanDios jouc'a.

²⁴ Imanc' aimolihuej'me ocuena cataiqui'. Lipangopa loł'huaiyijmpa Jesucristo olapenufpá al Linca Cataiqui', tipanenni iłe lataiqui' jilpe lołpicuejma'. Mipa'a iłe lataiqui' jilpe lołpicuejma' aimolanajyacołtsi hi'Hua cal'Ailli' LanDios, ni aimolanajyacołtsi cal'Ailli' LanDios. ²⁵ Cristo joupa icupa cataiqui'. Icuapa: "Capi'i'mola' liłpitine aimijouya". Iłe lałpitine lapi'i'monga' ja'ni aimalanajyołtsi.

²⁶ Tołta'a laininił'epolhuo'. Capalaicola' iłniya pe ts'iłpic'a tifel'miyalełe. ²⁷ Imanc' ituca' lołpicuejma'. Cristo joupa ipaxnepolhuo', olapenufpá cal Espíritu Santo. Tołta'a aimicuicomma comxi mimuc'iyacolhuo'. Iłque pe łepi'impolhuo', jahuay timuc'ilhuo'. Iłque timuc'iyale al linca. Aimifel'miyale. Cristo joupa imuc'ipolhuo'. Aimolanaj'mołtsi iłque.

²⁸ Cunc'ainaxque', itsiya camilhuo': Aimolanaj'mołtsi Cristo. Tołta'a ticuaiconanni iłque aimalsinyacu calaic'ata. Tixoj'ma calata limetsaico'me.

²⁹ Imanc' otłsina' te ts'i'ic' li'ejma' LanDios. Iłque ti'ay ma le'a al hijca. Ja'ni tołta'a otłsina', jouc'a otłsina' te ts'i'ic' li'ejma' petsi alinca inaxque' LanDios. Ihe jouc'a ti'eyi al hijca.

3

¹ Juaiconapa acueca' a'leponga' capic'a ca'Ailli' LanDios. Alacui'iponga': "Inaxque' LanDios". Ma' a'lnca illanc' inaxque' LanDios. Locuenaye lan xanuc' nomana' fa'a li'a lamats' aicalimetsaiconinga' to'ta'a. Aimi'iya. Ihe aimimetsaicoyi LanDios. ² Maicunc'aipimaye, itsiya alsina' illanc' inaxque' LanDios. Tama to'ta'a alsina', aicalsina' te ts'i'ic' mi'iya lalsans, la'picuejma' tipaicotsi pu'hua. Aicalmuc'inninga'. Linca litine timujxoxi LanDios alsim'me ilque ma to qui'ic'. Ie lalsina' almuc'inga' alsim'mo'tsi pangay c'a la'picuejma' ma to lipicuejma' ilque. Ja'ni a'i co'la' aimalsinyacu to qui'ic'. ³ Ihe petsi jouc'a no'huaiyijmpa' to'ta'a, jahuay ihniya, tenaj'mo'tsi lixcay, ti'i'mo'tsi limpio, to LanDios pangay limpio lipicuejma'.

⁴ Ja'ni aimalihuejcoyi LanDios locuxepa, ihe la'epa ma' ixcay. Jahuay lo'epa ja'ni a'i to micuxe LanDios, ihe ma le'a ixcay. ⁵ Imanc' joupa olsina' te quicuaicoco'ma Jesucristo fa'a li'a lamats'. Icuaiacoco'ma li'onc'e'etsonga' la'epa lixcay. Jouc'a olsina' ilque linca aiq'ui'aic' quixcay. ⁶ To'liya petsi aimenajyo'tsi Cristo, pe joupa lepenufpola', ihniya aimi'eyi lixcay. Petsi no'epa' lixcay ihe aimimetsaicoyi Cristo. Aiquilsina' te ts'i'ic' lipicuejma'.

⁷ Imanc' unc'ainaxque', to'po'note cuenna. To'ta'a aimifel'miyacolhuo'. Ihe petsi no'epa' al hijca ma le'a ihniya lan hijca xanuc'. Ihe li'picuejma' ahijca to al hijca lipicuejma' LanDios. ⁸ Petsi no'epa' lixcay ihniya ixanuc' lonta'a Satanás. Lipangopa li'a lamats' ilque Satanás joupa ixcay lo'epa. Li'Hua LanDios icuaicoco'ma fa'a li'a lamats' tejac'eta' ihe lo'epa Satanás, aimal'econa'me to'ta'a.

⁹ Petsi a'lnca inaxque' LanDios ihe aimi'eyi lixcay. Ji'pe li'picuejma' LanDios joupa ifapa Lita'iqui'. Joupa epi'ipola' al ts'e li'pitine. To'ta'a aimi'iya mi'econayacu lixcay.

¹⁰ To'ta'a ti'i'ma tolimetsaico'mola' lan xanuc' te ts'i'ic' li'picuejma'. Ihniya quiltuca' timuj'mo'tsi ja'ni inaxque' LanDios, ja'ni inaxque' lonta'a. Petsi aimi'eyi al hijca ihe a'i quinaxque' LanDios. Jouc'a petsi aimi'eyi capic'a li'pimaye a'i quinaxque' LanDios.

¹¹ Lipangopa lo'huaiyijmpa Jesucristo u'impolhuo' to'ta'a. Ixc'ai'impolhuo': "A'etso'tsi capic'a". ¹² A'i to'ta'a li'ejma' Caín. Ilque i'hua lonta'a. Lonta'a lo'epa ma le'a al xujc'a. Caín ima'apa lipima. ¿Te quima'acopa? Lipima ac'a li'ejma', Caín li'ejma' ixcay. To'ta'a ima'apa lipima.

¹³ Cunc'aipimaye, lan xanuc' petsi aimimetsaicoyi LanDios tama ti'ennilhuo' capilaic', aimo'tsue'mot'lecona'me. ¹⁴ Illanc' a'eyi capic'a la'pimaye, to'ta'a alsinyi lapi'iponga' al ts'e la'pitine LanDios. Li'ipa, anuli locuenaye lan xanuc' lajac'ponga'. Itsiya a'i. I'ipa ituca' la'pepajnya. Petsi aimi'eyi capic'a li'pimaye,

ihne linca ailopa'a al ts'e liŋpitine, ejac'pola'. ¹⁵ Naitsi no'epa laic' hipima, iŋque inma'ahuale. Linma'ahuale ailopa'a al ts'e quipitine.

¹⁶ Illanc' joupa aŋsina' te ts'i'ic' la'eyacu ja'ni aŋinca' a'ela' capic'a laŋpimaye. Cristo ma'enga' capic'a icupoxi tima'anŋe. Toŋta'a lunŋu'eponga'. Illanc' jouc'a aŋcutsoŋtsi, aŋcuanajcotsola' laŋpimaye. ¹⁷ Cal xans ts'i'hueca, loyaicopa lapajnya ja'ni tixinŋa' hipima tehue'e', ¿te co'eya? Ja'ni aimixina acuanuc', aimitoc'i, iŋque cal xans ¿ja'ni toŋta'a ti'ay capic'a LanDios? A'i. Aimi'ay capic'a. ¹⁸ Imanc' unc'ainaxque', camilhuo': Ihe ma'ehualeyi capic'a aimi'i'ma le'a ataiqui'. A'i ma le'a aŋnes'me: "Ca'ela' capic'a". Aŋinca a'etsola' capic'a. Aŋtoc'itsola' laŋpimaye.

¹⁹ Toŋta'a aŋpac'e'e'moŋtsi laŋpicuejma'. Aimaŋsuehmoŋteconayacu, aimaŋmiconayacoŋtsi: "¿Te iya' i'hua LanDios o a'i?" Ti'i'ma caŋsina' joupa ifapa al Linca Cataiqui' jilpe laŋpicuejma'. ²⁰ Tijouŋa' ja'ni aŋsuehmoŋtecona'me, ja'ni aŋmiconam'oŋtsi: "¿Te iya' i'hua LanDios o a'i?", jouc'a a'nujuaitsa xonca ixina' cal Cueva' CanDios. Iŋque ixina' jahuay la'epa. Ixina' jahuay lopa'a jilpe laŋpicuejma', laŋunxajma'. ²¹ Maicunc'aipimaye, ja'ni aimaŋsuehmoŋteleyi toŋta'a, ja'ni aŋsinyoŋtsi aŋinca illanc' inaxque' LanDios, tixoj'ma calata aŋpalaic'o'me LanDios. ²² Tijouŋa' pe laŋsahue'epa iŋque lapi'i'monga'. Aŋsim'monga' lihuejcoyi laŋcuxe'eponga'. Tetenŋcocojma la'epa. ²³ Aŋcuxe'eponga' a'huaiyjnle hi'Hua, iŋque Jesucristo. Jouc'a aŋcuxe'eponga' a'etsoŋtsi capic'a. Ma' anuli toliya laŋcuxe'eponga' Jesucristo. ²⁴ Ja'ni alihuejcoyi LanDios locuxepa, aimalanajyacoŋtsi LanDios. Jouc'a LanDios aimenajyacoŋtsi, luyalaico'me anuli. Aŋsinguf'moŋtsi tipa'a cal Espiritu Santo, iŋque Laŋlapi'iponga' LanDios. Toŋta'a aŋsim'me aiŋquenajyoxi LanDios. Aŋsim'me luyalaicoyi anuli.

4

¹ Maicunc'aipimaye, aimonŋ'e'mola' linca jahuay lam profeta nocuapá: "Iya' cuya'e' lalupa cal Espiritu Santo". Toŋpo'nole cuenna. Ti'ila' coŋsina' ja'ni umme'epola' LanDios o a'i. Itsiya fa'a li'a laŋmats' timana' axpela' linfel'miyale. Joupa ummem-pola' ti'ele toŋta'a. ² Imanc' joupa oŋsina' te ts'i'ic' lonespa pe noya'apá lomipola' hi'Espiritu LanDios. Ihe ticuayi: "Jesús aCristo. I'epoxi xans. Icuai'ma fa'a li'a laŋmats'." ³ Petsi aimimetsaicoyi toŋta'a Jesús, ihne aimuya'ayi lonespa hi'Espiritu LanDios. Ihe tu'iyaleyi loya'apa hi'espíritu cal Anticristo. Imanc' joupa oŋcujpá ticuaihuo iŋque cal espíritu. Camilhuo': "Joupa icuai'ma. Tipa'a fa'a li'a laŋmats'."

⁴ Imanc' unc'ainaxque', joupa olulijpola' ihniya lam profeta. Ihe aimi'iya mifel'miyacolhuo'. Imanc' joupa olapenufpa

li'Espíritu ÑanDios. Iñque xonca acueca'. Ñonta'a nopa'a li'a ñamats' aimi'onñcospa. ⁵ Iñe linfel'miyale profeta ti'onñcospá to liñ'as xanuc' nomana' li'a ñamats'. Ma' anuli liñpicuejma', lopalaipa. Toñiya liñ'as xanuc' tiquimf'eyi, tihuejcoyi. ⁶ Illanc' inaxque' ÑanDios ituca' lañpicuejma'. Petsi ilimetsaijma ÑanDios, iñe añquimf'enga'. Petsi a'i quinxque' ÑanDios, iñe aimañquimf'enga'. Toñta'a añsina' nañtsi iñe noya'apá al Linca Cataiqui'. Añsina' nañtsi noya'apa a'ij linca.

⁷ Maicunc'aipimaye, añ'etsolñtsi capic'a. Ma ÑanDios alapi'icoponga' lañpicuejma' añ'etsolñtsi capic'a. Nañtsi no'epa capic'a, iñque linca i'hua ÑanDios, imetsaijma ÑanDios. ⁸ ÑanDios ti'nujuaitsila' jahuay lan xanuc', aimi'elaj laic'. Toñiya ja'ni cal xans aimi'nujuaitsila' liñ'as xanuc', ja'ni ti'ela' laic', iñque aiñquimetsaijma ÑanDios. ⁹ ÑanDios añmuc'iponga' ma' añinca añ'nujuaitsinga'. Ummepa li'Hua, iñque cal Nuli. Ummepa quicuaicoco'ma fa'a li'a ñamats', lapi'itsonga' al ts'e lañpitine. ¹⁰ Ja'ni añinca añ'e'mola' capic'a lañpimaye, ticuticomma añ'nujuaitsola' iñniya, ma to ÑanDios añ'nujuaitsinga' illanc'. Li'ipa aimañ'nujuaisyi ÑanDios. Mañniya hitiné iñque añ'nujuaisponga', ummepa li'Hua. Iñque li'Hua i'ñajtsepa lañjunac', ipac'epa lipoyac' ÑanDios.

¹¹ Maicunc'aipimaye, ja'ni toñta'a añ'nujuaisponga' ÑanDios, illanc' jouc'a añ'etsola' capic'a lañpimaye. Ticuticomma añ'etsola' capic'a. ¹² ÑanDios ni nañtsi niximpa. Ja'ni añ'eyolñtsi capic'a jouc'a añ'eyi capic'a ÑanDios. Toñta'a iñque tipa'a pe lañmana', aicalanajyoñtsi. ¹³ ÑanDios jounpa lapi'iponga' li'Espíritu. Toñiya añsina' alapenufponga', añsina' lapenufpa iñque.

¹⁴ Illanc' jounpa añsimpá li'epa cal'Ailli' ÑanDios. Iñque ummepa li'Hua tunñu'etsola' lan xanuc' nomana' ni petsi fa'a li'a ñamats'. Toñta'a luya'ayi. ¹⁵ Petsi nonespá: “Jesús ma' i'Hua ÑanDios”, iñniya jounpa epenufpa ÑanDios. ÑanDios epenufpolá'.

¹⁶ Jounpa i'ipa calñsina' ÑanDios añ'enga' capic'a. Añsina' añ'nujuaitsinga'. ÑanDios pangay c'a lipicuejma', ti'nujuaitsila' jahuay lan xanuc', aimi'elaj laic'. Petsi no'epá capic'a iñe aimi'eyi laic'. Iñe linca ÑanDios epenufpolá', aiñquena-jyoxi. Pe lomana' jilpe tipa'a ÑanDios, tualaicoyi anuli. ¹⁷ Ja'ni añ'eyi capic'a aimañspaic'eyacu locuaicoya al Cueca' Quitine. Ma mañmana' fa'a li'a ñamats' añsinyolñtsi ninc'iñijca, añ'onñcosponga' to Cristo, iñque copa'a cal Lijca. ¹⁸ Ja'ni añ'eyi capic'a ailopa'a calñpaic'eyaconga'. Ma mañ'eyi capic'a lañpaiqui' aimi'iya mipa'neya lañpicuejma'. Ja'ni añnesyi: “Aga lateñ'mi'ma ÑanDios”, tocomma to ÑanDios añteñ'minga'. Mañnesyi toñta'a añmujoyolñtsi aiñquixhueya lañpicuejma', lahue'enga'. A'i toñta'a mañ'eyi capic'a.

19 LanDios ał'nujuaisponga', ał'eponga' capic'a, toliya illanc' jouc'a ał'eyi capic'a.

20 Petsi nocuapa: “Iya' ca'ay capic'a LanDios”, ja'ni ti'ay quipilaic' lipima, itque no'epa ita'a infellaiquepa. Ja'ni aimi'ay capic'a lipima petsi lahuelojmpa, itque jouc'a i'hua LanDios, ¿te ti'i'ma ti'e'ma capic'a LanDios, itque petsi aimehuelonge? A'i. Aimi'iya. 21 Małque LanDios jounpa ałcuxe'eponga' lał'eyacu, ałminga': “Naitsi no'epa capic'a LanDios jouc'a ti'eł'a' capic'a lipima”.

5

1 Petsi no'huaiyijmpá Jesús, nonespá: “Itque cal Cristo”, itne linca inaxque' LanDios. Itque epi'ipola' al ts'e liłpitine. Petsi lepi'impola' al ts'e liłpitine ti'eyi capic'a LanDios quił'Ailli'. Ma' anuli ti'eyi capic'a liłpimaye, itne jouc'a inaxque' LanDios. 2 Ja'ni ał'eyi capic'a LanDios, ja'ni ał'eyi ma to lałcuxe'eponga', tołta'a ałsina' ał'nujuaitsila' lałpimaye, ał'eyi capic'a. 3 ¿Te ts'i'ic' mał'eyacu capic'a LanDios? Ał'ełe ma to lałcuxe'eponga', tołta'a ał'e'me capic'a LanDios. A'i quipime ite lałcuxe'eponga' LanDios. 4 Illanc' linca inaxque' LanDios ja'ni itque lapi'iponga' al ts'e lałpitine. Alulijyi lixcay lopa'a fa'a li'a łamats'. Tołiya ałsinyi a'i quipime lałcuxe'eponga'. Illanc' inaxque' LanDios, ¿te ts'i'ic' malulijyacu lixcay lopa'a fa'a li'a łamats'? Ma mał'huaiyijny LanDios tołta'a alulij'me. 5 ¿Naitsi itque nolijpa lixcay lopa'a fa'a li'a łamats'? Petsi no'huaiyijmpa Jesús, nocuapa: “Jesús ma i'Hua LanDios”, itque tuliqui.

6 Jesús mipa'a fa'a li'a łamats' epo'icom'me aja', ixcuajaipa lijuats'. A'i ma le'a epo'icom'me aja', epo'icom'me aja' jouc'a ixcuajaipa lijuats'. Tołta'a ałsina' małque Jesús aCristo, i'Hua LanDios. Ma' anuli loya'apa cal Espíritu Santo. Itque tuya'e' ma le'a al linca. 7 Jiłpe lema'a timana' afantsi tuya'ayi: “Jesús i'Hua LanDios, aCristo”. Iniya comana' cał'Ailli' LanDios, jouc'a Jesús, itque łecui'impa “Litaiqui' LanDios”, jouc'a cal Espíritu Santo. Itne lam fantsi ma' anuli LanDios. 8 Fa'a li'a łamats' timana' afantsi nonescopá Jesús, tuya'ayi naitsi itque, ma' anuli loya'apa. Cal Espíritu Santo, itque anuli, laja' lepo'icompá Jesús, ite i'ipa oque', lijuats' lixcuajaipa, ite i'ipa afane'.

9 Ja'ni ał'huaiyijm'me loya'apa lan xanuc', ¿te aimal'huaiyijnyacu loya'apa LanDios? Linca itque loya'apa xonca acueca'. LanDios jounpa inescopa al c'a itque i'Hua. Tołta'a luya'apa LanDios, ał'huaiyijmpá. 10 Petsi no'huaiyijmpá Jesús jounpa epenufpá ite luya'apa LanDios. Petsi aimi'eyi linca LanDios ite linescopa i'Hua, iniya jounpa etets'ipá licuapa LanDios, iximpá to infel'miyale, aimi'eyi linca LanDios linescopa i'Hua. 11 Pe nał'huaiyijmpá ałsina' al linca luya'apa LanDios. Ałsina' lapi'iponga' al ts'e lałpitine aimijouya, małe

lipitine Jesús hi'Hua LanDios. ¹² Petsi joupa nepenufpá hi'Hua LanDios, ihniya tipa'a al ts'e lipitine. Ja'ni aikuilepenufi hi'Hua jouc'a ailopa'a al ts'e lipitine.

¹³ Tofta'a laininih'epolhuo' imanc' noh'huaiyijmpá Jesús, ihque hi'Hua LanDios. Cacia: Ti'ila' cohsina' joupa olapenufpá lohpitine aimijouya.

¹⁴ Mal'huaiyijnyi LanDios ahsina' ti'i'ma ahsahue'e'me altoc'itsonga' o ahsahue'e'me lapi'itsonga' lalahue'e'ponga'. Ahsa'hue'me aimahsinyacu calaic'ata. Ja'ni ihe lahsahue'epa tetentcocojma ahsina' alquimf'enga'. ¹⁵ Ma mahsa'hueyi, ja'ni ahsina' alquimf'enga' jouc'a ahsina' joupa ahtalai'eponga', joupa lapi'iponga' lahsahue'epa.

¹⁶ Anuli imanc' ja'ni toxim'ma lopima lo'epa aimetenhma LanDios, ja'ni ihe lo'epa ti'i'ma timenc'e'ecom'me, toxa'huefa' LanDios, tofta'a tepi'i'ma lipitine. Linca tipa'a lixcay lacani'eyacola' lan xanuc'. Aimi'iya mimenc'e'ecoyacola' no'epá tofta'a. Ihe ti'hua titai'me lihjunac', tejac'em'mola'. Aicamilhuo': Tofta'huefe timenc'e'ecotsola'. Ai. Aimi'iya. ¹⁷ Lan xanuc' ja'ni aimihuejcoyi LanDios ihque ixim'mola' ixcay lo'epa. Ixim'mola' titaiyi cajunac'. Tipa'a ihe lixcay lo'epa ti'i'ma timenc'e'ecom'mola'. Tipa'a petsi aimi'iya, tejac'em'mola' nulemma.

¹⁸ Ahsina' petsi LanDios lepi'ipola' al ts'e lipitine ihe aimi'hua mi'econayi lixcay. Ihe tipa'a al ts'e lipitine lepi'ipola' LanDios. Ihe al ts'e lipitine ti'ela' cuenna. Totiya ailopa'a co'e'eyacola' lonta'a. Ihque ma' ixcay lipicuejma'. ¹⁹ Ahsinyohti illanc' inaxque' LanDios. Ihque lapi'iponga' lahpitine. Petsi aimimetsaicoyi LanDios, ihque lixcay conta'a ti'hua ticuxela'. ²⁰ Jouc'a ahsina' te ts'i'ic' li'epa hi'Hua LanDios. Ihque icuai'ma fa'a li'a lamats'. Lapi'iponga' lahpicuejma'. Totiya limetsaicoyi LanDios, ihque ma' anDios. Ja'ni lapenufponga' hi'Hua LanDios, ihque Jesucristo, ma' anuli lapenufponga' LanDios. Ihque ma' anDios, aimijouya lipitine. Ja'ni limetsaicoyi tofta'a jouc'a lapi'inga' al ts'e lahpitine aimijouya. ²¹ Imanc' caxinnilhuo' to cainaxque', tofta'a camilhuo': Toft'etsohti cuenna. Ti'hua tolihuejco'me ihque petsi ahinca anDios. Tofta'a aimonlihuejyacu landiosla'.

LOCUENA LIJE'E SAN JUAN LINIŁ'ĒPA ŁIPIMA CACA'NO'

¹ Iya' nitojpa xans. Quinił'elhuo' ima' maipima caca'no' jouc'a lonaxque'. Ima' i'huij'epo' ŁanDios. Ma' anuli lihuejcoyi al Linca Cataiqui', toliya ca'elhuo' capic'a. A'i ma le'a iya' ca'elhuo' capic'a. Jahuay lapimaye petsi limetsaicopá al Linca Cataiqui' jouc'a ti'elhuo' capic'a. ² Īe al Linca Cataiqui' joupa ifayiya lałpicuejma'. Aimi'iya malitonc'e'enyaconga'. Lihuejcoyi Lataiqui' toliya ał'elhuo' capic'a.

³ Ma malihuejcoyi al Linca Cataiqui', ma mał'ela' capic'a lałpimaye, ŁanDios cał'Ailli' y Jesucristo hi'Hua ŁanDios ałtoc'i'monga', ał'nujuais'monga', ałsim'monga' nin'icuanuc'la. Ałpac'e'e'monga' lałpicuejma'.

⁴ Juaiconapa tixoqui neta aixim'mola' lonaxque' tihuejcoyi al Linca Cataiqui'. Ma to cał'Ailli' ŁanDios lałcuxe'eponga' ał'ełe, ma tołta'a ti'eyi ĩniya.

⁵ Maipima caca'no', itsiya tipa'a laifxahue'eyacolhuo'. Īe laifxc'ai'iyacolhuo' a'i ituca' cataiqui' ni ts'e cataiqui'. Caxc'ai'i'molhuo' tonł'ełe ma to joupa lałcuxe'eponga'. Al cołta ałquimf'epá ĩłta'a lataiqui'. Itsiya caxa'huelhuo', caxc'ai'ihuo': Īllanc' ninc'apimaye, ał'etsotłsi capic'a. ⁶ Ja'ni ał'eyi lałcuxe'eponga' ŁanDios, jilpe linca ał'eyotłsi capic'a. Joupa ołquimf'epá tołta'a. Al cołta icuxe'empolhuo' te ts'i'ic' loluyalaicoyacu lapajnya. Īxc'ai'impolhuo': "Tonł'etsotłsi capic'a".

⁷ Ja'ni tonł'eyotłsi capic'a ti'hua tolihuejco'me tołta'a al Linca Cataiqui'. Ja'ni tonł'eyotłsi capic'a aimifel'miyacolhuo'. Timana' axpela' linfel'miyale joupa ałpo'noponga' całtuca'. Tiyelocoyi fa'a li'a łamats'. Īne linfel'miyale aimi'eyi linca Jesucristo i'huamma fa'a li'a łamats'. Aimi'eyi linca i'epoxi xans, ticuayi: "Aimi'iya mi'eya tołta'a". Īne nocuapá tołta'a ixanuc' cal cueca' quinfel'miyale łecui'impá: cal Anticristo.

⁸ Imanc' tonł'etsotłsi cuenna. Ti'hua tolihuejco'me ĩe lałmuc'ipolhuo' jilpiya. Aimołpai'i'motłsi. Tołta'a tolulij'me nulemma lapi'iyacolhuo' ŁanDios.

⁹ Petsi no'epotłsi omxiye, ja'ni aimihuejconayi lataiqui' limuc'iyalepa Jesucristo, ĩne aimiyeyi anuli ŁanDios. Petsi ti'hua tihuejcoyi limuc'iyalepa Jesucristo, ĩne aimenajyołsi, tiyeyi anuli cał'Ailli' ŁanDios. Jouc'a tiyeyi anuli hi'Hua, ĩłque Jesucristo.

¹⁰ Jilpe lolajutł ja'ni ticuaitłsi petsi ituca' lomuc'iyalepa, a'i ĩe limuc'iyalepa Jesucristo, aimolapenuf'me lolajutł.

Aimom'ne to copima. ¹¹ Ja'ni tonona to copima ima' to'onfico'moxi to ilquiya. Tocomma to ima' jouc'a ixgay lof'epa.

¹² Ti'hua tehue'e' laifnu'iyacolhuo'. Itsiya aimi'hua quini'eyacolhuo'. Cacia: Cahuejntolhuo', alsinno'tsi. Alpalaic'oto'tsi, iya' imanc'. Tolta'a tenan'ima la'pinoxjma cata.

¹³ Tinonghuo' linaxque' lopima caca'no'. Ique jouc'a i'huij'epa LanDios.

LOCUENA LIJE'E SAN JUAN LINIŁ' EPA ŁIPIMA GAYO

¹ Iya' nitojpa xans. Quinił'ehuo' ima' unGayo macałpima. Ma' anuli lihuejcoyi al Linca Cataiqui', tołiya ca'ehuo' capic'a.

² Maipima, joupa aixina' ti'hua taihuequi. Iya' caxa'hue ŁanDios titoc'itso', toyaicoł'a' al c'a lapajnya fa'a li'a łamats', aimi'i'mo' cocuana.

³ Licuai'me fa'a łapimaye ilne inesco'mo' al c'a. Ticuayi: Ałınca omihuequi al Linca Cataiqui', tomujoyoxi tipa'a ilne Lataiqui' ifayiya jilpe lopicuejma'. Li'ipa caixina' tołta'a tixocui neta iya'. ⁴ Ja'ni ałminł'a': "Ima' lonaxque' tihuejyi al Linca Cataiqui'", ilne lataiqui' lalupa lixoc'i'ma neta juaiconapa. Ailopa'a calminya mixojya neta xonca.

⁵ Macałpima, ima' tomujoyoxi ałınca taihuequi Lataiqui'. Totoc'ila' łapimaye noyepá aculi' lane. ⁶ Malafot'leyołtsi fa'a, ilne łapimaye nitsehuo'me jilpiya, licuainanca alu'iponga' ilne lof'epa. Alu'iponga' te ts'i'ic' lof'epola' capic'a. Linca to'ay al c'a ma motoc'ila' lapimaye, tapi'ila' lahue'epola'. Tołta'a tetentcocojma ŁanDios. ⁷ Ilne ipo'nopá liłpiya', tiyeyi tuya'ayi naitsi Jesús, ilque łecui'impacal Cristo. Lan xanuc' petsi aimimetsaicoyi ŁanDios, ja'ni coł'a' tepi'intsola' quiltomí ilne aikuilepenufi. Tołe lił'ejma'. ⁸ Illanc' ilpimaye ticuicomma ałtoc'itsola' no'epá tołta'a. Ticuicomma lapi'itsola'. Tołta'a ałtoc'i'mola' ti'hua tuya'atsa al Linca Cataiqui'.

⁹ Joupa ninił'epola' lapimaye lafołyomma jilpiya lołpiya'. Jilpe tipa'a Diótrefes. Ilque aimalapenufinga' lałsc'ai'ipola' lapimaye. Ma' ilque ti'eyoxi cal te'a. Ipic'a ticuxetsola' lapimaye. ¹⁰ Cacuaitsi jilpe capalaic'ocotola' lapimaye lo'epa ilque. Jilpe ilque ałpalaiconga' a'ijc'a. A'i małe le'a co'epa. Xonca acueca' lixcay ti'ay. Aimepenufila' lapimaye nocuaispá jilpiya. Lapimaye nomana' jilpe ticuxela', timila': "Aimolapenuf'mola' ilne nocuaispá". Pesti nocuapá: "Lapenuf'mola'. Ałpic'a", ilque Diótrefes tixuc'o'mola' acueca', timi'mola': "Tonłente. Aimołtsuflaiconame pe lalafot'leyopołtsi." ¹¹ Macaipima, aimo'onlıco'mola' to ilne no'epá lixcay. To'onlıcoxoxi petsi ac'a lo'epa. Ja'ni ac'a lo'epa, ilque linca i'hua CanDios, ŁanDios ummepa. Pesti ixcay lo'epa ilque aikuimetsajma ŁanDios, aikuixina' te ts'i'ic' li'ejma'.

¹² Minescoyi Demetrio jahuay ticuayi: "Ilque ac'a xans". Ma to loya'apa al Linca Cataiqui' ma tołta'a li'ejma' Demetrio. Jouc'a illanc' fa'a ałcuayi: "Demetrio ac'a xans". Illanc' aimafellaiqueyi, ałcuayi ma le'a al linca. Tołta'a oxina'.

¹³Tehue'e' axpe' laifmiyaco'. Itsiya aikuinil'eyaco'. ¹⁴Cacua: Aimaicoŷa fa'a. Ca'hua'ma. Cacuaitsi jipe alsinnoŷtsi. Alpalaic'otoŷtsi iya' ima'.

¹⁵Aimoxhuelmot'le'ma.

Lalimetsaicoyoŷtsi nomana' fa'a tinonghuo'. Ima' tomit-sola' anuli anuli lalimetsaicoyoŷtsi nomana' jipeiya: “Juan tinonghuo”.

LIJE'E SAN JUDAS LINIŁ'EPOLA' LAPIMAYE

¹ Iya' ninJudas ca'ay lipenic' łaiPoujna Jesucristo. Santiago aipima. Quinił'elhuo' imanc' lijoc'ipolhuo' ŁanDios.

Cał'Ailli' ŁanDios ti'elhuo' capic'a, Jesucristo ti'elhuo' cuenna.

² Itine itine xonca tołcuejle ti'nujuaitsilhuo' ŁanDios, xonca tołcuejle tipac'e'elhuo' lołpicuejma', xonca tołcuejle ti'elhuo' capic'a.

³ Unc'aipimaye, iya' joupa aipo'nopa laipicuejma', cacua: Quinił'e'mola' laipimaye. IŁe cołje'e coła' cu'icona'molhuo' te ts'i'ic' munłu'enyacolhuo'. Linca ma' anuli lalunłu'enyaconga' illanc' imanc'.

Itsiya aiximpa ticuicomma quinił'e'molhuo' ituca' cołje'e. Ticuicomma caxc'ai'i'molhuo' tolipa'ate caxxi tołcuanajcole litaiqui' ŁanDios. Imanc' joupa olapenufpá iŁe Lataiqui', oł'huaiyijmpá, ołsimpá te ts'i'ic' mipa'a. MaŁe lataiqui' ŁanDios ipo'nopa nulemma tepenufle, ti'eŁe cuenna jahuary iŁe petsi i'huexi ŁanDios. ⁴ Camilhuo': Ticuicomma tonı'eŁe cuenna, tołcuanajcole litaiqui' ŁanDios. Jiłpe pe lołmana' ihuants'ipołtsi lan xanuc' iŁe ituca' liłpicuejma'. Linca ate'a a'i mu'iyacolhuo' tołta'a. Jiłpe al Paxi Linilingiya joupa inescopola' iŁniya lan xanuc'. Joupa uya'apa aimunłu'enyacola', tejac'em'mola'. IŁe aimihuejcoyi ŁanDios locuxe'epola'. Iximpołtsi joupa itoc'ipola', ipaxnepola' ŁanDios. Iximpołtsi joupa unłulpá. IŁe ti'hua ti'eyi nixpiya. Ticuayi: "Aimalacani'enyaconga". Tołta'a tetets'iyi cal Cuecaj Quincuxepa, iŁque cal Nuli Quincuxepa. Jouc'a tetets'iyi łalPoujna Jesucristo.

⁵ Imanc' joupa ołsina' jahuary li'ipa luyaipa quitine. Itsiya ca'nujuaits'i'i'molhuo' li'epa ŁanDios. IŁque ipa'a'mola' lixanuc' jiłpe łamats' Egipto, unłu'epola', aikuima'annila' lin'ehuale laic'. Lijou'ma iŁe pe lipa'apola' petsi aikuil'huaiyinge, ecani'epola'.

⁶ Jouc'a toł'nujuaitsa li'ipola' lapaluc' quema'a. IŁe incuxepá, ipo'no'me liłpenic' lepi'ipola' ŁanDios. Ipalyonca petsi ŁanDios joupa ixpic'epa timajnle. IŁe lapaluc' quema'a ŁanDios i'huequila' joupa ifingiyicola' acadena catejma', aimi'iya mits'atqueya. Jiłpe petsi lomana' ja'ni tehuelojnle al toncay tixim'me amuf. Jiłpe ti'huaicoyi ticuaiyunni al Cuecaj Quitine. ŁanDios tepi'i'mola' liłjunac'. ⁷ Jouc'a toł'nujuaitsa li'ipola' liłelołya' Sodoma y Gomorra jouc'a liłelołya' lomana' anujnca. Lan xanuc' nomana' iŁniya liłelołya' ixhuico'mołtsi liłcuerpo ma mi'eyi al xujc'a. Jouc'a i'e'me a'i to joupa ixpic'epa ŁanDios. IŁuej'me ocuena 'ejma'. Tołta'a ti'onłcospola' to iŁe lixcay lapaluc' quema'a. Li'ipola' iŁe liłelołya' ałmuc'inga' lo'iyacola'

ihne petsi no'epá lixcay. Ihne hitelotya' LanDios itel'mico'mola' unga. Jile lunga aimipijya.

8 To li'epa ihne lixcay xanuc' mimana' jilpe hitelotya' Sodoma y Gomorra, ma tofta'a ti'eyi ihna'a lixcay xanuc' iya' laifnescopola' itta'a lolje'e. Ihne jilpe lipicuejma' tijanajyi ti'ele lixcay. Mijou'ma tixhuicoyoftsi litcuerpo mi'eyi al xujc'a, tixis'mecoyoftsi tofta'a. Jouc'a tetets'innila' lincuxepá nomana' lema'a. A'ijc'a tinesconnila' lan tsila' lapaluc' quema'a. 9 Cal cuecaj lapaluc' quema'a, ihque Miguel, ni tofta'a mipalaic'o' lonta'a Satanás. Ihque Miguel ixina' lo'iya licuerpo Moisés. Satanás ituca' lipicuejma'. Ipic'a tilecola'. Ihne tipalaic'oyoftsi. Mifuli'yoftsi cataiqui' Miguel ixim'ma caxpaiqui', aiquimiloqui cataiqui' Satanás. Ma le'a timi: "Titaletso' laiPoujna". 10 Ihne lixcay xanuc' laifpalaicopola' aimixpailiquila'. Tama aiquilcueca, aiquilsina' te ts'i'ila' ihne lan tsila' capaluc' quema'a, tetets'iyi, tinescoyi. Ihne ti'onlcospola' to linneja petsi ailopa'a quilpicuejma'. Linca tama inneja tipa'a lojanajpa. Tofta'a ihniya, ti'hua tixhuai'niyi lojanajpa. Tofta'a ma quiltuca' tecani'eyoftsi.

11 Linca, juaiconapa a'ijc'a lo'iyacola' ihniya. Ihne tihuejyi Caín lipicuejma'. Imenajpola' to Balaam. Ipo'nopá lipicuejma' tulijle quiltomí. Tofta'a aimihuejyi LanDios. Ti'onlcospá to Coré. Li'ipa, ihque timiloquila' cataiqui' petsi no'epá lipenic' lepi'ipola' LanDios. Ihque Coré ejac'pa. Ihniya jouc'a tejac'mola'. 12 Ihne lixcay xanuc' ti'onlcospá to hix'ay capic quemiya. Jilpe tixcai'e'molhuo'. Imanc' tolafot'leyoftsi, toftetsoyi anuli, tofta'a tolmujyoftsi apimaye. Mimana' ihniya lofpaxi juic tixis'me'me, aimetenlcocoya LanDios. Jilpe ihne xanuc' titetsoyi, tixnayi, aimixpailiquila'. Ma quiltuca' ti'eyoftsi cuenna. Ti'onlcospola' to hijul cummahuay tummetsai lahua'. Ti'onlcospola' to cal 'ec' micuaita litine caxita tocomma tijulyi, ailopa'a quil'as. Tocomma to aiquimaf'ila'. A'i ma le'a tocomma aiquimaf'ila', alinca joupa imapola', joupa iyaxquimpola'. 13 Ihne lixcay xanuc' ti'onlcospá to loyac' quitsilo caja petsi pangay quico' to axujc'a quifuc. Aiquilsina' calaic'ata, ti'hua timujyi lo'epa lixcay. Ti'onlcospola' to lan xamna laipalumma lipene, ihne aimepalc'o'iyaleyi. Tiyeyi petsi lomanc'eyacu nulemma, ihpe al muf. Malpe copa'a lipanga.

14 Jouc'a Enoc inescopola' ihne lixcay xanuc'. Tipanc'nicola' Adán, ihque cal te'a latatahuelo, ihque Enoc ixhuaicota acaitsi. Enoc uya'apa lo'iya, ticua:

¡Aiquimf'ela' laifnuya'aya!

Aiximpa licuai'me latPoujna y lam paxi quepaluc' quema'a, ihniya juaiconapa lanxpela'.

15 ŁaŁPoujna icuai'ma timuj'moxi cal Cuecaj Juez, timuj'moxi iŁJuez jahuary lan xanuc'.

IŁne petsi aimihuejcoyi ticuf'mola'.

Ticuf'mola' jahuary li'epa, jahuary lipalaipa.

Ticuf'mola' li'epa nixpiya, iŁne petsi aimihuejcoyi, petsi aimixpailiquila'.

IŁne lixcay xanuc' petsi aimihuejcoyi, jouc'a ticuf'mola' limilopja ŁanDios lan tsila' cataiquí.

16 IŁne lixcay xanuc' pangay tipaloŁaicoyi. Ticuayi: "IŁe a'i caipic'a". Aimimajncoyi quixojma cata. Lojanajpa iŁne quiltuca' ma iŁe tihuejyi. Tipalaiyi lan tsila' cataiquí juaiconapa. Pe latencocopola', ma le'a iŁniya tipalaic'onnola' al c'a. Ticuayi: "IŁque aŁtoc'i'ma".

17-18 Unc'aipimaye, imanc' aimolihuej'mola' iŁniya. ToŁ'nujuaitsa liŁtaiqui' lan apÓstole, iŁne epaluc' łaŁPoujna Jesucristo. IŁne imipolhuo' lo'iya. Imipolhuo': "Ti'ila' lijoucola' quitiné ticuaicu lintaluntseyale xanuc'. Lojanajpa iŁne quiltuca' ma iŁe tihuejyi, aimihuejcoyi ŁanDios." 19 IŁne tifel'minnila' lapimaye, tenaquinnila'. Tihuejyi lojanajpa ma quiltuca' liŁpicuejma'. Aiquilepenufi cal Espíritu Santo.

20 Imanc', unc'aipimaye, aimon' onli'moŁtsi to iŁniya. Imanc' joupa oŁ'huaiyijmpá al Paxi Cataiqui'. Ti'hua toŁpalaic'ole ŁanDios to mu'ilhuo' cal Espíritu Santo. ToŁiya tifayi'molhuo' loŁpicuejma'.

21 Ma moŁ'huaicoyi ticuaicohuananni łaŁPoujna Jesucristo, ti'hua toŁ'nujuaitsa lo'epolhuo' capic'a ŁanDios. TonŁ'etsoŁtsi cuenna aimolanaj'moŁtsi. ToŁta'a, ticuaicohuananni iŁque łaŁPoujna tixim'molhuo' unc'icuanuc'la. IŁque lipitine aimijouya, imanc' jouc'a aimijouya loŁpitine.

22 Lapimaye petsi oquej liŁpicuejma' toŁsintsola' acuanuc'la.

23 IŁne petsi to joupa ejac'pola' toŁahuetsola', toŁunŁu'etsola', aimiye'me łunga. Locuenaye, tama toŁsim'mola' acuanuc'la, jouc'a toŁsim'me laxpaiqui'. Aimoli—loc'ai'e'moŁtsi. ToŁsintsola' joupa ixis'mecopoŁtsi jouc'a liŁpijahuati.

24 ¡AŁs'najtsi' iŁe ŁanDios! Ma' iŁque xonca ti'hua limane. Nipajnya ti'e'molhuo' cuenna, toŁta'a ma toŁihuej'me. Nipajnya ti'e'molhuo' toŁacaxhuoŁaita pe lopa'a. ToŁta'a ti'i'ma iŁe litine timujxoxi te ts'i'ic' mipa'a. IŁe litine tixinim'molhuo' pangay c'a loŁpicuejma', ailopa'a tintsí. Tixoj'ma cunlata juaiconapa.

25 ¡AŁs'najtsi' iŁe cal Nuli CanDios, iŁque ŁalunŁu'eponga'! ToŁta'a lipenic' lepi'ipa łaŁPoujna Jesucristo. Ma' iŁque anDios, iŁque xonca cal Cueca', xonca ticuxe, xonca ti'hua limane. Ai'a tipango'ma tilanc'em'me li'a łamats' toŁta'a mipa'a. Ma toŁta'a mipa'a itsiya. Ma anuli mipa'a tijauhuamlaicota ticuaitsi Locuenaj Quitine. ToŁta'a ti'ila'. Amén.

LIJE'E SAN JUAN LINIŁPA LIMUC'IPA JESUCRISTO

¹ Jifa'a tuya'e' te ts'i'ic' ŁanDios limuc'ipa Jesucristo. Limuc'ipa te lo'iya. Aimicołya ti'ila' tołta'a. ŁanDios quimuc'icopa Jesucristo timuc'itsola' lixanuc'. Małque Jesucristo ummepa łepaluc. Timi: "To'huał'a pe lopa'a łaimozo Juan. Iłque ti'ay łanic' łainepi'ipa. To'itsi, tomuc'itsi, iłe łalmuc'ipa ŁanDios." ² Iya' ninJuan aininiłpa jifa'a jahuay łaiximpa. Iłe ma' itaiqui' ŁanDios, luya'apa Jesucristo. ³ Lataiqui' łaininiłpa jifa'a tuya'e' te ts'i'ic' lixpicepa ŁanDios. Tixoqui queta łapima noxhuf'iyacola' lipimaye iłta'a al je'e. Jouc'a łapimaye noquimf'eyacu, iłniya naihuejcoyacu, tixoj'ma quileta iłniya. ŁanDios tipaxne'mola'. Aimicołya. Ti'i'ma to łiniliłmpa fa'a.

⁴ Iya' ninJuan quinił'elhuo' imanc' aipimaye nołmana' lan caitsi quilełołya'. Imanc' ixanuc' ŁanDios, iłque efot'łepolhuo'. Tolafot'łeyołtsi jilpe łolpilołya'.

ŁanDios timilhuo': "Capaxne'molhuo', catoc'i'molhuo', capac'e'e'molhuo' łolpicuejma". Iłque ŁanDios li'ipa ma tipa'a, itsiya tipa'a, ma' anuli iłque łocuaiya.

Ma' anuli timilhuo' lan caitsi Espiritu, łehuoc'ocoyołtsi locut-suya ŁanDios Łalcuxeponga'.

⁵ Jouc'a timilhuo' Jesucristo. Iłque tuya'e' ma le'a al linca. Iłquiya imapa, imaf'inapa, aimimaconaya. Tołta'a i'ipa iłpima iłniya petsi jouc'a timaf'ina'me. Iłque cal Te'a łimaf'inapa tołta'a. Ticuxela' lan tsilaj quincuxepá nomana' fa'a li'a łamats'.

Jesucristo ał'enga' capic'a. Ixcuajaipa lijuats', i'najtsecopa łaljunac'. Tołta'a aluhuałłponga' lixcay łal'epa, iłe ałfi'eponga'.

⁶ Ał'eponga' ixanuc' ŁanDios Łalcuxeponga', iłquiya i'Ailli' Jesucristo. Ał'eponga' e'ailli' ŁanDios, ał'eyi lipenic'.

Iłque Jesucristo ma' anDios. Ma' iłque ticuxe jahuay. ¡Ma tołta'a ti'ila'! Amén.

⁷ ¡Tolsinte! Iłque icuaico'ma jouc'a łummahuay. Tixim'me iłniya lixcái'epá jouc'a jahuay lan xanuc'. Iłne petsi naihuejpa quıltauca' liłpicuejma' tijolij'me caxpaiqui'. Ticuis'e'mołtsi: ¿Te cał'iyaconga'?

Ne'. Ma tołta'a ti'ila'. Amén.

⁸ Minescoyoxi łalPoujna ŁanDios ticua: "Iya' cacui'yoxi A, cacui'yoxi Z. Jahuay iya' aipangopa, jahuay iya' cajou'ne'ma. Iya' capa'a itsiya, li'ipa ma' anuli capa'a, ma' iya' łalfcuaiya. Ailopa'a cał'onłcoya, jahuay cacuxe."

⁹ Iya' ninJuan ot̄pima, ma' anuli lihuejyi Jesús. Ma' anuli at̄tēcoyi. Imanc' illanc' ma' anuli ixanuc' Łālcuxeponga', it̄que Jesús. Māmana' fa'a li'a łamats' ma' anuli āsnet'lyi imanc' illanc'.

Iya capa'a jifa'a al isla Patmos. Alixtuc'opa, alummepa jifa'a al isla. Alixtuc'opa lainuya'apa litaiqui' ŁanDios, lainu'iyalepa nait̄si it̄que Jesucristo. ¹⁰ Fa'a łamats' Patmos icuait̄si al domingo, it̄e litine lacui'imp̄a "It̄ine łāPoujna", cal Esp̄ritu Santo ālcuxe iya' laipicuejma'. Jiłpe laixpula' aicuej'ma ałpalaic'o. Ujfxi tipalay. Ti'onłcospa to mifus'mim'me anuli al trompeta. ¹¹ Ałmi: "It̄a' lofximpa tainiłijnla'. Topu'nijnla' jiłpe loje'e. Tijoula' tomme'etsola' lopimaye it̄a' al je'e. Ihe nafot'łepołtsi lan caitsi quitelołya' lomana' łamats' Asia. Tomme'etsola' lapimaye nafot'łepołtsi liłya' Éfeso, jouc'a nafot'łepołtsi liłya' Esmirna, jouc'a nafot'łepołtsi liłya' Pérgamo, jouc'a nafot'łepołtsi liłya' Tiatira, jouc'a nafot'łepołtsi liłya' Sardis, jouc'a nafot'łepołtsi liłya' Filadelfia, jouc'a nafot'łepołtsi liłya' Laodicea."

¹² Cacia: "¿Nait̄si it̄que nałpalaic'opa?" Aipai'e'moxi. Aixim'ma acaitsi lan candelero lilanc'ecompa a'oro. ¹³ Jiłpe nolojmay lan caitsi candelero tipa'a anuli ti'onłcospa to cal xans. Itoqui lipijahua' ticuaispa mane li'mitsi'. Lofi'ecopa łunxajma' a'oro. ¹⁴ Łijuac afujca, ti'onłcospa to al moł, o ti'onłcospa to cal nieve. Li'u' ti'onłcospa to lipał cunga. ¹⁵ Li'mitsi' tepalc'o'i, ti'onłcospa to mipi'em'me łatejma' it̄e acobre lopi'empa. Lipalaijma cacueca to muna'e', to axpe' panay. ¹⁶ Jiłpe al c'a quimane ti'noli acaitsi lan xamna. Lico tipamma litoqui cutsilo oque' lipix'ay juaiconapa ix'aic'iya. Li'a ti'onłcospa to cal 'ora micuaita menac'o, tepalc'o'i juaiconapa.

¹⁷ Laiximpa tołta'a iya' ninJuan ałspaijma juaiconapa. Necangenni li'mitsi' to joupa ałmapa. It̄que ałspayaf'pa al c'a quimane. Ałmi: "Aimixpaij'mo'. Iya' NinTe'a. Iya' NiJoujma. Lipangopa lema'a li'a łamats' ma capa'a. Tijou'mola' ma' anuli capajm'ma. ¹⁸ Ma' iya' NanDios, Nimaf'i'. Iya' linca' ałma'apa, ałmapa. Itsiya āsint̄a', ma' aimaf'i'. Aimա̄maconaya. Iya' cacuxe lamaya, cacuxe pe lomana' limanapola'.

¹⁹ "Joupa aimuc'ipo' nait̄si iya' capalaic'ohuo'. Tołiya tainiłta' loximpa, topu'nijnla' loya'apa iłiya, jouc'a tainiłta' lo'iya.

²⁰ "Iłiya lan caitsi lan xamna loximpola' jiłpe al c'a caimane, jouc'a iłiya lan caitsi candelero loximpola' aicoxina' te loya'apa it̄e loximpa. Ihe lan caitsi lan xamna ti'onłcospola' to lilepaluc' lapimaye łefot'łepola' ŁanDios, it̄e nafot'łepołtsi

lan caitsi quitelolŷa'. Lan caitsi candelero ti'onŷospola' to lapimaye nafot'lepotsi jilpe lan caitsi quitelolŷa'.

2

Itta'a ilje'e lapimaye nomana' liŷya' Éfeso

1 "Ima' tainil'ela' hilepaluc lapimaye nafot'lepotsi jilpe Éfeso. To'ila': 'Tipalaic'ohuo' iŷque ts'i'noŷila' lan caitsi lan xamna jilpe al c'a quimane. Iŷque no'huapa nolojmay lan caitsi candelero. Iŷque timihuo': 2 Quimetsaicohuo' te ts'i'ic' lof'epa. Aixina' to'ay laipenic', toxnet'iqui jahuay lo'ipo'. Toxina ipime lapajnya jilpe pe lomana' lixcay xanuc'. Joupa oxingupola' pe nonescopotsi: Illanc' ninc'apóstole. Iŷne a'i apóstole. Joupa oximpola' mane infel'miyale. 3 Tama toxina ipime lapajnya, aŷ'nujuaitsi iya', ti'hua toxnet'iqui, aikuixojhuo'. 4 Linca tipa'a lof'epa aimalatenŷma. Al te'a aŷ'epa capic'a juaiconapa. Itsiya a'i. Xonca aijtine maŷ'ay capic'a. 5 Camihuo': Tocomma acueca' mecangemma. To'nujuaitsi lo'ejma' al te'a. Toxhuej'menanni. Iŷe lo'epa li'ipa to'econŷa'. Ja'ni aimoxhuej'menamma aimalcoŷya cacuaiconno ma pe lofpa'a. Quiŷonc'e'e'mo' locandelero. Aimipajconaya pe lopa'a. 6 Linca tipa'a al c'a lof'epa. Pe lecuimpola' lan nicolaita to'ay copilaic' lo'epa iŷniya. Iya' jouc'a ca'ay capilaic' lo'epa. 7 Naitsi nocuejpa tiquimf'ela' iŷe lataiqui' loya'apa cal Espíritu Santo ma mipalaic'ola' lapimaye iŷne ixanuc' LanDios, iŷque lefot'lepola'. Maŷniya lapimaye nafolŷomma lan caitsi quitelolŷa'. Naitsi nolijya capi'i'ma lane titeta hi'as al 'ec lopa'a nolojmay lequeya LanDios. Iŷe laqueya lecuimpola' al Paraíso. Naitsi noteja iŷe hi'as aimimaya nulemma.'

Itta'a ilje'e lapimaye nomana' liŷya' Esmirna

8 "Jouc'a tainil'ela' hilepaluc lapimaye nafot'lepotsi Esmirna. To'ila': 'Fa'a tipa'a laifnespa iya' ninTe'a, niJoujma. Iya' aŷma'apa, aŷmapa, aimaf'inaŷa, itsiya aimaf'i'. 9 Iya' quimetsaicohuo' te ts'i'ic' lof'epa, te ts'i'ic' lofŷelcopa, te ts'i'ic' lopepajnya. Aixina' ailopa'a co'huexi fa'a li'a ŷamats'. Tama ailopa'a co'huexi caxinghuo' acueca' o'hueca. Jouc'a aixina' te ts'i'ic' lonesc'epo' lan judío nocuapá: Ma' illanc' ixanuc' LanDios. Iŷne a'i quixanuc' LanDios, mane lefot'lepola' Satanás. 10 Linca xonca totelcocona'ma. Aimixpaij'mo'. Lonta'a joupa ixpic'epa lo'eya. Hualca lopimaye tummem'mola' lacarza, tehuai'im'mola'. Imbama' quitine titeŷcota. Ima' ti'hua lihuejla'. Tama timitso': Aŷma'a'mo', aimopai'i'moxi lopicuejma'. Tijouŷa' quimetsaico'mo' i'hua cal Cuecaj Rey. Capi'icona'mo' lopitine aimijouya. 11 Naitsi nocuejpa tiquimf'ela' iŷe lataiqui' loya'apa cal Espíritu Santo ma mipalaic'ola' lapimaye, iŷne ixanuc' LanDios,

itque ñefot'lepola'. Mañiya lapimaye nafot'yomma lan caitsi quileloña'. Naitsi nolijya aimimaconaya. He al Cueca' Camaya ailopa'a co'e'eya itque.'

Itta'a ilje'e lapimaye nomana' liya' Pérgamo

¹² "Jouc'a taini'ëta' hilepaluc lapimaye nafot'lepotsi Pérgamo. To'itá': 'Fa'a tipa'a laifmipo' iya' ts'ai'hueca laicutsilo oque' lipix'ay ix'aic'iya. ¹³ Iya' quimetsaicohuo' te ts'i'ic' lof'epa. Nimetsaijma te ts'i'ic' jilpe lofpa'a. Jilpe ma ticuxe Satanás. Aixina' ima' ti'hua lihuequi, ti'hua al'huaiyinge, aicomena-jyoxi. Jilpe petsi ticuxe Satanás ima'ampa lojpima Antipas, itque ma' añinca uya'a'ma laitaiqui', u'iyale'ma naitsi iya'. Jilpe litiné aikuixpaijhuo', aicopai'i lopicuejma'. ¹⁴ Linca tipa'a oque' afane' lof'epa aimalatenlcocojma. Tolafot'leyotsi anuli lan xanuc' ituca' lomuc'iyalepa, li'ejma' ituca'. Ine lan xanuc' tihuejyi litaiqui' Balaam, itque imuc'i'ma Balac lo'eya ja'ni tuc'uilitstufe'mola' lan xanuc' Israel. To'ta'a iné lan xanuc' Israel ite'me lixic' joupá itsufcompola' landiosla', jouc'a ehue'me laca'no'. ¹⁵ Ma' anuli tolafot'leyotsi iniya petsi lecu'i'impola' lan nicolaita. ¹⁶ Camihuo': ¡Toxhuej'menni! Ja'ni a'i aimalcoña, cacuaita pe lofpa'a. Cafuli'icotola' iniya lan xanuc'. Caxcai'ecotola' itta'a laicutsilo laipayomma laico. ¹⁷ Naitsi nocuejpa tiquimf'ëta' ñe lataiqui' loya'apa cal Espíritu Santo ma mipalaic'ola' lapimaye, iné ixanuc' LanDios, itque ñefot'lepola'. Mañiya lapimaye nafot'yomma lan caitsi quileloña'. Naitsi nolijya capi'i'ma lane titeña' la'i LanDios locupa, lacui'impá cal maná. Itque ñemiya ca'i, locuenaye xanuc' aikuilsina' pe lopa'a itque cal maná. Itque nolijya capi'i'ma jouc'a cal fujca capic. Itque lapic tiniñijnya al ts'e cañine. Naitsi lapenufya cal fujca capic itque linca timetsaico'ma liniñiya ñe al ts'e cañine, locuenaye aimixinyacu.'

Itta'a ilje'e lapimaye nomana' liya' Tiatira

¹⁸ "Taini'ëta' hilepaluc lapimaye nafot'lepotsi liya' Tiatira. To'itá': 'Fa'a tipa'a laifnespa iya' i'Hua LanDios. Iya' lai'u' ti'onñcospa to lipa' cunga, lai'mitsi' ti'onñcospa to mipi'em'me latejma' ñe acobre. ¹⁹ Iya' quimetsaicohuo' te ts'i'ic' lof'epa. Aixina' to'ehuale capic'a, aixina' loftoc'iyalepa, aixina' toxnet'iqui jahuay lo'ipo'. Aixina' li'ipa o'e'ma al c'a. Itsiya xonca acueca' al c'a lof'epa. ²⁰ Linca tipa'a lof'epa aimalatenlcocojma iya'. Jilpe tapi'i' lane laca'no' Jezabel, itquiya inescopoxi aprofeta. Ticua: Cuya'e' linespa LanDios. Itque mimuc'ila' laixanuc' tife'l'mila', to'ta'a iné tehueyi laca'no', titeji lixic' joupá itsufcompola' landiosla'. ²¹ Iya' joupá ai'huaicopa tixhuej'menanni lo'epa nixpiya. Aiquixhuej'meya. Aiquicuac'. ²² ¡Toxinña! Acueca' cate'l'mi'ma

łaca'no', ti'i'ma quicuana. Tipanehuo jilpe lihualfa, aimi'ya mitsahueya. Iłque łaca'no' lo'epa ti'onłcospa to lan xanuc' Israel li'epa. Iłne li'ipa enajpołtsi hilenDios, ihuej'me landiosla'. Jilpe pe lołpa'a, petsi aimixtuc'oyacu iłque łaca'no' lo'epa, iłniya cateł'mi'mola' acueca'. Tołta'a laif'e'eyacola' iłniya ja'ni aimixhuej'menammas, ja'ni aimimetsaicoyi lixcay lo'epa iłquiya łaca'no'. ²³ Linaxque' łaca'no', iłne ts'ilihuequi, cama'a'mola' nulemma. Tołta'a limetsaico'ma iya' jahuay lapimaye ni petsi lafołyomma. Ti'i'ma quilsina' naitsi iya', iya' linca caxina te ts'i'ic' cal xans lipicuejma'. Petsi xonca lemiya iya' caxina. Ma to lonł'epa tołta'a ca'najtse'e'molhuo' anuli anuli. ²⁴ Imanc' unc'ocuenaye nołmana' jilpe liłya' Tiatira, ituca' laifmiyacolhuo'. Imanc' aicolihuequi lomuc'iyalepa łaca'no'. Aicolapenufi lataiqui' lacui'impas: Lataiqui' ipime xom. Ie ma litaiqui' Satanás. Imanc' joupa ołsina' te ts'i'ic' licuxe'empolhuo', ailopa'a xonca caifcuxeyacolhuo'. ²⁵ Ma le'a camilhuo': Imanc' joupa olapenufpá Lataiqui'. Ma tolihuejle. Aimolanaj'mołtsi. Tama iya' ailaiłpa'a ti'hua lihuejla', cacuaiconno. ²⁶ Naitsi nolijya, naitsi jahuay lipepajnya ti'hua ti'ay lalatenłcocoya iya', iłque capi'i'ma limane ticuxe'mola' locuenaye xanuc', iłne petsi aimimetsaicoyi łanDios. ²⁷ łanDios ujłxi ticuxe'mola' iłniya lan xanuc'. Ti'onłcotola' to lapixu. Tepaco'mola' anuli lapaluc ilanc'ecompa atejma'. Ti'em'mola' epi' epi'. Tołta'a laimane joupa alapi'ipa cai'Ailli', ma tołta'a limane capi'i'ma cal xans nolijya. ²⁸ Jouc'a capi'i'ma cal xamna quilič'ejma'. ²⁹ Naitsi nocuejpa, tiquimf'ełas' iłta'a lataiqui' loya'apa cal Espiritu Santo ma mipalaic'ola' lapimaye, iłne ixanuc' łanDios łefot'łepola'. Małniya lapimaye nafołyomma lan caitsi quilelołya'.

3

Itta'a ilje'e lapimaye nomana' liłya' Sardis

¹ "Tainil'ełas' hilepaluc lapimaye nafot'łepołtsi liłya' Sardis. To'ila': 'Fa'a tipa'a laifnespa iya' ts'ai'hueca lan caitsi li'Espiritu łanDios, jouc'a ai'nołila' lan caitsi lan xamna. Iya' quimet-saicohuo' te ts'i'ic' loł'epa. Ticuanni ima' omaf'i'. Iya' caxingufhuo' joupa imapo'. ² Ima' tomaf'i'ixoxi, topo'nołas' cuenna. Tofaxoxi lopicuejma', to'econa'ma al c'a. Ja'ni ai, aimi'ya mo'econaya. Jahuay lo'epa aixina' ailopa'a quetenłcocojma łanDios, ni anuli. Jahuay lo'epa tehue'e'. ³ Camihuo': To'nujuaitsi te ts'i'ic' lataiqui' lomepenufpa, iłe joupa oquimf'epa. Taihuejla'. Toxhuej'menni. Ja'ni aimopo'nohuo cuenna iya' cacuaihuo to micuaihuo cal namas no'huapa lipuqui'. Toxim'ma łaxpaiqui'. ⁴ Linca jilpe

Sardis timana' oquexi' afantsi loxanuc' aikuixis'mecoyołtsi. Iłne mane afujca liłpijahua'. Latenłcocojma. Le'me anuli. ⁵ Naitsi nolijya tipo'no'im'me al fujca lipijahua'. Lipuftine tipanehuo jilpe al je'e petsi linilingila' liłpuftine iłne limaf'ila'. Aicatufc'eya lipuftine. Pe lomana' cai'Ailli' y lepaluc' quema'a iya' cu'itola': Iłque cal xans tołta'a lipuftine, linca lihuequi. ⁶ Naitsi nocuejpa, tiquimf'ela' iłe lataiqui' loya'apa cal Espıritu Santo ma mipalaic'ola' lapimaye iłne ixanuc' LanDios, iłque łefot'łepola'. Małniya lapimaye nafolyomma lan caitsi quitelolya'.

Iłta'a iłje'e lapimaye nomana' liłya' Filadelfia

⁷ "Tainil'ela' hilepaluc lapimaye nafot'łepołtsi Filadelfia. To'ıla': 'Fa'a tipa'a laifnespa iya' ninLinca, nimPaxi. Iya' ai'hueca liyahui cal rey David. Iya' ti'hua laimane caxi'e'ma, tijouła' ailopa'a noxnifcoya. Jouc'a ti'hua laimane caxnifco'ma, tijouła' ailopa'a naxi'eya. ⁸ Iya' quimetsaicohuo' te ts'i'ic' lof'epa. Aiximpo' iłe litine, tama a'ij cueca' lopufxi, ma ti'hua taihuejcojma laitaiqui'. Ima' aicomenjyoxi, ti'hua lihuequi. Tołta'a jilpe lołiya' ainexi'epa anuli al puerta. Iłe al puerta ailopa'a noxnifcoya. ⁹ Ałcuejla', cu'ilhuo' laif'eya. Joupa' aixpic'epa lo'iyacola' iłne łefot'łepola' Satanás, iłniya infel'miyale judıo, iłne lonespa a'ij linca. Tinesyi: Ma le'a illanc' ixanuc' LanDios. Iłniya a'i quixanuc' LanDios. Iłne ticuaita pe lołpa'a, texc'onłingołai'mo' jilpe lo'mitsi'. Timetsaico'mo' iya' ai'epo' capic'a. ¹⁰ Ima' linca oxnet'łpa, omihuequi laitaiqui' lałpalaicopa iya' laixnet'łpa. Tuya'e' toxnet'łla' jouc'a. Tołiya ca'e'mo' cuenna ticuaitsi al cueca' catełcoya locuaicoya. Iłe latełcoya tixingufco'me lan xanuc' nomana' ni petsi li'a łamats', tehuai'i'mola'. ¹¹ ¡Ałcuejla'! Iya' aimatcołya, cacuaicoconno. Ima' tipa'a ts'o'hueca, iłe lainepi'ipo'. To'e'ela' cuenna. Ja'ni a'i aimimetsaiconyaco' ima' i'hua LanDios, iłque cal Cuecaj Rey. ¹² Naitsi nolijya capo'no'ma nulemma jilpiya lixoute' łainenDios. Jilpe ti'onłcota to limula joupa lifayipa. Małpe al xoute' tipanehuo, aimipaya. Iłque cal xans quiniłinc'e'ma afane' laftine. Quiniłinc'e'ma lipuftine łainenDios. Quiniłinc'e'ma lipuftine lołiya' łainenDios, iłiya liłya' al ts'e quıłya' Jerusalén laimuyoya lema'a pe lopa'a łainenDios. Jouc'a quiniłinc'e'ma al ts'e laipuftine. ¹³ Naitsi nocuejpa, tiquimf'ela' iłta'a lataiqui' loya'apa cal Espıritu Santo ma mipalaic'ola' lapimaye iłne ixanuc' LanDios, iłque łefot'łepola'. Małniya lapimaye nafolyomma lan caitsi quitelolya'.

Iłta'a iłje'e lapimaye nomana' liłya' Laodicea

¹⁴ "Tainil'ela' hilepaluc lapimaye nafot'łepołtsi liłya' Laodicea. To'ıla': 'Fa'a tipa'a laifnespa iya'. Iya' ninAmén. Calinc'i

jahuay loxic'epa LanDios. Iya' cuya'e' al linca, aica'eyoxi ma le'a laipicuejma'. Jahuay LanDios lixic'epa tilanc'ente ma' iya' aipangopa, ailanc'epa. ¹⁵ Iya' quimetsaicohuo' te ts'i'ic' lof'epa. Aixina' lo'ejma'. Ma' afule malihuequi. Iya' ca'on'licohuo' to laja' a'i quinu' a'i quitinuhua. ¹⁶ Ca'on'licohuo' to laja' huata caquinu'. To'tta'a caxits'ehuo', aicaxnet'lonaya, canajcuf'mo'. ¹⁷ Tocua: Iya' ai'hueca. Acueca' ile lainulijpa, ailopa'a calahue'epa. Ima' aicoxina' te ts'i'ihuo'. Ima' a'ijc'a juaiconapa lofmuyaicopa. Ima' uncueca' cuanuc', ailopa'a co'hueca, ima' umfo', tocomma um-mila. ¹⁸ Cu'ihuo' lof'eya: To'na'a' iya laifcujpa. To'na'a' co'oro joupa ipi'empa lipifuc, ma ipa'ampa lunga. To'tta'a ti'i'mo' ts'o'hueca. To'na'a' copijahua', ile al fujca lopijahua', topo'no'a'. To'tta'a aimi'iconaya cum-mila. Aimotaiya calaic'ata. To'na'a' comefxi, tomet'hita' lo'u', tijoula' al c'a tahuetsale'ma. ¹⁹ Jahuay laif'epola' capic'a, ja'ni ixcay lo'epa, iya' catale'mola', caxc'ai'i'mola', tipai'itso'tsi li'ejma'. Ti'ete al c'a. To'tta'a camilhuo' anuli anuli imanc': Toxp'ic'ela' lihuejla' al c'a. Toxhuej'menanni li'ipa lo'ejma'. ²⁰ ¡A'c'uejla'! Joupa aicuai'ma, caja'e' fa'a al puerta. Cal xans na'quimf'eya iya' laifpalaipa, laxi'ela' al puerta, iya' catsufai'ma jilpe lejut', a'smoco'me nuli. ²¹ Naitsi nolijya capi'i'ma lane a'cutsotai'me fa'a pe laifcutsuya, a'cuxe'me nuli. I'que lo'iya ti'i'ma to iya' la'ipa. Iya' ate'a ainulijpa, lijoupa aicutsingaipa pe locutsuya cai'Ailli', a'cuxeyi. ²² Naitsi nocuejpa, tiquimf'ela' ita'a lataiqui' loya'apa cal Esp'iritu Santo ma mipalaic'ola' lapimaye ilne ixanuc' LanDios, i'que lefot'epola'. Ma'niya lapimaye lafo'yomma lan caitsi quilelo'ya'."'

4

¹ Lijoupa la'mipa to'tta'a aiximpa jilpe lema'a tipa'a al puerta exiya. Aicuejcona'ma a'palaic'o. I'que lopalaipa ti'on'lcospa to mifus'mim'me al trompeta. I'que a'mi: "Tof'acunni. To'huanni fa'a. Camuc'i'mo' lo'iya. I'le laifmuc'iyaco' al linca, ma ti'i'ma." ² Ma'pe 'hora aixingufcopa cal Esp'iritu Santo a'cuxe jilpe laipicuejma'. Jilpe lema'a aiximpa lexpats'qui li'nofquiya. Jilpe tipa'a al 'asiento acueca' to li'asiento lan rey. I'le al 'asiento tipa'a naitsi nocutsafya. ³ I'que Nocutsuya li'a tocomma mane epalc'o', to lepalc'opa lapic' li'puftine ajaspe y acornalino. Jilpe lexpats'qui li'nofquiya canumicay tipa'a lupaje. I'le lupaje tepalc'o'i axhuaica to lepalc'opa lapic' cuftine esmeralda. ⁴ Aixim'mola' anuxans malpu' lan tsilaj asiento. Ticutsafcolanna anuxans malujxi' lan tsilaj xanuc' noxpijpa' lataiqui'. Lexpats'qui li'nofquiya lopa'a nolojmay ilniya. I'ne anuxans malujxi' lan tsilaj xanuc' afujca lipijahua'. Jilpe lipijac anuli anuli itaic' licorona ilanc'ecompa a'oro.

⁵ Jilpe lexpats'qui li'nofquiya tixcafi, tipalolaiyi, tuna'e'. Lihuec'ocojma lexpats'qui li'nofquiya tunaqui acaitsi lep-alalc'o', ihe lan caitsi li'Espíritu LanDios. ⁶ Lihuec'ocojma lexpats'qui li'nofquiya tipa'a tocomma to łaja lilanc'ecompa apulu, al c'a vidrio cuftine acristal. Ihe al vidrio ti'i'ma tixim'ma acajm'maica. Pe lopa'a lexpats'qui li'nofquiya, iłniya lam malpu' qui'esquina, nolojmay jilpe aixim'mola' amalujxi' lam paxi quinneja. Ihe imanna ca'u'. Ihe liłspula' jouc'a liłcu'u imanna pangay ca'u'.

⁷ Cal te'a linneja ti'onłcospa to calxmu. Łocuena ti'onłcospa to cal toro. Łocuena'ya li'a ti'onłcospa to li'a cal xans. Łocuena'ya ti'onłcospa to cal cuecaj cui łaiyupa. ⁸ Lam malujxi' quinneja anuli anuli tipa'a acamts'us łixala'. Iłniya liłxala' imanna pangay ca'u'. Jilpe lixpula' quiłxala' lijuihuay tipa'a pangay ca'u'. Jouc'a licu'u quiłxala' tipa'a pangay ca'u'. Iłniya linneja aimixospola'. Itine ipuqui' tuya'ayi:

“Apaxi, apaxi, apaxi łalPoujna LanDios, iłquiya cal Cuecaj Rey, jahuay ticuxe.

Li'ipa ma tipa'a, itsiya tipa'a, ma' anuli iłque łocuaiya.”

⁹ Iłniya lam malujxi' quinneja tołta'a lopalaicopa LanDios. Timetsaicoyi anDios, timetsaicoyi cal Cueca'. Tix'najtsi'iyi małquiya Nocutsuya jilpe lexpats'qui li'nofquiya. Iłquiya ti'hua imaf'i', aimimaya. ¹⁰ Mipalaiyi tołta'a iłniya linneja, lan nuxans malujxi' lan tsilaj xanuc' noxpipjá lataiqui', text'onłingolaiyi łamats' ehuoc'oco'me Nocutsuya jilpiya lexpats'qui li'nofquiya. Iłquiya imaf'i', aimimaya. Tipa'ayi liłcorona, tipo'noyi małpe huejnca lexpats'qui li'nofquiya. Timiyi Nocutsuya jilpe:

¹¹ “Ma' ima' małPoujna, ma' ima' malanDios.

Ma' ima' jahuay nipajnya to'e'ma.

Ailopa'a cocuena całnescoyacu tołta'a, aimi'iyia.

Ima' olanc'epola' jahuay.

Al te'a ailopa'a, ma' ima' oxpic'epa ti'ıta', oxpic'epa tilanc'em'me.”

5

¹ Aixim'ma anuli al je'e ijuisquiya i'noł'ma al c'a quimane iłque Nocutsuya jilpe lexpats'qui li'nofquiya. Ihe al je'e inihingiya jilpe licu'u jouc'a lixpula', acaitsi cal sello enantsi'icoya. ² Aixim'ma anuli cal cuecaj capaluc quema'a, tipalay ujfxi, ticua: “¿Naitsi ti'i'ma tits'ał'ma lan sello, tuxpalaif'ma lunts'iquiya al je'e?” ³ Ailopa'a nots'ałya lan sello, muxpalaif'ya al je'e. Ni jilpe lema'a ni li'a łamats' ni al 'ocay camats'. ⁴ Aijoj'ma juaiconapa. Ailopa'a noxpalaif'ya al je'e mixhueya, ni mehuelojnya. Ni anuli mi'iyia. ⁵ Anuli iłniya lan tsilaj xanuc' ałpalaic'opa, ałmi: “Aimojoj'ma. Toxinłta',

jifa'a tipa'a itque teci'impá calXmu. Cal te'a hitatahuelo cuftine Judá. Itquiya Judá jouc'a itatahuelo David. Itque teci'impá calXmu joupá ulijpa. Tothta'a ti'i'ma tits'al'ma lan caitsi sello, tuxpalaif'ma lijuisquiya al je'e."

⁶ Aixim'ma anuli La'huaj Moł tecaxu jilpiya. Itque ti'onłcospa to la'huaj moł lima'ampa, litsufcompa LanDios. Tecaxu mane ehuc'ocojma lexpats'qui li'nofquiya. Lijuihuay timana' lam malujxi' lam paxi quinnejá jouc'a lan nuxans malujxi' lan tsilaj xanuc'. Itque La'huaj Moł tipa'a acaitsi lıpecala, acaitsi li'u'. Ine li'u' lan caitsi li'Espıritu LanDios, joupá ummempola' tiyele ni petsi li'a łamats'. ⁷ La'hua Moł i'hua'ma, i'noł'ma lijuisquiya al je'e, ihe li'noł'ma al c'a quimane itque Nocutsuya jilpe lexpats'qui li'nofquiya.

⁸ Lijou'ma li'nołpa al je'e La'huaj Moł, epatshuolai'me lam malujxi' lam paxi quinnejá jouc'a lan nuxans malujxi' lan tsilaj xanuc', tummoc'oyi La'hua Moł. Iniya lan tsilaj xanuc' anuli anuli tipa'a li'harpa jouc'a itaic' lıltaza lilanc'ecompa a'oro, imanna lipac'ec, ihe locuajmaispa loxahue'epa lixanuc' LanDios, iniya i'huexi LanDios. ⁹⁻¹⁰ Ine lan tsilaj xanuc' ats'e lonac'copa. Litaiqui' tuya'e':

"Ima' joupá ima'ampo', otsufcopa lojuats', o'najtsepa liłjunac' lan xanuc' ni petsi liyouyomma.

Ine lan xanuc' ituca' ituca' lıltaiqui', ituca' ituca' liłpiya', ituca' ituca' lılnación.

O'epola' ixanuc' łalanDios, itque cal Cuecaj Rey.

O'epola' a'aillı, mepi'ipola' lıłmane, ticuxeta li'a łamats'.

Toliya icueya lomane, o'nołpa lijuisquiya al je'e, ti'i'ma tots'al'ma lisello."

¹¹ Lijou'ma aixim'mola' axpela' lapaluc' quema'a. Iniya timana' canumicay lan tsilaj xanuc' petsi al canumicaica lam paxi quinnejá, iniya linnejá tecaxhuolanna lam malpu' qui'esquina lexpats'qui li'nofquiya. Tothta'a lexpats'qui li'nofquiya lopa'a nolojmay jahuay iniya. Axpela' axpela' iniya lapaluc' quema'a nomana' jilpiya. Aimı'ıya moxhuej'meyacola'. Aicuej'ma tipalquinni. ¹² Tipalaiyi ujfxi, ticuayi:

"La'hua Moł, itque ima'ampa, itsufcompa, małque ti'i'ma tepenuf'ma lał'alabanza.

Itque nipajnya ti'e'ma jahuay, jahuay i'hueca, ailopa'a cahue'epa,

xonca acueca' lipicuejma', ailopa'a nolijya tołta'a.

Itque xonca ipujfxi, xonca timetsaicom'me,

timetsaicoyi al Cueca' Xonca.

Itque ma' anDios.

jAłs'najtsi'ıle!"

13 Lijou'ma aicuej'mola' tipalquinni jahuary ts'ihmafi' lilanc'epola' LanDios. Ihniya nomana' lema'a, nomana' li'a lamats', nomana' al 'ocay lamats', nomana' laja. Ni petsi ticuayi: "Aks'najtsi'ife ihque Nocutsuya lexpats'qui li'nofquiya, alimet-saicole cal Cueva' Xonca.

Ihque ma' anDios, jahuary ticuxe.

Ma' anuli aks'najtsi'ife La'hua Moł.

Tijauhuamlaicota litine tołta'a ti'ila'."

14 Lam malujxi' lam paxi quinneja ticuayi: "Tołta'a ti'ila'. Amén."

Lan tsilaj xanuc' exc'onłingołai'me, tummoc'oyi Nocutsuya lexpats'qui li'nofquiya, jouc'a tummoc'oyi La'hua Moł.

6

1 Iya' cahuelonge, aixim'ma La'hua Moł lits'ał'ma anuli ihniya lan caitsi sello. Aicuej'ma tipalay anuli ihne lam malujxi' lam paxi quinneja, tocomma to muna'a'ma. Ticua: "iTo'huanni!"

2 Lijou'ma aixim'ma joupa icuai'ma anuli cal fujca caihuala. Locutsafya laihuala i'noli lomf'ants'. Epi'im'me licorona, ipanni tulijcale. Linca ti'hua tulijcalecona'ma.

3 La'hua Moł lits'ałcona'ma locuena sello, aicuej'ma tipalay locuena ihne lam malujxi' lam paxi quinneja. Ticua: "iTo'huanni!"

4 Icuai'ma locuena caihuala. Ihque laihuala ma' unxali. Ihque locutsafya epi'im'me limane ti'e'ma tifulele lan xanuc' nomana' li'a lamats', tima'a'mołtsi anuli anuli. Epi'im'me juaiconapa itoqui licutsilo.

5 Lijou'ma La'hua Moł its'ałcona'ma locuena sello. Tołta'a i'ipa afane' lan sello lits'ałpola'. Aicuej'ma tipalay locuena ihne lam malujxi' lam paxi quinneja. Ticua: "iTo'huanni!"

Aixim'ma icuai'ma łumi caihuala. Ihque locutsafya laihuala i'noli calxpicołma. 6 Aicuej'ma tocomma tipalquinni jilpe nolojmay pe lomana' ihne lam malujxi' lam paxi quinneja. Ticuayi: "Linca ti'i'mola' huata cal trigo, lan cebada. Tiłof'ma liłpitali. Anuli kilo cal trigo lipitali lolijpa anuli quitine cal xans. Afane' kilo lan cebada lipitali lolijpa anuli quitine cal xans. Timanecu lan oliva laipamma caceite, jouc'a lan 'uva laipamma al vino. Ihniya aimomints'e'mola'."

7 Lijou'ma La'hua Moł its'ałcona'ma locuena sello. Tołta'a i'ipa amalpu' lan sello lits'ałpola'. Aicuej'ma tipalay locuena quinneja, ticua: "iTo'huanni!"

8 Aixim'ma icuai'ma łefouc'o laihuala. Tocomma ailopa'a qui-juats'. Ihque locutsafya laihuala lipuftine Lamaya. Ihuequi anuli cuftine Hades. (Tołta'a lecu'i'imp'a jilpe pe lomana' lamizhua.)

Ihque locutsafya laihuala epi'im'me limane ticuxe'ma hualca li'a lamats'. Petsi petsi ticuxe'ma hualca. Ni petsi locuxeya

ihque tima'a'mola' lan xanuc'. Hualca tima'aco'mola' acutsilo. Hualca tima'aco'mola' cumemma. Hualca tima'aco'mola' al cuana. Locuenaye tima'a'me lan ximalo quinneja.

⁹ La'hua Moł its'alcona'ma locuenaj sello. Tołta'a i'ipa amaque' lan sello lits'alpola'. Aixim'mola' lił'alma lapimaye nimanapola'. Iñiya nepenufpá litaiqui' LanDios, uya'a'me, ihuej'me ihe lataiqui'. Toliya ixtuc'om'mola', ima'am'mola'. Iñiya lił'alma timana' al 'ocay jilpe al altar. Ihe al altar ti'onłcospa to al altar petsi titsufcoyi LanDios. ¹⁰ Iñiya tija'ayi ujfxi, ticuis'eyi, timiyi LanDios: "Ima' małPoujna, illanc' omozó. Ima' umPaxi, ima' unLinca, aimofel'miyale. ¿Te ti'hua ticol'mo'? ¿Te aimal—linc'iyaconga'? ¿Te aimotel'miyacola' iñe nałma'aponga'? Iñe jouc'a lił'as xanuc' nomana' li'a łamats', ma' anuli lił'ejma'."

¹¹ Anuli anuli iñiya nopalaipá tołta'a, umim'mola' afujca liłpijahua'. Timila': "Tehue'e' huata. Ti'hua tulunxajle. Tixhuai'ni'mola' lołpimaye, iñiya jouc'a imozó LanDios liłPoujna. Iñiya jouc'a tima'am'mola'. Tijouła' tima'antsola' linca cateł'mi'mola' iñe ninma'ahualepá, jouc'a iñiya nima'apolhuo' imanc'."

¹² Aixim'ma La'hua Moł its'alcona'ma locuena sello. Tołta'a i'ipa acamts'us lan sello lits'alpola'. Ife'ne'ma acueca' cunanto. Cal 'ora i'i'ma umi umi, tocomma to lijahua' mipo'noyi nohuotsopá. Litojpa mut'ła i'i'ma cunxali to lajuats'. ¹³ Lan xamna nomana' lema'a ecangolenca łamats'. Ihe li'ipola' lan xamna ti'onłcospa to lo'iya li'as 'icux mi'hua'ma ujfxi cahua', tife'ne łimané al 'ec, łaxhuaica qui'as tecangolecu. ¹⁴ Lema'a ijuis'moxi to anuli al je'e, ijuisquim'me, ejac'e'moxi. Lijualay jouc'a łamats' isla, jahuary iñiya iłonc'em'me. Ailopa'a quipaneya pe lopa'a al te'a. ¹⁵ Li'ipa tołta'a jahuary lan xanuc' inulna'me. Emi'mołtsi lunts'ejay, jouc'a emi'mołtsi lijualay pe lopa'a lan tsilaj capic'. Iñe lan xanuc', ja'ni lan rey nocuxepá fa'a li'a łamats', ja'ni lan tsilaj xanuc', ja'ni lan tsilaj soldado nocuxepá lił'as soldado, ja'ni lan xanuc' ts'il'hueca acueca', ja'ni acueca' quiłpujfxi, ja'ni notahuaicopá tipa'a liłpoujnalá, ja'ni ailopa'a quiłpoujna, jahuary ma' anuli emi'mołtsi. ¹⁶ Tipalaic'oyi lijualay jouc'a lan tsilaj capic', timiyi: "Tonlacangolenca, alamitsonga'. Aimalsim'monga' ihque Nocutsuya jilpe lexpats'qui li'nof'quiya. Aimalteł'mi'monga' La'hua Moł. Ihque ixtunni. ¹⁷ Joupa icuai'ma al Cuecaj Quitine. Iñe nulemma timuj'me liłpoyac'. ¿Te naitsi noxnet'lya?"

7

¹ Lijou'ma aixim'mola' amalujxi' lapaluc' quema'a tecaxolanna jilpe lam malpu' quiju' łamats'. Iñiya tipa'neyi łahua', aimitsufai'ma ni anuli quiju' łamats'. Aimi'hua'ma

cahua' lamats'. Aimi'hua'ma cahua' laja. Aimi'hua'ma, aimifenna ni anuli al 'ec. ² Aixim'ma icuaico'ma ocuena capaluc quema'a. Itque tif'aqui pe laipammaiyomma cal 'ora. Itaic' lisello Limafi' CanDios. Tijoc'ila' lam malujxi' capaluc' quema'a, iñiya petsi joupa epenufpá liñmane timints'ele lamats', jouc'a timints'ele lopa'a jilpiya. Timints'ele laja jouc'a lopa'a jilpiya. Tipalaic'ola' ujfxi, ³ timila': "To'l'huaicole. Aimomints'e'me lamats' ni lopa'a jilpiya. Aimomints'e'me ni anuli al 'ec. Ate'a lunanc'i'mola' cal sello hilepali iñiya no'epá lipenic' LanDios, itque liPoujna. Tijoula' toltel'mi'mola' locuenaye xanuc'."

⁴ Lijou'ma aicuej'ma tojua mimana' iñiya nepenufpá cal sello. Ixhuaitisola' amaxnuj oquej nuxans malujxij mil lan xanuc'. Liñtatahueló iñiya inaxque' cal xans Israel. ⁵ Iñiya lunanc'impola' quilsello, limbamaj coquej mil iñe liñtatahuelo cuftine Judá. Locuenaye imbamaj coquej mil liñtatahuelo cuftine Rubén. Locuenaye imbamaj coquej mil liñtatahuelo cuftine Gad. ⁶ Locuenaye imbamaj coquej mil liñtatahuelo cuftine Aser. Locuenaye imbamaj coquej mil liñtatahuelo cuftine Neftalí. Locuenaye imbamaj coquej mil liñtatahuelo cuftine Manasés. ⁷ Locuenaye imbamaj coquej mil liñtatahuelo cuftine Simeón. Locuenaye imbamaj coquej mil liñtatahuelo cuftine Leví. Locuenaye imbamaj coquej mil liñtatahuelo cuftine Isacar. ⁸ Locuenaye imbamaj coquej mil liñtatahuelo cuftine Zabulón. Locuenaye imbamaj coquej mil liñtatahuelo cuftine José. Locuenaye imbamaj coquej mil liñtatahuelo cuftine Benjamín.

⁹ Lijou'ma aixim'mola' axpela' lan xanuc' efoya jilpiya. Axpela' juaiconapa, aimi'iya moxhuej'meyacola'. Iñiya quiyouyomma jahuay lan nación lomana' li'a lamats', jahuay liñelofya'. Ituca' ituca' liñtatahueló, ituca' ituca' liñtaiqui'. Iñiya tecaxingolanna tehuelojnyi lexpats'qui li'nofquiya, tehuelojnyi La'huañ Moñ. Afujca itoqui liñpijaha', iñ'noñ liñxanghue. ¹⁰ Tipalayi ujfxi, ticuayi:

"LanDios, Nocutsuya jilpe lexpats'qui li'nofquiya, jouc'a La'hua Moñ, ma' iñiya alunlu'eponga'."

¹¹ Jilpe lexpats'qui li'nofquiya, canumicay, timana' jahuay lapaluc' quema'a jouc'a lan tsilaj xanuc', jouc'a lam malujxi' lam paxi quinnejá. Iñiya ixpats'coñenca ilimetsaijma LanDios. ¹² Ticuayi:

"Tołta'a ti'ila', amén.

Ma' łalanDios limetsaico'me cal Cueca', ma' itque ałmi'me:

'Ima' oxina' jahuay, ima' malanDios, ałs'najtsi'ihuo',

ima' unCueca' Xonca, jahuay ti'i'ma to'e'ma, ima' xonca opu-
jfxi, ima' aimopai'iyoxi.

Itsiya litine jouc'a locuaicoya quitine, tołta'a mopa'a.'

Tołta'a ti'ila', amén."

¹³ Anuli ihne lan tsilaj xanuc' alicuis'epa, ałmi: "Ihniya lan xanuc' afujca itoqui liłpijahua', ¿naitsi ihne? ¿Petsi quiyoyomma?" ¹⁴ Aitalai'e'e'ma, cami: "Maipoujna, ima' oxina". Iłque ałmi'ma: "Ihniya lipalyomma al cueca' catełcoya. Epajcopa liłpijahua' lijuats' lixcuajaipa La'huaaj Moł. Tołta'a i'ipa afujca liłpijahua', aicunxalaic'.

¹⁵ "Toliya itsiya tecaxingołanna tehuelojnyi lexpats'qui li'nofquiya pe łocutsuya ŁanDios.

Ihne itine ipuqui' ti'eyi lipenic' ŁanDios jilpe lipaxi quejut'ł.

Timanecu anuli ŁanDios, iłque Nocutsuya li'nofquiya, iłque ti'hua ti'e'mola' cuenna.

¹⁶ Aimunle'econayacu, aimicuiconaya quiłja'.

Cal'ora aimipi'econayacola', aimixinyacu ni tołta'a quinu'.

¹⁷ La'hua Moł, iłque Nopa'a nolojmay laquiju' lexpats'qui li'nofquiya,

iłque ti'e'mola' cuenna, tixinnola' to imot'ł, iłque iłPoujna.

Tileco'mola' petsi laipayomma laja', ihya laja' tepi'ila' liłpitine aimijouya.

ŁanDios tetufc'ena'mola' lilujay ihne lixanuc', aimiojconayacu."

8

¹ La'huaaj Moł its'ałcona'ma lijoujma sello. Joupa its'ałpola' lan caitsi sello. Lijou'ma jilpiya lema'a i-ch'ixco'mola'. Icoł'ma to nolojmay 'hora. ² Aixim'mola' acaitsi lapaluc' quema'a. Ihniya tecaxołanna tehuelojnyi jilpe pe lopa'a ŁanDios. Ini'im'mola' acaitsi liłtrompeta. Anuli anuli i'nołi litrompeta. ³ Icuaiyunni ocuena capaluc quema'a. Ecaxingai'ma jilpe al altar pe lopi'eyompa lipac'ec. Ite al altar ehuoc'ocojma lexpats'qui li'nof'quiya. Łapaluc quema'a i'nołi lopi'ecompa lipac'ec, lilanc'ecompa a'oro. Epi'im'me acuecaj lipac'ec. Lepi'im'me tipi'eła' ma mixa'hueyi ŁanDios ihniya i'huexi. Ihne noxa'huepá, liłtaiquí ihniya jouc'a lipac'ec łopipa, tif'ajyomma jilpe al altar lilanc'ecompa a'oro. ⁴ Łapaluc quema'a mejuaf'i'ma lipac'ec licuxis tif'aqui, jouc'a tif'aqui liłtaiquí lixanuc' ŁanDios, ihne noxa'huepá. ⁵ Lijou'ma łapaluc quema'a i'noł'ma lopi'ecompa lipac'ec, ima'ne'ma cunsuac' lopa'a jilpe al altar, eca'ni'ma jilta'a lunsuac', ecangołenca łamats'. Lijou'ma tunalequi, tija'anni, tuxcuafi, ife'ne'ma inu'ma łunanto.

⁶ Lan caitsi lapaluc' quema'a, ihniya petsi anuli anuli tipa'a liłtrompeta, i'noł'me liłtrompeta, tuna'me lan caitsi. ⁷ Cal te'a łapaluc quema'a tunay litrompeta. Iyuj'ma hi'ay cacui, jouc'a łunga ihuants'i cajuats'. Iłque hi'ay cacui iteł'mi'ma łamats'.

Łamats' jouc'a cal 'ec' etełnufila' afane'. Anuli ipina'ma, tipanemma oque'. Laixhuaica pajac ipina'ma.

⁸ Łocuenaj łapaluc quema'a tunay litrompeta. Tocomma to anuli hijuala lonajpa i'nijm'maitsi łaja. Tołta'a anuli parte łaja i'i'ma cajuats', oquej parte a'i.

⁹ Jilpe łaja ts'ihmaf'i' nomana' jilpe łajuats' caja imana'mola'. Nomana' jilpe al c'a caja timanemma ihmaf'i'. Ma tołta'a ejac'pola' lan tsilaj barco lomana' łaja.

¹⁰ Łocuena łapaluc quema'a tunay litrompeta. Joupa i'ipa afantsi nunapa. Anuli cal cuecaj xamna ecangenni lema'a. Iłque cal xamna tunaqui, tocomma oli, ecangaf'caita cal panay jouc'a petsi laipayomma łajay. Tipa'a petsi licajm'maitsi, petsi a'i. (Tołta'a ja'ni anuli al pana' ixim'ma lonajpa, timanemma oque' cal panay petsi aikuixim'me tołta'a.) ¹¹ Iłque cal xamna cuftine Acuaj Ajenjo. (Ła'hua c'ec ajenjo, ihque acuá juaiconapa.) Ni petsi lecangaf'caita lonajpa cal xamna, łaja' i'ipa acuá to ajenjo. Lan xanuc' lixna'me al cua caja' imana'mola'.

¹² Łocuenaj łapaluc quema'a tunay litrompeta. Joupa i'ipa amaluxji' nunapa. Luna'apa litrompeta iminscom'mola' cal 'ora, cal mut'ła, lan xamna. Cal 'ora tocomma etełnufila' afane', anuli aiquepalc'o'. Jouc'a cal mut'ła etełnufila' afane'. Anuli aiquepalc'o', oque' epalc'ola'. Jouc'a lan xamna, ja'ni anuli aiquepalc'o' oque' ti'hua tepalc'ola'. Tołta'a ma micoli litine amalpuj hora i'ipa pangay muf. Ma' anuli lipuqui'. Tipa'a amalpuj hora joupa imufc'opa, aiquepalc'ola' cal mut'ła ni lan xamna.

¹³ Lijou'ma aixim'ma anuli cal cui tiyu lema'a. Tiyu malpe pe lo'iyoya cal 'ora menac'o. Aicuejpa loya'apa, ticua: "Aijc'a lo'iya, aijc'a lo'iya, aijc'a lo'iya. Linca acuanuc'ła lan xanuc' nomana' li'a łamats'. Muna'me litrompeta locuenaye lam fantsi łapaluc' quema'a acueca' juaiconapa lo'eyacola' lan xanuc', acueca' titelco'me."

9

¹ Łocuena łapaluc quema'a tunay litrompeta. Joupa i'ipa amajxi' nunapá. Aiximpa anuli cal xamna joupa ecangeyomma lema'a icuai'ma li'a łamats'. Iłque cal xamna epi'impá liyahui al cuecaj pu'hua cuftine al Abismo. Jilpiya timana' lontahue. ² Exi'e'ma al cuecaj pu'hua. Lijoupa lexi'epa tif'aqui hipicuxis ti'onłcospa to hipicuxis al cueca' capa. Iłque hicuxis tipa'ne cal 'ora, imufc'o' li'a łamats'. ³ Malpe hicuxis tipalumma lan xa'mut'ł. Ni petsi li'a łamats' icuaiyunca ihniya lan xa'mut'ł. Epi'impola' liłmane ti'ełe to lo'epa linnaispo lomana' li'a łamats'. ⁴ U'im'mola': "Ma le'a tołtel'mitsola' lan

xanuc' petsi aiquiltaic' hilepali lisello ŁanDios. Al pajac, jouc'a laxhuaica lilapola, jouc'a cal ec', aimotet'mi'mola' ihna'a."

⁵ Tołta'a ihniya lan xa'mut'l' epi'impola' litmane titeł'mite lan xanuc' petsi aiquiltaic' hilepali lisello ŁanDios. Lan xa'mut'l' aimima'a'me, ma titeł'mi'me. Amaque' mut'ła ti'hua titeł'mi'me lan xanuc', tummi'i'me hłpitac'. Anuli anuli ihniya lipitac tumlej'ma to lipumla lipitac linnaispo. ⁶ Ihniya litiné lan xanuc' notelcopá tołta'a tehue'me te co'iya mimayacola'. Aimixinyacu. Aimi'iya mimayacola'.

⁷ Ihniya lan xa'mut'l' ti'onłcospola' to laihuale joupa itats'empola' tiye'me lafuleya. Iłtaic' hłjuac tocomma acorona lilanc'ecompa a'oro. Lit'a ti'onłcospa to li'a cal xans. ⁸ Litjuac ti'onłcospa to hłjuac lacał'no', hł'ay ti'onłcospa to li'ay calxmu. ⁹ Iłtaic' hłcoraza tocomma to lilanc'ecompa atejma'. Litxala' tuna'e' to lona'apa axpej carro minul'me, to mexat'hu'me laihuale tinulyi tifuleta. ¹⁰ Tipa'a hłpo ti'onłcospa to lipo linnaispo, itaic' lipitac titeł'mico'me lan xanuc'. Ti'hua titeł'mi'me lan xanuc' amaquej mut'ła. ¹¹ Tipa'a hłrey ticuxela'. Iłque epaluc al cuecaj pu'hua. Lipuftine ataiqui' hebreo ticua: Abadón. Ataiqui' griego ticua: Apolión. Iłe laftine lohualquemma tuya'e': Iłque tejac'eyale.

¹² Tołta'a litelcopa lan xanuc' lunapa litrompeta łapaluc quema'a, iłque cal majxi. Tehue'e' locuenaye oquexi' łapaluc' quema'a tunale litrompeta, titełcocona'me lan xanuc'.

¹³ Locuena łapaluc quema'a tunay litrompeta. Joupa i'ipa acamts'us nunapá. Aicuej'ma tipalquinni. Iłe lataiqui' qui'huayomma jilpe lam malpu' liju' al altar lilanc'ecompa a'oro, ihniya al altar ehuoc'ocojma pe lopa'a ŁanDios. ¹⁴ Tipalaic'o łapaluc quema'a ts'i'nohi litrompeta, iłque cal camts'us, timi: "Tox'mastsola' lam malujxi' capaluc' quema'a ihne lifingohila' jilpe al cuecaj pana' cuftine Éufrates".

¹⁵ ŁanDios joupa ixpic'epa tej hora, te quitine, te mut'ła, te camats' tux'mas'mola' ihniya łapaluc' quema'a. Ihne ti'huaicoyi. Itsiya joupa ixhuaita al 'hora. Ux'masquim'mola' tima'antsola' lan xanuc'. Aimima'anyacola' jahuay. Petsi tima'a'me anuli timanecu ts'ihmaf'i' oquexi'. ¹⁶ Ihne łapaluc' quema'a timana' hłsoldado ilenafcolaic' laihuale. Uya'am'me tojua mimana', aicuej'ma. Timana' oquej maxnu millón.

¹⁷ Tołta'a lałmuc'ipa ŁanDios. Aixim'mola' laihuale jouc'a nocutsafcolanna. Ihniya ihjojma hłcoraza. Timana' hłjojma hłcoraza unxali to łunga, jouc'a petsi hłjojma umi azul, jouc'a hłjojma ata'enca to łazufre. Litjuac laihuale toco'ma to hłjuac lanxmuhua. Litco tipamma cunga, quicuxis, jouc'a łazufre. ¹⁸ Iłe laipayomma hłco laihuale, ihniya łunga, hıcuxis jouc'a łazufre ima'a'mola' lan xanuc'. Pe lima'am'me anuli timanecu

oquexi' ts'ilmafi'. ¹⁹ Iñiya laihuale liŋpo tipa'a lijuac to lijuac lainofaŋ. Iñe lijuac tipa'a liŋco ticaconna' lan xanuc'. Toŋta'a acueca' lo'epa iña'a liŋco quiŋpo, titeŋ'miyaley i juaiconapa.

²⁰ Lan xanuc' lomanemma ts'ilmafi', iñiya petsi aikuima'ala' lunga ni licuxis ni lazufre, iñiya aikuilsuej'meya li'epa. Aiquilnesqui: "Aŋ'epa a'ijc'a. Aŋanc'epola' lalandiosla'." Iñe lan xanuc' ti'hua tihuejyi lontahue. Ti'hua texc'onŋingota'iyi landiosla' lilanc'ecompola' a'oro, aplata, abronce, apic o a'ec. Iña'a lacui'impola' landiosla' aimi'ya mixinyacu, aimi'ya miquimf'eyacu, aimi'ya miyeyacu. ²¹ Jouc'a ti'hua tima'ahualeyi, ti'hua tilotsocoyoltsi, ti'hua tehueyi quilecaŋ'no', ti'hua tinantseyi. Iñe aikuilsuej'meya li'epa toŋta'a.

10

¹ Aixim'ma ocuena capaluc quema'a, xonca ipujfxi, timuyomma lema'a. Iju'icoya cummahuay. Tipo'nof'ya lijuac anuli lupaje. Li'a ti'onŋcospa to cal 'ora tunts'ifqui. Li'mitsi' tocomma to lipaŋ cunga to munaj'ma al puc'o c'ec. ² I'noŋi limane to la'hua je'e uxmalaiŋ'quiya. Al c'a camane li'mis tecaxc'o ŋaja, lipoxa camane qui'mis tecaxu ŋamats'. ³ Ipalai'ma ujfxi tocomma to mija'a'ma calxmu. Lipalai'ma jouc'a una'a'mola' lan caitsi quetumi. ⁴ Luna'apola' lan caitsi quetumi coŋa' quiniŋ'ma loya'apa iñiya. Aicaininiŋi. Aicuej'ma tipalay anuli nopa'a lema'a. Aŋmi: "Aimainiŋijm'ma linespa lan caitsi letumi. Aimo'itola' lan xanuc'."

⁵ Lijou'ma ŋapaluc quema'a, maŋque ŋaiximpa tecaxc'o ŋaja tecaxu ŋamats', i'nif'ma al toncay al c'a quimane, enas'ma lema'a. ⁶ Icuaj'mi'ma lipuftine ŋimafi' CanDios, iŋque aimi-maya, maŋque Nilanc'epa lema'a y jahuay lopa'a ŋiŋpiya. Jouc'a ilanc'epa li'a ŋamats', ŋaja y jahuay lopa'a. Ticua ŋapaluc quema'a: "Aimicoŋconaya. ⁷ Ai'a tuna'a'ma litrompeta ŋijoujma capaluc quema'a, iŋque cal caitsi, ti'i'ma to loya'apa lemiya cataiqui' iñe lonescopa lixpica'epa ŋanDios. Iñe lataiqui' ŋanDios joupa u'ipola' liprofeta, iñiya no'epá lipenic' iŋque ŋiŋPoujna."

⁸ Iŋque tipalay ŋiŋpe lema'a joupa aicuej'ma tipalqui. Maŋque aŋpalaic'oconapa, aŋmi: "To'huala'. To'noŋta al je'e loxmalaiŋ'quiya ŋiŋpe limane ŋapaluc quema'a, iŋque tecaxc'o ŋaja tecaxu ŋamats'." ⁹ Ai'huahuo'ma. Cacuaitsi pe lopa'a ŋapaluc quema'a, cami: "Aŋni'ita' la'hua je'e". Aŋmi: "To'noŋta', totela'. Moteja toxim'ma ani'i to al cjuua. Ticuaitsi locu'u ti'i'ma acuá." ¹⁰ Ai'noŋ'ma la'huaj je'e lopa'a limane ŋapaluc quema'a. Ai'nico'ma laico, aite'ma. Laico i'i'ma ani'i to al cjuua. Lijou'ma lainuc'ma laicu'u i'i'ma acuá. ¹¹ Lijou'ma aŋmim'ma: "Toya'acona'ma loxpica'epa ŋanDios. Tonesco'mola'

lan xanuc' ituca' ituca' hileloya', ituca' ituca' lihñación, ituca' ituca' lihñaiqui'. Jouc'a topalaico'mola' axpela' lan rey.”

11

¹ Ahnim'ma al jaxa to al 'ec loxpijcompa. Ałmi: “Totsahuenni. Toxpijta lipaxi quejut'l LanDios. Toxpijta jouc'a jilpe al altar lopi'eyompa lipac'ec. Toxhuej'metola' jilpiya laxc'onhingołanna.

² Lipuna jilpe lipaxi quejut'l LanDios aimoxpijta. Luna a'ij paxi, ile il'huexi locuenaye lan xanuc'. Ihniya tetets'i'me al Paxi Quiłya', ticuxenai'i'me lixanuc' ile liłya' oquej nuxans coquej mut'ła. ³ Oquexi' laixanuc' łalpalaicopa iya', capi'i'imola' quihmane tuya'a'me laitaiqui'. Tipo'no'me lipijahua' umi. Imbamaj coquej maxnu afanej nuxans quitiné tuya'a'me al cueca' laixpic'epa ca'e'ma.”

⁴ Ihniya ti'onłcospola' to loque' lan 'ec' olivo, jouc'a ti'onłcospola' to loque' lepalc'o' lacaxołanna pe lopa'a LanDios ilque aPoujna jahuay li'a łamats'. ⁵ Ja'ni naitsi tixpic'eła' tixcai'etsola' ihniya loquexi' lan xanuc', tipahuo cunga liłco, ilque łunga tima'a'ma no'eya lixcay. Tołta'a titeł'mim'mola', tima'am'mola' petsi naixtuc'opá. ⁶ Ihniya loquexi' lan xanuc' epi'impola' lihmane teti'i'me lema'a, aimicuiconaya. Litiné muya'ayi ihniya lixplic'epa LanDios, muya'ayi lo'eya, jahuay ihne litiné aimicuiconaya. Jouc'a epi'impola' lihmane tipai'ile laja', ti'ila'ajuats'. Jouc'a titeł'mile łamats', tepi'inle ni tintsicuana. Ihniya, litine tixpic'ele ti'ele tołta'a, ti'i'ma ti'e'me, tijouła' ti'econa'me.

⁷ Ihniya loquexi' nopalaicopá Jesucristo, tijou'neła' loya'apa ticuaihuo cal Cuecaj Quinneja łaipayomma al cuecaj pu'hua lacui'impá al Abismo. He linneja tifule'ma, tulij'mola', tima'a'mola'. ⁸ Liłcuerpo timanecu jilpe łaneya al Cuecaj Quiłya'. Jilpe liłya' jouc'a tecui'inni liłya' Sodoma, o łamats' Egipto. Lixanuc' lił'ejma' ti'onłcospa to lił'ejma' lan xanuc' nimajmpá liłya' Sodoma jouc'a łamats' Egipto. Małpiya liłya' jouc'a ima'a'me łalPoujna, epałts'ijmpa lancruz. ⁹ Jilpiya timana' lan xanuc' quiyoyomma ni petsi li'a łamats', ituca' ituca' lihñatahueló, ituca' ituca' lihñaiqui', ituca' ituca' lihñación. Ihniya lan xanuc' afane' quitine y onłca tehuelojny i ihniya nomapola'. Ticua: “Aimalapi'iyacola' lane meminyacola”. ¹⁰ Lan xanuc' nomana' li'a łamats' tixoc'iyoltsi quileta. Ti'eyi liłjuic, tepi'iyoltsi. Ticuayi: “Joupa imapola' ihniya loquexi' lam profeta. Aimalteł'miconayaconga'. Aimalmiconayaconga': Tołta'a lixplic'epa LanDios.”

¹¹ Tijoutsu lam fane' quitine y onłca LanDios imaf'i'ina'mola' ihne loquexi' nomapola', ecaxołcona'me. Petsi nehuelojmpá ixpailij'mola' juaiconapa. ¹² Ihne loquexi' limaf'i'inapola'

icuej'me tipalay ujfxi pu'hua lema'a, timila': "Tołf'ajcunca fa'a". Ma mehuelojnyi naixtulepá anuli lummahuay if'ac'e'mola' lema'a. ¹³ Małe 'hora inu'ma acueca' cunanto. Etełnufipa liya' imbama'. Anuli ecangenni. Iłque łunanto ima'a'mola' acaitsij mil lan xanuc'. Petsi nomanemma ts'ihmaf'i' ihniya ixpailij'mola' juaiconapa. Imetsaicoco'me ma' acueca' ŁanDios Nopa'a lema'a. ¹⁴ Tołta'a litełcopa lan xanuc' luna'apa litrompeta łocuena łapaluc quema'a, iłque cal camts'us. Tehue'e' łocuena'ya łapaluc quema'a tuna'ałá' litrompeta, titełcocona'me lan xanuc'. Ie lo'iya aimicołya.

¹⁵ Łocuena łapaluc quema'a tunay litrompeta, iłque cal caitsi. Jiłpe lema'a tipalaiyinni ujfxi, ticuayi:

"Itsiya i'ipa, itsiya łalanDios y łiCristo ticuxeyi jahuay li'a lamats'.

Cristo ti'hua ticuxe'ma, aimijouya locuxeya."

¹⁶ Lan nuxans malujxi' lan tsilaj xanuc' nomana' lehuoc'ocojma ŁanDios ticutsołanna. Anuli anuli ticutsu lipexpats'qui li'nofquiya, jahuay ihniya ixpats'olai'me, imetsaico'me ŁanDios cal Cueca' Xonca. ¹⁷ Timiyi:

"Ima' manDios, ima' małPoujna, ima' xonca uncueca', tocuxe jahuay.

Ima' ma' itsiya topa'a, topa'a li'ipa.

Itsiya ałs'najtsi'ihuo', ima' ałmuc'iponga' acueca' lomane, tocuxe jahuay.

¹⁸ Lan xanuc' pe aikuimetsaicohuo' tixtuc'ohuo', icuai'ma litine toteł'mi'mola'.

Limanapola' tefot'le'mołtsi pe lołpa'a ima' iłJuez, tepi'i'mola' liłjunac'.

Jouc'a lam profeta ihne ni'epá lopenic' ima' ihPoujna, tapi'i'mola' lolijyacu.

Ma' anuli tapi'i'mola' loxanuc' ihne o'huexi ima', małne petsi naihuejcopo' tapi'i'mola' lolijyacu.

Ja'ni lan tsocay, ja'ni lan tsilaj xanuc', tapi'i'mola' lolijyacu.

Petsi netełpa łamats' toteł'mi'mola' tejac'em'mola'."

¹⁹ Exi'em'me al Paxi Lugar pu'hua lema'a pe lopa'a ŁanDios. I'huáqui jiłpiya al caxax. Jiłpe al caxax ipo'nompa lapić' linilingiya lataiqui' lixpici'epa ŁanDios lo'eyacu lixanuc'. Małe 'hora ipango'ma tixcaflay, iquimf'em'me tipalquinni, tunalequi. Inu'ma łunanto. Juaiconapa icui'ma qui'ay cacui.

12

¹ Lijou'ma i'huájtsi jiłpe lema'a acueca' y axpaiqui'. Jiłpe imaxcaita anuli łaca'no', ijui'icoya lipepał cal 'ora. Cal mut'ła tipa'a al 'ocay li'mitsi'. Łijuac tipa'a licorona imbamaj coque' lan xamna. ² Innay łaca'no'. Joupa tumlec'o, tipo'no'ma łi'hua. Tija'e'. ³ Lijou'ma i'huájtsi jiłpe lema'a ocuena'ya acueca'

caxpaiqui'. Ipiya tipa'a anuli cal cuecaj coyac' quinneja to cal cuecaj caimu. Tipa'a hixala'. Linneja cuftine cal Dragón. Iique cal dragón unxali to lunga. Tipa'a acaitsi lijuac, imbama' hipecala'. Lijuac tipa'a acaitsi lan tsoyay quicorona. ⁴ Lipo texat'lucola' lan xamna nomana' lema'a. Afantsi lan xamna texat'uhua anuli. Teca'nila' lamats'.

Cal dragón ecaxingai'ma laca'no' nopo'noya qui'hua. Tipajntsi hi'hua tite'ma. ⁵ Laca'no' umof'ma. Ipajntsi hi'hua amicano. Iique ticuxe'mola' lan xanuc' nomana' li'a lamats'. Ipujfxi ticuxe'mola'.

Li'hua laca'no' exic'e'empa, ilecom'me al toncay lema'a pe lopa'a LanDios, ilecom'me jilpe pe lopa'a lexpats'qui li'nof'quiya. ⁶ Laca'no' inu'ma pe ailopa'a quilya'. Jilpe LanDios lilanc'epa lopanc'eya. Tipajnta imbamaj coque maxnu afanej nuxans quitine. Jilpe tites'minna.

⁷ Lijou'ma jilpe lema'a aixim'ma lipango'ma al cuecaj cauleya. Cal cuecaj capaluc quema'a cuftine Miguel y lif'as capaluc' quema'a jouc'a cal dragón y lipontahue tifuli'iyotsti.

⁸ Cal dragón y lipontahue ailopa'a quipujfxi, aiculij'me. Ipiya lema'a aimimajnconayacu. ⁹ Ipa'am'me jilpiya cal cuecaj dragón, lainofal nopa'a al te'a. Iique tecui'impa loque' lipuftine: Lonta'a, jouc'a Satanás. Tifel'mila' lan xanuc' ni petsi nomana' li'a lamats'. Ine cal dragón y lipontahue eca'nim'mola', icuaitsa li'a lamats'. ¹⁰ Aicuej'ma tipalquinni ujfxi jilpiya lema'a, ticua:

“Itsiya linca imuj'moxi nulemma lalanDios, maique
Lalunlu'eponga', iique acueca' lo'epa, ticuxe.

Jouc'a hiCristo imuj'moxi icueya limane.

Joupa eca'nimpa lonta'a Satanás, ticufquila' lapimaye.

Ipuqui' itine tipalaic'o LanDios, ticuxecola'.

¹¹ La'huaj Moł joupa ixcuajaipa lijuats', tołta'a lapimaye joupa ulijpá.

LanDios aiqiuquimf'e lonescopola' lonta'a.

Joupa ilaitsufcola' ine nuya'apá litaiqui',

ine aiqixim'me acuanuc' lipitine, icu'motsti, ima'am'mola'.

¹² Tixojla' cunlata jahuay imanc' nolmana' lema'a, jilpiya ailopa'a lonta'a y lipontahue.

Linca ituca' lo'iyoya lamats' y laja.

Jilpiya ti'i'ma acueca' latełcoya, lonta'a joupa imumma,

juaiconapa tixtu'hua, ixina' ahuata ticol'ma.

¹³ Cal dragón liximpoxi joupa ecangemma, tipa'a li'a lamats', ipango'ma ihuejtsoj'ma laca'no', iique nipo'nopa lamicano.

¹⁴ Ipo'no'im'me laca'no' oque' hixala' to hixala' cal cuecaj cui, tiyuła' pe lopanc'eya, jilpiya pe ailopa'a quilya'. Jilpe tites'minni afanej y onłca camats'. Lainofal aimixinya.

¹⁵ Lixpula' łaca'no' inacafipa caja' łainofał, tocommma acuecaj pana', ticua: "Iłiya al pana' nulemma tinus'ma łaca'no'".
¹⁶ Łamats' itoci'ma łaca'no'. Epanni łamats', inuc'ma laja' laipamma lico łainofał. ¹⁷ Cal dragón, ixtuc'o'ma łaca'no'. I'hua'ma ehuetsole' locuenaye linaxque' łaca'no', ihne nocuec'epá locuxepa ŁanDios, tuya'ayi litaiqui' Jesús, ihuej'me ihque.

¹⁸ Cal dragón ecaxhuai'ma łema caja.

13

¹ Aixim'ma anuli cal cuecaj coyac' quinneja ipamma jilpe łaja. Tipa'a acaitsi hjuac, imbama' łipecala'. Łipecala' timana' imbama' lan tsocay corona. Anuli anuli hjuac inihingiya anuli laftine. Ihne laftine tetets'iyi ŁanDios. ² Ihque cal cuecaj coyac' quinneja łaixim'ma ti'onłcospa to cal tigre. Li'mitsi' ti'onłcospa to li'mitsi' cal oso, lico ti'onłcospa to lico calxmu. Cal dragón łacaxuya łema caja epi'i'ma acueca' quimane cal cuecaj coyac' quinneja. Tepi'i' lane ti'i'ma ti'e'ma al cueca', a'ujfxi ticuxe'ma.

³ Aixim'ma cal cuecaj coyac' quinneja anuli hjuac tocommma imac', to ima'acompa acutsilo. Lijou'ma lixcaipa ixalconapa, imaf'inapa ihya hjuac. Jahuay lan xanuc' nomana' li'a łamats' ticuayi acueca' li'ipa cal cuecaj coyac' quinneja, tihuejyi.
⁴ Texc'onłngolaiyi cal dragón, ihque łepi'ipa limane cal cuecaj coyac' quinneja. Jouc'a texc'onłngolaiyi cal cuecaj coyac' quinneja, ticuayi: "Ailopa'a co'onłcoya cal cuecaj quinneja. Aimi'iya muljyacu."

⁵ Cal cuecaj quinneja epi'im'me lane tipalaila' atsilaj cataiqui', tinesla' latets'icopa ŁanDios. Epi'impa lane ticuxe'ma oquej nuxans coque' mut'ła. ⁶ Ipango'ma inesc'e'ma ŁanDios. Tetets'i lipuftine ŁanDios, tetets'i pe lopa'a ŁanDios, tetets'ila' nomana' jilpe lema'a. ⁷ Epi'impa lane tifuli'itsola' lixanuc' ŁanDios, ihniya i'huexi ŁanDios, tulij'mola'. Epi'im'me limane ticuxetsola' jahuay locuenaye lan xanuc', ihne ituca' ituca' liłtatahueló, ituca' ituca' liłtaiqui', ituca' ituca' liłnación. ⁸ Ihniya lan xanuc' nomana' ni petsi li'a łamats' texc'onłngolai'me cal cuecaj quinneja. Ihniya petsi naxc'onłngolaiyacu liłpuftine aiqunihingiya lije'e Ła'huaj Moł. Ihque Ła'huaj Moł lilajmpa li'a łamats' tocommma to joupa ima'ampa, itsufcompa.

⁹ Naitsi nocuejpa tiquimf'ela' lataiqui' loya'apa: ¹⁰ "Ja'ni joupa ixpic'empa titats'entso' o tima'aconto' acutsilo, ma titats'enno', tima'aconno' acutsilo".

Mitelcoyi tołta'a ihne petsi i'huexi ŁanDios, ihniya timujyoltsi ti'huaiyijnyi ŁanDios, tixnet'ł'me.

¹¹ Aixim'ma ocuena cal cuecaj coyac' quinneja, tipayomma łamats'. Tipa'a oquej łipecala' to łipecala' ła'huaj moł. Tipalay to

cal dragón. ¹² Tipa'a acueca' limane to limane cal te'a' cal cuecaj coyac' quinneja. Mehuelonge cal te'a' quinneja ma' anuli lo'epa locuena. Ticuxela' nomana' li'a lamats' texc'ontingoñaihe cal te'a cal cuecaj coyac' quinneja, iñque hixalconapa hixcaipa, imaf'inapa. ¹³ Timuc'ila' lan xanuc' al cueca' lo'epa. Tijoc'i' tecangenni ñunga lema'a, ticuaiyunni lamats'. ¹⁴ Lijoupa lepi'icompá limane ti'ela' al cueca'. Toñta'a ti'ay ma mehuelonge liñas quinneja. Tifel'mila' lan xanuc' nomana' li'a lamats'. Timila': "Toñanc'ete anuli ñolandios, ti'onñcota to iñque cal cuecaj coyac' quinneja. Iñque ima'acompa acutsilo, ijou'ma imaf'ina'ma." ¹⁵ ñlanc'epá ñilendios. Lijou'ma epi'impá limane locuenaj cal coyac' quinneja timaf'i'ña' ñilendios, tipalaila', ticuxela'. Ticua: "Petsi aimexc'ontingoñaiyi cal cuecaj coyac' quinneja tima'antsola".

¹⁶ Locuena quinneja ticuxe'ela' jahuay lan xanuc' tepenufle quixseña al c'a quixmane o ñilepali. Ticuxe ti'e'entsola' jahuay lan xanuc', lan tsocay jouc'a lan tsila', petsi ts'iñ'hueca jouc'a petsi aiquiñ'hueca, petsi ailopa'a quixpoujna, ti'eyi canic' quixtuca', jouc'a lam mozó ñhe tipa'a ñipoujna. Ma' anuli ipo'ninc'e'em'mola' quixseña. ¹⁷ ñe liñseña tepi'ila' lane ti'na'me, ticuj'me. Petsi ailopa'a quixseña aimi'iya mi'najacu, aimi'iya micujyacu. ñe al seña ipuftine cal coyac' quinneja o ñinúmero.

¹⁸ ¡Toñcuc'ete! Naitsi iñque ts'ipicuejma' tixhuj'mela' ñinúmero cal cuecaj coyac' quinneja. ñe al número inúmero xans, a'i quixúmero ñanDios. Acamts'us maxnu afanej nuxans camts'us, 666, ñe ñinúmero cal cuecaj coyac' quinneja.

14

¹ Lijou'ma aixim'mola' ña'hua Moñ jouc'a anulij maxnu oquej nuxans malujxij mil lan xanuc' tecaxhuoñanna jilpe jijuala cuftine Sión. ñhe lam maxnu oquej nuxans malujxij mil lan xanuc' tinijnyya ñilepali ñtaic' lipuftine ña'huaj Moñ jouc'a lipuftine qui'Ailli'. ² Aicuej'ma jilpe lema'a petsi lonapa liñharpa. Aicuej'ma tuna'e' juaiconapa to mipahuo laja' axpe' cal panay o to muna'a'ma ñetumi. ³ ñhe petsi nonapá liñharpa timana' jilpe lehuoc'ocojma' lexpats'qui li'nof'quiya, lehuoc'ocojma' pe lomana' lam malujxi' lam paxi quinneja, lehuoc'ocojma' pe lomana' lan tsilaj xanuc'. Jilpe tunac'yi al ts'e canción, ituca'. A'i jahuay lan xanuc' miñuic'iyacu ñiya al ts'e canción. Tihuic'i'me ma le'a lam maxnu oquej nuxans malujxij mil lan xanuc', ñhe li'napola' ñanDios, i'epola' ixanuc'. ⁴ ñhe aiquixis'mecoyoñtsi, aiquilihuequi lacañ'no'. Ti'onñcospola' to lamijcanó, ma tihuejyi ña'huaj Moñ ni petsi lotseya. I'nampola', joupa ixanuc' ñanDios. Aimi'onñspola' to locuenaye lan xanuc' nomana' li'a lamats'. ñanDios jouc'a

Ła'huaj Moł epenuf'mola' to cal te'a ĩpammaita ĩtsufcompa.
 5 Ĩniya aimifel'miyaleyi. Tinesyi ma le'a al ĩnca. Ailopa'a quĩjunac'.

6 Aixim'ma anuli łapaluc quema'a tiyu małpe locuaiya cal 'ora ti'ĩta' menac'o. Ĩque tuya'e' Lataiqui' loya'apa ĩte al c'a ĩxpĩc'epa ŁanDios. Małe Lataiqui' aimĩpaicoya. Tuya'e' ticuejle jahuary lan xanuc' nomana' ni petsi li'a łamats'. Ĩne lan xanuc' ituca' ituca' ĩłnaci3n, ituca' ituca' ĩłtatahuel3, tipalaiyi ituca' ituca' ĩłtaiqui', ituca' ituca' ĩłpĩelol3ya'. 7 Łapaluc quema'a tipalay ujfxi, timila': "Imanc', tolimetsaicołe ŁanDios. Tołmĩte: Ma' ima' cotuca' manDios. Joupa icuai'ma litine, tipango'ma lipenic' cal Cuecaj Juez. Ĩque ilanc'epa lema'a, li'a łamats', łaja, jouc'a ilanc'epa laĩpayomma łajay. ĩTolaxc'onłĩngolaiłe!"

8 Ĩhuequi łocuena capaluc quema'a ticua: "Al cuecaj quĩłya' Babilonia joupa ecangemma nulemma etelquemma. ĩłıya' ti'onłcospa to ĩıxcay caca'no', tifel'mila' lan xanuc' ni petsi ĩłnaci3n. Ĩne lan xanuc' tihuejyi to łamac'ta quisnaye. ĩnca ŁanDios joupa itel'mĩpa ĩłıya'."

9-10 Tihuequi łocuena capaluc quema'a, ło'icoya afantsi. Tipalay ujfxi, ticua: "Łan xanuc' joupa exc'onłĩngolaiłpá cal cuecaj coyac' quinnejajouc'a cal imagen ĩlanc'epa lan xanuc'. Ĩque cal imagen lo'onłcospa to ĩłque ĩnnejaj. Małniya lan xanuc' nexc'onłĩngolaiłpá tołta'a ĩłtaic' ĩlepalı o ĩłłmane quĩłseña. Ĩniya a'ı muntı'enyacola'. Tixim'me ma tixtuc'ola' cal Cuecaj CanDios. Aimixinyacola' acuanuc'la. Titel'mico'mola' ipal cunga y azufre. Łam paxi capaluc' quema'a jouc'a Ła'huaj Moł tixinim'mola' mitełcoyi. Aimitoc'inyacola'. 11 Ĩpiya lotelcoyopa ĩte łunga ĩpicuxis ti'hua tif'aquí, aimĩpica łunga. Petsi notelcopá ĩłpiya aimunxajyi, ipuqui' itine ti'hua titełcoyi. Tołta'a titełco'me petsi naxc'onłĩngolaiłpá cal cuecaj coyac' quinnejaj, jouc'a naxc'onłĩngolaiłpá cal imagen, ĩłque ło'onłcospa to ĩłque ĩnnejaj. Małniya lan xanuc' epenufpá ĩłłseña, ĩte ĩnúmero cal cuecaj coyac' quinnejaj." 12 ĩnca ĩıxanuc' ŁanDios, ĩne ĩı'huexi, ituca' lo'eyacu. Ĩne tihuejcoyi locuxepa ŁanDios, ti'hua ti'huaiyijnyi Jesúš.

13 Aicuej'ma anuli tipalay jipu'hua lema'a, ałmi: "Tainĩłta' laĩfmipo': Itsiya ipangocopa tixoj'ma quileta ĩłłne ĩlimanapola' mi'huaiyijnyi łalPoujna Jesúš." Cal Espĩritu Santo ticua: "Al ĩnca locuapa. Ĩne aimi'econayacu canic'. Tunxajyi. ŁanDios ti'nujuaitsila' al c'a li'epa mĩmana' li'a łamats'."

14 Ma cahuelonge aixim'ma anuli cal fujca cummahuay. ĩłłpe łummahuay ticutsafya anuli ti'onłcospa to cal xans. Ĩpe ĩjuac itaic' ĩlicorona ilanc'ecompa a'oro. ĩłmane ĩnic' li'hoz juaiiconapa ix'ay. 15 Łocuenaj capaluc quema'a quĩpayonni al paxi quejut'ł ŁanDios. Tipalay ujfxi. ĩTĩpalaic'o łocutsafya

hummahuay, timi: “Ipe lamats' tacanc'ola' lo'hoz. Tatejla' cal trigo. Cal trigo lopa'a li'a lamats' jounpa unta'amma, ixhuaita litine cafot'leya, tatejla'.” ¹⁶ Locutsafya hummahuay tecanc'o' li'hoz, tetequi cal trigo lopa'a jilpiya li'a lamats'.

¹⁷ Ipanni locuena capaluc quema'a qui'huayomma al paxi quejut'ġ LanDios, iġe lajut'ġ lopa'a lema'a. Jouc'a inic' li'hoz juaiconapa ix'ay. ¹⁸ Locuena capaluc quema'a ipanni jilpe pe lopa'a al altar. Iġque lapaluc quema'a ticuxe ġunga. Tupalay ujfxi, tipalaic'o lif'as capaluc quema'a, iġque inic' li'hoz. Timi: “Tacanc'ola' lo'hoz, iġe ix'ay. Tatejla' ġixcala' uva lopa'a jilpe li'a lamats'. Jounpa imajpa.”

¹⁹ Lapaluc quema'a tecanc'o' li'hoz jilpe li'a lamats'. Tetequi iġne ġixcala' uva, tefot'ġe lan uva, ti'nij'mi jilpiya al cueca' lox-ojyoya, tipa'am'me liġya'. Jilpiya loxoġyoya timuj'ma lipoyac' LanDios. ²⁰ Tipa'a lema quiġya' petsi loxoġyoya lan uva. Ipe i'huailejyompa. Ipanni lajuats' to al cuecaġ pana'. Lipitoqui linu'ma iġiya lajuats' tixhuaispa anulij mil acamts'us maxnu estadio. (Iġiya al estadio loxpġcopa lan xanuc' mimana' iġniya ġitiné. Anulij mil acamts'us maxnu lan estadio tixhuaispa to oqueġ maxnu malpuġ nuxans paico lan kilómetro.) Lipiculhuo iġpe lajuats' tuntsac'aispa ġilco laiġuale.

15

¹ Aixingona'ma iġe al cueca' caxpaiqui' jilpe lema'a. Timana' acaitsi lapaluc' quema'a iġtaic' lan caitsi cateġcoya. Iġne liġoucola' lateġcoya. Tijoutsola' iġna'a lateġcoya, LanDios jounpa ixhuai'nipa lipoyac'. ² Aixim'ma tocomma to ġaja ilanc'ecompa apulu iġhuants'i' cunga. Ipe ġaja lilanc'ecompa apulu tecaxoġanna lan xanuc' nulijpá cal cuecaġ coyac' quinnejja. Iġne aiġuexc'onġingolaime cal imagen lilanc'epa lan xanuc', iġque ti'onġcospa to ġinneja. Iġne aiġuiltaic' ġuilseña. Iġe al seña inúmero cal cuecaġ coyac' quinnejja. Tuya'e' te ts'i'ic' lipuftine. Iġtaic' ġiġ'harpa lepi'ipola' LanDios. ³ Tunac'yi iġiya lunac'pa Moisés, iġque i'epa lipenic' ġiPoujna LanDios. Iġe al canción ma' anuli licanción La'huaj Moġ. Timiyi LanDios: “Acuecaġ y axpaiqui' lof'epa ima' malanDios.

Ima' maġPoujna, ima' unCuecaġ, tocuxela' jahuay lan xanuc'.

Ima' to'ay ma le'a al c'a, ma le'a al ġijca.

⁴ ¿Ja'ni tipa'a petsi aimixpaic'eyaco'?

¿Ja'ni tipa'a petsi aimixinyaco' unCuecaġ, ima' manDios?

Ailopa'a.

Linca ma' ima' cotuca' umPaxi, omujpoxi ac'a, aliġca lofx-pic'epa.

Jahuay timetsaicoco'mo', texc'onġingai'mo'.”

⁵ Lijou'ma aixim'ma jilpe lema'a exiya al Paxi Lugar pe lopa'a ÑanDios. Jilpe ti'onñcospa to li'huéc'empa lan tsilaj capic' linilingimpola' ñataiquí loya'apa locuxepa ÑanDios. ⁶ Jilpe al Paxi Lugar ipalunca acaitsi lapaluc' quema'a. Ñhe lan caitsi lapaluc' quema'a epi'impola' liñmane titeñ'mim'mola' lan xanuc'. Liñpijhua' lilanc'ecompa alino afujca, aicunxalaic'. Tipa'a ts'iñfi'ejma kilunxajma', ilanc'ecompa a'oro. ⁷ Anuli lam malujxi' lam paxi quinnejá tepi'ila' lan caitsi capaluc' quema'a quilitaza lilanc'ecompa a'oro. Ñhe lan taza imanna lipoyac' ÑanDios. Ñque Ñimaf'i' CanDios, aimimaya. (Tixcua'ate anuli anuli lan taza lan xanuc' tixim'me lipoyac' ÑanDios.) ⁸ Lipalumma lapaluc' quema'a jilpe al Paxi Lugar, ÑanDios imuj'moxi ma' anDios, imuj'moxi acueca' lo'epa. Toliya al Paxi Lugar imantsi quicuxis. Ma miteñ'minnila' lan xanuc' lan caitsi lapaluc' quema'a, aimi'iya mitsulfaiconayacu jilpe.

16

¹ Aicuej'ma tipalquinni ujfxi jilpe al Paxi Lugar. Timila' lan caitsi capaluc' quema'a: “Tonñeñe. Toluhuañe loñtazá ñhe imanna lipoyac' ÑanDios. Toñscujajitsa jilpe li'a ñamats'.”

² Cal te'a capaluc' quema'a ipanni, ixcuajajitsi ñpe ñamats'. Lan xanuc' ts'iñtaic' liseña cal cuecaj coyac' quinnejá, mañniya nexc'onñingolaipá cal imagen, ñque ti'onñcospa to ñinneja, ñniya i'i'mola' quilehui, etefca'i'itsola' quixcay cahui acueca' cumla.

³ Locuena capaluc' quema'a tixcujajay ixcua'fipa ñaja. Ñaja i'i'ma cajuats', tocomma to ñimac' xans lijuats'. Jahuay no-mana' jilpe ñaja ima'mola'.

⁴ Locuena capaluc' quema'a ixcua'mipa cal panay jouc'a laipayomma ñajay. Jilpiya cal panay y ñajay i'i'ma cajuats'.

⁵ Aicuej'ma tipalay lapaluc' quema'a nocuxepa ñajay, timi: “Ima' manDios, ima' topa'a itsiya, topa'a li'ipa.

Ima' añijca lof'epa, añijca toteñ'mila' lan xanuc'.

⁶ Ñhe nima'apá loxanuc' o'huexi.

Ima'a'me loprofeta nuya'apá lofxcpic'epa.

Ixcái'e'me loxanuc', ic'ejai'epa liñjuats'.

Ima' o'epa hijca, ñaja' jounpa ipaicopa, i'ipa cajuats'.

Ñniya tixñañe ñniya lajuats'.”

⁷ Aicuej'ma tipalquinni jilpiya al altar. Timiyi ÑanDios:

“Ima' manDios, ima' añPoujna.

Mane ac'a lof'epa, mane añijca toteñ'miyale.”

⁸ Locuena capaluc' quema'a ixcua'fipa cal 'ora. Toñta'a cal 'ora tipi'e'mola' lan xanuc' to mipi'ennila' ñunga. ⁹ I'i'ma quinu' juaiconapa, ipi'e'mola' lan xanuc', emix'mola'. Lan xanuc' inesc'e'me quixcay cataiqui' ÑanDios. Timetsaicoyi ma'

ihque ticuxe'e titef'mintsola' tofta'a. Aimiſsuej'memmas, ni mimiya LanDios: "Af'epá quixcay. Ima' manDios, ima' unCueca'."

¹⁰ Locuena capaluc quema'a, ihque cal majxi, ixcuaf'ipa pe lopa'a cal cueca' coyac' quinneja micutsuya ticuxe. Pesti locuxeyopa imufc'o'ma, i'ipa muf juaiconapa. Lan xanuc' jilpe nomana' titefcoyi juaiconapa. Aimixnet'ŷyi. Titeji hilpa.
¹¹ Tixinyi acueca' cumla, acueca' titef'mila' lilehui. Toŷiya tinesc'eyi quixcay cataiqui' LanDios. Aimiſsuej'memmas, ti'hua ti'eyi quixcay.

¹² Locuena capaluc quema'a, ihque cal camts'us, ixcuaf'ipa ihpe al cuecaj pana' cuftine Éufrates. Ixnaj'ma laja'. I'i'ma to lane. Ihiya tiye'me lan tsilaj rey naipalyomma liyuf'ma 'ora.

¹³ Lijou'ma aixim'mola' afantsi lan taŷcue. Ihiya ontahue. Anuli cal tacue ipanni lico cal dragón. Locuena ipanni lico cal cuecaj coyac' quinneja. Locuena ipanni lico cal profeta nofelŷaiquepa. (Ihque cal profeta copa'a locuena cal cuecaj coyac' quinneja.)
¹⁴ Ihe lontaŷcue ontahue. Epi'impola' liŷmane ti'ele al cueca'. Tipalummas, tiyeyi ni pesti li'a ŷamats', tefot'hela' lan rey. Ticuaitsi al Cuecaj Quitine ihe lan rey tifuli'i'me LanDios. Ma' ihque cal Cuecaj Ts'ipenic'.

¹⁵ "¡Toŷcujle! Litine aimaf'huaijmas lan xanuc' iya' cacuaihuo. Ma to micuaihuo lin-nantsepa tofta'a iya' cacuaiya. Al c'a lo'iya cal xans ja'ni ti'hua timaf'i', ja'ni aimipa'e lipijahuati. Cacuaitsi iya' tixoj'ma queta ihque. Ja'ni a'i, ja'ni tixmay, tixim'ma calaic'ata, tixinguf'moxi to amila."

¹⁶ Lontahue efot'ŷem'mola' lan rey pesti cuftine Armagedón. Tofta'a lipuftine ataiqui' hebreo.

¹⁷ Locuenaj capaluc quema'a, ihque cal caitsi, ixcuaf'ipa ŷahua'. Lijou'ma tipalquinni ujfxi jilpe al Paxi Lugar. Tipalquinni ma jilpe lexpats'qui li'nof'quiya, ticua: "Joupa ixhuaita".

¹⁸ Tixcaflay, tunalequi, tija'ayi, inu'ma acuecaj cunanto. Lan xanuc' nomana' li'a ŷamats' aiquiŷsina' ni anulemma tofta'a cunanto. ¹⁹ ŷamats' pesti lilajnyopa al cuecaj quiŷya' epanni. I'i'ma afane'. Lan tsilaj quiŷelotya' lan nación ecangenni, eteŷquenni nulemma. Ihe al cuecaj quiŷya' cuftine "Al Cuecaj Babilonia", LanDios i'nujuaitsi lixcay li'epa jilpiya. Aiquimenc'ejmas. Ticuxe'ela' lan xanuc' tixnaŷe lopa'a ihiya litaza, tixnaŷe lipoyac' LanDios. Tama aimicuayi, LanDios tixnai'i'mola'.
²⁰ Jahuay ŷamats' isla ejac'pola', aits'ihuáŷtsola' ni anuli hijuala. ²¹ Iyuj'ma acueca' qui'ay cacui. Anuli anuli li'ay cacui lipicumta oquej nuxans kilo. Ecangaf'caitsola' lan xanuc'. Ihe ixingufco'me acueca' juaiconapa ihe latefcoya, toŷiya inesc'e'me quixcay cataiqui' LanDios.

17

¹ Icuai'ma pe laifpa'a anuli lapaluc quema'a. Ique anuli ihne lan caitsi hiluhuaic' liltaza. Apalaic'o'ma, ałmi: "Łepá. Camuc'ito' lo'iya łaca'no' xonca cal xujc'a, małque nocutsafya jilpe łaja. ŁanDios titeł'mi'ma. ² Lan tsilaj rey nocuxepá li'a łamats' ihuej'me łaca'no'. Ihuej'me jouc'a lan xanuc' nomana' ni petsi li'a łamats'. Tijanaj'me juaiconapa, i'ipola' camac'ta to lisnaye."

³ Iya' i'huapa laipicuejma'. Łapaluc quema'a al'hua'e petsi ailopa'a quilya'. Ipiya aiximpa łaca'no' ticutsafya cal cuecaj coyac' quinneja. Ique linneja unxali. Jahuay licuerpo inilingiya łaftiné. Ihne łaftiné tetets'iyi ŁanDios. Tipa'a acaitsi lijuac, imbama' łipecala'. ⁴ Lipijahua' łaca'no' unxali cumi jouc'a unxali. Tipa'a lila'acoyoxi ilanc'ecompa a'oro jouc'a apic' acueca' lipitali, jouc'a aperla. Limane i'nołi anuli al taza lilanc'ecompa a'oro. Ihiya al taza imanna jahuay al xujc'a, iłe lo'epa iłque cal xujc'a caca'no', imanna jahuay laxits'epa. ⁵ Łepali inilingiya lipuftine, iłe ticua: "Iya' ninBabilonia. Nincuecaj quilya'. Iya' ił'máma' jahuay lacał'no' no'epá quixcay, ił'máma' jahuay iłniya petsi no'epá laxits'epa ŁanDios." Iłe linilingiya emiya cataiqui'. Ticuicomma tuhuałc'inte.

⁶ Aixim'ma imeyojpa łaca'no'. Ique ima'apola' lixanuc' ŁanDios, ihne i'huexi. Ima'apola' ts'ilihuequi Jesús, noya'apá łitaiqui'. Ixnapa liłjuats'.

Laixim'ma łaca'no' ałspajma juaiconapa. Aines'ma: "¿Te cocuajmaispa iłe laiximpa?" ⁷ Łapaluc quema'a ałmi: "¿Te coxpajcopo'? Iya' cuhuałc'e'e'mo' iłe lemiya cataiqui'. Cami'mo' te ts'i'ic' lo'onłcospola' łaca'no' y cal cuecaj coyac' quinneja ts'itaic' acaitsi lijuac, imbamaj łipecala'.

⁸ "Joupa oximpa cal cuecaj coyac' quinneja. Małque copa'a luyaipa quitine, itsiya ailopa'a, ticuaiconno, tił'ajyohuo al cuecaj pu'hua lacui'impá al Abismo. Tijoułta' tima'am'me nulemma. Lan xanuc' nomana' li'a łamats' tixim'me linneja łocuaiconaya. Ique nopa'a luyaipa quitine, itsiya ailopa'a. Tixim'me laxpaiqui'. Tołta'a ti'i'mola' ihne petsi liłpuftine aiquinilingiya al je'e. Iłe al je'e petsi linilingiya liłpuftine pe napenufpá al c'a liłpitine aimijouya. Lilajmpa li'a łamats' iłna'a łaftiné joupa inilingiya jiliya al je'e.

⁹ "Pe ts'ac'a liłpicuejma' ihne ticuec'e'me laifmipo'. Lan caitsi lijuac linneja, ihne acaitsi lijualay. Iłpe ticutsafya łaca'no'. Lan caitsi lijualay jouc'a ti'onłcospola' acaitsi lan rey. ¹⁰ Iłniya lan rey, amaxxi' joupa iłonc'empola' micuxeyi. Anuli ticuxe itsiya. Łocuena ticuaihuo, ticuxe'ma. Ique locuxeya aimicołya.

¹¹ "Cal cuecaj coyac' quinneja nopa'a luyaipa quitine, itsiya ailopa'a, ticuaiconno, iłque ocuenaj rey, cal paico. Tijoułta'

ticuxeŀe iŀne lan caitsij rey, iŀque ticuaihuo, ticuxe'ma. Tijouŀa' tejac'ma nulemma.

¹² "Limbamaj quecala' loximpa, iŀne locuenaye lan rey. Iŀniya aikuilepenufi locuxeyacu, tepenuf'me. Iŀne y cal cuecaj coyac' quinneja tepi'im'mola' liŀmane. Ticuxe'me to anuli 'hora. Aimicoŀyacola'. ¹³ Iŀne lan rey, anuli liŀpicuejma'. Tixpic'e'me, ticuayi: 'Aimaŀcuxeyacu illanc' caŀtuca'. Toŀiya timetsaicom'me cal cuecaj quinneja. Tihuejcom'me iŀque.'

¹⁴ "Tijouŀa' jahuay iŀniya tixtuc'o'me, tifule'me ŀa'huaj Moŀ. Iŀque ŀa'huaj Moŀ iŀPoujna jahuay lapoujnalá, iŀRey jahuay lan rey. Toŀiya tulij'mola' laixtuc'opá. Petsi noyejmalepá, joupa ijoc'ipola', i'huij'epola', iŀniya aimenajyacoŀtsi, ti'hua tiyejmaleyi."

¹⁵ ŀapaluc quema'a aŀpalaic'ocona'ma, aŀmi: "ŀaja loximpa pe locutsafya ŀaca'no', iŀiya ti'onŀcospa to lanxpela' xanuc', ituca' ituca' liŀnación, lopalaipa ituca' ituca' liŀtaiqui'. ¹⁶ Cal cuecaj coyac' quinneja jouc'a limbamaj quecala' loximpa iŀne tixtuc'o'me lixcay caca'no'. Tetets'i'me, texic'e'me liŀmane, tipo'no'me quituca', amila. Tehuaitsoj'me liŀpicic', tite'me. Tipi'e'me liŀpecaŀ.

¹⁷ "Ma ŀanDios nicuxepola' liŀpicuejma' iŀne limbama' lan rey. Toŀta'a i'e'me loxpicepa ŀanDios, ihuejco'me cal cuecaj coyac' quinneja. Iŀque ticuxela'. Tijouŀa' tenanŀa' jahuay loya'apa litaiqui' ŀanDios, loyac' quinneja aimicuxeconaya. (Ma mehue'e' menanŀi loya'apa litaiqui' ŀanDios, ti'hua ticuxe iŀque loyac' quinneja. Tijouŀa' tenanŀa' aimicuxeconaya.)

¹⁸ "ŀaca'no' loximpa ti'onŀcospa to al cuecaj quiŀya', iŀe liŀya' incuxepa, ticuxela' lan rey nomana' ni petsi li'a ŀamats'."

18

¹ Lijou'ma aixim'ma locuena capaluc quema'a imuyonni lema'a. Acueca' apaxi iŀque. Epalc'o'i'ma jahuay li'a ŀamats'.

² Acueca' y axpaiqui' lipalai'ma. Ipalai'ma ujfxi, tuya'e':

"iJoupa ecangemma, i'ipa camats' al cuecaj quiŀya' Babilonia! Itsiya ailopa'a xanuc' iŀpiya, timana' ma le'a lontahue.

Iŀpiya timana' lan xujc'a contahue, timana' lan xujc'a cacaŀ'hui naiyulpá, iŀniya pe lan xanuc' textits'eyi.

³ Luyaipa quitine tixoqui quileta lan xanuc' quiyouyomma lan nación tiyeyi titsuŀfoŀaiyi jipe al cuecaj quiŀya'.

Iŀiya liŀya' ti'onŀcospa to quixcay caca'no', i'e'mola' lan xanuc' camac'ta to liŀnaye.

Lan rey nomana' li'a ŀamats' tihuejyi liŀya' to mihuejyi lixcay caca'no'.

Nocucalépá ti'najnufyi locujyacu, ticujconayi ulij'me acuecaj quiŀ'huexi."

4 Aicuej'ma łocuena tipalay pu'hua lema'a, timila' lixanuc' ŁanDios:

“Imanc' aixanuc' tolipalunca jilpiya liya'.

Ja'ni aimolipalumma tonł'e'me lixcay to lo'epa ilpiya.

Tijouł'a imanc' jouc'a lan xanuc' nomana' jilpe liya' titeł'mim'molhuo' anuli.

5 Axpe' camats' ti'eyi juaiconapa lixcay.

Ile lilpixcay i'ipa to anuli cal cuecaj quijuala, icula'apa icuaita lema'a.

Itsiya linca, ŁanDios aimilonc'e'eyacola' liljunac'.

6 Ihiya liya' ma to li'e'epolhuo' imanc' toł'e'econtsa xonca.

Ile lixcay li'epa, tołpai'iconte oquemma.

Ihuants'i lixcay łołsnapa, imanc' tołhuants'i'me xonca lixcay loxnaya.

7 Ihiya liya' i'epoxi to acuecaj caca'no', ilque nipajmpa ac'a, tenant'li jahuary lojanajpa.

Itsiya imanc' tołteł'mile juaiconapa, tixinł'a acuecaj cumla, tixhuełcoł'a, tijojla'.

Luyaipa quitine ticua: 'Jifa'a cacutsu, cacuxe to cal cuecaj quincuxepa.

Iya' a'i nimpotsate, jouc'a aimal'iya tołta'a.

Aicaxhuełcoya ni cajojya, ni anulemma.'

8 Ie linespa aiqixpic'e ŁanDios, toliya icuaico'ma latełcoya.

Ile litine jilpe liya' lan xanuc' tixim'me lamaya, tixim'me lumemma, tixhuełmot'le'me, tijojhualque'me.

Łipał cunga tipi'e'ma nulemma liya', ti'i'ma capi', tejac'e'ma.

Tipa'a acueca' lipujfxi łalPoujna ŁanDios, ilque Noteł'miya ile liya'."

9 Lan rey nomana' li'a łamats' tixim'me tif'aqui licuxis mepi liya'. Luyaipa quitine ilne lan rey ac'a lomajmpa jilpe al cuecaj quilya'. To cal xujc'a caca'no' ilque liya' tepi'ila' lojanajpa.

Itsiya ihniya tijolijyi, tija'ayi. ¹⁰ Tecaxołyi aculi'. Tixpailiquila'.

Łunga tipi'enni jiliya liya', timiyi:

“¡Babilonia, ima' uncuecaj quilya'!

¡Ima' mujfxi quilya'!

Joupa ixcaiyołpo', uncuanuc', aiqicolı lotelcopa.

Tijouł'a ma le'a to anuli 'hora joupa etelquemma'."

¹¹ Nocualepá nomana' li'a łamats' jouc'a tijolijyi, tixhuełcoyi acueca' quihuotsoqueya. Itsiya, łnaitsi no'najá ts'ıltaic' ihniya?

Ailopa'a no'najá. Joupa etelquemma liya'. ¹² Ihniya nocualepá

ıltaic' al 'oro, al plata, lopic' acueca' quipitali, jouc'a lam

perla. İtaic' al c'a quijahua' al fujca, jiliya cuftine lino, jouc'a

lijahua' ummangaic' unxalcumı jouc'a unxali. Jouc'a ıltaic'

lijahua' aseda. İtaic' al c'a c'ec, tujuej c'a, ıltaic' lilajncopa

amárfil, ıltaic' lilajncopa al c'a c'ec acueca' quipitali, ıltaic'

lilajncopa abronce, lilajncopa atejma', ıltaic' lilajncopa łapic

cuftine mármol. ¹³ Itaic' cal canela, jouca' lupa c'ec lojuepa c'a, jouc'a lipa' c'ec, jouc'a licat'la al 'ec cuftine mirra, jouc'a al 'ec cuftine olíbano. Itaic' al vino, laceite, jouc'a cal 'harina trigo, jouc'a lan trigo. Itecola' lam mot'í, jouc'a locuenaye quinneja. Jouc'a itecola' laihuale, itecola' lan carro jouc'a lihxanuc' joupá i'nampola'. Jouc'a itecola' locuenaye lan xanuc' ticuj'me. ¹⁴ Nocuclepá timiyi liŷya':

“He lofjanajpa aimapenufconaya, jahuay al c'a loftepa joupá ailopa'a.

Al c'a lopijahua', jahuay lola'acoyoxi, joupá ejac'pa nulemma, aimoxingonaya.”

¹⁵ Nocuclepá jouc'a no'najualepá itne nolijpá juaiconapa jilpe al cuecaj quiŷya', itniya tecaxoŷaiyi aculi'. Tixpailiquila' lunga. Tipi'enni liŷya'. Tijolijyi, tixhuelcoyi acueca' quihuotsoqueya. ¹⁶ Ticuayi:

“Ay, acuanuc' ita'a al cuecaj quiŷya'.

Li'ipa i'huáqui to ŷaca'no' ŷetejyoxi al c'a, lipijahua' ilajncopa lan c'a quijahuati, to al fujca quijahua' cuftine lino.

Jouc'a ilajncopa lunxaŷcumi quijahua', jouc'a lunxali quijahua'.

Ipo'no'ma hila'acoyoxi ilajncopa a'oro, ilajncopa apic' acueca' quipitali, jouc'a lam perla.

¹⁷ Icoŷ'ma ma le'a anulij hora liteŷ'mim'me.

Luyaipa quitine acueca' li'hueca, itsiya joupá ijounapa.”

Tecaxoŷanna aculi' lan xanuc' nocuxepá liŷbarco, jouc'a noyepá lam barco, jouc'a jahuay no'epá canic' jilpe ŷaja. ¹⁸ Lixim'me licuxis pe ilpe lepipa al cuecaj quiŷya' tija'ayi, ticuayi: “¿Te tipa'a acueca' quiŷya' lo'onŷocospa to itiya al cuecaj quiŷya'? A'i. Ailopa'a co'onŷocoya.” ¹⁹ Tija'ayi, tijolijyi, tixhuelcoyi acueca' quihuotsoqueya. Tejuaf'iyotŷi capi' liŷjuac'. Ticuayi:

“Ay, acuanuc' juaiconapa jiliya al cuecaj quiŷya' Babilonia.

Luyaipa quitine acuecaj tomí tipa'a jilpiya.

Liŷpoujnalá jilne lam barco loyepá ŷaja tulijyi juaiconapa.

Jilpe liŷya' ti'naji hitaic' liŷbarco.

Itsiya joupá ejac'pa; ma le'a anuli 'hora icoŷ'ma liteŷ'mimpa.

²⁰ ¡Tixojla' cunlata imanc' noŷmana' lema'a!

Imanc' ixanuc' ŷanDios, imanc' unlihuequi Jesús, imanc' unc'iprofeta noluya'apá loxpíc'epa ŷanDios, jahuay imanc': ¡Tixojla' cunlata!

Joupá eteŷquemma al cuecaj quiŷya', ite liŷya' iteŷ'mipolhuo', itsiya ŷanDios iteŷ'miconapa, i'epa ŷija li'e'epolhuo'.”

²¹ Anuli cal cuecaj capaluc quema'a ipulaŷ'ma cal cuecaj caxpehui capic, ecajm'mi'ma ŷaja, ticua:

“Itque cal cuecaj capic nulemma necajm'mipa ŷaja, if'acaipa, aimipajnconaya, aimixingonayacu.

Ma tołta'a etełquemma al cuecaj quilya' Babilonia, if'acaipa, aimipajconaya.

²² Luyaipa quitine jilpe liłya' tunayi lił'harpa, tunac'liyi, tifus'miyi liłflauta, tifus'miyi liłtrompeta.

Itsiya a'i, iłpiya aimunaconayacu.

Luyaipa quitine iłpiya timana' lan xanuc' acuecaj liłpicuejma', tilanc'eyi al c'a.

Itsiya a'i, iłpiya aimixingonayacu ni anuli cal xans ts'ipicuejma'.

Luyaipa quitine jilpe ticuequinni hilepic molino, titaijyi lan trigo.

Itsiya a'i, joupá i-ch'ixcopa, aimicuejconayacu.

²³ Luyaipa quitine jilpe ulif'iya epalałc'o' łajut'łi.

Itsiya a'i, i'ipa pangay muf, jilpe aimulif'iconaya, ni anuli lepalc'o'.

Luyaipa quitine jilpe tixoqui quileta tipalaic'oyołtsi, temalliyi, ti'eyi liłjuic.

Cal xans tipalaic'o lipeno, łaca'no' tipalaic'o hipe'ailli'.

Itsiya a'i, aimicuejconayacu tołta'a, aimipalaic'oconayołtsi.

Luyaipa quitine ipalunca jahuay li'a łamats', tiłcuaiyumma jilpiya lan tsilaj xanuc' nocucalępá, ticujyi liłtaic'.

Itsiya aimi'econayacu tołta'a.

Ima' cumBabilonia, to cal bruja tofel'mila' jahuay lan xanuc' nomana' li'a łamats'."

²⁴ Ipe al cuecaj quilya' Babilonia ixim'me lixcuajaiquemma liłjuats' ilne lam profeta, lixcuajaiquemma liłjuats' lixanuc' ŁanDios, ilne i'huexi ŁanDios. Ma jilpe liłya' ixim'me jouc'a lixcuajaiquemma liłjuats' jahuay noma'ampola', ilne lan xanuc' naihuejpa ŁanDios. He liłya' itaiyinge łajunac'.

19

¹ Lijou'ma aicuej'ma tipalaiyi ujfxi axpela' lan xanuc' pu'hua lema'a, ticuayi:

"ıAleluya! ıX'najtse'eya łalPoujna ŁanDios! İlque joupá ulijpa.

Timetsaiconłe anDios, ma le'a ilque cal Cueca', ilque quituca' nipajnya ti'ay.

² No'epá quixcay a'i munłu'enyacola',

ŁanDios titeł'mi'mola', alijca titeł'mi'mola', aimuyaipa xpijma.

Itsiya joupá iteł'mipa łaca'no' no'epa acuecaj quixcay.

Ni petsi li'a łamats' iyu'iyalepa lipixcay qui'ejma', itac'uiyalepa ti'ete tołta'a.

Ima'apola' lixanuc' ŁanDios pe no'epá lipenic'.

ŁanDios joupá iteł'mipa lixcay caca'no', ipai'iconapa li'e'eyalepa."

³ Tinesconayi:

"ıAleluya! ıX'najtse'eya łalanDios!

Lilya' ti'hua tipi, aimipica, ti'hua tif'aqui lipicuxis."

⁴ Lan nuxans malujxi' lan tsilaj xanuc' noxpijpá lataiqui', jouc'a lam malujxi' lam paxi quinneja, exc'ontingotai'me LanDios Nocutsuya pe li'nof'quiya. Ticuayi:

"Amén, tołta'a ti'ı́a'.

ı́Aleluya! ı́X'najtse'eya LanDios!"

⁵ Tipamma lataiqui' pe lopa'a li'nof'quiya, timila' lan xanuc': "Jahuay imanc' nonı́'epá lipenic' LanDios łotPoujna, imanc' nołsimpá acueca' LanDios,

ja'ni unc'atsocay xanuc', ja'ni unc'atsilaj xanuc',

ı́tixojla' cunlata, tołs'najtsi'ı́te LanDios!"

⁶ Aicuej'mola' tocomma to juaiconapa axpela' lan xanuc' tipalaiyi. Aicuej'ma lopalaipa tocomma to ti'nixma axpe' caja', tocomma tunalequi juaiconapa. Ticuayi:

"ı́Aleluya, x'najtse'eya LanDios!

ı́hque ałPoujna, ticuxela' jahuay, ma le'a ı́hque ałRey, ma le'a ı́hque ticuxe.

⁷ ı́Tixojla' calata alunac'lı́te!

Ałmı́te: 'Ma' ima' manDios'.

ı́tsiya ijuic Ła'huaj Moł, ı́lejma lipeno.

ı́hque łahuats' joupa imetsaicompa, ailopa'a quehue'e'.

⁸ Joupa epi'ı́mpa lipijahua' juaiconapa tunts'ı́fqui, ı́te alino afujca.

Tołta'a ı́lipijahua' lepi'ı́mpola' petsi i'huexi LanDios,

ı́hniya mimana' li'a lamats' i'epá al c'a."

⁹ Łapaluc quema'a ałmi: "Tainı́ı́ta: Ti'e'eta' juic Ła'huaj Moł, tilecola' lipeno. Ixojma quileta lan xanuc' lijoc'ı́mpola' ı́hiya al juic." Jouc'a ałmi: "Al linca laimipo'. Małhiya itaiqui' LanDios."

¹⁰ Iya' cola' nexc'onlingai'ma łapaluc quema'a. ı́hque ałmi: "A'ı́. Aı́mo'e'me tołta'a. Ma' anuli łalpenic' iya' ima' jouc'a lopimaye noya'apá litaiqui' Jesús. Taxc'onlingai'ta' ma le'a LanDios. ı́llanc' naluya'apá litaiqui' Jesús, jahuay nı́nc'ı́profeta, ałmuc'ı́nga' cal Espı́ritu Santo."

¹¹ Aixingonapa exiya lema'a. ı́ı́hpe tipa'a anuli cal fujca caihuala. ı́hque łenafcaic' łaihuala cuftine: ı́hque Aı́mixospa. ı́hque Noya'apa al Linca. ı́hque miteł'mila' lan xanuc' ti'ay al ı́jca, jouc'a ałı́jca tifulicojma. ¹² Li'u' tocomma to lipał cunga. ı́lı́juac tipa'a axpe' corona. ı́ı́łpiya tinı́ı́jnya lipuftine. ı́hque linca ticuec'e ı́hiya laftine, locuenaye aı́micuec'eyi. ¹³ İpoxqui unxali lipijahua', ummanc'ecompa ajuats'. ı́hque ı́puftine: Litaiqui' LanDios. ¹⁴ Axpela' ı́lejmale, ı́hne nomana' lema'a, lif'as soldado. ı́lenafcaic' jouc'a lan fujca caihuale. ı́ı́po'nohua ı́lipijahua' ı́lajncopa al c'a quijahua' cuftine alino. ı́hiya ı́lijahua' afujca juaiconapa, tunts'ı́fqui. ¹⁵ Lico tipamma al cuecaj cut-silo juaiconapa quix'ay, tı́xcaı́'eco'mola' lan xanuc' nomana' li'a lamats'. Acueca' ı́ı́pujfxi ticuxe'mola'. Timuc'i'mola' lan

xanuc' lipoyac' ŁanDios, iłque cal Cuecaj Ts'ipenic' Nocux-epola' jahuay, ixtupa. Titełmi'mola', ti'huailletsuf'mola' to mi'huailequi'me lan uva, tipa'anni lijya'. ¹⁶ Lipijahua' jouc'a litungu li'mis inilingiya lipuftine ticua: Iya' xonca cacuxela' jahuay lan rey. Iya' iłPoujna jahuay lapoujnalá.

¹⁷ Aixim'ma anuli łapaluc quema'a tecaxijnya pe łopa'a cal 'ora. Tipalaic'ola' jahuay lan tsilaj cacal'hui miyulyi nolojmay lema'a. Timila': "Tonłouyunca. Tolafot'łetsotłsi petłi ŁanDios lo'eyopa licuecaj juic. ¹⁸ Tołtełe liłpixic' lan rey jouc'a liłpixic' lincuxepá soldado, jouc'a liłpixic' lan soldado, jouc'a liłpixic' lai huale jouc'a liłpixic' lilenafcaic'. Tołtełe liłpixic' jahuay lan xanuc'. Ja'ni quiłtuca' nocuxepotłsi, ja'ni liłpoujnalá ticuxela', ma' anuli tołtełe liłpixic'. Tołtełe liłpixic' lan tsocay, lan tsila' jouc'a."

¹⁹ Aixim'mola' cal cuecaj coyac' quinneja y lan rey nomana' li'a łamats', jouc'a liłsoldado. Joupa efołumma tifuli'i'me łenafcaic' cal fujca caihuale, jouc'a tifuli'i'motłsi liłsoldado. ²⁰ I'nołim'me cal cuecaj coyac' quinneja jouc'a liłprofeta nofel'miyalepa. Iłque liłprofeta li'ipa epi'impá quimane cal cuecaj coyac' quinneja ti'ela' al cueca'. Tołta'a ifel'mi'mola' pe nepenufpá liłello cal cuecaj coyac' quinneja. Ine lan xanuc' exc'onłingołai'me cal imagen, iłque lo'onłcospa to łinneja. Ine loquexi', ma quiłmaf'i', i'nij'mim'mola' al cuecaj capá imanna cunga, tipá łazufre. ²¹ Łenafcaic' quipihuala pe łaipaiyomma lico al cuecaj cutsilo, tima'ala' locuenaye lixanuc' al cuecaj coyac' quinneja, tima'acola' iłiya al cutsilo. Lan tsilaj cacal'hui naiyulpá lema'a titejñ-nila' liłpixic'. Ti'hua titeji tixhuaitłola'.

20

¹ Aixingo'ma ocuena łapaluc quema'a. Timuyomma lema'a. Inic' liyahui al cuecaj pu'hua. Jouc'a limane inic' al cuecaj cadena catejma'. ²⁻³ Łapaluc quema'a ti'nołi cal dragón, iłque łainofal nopa'a al te'a, łacui'impá Łonta'a Satanás. Ifi'e'ma. I'nij'mi'ma al cuecaj pu'hua. Tipajñla' imbamaj maxnu camats'. Italinc'i'ma cal sello. Aimipahuo cal dragón. Aim-ifel'miconayacola' lan xanuc' nomana' li'a łamats'. Tixhuaitłi limbamaj maxnu camats' tux'masquim'me huata.

⁴ Aixim'ma axpe' lan tsilaj asiento. Nocutshuołanna jilpiya epi'impola' liłmane ticuxele. Ine aikuexc'onłingołaic' cal cuecaj coyac' quinneja, aikuexc'onłingołaic' cal imagen lo'onłcospa łinneja, aikuilepenufi liłello łinneja, aikuinilingiya łilepali ni liłmane. Iniya naihuejpá Jesús, noya'apá litaiqui' ŁanDios, tołiya ima'ampola'. Tama ima'ampola', lił'alma imaf'i'. Timana' pe łopa'a Cristo. Imbamaj maxnu camats' anuli

Cristo ticuxeyi. ⁵ Iñiya lan tet'la limaf'i'ina'pola'. Tijoula' limbamaj maxnu camats' locuenaye limanapola' timaf'ina'me. ⁶ Tixoqui quileta lan tet'la limaf'i'ina'pola'. Ine linca ixanuc' LanDios, i'huexi itque, aimimaconayacola' oquemma. Lamaya aimima'aconayacola' nulemma. Ine e'aillí LanDios, e'aillí Cristo, ti'eyi lipenic'. Limbamaj maxnu camats' tiyejmale'me Cristo, ticuxe'me anuli.

⁷ Tixhuaitsi limbamaj maxnu camats' tux'masquim'me Satanás. Jiłpe lifingiya tif'ajnahuo, tipahuo. ⁸ Ni petsi li'a lamats' ti'hua tifel'mila' lan xanuc', lan nación, ine pe aimihuejyi LanDios.

Lan xanuc' lacui'impola' Magog, nocuxepola' lacui'impa Gog, Satanás tefot'lela' tifule'me. To axpe' cal cuixa łopa'a lema caja, tołta'a axpela' iñiya, aimi'iya mixhuj'menyacola'. Tifule'me. ⁹ Tipalyomma ni petsi li'a lamats'. Icuaiyunca pe lefołya lixanuc' LanDios. Jiłpe al cuecaj quilya' pe ts'ipic'a LanDios, małpe lomanc'epa lixanuc', if'em'mijpá. Aiximpa ilpe ecangemma cunga lema'a, tipi'ela'. Joupa i'ipola' capi' lan xanuc' pe aimicuec'eyi LanDios. ¹⁰ Cal Satanás nifel'miyalepa, i'nij'mim'me al cuecaj capa imanna cunga, tipi łazufre. Małpe lapa ti'nij'minni, joupa i'nij'mimpola' cal cuecaj coyac' quin-neja jouc'a hiprofeta linfel'miyale. Itine ipuqui' tixinte acuecaj cumla. Aimijouya latełcoya, ti'hua ticoli.

¹¹ Lijou'ma aixim'ma anuli al cueca' quexpats'qui li'nof'quiya afujca. Aixim'ma naitsi jiłpe łocutsuya. Lema'a y lamats' aimi'iya micolayacola' pe łopa'a jiłque, tejac'mola'. Aimixinconayacola'. ¹² Aixim'mola' limanapola', lan tsila' y lan tsocay. Tecaxolanna jiłpiya. Lan je'e pe linilingiya li'epa joupa uxpalaifquimpa. Ilpe aixim'ma łocuenaj je'e uxpalaifcona'me. Jiłpe inilingiya liłpuftine petsi nepenufpá liłpitine aimijouya. Cal Juez tixhue lan je'e linilingiya li'epa limanapola'. Lijou'ma timila' lo'iyacola'. ¹³ Ine lomanapola' nomana' łaja ipalyonca. Jouc'a ipalunca petsi cuftine Hades, petsi Lamaya ummepola'. Limanapola', ma' anuli to li'epa, ti'i'ma lo'iyacola'. Tołta'a lomipola' cal Juez. ¹⁴ Jiłpiya al cuecaj capa imanna cunga ti'nij'minnila' Lamaya jouc'a ile al lugar cuftine Hades. ¹⁵ Jiłpe al cuecaj capa imanna cunga, ti'nij'minnila' jouc'a jahuay petsi aiqunilingiya liłpuftine jiłe al je'e. Iñiya petsi ninilingiya liłpuftine, pe joupa nepenufpá liłpitine aimijouya, aiqunij'minnila'.

21

¹ Aixim'ma al ts'e quema'a y ats'e lamats'. Ailopa'a caja. Lomana' itsiya lema'a y li'a lamats' joupa ejac'pola'. ² Aixim'ma al Paxi Quilya', ile al ts'e Jerusalén imuyomma lema'a pe łopa'a

ŁanDios. Iiġya al cuecaj quiġya' etejyoxi juaiconapa al c'a, ma to metej'moxi ľahuats' namaneya, litine tilecola' ġipe'ailli'.

³ Aicuej'ma anuli tipalay, iġque łopa'a ġiġpe lexpats'qui li'nof'quiya. Tipalay ujfxi, ticua:

“ġToxinġa', icuaico'me ŁanDios y lixanuc', itsiya timajm'me anuli!

ŁanDios tines'ma: 'Iġne ġinca aixanuc', iya' ilenDios'.

Iġque ġilenDios aimecanujyacola' quiġtuca'.

⁴ ŁanDios tetufc'ena'mola' lilujay lixanuc', aimijolijconayacu.

Iġpe litine aimi'iya camaya, tijouna'ma nulemma.

Aimixhuelmot'Łeconayacu, aimijolijconayacu, aimiteŁconayacu cumla.

Ti'ġġa' toġta'a ġoupa ipaicopa jahuay.”

⁵ Nocutsafya lexpats'qui li'nof'quiya ticua: “ġToxinġa'! Ca'e'econghua ats'e.” Aġpalaic'opa, aġmi: “Tainiġiġnġa' laifmipo' itsiya. Al ġinca ġaitaiqui', aimipaicoya.”

⁶ Ti'hua aġpalaic'o, aġmi: “ġoupa enanġpa jahuay ġaimipo'. Iya' aġ'onŁcospa to ġainila cal A, ġouc'a aġ'onŁcospa to ġainila cal Z. Iya' aipangopa jahuay, iya' ġouc'a ġajou'ne'ma jahuay. Pe ġaicuipa quiġa' iya' cuhui'i'ma quiġa', tixnaġa' petsi ġaipayomma ġaja', iġe ġapi'iya ġipitine aimijouya. Aica'najtsi'iya, ma le'a cuhui'i'ma tixnaġa'.

⁷ ”Cal xans nolijya, toġta'a ti'i'ma, toġta'a tepenuf'ma. Iġque ai'hua, iya' enDios, aicacanujya. ⁸ Ituca' lo'iyacola' pe notaipá calaic'ata, iġne aimalihuequi. ġouc'a ituca' lo'iyacola' pe aimahuaingeyge, ġouc'a iġniya ġan xujc'a xanuc', ġouc'a noma'ahualepá, ġouc'a nahuepá quilecaġno', ġouc'a ġam brujo, ġouc'a naxc'onŁingotaipá ġilendiosla', ġouc'a ġinfel'miyalepá. Jahuay iġniya tepenuf'me ġapi'iyacola'. Tecajm'mim'mola' al cuecaj ġapa imanna cunga, tipi ġazufre. Toġta'a lo'iyacola' pe nomaconayacola' oquemma.”

⁹ ġiġpe ġema'a ġan ġaitsi ġapaluc' quema'a ġiluhuaic' ġiġtaza, iġne imanohila' ġan ġaitsi ġijoucola' ġateŁcoya, anuli iġniya ġapaluc' quema'a aġpalaic'o, aġmi: “To'huanni. ġepá. Camuc'ito' ľahuats' namaneya. Ła'huaj Moġ tileco'ma.”

¹⁰ ġijou'ma aixim'ma to i'hua'ma ġaipicuejma', aġeco'ma al toncay anuli cal cuecaj quiġuala itoqui. Aixim'ma al Paxi Quiġya' ġerusalén timuyomma ġema'a pe ġopa'a ŁanDios.

¹¹ Iġta'a ġiġya' epalc'o'. ġipepalc'o' maġe ġipepalc'o' ŁanDios. Ma to munts'ifqui ġapic acueca' quipitali, ma toġe tepalc'o'i al Cuecaj Quiġya', tunts'ifqui to ġapic cuġtine ġaspe, cangufca i'huáqui.

¹² Canumicay ġiġya' ġipa'a cal cuecaj quitoqui ġaitaġ. Iiġya ġaitaġ ġipa'a ġimbamaj coque' ġipuertá. ġiġpe cal puertá tecaxoġanna ġapaluc' quema'a, anuli anuli al puerta. Iġpe cal puertá ġiniġingiya ġiġpuftine ġimbamaj coquexi' ġinaxque' cal xans Israel, iġne ġaġtatahueló. Apuerta apuerta ġipa'a ġiġpuftine. ¹³ Iġpe

łaitał lehuoc'ocojma laipammaiyomma cal 'ora tipa'a afane' cal puertá. Lehuoc'ocojma lo'huayomma łujfxi cahua' tipa'a afane' cal puertá. Lehuoc'ocojma lo'huayomma łahua' quema caja tipa'a afane' cal puertá. Lehuoc'ocojma lof'acaiyopa cal 'ora tipa'a afane' cal puertá. ¹⁴ Iłpe łipitał łiłya' itsahuecomma imbamaj coque' lapiç'. Anuli anuli łapic tiniliłjnya anuli laftine. Liłpuftine iłne limbamaj coquexi' lan apóstole, iłne ts'ilihuequi Ła'huaj Moł.

¹⁵ Łapaluc quema'a łapalaic'o'ma itaic' łoxpijcompa. Tocomma al łaj-jaxa, ilajncopa a'oro. Tixpijta iłpe łiłya' jouc'a lipuertá, jouc'a łipitał. ¹⁶ Liłya' ma' anuli lipitoqui lipexpats'qui. Łapaluc quema'a tixpicufi łiłya'. Lixpicufpa imbamaj coquej mil estadio. Liłya' lipitoqui, li'nofquiya, lipexpats'qui ma' anuli lixpicufpa. Iłne limbamaj coquej mil estadio ixhuaitsi to oquej mil, oquej maxnu kilómetro. ¹⁷ Tixpicufi łaitał ma to mixpicufyi lan xanuc', ma tołe tixpicufi łapaluc quema'a. Iłque łaitał tixhuaispa anuli maxnu oquej nuxans malpu codo. (Tocomma to afane' nuxans y amaque' metro.)

¹⁸ Łaitał ilajncopa łapic cuftine ajaspe. Liłya' ilajncopa a'oro xonca al c'a. Tunts'ifqui to al pulu lepaquiya.

¹⁹ Pe lipanc'micopa łipitał łiłya' i'huáqui ac'a juaiconapa, ilanc'empa al c'a. Iłpiya timana' imbamaj coque' lapiç', acueca' ipitali iłniya lapiç'. Cal te'a capic ajaspe, łihuequi azafiro, łocuena a'ágata, łocuena a'esmeralda, ²⁰ łocuena asardónica, (iłque a'onix), łocuena acornalina, łocuena acrisólito, łocuena aberilo, łocuena atopacio, łocuena acrisoprasa, łocuena ajacinto, łijoujma capic a'amatista. ²¹ Limbamaj coque' lipuertá ilajncopa aperla. Anuli anuli lipuerta ilajncopa anuli cal perla. Al cuecaj cane łiłya' ilajncopa a'oro xonca al c'a. Tunts'ifqui to lepaquiya al pulu.

²² Iłpiya aicaixim'ma xoute'. Ailopa'a. Iłpiya łiłya' tipa'a łapPoujna ŁanDios, ticuxe jahuay. Lan xanuc' text'onłingołaiyi ŁanDios, text'onłingołaiyi Ła'huaj Moł. ²³ Ni cal 'ora ni cal mut'ła aimepalc'o'i łiłya'. Aimicuicomma. Ma ŁanDios lipepalc'o' tepalc'o'i, Ła'huaj Moł jouc'a epalc'o'. ²⁴ Iłe lipepalc'o' iłpe łiłya' tepalc'o'ila' lan nación, tiyełe al c'a lan xanuc'. Iłpiya łiłya' tiłcuaispa lan tsila' quincuxepá nomana' li'a łamats'. Iłtaic' cal cueca' quili'huexi tipo'nota jilpe. ²⁵ Cal puertá timanemma exiliya. Iłpe pangay quitine. Aimimufc'o'. Ailopa'a quipuqui', aimixnif'miya cal puertá. ²⁶ Iłpe tiłcuaispa lan xanuc' quiyouyomma jahuay lan nación. Tiłcuai'espa al cueca' quili'huexi, jahuay al c'a li'hueca. ²⁷ Jilpe titsulfaiyi ma le'a lan xanuc' liniliłgiya liłpuftine lije'e Ła'huaj Moł, iłe al je'e petsi liniliłgiya liłpuftine pe nepenufpá liłpitine aimijouya. Aimitsufaiya jilpiya

petsi aimetentma LanDios. Jouc'a aimitsuflaiyacu pe no'epá al xujc'a, ni nofel'miyalepá.

22

1-2 Lapaluc quema'a ałmuc'i'ma al pana'. Jiłpe al pana' a'i quijueł laja', tunts'ifqui to lepaquiya al pulu. Al pana' tipayomma lexpats'qui li'nof'quiya pe lomana' LanDios y La'huaj Moł. Tinu al cuecaj cane liya'. Jahuay noxnapá jiłe laja' ti'hua ts'ihmaf'i'. Lema łema al pana' tipa'a al 'ec. Notepá ki'as iłe al 'ec tepenufyi liłpitine aimijouya. Amut'la amut'la al 'ec ti'atsi. Tixhuaitsi anuli camats' joupá i'aspa imbamaj coquemma. Afxi iłpela, tixał'mela' lan xanuc' nomana' lan nación. ³ Jiłpe tipa'a ma le'a letentłcocopa LanDios. Licuajquimpa ailopa'a. Małpe liya' tipa'a lexpats'qui li'nof'quiya pe lomana' LanDios y La'huaj Moł. Lan xanuc' naimetsaicopá LanDios to quihPoujna, iłpiya ti'eyi lipenic', texc'onłingoiyi pe łopa'a. ⁴ Tehuelojnyi li'a La'huaj Moł, lipuftine tiniliłjnya iłepali. ⁵ Iłpe ailopa'a quipuqui'. Aimicuicomma quepalc'o', ni łepał 'ora ni ocuena quepalc'o' to lapalc'o'ipa łamats'. IłiłPoujna, iłque LanDios, tepalc'o'ila'. Lixanuc' ticuxe'me, aimijouya iłicuxejma.

⁶ Lapaluc quema'a ałmi: “Al linca jiłe lataiqui' laifmipo'. Ma tołta'a ti'i'ma. LanDios, iłque iłPoujna lam profeta, alummepa iya' epaluc. Ałmuc'ipa lo'iya. Lixanuc' no'epá lipenic', LanDios ipic'a ti'ila' quilsina' iłe lo'iya.”

⁷ “¡Toxinła! Aimakołya. Ma cacuaihuo. Tixoqui queta naitsi nopo'nopa cuenna loya'apa LanDios, iłe litaiqui' liniliłgiya fa'a iłta'a al je'e.”

⁸ Iya' ninJuan joupá aicuejpa iłniya łataiqui', joupá aiximpa li'ipa. Tołiya nexc'onłingai'ma li'mitsi' łapaluc quema'a, iłque łalmuc'ipa tołta'a, iłe joupá ninilpa fa'a al je'e. ⁹ Lapaluc ałmi: “A'i. Aimo'e'ma tołta'a. Jahuay ał'eyi lipenic' łalPoujna LanDios, ima' jouc'a lapimaye lam profeta, jouc'a no'epá cuenna lominiliłjmpa fa'a iłta'a al je'e. Taxc'onłingaiłta' LanDios.” ¹⁰ Jouc'a ałmi: “Iłta'a al je'e aimoxpats'ijm'ma lisello. Jifa'a tiniliłjnya lixpicepa LanDios. Itsiya aimicołya, ma ti'i'ma. ¹¹ Cal xans latentłcocopa lixcay lo'epa, ti'hua ti'econłta' lixcay. Cal xans latentłcocopa al xujc'a lo'epa, ti'hua ti'econłta' al xujc'a. Cal xans latentłcocopa al c'a lo'epa, ti'hua ti'econłta' al c'a. Cal xans pe i'huexi LanDios ti'hua tihuejla' LanDios, aimenaj'moxi.”

¹² “¡Toxinła! Aimakołya. Cacuaicoconno. Lan xanuc' to lo'epa, ma' anuli tepenufconame. Cacuaiyunni, lan c'a xanuc' tepenuf'me al c'a. Lixcay xanuc' tepenuf'me lixcay. ¹³ Iya' ał'onłcospa to łainila cal A, jouc'a ał'onłcospa to łainila cal Z. Aipangopa jahuay, jouc'a jahuay cajou'ne'ma. Iya' ninTe'a jouc'a niłjoutma.”

14 Tixoj'ma quileta petsi joupa epajpa liṭpijehua', ËanDios tixim'mola' limpio. Ìniya tepi'i'mola' liṭmane titele hi'as al 'ec lapi'iyacola' liṭpitine aimijouya. Titsuflai'me cal puertá, timajnta jiṭpe al Paxi Liṭya'. 15 Ëuna timana' lan xujc'a xanuc' lo'onṭcospola' to lan tsilqui. Jouc'a timana' lam brujo, jouc'a pe nahuepá quilecaṭ'no', jouc'a noma'ahualepá, jouc'a pe naxc'onṭingolaipá lilendiosla', jouc'a pe natets'ipá al linca, jouc'a linfel'miyale.

16 “Iya' ninJesús nummepa ìainepaluc. Ìe laitaiqui' lomuc'impo' cu'ila' jahuay lapimaye lolafot'ṭepoṭtsi. Iya' lanef'epa cal rey David, ilque aitatahuelo. Iya' capalc'o'i acueca', toṭta'a lacui'impá ninXamna Quilic'ejma'.”

17 Cal Espíritu Santo jouc'a Ëipeno cal Moṭ timiyi: “¡To'huanni!”

Naitsi nocuejpa ìe lataiqui' jouc'a timiṭa': “¡To'huanni!”

Imanc', ja'ni ticui conṭja', toliṭoc'otaiyunca. Laja' lapi'iyacolhuo' loṭpitine aimijouya, toṭsnaṭe. Ìe laja' tepi'im'molhuo', aimi'najtsi'inyacolhuo'.

18 Lataiqui' liniliya fa'a al je'e ma' itaiqui' ËanDios, tuya'e' lixpíc'epa. Iya' camilhuo' jahuay imanc' noṭquimf'epá: Aimolatonc'i'me. Ja'ni tolatonc'i'me ËanDios xonca' titeṭ'mi'molhuo'. Titeṭ'mi'molhuo' to linilingiya jiṭta'a al je'e, ìe tuya'e' lixpíc'epa ËanDios. 19 Jouc'a aimoliṭonc'e'me anuli lataiqui'. Ja'ni toliṭonc'e'me anuli jiṭta'a lataiqui' ËanDios tiṭonc'e'e'molhuo' lapi'ipola' lixanuc', ìe loya'apa iṭta'a al je'e. Toṭta'a aimepi'inyacolhuo' lane moṭejacu hi'as jiṭe al 'ec lapi'ipola' lan xanuc' liṭpitine aimijouya. Aimoṭsulfaiyacu al Paxi Quiṭya'.

20 Lataiqui' liniliya fa'a al je'e itaiqui' Nopalaipa itsiya, ticua: “Ëinca cacuaiyoconno. Aimaṭcoṭya.”

Amén. Toṭta'a ti'ila'. Ima' maiPoujna Jesús: ¡To'huanni!

21 ËalPoujna Jesús mouqui mouqui titoc'itsolhuo' jahuay imanc'. Amén. Toṭta'a ti'ila'.